

LIBRARY
Brigham Young University



DANIEL C. JACKLING LIBRARY
IN THE
FIELD OF RELIGION

lv



BREVIARIUM

ROMANUM

PARS ÆSTIVA

[N° 87]

BREVIAIRIUM

1800

PARIS, 1800



CORVESCENS IN EDULIUM.

IN NORTHAMPTON AND TOWNS

ALBERT MANN ET FILII ROTTERDAMI

282.02
C 286610
1898
V. 3

BREVIARIUM ROMANUM

EX DECRETO SACROSANCTI CONCILII TRIDENTINI RESTITUTUM

S. PII V. PONTIFICIS MAXIMI

IUSSU EDITUM

CLEMENTIS VIII. URBANI VIII. ET LEONIS XIII.

AUCTORITATE RECOGNITUM

CUM OFFICIIS SANCTORUM

NOVISSIME PER SUMMOS PONTIFICES USQUE AD HANC DIEM CONCESSIS

PARS ÆSTIVA



TURONIBUS

TYPIS A. MAME ET FILIORUM

S. SEDIS APOSTOLICÆ ET S. RITUM CONGREGATIONIS
TYPOGRAPHORUM

M. D. CCC. XCVIII

APPROBATIO

HÆC editio typicæ conformis reperta est. In fidem etc.

Ex Secretaria Sacrorum Rituum Congregationis, hac die
28 Octobris 1893.

(L. † S.)

Pro R. P. D. Vincentio Nussi

Secretario.

Joannes PONZI Substitutus.

TABULA

ROMÆ EDITA, ET AD HOROLOGIIUM GALLICUM ACCOMMODATA

DE HORA

qua potest inchoari pro die sequenti Officium Nocturnum
a privatim recitantibus.

20 Januarii,	Hora secunda cum quadrante.
13 Februarii,	Hora sesqui-secunda.
1 Martii,	Hora secunda cum tribus quadrantibus.
18 Martii,	Hora tertia.
4 Aprilis,	Hora tertia cum quadrante.
20 Aprilis,	Hora sesqui-tertia.
10 Maii,	Hora tertia cum tribus quadrantibus.
8 Junii,	Hora quarta.
30 Julii,	Hora tertia cum tribus quadrantibus.
28 Augusti,	Hora sesqui-tertia.
7 Septembris,	Hora tertia cum quadrante.
24 Septembris,	Hora tertia.
13 Octobris,	Hora secunda cum tribus quadrantibus.
20 Octobris,	Hora sesqui-secunda.
18 Novembris,	Hora secunda cum quadrante.
15 Decembris,	Hora secunda.

ORDO LIBRORUM

PER ANNI CIRCULUM IN ECCLESIA DEI LEGENDORUM
PATET PER HOS VERSUS

Disce per hoc scriptum quid sit, vel quando legendum.
Adventus proprie vult sermones Isaïæ.
Post Natale sacrum recitat sacra lectio Paulum.
Quinque libros Moysi tibi Septua Quadraque misit.
Vult sibi scripta legi Jeremiæ Passio Christi.
Actus Apostolicus sequitur post Pascha legendus.
Hinc Apocalypsim lege, Canonicasque vicissim.
Post Pentecosten Regum liber exit in hostem.
Inde per Augustum retinet Sapientia scutum.
Per totum mensem Sapiens Salomon tenet ensem.
Cantat September Job, Tobiam, Judith, Esther.
Octobri mense Machabæa trophæa recense.
Isti Ezechiel, Daniel, durabunt mense Novembri.
Postea tu repetes bis sex in fine Prophetas.

EX DECRETORUM REGISTRO

SACRÆ RITUUM CONGREGATIONIS

HÆC AD BREVIARIUM ROMANUM ATTINENT

SACRA Rituum Congregatio declaravit et decrevit, non potuisse post Bullam S. Pii V. de Breviario Romano, neque posse locorum Ordinarios, tam Sæculares quam Regulares, addere Kalendaris, etiam propriis, Sanctorum Officia, nisi ea dumtaxat quæ Breviarii Romani Rubricis, vel Sacræ Rituum Congregationis, seu Sedis Apostolicæ licentia conceduntur: neque propria auctoritate, quovis prætextu, mutare ritum qui habetur in Kalendario Romano seu Rubricis Breviarii, in altiore ritum, neque extendere concessa Officia de loco ad locum.

Item vetuit et prohibuit celebrari per totam Civitatem vel Diocesim, etiam de cujuscumque Ordinarii auctoritate, Festum cum Officio, eo quod in loco adsit Ecclesia Parochialis, vel Regularis, vel Abbatialis, aut aliqua Reliquia, sed tantum in ipsius Sancti Ecclesia titulari, seu ubi asservatur corpus aut insignis Reliquia, et non alibi.

Insignes autem Reliquias declaravit esse caput, brachium, crus, aut illam partem corporis in qua passus est Martyr, modo sit integra, et non parva, et legitime ab Ordinariis approbata.

De sanctis Episcopis locorum, Martyribus, Civibus, et aliis Festis, de quibus in Kalendario Romano seu Rubricis Breviarii nihil habetur, uti etiam de Beatis nondum canonizatis, nihil propria auctoritate constituatur, sed omnino consulatur Sacra Rituum Congregatio.

Decretum quoque nuper editum super electione Sanctorum in Patronos, et impressum, omnino servetur.

Et hæc omnia decrevit, statuit, et mandavit, innovando pœnas Constitutionis S. Pii V. respective.

Facta demum relatione horum Decretorum SS. D. N. Urbano Papa VIII., ea laudavit et approbavit, atque ab omnibus ubique sub prædictis pœnis servari præcepit; necnon in novis Breviariis de mandato Sanctitatis Suæ imprimendis apponi jussit. Die 13 Januarii 1634.

Loco † sigilli.

T. TEGRIMIUS Episcopus Assisien., Secret.

EJUSDEM PRO SANCTIS AD LIBITUM

EADEM Sacra Rituum Congregatio, habita die 2 Decembris 1673, statuit ex mandato Clementis X. Festa Sanctorum ad libitum in posterum non esse transferenda, si eorum festivitas incidat in diem Dominicam, vel aliquem diem Festorum mobilium, sed tunc illo anno eorum Officia esse omittenda. Quod ipsum postea Innocentius Papa XI. in Congregatione habita 24 Januarii 1682 generali decreto confirmavit, et extendit insuper etiam ad Octavas et Natalitia Sanctorum, de præcepto in aliqua Religione vel Diœcesi, ex indulto Apostolico recitanda. Ita ut ne quidem dictis Festis vel Octavis Festa ad libitum tunc incidentia possint recitari, sed omitti prorsus debeant.

Permisit tamen, ut Festum translatum quod alias eo die celebrandum foret, in alium diem non impeditum transferatur: item ut eodem die omitti possit Officium semel per hebdomadam aut mensem recitandum ex indulto Apostolico, ut ita locus sit celebrando Officio ad libitum.

EJUSDEM PRO SANCTIS IN MARTYROLOGIO NON DESCRIPTIS

OFFICIA Sanctorum ratione Corporis, seu insignis Reliquiæ, recitanda, ex Decreto S. R. Congregationis 11 Augusti 1691 intelligi debere de Sanctis dumtaxat in Martyrologio Romano descriptis, et dummodo constet de identitate Corporis, seu Reliquiæ insignis illiusmet Sancti, qui reperitur in Martyrologio Romano descriptus: de cæteris autem Sanctis in prædicto Martyrologio non descriptis, aut quibus a Sancta Sede non fuerit specialiter concessum, Officia recitari et Missas celebrari vetuerunt, non obstante quod ipsorum Corpora, vel

insignes reliquiae in Ecclesiis asservuntur : quibus tamen ab Ordinariis locorum approbatis debitam fidelium venerationem (prout hactenus servatum est) exhibendam esse censuerunt, sed absque Officio et Missa, sub poenis de non satisfaciendo praecepto recitandi Officium, aliisque in Constitutione S. Pii V. contentis. Die 11 Augusti 1691, et Sanctissimus approbavit die 19 Octobris ejusdem anni 1691.

Loco † sigilli.

J. VALLEMANUS S. R. C. Secret.

DECRETA GENERALIA CIRCA RUBRICAS

CUM Sacrorum Rituum Congregationi demisse supplicatum fuerit sequentia dubia declarare :

Primum. An, cum multis Congregationibus, Religionibus, sive Ecclesiis, vel Nationibus concessum sit a Sancta Sede Apostolica, ut semel, vel pluries in singulis hebdomadis, vel mensibus celebrentur varia Officia per annum, v. g., de Sanctissimo Sacramento, vel de Sanctis, in diebus non impeditis aliquo Festo duplici vel semiduplici, liceat ejusmodi Officia facere etiam in diebus sanctae Quadragesimae, Adventus, Vigiliarum, et Quatuor Temporum, etiamsi de his diebus nulla sit facta specialis mentio in aliquibus Officiorum concessionibus?

Secundum. An dies impeditus Festo duplici vel semiduplici pro dictis Officiis recitandis, intelligantur etiam dies in quibus ponendum est Officium de Festo duplici vel semiduplici translato, quemadmodum dicitur responsum fuisse olim a Sacra Congregatione : Quod scilicet Festum duplex vel semiduplex etiam translatum, necnon dies Octavae sit dies impeditus respectu talium Officiorum?

Tertium. An Regulares absque speciali privilegio, sed sola communicatione privilegiorum aliarum Religionum, possint addere nomen Sancti Fundatoris in Litanis, et Confiteor? itemque recitare Officia et Missas concessas aliis Religionibus?

Sacrorum Rituum eadem Congregatio, ad relationem Eminentissimi et Reverendissimi Domini Card. Colloredo, respondit :

Ad primum, Negative, et hujusmodi indulta non habere locum in Feriis Adventus, Quadragesimae, Quatuor Temporum, Vigiliarum, sive cum jejunio, sive absque jejunio, nec in Feria secunda Rogationum, nec in illa Feria in qua secundum Rubricas sit reponendum Officium Dominicae.

Ad secundum, affirmative.

Ad tertium, negative in omnibus.

Et ita declaravit, ac servari voluit. Ac insuper ut Declarationes, seu Decreta praedicta omnibus innotescant, typis ea imprimi mandavit. Die 20 Martii 1706.

Loco † sigilli.

G. Card. CARPINEUS.

B. INGHIRAMI Sac. Rit. Cong. Secret.

LICENTIA ET APPROBATIO ORDINARII

GUILLELMUS RENATUS MEIGNAN

Miseratione Divina et Sanctæ Sedis Apostolicæ gratia, S. R. E. Cardinalis
Presbyter, tituli SS. Trinitatis in monte Pincio, Archiepisc. Turon.

Omnibus has visuris Salutem in Domino.

CUM a Papa URBANO VIII. decretum sit ne quis typographus Breviarium Romanum PII V. Pont. Max. jussu editum, CLEMENTIS VIII. primum, deinde ipsius URBANI VIII. auctoritate recognitum, imprimat vel in lucem edat sine licentia, eaque in scriptis, obtenta ab Ordinario loci, ac nisi prius ab eodem cum exemplari typis Vaticanis anno 1632 excuso concordare fuerit repertum; hinc est quod dederimus licentiam dilectis Nobis A. MAME et Filiis, typographis et bibliopolis Turonensibus, illud imprimendi, dummodo tamen in impressione absolvenda nuperrima vel alia correctissima uterentur editione Romana, et illius exemplo absolutissime et strictissime se conformarent. Insuper eidem novæ editioni Breviarii inserta volumus Officia, ab ultima editione Romana a Sancta Sede ad universalem Ecclesiam extensa, eaque juxta exempla typographiæ Rev. Cameræ Apostolicæ.

Postquam autem Breviarium prædictorum A. MAME et Filiorum opera ac typis absolutum cognovimus, et per revisores ad id deputatos fuimus legitime informati illud cum suo originali, diligenti collatione facta, convenire, dictum Breviarium in 4 vol. ut vocant in-12, excusum approbavimus, prout per præsentantes approbamus.

In quorum fidem hasce subsignavimus, sigilloque nostro, ac Secretarii nostri generalis chirographo muniri fecimus.

Turonibus, die 20 Octobris 1893.

† GUILLELMUS RENATUS CARD. MEIGNAN

ARCHIEPISCOPUS TURONENSIS.

Loco † sigilli.

De Mandato EE. ac RR. DD. Cardinalis Archiepisc. Turon.

J. SELLIER Can. Secret. gen.

DE ANNO ET EJUS PARTIBUS

ANNUS menses habet duodecim, hebdomadas duas et quinquaginta, et diem unum: dies vero trecentos sexaginta quinque, et fere sex horas: tanto enim temporis intervallo sol Zodiacum perlustrat. Quater autem sex horæ singulis quaternis annis diem constituunt: hinc annus ille intercalaris, Bissexthus, vel Bissextilis dicitur.

De anni correctione, ejusque necessitate, ac Calendario Gregoriano.

QUOD dictum est, annum continere trecentos et sexaginta quinque dies, et fere sex horas, intelligendum est sex horas non esse integras, cum ad eam complementum aliqua minuta deficiant.

Ex quorum minorum neglectu progressum est, ac si annus ultra dies 365 contineret integras sex horas; et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem: qui causam dederunt ut Æquinoctium vernum sedem suam mutaverit.

Cui malo occurrens Gregorius XIII. non solum Æquinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582, præcedendo recesserat, quod a Concilio ad xij. Kalendas Aprilis fuerat constitutum, et xiv. Lunam Paschalem suo in loco reposuit; sed viam quoque tradidit, et rationem, qua caveretur ut in posterum et Æquinoctium vernum, et xiv. Luna Paschalis a propriis sedibus numquam removerentur.

Ut enim Æquinoctium vernum ad xij. Kalendas Aprilis restitueretur, statuit ut dicti decem dies in mense Octobris ipsius anni 1582 eximerentur; ut post quartam diem Octobris sancto

Francisco sacram, sequens dies non esset quinta, sed decima quinta Octobris. Et ita error, qui in præteritum tot annorum circulis irrepserat, in momento temporis fuit correptus.

Ut autem in posterum idem error vitaretur, ne ad xij. Kalendas Aprilis Æquinoctium vernum recederet, statuit idem Gregorius, Bissextum quarto quoque anno (uti mos est) continuari debere, præterquam in centesimis annis: qui quamvis Bissextiles antea semper fuerint, qualem etiam esse voluit annum 1600, anno correctionis proximum, post eum tamen, qui deinceps consequentur, centesimi, non omnes Bissextiles essent, sed in quadringentis quibusque annis primi quinque tres centesimi sine Bissexto transigerentur; quartus vero quisque centesimus esset Bissextilis, ita ut annus 1700, 1800, 1900, Bissextiles non sint, anno vero 2000 more consueto dies Bissexthus intercaletur, Februario dies 29 continente; idemque ordo intermittendi intercalandique Bissextum diem in quadringentis quibusque annis perpetuo conservaretur.

Quatuor Tempora.

QUATUOR Tempora celebrantur quarta et sexta FERIA, ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post Festum Exaltationis sanctæ Crucis.

Nuptiæ quando celebrari non possint juxta Decretum Tridentini Concilii.

ADOMINICA prima Adventus usque in diem Epiphaniæ, et a FERIA quarta Cinerum usque in Octavam Paschatis inclusive, sancta Synodus solemnitates Nuptiarum prohibet. In aliis vero temporibus Nuptias solemniter celebrari permittit.



TABULA PASCHALIS

ANTIQUA REFORMATA

AUR. NUM.	CYCLUS EPACTARUM	LITT. DOM.	SEPTUAGESIMA	DIES CINERUM	PASCHA	ASCENSIO	PENTECOSTES	CORPUS CHRISTI	DOMINICÆ POST PENTEC.	DOMINICA I. ADVENTUS
16 5	xxijj xxij	d	Jan. 18	Feb. 4	Mar. 22	Ap. 30	Mai. 10	Mai. 21	28	29 N.
13	xxj	e	19	5	23	1 Mai.	11	22	28	30
2	xx xix	f g	20 21	6 7	24 25	2 3	12 13	23 24	28 28	1 D. 2
10	xvijj xvij	A b	22 23	8 9	26 27	4 5	14 15	25 26	28 27	3 28 N.
18	xvj xv	c d	24 25	10 11	28 29	6 7	16 17	27 28	27 27	28 29
7	xv xiv	e	26	12	30	8	18	29	27	30
15	xijj xij	f g	27 28	13 14	31 1 Ap.	9 10	19 10	30 31	27 27	1 D. 2
4	xj x	A b	29 30	15 16	2 3	11 12	21 22	1 Jun. 2	27 26	3 27 N.
12	x ix	c	31	17	4	13	23	3	26	28
1	vijj vij	d	1 Feb.	18	5	14	24	4	26	29
9	vij vj	e f	2 3	19 20	6 7	15 16	25 26	5 6	26 26	30 1 D.
17	v iv	g A	4 5	21 22	8 9	17 18	27 28	7 8	26 26	2 3
6	ijj ij	b	6	23	10	19	29	9	25	27 N.
14	j j *	c d	7 8	24 25	11 12	20 21	30 31	10 11	25 25	28 29
3	xxix	e f	9 10	26 27	13 14	22 23	1 Jun. 2	12 13	25 25	30 1 D.
11	xxvijj xxvij	g A	11 12	28 1 Mar.	15 16	24 25	3 4	14 15	25 25	2 3
19	xxvj xxvj	b	13	2	17	26	5	16	24	27 N.
8	xxiv	c d	14 15	3 4	18 19	27 28	6 7	17 18	24 24	28 29
		e f	16 17	5 6	20 21	29 30	8 9	19 20	24 24	30 1 D.
		g A	18 19	7 8	22 23	31 1 Jun.	10 11	21 22	24 24	2 3
		b c	20 21	9 10	24 25	2 3	12 13	23 24	23 23	27 N. 28

TABULA PASCHALIS

LITTERÆ DOMINICAL.	CYCLUS EPACTARUM	SEPTUAG.	DIES CINERUM
D	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	18 Jan. 25 Jan. 1 Febr. 8 Febr. 15 Febr.	4 Febr. 11 Febr. 18 Febr. 25 Febr. 4 Mart.
E	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	19 Jan. 26 Jan. 2 Febr. 9 Febr. 16 Febr.	5 Febr. 12 Febr. 19 Febr. 26 Febr. 5 Mart.
F	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	20 Jan. 27 Jan. 3 Febr. 10 Febr. 17 Febr.	6 Febr. 13 Febr. 20 Febr. 27 Febr. 6 Mart.
G	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	21 Jan. 28 Jan. 4 Febr. 11 Febr. 18 Febr.	7 Febr. 14 Febr. 21 Febr. 28 Febr. 7 Mart.
A	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	22 Jan. 29 Jan. 5 Febr. 12 Febr. 19 Febr.	8 Febr. 15 Febr. 22 Febr. 1 Mart. 8 Mart.
B	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	23 Jan. 30 Jan. 6 Febr. 13 Febr. 20 Febr.	9 Febr. 16 Febr. 23 Febr. 2 Mart. 9 Mart.
C	23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24.	24 Jan. 31 Jan. 7 Febr. 14 Febr. 21 Febr.	10 Febr. 17 Febr. 24 Febr. 3 Mart. 10 Mart.

NOVA REFORMATA

PASCHA	ASCENSIO	PENTECOST.	CORPUS CHRISTI	DOM. C. PENT.	DOM. I. ADVENT.
22 Mart. 29 Mart. 5 Apr. 12 Apr. 19 Apr.	30 Apr. 7 Maii. 14 Maii. 21 Maii. 28 Maii.	10 Maii. 17 Maii. 24 Maii. 31 Maii. 7 Junii.	21 Maii. 28 Maii. 4 Junii. 11 Junii. 18 Junii.	28 27 26 25 24	29 Nov. 29 29 29 29
23 Mart. 30 Mart. 6 Apr. 13 Apr. 20 Apr.	1 Maii. 8 Maii. 15 Maii. 22 Maii. 29 Maii.	11 Maii. 18 Maii. 25 Maii. 1 Junii. 8 Junii.	22 Maii. 29 Maii. 5 Junii. 12 Junii. 19 Junii.	28 27 26 25 24	30 Nov. 30 30 30 30
24 Mart. 31 Mart. 7 Apr. 14 Apr. 21 Apr.	2 Maii. 9 Maii. 16 Maii. 23 Maii. 30 Maii.	12 Maii. 19 Maii. 26 Maii. 2 Junii. 9 Junii.	23 Maii. 30 Maii. 6 Junii. 13 Junii. 20 Junii.	28 27 26 25 24	1 Dec. 1 1 1 1
25 Mart. 1 Apr. 8 Apr. 15 Apr. 22 Apr.	3 Maii. 10 Maii. 17 Maii. 24 Maii. 31 Maii.	13 Maii. 20 Maii. 27 Maii. 3 Junii. 10 Junii.	24 Maii. 31 Maii. 7 Junii. 14 Junii. 21 Junii.	28 27 26 25 24	2 Dec. 2 2 2 2
26 Mart. 2 Apr. 9 Apr. 16 Apr. 23 Apr.	4 Maii. 11 Maii. 18 Maii. 25 Maii. 1 Junii.	14 Maii. 21 Maii. 28 Maii. 4 Junii. 11 Junii.	25 Maii. 1 Junii. 8 Junii. 15 Junii. 22 Junii.	28 27 26 25 24	3 Dec. 3 3 3 3
27 Mart. 3 Apr. 10 Apr. 17 Apr. 24 Apr.	5 Maii. 12 Maii. 19 Maii. 26 Maii. 2 Junii.	15 Maii. 22 Maii. 29 Maii. 5 Junii. 12 Junii.	26 Maii. 2 Junii. 9 Junii. 16 Junii. 23 Junii.	27 26 25 24 23	27 Nov. 27 27 27 27
28 Mart. 4 Apr. 11 Apr. 18 Apr. 25 Apr.	6 Maii. 13 Maii. 20 Maii. 27 Maii. 3 Junii.	16 Maii. 23 Maii. 30 Maii. 6 Junii. 13 Junii.	27 Maii. 3 Junii. 10 Junii. 17 Junii. 24 Junii.	27 26 25 24 23	28 Nov. 28 28 28 28

TABELLA TEMPORARIA

ANNO DOM.	LITTERÆ DOM.	AUR. NUM.	EPACTÆ	SEPTUAG.	DIES CINERUM	PASCHA
1894	g	14	xxij	21 Jan.	7 Febr.	25 Mart.
1895	f	15	iv	10 Febr.	27 Febr.	14 Apr.
1896	e d	16	xv	2 Febr.	19 Febr.	5 Apr.
1897	c	17	xxvj	14 Febr.	3 Mart.	18 Apr.
1898	b	18	vij	6 Febr.	23 Febr.	10 Apr.
1899	A	19	xviiij	29 Jan.	15 Febr.	2 Apr.
1900	g	1	xxix	11 Febr.	28 Febr.	15 Apr.
1901	f	2	x	3 Febr.	20 Febr.	7 Apr.
1902	e	3	xxj	26 Jan.	12 Febr.	30 Mart.
1903	d	4	ij	8 Febr.	25 Febr.	12 Apr.
1904	c b	5	xij	31 Jan.	17 Febr.	3 Apr.
1905	A	6	xxiv	19 Febr.	8 Mart.	23 Apr.
1906	g	7	v	11 Febr.	28 Febr.	15 Apr.
1907	f	8	xvj	27 Jan.	13 Febr.	31 Mart.
1908	e d	9	xxviij	16 Febr.	4 Mart.	19 Apr.
1909	c	10	viiij	7 Febr.	24 Febr.	11 Apr.
1910	b	11	xix	23 Jan.	9 Febr.	27 Mart.
1911	A	12	.	12 Febr.	1 Mart.	16 Apr.
1912	g f	13	xj	4 Febr.	21 Febr.	7 Apr.
1913	e	14	xxij	19 Jan.	5 Febr.	23 Mart.
1914	d	15	iiij	8 Febr.	25 Febr.	12 Apr.
1915	c	16	xiv	31 Jan.	17 Febr.	4 Apr.
1916	b A	17	xxv	20 Febr.	8 Mart.	23 Apr.
1917	g	18	vj	4 Febr.	21 Febr.	8 Apr.
1918	f	19	xviij	27 Jan.	13 Febr.	31 Mart.
1919	e	1	xxix	16 Febr.	5 Mart.	20 Apr.
1920	d c	2	x	1 Febr.	18 Febr.	4 Apr.
1921	b	3	xxj	23 Jan.	9 Febr.	27 Mart.
1922	A	4	ij	12 Febr.	1 Mart.	16 Apr.
1923	g	5	xiiij	28 Jan.	14 Febr.	1 Apr.
1924	f e	6	xxiv	17 Febr.	5 Mart.	20 Apr.
1925	d	7	v	8 Febr.	25 Febr.	12 Apr.
1926	c	8	xvj	31 Jan.	17 Febr.	4 Apr.
1927	b	9	xxviij	13 Febr.	2 Mart.	17 Apr.
1928	A g	10	viiij	5 Febr.	22 Febr.	8 Apr.
1929	f	11	xix	27 Jan.	13 Febr.	31 Mart.
1930	e	12	.	16 Febr.	5 Mart.	20 Apr.
1931	d	13	xj	1 Febr.	18 Febr.	5 Apr.
1932	c b	14	xxij	24 Jan.	10 Febr.	27 Mart.
1933	A	15	ij	12 Febr.	1 Mart.	16 Apr.

FESTORUM MOBILIIUM

ANNO DOM.	ASCENSIO	PENTE- COSTES	CORPUS CHRISTI	INDICTIO	DOM. POST PENTEC.	I. DOMINICA ADVENT.
1894	3 Maii.	13 Maii.	24 Maii.	7	28	2 Dec.
1895	23 Maii.	2 Junii.	13 Junii.	8	25	1 Dec.
1896	14 Maii.	24 Maii.	4 Junii.	9	26	29 Nov.
1897	27 Maii.	6 Junii.	17 Junii.	10	24	28 Nov.
1898	19 Maii.	29 Maii.	9 Junii.	11	25	27 Nov.
1899	11 Maii.	21 Maii.	1 Junii.	12	27	3 Dec.
1900	24 Maii.	3 Junii.	14 Junii.	13	25	2 Dec.
1901	16 Maii.	26 Maii.	6 Junii.	14	26	1 Dec.
1902	8 Maii.	18 Maii.	29 Maii.	15	27	30 Nov.
1903	21 Maii.	31 Maii.	11 Junii.	1	25	29 Nov.
1904	12 Maii.	22 Maii.	2 Junii.	2	26	27 Nov.
1905	1 Junii.	11 Junii.	22 Junii.	3	24	3 Dec.
1906	24 Maii.	3 Junii.	14 Junii.	4	25	2 Dec.
1907	9 Maii.	19 Maii.	30 Maii.	5	27	1 Dec.
1908	28 Maii.	7 Junii.	18 Junii.	6	24	29 Nov.
1909	20 Maii.	30 Maii.	10 Junii.	7	25	28 Nov.
1910	5 Maii.	15 Maii.	26 Maii.	8	27	27 Nov.
1911	25 Maii.	4 Junii.	15 Junii.	9	25	3 Dec.
1912	16 Maii.	26 Maii.	6 Junii.	10	26	1 Dec.
1913	1 Maii.	11 Maii.	22 Maii.	11	28	30 Nov.
1914	21 Maii.	31 Maii.	11 Junii.	12	25	29 Nov.
1915	13 Maii.	23 Maii.	3 Junii.	13	26	28 Nov.
1916	1 Junii.	11 Junii.	22 Junii.	14	24	3 Dec.
1917	17 Maii.	27 Maii.	7 Junii.	15	26	2 Dec.
1918	9 Maii.	19 Maii.	30 Maii.	1	27	1 Dec.
1919	29 Maii.	8 Junii.	19 Junii.	2	24	30 Nov.
1920	13 Maii.	23 Maii.	3 Junii.	3	26	28 Nov.
1921	5 Maii.	15 Maii.	26 Maii.	4	27	27 Nov.
1922	25 Maii.	4 Junii.	15 Junii.	5	25	3 Dec.
1923	10 Maii.	20 Maii.	31 Maii.	6	27	2 Dec.
1924	29 Maii.	8 Junii.	19 Junii.	7	24	30 Nov.
1925	21 Maii.	31 Maii.	11 Junii.	8	25	29 Nov.
1926	13 Maii.	23 Maii.	3 Junii.	9	26	28 Nov.
1927	26 Maii.	5 Junii.	16 Junii.	10	24	27 Nov.
1928	17 Maii.	27 Maii.	7 Junii.	11	26	2 Dec.
1929	9 Maii.	19 Maii.	30 Maii.	12	27	1 Dec.
1930	29 Maii.	8 Junii.	19 Junii.	13	24	30 Nov.
1931	14 Maii.	24 Maii.	4 Junii.	14	26	29 Nov.
1932	5 Maii.	15 Maii.	26 Maii.	15	27	27 Nov.
1933	25 Maii.	4 Junii.	15 Junii.	1	25	3 Dec.

JANUARIUS

Cyclus Epact.	Littera Dom.	Dies mensis.	
*	A	Kal.	1 CIRCUMCISIO DOMINI, <i>dupl. 2. cl.</i>
xxix	b	iv	2 Octava S. Stephani, <i>dupl. Commem. Oct.</i>
xxviii	c	iii	3 Octava S. Joannis Apost. et Evang. <i>dupl. Commem. Oct. SS. Innocentium.</i>
xxvii	d	Prid.	4 Octava SS. Innocentium Mm. <i>dupl.</i>
xxvj	e	Non.	5 Vigilia Epiphaniæ, <i>semid. Commem. S. Telesphori Papæ et Mart.</i>
25. xxv	f	viii	6 EPIPHANIA DOMINI, <i>duplex 1. classis.</i>
xxiv	g	vii	7 De Octava Epiphaniæ.
xxiii	A	vj	8 De Octava.
xxii	b	v	9 De Octava.
xxj	c	iv	10 De Octava.
xx	d	iii	11 De Octava. <i>Commem. S. Hygini Papæ et Mart.</i>
xix	e	Prid.	12 De Octava.
xviii	f	Idib.	13 Octava Epiphaniæ, <i>dupl. Dom. II. post Epiphaniam. SS. NOMINIS JESU, dupl. 2. cl. Commem. Dom.</i>
xvii	g	xix	14 S. Hilarii Episc. Conf. et Eccles. Doct. <i>dupl. Commem. S. Felicis Presb. et Mart.</i>
xvj	A	xviii	15 S. Pauli primi Eremitæ Conf. <i>dupl. Commem. S. Mauri Abbatis.</i>
xv	b	xvij	16 S. Marcelli I. Papæ et Mart. <i>semid.</i>
xiv	c	xvj	17 S. Antonii Abbat. <i>dupl.</i>
xiii	d	xv	18 Cathedra S. Petri Romæ, <i>dupl. maj. Commem. sanctæ Priscæ Virg. et Mart.</i>
xii	e	xiv	19 S. Canuti Regis et Mart. <i>semid. ad libit. Commem. SS. Marii et Soc. Mm.</i>
xj	f	xiii	20 SS. Fabiani Papæ et Sebastiani Mm. <i>dupl.</i>
x	g	xij	21 S. Agnetis Virg. et Mart. <i>dupl.</i>
ix	A	xj	22 SS. Vincentii et Anastasii Mm. <i>semid.</i>
viii	b	x	23 S. Raymundi de Pennafort Conf. <i>semid. Commem. sanctæ Emerentianæ Virg. et Mart.</i>
vii	c	ix	24 S. Timothei Episc. et Mart. <i>dupl.</i>
vj	d	viii	25 Conversio S. Pauli Apost. <i>dupl. maj.</i>
v	e	vii	26 S. Polycarpi Episc. et Mart. <i>dupl.</i>
iv	f	vj	27 S. Joannis Chrysostomi Episc. Conf. et Eccl. Doct. <i>dupl.</i>
iii	g	v	28 S. Agnetis Virg. et Mart. <i>secundo.</i>
ij	A	iv	29 S. Francisci Salesii Episc. Conf. et Eccles. Doct. <i>dupl.</i>
i	b	iii	30 S. Martinæ Virg. et Mart. <i>semid.</i>
*	c	Prid.	31 S. Petri Nolasci Conf. <i>dupl.</i>

FEBRUARIUS

Cyclus Epact.	Littera Dom.	Dies mensis.	
xxix	d	Kal.	1 S. Ignatii Episc. et Mart. <i>dupl.</i>
xxviiij	e	iv	2 PURIFICATIO B. M. V. <i>dupl. 2. cl.</i>
xxviij	f	iiij	3 S. Blasii Episc. et Mart.
25. xxvj	g	Prid.	4 S. Andreae Corsini Episc. et Conf. <i>dupl.</i>
xxv. xxiv	A	Non.	5 S. Agathae Virg. et Mart. <i>dupl.</i>
xxiiij	b	viiij	6 S. Titi Episc. et Conf. <i>dupl. Commem.</i> sanctae Dorotheae Virg. et Mart.
xxij	c	vij	7 S. Romualdi Abbatis, <i>dupl.</i>
xxj	d	vj	8 S. Joannis de Matha Conf. <i>dupl.</i>
xx	e	v	9 S. Cyrilli Episc. Alexandrini, Conf. et Eccl. Doct. <i>dupl. Commem.</i> sanctae Apolloniae Virg. et Mart.
xix	f	iv	10 S. Scholasticae Virg. <i>dupl.</i>
xviiij	g	iiij	11 SS. Septem Fundatorum Ordinis Servorum B. M. V. Conf. <i>dupl.</i>
xvij	A	Prid.	12
xvj	b	Idib.	13
xv	c	xvj	14 S. Valentini Presbyt. et Mart
xiv	d	xv	15 SS. Faustini et Jovitae Mm.
xiiij	e	xiv	16
xij	f	xiiij	17
xj	g	xij	18 S. Simeonis Episc. et Mart.
x	A	xj	19
ix	b	x	20
viiij	c	ix	21
vij	d	viiij	22 Cathedra S. Petri Antiochiae, <i>dupl. maj.</i>
vj	e	vij	23 S. Petri Damiani Episc. Conf. et Eccl. Doct. <i>dupl. Commem.</i> Vigiliae S. Mathiae.
v	f	vj	24 S. MATHIAE APOSTOLI, <i>dupl. 2. cl.</i>
iv	g	v	25
iiij	A	iv	26
ij	b	iiij	27
j	c	Prid.	28

In anno bissextili mensis Februarius est dierum 29, et Festum S. Mathiae celebratur die 25 Februarii, et bis dicitur Sexto Kalendas, id est die 24, et die 25; et littera Dominicalis, quae assumpta fuit in mense Januario, mutatur in praecedentem; ut si in Januario littera Dominicalis fuerit A, mutatur in praecedentem, quae est g, etc.; et littera f bis servit 24 et 25.

MARTIUS

Cyclus Epact.	Littera Dom.	Dies mensis.	
*	d	Kal.	1
xxix	e	vj	2
xxviij	f	v	3
xxvij	g	iv	4 S. Casimiri Conf. <i>semid.</i> <i>Commem.</i> S. Lucii I. Papæ et Mart.
xxvj	A	iiij	5
25. xxv	b	Prid.	6
xxiv	c	Non.	7 S. Thomæ de Aquino Conf. et Eccl. Doct. <i>dupl.</i> <i>Commem.</i> SS. Perpetuæ et Felicitatis Mm.
xxiiij	d	viiij	8 S. Joannis de Deo Conf. <i>dupl.</i>
xxij	e	vij	9 S. Franciscæ Romanæ Viduæ, <i>dupl.</i>
xxj	f	vj	10 SS. Quadraginta Martyrum, <i>semid.</i>
xx	g	v	11
xix	A	iv	12 S. Gregorii I. Papæ Conf. et Eccles. Doct. <i>dupl.</i>
xviij	b	iiij	13
xvij	c	Prid.	14
xvj	d	Idib.	15
xv	e	xvij	16
xiv	f	xvj	17 S. Patritii Episc. et Conf. <i>dupl.</i>
xiiij	g	xv	18 S. Cyrilli Hierosolymitani Episc. Conf. et Eccl. Doct. <i>dupl.</i>
xij	A	xiv	19 S. JOSEPH CONF. SPONSI B. M. V. <i>dupl.</i> 1. cl.
xj	b	xiiij	20
x	c	xij	21 S. Benedicti Abbatis, <i>dupl.</i> <i>maj.</i>
ix	d	xj	22
viiij	e	x	23
vij	f	ix	24
vj	g	viiij	25 ANNUNTIATIO B. M. V. <i>dupl.</i> 1. cl.
v	A	vij	26
iv	b	vj	27 S. Joannis Damasceni Conf. et Eccl. Doct. <i>dupl.</i>
iiij	c	v	28 S. Joannis a Capistrano Conf. <i>semid.</i>
ij	d	iv	29
j.	e	iiij	30
	f	Prid.	31

Feria VI. post Dom. Passionis. Septem Dolorum B. M. V. *dupl.* *maj.* *Commem.* Feriæ.

APRILIS

Cyclus Epact.	Littera Dom.	Dies mensis.	
xxix	g	Kal.	1
xxviiij	A	iv	2 S. Francisci de Paula Conf. <i>dupl.</i>
xxviij	b	iiij	3
25. xxvj	c	<i>Prid.</i>	4 S. Isidori Episc. Conf. et Eccl. Doct. <i>dupl.</i>
xxv. xxiv	d	<i>Non.</i>	5 S. Vincentii Ferrerii Conf. <i>dupl.</i>
xxiiij	e	viiij	6
xxij	f	vij	7
xxj	g	vj	8
xx	A	v	9
xix	b	iv	10
xviiij	c	iiij	11 S. Leonis I. Papæ Conf. et Eccles. Doct. <i>dupl.</i>
xvij	d	<i>Prid.</i>	12
xvj	e	<i>Idib.</i>	13 S. Hermenegildi Regis Mart. <i>semid.</i>
xv	f	xviiij	14 S. Justini Mart. <i>dupl. Commem. SS. Tiburtii, Valeriani et Maximi Mm.</i>
xiv	g	xvij	15
xiiij	A	xvj	16
xij	b	xv	17 S. Aniceti I. Papæ et Mart.
xj	c	xiv	18
x	d	xiiij	19
ix	e	xij	20
viiij	f	xj	21 S. Anselmi Episc. Conf. et Eccl. Doct. <i>dupl.</i>
vij	g	x	22 SS. Soteris et Caii Pont. et Mm: <i>semid.</i>
vj	A	ix	23 S. Georgii Mart. <i>semid.</i>
v	b	viiij	24 S. Fidelis a Sigmaringa Mart. <i>dupl.</i>
iv	c	vij	25 S. MARCI EVANGELISTÆ, <i>dupl. 2. cl.</i>
iiij	d	vj	26 SS. Cleti et Marcellini Pont. et Mm. <i>semid.</i>
ij	e	v	27
j	f	iv	28 S. Pauli a Cruce Conf. <i>dupl. Commem. S. Vitalis Mart.</i>
*	g	iiij	29 S. Petri Mart. <i>dupl.</i>
xxix	A	<i>Prid.</i>	30 S. Catharinæ Senensis Virg. <i>dupl.</i>

Dominica III. post Pascha. PATROCINII
S. JOSEPH Conf. Sponsi B. M. V. *dupl.*
2. cl. *Commem. Dominicæ.*

MAIUS

	Cyclus Epact.	Littera Dom.	Dies mensis.	
	xxviiij	b	Kal.	1 SS. PHILIPPI ET JACOBI APOST. <i>dupl. 2. cl.</i>
	xxviij	c	vj	2 S. Athanasii Episc. Conf. et Eccles. Doct. <i>dupl.</i>
	xxvj	d	v	3 INVENTIO S. CRUCIS, <i>dupl. 2. cl. Commem.</i> SS. Alexandri I. Papæ et Soc. Mm., ac Juvenalis Episc. et Conf.
25.	xxv	e	iv	4 S. Monicæ Viduæ, <i>dupl.</i>
	xxiv	f	iiij	5 S. Pii V. Papæ et Conf. <i>dupl.</i>
	xxiiij	g	Prid.	6 S. Joannis ante portam Latinam, <i>dupl. maj.</i>
	xxij	A	Non.	7 S. Stanislai Episc. et Mart. <i>dupl.</i>
	xxj	b	viiij	8 Apparitio S. Michaëlis Archangeli, <i>dupl. maj.</i>
	xx	c	vij	9 S. Gregorii Nazianzeni Episc. Conf. et Eccl. Doct. <i>dupl.</i>
	xix	d	vj	10 S. Antonini Episc. et Conf. <i>dupl. Commem.</i> SS. Gordiani et Epimachi Mm.
	xviiij	e	v	11
	xviij	f	iv	12 SS. Nerei, Achillei et Domitillæ Virg., atque Pancratii Mm. <i>semid.</i>
	xvj	g	iiij	13
	xv	A	Prid.	14 S. Bonifacii Mart.
	xiv	b	Idib.	15
	xiiij	c	xviij	16 S. Ubaldi Episc. et Conf. <i>semid.</i>
	xij	d	xvj	17 S. Paschalis Baylon Conf. <i>dupl.</i>
	xj	e	xv	18 S. Venantii Mart. <i>dupl.</i>
	x	f	xiv	19 S. Petri Cælestini Papæ et Conf. <i>dupl. Commem.</i> sanctæ Pudentianæ Virg.
	ix	g	xiiij	20 S. Bernardini Senensis Conf. <i>semid.</i>
	viiij	A	xij	21
	vij	b	xj	22
	vj	c	x	23
	v	d	ix	24
	iv	e	viiij	25 S. Gregorii VII. Papæ et Conf. <i>dupl. Commem.</i> S. Urbani I. Papæ et Mart.
	iiij	f	vij	26 S. Philippi Nerii Conf. <i>dupl. Commem.</i> S. Eleutherii Papæ et Mart.
	ij	g	vj	27 S. Mariæ Magdalenæ de Pazzis Virg. <i>semid. Commem.</i> S. Joannis Papæ et Mart.
	j	A	v	28 S. Augustini Cantuariensis Episc. et Conf. <i>dupl.</i>
	*	b	iv	29
	xxix	c	iiij	30 S. Felicis I. Papæ et Mart.
	xxviiij	d	Prid.	31 S. Angelæ Mericiæ Virg. <i>dupl. Commem.</i> sanctæ Petronillæ Virg.

Fer. VI. post Oct. SS. Corporis Christi,
SACRATISSIMI CORDIS JESU, duplex
1. classis.

JUNIUS

Cyclus Epact.	Littera Dom.	Dies mensis.	
	e	Kal.	1
25. xxvij	f	iv	2 SS. Marcellini, Petri atque Erasmi Mm.
xxvj	g	iiij	3
xxv. xxiv	A	Prid.	4 S. Francisci Caracciolo Conf. <i>dupl.</i>
xxiiij	b	Non.	5 S. Bonifacii Episc. et Mart. <i>dupl.</i>
xxij	c	viiij	6 S. Norberti Episc. et Conf. <i>dupl.</i>
xxj	d	vij	7
xx	e	vj	8
xix	f	v	9 SS. Primi et Feliciani Mm.
xviii	g	iv	10 S. Margaritæ Reginæ Scotiæ Viduæ, <i>semid.</i>
xvij	A	iiij	11 S. Barnabæ Apostoli, <i>dupl. maj.</i>
xvj	b	Prid.	12 S. Joannis a S. Facundo Conf. <i>dupl. Com-</i>
xv	c	Idib.	13 <i>mem.</i> SS. Basilidis et Soc. Mm.
xiv	d	xviiij	14 S. Antonii de Padua Conf. <i>dupl.</i>
xiii	e	xvij	15 S. Basilii Magni Episc. Conf. et Eccl. Doct. <i>dupl.</i>
xij	f	xvj	16 SS. Viti, Modesti atque Crescentiæ Mm.
xj	g	xv	17
x	A	xiv	18 SS. Marci et Marcelliani Mm.
ix	b	xiiij	19 S. Julianæ de Falconeriis Virg. <i>dupl. Com-</i>
viii	c	xij	20 <i>mem.</i> SS. Gervasii et Protasii Mm.
vij	d	xj	21 S. Silverii Papæ et Mart.
vj	e	x	22 S. Aloysii Gonzagæ Conf. <i>dupl.</i>
v	f	ix	23 S. Paulini Episc. et Conf.
iv	g	viiij	24 Vigilia.
iii	A	vij	25 NATIVITAS S. JOANNIS BAPTISTÆ,
ij	b	vj	26 <i>dupl. 1. cl.</i>
j	c	v	27 S. Gulielmi Abbatis, <i>dupl. Commem. Oct.</i>
+	d	iv	28 SS. Joannis et Pauli Mm. <i>dupl. Commem.</i>
xxix	e	iiij	29 Octavæ.
xxviii	f	Prid.	30 De Oct. Nativit. S. Joannis, <i>semid.</i>
xxvii			31 S. Leonis II. Papæ et Conf. <i>semid. Com-</i>
xxvi			<i>mem.</i> Octavæ et Vigiliæ.
xxv			SS. PETRI ET PAULI APOST. <i>dupl. 1. cl.</i>
xxiv			Commem. S. Pauli Apostoli, <i>dupl. maj.</i>
xxiii			Commem. Oct. Nativit. S. Joannis.

JULIUS

Cyclus Epact.	Littera Dom.	Dies mensis.	
			Dom. I. Julii. PRETIOSISSIMI SANGUINIS D. N. J. C. <i>dupl. 2. cl. Commem. Dom.</i> Octava S. Joannis Baptistæ, <i>dupl. Com- mem. Oct. SS. Apost.</i>
xxvj	g	Kal.	1
25. xxv	A	vj	2
xxiv	b	v	3
xxij	c	iv	4
xxij	d	iiij	5
xxj	e	Prid.	6
xx	f	Non.	7
xix	g	viiij	8
xviiij	A	vij	9
xvij	b	vj	10
xvj	c	v	11
xv	d	iv	12
xiv	e	iiij	13
xiiij	f	Prid.	14
xij	g	Idib.	15
xj	A	xvij	16
x	b	xvj	17
ix	c	xv	18
viiij	d	xiv	19
vij	e	xiiij	20
vj	f	xij	21
v	g	xj	22
iv	A	x	23
iiij	b	ix	24
ij	c	viiij	25
j	d	vij	26
*	e	vj	27
xxix	f	v	28
xxviiij	g	iv	29
xxvij	A	iiij	30
25. xxvj	b	Prid.	31

Dom. I. Julii. PRETIOSISSIMI SANGUINIS
D. N. J. C. *dupl. 2. cl. Commem. Dom.*
Octava S. Joannis Baptistæ, *dupl. Com-
mem. Oct. SS. Apost.*
VISITATIO B. M. V. *dupl. 2. cl. Commem.*
SS. Processi et Martiniani Mm.
De Octava SS. Apost. *semid.*
De Octava.
S. Antonii Mariæ Zaccaria Conf. *dupl. Commem. Oct.*
Octava SS. Apost. Petri et Pauli, *dupl.*
SS. Cyrilli et Methodii Pont. et Conf. *dupl.*
S. Elisabeth Reg. Portug. Vid. *semid.*
SS. Septem Fratrum Mm. et SS. Rufinæ
ac Secundæ Virg. et Mm. *semid.*
S. Pii I. Papæ et Mart.
S. Joannis Gualberti Abbat. *dupl. Com-
mem. SS. Naboris et Felicis Mm.*
S. Anacleti Papæ et Mart. *semid.*
S. Bonaventuræ Episc. Conf. et Doct. *dupl.*
S. Henrici Imperat. Conf. *semid.*
B. M. V. de Monte Carmelo, *dupl. maj.*
S. Alexii Conf. *semid.*
S. Camilli de Lellis Conf. *dupl. Commem.*
SS. Symphorosæ et septem filiorum
ejus Mm.
S. Vincentii a Paulo Conf. *dupl.*
S. Hieronymi Æmiliani Conf. *dupl. Com-
mem. sanctæ Margaritæ Virg. et Mart.*
S. Praxedis Virg.
S. Mariæ Magdalenæ Pœnitentis, *dupl.*
S. Apollinaris Episc. et Mart. *dupl. Com-
mem. S. Liborii Episc. et Conf.*
Vigilia. *Commem. sanctæ Christinæ Virg.
et Mart.*
S. JACOBI APOSTOLI, *dupl. 2. cl. Commem.*
S. Christophori Mart.
S. ANNÆ MATRIS B. M. V. *dupl. 2. cl.*
S. Pantaleonis Mart.
SS. Nazarii, Celsi, Victoris I. Papæ Mm.,
ac Innocentii I. Papæ et Conf. *semid.*
S. Marthæ Virg. *semid. Commem. SS. Fe-
licis II. Papæ, Simplicii, Faustini et
Beatricis Mm.*
SS. Abdon et Sennen Mm.
S. Ignatii de Loyola Conf. *dupl.*

AUGUSTUS

Cyclus Epact.	Littera Dom.	Dies mensis.	
xxv. xxiv	c	Kal.	1 S. Petri ad Vincula, <i>dupl. maj. Commem.</i> SS. Machabæorum Mm.
xxiiij	d	iv	2 S. Alphonsi Mariæ de Ligorio Episc. Conf. et Eccl. Doct. <i>dupl. Commem.</i> S. Ste- phani I. Papæ et Mart.
xxij	e	iiij	3 Inventio S. Stephani Protomart. <i>semid.</i>
xxj	f	Prid.	4 S. Dominici Conf. <i>dupl. maj.</i>
xx	g	Non.	5 Dedic. sanctæ Mariæ ad Nives, <i>dupl. maj.</i>
xix	A	viiij	6 Transfiguratio Domini, <i>dupl. maj. Com- mem.</i> SS. Xysti II. Papæ, Felicissimi et Agapiti Mm.
xviiij	b	vij	7 S. Cajetani Conf. <i>dupl. Commem.</i> S. Donati Episc. et Mart.
xvij	c	vj	8 SS. Cyriaci, Largi et Smaragdi Mm. <i>semid.</i>
xvj	d	v	9 Vigilia. <i>Commem.</i> S. Romani Mart.
xv	e	iv	10 S. LAURENTII MART. <i>dupl. 2. cl.</i>
xiv	f	iiij	11 De Oct. <i>semid. Commem.</i> SS. Tiburtii et Susannæ Mm.
xiiij	g	Prid.	12 S. Claræ Virg. <i>dupl. Commem.</i> Oct.
xij	A	Idib.	13 De Oct. <i>semid. Commem.</i> SS. Hippolyti et Cassiani Mm.
xj	b	xix	14 De Oct. <i>semid. Commem.</i> Vigil. et S. Eu- sebii Conf.
x	c	xviiij	15 ASSUMPTIO B. M. V. <i>dupl. 1. cl.</i> <i>Dom. infra Oct. Assumpt. S. JOACHIM CONF. PATRIS B. M. V. dupl. 2. cl. Com- mem. Dom.</i>
ix	d	xvij	16 S. Hyacinthi Conf. <i>dupl. Commem.</i> Oct. Assumpt. et S. Laurentii.
viiij	e	xvj	17 Octava S. Laurentii Mart. <i>dupl. Commem.</i> Oct. Assumpt.
vij	f	xv	18 De Oct. <i>semid. Commem.</i> S. Agapiti Mart.
vj	g	xiv	19 De Octava.
v	A	xiiij	20 S. Bernardi Abbatis, Conf. et Eccles. Doct. <i>dupl. Commem.</i> Oct.
iv	b	xij	21 S. Joannæ Franciscæ Fremiot de Chantal Viduæ, <i>dupl. Commem.</i> Oct.
iiij	c	xj	22 Octava Assumpt. B. M. V. <i>dupl. Commem.</i> SS. Timothei et Soc. Mm.
ij	d	x	23 S. Philippi Benitii Conf. <i>dupl. Comm.</i> Vigil.
j	e	ix	24 S. BARTHOLOMÆI AP. <i>dupl. 2. cl. (Rom. 25.)</i>
	f	viiij	25 S. Ludovici Regis Conf. <i>semid. (Rom. 26.)</i>
xxix	g	vij	26 S. Zephyrini Papæ et Mart.
xxviiij	A	vj	27 S. Josephi Calasactii Conf. <i>dupl.</i>
xxviij	b	v	28 S. Augustini Episc. Conf. et Eccles. Doct. <i>dupl. Commem.</i> S. Hermetis Mart.
xxvj	c	iv	29 Decollatio S. Joannis Baptistæ, <i>dupl. maj.</i> <i>Commem.</i> sanctæ Sabinæ Mart.
25. xxv	d	iiij	30 S. Rosæ Limanæ Virg. <i>dupl. Commem.</i> SS. Felicis et Adaucti Mm.
xxiv	e	Prid.	31 S. Raymundi Nonnati Conf. <i>dupl.</i>

SEPTEMBER

Cyclus Epact.	Littera Dom.	Dies mensis.	
xxij	f	Kal.	1 S. Ægidii Abbatis. Commem. SS. Duodecim Fratrum Mm.
xxij	g	iv	2 S. Stephani Hungariæ Regis Conf. semid.
xxj	A	ijj	3
xx	b	Prid.	4
xix	c	Non.	5 S. Laurentii Justiniani Episcopi et Conf. semid.
xvij	d	vijj	6
xvij	e	vij	7
xvj	f	vj	8 NATIVITAS B. M. V. dupl. 2. cl. Commem. S. Hadriani Mart. Dom. infra Oct. Nativit. B. M. V. SS. Nominis ejusdem B. M. V. dupl. maj. Commem. Dominicæ.
xv	g	v	9 De Oct. semid. Comm. S. Gorgonii Mart.
xiv	A	iv	10 S. Nicolai de Tolentino Conf. dupl. Commem. Octavæ.
xij	b	ijj	11 De Octava, semid. Commem. SS. Proti et Hyacinthi Mm.
xij	c	Prid.	12 De Octava, semid.
xj	d	Idib.	13 De Octava, semid.
x	e	xvij	14 Exaltatio sanctæ Crucis, dupl. maj. Commem. Octavæ.
ix	f	xvij	15 Octava Nativitatis B. M. V. dupl. Commem. S. Nicomedis Mart. Dom. III. Septembris. Septem Dolorum B. M. V. dupl. maj. Commem. Dom.
vij	g	xvj	16 SS. Cornelii et Cypriani Pont. et Mm. semid. Commem. SS. Euphemiæ et Soc. Mm.
vij	A	xv	17 Impressio Sacrorum Stigmatum S. Francisci Conf. dupl.
vj	b	xiv	18 S. Josephi a Cupertino Conf. dupl.
v	c	xijj	19 SS. Januarii Episc. et Soc. Mm. dupl.
iv	d	xij	20 SS. Eustachii et Sociorum Mm. dupl. Commem. Vigiliæ.
iii	e	xj	21 S. MATTHÆI APOST. ET EVANG. dupl. 2. cl.
ij	f	x	22 S. Thomæ de Villanova Episc. et Conf. dupl. Commem. SS. Mauritii et Soc. Mm.
j	g	ix	23 S. Lim Papæ et Mart. semid. Commem. sanctæ Theclæ Virg. et Mart.
	A	vijj	24 B. M. V. de Mercede, dupl. maj.
xxix	b	vij	25
xxvij	c	vj	26 SS. Cypriani et Justinæ Mm.
xxvij	d	v	27 SS. Cosmæ et Damiani Mm. semid.
25. xxvj	e	iv	28 S. Wenceslai Ducis Mart. semid.
xxv. xxiv	f	ijj	29 DEDICATIO S. MICHAELIS ARCHANG. dupl. 2. cl.
xxij	g	Prid.	30 S. Hieronymi Presb. Conf. et Eccles. Doct. dupl.

OCTOBER

Cyclus Epact.	Littera Dom.	Dies mensis.	
xxij	A	Kal.	1 Dom. I. Octobris. SOLEMNITAS SS. ROSARII B. M. V. dupl. 2. cl. Commem. Dom. S. Remigii Episc. et Conf. semid. ad lib. vel simplex de præcepto.
xxj	b	vj	2 SS. Angelorum Custodum, dupl. maj.
xx	c	v	3
xix	d	iv	4 S. Francisci Conf. dupl. maj.
xvij	e	iiij	5 SS. Placidi et Sociorum Mm.
xvij	f	Prid.	6 S. Brunonis Conf. dupl.
xvj	g	Non.	7 S. Marci Papæ et Conf. Commem. SS. Ser- gii et Soc. Mm.
xv	A	viiij	8 S. Birgittæ Viduæ, dupl.
xiv	b	vij	9 SS. Dionysii Episc., Rustici et Eleutherii Mm. semid.
xiiij	c	vj	10 S. Francisci Borgiæ Conf. semid.
xij	d	v	11
xj	e	iv	12
x	f	iiij	13 S. Eduardi Regis Conf. semid.
ix	g	Prid.	14 S. Calixti I. Papæ et Mart. dupl.
viiij	A	Idib.	15 S. Teresiæ Virginis, dupl.
vij	b	xvij	16
vj	c	xvj	17 S. Hedwigis Viduæ, semid.
v	d	xv	18 S. LUCÆ EVANGELISTÆ, dupl. 2. cl.
iv	e	xiv	19 S. Petri de Alcantara Conf. dupl.
iiij	f	xiiij	20 S. Joannis Cantii Conf. dupl.
ij	g	xij	21 S. Hilarionis Abbat. Commem. SS. Ursulæ et Sociarum Virg. et Mm.
j	A	xj	22
*	b	x	23
xxix	c	ix	24
xxvij	d	viiij	25 SS. Chrysanthi et Dariæ Mm.
xxvij	e	vij	26 S. Evaristi Papæ et Mart.
xxvj	f	vj	27 Vigilia.
25. xxv	g	v	28 SS. SIMONIS ET JUDE APOST. dupl. 2. cl.
xxiv	A	iv	29
xxiiij	b	iiij	30
xxij	c	Prid.	31 Vigilia.

NOVEMBER

Cyclus Epact.	Littera Dom.	Dies mensis.	
xxj	d	Kal.	1 OMNIUM SANCTORUM, dupl. 1. cl.
xx	e	iv	2 De Octava, semid. Commem. omnium Fidelium Defunctorum, sub ritu du- plici.
xix	f	iiij	3 De Octava.
xviiij	g	Prid.	4 S. Caroli Episc. et Conf. dupl. Commem. Oct. et SS. Vitalis et Agricolæ Mm.
xviij	A	Non.	5 De Octava.
xvj	b	viiij	6 De Octava.
xv	c	vij	7 De Octava.
xiv	d	vj	8 Octava Omnium Sanctorum, dupl. Com- mem. SS. Quatuor Coronatorum Mm.
xiiij	e	v	9 Dedicatio Archibasilicæ SS. Salvatoris, dupl. maj. Commem. S. Theodori Mart.
xij	f	iv	10 S. Andreæ Avellini Conf. dupl. Commem. SS. Tryphonis et Soc. Mm.
xj	g	iiij	11 S. Martini Episc. et Conf. dupl. Commem. S. Mennæ Mart.
x	A	Prid.	12 S. Martini I. Papæ et Mart. semid.
ix	b	Idib.	13 S. Didaci Conf. semid.
viiij	c	xviiij	14 S. Josaphat Episc. et Mart. dupl.
vij	d	xviij	15 S. Gertrudis Virg. dupl.
vj	e	xvj	16
v	f	xv	17 S. Gregorii Thaumaturgi Episc. et Conf. semid.
iv	g	xiv	18 Dedicatio Basilicarum SS. Petri et Pauli, dupl. maj.
iiij	A	xiiij	19 S. Elisabeth Vid. dupl. Commem. S. Pon- tiani Papæ et Mart.
ij	b	xij	20 S. Felicis de Valois Conf. dupl.
j	c	xj	21 Præsentatio B. M. V. dupl. maj.
*	d	x	22 S. Cæciliæ Virg. et Mart. dupl.
xxix	e	ix	23 S. Clementis I. Papæ et Mart. dupl. Com- mem. sanctæ Felicitatis Mart.
xxviiij	f	viiij	24 S. Joannis a Cruce Conf. dupl. Commem. S. Chrysogoni Mart.
xxvij	g	vij	25 S. Catharinæ Virg. et Mart. dupl.
25. xxvj	A	vj	26 S. Silvestri Abbat. dupl. Commem. S. Petri Alexandrini Episc. et Mart.
xxv. xxiv	b	v	27
xxiiij	c	iv	28
xxij	d	iiij	29 Vigilia. Commem. S. Saturnini Mart.
xxi	e	Prid.	30 S. ANDREÆ APOSTOLI, dupl. 2. cl.

DECEMBER

Cyclus Epact.	Littera Dom.	Dies mensis.	
xx	f	Kal.	1
xix	g	iv	2 S. Bibianæ Virg. et Mart. <i>semid.</i>
xviiij	A	iiij	3 S. Francisci Xaverii Conf. <i>dupl.</i>
xvij	b	Prid.	4 S. Petri Chrysologi Episc. Conf. et Eccles. Doct. <i>dupl. Commem.</i> sanctæ Barbaræ Virg. et Mart.
xvj	c	Non.	5 S. Sabbæ Abbatis. <i>Commem.</i>
xv	d	viiij	6 S. Nicolai Episc. et Conf. <i>dupl.</i>
xiv	e	vij	7 S. Ambrosii Episc. Conf. et Eccl. Doct. <i>dupl.</i> Vigilia.
xiiij	f	vj	8 IMMACULATA CONCEPTIO B. M. V. <i>dupl. 1. cl.</i>
xij	g	v	9 De Octava, <i>semid.</i>
xj	A	iv	10 De Octava. <i>semid. Commem.</i> S. Melchiadis Papæ et Mart.
x	b	iiij	11 Damasi I. Papæ et Conf. <i>semid. Commem.</i> Octavæ.
ix	c	Prid.	12 De Octava.
viiij	d	Idib.	13 Luciæ Virg. et Mart. <i>dupl. Commem.</i> Oc- tavæ.
vij	e	xix	14 De Octava.
vj	f	xviiij	15 Octava Immaculatæ Conceptionis B. M. V. <i>dupl.</i>
v	g	xvij	16 S. Eusebii Episc. et Mart. <i>semid.</i>
iv	A	xvj	17
iiij	b	xv	18
ij	c	xiv	19
j	d	xiiij	20 Vigilia.
	e	xij	21 S. THOMÆ APOSTOLI, <i>dupl. 2. cl.</i>
xxix	f	xj	22
xxviiij	g	x	23
xxviij	A	ix	24 Vigilia.
xxvj	b	viiij	25 NATIVITAS D. N. JESU CHRISTI, <i>dupl.</i> <i>1. classis.</i>
25. xxv	c	vij	26 S. STEPHANI PROTOMARTYRIS, <i>dupl. 2. cl.</i> <i>Commem.</i> Octavæ.
xxiv	d	vj	27 S. JOANNIS APOST. ET EVANG. <i>dupl. 2. cl.</i> <i>Commem.</i> Octavarum.
xxiiij	e	v	28 SS. INNOCENTII MM. <i>dupl. 2. cl. Commem.</i> Octavarum.
xxij	f	iv	29 S. Thomæ Cantuariensis Episc. et Mart. <i>dupl. Commem.</i> Octavarum.
xxj	g	iiij	30 De Dom. infra Oct. Nativitatis <i>vel</i> de Oct. <i>Commem.</i> aliarum Octavarum.
19. xx	A	Prid.	31 S. Silvestri I. Papæ et Conf. <i>dupl. Com-</i> <i>mem.</i> Octavarum.

Hæc Epacta 19. nigra numquam est in usu, nisi quando eodem anno concurrat cum Aureo Numero xix.

DUÆ TABELLÆ

EX RUBRICIS GENERALIBUS EXCERPTÆ

In quarum prima statim videri poterit de quo celebrandum erit Officium, si plura eodem die Festa occurrant.

In secunda vero, quomodo Officium præcedens concurrat in Vesperis cum Officio sequentis diei.

Ex utraque Tabella hoc ordine reperietur quod quaeritur.

Primum inveniatnr numerus positus in quadrangulo illo, in quo Festa, de quibus est controversia, sibi invicem occurrunt: deinde legatur regula juxta dictum numerum descripta, et ex ea clare videbitur quid sit agendum.

Exempli gratia: Quadrangulus, in quo sibi invicem occurrunt Duplex primæ classis et Dominica primæ classis, erit qui est in angulo superiori primæ Tabellæ, in quo signatus est numerus 1, quia si ad eum tam Duplex quam Dominica prædicta ex eorum locis recto tramite pergerent, in eo sibi invicem occurrerent. Regula autem juxta dictum numerum apposita sic habet:

1. *Translatio de primo, Officium de secundo.* Id est, Duplex primæ classis prædictum transferatur, et Officium fiat de Dominica primæ classis: quia cum in his regulis dicitur *de primo* seu præcedenti, intelligitur de Festo in superiori parte Tabellæ apposito, ut Duplex prædictum; cum *de secundo* vel sequenti, de Festo in inferiori parte sub numeris apposito, ut Dominica prædicta.

In aliquibus autem quadrangulis nullus appositus est numerus, vel quia nullus occursus, neque concursus esse potest, vel quia in propriis locis adnotatur in Breviario quid sit agendum.

Scire tamen oportet quæ sint Duplicia primæ et secundæ classis, et majora per annum, et quæ Dominicæ, et Feriæ majores dicantur.

DUPLICIA PRIMÆ CLASSIS

In quibus nulla fit Commemoratio quorumcumque Festorum occurrentium, nisi prout supra in Rubricis.

Nativitas Domini.

Epiphania Domini.

Pascha Resurrectionis, cum tribus antecedentibus et duobus sequentibus diebus.

Ascensio Domini.

Pentecostes, cum duobus sequentibus diebus.

Festum Corporis Christi.

Festum Sacratissimi Cordis Jesu.

Immaculata Conceptio, Annuntiatio, et Assumptio B. M. V.

Nativitas S. Joannis Baptistæ.

Festum S. Joseph Sponsi B. Mariæ V.

Festum SS. Apost. Petri et Pauli.

Festum Omnium Sanctorum.

Dedicatio propriæ Ecclesiæ.

Patronus, vel Titulus Ecclesiæ.

DUPLICIA II. CLASSIS

In quibus de Simplicibus fit Commemoratio in Laudibus tantum; de aliis ut in Rubricis.

Circumcisio Domini.

Festum SS. Nominis Jesu.

Festum SS. Trinitatis.

Festum Pretiosissimi Sanguinis D. N. J. C.

Inventio S. Crucis.

Purificatio

Visitatio

Nativitas

Solemn. SS. Rosarii

Dedicatio S. Michaëlis Archangeli.

Festum Patrocinii S. Joseph Sponsi B. M. V.

Natalitia undecim Apostolorum.

Festa Evangelistarum.

Festum S. Stephani Protomartyris.

Festum SS. Innocentium Martyrum.

Festum S. Laurentii Martyris.

Festum S. Annæ Matris B. M. V.

Festum S. Joachim Patris B. M. V.

DOMINICÆ MAJORES

DIVIDUNTUR IN DUAS CLASSES

DOMINICÆ I. CLASSIS

quæ nunquam omittuntur.

Prima Adventus.

Prima Quadragesimæ.

Passionis.

Palmarum.

Paschæ.

In Albis.

Pentecostes.

Trinitatis.

DOMINICÆ II. CLASSIS

quæ non omittuntur, nisi occurrente
Duplici primæ classis, et tunc de iis
fit Commemoratio in utrisque Vespe-
ris et Laudibus.

Secunda	}	Adventus.
Tertia		
Quarta		
Dominica Septuagesimæ.		
Dominica Sexagesimæ.		
Dominica Quinquagesimæ.		
Secunda	}	Quadragesimæ.
Tertia		
Quarta		

DUPLICIA MAJORA

PER ANNUM

quæ aliis Duplicibus minoribus
præferuntur.

Transfiguratio Domini.
Exaltatio sanctæ Crucis.
Dedicatio Archibasilicæ SS. Salvatoris.
Duo Festa Septem Dolorum B. M. V.
Commemoratio B. M. V. de Monte Car-
melo.
Dedicatio S. Mariæ ad Nives.

Festum SS. Nominis Mariæ.
Festum de Mercede B. M. V.
Præsentatio B. M. V.
Apparitio S. Michaëlis Archangeli.
Festum SS. Angelorum Custodum.
Decollatio S. Joannis Baptistæ.
Cathedra sancti Petri Apostoli utraque.
Festum ejusdem ad Vincula.
Conversio S. Pauli Apostoli.
Commemoratio S. Pauli Apostoli.
Dedicatio Basilicarum SS. Apostolo-
rum Petri et Pauli.
Festum S. Joannis ante portam Lati-
nam.
Festum S. Barnabæ Apostoli.
Festum S. Benedicti Abbatis.
Festum S. Dominici Confessoris.
Festum S. Francisci Assisien. Confes-
soris.
Festum Patronorum minus Principa-
lium.

Feriæ majores, de quibus semper fit
Commemoratio.

Adventus.
Quadragesimæ.
Quatuor Temporum.
Secunda Rogationum.

CATALOGUS FESTORUM

quæ uti Primaria, vel Secundaria retinenda sunt, ex Decretis generalibus
S. R. C., diei 27 Aug. 1894 et 5 Febr. 1895.

FESTA PRIMARIA

IN KALENDARIO UNIVERSALI

§ I. Duplicita primæ classis.

Nativitas Domini.
Epiphania Domini.
Pascha Resurrectionis.
Ascensio Domini.
Pentecostes.
Festum Corporis Christi.
Immaculata Conceptio, Annuntiatio,
et Assumptio B. M. V.
Nativitas S. Joannis Baptistæ.
Festum S. Joseph Sponsi B. M. V.
Festum SS. Apostolorum Petri et
Pauli.
Festum Omnium Sanctorum.
Dedicatio propriæ Ecclesiæ.
Titulus Ecclesiæ.
Patronus Principalis Regionis, vel Diœ-
cesis, aut loci.

§ II. Duplicita secundæ classis.

Circumcisio Domini.
Festum SS. Trinitatis.
Purificatio B. Mariæ V.
Visitatio B. Mariæ V.
Nativitas B. Mariæ V.
Dedicatio S. Michaëlis Archangeli.

Natalitia Undecim Apostolorum.
Festa Evangelistarum.
Festum S. Stephani Protomartyris.
Festum SS. Innocentium Martyrum.
Festum S. Laurentii Martyris.
Festum S. Annæ Matris B. M. V.
Festum S. Joachim Patris B. Mariæ V.

§ III. Duplicita majora per Annum.

Transfiguratio Domini.
Dedicatio Archibasilicæ SS. Salvatoris.
Dedicatio S. Mariæ ad Nives.
Festum SS. Angelorum Custodum.
Dedicatio Basilicarum SS. Petri et Pauli
Apostolorum.
Festum S. Barnabæ.
Festum S. Benedicti Abbatis.
Festum S. Dominici Conf.
Festum S. Francisci Conf.
Festum Patronorum minus Principa-
lium.

§ IV. Alia Duplicita per Annum.

Dies Natalitia, vel quasi Natalitia unius-
cujusque Sancti.

Pro aliquibus locis.

S. Gabrielis Archangeli.
S. Raphaëlis Archangeli.

Dies Natalitia, vel quasi Natalitia unius-
cujusque Sancti.
Commemoratio Sanctorum, quorum
Corpora, vel Reliquiæ in Ecclesiis
Diocesanos asservantur.

FESTA SECUNDARIA

IN KALENDARIO UNIVERSALI

§ I. Duplicia primæ classis.

Sacratissimi Cordis Jesu.

§ II. Duplicia secundæ classis.

Festum SS. Nominis Jesu.

Festum Inventionis sanctæ Crucis.

Festum Pretiosissimi Sanguinis D. N.
J. C.

Solemnitas SS. Rosarii B. M. V.

Festum Patrocinii S. Joseph Sponsi
B. M. V.

§ III. Duplicia majora.

Exaltatio sanctæ Crucis.

Duo Festa Septem Dolorum B. M. V.

Commemoratio B. M. V. de Monte Car-
melo.

Festum SS. Nominis B. M. V.

Festum de Mercede B. M. V.

Præsentatio B. M. V.

Apparitio S. Michaëlis Archangeli.

Decollatio S. Joannis Baptistæ.

Cathedra S. Petri Apostoli utraque.

Festum ejusdem ad Vincula.

Conversio, et Commemoratio S. Pauli
Apostoli.

Festum S. Joannis ante portam Lati-
nam.

Pro aliquibus locis.

Officia Mysteriorum et Instrumento-
rum Passionis D. N. J. C.

SS. Redemptoris.

Sanctæ Familiæ Jesu, Mariæ, Joseph.
Purissimi Cordis Mariæ.

Desponsationis, Maternitatis, Puritatis,
Patrocinii B. M. V.

Translationis Almæ Domus B. M. V.

Expectationis Partus B. M. V.

B. M. V. Auxilium Christianorum.

Prodigiorum B. M. V.

Apparitionis B. M. V. Immaculatæ.

Manifestationis B. M. V. Immaculatæ,
a sacro numismate.

Commemoratio Omnium SS. Summo-
rum Pontificum.

Item alia quæcumque Festa sive Do-
mini, sive B. M. V. sub aliquo peculiari
titulo, sive Sanctorum, præter eorum-
dem natalem diem, uti Inventionis
Corporum, Translationis, Receptionis,
Patrocinii, et hisce similia.



SI OCCURRAT EODEM DIE

Duplex I. classis,	6	4	0	6	6	4	6	6	2	2	2	8	4	4	1
Duplex II. classis,	4	4	0	4	4	4	6	4	2	2	8	1	4	1	1
Duplex per annum majus,	4	4	0	4	4	1	4	4	2	8	1	1	4	1	1
Duplex Doct. Ecclesiæ,	4	4	0	4	4	1	4	0	0	1	1	1	4	1	1
Duplex per annum minus,	4	4	0	4	4	3	4	7	0	3	3	5	4	3	3
Dies infra Octavam,	4	4	0	4	3	3	7	3	3	3	5	5	3	3	3
Dies Octava,	4	4	0	4	4	7	4	4	2	2	3	3	4	3	3
Semiduplex,	4	4	0	4	7	3	4	3	3	3	3	5	3	3	3
Simplex,	3	3	3	0	3	3	3	3	3	3	3	5	3	3	3
Sancta Maria in Sabbato,	5	5	0	4	0	0	0	0	0	0	0	0	0	0	0
Feria major,	6	0	6	4	3	3	3	3	3	3	3	3	0	0	0
Vigilia,	0	5	6	4	3	3	3	3	3	3	3	5	0	0	0
1 Translat. de 1°, Officium de 2°.	« et Dominica I. classis. « Dominica II. classis. « Dominica per annum. « Duplex I. classis. « Duplex II. classis. « Duplex per annum majus. « Duplex Doctoris Ecclesiæ. « Duplex per annum minus. « Dies infra Octavam. « Dies Octava. « Semiduplex. « Simplex. « Sancta Maria in Sabbato. « Feria major. « Vigilia.														
2 Officium de 1°, Translat. de 2°.															
3 Commem. de 1°, Officium de 2°.															
4 Officium de 1°, Commem. de 2°.															
5 Nihil de 1°, Officium de 2°.															
6 Officium de 1°, nihil de 2°.															
7 Officium de digniori, Commem. de minus digno.															
8 Officium de digniori, Translat. de minus digno.															

1. Notandum, quod Duplex quodcumque, etiam Patroni et Tituli Ecclesiæ, vel Dedicationis ejusdem, occurrens in Vigilia Nativitatis Domini et Pentecostes, in die Circumcisionis, in die Octava Epiphanie, in Feria quarta Cinerum, ac in tota majori Hebdomada, et infra Octavam Paschæ et Pentecostes, in Ascensione Domini, in Festo Corporis Christi, in Festis Immaculæ Conceptionis, Annuntiationis et Assumptionis B. M. V., in Nativitate sancti Joannis Baptistæ, in Festo S. Joseph, SS. Apostolorum Petri et Pauli, et Omnium Sanctorum, transferatur, si transferri valeat: aliter de eo fit Commemoratio ipso die quo cadit, vel penitus omittitur, ut ponitur in propriis Rubricis.

2. Infra Octavam Epiphanie fit tantum de Duplicibus primæ classis occurrentibus, cum Commemoratione Octavæ. Alia Festa novem Lectionum in prima die libera post Octavam perpetuo celebrantur: de Simplicibus vero fit tantum Commemoratio, ut supra.

3. Infra Octavam Corporis Christi, de Semiduplici occurrente fit tantum Commemoratio, neque fit de Duplici trans-

lato, nisi sit j. vel ij. classis, et de ea, quocumque adveniente Duplici, fit Commemoratio.

4. Infra illas Octavas, in quibus fit de Festis occurrentibus, de Semiduplici occurrente in Dominica, fit Commemoratio, uti alias juxta Rubricas.

5. De Octava Nativitatis Domini, Epiphanie, et Corporis Christi, semper fit Commemoratio, quocumque Festo in illis occurrente.

6. De aliis Octavis, quæ non sunt in Calendario, nihil fit a Feria quarta Cinerum usque ad Dominicam in Albis, et a Vigilia Pentecostes usque ad Festum SS. Trinitatis inclusive, et a die 17 Decembris usque ad Epiphaniam.

7. Dies Octavæ numquam transferatur: ideo quamquam Nativitas S. Joannis Baptistæ occurrens in die Corporis Christi, transferatur in diem sequentem: non tamen transferatur Octava, sed de ea fit tantum Commemoratio in Officio de Octava Corporis Christi.

8. Si accidat, ut Patronus loci, vel Titulus Ecclesiæ descriptus sit eodem die in Calendario cum aliis Sanctis, qui separari queunt, in ea Ecclesia,

vel in loco, fit tantum de Titulari, vel Patrono. Alii si in dicto Calendario descripti sint sub ritu Duplici majori, vel minori, aut Semiduplici, transferuntur perpetuo in diem primam liberam, et de eis fiat Officium Semiduplex. Si vero sint ex Duplicibus 1. vel 2. classis, similiter in diem primam liberam perpetuo transferantur, et de eis fiat Officium sub eodem ritu, ac si propria die celebrarentur. Si autem in Calendario omnes sint tamquam Festum Simplex, de eis nihil fit.

9. De Feriis Adventus et Quadragesimæ, quando de eis non fit Officium, fit Commemoratio in utrisque Vesperis, et Laudibus cujuscumque Festi : de Quatuor Temporibus, et Feria secunda Rogationum, ac Vigiliis, in Laudibus tantum. Si vero aliqua Vigilia occurrat in Adventu, Quadragesima, et Quatuor Temporibus, vel in diebus Festorum Duplicium primæ classis, sive Patroni, vel Tituli, aut Dedicationis Ecclesiæ, de ea nihil fit, nec etiam in Laudibus.

QUANDO CONCURRIT

Dominica I. et II. classis,	0	4	3	4	4	3	3	3	3	3	0
Dominica per annum,	0	4	3	4	4	3	3	1	1	1	0
Duplex I. classis,	2	2	4	2	4	4	4	6	4	6	4
Duplex II. classis,	4	4	4	4	4	4	4	3	6	3	4
Patronus, seu Titulus Ecclesiæ,	2	2	4	2	4	4	4	0	4	0	4
Duplex per annum majus,	4	4	4	4	4	4	6	1	3	1	4
Duplex per annum minus,	4	4	5	4	4	5	3	1	3	1	4
Semiduplex,	4	4	3	4	5	3	3	1	1	1	5
Dies Octava,	4	4	5	4	4	5	3	1	3	1	4
Dies infra Octavam,	0	0	3	4	3	3	3	1	1	1	5
1 Totum de sequenti, nihil de præcedenti.	<div> <div>cum Dominica quæcunque.</div> <div>« Duplici I. classis.</div> <div>« Duplici II. classis.</div> <div>« Patrono, seu Titulo Ecclesiæ.</div> <div>« Duplici per annum majore.</div> <div>« Duplici per annum minore.</div> <div>« Semiduplici.</div> <div>« Simplici.</div> <div>« Die Octava.</div> <div>« Die infra Octavam.</div> <div>« Sancta Maria in Sabbato.</div> </div>										
2 Totum de præcedenti, nihil de sequenti.											
3 Totum de sequenti, Commemoratio de præcedenti.											
4 Totum de præcedenti, Commemoratio de sequenti.											
5 Capitulum de sequenti, Commemoratio de præcedenti.											
6 Totum de digniori, Commemoratio de minus digno : in paritate dignitatis, a Capitulo de sequenti.											
Simplex, et sancta Maria in Sabbato, Feria et Vigilia non concurrunt.											

1. Notandum, quod in I. Vesperis diei Octavæ Ascensionis et Corporis Christi, aliorumque Festorum primariorum Domini, totum Officium fit de Octava, cum Commemoratione præcedentis Festi Duplicis, nisi fuerit Festum solemne principale, aut primæ vel secundæ classis; quia tunc de Festo fieret Officium, et Commemoratio de Octava.

2. In II. Vesperis diei Octavæ Festorum Domini, si primaria fuerint et solemniora, uti Epiphaniæ, Paschæ, Ascensionis, aliorumque, de sequenti Duplici, si concurrat, fit tantum Commemoratio, nisi hoc fuerit primæ vel secundæ classis; quia tunc de eo fieret

Officium, et de Octava Commemoratio. Die Octava Corporis Christi in II. Vesperis nulla fit Commemoratio sequentis Duplicis (Sacratissimi Cordis Jesu), nisi concurrat cum die Octava S. Joannis Baptistæ, et tunc Vesperæ erunt de Octava Corporis Christi, cum Commemoratione Octavæ S. Joannis.

3. Diebus Octavis Festorum primariorum B. Mariæ V., etiam particulare alicujus Religionis, Angelorum, S. Joannis Baptistæ, S. Joseph et SS. Apostolorum de præcedenti, vel sequenti Duplici minori fit tantum Commemoratio.

4. In II. Vesperis Duplicis primæ clas-

sis fit Commemoratio de Festis Duplicibus et Semiduplicibus reductis ad modum Simplicis tantummodo, si huiusmodi Commemoratio facienda sit die sequenti. In Duplicibus tamen secundæ classis de dictis Festis fit Commemoratio in utrisque Vesperis ad instar Octavæ et Dominicæ, ut in Rubricis generalibus de Commemorationibus dictum est; non fit vero Commemoratio de die infra Octavam, nisi quando de ea fieri debeat Officium die sequenti.

5. Cum plures fiunt Commemorationes, servetur hic ordo: Post Orationem Officii currentis,

1. De Dominica privilegiata, 2. de die Octava, 3. de Duplici majori, 4. de Duplici minori ad instar simplicium reductis, 5. de Dominica communi, 6. de die infra Octavam Corporis Christi, 7. de Semiduplici, 8. de die infra Octavam communem, ad simplicem ritum pariter reductis; 9. de Feria majori, vel Vigilia; 10. de Simplici.

ORATIO

A PAPA URBANO VIII. EDITA

ANTE óculos tuos Dómine culpas nostras férimus, et plagas quas accépinus, conféri-mus.

Si pensámus malum quod féci-mus, minus est quod pátimur, majus est quod merémur.

Grávius est quod commísimus, lévius est quod tolerámus.

Peccáti pœnam sentímus, et peccándi pertináciam non ví-támus.

In flagéllis tuis infirmitas nostra téritur, et iníquitas non mu-tátur.

Mens ægra torquétur, et cervix non fléctitur.

Vita in dolóre suspírat, et in ópere non se eméndat.

Si expéctas, non corrígimur: si víndicas, non durámus.

Confitémur in correctióne quod égimus: obliviscimur post vi-sitátionem quod flévimus.

Si exténderis manum, faciéndam promíttimus: si suspénderis gládium, promíssa non sól-vimus.

Si férias, clamámus ut parcas: si pepérceris, íterum provo-cámus ut férias.

Habes Dómine confiténtes reos: nóvimus quod nisi dimíttas, recte nos périmas.

Præsta Pater omnípotens, sine mérito quod rogámus, qui fecísti ex níhilo qui te rogá-rent. Per Christum Dóminum nostrum. Amen.

Ÿ. Gregem tuum Pastor ætérne non déseras.

Ŕ. Sed per beátos Apóstolos tuos perpétua defensióne custó-dias.

Ÿ. Prótege Dómine pópulum tuum ad te clamántem, et Apostolórum tuórum patro-cínio confidéntem.

Ŕ. Perpétua defensióne custó-dias.

Ÿ. Oráte pro nobis sancti Apó-stoli Dei.

Ŕ. Ut digni efficiámur promís-siónibus Christi.

Oratio.

PRÆSTA, quæsumus omnípo-tens Deus: ut nullis nos permíttas perturbatióibus cón-cuti, quos in Apostólicæ con-fessiónis petra solidásti. Per Dó-minum. Ŕ. Amen.

IMPLÓRET, clementíssime Dó-mine, nostris opportunam necessitatibus opem devóte a nobis proláta meditátio, qua sanctus olim Joánnes Chrysós-tomus, in basilica Principis Apostolórum cónditus, tecum

beatíssimis Apóstolis Petro et Páulo repræsentávit sic colloquéntem : Circúmdate hanc novam Sion, et circumvalláte eam : hoc est, custodíte, muníte, précibus firmáte; ut quando iráscor in témpore, et orbem terræ concútio, adspiciens sepúlcrum vestrum numquam desitúrum, et quæ libénter propter me géritis stigmata, iram

misericórdia vincam, et ob hanc percípíam vestram intercessiónem. Etenim quando Sacerdótium et Regnum vídeo lacrymári, statim quasi compátiens ad commiseratiónem flector, et illíus meæ vocis reminíscor : Prótegám urbem hanc propter David servum meum, et Aaron sanctum meum. Dómine, fiat, fiat. Amen, amen.

ORATIO

DICENDA ANTE DIVINUM OFFICIUM

APERI Dómine os meum ad benedicéndum nomen sanctum tuum : munda quoque cor meum ab ómnibus vanis, pervérsis et aliénis cogitatióibus : intelléctum illúmina, afféctum inflámma, ut digne, attén-te ac devóte hoc Officium recitáre

váleam, et exaudíri mérear ante conspéctum divínæ Majestátis tuæ. Per Christum Dóminum nostrum. *R.* Amen.

Dómine in unióne illíus divínæ intentiόνis, qua ipse in terris láudes Deo persolvísti, has tibi Horas persólvo.

ORATIO

DICENDA POST DIVINUM OFFICIUM

Orationem sequentem devote post Officium recitantibus Leo Papa X. defectus et culpas in eo persolvendo ex humana fragilitate contractas indulst : dicitur flexis genibus.

SACROSÁNCTÆ et indivíduæ Trinitáti, crucifíxi Dómini nostri Jesu Christi humanitáti, beatíssimæ et gloriosíssimæ sempérque Vírginis Mariæ fecúndæ integritáti, et ómnium Sanctórum universitáti, sit sempitérna laus, honor, virtus et glória ab omni creatúra, nobis-

que remissio ómnium peccatórum, per infinita sácula sæculórum. *R.* Amen.

V. Beáta viscera Mariæ Vírginis, quæ portavérunt æténi Patris Filium.

R. Et beáta úbera, quæ lactavérunt Christum Dóminum.

Pater noster. Ave María.



ABSOLUTIONES ET BENEDICTIONES

DICENDÆ ANTE LECTIONES IN OFFICIO NOVE ET TRIUM
LECTIONUM

IN I. NOCTURNO

Et pro II. et V. Feria.

ABSOLUTIO

EXAUDI Dómine Jesu Christe
preces servórum tuórum, et
miserére nobis, qui cum Patre
et Spíritu sancto vivis et regnas
in sǎcula sǎculórum.

R. Amen.

BENEDICTIONES

1. Benedictióne perpétua bene-
dícat nos Pater ætérnus.
R. Amen.
2. Unigénitus Dei Fílius nos
benedícere et adjuvare digné-
tur. R. Amen.
3. Spíritus sancti grátia illúmi-
net sensus et corda nostra.
R. Amen.

IN II. NOCTURNO

Et pro III. et VI. Feria.

ABSOLUTIO

IPSÍUS píetas et misericórdia
nos ádjuvet, qui cum Patre
et Spíritu sancto vivit et regnat
in sǎcula sǎculórum.

R. Amen.

BENEDICTIONES

4. Deus Pater omnípotens sit
nobis propítius et clemens.
R. Amen.
5. Christus perpétuæ det nobis
gáudia vitæ.
R. Amen.
6. Ignem sui amóris accéndat
Deus in córdibus nostris.
R. Amen.

IN III. NOCTURNO

Et pro Feria IV. et Sabbato.

ABSOLUTIO

AVÍNCULIS peccatórum nostró-
rum absólvat nos omnípo-
tens et miséricors Dóminus.

R. Amen.

BENEDICTIONES

7. Evangélica léctio sit nobis
salus et protéctio.

R. Amen.

8. Divínium auxílium máneat
semper nobíscum.

R. Amen.

9. Ad societátem civium super-
nórum perdúcat nos Rex An-
gelórum. R. Amen.

**Si Officium fit de Sancto vel
de Sancta novem Lectionum,
octava Benedictio erit :**

Cujus festum cólimus, ipse
(vel ipsa) intercédant pro nobis
ad Dóminum.

Quando sunt plures, dicitur :

Quorum (vel Quarum) festum
cólimus, ipsi (vel ipsæ) inter-
cédant pro nobis ad Dóminum.

**Si Officium fit de sancta Ma-
ria, octava Benedictio erit :**

Cujus festum cólimus, ipsa
Virgo vírginum intercédant pro
nobis ad Dóminum.

**Si in ultima Lect. legendum
sit aliud Evangelium cum Ho-
milia, nona Benedictio erit :**

Per Evangélica dicta deleán-
tur nostra delícta.

**In Officio trium Lectionum
dicuntur Absolutiones et Bene-
dictiones prædictæ, ordine su-
perius in Rubricis generalibus
descripto : et in eo, quando non
legitur Homilia cum Evang., et
Benedictiones sumendæ sunt ex
III. Noct., prima Benedictio di-
citur :**

1. Ille nos benedicat, qui sine
finē vivit et regnat.
R. Amen.
2. Divínium auxílium.
3. Ad societátem.

In Officio trium Lectionum,
quando legitur Homilia cum
Evang., prima Benedictio erit :

1. Evangélica lécio.
2. Divinum auxílium.
3. Ad societátem.

Si Officium fit de Sancto vel
de Sancta trium Lectionum,
prima Benedictio erit :

1. Ille nos benedícat, qui sine
fine vivit et regnat.

℞. Amen.

2. Cujus (vel Quorum, vel Qua-
rum).

3. Ad societátem.

In Officio de sancta Maria in
Sabbato :

ABSOLUTIO

PRÉCIBUS et méritis beátæ
Mariæ semper Vírginis, et
ómnium Sanctórum, perdúcat
nos Dóminus ad regna cæló-
rum.

℞. Amen.

1. Nos cum prole pia benedícat
Virgo María.

℞. Amen.

2. Ipsa Virgo vírginum intercéd-
dat pro nobis ad Dóminum.

℞. Amen.

3. Per Virginem matrem con-
cédât nobis Dóminus salú-
tem et pacem.

℞. Amen.





PSALTERIUM

DISPOSITUM

PER HEBDOMADAM

CUM ORDINARIO OFFICII DE TEMPORE

PARS ÆSTIVA

DOMINICA AD MATUTINUM

ANTE MATUTINUM, ET OMNES HORAS

PRÆTERQUAM AD COMPLETORIUM, DICITUR SECRETO

PATER noster, qui es in cælis, sanctificetur nomen tuum. Advéniat regnum tuum. Fiat volúntas tua, sicut in cælo et in terra. Panem nostrum quotidíanum da nobis hódie. Et dimitte nobis débíta nostra, sicut et nos dimittimus debitóribus nostris. Et ne nos indúcas in tentatiónem : sed libera nos a malo. Amen.

AVE María, grátia plena : Dóminustecum : benedicta tu in muliéribus : et benedictus fructus ventris tui Jesus. Sancta Maria, Mater Dei, ora pro nobis peccatóribus, nunc et in hora mortis nostræ. Amen.

In principio Matutini et

Primæ, ac in fine Completorii, dicitur etiam Symbolum Apostolorum.

CREDO in Deum, Patrem omnipoténtem, Creatórem cæli et terræ. Et in Jesum Christum, Fílium ejus únicum, Dóminum nostrum : qui concéptus est de Spíritu sancto, natus ex María Virgine, passus sub Póntio Piláto, crucifixus, mórtuus, et sepúltus : descéndit ad inferos : tértia die resurréxit a mórtuis : ascéndit ad cælos, sedet ad dexteram Dei Patris omnipoténtis : inde ventúrus est judicáre vivos et mórtuos. Credo in Spíritum sanctum, sanctam Ecclesiám catholicam, sanctórum communionem, remissionem peccatórum, carnis

resurrectiōnem, vitam ætēnam. Amen.

Deinde clara voce dicitur ẏ.

DÓMINE lābia mea apéries. **℟.** Et os meum annuntiābit laudem tuam.

V. Deus in adiutōrium meum intēde. **℟.** Dómine ad adiuvāndum me festina. Glória Patri, et Filio, et Spiritui sancto. Sicut erat in principio, et nunc, et semper, et in sǎcula sǎculórum. Amen. Allelúia.

Sic dicitur Allelúia, ad omnes Horas per Annum.

Invitatorium sequens dicitur ab Octava Pentecostes usque ad Adventum.

Invitatorium. Adorémus Dóminum, * Qui fecit nos.

Repetitur : Adorémus Dóminum, qui fecit nos.

Psalmus 94.

VENÍTE, exsultémus Dómino, jubilémus Deo salutári nostro : praeoccupémus faciē ejus in confessiōe, et in psalmis jubilémus ei.

Adorémus Dóminum, qui fecit nos.

Quóniam Deus magnus Dóminus, et Rex magnus super omnes deos : quóniam non repellet Dóminus plebem suam, quia in manu ejus sunt omnes fines terræ, et altitúdines móntium ipse cónspicit.

Qui fecit nos.

Quóniam ipsius est mare, et ipse fecit illud, et áridam fundavérunt manus ejus : venite, adorémus, et procidámus ante Deum : plorémus

coram Dómino, qui fecit nos, quia ipse est Dóminus Deus noster : nos áutem pópulus ejus, et oves páscae ejus.

Adorémus Dóminum, qui fecit nos.

Hódie si vocem ejus audieritis, nolite obdurare corda vestra, sicut in exacerbatiōe secúndum diem tentatiōnis in desérto : ubi tentavérunt me patres vestri, probavérunt et vidérunt ópera mea.

Qui fecit nos.

Quadraginta annis próximis fui generatiōni huic, et dixi : Semper hi errant corde : ipsi vero non cognovérunt vias meas, quibus jurávi in ira mea, si introibunt in réquiem meam.

Adorémus Dóminum, qui fecit nos.

Glória Patri, et Filio, et Spiritui sancto. Sicut erat in principio, et nunc, et semper, et in sǎcula sǎculórum. Amen.

Qui fecit nos.

Adorémus Dóminum, qui fecit nos.

Sequens Hymnus dicitur ab Octava Pentecostes usque ad Dominicam proximiorē Kalendis Octobris.

Hymnus.

NOCTE surgētes vigilémus omnes,

Semper in psalmis meditémur, atque

Voce concórdi Dómino cānámus

Dúlceiter hymnos.

Ut pio Regi páriter canén-
tes,

Cum suis sanctis mereámur
áulam

Ingredi cæli, simul et per-
énnem

Dúcere vitam.

Præstet hoc nobis Déitas
beáta

Patris, ac Nati, paritérque
sancti

Spiritus, cujus résonat per
omnem

Glória mundum. Amen.

IN I. NOCTURNO

Per Annum, Ant. Servíte
Dómino.

**Asteriscus * notat pausam
cantus in Choro.**

Psalmus 1.

BEÁTUS vir, qui non ábiit
in consilio impiórum, et
in via peccatórum non stetit,
* et in cáthedra pestilén-
tiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in témpore
suo :

Et fólium ejus non dé-
fluet : * et ómnia quæcúm-
que fáciat, prosperabúntur.

Non sic impíi, non sic : *
sed tamquam pulvis, quem
próicit ventus a fácie ter-
ræ.

Ideo non resúrgent impíi
in iudicio : * neque pecca-
tóres in concilio justórum.

Quóniam novit Dóminus

viam justórum : * et iter im-
piórum peribit.

Glória Patri, et Filio, * et
Spirítui sancto.

Sicut erat in principio, et
nunc, et semper, * et in sæ-
cula sæculórum. Amen.

**Hic versus Glória semper
dicitur in fine omnium Psal-
morum, nisi aliter notetur.
Psalmus 2.**

QUARE fremuérunt gentes, *
et pópuli meditáti sunt
inánia?

Adstitérunt reges terræ,
et principes convenérunt in
unum * advérsus Dóminum,
et advérsus Christum ejus.

Dirumpámus víncula eó-
rum : * et projiciámus a no-
bis jugum ipsórum.

Qui hábitat in cælis, irri-
débit eos : * et Dóminus
subsannábit eos.

Tunc loquétur ad eos in
ira sua, * et in furóre suo
conturbábit eos.

Ego áutem constitútus sum
rex ab eo super Sion mon-
tem sanctum ejus, * prædi-
cans præcéptum ejus.

Dóminus dixit ad me : *
Filius meus es tu, ego hódie
génui te.

Póstula a me, et dabo tibi
gentes hereditátem tuam, *
et possessiónem tuam tér-
minos terræ.

Reges eos in virga férrea, *
et tamquam vas figuli con-
fringes eos.

Et nunc reges intelligite : *
erudimini qui iudicátis ter-
ram.

Servite Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via iusta.

Cum exárserit in brevi ira ejus, * beáti omnes qui confidunt in eo.

Psalmus 3.

DÓMINE quid multiplicáti sunt qui tribulant me? * Multi insúrgunt advérsus me.

Multi dicunt animæ meæ : * Non est salus ipsi in Deo ejus.

Tu áutem Dómine suscéptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormivi, et soporátus sum : * et exsurrexi, quia Dóminus suscepit me.

Non timébo millia pópuli circumdántis me : * exsúrge Dómine, salvum me fac Deus meus.

Quóniam tu percussisti omnes adversántes mihi sine cáusa : * dentes peccatórum contrivisti.

Dómini est salus : * et super pópulum tuum benedictio tua.

Psalmus 6.

DÓMINE, ne in furóre tuo árguas me, * neque in ira tua corripas me.

Miserére mei Dómine, quóniam infirmus sum : * sana

me Dómine, quóniam conturbáta sunt ossa mea.

Et ánima mea turbáta est valde : * sed tu Dómine úsquequo?

Convértere Dómine, et éripe animam meam : * salvum me fac propter misericórdiam tuam.

Quóniam non est in morte qui memor sit tui : * in inférno áutem quis confitébitur tibi?

Laborávi in gémitu meo, lavábo per singulas noctes lectum meum : * lácrymis meis stratum meum rigábo.

Turbátus est a furóre óculus meus : * inveterávi inter omnes inimicos meos.

Discédite a me omnes qui operámini iniquitátem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus orationem meam suscepit.

Erubéscant, et conturbéntur veheménter omnes inimici mei : * convertántur et erubéscant valde velóciter.

Per Annum, Ant. Servite Dómino in timóre : et exsultáte ei cum tremóre.

Ant. Deus iudex justus.

Psalmus 7.

DÓMINE Deus meus in te sperávi : * salvum me fac ex ómnibus persequéntibus me, et libera me.

Nequándo rápiat ut leo animam meam, * dum non est qui rédimat, neque qui salvum fáciat.

Dómine Deus meus, si feci istud, * si est iniquitas in manibus meis :

Si reddidi retribuéntibus mihi mala, * decídam mérito ab inimicis meis inánis.

Persequátur inimicus animam meam, et comprehéndat, et concúlcet in terra vitam meam, * et glóriam meam in púlverem dedúcat.

Exsúrge Dómine in ira tua : * et exaltáre in finibus inimicórum meórum.

Et exsúrge Dómine Deus meus in præcépto quod mandásti : * et synagóga populórum circúmdabit te.

Et propter hanc in altum regrédere : * Dóminus júdicat pópulos.

Júdica me Dómine secúndum justitiam meam, * et secúndum innocentiam meam super me.

Consumétur nequítia peccatórum, et diriges justum, * scrutans corda et renes Deus.

Justum adjutórium meum a Dómino, * qui salvos facit rectos corde.

Deus iudex justus, fortis, et pátiens : * numquid iráscitur per singulos dies?

Nisi convérsi fuéritis, gládium suum vibrábit : * arcum suum teténdit, et parávit illum.

Et in eo parávit vasa mortis : * sagíttas suas ardéntibus effécit.

Ecce partúriit injustitiam : * concépit dolórem, et péperit iniquitátem.

Lacum apérui, et effódit eum : * et incidit in fóveam quam fecit.

Convertétur dolor ejus in caput ejus : * et in vérticem ipsius iniquitas ejus descéndet.

Confitébor Dómino secúndum justitiam ejus : * et psallam nómini Dómini altíssimi.

Psalmus 8.

DÓMINE Dóminus noster, * quam admirábile est nomen tuum in univérsa terra!

Quóniam eleváta est magnificentia tua, * super cælos.

Ex ore infántium et lacténtium perfecisti láudem propter inimicos tuos, * ut destruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuisti eum páulo minus ab Angelis, glória et honóre coronásti eum : * et constituisti eum super ópera mánuum tuárum.

Omnia subjecisti sub pedibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, *

quam admirábile est nomen tuum in univérſa terra!

Psalmus 9.

CONFITÉBOR tibi Dómine in toto corde meo : * narrábo ómnia mirabilia tua.

Lætábor et exsultábo in te : * psallam nómini tuo Altissime,

In converténdo inimicum meum retrórsum : * infirmabúntur, et peribunt a fácie tua.

Quóniam fecisti iudícium meum et cáusam meam : * sedisti super thronum, qui júdicas justitiam.

Increpásti gentes, et périit impius : * nomen eórum delésti in ætérnum, et in sáeculum sáeculi.

Inimíci defecérunt frámeæ in finem : * et civitatés eórum destruxisti.

Périit memóriæ eórum cum sónitu : * et Dóminus in ætérnum pérmanet.

Parávit in iudicio thronum suum : * et ipse iudicábit orbem terræ in æquitáte, iudicábit pópulos in justítia.

Et factus est Dóminus refúgium páuperi : * adjútor in opportunitátibus, in tribulatióne.

Et sperent in te qui novérunt nomen tuum : * quóniam non dereliquísti quæréntes te Dómine.

Psállite Dómino, qui hábitat in Sion : * annuntiáte inter gentes stúdia ejus :

Quóniam requirens sánguinem eórum recordátus

est : * non est oblitus clamórem páuperum.

Miserére mei Dómine : * vide humilitátem meam de inimicis meis.

Qui exáltas me de portis mortis, * ut annúntiem omnes laudatiónes tuas in portis filiæ Sion.

Exsultábo in salutári tuo : * infixæ sunt gentes in intéritu, quem fecérunt.

In láqueo isto, quem abscondérunt, * comprehénsus est pes eórum.

Cognoscétur Dóminus júdicia fáciens : * in opéribus mánuum suárum comprehénsus est peccátor.

Convertántur peccatóres in inférnum, * omnes gentes quæ obliviscúntur Deum.

Quóniam non in finem oblivio erit páuperis : * patiéntia páuperum non peribit in finem.

Exsúrge Dómine, non confortétur homo : * iudicéntur gentes in conspéctu tuo.

Constitue Dómine legislátorem super eos : * ut sciant gentes quóniam hómínes sunt.

Ut quid Dómine recessisti longe, * déspicis in opportunitátibus, in tribulatióne?

Dum supérbit impius, incénditur páuper : * comprehendúntur in consiliis quibus cógitant.

Quóniam laudátur peccátor in desidériis ánimæ suæ : * et iníquus benedícitur.

Exacerbávit Dóminum pec-

cátor : * secúndum multítudinem iræ suæ non quæret.

Non est Deus in conspéctu ejus : * inquinátæ sunt viæ illius in omni témpore.

Auferúntur júdicia tua a fácie ejus : * ómnium inimicórum suórum dominábitur.

Dixit enim in corde suo : * Non movébor a generatióne in generatióne sine malo.

Cujus maledictióne os plenum est, et amaritúdine, et dolo : * sub lingua ejus labor et dolor.

Sedet in insidiis cum divitibus in occúltis, * ut interficiat innocéntem.

Oculi ejus in páuperem respiciunt : * insidiátur in abscondito, quasi leo in spelúnca sua.

Insidiátur ut rápiat páuperem : * rápere páuperem, dum átrahit eum.

In láqueo suo humiliábit eum : * inclinábit se, et cadet, cum dominátus fúerit páuperum.

Dixit enim in corde suo : Oblítus est Deus, * avértit fáciem suam ne videat in finem.

Exsúrge Dómine Deus, exaltétur manus tua : * ne obliviscáris páuperum.

Propter quid irritávit impius Deum? * dixit enim in corde suo : Non requirer.

Vides quóniam tu labórem et dolórem considéras : * ut tradas eos in manus tuas.

Tibi derelictus est páuper : * órphano tu eris adjutor.

Cóntere bráchium peccatóris et maligni : * quærétur peccátum illius, et non inveníétur.

Dóminus regnábit in ætérnum, et in sáeculum sáeculi : * peribitis gentes de terra illius.

Desidérium páuperum exaudivit Dóminus : * præparatióne cordis eórum audivit áuris tua.

Judicáre pupíllo et húmili, * ut non appónat ultra magnificáre se homo super terram.

Psalms 10.

IN Dómino confido : quómo-
do dicitis ánimæ meæ : *
Trásmigra in montem sicut
passer?

Quóniam ecce peccatóres
intendérunt arcum, paravé-
runt sagittas suas in pháre-
tra, * ut sagittent in obscúro
rectos corde.

Quóniam quæ perfecisti,
destruxérunt : * justus áutem
quid fecit?

Dóminus in templo sancto
suo : * Dóminus in cælo se-
des ejus :

Oculi ejus in páuperem
respiciunt : * pálpebræ ejus
intérrogant filios hóminum.

Dóminus intérogat justum
et impium : * qui áutem dili-
git iniquitátem, odit ánimam
suam.

Pluet super peccatóres lá-
queos : * ignis, et sulphur,

et spiritus procellarum pars calicis eorum.

Quóniam justus Dóminus, et justitias diléxit : * æquitátem vidit vultus ejus.

Per Annum. Ant. Deus iudex justus, fortis et longánimis : numquid irascétur per singulos dies?

Ant. Tu Dómine.

Psalmus 11.

SALVUM me fac Dómine, quóniam defécit sanctus : * quóniam diminútæ sunt veritátes a filiis hóminum.

Vana locúti sunt unusquisque ad próximum suum : * lábia dolósa, in corde et corde locúti sunt.

Dispérdat Dóminus univérsa lábia dolósa, * et linguam magniloquam.

Qui dixérunt : Linguam nostram magnificábitur, lábia nostra a nobis sunt, * quis noster Dóminus est?

Propter misériam inopum, et gémitum páuperum, * nunc exsúrgam, dicit Dóminus.

Ponam in salutári : * fiducíaliter agam in eo.

Elóquia Dómini, elóquia casta : * argéntum igne examinátum, probátum terræ purgátum séptuplum.

Tu Dómine servábis nos : et custódies nos * a generatíone hac in ætérnum.

In circúitu impíi ámbulant : * secúndum altitúdinem tuam multiplicásti filios hóminum.

Psalmus 12.

USQUEQUO Dómine oblivi-scéris me in finem? * Usquequo avértis fáciem tuam a me?

Quámdiu ponam consilia in ánima mea, * dolórem in corde meo per diem?

Usquequo exaltábitur inimicus meus super me? * respice, et exáudi me Dómine Deus meus.

Illúmina óculos meos ne umquam obdórmiam in morte : * nequándo dicat inimicus meus : Præválui advérsus eum.

Qui tribulant me, exsultábunt si motus fúero : * ego áutem in misericórdia tua sperávi.

Exsultábit cor meum in salutári tuo : cantábo Dómino, qui bona tribuit mihi : * et psallam nómini Dómini altissimi.

Psalmus 13.

DIXIT insipiens in corde suo : * Non est Deus.

Corrúpti sunt, et abominábiles facti sunt in stúdiis suis : * non est qui fáciat bonum, non est usque ad unum.

Dóminus de cælo prospéxit super filios hóminum, * ut videat si est intélligens, aut requírens Deum.

Omnes declinavérunt, simul inútiles facti sunt : * non est qui fáciat bonum, non est usque ad unum.

Sepúlcrum patens est guttur eórum : linguis suis do-

lôse agébant, * venénium áspidum sub lábiis eórum.

Quorum os maledictiône et amaritúdine plenum est : * velóces pedes eórum ad ef-fundéndum sánguinem.

Contritio et infelicitas in viis eórum, et viam pacis non cognovérent : * non est timor Dei ante óculos eórum.

Nonne cognóscant omnes qui operántur iniquitátem, * qui dévorant plebem meam sicut escam panis?

Dóminum non invocavérunt, * illic trepidavérunt timóre, ubi non erat timor.

Quóniam Dóminus in generatióne justa est, consili-um inopis confudístis : * quóniam Dóminus spes ejus est.

Quis dabit ex Sion salu-táre Israël? * cum avérterit Dóminus captivitátem plebis suæ, exultábit Jacob, et lætábitur Israël.

Psalmus 14.

DÓMINE quis habitábit in tabernáculo tuo? * aut quis requiétur in monte sancto tuo?

Qui ingréditur sine má-cula, * et operátur justitiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo ma-lum, * et oppróbrium non accépit advérsus próximos suos.

Ad nihilum dedúctus est in conspéctu ejus malignus : *

timéntes autem Dóminum glorificat :

Qui jurat próximo suo, et non decipit, * qui pecúniám suam non dedit ad usúram, et múnera super innocentem non accépit.

Qui facit hæc, * non mové-bitur in ætérnum.

Per Annum, Ant. Tu Dó-mine servábis nos, et custó-dies nos.

V. Memor fui nocte nó-minis tui Dómine. **R.** Et custo-divi legem tuam.

Post V. cujuslibet No-cturni dicitur

Pater noster. **secreto.**

V. Et ne nos indúcas in tentatiónem. **R.** Sed libera nos a malo.

Absolutio.

EXÁUDI Dómine Jesu Chri-ste preces servórum tuórum, et miserére nobis, qui cum Patre et Spiritu sancto vivis et regnas in sæcula sæ-culórum. **R.** Amen.

V. Jube domne benedi-cere.

Benedictio. Benedictiône perpétua benedicat nos Pa-ter ætérnus. **R.** Amen.

Deinde leguntur Lect. cum R., ut in Proprio de Tem-pore assignantur.

Pro II. Lectione.

Bened. Unigénitus Dei Fí-lius nos benedicere et adju-váre dignétur. **R.** Amen.

Pro III. Lectione.

Bened. Spiritus sancti grá-tia illúminet sensus et corda nostra. **R.** Amen.

IN II. NOCTURNO

Per Annum, Ant. Bonórum meórum.

Psalmus 15.

CONSÉRVA me Dómine, quóniam sperávi in te. * Dixi Dómino : Deus meus es tu, quóniam bonórum meórum non egēs.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum : * póstea acceleravérunt.

Non congregábo conventicula eórum de sanguinibus, * nec memor ero nóminum eórum per lábia mea.

Dóminus pars hereditátis meæ, et cálicis mei : * tu es, qui restitues hereditatem meam mihi.

Funes cecidérunt mihi in præcláris : * étenim hereditas mea præclára est mihi.

Benedícam Dóminum, qui tribuit mihi intelléctum : * insuper et usque ad noctem increpuérunt me renes mei.

Providébam Dóminum in conspéctu meo semper : * quóniam a dextris est mihi, ne commóvear.

Propter hoc lætátum est cor meum, et exsultávit lingua mea : * insuper et caro mea requiescet in spe.

Quóniam non derelinques ánimam meam in inférno : * nec dabis sanctum tuum vidére corruptiónem.

Notas mihi fecisti vias vitæ, adimplébis me lætítia

cum vultu tuo : * delectatiónes in dextera tua usque in finem.

Per Annum, Ant. Bonórum meórum non índiges, in te sperávi, consérva me Dómine.

Ant. Propter verba.

Psalmus 16.

EXÁUDI Dómine justitiam meam : * inténde deprecationem meam.

Auribus pércipe oratióem meam, * non in lábiis dolósis.

De vultu tuo iudicium meum pródeat : * óculi tui videant æquitátes.

Probásti cor meum, et visitásti nocte : * igne me examinásti, et non est invénta in me iniquitas.

Ut non loquátur os meum ópera hóminum : * propter verba labiórum tuórum ego custodívi vias duras.

Pérfice gressus meos in sémitis tuis : * ut non moveántur vestigia mea.

Ego clamávi, quóniam exaudisti me Deus : * inclína áurem tuam mihi, et exáudi verba mea.

Mirífica misericórdias tuas, * qui salvos facis sperántes in te.

A resisténtibus dexterae tuæ custódi me, * ut pupillam óculi.

Sub umbra alárum tuárum prótege me : * a fácie impiórum qui me afflixérunt.

Inimici mei ánimam meam circumdedérunt, ádipem suum conclusérunt : * os

eórum locútum est supér-
biam.

Projiciéntes me nunc circ-
cumedérunt me : * óculos
suos statuérunt declináre in
terram.

Suscepérunt me sicut leo
parátus ad prædam : * et sic-
ut cáculus leónis hábitans in
ábditis.

Exsúrge Dómine, præveni
eum, et supplánta eum : *
éripe ánimam meam ab im-
pio, frámeam tuam ab ini-
micis manus tuæ.

Dómine a páucis de ter-
ra dívide eos in vita eó-
rum : * de abscónditis tuis
adimplétus est venter eó-
rum.

Saturáti sunt filiis : * et
dimisérunt reliquias suas
párvulis suis.

Ego áutem in justítia appa-
rébo conspéctui tuo : * satiá-
bor cum apparúerit glória
tua.

Per Annum, Ant. Propter
verba labiórum tuórum ego
custodivi vias duras.

Ant. Diligam te.

Et non repetitur in Psalmo :
quod semper fit, quando Ant.
incipit a primo Versu Psalmi;
et Ps. tunc incipitur ab eo
verbo in quo desinit Ant.,
sive integra dicatur, sive
tantum inchoata; si tamen
eadem sint verba, et conti-
nuetur Ant. cum Psalmo.

Psalmus 17.

DÍLIGAM te Dómine forti-
túdo mea : * Dóminus
firmaméntum meum, et re-

fúgium meum, et liberátor
meus.

Deus meus adjútor meus, *
et sperábo in eum.

Protéctor meus, et cornu
salútis meæ, * et suscéptor
meus.

Láudans invocábo Dómi-
num : * et ab inimícis meis
salvus ero.

Circumdedérunt me doló-
res mortis : * et torréntes
iniquitátis conturbavérunt
me.

Dolóres inférni circumde-
dérunt me : * præoccupavé-
runt me láquei mortis.

In tribulatióne mea invo-
cávi Dóminum, * et ad
Deum meum clamávi :

Et exaudivit de templo
sancto suo vocem meam : *
et clamor meus in conspé-
ctu ejus, introívit in áures
ejus.

Commóta est, et contré-
muit terra : * fundaménta
móntium conturbáta sunt, et
commóta sunt, quóniam irá-
tus est eis.

Ascéndit fumus in ira ejus :
et ignis a fácie ejus exársit : *
carbónes succénsi sunt ab
eo.

Inclinávit cælos, et de-
scéndit : * et caligo sub pé-
dibus ejus.

Et ascéndit super Chéru-
bim, et volávit : * volávit
super pennas ventórum.

Et pósuit ténebras latibu-
lum suum, in circúitu ejus
tabernáculum ejus : * tene-
brósa aqua in núbibus áëris.

Præ fulgóre in conspéctu ejus nubes transiérunt, * grando et carbónes ignis.

Et intónuit de cælo Dóminus, et Altíssimus dedit vocem suam : * grando et carbónes ignis.

Et misit sagittas suas, et dissipávit eos : * fúlgora multiplicávit, et conturbávit eos.

Et apparuérunt fontes aquárum, * et reveláta sunt fundaménta orbis terrárum :

Ab increpatione tua Dómine, * ab inspiratióne spíritus iræ tuæ.

Misit de summo, et accépit me : * et assúmpsit me de aquis multis.

Eripuit me de inimicis meis fortíssimis, et ab his qui odérunt me : * quóniam confortáti sunt super me.

Prævenérunt me in die afflictiónis meæ : * et factus est Dóminus protéctor meus.

Et edúxit me in latitúdinem : * salvum me fecit, quóniam vóluit me.

Et retribuet mihi Dóminus secúndum justitiam meam, * et secúndum puritatem mánuum meárum retribuet mihi :

Quia custodivi vias Dómini, * nec impie gessi a Deo meo.

Quóniam ómnia judícia ejus in conspéctu meo : * et justitias ejus non répuli a me.

Et ero immaculátus cum eo : * et observábo me ab iniquitate mea.

Et retribuet mihi Dóminus secúndum justitiam meam : * et secúndum puritatem mánuum meárum in conspéctu oculórum ejus.

Cum sancto sanctus eris, * et cum viro innocénte innocens eris :

Et cum elécto eléctus eris : * et cum perverso pervertéris.

Quóniam tu pópulum húmitem salvum fácies : * et óculos superbórum humiliábis.

Quóniam tu illúminas lucernam meam Dómine : * Deus meus illúmina ténebras meas.

Quóniam in te eripiar a tentatióne, * et in Deo meo transgrediar murum.

Deus meus impollúta via ejus : elóquia Dómini igne examináta : * protéctor est ómnium sperántium in se.

Quóniam quis Deus præter Dóminum? * aut quis Deus præter Deum nostrum?

Deus qui præcinxit me virtúte : * et pósuit immaculátam viam meam.

Qui perfécit pedes meos tamquam cervórum, * et super excélsa státuens me.

Qui docet manus meas ad prælium : * et posuisti, ut arcum áereum, bráchia mea.

Et dedisti mihi protectiõem salútis tuæ : * et dextera tua suscepit me :

Et disciplina tua corréxit me in finem : * et disciplina tua ipsa me docébit.

Dilatásti gressus meos sub-
tus me : * et non sunt infir-
máta vestigia mea :

Pérsequar inimicos meos,
et comprehéndam illos : * et
non convértar, donec defi-
ciant.

Confringam illos, nec pó-
terunt stare : * cadent subtus
pedes meos.

Et præcinxísti me virtúte
ad bellum : * et supplantásti
insurgéntes in me subtus
me.

Et inimicos meos dedísti
mihi dorsum, * et odiéntes
me disperdidísti.

Clamavérunt, nec erat qui
salvos fáceret, ad Dómi-
num : * nec exaudivit eos.

Et commínuam eos ut púl-
verem ante fáciem venti : *
ut lutum plateárum delébo
eos.

Eripies me de contradi-
ctiónibus pópuli : * consti-
tues me in caput géntium.

Pópulus, quem non co-
gnóvi, servívit mihi : * in
audítu áuris obedívit mihi.

Filii aliéni mentiti sunt
mihi, * filii aliéni inveteráti
sunt, et claudicavérunt a
sémitis suis.

Vivít Dóminus, et benedi-
ctus Deus meus, * et exalté-
tur Deus salútis meæ.

Deus, qui das vindictas
mihi, et subdis pópulos sub
me, * liberátor meus de ini-
micis meis iracúndis.

Et ab insurgéntibus in me
exaltábis me : * a viro iníquo
erípies me.

Proptérea confitébor tibi
in natió nibus Dómine : * et
nómini tuo psalmum dicam,

Magníficans salútes regis
ejus, et fáciens misericór-
diam christo suo David, * et
sémini ejus usque in sæ-
culum.

Per Annum, Ant. Diligam
te Dómine virtus mea.

V. Quóniam tu illúminas
lucérnam meam Dómine. **R.**
Deus meus illúmina ténebras
meas.

Pater noster. **secreto.**

V. Et ne nos indúcas in
tentatió nem. **R.** Sed libera
nos a malo.

Absolutio.

Ipsíus píetas et misericór-
dia nos ádjuvet, qui cum
Patre et Spírítu sancto vivít
et regnat in sácula sæculó-
rum. **R.** Amen.

V. Jube domne benedicere.

Bened. Deus Pater omni-
potens sit nobis propítius et
clemens. **R.** Amen.

Pro v. Lectione.

Bened. Christus perpétuæ
det nobis gáudia vitæ. **R.**
Amen.

Pro vi. Lectione.

Bened. Ignem sui amóris
accéndat Deus in córdibus
nostris. **R.** Amen.

IN III. NOCTURNO

Per Annum, Ant. Non sunt
loquélæ.

Psalmus 18.

Cæli enarrant glóriam Dei, *
et ópera mánuum ejus
annúntiat firmaméntum.

Dies diéi erúctat verbum, *

et nox nocti indicat scientiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimoniúm Dómini fidéle, sapiéntiam præstans párvulis.

Justitiæ Dómini rectæ, lætificántes corda : * præceptum Dómini lúcidum ; illúminans óculos.

Timor Dómini sanctus, pérmanens in sæculum sæculi : * judicia Dómini vera, justificáta in semetípsa.

Desiderabilia super áurum et lápidem pretiósium multum : * et dulcióra super mel et favum.

Etenim servus tuus custodit ea, * in custodiéndis illis retribútio multa.

Delicta quis intélligit ? ab occúltis meis munda me : * et ab aliénis parce servo tuo.

Si mei non fúerint domínati, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine adjútor meus, * et redémptor meus.

Per Annum, Ant. Non sunt loquélæ, neque sermónes, quorum non audiántur voces eórum.

Ant. Exáudiat.

Psalmus 19.

EXÁUDIAT te Dóminus in die tribulatiónis : * protégat te nomen Dei Jacob.

Mittat tibi auxílium de sancto : * et de Sion tueátur te.

Memor sit omnis sacrificii tui : * et holocáustum tuum pingue fiat.

Tribuat tibi secúndum cor tuum : * et omne consílium tuum confirmet.

Lætábimur in salutári tuo : * et in nómine Dei nostri magnificábimur.

Impleat Dóminus omnes petitiónes tuas : * nunc cognóvi quóniam salvum fecit Dóminus Christum suum.

Exáudiet illum de cælo sancto suo : * in potentátibus salus dexteræ ejus.

Hi in cúrribus, et hi in equis : * nos áutem in nómine Dómini Dei nostri invocábimus.

Ipsi obligáti sunt, et ceciderunt : * nos áutem surréximus et erécti sumus.

Dómine salvum fac regem : * et exáudi nos in die, qua invocáverimus te.

Per Annum. Ant. Exáudiat te Dóminus in die tribulatiónis.

Ant. Dómine.

Psalmus 20.

DÓMINE in virtúte tua lætábitur rex : * et super salutáre tuum exsultábit veheménter.

Desidérium cordis ejus tribuisti ei : * et voluntáte labiórum ejus non fraudásti eum.

Quóniam prævenísti eum in benedictiónibus dulcédinis : * posuísti in cápite ejus corónam de lápide pretiósio.

Vitam pétiiit a te : * et tribuísti ei longitúdinem dierum in sáculum, et in sáculum sáculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sáculum sáculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altissimi non commovébitur.

Inveniátur manus tua ómnibus inimicis tuis : * dextera tua invéniat omnes, qui te odérunt.

Pones eos ut clibanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra

perdes : * et semen eórum a filiis hóminum.

Quóniam declinavérunt in te mala : * cogitavérunt consilia, quæ non potuérunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre Dómine in virtúte tua : * cantábimus et psallémus virtútes tuas.

Per Annum. Ant. Dómine in virtúte tua lætábitur rex.

V. Exaltáre Dómine in virtúte tua. **R.** Cantábimus et psallémus virtútes tuas.

Pater noster. secreto.

V. Et ne nos indúcas in tentatióem. **R.** Sed libera nos a malo.

Absolutio.

A VÍNCULIS peccatórum nostrórum absólvat nos omnipotens et miséricors Dóminus. **R.** Amen.

V. Jube domne benedicere.

Bened. Evangélica lécio sit nobis salus et protéctio. **R.** Amen.

Pro viii. Lectione.

Bened. Divinum auxilium máneat semper nobiscum. **R.** Amen.

Pro ix. Lectione.

Bened. Ad societátem civium supernórum perdúcat nos Rex Angelórum. **R.** Amen.

Seq. Hymnus semper dicitur post ult. Lect. in omnibus Dominicis et Festis tantum : in feriali Officio non

dicitur, sed ejus loco ponitur tertium Responsorium.

HYMNUS

SS. AMBROSII ET AUGUSTINI

TE Deum laudamus : * te Dóminum confitemur.

Te ætérnum Patrem * omnis terra venerátur.

Tibi omnes Angeli, * tibi cæli, et univérsæ potestátes :

Tibi Chérubim et Séraphim * incessábili voce proclamánt :

Sanctus, * Sanctus, * Sanctus * Dóminus Deus Sábaoth.

Pleni sunt cæli et terra * majestátis glóriæ tuæ.

Te gloriósus * Apostolórum chorus,

Te Prophetárum * laudábilis númerus,

Te Mártyrum candidátus * laúdat exércitus.

Te per orbem terrárum * sancta confitétur Ecclésia,

Patrem * imménsæ majestátis,

Venerándum tuum verum * et únicum Filium,

Sanctum quoque * Paráclitum Spíritum.

Tu Rex glóriæ * Christe.

Tu Patris * sempitérnus es Filius.

Tu ad liberándum susceptúrus hóminem : * non horruisti Virginitis úterum.

Tu devicto mortis acúleo : * aperuisti credéntibus regna cælórum.

Tu ad dexteram Dei sedes, * in glória Patris.

Judex créderis * esse ventúrus.

Te ergo quæsumus, tuis fámulis súbveni : * quos pretiósó ságuine redemisti.

Ætérna fac cum sanctis tuis : * in glória numerári.

Salvum fac pópulum tuum Dómine, * et bédedic hereditáti tuæ.

Et rege eos, * et extólle illos usque in ætérnum.

Per singulos dies * benedicimus te.

Et laudamus nomen tuum in sæculum, * et in sæculum sæculi.

Dignáre Dómine die isto * sine peccáto nos custodire.

Miserére nostri Dómine : * miserére nostri.

Fiat misericórdia tua Dómine super nos, * quemádmódum sperávimus in te.

In te Dómine sperávi : * non confúndar in ætérnum.

AD LAUDES

DEUS in adjutórium meum inténde. **R.** Dómine ad adjuvándum me festína. Glória Patri, et Filio, et Spíritui sancto. Sicut erat in princípio, et nunc, et semper, et in sæcula sæculórum. Amen. Allelúia.

Ab Octava Pentecostes usque ad Adventum.

Ant. Allelúia.

Psalmus 92.

DÓMINUS regnávít, decórem indútus est : * indútus est Dóminus fortitúdinem, et præcínxit se.

Etenim firmávit orbem terræ, * qui non commovébitur.

Paráta sedes tua ex tunc : * a sáculo tu es.

Elevavérunt flúmina Dómine : * elevavérunt flúmina vocem suam.

Elevavérunt flúmina fluctus suos, * a vóci bus aquárum multárum.

Mirábiles elatiónes maris : * mirábilis in altis Dóminus.

Testimónia tua credibilia facta sunt nimis : * domum tuam decet sanctitúdo Dómine in longitudinem diérum.

Psalmus 99.

JUBILÁTE Deo omnis terra : * servite Dómino in lætitia.

Introíte in conspéctu ejus, * in exsultatióne.

Scitóte quóniam Dóminus ipse est Deus : * ipse fecit nos, et non ipsi nos.

Pópulus ejus, et oves páscuæ ejus : * introite portas ejus in confessi óne, átria ejus in hymnis : confitémini illi.

Laudáte nomen ejus : quóniam suávis est Dóminus, in ætérnum misericórdia ejus, * et usque in generatió nem et generatió nem véritas ejus.

Psalmus 62.

DEUS Deus meus, * ad te de luce vígilo.

Sitívit in te ánima mea, * quam multipliciter tibi caro mea.

In terra desérta, et invia, et inaquósa : * sic in sancto

appáruí tibi, ut vidérem virtutem tuam et glóriam tuam.

Quóniam mélior est misericórdia tua super vitas : * lábia mea laudábunt te.

Sic benedicam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exsultatiónis laudábit os meum.

Si memor fui tui super stratum meum, in matutinis meditábor in te : * quia fuísti adjútor meus.

Et in velaménto alárum tuárum exsultábo, adhæsit ánima mea post te : * me suscepit dextera tua.

Ipsi vero in vanum quæsiérunt ánimam meam, introíbunt in inferióra terræ : * tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúctum est os loquéntium iniqua.

Hic non dicitur Glória Patri.

Psalmus 66.

DEUS misereátur nostri, et benedicat nobis : * illúminet vultum suum super nos, et misereátur nostri.

Ut cognoscámus in terram viam tuam : * in ómnibus géntibus salutáre tuum.

Confiteántur tibi pópuli Deus : * confiteántur tibi pópuli omnes.

Læténtur et exsúltent gentes : * quóniam júdicas pó-

pulos in æquitáte, et gentes in terra dirigis.

Confiteántur tibi pópuli Deus, confiteántur tibi pópuli omnes: * terra dedit fructum suum.

Benedicat nos Deus, Deus noster, benedicat nos Deus: * et métuant eum omnes fines terræ.

Glória Patri.

Per Annum, Ant. Allelúia, allelúia.

Ant. Tres púeri.

Canticum trium puerorum.

Danielis 3. c

BENEDÍCITE ómnia ópera Dómini Dómino: * laudáte et superexaltáte eum in sæcula.

Benedicite Angeli Dómini Dómino: * benedicite cæli Dómino.

Benedicite aquæ omnes, quæ super cælos sunt, Dómino: * benedicite omnes virtútes Dómini Dómino.

Benedicite sol et luna Dómino: * benedicite stellæ cæli Dómino.

Benedicite omnis imber et ros Dómino: * benedicite omnes spíritus Dei Dómino.

Benedicite ignis et æstus Dómino: * benedicite frigus et æstus Dómino.

Benedicite rores et pruina Dómino: * benedicite gelu et frigus Dómino.

Benedicite glácies et nives Dómino: * benedicite noctes et dies Dómino.

Benedicite lux et ténebræ

Dómino: * benedicite fúlgura et nubes Dómino.

Benedicat terra Dómino: * laudet, et superexaltet eum in sæcula.

Benedicite montes et colles Dómino: * benedicite univérſa germinántia in terra Dómino.

Benedicite fontes Dómino: * benedicite mária et flúmina Dómino.

Benedicite cete, et ómnia, quæ movéntur in aquis, Dómino: * benedicite omnes vólucres cæli Dómino.

Benedicite omnes béstiaæ et pécora Dómino: * benedicite filii hóminum Dómino.

Benedicat Israël Dómino: * laudet et superexaltet eum in sæcula.

Benedicite sacerdótes Dómini Dómino: * benedicite servi Dómini Dómino.

Benedicite spíritus, et ánimæ justórum Dómino: * benedicite sancti, et húmiles corde Dómino.

Benedicite Ananía, Azaría, Misaël Dómino: * laudáte et superexaltáte eum in sæcula.

Benedicámus Patrem et Filium cum sancto Spíritu: * laudémus et superexaltémus eum in sæcula.

Benedictus es Dómine in firmaménto cæli: * et laudábilis, et gloriósus, et superexaltátus in sæcula.

Hic non dicitur Glória Patri. **neque** Amen.

In aliis Canticis dicuntur.

Per Annum. Ant. Tres púeri jussu regis in fornácem missi sunt, non timéntes flammam ignis, dicéntes : Benedictus Deus.

Ant. Allelúia.

Psalmus 148.

LAUDÁTE Dóminum de cælis : * laudáte eum in excélsis.

Laudáte eum omnes Angeli ejus : * laudáte eum omnes virtútes ejus.

Laudáte eum sol et luna : * laudáte eum omnes stellæ, et lumen.

Laudáte eum cæli cælórum : * et aquæ omnes, quæ super cælos sunt, láudent nomen Dómini.

Quia ipse dixit, et facta sunt : * ipse mandávit, et créata sunt.

Státuit ea in ætérnum, et in sæculum sæculi : * præcéptum pósuit, et non præteribit.

Laudáte Dóminum de terra, * dracones, et omnes abyssi.

Ignis, grando, nix, glácies, spíritus procellárum : * quæ faciunt verbum ejus :

Montes, et omnes colles : * ligna fructífera, et omnes cedri.

Béstiae, et univérsa pécora : * serpéntes, et vólucres pennátæ :

Reges terræ, et omnes pópuli : * principes, et omnes júdices terræ.

Júvenes, et vírgines : senes cum junióribus láudent nomen Dómini : * quia exaltátum est nomen ejus solius.

Conféssio ejus super cælum, et terram : * et exaltávit cornu pópuli sui.

Hymnus ómnibus sanctis ejus : * filiis Israél, pópulo appropinquánti sibi.

Hic non dicitur Glória Patri.

Psalmus 149.

CANTÁTE Dómino cánticum novum : * laus ejus in ecclésia sanctórum.

Lætétur Israél in eo, qui fecit eum : * et filii Sion exsúltent in rege suo.

Láudent nomen ejus in choro : * in týmpano, et psalterio psallant ei :

Quia beneplácitum est Dómino in pópulo suo : * et exaltábit mansuétos in salutem.

Exsultábunt sancti in glória : * lætabúntur in cubilibus suis.

Exaltatiónes Dei in gútture eórum : * et gládii ancípites in mánibus eórum :

Ad faciéndam vindíctam in natió nibus : * increpatiónes in pópulis.

Ad alligándos reges eórum in compédibus : * et nóbiles eórum in mánicis férreis.

Ut fácient in eis judícium conscriptum : * glória hæc est ómnibus sanctis ejus.

Hic non dicitur Glória Patri.

Psalmus 150.

LAUDÁTE Dóminum in sanctis ejus : * laudáte eum in firmaménto virtútis ejus.

Laudáte eum in virtútibus ejus : * laudáte eum secúndum multitudínem magnitúdinis ejus.

Laudáte eum in sono tubæ : * laudáte eum in psalterio, et cithara.

Laudáte eum in týmpano, et choro : * laudáte eum in chordis, et órgano.

Laudáte eum in cýmbalis benesonántibus : laudáte eum in cýmbalis jubilatiónis : * omnis spíritus láudet Dóminum.

Glória Patri.

Per Annum, Ant. Allelúia, allelúia, allelúia.

Sequens Capit. dicitur in Dominicis, a Dom. III. post Pentecost. usque ad Adventum.

Capitulum. Apoc. 7. c

BENEDÍCTIO, et cláritas, et sapiéntia, et gratiárum áctio, honor, et virtus, et fortitúdo Deo nostro in sæcula sæculórum. Amen.

R. Deo grátias.

Sic respondetur in fine omnium Capitulorum.

Ab Oct. Pentec. usque ad Dom. proximiozem Kalendis Octobris.

Hymnus.

ECCE jam noctis tenuátur umbra,
Lux et auróræ rútilans corúscat :

Súpplīces rerum Dóminum canóra

Voce precémur :

Ut reos culpæ miserátus, omnem

Pellat angórem, tribuat salútem,

Donet et nobis bona sempitérnæ

Múnera pacis.

Præstet hoc nobis Déitas beáta

Patris, ac Nati, paritérque sancti

Spíritus, cujus résonat per omnem

Glória mundum. Amen.

Per Annum. V. Dóminus regnávīt, decórem índuit. *R.* Índuit Dóminus fortitúdinem, et præcínxit se virtúte.

Canticum Zachariæ.

Lucæ 1. g

BENEDÍCTUS Dóminus Deus Israēl, * quia visitávit, et fecit redemptiónem plebis suæ :

Et eréxit cornu salútis nobis : * in domo David púeri sui.

Sicut locútus est per os sanctórum, * qui a sæculo sunt, prophetárum ejus :

Salútem ex inimicis nostris, * et de manu ómnium, qui odérunt nos :

Ad faciéndam misericórdiam cum pátribus nostris : * et memorári testaménti sui sancti.

Jusjurándum, quod jurávit ad Abraham patrem nostrum, * datúrum se nobis :

Ut sine timóre, de manu inimicórum nostrórum liberáti, * serviámus illi,

In sanctitáte, et justitia coram ipso, * ómnibus diébus nostris.

Et tu puer, Prophéta Altíssimi vocáberis : * præibis enim ante fáciem Dómini paráre vias ejus :

Ad dandam sciéntiam salútis plebi ejus : * in remissioném peccatórum eórum :

Per viscera misericórdiæ Dei nostri : * in quibus visitávit nos, óriens ex alto :

Illumináre his, qui in ténebris, et in umbra mortis sedent : * ad dirigéndos pedes nostros in viam pacis.

Glória Patri.

Deinde dicitur Ant. et Oratio propria, et post eam, si occurrat eo die aliquod Festum Simplex, vel ad modum Simplicis recolendum, fit de eo Commem. Postremo (si id tempus requirat) fiunt Commem. de S. Maria, de S. Joseph, de Apostolis, et de Patrono Ecclesiæ in ordine aliarum Commem. secundum illius dignitatem, et ultimo loco de Pace, ut infra in Vesp. Sabbati.

In fine, si discedendum sita Choro, dicitur Ant. Salve Regina. ut habetur infra post Completorium.

DOMINICA

AD PRIMAM

Pater. Ave. Credo.

Deus in adjutórium. 16.

Hymnus.

JAM lucis orto sidere
Deum precémur súppli-
ces,

Ut in diúrnis áctibus
Nos servet a nocéntibus.

Linguam refrænans tém-
peret,

Ne litis horror insonet :
Visum fovéndo cóntegat,
Ne vanitátes háuriat.

Sint pura cordis íntima,
Absistat et vecórdia :
Carnis terat supérbiam
Potus cibique párcitas.

Ut cum dies abscésserit,
Noctémque sors redúxerit,
Mundi per abstinéntiam
Ipsi canámus glóriam.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sáeculum.
Amen.

In Dominicis per Annum,
Ant. Allelúia.

Psalmus 53.

DEUS in nómine tuo sal-
vum me fac : * et in vir-
túte tua júdica me.

Deus exáudi oratiónem
meam : * áuribus pércipe
verba oris mei.

Quóniam aliéni insurrexé-
runt advérsus me, et fortes
quæsiérunt ánimam meam : *
et non proposuérunt Deum
ante conspéctum suum.

Ecce enim Deus ádjuvat
me : * et Dóminus suscep-
tor est ánimæ meæ.

Avérte mala inimicis me-
is : * et in veritáte tua dis-
pérde illos.

Voluntarie sacrificábo tibi, * et confitébor nómini tuo Dómine : quóniam bonum est :

Quóniam ex omni tribulatióne eripuisti me : * et super inimicos meos despéxit óculus meus.

Sequens Ps. Confitémini Dómino. **dicitur tantum in Dom., quando sit Officium de Dominica ut in Psalterio.**

Psalmus 117.

CONFITÉMINI Dómino quóniam bonus : * quóniam in sæculum misericórdia ejus.

Dicat nunc Israël quóniam bonus : * quóniam in sæculum misericórdia ejus.

Dicat nunc domus Aaron : * quóniam in sæculum misericórdia ejus.

Dicant nunc qui timent Dóminum : * quóniam in sæculum misericórdia ejus.

De tribulatióne invocávi Dóminum : * et exaudivit me in latitúdine Dóminus.

Dóminus mihi adjútor : * non timébo quid fáciat mihi homo.

Dóminus mihi adjútor : * et ego despiciam inimicos meos.

Bonum est confidere in Dómino, * quam confidere in hómine :

Bonum est speráre in Dómino, * quam speráre in principibus.

Omnes gentes circuiérunt me : * et in nómine Dómini quia ultus sum in eos.

Circumdántes circumdédérunt me : * et in nómine Dómini quia ultus sum in eos.

Circumdedérunt me sicut apes, et exarsérunt sicut ignis in spinis : * et in nómine Dómini quia ultus sum in eos.

Impúlsus evérsus sum ut cáderem : * et Dóminus suscepit me.

Fortitúdo mea, et laus mea Dóminus : * et factus est mihi in salútem.

Vox exultatiónis, et salútis * in tabernáculis justórum.

Déxtera Dómini fecit virtútem : déxtera Dómini exaltávit me, * déxtera Dómini fecit virtútem.

Non móriar, sed vivam : * et narrábo ópera Dómini.

Castigans castigávit me Dóminus : * et morti non trádidit me.

Aperite mihi portas justitiæ, ingressus in eas confitébor Dómino : * hæc porta Dómini, justi intrábunt in eam.

Confitébor tibi quóniam exaudisti me : * et factus es mihi in salútem.

Lápidem, quem reproba vérunť ædificántes : * hic factus est in caput ánguli.

A Dómino factum est istud : * et est mirábile in óculis nostris.

Hæc est dies, quam fecit Dóminus : * exultémus, et lætémur in ea.

O Dómine salvum me fac,

o Dómine bene prosperáre : *
benedictus qui venit in nó-
mine Dómini.

Benediximus vobis de
domo Dómini : * Deus Dó-
minus, et illúxit nobis.

Constitúite diem solénnem
in condénsis, * usque ad
cornu altáris.

Deus meus es tu, et con-
fitébor tibi : * Deus meus es
tu, et exaltábo te.

Confitébor tibi quóniam
exaudisti me : * et factus es
mihi in salútem.

Confitémini Dómino quó-
niam bonus : * quóniam
in sáeculum misericórdia
ejus.

Psalms 118.

BEÁTI immaculáti in via : *
qui ámbulant in lege
Dómini.

Beáti, qui scrutántur te-
stimónia ejus : * in toto corde
exquírun eum.

Non enim qui operántur
iniquitátem, * in viis ejus
ambulavérunt.

Tu mandásti * mandáta
tua custodíri nimis.

Utinam dirigántur viæ
meæ, * ad custodiédas ju-
stificatiónes tuas!

Tunc non confúndar, *
cum perspéxero in ómnibus
mandátis tuis.

Confitébor tibi in dire-
ctiône cordis : * in eo quod
didici judicia justitiæ tuæ.

Justificatiónes tuas custó-
diam : * non me derelinquas
usquequáque.

In quo córrigit adolescén-

tior viam suam? * in custo-
diéndo sermónes tuos.

In toto corde meo exqui-
sivi te : * ne repéllas me a
mandátis tuis.

In corde meo abscondi
elóquia tua : * ut non peccem
tibi.

Benedictus es Dómine : *
doce me justificatiónes tuas.

In lábiis meis, * pronun-
tiávi ómnia judícia oris tui.

In via testimoniórum tuó-
rum delectátus sum, * sicut
in ómnibus divítiis.

In mandátis tuis exercé-
bor : * et considerábo vias
tuas.

In justificatió nibus tuis
meditábor : * non oblivíscar
sermónes tuos.

RETRÍBUE servo tuo, vivi-
fica me : * et custódiam
sermónes tuos.

Revéla óculos meos : * et
considerábo mirabilia de
lege tua.

Incola ego sum in terra : *
non abscondas a me man-
dáta tua.

Concupívit ánima mea de-
sideráre justificatiónes tuas, *
in omni témpore.

Increpásti supérbos : *
maledícti qui declínant a
mandátis tuis.

Aufer a me oppróbrium et
contéptum : * quia testi-
mónia tua exquisívi.

Etenim sedérunt princi-
pes, et advérsus me loque-
bántur : * servus áutem tuus.
exercebátur in justificatió-
nibus tuis.

Nam et testimónia tua meditatio mea est : * et consilium meum justificationes tuæ.

Adhæsit pavimento anima mea : * vivifica me secundum verbum tuum.

Vias meas enuntiavi, et exaudisti me : * doce me justificationes tuas.

Viam justificationum tuarum instrue me : * et exercébor in mirabilibus tuis.

Dormitavit anima mea præ tédio : * confirma me in verbis tuis.

Viam iniquitatis amove a me : * et de lege tua miserere mei.

Viam veritatis elégi : * iudicia tua non sum oblitus.

Adhæsi testimoniis tuis Dómine : * noli me confundere.

Viam mandatorum tuorum cucurri, * cum dilatasti cor meum.

Sequens Symbolum dicitur in Dominicis tantum, quando fit Offic. de Dom. ut in Psalt. et in Festo SS. Trinitatis.

Symbolum S. Athanasii.

QUICÚMQUE vult salvus esse, * ante ómnia opus est ut teneat catholicam fidem :

Quam nisi quisque integram inviolatamque servaverit, * absque dubio in ætérnum peribit.

Fides autem cathólica hæc est : * ut unum Deum in

Trinitate, et Trinitatem in Unitate venerémur.

Neque confundentes personas, * neque substantiam separantes.

Alia est enim persona Patris, alia Filii, * alia Spiritus sancti :

Sed Patris, et Filii, et Spiritus sancti una est divinitas, * æqualis glória, co-æterna majestas.

Qualis Pater, talis Filius, * talis Spiritus sanctus.

Increátus Pater, increátus Filius, * increátus Spiritus sanctus.

Imménsus Pater, imménsus Filius, * imménsus Spiritus sanctus.

Ætérnus Pater, ætérnus Filius, * ætérnus Spiritus sanctus.

Et tamen non tres ætérni, * sed unus ætérnus.

Sicut non tres increáti, nec tres imménsi, * sed unus increátus, et unus imménsus.

Similiter omnipotens Pater, omnipotens Filius, * omnipotens Spiritus sanctus.

Et tamen non tres omnipotentes, * sed unus omnipotens.

Ita Deus Pater, Deus Filius, * Deus Spiritus sanctus.

Et tamen non tres Dii : * sed unus est Deus.

Ita Dóminus Pater, Dóminus Filius, * Dóminus Spiritus sanctus.

Et tamen non tres Dómini : * sed unus est Dóminus.

Quia, sicut singillátim

unamquámque persónam Deum ac Dóminum confitéri christiána veritate compélimur : * ita tres Deos aut Dóminos dicere cathólica religióne prohibémur.

Pater a nullo est factus : * nec créatus, nec génitus.

Filius a Patre solo est : * non factus, nec créatus, sed génitus.

Spiritus sanctus a Patre et Filio : * non factus, nec créatus, nec génitus, sed procédens.

Unus ergo Pater, non tres Patres : unus Filius, non tres Filii : * unus Spiritus sanctus, non tres Spiritus sancti.

Et in hac Trinitáte nihil prius aut postérius, nihil majus aut minus : * sed totæ tres persónæ coæternæ sibi sunt et coæquales.

Ita ut per ómnia, sicut jam supra dictum est, * et únititas in Trinitáte, et Trinitas in unitáte veneránda sit.

Qui vult ergo salvus esse, * ita de Trinitáte séntiat.

Sed necessárium est ad æternam salútem, * ut Incarnatióem quoque Dómini nostri Jesu Christi fidéliter credat.

Est ergo fides recta, ut credámus et confiteámur, * quia Dóminus noster Jesus Christus Dei Filius, Deus et homo est.

Deus est ex substántia Patris ante sæcula génitus : *

et homo est ex substántia matris in sæculo natus.

Perfécus Deus, perfécus homo : * ex ánima rationáli, et humana carne subsistens.

Æquális Patri secúndum divinitátem : * minor Patre secúndum humanitátem.

Qui, licet Deus sit et homo, * non duo tamen, sed unus est Christus.

Unus áutem non conversiône divinitátis in carnem, * sed assumptiône humanitátis in Deum.

Unus omnino, non confusiône substántiæ, * sed unitáte persónæ.

Nam sicut ánima rationalis et caro unus est homo : * ita Deus et homo unus est Christus.

Qui passus est pro salúte nostra : descendit ad inferos : * tértia die resurrexit a mórtuis.

Ascéndit ad cælos, sedet ad dexteram Dei Patris omnipoténtis : * inde ventúrus est judicáre vivos et mórtuos.

Ad cujus advéntum omnes hómines resúrgere habent cum corpóribus suis : * et redditúri sunt de factis propriis ratióem.

Et qui bona egérunt, ibunt in vitam æternam : * qui vero mala, in ignem æternum.

Hæc est fides cathólica, * quam nisi quisque fidéliter firmitérque crediderit, salvus esse non póterit.

Glória Patri.

Ant. Allelúia, allelúia, allelúia.

Capitulum. I. Tim. 1. d

REGI sæculórum immortalí et invisibili, soli Deo honor et glória in sæcula sæculórum. Amen.

R. Deo grátias.

R. br. Christe Fili Dei vivi, * Miserére nobis. **Et repetitur:** Christe Fili Dei vivi, miserére nobis. **V.** Qui sedes ad dexteram Patris. **R.** Miserére nobis. **V.** Glória Patri, et Filio, et Spiritui sancto. **R.** Christe Fili Dei vivi, miserére nobis.

V. Exsúrge Christe, ádjuva nos. **R.** Et libera nos propter nomen tuum.

Sequentes Preces non dicuntur in Duplici nec infra Oct.; sed tunc dicto R. br. dicitur Dóminus vobiscum. **et Orat.** Dómine Deus omnipotens. **ut infra.** 27.

KYRIE eléison. Christe eléison. Kýrie eléison.

Pater noster. **secreto usque ad V.** Et ne nos indúcas in tentatiónem. **R.** Sed libera nos a malo.

Credo in Deum. **secreto usque ad V.** Carnis resurrectionem. **R.** Vitam ætérnam. Amen.

V. Et ego ad te Dómine clamávi. **R.** Et mane orátio mea præveniet te.

V. Repleátur os meum láude. **R.** Ut cantem glóriam tuam, tota die magnitúdinem tuam.

V. Dómine avérte fáciem

tuam a peccátis meis. **R.** Et omnes iniquitátes meas dele.

V. Cormundum crea in me Deus. **R.** Et spiritum rectum innova in viscéribus meis.

V. Ne projícias me a fácie tua. **R.** Et Spiritum sanctum tuum ne áuferas a me.

V. Redde mihi lætítiam salutáris tui. **R.** Et spiritu principáli confirma me.

V. Adjutórium nostrum in nómine Dómini. **R.** Qui fecit cælum et terram.

Deinde Hebdomadarius facit Confessionem.

CONFÍTEOR Deo omnipoténti, beátæ Mariæ semper Virgini, beáto Michaéli Archángelo, beáto Joánni Baptistæ, sanctis Apóstolis Petro et Páulo, ómnibus Sanctis, et vobis fratres : quia peccávi nimis cogitatióne, verbo et ópere : mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Joánnem Baptistam, sanctos Apóstolos Petrum et Páulum, omnes Sanctos, et vos fratres, oráre pro me ad Dóminum Deum nostrum.

Chorus respondet :

MISEREÁTUR tui omnipotens Deus, et dimissis peccátis tuis, perdúcat te ad vitam ætérnam. **R.** Amen.

Deinde repetit Confessionem : et ubi dicitur vobis fratres, et vos fratres, dicatur tibi pater et te pater.

Facta Confessione a Choro,
Hebdomadarius dicit :

MISEREÁTUR vestri omní-
potens Deus, et, dimis-
sis peccátiis vestris, perdú-
cat vos ad vitam ætérnam.
R. Amen.

INDULGÉNTIAM, absoluti-
onem et remissionem pec-
cátórum nostrórum tríbuat
nobis omnipotens et miséri-
cors Dóminus. R. Amen.

Et *prosequitur* V. Dignáre
Dómine die isto. R. Sine
peccáto nos custodire.

V. Miserére nostri Dómi-
ne. R. Miserére nostri.

V. Fiat misericórdia tua
Dómine super nos. R. Quem-
ádmódum sperávimus in te.

V. Dómine exáudi oratió-
nem meam. R. Et clamor
meus ad te véniat.

V. Dóminus vobíscum. R.
Et cum spíritu tuo.

Orémus. *Oratio.*

DÓMINE Deus omnípotens,
qui ad principium hujus
diéi nos pervenire fecisti :
tua nos hódie salva virtúte ;
ut in hac die ad nullum
declinémus peccátum, sed
semper ad tuam justítiam
faciendam nostra procédant
elóquia, dirigántur cogita-
tiónes et ópera. Per Dómi-
num nostrum Jesum Chri-
stum Filium tuum, qui te-
cum vivit et regnat in unitáte
Spíritus sancti Deus, per
ómnia sácula sæculórum.

R. Amen.

V. Dóminus vobíscum. R.
Et cum spíritu tuo.

V. Benedicámus Dómino.
R. Deo grátias.

Deinde in Choro legitur
Martyrologium. Et quando
dicenda est Prima de beata
Maria, præponitur lectioni
Martyrologii.

Postea Hebdomadarius
dicit V. Pretiósá in conspé-
ctu Dómini. R. Mors sanctó-
rum ejus.

Et absolute sine Orémus.

Oratio.

SANCTA María, et omnes
Sancti intercédant pro
nobis ad Dóminum : ut nos
mereámur ab eo adjuvári et
salvári, qui vivit et regnat
in sácula sæculórum. R.
Amen.

V. Deus in adjutórium
meum inténde. R. Dómine
ad adjuvándum me festína.

Et dicitur ter ; ultimo ad-
ditur Glória Patri. Sicut erat.

Kýrie eléison. Christe eléi-
son. Kýrie eléison.

Pater noster. *secreto.*

V. Et ne nos indúcas in
tentatiónem. R. Sed libera
nos a malo.

V. Réspice in servos tuos
Dómine, et in ópera tua, et
dirige filios eórum. R. Et sit
splendor Dómini Dei nostri
super nos, et ópera mánuum
nostrárum dirige super nos,
et opus mánuum nostrárum
dirige.

V. Glória Patri. R. Sicut
erat.

Orémus. *Oratio.*

DIRÍGERE et sanctificáre,
régere et gubernáre di-

gnäre, Dómine Deus Rex cæli et terræ, hódie corda et cörpera nostra, sensus, sermones et actus nostros in lege tua, et in opéribus mandatorum tuorum : ut hic, et in ætérnum, te auxiliánte salvi et liberi esse mereámur, Salvátor mundi : Qui vivis et regnas in sæcula sæculorum. *R.* Amen.

V. Jube domne benedicere.

Bened. Dies et actus nostros in sua pace dispónat Dóminus omnipotens. *R.* Amen.

Ad Absolutionem Capituli in Dom. et Feriis per Annum, ab Octava Pentec. usque ad Adventum exclusive. Lectio brevis. II. Thess. 3. b

DÓMINUS áutem dirígat corda et cörpera nostra in caritaté Dei, et patiéntia Christi. Tu áutem Dómine miserére nobis. *R.* Deo grátias.

Post Lect. brevem dicitur

V. Adjutórium nostrum in nómine Dómini. *R.* Qui fecit cælum et terram.

V. Benedicite. *R.* Deus.

Bened. Dóminus nos benedicat, et ab omni malo deféndat, et ad vitam perducát ætérnam : et fidélium animæ per misericórdiam Dei requiéscent in pace. *R.* Amen.

IN FERIALI OFFICIO

AD PRIMAM

Pater noster. Ave Maria. Credo.

V. Deus in adjutórium. 16.

Hymnus.

JAM lucis orto sidere
Deum precémur súplici-

ces,
Ut in diúrnis áctibus
Nos servet a nocéntibus.

Linguam refrænans témperet,

Ne litis horror ínsonet :
Visum fovéndo cóntegat,
Ne vanitátes háuríat.

Sint pura cordis íntima,
Absístat et vecórdia :
Carnis terat supérbiam
Potus cibique párcitas :

Ut cum dies abscésserit,
Noctémque sors redúxerit,
Mundi per abstinéntiam
Ipsi canámus glóriam.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sæculum.
Amen.

Per Annum. Ant. Beáti
qui ámbulant.

Psalmus 53.

DEUS in nómine tuo sal-
vum me fac : * et in vir-
túte tua júdica me.

Deus exáudi oratió-
nem meam : * áuribus pécipe
verba oris mei.

Quóniam aliéni insurrexé-
runt advérsus me, et fortes
quæsiérunt ánimam meam : *
et non proposuérunt Deum
ante conspéctum suum.

Ecce enim Deus ádjuvat
me : * et Dóminus suscéptor
est animæ meæ.

Avérte mala inimícis me-
is : * et in veritaté tua dis-
perde illos.

Voluntarie sacrificábo tibi, * et confitébor nómini tuo Dómine : quóniam bonum est :

Quóniam ex omni tribulatione eripuisti me : * et super inimicos meos despéxit óculus meus.

Post Ps. Deus in nómine tuo. loco Ps. Confitémini. dicitur unus ex infrascriptis Psalmis, secundum Ferias distinctis. Sabbato autem dicuntur tantum tres Psalmi, sicut in Festis.

FERIA SECUNDA

Psalmus 23.

DÓMINI est terra, et plentúdo ejus : * orbis terrarum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas príncipes vestras, et elevámini portæ æternáles : * et introíbit rex glóriæ.

Quis est iste rex glóriæ? * Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : * et introíbit rex glóriæ.

Quis est iste rex glóriæ? * Dóminus virtútum ipse est rex glóriæ.

FERIA TERTIA

Psalmus 24.

Ad te Dómine levávi ánimam meam : * Deus meus in te confido, non erubescam.

Neque irrideant me inimici mei : * etenim univérsti qui sústinent te, non confundéntur.

Confundántur omnes iniqua agéntes * supervácue.

Vias tuas Dómine demónstra mihi : * et sémitas tuas édoce me.

Dírige me in veritáte tua, et doce me : * quia tu es Deus salvátor meus, et te sustínui tota die.

Reminiscere miseratiónum tuárum Dómine, * et misericordiárum tuárum, quæ a sæculo sunt.

Delicta juventútis meæ, * et ignorántias meas ne meminérís.

Secúndum misericórdiam tuam meménto mei tu : * propter bonitátem tuam Dómine.

Dulcis et rectus Dóminus : * propter hoc legem dabit delinquentibus in via.

Diriget mansuétos in iudicio : * docébit mites vias suas.

Univérſæ viæ Dómini, misericórdia et véritas, * requiréntibus testaméntum ejus et testimónia ejus.

Propter nomen tuum Dómine propitiáberis peccáto meo : * multum est enim.

Quis est homo qui timet Dóminum? * legem státuit ei in via, quam elégit.

Anima ejus in bonis demorábitur : * et semen ejus hereditábit terram.

Firmaméntum est Dóminus timéntibus eum : * et testaméntum ipsíus ut manifestétur illis.

Oculi mei semper ad Dóminum : * quóniam ipse evélet de láqueo pedes meos.

Réspice in me, et miserére mei : * quia únicus et páuper sum ego.

Tribulatiónes cordis mei multiplicatæ sunt : * de necessitatibus meis érue me.

Vide humilitátem meam, et labórem meum : * et dímittle univérſa delicta mea.

Réspice inimicos meos, quóniam multiplicáti sunt, * et odio iniquo odérunt me.

Custódi ánimam meam, et érue me : * non erubescam quóniam sperávi in te.

Innocéntes et recti adhæsérunt mihi : * quia sustínui te.

Libera Deus Israël * ex ómnibus tribulatió nibus suis.

FERIA QUARTA

Psalmus 25.

JÚDICA me Dómine, quóniam ego in innocentia mea ingressus sum : * et in Dómino sperans non infirmábor.

Proba me Dómine, et tenta me : * ure renes meos et cor meum.

Quóniam misericórdia tua ante óculos meos est : * et complácu in veritate tua.

Non sedi cum concilio vanitátis : * et cum iniqua geréntibus non introibo.

Odivi ecclésiám malignántium : * et cum impiis non sedébo.

Lavábo inter innocéntes manus meas : * et circúmdabo altáre tuum Dómine :

Ut áudiam vocem láudis, * et enárrem univérſa mirabilia tua.

Dómine diléxi decórem domus tuæ, * et locum habitatiónis glóriæ tuæ.

Ne perdas cum impiis Deus ánimam meam, * et cum viris sánguinem vitam meam :

In quorum mánibus iniquitátes sunt : * dextera eórum repléta est munéribus.

Ego áutem in innocentia mea ingressus sum : * rédime me, et miserére mei.

Pes meus stetit in directo : * in ecclésiis benedicam te Dómine.

FERIA QUINTA

Psalmus 22.

DÓMINUS regit me, et nihil mihi déerit : * in loco páscuæ ibi me collocávit.

Super aquam refectionis educávit me : * ánimam meam convértit.

Dedúxit me super sémitas justitiæ, * propter nomen suum.

Nam, et si ambulávero in médio umbræ mortis, non timébo mala : * quóniam tu mecum es.

Virga tua, et báculus tuus : * ipsa me consoláta sunt.

Parásti in conspéctu meo mensam, * advérsus eos, qui tribulant me.

Impinguásti in óleo caput meum : * et calix meus inébrians quam præclárus est!

Et misericórdia tua subsequétur me * ómnibus diébus vitæ meæ :

Et ut inhábitem in domo Dómini, * in longitudinem diérum.

FERIA SEXTA

Psalmus 21.

DEUS Deus meus réspice in me : quare me dereliquisti? * longe a salúte mea verba delictórum meórum.

Deus meus clamábo per diem, et non exáudies : * et nocte, et non ad insipientiam mihi.

Tu áutem in sancto hábitas, * laus Israël.

In te speravérunt patres

nostri : * speravérunt, et liberásti eos.

Ad te clamavérunt, et salvi facti sunt : * in te speravérunt, et non sunt confúsi.

Ego áutem sum vermis, et non homo : * oppróbrium hóminum, et abjéctio plebis.

Omnes vidéntes me, deriserunt me : * locúti sunt lábiis, et movérunt caput.

Sperávit in Dómino, erípiat eum : * salvum fáciat eum, quóniam vult eum.

Quóniam tu es qui extraxisti me de ventre : * spes mea ab ubéribus matris meæ. In te projéctus sum ex útero :

De ventre matris meæ Deus meus es tu, * ne discésseris a me :

Quóniam tribulátio próxima est : * quóniam non est qui ádjuvet.

Circumdedérunt me vituli multi : * táuri pingues obsederunt me.

Aperuérunt super me os suum, * sicut leo rápiens et rúgiens.

Sicut aqua effúsus sum : * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit fáucibus meis : * et in púlverem mortis deduxisti me.

Quóniam circumdedérunt me canes multi : * concílium malignántium obsédit me.

Foderunt manus meas et pedes meos : * dinumeraverunt omnia ossa mea.

Ipsi vero consideraverunt et inspexerunt me : * divisērunt sibi vestimenta mea, et super vestem meam miserunt sortem.

Tu autem Domine ne elongaveris auxilium tuum a me : * ad defensionem meam conspice.

Erue a frāmea Deus animam meam : * et de manu canis unicam meam.

Salva me ex ore leōnis : * et a cornibus unicornium humilitatem meam.

Narrabo nomen tuum fratribus meis : * in medio ecclesiae laudabo te.

Qui timētis Dominum, laudate eum : * universum semen Jacob glorificate eum.

Timeat eum omne semen Israël : * quoniam non sprexit, neque despexit deprecationem pauperis :

Nec avertit faciem suam a me : * et cum clamarem ad eum, exaudivit me.

Apud te laus mea in ecclesia magna : * vota mea reddam in conspectu timentium eum.

Edent pauperes, et saturabuntur : et laudabunt Dominum qui requirunt eum : * vivent corda eorum in saeculum saeculi.

Remiscantur et convertentur ad Dominum * universi fines terrae :

Et adorabunt in conspē-

ctu ejus * universae familiae gentium.

Quoniam Domini est regnum : * et ipse dominabitur gentium.

Manducaverunt et adoraverunt omnes pingues terrae : * in conspectu ejus cadent omnes qui descendunt in terram.

Et anima mea illi vivet : * et semen meum serviet ipsi.

Annuntiabitur Domino generatio ventura : * et annuntiabunt caeli justitiam ejus populo qui nascetur, quem fecit Dominus.

Sabbato nihil additur, ut supra in Rubrica. 29.

Deinde dicitur

Psalmus 118.

BEATI immaculati in via : * qui ambulant in lege Domini.

Beati qui scrutantur testimonia ejus : * in toto corde exquirunt eum.

Non enim qui operantur iniquitatem, * in viis ejus ambulaverunt.

Tu mandasti * mandata tua custodiri nimis.

Utinam dirigantur viae meae, * ad custodiendas justificationes tuas.

Tunc non confundar, * cum perspexero in omnibus mandatis tuis.

Confitebor tibi in directione cordis : * in eo quod didici judicia justitiae tuae.

Justificationes tuas custodiam : * non me derelinquas usquequaque.

In quo cōrrigit adolescē-
tior viam suam? * in custo-
diēdo sermōnes tuos.

In toto corde meo exqui-
sivi te : * ne repēllas me a
mandātis tuis.

In corde meo abscondi
elōquia tua : * ut non peccem
tibi.

Benedictus es Dōmine : *
doce me justificatiōnes tuas.

In lābiis meis , * pro-
nuntiāvi omnia iudicia oris
tui.

In via testimoniōrum tuō-
rum delectātus sum , * sicut
in omnibus divitiis.

In mandātis tuis exercē-
bor : * et considerābo vias
tuas.

In justificatiōnibus tuis
meditābor : * non obliviscar
sermōnes tuos.

RETRIBUE servo tuo, vivi-
fica me : * et custōdiam
sermōnes tuos.

Revēla oculos meos : * et
considerābo mirabilia de
lege tua.

Incola ego sum in terra : *
non abscondas a me man-
dāta tua.

Concupivit ānima mea de-
siderāre justificatiōnes tuas , *
in omni tēpore.

Increpāsti supērbos : * ma-
ledicti qui declinant a man-
dātis tuis.

Aufer a me opprōbrium
et contēptum : * quia testi-
mōnia tua exquisivi.

Etenim sedērunt princi-
pes , et advērsus me loque-
bāntur : * servus autem tuus

exercebātur in justificatiō-
nibus tuis.

Nam et testimōnia tua me-
ditatio mea est : * et consi-
lium meum justificatiōnes
tuas.

Adhāesit pavimēto ānima
mea : * vivifica me secūn-
dum verbum tuum.

Vias meas enuntiāvi , et
exaudisti me : * doce me
justificatiōnes tuas.

Viam justificatiōnum tuā-
rum instrue me : * et exer-
cēbor in mirabilibus tuis.

Dormitāvit ānima mea
præ tēdio : * confirma me
in verbis tuis.

Viam iniquitātis āmove a
me : * et de lege tua miserere
mei.

Viam veritātis elēgi : *
iudicia tua non sum obli-
tus.

Adhāesi testimōniis tuis
Dōmine : * noli me confūn-
dere.

Viam mandatōrum tuō-
rum cucūrri , * cum dilatāsti
cor meum.

Per Annum, Ant. Beāti
qui āmbulant in lege tua
Dōmine.

Capitulum. Zach. 8. d

PACEM et veritatem diligite,
ait Dōminus omnipotens.
℟. Deo grācias.

℟. br. Christe Fili Dei
vivi , * Miserere nobis. *℟.*
repetitur : Christe Fili Dei
vivi , miserere nobis. *℣.* Qui
sedes ad dēxteram Patris.
℟. Miserere nobis. *℣.* Glōria
Patri , et Filio , et Spiritui

sancto. *R.* Christe Fili Dei vivi, miserere nobis.

V. Exsúrge Christe, ádjuva nos. *R.* Et libera nos propter nomen tuum.

KYRIE eléison. Christe eléison. Kyrie eléison.

Pater noster. *secreto.*

V. Et ne nos indúcas in tentatióem. *R.* Sed libera nos a malo.

Credo in Deum. *secreto.*

V. Carnis resurrectionem.

R. Vitam ætérnam. Amen.

V. Et ego ad te Dómine clamávi. *R.* Et mane orátio mea præveniet te.

V. Repleátur os meum láude. *R.* Ut cantem glóriam tuam, tota die magnitúdinem tuam.

V. Dómine avérte fáciem tuam a peccátis meis. *R.* Et omnes iniquitátes meas dele.

V. Cor mundum crea in me Deus. *R.* Et spiritum rectum innova in viscéribus meis.

V. Ne projicias me a fácie tua. *R.* Et Spiritum sanctum tuum ne áuferas a me.

V. Redde mihi lætítiam salutáris tui. *R.* Et spiritu principáli confirma me.

Quando ad Laud. non sunt dictæ Preces feriales, statim dicitur Adjutórium nostrum. et Confiteor Deo etc. ut supra. 26.

Quando autem ad Laud. dictæ sunt Preces feriales inferius positæ post Laud. Feriæ II., tunc ad Primam

prædictæ Preces et seq. dicuntur flexis genibus.

V. Eripe me Dómine ab hómine malo. *R.* A viro iniquo eripe me.

V. Eripe me de inimicis meis Deus meus. *R.* Et ab insurgéntibus in me libera me.

V. Eripe me de operántibus iniquitátem. *R.* Et de viris sánguinem salva me.

V. Sic psalmum dicam nómini tuo in sáeculum sáeculi. *R.* Ut reddam vota mea de die in diem.

V. Exáudi nos Deus salutáris noster. *R.* Spes ómnium finium terræ, et in mari longe.

V. Deus in adjutórium meum inténde. *R.* Dómine ad adjuvándum me festina.

V. Sanctus Deus, sanctus fortis, sanctus immortális. *R.* Miserere nobis.

V. Bénedic ánima mea Dómino. *R.* Et ómnia quæ intra me sunt, nómini sancto ejus.

V. Bénedic ánima mea Dómino. *R.* Et noli oblivisci omnes retributiónes ejus.

V. Qui propitiátur ómnibus iniquitátibus tuis. *R.* Qui sanat omnes infirmitátes tuas.

V. Qui rédimet de intéritu vitam tuam. *R.* Qui corónat te in misericórdia et miseratióibus.

V. Qui replet in bonis desiderium tuum. *R.* Renovábitur ut áquilæ juvéntus tua.

V. Adjutórium nostrum
in nómine Dómini. **R.** Qui
fecit cælum et terram.

Deinde Hebdomadarius
facit Confessionem dicens :
Confiteor Deo. **Reliq. omnia**
ut supra in Dominica. 26.

IN FESTIS PER ANNUM

Pater noster. Ave Maria.
Credo. **V.** Deus in adjutó-
rium meum. **ut supra. 16.**

Hymnus

JAM lucis orto sidere
Deum precémur súplici-
ces,
Ut in diúrnis áctibus
Nos servet a nocéntibus.

Linguam refrænans tém-
peret,
Ne litis horror ínsonet :
Visum fovéndo cóntegat,
Ne vanitátes háuríat.

Sint pura cordis íntima,
Absistat et vecórdia ;
Carnis terat supérbiam
Potus cibique párcitas :

Ut, cum dies abscésserit,
Noctémque sors redúxerit,
Mundi per abstinéntiam
Ipsi canámus glóriam.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sáecu-
lum. Amen.

Ant. competens.

Psalmus 53.

DEUS in nómine tuo sal-
vum me fac : * et in vir-
túte tua júdica me.

Deus exáudi oratiónem
meam : * áuribus pércipe
verba oris mei.

Quóniam aliéni insurrexé-
runt advérsus me, et fortes
quæsiérunt ánimam meam : *
et non proposuérunt Deum
ante conspéctum suum.

Ecce enim Deus ádjuvat
me : * et Dóminus suscéptor
est ánimæ meæ.

Avértemala inimícis meis : *
et in veritáte tua dispérde
illos.

Voluntárie sacrificábo ti-
bi, * et confitébor nómini
tuo Dómine : quóniam bo-
num est.

Quóniam ex omni tribu-
latióne eripuísti me : * et su-
per inimícos meos despéxit
óculus meus.

Psalmus 118.

BEÁTI immaculáti in via : *
qui ámbulant in lege Dó-
mini.

Beáti, qui scrutántur testi-
mónia ejus : * in toto corde
exquirunt eum.

Non enim qui operántur
iniquitátem, * in viis ejus
ambulavérunt.

Tu mandásti * mandáta
tua custodiri nimis.

Utinam dirigántur viæ
meæ, * ad custodiédas jus-
tificatiónes tuas.

Tunc non confúndar, *
cum perspéxero in ómnibus
mandátis tuis.

Confitébor tibi in dire-
ctióne cordis : * in eo quod
didici judícia justitiæ tuæ.

Justificatiónes tuas custó-
diam : * non me derelinquas
usquequáque.

In quo córrigit adolescén-

tior viam suam? * in custodiéndo sermónes tuos.

In toto corde meo exquisivi te : * ne repéllas me a mandátis tuis.

In corde meo abscondi eloquia tua : * ut non peccem tibi.

Benedictus es Dómine : * doce me justificatiónes tuas.

In lábiis meis, * pronuntiávi ómnia iudicia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor : * et considerábo vias tuas.

In justificatió nibus tuis meditabor : * non obliviscar sermónes tuos.

RETRÍBUE servo tuo, vivifica me : * et custódiám sermónes tuos.

Revéla óculos meos : * et considerábo mirabilia de lege tua.

Incola ego sum in terra : * non abscondas a me mandáta tua.

Concupívit ánima mea desideráre justificatiónes tuas, * in omni témpore.

Increpásti supérbos : * maledicti qui declínant a mandátis tuis.

Aufer a me oppróbrium et contéptum : * quia testimónia tua exquisivi.

Etenim sedérunt príncipes, et advérsus me loquebántur : * servus áutem tuus exercebátur in justificatió nibus tuis.

Nam et testimónia tua meditátio mea est : * et consílium meum justificatiónes tuæ.

Adhæsit paviménto ánima mea : * vivifica me secúndum verbum tuum.

Vias meas enuntiávi, et exaudisti me : * doce me justificatiónes tuas.

Viam justificatiónum tuárum instrue me : * et exercébor in mirabilibus tuis.

Dormitávit ánima mea præ tædio : * confirma me in verbis tuis.

Viam iniquitátis ámove a me : * et de lege tua miserére mei.

Viam veritátis elégi : * iudicia tua non sum oblítus.

Adhæsi testimoniis tuis Dómine : * noli me confúndere.

Viam mandatórum tuórum cucúrri, * cum dilatásti cor meum.

Ant. compens.

Capitulum. I. Tim. 1, d

REGI sæculórum immortalí et invisibili, soli Deo honor, et glória in sæcula sæculórum. Amen.

R. Deo grátias.

*R. br. Christe Fili Dei vivi, * Miserére nobis. Et repetitur : Christe Fili Dei vivi, miserére nobis. V. Qui sedes ad dexteram Patris. R. Miserére nobis. V. Glória Patri, et Filio, et Spiritui sancto. R. Christe Fili Dei vivi, miserére nobis.*

V. Exsúrge Christe, ad-

juva nos. *R.* Et libera nos propter nomen tuum.

Preces. Kýrie eléison. *quæ non dicuntur in Dupl. nec infra Oct. habentur supra in Dominica. 26.*

V. Dóminus vobíscum. *R.* Et cum spiritu tuo.

Orémus. **Oratio.**

DÓMINE Deus omnipotens, qui ad principium hujus diéi nos pervenire fecisti : tua nos hódie salva virtúte ; ut in hac die ad nullum declinémus peccátum, sed semper ad tuam justitiam faciéndam nostra procédant elóquia, dirigántur cogitationés et ópera. Per Dóminum. *R.* Amen.

V. Dóminus vobíscum. *R.* Et cum spiritu tuo.

V. Benedicámus Dómino. *R.* Deo grátias.

Deinde in Choro legitur Martyrologium. Et quando dicenda est Prima de beata Maria, præponitur Lectioni Martyrologii.

Postea Hebdomadarius dicit *V.* Pretiósa in conspéctu Dómini *R.* Mors sanctórum ejus.

Et absolute sine Orémus.

Oratio.

SANCTA Maria, et omnes Sancti intercédant pro nobis ad Dóminum : ut nos mereámur ab eo adjuvári et salvári, qui vivit et regnat in sæcula sæculórum. *R.* Amen.

V. Deus in adjutórium meum inténde. *R.* Dómine ad adjuvándum me festína.

Et dicitur ter : ultimo additur Glória Patri. Sicut erat.

Kýrie eléison. Christe eléison. Kýrie eléison.

Pater noster. **secreto.**

V. Et ne nos indúcas in tentatiónem. *R.* Sed libera nos a malo.

V. Réspice in servos tuos Dómine, et in ópera tua, et dirige filios eórum. *R.* Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige.

V. Glória Patri. *R.* Sicut erat.

Orémus. **Oratio.**

DIRÍGERE et sanctificáre, régere et gubernáre dignáre, Dómine Deus Rex cæli et terræ, hódie corda et córpora nostra, sensus, sermónes, et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et liberi esse mereámur, Salvátor mundi : Qui vivis et regnas in sæcula sæculórum. *R.* Amen.

V. Jube domne benedicere.

Benedictio. Dies et actus nostros in sua pace dispónat Dóminus omnipotens. *R.* Amen.

Ad Absolutionem Capit. in Festis dicit. Capit. Nonæ. Post Lect. brevem dicitur

V. Adjutórium nostrum in nómine Dómini. *R.* Qui fecit cælum et terram.

℣. Benedicite. ℞. Deus.

Bened. Dóminus nos benedicat, et ab omni malo deféndat, et ad vitam perducát ætérnam; et fidélium animæ per misericórdiam Dei requiészcant in pace.
℞. Amen.

AD TERTIAM

Pater. Ave.

Deus in adiutórium. 16.

Hymnus.

NUNC sancte nobis Spíritus,
Unum Patri cum Filio,
Dignáre promptus ingeri
Nostro refúsus pèctori.

Os, lingua, mens, sensus,
vigor

Confessionem pèrsonent,
Flammészcat igne caritas,
Accéndat ardor próximos.

Præsta, Pater piíssime,
Patrique compar Unice,
Cum Spíritu Paráclito,
Regnans per omne sæculum.
Amen.

In Dom. per Annum, Ant.
Allelúia.

In feriali Officio per Annum, Ant. Deduc me.

Psalmus.

LEGEM pone mihi Dómine
viam justificatiónum tuárum : * et exquiram eam semper.

Da mihi intelléctum, et
scrutábor legem tuam : * et
custódiam illam in toto corde meo.

Deduc me in sémitam
mandatórum tuórum : * quia
ipsam vólui.

Inclína cor meum in testimoniá tua : * et non in aversionem.

Avérte óculos meos ne videant vanitátem : * in via tua vivifica me.

Státue servo tuo elóquium tuum, * in timóre tuo.

Amputa oppróbrium meum, quod suspicátus sum : * quia iudícia tua jucúnda.

Ecce concupívi mandáta tua : * in æquitáte tua vivifica me.

Et véniat super me misericórdia tua Dómine : * salutare tuum secúndum elóquium tuum.

Et respondébo reprobrántibus mihi verbum : * quia sperávi in sermónibus tuis.

Et ne áuferas de ore meo verbum veritátis usquequaque : * quia in iudiciis tuis supersperávi.

Et custódiam legem tuam semper : * in sæculum et in sæculum sæculi.

Et ambulábam in latitúdine : * quia mandáta tua exquisivi.

Et loquébar in testimoniis tuis in conspéctu regum : * et non confundébar.

Et meditábar in mandátis tuis, * quæ diléxi.

Et levávi manus meas ad mandáta tua, quæ diléxi : * et exercébar in justificatió-nibus tuis.

MEMOR esto verbi tui servo tuo, * in quo mihi spem dedisti.

Hæc me consoláta est in humilitáte mea : * quia elóquium tuum vivificávit me.

Supérbi inique agébant usquequáque : * a lege áutem tua non declinávi.

Memor fui judiciórum tuórum a sáculo Dómine : * et consolátus sum.

Deféctio ténuít me , * pro peccatóribus derelinquéntibus legem tuam.

Cantábiles mihi erant justificatiónes tuæ , * in loco peregrinatiónis meæ.

Memor fui nocte nóminis tui Dómine : * et custodívi legem tuam.

Hæc facta est mihi : * quia justificatiónes tuas exquisívi.

Pórtio mea Dómine , * dixi custodire legem tuam.

Deprecátus sum fáciem tuam in toto corde meo : * miserére mei secúndum elóquium tuum.

Cogitávi vias meas : * et convértil pedes meos in testimónia tua.

Parátus sum , et non sum turbátus : * ut custódiam mandáta tua.

Funes peccatórum circumpléxi sunt me : * et legem tuam non sum oblítus.

Média nocte surgébam ad confiténdum tibi , * super judícia justificatiónis tuæ.

Párticeps ego sum ómnium timéntium te : * et custodiéntium mandáta tua.

Misericórdia tua Dómine plena est terra : * justificatiónes tuas doce me.

BONITÁTEM fecísti cum sermo tuo Dómine , * secúndum verbum tuum.

Bonitátem , et disciplinam , et sciéntiam doce me : * quia mandátis tuis crédidi.

Priúsqvam humiliárer ego deliqui : * propterea elóquium tuum custodívi.

Bonus es tu : * et in bonitáte tua doce me justificatiónes tuas.

Multiplicáta est super me iniquitas superbórum : * ego áutem in toto corde meo scrutábor mandáta tua.

Coagulátum est sicut lac cor eórum : * ego vero legem tuam meditátus sum.

Bonum mihi quia humiliásti me : * ut discam justificatiónes tuas.

Bonum mihi lex oris tui , * super millia áuri et argénti.

Manus tuæ fecérunt me , et plasmavérunt me : * da mihi intelléctum , et discam mandáta tua.

Qui timent te vidébunt me , et lætabúntur : * quia in verba tua supersperávi.

Cognóvi Dómine quia æquitas judícia tua : * et in veritáte tua humiliásti me.

Fiat misericórdia tua ut consolétur me , * secúndum elóquium tuum servo tuo.

Véniant mihi miseratiónes tuæ , et vivam : * quia lex tua meditatio mea est.

Confundántur supérbi , quia injúste iniquitátem fecérunt in me : * ego áutem exercébor in mandátis tuis.

Convertántur mihi timén-
tes te : * et qui novérunt te-
stimónia tua.

Fiat cor meum immaculá-
tum in justificatióibus tuis,*
ut non confúndar.

Ant. Allelúia, allelúia, al-
lelúia.

**Sequens Capit. et alia in
aliis Horis dicuntur in Dom.
a tertia post Pentecosten us-
que ad Adventum. Respon-
soria brevia etiam eodem
tempore similiter et quæ seq.
in feriali Officio.**

Capitulum. I. Joan. 4. c

DEUS caritas est : et qui
manet in caritate, in Deo
manet, et Deus in eo.

R. br. Inclina cor meum
Deus * In testimónia tua.
Inclina. **V.** Avérte óculos
meos, ne videant vanitatem :
in via tua vivifica me. In.
Glória Patri. Inclina.

V. Ego dixi : Dómine mi-
serére mei. **R.** Sana ánimam
meam, quia peccávi tibi.

**In feriali Officio per An-
num, Ant.** Deduc me Dómi-
ne in sémitam mandatórum
tuórum.

Capitulum. Jerem. 17. c

SANA me Dómine, et saná-
bor : salvum me fac, et
salvus ero : quóniam laus
mea tu es.

R. br. Sana ánimam meam,
* Quia peccávi tibi. Sana. **V.**
Ego dixi : Dómine miserére
mei. Quia. Glória Patri.
Sana.

V. Adjutor meus esto, ne
derelinquas me. **R.** Neque

despicias me Deus salutáris
meus.

**Quando ad Matut. dictæ
sunt Preces, ad Tertiam,
Sextam et Nonam flexis ge-
nibus dicitur :**

KYRIE eléison. Christe eléi-
son. Kýrie eléison.

Pater noster. **secreto.**

V. Et ne nos indúcas in
tentatióem. **R.** Sed libera
nos a malo.

V. Dómine Deus virtútum
convérte nos. **R.** Et osténde
fáciem tuam, et salvi éri-
mus.

V. Exsúrge Christe, adjuva
nos. **R.** Et libera nos propter
nomen tuum.

V. Dómine exáudi oratió-
nem meam. **R.** Et clamor
meus ad te véniat.

V. Dóminus vobiscum. **R.**
Et cum spiritu tuo.

Orémus. **Oratio conve-
niens.**

AD SEXTAM

Pater noster. Ave María.
Deus in adjutórium. 16.

Hymnus.

RECTOR potens, verax Deus,
Qui témporas rerum vi-
ces,

Splendóre mane illúminas,
Et ignibus meridiem :

Exstingue flammam litium,
Aufer calórem nóxium,
Confer salútem córporum,
Verámque pacem córdium.

Præsta, Pater piissime,
Patrique compar Unice,
Cum Spíritu Paráclito,
Regnans per omne sáculum.
Amen.

In Dom. per Annum, Ant.
Alleluia.

In feriali Officio per Annum, Ant. Adjuva me.

Psalmus.

DEFÉCIT in salutáre tuum
ánima mea : * et in ver-
bum tuum supersperávi.

Defecérunt óculi mei in
elóquium tuum, * dicéntes :
Quando consoláberis me?

Quia factus sum sicut uter
in pruina : * justificatiónes
tuas non sum oblítus.

Quot sunt dies servi tui? *
quando fácies de persecúen-
tibus me iudícium?

Narravérunt mihi iníqui
fabulatiónes : * sed non ut
lex tua.

Omnia mandáta tua véri-
tas : * iníque persecúti sunt
me, ádjuva me.

Páulo minus consumma-
vérunt me in terra : * ego
áutem non dereliqui man-
dáta tua.

Secúndum misericórdiam
tuam vivifica me : * et custó-
diam testimónia oris tui.

In ætérnum Dómine, *
verbum tuum pérmanet in
cælo.

In generatióem et gene-
ratióem véritas tua : * fun-
dásti terram, et pérmanet.

Ordinatóne tua persevé-
rat dies : * quóniam ómnia
sérviunt tibi.

Nisi quod lex tua me-
ditátio mea est : * tunc
forte periíssem in humilitáte
mea.

In ætérnum non obli-
-

scar justificatiónes tuas : *
quia in ipsis vivificásti me.

Tuus sum ego, salvum me
fac : * quóniam justificatió-
nes tuas exquisívi.

Me exspectavérunt pecca-
tóres ut pérderent me : *
testimónia tua intelléxi.

Omnis consummatiúnis
vidi finem : * latum mandá-
tum tuum nimis.

QUÓMODO diléxi legem
tuam Dómine? * tota die
meditátio mea est.

Super inimicos meos pru-
déntem me fecisti mandáto
tuo : * quia in ætérnum mihi
est.

Super omnes docéntes me
intelléxi : * quia testimónia
tua meditátio mea est.

Super senes intelléxi : *
quia mandáta tua quæsívi.

Ab omni via mala prohi-
bui pedes meos : * ut custó-
diam verba tua.

A judiciis tuis non decli-
návi : * quia tu legem posuí-
sti mihi.

Quam dúlcia fáucibus meis
elóquia tua, * super mel ori
meo!

A mandátis tuis intel-
léxi : * proptérea odívi
omnem viam iniquitátis.

Lucérna pédibus meis ver-
bum tuum, * et lumen sémi-
tis meis.

Jurávi, et státui * custo-
dire iudícia justitiæ tuæ.

Humiliátus sum usque-
quáque Dómine : * vivifica
me secúndum verbum tuum.

Voluntária oris mei bene-

plácita fac Dómine : * et iudicia tua doce me.

Anima mea in mánibus meis semper : * et legem tuam non sum oblitus.

Posuérunt peccatóres láqueum mihi : * et de mandátis tuis non errávi.

Hereditáte acquisivi testimónia tua in ætérnum : * quia exsultatio cordis mei sunt.

Inclinávi cor meum ad faciéndas justificatiónes tuas in ætérnum, * propter retributiónem.

INÍQUOS ódio hábui : * et legem tuam diléxi.

Adjútor, et suscéptor meus es tu : * et in verbum tuum supersperávi.

Declináte a me maligni : * et scrutábor mandáta Dei mei.

Súscipe me secúndum elóquium tuum, et vivam : * et non confúndas me ab expectatióne mea.

Adjuva me, et salvus ero : * et meditábor in justificatió nibus tuis semper.

Sprevísti omnes discedéntes a iudiciis tuis : * quia injústa cogitatio eórum.

Prævaricántes reputávi omnes peccatóres terræ : * ideo diléxi testimónia tua.

Confige timóre tuo carnes meas : * a iudiciis enim tuis timui.

Feci iudicium et justitiam : * non tradas me calumniántibus me.

Súscipe servum tuum in

bonum : * non calumnién tur me supérbi.

Oculi mei defecérunt in salutáre tuum : * et in elóquium justitiæ tuæ.

Fac cum servo tuo secúndum misericórdiam tuam : * et justificatiónes tuas doce me.

Servus tuus sum ego : * da mihi intelléctum, ut sciam testimónia tua.

Tempus faciéndi Dómine : * dissipavérunt legem tuam.

Ideo diléxi mandáta tua * super áurum et topázion.

Proptérea ad ómnia mandáta tua dirigébar : * omnem viam iníquam ódio hábui.

Ant. Allelúia, allelúia, allelúia.

Capitulum. Galat. 6.

ALTER altérius ónera portáte, et sic adimplébitis legem Christi.

R. br. In ætérnum Dómine * Pérmanet verbum tuum. In ætérnum. *V.* In sáculum sáculi véritas tua. Pérmanet. Glória Patri. In ætérnum.

V. Dóminus regit me, et nihil mihi déerit. *R.* In loco páscae ibi me collocávit.

In feriali Officio per Annum. Ant. Adjuva me, et salvus ero Dómine.

Capit. Alter altérius ónera. *ut supra.*

R. br. Benedicam Dóminum * In omni témpore. Benedicam. *V.* Semper laus ejus in ore meo. In. Glória Patri. Benedicam.

V. Dóminus regit me, et

nihil mihi déerit. **R.** In loco páscuæ ibi me collocávit.

Kýrie eléison, si **dicendum sit, ut supra ad Tertiam. 40.**

Oratio conveniens.

AD NONAM

Pater noster. Ave María.
Deus in adjutórium. 16.

Hymnus.

RERUM Deus tenax vigor,
Immótus in te pérma-
nens,

Lucis diurnæ témpora
Succéssibus detérminans :

Largire lumen vésperæ,
Quo vita nusquam décidat,
Sed præmium mortis sacræ
Perénis instet glória.

Præsta, Pater piissime,
Patrique compar Unice,
Cum Spíritu Paráclito
Regnans per omne sæculum.
Amen.

In Dom. per Annum, Ant.
Allelúia.

In feriali Officio per Annum, Ant. Adspice in me.

Psalmus.

MIRABÍLIA testimónia tua : *
Ídeo scrutáta est ea áni-
ma mea.

Declarátio sermónum tuó-
rum illúminat : * et intellé-
ctum dat párvulis.

Os meum apérui, et attráxi
spíritum : * quia mandáta
tua desiderábam.

Adspice in me, et mise-
rere mei, * secúndum judi-
cium diligéntium nomen
tuum.

Gressus meos dirige se-

cúndum elóquium tuum : *
et non dominétur mei omnis
injustítia.

Rédime me a calúmniis
hóminum : * ut custódiam
mandáta tua.

Fáciem tuam illúmina su-
per servum tuum : * et doce
me justificatiónes tuas.

Exitus aquárum deduxé-
runt óculi mei : * quia non
custodiérunt legem tuam.

Justus es Dómine : * et
rectum judícium tuum.

Mandásti justítiam testi-
mónia tua : * et veritátem
tuam nimis.

Tabéscere me fecit zelus
meus : * quia obliti sunt ver-
ba tua inimíci mei.

Ignítum elóquium tuum
veheménter : * et servus
tuus diléxit illud.

Adolescéntulus sum ego,
et contéptus : * justifica-
tiónes tuas non sum oblítus.

Justítia tua, justítia in
ætérnum : * et lex tua véri-
tas.

Tribulátio, et angústia in-
venérunt me : * mandáta tua
meditátio mea est.

Æquitas testimónia tua in
ætérnum : * intelléctum da
mihi, et vivam.

CLAMÁVI in toto corde meo,
exáudi me Dómine : * ju-
stificatiónes tuas requíram.

Clamávi ad te, salvum me
fac : * ut custódiam mandáta
tua.

Prævéni in maturitáte, et
clamávi : * quia in verba tua
supersperávi.

Prævenérunt óculi mei ad te dilúculo : * ut meditárer elóquia tua.

Vocem meam áudi secúndum misericórdiam tuam Dómine : * et secúndum iudícium tuum vivífica me.

Appropinquavérunt persequéntes me iniquitáti : * a lege áutem tua longe facti sunt.

Prope es tu Dómine : * et omnes viæ tuæ véritas.

Initio cognóvi de testimóniis tuis : * quia in ætérnum fundásti ea.

Vide humilitátem meam, et éripe me : * quia legem tuam non sum oblítus.

Júdica iudícium meum, et rédime me : * propter elóquium tuum vivífica me.

Longe a peccatóribus salus : * quia justificatiónes tuas non exquisiérunt.

Misericórdiæ tuæ multæ Dómine : * secúndum iudícium tuum vivífica me.

Multi qui persequúntur me, et tribulant me : * a testimoniis tuis non declinávi.

Vidi prævaricántes, et tabescébam : * quia elóquia tua non custodiérunt.

Vide quóniam mandáta tua diléxi Dómine : * in misericórdia tua vivífica me.

Principium verbórum tuórum, véritas : * in ætérnum ómnia iudicia justitiæ tuæ.

PRÍNCIPES persecúti sunt me gratis : * et a verbis tuis formidávit cor meum.

Lætabor ego super elóquia

tua : * sicut qui invénit spólia multa.

Iniquitátem ódio hábui, et abominátus sum : * legem áutem tuam diléxi.

Sépties in die láudem dixi tibi, * super iudicia justitiæ tuæ.

Pax multa diligentibus legem tuam : * et non est illis scándalum.

Exspectábam salutáre tuum Dómine : * et mandáta tua diléxi.

Custodívit ánima mea testimónia tua : * et diléxit ea veheménter.

Servávi mandáta tua, et testimónia tua : * quia omnes viæ meæ in conspéctu tuo.

Appropinquet deprecátio mea in conspéctu tuo Dómine : * juxta elóquium tuum da mihi intelléctum.

Intret postulátio mea in conspéctu tuo : * secúndum elóquium tuum éripe me.

Eructábunt lábia mea hymnum, * cum docúeris me justificatiónes tuas.

Pronuntiábit lingua mea elóquium tuum : * quia ómnia mandáta tua æquitas.

Fiat manus tua ut salvet me : * quóniam mandáta tua elégi.

Concupivi salutáre tuum Dómine : * et lex tua meditátio mea est.

Vivet ánima mea, et laudábit te : * et iudicia tua adjuvábunt me.

Errávi, sicut ovis, quæ périit : * quære servum tuum,

quia mandata tua non sum oblitus.

Ant. Allelúia, allelúia, allelúia.

Capitulum. I. Cor. 6. d

EMPTI enim estis pretio magno. Glorificáte et portáte Deum in corpore vestro.

R. br. Clamávi in toto corde meo, * Exáudi me Dómine. Clamávi. **V.** Justificationes tuas requiram. Exáudi. Glória. Clamávi.

V. Ab occultis meis munda me Dómine. **R.** Et ab aliénis parce servo tuo.

In feriali Officio per Annum, Ant. Adspice in me, et miserere mei Dómine.

Capitulum. Empti enim.

R. br. Rédime me Dómine, * Et miserere mei. Rédime. **V.** Pes enim meus stetit in via recta. Et. Glória Patri. Rédime.

V. Ab occultis meis munda me Dómine. **R.** Et ab aliénis parce servo tuo.

Kýrie eléison, si dicendum sit, ut supra ad Tertiam. 40.

Oratio conveniens.

Vesp. in Dom. et in Fer. habentur inferius post Laudes Sabbati.

FERIA SECUNDA

AD MATUTINUM

Pater. Ave María. Credo.

V. Dómine lábia mea apéries. **ut supra. 2.**

Invit. Veníte, * Exsultémus Dómino.

Ps. Jubilémus Deo salutarí nostro. **ut supra. 2.**

Hymnus.

SOMNO refectis artubus, Spreto cubili surgimus : Nobis, Pater, canéntibus Adesse te depóscimus.

Te lingua primum concinat,

Te mentis ardor ámbiat :

Ut áctuum sequéntium

Tu, sancte, sis exórdium.

Cedant tenébræ lúmini,

Et nox diúrno síderi,

Ut culpa, quam nox intulit,

Lucis labáscat múnere.

Precámur iidem súpplices,

Noxas ut omnes ámputes,

Et ore te canéntium

Laudéris omni témpore.

Præsta, Pater piíssime,

Patrique compar Unice,

Cum Spiritu Paráclito

Regnas per omne sæculum. Amen.

Invitatoria per Ferias dicuntur in fer. Offic. ab Oct. Pentecostes usque ad Adventum. Hymni vero tam ad Matutinum quam ad Laudes et Vesp., et Ant. Nocturnorum, ut infra.

Ant. Dóminus defensor.

Psalmus 26.

DÓMINUS illuminatio mea, et salus mea, * quem timébo?

Dóminus protector vitæ meæ, * a quo trepidábo?

Dum appropíant super me nocéntes, * ut edant carnes meas :

Qui tribulant me inimici

mei, * ipsi infirmáti sunt, et cecidérunt.

Si consistant advérsus me castra, * non timébit cor meum.

Si exsúrgat advérsus me prælium, * in hoc ego sperábo.

Unam pétii a Dómino, hanc requiram, * ut inhábitem in domo Dómini ómnibus diébus vitæ meæ :

Ut vídeam voluptátem Dómini, * et visitem templum ejus.

Quóniam abscondit me in tabernaculô suo : * in die malórum protéxit me in abscondito tabernaculi sui.

In petra exaltávit me : * et nunc exaltávit caput meum super inimicos meos.

Circuivi, et immolávi in tabernáculo ejus hóstiam vociferatiónis : * cantábo, et psalmum dicam Dómino.

Exáudi Dómine vocem meam, qua clamávi ad te : * miserére mei, et exáudi me.

Tibi dixit cor meum, exquisívit te fácies mea : * fáciem tuam Dómine requiram.

Ne avértas fáciem tuam a me : * ne declines in ira a servo tuo.

Adjútor meus esto : * ne derelinquas me, neque despicias me Deus salutáris meus.

Quóniam pater meus, et mater mea dereliquerunt me : * Dóminus áutem assúpsit me.

Legem pone mihi Dómine in via tua : * et dirige me in sémitam rectam propter inimicos meos.

Ne tradideris me in ánimas tribulántium me : * quóniam insurrexérunt in me testes iniqui, et mentita est iniquitas sibi.

Credo vidére bona Dómini * in terra vivéntium.

Exspécta Dóminum, viriliter age : * et confortétur cor tuum, et sústine Dóminum.

Psalmus 27.

Ad te Dómine clamábo, Deus meus ne sileas a me : * nequándo táceas a me, et assimilábor descendéntibus in lacum.

Exáudi Dómine vocem deprecationis meæ dum oro ad te : * dum extóllo manus meas ad templum sanctum tuum.

Ne simul trahas me cum peccatóribus : * et cum operántibus iniquitátem ne perdas me.

Qui loquúntur pacem cum próximo suo, * mala áutem in córdibus eórum.

Da illis secúndum ópera eórum, * et secúndum nequitiam adinventiόνum ipsórum.

Secúndum ópera mánuum eórum tribue illis : * redde retributióem eórum ipsis.

Quóniam non intellexérunt ópera Dómini, et in ópera mánuum ejus * déstrues illos, et non ædificábis eos.

Benedictus Dóminus : *
quóniam exaudivit vocem
deprecationis meæ.

Dóminus adjutor meus, et
protector meus : * in ipso
sperávit cor meum, et adjú-
tus sum.

Et reflóruit caro mea : *
et ex voluntate mea confité-
bor ei.

Dóminus fortitúdo plebis
suæ : * et protector salvatió-
num Christi sui est.

Salvum fac pópulum tuum
Dómine, et bédedic heredi-
tati tuæ : * et rege eos, et
extólle illos usque in ætér-
num.

Ant. Dóminus defensor
vitæ meæ.

Ant. Adoráte.

Psalmus 28.

AFFÉRTE Dómino filii Dei : *
afférte Dómino filios arie-
tum.

Afférte Dómino glóriam et
honórem, afférte Dómino
glóriam nómini ejus : * ado-
ráte Dóminum in átrio san-
cto ejus.

Vox Dómini super aquas,
Deus majestátis intónuit : *
Dóminus super aquas mul-
tas.

Vox Dómini in virtúte : *
vox Dómini in magnificéntia.

Vox Dómini confringéntis
cedros : * et confringet Dó-
minus cedros Libani :

Et commínuet eas tam-
quam vitulum Libani : * et
diléctus quemádmódum fi-
lius unicórnium.

Vox Dómini intercidéntis

flammas ignis : * vox Dó-
mini concutiéntis desértum :
et commovébit Dóminus de-
sértum Cades.

Vox Dómini præparántis
cervos, et revelábit con-
dénsa : * et in templo ejus
omnes dicent glóriam.

Dóminus dilúvium inha-
bitáre facit : * et sedébit Dó-
minus Rex in ætérnum.

Dóminus virtútem pópulo
suo dabit : * Dóminus bene-
dicet pópulo suo in pace.

Psalmus 29.

EXALTÁBO te Dómine, quó-
niam suscepisti me : *
nec delectásti inimicos meos
super me.

Dómine Deus meus cla-
mávi ad te, * et sanásti me.

Dómine eduxisti ab in-
férno ánimam meam : * sal-
vásti me a descendéntibus
in lacum.

Psállite Dómino sancti
ejus : * et confitémini me-
móriæ sanctitátis ejus.

Quóniam ira in indigna-
tione ejus : * et vita in vo-
luntate ejus.

Ad vésperum demorábitur
fletus : * et ad matutinum
lætítia.

Ego áutem dixi in abun-
dántia mea : * Non movébor
in ætérnum.

Dómine in voluntate tua, *
præstitisti decóri meo virtú-
tem.

Avertisti faciém tuam a
me, * et factus sum contur-
bátus.

Ad te Dómine clamábo : *

et ad Deum meum deprecabor.

Quæ utilitas in sanguine meo, * dum descendo in corruptionem?

Numquid confitebitur tibi pulvis, * aut annuntiabit veritatem tuam?

Audivit Dominus, et miseratus est mei : * Dominus factus est adiutor meus.

Convertisti planctum meum in gaudium mihi : * conscidisti saccum meum, et circumdedisti me lætitia :

Ut cantet tibi glória mea, et non compungar : * Domine Deus meus in ætérnum confitebor tibi.

Ant. Adorate Dóminum in aula sancta ejus.

Ant. In tua justitia.

Psalmus 30.

IN te Dómine sperávi, non confundar in ætérnum : * in justitia tua libera me.

Inclina ad me áurem tuam, * accéléra ut éruas me.

Esto mihi in Deum protectórem : et in domum refúgii, * ut salvum me fácias.

Quóniam fortitúdo mea, et refúgium meum es tu : * et propter nomen tuum dedúces me, et enútries me.

Edúces me de láqueo hoc, quem abscondérunt mihi : * quóniam tu es protéctor meus.

In manus tuas comméndo spiritum meum : * redemisti me Dómine Deus veritátis.

Odisti observátes vanitátes, * supervácue.

Ego áutem in Dómino sperávi : * exsultábo, et lætábor in misericórdia tua.

Quóniam respexisti humilitátem meam, * salvásti de necessitátibus ánimam meam.

Nec conclusisti me in má-nibus inimíci : * statuísti in loco spatióso pedes meos.

Miserére mei Dómine quóniam tribulor : * conturbátus est in ira óculus meus, ánima mea, et venter meus :

Quóniam defécit in dolóre vita mea : * et anni mei in gemitibus.

Infirmáta est in paupertáte virtus mea : * et ossa mea conturbáta sunt.

Super omnes inimicos meos factus sum opprobrium et vicínis meis valde : * et timor notis meis.

Qui vidébant me, foras fugérunt a me : * oblivióni datus sum, tamquam mórtuus a corde.

Factus sum tamquam vas pérditum : * quóniam audi-vituperatió-nem multórum commorántium in circúitu.

In eo dum convenirent simul advérsus me, * accipere ánimam meam consiliáti sunt.

Ego áutem in te sperávi Dómine : * dixi : Deus meus es tu : in má-nibus tuis sortes meæ.

Eripe me de manu inimicórum meórum, * et a persequéntibus me.

Illústra faciém tuam super

servum tuum, salvum me fac in misericórdia tua : * Dómine non confúndar, quóniam invocávi te.

Erubéscant impii, et deducántur in inférnum : * muta fiant lábia dolósa.

Quæ loquúntur advérsus justum iniquitátem, * in superbía, et in abusióne.

Quam magna multitúdo dulcedínis tuæ Dómine, * quam abscondisti timéntibus te.

Perfecisti eis, qui sperant in te, * in conspéctu filiórum hóminum.

Abscóndes eos in abscondito faciæ tuæ * a conturbatióne hóminum.

Próteges eos in tabernáculo tuo * a contradicióne linguárum.

Benedictus Dóminus : * quóniam mirificávit misericórdiam suam mihi in civitate munita.

Ego áutem dixi in excéssu mentis meæ : * Projéctus sum a facie oculórum tuórum.

Ideo exaudísti vocem orationis meæ, * dum clamárem ad te.

Diligite Dóminum omnes sancti ejus : * quóniam veritátem requireret Dóminus, et retribuet abundánter faciéntibus superbiam.

Viriliter ágite, et confortétur cor vestrum, * omnes qui sperátis in Dómino.

Psalmus 31.

BEÁTI quorum remissæ sunt iniquitátes : * et quorum tecta sunt peccáta.

Beátus vir, cui non imputávit Dóminus peccátum, * nec est in spíritu ejus dolus.

Quóniam táciui, inveteráverunt ossa mea, * dum clamárem tota die.

Quóniam die ac nocte graváta est super me manus tua : * convérsus sum in ærúmna mea, dum configitur spina.

Delictum meum cógnitum tibi feci : * et injustitiam meam non abscondi.

Dixi : Confitébor advérsus me injustitiam meam Dómino : * et tu remisisti impietátem peccáti mei.

Pro hac orábit ad te omnis sanctus, * in témpore opportúno.

Verúmtamen in dilúvio aquárum multárum, * ad eum non approximábunt.

Tu es refúgium meum a tribulatióne, quæ circúmdedit me : * exsultatio mea érué me a circúmdántibus me.

Intelléctum tibi dabo, et instruam te in via hac, qua gradiéris : * firmábo super te óculos meos.

Nolite fieri sicut equus et mulus, * quibus non est intelléctus.

In camo et freno maxillas eórum constringe, * qui non appróximant ad te.

Multa flagélla peccatóris, * sperántem áutem in Dómino misericórdia circúmdabit.

Lætámini in Dómino et

exsultáte justi, * et gloriámini omnes recti corde.

Ant. In tua justítia libera me Dómine.

Ant. Rectos decet.

Psalmus 32.

EXSULTÁTE justi in Dómino : * rectos decet collaudátio.

Confitémini Dómino in cithara : * in psaltério decem chordárum psállite illi.

Cantáte ei cánticum novum : * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Diligit misericórdiam et judícium : * misericórdia Dómini plena est terra.

Verbo Dómini cæli firmátí sunt : * et spíritu oris ejus omnis virtus eórum.

Cóngregans sicut in utre aquas maris : * ponens in thesáuris abyssos.

Timeat Dóminum omnis terra : * ab eo áutem commoveántur omnes inhabitántes orbem.

Quóniam ipse dixit, et facta sunt : * ipse mandávit, et creáta sunt.

Dóminus dissipat consília géntium : * réprobat áutem cogitatiónes populórum, et réprobat consília principum.

Consílium áutem Dómini in ætérnum manet : * cogitatiónes cordis ejus in generatióne et generatióne.

Beáta gens, cujus est Dó-

minus, Deus ejus : * pópulus, quem elégit in hereditátem sibi.

De cælo respéxit Dóminus : * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit sigillátim corda eórum : * qui intélligit ómnia ópera eórum.

Non salvátur rex per multam virtútem : * et gigas non salvábitur in multitudine virtútis suæ.

Fallax equus ad salútem : * in abundántia áutem virtútis suæ non salvábitur.

Ecce óculi Dómini super metuéntes eum : * et in eis, qui sperant super misericórdia ejus :

Ut éruat a morte ánimas eórum : * et alat eos in fame.

Anima nostra sústinet Dóminum : * quóniam adjútor et protéctor noster est.

Quia in eo lætábitur cor nostrum : * et in nómine sancto ejus sperávimus.

Fiat misericórdia tua Dómine super nos : * quemádmódum sperávimus in te.

Psalmus 33.

BENEDÍCAM Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatió nibus meis erípu it me.

Accédite ad eum, et illuminámini : * et fácies vestrae non confundéntur.

Iste páuper clamávit, et Dóminus exaudivit eum : * et de ómnibus tribulatió nibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Divites eguérunt et esuriérunt : * inquirentes áutem Dóminum non minuéntur omni bono.

Venite filii, audíte me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et áures ejus in preces eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex

ómnibus tribulatió nibus eórum liberávit eos.

Juxta est Dóminus iis, qui tribuláto sunt corde : * et húmiles spiritu salvábit.

Multæ tribulatió nes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum, delinquent.

Rédimet Dóminus ánimas servórum suórum : * et non delinquent omnes qui sperant in eo.

Ant. Rectos decet collaudátio.

Ant. Expúgna.

Psalmus 34.

JÚDICA Dómine nocéntes me, * expúgna impugnántes me.

Apprehénde arma et scutum : * et exsúrge in adiutórium mihi.

Effúnde frámeam, et conclúde advérsus eos, qui persequúntur me : * dic ánimæ meæ : Salus tua ego sum.

Confundántur et revearéantur, * quæréntes ánimam meam.

Avertántur retrórsum, et confundántur * cogitántes mihi mala.

Fiant tamquam pulvis ante faciém venti : * et Angelus Dómini coárctans eos.

Fiat via illórum ténebræ et lúbricum : * et Angelus Dómini persequens eos.

Quóniam gratis abscondérunt mihi intéritum láquei sui : * supervácue exprobráverunt ánimam meam.

Véniat illi láqueus, quem ignórat : et cáptio, quam abscondit, apprehéndat eum : * et in láqueum cadat in ipsum.

Anima áutem mea exsultábit in Dómino : * et delectábitur super salutári suo.

Omnia ossa mea dicent : * Dómine, quis similis tibi?

Eripiens inopem de manu fortiórum ejus : * egénium et páuperem a diripiéntibus eum.

Surgéntes testes iníqui, * quæ ignorábam interrogábant me.

Retribuébant mihi mala pro bonis : * sterilitátem ánimæ meæ.

Ego áutem, cum mihi moléstí essent, * induébar cilício.

Humiliábam in jejúnio ánimam meam : * et orátio mea in sinu meo convertétur.

Quasi próximum, et quasi fratrem nostrum, sic complacébam : * quasi lugens et contristátus, sic humiliábar.

Et advérsum me lætáti sunt, et convenérunt : * congregáta sunt super me flagélla, et ignorávi.

Dissipáti sunt, nec compúncti, tentavérunt me, subsannavérunt me subsannatióne : * frenduérunt super me déntibus suis.

Dómine quando respí-

cies? * restitue ánimam meam a malignitáte eórum, a leónibus únicam meam.

Confitébor tibi in ecclésia magna, * in pópulo gravi laudábo te.

Non supergáudeant mihi qui adversántur mihi iníque : * qui odérunt me gratis et ánnuunt óculis.

Quóniam mihi quidem pacífice loquebántur : * et in iracúndia terræ loquéntes, dolos cogitábant.

Et dilatavérunt super me os suum : * dixerunt : Euge, éuge, vidérunt óculi nostri.

Vidisti Dómine, ne síleas : * Dómine ne discédas a me.

Exsúrge et inténde iudicio meo : * Deus meus, et Dóminus meus in cáusam meam.

Júdica me secúndum justitiam tuam Dómine Deus meus, * et non supergáudeant mihi.

Non dicant in córdibus suis : Euge, éuge, ánimæ nostræ : * nec dicant : Devorávimus eum.

Erubéscant, et revereántur simul, * qui gratulántur malis meis.

Induántur confusióne et reveréntia * qui magna loquúntur super me.

Exsúltent et læténtur qui volunt justitiam meam : * et dicant semper : Magnificétur Dóminus, qui volunt pacem servi ejus.

Et lingua mea meditábitur

justitiam tuam, * tota die
laudem tuam.

Psalmus 35.

DIXIT injustus ut delinquat
in semetipso : * non est
timor Dei ante oculos ejus.

Quoniam dolose egit in
conspéctu ejus : * ut inve-
niatur iniquitas ejus ad
odium.

Verba oris ejus iniquitas,
et dolus : * noluit intelligere
ut bene ágeret.

Iniquitatem meditatus est
in cubili suo : * ádstitit omni
viæ non bonæ, malitiam au-
tem non odivit.

Dómine in cælo misericór-
dia tua : * et véritas tua us-
que ad nubes.

Justitia tua sicut montes
Dei : * judicia tua abyssus
multa.

Hómines et juménta sal-
vabis Dómine : * quemád-
modum multiplicásti miseri-
córdiam tuam Deus.

Filii áutem hóminum, * in
tégmine alarum tuarum spe-
rábunt.

Inebriabúntur ab ubertáte
domus tuæ : * et torrénte
voluptátis tuæ potábis eos.

Quoniam apud te est fons
vitæ : * et in lumine tuo vi-
debimus lumen.

Præténde misericórdiam
tuam sciéntibus te, * et justi-
tiam tuam his, qui recto sunt
corde.

Non véniat mihi pes su-
pérbiæ : * et manus pecca-
tóri non móveat me.

Ibi cecidérunt qui operán-

tur iniquitatem : * expúlsi
sunt, nec potuérunt stare.

Ant. Expúгна impugnán-
tes me.

Ant. Revéla.

Psalmus 36.

NOLI æmulári in malignán-
tibus : * neque zeláveris
faciéntes iniquitatem.

Quoniam tamquam fœnum
velóciter aréscent : * et quem-
ádmódum ólera herbárum
cito decident.

Spera in Dómino, et fac
bonitatem : * et inhábita
terram, et pascéris in divítiis
ejus.

Delectáre in Dómino : * et
dabit tibi petitiónes cordis
tui.

Revéla Dómino viam tuam,
et spera in eo : * et ipse fáciat.

Et educet quasi lumen ju-
stitiam tuam : et judicium
tuum tamquam merídiem : *
súbditus esto Dómino, et ora
eum.

Noli æmulári in eo, qui
prosperátur in via sua : * in
hómine faciénte injustitias.

Désine ab ira, et derelin-
que furórem : * noli æmulári
ut malignéris.

Quoniam qui malignántur,
exterminabúntur : * susti-
néntes áutem Dóminum, ipsi
hereditábunt terram.

Et adhuc pusillum, et non
erit peccátor : * et quæres
locum ejus, et non invénies.

Mansuétí áutem hereditá-
bunt terram : * et delecta-
búntur in multitúdine pacis.

Observábit peccátor ju-

stum : * et stridēbit super eum dēntibus suis.

Dóminus áutem irridēbit eum : * quóniam próspectit quod véniet dies ejus.

Gládium evaginavérunt peccatóres : * intendérunt arcum suum,

Ut dejiciant páuperem et inopem : * ut trucident rectos corde.

Gládus eórum intret in corda ipsórum : * et arcus eórum confringátur.

Mélius est módicum iusto, * super divítias peccatórum multas.

Quóniam bráchia peccatórum conteréntur : * confirmat áutem justos Dóminus.

Novit Dóminus dies immaculatórum : * et heréditas eórum in ætérnum erit.

Non confundéntur in témpore malo, et in diēbus famis saturabúntur : * quia peccatóres peribunt.

Inimici vero Dómini mox ut honorificáti fúerint et exaltáti : * deficientes, quem ádmodum fumus deficient.

Mutuábitur peccátor, et non solvet : * justus áutem miserétur et tribuet.

Quia benedicéntes ei hereditábunt terram : * maledicéntes áutem ei disperibunt.

Apud Dóminum gressus hóminis dirigéntur : * et viam ejus volet.

Cum ceciderit, non collidétur : * quia Dóminus supónit manum suam.

Júnior fui, étenim senui : * et non vidi justum derelictum, nec semen ejus quærens panem.

Tota die miserétur et cómodat : * et semen illius in benedictióne erit.

Declina a malo, et fac bonum : * et inhábita in sæculum sæculi.

Quia Dóminus amat judicium, et non derelinquet sanctos suos : * in ætérnum conservabúntur.

Injústi puniéntur : * et semen impiórum peribit.

Justi áutem hereditábunt terram : * et inhabitábunt in sæculum sæculi super eam.

Os justi meditábitur sapiéntiam, * et lingua ejus loquétur judicium.

Lex Dei ejus in corde ipsius : * et non supplantabúntur gressus ejus.

Considerat peccátor justum : * et quærit mortificáre eum.

Dóminus áutem non derelinquet eum in mánibus ejus : * nec damnábit eum, cum judicábitur illi.

Exspécta Dóminum, et custódi viam ejus : et exaltábit te ut hereditáte cápias terram : * cum perierint peccatóres vidébis.

Vidi ípium superexaltatum, * et elevátum sicut cedros Líbani.

Et transívi, et ecce non erat : * et quæsívi eum, et non est invéntus locus ejus.

Custódi innocéntiam, et

vide æquitatem : * quóniam sunt reliquiæ hómini pacífico.

Injústi áutem disperibunt simul : * reliquiæ impiórum interibunt.

Salus áutem justórum a Dómino : * et protéctor eórum in témpore tribulatiónis.

Et adjuvábít eos Dóminus, et liberábit eos : * et éruet eos a peccatóribus, et salvábit eos : quia speravérunt in eo.

Psalmus 37.

DÓMINE ne in furóre tuo árguas me, * neque in ira tua corrípias me.

Quóniam sagittæ tuæ infixæ sunt mihi : * et confirmásti super me manum tuam.

Non est sánitas in carne mea a fácie iræ tuæ : * non est pax óssibus meis a fácie peccatórum meórum.

Quóniam iniquitátes meæ supergréssæ sunt caput meum : * et sicut onus grave gravátæ sunt super me.

Putruérunt et corrúptæ sunt cicatrices meæ, * a fácie insipiéntiæ meæ.

Miser factus sum, et curvátus sum usque in finem : * tota die contristátus ingrediebar.

Quóniam lumbi mei impléti sunt illusió nibus : * et non est sánitas in carne mea.

Afflictus sum, et humiliátus sum nimis : * rugiebam a gémitu cordis mei.

Dómine ante te omne desiderium meum : * et gémitus meus a te non est absconditus.

Cor meum conturbátum est, dereliquit me virtus mea : * et lumen oculórum meórum, et ipsum non est mecum.

Amici mei, et próximi mei * advérsus me appropinquavérunt, et steterunt.

Et qui juxta me erant, de longe steterunt : * et vim faciébant qui quærebant ánimam meam.

Et qui inquirébant mala mihi, locúti sunt vanitátes : * et dolos tota die meditábantur.

Ego áutem tamquam surdus non audiebam, * et sicut mutus non apériens os suum.

Et factus sum sicut homo non áudiens : * et non habens in ore suo redargutiónes.

Quóniam in te Dómine sperávi : * tu exáudies me Dómine Deus meus.

Quia dixi : Nequándo supergaudeant mihi inimici mei : * et dum commovéntur pedes mei, super me magna locúti sunt.

Quóniam ego in flagélla parátus sum : * et dolor meus in conspéctu meo semper.

Quóniam iniquitátem meam annuntiábo : * et cogitábo pro peccáto meo.

Inimici áutem mei vivunt, et confirmáti sunt super

me : * et multiplicāti sunt
qui odérunt me iníque.

Qui retribuunt mala pro
bonis, detrahébant mihi : *
quóniam sequébar bonitá-
tem.

Ne derelínquas me Dó-
mine Deus meus : * ne dis-
cēsseris a me.

Inténde in adjutórium
meum, * Dómine Deus sa-
lútis meæ.

Ant. Revéla Dómino viam
tuam.

Pro Annum, v. Dómine in
cælo misericórdia tua. **R.** Et
véritas tua usque ad nu-
bes.

Pro uno Mart. v. Glória
et honóre coronásti eum Dó-
mine. **R.** Et constituísti eum
super ópera mánuum tuá-
rum.

Pro plur. Mart. v. Lætá-
mini in Dómino, et exsul-
táte justí. **R.** Et gloriámini
omnes recti corde.

**Pro Conf. Pont. et non
Pont. v.** Amávit eum Dómi-
nus, et ornávit eum. **R.** Sto-
lam glóriæ induit eum.

Pro una Sancta. v. Spé-
cie tua et pulchritúdine tua.
R. Inténde, prospere pro-
céde, et regna.

AD LAUDES

v. Deus in adjutórium. 16.

Ant. Miserére.

Psalmus 50.

MISERÉRE mei Deus, * se-
cúndum magnam mise-
ricórdiam tuam.

Et secúndum multítudi-

nem miseratiónum tuárum, *
dele iniquitátem meam.

Amplius lava me ab ini-
quitáte mea : * et a peccáto
meo munda me.

Quóniam iniquitátem me-
am ego cognósco : * et pec-
cátum meum contra me est
semper.

Tibi soli peccávi, et ma-
lum coram te feci : * ut justi-
ficéris in sermónibus tuis,
et vincas cum judicáris.

Ecce enim in iniquitáti-
bus concéptus sum : * et in
peccátis concépit me mater
mea.

Ecce enim veritátem di-
lexísti : * incérta et occúlta
sapiéntiæ tuæ manifestásti
mihi.

Aspérges me hyssópo, et
mundábor : * lavábis me, et
super nivem dealbábor.

Auditui meo dabis gáu-
dium et lætitiám : * et ex-
sultábunt ossa humiliáta.

Avérte fáciem tuam a pec-
cátis meis : * et omnes ini-
quitátes meas dele.

Cor mundum crea in me
Deus : * et spíritum rectum
innova in viscéribus meis.

Ne projicias me a fácie
tua : * et spíritum sanctum
tuum ne áuferas a me.

Redde mihi lætitiám salu-
táris tui : * et spíritu princi-
páli confirma me.

Docébo iníquos vias tuas : *
et impíi ad te convertén-
tur.

Libera me de sanguínibus
Deus, Deus salútis meæ : * et

exsultábit lingua mea justitiam tuam.

Dómine lábia mea apéries : * et os meum annuntiábit láudem tuam.

Quóniam si voluisses sacrificium, dedissem útique : * holocáustis non delectáberis.

Sacrificium Deo spíritus contribulátus : * cor contritum, et humiliátum Deus non despícies.

Benigne fac Dómine in bona voluntáte tua Sion : * ut ædificéntur muri Jerúsalem.

Tunc acceptábis sacrificium justitiæ, oblatiónes, et holocáusta : * tunc impónent super altáre tuum vitulos.

Ant. Miserére mei Deus.

Ant. Intéllige.

Psalmus 5.

VERBA mea áuribus pèrcipe Dómine, * intéllige clamórem meum.

Inténde voci oratiónis meæ, * rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et do-

lósium abominábitur Dóminus : * ego áutem in multitudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in justitia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multitudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedíces justo.

Dómine ut scuto bonæ voluntátis tuæ * coronásti nos.

Ant. Intéllige clamórem meum Dómine.

Ant. Deus Deus meus * ad te de luce vígilo.

Ps. idem, ut supra. 17.

Ant. Convérsus est.

Canticum Isaiaë Prophetæ.

Cap. 12.

CONFITÉBOR tibi Dómine, quóniam irátus es mihi : * convérsus est furor tuus, et consolátus es me.

Ecce Deus salvátor meus,*
fiduciáliter agam, et non ti-
mébo.

Quia fortitúdo mea, et laus
mea Dóminus,* et factus est
mihi in salútem.

Hauriétis aquas in gáudio
de fóntibus Salvatóris : * et
dicétis in die illa : Confité-
mini Dómino, et invocáte
nomen ejus :

Notas fácite in pópulis
adinventiões ejus : * me-
mentóte quóniam excélsum
est nomen ejus.

Cantáte Dómino quóniam
magnífice fecit : * annuntiáte
hoc in univérsa terra.

Exsúlta, et láuda habitá-
tio Sion : * quia magnus in
medio tui sanctus Israël.

Ant. Convérsus est furor
tuus Dómine, et consolátus
es me.

Ant. Laudáte * Dóminum
de cælis.

Ps. idem, ut supra. 19.

*Capit. sequens dicitur in
fer. Offic. ab Oct. Penteco-
stes usque ad Adventum.*

Capitulum. Rom. 13. d

Nox præcéssit, dies áutem
appropinquávit. Abji-
ciámus ergo ópera tene-
brárum, et induámur arma
lucis. Sicut in die honéste
ambulémus.

Hymnus.

SPLENDOR patérnæ glóriæ,
De luce lucem prófe-
rens,
Lux lucis, et fons lúmi-
nis,
Diem dies illúminans :

Verúsque sol illábere,
Micans nitóre pérpeti :
Jubárque sancti Spíritus
Infúnde nostris sénsibus.

Votis vocémus et Patrem,
Patrem poténtis grátiae,
Patrem perénis glóriæ :
Culpam reléget lúblicam.

Confirmet actus strénuos :
Dentes retúndat invidi :
Causa secúndet ásperos :
Agénda recte dirigat.

Mentem gubérnet et regat :
Sit pura nobis cástitas :
Fides calóre férveat :
Fráudis venéna nésciat.

Christúsque nobis sit ci-
bus,

Potúsque noster sit fides :
Læti bibámus sóbriam
Profusióem Spíritus.

Lætus dies hic tránseat :
Pudor sit ut dilúculum :
Fides velut merídiēs :
Crepúsculum mens nésciat.

Auróra lucem próvehit,
Cum luce nobis pródeat
In Patre totus Fílius,
Et totus in Verbo Pater.

Deo Patri sit glória,
Ejúsque soli Filio,
Cum Spíritu Paráclito,
Nunc et per omne sáeculum.
Amen.

Per Annum, v. Repléti
sumus mane misericórdia
tua. *℟.* Exsultávimus, et de-
lectáti sumus.

Ad Bened. Ant. Benedi-
ctus * Dóminus Deus Israël.

*In Feriis Quatuor Tempo-
rum, et Vigiliarum quæ je-
junantur, post Ant. ad Bene-
dictus dicuntur seq. Preces*

flexis genibus : aliis temporibus non dicuntur.

KYRIE eléison. Christe eléison. Kyrie eléison.

Pater noster. **totum dicitur clara voce etiam in Vesperis.**

Ÿ. Et ne nos indúcas in tentatióem. **R.** Sed libera nos a malo

Ÿ. Ego dixi : Dómine miserere mei. **R.** Sana ánimam meam, quia peccávi tibi.

Ÿ. Convértere Dómine úsquequo. **R.** Et deprecábilis esto super servos tuos.

Ÿ. Fiat misericórdia tua Dómine super nos. **R.** Quemádmodum sperávimus in te.

Ÿ. Sacerdótes tui induántur justitiam. **R.** Et sancti tui exsúltent.

Ÿ. Dómine salvum fac regem. **R.** Et exáudi nos in die, qua invocáverimus te.

Ÿ. Salvum fac pópulum tuum Dómine, et bédic hereditáti tuæ. **R.** Et rege eos, et extólle illos usque in ætérnum.

Ÿ. Meménto congregatiónis tuæ. **R.** Quam possedísti ab initio.

Ÿ. Fiat pax in virtúte tua. **R.** Et abundántia in túrribus tuis.

Ÿ. Orémus pro fidélibus defúctis. **R.** Réquiem ætérnam dona eis Dómine, et lux perpétua lúceat eis.

Ÿ. Requiéscant in pace. **R.** Amen.

Ÿ. Pro frátribus nostris

abséntibus. **R.** Salvos fac servos tuos Deus meus, sperántes in te.

Ÿ. Pro afflictis et captivis.

R. Libera eos Deus Israël ex ómnibus tribulatióibus suis.

Ÿ. Mitte eis Dómine auxiliú de sancto. **R.** Et de Sion tuere eos.

Ÿ. Dómine exáudi oratióem meam. **R.** Et clamor meus ad te véniat.

Deinde dicitur

Psalms 129.

DE profúndis clamávi ad te Dómine : * Dómine exáudi vocem meam.

Fiant áures tuæ intendéntes, * in vocem deprecatiónis meæ.

Si iniquitátes observáveris Dómine : * Dómine quis sustinébit ?

Quia apud te propitiatio est : * et propter legem tuam sustinui te Dómine.

Sustinuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse rédimet Israël, * ex ómnibus iniquitatibus ejus.

Glória Patri.

Finito Psalmo, dicitur

Ÿ. Dómine Deus virtútum convérte nos. **R.** Et osténde fáciem tuam, et salvi érimus.

Ÿ. Exsúrge Christe, ad-

juva nos. *R.* Et libera nos propter nomen tuum.

V. Dómine exáudi oratió-nem meam. *R.* Et clamor meus ad te véniat.

V. Dóminus vobíscum. *R.* Et cum spiritu tuo.

Deinde dicitur Oratio propria. Et quando in feriali Officio fiunt Commem. communes de S. Maria, de S. Joseph, de Apostolis, de Titulo, et de Pace, ante eas tam in Laud. quam in Vesp. fit sequens Commem. de Cruce.

Ant. Per signum Crucis de inimícis nostris libera nos Deus noster.

V. Omnis terra adóret te, et psallat tibi. *R.* Psalmum dicat nómini tuo Dómine.

Orémus. *Oratio.*

PERPÉTUA nos, quæsumus Dómine, pace custódi : quos per lignum sanctæ Crucis redimere dignátus es.

Quæ Commem. de Cruce fit etiam quando non dicuntur Preces, in feriali tantum Officio.

FERIA TERTIA

AD MATUTINUM

Invit. Jubilémus Deo, *
Salutári nostro.

Ps. Veníte, exsultémus. 2.
Hymnus.

CONSORS patérni lúminis,
Lux ipse lucis, et dies,
Noctem canéndo rúmpimus :
Assiste postulántibus.

Aufer tenébras méntium,
Fuga catérvas dæmonum,

Expélle somnoléntiam,
Ne pigritántes óbruat.

Sic Christe nobis ómnibus
Indúlgeas credéntibus,
Ut prosit exorántibus,
Quod præcinéntes psállimus.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Ant. Ut non delinquam.

Psalmus 38.

DIXI : Custódiam vias meas : * ut non delinquam in lingua mea.

Pósui ori meo custódiam, * cum consisteret peccátor advérsus me.

Obmútui, et humiliátus sum, et silui a bonis : * et dolor meus renovátus est.

Concáluit cor meum intra me : * et in meditatióne mea exardéscet ignis.

Locútus sum in lingua mea : * Notum fac mihi Dómine finem meum,

Et númerum diérum meórum quis est : * ut sciam quid desit mihi.

Ecce mensurábiles posuisti dies meos : * et substántia mea tamquam nihilum ante te.

Verúmtamen univérsa vánitas, * omnis homo vivens.

Verúmtamen in imágine pertránsit homo : * sed et frustra conturbátur.

Thesaurizat : * et ignórat cui congregábit ea.

Et nunc quæ est exspectatio mea? Nonne Dóminus? * Et substantia mea apud te est.

Ab ómnibus iniquitatibus meis érue me : * oppróbrium insipiénti dedisti me.

Obmútui, et non apérui os meum, quóniam tu fecisti : * ámove a me plagas tuas.

A fortitúdine manus tuæ ego deféci in increpatiónibus : * propter iniquitatem corripuísti hóminem.

Et tabescere fecisti sicut aráneam ánimam ejus : * verúmtamen vane conturbátur omnis homo.

Exáudi oratióem meam Dómine, et deprecationem meam : * áuribus pèrcipe lácrymas meas.

Ne sileas : quóniam ádvena ego sum apud te, et peregrínus, * sicut omnes patres mei.

Remitte mihi, ut refrigerer priúsqvam ábeam, * et ámplius non ero.

Psalmus 39.

EXSPÉCTANS exspectávi Dóminum, * et inténdit mihi.

Et exaudivit preces meas : * et edúxit me de lacu misériæ, et de luto fácies.

Et státuit super petram pedes meos : * et diréxit gressus meos.

Et immisit in os meum cánticum novum, * carmen Deo nostro.

Vidébunt multi, et timé-

bunt : * et sperábunt in Dómino.

Beátus vir, cujus est nomen Dómini spes ejus : * et non respéxit in vanitátes et insánias falsas.

Multa fecisti tu Dómine Deus meus mirabilia tua : * et cogitatiónibus tuis non est qui similis sit tibi.

Annuntiávi, et locútus sum : * multiplicáti sunt super númerum.

Sacrificium et oblatiónem noluísti : * áures áutem perfecísti mihi.

Holocáustum et pro peccáto non postulásti : * tunc dixi : Ecce vénio.

In cápite libri scriptum est de me ut fácerem voluntatem tuam : * Deus meus vólui, et legem tuam in médio cordis mei.

Annuntiávi justítiam tuam in ecclésia magna, * ecce lábia mea non prohibébo : Dómine tu scisti.

Justítiam tuam non abscondi in corde meo : * veritatem tuam et salutáre tuum dixi.

Non abscondi misericórdiam tuam, et veritatem tuam * a concílio multo.

Tu áutem Dómine ne longe fácias miseratiónes tuas a me : * misericórdia tua et véritas tua semper suscepérunt me.

Quóniam circumdedérunt me mala, quorum non est númerus : * comprehendérunt me iniquitátes meæ, et non pótui ut vidérem.

Multiplicatæ sunt super capillos capitis mei : * et cor meum dereliquit me.

Compláceat tibi Dómine ut éruas me : * Dómine ad adiuvándum me respice.

Confundántur et revereántur simul, qui quærunt ánimam meam, * ut áuferant eam.

Convertántur retrórsum, et revereántur, * qui volunt mihi mala.

Ferant conféstim confusiónem suam, * qui dicunt mihi : Euge, éuge.

Exsúltent, et læténtur super te omnes quæréntes te : * et dicant semper : Magnificétur Dóminus : qui diligunt salutáre tuum.

Ego áutem mendícus sum, et páuper : * Dóminus sollicitus est mei.

Adjútor meus, et protéctor meus tu es : * Deus meus ne tardáveris.

Ant. Ut non delínquam in lingua mea.

Ant. Sana.

Psalmus 40.

BEÁTUS qui intélligit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : * et non tradat eum in ánimam inimicórum ejus.

Dóminus opem ferat illi super lectum dolóris ejus : * univérsum stratum ejus versásti in infirmitáte ejus.

Ego dixi : Dómine miserrére mei : * sana ánimam meam, quia peccávi tibi.

Inimíci mei dixerunt mala mihi : * Quando moriétur, et peribit nomen ejus?

Et si ingrediebátur ut vidéret, vana loquebátur, * cor ejus congregávit iniquitátem sibi.

Egrediebátur foras, * et loquebátur in idípsum.

Advérsum me susurrábant omnes inimíci mei : * advérsum me cogitábant mala mihi.

Verbum iníquum constituerunt advérsum me : * Numquid qui dormit non adjiciet ut resúrgat?

Etenim homo pacis meæ, in quo sperávi : * qui edébat panes meos, magnificávit super me supplantatióem.

Tu áutem Dómine miserrére mei, et resúscita me : * et retribuam eis.

In hoc cognóvi quóniam voluísti me : * quóniam non gaudébit inimicus meus super me.

Me áutem propter innocentiam suscepisti : * et confirmásti me in conspéctu tuo in ætérnum.

Benedictus Dóminus Deus Israél a sæculo et usque in sæculum : * fiat, fiat.

Psalmus 41.

QUEMÁDMODUM desiderat cervus ad fontes aquarum : * ita desiderat ánima mea ad te Deus.

Sitívit ánima mea ad Deum

fortem vivum : * quando véniam, et apparébo ante fáciem Dei?

Fuérunt mihi lácrymæ meæ panes die ac nocte : * dum dicitur mihi quotidie : Ubi est Deus tuus?

Hæc recordátus sum, et effúdi in me ánimam meam : * quóniam transibo in locum tabernáculi admirábilis, usque ad domum Dei.

In voce exsultatiónis et confessiónis : * sonus epulántis.

Quare tristis es áanima mea? * et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ad meípsum áanima mea conturbáta est : * propterea memor ero tui de terra Jordánis, et Hermóniim a monte mó dico.

Abýssus abyssum invocat, * in voce cataractárum tuárum.

Omnia excélsa tua, et fluctus tui * super me transiérunt.

In die mandávit Dóminus misericórdiam suam : * et nocte cánticum ejus.

Apud me orátio Deo vitæ meæ, * dicam Deo : Suscéptor meus es.

Quare oblitus es mei? * et quare contristátus incédo, dum affligit me inimícus?

Dum confringúntur ossa mea, * exprobravérunt mi-

hi, qui tribulant me inimíci mei.

Dum dicunt mihi per singulos dies : Ubi est Deus tuus? * quare tristis es áanima mea, et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ant. Sana Dómine ánimam meam, quia peccávi tibi.

Ant. Eructávit.

Psalmus 43.

DEUS áuribus nostris audívimus : * patres nostri annuntiavérunt nobis.

Opus, quod operátus es in diébus eórum, * et in diébus antiquis,

Manus tua gentes dispérdidit, et plantásti eos : * afflixísti pópulos, et expulísti eos.

Nec enim in gládio suo possederunt terram, * et bráchium eórum non salvávit eos :

Sed délixtera tua, et bráchium tuum, et illuminátio vultus tui : * quóniam complacuísti in eis.

Tu es ipse rex meus et Deus meus : * qui mandas salútes Jacob.

In te inimícos nostros ventiláimus cornu, * et in nómine tuo spernémus insurgéntes in nobis.

Non enim in arcu meo sperábo : * et gládius meus non salvábit me.

Salvásti enim nos de affligéntibus nos : * et odiéntes nos confudísti.

In Deo laudábimur tota die : * et in nómine tuo confitébimur in sæculum.

Nunc áutem repulisti et confudisti nos : * et non egrediéris Deus in virtútibus nostris.

Avertisti nos retrórsum post inimicos nostros : * et qui odérunt nos, diripiébant sibi.

Dedisti nos tamquam oves escárum : * et in géntibus dispersisti nos.

Vendidisti pópulum tuum sine pretio : * et non fuit multitúdo in commutatió-nibus eórum.

Posuisti nos oppróbrium vicinis nostris, * subsanna-tiónem et derisum his, qui sunt in circúitu nostro.

Posuisti nos in similitúdi-nem géntibus : * commotió-nem cápitis in pópulis.

Tota die verecúndia mea contra me est, * et confú-sio faciéi meæ cooperuit me.

A voce exprobrántis, et obloquéntis : * a fácie in-míci et persecuéntis.

Hæc ómnia venérunt super nos, nec obliti sumus te : * et inique non égimus in testaménto tuo.

Et non recéssit retro cor nostrum : * et declinásti sé-mitas nostras a via tua :

Quóniam humiliásti nos in loco afflictiónis, * et co-opérui nos umbra mortis.

Si obliti sumus nomen Dei nostri, * et si expándi-

mus manus nostras ad deum aliénum :

Nonne Deus requireret ista? * ipse enim novit abscondita cordis.

Quóniam propter te mortificámur tota die : * aestimáti sumus sicut oves occisiónis.

Exsúrge, quare obdórmis Dómine? * exsúrge, et ne repéllas in finem.

Quare fáciem tuam avér-tis, * oblivísceris inópiae nostræ, et tribulatiónis nostræ?

Quóniam humiliáta est in púlvere ánima nostra : * con-glutinátus est in terra venter noster.

Exsúrge Dómine, ádjuva nos : * et rédime nos propter nomen tuum.

Psalmus 44.

ERUCTÁVIT cor meum verbum bonum : * dico ego ópera mea regi.

Lingua mea cálamus scri-bæ, * velócitèr scribéntis.

Speciósus forma præ filiis hóminum, diffúsa est grátia in lábiis tuis : * proptérea benedixit te Deus in ætér-num.

Accingere gládio tuo super femur tuum, * potentis-sime.

Spécie tua et pulchritú-dine tua * inténde, prospere procéde, et regna.

Propter veritátem, et mansuetúdinem, et justítiam : * et dedúcet te mirabíliter délixtera tua.

Sagittæ tuæ acútæ, pópuli

sub te cadent : * in corda inimicórum regis.

Sedes tua Deus in sæculum sæculi : * virga directiõnis virga regni tui.

Dilexisti justitiam, et odisti iniquitatem : * propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regina a dextris tuis in vestítu deauráto : * circúmdata varietáte.

Audi filia, et vide, et inclina áurem tuam : * et obliviscere pópulum tuum, et domum patris tui.

Et concupiscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes divites plebis.

Omnis glória ejus filiæ regis ab intus, * in fimbriis áureis circumamícta varietátibus.

Adducéntur regi virgines post eam : * próximæ ejus afferéntur tibi.

Afferéntur in lætítia et exsultatióne : * adducéntur in templum regis.

Pro pátribus tuis nati sunt tibi filii : * constitues eos príncipes super omnem terram.

Mémoires erunt nóminis

tui * in omni generatióne et generatióne.

Propterea pópuli confitebúntur tibi in ætérnum : * et in sæculum sæculi.

Ant. Eructávit cor meum verbum bonum.

Ant. Adjutor.

Psalmus 45.

DEUS noster refúgium, et virtus : * adjutor in tribulatióibus, quæ invenérunt nos nimis.

Propterea non timébimus dum turbábitur terra : * et transferéntur montes in cor maris.

Sonuérun, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitatem Dei : * sanctificávit tabernáculum suum Altísimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscëptor noster Deus Jacob.

Veníte, et vidéte ópera Dómini, quæ pósuit prodigia super terram : * áuferens bella usque ad finem terræ.

Arcum cónteret, et confringet arma : * et scuta combúret igni.

Vacáte, et vidéte quóniam ego sum Deus : * exaltábor

in géntibus, et exaltábor in terra.

Dóminus virtútum nobiscum : * suscēptor noster Deus Jacob.

Psalmus 46.

OMNES gentes pláudite má-nibus : * jubiláte Deo in voce exsultatiónis.

Quóniam Dóminus excélsus, terribilis : * rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam : * spéciem Jacob, quam diléxit.

Ascéndit Deus in júbilo : * et Dóminus in voce tubæ.

Psállite Deo nostro, psállite : * psállite regi nostro, psállite.

Quóniam rex omnis terræ Deus : * psállite sapiénter.

Regnábít Deus super gentes : * Deus sedet super sedem sanctam suam.

Príncipes populórum congregáti sunt cum Deo Abraham : * quóniam dii fortes terræ, veheménter eleváti sunt.

Ant. Adjútor in tribulatió-nibus.

Ant. Magnus Dóminus.

Psalmus 47.

MAGNUS Dóminus, et laudábilis nimis * in civitáte Dei nostri, in monte sancto ejus.

Fundátur exsultatióne universæ terræ mons Sion, * látera Aquilónis, civitas regis magni.

Deus in dómibus ejus cognoscétur, * cum suscípiet eam.

Quóniam ecce reges terræ congregáti sunt : * convenérunt in unum.

Ipsi vidéntes sic admiráti sunt, conturbáti sunt, commóti sunt : * tremor apprehéndit eos.

Ibi dolóres ut parturiéntis : * in spíritu veheménti cónteres naves Tharsis.

Sicut audívimus, sic vidimus in civitáte Dómini virtútum, in civitáte Dei nostri : * Deus fundávit eam in ætérnum.

Suscépimus Deus misericórdiam tuam, * in médio templi tui.

Secúndum nomen tuum Deus, sic et laus tua in fines terræ : * justitia plena est dextera tua.

Lætétur mons Sion, et exsúltent filiæ Judæ * propter judicia tua Dómine.

Circúmdate Sion, et complectimini eam : * narráte in túrribus ejus.

Pónite corda vestra in virtúte ejus : * et distribúite domos ejus, ut enarréti in progénie áltera.

Quóniam hic est Deus, Deus noster in ætérnum, et in sáeculum sáeculi : * ipse reget nos in sáecula.

Psalmus 48

AUDÍTE hæc omnes gentes : * áuribus percípите omnes, qui habitátis orbem :

Quique terrigenæ, et filii

hóminum : * simul in unum dives et páuper.

Os meum loquétur sapiéntiam : * et meditátio cordis mei prudentiam.

Inclinábo in parábolam áurem meam : * apériam in psaltério propositiónem meam.

Cur timébo in die mala? * iniquitas calcánei mei circumdabit me :

Qui confidunt in virtúte sua : * et in multitúdine divitiárum suárum gloriántur.

Frater non rédimit, rédimet homo : * non dabit Deo placatióem suam.

Et prétium redemptionis animæ suæ : * et laborábit in ætérnum, et vivet adhuc in finem.

Non vidébit intéritum, cum viderit sapiéntes moriéntes : * simul insípiens, et stultus peribunt.

Et relinquent aliénis divitias suas : * et sepúlcrá eórum domus illórum in ætérnum.

Tabernácula eórum in progénie et progénie : * vocavérunt nómina sua in terris suis.

Et homo, cum in honóre esset, non intelléxit : * comparátus est juméntis insipientibus, et similis factus est illis.

Hæc via illórum scándalum ipsis : * et póstea in ore suo complacébunt.

Sicut oves in inférno pó-

siti sunt : * mors depáscet eos.

Et dominabúntur eórum justí in matutíno : * et auxiliúm eórum veteráscet in inférno a glória eórum.

Verúmtamen Deus rédimet ánimam meam de manu inferi, * cum accéperit me.

Ne timúeris cum dives factus fúerit homo : * et cum multiplicáta fúerit glória domus ejus.

Quóniam cum interierit, non sumet ómnia : * neque descéndet cum eo glória ejus.

Quia ánima ejus in vita ipsíus benedicétur : * confitébitur tibi cum benefeceris ei.

Introíbit usque in progénies patrum suórum : * et usque in ætérnum non vidébit lumen.

Homo, cum in honóre esset, non intelléxit : * comparátus est juméntis insipientibus, et similis factus est illis.

Ant. Magnus Dóminus et laudábilis nimis.

Ant. Deus deórum.

Psalmus 49.

DEUS deórum Dóminus locútus est : * et vocávit terram.

A solis ortu usque ad occásum : * ex Sion spécies decóris ejus.

Deus maniféste véniet : * Deus noster et non silébit.

Ignis in conspéctu ejus

exardéscet : * et in circúitu ejus tempésta válda.

Advocábit cælum desúrsum : * et terram discérnere pópulum suum.

Congregáte illi sanctos ejus : * qui órđinant testaméntum ejus super sacrificia.

Et annuntiábunt cæli justitiam ejus : * quóniam Deus judex est.

Audi pópulus meus, et loquar : Israëġ, et testificabor tibi : * Deus Deus tuus ego sum.

Non in sacrificiis tuis árguam te : * holocáusta áutem tua in conspéctu meo sunt semper.

Non accipiam de domo tua vitulos : * neque de grégibus tuis hircos.

Quóniam meæ sunt omnes feræ silvárum, * juménta in móntibus et boves.

Cognóvi ómnia volatilia cæli : * et pulchritúdo agri mecum est.

Si esuriero, non dicam tibi : * meus est enim orbis terræ, et plenitúdo ejus.

Numquid manducábo carnes taurórum? * aut sánguinem hircórum potábo?

Immola Deo sacrificium láudis : * et redde Altíssimo vota tua.

Et invoca me in die tribulatiónis : * éruam te, et honorificábis me.

Peccatóri áutem dixit Deus : * Quare tu enárras justitias meas, et assúmis

testaméntum meum per os tuum?

Tu vero odisti disciplinam : * et projecisti sermones meos retrórsum :

Si vidébas furem, currébas cum eo : * et cum adulteris portiónem tuam ponébas.

Os tuum abundávit malitia : * et lingua tua concinábatur dolos.

Sedens advérsus fratrem tuum loquebáris, et advérsus filium matris tuæ ponébas scándalum : * hæc fecisti, et tácui.

Existimásti inique quod ero tui símilis : * árguam te, et státuam contra fáciem tuam.

Intelligite hæc qui obliviscimini Deum : * nequándo rápiat, et non sit qui eripiat.

Sacrificium láudis honorificábit me : * et illic iter, quo osténdam illi salutáre Dei.

Psalmus 51.

QUID gloriáris in malitia, * qui potens es in iniquitate?

Tota die injustitiam cogitávit lingua tua : * sicut novacula acúta fecisti dolum.

Dilexisti malítiam super benignitátem : * iniquitátem magis quam loqui æquitátem.

Dilexisti ómnia verba præcipitatiónis, * lingua dolósa.

Proptérea Deus déstruet te in finem, * evéllet te, et emigrábit te de tabernáculo

tuo : et radicem tuam de terra vivéntium.

Vidébunt justí, et timébunt, et super eum ridébunt, et dicent : * Ecce homo, qui non pósuit Deum adiutórem suum :

Sed sperávit in multítudine divitiárum suárum : * et præváluit in vanitáte sua.

Ego áutem, sicut oliva fructífera in domo Dei, * sperávi in misericórdia Dei in ætérnum : et in sæculum sæculi.

Confitébor tibi in sæculum, quia fecisti : * et expectábo nomen tuum, quóniam bonum est in conspéctu sanctórum tuórum.

Ant. Deus deórum Dóminus locútus est.

Per Annum. *℣.* Immola Deo sacrificium láudis. *℟.* Et redde Altíssimo vota tua.

Pro uno Mart. *℣.* Posuisti Dómine super caput ejus. *℟.* Corónam de lápide pretióso.

Pro plur. Mart. *℣.* Exsúltent justí in conspéctu Dei. *℟.* Et delecténtur in lætitia.

Pro Conf. Pont. *℣.* Elégit eum Dóminus sacerdotem sibi. *℟.* Ad sacrificándum ei hóstiám láudis.

Pro Conf. non Pont. *℣.* Os justí meditábitur sapiéntiam. *℟.* Et lingua ejus loquétur iudiciúm.

Pro una Sancta. *℣.* Advábit eam Deus vultu suo. *℟.* Deus in médio ejus, non commovébitur.

AD LAUDES

Ant. Dele Dómine * iniquitátem meam.

Ps. Miserére. 56.

Ant. Salutare.

Psalmus 42.

JÚDICA me Deus, et discérne cáusam meam de gente non sancta, * ab hómine iníquo et dolóso érue me.

Quia tu es Deus fortitúdo mea : * quare me repulisti? et quare tristis incédo, dum affligit me inimicus?

Emítte lucem tuam et veritátem tuam : * ipsa me deduxérunt, et adduxérunt in montem sanctum tuum, et in tabernácula tua.

Et introibo ad altáre Dei : * ad Deum, qui lætíficat juventútem meam.

Confitébor tibi in cithara Deus Deus meus : * quare tristis es ánima mea? et quare contúrbas me?

Spera in Deo, quóniam adhuc confitébor illi : * salutare vultus mei, et Deus meus.

Ant. Salutare vultus mei, et Deus meus.

Ant. Ad te de luce * vigilo Deus.

Ps. Deus Deus meus. 17.

Ant. Cunctis diébus.

Canticum Ezechiae.

Isaie 38. b

EGO dixi : In dimidio diérum meórum * vadam ad portas ínferi.

Quæsi vi residuum annórum meórum. * Dixi : Non

vidébo Dóminum Deum in terra vivéntium.

Non adspiciam hóminem ultra, * et habitatórem quíetis.

Generátio mea abláta est, et convolúta est a me, * quasi tabernáculum pastórum.

Præcisa est veluta texén-te, vita mea : dum adhuc ordí-
rer, succidit me : * de mane usque ad vésperam finies me.

Sperábam usque ad mane : * quasi leo sic contrivit ómnia ossa mea :

De mane usque ad véspe-
ram finies me : * sicut pul-
lus hirúndinis sic clamábo,
meditábor ut colúmba :

Attenuáti sunt óculi mei, * suspiciéntes in excélsum:

Dómine vim páti-or, re-
spón-de pro me. * Quid di-
cam, aut quid respondébit
mihi, cum ipse fécerit?

Recogitábo tibi omnes
annos meos * in amaritú-
dine ánimæ meæ.

Dómine si sic vívitur, et in
tálibus vita spíritus mei,
corrípies me, et vivificábis
me. * Ecce in pace amaritúdo
mea amaríssima :

Tu áutem eruísti ánimam
meam, ut non períret : *
projecísti post tergum tuum
ómnia peccáta mea.

Quia non inférnus confi-
tébitur tibi, neque mors lau-
dábit te : * non expectábunt
qui descéndunt in lacum,
veritátem tuam.

Vivens vivens ipse confi-
tébitur tibi, sicut et ego
hódie : * pater filiis notam
fáci-et veritátem tuam.

Dómine salvum me fac, *
et psalmos nostros cantábi-
mus cunctis diébus vitæ no-
stræ in domo Dómini.

Ant. Cunctis diébus vitæ
nostræ salvos nos fac Dó-
mine.

Ant. Omnes Angeli ejus *
laudáte Dóminum de cæ-
lis.

Ps. Laudáte Dóminum de
cælis. 19.

Capitulum. Rom. 13. d

Nox præcèssit, dies áutem
appropinquávit. Abjiciá-
mus ergo ópera tenebrárum,
et induámur arma lucis. Sic-
ut in die honéste ambulé-
mus.

Hymnus.

ALES diéi núntius
Lucem propinquam præ-
cinit :

Nos excitátor méntium
Jam Christus ad vitam vocat.

Auférte, clamat, léctulos,
Ægro sopóre désides :

Castique, recti, ac sóbrii
Vigiláte, jam sum próxímus.

Jesum ciámus vóci-bus,
Flentes, precántes, sóbrii :
Inténta supplicátio

Dormire cor mundum vetat.

Tu Christe somnum dis-
cute :

Tu rumpe noctis víncula :

Tu solve peccátum vetus,
Novúmque lumen íngere.

Deo Patri sit glória,
Ejúsque soli Filio,

Cum Spiritu Paráclito,
Nunc et per omne sáeculum.

Amen.

Ÿ. Repléti sumus mane
misericórdia tua. R̃. Exsul-
távimus, et delectáti sumus.

Ad Bened. Ant. Eréxit no-
bis * Dóminus cornu salútis
in domo David púeri sui.

Preces, quando dicuntur,
habentur supra in Feria II.
59.

FERIA QUARTA

AD MATUTINUM

Invit. In manu tua Dómi-
ne * Omnes fines terræ.

Ps. Venite, exsultémus
Dómino. 2.

Hymnus.

RERUM Creátor óptime,
Rectorque noster, ad-
spice :

Nos a quiéte nóxia
Mersos sopóre libera.

Te, sancte Christe, pósci-
mus,

Ignósce culpis ómnibus :
Ad confiténdum súrgimus,
Morásque noctis rúmpimus.

Mentes manúsque tóllimus,
Prophéta sicut nóctibus
Nobis geréndum præcipit,
Paulúsque gestis cénsuit.

Vides malum quod féci-
mus :

Occúlta nostra pándimus :
Preces geméntes fúndimus :
Dimitte quod peccávimus.

Præsta, Pater piíssime,
Patrique compar Unice,
Cum Spiritu Paráclito
Regnans per omne sáeculum.
Amen.

Ant. Avértit Dóminus.

Psalmus 52.

DIXIT insipiens in corde
suo : * Non est Deus.

Corrúpti sunt, et abomi-
nábiles facti sunt in iniqui-
tátibus : * non est qui fáciat
bonum.

Deus de cælo prospéxit
super filios hóminum : * ut
videat si est intélligens, aut
requírens Deum.

Omnes declinavérunt, si-
mul inútiles facti sunt : * non
est qui fáciat bonum, non
est usque ad unum.

Nonne scient omnes qui
operántur iniquitátem, * qui
dévorant plebem meam ut
cibum panis?

Deum non invocavérunt : *
illic trepidavérunt timóre,
ubi non erat timor.

Quóniam Deus dissipávit
ossa eórum qui homínibus
placent : * confúsi sunt, quó-
niam Deus sprevit eos.

Quis dabit ex Sion salutá-
re Israël? * cum convérte-
rit Deus captivitátem plebis
suæ, exsultábit Jacob, et læ-
tábitur Israël.

Psalmus 54.

EXÁUDI Deus oratióem
meam, et ne despéxeris
deprecatióem meam : * in-
téndé mihi, et exáudi me.

Contristátus sum in exer-
citatióne mea : * et contur-
bátus sum a voce inimici, et
a tribulatióne peccatóris.

Quóniam declinavérunt in
me iniquitátes : * et in ira
molésti erant mihi.

Cor meum conturbátum est in me : * et formído mortis cécidit super me.

Timor et tremor venérunt super me : * et contexérunt me ténebræ.

Et dixi : Quis dabit mihi pennas sicut colúmbæ, * et volábo, et requiáscam?

Ecce elongávi fúgiens : * et mansi in solitúdine.

Exspectábam eum, qui salvum me fecit * a pusillanimitáte spíritus et tempestáte.

Præcipita Dómine, divide linguas eórum : * quóniam vidi iniquitatem, et contradictionem in civitate.

Die ac nocte circúmdabit eam super muros ejus iniquitas : * et labor in médio ejus, et injustitia.

Et non defécit de platéis ejus * usúra, et dolus.

Quóniam si inimicus meus maledixisset mihi, * sustinuissem útique.

Et si is, qui óderat me, super me magna locútus fuisset : * abscondissem me fórsitan ab eo.

Tu vero homo unánimis : * dux meus, et notus meus.

Qui simul mecum dulces capiébas cibos : * in domo Dei ambulávimus cum consénsu.

Véniat mors super illos : * et descéndant in inférnum vivéntes :

Quóniam nequitiae in habitáculis eórum : * in médio eórum.

Ego áutem ad Deum clamávi : * et Dóminus salvábit me.

Véspere, et mane, et merídie narrábo et annuntiábo : * et exáudiet vocem meam.

Rédimet in pace ánimam meam ab his, qui appropinquant mihi : * quóniam inter multos erant mecum.

Exáudiet Deus, et humiliábit illos, * qui est ante sæcula.

Non enim est illis commutatio, et non timuérunt Deum : * exténdit manum suam in retribuendo.

Contaminavérunt testaméntum ejus, divisi sunt ab ira vultus ejus : * et appropinquávit cor illius.

Molliti sunt sermónes ejus super óleum : * et ipsi sunt jácula.

Jacta super Dóminum curam tuam, et ipse te enútriet : * non dabit in ætérnum fluctuatióem justo.

Tu vero Deus dedúces eos, * in púteum intéritus.

Viri sanguínum, et dolósi non dimidiábunt dies suos : * ego áutem sperábo in te Dómine.

Ant. Avértit Dóminus captivitatem plebis suæ.

Ant. Quóniam.

Psalmus 55.

MISERERE mei Deus, quóniam conculcávit me homo : * tota die impúgnans tribulávit me.

Conculcavérunt me inimíci mei tota die : * quóniam

multi bellántes advérsum me.

Ab altitúdine diéi timébo : * ego vero in te sperábo.

In Deo laudábo sermónes meos, in Deo sperávi : * non timébo quid fáciat mihi caro.

Tota die verba mea exsecrabántur : * advérsum me omnes cogitatiónes eórum in malum.

Inhabitábunt et abscóndent : * ipsi calcáneum meum observábunt.

Sicut sustinuérunt ánimam meam, pro nihilo salvos fácies illos : * in ira pópulos confringes.

Deus, vitam meam annuntiávi tibi : * posuisti lácrymas meas in conspéctu tuo,

Sicut et in promissióne tua : * tunc converténtur inimíci mei retrórsum :

In quacúmque die invocávero te : * ecce cognóvi quóniam Deus meus es.

In Deo laudábo verbum, in Dómino laudábo sermónem : * in Deo sperávi, non timébo quid fáciat mihi homo.

In me sunt Deus vota tua, * quæ reddam, laudatiónes tibi.

Quóniam eripuísti ánimam meam de morte, et pedes meos de lapsu : * ut pláceam coram Deo in lúmine vivéntium.

Psalmus 56.

MISERERE mei Deus, miserere mei : * quóniam in te confidit ánima mea.

Et in umbra alárum tuárum sperábo, * donec tránseat iniquitas.

Clamábo ad Deum altissimum : * Deum qui benefécit mihi.

Misit de cælo, et liberávit me : * dedit in oppróbrium conculcántes me.

Misit Deus misericórdiam suam, et veritátem suam, * et eripuit ánimam meam de médio catulórum leónum : dormivi conturbátus.

Fílii hóminum dentes eórum arma et sagittæ : * et lingua eórum gládius acútus.

Exaltáre super cælos Deus : * et in omnem terram glória tua.

Láqueum paravérunt pédibus meis, * et incurvavérunt ánimam meam.

Fodérunt ante fáciem meam fóveam : * et incidérunt in eam.

Parátum cor meum Deus, parátum cor meum : * cantábo, et psalmum dicam.

Exsúrge glória mea, exsúrge psaltérium et cithara : * exsúrgam dilúculo.

Confitébor tibi in pópulis Dómine : * et psalmum dicam tibi in géntibus :

Quóniam magnificáta est usque ad cælos misericórdia tua, * et usque ad nubes véritas tua.

Exaltáre super cælos Deus : * et super omnem terram glória tua.

Ant. Quóniam in te confidit ánima mea.

Ant. Justa judicáte.

Psalmus 57

SI vere útique justitiam loquimini : * recta judicáte filii hóminum.

Etenim in corde iniquitates operámini : * in terra injustitias manus vestræ concinnant.

Alienáti sunt peccatóres a vulva, erravérunt ab útero : * locúti sunt falsa.

Furor illis secúndum similitúdinem serpéntis : * sicut áspidis surdæ, et obturántis áures suas :

Quæ non exáudiet vocem incantántium : * et venéfici incantántis sapiénter.

Deus cónteret dentes eórum in ore ipsórum : * molas leónum confringet Dóminus.

Ad nihilum devénient tamquam aqua decúrrens : * inténdit arcum suum donec infirméntur.

Sicut cera, quæ fluit, auferéntur : * supercécidit ignis, et non vidérunt solem.

Priúsqvam intelligerent spinæ vestræ rhamnum : * sicut vivéntes, sic in ira absórbet eos.

Lætábitur justus cum viderit vindictam : * manus suas lavábit in ságuine peccatóris.

Et dicet homo : Si útique est fructus justo : * útique est Deus júdicans eos in terra.

Psalmus 58.

ERIPE me de inimícis meis Deus meus : * et ab insurgéntibus in me libera me.

Eripe me de operántibus iniquitátem : * et de viris sánguinem salva me.

Quia ecce cepérunt ánimam meam : * irruérunt in me fortes.

Neque iniquitas mea, neque peccátum meum Dómine : * sine iniquitáte cucúrri, et diréxi.

Exsúrge in occúrsum meum, et vide : * et tu Dómine Deus virtútum, Deus Israël,

Inténde ad visitándas omnes gentes : * non misereáris ómnibus, qui operántur iniquitátem.

Converténtur ad vésperam : et famem patiéntur ut canes, * et circuibunt civitátem.

Ecce loquéntur in ore suo, et gládus in lábiis eórum : * quóniam quis audívit ?

Et tu Dómine deridébis eos : * ad nihilum dedúces omnes gentes.

Fortitúdinem meam ad te custódiam, quia Deus suscéptor meus es : * Deus meus, misericórdia ejus præveniet me.

Deus osténdet mihi super inimícos meos, ne occidas eos : * nequándo obliviscántur pópuli mei.

Dispérge illos in virtúte tua : * et depóne eos protéctor meus Dómine :

Delictum oris eórum, sermónem labiórurn ipsórum : * et comprehendántur in supérbia sua.

Et de exsecratióne et mendácio annuntiabúntur in con-

summatione : * in ira consummationis, et non erunt.

Et scient quia Deus dominabitur Jacob : * et finium terræ.

Convertentur ad vespeream, et famem patientur ut canes : * et circuibunt civitatem.

Ipsi dispergentur ad manducandum : * si vero non fuerint saturati, et murmurabunt.

Ego autem cantabo fortitudinem tuam : * et exultabo mane misericordiam tuam.

Quia factus es susceptor meus, * et refugium meum, in die tribulationis meæ.

Adjutor meus tibi psallam, quia Deus susceptor meus es : * Deus meus misericordia mea.

Ant. Justa judicæte filii hominum.

Ant. Da nobis.

Psalmus 59.

DEUS repulisti nos, et destruxisti nos : * iratus es, et misertus es nobis.

Commovisti terram, et conturbasti eam : * sana contritiones ejus, quia commota est.

Ostendisti populo tuo dura : * potasti nos vino compunctionis.

Dedisti metuentibus te significationem : * ut fugiant a facie arcus :

Ut liberentur dilecti tui : * salvum fac dextera tua, et exaudi me.

Deus locutus est in sancto

suo : * Lætabor, et partibor Sichimam : et convallē tabernaculorum metibor.

Meus est Galaad, et meus est Manasses : * et Ephraim fortitudo capitis mei.

Juda rex meus : * Moab olla spei meæ.

In Idumæam extendam calceamentum meum : * mihi alienigenæ subditi sunt.

Quis deducet me in civitatem munitam? * quis deducet me usque in Idumæam?

Nonne tu Deus, qui repulisti nos : * et non egrediēris Deus in virtutibus nostris?

Da nobis auxilium de tribulatione : * quia vana salus hominis.

In Deo faciemus virtutem : * et ipse ad nihilum deducet tribulantes nos.

Psalmus 60.

EXAUDI Deus deprecationem : * intende orationi meæ.

A finibus terræ ad te clamavi : * dum anxietur cor meum, in petra exaltasti me.

Deduxisti me, quia factus es spes mea : * turris fortitudinis a facie inimici.

Inhabitabo in tabernaculo tuo in sæcula : * prout in velamento alarum tuarum.

Quoniam tu Deus meus exaudisti orationem meam : * dedisti hereditatem timētibus nomen tuum.

Dies super dies regis adjicies : * annos ejus usque in diem generationis et generationis.

Pérmanet in ætérnum in conspéctu Dei : * misericórdiam et veritátem ejus quis requíret?

Sic psalmum dicam nómini tuo in sáculum sáculi : * ut reddam vota mea de die in diem.

Ant. Da nobis Dómine auxílium de tribulatióne.

Ant. Nonne Deo.

Psalmus 61.

NONNE Deo subjécta erit ánima mea? * ab ipso enim salutáre meum.

Nam et ipse Deus meus, et salutáris meus : * suscéptor meus, non movébor ámplius.

Quóusque irrúitis in hóminem? * interficitis univérsi vos : tamquam parieti inclínato et macériæ depúlsæ?

Verúmtamen prétium meum cogitavérunt repéllere, cucúrri in siti : * ore suo benedicébant, et corde suo maledicébant.

Verúmtamen Deo subjécta esto ánima mea : * quóniam ab ipso patiéntia mea.

Quia ipse Deus meus, et salvátor meus : * adjútor meus, non emigrábo.

In Deo salutáre meum, et glória mea : * Deus auxílii mei, et spes mea in Deo est.

Speráte in eo omnis congregátio pópuli, effúndite coram illo corda vestra : * Deus adjútor noster in ætérnum.

Verúmtamen vani filii hóminum, mendáces filii hóminum in statéris : * ut de-

cipiant ipsi de vanitáte in idipsum.

Nolite speráre in iniquitáte, et rapínas nolite concupiscere : * divitiæ si áffluent, nolite cor appónere.

Semel locútus est Deus, duo hæcaudívi, quia potéstas Dei est, et tibi Dómine misericórdia : * quia tu reddes unicuique juxta ópera sua.

Psalmus 63.

EXÁUDI Deus oratiómem meam cum déprecor : * a timóre inimíci éripe ánimam meam.

Protexisti me a convéntu malignántium : * a multítudine operántium iniquitátem.

Quia exacuérunt ut gládium linguas suas : * intenderunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut abscónderent láqueos : * dixerunt : Quis vidébit eos?

Scrutáti sunt iniquitátes : * defecerunt scrutántes scrutinio.

Accédet homo ad cor altum : * et exaltábitur Deus.

Sagittæ parvulórum factæ sunt plagæ eórum : * et infirmátæ sunt contra eos linguæ eórum.

Conturbáti sunt omnes qui vidébant eos : * et tímuit omnis homo.

Et annuntiavérunt ópera

Dei, * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Ant. Nonne Deo subjécta erit ánima mea?

Ant. Benedícite.

Psalmus 65.

JUBILÁTE Deo omnis terra, psalmum dicite nómini ejus : * date glóriam láudi ejus.

Dícite Deo, Quam terribília sunt ópera tua Dómine! * in multitúdine virtútis tuæ mentiéntur tibi inimíci tui.

Omnis terra adóret te, et psallat tibi : * psalmum dicat nómini tuo.

Veníte, et vidéte ópera Dei : * terribilis in consiliis super filios hóminum.

Qui convértit mare in áridam, in flúmine pertransibunt pede : * ibi lætábimur in ipso.

Qui domináthur in virtúte sua in ætérnum, óculi ejus super gentes respíciunt : * qui exásperant non exalténtur in semetipsis.

Benedícite gentes Deum nostrum : * et auditam fácite vocem láudis ejus.

Qui pósuit ánimam meam ad vitam : * et non dedit in commotióem pedes meos.

Quóniam probásti nos Deus : * igne nos examinásti, sicut examináthur argéntum.

Induxisti nos in láqueum, posuisti tribulatióes in dor-

so nostro : * imposuisti hómines super cápita nostra.

Transivimus per ignem et aquam : * et eduxisti nos in refrigerium.

Introibo in domum tuam in holocáustis : * reddam tibi vota mea, quæ distinxérunt lábia mea.

Et locútum est os meum, * in tribulatióne mea.

Holocáusta medulláta offeram tibi cum incénso arietum : * offeram tibi boves cum hircis.

Veníte, audíte, et narrábo, omnes qui timétis Deum, * quanta fecit ánimæ meæ.

Ad ipsum ore meo clamávi, * et exaltávi sub lingua mea.

Iniquitátem si adspéxi in corde meo, * non exáudiet Dóminus.

Proptérea exaudivit Deus, * et atténdit voci deprecationis meæ.

Benedictus Deus, * qui non amóvit oratióem meam, et misericórdiam suam a me.

Psalmus 67

EXSÚRGAT Deus, et dissipéntur inimíci ejus, * et fúgiant qui odérunt eum, a fácie ejus.

Sicut déficit fumus, deficiant : * sicut fluit cera a fácie ignis, sic péreant peccatóres a fácie Dei.

Et justí epuléntur, et exsúltent in conspéctu Dei : * et delecténtur in lætitia.

Cantáte Deo, psalmum dicite nómini ejus : * iter fácite

ei, qui ascendit super occasum : Dóminus nomen illi.

Exsultáte in conspéctu ejus : * turbabúntur a fácie ejus, patris orphanórum, et júdicis viduárum.

Deus in loco sancto suo : * Deus qui inhabitáre facit unius moris in domo :

Qui edúcit vinctos in fortitudine, * similiter eos qui exásperant, qui hábitant in sepúlcris.

Deus, cum egrederéris in conspéctu pópuli tui, * cum pertransíres in desérto :

Terra mota est, étenim cæli distillavérunt a fácie Dei Sínai, * a fácie Dei Israël.

Plúviam voluntáriam segregábis Deus hereditáti tuæ : * et infirmáta est, tu vero perfecísti eam.

Animália tua habitábunt in ea : * parásti in dulcédine tua páuperi Deus.

Dóminus dabit verbum evangelizántibus, * virtúte multa.

Rex virtútum dilécti dilécti : * et specièi domus dividere spólia.

Si dormiátis inter médios cleros, pennæ colúmbæ deargentátæ, * et posterióra dorsi ejus in pallóre áuri.

Dum discérnit cæléstis reges super eam, nive dealbábúntur in Selmon : * mons Dei, mons pinguis.

Mons coagulátus, mons pinguis : * ut quid suspicámini montes coagulátos?

Mons, in quo benepláci-

tum est Deo habitáre in eo : * étenim Dóminus habitábit in finem.

Currus Dei decem millibus múltiplex, millia lætántium : * Dóminus in eis in Sina in sancto.

Ascendisti in altum, cepísti captivitátem : * accepísti dona in hominibus :

Etenim non credéntes, * inhabitáre Dóminum Deum.

Benedíctus Dóminus die quotidie : * prósperum iter faciet nobis Deus salutárium nostrórum.

Deus noster, Deus salvos faciéndi : * et Dómini Dómini éxitus mortis.

Verúmtamen Deus confrínget cápita inimicórum suórum : * vérticem capilli perambulántium in delictis suis.

Dixit Dóminus : Ex Basan convértam, * convértam in profúndum maris :

Ut intingátur pes tuus in sanguíne : * lingua canum tuórum ex inimicis, ab ipso.

Vidérunt ingressus tuos Deus, * ingressus Dei mei : regis mei qui est in sancto.

Prævenérunt principes conjúcti psalléntibus, * in médio juvenculárum tympanistriárum.

In ecclésiis benedicite Deo Dómino, * de fóntibus Israël.

Ibi Bénjamin adolescéntulus, * in mentis excéssu.

Príncipes Juda, duces eórum : * príncipes Zábulon, príncipes Néphtali.

Manda Deus virtúti tuæ : *
confirma hoc Deus, quod
operátus es in nobis.

A templo tuo in Jerúsalem, * tibi ófferent reges
múnera.

Increpa feras arúndinis,
congregátio taurórum in
vaccis populórum : * ut ex-
clúdant eos, qui probáti sunt
argénto.

Dissipa gentes, quæ bella
volunt : vénient legáti ex
Ægýpto : * Æthiopia prævé-
niet manus ejus Deo.

Regna terræ, cantáte Deo : *
psállite Dómino.

Psállite Deo, qui ascéndit
super cælum cæli, * ad Orién-
tem.

Ecce dabit voci suæ vocem
virtútis, date glóriam Deo
super Israël, * magnificéntia
ejus, et virtus ejus in nú-
bibus.

Mirábilis Deus in sanctis
suis, Deus Israël ipse dabit
virtútem, et fortitúdinem
plebi suæ, * benedictus Deus.

Ant. Benedicite gentes
Deum nostrum.

Per Annum. V. Deus vi-
tam meam annuntiávi tibi.
R. Posuisti lácrymas meas in
conspéctu tuo.

Pro uno Mart. V. Magna
est glória ejus in salutári
tuo. R. Glóriam et magnum
decórem impónes super
eum.

Pro plur. Mart. V. Justi
áutem in perpétuum vivent.
R. Et apud Dóminum est
merces eórum.

Pro Conf. Pont. V. Tu es
sacérdos in ætérnum. R. Se-
cúndum órđinem Melchise-
dech.

Pro Confessore non Pont.
V. Lex Dei ejus in corde
ipsius. R. Et non supplantá-
búntur gressus ejus.

Pro una Sancta. V. Elégit
eam Deus, et præelégit eam.
R. In tabernáculo suo habi-
táre facit eam.

AD LAUDES

Ant. Amplius lava me *
Dómine ab injustítia mea.

Ps. Miserére. 56.

Ant. Te decet.

Psalmus 61

TE decet hymnus Deus in
Sion : * et tibi reddétur
votum in Jerúsalem.

Exáudi oratiónem meam : *
ad te omnis caro véniet.

Verba iniquórum præva-
luérunt super nos : * et im-
pietátibus nostris tu propi-
tiáberis.

Beátus, quem elegisti, et
assumpsisti : * inhabitábit in
átriis tuis.

Replébimur in bonis do-
mus tuæ : * sanctum est tem-
plum tuum, mirábile in æ-
quitáte.

Exáudi nos Deus salutáris
noster, * spes ómnium finium
terræ, et in mari longe.

Præparans montes in vir-
túte tua, accíntus potén-
tia : * qui contúrbas profún-
dum maris, sonum flúctuum
ejus.

Turbabúntur gentes, et
timébunt qui hábitant tér-

minos a signis tuis : * éxitus matutini, et vespere deletábis.

Visitásti terram, et inebriásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparátio ejus.

Rivos ejus inébria, multiplica genimina ejus : * in stillicidiis ejus lætábitur gérminans.

Benedices corónæ anni benignitátis tuæ : * et campi tui replebúntur ubertáte.

Pinguéscent speciósa déserti : * et exsultatíone colles accingéntur.

Indúti sunt arietes óvium, et valles abundábunt fruménto : * clamábunt, étenim hymnum dicent.

Ant. Te decet hymnus Deus in Sion.

Ant. Lábia mea * laudábunt te in vita mea Deus meus.

Ps. Deus Deus meus. 17.

Ant. Dóminus judicábit.

Canticum Annæ.

I. Reg. 2.

EXSULTÁVIT cor meum in Dómino, * et exaltátum est cornu meum in Deo meo.

Dilatátum est os meum super inimicos meos : * quia lætáta sum in salutári tuo.

Non est sanctus, ut est Dóminus : neque enim est álius extra te, * et non est fortis sicut Deus noster.

Nolite multiplicáre loqui sublímia, * gloriántes :

Recédant vétéra de ore vestro : quia Deus scientiárum, Dóminus est, * et ipsi præparántur cogitatíones.

Arcus fórtium superátus est, * et infirmi accincti sunt róbre.

Repléti prius, pro pánibus se locavérunt : * et famélici saturáti sunt,

Donec stérilis péperit plúrimos : * et quæ multos habébat filios, infirmáta est.

Dóminus mortificat et vivificat : * dedúcit ad inferos et redúcit.

Dóminus páuperem facit et ditat, * humiliat et súblevat.

Súscitat de púlvere egénum, * et de stércore élevat páuperem :

Ut sédeat cum principibus, * et sólum glóriæ téneat.

Dómini enim sunt cárdines terræ, * et pósuit super eos orbem.

Pedes sanctórum suórum servábit, et impii in ténebris conticéscant : * quia non in fortitúdine sua roborábitur vir.

Dóminum formidábunt adversárii ejus : * et super ipsos in cælis tonábit :

Dóminus judicábit fines terræ, et dabit impérium regi suo, * et sublimábit cornu Christi sui.

Ant. Dóminus judicábit fines terræ.

Ant. Cæli cælórum * laudáte Deum.

Ps. Laudáte Dóminum de cælis. 19.

Capitulum. Rom. 13. d

Nox præcëssit, dies áutem appropinquávit. Abjiciámus ergo ópera tenebrárum, et induámur arma lucis. Sicutin die honéste ambulémus.

Hymnus.

Nox, et tenébræ, et núbila, Confúsa mundi, et túrbida :

Lux intrat, albéscit polus : Christus venit : discédite.

Caligo terræ scinditur Percússa solis spículo, Rebúsque jam color redit, Vultu niténtis síderis.

Te Christe solum nóvimus :

Te mente pura et simplici, Flendo et canéndo quæsumus,

Inténde nostris sénsibus.

Sunt multa fucis illita, Quæ luce purgéntur tua : Tu vera lux cæléstium Vultu seréno illúmina.

Deo Patri sit glória, Ejúsque soli Filio, Cum Spíritu Paráclito, Nunc et per omne sæculum.

Amen.

V. Repléti sumus mane misericórdia tua. *R.* Exultávimus, et delectáti sumus.

Ad Bened. Ant. De manu ómnium * qui odérunt nos, libera nos Dómine.

Preces, quando dicuntur, habentur supra in Feria II.
59.

FERIA QUINTA

AD MATUTINUM

Invit. Dóminum qui fecit nos, * Venite, adorémus.

Ps. Venite, exsultémus. 2.

Hymnus

Nox atra rerum cótegit Terræ colóres ómnium : Nos confiténtes póscimus Te, juste judex córdium :

Ut áuferas piácula, Sordésque mentis ábluas : Donésque Christe grátiam, Ut arceántur crimina.

Mens ecce torpet impia, Quam culpa mordet nóxia : Obscúra gestit tóllere, Et te Redémptor quærere.

Repélle tu caliginem Intrínsecus quam máxime, Ut in beáto gáudeat Se collocári lúmíne.

Præsta, Pater piíssime, Patrique compar Unice, Cum Spíritu Paráclito Regnans per omne sæculum. Amen.

Ant. Dómine Deus.

Psalms 68

SALVUM me fac Deus : * quóniam intravérunt aquæ usque ad ánimam meam.

Infixus sum in limo profúndi : * et non est substántia.

Veni in altitúdinem maris : * et tempésta demérsit me.

Laborávi clamans, ráucæ factæ sunt fáuces meæ : * defecérunt óculi mei, dum spero in Deum meum.

Multiplicáti sunt super capillos cápitis mei, * qui odérunt me gratis.

Confortáti sunt qui persecúti sunt me inimíci mei injúste : * quæ non rápui , tunc exsolvébam.

Deus tu scis insipiéntiam meam : * et delicta mea a te non sunt abscondita.

Non erubéscant in me , qui expéctant te Dómine , * Dómine virtútum.

Non confundántur super me * qui quærunť te , Deus Israël.

Quóniam propter te sustinui oppróbrium : * opéruit confúsió fáciem meam.

Extráneus factus sum fratribus meis , * et peregrínus filiis matris meæ.

Quóniam zelus domus tuæ comédit me : * et oppróbria exprobrántium tibi , ceciderunt super me.

Et opéruí in jejúnio ánimam meam : * et factum est in oppróbrium mihi.

Et pósui vestiméntum meum cilícium : * et factus sum illis in parábolam.

Advérsus me loquebántur qui sedébant in porta : * et in me psallébant qui bibébant vinum.

Ego vero oratióem meam ad te Dómine : * tempus benepláciti Deus.

In multítudine misericórdiæ tuæ exáudi me , * in veritate salutis tuæ :

Eripe me de luto , ut non infígar : * libera me ab iis , qui odérunt me , et de profúndis aquárum.

Non me demérgat tempé-

stas aquæ , neque absórbeat me profúndum : * neque úrgeat super me púteus os suum.

Exáudi me Dómine , quóniam benígna est misericórdia tua : * secúndum multítudinem miseratiónum tuárum réspice in me.

Et ne avértas fáciem tuam a púero tuo : * quóniam tribulor , velóciter exáudi me.

Inténde ánimæ meæ , et libera eam : * propter inimicos meos éripe me.

Tu scis impropérium meum , et confusióem meam , * et reveréntiam meam.

In conspéctu tuo sunt omnes qui tribulant me , * impropérium exspectávit cor meum , et misériam.

Et sustinui qui simul contristarétur , et non fuit : * et qui consolarétur , et non invéni.

Et dedérunt in escam meam fel : * et in siti mea potavérunt me acéto.

Fiat mensa eórum coram ipsis in láqueum , * et in retributiónes , et in scándalum.

Obscuréntur óculi eórum ne videant : * et dorsum eórum semper incúrva.

Effúnde super eos iram tuam : * et furor iræ tuæ comprehéndat eos.

Fiat habitátió eórum déserta : * et in tabernáculis eórum non sit qui inhábitet.

Quóniam quem tu percussisti , persecúti sunt : * et

super dolorem vûnerum meorum addiderunt.

Appone iniquitatem super iniquitatem eorum : * et non intrent in justitiam tuam.

Deleantur de libro viventium : * et cum justis non scribantur.

Ego sum pauper et dolens : * salus tua Deus suscepit me.

Laudabo nomen Dei cum cantico : * et magnificabo eum in laude :

Et placebit Deo super vitulum novellum : * cornua producentem et ungulas.

Videant pauperes et lætentur : * quærite Deum, et vivet anima vestra.

Quoniam exaudivit pauperes Dominus : * et vinctos suos non despexit.

Laudent illum cæli et terra, * mare, et omnia reptilia in eis.

Quoniam Deus salvam faciet Sion : * et ædificabuntur civitates Juda.

Et inhabitabunt ibi, * et hereditate acquirant eam.

Et semen servorum ejus possidebit eam, * et qui diligunt nomen ejus, habitabunt in ea.

Psalmus 69.

DEUS in adiutorium meum intende : * Domine ad adjuvandum me festina.

Confundantur, et reveantur, * qui quærunt animam meam.

Avertantur retrorsum, et erubescant, * qui volunt mihi mala.

Avertantur statim erubescentes, * qui dicunt mihi : Euge, euge.

Exsultent et lætentur in te omnes qui quærunt te, * et dicant semper : Magnificetur Dominus : qui diligunt salutare tuum.

Ego vero egenus, et pauper sum : * Deus adjuva me.

Adjutor meus, et liberator meus es tu : * Domine ne moreris.

Ant. Domine Deus in adiutorium meum intende.

Ant. Esto mihi.

Psalmus 70.

IN te Domine speravi, non confundar in æternum : * in justitia tua libera me, et eripe me.

Inclina ad me aurem tuam, * et salva me.

Esto mihi in Deum protectorem, et in locum munitum : * ut salvum me facias,

Quoniam firmamentum meum, * et refugium meum es tu.

Deus meus eripe me de manu peccatoris, * et de manu contra legem agentis et iniqui :

Quoniam tu es patientia mea Domine : * Domine spes mea a juventute mea.

In te confirmatus sum ex utero : * de ventre matris meæ tu es protector meus.

In te cantatio mea semper : * tamquam prodigium factus sum multis : et tu adiutor fortis.

Repleátur os meum láude,
ut cantem glóriam tuam : *
tota die magnitúdinem tuam.

Ne projicias me in tēpore
senectútis : * cum defecerit
virtus mea, ne derelinquas me.

Quia dixerunt inimíci mei
mihi : * et qui custodiébant
ánimam meam, consilium
fecerunt in unum,

Dicéntes : Deus dereliquit
eum, persequimini, et comprehéndite
eum : * quia non est qui eripiat.

Deus ne elongéris a me : *
Deus meus in auxilium meum
réspice.

Confundántur, et deficiant
detrahéntes ánimæ meæ : *
operiántur confusióne, et pudóre
qui quærunt mala mihi.

Ego áutem semper sperábo : *
et adjiciam super omnem láudem
tuam.

Os meum annuntiábit justitiam
tuam : * tota die salutare tuum.

Quóniam non cognóvi literatúram,
introibo in poténtias Dómini : *
Dómine memorábor justitiæ tuæ
solius.

Deus docuisti me a juventute
mea : * et usque nunc pronuntiábo
mirabilia tua.

Et usque in senéctam et sénium : *
Deus ne derelinquas me,

Donec annúntiem bráchium tuum
* generatióni omni, quæ ventúra est :

Poténtiam tuam, et justitiam

tuam Deus usque in altissima,
quæ fecisti magnalia : * Deus
quis similis tibi?

Quantas ostendisti mihi tribulatiónes
multas et malas : et convérsus
vivificásti me : * et de abyssis terræ
iterum reduxisti me.

Multiplicásti magnificéntiam
tuam : * et convérsus consolátus
es me.

Nam et ego confitébor tibi in vasis
psalmi veritatem tuam : * Deus
psallam tibi in cithara, sanctus
Israël.

Exsultábunt lábia mea, cum cantávero
tibi : * et ánima mea, quam redemisti.

Sed et lingua mea tota die meditábitur
justitiam tuam : * cum confusi et
revériti fuerint, qui quærunt mala
mihi.

Psalmus 71.

DEUS judicium tuum regi da : *
et justitiam tuam filio regis :

Judicáre pópulum tuum in justitia,
* et páuperes tuos in judicio.

Suscípiant montes pacem pópulo : *
et colles justitiam.

Judicábit páuperes pópuli, et salvos
faciet filios páuperum : * et humiliábit
calumniatórem.

Et permanébit cum sole, et ante lunam,
* in generatióne et generatióne.

Descéndet sicut plúvia in vellus : *
et sicut stillicidia stillántia super terram.

Oriétur in diébus ejus justitia,
et abundántia pacis : * donec auferátur
luna.

Et dominábitur a mari usque ad mare : * et a flúmine usque ad términos orbis terrárum.

Coram illo prócident Æthiopes : * et inimici ejus terram lingent.

Reges Tharsis, et insulæ múnera ófferent : * reges Arabum et Saba dona addúcent.

Et adorábunt eum omnes reges terræ : * omnes gentes sèrvient ei :

Quia liberábit páuperem a poténte : * et páuperem cui non erat adjútor.

Parcet páuperi et inopi : * et ánimas páuperum salvas fáciat.

Ex usúris et iniquitáte redimet ánimas eórum : * et honorábile nomen eórum coram illo.

Et vivet, et dábitur ei de áuro Arábiæ, et adorábunt de ipso semper : * tota die benedicent ei.

Et erit firmaméntum in terra in summis móntium, superextollétur super Líbanum fructus ejus : * et florébunt de civitáte sicut fœnum terræ.

Sit nomen ejus benedictum in sácula : * ante solem pérmanet nomen ejus.

Et benedicéntur in ipso omnes tribus terræ : * omnes gentes magnificábunt eum.

Benedíctus Dóminus Deus Israël, * qui facit mirabília solus :

Et benedictum nomen majestátis ejus in ætérnum : *

et replébitur majestáte ejus omnis terra : fiat, fiat.

Ant. Esto mihi Dómine in Deum protectórem.

Ant. Liberásti virgam.

Psalms 72

QUAM bonus Israël Deus * his, qui recto sunt corde !

Mei áutem pene moti sunt pedes : * pene effúsi sunt gressus mei.

Quia zelávi super iníquos, * pacem peccatórum videns.

Quia non est respéctus morti eórum : * et firmaméntum in plaga eórum.

In labóre hóminum non sunt, * et cum homínibus non flagellabúntur :

Ideo ténuít eos supérbia, * opérti sunt iniquitáte et impietáte sua.

Pródiit quasi ex ádipe iniquitas eórum : * transiérunt in afféctum cordis.

Cogitavérunt, et locúti sunt nequítiam : * iniquitátem in excélso locúti sunt.

Posuérunt in cælum os suum : * et lingua eórum transívit in terra.

Ideo convertétur pópulus meus hic : * et dies pleni inveniéntur in eis.

Et dixerunt : Quómodo scit Deus, * et si est sciéntia in excélso ?

Ecce ipsi peccatóres, et abundántes in sáculo, * obtinuérunt divítias.

Et dixi : Ergo sine cáusa justificávi cor meum, * et lavi inter innocéntes manus meas :

Et fui flagellátus tota die,*
et castigatio mea in matulí-
nis.

Si dicébam : Narrábo sic : *
ecce natióem filiórum tuó-
rum reprobávi.

Existimábam ut cognósce-
rem hoc,* labor est ante me :

Donec intrem in sanctuá-
rium Dei : * et intélligam in
novíssimis eórum.

Verúmtamen propter do-
los posuísti eis : * dejecísti
eos dum allevaréntur.

Quómodo facti sunt in de-
solatióem, súbito defecé-
runt : * perierunt propter
iniquitátem suam.

Velut sómnium surgén-
tium Dómine,* in civitáte
tua imáginem ipsórum ad
nihilum rédiges.

Quia inflammátum est cor
meum, et renes mei com-
mutáti sunt : * et ego ad ní-
hilum redáctus sum, et ne-
scívi.

Ut juméntum factus sum
apud te : * et ego semper te-
cum.

Tenuísti manum dexteram
meam : et in voluntáte tua
deduxísti me,* et cum gló-
ria suscepísti me.

Quid enim mihi est in
cælo? * et a te quid vólui
super terram?

Defécit caro mea, et cor
meum : * Deus cordis mei, et
pars mea Deus in ætérnum.

Quia ecce, qui elóngant
se a te, peribunt : * perdi-
disti omnes, qui fornicántur
abs te.

Mihi áutem adhærére Deo
bonum est : * pónere in Dó-
mino Deo spem meam :

Ut annúntiem omnes præ-
dicatióes tuas,* in portis
filiae Sion.

Psalmus 73.

UT quid Deus repulísti in
finem : * irátus est furor
tuus super oves páscae tuæ?

Memor esto congregatió-
nis tuæ,* quam possedísti
ab initio.

Redemísti virgam here-
ditátis tuæ : * mons Sion, in
quo habitásti in eo.

Leva manus tuas in su-
pérbias eórum in finem : *
quanta malignátus est inimi-
cus in sancto!

Et gloriáti sunt qui odé-
runt te : * in médio solemni-
tátis tuæ.

Posuérunt signa sua, si-
gna : * et non cognovérunt
sicut in éxitu super sum-
mum.

Quasi in silva lignórum
secúribus excidérunt jánuas
ejus in idípsum : * in secúri
et áscia dejecérunt eam.

Incendérunt igni sanctuá-
rium tuum : * in terra pol-
luérunt tabernáculum nómi-
nis tui.

Dixerunt in corde suo co-
gnatio eórum simul : * Qui-
éscere faciámus omnes dies
festos Dei a terra.

Signa nostra non vidimus,
jam non est prophéta : * et
nos non cognóscet ámplius.

Usquequo Deus imprope-
rábit inimicus : * irritat ad-

versárius nomen tuum in finem?

Ut quid avértis manum tuam, et dexteram tuam, * de médio sinu tuo in finem?

Deus áutem rex noster ante sácula : * operátus est salútem in médio terræ.

Tu confirmásti in virtúte tua mare : * contribulásti cápita draconum in aquis.

Tu confregisti cápita draconis : * dedisti eum escam pópulis Æthiopum.

Tu dirupisti fontes, et torréntes : * tu siccásti flúvios Ethan.

Tuus est dies, et tua est nox : * tu fabricátus es auróram et solem.

Tu fecisti omnes términos terræ : * aestátem et ver tu plasmásti ea.

Memor esto hujus, inimicus improperávit Dómino : * et pópulus insípiens incitávit nomen tuum.

Ne tradas béstiis ánimas confiténtes tibi, * et ánimas páuperum tuórum ne obliviscáris in finem.

Réspice in testaméntum tuum : * quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus : * páuper et inops laudábunt nomen tuum.

Exsúrge Deus, júdica cáusam tuam : * memor esto improperiórum tuórum, eórum quæ ab insipiente sunt tota die.

Ne obliviscáris voces inimicórum tuórum : * supérbia eórum, qui te odérunt, ascendit semper.

Ant. Liberásti virgam hereditátis tuæ.

Ant. Et invocábimus.

Psalmus 74.

CONFITÉBIMUR tibi Deus : * confitébimur, et invocábimus nomen tuum.

Narrábimus mirabilia tua : * cum accépero tempus, ego justitias judicábo.

Liquefacta est terra, et omnes qui hábitant in ea : * ego confirmávi colúmnas ejus.

Dixi iníquis : Nolite inique ágere : * et delinquéntibus : Nolite exaltáre cornu :

Nolite extóllere in altum cornu vestrum : * nolite loqui advérsus Deum iniquitátem.

Quia neque ab Oriénte, neque ab Occidénte, neque a désertis móntibus : * quóniam Deus judex est.

Hunc humiliat, et hunc exáltat : * quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinanita : * bibent omnes peccatóres terræ.

Ego áutem annuntiábo in sáculum : * cantábo Deo Jacob.

Et ómnia córnua peccatórum confríngam : * et exaltábuntur córnua justí.

Psalmus 75.

NOTUS in Judæa Deus : * in
Israël magnum nomen
ejus.

Et factus est in pace locus
ejus : * et habitatio ejus in
Sion.

Ibi confrégit poténtias ár-
cum, * scutum, gládium,
et bellum.

Illúminans tu mirabiliter
a móntibus ætérnis : * tur-
báti sunt omnes insipientes
corde.

Dormiérunt somnum su-
um : * et nihil invenérunt
omnes viri divitiárum in
mánibus suis.

Ab increpatione tua Deus
Jacob * dormitavérunt qui
ascendérunt equos.

Tu terribilis es, et quis
resistet tibi? * ex tunc ira
tua.

De cælo auditum fecisti
judicium : * terra trémuit et
quievit,

Cum exsúrgeret in judi-
cium Deus, * ut salvos fáce-
ret omnes mansuétos terræ.

Quóniam cogitatio hómi-
nis confitébitur tibi : * et
reliquiæ cogitationis diem
festum agent tibi.

Vovéte, et réddite Dómino
Deo vestro : * omnes qui in
circúitu ejus affértis mún-
era.

Terribili et ei qui áufert
spiritum principum, * terri-
bili apud reges terræ.

Ant. Et invocábimus no-
men tuum Dómine.

Ant. Tu es Deus.

Psalmus 76.

VOCE mea ad Dóminum
clamávi : * voce mea ad
Deum, et inténdit mihi.

In die tribulationis meæ
Deum exquisívi, mánibus
meis nocte contra eum : *
et non sum decéptus.

Rénuit consolári ánima
mea, * memor fui Dei, et de-
lectátus sum, et exercitátus
sum : et defécit spíritus
meus.

Anticipavérunt vigilas
óculi mei : * turbátus sum,
et non sum locútus.

Cogitávi dies antiquos : *
et annos ætérnos in mente
hábui.

Et meditátus sum nocte
cum corde meo, * et exer-
citábar, et scopébam spíri-
tum meum.

Numquid in ætérnum pro-
jiciet Deus : * aut non appó-
net ut complacitior sit ad-
huc?

Aut in finem misericór-
diam suam abscindet, * a
generatióne in generatió-
nem?

Aut obliviscétur miseréri
Deus? * aut continébit in ira
sua misericórdias suas?

Et dixi : Nunc cœpi : *
hæc mutatio dexteræ Ex-
celsi.

Memor fui óperum Dómi-
ni : * quia memor ero ab
initio mirabilium tuórum,

Et meditábor in ómnibus
opéribus tuis : * et in ad-
inventiönibus tuis exercé-
bor.

Deus in sancto via tua : quis Deus magnus sicut Deus noster? * tu es Deus qui facis mirabilia.

Notam fecisti in pópulis virtutem tuam : * redemisti in bráchio tuo pópulum tuum, filios Jacob, et Joseph.

Vidérunt te aquæ Deus, vidérunt te aquæ : * et timuérunt, et turbátæ sunt abyssi.

Multitúdo sónitus aquarum : * vocem dedérunt nubes.

Etenim sagittæ tuæ trans-eunt : * vox tonitruui tui in rota.

Illuxérunt coruscationes tuæ orbi terræ : * commóta est, et contrémuit terra.

In mari via tua, et sémittæ tuæ in aquis multis : * et vestigia tua non cognoscéntur.

Deduxisti sicut oves pópulum tuum, * in manu Móysi et Aaron.

Psalmus 77

ATTÉNDITE pópule meus legem meam : * inclínate áurem vestram in verba oris mei.

Apériam in parábolis os meum : * loquar propositiões ab iníitio.

Quanta audívimus et cognóvimus ea : * et patres nostri narravérunt nobis.

Non sunt occultáta a filiis eórum, * in generatióne áltera.

Narrántes láudes Dómini, et virtútes ejus, * et mirabilia ejus, quæ fecit.

Et suscitávit testimónium in Jacob : * et legem pósuit in Israël.

Quanta mandávit pátribus nostris nota fácere ea filiis suis : * ut cognóscat generátio áltera.

Filii qui nascéntur, et exsúrgent, * et narrábunt filiis suis,

Ut ponant in Deo spem suam, et non obliviscántur óperum Dei : * et mandáta ejus exquirant :

Ne fiant sicut patres eórum : * generátio prava et exásperans.

Generátio, quæ non diréxit cor suum : * et non est créditus cum Deo spirítus ejus.

Filii Ephrem intendéntes et mitténtes arcum : * convérsi sunt in die belli.

Non custodiérunt testaméntum Dei : * et in lege ejus noluérunt ambuláre.

Et obliti sunt benefactorum ejus, * et mirábiliū ejus quæ osténdit eis.

Coram pátribus eórum fecit mirabilia in terra Ægýpti, * in campo Táneos.

Interrúpit mare, et perdúxit eos : * et státuit aquas quasi in utre.

Et dedúxit eos in nube diéi : * et tota nocte in illuminatióne ignis.

Interrúpit petram in erémo : * et adaquávit eos velut in abyssu multa.

Et edúxit aquam de petra : * et dedúxit tamquam flúmina aquas.

Et apposuerunt adhuc peccare ei : * in iram excitaverunt Excelsum in inaquoso.

Et tentaverunt Deum in cordibus suis : * ut peterent escas animabus suis.

Et male locuti sunt de Deo : * dixerunt : Numquid poterit Deus parare mensam in deserto?

Quoniam percussit petram, et fluxerunt aquae, * et torrentes inundaverunt.

Numquid et panem poterit dare, * aut parare mensam populo suo?

Ideo audivit Dominus, et distulit : * et ignis accensus est in Jacob, et ira ascendit in Israël :

Quia non crediderunt in Deo, * nec speraverunt in salutari ejus :

Et mandavit nubibus desuper, * et januas celi aperuit.

Et pluit illis manna ad manducandum, * et panem celi dedit eis.

Panem Angelorum manducavit homo : * cibaria misit eis in abundantia.

Transtulit Austrum de caelo : * et induxit in virtute sua Africum.

Et pluit super eos sicut pulverem carnes : * et sicut arenam maris volatilia penata.

Et ceciderunt in medio castrorum eorum : * circa tabernacula eorum.

Et manducaverunt et saturati sunt nimis, et desiderium

eorum attulit eis : * non sunt fraudati a desiderio suo.

Adhuc escæ eorum erant in ore ipsorum : * et ira Dei ascendit super eos.

Et occidit pingues eorum, * et electos Israël impedivit.

In omnibus his peccaverunt adhuc : * et non crediderunt in mirabilibus ejus.

Et defecerunt in vanitate dies eorum : * et anni eorum cum festinatione.

Cum occideret eos, quærebant eum : * et revertébantur, et diluculo veniebant ad eum.

Et memorati sunt quia Deus adiutor est eorum : * et Deus excelsus redemptor eorum est.

Et dilexerunt eum in ore suo, * et lingua sua mentiti sunt ei :

Cor autem eorum non erat rectum cum eo : * nec fideles habiti sunt in testamento ejus.

Ipse autem est misericors, et propitius fiet peccatis eorum : * et non disperdet eos.

Et abundavit ut averteret iram suam : * et non accendit omnem iram suam :

Et recordatus est quia caro sunt : * spiritus vadens, et non rediens.

Quoties exacerbaverunt eum in deserto, * in iram concitaverunt eum in inaquoso?

Et conversi sunt, et ten-

tavérunt Deum : * et sanctum
Israël exacerbavérunt.

Non sunt recordáti manus
ejus, * die qua redémit eos
de manu tribulántis,

Sicut pósuit in Ægýpto
signa sua, * et prodígia sua
in campo Táneos.

Et convértit in ságuinem
flúmina eórum : * et imbres
eórum, ne bíberent.

Misit in eos cœnomyíam,
et comédit eos : * et ranam,
et dispéridit eos.

Et dedit ærúgini fructus
eórum : * et labóres eórum
locústæ.

Et occidit in grándine ví-
neas eórum : * et moros
eórum in pruína.

Et trádidit grándini ju-
ménta eórum : * et posses-
sionem eórum igni.

Misit in eos iram indigna-
tiónis suæ : * indignationem,
et iram, et tribulationem :
immissiónes per ángelos
malos.

Viam fecit sémitæ iræ
suæ, non pepércit a morte
animábus eórum : * et ju-
ménta eórum in morte con-
clúsit.

Et percússit omne primo-
génitum in terra Ægýpti : *
primitias omnis labóris eó-
rum in tabernáculis Cham.

Et ábstulit sicut oves pó-
pulum suum : * et perdúxit
eos tamquam gregem in de-
sérto.

Et dedúxit eos in spe, et
non timuérunt : * et inimi-
cos eórum opéruit mare.

Et indúxit eos in montem
sanctificatióis suæ : * mon-
tem, quem acquisívit dex-
tera ejus.

Et ejécit a fácie eórum
gentes : * et sorte divisit eis
terram in funículo distribu-
tiónis.

Et habitáre fecit in taber-
nácule eórum * tribus Israël.

Et tentavérunt, et exacer-
bavérunt Deum excélsum : *
et testimónia ejus non custo-
diérunt.

Et avertérunt se, et non
servavérunt pactum : * quem-
ádmodum patres eórum,
convérsi sunt in arcum prava-
rum.

In iram concitavérunt eum
in cóllibus suis : * et in scul-
ptilibus suis ad æmulationem
eum provocavérunt.

Audívit Deus, et sprexit : *
et ad nihilum redégit valde
Israël.

Et répulit tabernáculum
Silo, * tabernáculum suum,
ubi habitávit in homínibus.

Et trádidit in captivitátem
virtútem eórum : * et pul-
chritúdinem eórum in ma-
nus inimici.

Et conclúsit in gládio pó-
pulum suum, * et hereditá-
tem suam sprexit.

Júvenes eórum comédit
ignis : * et vírgines eórum
non sunt lamentátæ.

Sacerdótes eórum in glá-
dio cecidérunt : * et víduæ
eórum non plorábantur.

Et excitátus est tamquam
dórmienti Dóminus, * tam-

quam potens crapulátus a vino.

Et percússit inimícos suos in posterióra : * oppróbrium sempitérnium dedit illis.

Et répulit tabernáculum Joseph : * et tribum Ephraím non elégit :

Sed elégit tribum Juda , * montem Sion quem diléxit.

Et ædificávit sicut unicór-nium sanctificium suum in terra , * quam fundávit in sæcula.

Et elégit David servum suum , et sústulit eum de grégibus óvium : * de post foetántes accépit eum ,

Páscere Jacob servum suum , * et Israél hereditátem suam :

Et pavit eos in innocéntia cordis sui : * et in intelléctibus mánuum suárum dedúxit eos.

Ant. Tu es Deus , qui facis mirabilia.

Ant. Propítius esto.

Psalms 78

DEUS , venérunt gentes in hereditátem tuam , pol-luérunt templum sanctum tuum : * posuérunt Jerúsalem in pomórum custódiam.

Posuérunt morticina servórum tuórum , escas volatilibus cæli : * carnes sanctórum tuórum béstiis terræ.

Effudérunt ságuinem eórum tamquam aquam in circúitu Jerúsalem : * et non erat qui sepeliret.

Facti sumus oppróbrium

vicinis nostris : * subsannátio et illúsis his , qui in circúitu nostro sunt.

Usquequo Dómine irascéris in finem : * accendétur velut ignis zelus tuus?

Effúnde iram tuam in gentes , quæ te non novérunt : * et in regna , quæ nomen tuum non invocavérunt :

Quia comedérunt Jacob : * et locum ejus desolavérunt.

Ne memineris iniquitátum nostrárum antiquárum , cito anticipent nos misericórdiæ tuæ : * quia páuperes facti sumus nimis.

Adjuva nos Deus salutáris noster : et propter glóriam nóminis tui Dómine libera nos : * et propítius esto peccátis nostris , propter nomen tuum :

Ne forte dicant in géntibus : Ubi est Deus eórum ? * et innotéscat in natióibus coram óculis nostris.

Ultio sánguinis servórum tuórum , qui effúsus est : * intróeat in conspéctu tuo gémitus compeditórum.

Secúndum magnitúdinem bráchii tui , * pósside filios mortificatórum.

Et redde vicinis nostris séptuplum in sinu eórum : * impropérium ipsórum , quod exprobravérunt tibi Dómine.

Nos áutem pópulus tuus , et oves páscuæ tuæ , * confitébimur tibi in sæculum.

In generatióem et generatióem * annuntiábitis láudem tuam.

Psalmus 79.

Qui regis Israël, inténde : *
qui dedúcis velut ovem
Joseph.

Qui sedes super Chéru-
bim, * manifestáre coram
Ephraïm, Bénjamin, et Ma-
násse.

Excita poténtiam tuam, et
veni, * ut salvos fácias nos.

Deus convérte nos : * et
osténde fáciem tuam, et
salvi érimus.

Dómine Deus virtútum, *
quoúsque irascéris super
orationem servi tui?

Cibábis nos pane lacry-
márum : * et potum dabis
nobis in lácrymis in men-
súra?

Posuisti nos in contradi-
ciónem vicinis nostris : * et
inimíci nostri subsannavé-
runt nos.

Deus virtútum convérte
nos : * et osténde fáciem
tuam, et salvi érimus.

Vineam de Ægýpto trans-
tulisti : * eiecisti gentes, et
plantásti eam.

Dux itineris fuísti in con-
spéctu ejus : * plantásti radi-
ces ejus, et implévit terram.

Opéruit montes umbra
ejus : * et arbústa ejus ce-
dros Dei.

Exténdit pálmities suos
usque ad mare : * et usque
ad flumen propágines ejus.

Ut quid destruxisti macé-
riam ejus : * et vindémiant
eam omnes, qui prætergre-
diúntur viam?

Exterminávit eam aper de

silva : * et singuláris ferus
depástus est eam.

Deus virtútum convérte-
re : * réspice de cælo, et
vide, et visita vineam istam.

Et pérfice eam, quam
plantávit délixtera tua : * et
super filium hóminis, quem
confirmásti tibi.

Incénsa igni, et suffóssa *
ab increpatione vultus tui
peribunt.

Fiat manus tua super vi-
rum délixteræ tuæ : * et super
filium hóminis, quem con-
firmásti tibi.

Et non discédimus a te,
vivificábis nos : * et nomen
tuum invocábimus.

Dómine Deus virtútum
convérte nos : * et osténde
fáciem tuam, et salvi éri-
mus.

Ant. Propitius esto peccá-
tis nostris Dómine.

Per Annum, v. Gaudé-
bunt lábia mea, cum cantá-
vero tibi. *R.* Et ánima mea
quam redemísti.

Pro uno Mart. v. Glória
et honóre coronásti eum
Dómine. *R.* Et constituísti
eum super ópera mánuum
tuárum.

Pro plur. Mart. v. Lætá-
mini in Dómino, et exsul-
táte justi. *R.* Et gloriámini
omnes recti corde.

*Pro Conf. Pont. et non
Pont. v.* Amávit eum Dómi-
nus, et ornávit eum. *R.*
Stolam glóriæ induit eum.

Pro una Sancta, v. Spécie
tua et pulchritúdine tua. *R.*

Inténde, prospere procéde,
et regna.

AD LAUDES

Ant. Tibi soli peccávi : *
Dómine miserére mei.

Ps. Miserére mei. 56.

Ant. Dómine.

Psalmus 89

DÓMINE refúgium factus es
nobis : * a generatióne
in generatióne.

Priúsqvam montes fierent,
aut formarétur terra, et or-
bis, * a sáculo et usque in
sáculum tu es Deus.

Ne avértas hóminem in
humilitátem : * et dixisti :
Convertimini filii hóminum.

Quóniam mille anni ante
óculos tuos, * tamquam dies
hestérna, quæ prætériit,

Et custódia in nocte, * quæ
pro nihilo habéntur, eórum
anni erunt.

Mane sicut herba tránseat,
mane flóreat, et tránseat : *
véspere décidat, indúret, et
aréscat.

Quia defécimus in ira
tua, * et in furóre tuo tur-
báti sumus.

Posuisti iniquitátes no-
stras in conspéctu tuo : *
sáculum nostrum in illumi-
natióne vultus tui.

Quóniam omnes dies no-
stri defecérunt : * et in ira
tua defécimus.

Anni nostri sicut aránea
meditabúntur : * dies annó-
rum nostrórum in ipsis,
septuaginta anni.

Si áutem in potentáti-
bus, octoginta anni : * et

ámplius eórum, labor et do-
lor.

Quóniam supervénit man-
suetúdo : * et corripiémur.

Quis novit potestátem iræ
tuæ : * et præ timóre tuo iram
tuam dinumeráre?

Déxteram tuam sic notam
fac : * et eruditós corde in
sapiéntia.

Convértere Dómine úsque-
quo? * et deprecábilis esto
super servos tuos.

Repléti sumus mane mise-
ricórdia tua : * et exsultá-
vimus, et delectáti sumus
ómnibus diébus nostris.

Lætáti sumus pro diébus,
quibus nos humiliásti : *
annis, quibus vidimus ma-
la.

Réspice in servos tuos, et
in ópera tua : * et dirige filios
eórum.

Et sit splendor Dómini Dei
nostri super nos, et ópera
mánuum nostrárum dirige
super nos : * et opus má-
nuum nostrárum dirige.

Ant. Dómine refúgium fa-
ctus es nobis.

Ant. In matutínis * medi-
tábor in te.

Ps. Deus Deus meus. 17.

Ant. Cantémus.

Canticum Moysi. Exod. 15.

CANTÉMUS Dómino : glo-
rióse enim magnificátus
est, * equum et ascensórem
dejécit in mare.

Fortitúdo mea, et laus mea
Dóminus, * et factus est mihi
in salútem :

Iste Deus meus, et glori-

ficábo eum : * Deus patris mei, et exaltábo eum.

Dóminus quasi vir pugnátor, Omnípotens nomen ejus. * Currus Pharaónis et exercitum ejus projécit in mare.

Elécti principes ejus submersi sunt in mari Rubro : * abyssi operuérunt eos, descendérunt in profúndum quasi lapis.

Dextera tua Dómine magnificáta est in fortitúdine : dextera tua Dómine percússit inimicum. * Et in multitudine glóriæ tuæ deposuisti adversários tuos :

Misisti iram tuam, quæ devorávit eos sicut stipulam. * Et in spiritu furóris tui congregatæ sunt aquæ :

Stetit unda fluens, * congregatæ sunt abyssi in médio mari.

Dixit inimicus : Pérsequar et comprehendam, * dividam spólia, implébitur ánima mea :

Evaginábo gládium meum, * interficiet eos manus mea.

Flavit spirítus tuus, et opéruit eos mare : * submersi sunt quasi plumbum in aquis veheméntibus.

Quis similis tui in fórtibus Dómine? * quis similis tui, magníficus in sanctitáte, terribilis atque laudábilis, fáciens mirabilia?

Extendísti manum tuam, et devorávit eos terra. * Dux fuísti in misericórdia

tua pópulo quem redemísti :

Et portásti eum in fortitúdine tua, * ad habitáculum sanctum tuum.

Ascendérunt pópuli, et irátí sunt : * dolóres obtinuérunt habitatóres Philisthiim.

Tunc conturbátí sunt principes Edom, robústos Moab obtinuit tremor : * obriguérunt omnes habitatóres Chánaan.

Irruat super eos formído et pavor, * in magnitúdine bráchii tui :

Fiant immóbiles quasi lapis, donec pertránseat pópulus tuus Dómine, * donec pertránseat pópulus tuus iste, quem possedísti.

Introduces eos, et plantábis in monte hereditátis tuæ, * firmíssimo habitáculo tuo quod operátus es Dómine :

Sanctuárium tuum Dómine, quod firmavérunt manus tuæ. * Dóminus regnábít in ætérnum et ultra.

Ingréssus est enim eques Phárao cum cúrribus et equítibus ejus in mare : * et redúxit super eos Dóminus aquas maris :

Filii áutem Israél ambulavérunt per siccum * in médio ejus.

Ant. Cantémus Dómino glorióse.

Ant. In sanctis ejus * laudáte Deum.

Ps. Laudáte Dóminum de cælis. 19.

Capitulum. Rom. 13. d

Nox præcëssit, dies áutem
appropinquávit. Abjiciá-
mus ergo ópera tenebrárum,
et induámur arma lucis. Sic-
ut in die honéste ambulémus.

Hymnus.

Lux ecce surgit áurea,
Pallens facéssat cæcitas,
Quæ nosmet in præceps diu
Erróre traxit dévio.

Hæc lux serénum cónferat,
Purósque nos præstet sibi :
Nihil loquámur súbdolum:
Volvámus obscúrum nihil.

Sic tota decúrrat dies,
Ne lingua mendax, ne manus
Oculive peccent lúbrici,
Ne noxa corpus inquinet.

Speculátor adstat désuper,
Qui nos diébus ómnibus
Actúsque nostros próspicit
A luce prima in vésperum.

Deo Patri sit glória,
Ejúsque soli Filio,
Cum Spíritu Paráclito,
Nunc et per omne sáeculum.
Amen.

V. Repléti sumus mane
misericórdia tua. R. Exsul-
távimus, et delectáti sumus.

Ad Bened. Ant. In san-
ctitáte * serviámus Dómino,
et liberábit nos ab inimicis
nostris.

Preces, quando dicuntur,
habentur supra in Feria II.
59.

FERIA SEXTA

AD MATUTINUM

Invit. Adorémus Dómi-
num : * Quóniam ipse fecit
nos.

Ps. Venite, exsultémus. 2.

Hymnus.

Tu Trinitátis Unitas,
Orbem poténter quæ re-
gis,

Atténde láudis cánticum,
Quod excubántes psállimus.

Nam léctulo consúrgimus
Noctis quiéto témpore,
Ut flagitémus ómnium
A te medélam vúlnerum.

Quo fráude quidquid dæ-
monum

In nóctibus delíquimus,
Abstér gat illud cælitus
Tuæ potéstas glóriæ.

Ne corpus adstetsórdidum,
Nec torpor instet córdium,
Ne criminis contágio
Tepéscat ardor spiritus.

Ob hoc Redémptor, quæ-
sumus,

Reple tuo nos lúmine,
Per quod diérum círculis
Nullis ruámus áctibus.

Præsta, Pater piíssime,
Patrique compar Unice,
Cum Spíritu Paráclito
Regnans per omne sáeculum.
Amen.

Ant. Exsultáte.

Psalmus 80.

EXSULTÁTE Deo adjutóri
nostro : * jubiláte Deo
Jacob.

Súmite psalmum, et date
týmpanum : * psaltérium ju-
cúndum cum cithara.

Buccináte in Neoméniá tu-
ba, * in insígni die solemni-
tátis vestræ.

Quia præcéptum in Israël
est : * et judícium Deo Jacob.

Testimónium in Joseph

pósuit illud, cum exiret de terra Ægypti : * linguam, quam non nóverat, audivit.

Divértit ab onéribus dorsum ejus : * manus ejus in cóphino serviérunt.

In tribulatióne invocásti me, et liberávi te : * exaudivi te in abscondito tempestátis : probávi te apud aquam contradiciónis.

Audi pópulus meus, et contestábor te : * Israël si audieris me, non erit in te deus recens, neque adorábis deum aliénium.

Ego enim sum Dóminus Deus tuus, qui edúxi te de terra Ægypti : * diláta os tuum, et implébo illud.

Et non audivit pópulus meus vocem meam : * et Israël non inténdit mihi.

Et dimísie eos secúndum desidéria cordis eórum, * ibunt in adinventiόνibus suis.

Si pópulus meus audísset me : * Israël si in viis meis ambuláset :

Pro nihilo fórsitan inimicos eórum humiliássem : * et super tribulántes eos misíssem manum meam.

Inimici Dómini mentiti sunt ei : * et erit tempus eórum in sácula.

Et cibávit eos ex ádipe fruménti : * et de petra, melle saturávit eos.

Psalmus 81.

DEUS stetit in synagóga deórum : * in médio autem deos dijudicat.

Usquequo judicátis ini-

quitátem : * et fácies peccatórum súmitis?

Judicáte egéno, et pupillo : * húmitem, et páuperem justificáte.

Eripite páuperem : * et egénium de manu peccatóris liberáte.

Nesciérunt, neque intellexérunt, in ténebris ámbulant : * movebúntur ómnia fundaménta terræ.

Ego dixi : Dii estis, * et filii Excélsi omnes.

Vos áutem sicut hómines moriémini : * et sicut unus de princípibus cadétis.

Surge Deus, júdica terram : * quóniam tu hereditábis in ómnibus géntibus.

Ant. Exsultáte Deo adjutori nostro.

Ant. Tu solus.

Psalmus 82.

DEUS, quis similis erit tibi? * Ne táceas, neque compescáris Deus :

Quóniam ecce inimici tui sonuérunt : * et qui odérunt te, extulérunt caput.

Super pópulum tuum malignavérunt consilium : * et cogitavérunt advérsus sanctos tuos.

Dixérunt : Veníte, et disperdámus eos de gente : * et non memorétur nomen Israël ultra.

Quóniam cogitavérunt unanimiter : * simul advérsus te testaméntum disposuérunt, tabernácula Idumæorum et Ismaélitæ :

Moab, et Agaréni, Gebal,

et Ammon, et Amalec : * alienigenæ cum habitantibus Tyrum.

Etenim Assur venit cum illis : * facti sunt in adiutorium filiis Lot.

Fac illis sicut Mádian, et Sisaræ : * sicut Jabin in torrensente Cisson.

Disperierunt in Endor : * facti sunt ut stercus terræ.

Pone principes eorum sicut Oreb, et Zeb, * et Zébee, et Sálmana :

Omnes principes eorum : * qui dixerunt: Hereditate possideamus sanctuárium Dei.

Deus meus pone illos ut rotam : * et sicut stipulam ante faciém venti.

Sicut ignis, qui comburit silvam : * et sicut flamma comburens montes :

Ita persequeris illos in tempestate tua : * et in ira tua turbabis eos.

Imple facies eorum ignominia : * et quærent nomen tuum Dómine.

Erubescant et conturbentur in sæculum sæculi : * et confundantur, et pereant.

Et cognoscant quia nomen tibi Dóminus : * tu solus Altissimus in omni terra.

Psalmus 83.

QUAM dilecta tabernacula tua Dómine virtutum : * concupiscit, et déficit ánima mea in átria Dómini.

Cor meum, et caro mea * exsultaverunt in Deum vivum.

Etenim passer invenit sibi

domum : * et turtur nidum sibi, ubi ponat pullos suos.

Altaria tua Dómine virtutum : * rex meus, et Deus meus.

Beati, qui habitant in domo tua Dómine : * in sæcula sæculorum laudabunt te.

Beatus vir, cujus est auxilium abs te : * ascensiones in corde suo disposuit, in valle lacrymarum in loco, quem posuit.

Etenim benedictionem dabit legislátor, ibunt de virtute in virtutem : * videbitur Deus deorum in Sion.

Dómine Deus virtutum exaudi orationem meam : * auribus percipe Deus Jacob.

Protector noster aspice Deus : * et respice in faciém Christi tui :

Quia melior est dies una in atriis tuis, * super millia.

Elégi abjectus esse in domo Dei mei : * magis quam habitare in tabernaculis peccatorum.

Quia misericordiam, et veritatem diligit Deus : * gratiam et glóriam dabit Dóminus.

Non privabit bonis eos, qui ambulant in innocentia : * Dómine virtutum, beatus homo, qui sperat in te.

Ant. Tu solus Altissimus super omnem terram.

Ant. Benedixisti.

Psalmus 84.

BENEDIXISTI Dómine terram tuam : * avertisti captivitatem Jacob.

Remisisti iniquitatem plebis tuæ : * operuisti omnia peccata eorum.

Mitigasti omnem iram tuam : * avertisti ab ira indignationis tuæ.

Converte nos Deus salutaris noster : * et averte iram tuam a nobis.

Numquid in ætérnum irascéris nobis? * aut exténderis iram tuam a generatione in generationem?

Deus tu convérsus vivificábis nos : * et plebs tua lætábitur in te.

Osténde nobis Dómine misericórdiam tuam : * et salutare tuum da nobis.

Audiam quid loquátur in me Dóminus Deus : * quóniam loquétur pacem in plebem suam.

Et super sanctos suos : * et in eos, qui convertúntur ad cor.

Verúmtamen prope timéntes eum salutare ipsius : * ut inhábitet glória in terra nostra.

Misericórdia, et véritas obviavérunt sibi : * justitia, et pax osculátæ sunt.

Véritas de terra orta est : * et justitia de cælo prospéxit.

Etenim Dóminus dabit benignitatem : * et terra nostra dabit fructum suum.

Justitia ante eum ambulábit : * et ponet in via gressus suos.

Psalmus 85.

INCLÍNA Dómine áurem tuam, et exáudi me : * quóniam

niam inops, et páuper sum ego.

Custódi ánimam meam, quóniam sanctus sum : * saluum fac servum tuum, Deus meus, sperántem in te.

Miserére mei Dómine, quóniam ad te clamávi tota die : * lætífica ánimam servi tui, quóniam ad te Dómine ánimam meam levávi.

Quóniam tu Dómine suávis, et mitis : * et multæ misericórdiæ omnibus invocántibus te.

Auribus pércipe Dómine orationem meam : * et inténde voci deprecationis meæ.

In die tribulationis meæ clamávi ad te : * quia exaudisti me.

Non est similis tui in diis Dómine : * et non est secúndum ópera tua.

Omnes gentes quascúmque fecisti, vénient, et adorábunt coram te Dómine : * et glorificábunt nomen tuum.

Quóniam magnus es tu, et faciens mirabilia : * tu es Deus solus.

Deduc me Dómine in via tua, et ingrédia in veritate tua : * lætétur cor meum, ut timeat nomen tuum.

Confitébor tibi Dómine Deus meus in toto corde meo, * et glorificábo nomen tuum in ætérnum :

Quia misericórdia tua magna est super me : * et eruisti ánimam meam ex inférno inferióri.

Deus, iniqui insurrexerunt super me, et synagoga potentium quæsiérunt animam meam : * et non proposuerunt te in conspectu suo.

Et tu Dómine Deus miserátor et miséricors, * pátiens, et multæ misericórdiæ, et verax.

Réspice in me, et miserere mei, * da impérium tuum púero tuo : et salvum fac filium ancillæ tuæ.

Fac mecum signum in bonum, ut vídeant qui odérunt me, et confundántur : * quóniam tu Dómine adjuvisti me, et consolátus es me.

Ant. Benedixisti Dómine terram tuam.

Ant. Fundaménta ejus.

Psalmus 86.

FUNDAMÉNTA ejus in montibus sanctis : * diligit Dóminus portas Sion super ómnia tabernacula Jacob.

Gloríosa dicta sunt de te, * civitas Dei.

Memor ero Rahab, et Babilónis * sciéntium me.

Ecce alienigenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scriptúris populórum, et principum : * horum, qui fuérunt in ea.

Sicut lætántium ómnium * habitátio est in te.

Psalmus 87.

DÓMINE Deus salútis meæ : * in die clamávi, et nocte coram te.

Intret in conspectu tuo orátio mea : * inclína áurem tuam ad precem meam :

Quia repléta est malis anima mea : * et vita mea in férno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuerunt me in lacu inferiori : * in tenebrósis, et in umbra mortis.

Super me confirmátus est furor tuus : * et omnes fluctus tuos induxisti super me.

Longe fecisti notos meos a me : * posuerunt me abominatióem sibi.

Tráditus sum, et non egrediébar : * óculi mei languérunt præ inópia.

Clamávi ad te Dómine tota die : * expándi ad te manus meas.

Numquid mórtuis fácies mirabilia : * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónē?

Numquid cognoscéntur

in ténebris mirabilia tua : *
et justitia tua in terra obli-
viónis?

Et ego ad te Dómine cla-
mávi : * et mane orátio mea
præveniet te.

Ut quid Dómine repellis
oratióem meam : * avértis
fáciem tuam a me?

Páuper sum ego, et in la-
bóribus a juventúte mea : *
exaltátus áutem, humiliátus
sum et conturbátus.

In me transiérunt iræ
tuæ : * et terróres tui con-
turbavérunt me.

Circumdedérunt me sicut
aqua tota die : * circumde-
dérunt me simul.

Elongásti a me amicum
et próximum : * et notos
meos a miséria.

Ant. Fundaménta ejus in
móntibus sanctis.

Ant. Benedictus.

Psalmus 88

MISERICÓRDIAS Dómini * in
ætérum cantábo.

In generatióem et gene-
ratióem * annuntiábo veri-
tátem tuam in ore meo.

Quóniam dixisti : In æté-
rum misericórdia ædificá-
bitur in cælis : * præparábi-
tur véritas tua in eis.

Dispósui testaméntum elé-
ctis meis, jurávi David ser-
vo meo : * usque in ætérum
præparábo semen tuum.

Et ædificábo in genera-
tióem, et generatióem *
sedem tuam.

Confitebúntur cæli mira-
bilia tua Dómine : * étenim

veritátem tuam in ecclésia
sanctorum.

Quóniam quis in núbibus
æquábitur Dómino : * similis
erit Deo in filiis Dei?

Deus, qui glorificátur in
consílio sanctorum : * magnus
et terribilis super omnes qui
in circúitu ejus sunt.

Dómine Deus virtútum
quis similis tibi? * potens es
Dómine, et véritas tua in
circúitu tuo.

Tu domináris potestáti
maris : * motum áutem flú-
ctuum ejus tu mitigas.

Tu humiliásti sicut vul-
nerátum, supérbum : * in
bráchio virtútis tuæ disper-
sisti inimicos tuos.

Tui sunt cæli, et tua est
terra, orbem terræ et pleni-
túdinem ejus tu fundásti : *
Aquilónem, et mare tu creá-
sti.

Thabor et Hermon in nó-
mine tuo exsultábunt : *
tuum bráchium cum potén-
tia.

Firmétur manus tua, et
exaltétur dextera tua : * ju-
stitia et judicium præpa-
rátió sedis tuæ.

Misericórdia et véritas
præcedent fáciem tuam : *
beátus pópulus, qui scit ju-
bilatióem.

Dómine, in lúmine vultus
tui ambulábunt, et in nó-
mine tuo exsultábunt tota
die : * et in justitia tua exal-
tabúntur.

Quóniam glória virtútis
eórum tu es : * et in bene-

plácito tuo exaltábitur cornu nostrum.

Quia Dómini est assúptio nostra : * et sancti Israël regis nostri.

Tunc locútus es in visióne sanctis tuis, et dixisti : * Pó-sui adjutórium in potén-te : et exaltávi eléctum de plebe mea.

Inveni David servum meum : * óleo sancto meo unxi eum.

Manus enim mea auxiliábitur ei : * et bráchium meum confortábit eum.

Nihil proficiet inimicus in eo, * et filius iniquitátis non appónet nocére ei.

Et concidam a fácie ipsius inimicos ejus : * et odiéntes eum in fugam convértam.

Et véritas mea, et misericórdia mea cum ipso : * et in nómine meo exaltábitur cornu ejus.

Et ponam in mari manum ejus : * et in fluminibus dexteram ejus.

Ipse invocábit me : Pater meus es tu : * Deus meus, et suscéptor salútis meæ.

Et ego primogénitum ponam illum * excélsam præ régibus terræ.

In ætérnum servábo illi misericórdiam meam : * et testaméntum meum fidéle ipsi.

Et ponam in sáeculum sáeculi semen ejus : * et thronum ejus sicut dies cæli.

Si áutem dereliquerint filii ejus legem meam : * et

in judiciis meis non ambuláverint :

Si justítias meas profanáverint : * et mandáta mea non custodierint :

Visitábo in virga iniquitátes eórum : * et in verbéribus peccáta eórum.

Misericórdiam áutem meam non dispérgam ab eo : * neque nocébo in veritáte mea :

Neque profanábo testaméntum meum : * et quæ procédunt de lábiis meis, non fáciam irrita.

Semeljurávi in sancto meo, si David méntiar : * semen ejus in ætérnum manébit.

Et thronus ejus sicut sol in conspéctu meo, * et sicut luna perfécta in ætérnum : et testis in cælo fidélis.

Tu vero repulisti et desepxisti : * distulisti christum tuum.

Evertisti testaméntum servi tui : * profanásti in terra sanctuárium ejus.

Destruxisti omnes sepes ejus : * posuisti firmaméntum ejus formídinem.

Diripuérunt eum omnes transeúntes viam : * factus est oppróbrium vicinis suis.

Exaltásti dexteram depri-méntium eum : * lætificásti omnes inimicos ejus.

Avertisti adjutórium gládi ejus : * et non es auxiliátus ei in bello.

Destruxisti eum ab emundatióne : * et sedem ejus in terram collisisti.

Minorásti dies témporis ejus : * perfudisti eum confusione.

Usquequo Dómine avértis in finem : * exardéscet sicut ignis ira tua?

Memoráre quæ mea substantia : * numquid enim vane constituísti omnes filios hóminum?

Quis est homo, qui vivet, et non vidébit mortem : * éruet ánimam suam de manu inferi?

Ubi sunt misericórdiæ tuæ antiquæ Dómine, * sicut jurásti David in veritate tua?

Memor esto Dómine opprobrii servórum tuórum * (quod continui in sinu meo) multárum géntium.

Quod exprobravérunt inimici tui Dómine, * quod exprobravérunt commutationem Christi tui.

Benedictus Dóminus in ætérnum : * fiat, fiat.

Psalmus 93.

DEUS ultiónum Dóminus : * Deus ultiónum libere egit.

Exaltáre, qui júdicas terram : * redde retributionem superbis.

Usquequo peccatóres Dómine : * úsquequo peccatóres gloriabúntur :

Effabúntur, et loquéntur iniquitatem : * loquéntur omnes, qui operántur injustitiam?

Pópulum tuum Dómine humiliavérunt : * et hereditatem tuam vexavérunt.

Viduam, et ádvenam in-

terfecérunt : * et pupillos occidérunt.

Et dixerunt : Non vidébit Dóminus, * nec intélliget Deus Jacob.

Intelligite insipiéntes in pópulo : * et stulti aliquándo sápite.

Qui plantávit áurem, non áudiet? * aut qui finxit óculum, non considerat?

Qui córripit gentes, non árguet : * qui docet hóminem sciéntiam?

Dóminus scit cogitationes hóminum, * quóniam vanæ sunt.

Beátus homo, quem tu erudieris Dómine : * et de lege tua docúeris eum,

Ut mítiges ei a diébus malis : * donec fodiátur peccatóri fovea.

Quia non repéllet Dóminus plebem suam : * et hereditatem suam non derelinquet.

Quoadúsque justitia convertátur in iudicium : * et qui juxta illam omnes qui recto sunt corde.

Quis consúrget mihi advérsus malignántes? * aut quis stabit mecum advérsus operántes iniquitatem?

Nisi quia Dóminus adjúvit me, * paulo minus habitáset in inférno ánima mea.

Si dicébam : Motus est pes meus : * misericórdia tua Dómine adjuvábam me.

Secúndum multitudinem dolórum meórum in corde meo : * consolatiónes tuæ lætificavérunt ánimam meam.

Numquid adhæret tibi sedes iniquitatis : * qui fingis laborem in præcepto ?

Captábunt in ánimam iusti : * et ságuinem innocentem condemnábunt.

Et factus est mihi Dóminus in refúgium : * et Deus meus in adjutórium spei meæ.

Et reddet illis iniquitátem ipsórum : et in malitia eórum dispérdet eos : * dispérdet illos Dóminus Deus noster.

Ant. Benedictus Dóminus in ætérnum.

Ant. Cantáte.

Psalmus 95.

CANTÁTE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii géntium dæmónia : * Dóminus áutem cælos fecit.

Conféssio, et pulchritúdo in conspéctu ejus : * sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introite in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávít.

Etenim corréxit orbem terræ qui non commovébítur : * judicábit pópulos in æquitáte.

Læténtur cæli, et exsúltet terra : commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Psalmus 96.

DÓMINUS regnávít, exsúltet terra : * læténtur insulæ multæ.

Nubes, et caligo in circúitu ejus : * justitia, et iudicium corréctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justitiam ejus : * et vidérunt omnes pópuli glóriam ejus.

Confundántur omnes, qui

adórant sculptília : * et qui gloriántur in simulácris suis.

Adoráte eum omnes Angeli ejus : * audívit, et lætáta est Sion.

Et exsultavérunt filiæ Judæ, * propter judícia tua Dómine :

Quóniam tu Dóminus altíssimus super omnem terram : * nimis exaltátus es super omnes deos.

Qui dilígitis Dóminum, odite malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino : * et confitémini memóriæ sanctificatiónis ejus.

Ant. Cantáte Dómino, et benedicite nómini ejus.

Per Annum, V. Intret orátio mea in conspéctu tuo Dómine. *R.* Inclína áurem tuam ad precem meam.

Pro uno Mart. V. Posuísti Dómine super caput ejus. *R.* Corónam de lápide pretióso.

Pro plur. Mart. V. Exsúltent justí in conspéctu Dei. *R.* Et delecténtur in lætítia.

Pro Conf. Pont. V. Elégit eum Dóminus sacerdotem sibi. *R.* Ad sacrificándum ei hóstiam láudis.

Pro Conf. non Pont. V. Os justí meditábitur sapiéntiam. *R.* Et lingua ejus loquétur judícium.

Pro una Sancta, V. Adjuvábit eam Deus vultu suo.

R. Deus in médio ejus, non commovébitur.

AD LAUDES

Ant. Spíritu principáli * confirma cor meum Deus.

Ps. Miserére. 56.

Ant. In veritáte.

Psalmus 142

DÓMINE exáudi oratióem meam : áuribus pèrcipe obsecratióem meam in veritáte tua : * exáudi me in tua justítia.

Et non intres in judícium cum servo tuo : * quia non justificábitur in conspéctu tuo omnis vivens.

Quia persecútus est inimicus ánimam meam : * humiliávit in terra vitam meam.

Collocávit me in obscúris sicut mórtuos sáeculi : * et anxiátus est super me spíritus meus, in me turbátum est cor meum.

Memor fui diérum antiqúorum, meditátus sum in ómnibus opéribus tuis : * in factis mánuum tuárum meditábar.

Expándi manus meas ad te : * ánima mea sicut terra sine aqua tibi.

Velóciter exáudi me Dómine : * defécit spíritus meus.

Non avértas fáciem tuam a me : * et similis ero descendéntibus in lacum.

Auditam fac mihi mane misericórdiam tuam : * quia in te sperávi.

Notam fac mihi viam, in

qua ámbulem : * quia ad te levávi ánimam meam.

Eripe me de inimícis meis Dómine, ad te confúgi : * doce me fácere voluntátem tuam, quia Deus meus es tu.

Spiritus tuus bonus dedúcet me in terram rectam : * propter nomen tuum Dómine vivificábis me, in æquitáte tua.

Edúces de tribulatióne ánimam meam : * et in misericórdia tua dispérdes inimicos meos.

Et perdes omnes, qui tribulant ánimam meam : * quóniam ego servus tuus sum.

Ant. In veritáte tua exáudi me Dómine.

Ant. Illúmina Dómine * vultum tuum super nos.

Ps. Deus Deus meus. 17.

Ant. Dómine.

Canticum Habacuc. Cap. 3.

DÓMINE audiavi auditióne tuam, * et tímui.

Dómine opus tuum, * in médio annórum vivifica illud :

In médio annórum notum fácies : * cum irátus fúeris, misericórdiæ recordáberis.

Deus ab Austro véniet, * et sanctus de monte Pharan :

Opéruit cælos glória ejus : * et láudis ejus plena est terra.

Splendor ejus ut lux erit : * cónua in mánibus ejus :

Ibi abscondita est fortitúdo ejus : * ante faciém ejus ibit mors.

Et egrediétur diábolus ante pedes ejus. * Stetit, et mensus est terram.

Adspéxit, et dissólvit gentes : * et contriti sunt montes sæculi.

Incurváti sunt colles mundi, * ab itinéribus æternitátis ejus.

Pro iniquitáte vidi tentória Æthiopiæ, * turbabúntur pelles terræ Má dian.

Numquid in fluminibus irátus es Dómine? * aut in fluminibus furor tuus? vel in mari indignatio tua?

Qui ascédes super equos tuos : * et quadrigæ tuæ salvátio.

Súscitans suscitábis arcum tuum : * juraménta tribubus quæ locútus es.

Flúvios scindes terræ : vidérunt te, et doluérunt montes : * gurges aquárum tránsiit.

Dedit abyýssus vocem suam : * altitúdo manus suas levávit.

Sol, et luna stetérunt in habitáculo suo, * in luce sagittárum tuárum, ibunt in splendóre fulgurántis hastæ tuæ.

In frémitu conculeábis terram : * et in furóre obstupéficies gentes.

Egréssus es in salútem pópuli tui : * in salútem cum Christo tuo.

Percussisti caput de domo impii : * denudásti fundaméntum ejus usque ad collum.

Maledixisti sceptris ejus, cápiti bellatórum ejus, * veniéntibus ut turbo ad dispergéndum me.

Exsultátio eórum * sicut

ejus, qui dévorat páuperem
in abscondito.

Viam fecisti in mari equis
tuis, * in luto aquárum mul-
tárum.

Audivi, et conturbátus
est venter meus : * a voce
contremuérunt lábia mea.

Ingrediátur putrédo in
óssibus meis, * et subter me
scáteat.

Ut requiéscam in die tri-
bulatiónis : * ut ascéndam
ad pópulum accinctum no-
strum.

Ficus enim non florébit : *
et non erit germen in vineis.

Mentiétur opus olivæ : *
et arva non áfferent cibum.

Abscindétur de ovili pe-
cus : * et non erit armén-
tum in præsépibus.

Ego áutem in Dómino
gaudébo : * et exsultábo in
Deo Jesu meo.

Deus Dóminus fortitúdo
mea : * et ponet pedes meos
quasi cervórum,

Et super excélsa mea de-
ducet me victor * in psalmis
canéntem.

Ant. Dómine audivi audi-
tum tuum, et tímui.

Ant. In týmpano * et cho-
ro, in chordis et órgano
laudáte Deum.

Ps. Laudáte Dóminum de
cælis. 19.

Capitulum. Rom. 13. d
Nox præcéssit, dies áutem
appropinquávit. Abjiciá-
mus ergo ópera tenebrárum,
et induámur arma lucis. Sic-
ut in die honéste ambulémus.

Hymnus

ATERNÁ cæli glória,
Beáta spes mortálium,
Summi Tonántis Unice,
Castæque proles Vírginis :

Da dexteram surgéntibus,
Exsúrgat ut mens sóbria,
Flagrans et in láudem Dei
Grates repéndat débitas.

Ortus refúlget lúcifer,
Præitque solem núnlius :
Cadunt tenébræ nóctium :
Lux sancta nos illúminet.

Manénsque nostris sénsi-
bus,

Noctem repéllat sáeculi,
Omnique fine témporis
Purgáta servet péctora.

Quæsíta jam primum fi-
des

In corde radices agat :
Secúnda spes congáudeat,
Qua major exstat caritas.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sáeculum.
Amen.

V. Repléti sumus mane
misericórdia tua. *R.* Exsultá-
vimus, et delectáti sumus.

Ad Bened. Ant. Per visce-
ra * misericórdiæ Dei nostri
visitávit nos Oriens ex alto.

*Preces, quando dicendæ
sunt, habentur supra in Fe-
ria II. 59.*

SABBATO

AD MATUTINUM

Invit. Dóminum Deum no-
strum * Venite, adorémus.

Ps. Venite, exsultémus. 2.

Hymnus.

SUMMÆ Parens cleméntiæ,
Mundi regis qui máchinam,

Unius et substántiæ,
Trínusque persónis Deus :

Nostros pius cum cánticis
Fletus benigne súscipe :
Ut corde puro sórdium
Te perfruámur lárgius.

Lumbos, jecúrque mór-
bidum

Flammis adúre cóngruis,
Accincti ut artus éxcubent
Luxu remóto péssimo.

Quicúmque ut horas nó-
ctium

Nunc concinéndorúmpimus,
Ditémur omnes áffatim
Donis beátæ pátriæ.

Præsta, Pater piíssime,
Patrique compar Unice,
Cum Spíritu Paráclito,
Regnans per omne sáeculum.

Amen.

Ant. Quia mirabília.

Psalmus 97.

CANTÁTE Dómino cánticum
novum : * quia mirabi-
lia fecit.

Salvávitsibi délixtera ejus : *
et bráchium sanctum ejus.

Notum fecit Dóminus sa-
lutáre suum : * in conspéctu
géntium revelávit justitiam
suam.

Recordátus est misericór-
diæ suæ, * et veritátis suæ
dómui Israël.

Vidérunt omnes términi
terræ * salutáre Dei nostri.

Jubiláte Deo omnis terra : *
cantáte, et exsultáte, et psál-
lite.

Psállite Dómino in cithara,
in cithara et voce psalmi : *
in tubis ductilibus, et voce
tubæ córneæ.

Jubiláte in conspéctu regis
Dómini : * moveátur mare,
et plenitúdo ejus : orbis ter-
rarum, et qui hábitant in
eo.

Flúmina pláudent manu,
simul montes exsultábunt a
conspéctu Dómini : * quó-
niam venit judicáre terram.

Judicábit orbem terrarum
in justitia, * et pópulos in
æquitáte.

Psalmus 98.

DÓMINUS regnávít, irascán-
tur pópuli : * qui sedet
super Chérubim, moveátur
terra.

Dóminus in Sion ma-
gnus : * et excélsus super
omnes pópulos.

Confiteántur nómini tuo
magno : quóniam terribile,
et sanctum est : * et honor
regis judícium diligit.

Tu parásti directiões : *
judícium et justitiam in Ja-
cob tu fecisti.

Exaltáte Dóminum Deum
nostrum, et adoráte scabél-
lum pedum ejus : * quóniam
sanctum est.

Móyses et Aaron in sacer-
dótibus ejus : * et Sámuel
inter eos, qui invocant no-
men ejus :

Invocábant Dóminum, et
ipse exaudiébat eos : * in
columna nubis loquebátur
ad eos.

Custodiébant testimónia

ejus, * et præceptum quod dedit illis.

Dómine Deus noster tu exaudiébas eos : * Deus tu propitius fuisti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus : * quóniam sanctus Dóminus Deus noster.

Ant. Quia mirabilia fecit Dóminus.

Sequens Ant. et Ps. Jubiláte. hic prætermittitur, quando dicitur in Laud., ut in Sabbatis in quibus fit Officium de S. Maria, et ejus loco dicitur

Ant. et Ps. Bonum est confitèri Dómino. *ut infra.*

Ant. Jubiláte.

Psalmus 91.

JUBILÁTE Deo omnis terra : * servite Dómino in lætitia. Introíte in conspèctue ejus, * in exultatióne.

Scitóte quóniam Dóminus ipse est Deus : * ipse fecit nos, et non ipsi nos :

Pópulus ejus, et oves páscuæ ejus : * introíte portas ejus in confessióne, átria ejus in hymnis : confitémini illi.

Laudáte nomen ejus : quóniam suávis est Dóminus, in ætérnum misericórdia ejus, * et usque in generatióem et generatióem véritas ejus.

Vel Psalmus 91.

BONUM est confitèri Dómino : * et psállere nómini tuo Altíssime.

Ad annuntiándum mane misericórdiam tuam : * et veritátem tuam per noctem.

In decachódo, psaltério : * cum cántico, in cithara.

Quia delectásti me Dómine in factúra tua : * et in opéribus mánuum tuárum exultábo.

Quam magnificáta sunt ópera tua Dómine ! * nimis profúndæ factæ sunt cogitatióes tuæ :

Vir insipiens non cognóscet : * et stultus non intéliget hæc.

Cum exórti fúerint peccatóres sicut fœnum : * et apparúerint omnes, qui operántur iniquitátem :

Ut intéreant in sáculum sáculi : * tu áutem Altíssimus in ætérnum Dómine.

Quóniam ecce inimici tui Dómine, quóniam ecce inimici tui peribunt : * et dispergéntur omnes, qui operántur iniquitátem.

Et exaltábitur sicut unicórnis cornu meum : * et senéctus mea in misericórdia úberi.

Et despéxit óculus meus inimicos meos : * et in insurgéntibus in me malignántibus áudiet áuris mea.

Justus, ut palma florébit : * sicut cedrus Libani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in senécta úberi : * et bene

patiētes erunt, ut annūntient :

Quóniam rectus Dóminus Deus noster : * et non est iniquitas in eo.

Psalmus 100.

MISERICÓRDIAM, et iudicium * cantábo tibi Dómine :

Psallam, et intélligam in via immaculáta, * quando vénies ad me.

Perambulábam in innocentia cordis mei, * in médio domus meæ.

Non proponébam ante oculos meos rem injústam : * faciētes prævaricatiōnes odivi.

Non adhæsit mihi cor prævum : * declināntem a me malignum non cognoscébam.

Detrahéntem secréto próximo suo, * hunc persequēbar.

Supérbo óculo, et insatiabili corde, * cum hoc non edébam.

Oculi mei ad fidéles terræ ut sédeant mecum : * ámbulans in via immaculáta, hic mihi ministrábat.

Non habitábit in médio domus meæ qui facit superbiam : * qui lóquitur iniqua, non diréxit in conspéctu oculórum meórum.

In matutino interficiébam omnes peccatóres terræ : * ut dispénderem de civitáte Dómini omnes operāntes iniquitatem.

Ant. Jubiláte Deo omnis terra.

Vel Ant. Bonum est confitéri Dómino.

Ant. Clamor meus.

Psalmus 101.

DÓMINE exáudi oratiōnem meam : * et clamor meus ad te véniat.

Non avértas fáciem tuam a me : * in quacúmque die tribulor, inclina ad me áurem tuam.

In quacúmque die invocávero te, * velóciter exáudi me.

Quia defecérunt sicut fumus dies mei : * et ossa mea sicut crémium aruérunt.

Percússus sum ut fœnum, et áruit cor meum : * quia oblitus sum comédere panem meum.

A voce gémitus mei * adhæsit os meum carni meæ.

Símilis factus sum pelli-cáno solitúdinis : * factus sum sicut nycticorax in domicilio.

Vigilávi, * et factus sum sicut passer solitárius in tecto.

Tota die exprobrábant mihi inimíci mei : * et qui laudábant me, advérsus me jurábant.

Quia cinerem tamquam panem manducábam, * et potum meum cum fletu miscébam.

A fácie iræ et indignatiōnis tuæ : * quia élevans allisisti me.

Dies mei sicut umbra declinavérunt : * et ego sicut fœnum árui.

Tu áutem Dómine in ætér-

num pérmanes : * et memoriále tuum in generatióem et generatióem.

Tu exsúrgens miseréberis Sion : * quia tempus miseréndi ejus, quia venit tempus.

Quóniam placuérunt servis tuis lápidés ejus : * et terræ ejus miserebúntur.

Et timébunt gentes nomen tuum Dómine, * et omnes reges terræ glóriam tuam.

Quia ædificávit Dóminus Sion : * et vidébitur in glória sua.

Respéxit in oratióem humilium : * et non sprexit precem eórum.

Scribántur hæc in generatióne áltera : * et pópulus, qui creábitur, laudábit Dóminum :

Quia prospéxit de excélso sancto suo : * Dóminus de cælo in terram adspéxit :

Ut audíret gémitus compeditórum : * ut sólveret filios interemptórum :

Ut annúntient in Sion nomen Dómini : * et láudem ejus in Jerúsalem.

In conveniéndó pópulos in unum, * et reges ut sérvant Dómino.

Respóndit ei in via virtútis suæ : * Paucitátem diérum meórum núntia mihi.

Ne révocés me in dimídio diérum meórum : * in generatióem et generatióem anni tui.

Initio tu Dómine terram fundásti : * et ópera mánuum tuárum sunt cæli.

Ipsi peribunt, tu áutem pérmanes : * et omnes sicut vestiméntum veteráscent.

Et sicut opertórium mutábis eos, et mutabúntur : * tu áutem idem ipse es, et anni tui non deficient.

Filii servórum tuórum habitábunt : * et semen eórum in sæculum dirigétur.

Psalmus 102.

BÉNEDIC ánima mea Dómino : * et ómnia, quæ intra me sunt, nómini sancto ejus.

Bénedic ánima mea Dómino : * et noli oblivisci omnes retributiónes ejus :

Qui propitiátur ómnibus iniquitatibus tuis : * qui sanat omnes infirmitátes tuas.

Qui rédimit de intéritu vitam tuam : * qui coronat te in misericórdia et misericoratióibus.

Qui replet in bonis desiderium tuum : * renovábitur ut áquilæ juvéntus tua :

Fáciens misericórdias Dóminus : * et judicium ómnibus injúriam patiéntibus.

Notasfecit vias suas Móysi, * filiis Israël voluntátes suas.

Miserátor, et miséricors Dóminus : * longánimis, et multum miséricors.

Non in perpétuum irascétur : * neque in ætérnum comminábitur.

Non secúndum peccáta nostra fecit nobis : * neque secúndum iniquitátes nostras retribuit nobis.

Quóniam secúndum alti-

túdinem cæli a terra,* corroborávit misericórdiam suam super timéntes se.

Quantum distat ortus ab occidente : * longe fecit a nobis iniquitátes nostras.

Quómodo miserétur pater filiórum, misértus est Dóminus timéntibus se : * quóniam ipse cognóvit figméntum nostrum.

Recordátus est quóniam pulvis sumus : * homo, sicut fœnum dies ejus, tamquam flos agri sic efflorebit.

Quóniam spíritus pertransibit in illo, et non subsistet : * et non cognóscet ámplius locum suum.

Misericórdia áutem Dómini ab ætérno,* et usque in ætérnum super timéntes eum.

Et iustítia illius in filios filiórum,* his qui servant testaméntum ejus :

Et mêmores sunt mandatórum ipsíus,* ad faciéndum ea.

Dóminus in cælo parávit sedem suam : * et regnum ipsíus ómnibus dominábitur.

Benedicite Dómino omnes Angeli ejus : * poténtes virtúte, faciéntes verbum illíus, ad audiéndam vocem sermónum ejus.

Benedicite Dómino omnes virtútes ejus : * ministri ejus, qui fácit voluntátem ejus.

Benedicite Dómino ómnia ópera ejus : * in omni loco dominationis ejus, bédedic ánima mea Dómino.

Ant. Clamor meus ad te véniat Deus.

Ant. Bédedic.

Psalms 103.

BÉNEDIC ánima mea Dómino : * Dómine Deus meus magnificátus es veheménter.

Confessióem, et decórem induisti : * amictus lúmine sicut vestiménto :

Exténdens cælum sicut pellem : * qui tegis aquis superióra ejus.

Qui ponis nubem ascensum tuum : * qui ámbulas super pennas ventórum.

Qui facis Angelos tuos, spíritus : * et ministros tuos, ignem uréntem.

Qui fundásti terram super stabilitátem suam : * non inclinábitur in sæculum sæculi.

Abýssus, sicut vestiméntum amictus ejus : * super montes stabunt aquæ.

Ab increpatióne tua fugient : * a voce tonitrui tui formidábunt.

Ascéndunt montes : et descéndunt campi * in locum, quem fundásti eis.

Términum posuisti, quem non transgrediéntur : * neque converténtur operire terram.

Qui emíttis fontes in convállibus : * inter médium móntium pertransibunt aquæ.

Potábunt omnes béstiae agri : * exspectábunt ónagri in siti sua.

Super ea vólucres cæli habitábunt : * de médio petrárum dabunt voces.

Rigans montes de superiío-

ribus suis : * de fructu óperum tuórum satiábitur terra :

Prodúcens fœnum juméntis, * et herbam servitúti hóminum :

Ut edúcas panem de terra : * et vinum lætíficet cor hóminis :

Ut exhilaret fáciem in oleo : * et panis cor hóminis confirmet.

Saturabúntur ligna campi, et cedri Libani, quas plantávit : * illic pásseres nidificábunt.

Heródii domus dux est eórum : * montes excélsi cervis : petra refúgium herináciis.

Fecit lunam in témpora : * sol cognóvit occásus suum.

Posuisti ténebras, et facta est nox : * in ipsa pertransibunt omnes béstiae silvæ.

Cátuli leónum rugiéntes, ut rápíant, * et quærant a Deo escam sibi.

Ortus est sol, et congregáti sunt : * et in cubilibus suis collocabúntur.

Exibit homo ad opus suum : * et ad operatióem suam usque ad vésperum.

Quam magnificáta sunt ópera tua Dómine ! * ómnia in sapiéntia fecisti : impléta est terra possessióne tua.

Hoc mare magnum, et spatiósum mánibus : * illic reptilia, quorum non est númerus.

Animália pusilla cum magnis : * illic naves pertransibunt.

Draco iste, quem formásti ad illudéndum ei : * ómnia a te expéctant ut des illis escam in témpore.

Dante te illis, cólligent : * aperiénte te manum tuam, ómnia implebúntur bonitate.

Averténte áutem te fáciem, turbabúntur : * áuferes spíritum eórum, et deficient, et in púlverem suum reverténtur.

Emittes spíritum tuum, et creabúntur : * et renovábis fáciem terræ.

Sit glória Dómini in sæculum : * lætábitur Dóminus in opéribus suis :

Qui réspicit terram, et facit eam trémere : * qui tangit montes, et fúmigant.

Cantábo Dómino in vita mea : * psallam Deo meo, quámdiu sum.

Jucúndum sit ei elóquium meum : * ego vero delectabor in Dómino.

Deficiant peccatóres a terra, et iniqui ita ut non sint : * benedic ánima mea Dómino.

Psalmus 104.

CONFITÉMINI Dómino, et invocáte nomen ejus : * annuntiáte inter gentes ópera ejus.

Cantáte ei, et psállite ei : * narráte ómnia mirabilia ejus.

Laudámini in nómine sancto ejus : * lætétur cor quæréntium Dóminum.

Quærite Dóminum, et confirmámini : * quærite fáciem ejus semper.

Mementóte mirabiliū ejus, quæ fecit : * prodigia ejus, et judícia oris ejus.

Semen Abraham, servi ejus : * filii Jacob, elécti ejus.

Ipsè Dóminus Deus noster : * in univérſa terra judícia ejus.

Memor fuit in sæculum testaménti sui : * verbi, quod mandávit in mille generatiónes :

Quod dispósuit ad Abraham : * et juraménti sui ad Isaac :

Et státuit illud Jacob in præcéptum : * et Israël in testaméntum ætérnum :

Dicens : Tibi dabo terram Chánaan, * funiculum hereditátis vestræ.

Cum essent número brevi, * paucíſſimi et incolæ ejus :

Et pertransiérunt de gente in gentem, * et de regno ad pópulum álterum.

Non reliquit hóminem nocére eis : * et corripuit pro eis reges.

Nolite tângere christos meos : * et in prophétis meis nolite malignári.

Et vocávit famem super terram : * et omne firmaméntum panis contrívit.

Misit ante eos virum : * in servum venúmdatus est Joseph.

Humiliavérunt in compédibus pedes ejus, ferrum pertránsiit ánimam ejus, * donec veníret verbum ejus.

Elóquium Dómini inflam-mávit eum : * misit rex, et solvit eum; princeps populórum, et dimisit eum.

Constituit eum dóminum domus suæ : * et principem omnis possessiόνis suæ :

Ut erudíret principes ejus sicut semetípsum : * et senes ejus prudéntiam docéret.

Et intrávit Israël in Ægyptum : * et Jacob áccola fuit in terra Cham.

Et áuxit pópulum suum veheménter : * et firmávit eum super inimicos ejus.

Convértit cor eórum ut odírent pópulum ejus : * et dolum fácerent in servos ejus.

Misit Móysen servum suum : * Aaron, quem elégit ipsum.

Pósuit in eis verba signórum suórum, * et prodigiórum in terra Cham.

Misit ténebras, et obscurávit : * et non exacerbávit sermónes suos.

Convértit aquas eórum in sánguinem : * et occidit pisces eórum.

Edidit terra eórum ranas * in penetrálibus regum ipsórum.

Dixit, et venit cœnomyia : * et cinifes in ómnibus finibus eórum.

Pósuit plúvias eórum grán-dinem : * ignem comburén-tem in terra ipsórum.

Et percússit vineas eórum, et ficúlneas eórum : * et contrívit lignum finium eórum.

Dixit, et venit locústa, et bruchus, * cujus non erat númerus :

Et comédit omne fœnum in terra eórum : * et comédit omnem fructum terræ eórum.

Et percússit omne primogénitum in terra eórum : * primitias omnis labóris eórum.

Et edúxit eos cum argénto et áuro : * et non erat in tribubus eórum infirmus.

Lætáta est Ægýptus in profectione eórum : * quia incúbuit timor eórum super eos.

Expándit nubem in protectionem eórum, * et ignem ut lucéret eis per noctem.

Petiérunt, et venit cotúr-nix : * et pane cæli saturávit eos.

Dirúpit petram, et fluxérunt aquæ : * abiérunt in sicco flúmina ;

Quóniam memor fuit verbi sancti sui, * quod hábuit ad Abraham púerum suum.

Et edúxit pópulum suum in exsultatione, * et eléctos suos in lætitia.

Et dedit illis regiones gén-tium : * et labóres populórum possederunt :

Ut custódiant justificatiónes ejus, * et legem ejus requirant.

Ant. Bénedic ánima mea Dómino.

Ant. Visita nos.

Psalmus 105.

CONFITÉMINI Dómino quóniam bonus : * quóniam

in sǽculum misericórdia ejus.

Quis loquétur poténtias Dómini, * auditas fáciet omnes láudes ejus?

Beáti, qui custódiunt judícium, * et faciunt justitiam in omni témpore.

Meménto nostri Dómine in beneplácito pópuli tuí : * visita nos in salutári tuo :

Ad vidéndum in bonitáte electórum tuórum, ad lætándum in lætitia gentis tuæ : * ut lauderis cum hereditáte tua.

Peccávimus cum pátribus nostris : * injúste égimus, iniquitátem fécimus.

Patres nostri in Ægýpto non intellexérunt mirabilia tua : * non fuérunt mémores multitudinis misericórdiæ tuæ.

Et irritavérunt ascendéntes in mare, * mare Rubrum.

Et salvávit eos propter nomen suum : * ut notam fáceret poténtiam suam.

Et incrépuit mare Rubrum, et exsiccátum est : * et dedúxite eos in abyssis sicut in desérto.

Et salvávit eos de manu odientium : * et redémit eos de manu inimici.

Et opéruiť aqua tribulántes eos : * unus ex eis non remánsit.

Et credidérunt verbis ejus : * et laudavérunt láudem ejus.

Cito fecérunt, obliti sunt óperum ejus : * et non sustinuerunt consílium ejus.

Et concupiérunt concupiscéntiam in desérto : * et tentavérunt Deum in inaquóso.

Et dedit eis petitióem ipsórum : * et misit saturitátem in ánimas eórum.

Et irritavérunt Móysen in castris, * Aaron sanctum Dómini.

Apérta est terra, et deglutivit Dathan : * et opéruit super congregatióem Abíron.

Et exársit ignis in synagóga eórum : * flamma combússit peccatóres.

Et fecérunt vitulum in Horeb : * et adoravérunt scúltile.

Et mutavérunt glóriam suam * in similitúdinem vituli comedéntis fœnum.

Obliti sunt Deum, qui salvávit eos, * qui fecit magnália in Ægýpto, mirabilia in terra Cham : terribilia in mari Rubro.

Et dixit ut dispérderet eos : * si non Móyses eléctus ejus stetisset in confractiône in conspéctu ejus :

Ut avérteret iram ejus ne dispérderet eos : * et pro nihilo habuérunt terram desiderábilem :

Non credidérunt verbo ejus, et murmuravérunt in tabernáculis suis : * non exaudierunt vocem Dómini.

Et elevávit manum suam super eos : * ut prostérneret eos in desérto :

Et ut dejiceret semen eórum in natióibus : * et di-

spérgeret eos in regióibus.

Et initiáti sunt Beélphegor : * et comedérunt sacrificia mortuórum.

Et irritavérunt eum in adinventiόνibus suis : * et multiplicáta est in eis ruina.

Et stetit Phinees, et placávit : * et cessávit quassátió.

Et reputátum est ei in justítiam, * in generatióem et generatióem usque in sempitérnum.

Et irritavérunt eum ad Aquas contradiciónis : * et vexátus est Móyses propter eos : quia exacerbavérunt spiritum ejus.

Et distinxit in lábiis suis : * non disperdidérunt gentes, quas dixit Dóminus illis.

Et commíxti sunt inter gentes, et didicérunt ópera eórum : et serviérunt sculptilibus eórum : * et factum est illis in scándalum.

Et immolavérunt filios suos, * et filias suas dæmóniis.

Et effudérunt sánguinem innocentem : * sánguinem filiórum suórum et filiárum suárum, quassacrificavérunt sculptilibus Chánaan.

Et infécta est terra in sanguinibus, et contamináta est in opéribus eórum : * et fornicáti sunt in adinventiόνibus suis.

Et irátus est furóre Dóminus in pópulum suum : * et abominátus est hereditátem suam.

Et trádidit eos in manus

géntium : * et domináti sunt eórum qui odérunt eos.

Et tribulavérunt eos inimici eórum, et humiliáti sunt sub mánibus eórum : * sæpe liberávit eos.

Ipsi autem exacerbavérunt eum in consilio suo : * et humiliáti sunt in iniquitatibus suis.

Et vidit cum tribularén-
tur : * et audivit oratióem eórum.

Et memor fuit testaménti sui : * et pœnituit eum secundum multitudinem misericórdiæ suæ.

Et dedit eos in misericórdias * in conspéctu ómnium qui céperant eos.

Salvos nos fac Dómine Deus noster : * et cógrega nos de natióibus :

Ut confiteámur nómini sancto tuo : * et gloriémur in láude tua.

Benedictus Dóminus Deus Israël a sæculo et usque in sæculum : * et dicet omnis pópulus : Fiat, fiat.

Psalmus 106.

CONFITÉMINI Dómino quóniam bonus : * quóniam in sæculum misericórdia ejus.

Dicant qui redempti sunt a Dómino, quos redemit de manu inimici : * et de regiõibus congregávit eos :

A solis ortu, et occásu : * ab aquilone, et mari.

Erravérunt in solitúdine in inaquóso : * viam civitátis habitáculi non invenérunt.

Esuriéntes, et sitiéntes : * ánima eórum in ipsis defécit.

Et clamavérunt ad Dóminum cum tribularéntur : * et de necessitatibus eórum eripuit eos.

Et dedúxit eos in viam rectam : * ut irent in civitátem habitatiónis.

Confiteántur Dómino misericórdiæ ejus : * et mirabilia ejus filiis hóminum.

Quia satiávit ánimam inánem : * et ánimam esuriéntem satiávit bonis.

Sedéntes in ténebris, et umbra mortis : * vinctos in mendicitáte et ferro.

Quia exacerbavérunt elóquia Dei : * et consilium Altissimi irritavérunt.

Et humiliátum est in laboribus cor eórum : * infirmáti sunt, nec fuit qui adjuvaret.

Et clamavérunt ad Dóminum cum tribularéntur : * et de necessitatibus eórum liberávit eos.

Et edúxit eos de ténebris, et umbra mortis : * et vincula eórum dirúpit.

Confiteántur Dómino misericórdiæ ejus : * et mirabilia ejus filiis hóminum.

Quia contrívit portas æreas : * et vectes férreos confrégit.

Suscépit eos de via iniquitátis eórum : * propter injustitias enim suas humiliáti sunt.

Omnem escam abomináta est. ánima eórum : * et ap-

propinquavérunt usque ad portas mortis.

Et clamavérunt ad Dóminum cum tribularéntur : * et de necessitatibus eórum liberávit eos.

Misit verbum suum , et salvávit eos : * et erípuit eos de interitióibus eórum.

Confiteántur Dómino misericórdiæ ejus : * et mirabilia ejus filiis hóminum.

Et sacrificent sacrificium láudis : * et annúntient ópera ejus in exsultatíone.

Qui descéndunt mare in návibus , * faciéntes operatióem in aquis multis.

Ipsi vidérunt ópera Dómini , * et mirabilia ejus in profundo.

Dixit , et stetit spíritus procéllæ : * et exaltáti sunt fluctus ejus.

Ascéndunt usque ad cælos , et descéndunt usque ad abyssos : * ánima eórum in malis tabescébat.

Turbáti sunt , et moti sunt sicut ébrius : * et omnis sapiéntia eórum devoráta est.

Et clamavérunt ad Dóminum cum tribularéntur , * et de necessitatibus eórum edúxit eos.

Et státuit procéllam ejus in áuram : * et siluérunť fluctus ejus.

Et lætáti sunt quia siluérunť : * et dedúxit eos in portum voluntátis eórum.

Confiteántur Dómino misericórdiæ ejus : * et mirabilia ejus filiis hóminum.

Et exáltent eum in ecclesiá plebis : * et in cáthedra seniórum láudent eum.

Pósuit flúmina in désertum , * et éxitus aquárum in sitim.

Terram fructiferam in salúginem , * a malitia inhabitántium in ea.

Pósuit désertum in stagna aquárum : * et terram sine aqua in éxitus aquárum.

Et collocávit illic esuriéntes : * et constituérunt civitátem habitatióis.

Et seminavérunt agros , et plantavérunt vineas : * et fecérunt fructum nativitátis.

Et benedixit eis , et multiplicáti sunt nimis : * et jumenta eórum non minorávit.

Et páuci facti sunt : * et vexáti sunt a tribulatióne malórum , et dolore.

Effúsa est contéptio super príncipes : * et erráre fecit eos in invio , et non in via.

Et adjúvit páuperem de inópia : * et pósuit sicut oves famílias.

Vidébunt recti , et lætabúntur : * et omnis iníquitas oppilábit os suum.

Quis sapiens et custódiét hæc ? * et intélliget misericórdias Dómini ?

Ant. Visita nos Dómine in salutári tuo.

Ant. Confitebor Dómino.

Psalmus 107.

PARÁTUM cor meum Deus ,
parátum cor meum : *
cantábo , et psallam in glória mea.

Exsúrge glória mea, exsúrge psaltérium, et cithara : * exsúrgam dilúculo.

Confitébor tibi in pópulis Dómine : * et psallam tibi in natió nibus.

Quia magna est super cælos misericórdia tua : * et usque ad nubes véritas tua :

Exaltáre super cælos Deus, et super omnem terram glória tua : * ut liberéntur dilecti tui.

Salvum fac dextera tua, et exáudi me : * Deus locútus est in sancto suo :

Exsultábo, et dívidam Sichimam, * et convállem tabernaculórum dimétiar.

Meus est Gálaad, et meus est Manásses : * et Ephraïm susceptio cápitis mei.

Juda rex meus : * Moab lebes spei meæ.

In Idumæam exténdam calceaméntum meum : * mihi alienigenæ amici facti sunt.

Quis dedúcet me in civitatem munitam? * quis dedúcet me usque in Idumæam?

Nonne tu Deus, qui repulististi nos, * et non exíbis Deus in virtútibus nostris?

Da nobis auxiliū de tribulatióne : * quia vana salus hóminis.

In Deo faciémus virtútem : * et ipse ad níhilum dedúcet inimicos nostros.

Psalmus 108.

DEUS láudem meam ne tacúeris : * quia os peccatóris, et os dolósi super me apértum est.

Locúti sunt advérsus me lingua dolósa, et sermónibus ódii circumdedérunt me : * et expugnavérunt me gratis.

Pro eo ut me diligerent, detrahébant mihi : * ego autem orábam.

Et posuérunt advérsus me mala pro bonis : * et ódium pro dilectiόne mea.

Constitue super eum peccatórem : * et diábolus stet a dextris ejus.

Cum judicátur, éxeat condemnátus : * et orátio ejus fiat in peccátum.

Fiant dies ejus páuci : * et episcopátum ejus accipiat alter.

Fiant filii ejus órphani : * et uxor ejus vídua.

Nutántes transferántur filii ejus, et mendícet : * et ejiciántur de habitatió nibus suis.

Scrutétur fœnerátor omnem substántiam ejus : * et dirípiant aliéni labóres ejus.

Non sit illi adjútor : * nec sit qui misereátur pupillis ejus.

Fiant nati ejus in intéritum : * in generatióne una deleátur nomen ejus.

In memóriam rédeat iniquitas patrum ejus in conspéctu Dómini : * et peccátum matris ejus non deleátur.

Fiant contra Dóminum semper, et dispéreat de terra memória eórum : * pro eo

quod non est recordátus
fácere misericórdiam.

Et persecútus est hóminem
inopem, et mendicum, * et
compúctum corde mortifi-
cáre.

Et diléxit maledictiónem,
et véniet ei : * et nóluit be-
nedictiónem, et elongábitur
ab eo.

Et induit maledictiónem
sicut vestiméntum, * et in-
trávit sicut aqua in interióra
ejus, et sicut óleum in óssi-
bus ejus.

Fiat ei sicut vestiméntum
quo operítur : * et sicut
zona, qua semper præcin-
gitur.

Hoc opus eórum, qui dé-
trahunt mihi apud Dómi-
num : * et qui loquúntur
mala advérsus ánimam
meam.

Et tu Dómine, Dómine,
fac mecum propter nomen
tuum : * quia suávis est mi-
sericórdia tua.

Libera me quia egénus,
et páuper ego sum : * et cor
meum conturbátum est intra
me.

Sicut umbra cum declí-
nat, ablátus sum : * et excús-
sus sum sicut locústæ.

Génua mea infirmáta sunt
a jejúnio : * et caro mea
immutáta est propter óleum.

Et ego factus sum oppró-
brium illis : * vidérunt me,
et movérunt cápita sua.

Adjuva me Dómine Deus
meus : * saluum me fac secún-
dum misericórdiam tuam.

Et sciant quia manus tua
hæc : * et tu Dómine fecisti
eam.

Maledicent illi, et tu be-
nedices : * qui insúrgunt in
me, confundántur : servus
áutem tuus lætábitur.

Induántur qui détrahunt
mihi, pudóre : * et operián-
tur sicut diplóide confusióne
sua.

Confitébor Dómino ni-
mis in ore meo : * et in
medio multórum laudábo
eum :

Quia ádstitit a dextris páu-
peris, * ut salvam fáceret
a persecuéntibus ánimam
meam.

Ant. Confitébor Dómino
nimis in ore meo.

Per Annum. V. Dómine
exáudi oratióem meam. R.
Et clamor meus ad te vé-
niat.

Pro B. Maria. V. Diffúsa
est grátia in lábiis tuis. R.
Propterea benedixit te Deus
in ætérnum.

AD LAUDES

Ant. Benigne fac * in bona
voluntáte tua Dómine.

Ps. Miserére. 56.

Ant. Bonum est.

Psalmus 91.

BONUM est confitéri Dómi-
no : * et psállere nómini
tuo Altissime :

Ad annuntiándum mane
misericórdiam tuam : * et
veritátem tuam per no-
ctem.

In decachórdo, psalté-

rio : * cum cántico, in ci-
thara.

Quia delectásti me Dómine
in factúra tua : * et in opé-
ribus mánuum tuárum ex-
sultábo.

Quam magnificáta sunt
ópera tua Dómine ! * nimis
profúndæ factæ sunt cogita-
tiónes tuæ.

Vir insipiens non cognó-
scet : * et stultus non intél-
iget hæc.

Cum exórti fúerint pecca-
tóres sicut fœnum : * et ap-
parúerint omnes, qui ope-
rántur iniquitátem :

Ut intéreant in sæculum
sæculi : * tu áutem Altíssi-
mus in ætérnum Dómine.

Quóniam ecce inimíci tui
Dómine, quóniam ecce ini-
míci tui períbunt : * et di-
spérgéntur omnes, qui ope-
rántur iniquitátem.

Et exaltábitur sicut uni-
córnis cornu meum : * et
senéctus mea in misericór-
dia úberi.

Et despéxit óculus meus
inimícos meos : * et in insur-
géntibus in me malignánti-
bus áudiet áuris mea.

Iustus, ut palma florébit : *
sicut cedrus Líbani multi-
plicábitur.

Plantáti in domo Dómini, *
in átriis domus Dei nostri
florébunt.

Adhuc multiplicabúntur
in senécta úberi : * et bene
patiéntes erunt, ut annún-
tiant :

Quóniam rectus Dóminus

Deus noster : * et non est
iniquitas in eo.

Ant. Bonum est confitéri
Dómino.

Ant. Métuant Dóminum *
omnes fines terræ.

Ps. Deus Deus meus. 17.

Ant. Date magnitúdinem.

Canticum Moysi. Deut. 32.

AUDÍTE cæli quæ loquor : *
áudiat terra verba oris
mei.

Concréscat ut plúvia do-
ctrína mea, * fluat ut ros
elóquium meum,

Quasi imber super her-
bam, et quasi stillæ super
grámina. * Quia nomen
Dómini invocábo :

Date magnificéntiam Deo
nostro. * Dei perfécta sunt
ópera, et omnes viæ ejus
iudicia :

Deus fidélis, et absque
ulla iniquitáte, justus et re-
ctus. * Peccavérunt ei, et
non filii ejus in sórdibus :

Generátio prava atque
pervérsa. * Hæccine reddis
Dómino pópule stulte et in-
sipiens ?

Numquid non ipse est
pater tuus, * qui possédit
te, et fecit, et creávit te ?

Meménto diérum antiquó-
rum, * cógita generatiónes
singulas :

Intérroga patrem tuum,
et annuntiábit tibi : * majó-
res tuos, et dicent tibi.

Quando dividébat Altíssi-
mus gentes : * quando sepa-
rábat filios Adam,

Constituit términos popu-

lórum * juxta númerum filiórur Israel.

Pars áutem Dómini, pópulus ejus : * Jacob funículus hereditátis ejus.

Invenit eum in terra desérta, * in loco horróris, et vastæ solitúdinis :

Circumdúxit eum, et dócuit : * et custodivit quasi pupíllam óculi sui.

Sicut áquila próvocans ad volándum pullos suos, * et super eos vólitans,

Expándit alas suas, et assúmpsit eum, * atque portávit in húmeris suis.

Dóminus solus dux ejus fuit : * et non erat cum eo deus aliénus.

Constituit eum super excélsam terram : * ut coméderet fructus agrórum,

Ut súgeret mel de petra, * oleúmque de saxo duríssimo.

Butýrum de arménto, et lac de óvibus * cum ádipe agnórum, et arietum filiórur Basan :

Et hircos cum medúlla tritici, * et ságuinem uvæ biberet meracíssimum.

Incrassátus est diléctus, et recalcitrávit : * incrassátus, impinguátus, dilatátus,

Dereliquit Deum factórem suum, * et recéssit a Deo salutári suo.

Provocavérunt eum in diis aliénis, * et in abominatió nibus ad iracúndiam concitavérunt.

Immolavérunt dæmóniis,

et non Deo, * diis, quos ignorábant :

Novi recentésque venérunt, * quos non coluérunt patres eórum.

Deum qui te génuit dereliquisti, * et oblitus es Dómini creatóris tui.

Vidit Dóminus, et ad iracúndiam concitátus est : * quia provocavérunt eum filii sui et filiæ.

Et ait : Abscóndam faciém meam ab eis, * et considerábo novíssima eórum :

Generátio enim perversa est, * et infidéles filii.

Ipsi me provocavérunt in eo, qui non erat Deus, * et irritavérunt in vanitátibus suis :

Et ego provocábo eos in eo, qui non est pópulus, * et in gente stulta irritábo illos.

Ignis succénsus est in furóre meo, * et ardébit usque ad inférni novíssima :

Devorabitque terram cum gérmine suo, * et móntium fundaménta combúret.

Congregábo super eos mala : * et sagittas meas complébo in eis.

Consuméntur fame, * et devorábunt eos aves morsu amaríssimo :

Dentes bestiárum immitam in eos, * cum furóre trahéntium super terram, atque serpéntium.

Foris vastábit eos gládius, et intus pavor, * júvenem simul ac virginem, lacténtem cum hómine sene.

Dixi : Ubinam sunt? * cēs-
sāre faciā ex hominibus
memōriam eōrum.

Sed propter iram inimi-
cōrum dīstuli : * ne forte
superbirent hostes eōrum,

Et dicerent : Manus no-
stra excēlsa, et non Dómi-
nus, * fecit hēc ómnia.

Gens absque consilio est,
et sine prudētia. * Utinam
sāperent, et intelligerent, ac
novissima providērent.

Quómodo persequátur
unus mille, * et duo fugent
decem millia?

Nonne ideo, quia Deus
suus véndidit eos, * et Dó-
minus conclúsit illos?

Non enim est Deus noster
ut dii eōrum : * et inimici
nostri sunt júdices.

De vínea Sodomórum, ví-
nea eōrum, * et de subur-
bánis Gomórrhæ :

Uva eōrum uva fellis, * et
botri amarissimi.

Fel dracónum vinum eó-
rum, * et venénium áspidum
insanábile.

Nonne hēc cóndita sunt
apud me, * et signáta in the-
sáuris meis?

Mea est últio, et ego re-
tribuam in témpore, * ut
labátur pes eōrum :

Juxta est dies perditión-
is, * et adesse festinant témpo-
ra.

Judicábit Dóminus pópu-
lum suum, * et in servis
suis miserébitur :

Vidébit quod infirmáta
sit manus, * et cláusi quoque

defecérunt, residuíque con-
súpti sunt.

Et dicet : Ubi sunt dii eó-
rum, * in quibus habébant
fidúciā?

De quorum victimis co-
medébant ádipes, * et bibé-
bant vinum libáminum :

Surgant, et opituléntur
vobis, * et in necessitáte vos
prótegant.

Vidéte quod ego sim so-
lus, * et non sit álius Deus
præter me :

Ego occidam, et ego vi-
vere faciā : percútiam, et
ego sanábo, * et non est qui
de manu mea possit erúe-
re.

Levábo ad cælum manum
meam, et dicam : * Vivo ego
in ætérnum.

Si acúero ut fulgur glá-
dium meum, * et arripúerit
judícium manus mea :

Reddam ultiónem hósti-
bus meis, * et his qui odé-
runt me retribuam.

Inebriábo sagittas meas
sánguine, * et gládus meus
devorábit carnes,

De cruóre occisorum, * et
de captivitáte, nudáti ini-
micórum cápitis.

Laudáte gentes pópulum
ejus, * quia sanguíne ser-
vórum suórum ulciscétur :

Et vindictam retribuet in
hostes eōrum, * et propítius
erit terræ pópuli sui.

Ant. Date magnitúdinem
Deo nostro.

Ant. In cýmbalis beneso-
nántibus * laudáte Deum.

Ps. Laudáte Dóminum de cælis. 19.

Capitulum. Rom. 13. d

Nox præcéssit, dies áutem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus.

AURÓRA jam spargit polum :

Terris dies illábitur :

Lucis resúltat spículum :

Discédát omne lúbrium.

Phantásma noctis éxsulet :

Mentis reátus córruat :

Quidquid ténebris hórridum

Nox áttulit culpæ, cadat.

Ut mane, quod nos últimum

Hic deprecámur cérnui,

Cum luce nobis éffluat,

Hoc dum canóre cóncrepat.

Deo Patri sit glória,

Ejúsque soli Filio,

Cum Spiritu Paráclito,

Nunc et per omne sáeculum.

Amen.

℣. Repléti sumus mane misericórdia tua. ℞. Exultávimus, et delectáti sumus.

Ad Bened. Ant. Illumináre * Dómine his, qui in ténebris sedent, et dirige pedes nostros in viam pacis, Deus Israël.

Preces, quando dicendæ sunt, habentur supra in Feria II. 59.

DOMINICA

AD VESPERAS

Pater noster. Ave María.

℣. Deus in adjutórium. 16.

Ant. Dixit Dóminus.

Psalmus 109.

DIXIT Dóminus Dómino meo : * Sede a dextris meis :

Donec ponam inimicos tuos, * scabéllum pedum tuórum.

Virgam virtútis tuæ emittet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctórum : * ex útero ante lucíferum genui te.

Jurávit Dóminus, et non poenitébit eum : * Tu es sacerdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus, implébit ruínas : * conquasábit cápita in terra multórum.

De torrén te in via bibet : * proptérea exaltábit caput.

Ant. Dixit Dóminus Dómino meo : Sede a dextris meis.

Ant. Fidélia.

Psalmus 110.

CONFITÉBOR tibi Dómine in toto corde meo : * in consílio justórum, et congregatióne.

Magna ópera Dómini : * exquisita in omnes voluntates ejus.

Conféssio et magnificéntia opus ejus : * et justitia ejus manet in sæculum sæculi.

Memóriam fecit mirabiliū suórum, miséricors et miserátor Dóminus : * escam dedit timéntibus se.

Memor erit in sæculum testaménti sui : * virtútem óperum suórum annuntiábit pópulo suo :

Ut det illis hereditátem géntium : * ópera mánuum ejus véritas, et judícium.

Fidélia ómnia mandáta ejus : confirmáta in sæculum sæculi, * facta in veritáte et æquitáte.

Redemptiónem misit pópulo suo : * mandávit in ætérnum testaméntum suum.

Sanctum, et terríbile nomen ejus : * initium sapiéntiæ timor Dómini.

Intelléctus bonus ómnibus faciéntibus eum : * laudatio ejus manet in sæculum sæculi.

Ant. Fidélia ómnia mandáta ejus : confirmáta in sæculum sæculi.

Ant. In mandátis.

Psalmus 111.

BEATUS vir, qui timet Dóminum : * in mandátis ejus volet nimis.

Potens in terra erit semen ejus : * generatio rectórum benedicétur.

Glória, et divitiæ in domo ejus : * et justitia ejus manet in sæculum sæculi.

Exórtum est in ténebris lumen rectis : * miséricors, et miserátor, et justus.

Jucúndus homo qui miserétur et cómmodat, dispónet sermónes suos in judicio : * quia in ætérnum non commovébitur.

In memória ætérna erit justus : * ab auditióne mala non timébit.

Parátum cor ejus speráre in Dómino, confirmátum est cor ejus : * non commovébitur donec despiciat inimicos suos.

Dispérsit, dedit paupéribus : justitia ejus manet in sæculum sæculi, * cornu ejus exaltábitur in glória.

Peccátor vidébit, et irascétur, déntibus suis fremet et tabescet : * desidérium peccatórum peribit.

Ant. In mandátis ejus cupit nimis.

Ant. Sit nomen Dómini.

Psalmus 112

LAUDÁTE púeri Dóminum : * laudáte nomen Dómini.

Sit nomen Dómini benedictum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus Deus noster, qui in altis hábitat, *

et humilia respicit in cælo
et in terra?

Suscitans a terra inopem,*
et de stercore erigens pauperem :

Ut collocet eum cum principibus,*
cum principibus populi sui.

Qui habitare facit sterilem
in domo,* matrem filiorum
laetantem.

Ant. Sit nomen Domini
benedictum in sæcula.

Ant. Nos qui vivimus.

Psalmus 113.

IN exitu Israël de Ægypto,*
domus Jacob de populo
barbaro :

Facta est Judæa sanctificatio ejus,*
Israël potestas ejus.

Mare vidit, et fugit : *
Jordanis conversus est retrorsum.

Montes exsultaverunt ut
arietes : * et colles sicut
agni ovium.

Quid est tibi mare quod
fugisti : * et tu Jordanis, quia
conversus es retrorsum?

Montes exsultastis sicut
arietes,* et colles sicut agni
ovium?

A facie Domini mota est
terra,* a facie Dei Jacob :

Qui convertit petram in
stagna aquarum,* et rupem
in fontes aquarum.

Non nobis Domine, non
nobis : * sed nomini tuo da
gloriam.

Super misericordia tua,
et veritate tua : * nequando
dicant gentes : Ubi est Deus
eorum?

Deus autem noster in cælo :
* omnia quaecumque voluit,
fecit.

Simulacra gentium argentum,
et aurum,* opera manuum
hominum.

Os habent, et non loquuntur :
* oculos habent, et non
videbunt.

Aures habent, et non audient :
* nares habent, et non
odorabunt.

Manus habent, et non palpabunt :
pedes habent, et non ambulabunt :
* non clamabunt in gutture suo.

Similes illis fiant qui faciunt
ea : * et omnes qui confidunt
in eis.

Domus Israël speravit in
Domino : * adjutor eorum
et protector eorum est.

Domus Aaron speravit in
Domino : * adjutor eorum et
protector eorum est.

Qui timent Dominum, speraverunt
in Domino : * adjutor eorum
et protector eorum est.

Dominus memor fuit nostri :
* et benedixit nobis :

Benedixit domui Israël : *
benedixit domui Aaron.

Benedixit omnibus, qui
timent Dominum,* pusillis
cum majoribus.

Adjiciat Dominus super
vos : * super vos, et super
filios vestros.

Benedicti vos a Domino,*
qui fecit cælum, et terram.

Cælum cæli Domino : *
terram autem dedit filiis hominum.

Non mórtui laudábunt te
Dómine : * neque omnes,
qui descéndunt in infér-
num.

Sed nos qui vivimus, be-
nedicimus Dómino, * ex hoc
nunc et usque in sæcu-
lum.

Ant. Nos qui vivimus, be-
nedicimus Dómino.

Capitulum. II. Cor. 1.

BENEDÍCTUS Deus, et Pater
Dómini nostri Jesu Chri-
sti, Pater misericordiárum,
et Deus totius consolatiónis,
qui consolátur nos in omni
tribulatióne nostra.

Hymnus.

LUCIS Creátor óptime,
Lucem diérum próferens,
Primórdiis lucis novæ,
Mundi parans originem :

Qui mane junctum vésperi
Diem vocári præcipis :
Illábitur tetrum chaos,
Audi preces cum flétibus.

Ne mens graváta crimine,
Vitæ sit exsul múnere,
Dum nil perénne cógitat,
Seséque culpis illigat.

Cæléste pulset óstium :
Vitále tollat præmium :
Vitémus omne nóxium :
Purgémus omne péssimum.

Præsta, Pater piíssime,
Patrique compar Unice,
Cum Spiritu Paráclito,
Regnans per omne sæculum.

Amen.

V. Dirigátur Dómine orá-
tio mea. *R.* Sicut incénsum
in conspéctu tuo.

*Prædictus Hymnus cum
suo V. dicitur a Dom. III.*

post Pentec. usque ad Ad-
vent. ; Capit. vero prædi-
ctum dicitur in eisdem Dom.
post Pentec. Dicitur etiam
in fer. Offic. ab Oct. Pentec.
usque ad Advent. Similiter
et *VV.* : *Ant.* autem cum
Pss. semper dicuntur ut su-
pra, quando fit Offic. de
Dom.

Canticum B. Mariæ Virg.

Lucæ 1. c

MAGNÍFICAT * ánima mea
Dóminum :

Et exsultávit spiritus meus*
in Deo salutári meo.

Quia respéxit humilitátem
ancillæ suæ : * ecce enim ex
hoc beátam me dicent omnes
generatiónes.

Quia fecit mihi magna qui
potens est : * et sanctum no-
men ejus.

Et misericórdia ejus a pro-
génie in progénies * timénti-
bus eum.

Fecit poténtiam in brá-
chio suo : * dispérsit supér-
bos mente cordis sui.

Depósuit poténtes de se-
de, * et exaltávit húmi-
les.

Esuriéntes implévit bo-
nis : * et dívites dimisit iná-
nes.

Suscépit Israël púerum
suum, * recordátus miseri-
córdiæ suæ.

Sicut locútus est ad pa-
tres nostros, * Abraham, et
sémini ejus in sæcula.

Glória Patri.

Deinde dicitur Antiphona
et Oratio propria.

FERIA SECUNDA

AD VESPERAS

Ant. Inclínávit.*Psalmus 114.*

DILÉXI, quóniam exáudiet
Dóminus * vocem ora-
tiónis meæ.

Quia inclinávit áurem su-
am mihi : * et in diébus meis
invocábo.

Circumdederunt me do-
lóres mortis : * et pericula
inférni invenérunt me.

Tribulationem et dolórem
inveni : * et nomen Dómini
invocávi.

O Dómine libera ánimam
meam : * miséricors Dómi-
nus, et justus, et Deus no-
ster miserétur.

Custódiens párvulos Dó-
minus : * humiliátus sum,
et liberávit me.

Convértere ánima mea in
réquiem tuam : * quia Dó-
minus benefécit tibi.

Quia eripuit ánimam me-
am de morte : * óculos meos
a lácrymis, pedes meos a
lapsu.

Placébo Dómino * in re-
gióne vivórum.

Ant. Inclínávit Dóminus
áurem suam mihi.

Ant. Crédidi.*Psalmus 115.*

CRÉDIDI, propter quod lo-
cútus sum : * ego áutem
humiliátus sum nimis.

Ego dixi in excéssu meo : *
Omnis homo mendax.

Quid retribuam Dómino, *

pro ómnibus, quæ retribuit
mihi?

Cálicem salutáris acci-
píam : * et nomen Dómini
invocábo.

Vota mea Dómino red-
dam coram omni pópulo
ejus : * pretiósá in conspé-
ctu Dómini mors sanctó-
rum ejus :

O Dómine quia ego servus
tuus : * ego servus tuus, et
filius ancillæ tuæ.

Dirupísti víncula mea : *
tibi sacrificábo hóstiam láu-
dis, et nomen Dómini invo-
cábo.

Vota mea Dómino red-
dam in conspéctu omnis
pópuli ejus : * in átriis do-
mus Dómini, in médio tui
Jerúsalem.

Ant. Crédidi, propter quod
locútus sum.

Ant. Laudáte.*Psalmus 116.*

LAUDÁTE Dóminum omnes
gentes : * laudáte eum
omnes pópuli :

Quóniam confirmáta est
supernos misericórdia ejus : *
et véritas Dómini manet in
ætérnum.

Ant. Laudáte Dóminum
omnes gentes.

Ant. Clamávi.*Psalmus 119.*

AD Dóminum cum tribu-
lárer clamávi : * et ex-
audivit me.

Dómine libera ánimam
meam a lábiis iniquis, * et
a lingua dolósa.

Quid detur tibi, aut quid

apponátur tibi, * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : * multum íncola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Ant. Clamávi, et exaudivit me.

Ant. Unde véniet.
Psalmus 120.

LEVÁVI óculos meos in montes, * unde véniet auxílium mihi.

Auxílium meum a Dómino, * qui fecit cælum et terram.

Non det in commotiónem pedem tuum : * neque dormítet qui custódit te.

Ecce non dormitábit neque dórmiet, * qui custódit Israël.

Dóminus custódit te, Dóminus protéctio tua, * super manum dexteram tuam.

Per diem sol non uret te : * neque luna per noctem.

Dóminus custódit te ab omni malo : * custódiat ánimam tuam Dóminus.

Dóminus custódiat intróitum tuum, et éxitum tuum : * ex hoc nunc, et usque in sáeculum.

Ant. Unde véniet auxílium mihi.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra.

Hymnus.

IMMÉNSE cæli Córditor,
Qui mixta ne confúnderent,

Aquæ fluénta dividens,
Cælum dedísti límitem.

Firmans locum cælestibus,
Simúlque terræ rívilis;
Ut unda flammás témperet,
Terræ solum ne díssipent.

Infúnde nunc, piíssime,
Donum perénnis grátiae :
Fráudis novæ ne cásibus
Nos error átterat vetus.

Lucem fides adáugeat :
Sic lúminis jubar ferat :
Hæc vana cuncta próterat :
Hanc falsa nulla cómprimant.

Præsta, Pater piíssime,
Patrique compar Unice,
Cum Spíritu Paráclito
Regnans per omne sáeculum.
Amen.

N. Dirigátur Dómine orátio mea. *R.* Sicut incénsum in conspéctu tuo.

Ad Magnif. Ant. Magnificat * ánima mea Dóminum, quia respéxit Deus humilitátem meam.

In Feriis Vigiliarum, quæ jejunantur post Ant. ad Magnificat, dicuntur sequentes Preces flexis genibus, si dicendæ sint.

KYRIE eléison. Christe eléison.
son. Kýrie eléison.

Pater noster. **totum dicitur clara voce.**

Ÿ. Et ne nos indúcas in tentatióem. **R.** Sed libera nos a malo.

Ÿ. Ego dixi : Dómine miserére mei. **R.** Sana ánimam meam, quia peccávi tibi.

Ÿ. Convértere Dómine úsquequo. **R.** Et deprecábilis esto super servos tuos.

Ÿ. Fiat misericórdia tua Dómine super nos. **R.** Quemádmódum sperávinus in te.

Ÿ. Sacerdótes tui induántur justitiam. **R.** Et sancti tui exsúltent.

Ÿ. Dómine saluum fac regem. **R.** Et exáudi nos in die, qua invocáverimus te.

Ÿ. Saluum fac pópulum tuum Dómine, et bénedic hereditáti tuæ. **R.** Et rege eos, et extólle illos usque in ætérnum.

Ÿ. Meménto congregatiónis tuæ. **R.** Quam possedisti ab initio.

Ÿ. Fiat pax in virtúte tua. **R.** Et abundántia in túrribus tuis.

Ÿ. Orémus pro fidélibus defúctis. **R.** Réquiem ætérnam dona eis Dómine, et lux perpétua lúceat eis.

Ÿ. Requíescent in pace. **R.** Amen.

Ÿ. Pro frátribus nostris abséntibus. **R.** Salvos fac servos tuos, Deus meus, sperántes in te.

Ÿ. Pro afflictis et captivis. **R.** Libera eos Deus Israël ex ómnibus tribulatióibus suis.

Ÿ. Mitte eis Dómine auxilium de sancto. **R.** Et de Sion tuére eos.

Ÿ. Dómine exáudi oratióem meam. **R.** Et clamor meus ad te véniat.

Deinde dicitur

Ps. 50. Miserére mei Deus. ut in Fer. II. ad Laud. 56.

Finito Psalmo, dicitur

Ÿ. Dómine Deus virtútum, convérte nos. **R.** Et osténde faciém tuam, et salvi érimus.

Ÿ. Exsúrge Christe, ádjuva nos. **R.** Et libera nos propter nomen tuum.

Ÿ. Dómine exáudi oratióem meam. **R.** Et clamor meus ad te véniat.

Ÿ. Dóminus vobiscum. **R.** Et cum spíritu tuo.

Oratio, quando propria non assignatur, dicitur de Dom. præced., ut habetur in Proprio de Tempore.

Ant. cum Pss. semper dicuntur ad Vesp. in Offic. fer., ut hic in Psalt. : Hymni vero ab Oct. Pentec. usque ad Adventum; Ant. autem ad Magnificat eodem tempore.

FERIA TERTIA

AD VESPERAS

Ant. In domum Dómini.

Psalmus 121.

LÆTÁTUS sum in his, quæ dicta sunt mihi : * In domum Dómini ibimus.

Stantes erant pedes nostri, * in átriis tuis Jerúsalem.

Jerúsalem, quæ ædificá-
tur ut civitas : * cujus parti-
cipatio ejus in idipsum.

Illuc enim ascenderunt
tribus, tribus Dómini : *
testimónium Israël ad con-
fiténdum nómini Dómini.

Quia illic sederunt sedes
in iudicio, * sedes super
domum David.

Rogáte quæ ad pacem
sunt Jerúsalem : * et abun-
dántia diligéntibus te.

Fiat pax in virtúte tua : *
et abundántia in túrribus
tuis.

Propter fratres meos, et
próximos meos, * loquébar
pacem de te :

Propter domum Dómini
Dei nostri, * quæsivi bona
tibi.

Ant. In domum Dómini
lætántes ibimus.

Ant. Qui hábitas.

Psalmus 122.

Ad te levávi óculos meos, *
qui hábitas in cælis.

Ecce sicut óculi servó-
rum, * in mánibus dominó-
rum suórum,

Sicut óculi ancillæ in má-
nibus dómínæ suæ : * ita
óculi nostri ad Dóminum
Deum nostrum donec mise-
reátur nostri.

Miserére nostri Dómine,
miserére nostri : * quia mul-
tum repléti sumus despe-
ctióne :

Quia multum repléta est
ánima nostra : * oppróbrium
abundántibus, et despéctio
supérbis.

Ant. Qui hábitas in cælis,
miserére nobis.

Ant. Adjutórium.

Psalmus 123.

Nisi quia Dóminus erat in
nobis, dicat nunc Is-
raël : * nisi quia Dóminus
erat in nobis,

Cum exsúrgerent hómines
in nos, * forte vivos deglu-
tissent nos :

Cum irascerétur furor
eórum in nos, * fórsitan
aqua absorbuisset nos.

Torréntem pertransívit
ánima nostra : * fórsitan
pertransisset ánima nostra
aquam intolerábilem.

Benedictus Dóminus * qui
non dedit nos in captiónem
déntibus eórum.

Anima nostra sicut passer
erépta est * de láqueo venán-
tium :

Láqueus contritus est, * et
nos liberáti sumus.

Adjutórium nostrum in
nómine Dómini, * qui fecit
cælum et terram.

Ant. Adjutórium nostrum
in nómine Dómini.

Ant. Bénefac.

Psalmus 124.

Qui confidunt in Dómino,
sicut mons Sion : * non
commovébitur in ætérnum,
qui hábitat in Jerúsalem.

Montes in circúitu ejus : *
et Dóminus in circúitu pó-
puli sui, ex hoc nunc et
usque in sæculum.

Quia non relinquet Dómi-
nus virgam peccatórum su-
per sortem justórum : * ut

non exténdant iusti ad iniquitátem manus suas.

Bénéfac Dómine bonis, *
et rectis corde.

Declinántes áutem in obligatiónes addúcet Dóminus cum operántibus iniquitátem : * pax super Israël.

Ant. Bénéfac Dómine bonis, et rectis corde.

Ant. Facti sumus.

Psalmus 125.

IN converténdo Dóminus captivitátem Sion : * facti sumus sicut consoláti.

Tunc replétum est gáudio os nostrum, * et lingua nostra exsultatióne.

Tunc dicent inter gentes : * Magnificávit Dóminus fácere cum eis.

Magnificávit Dóminus fácere nobíscum : * facti sumus lætántes.

Convérte Dómine captivitátem nostram, * sicut torrens in Austro.

Qui sémant in lácrymis, * in exsultatióne metent.

Eúntes ibant et flebant, * mitténtes sémina sua.

Veniéntes áutem vénient cum exsultatióne, * portántes manipulos suos.

Ant. Facti sumus sicut consoláti.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra.

Hymnus.

TELLÚRIS alme Córditor,
Mundi solum qui séparans,

Pulsis aquæ moléstis,
Terram dedisti immóbilem :
Ut germen aptum próferens,

Fulvis decóra flóribus,
Fecúnda fructu sísteret,
Pastúmque gratum rédderet.

Mentis perústæ vúlnera
Munda viróre grátiae :
Ut facta fletu díluat,
Motúsque pravos átterat.

Jussis tuis obtémperet :
Nullis malis appróximet :
Bonis repléri gáudeat,
Et mortis ictum nésciat.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

V. Dirigátur Dómine oratio mea. *R.* Sicut incénsum in conspéctu tuo.

Ad Magnif. Ant. Exsúltet * spiritus meus in Deo salutári meo.

Preces, quando dicendæ sunt, habentur supra in Vesp. Fer. II. 129.

FERIA QUARTA

AD VESPERAS

Ant. Non confundétur.

Psalmus 126.

NISI Dóminus ædificáverit domum, * in vanum laboravérunt qui ædificant eam.

Nisi Dóminus custodierit

civitatem, * frustra vigilat
qui custodit eam.

Vanum est vobis ante lu-
cem surgere : * surgite post-
quam sederitis, qui mandu-
catis panem doloris.

Cum dederit dilectis suis
somnum : * ecce hereditas
Domini filii : merces, fru-
ctus ventris.

Sicut sagittæ in manu po-
tentis : * ita filii excussorum.

Beatus vir qui implevit de-
siderium suum ex ipsis : *
non confundetur cum loquē-
tur inimicis suis in porta.

Ant. Non confundetur cum
loquētur inimicis suis in
porta.

Ant. Beāti.

Psalmus 127.

BEÁTI omnes, qui timent
Dóminum, * qui ámbu-
lant in viis ejus.

Labóres mánuum tuárum
quia manducabis : * beátus
es, et bene tibi erit.

Uxor tua sicut vitis abún-
dans, * in latéribus domus
tuæ.

Filii tui sicut novellæ oli-
várum, * in circúitu mensæ
tuæ.

Ecce sic benedicetur ho-
mo, * qui timet Dóminum.

Benedicat tibi Dóminus ex
Sion : * et videas bona Jerú-
salem ómnibus diébus vitæ
tuæ.

Et videas filios filiórum
tuórum, * pacem super Is-
raël.

Ant. Beāti omnes, qui ti-
ment Dóminum.

Ant. Sæpe.

Psalmus 128.

SÆPE expugnáverunt me
a juventúte mea, * dicat
nunc Israël :

Sæpe expugnáverunt me
a juventúte mea : * étenim
non potuérunt mihi.

Supra dorsum meum fa-
bricáverunt peccatóres : *
prolongáverunt iniquitatem
suam.

Dóminus justus concidit
cervices peccatórum : * con-
fundántur et convertántur
retrórsus omnes, qui odé-
runt Sion.

Fiant sicut fœnum tectó-
rum : * quod priúsqvam evel-
látur, exáruit :

De quo non implevit ma-
num suam qui metit, * et
sinum suum qui manípulos
cólligit.

Et non dixerunt qui præ-
teribant : Benedictio Dómini
super vos : * benediximus
vobis in nómine Dómini.

Ant. Sæpe expugnáverunt
me a juventúte mea.

Ant. De profúndis.

Psalmus 129.

DE profúndis clamávi ad
te Dómine : * Dómine
exáudi vocem meam :

Fiant áures tuæ intendén-
tes, * in vocem deprecationis
meæ.

Si iniquitates observáve-
ris Dómine : * Dómine quis
sustinébit?

Quia apud te propitiatio
est : * et propter legem tuam
sustinui te Dómine.

Sustinuit ánima mea in verbo ejus : * sperávit ánima mea in Dómino.

A custódia matutina usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse rédimet Israël, * ex ómnibus iniquitatibus ejus.

Ant. De profúndis clamávi ad te Dómine.

Ant. Speret.

Psalmus 130.

DÓMINE non est exaltátum cor meum : * neque eláti sunt óculi mei.

Neque ambulávi in magnis : * neque in mirabilibus super me.

Si non humiliter sentiébam : * sed exaltávi ánimam meam.

Sicut ablactátus est super matre sua, * ita retribútio in ánima mea.

Speret Israël in Dómino, * ex hoc nunc, et usque in sæculum.

Ant. Speret Israël in Dómino.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra.

Hymnus.

CÆLI Deus sanctissime,
 Qui lúcidas mundi plagas
 Candóre pingis igneo,
 Augens decóro lúmine :

Quarto die qui flámmeam
 Dum solis accéndis rotam,
 Lunæ ministras órduem,
 Vagósque cursus siderum :

Ut nóctibus, vel lúmini
 Diremptiόνis términum,
 Primórdiis et ménsium
 Signum dares notíssimum ;

Expélle noctem córdium :
 Abstérge sordes méntium :
 Resólve culpæ vñculum :
 Evérte moles criminum.

Præsta, Pater piíssime,
 Patrique compar Unice,
 Cum Spíritu Paráclito
 Regnans per omne sæculum.
 Amen.

V. Dirigátur Dómine orátio mea. *R.* Sicut incénsum in conspéctu tuo.

Ad Magnif. Ant. Respéxit * Dóminus humilitátem meam, et fecit in me magna, qui potens est.

Preces, quando dicendæ sunt, habentur supra in Vesp. Fer. II. 129.

FERIA QUINTA

AD VESPERAS

Ant. Et omnis.

Psalmus 131.

MEMÉNTO Dómine David, * et omnis mansuetúdinis ejus :

Sicut jurávit Dómino, * votum vovit Deo Jacob :

Si introíero in tabernáculum domus meæ, * si ascéndero in lectum strati mei :

Si dédero somnum óculis meis, * et pálpebris meis dormitatióne :

Et réquiem tempóribus

meis : donec invéniam locum Dómino, * tabernáculum Deo Jacob.

Ecce audivimus eam in Ephrata : * invenimus eam in campis silvæ.

Introibimus in tabernáculum ejus : * adorábitus in loco, ubi steterunt pedes ejus.

Surge Dómine in réquiem tuam, * tu et arca sanctificationis tuæ.

Sacerdotes tui induántur justitiam : * et sancti tui exsúltent.

Propter David servum tuum, * non avértas faciém Christi tui.

Jurávit Dóminus David veritatem, et non frustrábitur eam : * de fructu ventris tui ponam super sedem tuam.

Si custodierint filii tui testaméntum meum, * et testimónia mea hæc, quæ docébo eos :

Et filii eórum usque in sæculum, * sedébunt super sedem tuam.

Quóniam elégit Dóminus Sion : * elégit eam in habitationem sibi.

Hæc réquies mea in sæculum sæculi : * hic habitábo quóniam elégi eam.

Viduam ejus benedicens benedicam : * páuperes ejus saturábo pánibus.

Sacerdotes ejus induam salutári : * et sancti ejus exsultatione exsultábunt.

Illuc producam cornu David, * parávi lucérnam Christo meo.

Inimicosejus induam confusione : * super ipsum autem efflorébit sanctificatio mea.

Ant. Et omnis mansuetudinis ejus.

Ant. Ecce.

Psalmus 132.

ECCE quam bonum, et quam jucúndum * habitáre fratres in unum :

Sicut unguéntum in cápite, * quod descendit in barbam, barbam Aaron,

Quod descendit in oram vestiménti ejus : * sicut ros Hermon, qui descendit in montem Sion.

Quóniam illic mandávit Dóminus benedictionem, * et vitam usque in sæculum.

Ant. Ecce quam bonum, et quam jucúndum habitáre fratres in unum.

Ant. Omnia.

Psalmus 134.

LAUDÁTE nomen Dómini, * laudáte servi Dóminum.

Qui statis in domo Dómini, * in átriis domus Dei nostri.

Laudáte Dóminum, quia bonus Dóminus : * psállite nómini ejus, quóniam suáve.

Quóniam Jacob elégit sibi Dóminus, * Israël in possessionem sibi.

Quia ego cognóvi quod magnus est Dóminus, * et Deus noster præ ómnibus diis.

Omnia quaecúmque vóluit, Dóminus fecit in cælo, et in terra, * in mari, et in ómnibus abyýssis.

Edúcens nubes ab extrémō terræ : * fúlgura in plúviam fecit.

Qui producit ventos de thesáuris suis : * qui percússit primogénita Ægýpti ab hómine usque ad pecus.

Et misit signa, et prodigia in médio tui Ægýpte : * in Pharaónem, et in omnes servos ejus.

Qui percússit gentes multas : * et occidit reges fortes :

Sehon regem Amorrhæorum, et Og regem Basan, * et ómnia regna Chánaan.

Et dedit terram eórum hereditátem, * hereditátem Israël pópulo suo.

Dómine nomen tuum in ætérnum : * Dómine memoriale tuum in generatióem et generatióem.

Quia judicábit Dóminus pópulum suum : * et in servis suis deprecábitur.

Simulácra géntium argéntum, et áurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non audient : * neque enim est spíritus in ore ipsórum.

Similes illis fiant qui faciunt ea : * et omnes, qui confidunt in eis.

Domus Israël benedicite Dómino : * domus Aaron benedicite Dómino.

Domus Levi benedicite Dómino : * qui timétis Dóminum, benedicite Dómino.

Benedictus Dóminus ex Sion, * qui hábitat in Jerúsalem.

Ant. Omnia quæcúmque vóluit, Dóminus fecit.

Ant. Quóniam in ætérnum.

Psalmus 135.

CONFITÉMINI Dómino quóniam bonus : * quóniam in ætérnum misericórdia ejus.

Confitémini Deo deórum : * quóniam in ætérnum misericórdia ejus.

Confitémini Dómino dominórum : * quóniam in ætérnum misericórdia ejus.

Qui facit mirabilia magna solus : * quóniam in ætérnum misericórdia ejus.

Qui fecit cælos in intellectu : * quóniam in ætérnum misericórdia ejus.

Qui firmávit terram super aquas : * quóniam in ætérnum misericórdia ejus.

Qui fecit luminária magna : * quóniam in ætérnum misericórdia ejus.

Solem in potestátem diéi : * quóniam in ætérnum misericórdia ejus.

Lunam, et stellas in potestátem noctis : * quóniam in ætérnum misericórdia ejus.

Qui percússit Ægýptum cum primogénitis eórum : * quóniam in ætérnum misericórdia ejus.

Qui edúxit Israël de médio eórum : * quóniam in ætérnum misericórdia ejus.

In manu poténti, et bráchio excélso : * quóniam in ætérnum misericórdia ejus.

Qui divisit mare Rubrum
in divisiões : * quóniam
in ætérnum misericórdia
ejus.

Et edúxit Israël per mé-
dium ejus : * quóniam in
ætérnum misericórdia ejus.

Et excússit Pharaónem, et
virtútem ejus in mari Ru-
bro : * quóniam in ætérnum
misericórdia ejus.

Qui tradúxit pópulum su-
um per désertum : * quóniam
in ætérnum misericórdia
ejus.

Qui percússit reges ma-
gnos : * quóniam in ætér-
num misericórdia ejus.

Et occidit reges fortes : *
quóniam in ætérnum mise-
ricórdia ejus.

Sehon regem Amorrhæó-
rum : * quóniam in ætérnum
misericórdia ejus.

Et Og regem Basan : * quó-
niam in ætérnum misericór-
dia ejus.

Et dedit terram eórum
hereditátem : * quóniam in
ætérnum misericórdia ejus.

Hereditátem Israël servo
suo : * quóniam in ætérnum
misericórdia ejus.

Quia in humilitáte nostra
memor fuit nostri : * quó-
niam in ætérnum misericór-
dia ejus.

Et redémit nos ab inimicis
nostris : * quóniam in ætér-
num misericórdia ejus.

Qui dat escam omni car-
ni : * quóniam in ætérnum
misericórdia ejus.

Confitémini Deo cæli : *

quóniam in ætérnum mise-
ricórdia ejus.

Confitémini Dómino do-
minórum : * quóniam in
ætérnum misericórdia ejus.

Ant. Quóniam in ætérnum
misericórdia ejus.

Ant. Hymnum cantáte.

Psalmus 136.

SUPER flúmina Babylónis,
illic sédimus et flévimus : *
cum recordarémur Sion :

In salicibus in médio ejus, *
suspendimus órgana nostra.

Quia illic interrogavérunt
nos, qui captívos duxérunt
nos, * verba cantiónum :

Et qui abduxérunt nos : *
Hymnum cantáte nobis de
cánticis Sion.

Quómodo cantábimus cán-
ticum Dómini * in terra
aliéna?

Si oblitus fúero tui Jerú-
salem, * oblivióni detur dex-
tera mea.

Adhæreat língua mea fáu-
cibus meis, * si non memi-
nero tui :

Si non proposúero Jerúsa-
lem, * in princípio lætitiæ
meæ.

Memor esto Dómine filió-
rum Edom, * in die Jerúsa-
lem :

Qui dicunt : Exinaníte,
exinaníte * usque ad funda-
méntum in ea.

Filia Babylónis mísera : *
beátus, qui retribuet tibi
retributiónem tuam, quam
retribuísti nobis.

Beátus, qui tenébit, * et allí-
det párvulos tuos ad petram.

Ant. Hymnum cantáte nobis de cánticis Sion.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra.

Hymnus.

MAGNÆ Deus poténtiæ,
Qui fértili natos aqua
Partim relinquis gúrgiti,
Partim levas in áëra.

Demersa lymphis impi-
mens,

Subvécta cælis érigens :
Ut stirpe ab una pródita
Diversa répleant loca :

Largire cunctis sérvulis,
Quos mundat unda sánguini-
nis,

Nescire lapsus criminum,
Nec ferre mortis tædium :

Ut culpa nullum depri-
mat :

Nullum éfferat jactántia :
Elisa mens ne cóncidat :
Eláta mens ne córruat.

Præsta, Pater piissime,
Patrique compar Unice,
Cum Spíritu Paráclito
Regnans per omne sæculum.
Amen.

V. Dirigátur Dómine orátio mea. **R.** Sicut incénsum in conspéctu tuo.

Ad Magnif. Ant. Fac Deus * poténtiam in bráchio tuo : dispérde supérbos, et exálta húmiles.

Preces, quando dicendæ sunt, habentur supra in Vesp. Fer. II. 129.

FERIA SEXTA

AD VESPERAS

Ant. In conspéctu.

Psalmus 137.

CONFITÉBOR tibi Dómine in toto corde meo : * quóniam audisti verba oris mei.

In conspéctu Angelórum psallam tibi : * adorábo ad templum sanctum tuum, et confitébor nómini tuo.

Super misericórdia tua, et veritáte tua : * quóniam magnificásti super omne, nomen sanctum tuum.

In quacúmque die invocávero te, exáudi me : * multiplicábis in ánima mea virtutem.

Confiteántur tibi Dómine omnes reges terræ : * quia audiérunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humilia réspicit : * et alta a longe cognóscit.

Si ambulávero in médio tribulatiónis, vivificábis me : * et super iram inimicórum meórum extendisti manum tuam, et salvum me fecit délixtera tua.

Dóminus retribuet pro me : * Dómine misericórdia tua in sæculum : ópera mánuum tuárum ne despicias.

Ant. In conspéctu Angelórum psallam tibi Deus meus.

Ant. Dómine.

Psalmus 138.

DÓMINE probásti me, et cognovísti me : * tu cognovísti sessiónem meam, et resurrectionem meam.

Intellexisti cogitatiónes meas de longe : * sémitam meam, et funiculum meum investigásti.

Et omnes vias meas prævidisti : * quia non est sermo in lingua mea.

Ecce Dómine tu cognovísti ómnia novíssima, et antiqua : * tu formásti me, et posuísti super me manum tuam.

Mirábilis facta est sciéntia tua ex me : * confortáta est, et non pótero ad eam.

Quo ibo a spíritu tuo? * et quo a fácie tua fúgiam?

Si ascéndero in cælum, tu illic es : * si descéndero in inférnum, ades.

Si sumpsero pennas meas dilúculo, * et habitávero in extrémis maris :

Etenim illuc manus tua dedúcet me : * et tenébit me dextera tua.

Et dixi : Fórsitan ténebræ conculcábunt me : * et nox illuminátio mea in delíciis meis.

Quia ténebræ non obscurabúntur a te, et nox sicut dies illuminábitur : * sicut ténebræ ejus, ita et lumen ejus.

Quia tu possedisti renes meos : * suscepisti me de útero matris meæ.

Confitébor tibi quia terri-

bíliter magnificátus es : * mirabilia ópera tua, et ánima mea cognóscit nimis.

Non est occultátum os meum a te, quod fecisti in occulto : * et substántia mea in inferióribus terræ.

Imperféctum meum vidé-runt óculi tui, et in libro tuo omnes scribéntur : * dies formabúntur, et nemo in eis.

Mihi áutem nimis honorificáti sunt amici tui Deus : * nimis confortátus est princípatus eórum.

Dinumerábo eos, et super arénam multiplicabúntur : * exsurrexi, et adhuc sum tecum.

Si occideris Deus peccatóres : * viri sánguinem declínate a me :

Quia dicitis in cogitatíone : * accipient in vanitáte civitátes tuas.

Nonne qui odérunt te Dómine, óderam? * et super inimicos tuos tabescébam?

Perfécto ódio óderam illos : * et inimici facti sunt mihi.

Proba me Deus, et scito cor meum : * intéroga me, et cognósce sémitas meas.

Et vide, si via iniquitátis in me est : * et deduc me in via æténa.

Ant. Dómine probásti me, et cognovísti me.

Ant. A viro iníquo.

Psalmus 139.

ERIPE me Dómine ab hómine malo : * a viro iníquo éripe me.

Qui cogitavérunt iniquitates in corde : * tota die constituébant prælia.

Acuérunt linguas suas sicut serpéntis : * venénium áspidum sub lábiis eórum.

Custódi me Dómine de manu peccatóris : * et ab hominibus iniquis éripe me.

Qui cogitavérunt supplantáre gressus meos : * absconderunt supérbi láqueum mihi :

Et funes extendérunt in láqueum : * juxta iter scándalum posuérunt mihi.

Dixi Dómino : Deus meus es tu : * exáudi Dómine vocem deprecationis meæ.

Dómine, Dómine virtus salútis meæ : * obumbrásti super caput meum in die belli :

Ne tradas me Dómine a desidério meo peccatóri : * cogitavérunt contra me, ne derelinquas me, ne forte exalléntur.

Caput circúitus eórum : * labor labiórum ipsórum opéret eos.

Cadent super eos carbónes, in ignem dejicies eos : * in misériis non subsistent.

Vir linguósus non dirigétur in terra : * virum injústum mala cápient in interitu.

Cognóvi quia fáciét Dóminus júdiciú inopis : * et vindictam páuperum.

Verúmtamen jústi confitebúntur nómini tuo : * et habitábunt recti cum vultu tuo.

Ant. A viro iníquo libera me Dómine.

Ant. Dómine.

Psalmus 140.

DÓMINE clamávi ad te, exáudi me : * inténde voci meæ, cum clamávero ad te.

Dirigátur orátio mea sicut incénsus in conspéctu tuo : * elevátio mánuum meárum sacrificiú vespertínus.

Pone Dómine custódiam ori meo : * et óstium circumstántiæ lábiis meis.

Non declines cor meum in verba malitiæ, * ad excusándas excusatiónes in peccátis.

Cum hominibus operántibus iniquitátem : * et non comunicábo cum eléctis eórum.

Corrípiet me jústus in misericórdia, et increpábit me : * óleum áutem peccatóris non impínguet caput meum.

Quóniam adhuc et orátio mea in beneplácitis eórum : * absórpti sunt juncti petræ júdices eórum.

Audient verba mea quóniam potuérunt : * sicut crassitúdo terræ erúpta est super terram.

Dissipáta sunt ossa nostra secus inférnum : * quia ad te Dómine, Dómine óculi mei : in te sperávi, non áuferas ánimam meam.

Custódi me a láqueo, quem statuérunt mihi : * et a scándalis operántium iniquitátem.

Cadent in retiáculo ejus

peccatóres : * singuláriter
sum ego donec tránseam.

Ant. Dómine clamávi ad
te, exáudi me.

Ant. Pórtio mea.

Psalmus 141.

VOCE mea ad Dóminum
clamávi : * voce mea ad
Dóminum deprecátus sum :
Effúndo in conspéctu ejus
oratióem meam, * et tribu-
latiόem meam ante ipsum
pronúntio.

In deficiéndo ex me spíri-
tum meum, * et tu cogno-
visti sémitas meas.

In via hac, qua ambulá-
bam, * abscondérunt lá-
queum mihi.

Considerábam ad dexte-
ram et vidébam : * et non
erat qui cognósceret me.

Périit fuga a me, * et non est
qui requírat ánimam meam.

Clamávi ad te Dómine, *
dixi : Tu es spes mea, pórtio
mea in terra vivéntium.

Inténde ad deprecatiόem
meam : * quia humiliátus
sum nimis.

Libera me a persecuénti-
bus me : * quia confortáti
sunt super me.

Educ de custódia ánimam
meam ad confiténdum nó-
mini tuo : * me expéctant
justi, donec retribuas mihi.

Ant. Pórtio mea Dómine
sit in terra vivéntium.

Capitulum. II. Cor. 1.

BENEDÍCTUS Deus, et Pater
Dómini nostri Jesu Chri-
sti, Pater misericordiárum,
et Deus totiús consolatiόnis,

qui consolátur nos in omni
tribulatiόe nostra.

Hymnus.

HÓMINIS supérne Cónditor,
Qui cuncta solus órdi-
nans,

Humum jubes producere
Reptántis et feræ genus :

Et magna rerum córpora,
Dictu jubéntis vívida,
Per témporum certas vices
Obtemperáre sérvulis :

Repélle, quod cupidinis
Ciénte vi nos impetit,
Aut móribus se súggerit,
Aut áctibus se intérsarit.

Da gaudiórum præmia,
Da gratiárum múnera :
Dissólve litis víncula :
Adstringe pacis fœdera.

Præsta, Pater piíssime,
Patrique compar Unice,
Cum Spíritu Paráclito
Regnans per omne sáculum.
Amen.

V. Dirigátur Dómine orá-
tio mea. *R.* Sicut incénsum
in conspéctu tuo.

Ad Magnif. Ant. Depósuit *
poténtes, sanctos perse-
quéntes : et exaltávit húmi-
les, Christum confiténtes.

*Preces, quando dicendæ
sunt, habentur supra in
Vesp. Fer. II. 129.*

SABBATO

AD VESPERAS

Ant. Benedictus.

Psalmus 143.

BENEDÍCTUS Dóminus Deus
meus, qui docet manus
meas ad prælium, * et digi-
tos meos ad bellum.

Misericórdia mea, et refúgium meum : * suscéptor meus, et liberátor meus :

Protéctor meus, et in ipso sperávi : * qui subdit pópulum meum sub me.

Dómine quid est homo, quia innotuísti ei? * aut filius hóminis, quia réputas eum?

Homo vanitáti similis factus est : * dies ejus sicut umbra prætereunt.

Dómine inclína cælostuos, et descénde : * tange montes, et fumigábunt.

Fúlgura coruscationem, et dissipábis eos : * emitte sagittas tuas, et conturbábis eos :

Emitte manum tuam de alto, éripe me, et libera me de aquis multis : * de manu filiórum alienórum.

Quorum os locútum est vanitátem : * et dextera eórum, dextera iniquitátis.

Deus cánticum novum cantábo tibi : * in psalterio, decachórdo psallam tibi.

Qui das salútem régibus : * qui redemisti David servum tuum de gládio maligno, éripe me.

Et érue me de manu filiórum alienórum, quorum os locútum est vanitátem : * et dextera eórum, dextera iniquitátis :

Quorum filii, sicut novellæ plantatiónes * in juventúte sua.

Filiæ eórum compósitæ : * circumornatæ ut similitúdo templi.

Promptuária eórum ple-

na, * eructántia ex hoc in illud.

Oves eórum foetósæ, abundántes in egréssibus suis : * boves eórum crassæ.

Non est ruina maceriæ, neque tránsitus : * neque clamor in platéis eórum.

Beátum dixerunt pópulum, cui hæc sunt : * beátus pópulus, cujus Dóminus Deus ejus.

Ant. Benedictus Dóminus Deus meus.

Ant. Per singulos dies.

Psalmus 144.

EXALTÁBO te Deus meus rex : * et benedicam nómini tuo in sæculum, et in sæculum sæculi.

Per singulos dies benedicam tibi : * et laudábo nomen tuum in sæculum, et in sæculum sæculi.

Magnus Dóminus et laudábilis nimis : * et magnitudinis ejus non est finis.

Generatio et generatio laudábit ópera tua : * et poténtiam tuam pronuntiábunt.

Magnificéntiam glóriæ sanctitátis tuæ loquéntur : * et mirabilia tua narrábunt.

Et virtútem terribilium tuórum dicent : * et magnitudinem tuam narrábunt.

Memóriam abundantiae suavitátis tuæ eructábunt : * et justitia tua exsultábunt.

Miserátor et miséricors Dóminus : * pátiens, et multum miséricors.

Suávis Dóminus univérsis : * et miseratiónes ejus super ómnia ópera ejus.

Confiteántur tibi Dómine
ómnia ópera tua : * et sancti
tui benedicant tibi.

Glóriam regni tui dicent : *
et poténtiam tuam loquén-
tur :

Ut notam fáciant filiis hó-
minum poténtiam tuam : *
et glóriam magnificéntiæ re-
gni tui.

Regnum tuum regnum
ómniū sæculórum : * et
dominátio tua in omni gene-
ratione et generationem.

Fidélis Dóminus in ómni-
bus verbis suis : * et sanctus
in ómnibus opéribus suis.

Allevat Dóminus omnes
qui córruunt : * et érigit
omnes elisos.

Oculi ómnium in te spe-
rant Dómine : * et tu das
escam illórum in témpore
opportúno.

Aperis tu manum tuam : *
et imples omne ánimál be-
nedictione.

Justus Dóminus in ómni-
bus viis suis : * et sanctus in
ómnibus opéribus suis.

Prope est Dóminus ómni-
bus invocántibus eum : *
ómnibus invocántibus eum
in veritate.

Voluntátem timéntium se
fáciat : * et deprecationem
eórum exáudiet : et salvos
fáciat eos.

Custódit Dóminus omnes
diligéntes se : * et omnes
peccatóres dispédet.

Laudatióem Dómini lo-
quétur os meum : * et bene-
dicat omnis caro nómini

santo ejus in sæculum, et
in sæculum sæculi.

Ant. Per singulos dies be-
nedicam te Dómine.

Ant. Laudábo.

Psalmus 145.

LÁUDA ánima mea Dómi-
num, laudábo Dóminum
in vita mea : * psallam Deo
meo quámdiu fuero.

Nolite confidere in prin-
cipibus : * in filiis hóminum,
in quibus non est salus.

Exibit spíritus ejus, et
revertétur in terram suam : *
in illa die peribunt omnes
cogitationes eórum.

Beátus, cujus Deus Jacob
adjutor ejus, spes ejus in
Dómino Deo ipsius : * qui
fecit cælum et terram, mare,
et ómnia, quæ in eis sunt.

Qui custódit veritátem in
sæculum, facit judícium in-
júriam patiéntibus : * dat
escam esuriéntibus.

Dóminus solvit compedi-
tos : * Dóminus illúminat
cæcos.

Dóminus érigit elisos, *
Dóminus diligit justos.

Dóminus custódit ádve-
nas, pupillum et viduam sus-
cipiet : * et vias peccatórum
dispédet.

Regnábít Dóminus in sæ-
cula Deus tuus Sion, * in ge-
neratióem et generatióem.

Ant. Laudábo Deum meum
in vita mea.

Ant. Deo nostro.

Psalmus 146.

LAUDÁTE Dóminum quó-
niam bonus est psalmus : *

Deo nostro sit jucúnda, decóraque laudátio.

Ædificans Jerúsalem Dóminus : * dispersiónes Israëlís congregábit.

Qui sanat contritos corde : * et alligat contritiónes eórum.

Qui númerat multitudínem stellárum : * et ómnibus eis nómina vocat.

Magnus Dóminus noster, et magna virtus ejus : * et sapiéntiæ ejus non est númerus.

Suscípiens mansuétos Dóminus : * humilians áutem peccatóres usque ad terram.

Præcínite Dómino in confessióne : * psállite Deo nostro in cithara.

Qui óperit cælum núbibus, * et parat terræ plúviam.

Qui prodúcit in móntibus fœnum, * et herbam serviútú hóminum.

Qui dat juméntis escam ipsórum : * et pullis corvórum invocántibus eum.

Non in fortitúdine equi voluntátem habébit : * nec in tibiis viri beneplácitum erit ei.

Beneplácitum est Dómino super timéntes eum : * et in eis, qui sperant super misericórdia ejus.

Ant. Deo nostro jucúnda sit laudátio.

Ant. Láuda.

Psalmus 147.

LÁUDA Jerúsalem Dóminum : * láuda Deum tuum Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emittit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frigoris ejus quis sustinébit?

Emittet verbum suum, et liquefaciet ea : * flabit spiritus ejus, et fluent aquæ.

Qui annútiat verbum suum Jacob : * justitias, et judicia sua Israël.

Non fecit táliter omni nátióni : * et judícia sua non manifestávit eis.

Ant. Láuda Jerúsalem Dóminum.

Capitulum. Rom. 11. d

O ALTITÚDO divitiárum sapiéntiæ et sciéntiæ Dei : quam incomprehensibilia sunt judícia ejus, et investigábiles viæ ejus!

Hymnus.

JAM sol recédit igneus :
Tu lux perénis Unitas,
Nostris, beáta Trínitas,
Infúnde lumen córdibus.

Te mane láudum cármine,
Te deprecámur vespere ;
Dignéris ut te súplices
Laudémus inter cælites.

Patri, simúlque Filio,
Tibique sancte Spiritus,
Sicut fuit, sit júgiter
Sæclum per omne glória.

Amen.

V. Vespertina orátio as-

céndat ad te Dómine. *R.* Et descéndat super nos misericórdia tua.

Ad Magnif. Ant. Suscépit * Deus Israël púerum suum : sicut locútus est ad Abraham, et semen ejus : exaltáre húmiles usque in sáeculum.

Capit. O altitúdo. *dicitur in Vesp. Sabbati ab Octava Pentec. usque ad Adventum cum Hymno et v. sequenti.* *Ant.* ad Magnificat dicitur prout assignatur infra in Proprio de Tempore. Post *Ant.* dicitur Oratio propria.

Deinde fiunt sequentes Commem. communes, seu Suffragia Sanctorum, quæ dicuntur etiam ad Laudes.

COMMEMORATIO DE CRUCE

In Feriali tantum Officio etiam quando non dicuntur Preces.

Ad Vesp. et Laud. Ant. Per signum Crucis de inimicis nostris libera nos Deus noster.

v. Omnis terra adóret te, et psallat tibi. *R.* Psalmum dicat nómini tuo Dómine.

Orémus. *Oratio.*

PERPÉTUA nos, quæsumus Dómine, pace custódi : quos per lignum sanctæ Crucis redimere dignátus es.

COMMEMORATIONES COMMUNES SIVE SUFFRAGIA SANCTORUM

DE SANCTA MARIA

Quando non dicitur ejus Officium parvum.

Ad Vesp. et Laud. Ant. Sancta María succúrre mi-

seris, juva pusillánimes, réfove flébiles, ora pro pópulo, intéveni pro clero, intercède pro devóto femineo sexu : séntiant omnes tuum juvámen, quicúmque célebrant tuam sanctam commemoratióem.

v. Ora pro nobis sancta Dei Génitrix. *R.* Ut digni efficiámur promissionibus Christi.

Orémus. *Oratio.*

CONCÉDE nos fámulos tuos, quæsumus Dómine Deus, perpétua mentis et córporis sanitáte gaudére : et gloriósa beátæ Mariæ semper Virginis intercessióne, a præsénti liberári tristítia, et ætérna pérfrui lætítia.

DE SANCTO JOSEPH

Ad Vesp. Ant. Ecce fidélis servus et prudens, quem constituit Dóminus super familiam suam.

v. Glória et divítiae in domo ejus. *R.* Et justitia ejus manet in sáeculum sáeculi.

Ad Laud. Ant. Ipse Jesus erat incipiens quasi annórum triginta ut putabátur filius Joseph.

v. Os justi meditábitur sapiéntiam. *R.* Et lingua ejus loquétur judícium.

Orémus. *Oratio.*

DEUS, qui ineffábili providéntia beátum Joseph sanctissimæ Genitricis tuæ sponsum eligere dignátus es : præsta quæsumus; ut quem protectórem venerámur in terris, intercessórem habére mereámur in cælis.

DE APOSTOLIS

Ad Vesp. Ant. Petrus Apóstolus, et Páulus Doctor Géntium, ipsi nos docuérunt legem tuam Dómine.

Ÿ. Constitues eos principes super omnem terram.

℞. Mémoires erunt nóminis tui Dómine.

Ad Laud. Ant. Gloriósi principes terræ, quómodo in vita sua dilexérunt se, ita et in morte non sunt separáti.

Ÿ. In omnem terram exívit sonus eórum. ℞. Et in fines orbis terræ verba eórum.

Orémus. **Oratio.**

DEUS, cujus dextera beátum Petrum ambulántem in flúctibus, ne mergerétur, eréxit, et coapóstolum ejus Páulum tértio naufragántem de profúndo pélagi liberávit : exáudi nos propítius, et concéde; ut ambórum méritis, æternitátis glóriam consequámur.

DE PATRONO

Vel Titulari ecclesiæ fiat Commem. consueta ante vel post Commem. prædictas, pro dignitate illius; et ultimo loco :

DE PACE

Ad Vesp. et Laud. Ant. Da pacem Dómine in diébus nostris, quia non est álius, qui pugnet pro nobis, nisi tu Deus noster.

Ÿ. Fiat pax in virtúte tua. ℞. Et abundántia in túrribus tuis.

Orémus. **Oratio.**

DEUS, a quo sancta desideria, recta consilia, et justa sunt ópera : da servis tuis illam, quam mundus dare non potest, pacem; ut et corda nostra mandátis tuis dedita, et hóstium sublata formidine, témpora sint tua protectióne tranquilla. Per Dóminum nostrum Jesum Christum Fílium tuum : qui tecum vivit et regnat in unitáte Spíritus sancti Deus, per ómnia sæcula sæculórum. ℞. Amen.

Ÿ. Dóminus vobiscum. ℞. Et cum spíritu tuo.

Ÿ. Benedicámus Dómino. ℞. Deo grátias.

Ÿ. Fidélium ánimæ per misericórdiam Dei requiescant in pace. ℞. Amen.

Deinde dicitur secreto Pater noster.

Sic terminatur Offic., ubi alia non sequatur Hora, ut dicitur in Rubrica de Oratione Dominica.

Dictæ Commem. seu Suffragia dicuntur ab Octava Pentecostes usque ad Adventum, exceptis Duplicibus, et infra Octavas.

Quando dicitur Officium B. Mariæ, non fit alia Commemoratio de ea.

AD COMPLETORIUM

Lector incipit :

Ÿ. Jube domne benedicere.

Bened. Noctem quiétam, et finem perfectum concé-

dat nobis Dóminus omnípotens. *R.* Amen.

Lectio brevis. I. Petr. 5. c

FRATRES : Sóbrii estóte, et vigiláte : quia adversárius vester diábolus tamquam leo rúgiens circuit, quærens quem dévoret : cui resistite fortes in fide. Tu autem Dómine miserére nobis. *R.* Deo grátias.

V. Adjutórium nostrum in nómine Dómini. *R.* Qui fecit cælum et terram.

Pater noster. *dicitur totum secreto.*

Deinde Hebdomadarius facit Confessionem.

CONFÍTEOR Deo omnípoténti, beátæ Mariæ semper Virgini, beáto Michaéli Archángelo, beáto Joánni Baptistæ, sanctis Apóstolis Petro et Páulo, ómnibus Sanctis, et vobis fratres : quia peccávi nimis cogitátione, verbo et ópere : mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Joánnem Baptistam, sanctos Apóstolos Petrum et Páulum, omnes Sanctos, et vos fratres, oráre pro me ad Dóminum Deum nostrum.

Chorus respondet :

MISEREÁTUR tui omnípotens Deus, et dimissis peccátis tuis, perdúcat te ad vitam ætérnam. *R.* Amen.

Deinde repetit Confessionem; et ubi dicitur vobis

fratres, *et vos fratres, dicatur tibi Pater, et te Pater.*

Facta Confessione a Choro, Hebdomadarius dicit :

MISEREÁTUR vestri omnípotens Deus, et dimissis peccátis vestris, perdúcat vos ad vitam ætérnam. *R.* Amen.

INDULGÉNTIAM, absolutiÓNem et remissiÓNem peccatórum nostrórum tríbuat nobis omnípotens et miséricors Dóminus. *R.* Amen.

Et facta Absolutione, dicitur V.

CONVÉRTE nos Deus salutáris noster. *R.* Et avérte iram tuam a nobis.

V. Deus in adjutórium meum inténde. *R.* Dómine ad adjuvándum me festina.

Glória Patri. Sicut erat.

Ant. Miserére.

Psalms 4.

CUM invocárem exaudivit me Deus justitiæ meæ : * in tribulatióne dilatásti mihi.

Miserére mei, * et exáudi oratiÓNem meam.

Filii hóminum úsquequo gravi corde ? * ut quid diligitis vanitátem, et quæritis mendácium ?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccáre : * quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómi-

no. * Multi dicunt : Quis osténdit nobis bona?

Signátum est super nos lumen vultus tui Dómine : * dedisti lætítiam in corde meo.

A fructu fruménti, vini, et olei sui * multiplicáti sunt.

In pace in idípsum * dórmiám, et requiescam;

Quóniam tu Dómine singularíter in spe * constituísti me.

Psalmus 30.

IN te Dómine sperávi, non confúndar in ætérnum : * in justítia tua libera me.

Inclína ad me áurem tuam, * accélera ut éruas me.

Esto mihi in Deum protectórem : et in domum refúgii, * ut salvum me fácias.

Quóniam fortitúdo mea, et refúgium meum es tu : * et propter nomen tuum dedúces me, et enútries me.

Edúces me de láqueo hoc, quem abscondérunt mihi : * quóniam tu es protéctor meus.

In manus tuas comméndo spíritum meum : * redemísti me Dómine Deus veritátis.

Psalmus 90.

QUI hábitat in adjutório Altíssimi, * in protectióne Dei cæli commorábitur.

Dicet Dómino : Suscéptor meus es tu, et refúgium meum : * Deus meus sperábo in eum.

Quóniam ipse liberávit me de láqueo venántium, * et a verbo áspero.

Scápulís suis obumbrábit tibi : * et sub pennís ejus sperábis.

Scuto circúmdabit te véritas ejus : * non timébis a timóre noctúrno,

A sagitta volánte in die, a negótio perambulánte in ténebris : * ab incúrsu, et dæmónio meridiáno.

Cadent a látere tuo mille, et decem millia a dextris tuis : * ad te áutem non appropinquábit.

Verúmtamen óculis tuis considerábis : * et retribu-tiónem peccatórum vidébis.

Quóniam tu es Dómine spes mea : * Altíssimum posuísti refúgium tuum.

Non accédet ad te malum : * et flagéllum non appropinquábit tabernáculo tuo.

Quóniam Angelis suis mandávit de te : * ut custódiánt te in ómnibus viis tuis.

In mánibus portábunt te : * ne forte offéndas ad lápidem pedem tuum.

Super áspidem, et basiliscum ambulábis : * et conculcábis leónem et dracónem.

Quóniam in me sperávit, liberábo eum : * prótegam eum, quóniam cognóvit nomen meum.

Clamábit ad me, et ego exáudiam eum : * cum ipso sum in tribulatióne : eripiam eum et glorificábo eum.

Longitúdine díerum replebo eum : * et osténdam illi salutáre meum.

Psalmus 133.

ECCE nunc benedicite Dóminum, * omnes servi Dómini :

Qui statis in domo Dómini, * in átriis domus Dei nostri,

In nóctibus extóllite manus vestras in sancta, * et benedicite Dóminum.

Benedicat te Dóminus ex Sion, * qui fecit cælum et terram.

Ant. Miserere mihi Dómine, et exáudi oratióem meam.

Hymnus.

TE lucis ante términum, Rerum Créator póscimus,

Ut pro tua cleméntia Sis præsul et custódia.

Procul recédant sómnia, Et nóctium phantásmata; Hostémque nostrum cómpri-

Ne polluéantur córpora.

Præsta Pater piissime, Patrique compar Unice, Cum Spíritu Paráclito Regnans per omne sæculum. Amen.

Capitulum. Jerem. 14. b

TU áutem in nobis es Dómine, et nomen sanctum tuum invocátum est super nos, ne derelinquas nos Dómine Deus noster. **R.** Deo grátias.

R. br. In manus tuas Dómine * Comméndo spíritum meum. In. **Y.** Redemisti nos Dómine Deus veritátis. Comméndo. Glória Patri. In.

Y. Custódi nos Dómine ut

pupíllam óculi. **R.** Sub umbra alárum tuárum prótege nos.

Ant. Salva nos.

Canticum Simeonis.

Luc. 2. e

NUNC dimittis servum tuum Dómine, * secúndum verbum tuum in pace :

Quia vidérunt óculi mei * salutáre tuum,

Quod parásti * ante fáciem ómnium populórum :

Lumen ad revelatióem géntium, * et glóriam plebis tuæ Israël.

Glória Patri.

Ant. Salva nos Dómine vigilátes, custódi nos dormiéntes : ut vigilémus cum Christo, et requiescámus in pace.

Sequentes Preces semper dicuntur, præterquam in Officio duplici, et infra Octavas.

KYRIE eléison. Christe eléison. Kýrie eléison.

Pater noster. **secreto.**

Y. Et ne nos indúcas in tentatióem. **R.** Sed libera nos a malo.

Credo in Deum. **secreto.**

Y. Carnis resurrectionem. **R.** Vitam ætérnam. Amen.

Y. Benedictus es Dómine Deus patrum nostrórum. **R.** Et laudábilis et gloriósus in sæcula.

Y. Benedicámus Patrem et Filium cum sancto Spíritu. **R.** Laudémus, et superexaltémus eum in sæcula.

Y. Benedictus es Dómine in firmaménto cæli. **R.** Et

laudábilis, et gloriósus, et superexaltátus in sǎcula.

Ÿ. Benedicat et custódiat nos omnipotens et miséricors Dóminus. *R.* Amen.

Ÿ. Dignáre Dómine nocte ista. *R.* Sine peccáto nos custodire.

Ÿ. Miserére nostri Dómine. *R.* Miserére nostri.

Ÿ. Fiat misericórdia tua Dómine super nos. *R.* Quemádmodum sperávimus in te.

Ÿ. Dómine exáudi orationem meam. *R.* Et clamor meus ad te véniat.

Ÿ. Dóminus vobiscum. *R.* Et cum spiritu tuo.

Orémus. *Oratio.*

VÍSITA, quǎsumus Dómine, habitatióne istam, et omnes insídias inimíci ab ea longe repélle : Angeli tui sancti hábitent in ea, qui nos in pace custódiant, et benedictio tua sit super nos semper. Per Dóminum.

Ÿ. Dóminus vobiscum. *R.* Et cum spiritu tuo.

Ÿ. Benedicámus Dómino. *R.* Deo grátias.

Bened. Benedicat et custódiat nos omnipotens et miséricors Dóminus, Pater, et Filius, et Spiritus sanctus. *R.* Amen.

Et non dicitur Fidélium ánimæ, sed immediate dicitur sequens Antiphona.

A I. Vesp. Festi SS. Trinitatis usque ad Nonam Sabali ante Advent., *Ant.*

SALVE Regina, mater misericórdiæ, vita, dulcédo

et spes nostra, salve. Ad te clamámus, éxsules filii Hevæ. Ad te suspirámus, geméntes et flentes in hac lacrymárum valle. Eia ergo, advocáta nostra, illos tuos misericórdes óculos ad nos convérte. Et Jesum, benedictum fructum ventris tui, nobis post hoc exsílium osténde. O clemens, o pia, o dulcis Virgo María.

Ÿ. Ora pro nobis sancta Dei Génitrix. *R.* Ut digni efficiámur promissionibus Christi.

Orémus. *Oratio.*

OMNÍPOTENS sempitérne Deus, qui gloriósæ Virginis Matris Mariæ corpus et ánimam, ut dignum Filii tui habitáculum éffici mererétur, Spiritu sancto cooperánte, præparásti : da, ut cujus commemoratióne lætámur, ejus pia intercessióne ab instántibus malis, et a morte perpétua liberémur. Per eúmdem Christum Dóminum nostrum.

R. Amen.

Ÿ. Divínium auxilium máneat semper nobiscum.

R. Amen.

Deinde dicitur secreto Pater noster. Ave María. et Credo. Sic dicitur Completorium per annum.

Si post Complet. immediate sequatur Matut., tunc bis dicatur Pater noster. Ave María. et Credo : quia Complet., quod est finis Officii, sic terminari debet; et ante

Matut. iterum repetitur pro principio Officii seq. diei.

Antiphona prædicta dicitur etiam in fine Laudum, quando discedendum est a Choro : sed si immediate post Matut. subsequatur Prima, vel alia Hora, dicitur in fine ultimæ Horæ, ita ut dicatur semper, quando, terminata aliqua Hora, discedendum est a Choro : et tunc post v. Fidélium animæ. et Pater noster. secreto, dicitur v. Dóminus

det nobis suam pacem. R. Et vitam ætérnam. Amen.

Deinde prædicta Antiphona, et in fine Divinum auxilium máneat semper nobiscum. R. Amen.

Extra Chorum autem dicitur in fine Laudum, si tunc terminandum sit Officium; alioquin in fine ultimæ Horæ.

Post alias vero Horas, quando terminatur Offic., dicitur tantum Pater noster. secreto.





PROPRIUM DE TEMPORE

IN FESTO SANCTISSIMÆ TRINITATIS

Duplex 1. classis.

IN I. VESPERIS

Ant. de Laud. 159. Pss. ut in I. Vesp. de Comm. Apostolorum. 2.*

Capitulum. Rom. 11. d



ALTITUDO divitiarum sapientiae, et scientiae Dei : quam incomprehensibilia sunt iudicia ejus, et investigabiles viae ejus!

Hymnus.

JAM sol recedit igneus ;
Tu lux perennis Unitas,
Nostris, beata Trinitas,
Infunde amorem cordibus.

Te mane laudum carmine,
Te deprecamur vespere :
Digneris, ut te supplices
Laudemus inter caelites.

Patri, simulque Filio,
Tibi que sancte Spiritus,
Sicut fuit, sit jugiter
Saeculum per omne gloria.
Amen.

V. Benedicamus Patrem et
Filium cum sancto Spiritu.
R. Laudemus et superexaltemus eum in saecula.

Ad Magnif. Ant. Grátias tibi Deus, grátias tibi vera et una Trinitas, una et summa Déitas, sancta et una Unitas.

Oratio.

OMNÍPOTENS sempitérne Deus, qui dedisti famulis tuis in confessione verae fidei, aeternae Trinitatis gloriam agnoscere, et in potentia majestatis adorare Unitatem : quæsumus ; ut ejusdem fidei firmitate, ab omnibus semper muniamur adversis.
Per Dóminum.

Et sit Commem. Dominicæ primæ post Pentecosten.

Ant. Lóquere Dómine, quia áudit servus tuus.

V. Vespertina oratio ascendat ad te Dómine. *R.* Et descendat super nos misericordia tua.

Oratio.

DEUS in te sperantium fortitúdo, adesto propitius invocationibus nostris : et quia sine te nihil potest mortalís infirmitas, præsta auxilium grátiae tuæ ; ut in exse-

quéndis mandátis tuis, et voluntáte tibi et actióne placeámus. Per Dóminum.

AD MATUTINUM

Invit. Deum verum, unum in Trinitáte, et Trinitátem in Unitáte, * Venite, adorémus.

Ps. Venite, exsultémus. 2.

Hymnus.

SUMMÆ Parens cleméntiæ,
Mundi regis qui máchinam,

Unius et substántiæ,
Trínusque persónis Deus :

Da dexteram surgéntibus,
Exsúrgat ut mens sóbria,
Flagrans et in láudem Dei
Grates repéndat débitas.

Deo Patri sit glória,
Natóque Patris único
Cum Spíritu Paráclito,
In sempitérna sæcula. Amen.

IN I. NOCTURNO

Ant. Adéstó unus Deus
omnípotens, Pater, Filius, et
Spíritus sanctus.

**Psalmi ut in I. Noct. de
Comm. Virg.** 98*.

Ant. Te unum in substán-
tia, Trinitátem in persónis
confitémur.

Ant. Te semper idem esse,
vivere, et intelligere, profi-
témur.

V. Benedicámus Patrem et
Filium cum sancto Spíritu.

R. Laudémus et superexal-
témus eum in sæcula.

De Isaia Prophéta.

Lectio j. Cap. 6.

IN anno, quo mórtuus est
rex Ozías, vidi Dóminum
sedéntem super sólum ex-
célsum et elevátum : et ea,

quæ sub ipso erant, replé-
bant templum. Séraphim sta-
bant super illud : sex alæ
uni, et sex alæ álteri : duá-
bus velábant faciém ejus, et
duábus velábant pedes ejus,
et duábus volábant. Et cla-
mábant alter ad álterum, et
dicébant : Sanctus, sanctus,
sanctus, Dóminus Deus exer-
cituum, plena est omnis
terra glória ejus. Et com-
móta sunt superliminária
cárdinum a voce clamántis,
et domus repléta est fumo.

R. Vidi Dóminum sedén-
tem super sólum excélsum
et elevátum, et plena erat
omnis terra majestáte ejus :
* Et ea, quæ sub ipso erant,
replébant templum. **V.** Séra-
phim stabant super illud :
sex alæ uni, et sex alæ álteri.
Et ea.

Lectio ij.

ET dixi : Væ mihi, quia
tácuí, quia vir pollútus
lábiis ego sum, et in médio
pópuli pollúta lábia habéntis
ego hábito, et Regem Dómi-
num exercituum vidi óculis
meis. Et volávit ad me unus
de Séraphim, et in manu
ejus cálculus, quem fórcipe
túlerat de altári. Et tétigit
os meum, et dixit : Ecce
tétigit hoc lábia tua, et afe-
rétur iniquitas tua, et pec-
cátum tuum mundábitur. Et
audivi vocem Dómini dicén-
tis : Quem mittam? et quis
ibit nóbis? Et dixi : Ecce
ego, mitte me.

R. Benedictus Dóminus

Deus Israël, qui facit mirabilia magna solus : * Et benedictum nomen majestátis ejus in ætérnum. *V.* Replébitur majestáte ejus omnis terra : fiat, fiat. Et.

Lectio iij.

ET dixit : Vade, et dices pópulo huic : Audíte audiéntes, et nolite intelligere : et vidéte visióem, et nolite cognóscere. Excæca cor pópuli hujus, et áures ejus ágrava : et óculos ejus cláude : ne forte vídeat óculis suis, et áuribus suis áudiat, et corde suo intélligat, et convertátur, et sanem eum. Et dixi : Usquequo Dómine? Et dixit : Donec desoléntur civitátes absque habitátore, et domus sine hómine, et terra relinquétur desérta. Et longe fáciet Dóminus hómines, et multiplicábitur quæ derelicta fúerat in médio terræ.

R. Benedicat nos Deus, Deus noster, benedicat nos Deus : * Et métuant eum omnes fines terræ. *V.* Deus misereátur nostri, et benedicat nos Deus. Et. Glória. Et.

IN II. NOCTURNO

Ant. Te invocámus, te laudámus, te adorámus, o beáta Trinitas.

Psalmus 46.

OMNES gentes pláudite má-nibus : * jubiláte Deo in voce exsultatióis.

Quóniam Dóminus excél-sus, terribilis : * Rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam : * spéciem Jacob, quam diléxit.

Ascéndit Deus in júbilo : * et Dóminus in voce tubæ.

Psállite Deo nostro, psál-lite : * psállite Regi nostro, psállite.

Quóniam Rex omnis terræ Deus : * psállite sapiénter.

Regnábit Deus super gentes : * Deus sedet super sedem sanctam suam.

Príncipes populórum congregáti sunt cum Deo Abraham : * quóniam dii fortes terræ veheménter eleváti sunt.

Ant. Te invocámus, te laudámus, te adorámus, o beáta Trinitas.

Ant. Spes nostra, salus nostra, honor noster, o beáta Trinitas.

Psalmus 47.

MAGNUS Dóminus, et laudábilis nimis * in civitáte Dei nostri, in monte sancto ejus.

Fundátur exsultatióne univérsæ terræ mons Sion, * látera Aquilonis, civitas Regis magni.

Deus in dómibus ejus cognoscétur, * cum suscipiet eam.

Quóniam ecce reges terræ congregáti sunt : * convenérunt in unum.

Ipsi vidéntes sic admiráti sunt, conturbáti sunt, com-

móti sunt : * tremor apprehéndit eos.

Ibi dolóres ut parturiéntis : * in spíritu veheménti cónteres naves Tharsis.

Sicut audívimus, sic vídimus in civitaté Dómini virtútum, in civitaté Dei nostri : * Deus fundávit eam in ætérnum.

Suscépinus Deus misericórdiam tuam, * in médio templi tui.

Secúndum nomen tuum Deus, sic et laus tua in fines terræ : * justítia plena est dextera tua.

Lætétur mons Sion, et exsúltent filiæ Judæ, * propter iudícia tua Dómine.

Circúmdate Sion, et compectímini eam : * narráte in túrribus ejus.

Pónite corda vestra in virtúte ejus : * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sæculum sæculi : * ipse reget nos in sæcula.

Ant. Spes nostra, salus nostra, honor noster, o beáta Trínitas.

Ant. Libera nos, salva nos, vivífica nos, o beáta Trínitas.

Psalmus 71.

DEUS iudícium tuum regi da : * et justítiam tuam filio regis :

Judicáre pópulum tuum in justítia, * et páuperes tuos in iudicio.

Suscípiant montes pacem pópulo : * et colles justítiam.

Judicábit páuperes pópuli, et salvos fáciét filios páuperum : * et humiliábit calumniatórem.

Et permanébit cum sole, et ante lunam, * in generatióne et generatióne.

Descéndet sicut plúvia in vellus : * et sicut stillicidia stillántia super terram.

Oriétur in diébus ejus justítia, et abundántia pacis : * donec auferátur luna.

Et dominábitur a mari usque ad mare : * et a flúmine usque ad términos orbis terrárum.

Coram illo prócident Æthiopes : * et inimici ejus terram lingent.

Reges Tharsis, et insulæ múnера ófferent : * reges Arabum et Saba dona addúcent.

Et adorábunt eum omnes reges terræ : * omnes gentes sérvient ei :

Quia liberábit páuperem a poténte : * et páuperem, cui non erat adjútor.

Parcet páuperi et inopi : * et ánimas páuperum salvas fáciét.

Ex usúris et iniquitaté rédimet ánimas eórum : * et honorábile nomen eórum coram illo.

Et vivet, et dábitur ei de áuro Arábiæ, et adorábunt de ipso semper : * tota die benedicent ei.

Et erit firmaméntum in

terra in summis mōntium, superextollétur super Libanum fructus ejus : * et florébunt de civitatē sicut fœnum terræ.

Sit nomen ejus benedictum in sæcula : * ante solem pèrmanet nomen ejus.

Et benedicéntur in ipso omnes tribus terræ : * omnes gentes magnificábunt eum.

Benedictus Dóminus Deus Israël, * qui facit mirabilia solus :

Et benedictum nomen majestátis ejus in ætérnum : * et replébitur majestáte ejus omnis terra : fiat, fiat.

Ant. Libera nos, salva nos, vivifica nos, o beáta Trinitas.

V. Benedictus es Dómine in firmaménto cæli. **R.** Et laudábilis et gloriósus in sæcula.

Ex libro sancti Fulgéntii Episcopi, de fide ad Petrum.

Inter Opera August. tom. 3.

Lectio iv.

FIDES, quam sancti Patriarchæ atque Prophætæ ante incarnationem Filii Dei divinitus acceperunt, quam étiam sancti Apóstoli ab ipso Dómino in carne pósito audiérunt, et Spiritus sancti magistério instrúcti non solum sermóne prædicavérunt, verum étiam ad instructiōnem saluberrimam posterórum scriptis suis inditam reliquérunt, unum Deum prædicat Trinitatē, id est, Patrem, et Filium, et Spíritum sanctum. Sed

Trinitas vera non esset, si una eadēque persóna dicerétur Pater et Filius et Spíritus sanctus.

R. Quis Deus magnus sicut Deus noster? * Tu es Deus, qui facis mirabilia.

V. Notam fecisti in pópulis virtutē tuam, redemisti in bráchio tuo pópulum tuum. Tu es Deus.

Lectio v.

SI enim, sicut est Patris, et Filii, et Spíritus sancti una substántia, sic esset una persóna : nihil omnino esset, in quo veráciter Trinitas dicerétur. Rursus quidem Trinitas esset vera, sed unus Deus Trinitas ipsa non esset, si quemádmōdum Pater, et Filius, et Spíritus sanctus personárum sunt ab invicem proprietáte distincti, sic fuissent naturárum quoque diversitatē discrėti. Sed quia in illo uno vero Deo Trinitatē, non solum quod unus Deus est, sed étiam quod Trinitas est, naturáliter verum est : propterea ipse verus Deus in persónis Trinitas est, et in una natúra unus est.

R. Tibi laus, tibi glória, tibi gratiárum actio in sæcula sempiterna, * O beáta Trinitas. **V.** Et benedictum nomen glóriæ tuæ sanctum et laudábile, et superexaltatum in sæcula. O beáta.

Lectio vj.

PER hanc unitatē naturálem totus Pater in Filio,

et Spíritu sancto est, totus Filius in Patre, et Spíritu sancto est, totus quoque Spiritus sanctus in Patre, et Filio. Nullus horum extra quémlibet ipsórum est : quia nemo álium aut præcedit æternitáte, aut excédit magnitúdine, aut súpera potestáte : quia nec Filio, nec Spíritu sancto, quantum ad naturæ divínæ unitátem pertinet, aut antérieur, aut major Pater est : nec Filii æternitas, atque imménsitas, velut antérieur, aut major, Spiritus sancti immensitátem æternitatémque aut præcedere, aut excédere naturáliter potest.

R. Magnus Dóminus, et laudábilis nimis : * Et sapiéntiæ ejus non est númerus. **V.** Magnus Dóminus, et magna virtus ejus : et sapiéntiæ ejus non est finis. Et. Glória Patri. Et.

IN III. NOCTURNO

Ant. Cáritas Pater est, grátia Filius, communicatio Spiritus sanctus, o beáta Trinitas.

Pss. ut in III. Noct. de Comm. Virg. 104*.

Ant. Verax est Pater, véritas Filius, véritas Spiritus sanctus, o beáta Trinitas.

Ant. Pater, et Filius, et Spiritus sanctus una substantia est, o beáta Trinitas.

V. Verbo Dómini cæli firmáti sunt. **R.** Et Spíritu oris ejus, omnis virtus eórum.

Léctio sancti Evangélíi secúndum Matthæum.

Lectio vij. Cap. 28. d

IN illo témpore : Dixit Jesus discípulis suis : Data est mihi omnis potéstas in cælo et in terra. Eúntes ergo docéte omnes gentes, baptizántes eos in nómine Patris, et Filii, et Spíritus sancti. Et réliqua.

Homília sancti Gregórii Nazianzéni.

In Tractatu de fide. post init.

QUIS catholicórum ignorat, Patrem vere esse Patrem, Filium vere esse Filium, et Spíritum sanctum vere esse Spíritum sanctum? sicut ipse Dóminus ad Apóstolos suos dicit : Eúntes baptizáte omnes gentes in nómine Patris, et Filii, et Spíritus sancti. Hæc est perfectá Trinitas in unitáte consistens, quam scilicet unius substantiæ profitémur. Non enim nos secúndum córporum conditióem, divisióem in Deo fácimus : sed secúndum divínæ naturæ poténtiam, quæ in matéria non est, et nóminum persónas vere constáre crédimus, et unitátem divinitátis esse testámur.

R. Benedicámus Patrem et Filium cum sancto Spíritu : * Laudémus et superexaltémus eum in sácula. **V.** Benedictus es Dómine in firmaménto cæli, et laudábilis et gloriósus in sácula. Laudémus.

Bened. Divinum auxilium.

Lectio viij.

NEC extensiónem partis alicújus ex parte, ut quidam putavérunt, Dei Filium dicimus : nec verbum sine re, velut sonum vocis accipimus : sed tria nómina, et tres persónas unius esse esséntiæ, unius majestátis atque poténtiæ crédimus. Et ideo unum Deum confitémur : quia únitas majestátis, plúrium vocábulo deos próhibet appellári. Dénique Patrem, et Filium cathólice nominámus : duos áutem Deos dicere, nec póssumus, nec debémus. Non quod Filius Dei Deus non sit, imo verus Deus de Deo vero : sed quia non aliúnde, quam de ipso uno Patre, Dei Filium nóvimus, perinde unum Deum dicimus. Hoc enim Prophétæ, hoc Apóstoli tradidérunt : hoc ipse Dóminus dócuit, cum dicit : Ego et Pater unum sumus. Unum ad unitátem divinitátis, ut dixi, refert : sumus áutem, persónis assignat.

ñ. Duo Séraphim clamábant alter ad álterum : * Sanctus, sanctus, sanctus Dóminus Deus Sábaoth : * Plena est omnis terra glória ejus.

Ÿ. Tres sunt qui testimónium dant in cælo, Pater, Verbum, et Spiritus sanctus : et hi tres unum sunt. Sanctus. Glória Patri. Plena.

Bened. Per evangélica dicta.

Lectio sancti Evangélii secundum Lucam.

Lectio ix. Cap. 6. c

In illo témpore : Dixit Jesus discíplis suis : Estóte misericórdes, sicut et Pater vester miséricors est. Et reliqua.

Homília sancti Augustini
Episcopi.

Serm. 15. in Evang. Matthæi de Verbis Dñi, post init.

Duo sunt ópera misericórdiæ, quæ nos liberant, quæ breviter ipse Dóminus pósuit in Evangélio : Dimittite, et dimittétur vobis : Date, et dábitur vobis. Dimittite, et dimittétur vobis, ad ignoscéndum pertinet : Date, et dábitur vobis, ad præstándum beneficium pertinet. Quod ait de ignoscendo, et tu vis tibi ignósci quod peccas, et habes álium, cui tu possis ignóscere. Rursus, quod pertinet ad tribuéndum beneficium, petit te mendicus, et tu es Dei mendicus. Omnes enim quando orámus, mendíci Dei sumus, ante jánuam magni Patrisfamilias stamus, imo et prostérnimur, súpplices ingemíscimus, áliquíd voléntes accipere : et ipsum áliquíd, ipse Deus est. Quid a te petit mendicus? panem. Et tu quid petis a Deo, nisi Christum, qui dicit : Ego sum panis vivus, qui de cælo descéendi? Ignósci vobis vultis? ignóscite : Remittite, et remittétur vobis.

Accipere vultis : date, et dabitur vobis.

Te Deum laudamus. 16.

AD LAUDES

ET PER HORAS

Ant. 1. Glória tibi Trinitas * æquális, una Déitas, et ante ómnia sæcula, et nunc et in perpétuum.

Ps. Dóminus regnávít. *cum reliq.* 16.

2. Laus et perénis glória * Deo Patri, et Filio, sancto simul Paráclito, in sæculórum sæcula.

3. Glória láudis * résonet in ore ómnium, Patri, genitæque Proli, Spirítui sancto páriter resúltet láude perénis.

4. Laus Deo Patri, * parílique Proli, et tibi sancte stúdio perénis Spirítus, nostro résonet ab ore, omne per ævum.

5. Ex quo ómnia, * per quem ómnia, in quo ómnia : ipsi glória in sæcula.

Capitulum. Rom. 11. d

O ALTITÚDO divitiárum sapiéntiæ, et sciéntiæ Dei : quam incomprehensibília sunt iudicia ejus, et investigábiles viæ ejus !

Hymnus.

TU Trinitátis Unitas,
Orbem poténter quæ regis,
Atténde láudis cánticum,
Quod excubántes psállimus.

Ortus refúlget lúcipher,
Præitque solem núnlius :
Cadent tenébræ nóctium :
Lux sancta nos illúminet.

Deo Patri sit glória,
Ejúsque soli Filio,
Cum Spirítu Paráclito,
Nunc, et per omne sæculum.
Amen.

V. Benedicámus Patrem et Filium cum sancto Spirítu. **R.** Laudémus et superexaltémus eum in sæcula.

Ad Bened. Ant. Benedicta sit sancta, creatrix et gubernátrix ómnium, sancta et individua Trinitas, nunc, et semper, et per infinita sæcula sæculórum.

Oratio.

O MNÍPOTENS sempitérne Deus, qui dedísti fámulis tuis in confessióne veræ fidei, æternæ Trinitátis glóriam agnóscere, et in poténtia majestátis adoráre Unitátem : quæsumus ; ut ejúsdem fidei firmitáte, ab ómnibus semper muniámur advérsis. Per Dóminum.

Et sit Commem. Dom.

Ant. Estóte ergo misericóordes, sicut et Pater vester misericors est, dicit Dóminus.

V. Dóminus regnávít, decórem induit. **R.** Induit Dóminus fortitúdinem, et præcinxit se virtúte.

Oratio.

DEUS, in te sperántium fortitúdo, adéstó propítius invocatió nibus nostris : et quia sine te nihil potest mortális infirmitas, præsta auxílium grátiae tuæ ; ut in exsequéndis mandátis tuis, et voluntáte tibi et actiône placeámus. Per Dóminum.

AD PRIMAM

Pss. ut in Festo Duplici, cum Symbolo S. Athanasii.

AD TERTIAM

Ant. Laus et perennis gloria.

Capit. O altitudo. 159.

R. *br.* Benedicamus Patrem, et Filium, * Cum sancto Spiritu. Benedicamus Patrem. *V.* Laudemus et superexaltemus eum in sæcula. Cum sancto. Glória Patri. Benedicamus.

V. Benedictus es Dómine in firmamento cæli. *R.* Et laudábilis et gloriósus in sæcula.

AD SEXTAM

Ant. Glória láudis.

Capitulum. II. Cor. 13. d

GRÁTIA Dómini nostri Jesu Christi, et caritas Dei, et communicatio sancti Spiritus sit cum omnibus vobis. Amen.

R. *br.* Benedictus es Dómine * In firmamento cæli. Benedictus. *V.* Et laudábilis et gloriósus in sæcula. In firmamento. Glória Patri. Benedictus.

V. Verbo Dómini cæli firmati sunt. *R.* Et Spiritu oris ejus, omnis virtus eorum.

AD NONAM

Ant. Ex quo omnia.

Capitulum. I. Joann. 5. b

TRES sunt, qui testimonium dant in cælo : Pater, Verbum, et Spiritus sanctus : et hi tres unum sunt.

R. *br.* Verbo Dómini * Cæli firmati sunt. Verbo. *V.* Et

Spiritu oris ejus, omnis virtus eorum. Cæli. Glória Patri. Verbo.

V. Sit nomen Dómini benedictum. *R.* Ex hoc nunc, et usque in sæculum.

IN II. VESPERIS

Ant. et Capit. de Laud.

159. *Pss. de Dom.* 124.

Hymn. Jam sol. 152.

V. Benedictus es Dómine in firmamento cæli. *R.* Et laudábilis et gloriósus in sæcula.

Ad Magnif. Ant. Te Deum Patrem ingénitum, te Filium unigénitum, te Spiritum sanctum Paráclitum, sanctam et individuum Trinitatem, toto corde et ore confitemur, laudamus, atque benedicimus : tibi gloria in sæcula.

Pro Commem. Dom.

Ant. Nolite judicare, ut non judicemini : in quo enim iudicio judicaveritis, iudicabimini, dicit Dóminus.

V. Dirigatur Dómine oratio mea. *R.* Sicut incensum in conspectu tuo.

Orat. Deus in te. *ut supra.*

FERIA SECUNDA

Omnia dicuntur ut in Psalterio cum Oratione præcedentis Dominicæ. Deus in te. ut supra. 159.

Hac nocte ponuntur libri Regum, de quibus legitur usque ad Dominicam I. Augusti : si quid vero de his libris supersit adveniente dicta Dominica, omittitur.

Incipit liber primus Regum.

Lectio j. Cap. 1.

FUIT vir unus de Ramathaim Sophim, de monte Ephraim, et nomen ejus Elcana, filius Jéroham, filii Eliu, filii Thohu, filii Suph, Ephrathæus : et habuit duas uxores, nomen uni Anna, et nomen secundæ Phenenna. Fueruntque Phenennæ filii : Annæ autem non erant liberi. Et ascendebat vir ille de civitate sua statutis diebus, ut adoraret, et sacrificaret Domino exercituum in Silo. Erant autem ibi duo filii Heli, Ophni et Phinees, sacerdotes Domini.

R. Præparate corda vestra Domino, et servite illi soli : * Et liberabit vos de manibus inimicorum vestrorum. **V.** Convertimini ad eum in toto corde vestro, et auferite deos alienos de medio vestri. Et liberabit.

Lectio ij.

VENIT ergo dies, et immolavit Elcana, deditque Phenennæ uxori suæ, et cunctis filiis ejus, et filiabus partes : Annæ autem dedit partem unam tristis, quia Annam diligebat. Dominus autem concluderat vulvam ejus. Affligebat quoque eam æmula ejus, et vehementer angebat, in tantum, ut exprobraret quod Dominus conclusisset vulvam ejus : sicque faciebat per singulos annos, cum redeunte tempore ascenderent ad tem-

plum Domini : et sic provocabat eam. Porro illa flebat, et non capiebat cibum. Dixit ergo ei Elcana vir suus : Anna, cur fles? et quare non comedis? et quam ob rem affligitur cor tuum? numquid non ego melior tibi sum, quam decem filii?

R. Deus omnium exauditor est : ipse misit Angelum suum, et tulit me de ovibus patris mei : * Et unxit me unctione misericordiæ suæ.

V. Dominus, qui eripuit me de ore leonis, et de manu bestię liberavit me. Et unxit.

Lectio iij.

SURREXIT autem Anna postquam comederat et biberat in Silo. Et Heli sacerdote sedente super sellam ante postes templi Domini, cum esset Anna amaro animo, oravit ad Dominum, flens largiter, et votum vovit, dicens : Domine exercituum, si respiciens videris afflictionem famulæ tuæ, et recordatus mei fueris, nec oblitus ancillæ tuæ, dederisque servæ tuæ sexum virilem : dabo eum Domino omnibus diebus vitæ ejus, et novacula non ascendet super caput ejus.

R. Dominus, qui eripuit me de ore leonis, et de manu bestię liberavit me, * Ipse me eripiet de manibus inimicorum meorum. **V.** Misit Deus misericordiam suam, et veritatem suam : animam

meam eripuit de médio catulórum leónum. Ipse. Gló-
ria Patri. Ipse.

FERIA TERTIA

De libro primo Regum.

Lectio j. Cap. 1. b

FACTUM est áutem, cum illa multiplicáret preces coram Dómino, ut Heli observáret os ejus. Porro Anna loquebátur in corde suo, tantúmque lábia illius movebántur, et vox pénitus non audiebátur. Æstimávit ergo eam Heli temuléntam, dixitque ei : Usquequo ébria eris? dígere paulisper vinum, quo mades. Respóndens Anna, Nequáquam, inquit, dómine mi : nam múlter infélix nimis ego sum, vinúmque et omne quod inebriáre potest, non bibi, sed effúdi ánimam meam in conspéctu Dómini. Ne réputes ancillam tuam quasi unam de filiábus Bé-
lial : quia ex multitudíne dolóris et mœróris mei locúta sum usque in præsens. Tunc Heli ait ei : Vade in pace : et Deus Israël det tibi petitióem tuam, quam rogásti eum. Et illa dixit : Utinam invéniat ancilla tua grátiam in óculis tuis.

¶ Percússit Saul mille, et David decem millia : * Quia manus Dómini erat cum illo : percússit Philisthæum, et ábstulit oppróbrium ex Israël. ¶ Nonne iste est David, de quo canébant in choro, dicéntes : Saul percússit

mille, et David decem millia? Quia.

Lectio ij.

ET ábiit múlter in viam suam, et comédit, vultúsque illius non sunt ámplius in divérsa mutáti. Et surrexérunt mane, et adoravérunt coram Dómino : reversíque sunt, et venérunt in domum suam Rámatha. Cognóvit áutem Elcana Annam uxórem suam : et recordátus est ejus Dóminus. Et factum est post circulum diérum, concépit Anna, et péperit filium, vocavitque nomen ejus Sámuel : eo quod a Dómino postuláset eum. Ascéndit áutem vir ejus Elcana, et omnis domus ejus, ut immoláret Dómino hóstiam solénnem, et votum suum, et Anna non ascéndit : dixit enim viro suo : Non vadam, donec ablactétur infans, et ducam eum, ut appareat ante conspéctum Dómini, et máneat ibi júgiter.

¶ Montes Gélboë, nec ros nec plúvia véniant super vos, * Ubi cecidérunt fortes Israël. ¶ Omnes montes, qui estis in circúitu ejus, visitet Dóminus : a Gélboë áutem tránseat. Ubi.

Lectio iij.

ET ait ei Elcana vir suus : Fac quod bonum tibi vidétur, et mane donec ablactes eum : precórque ut impleat Dóminus verbum suum. Mansit ergo múlter, et

lactavit filium suum, donec amoveret eum a lacte. Et adduxit eum secum, postquam ablactaverat, in vitulis tribus, et tribus modis farinae, et amphora vini, et adduxit eum ad domum Domini in Silo. Puer autem erat adhuc infans: et immolaverunt vitulum, et obtulerunt puerum Heli. Et ait Anna: Obsecro mi domine, vivit anima tua domine: ego sum illa mulier, quae steti coram te hic orans Dominum. Pro puero isto oravi, et dedit mihi Dominus petitionem meam, quam postulavi eum. Idcirco et ego commodavi eum Domino cunctis diebus, quibus fuerit commodatus Domino. Et adoraverunt ibi Dominum.

R. Ego te tuli de domo patris tui, dicit Dominus, et posui te pascere gregem populi mei: * Et fui tecum in omnibus ubicumque ambulasti, firmans regnum tuum in aeternum. **V.** Fecique tibi nomen grande, juxta nomen magnorum, qui sunt in terra: et requiem dedi tibi ab omnibus inimicis tuis. Et fui. Gloria Patri. Et fui.

FERIA QUARTA

De libro primo Regum.

Lectio j. Cap. 2. c

PORRO filii Heli, filii Belial, nescientes Dominum, neque officium sacerdotum ad populum: sed quicumque immolasset victimam, ve-

niebat puer sacerdotis, dum coquerentur carnes, et habebat fuscinulam tridentem in manu sua, et mittebat eam in lebetem, vel in caldariam, aut in ollam, sive in cacabum: et omne, quod levabat fuscinula, tollebat sacerdos sibi. Sic faciebant universo Israelii venientium in Silo.

R. Peccavi super numerum arenae maris, et multiplicata sunt peccata mea: et non sum dignus videre altitudinem caeli praemultitudine iniquitatis meae: quoniam irritavi iram tuam, * Et malum coram te feci. **V.** Quoniam iniquitatem meam ego cognosco: et delictum meum contra me est semper, quia tibi soli peccavi. Et.

Lectio ij.

ETIAM antequam adolerescens adipem, veniebat puer sacerdotis, et dicebat immolanti: Da mihi carnem, ut coquam sacerdoti: non enim accipiam a te carnem coctam, sed crudam. Dicebatque illi immolans: Incendatur primum juxta morem hodie adeps, et tolle tibi quantumcumque desiderat anima tua. Qui respondens aiebat ei: Nequaquam: nunc enim dabis, alioquin tollam vi. Erat ergo peccatum puerorum grande nimis coram Domino: quia retrahabant homines a sacrificio Domini.

R. Exaudisti Domine orationem servi tui, ut aedifica-

rem templum nómini tuo : * Bénedic, et sanctifica domum istam in sempiternum, Deus Israël. *Ÿ.* Dómine, qui custódis pactum cum servis tuis, qui ámbulant coram te in toto corde suo. Bénedic.

Lectio iij.

SÁMUEL áutem ministrábat ante fáciem Dómini, puer, accíntus ephod líneo. Et túnica parvam faciébat ei mater sua, quam afferébat statútis diébus, ascéndens cum viro suo, ut immoláret hóstiam solémnem. Et benedixit Heli Elcanæ et uxóri ejus : dixítque ei : Reddat tibi Dóminus semen de muliere hac, pro fécnore quod commodásti Dómino. Et abiérunt in locum suum. Visitávit ergo Dóminus Annam, et concépit, et péperit tres filios, et duas filias : et magnificátus est puer Sámuel apud Dóminum.

R. Audi Dómine hymnum, et oratióem, quam servus tuus orat coram te hódie : ut sint óculi tui apérti, et áures tuæ inténtæ, * Super domum istam die ac nocte.

Ÿ. Réspice Dómine de sanctuário tuo, et de excélsu cælórum habitáculo. Super. Glória Patri. Super.

Feria V. celebratur Festum Corporis Christi.

Si ea die occurrat Festum Duplex ex majoribus vel alicujus Doctoris Ecclesiæ, transfertur post Octavam : si occurrat aliud Duplex vel aliquod Semiduplex, aut Simplex, de eis nihil fit.

Infra Octavam non fit de Festo, nisi fuerit Duplex : Semiduplicia tantum commemorantur in utrisque Vesperis et Laudibus sine ix. Lectione; nec fit de Festo Duplici majori vel alicujus Doctoris Ecclesiæ translato, nisi sit primæ vel secundæ classis; de Simplici fit tantum Commemoratio absque nona Lectione de eo : nisi occurrat in Festo Duplici, quod non sit primæ classis.

Die vero Octava non fit nisi de Duplici primæ classis cum Commem. ejusdem diei Octavæ; et II. Vesperæ dicuntur sine ulla Commemoratione.



IN FESTO CORPORIS CHRISTI

Duplex 1. classis.

IN I. VESPERIS

Ant. Sacerdos in ætérnum * Christus Dóminus secúndum órđinem Melchisedech, panem et vinum obtulit.

Psalmus 109.

DIXIT Dóminus Dómino meo : * Sede a dextris meis :
Donec ponam inimicos tuos, * scabellum pedum tuorum.

Virgam virtútis tuæ emittet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctorum : * ex útero ante luciferum genui te.

Jurávit Dóminus, et non pœnitébit eum : * Tu es sacerdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus, implébit ruinas : * conquasábit cápita in terra multórum.

De torrén te in via bibet : * proptérea exaltábit caput.

Ant. Sacerdos in ætérnum Christus Dóminus secúndum

órđinem Melchisedech, panem et vinum obtulit.

Ant. Miserátor Dóminus * escam dedit timéntibus se in memóriam suórum mirabiliū.

Psalmus 110.

CONFITÉBOR tibi Dómine in toto corde meo : * in consilio justórum, et congregatióne.

Magna ópera Dómini : * exquisita in omnes voluntátes ejus.

Conféssio et magnificéntia opus ejus : * et justitia ejus manet in sáculum sáculi.

Memóriam fecit mirabiliū suórum, miséricors et miserátor Dóminus : * escam dedit timéntibus se.

Memor erit in sáculum testaménti sui : * virtútem óperum suórum annuntiábit pópulo suo :

Ut det illis hereditátem géntium : * ópera mánuum ejus véritas, et judícium.

Fidélia ómnia mandáta ejus : confirmáta in sáculum sáculi, * facta in veritáte et æquitáte.

Redemptiόνem misit pópulo suo : * mandávit in ætérnum testaméntum suum.

Sanctum, et terribile no-

men ejus : * initium sapiéntiæ timor Dómini.

Intelléctus bonus ómnibus faciéntibus eum : * laudátio ejus manet in sæculum sæculi.

Ant. Miserátor Dóminus escam dedit timéntibus se in memóriam suórum mirabílium.

Ant. Cálicem salutáris * accipiam, et sacrificábo hóstiam láudis.

Psalmus 115.

CRÉDIDI, propter quod locútus sum : * ego áutem humiliátus sum nimis.

Ego dixi in excéssu meo : * Omnis homo mendax.

Quid retribuam Dómino, * pro ómnibus, quæ retribuit mihi?

Cálicem salutáris accipiam : * et nomen Dómini invocábo.

Vota mea Dómino reddam coram omni pópulo ejus : * pretiósá in conspéctu Dómini mors sanctórum ejus :

O Dómine quia ego servus tuus : * ego servus tuus, et filius ancillæ tuæ.

Dirupísti víncula mea : * tibi sacrificábo hóstiam láudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui Jerúsalem.

Ant. Cálicem salutáris accipiam, et sacrificábo hóstiam láudis.

Ant. Sicut novéllæ olivárum, * Ecclesiæ filii sint in circúitu mensæ Dómini.

Psalmus 127.

BEÁTI omnes, qui timent Dóminum, * qui ámbulant in viis ejus.

Labóres mánuum tuárum quia manducábis : * beátus es, et bene tibi erit.

Uxor tua sicut vitis abúndans, * in latéribus domus tuæ.

Filii tui sicut novéllæ olivárum, * in circúitu mensæ tuæ.

Ecce sic benedicétur homo, * qui timet Dóminum.

Benedicat tibi Dóminus ex Sion : * et videas bona Jerúsalem ómnibus diébus vitæ tuæ.

Et videas filios filiórum tuórum, * pacem super Israël.

Ant. Sicut novéllæ olivárum, Ecclesiæ filii sint in circúitu mensæ Dómini.

Ant. Qui pacem * ponit fines Ecclesiæ, fruménti ádipe sátiat nos Dóminus.

Psalmus 147.

LÁUDA Jerúsalem Dóminum : * láuda Deum tuum Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emittit elóquium suum terræ : * velóciter currit sermo ejus.

Qui dat nivem sicut lan-
nam : * nébulam sicut cine-
rem spargit.

Mittit cristállum suam sic-
ut buccéllas : * ante fáciem
frigoris ejus quis sustinébit?

Emittet verbum suum, et
liquefáciét ea : * flabit spíri-
tus ejus, et fluent aquæ.

Qui annúntiat verbum su-
um Jacob : * justitias, et
judicia sua Israël.

Non fecit táliter omni na-
tióni : * et judicia sua non
manifestávit eis.

Ant. Qui pacem ponit fines
Ecclesiæ, fruménti ádipe sá-
tiat nos Dóminus.

Capitulum. I. Cor. 11. e

FRATRES : Ego enim accépi
a Dómino quod et trádidi
vobis, quóniam Dóminus Je-
sus, in qua nocte tradebá-
tur, accépit panem, et grá-
tias agens fregit, et dixit :
Accipite, et manducáte : hoc
est corpus meum, quod pro
vobis tradétur : hoc fácite in
meam commemoratióem.

Hymnus.

PANGE lingua gloriósi
Córporis mystérium,
Sanguinisque pretiósí,
Quem in mundi prétium
Fructus ventris generósi
Rex effúdit géntium.

Nobis datus, nobis natus
Ex intácta Virgine,
Et in mundo conversátus,
Sparso verbi sémíne,
Sui moras incolátus
Miro cláusit órđine.

In suprémxæ nocte cœnæ
Recúmbens cum frátribus,

Observáta lege plene
Cibis in legálibus,
Cibum turbæ duodénæ
Se dat suis mánibus.

Verbum caro, panem ve-
rum

Verbo carnem éfficit :
Fitque sanguis Christi me-
rum,

Et si sensus déficit,
Ad firmándum cor sincérum
Sola fides súfficit.

Tantum ergo Sacramén-
tum

Venerémur cérnui :
Et antiquum documéntum
Novo cedat ritui :
Præstet fides suppléméntum
Sénsuum deféctui.

Genitóri, Genitóque
Laus et jubilatio,
Salus, honor, virtus quoque
Sit et benedictio :
Procedénti ab utróque
Compar sit laudatio. Amen.

V. Panem de cælo præsti-
tisti eis, allelúia. *R.* Omne
delectaméntum in se habén-
tem, allelúia.

Ad Magnif. Ant. O quam
suávis est * Dómine spíritus
tuus, qui ut dulcédinem
tuam in filios demonstráres,
pane suavissimo de cælo
præstito, esuriéntes reple
bonis, fastidiósos dívites
dimíttens inánes.

Oratio.

DEUS, qui nobis sub Sacra-
ménto mirábili passiónis
tuæ memóriam reliquisti :
tribue quæsumus, ita nos
córporis et ságuinis tui
sacra mystéria venerári; ut

redemptionis tuæ fructum
in nobis jûgiter sentiámus :
Qui vivis.

**Ad Complet., et per Horas,
in fine Hymnorum dicitur :**

Jesu tibi sit glória,
Qui natus es de Virgine.

Et similiter per totam Oct.

AD MATUTINUM

Invit. Christum Regem
adorémus dominántem gén-
tibus : * Qui se mandu-
cántibus dat spíritus pin-
guédinem.

Ps. Veníte, exsultémus. 2.

Hymnus.

SACRIS solémniis juncta
sint gáudia,
Et ex præcórdiis sonent præ-
cónia;
Recédant vétera, nova sint
ómnia,
Corda, voces, et ópera.

Noctis recólitur cœna no-
víssima,
Qua Christus créditur agnum
et ázyna

Dedisse frátribus, juxta legi-
tima

Priscis indúlta pátribus.

Post agnum týpicum, ex-
plétis épulis,

Corpus Domínicum datum
discipulis,

Sic totum ómnibus, quod
totum singulis,

Ejus fatémur mánibus.

Dedit fragilibus córporis
férculum,

Dedit et tristibus sánguinis
póculum,

Dicens : Accipite quod trado
vásculum,

Omnes ex eo bibite.

Sic sacrificium istud insti-
tuit,

Cujus officium committi vó-
luit

Solis presbýteris, quibus sic
cóngruit,

Ut sumant, et dent cæteris.

Panis angélicus fit panis
hóminum;

Dat panis cælicus figúris tér-
minum :

O res mirábilis, mandúcat
Dóminum

Páuper, servus, et húmilis.

Te trina Déitas únaque
póscimus,

Sic nos tu visita, sicut te
cólimus :

Per tuas sémitas duc nos
quo téndimus,

Ad lucem, quam inhábitas.
Amen.

IN I. NOCTURNO

Ant. Fructum salutiferum*
gustándum dedit Dóminus
mortis suæ témpore.

Psalmus 1.

BEÁTUS vir, qui non ábiit
in consilio impiórum, et
in via peccatórum non ste-
tit,* et in cáthedra pestilén-
tiæ non sedit :

Sed in lege Dómini volún-
tas ejus,* et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum,* quod
fructum suum dabit in tém-
pore suo :

Et fólium ejus non dé-
fluet :* et ómnia quæcúmque
fáciat, prosperabúntur.

Non sic ímpii, non sic : *

sed tamquam pulvis, quem prójicit ventus a fácie terræ.

Ideo non resúrgent impii in iudicio : * neque peccatóres in concílio justórum.

Quóniam novit Dóminus viam justórum : * et iter impiórum peribit.

Ant. Fructum salutíferum gustándum dedit Dóminus mortis suæ témpore.

Ant. A fructu fruménti * et vini multiplicáti fidéles in pace Christi requiészunt.

Psalmus 4.

CUM invocárem exaudivit me Deus justitiæ meæ : * in tribulatióne dilatásti mihi.

Miserére mei, * et exáudi oratióne meam.

Filii hóminum úsquequo gravi corde? * ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccáre : * quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino : * multi dicunt : Quis osténdit nobis bona?

Signátum est super nos lumen vultus tui Dómine : * dedísti lætítiam in corde meo.

A fructu fruménti, vini, et olei sui * multiplicáti sunt.

In pace in idípsum * dórmiam, et requiészam;

Quóniam tu Dómine singularíter in spe * constituísti me.

Ant. A fructu fruménti et vini multiplicáti fidéles in pace Christi requiészunt.

Ant. Communióne cálicis, * quo Deus ipse súmitur, non vitulórum ságuine, congregávit nos Dóminus.

Psalmus 15.

CONSÉRVA me Dómine, quóniam sperávi in te. * Dixi Dómino : Deus meus es tu, quóniam bonórum meórum non egés.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum : * póstea acceleráverunt.

Non congregábo convénticula eórum de sanguinibus : * nec memor ero nóminum eórum per lábia mea.

Dóminus pars hereditátis meæ, et cálicis mei : * tu es, qui restitues hereditátem meam mihi.

Funes cecidérunt mihi in præcláris : * étenim hereditas mea præclára est mihi.

Benedicam Dóminum, qui tribuit mihi intelléctum : * insuper et usque ad noctem increpuérunt me renes mei.

Providébam Dóminum in conspéctu meo semper : * quóniam a dextris est mihi, ne commóvear.

Propter hoc lætátum est cor meum, et exsultávit lin-

gua mea : * insuper et caro mea requiescet in spe.

Quóniam non derelinques ánimam meam in inférno : * nec dabis Sanctum tuum vidére corruptiόνem.

Notas mihi fecisti vias vitæ, adimplébis me lætitia cum vultu tuo : * delectatiónes in dextera tua usque in finem.

Ant. Communióne cálicis, quo Deus ipse súmitur, non vitulórum ságuine, congregávit nos Dóminus.

V. Panem cæli dedit eis, allelúia. **R.** Panem Angelórum manducávit homo, allelúia.

De Epístola primæ beáti Páuli Apóstoli ad Corinthios.

Lectio j. Cap. 11. d

CONVENIÉNTIBUS vobis in unum, jam non est Dominicam cœnam manducáre. Unusquisque enim suam cœnam præsumit ad manducándum. Et álius quidem ésurit : álius áutem ébrius est. Numquid domos non habétis ad manducándum, et bibéndum? aut Ecclesiám Dei contémnitis, et confúnditis eos, qui non habent? Quid dicam vobis? Láudo vos? In hoc non láudo.

R. Immolábit hoedum multitúdo filiórum Israél ad vespèram Paschæ : * Et edent carnes, et ázymos panes. **V.** Pascha nostrum immolátus est Christus : itaque epulémur in ázymis sinceritátis et veritátis. Et.

Lectio ij.

EGO enim accépi a Dómino quod et trádidí vobis, quóniam Dóminus Jesus, in qua nocte tradebátur, accépit panem, et grátias agens fregit, et dixit : Accipite, et manducáte : hoc est corpus meum, quod pro vobis tradétur : hoc fácite in meam commemoratiómem. Similiter et cálicem, postquam cœnávit, dicens : Hic calix novum testaméntum est in meo ságuine : hoc fácite quotiescúmque bibétis, in meam commemoratiómem. Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat.

R. Comedétis carnes, et saturabimini pánibus : * Iste est panis, quem dedit vobis Dóminus ad vescéndum. **V.** Non Móyses dedit vobis panem de cælo, sed Pater meus dat vobis panem de cælo verum. Iste.

Lectio iij.

ITAQUE quicúmque manducáverit panem hunc, vel biberit cálicem Dómini indigne : reus erit córporis et ságuinis Dómini. Probet áutem seípsum homo : et sic de pane illo edat, et de cálice bibat. Qui enim manducat, et bibit indigne, júdicium sibi manducat et bibit : non dijúdicans corpus Dómini. Ideo inter vos multi infirmi et imbecilles, et dór-

miunt multi. Quod si nos met-
ipsos dijudicáremus, non
útique judicáremur. Dum
judicámur áutem, a Dómino
corrípimur, ut non cum hoc
mundo damnémur.

R. Respéxit Elías ad caput
suum subcinerícium panem :
qui surgens comédit et bibit :
* Et ambulávit in fortitúdine
cibi illius usque ad montem
Dei. **V.** Si quis manducáverit
ex hoc pane, vivet in ætér-
num. Et. Glória Patri. Et.

IN II. NOCTURNO

Ant. Memor sit Dóminus *
sacrificii nostri, et holocáu-
stum nostrum pingue fiat.

Psalmus 19.

EXÁUDIAT te Dóminus in
die tribulatiónis : * pró-
tegat te nomen Dei Jacob.

Mittat tibi auxiliú de san-
cto : * et de Sion tueátur te.

Memor sit omnis sacrificii
tui : * et holocáustum tuum
pingue fiat.

Tribuat tibi secúndum cor
tuum : * et omne consilium
tuum confirmet.

Lætábimur in salutári
tuo : * et in nómine Dei no-
stri magnificábimur.

Impleat Dóminus omnes
petitiónes tuas : * nunc co-
gnóvi quóniam saluum fecit
Dóminus Christum suum.

Exáudiet illum de cælo
sancto suo : * in potentátibus
salus dexteræ ejus.

Hí in cúrribus, et hí in
equis : * nos áutem in nómine
Dómini Dei nostri invocábi-
mus.

Ipsi obligáti sunt, et ceci-
derunt : * nos áutem surre-
ximus et erécti sumus.

Dómine saluum fac re-
gem : * et exáudi nos in die,
qua invocáverimus te.

Ant. Memor sit Dóminus
sacrificii nostri, et holocáu-
stum nostrum pingue fiat.

Ant. Parátur * nobis mensa
Dómini advérsus omnes qui
tribulant nos.

Psalmus 22.

DÓMINUS regit me, et nihil
mihi déerit : * in loco
pascuæ ibi me collocávit.

Super aquam refectiόνis
educávit me : * ánimam
meam convértit.

Dedúxit me super sémi-
tas justitiæ, * propter nomen
suum.

Nam, et si ambulávero in
medio umbræ mortis, non
timébo mala : * quóniam tu
mecum es.

Virga tua, et báculo
tuus : * ipsa me consoláta
sunt.

Parásti in conspéctu meo
mensam, * advérsus eos, qui
tribulant me.

Impinguásti in óleo caput
meum : * et calix meus iné-
brians quam præclárus est !

Et misericórdia tua subse-
quétur me * ómnibus diébus
vitæ meæ :

Et ut inhábitem in domo
Dómini, * in longitudinem
diérum.

Ant. Parátur nobis mensa
Dómini advérsus omnes, qui
tribulant nos.

Ant. In voce exsultationis * résonent epulantes in mensa Dómini.

Psalmus 41.

QUEMÁDMODUM desiderat cervus ad fontes aquarum : * ita desiderat ánima mea ad te Deus.

Sitivit ánima mea ad Deum fortem vivum : * quando véniam, et apparebo ante faciém Dei?

Fuérunt mihi lácrymæ meæ panes die ac nocte : * dum dicitur mihi quotidie : Ubi est Deus tuus?

Hæc recordátus sum, et effúdi in me ánimam meam : * quóniam transibo in locum tabernáculi admirábilis, usque ad domum Dei.

In voce exsultationis, et confessionis : * sonus epulántis.

Quare tristis es ánima mea? * et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ad meípsum ánima mea conturbáta est : * propterea memor ero tui de terra Jordánis, et Hermóniim a monte mó dico.

Abýssus abyssum invocet, * in voce cataractarum tuarum.

Omnia excélsa tua, et fluctus tui * super me transiérunt.

In die mandávit Dóminus misericórdiam suam : * et nocte cánticum ejus.

Apud me orátio Deo vitæ meæ, * dicam Deo : Suscéptor meus es.

Quare oblítus es mei? * et quare contristátus incédo, dum affligit me inimicus?

Dum confringúntur ossa mea, * exprobravérunt mihi, qui tribulant me inimici mei.

Dum dicunt mihi per singulos dies : Ubi est Deus tuus? * quare tristis es ánima mea, et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ant. In voce exsultationis résonent epulantes in mensa Dómini.

V. Cibávit illos ex ádipe fruménti, allelúia. **R.** Et de petra, melle saturávit eos, allelúia.

Sermo sancti Thomæ Aquinátis.

Lectio iv. In Opusculo 57.

IMMÉNSA divínæ largitátis beneficia, exhibita pópulo christiáno, inæstimáblem ei cónferunt dignitátem. Neque enim est, aut fuit aliquándo tam grandis nátio, quæ hábeat deos appropinquantes sibi, sicut adest nobis Deus noster. Unigénitus síquidem Dei Fílius, suæ divinitátis volens nos esse participes, natúram nostram assúmpsit, ut hómines deos fáceret factus homo. Et hoc insuper, quod de nostro assúmpsit, totum nobis cóntulit ad salutem. Corpus namque suum

pro nostra reconciliatióne in ara crucis hóstiam óbtulit Deo Patri : sánguinem suum fudit in prétium simul et lavácrum : ut redépti a miserábili servitúte, a peccátis ómnibus mundarémur. Ut áutem tanti beneficii jugis in nobis manéret memória, corpus suum in cibum, et sánguinem suum in potum, sub spécie panis et vini suméndum fidélibus dereliquit.

R. Cœnantibus illis accépit Jesus panem, et benedixit, ac fregit, deditque discipulis suis, et ait : * Accipite, et comédite : hoc est corpus meum. **V.** Dixérunt viri tabernáculi mei : Quis det de cárnibus ejus, ut saturémur? Accipite.

Lectio v.

O PRETIÓSUM et admirándum convivium, salu-tíferum, et omni suavitate replétum! Quid enim hoc convivio pretiósus esse potest? in quo non carnes vitulórum et hircórum, ut olim in lege, sed nobis Christus suméndus propónitur verus Deus. Quid hoc sacraménto mirabilius? In ipso namque panis et vinum in Christi corpus et sánguinem substantialiter convertúntur : ideóque Christus Deus, et homo perféctus sub módici panis et vini spécie continétur. Manducátur itaque a fidélibus, sed minime lacerátur : quinímo diviso Sa-

craménto, sub quálibet divisiónis partícula integer perseverat. Accidéntia áutem sine subjécto in eódem subsistunt, ut fides locum hábeat, dum visibile invisibiliter súmitur aliéna spécie occultátum : et sensus a deceptiône reddántur immúnes, qui de accidéntibus júdicant sibi notis.

R. Accépit Jesus cálicem, postquam cœnavit, dicens : Hic calix novum testaméntum est in meo ságuine : * Hoc fácite in meam commemoratióem. **V.** Memória memor ero, et tabéscet in me ánima mea. Hoc fácite.

Lectio vj.

NULLUM étiam sacraméntum est isto salúbrius, quo purgántur peccáta, virtútes augéntur, et mens ómnium spirituálium charismatum abundántia impinguátur. Offértur in Ecclesia pro vivis et mórtuis : ut ómnibus prosit, quod est pro salute ómnium institútum. Suavitatem dénique hujus Sacraménti nullus exprimere súfficit, per quod spirituális dulcédo in suo fonte gustátur : et recólitur memória illius, quam in sua passióne Christus monstrávit, excellentissimæ caritátis. Unde ut ártius hujus caritátis imménsitas fidélium córdibus infigerétur, in última cœna, quando Pascha cum discipulis celebráto, transitúrus erat de

hoc mundo ad Patrem, hoc Sacraméntum instituit, tamquam passiónis suæ memoriále perénne, figurárum vétérum impletívum, miraculórum ab ipso factórum máximum; et de sua contristátis abséntia solátium singuláre reliquit.

R. Ego sum panis vitæ : patres vestri manducavérunt manna in desérto, et mórtui sunt : * Hic est panis de cælo descéndens, ut si quis ex ipso mandúcet, non moriátur. **V.** Ego sum panis vivus, qui de cælo descendi : si quis manducáverit ex hoc pane, vivet in ætérnum. Hic est. Glória Patri. Hic est.

IN III. NOCTURNO

Ant. Introibo * ad altáre Dei : sumam Christum, qui rénovat juventútem meam.

Psalmus 42.

JÚDICA me Deus, et discérne cáusam meam de gente non sancta, * ab hómine iniquo, et dolóso érue me.

Quia tu es Deus fortitúdo mea : * quare me repulisti? et quare tristis incédo, dum affligit me inimicus?

Emitte lucem tuam et veritátem tuam : * ipsa me deduxérunt, et adduxérunt in montem sanctum tuum, et in tabernácula tua.

Et introibo ad altáre Dei : * ad Deum, qui lætíficat juventútem meam.

Confitébor tibi in cithara Deus Deus meus : * quare

tristis es ánima mea? et quare contúrbas me?

Spera in Deo, quóniam adhuc confitébor illi : * salutare vultus mei, et Deus meus.

Ant. Introibo ad altáre Dei : sumam Christum, qui rénovat juventútem meam.

Ant. Cibávit nos Dóminus * ex ádipe fruménti : et de petra, melle saturávit nos.

Psalmus 80.

EXSULTÁTE Deo adjutóri nostro : * jubiláte Deo Jacob.

Súmíte psalmum, et date týmpanum : * psalterium jucúndum cum cithara.

Buccináte in Neoméniá tuba, * in insígni die solemnitétis vestræ :

Quia præcéptum in Israël est : * et iudícium Deo Jacob.

Testimónium in Joseph pósuit illud, cum exiret de terra Ægýpti : * linguam, quam non nóverat, audívit.

Divértit ab onéribus dorsum ejus : * manus ejus in cóphino serviérunt.

In tribulatióne invocásti me, et liberávi te : * exaudivi te in abscondito tempestátis : probávi te apud aquam contradiciónis.

Audi pópulus meus, et contestábor te : * Israël si audieris me, non erit in te deus recens, neque adorábis deum aliénium.

Ego enim sum Dóminus

Deus tuus, qui eduxi te de terra Ægypti : * dilata os tuum, et implebo illud.

Et non audivit populus meus vocem meam : * et Israël non intendit mihi.

Et dimisi eos secundum desideria cordis eorum, * ibunt in adinventiōibus suis.

Si populus meus audisset me : * Israël si in viis meis ambulasset :

Pro nihilo forsitan inimicos eorum humiliassem : * et super tribulantes eos misissem manum meam.

Inimici Domini mentiti sunt ei : * et erit tempus eorum in sæcula.

Et cibavit eos ex adipē frumenti : * et de petra, melle saturavit eos.

Ant. Cibavit nos Dominus ex adipē frumenti : et de petra, melle saturavit nos.

Ant. Ex altari tuo * Domine Christum sumimus : in quem cor et caro nostra exsultant.

Psalmus 83.

QUAM dilecta tabernacula tua Domine virtutum : * concupiscit, et deficit anima mea in atria Domini.

Cor meum, et caro mea * exsultaverunt in Deum vivum.

Etenim passer invenit sibi domum : * et turtur nidum sibi, ubi ponat pullos suos.

Altaria tua Domine virtutum : * Rex meus, et Deus meus.

Beati, qui habitant in domo tua Domine : * in sæcula sæculorum laudabunt te.

Beatus vir, cujus est auxilium abs te : * ascensiones in corde suo disposuit, in valle lacrymarum in loco, quem posuit.

Etenim benedictionem dabit legislator, ibunt de virtute in virtutem : * videbitur Deus deorum in Sion.

Domine Deus virtutum exaudi orationem meam : * auribus percipe Deus Jacob.

Protector noster adspice Deus : * et respice in faciem Christi tui :

Quia melior est dies una in atriis tuis * super millia.

Elégi abjectus esse in domo Dei mei : * magis quam habitare in tabernaculis peccatorum.

Quia misericordiam, et veritatem diligit Deus : * gratiam, et gloriam dabit Dominus.

Non privabit bonis eos, qui ambulant in innocentia : * Domine virtutum, beatus homo, qui sperat in te.

Ant. Ex altari tuo Domine Christum sumimus : in quem cor et caro nostra exsultant.

Y. Educas panem de terra, allelúia. **R.** Et vinum lætificet cor hominis, allelúia.

Lectio sancti Evangelii secundum Joannem.

Lectio vij. Cap. 6. f

In illo tempore : Dixit Jesus turbis Judæorum : Caro

mea, vere est cibus : et sanguis meus, vere est potus. Et reliqua.

Homilia sancti Augustini
Episcopi.

Tractatus 26. in Joannem,
sub finem.

CUM cibo et potu id appetant homines, ut neque esuriant, neque sitiant : hoc veraciter non præstat, nisi iste cibus et potus, qui eos, a quibus sumitur, immortales et incorruptibiles facit; id est, societas ipsa sanctorum : ubi pax erit, et unitas plena atque perfecta. Propterea quippe, sicut etiam ante nos hoc intellexerunt homines Dei, Dominus noster Jesus Christus corpus et sanguinem suum in eis rebus commendavit, quæ ad unum aliquid rediguntur ex multis. Namque aliud in unum ex multis granis conficitur : aliud in unum ex multis acinis confluit. Denique jam exponit quomodo id fiat, quod loquitur : et quid sit manducare corpus ejus, et sanguinem bibere.

R. Qui manducat meam carnem, et bibit meum sanguinem, * In me manet, et ego in eo. **V.** Non est alia natio tam grandis, quæ habeat deos appropinquantes sibi, sicut Deus noster adest nobis. In me.

Lectio viij.

QUI manducat carnem meam, et bibit meum sanguinem, in me manet, et ego

in illo. Hoc est ergo manducare illam escam, et illum bibere potum, in Christo manere, et illum manentem in se habere. Ac per hoc, qui non manet in Christo, et in quo non manet Christus, procul dubio nec manducat spiritaliter carnem ejus, nec bibit ejus sanguinem, licet carnaliter et visibiliter premat dentibus Sacramentum corporis et sanguinis Christi : sed magis tantæ rei sacramentum ad judicium sibi manducat et bibit, quia immundus præsumpsit ad Christi accedere Sacramenta, quæ aliquis non digne sumit, nisi qui mundus est; de quibus dicitur : Beati mundo corde, quoniam ipsi Deum videbunt.

R. Misit me vivens Pater, et ego vivo propter Patrem : * Et qui manducat me, vivet propter me. **V.** Cibavit illum Dominus pane vitæ et intellectus. Et. Glória Patri. Et.

Lectio ix.

SICUT, inquit, misit me vivens Pater, et ego vivo propter Patrem : et qui manducat me, et ipse vivet propter me. Ac si diceret : Ut ego vivam propter Patrem, id est, ad illum tamquam ad majorem referam vitam meam, exinanitio mea fecit, in qua me misit. Ut autem quisquam vivat propter me, participatio facit, qua manducat me. Ego itaque humiliatus vivo propter Patrem :

ille erectus vivit propter me. Si autem ita dictum est, Vivo propter Patrem, quia ipse de illo, non ille de ipso est: sine detrimento æqualitatis dictum est. Nec tamen dicendo, Et qui manducat me, et ipse vivet propter me: eandem suam et nostram æqualitatem significavit, sed gratiam mediatoris ostendit.

Te Deum laudamus. 16.

AD LAUDES

ET PER HORAS

Ant. 1. Sapientia * ædificavit sibi domum, miscuit vinum, et posuit mensam, allelúia.

Ps. Dominus regnavit. **cum reliq.** 16.

2. Angelorum esca * nutriti populum tuum, et panem de cælo prestitisti eis, allelúia.

3. Pinguis est panis * Christi, et præbebit delicias regibus, allelúia.

4. Sacerdotes sancti * incensum et panes offerunt Deo, allelúia.

5. Vincenti dabo * manna absconditum, et nomen novum, allelúia.

Capitulum. I. Cor. 11 c.

FRATRES: Ego enim accépi a Domino, quod et tradidi vobis, quoniam Dominus Jesus in qua nocte tradebatur, accépit panem, et gratias agens fregit, et dixit: Accipite, et manducate: hoc est corpus meum, quod pro vobis tradetur: hoc facite

in meam commemoratió-nem.

Hymnus.

VERBUM supérnum prod-iens,

Nec Patris linquens dexte-ram,

Ad opus suum exiens,
Venit ad vitæ vésperam.

In mortem a discipulo
Suis tradendus æmulis,
Prius in vitæ férculo
Se tradidit discipulis.

Quibus sub bina specie
Carnem dedit et sanguinem;
Ut dúplicis substantiæ
Totum cibáret hóminem.

Se nascens dedit sócium,
Convéscens in edúlium,
Se móriens in prétium,
Se regnans dat in præmium.

O salutáris hóstia,
Quæ cæli pandis óstium,
Bella premunt hostília,
Da robur, fer auxilium.

Uni trinóque Dómino
Sit sempitérna glória:
Qui vitam sine término
Nobis donet in pátria.

Amen.

Y. Posuit fines tuos pacem, allelúia. **R.** Et ádipe fruménti sátiat te, allelúia.

Ad Bened. Ant. Ego sum * panis vivus, qui de cælo descendi: si quis manducaverit ex hoc pane, vivet in ætérnum, allelúia.

Oratio.

DEUS, qui nobis sub Sacraménto mirábili pas-siónis tuæ memóriam reliquisti: tribue quæsumus, ita nos córporis et sanguínis

tui sacra mystéria venerári ;
ut redemptionis tuæ fructum
in nobis júgiter sentiámus :
Qui vivis.

AD PRIMAM

In R̃. br. Ȳ. Qui natus es
de Maria Virgine.

Et sic dicitur per totam
Octavam.

In ȲȲ. Primæ et Comple-
torii non additur Allelúia,
sed in aliis Horis.

AD TERTIAM

Ant. Angelórum esca.

Capit. Fratres. ut supra.

R̃. br. Panem cæli dedit
eis, * Allelúia, allelúia. Panem
cæli. Ȳ. Panem Ange-
lórum manducávit homo.
Allelúia, allelúia. Glória Pa-
tri. Panem.

Ȳ. Cibávit illos ex ádipe
fruménti, allelúia. R̃. Et de
petra, melle saturávit eos,
allelúia.

AD SEXTAM

Ant. Pinguis est panis.

Capitulum. I. Cor. 11. f

QUOTIESCÚMQUE enim man-
ducábitis panem hunc,
et cálicem bibétis : mortem
Dómini annuntiábitis donec
véniat.

R̃. br. Cibávit illos ex ádipe
fruménti, * Allelúia, allelúia.
Cibávit. Ȳ. Et de petra, melle
saturávit eos. Allelúia, alle-
lúia. Glória Patri. Cibávit.

Ȳ. Edúcas panem de ter-
ra, allelúia. R̃. Et vinum
lætificet cor hóminis, alle-
lúia.

AD NONAM

Ant. Vincénti dabo.

Capitulum. I. Cor. 11. f

QUICÚMQUE manducáverit
panem hunc, vel bíberit
cálicem Dómini indigne :
reus erit córporis et sán-
guinis Dómini.

R̃. br. Edúcas panem de
terra, * Allelúia, allelúia.
Edúcas. Ȳ. Et vinum lætifi-
cet cor hóminis. Allelúia,
allelúia. Glória Patri. Edú-
cas.

Ȳ. Pósuit fines tuos pa-
cem, allelúia. R̃. Et ádipe
fruménti sátiat te, allelúia.

IN II. VESPERIS

Omnia ut in I. Vesp. 165.

Ȳ. Panem de cælo præsti-
tisti eis, allelúia. R̃. Omne
delectaméntum in se habén-
tem, allelúia.

Ad Magnif. Ant. O sacrum
convívium,* in quo Christus
súmitur ; recólitur memória
passiónis ejus : mens implé-
tur grátia : et futúrae glóriæ
nobis pignus datur, allelúia.

FERIA SEXTA

INFRA OCT. CORPORIS CHRISTI

IN I. NOCTURNO

De libro primo Regum.

Lectio j. Cap. 2. f

VENIT autem vir Dei ad
Heli, et ait ad eum : Hæc
dicit Dóminus : Numquid
non apérte revelátus sum
dómuí patris tui, cum es-
sent in Ægýpto in domo
Pharaónis? Et elégi eum ex
ómnibus tribubus Israël mi-
hi in sacerdotem, ut ascén-
deret ad altáre meum, et
adoléret mihi incénsum, et

portáret ephod coram me : et dedi dómui patris tui ómnia de sacrificiis filiórum Israël. Quare calce abjecistis victimam meam, et múnera mea, quæ præcépi ut offerrentur in templo : et magis honorásti filios tuos, quam me, ut comederétis primitias omnis sacrificii Israël pópuli mei?

℟. Immolábit. 170.

Lectio ij.

PROPTÉREA ait Dóminus Deus Israël : Loquens locútus sum, ut domus tua, et domus patris tui ministráret in conspéctu meo, usque in sempitérnum. Nunc áutem dicit Dóminus : Absit hoc a me : sed quicúmque glorificáverit me, glorificábo eum : qui áutem contémnunt me, erunt ignóbiles. Ecce dies véniunt : et præcidam bráchium tuum, et bráchium domus patris tui, ut non sit senex in domo tua. Et vidébis æmulum tuum in templo, in univérsis prósperis Israël : et non erit senex in domo tua ómnibus diébus. Verúm tamen non áuferam pénitus virum ex te ab altári meo : sed ut deficiant óculi tui, et tabéscat ánima tua : et pars magna domus tuæ moriétur, cum ad virilem ætátem vénerit.

℟. Comedétis. 170.

Lectio iij.

HOC áutem erit tibi signum, quod ventúrum est duóbus filiis tuis, Ophni

et Phínees : In die uno moriéntur ambo. Et suscitábo mihi sacerdotem fidélem, qui juxta cor meum et ánimam meam fáciat : et ædificábo ei domum fidélem, et ambulábit coram Christo meo cunctis diébus. Futúrum est áutem, ut quicúmque remánserit in domo tua, véniat ut orétur pro eo, et ófferat nummum argénteum, et tortam panis, dicátque : Dimitte me óbsecro ad unam partem sacerdotálem, ut cómedam buccellam panis.

℟. Respexit. 171.

IN II. NOCTURNO

De Sermóne sancti Thomæ Aquináti.

In eodem Opusculo 57.

Lectio iv.

CÓNVENIT itaque devotióni fidélium, solémniter recólere institutióem tam salutiferi, tamque mirábilis Sacraménti : ut ineffáblem modum divinæ præsentíæ in Sacraménto visibili venerémur : et laudétur Dei poténtia, quæ in Sacraménto eódem tot mirabilia operátur : nec non et de tam salúbri, tamque suávi beneficio exsolvántur Deo gratiárum débitæ actiões. Verum etsi in die Cœnæ, quando Sacraméntum prædictum nóscitur institútum, inter Missárum solémnia de institutióne ipsius speciális méntio habeátur : totum tamen residuum ejúsdem diéi officium ad Christi passióem pérti-

net, circa cujus veneratió-
nem Ecclesiá illo témpore
occupátur.

℞. Cœnantibus. 173.

Lectio v.

UT áutem íntegro celebrítá-
tis officio institutiónem
tanti Sacraménti recóleret
plebs fidélium : Románu
Póntifex Urbánu quartus,
hujus Sacraménti devotióne
afféctus, pie státuit præfátæ
institutiónis memóriam pri-
ma quinta féria post Octá-
vam Pentecóstes a cunctis
fidélibus celebrári : ut qui
per totum anni circulum hoc
Sacraménto útimur ad salú-
tem, ejus institutiónem illo
témpore speciáliter recolá-
mus, quo Spiritus sanctus
corda discipulórum edócuit
ad plene cognoscénda hujus
mystéria Sacraménti. Nam
et in eódem témpore cœpit
hoc Sacraméntum a fidéli-
bus frequentári.

℞. Accépit Jesus. 173.

Lectio vj.

UT áutem prædicta quinta
féria, et per Octávas se-
quéntes, ejus salutáris insti-
tutiónis honorificéntius agá-
tur memória, et solémnitas
de hoc célébrior habeátur :
loco distributiónum mate-
riálium, quæ in ecclésiis ca-
thedralibus largiúntur exsi-
sténtibus Horis Canónicis
noctúrnis, paritérque diúr-
nis, præfátus Románu Pón-
tifex eis, qui hujúsmodi Ho-
ris in hac solemnitáte per-
sonáliter in ecclésiis inter-

fúerint, stipéndia spirituália
apostólica largitióne con-
cæssit : quátenus per hæc
fidéles ad tanti festi celebri-
tátem avidius et copiósius
convenirent.

℞. Ego sum. 174.

IN III. NOCTURNO

Léctio sancti Evangélii se-
cúndum Joánnem.

Lectio vij. Cap. 6. f.

In illo témpore : Dixit Jesus
turbis Judæórum : Caro
mea, vere est cibus : et san-
guis meus, vere est potus.
Et réliqua.

De Homilia sancti Augustini
Episcopi.

Tractatus 27. in Joannem.

VERBA Dómini ex Evangé-
lio, quæ sermónem pri-
stinum consequúntur, audi-
vimus. Hinc sermo debétur
áuribus et méntibus vestris,
et hodiérna die non impor-
túnus est. Est enim de cór-
pore Dómini, quod dicébat
se dare ad manducándum
propter ætérnam vitam. Ex-
pósuit áutem modum attri-
butiόnis hujus, et doni sui,
quómodo daret carnem su-
am manducáre, dicens : Qui
mandúcat carnem meam, et
bibitsánguinem meum, in me
manet, et ego in illo. Signum
quia manducávit et bibit, hoc
est : si manet, et manétur :
si hábitat, et inhabitátur :
si hæret, ut non deserátur.

℞. Qui mandúcat. 176.

Lectio viij.

Hoc ergo nos dócuit et
admónuit mysticis ver-

bis, ut simus in ejus corpore sub ipso capite in membris ejus, edentes carnem ejus, non relinquentes unitatem ejus. Sed qui aderant, plures non intelligendo scandalizati sunt : non enim cogitabant, hæc audiendo, nisi carnem, quod ipsi erant. Apostolus autem dicit et verum dicit : Sapere secundum carnem mors est. Carnem suam dat nobis Dominus manducare : et sapere secundum carnem, mors est. Cum de carne sua dicat, quia ibi est vita æterna : ergo nec carnem debemus sapere secundum carnem, sicut in his verbis : Multi itaque audientes, non ex inimicis, sed ex discipulis ejus, dixerunt : Durus est hic sermo, et quis potest eum audire?

℞. Misit me. 176.

Lectio ix.

Si discipuli durum habuerunt istum sermonem, quid inimici? Et tamen sic oportebat ut diceretur, quod non ab omnibus intelligeretur. Secretum Dei intentos debet facere, non adversos : isti autem cito defecerunt, talia loquente Domino Jesu Christo. Non crediderunt aliquid magnum dicentem, et verbis illis aliquam gratiam cooperientem : sed prout voluerunt, ita intellexerunt, et more hominum : quia poterat Jesus, aut hoc disponebat Jesus, carnem, qua indutum erat Verbum, veluti

concisam, distribuere credentibus in se. Durus est, inquiunt, hic sermo : quis potest eum audire?

Te Deum laudamus. 16.

SABBATO

IN I. NOCTURNO

De libro primo Regum.

Lectio j. Cap. 3.

PUER autem Samuel ministrabat Domino coram Heli, et sermo Domini erat pretiosus in diebus illis, non erat visio manifesta. Factum est ergo in die quadam, Heli jacebat in loco suo, et oculi ejus caligaverant, nec poterat videre : lucerna Dei antequam extingueretur, Samuel dormiebat in templo Domini, ubi erat arca Dei. Et vocavit Dominus Samuel. Qui respondens, ait : Ecce ego. Et cucurrit ad Heli, et dixit : Ecce ego : vocasti enim me. Qui dixit : Non vocavi : revertere, et dormi. Et abiit, et dormivit. Et adjecit Dominus rursum vocare Samuel. Consurgensque Samuel, abiit ad Heli, et dixit : Ecce ego : quia vocasti me. Qui respondit : Non vocavi te, fili mi : revertere, et dormi. Porro Samuel necdum sciebat Dominum, neque revelatus fuerat ei sermo Domini.

℞. Immolabit. 170.

Lectio ij.

Et adjecit Dominus, et vocavit adhuc Samuel.

lem tertio. Qui consurgens abiit ad Heli, et ait : Ecce ego : quia vocasti me. Intellexit ergo Heli quia Dominus vocaret puerum : et ait ad Samuelem : Vade, et dormi : et si deinceps vocaverit te, dices : Loquere Domine, quia audit servus tuus. Abiit ergo Samuel, et dormivit in loco suo. Et venit Dominus, et stetit : et vocavit, sicut vocaverat secundo, Samuel, Samuel. Et ait Samuel : Loquere Domine, quia audit servus tuus. Et dixit Dominus ad Samuelem : Ecce ego facio verbum in Israël : quod quicumque audierit, tinnient ambæ aures ejus. In die illa suscitabo adversum Heli omnia, quæ locutus sum super domum ejus : incipiam, et complebo.

℞. Comedētis. 170.

Lectio iij.

DORMIVIT autem Samuel usque mane, aperuitque ostia domus Domini. Et Samuel timebat indicare visionem Heli. Vocavit ergo Heli Samuelem, et dixit : Samuel fili mi? Qui respondens, ait : Præsto sum. Et interrogavit eum : Quis est sermo, quem locutus est Dominus ad te? oro te ne celaveris me. Hæc faciat tibi Deus, et hæc addat, si absconderis a me sermonem ex omnibus verbis, quæ dicta sunt tibi. Indicavit itaque ei Samuel universos sermones, et non abscondit ab eo. Et ille re-

spondit : Dominus est : quod bonum est in oculis suis faciat. Crevit autem Samuel, et Dominus erat cum eo, et non cecidit ex omnibus verbis ejus in terram. Et cognovit universus Israël, a Dan usque Bersabée, quod fidelis Samuel propheta esset Domini.

℞. Respexit Elias. 171.

IN II. NOCTURNO

Sermo sancti Joannis Chrysostomi.

Hom. 61. ad pop. Antiochen.

Lectio iv.

NCESSARIUM est, dilectissimi, mysteriorum discere miraculum, quodnam sit, et quare sit datum, et quæ ejus rei utilitas. Unum corpus efficimur : membra, inquit, ex carne ejus, et ex ossibus ejus : sequamur autem initiati, quæ dicuntur. Ut itaque non tantum per caritatem hoc faciamus, verum etiam ipsa re, in illam misceamur carnem : hoc namque per escam efficitur, quam largitus est nobis, volens ostendere desiderium quod erga nos habet. Propterea semetipsum nobis immiscuit, et corpus suum in nos temperavit, ut unum quid simus tamquam corpus capiti coaptatum : ardentem enim amantium hoc est.

℞. Coenantibus. 173.

Lectio v.

TAMQUAM leones igitur ignem spirantes ab illa

mensa recedámus, facti diabolo terribiles, et caput nostrum mente revolvéntes, et caritátem quam erga nos osténdit. Nam paréntes quidem áliis sæpe filios tradunt aléndon: ego áutem, inquit, non ita, sed cárnibus meis alo, et meípsum vobis ap-póno, vos omnes generóson esse volens, et spem bonam de futúris vobis præbens: quippe qui vobis hic meípsum trádidi, multo magis id in futúro fáciám. Vólui frater vester fieri, carni propter vos et sánguini communicávi: vobis vicíssim ipsam carnem et sánguinem, per quæ cognátus vester factus sum, trado.

℞. Accépit Jesus. 173.

Lectio vj.

ATTENDÁMUS itaque nobis ipsis, dilectíssimi, tálibus fruéntes bonis: et cum áliquíd turpe dicere voluérimus, vel nos ab ira córripi vidérimus, vel álio quópiam hujúsmodi vitio, considerémus quibus facti sumus digni: talisque cogitátio nobis irrationabilium mótuum sit corréctio. Quotquot igitur hujus participes córporis effícimur, quotquot sánguinem degustámus; cogitémus, quod illum sursum sedéntem, qui ab Angelis adorátur incorruptibili vicínus virtúti, hunc degustámus. Hei mihi, quot ad salútem nobis viæ! Nos corpus suum effécit: nobis suum commu-

nicávit corpus: et horum nos nihil a malis avértit.

℞. Ego sum. 174.

IN III. NOCTURNO

Léctio sancti Evangélii secúndum Joánnem.

Lectio vij. Cap. 6. f

IN illo témpore: Dixit Jesus turbis Judæórum: Caro mea, vere est cibus: et sanguis meus, vere est potus. Et réliqua.

De Homilia sancti Augustíni Episcopi.

Tractatus 27. in Joannem, ante medium.

DÍXIMUS, fratres, hoc Dóminum commendásse in manducatíone carnis suæ, et potatíone sánguinis sui, ut in illo maneámus, et ipse in nobis. Manémus áutem in illo, cum sumus membra ejus: manet áutem ipse in nobis, cum sumus templum ejus. Ut áutem simus membra ejus, únitás nos compáginat: ut compáginet únitás, quæ facit, nisi caritas? Et caritas Dei unde? Apóstolum intérroga. Caritas, inquit, Dei diffúsa est in córdibus nostris per Spíritum sanctum, qui datus est nobis.

℞. Qui mandúcat. 176.

Lectio viij.

ERGO spíritus est qui vivíficat: spíritus enim facit viva membra: nec viva membra spíritus facit, nisi quæ in córpore, quod végetat ipse spíritus, invénerit. Nam spíritus, qui est in te, o homo, quo constas ut

homo sis, numquid vivificat membrum quod separátum invénierit a carne tua? Spíritum tuum dico ánimam tuam. Anima tua non vivificat, nisi membra quæ sunt in carne tua : unum si tollas, jam non vivificátur ex ánima tua, quia unitáti córporis tui non copulátur.

℟. Misit me. 176.

Lectio ix.

HÆC dicúntur, ut amémus unitátem, et timeámus separatióem. Nihil enim sic debet formidáre Christiá-nus, quam separári a córpore Christi. Si enim separátur a córpore Christi, non est membrum ejus : si non est membrum ejus, non vegetátur spíritu ejus. Quisquis áutem, inquit Apóstolus. Spíritum Christi non habet : hic non est ejus. Spíritus ergo est, qui vivificat, caro áutem non prodest quidquam. Verba, quæ ego locútus sum vobis, spíritus et vita sunt. Quid est, Spíritus et vita sunt? Spiritáliter intelligénda sunt. Intellexisti spiritáliter? Spíritus et vita sunt. Intellexisti carnáliter? Etiam sic illa spíritus et vita sunt, sed tibi non sunt.

Te Deum laudámus. 16.

AD VESPERAS

Ant. et Pss. ut in I. Vesp. Festi. 165.

Capitulum. I. Joann. 3. b

CARÍSSIMI : Nolite mirári, si odit vos mundus. Nos

scimus quóniam transláti sumus de morte ad vitam, quóniam diligimus fratres.

Hymnus. Pange lingua. 167.

℣. Cibávit illos ex ádipe fruménti, allelúia. ℞. Et de petra, melle saturávit eos, allelúia.

Ad Magnif. Ant. Puer Sá-muel * ministrábat ante Deum coram Heli, et sermo Dómini erat pretiósus cum eo.

Oratio.

SANCTI nóminis tui Dómine timórem páriter et amórem fac nos habére perpétuum : quia numquam tua gubernatióne destituis, quos in soliditáte tuæ dilectiόνis instituis. Per Dóminum.

Et fit Commemoratio de Octava.

Ant. O sacrum convívium, in quo Christus súmitur : recólitur memória passiόνis ejus : mens implétur grátia : et futúrae glóriæ nobis pignus datur, allelúia.

℣. Panem de cælo præstísti eis, allelúia. ℞. Omne delectaméntum in se habéntem, allelúia.

Oratio.

DEUS, qui nobis sub Sacraménto mirábili passiόνis tuæ memóriam reliquisti : tribue quæsumus, ita nos córporis et ságuinis tui sacra mystéria venerári ; ut redemptiόνis tuæ fructum in nobis júgiter sentiámus : Qui vivis.

DOMINICA INFRA OCT.

QUÆ EST II. POST PENTECOST.

Omnia dicuntur de Oct.,
præter seq.

IN I. NOCTURNO

De libro primo Regum.

Lectio j. Cap. 4.

ET factum est in diēbus illis, convenērunt Philisthiim in pugnam : et egrēsus est Israël óbviā Philisthiim in prælium, et castrametātus est juxta Lapidem adjutórii. Porro Philisthiim venērunt in Aphec, et instruxērunt áciem contra Israël. Inito áutem certámīne, terga vertit Israël Philisthæis : et cæsa sunt in illo certámīne passim per agros, quasi quātuor millia virórum. Et revērsus est pópulus ad castra : dixerúntque majóres natu de Israël : Quare percússit nos Dóminus hódie coram Philisthiim? Afferámus ad nos de Silo arcam fœderis Dómini, et véniat in médium nostri, ut salvet nos de manu inimicórum nostrórum.

R̃. Immolábit. 170.

Lectio ij.

MISIT ergo pópulus in Silo, et tulērunt inde arcam fœderis Dómini exercituum sedéntis super Chérubim : erántque duo filii Heli cum arca fœderis Dei, Ophni et Phinees. Cumque venisset arca fœderis Dómini in castra, vociferátus est omnis Israël clamóre grandī, et

persónuit terra. Et audiērunt Philisthiim vocem clamóris, dixerúntque : Quænam est hæc vox clamóris magni in castris Hebræórum? Et cognovērunt quod arca Dómini venisset in castra.

R̃. Comedétis. 170.

Lectio iij.

TIMUERÚNTQUE Philisthiim, dicéntes : Venit Deus in castra. Et ingemuērunt, dicéntes : Væ nobis : non enim fuit tanta exsultátio heri et nudiustértius : væ nobis. Quis nos salvábit de manu deórum sublimium istórum? hi sunt dii, qui percussērunt Ægýptum omni plaga, in deserto. Confortámini, et estóte viri, Philisthiim : ne serviátis Hebræis, sicut et illi serviérunt vobis : confortámini, et belláte. Pugnávērunt ergo Philisthiim, et cæsus est Israël, et fugit unusquisque in tabernáculum suum : et facta est plaga magna nimis : et cecidérunt de Israël trigínta millia peditum. Et arca Dei capta est : duo quoque filii Heli mórtui sunt, Ophni et Phinees.

R̃. Respexit. 171.

IN II. NOCTURNO

Sermo sancti Joánnis Chrysostomi.

Ex Homil. 60. ad populum
Antiochenum.

Lectio iv.

QUÓNIAM Verbum dicit : Hoc est corpus meum : et assentiámur, et credámus,

et intellectuálibus ipsum óculis intueámur. Nihil enim sensibile nobis Christus trádidit : sed sensibilibus quidem rebus, at ómnia intelligibilia. Itidem et in baptísmate : per rem nempe sensibilem aquam, donum confértur : intelligibile vero quod perficitur, generátio et renovátio. Si enim incorpóreus esses, nuda et incorpórea tibi dedisset ipse dona : sed quóniam ánima córpori consérta est, in sensibilibus intelligibilia tibi præbet. Quot nunc dicunt : Vellem ipsius formam adspícere, figúram, vestiménta, calceaménta? Ecce eum vides, ipsum tangis, ipsum mandúcas. Et tu quidem vestiménta cupis vidére : ipse vero tibi concédit non tantum vidére, verum et manducáre, et tángere, et intra te súmere.

℞. Cœnántibus. 173.

Lectio v.

IGITUR accédât nemo cum náusea, nemo resolutus, omnes accénsi, omnes fervéntes et excitáti. Nam si Judæi stantes, et calceaménta in pédibus habéntes, et báculos mánibus gestántes, agnum cum festinátione comedébant : te multo magis opórtet esse solértem. Nam illi quidem in Palæstinam erant profectúri, et proptér ea viatórum figúram habébant : tu vero debes in cælum migráre. Quaprópter in

ómnibus opórtet te vigiláre : nec enim parva pœna propónitur indigne suméntibus. Cógita quantum advérsus proditórem indignáris, et contra eos qui illum crucifixerunt : itaque considéra, ne tu quoque sis reus córporis et sánguinis Christi. Illi sanctíssimum corpus occidérunt, tu vero pollúta súscipis ánima, post tot beneficia. Neque enim illi satis fuit, hómínem fieri, cólaphis cædi, et crucifigi : verum et semetípsum nobis commíscet; et non fide tantum, verum et ipsa re nos suum éfficít corpus.

℞. Accépit Jesus. 173.

Lectio vj.

Quo non opórtet igitur esse puriorem, tali fruéntem sacrificio? quo solári rádio non splendidiorem manum, carnem hanc dividéntem? os quod igni spiritali replétur, linguam quæ treméndo nimis ságuine rubéscit? Cógita quali sis insignitus honóre, quali mensa fruáris. Quod Angeli vidéntes horréscunt, neque libere áudent intuéri propter emicántem inde splendórem; hoc nos páscimur, huic nos unimur, et facti sumus unum Christi corpus, et una caro. Quis loquétur poténtias Dómini, audítas fáciét omnes láudes ejus? Quis pastor oves próprio pascit cruóre? Et quid dico, pastor? Matres multæ sunt, quæ post partus doló-

res, filios áliis tradunt nutricibus. Hoc áutem ipse non est passus : sed ipse nos próprio sángine pascit, et per ómnia nos sibi coagméntat.

℞ Ego sum. 174.

IN III. NOCTURNO

Léctio sancti Evangélíi secúndum Lucam.

Lectio vij. Cap. 14. d

IN illo témpore : Dixit Jesus pharisæis parábolam hanc : Homo quidam fecit cœnam magnam, et vocávit multos. Et réliqua.

Homilia sancti Gregórii Papæ.

Homil. 36. in Evang.

Hoc distáre, fratres carissimi, inter delicias córporis et cordis solet : quod corporáles deliciæ, cum non habéntur, grave in se desidérium accéndunt : cum vero ávide edúntur, comedéntem prótinus in fastidium per satietátem vertunt. At contra, spiritáles deliciæ, cum non habéntur, in fastidio sunt : cum vero habéntur, in desidério : tantóque a comedénte ámplius esuriúntur, quanto et ab esuriénte ámplius comedúntur. In illis appetitus placet, experiéntia displicet : in istis appetitus vilis est, et experiéntia magis placet. In illis appetitus saturitátem, saturitas fastidium génerat : in istis áutem appetitus saturitátem, saturitas appetitum parit.

℞. Qui mandúcat. 176.

Lectio viij.

AUGENT enim spiritáles deliciæ desidérium in mente, dum sátiant : quia quanto magis eárum sapor percipitur, eo ámplius cognóscitur quod avidius amé- tur : et idcírco non hábitæ amári non possunt, quia eárum sapor ignorátur. Quis enim amáre váleat quod ignorat? Proinde Psalmista nos ádmonet, dicens : Gustáte et vidéte, quóniam suávis est Dóminus. Ac si apérte dicat : Suavitátem ejus non cognóscitis, si hanc mínime gustátis : sed cibum vitæ ex paláto cordis tángite, ut probántes ejus dulcédinem, amáre valeátis. Has áutem homo delicias tunc amisit, cum in paradíso peccávit : extra éxiit, cum os a cibo æternæ dulcédinis cláusit.

℞. Homo quidam fecit cœnam magnam, et misit servum suum hora cœnæ dicere invitátis, ut venírent :

* Quia paráta sunt ómnia.

℣. Veníte, comédite panem meum, et bibite vinum quod miscui vobis. Quia. Glória Patri. Quia.

Lectio ix.

UNDE nos quoque nati in hujus peregrinatiónis ærúmna, huc fastidiósi jam vénimus, nescimus quid desideráre debeámus. Tantóque se ámplius fastidii nostri morbus exággerat, quanto se magis ab esu il-

lius dulcédinis ánimus elón-
gat. Et eo jam intérnas deli-
cias non áppetit, quo eas
comédere, diu longéque de-
suévit. Fastidio ergo nostro
tabéscimus, et longa inédiæ
peste fatigámur. Et quia gu-
stáre intus nólumus parátam
dulcédinem, amámus foris
miseri famem nostram.

Te Deum laudámus. 16.

AD LAUDES

ET PER HORAS

Ant. 1. Sapientia * ædifi-
cávit sibi domum, miscuit
vinum, et pósuit mensam,
allelúia.

Ps. Dóminus regnávit. **cum**
reliq. 16.

2. Angelórum esca * nu-
trivisti pópulum tuum, et
panem de cælo præstitísti
eis, allelúia.

3. Pinguis est panis Chri-
sti, * et præbébit delicias
régibus, allelúia.

4. Sacerdótes sancti * in-
censum et panes offerunt
Deo, allelúia.

5. Vincénti * dabo manna
abscónditum, et nomen no-
vum, allelúia.

Capitulum. I. Joan. 3. b

CARÍSSIMI : Nolite mirári,
si odit vos mundus. Nos
scimus quóniam transláti
sumus de morte ad vitam,
quóniam diligimus fratres.

Hymn. Verbum supérnum.
177.

V. Panem cæli dedit eis,
allelúia. **R.** Panem Ange-
lórum manducávit homo,
allelúia.

Ad Bened. Ant. Homo qui-
dam * fecit cœnam magnam,
et vocávit multos : et misit
servum suum hora cœnæ
dicere invitátis ut venirent,
quia ómnia paráta sunt, al-
lelúia.

Oratio.

SANCTI nóminis tui Dómine
timórem páriter et amó-
rem fac nos habére perpé-
tuum : quia nunquam tua
gubernatióne destituis, quos
in soliditáte tuæ dilectiónis
instituis. Per Dóminum.

Et fit Commem. de Oct.

Ant. Ego sum panis vivus,
qui de cælo descéndi : si quis
manducáverit ex hoc pane,
vivet in ætérnum, allelúia.

V. Pósuit fines tuos pa-
cem, allelúia. **R.** Et ádipe
fruménti sátiat te, allelúia.

Oratio.

DEUS, qui nobis sub Sacra-
ménto mirábili passiónis
tuæ memóriam reliquisti :
tribue quæsumus, ita nos
córporis et sánguinis tui
sacra mystéria venerári ; ut
redemptiónis tuæ fructum
in nobis júgiter sentiámus :
Qui vivis.

AD TERTIAM

Ant. Angelórum esca.

Capit. Caríssimi. **ut supra.**

R. br. Panem cæli dedit
eis, * Allelúia, allelúia. Pa-
nem. **V.** Panem Angelórum
manducávit homo. Allelúia,
allelúia. Glória Patri. Pa-
nem.

V. Cibávit illos ex ádipe
fruménti, allelúia. **R.** Et de

petra, melle saturávit eos, allelúia.

AD SEXTAM

Ant. Pinguis est panis Christi.

Capitulum. I. Joan. 3. c

IN hoc cognóvimus caritátem Dei, quóniam ille ánimam suam pro nobis pósuit : et nos debémus pro fratribus ánimas pónere.

R. br. Cibávit illos ex ádipe fruménti, * Allelúia, allelúia. Cibávit. **V.** Et de petra, melle saturávit eos. Allelúia, allelúia. Glória Patri. Cibávit.

V. Edúcas panem de terra, allelúia. **R.** Et vinum lætíficet cor hóminis, allelúia.

AD NONAM

Ant. Vincénti.

Capitulum. I. Joan. 3. c

FILÍOLI mei, non diligámus verbo, neque lingua, sed ópere et veritáte.

R. br. Edúcas panem de terra, * Allelúia, allelúia. Edúcas. **V.** Et vinum lætíficet cor hóminis. Allelúia, allelúia. Glória Patri. Edúcas.

V. Pósuit fines tuos pacem, allelúia. **R.** Et ádipe fruménti sátiat te, allelúia.

AD VESPERAS

Ant. et Pss. ut in I. Vesp. Festi. 165.

Capit. Carissimi : Nolite mirári. 188.

Hymn. Pange lingua. **ut supra.** 167.

V. Cibávit illos ex ádipe fruménti, allelúia. **R.** Et de

petra, melle saturávit eos, allelúia.

Ad Magnif. Ant. Exi cito * in platéas et vicos civitátis : et páuperes ac débiles, cæcos et cláudos compélle intráre, ut impleátur domus mea, allelúia.

Orat. Sancti nóminis tui. **ut supra.** 188.

Et fit Commemoratio de Octava.

Ant. O sacrum convívium, in quo Christus súmitur : recólitur memória passiónis ejus : mens implétur grátia : et futúrae glóriæ nobis pignus datur, allelúia.

V. Panem de cælo præstísti eis, allelúia. **R.** Omne delectaméntum in se habéntem, allelúia.

Orat. Deus, qui nobis. **ut supra.** 188.

FERIA SECUNDA

INFRA OCTAVAM

IN I. NOCTURNO

De libro primo Regum.

Lectio j. Cap. 5.

PHILÍSTHIIM áutem tulérunt arcam Dei, et asportavérunt eam a Lápidē adjutórii in Azótum. Tulerúntque Philisthiim arcam Dei, et intulérunt eam in templum Dagon, et statuérunt eam juxta Dagon. Cumque surrexissent dilúculo Azótii áltera die, ecce Dagon jacébat pronus in terra ante arcam Dómini : et tulérunt Dagon, et restituerunt eum in locum suum. Rursúmque mane die áltera

consurgéntes, invenérunt Dagon jacéntem super faciém suam in terra coram arca Dómini : caput áutem Dagon, et duæ palmæ mánuum ejus abscissæ erant super limen : porro Dagon solus truncus remánserat in loco suo.

℟. Immolábit. 170.

Lectio ij.

AGGRAVÁTA est áutem manus Dómini super Azótios, et demolitus est eos : et ebulliérunt villæ et agri in médio regiónis illius, et nati sunt mures, et facta est confúsió mortis magnæ in civitaté. Vidéntes áutem viri Azótii hujuscémodi plagam, dixerunt : Non máneat arca Dei Israël apud nos : quóniam dura est manus ejus super nos, et super Dagon deum nostrum. Et mitténtes congregavérunt omnes sátrapas Philisthinórum ad se, et dixerunt : Quid faciémus de arca Dei Israël? Responderúntque Gethæi : Circumducátur arca Dei Israël.

℟. Comedétis. 170.

Lectio iij.

ET circumduxérunt arcam Dei Israël. Illis áutem circumducéntibus eam, fiébat manus Dómini per singulas civitatés interfectiónis magnæ nimis : et percutiébat viros uniuscujúsque urbis, a parvo usque ad majórem. Misérunt ergo arcam Dei in Accaron. Cumque venisset arca Dei in Acca-

ron, exclamavérunt Accaronitæ, dicéntes : Adduxérunt ad nos arcam Dei Israël, ut interficiat nos, et pópulum nostrum. Misérunt itaque et congregavérunt omnes sátrapas Philisthinórum, qui dixerunt : Dimittite arcam Dei Israël, et revertátur in locum suum, et non interficiat nos cum pópulo nostro. Fiébat enim pavor mortis in singulis úrbibus, et gravissima valde manus Dei.

℟. Respéxit. 171.

IN II. NOCTURNO

De Sermóne sancti Joánnis Chrysóstomi.

Ex eadem Homilia 60.

Lectio iv.

UNICUÍQUE fidélium Christus semetípsum per mystéria commiscet, et quos genuit, per semetípsum enútrit, nec álteri tradit : per hoc tibi rursum persuádens, quod carnem tuam assúmpsit. Ne torpeámus igitur tanta digni caritaté et honóre putáti. Nonne vidétis quanta promptitúdine párvuli papillas cápiunt, et quanto impetu lábia ubéribus infingunt? Accedámus cum tanta nos quoque alacritaté ad hanc mensam, et ad úbera póculi spiritális : quinímo cum longe majóri trahámus, tamquam infántes lacténtes, spíritus grátiam : et unus sit nobis dolor hac esca privári. Non sunt humánæ virtútis ópera, hæc quæ proponúntur : qui tunc ipsa fecit in

illa cœna, idem ea nunc quoque facit. Nos ministrorum tenemus locum : qui vero sanctificat ea et immutat, ipse est. Nullus itaque Judas assistat, nullus avarus : nam tales mensa non suscipit. Si quis est discipulus, adsit : ait enim : Cum discipulis meis facio Pascha. Hæc est illa mensa, et minus nihil habet. Non enim illam quidem Christus, hanc autem homo perficit : verum et hanc ipse quoque.

℞. Cœnantibus. 173.

Lectio v.

INHUMANUS accedat nemo, nemo crudelis et immisericors, nemo prorsus immundus. Hæc ad communicantes dico, et ad vos ministrantes. Nam et ad vos sermonem convertere necessarium est, ut multo cum studio hæc dona distribuatis. Non parva vobis imminet ultio, si quemquam, illius culpæ cōscii, hujus mensæ participem esse concedatis : sanguis ejus de manibus vestris exquiratur : sive quis dux militiæ sit, sive præfectus, sive princeps diademate coronatus, indigne autem accedat, prohibe : majorem illo potestatem habes. Propterea vos Deus hoc insignivit honore, ut talia discernatis. Hoc vestra dignitas est, hoc securitas, hoc omnis corona; non ut albam et splendētem tunicam circumeatis induti. Ve-

rum et tu laice, cum sacerdotem videris offerentem, ne ut sacerdotem esse putes hoc facientem, sed Christi manum invisibiliter extendam.

℞. Accēpit Jesus. 173.

Lectio vj.

AUDIAMUS igitur et sacerdotes et subditi, quali esca facti sumus digni : audiamus et horreamus. Sanctis carnibus suis nos dedit impleri, semetipsum apposuit immolatum. Quenam igitur erit nobis excusatio, cum talibus pasti talia peccemus, cum lupi fiamus Agnum comedentes, cum tamquam oves pasti more leonum diripiamus? Hoc enim mysterium non a rapina tantum, verum et ab omni vel tenui inimicitia purum esse penitus jubet : est enim pacis mysterium. Judæis quidem annuatim priorum monimenta beneficiorum solemnitates Deus alligavit : tibi vero singulis diebus per hæc mysteria. Nullus itaque Judas hanc mensam petat, nullus Simon. Hi namque duo propter avaritiam periērunt : hoc igitur barathrum fugiamus.

℞. Ego sum. 174.

IN III. NOCTURNO

Lectio sancti Evangelii secundum Joannem.

Lectio vij. Cap. 6. f

IN illo tempore : Dixit Jesus turbis Judæorum : Caro mea, vere est cibus : et san-

guis meus, vere est potus.
Et réliqua.

De Homilia sancti Augustini
Episcopi.

**Tractatus 26. in Joannem,
post medium.**

Hic est panis, qui de cælo descendit. Hunc panem significávit manna, hunc panem significávit altáre Dei. Sacraménta illa fuérunt : in signis diversa sunt, sed in re, quæ significátur, pária sunt. Apóstolum áudi : Nolo enim vos, inquit, ignoráre, fratres, quia patres nostri omnes sub nube fuérunt, et omnes mare transiérunt, et omnes per Móysen baptizáti sunt in nube, et in mari : et omnes eámdem escam spiritalém manducavérunt. Spiritálém útique eámdem : nam corporálem álteram : quia illi manna, nos áliud : spiritálém vero, quam nos, sed patres nostri, non patres illórum, quibus nos similes sumus, non quibus illi similes fuérunt. Et adjúngit : Et omnes eúmdem potum spiritálém bibérunt. Aliud illi, áliud nos, sed spécie visibili quidem, tamen hoc idem significánte virtúte spiritali. Quómodo enim eúmdem potum? Bibébant, inquit, de spiritali, sequénte petra : petra áutem erat Christus. Inde panis, inde potus : Petra Christus in signo, verus Christus in verbo, et in carne. Et quómodo bibérunt? Percússa est

petra de virga bis. Gémina percússio, duo ligna crucis significat.

R. Qui mandúcat. 176.

Lectio viij.

NORUNT fidéles corpus Christi, si corpus Christi non négligant esse. Fiant corpus Christi, si volunt vivere de Spiritu Christi. De Spiritu Christi non vivit, nisi corpus Christi. Intelligite fratres mei, quid dixerim. Homo es, et spíritum habes, et corpus habes. Spíritum dico, quæ ánima vocátur, qua constas quod homo es : constas enim ex ánima, et córpore. Habes enim spíritum invisibilem, corpus visibile. Dic mihi, quid ex quo vivat? Spiritus tuus vivit ex córpore tuo, an corpus tuum ex spíritu tuo? Respóndet omnis, qui vivit : qui áutem hoc non potest respondére, nescio si vivit. Quid respóndet omnis, qui vivit? Corpus útique meum vivit de spíritu meo. Vis ergo et tu vivere de Spiritu Christi? In córpore esto Christi.

R. Misit me. 176.

Lectio ix.

NUMQUID enim corpus meum vivit de spíritu tuo? Meum vivit de spíritu meo, et tuum de spíritu tuo. Non potest vivere corpus Christi, nisi de Spiritu Christi. Inde est, quod expónens nobis Apóstolus Páulus hunc panem : Unus panis,

inquit, unum corpus multi sumus. O sacraméntum pietátis, o signum unitátis, o vinculum caritátis! Qui vult vivere, habet ubi vivat, habet unde vivat. Accédât, credat, incorporétur, ut vivificétur. Non abhórreat a compáge membrórum, non sit putre membrum quod resecári mereátur, non sit distórtum, de quo erubescátur. Sit pulchrum, sit aptum, sit sanum : háereat córpori, vivat Deo de Deo. Nunc labóret in terra, ut póstea regnet in cælo.

Te Deum laudámus. 16.

FERIA TERTIA

IN I. NOCTURNO

De libro primo Regum.

Lectio j. Cap. 6.

FUIT ergo arca Dómini in regione Philisthinórum septem ménsibus. Et vocáverunt Philisthiim sacerdótes et divinos, dicéntes : Quid faciémus de arca Dómini? indicáte nobis quómodo remittámus eam in locum suum. Qui dixerunt : Si remittitis arcam Dei Israël, nolite dimittere eam vácuam, sed quod debétis, réddite ei pro peccáto, et tunc curabimini : et sciétis quare non recédât manus ejus a vobis.

R. Immolábit. 170.

Lectio ij.

QUARE aggravátis corda vestra, sicut aggravávit

Egýptus, et Phárao cor suum? nonne postquam percússus est, tunc dimísit eos, et abiérunt? Nunc ergo arripite et fácite pláustrum novum unum : et duas vaccas foetas, quibus non est impósitum jugum, júngite in pláustro, et reclúдите vítulos eárum domi. Tolletisque arcam Dómini, et ponétis in pláustro, et vasa áurea, quæ exsolvístis ei pro delicto, ponétis in capséllam ad latus ejus : et dimittite eam ut vadat. Et adspiciétis : et si quidem per viam finium suórum ascénderit contra Béthsames, ipse fecit nobis hoc malum grande ; sin autem, minime : sciémus quia nequáquam manus ejus téligit nos, sed casu áccidit. Fecerunt ergo illi hoc modo.

R. Comedétis. 170.

Lectio iij.

IBANT autem in diréctum vaccæ per viam, quæ ducit Béthsames, et itinere uno gradiebántur, pergéntes et mugiéntes : et non declinábant neque ad dexteram neque ad sinistram : sed et sátrapæ Philisthiim sequebántur usque ad términos Béthsames. Porro Bethsamitæ metébant tríticum in valle : et elevántes óculos suos, vidérunt arcam, et gavisí sunt cum vidissent. Et pláustrum venit in agrum Jósue Bethsamitæ, et stetit ibi. Erat autem ibi lapis ma-

gnus, et conciderunt ligna pláustri, vaccásque imposuerunt super ea holocáustum Dómino. Levitæ autem deposuerunt arcam Dei.

R. Respexit. 171.

IN IL. NOCTURNO

Ex Epístola sancti Cypriáni
Epíscopi et Mártiris ad
Cæcilium.

Liber 2. Epístola 3. sub init.

Lectio iv.

IN sacerdóte Melchisedech sacrificii Domínici sacraméntum præfigurátum videmus, secúndum quod Scriptúra divina testátur, et dicit : Et Melchisedech rex Salem prótulit panem et vinum. Fuit autem sacérdos Dei summi, et benedixit Abraham. Quod autem Melchisedech typum Christi portáret, declárat in Psalmis Spíritus sanctus, ex persóna Patris ad Filium dicens : Ante lucíferum genui te : Tu es sacérdos in ætérnum secúndum órđinem Melchisedech. Qui ordo útique hic est de sacrificio illo véniens, et inde descéndens, quod Melchisedech sacérdos Dei summi fuit, quod panem et vinum obtulit, quod Abraham benedixit.

R. Cœnantibus. 173.

Lectio v.

NAM quis magis sacérdos Dei summi, quam Dóminus noster Jesus Christus? qui sacrificium Deo Patri obtulit : et obtulit hoc idem, quod Melchisedech obtúle-

rat, id est, panem et vinum, suum scilicet corpus et sanguinem. Et circa Abraham benedictio illa præcedens, ad nostrum pópulum pertinebat. Nam si Abraham Deo credidit, et deputátum est ei ad justitiam : útique quisquis Deo credit, et fide vivit, justus invenitur, et jam pridem in Abraham fidéli benedictus et justificátus osténditur, sicut beátus Apóstolus Páulus probat, dicens : Credidit Abraham Deo, et deputátum est ei ad justitiam. Cognóscitis ergo, quia qui ex fide sunt, hi sunt filii Abrahæ. Próvidens autem Scriptúra, quia ex fide justificat gentes Deus, prænuntiávit Abrahæ, quia benedicentur in illo omnes gentes.

R. Accépit Jesus. 173.

Lectio vj.

UT ergo in Génesi per Melchisedech sacerdótem benedictio circa Abraham posset rite celebrári, præcedit ante imágo sacrificii, in pane et vino scilicet constitúta. Quam rem perficiens, et adimplens Dóminus, panem et cálicem mixtum vino obtulit : et qui est plenitúdo, veritátem præfigurátæ imáginis adimplévit. Sed et per Salomónem Spíritus sanctus typum Domínici sacrificii ante præmónstrat, immolátæ hóstiæ, et panis et vini, sed et altáris, et Apostolorum faciēns mentiōem : Sapiē-

tia, inquit, ædificávit sibi domum, et súbdidit colúmnas septem : mactávit suas hóstias, miscuit in cratére vinum suum, et parávit mensam suam. Et misit servos suos cónvocans cum excélsa prædicatione ad cratérem, dicens : Qui est insipiens, declinet ad me. Et egén-tibus sensu dixit : Venite, édite de meis pánibus, et bibite vinum quod miscui vobis.

℞. Ego sum. 174.

IN III. NOCTURNO

Lectio sancti Evangélíi secúndum Joánnem.

Lectio vij. Cap. 6. f

IN illo témpore : Dixit Jesus turbis Judæórum : Caro mea, vere est cibus : et sanguis meus, vere est potus. Et reliqua.

De Homilia sancti Augustini Episcopi.

Tractatus 26. in Joannem, circa medium.

NON sicut manducavérunt patres vestri manna, et mórtui sunt. Quare manducavérunt, et mórtui sunt? Quia quod vidébant, credebant : quod non vidébant, non intelligébant. Ideo patres vestri, quia símiles estis illórum. Nam quantum pertinet, fratres mei, ad mortem istam visibilem et corporálem, numquid nos non mórimur, qui manducámus panem de cælo descendéntem? Sic sunt mórtui et illi,

quemádmódum et nos sumus moritúri : quantum áttinet, ut dixi, ad mortem hujus córporis visibilem atque carnálem.

℞. Qui mandúcat. 176.

Lectio viij.

QUANTUM áutem pertinet ad illam mortem, de qua terret Dóminus, qua mórtui sunt patres istórum : manducávit manna et Móyses, manducávit manna et Aaron, manducávit manna et Phinees, manducavérunt ibi multi, qui Dómino placuérunt, et mórtui non sunt. Quare? Quia visibilem cibum spiritáliter intellexérunt, spiritáliter esuriérunt, spiritáliter gustavérunt, ut spiritáliter satiaréntur. Nam et nos hódie accipimus visibilem cibum : sed áliud est sacraméntum, áliud virtus sacraménti.

℞. Misit me. 176.

Lectio ix.

QUAM multi de altári accipiunt, et moriúntur, et accipiéndomoriúntur! Unde dicit Apóstolus : Judícium sibi mandúcat et bibit. Nonne buccélla Domínica venenum fuit Judæ? Et tamen accépit. Et cum accépit, in eum inimícus intrávit : non quia malum accépit, sed quia bonum male malus accépit. Vidéte ergo fratres, panem cæléstem spiritáliter manducáte, innocentiam ad altáre apportáte. Peccáta, etsi sunt quotidiana, vel non

sint mortifera; ántequam ad altáre accedátis, atténdite quod dicátis: Dimitte nobis débíta nostra, sicut et nos dimittimus debitóribus nostris. Si dimittis, dimittétur tibi: secúrus accéde, panis est, non venénium.

Te Deum laudámus. 16.

FERIA QUARTA

IN I. NOCTURNO

De libro primo Regum.

Lectio j. Cap. 6. d et 7.

PERCÚSSIT áutem de viris Bethsamítibus, eo quod vidissent arcam Dómini: et percússit de pópulo septuaginta viros, et quinquaginta millia plebis. Luxitque pópulus, eo quod Dóminus percussisset plebem plaga magna. Et dixerunt viri Bethsamitæ: Quis póterit stare in conspéctu Dómini Dei sancti hujus? et ad quem ascéndet a nobis? Miserúntque núntios ad habitatóres Cariathiarim, dicéntes: Reduxérunt Philisthiim arcam Dómini, descéndite, et redúcite eam ad vos. Venérunt ergo viri Cariathiarim, et reduxérunt arcam Dómini, et intulérunt eam in domum Abinadab in Gábaa. Eleázarus áutem filium ejus sanctificavérunt, ut custodiret arcam Dómini.

R. Immolábit. 170.

Lectio ij.

ET factum est, ex qua die mansit arca Dómini in

Cariathiarim, multiplicáti sunt dies (erat quippe jam annus vigésimus) et requiévít omnis domus Israél post Dóminum. Ait áutem Sámuel ad univérsam domum Israél, dicens: Si in toto corde vestro revertímini ad Dóminum, auférte deos aliénos de médio vestri, Báalim et Astaroth: et præparáte corda vestra Dómino, et servíte ei soli, et éruet vos de manu Philisthiim. Abstulérunt ergo filii Israél Báalim et Astaroth, et serviérunt Dómino soli.

R. Comedétis. 170.

Lectio iij.

DIXIT áutem Sámuel: Congregáte univérsam Israél in Masphath, ut orem pro vobis Dóminum. Et convenérunt in Masphath: hause-rúntque aquam, et effudérunt in conspéctu Dómini, et jejunavérunt in die illa, atque dixerunt ibi: Peccávimus Dómino. Judicavítque Sámuel filios Israél in Masphath. Et audiérunt Philisthiim quod congregáti essent filii Israél in Masphath, et ascendérunt sátrapæ Philisthinórum ad Israél. Quod cum audissent filii Israél, timuérunt a fácie Philisthinórum. Dixerúntque ad Samuélem: Ne cesses pro nobis clamáre ad Dóminum Deum nostrum, ut salvet nos de manu Philisthinórum.

R. Respéxit. 171.

IN II. NOCTURNO

Ex libro sancti Ambrósii Episcopi de Sacraméntis.

Lectio iv. Lib. 4. c. 4.

AUCTOR sacramentórum quis est, nisi Dóminus Jesus? De cælo ista sacraménta venérunt. Consílium enim omne de cælo est. Vere áutem magnum est et divínium miráculum, quod pópulo pluit Deus manna de cælo: et non laborábat pópulus, et manducábat. Tu forte dicis: Meus panis est usilátus. Sed panis iste, panis est ante verba sacramentórum: ubi accésserit consecrátió, de pane fit caro Christi. Hoc igitur adstruámus. Quómodo potest, qui panis est, corpus esse Christi? Consecratióne. Consecrátió igitur quibus verbis est, et cujus sermónibus? Dómini Jesu. Nam réliqua ómnia quæ dicúntur, láudem Deo déferunt, orátio præmittitur pro pópulo, pro régibus, pro cæteris: ubi venit ut conficiátur venerábile Sacraméntum, jam non suis sermónibus sacerdos, sed útitur sermónibus Christi.

℞. Cœnantibus. 173.

Lectio v.

ERGO sermo Christi hoc cónficit Sacraméntum. Quis sermo Christi? Nempe is, quo facta sunt ómnia. Jussit Dóminus, et factum est cælum: jussit Dóminus, et facta est terra: jussit

Dóminus, et facta sunt mária: jussit Dóminus, et omnis creatúra generáta est. Vides ergo quam operatórius sit sermo Christi. Si ergo tanta vis est in sermóne Dómini Jesu, ut incíperent esse quæ non erant: quanto magis operatórius est, ut quæ erant, in áliud commutén-tur? Cælum non erat, mare non erat, terra non erat. Sed áudi dicéntem: Ipse dixit, et facta sunt: ipse mandávit, et creáta sunt. Ergo tibi ut respóndeam, non erat corpus Christi ante consecratióne: sed post consecratióne dico tibi quod jam corpus est Christi. Ipse dixit, et factum est: ipse mandávit, et creátum est.

℞. Accépit Jesus. 173.

Lectio vj. Cap. 5.

JAM redi mecum ad propositionem meam. Magnum quidem et venerábile, quod manna Judæis pluit e cælo. Sed intéllege quid est ámplius, manna de cælo, an corpus Christi? Corpus Christi útique, qui áuctor est cæli. Deinde manna qui manducávit, mórtuus est: qui manducáverit hoc corpus, fiet ei remissio peccatórum, et non moriétur in ætérnum. Ergo non otiose, cum accipis, tu dicis, Amen; jam in spíritu cónfitens quod accípias corpus Christi. Dicit tibi sacerdos, Corpus Christi: et tu dicis, Amen, hoc

est, verum. Quod confitétur lingua, téneat afféctus.

℞. Ego sum. 174.

IN III. NOCTURNO

Léctio sancti Evangélíi secúndum Joánnem.

Lectio vij. Cap. 6. f

IN illo témpore : Dixit Jesus turbis Judæórum : Caro mea, vere est cibus : et sanguis meus, vere est potus. Et réliqua.

Homília sancti Hiláarii
Episcopi.

Liber 8. de Trinitate, ante medium.

NON est humano aut sæculi sensu in Dei rebus loquéndum. Quæ scripta sunt, legámus : et quæ legérimus, intelligámus; et tunc perféctæ fidei officio fungémur. De naturáli enim in nobis Christi veritáte quæ dicimus, nisi ab eo discimus, stulte atque impie dicimus. Ipse enim ait : Caro mea vere est esca, et sanguis meus vere est potus. Qui edit carnem meam, et bibit sanguíneum, in me manet, et ego in eo. De veritáte carnis et sanguinis non relictus est ambigéndi locus.

℞. Qui mandúcat. 176.

Lectio viij.

NUNC enim et ipsius Dómini professióne, et fide nostra vere caro est, et vere sanguis est. Et hæc accépta atque háusta id efficiunt, ut et nos in Christo, et Christus in nobis sit. An ne hoc véritas non est? Con-

tingat plane his verum non esse, qui Christum Jesum verum esse Deum negant. Est ergo in nobis ipse per carnem, et sumus in eo, dum secum hoc quod nos sumus, in Deo est. Quod áutem in eo per sacraméntum comunicátæ carnis et ságuinis simus, ipse testátur, dicens : Et hic mundus jam me non videt, vos áutem me vidébitis : quóniam ego vivo, et vos vivétis : quóniam ego in Patre meo, et vos in me, et ego in vobis.

℞. Misit. 176.

Lectio ix.

QUOD áutem in nobis naturalis hæc únitas sit, ipse ita testátus est : Qui edit carnem meam, et bibit sanguíneum meum, in me manet, et ego in eo. Non enim quis in eo erit, nisi in quo ipse fúerit : ejus tantum in se assúptam habens carnem, qui suam sumpserit. Perféctæ áutem hujus unitátis sacraméntum supérius jam docúerat, dicens : Sicut me misit vivens Pater, et ego vivo per Patrem; et qui mandúcat meam carnem, et ipse vivet per me. Vivit ergo per Patrem : et quo modo per Patrem vivit, eódem modo nos per carnem ejus vivémus.

Te Deum laudámus. 16.

Ad Vesp., omnia ut in I. Vesp. Festi. 165. Et si hac die fuerit Festum Duplex, in Vesp. fit tantum Commem.

de eo, nisi fuerit ex solemnioribus.

FERIA QUINTA

OCTAVA CORPORIS CHRISTI

IN I. NOCTURNO

Lect. ut in Festo. 170.

IN II. NOCTURNO

Sermo sancti Cyrilli Episcopi Hierosolymitani.

Catechesi mystagog. 4.

Lectio iv.

IPSA beáti Páuli doctrína abúnde sufficere vidétur, ut certam vobis de divinis mystériis fidem fáciat, quibus digni rédditi, concorpórei, ut ita dicam, et consanguinei Christi facti estis. Ipse enim modo clamábat, quod in nocte qua tradebátur Dóminus noster Jesus Christus, accípiens panem, et grátias agens fregit, et dedit discipulis suis, dicens: Accipite, et manducáte: hoc est corpus meum. Et accípiens cálicem, et grátias agens, dixit: Accipite, et bibite: hic est sanguis meus. Cum ígitur ipse de pane pronuntiáverit ac dixerit: Hoc est corpus meum: quis audébit deinceps ambigere? Et cum idem ipse tam asseveránter dixerit: Hic est sanguis meus: quis umquam dubitáverit, ut dicat non esse ejus sanguíneum?

R. Cœnántibus illis, accépit Jesus panem, et benedixit, ac fregit, deditque discipulis suis, et ait: * Accipite, et comédite: hoc est

corpus meum. *V.* Dixérunt viri tabernáculi mei: Quis det de cárnibus ejus, ut saturémur? Accípite.

Lectio v.

AQUAM olim in vinum convertit in Cana Galilææ, quod habet quamdam cum sanguíne propinquitatem: et eum parum dignum existimávimus, cui credámus quod vinum in sanguinem transmutárit? Ad eas nuptias, quibus cōrpora copulántur, vocátus, præter opinionem ómnium hoc fecit miraculum: et non multo magis sic eum corpus et sanguinem suum fruenda nobis donásse persuásus firmiter habébimus, ut ea cum omni certitúdine tamquam corpus ipsius et sanguinem sumámus? Nam in spécie panis dat nobis corpus, et in spécie vini dat nobis sanguinem: ut, cum sumpseris, gustes corpus et sanguinem Christi, factus ejúsdem cōporis et sanguinis párticeps. Sic enim efficimur Christiferi, hoc est, Christum in corpóribus nostris ferentes, cum corpus ejus et sanguinem in membra nostra recipimus: sic secúndum beátum Petrum, divínæ natúræ consórtes réddimur.

R. Accépit Jesus cálicem, postquam cœnávít, dicens: Hic calix novum testaméntum est in meo sanguíne: * Hoc fácite in meam commemoratióne. *V.* Memória

memor ero, et tabéscet in me ánima mea. Hoc.

Lectio vj.

OLIM cum Judæis Christus disserens, Nisi manducavéritis, inquit, carnem meam, et bibéritis meum sánguinem, non habébitis vitam in vobis. Cum áutem illi, quæ dicta fúerant, non spiritaliter accepissent, of-fénsi abiérunt retro : putábant enim quod eos ad manducándas carnes hortarétur. Erant et in véteri testaménto panes propositiónis; verum illi cum fúerint véteris testaménti, finem jam accepérunt. In novo vero testaménto, panis est cæléstis, et calix salutáris, qui et ánimam et corpus sanctificant. Quamóbrem non sic hæc atténdas velim, tamquam sint nudus et simplex panis, nudum et simplex vinum : corpus enim sunt et sanguis Christi. Nam étiam si sensus illud tibi renúntiat, fides tamen te confirmet. Ne júdices rem ex gustu : sed te citra ullam dubitatiónem fides certum reddat, quod sis dignus factus, qui córporis et ságuinis Christi párticeps fieres.

R. Ego sum panis vitæ : patres vestri manducavérunt manna in desérto, et mórtui sunt : * Hic est panis de cælo descéndens, ut si quis ex ipso mandúcet, non moriá-tur. **V.** Ego sum panis vivus, qui de cælo descénderé : si

quis manducáverit ex hoc pane, vivet in ætérnum. Hic. Glória Patri. Hic.

IN III. NOCTURNO

Léctio sancti Evangélíi secúndum Joánnem.

Lectio vij. Cap. 6. f

IN illo témpore : Dixit Jesus turbis Judæórum : Caro mea, vere est cibus : et sanguis meus, vere est potus. Et réliqua.

Homília sancti Cyrilli Episcopi Alexandrini.

Lib. 4. in Joannem, cap. 17.

QUI mandúcat, inquit, carnem meam, et bibit sánguinem meum, in me manet, et ego in illo. Sicuti enim si quis liquefactæ ceræ áliam ceram infúderit, álietam cum álietá per totum commisceat necesse est : sic qui carnem et sánguinem Dómini récipit, cum ipso ita conjúngitur, ut Christus in ipso, et ipse in Christo inveniátur. Simile quodam modo apud Matthæum compéries. Simile est, inquit, regnum cælórum ferméto, quod accéptum abscondit múlíer in farináe satis tribus. Sicut parum, ut Páulus ait, ferméto totam massam fermentat, sic párvula benedictio totum hóminem in seípsam átrahit, et sua grátia replet; et hoc modo in nobis Christus manet, et nos in Christo.

R. Qui mandúcat meam carnem, et bibit meum sánguinem, * In me manet, et

ego in eo. **V.** Non est alia natio tam grandis, quae habeat deos appropinquantes sibi, sicut Deus noster adest nobis. In me manet.

Lectio viij.

Nos vero, si vitam aeternam consequi volumus, si largitorem immortalitatis habere in nobis desideramus, ad recipiendam benedictionem libenter concurramus: caveamusque ne loco laquei damnosam religionem diaboli nobis praetendat. Recte (inquit) dicis: scriptum tamen esse non ignoramus, iudicium sibi comedere atque bibere illum, qui de pane comedit, et de calice bibit indigne. Ego igitur probo meipsum, et indignum invenio. Quando igitur, quicumque tu es qui ista dicis, dignus eris? quando Christo teipsum offeres? Nam si peccando indignus es, et peccare non desinis, (quis enim delicta intelligit? secundum Psalmistam) expers omnino eris vivificae huius sanctificationis.

R. Misit me vivens Pater, et ego vivo propter Patrem: * Et qui manducat me, vivet propter me. **V.** Cibavit illum Dominus pane vitae et intellectus. Et. Gloria Patri. Et.

Lectio ix.

QUARE pias quaeso cogitationes suscipias, studiose sancteque vivas, et benedictionem participes: quae

(mihi crede) non mortem solum, verum etiam morbos omnes depellit. Sedat enim, cum in nobis maneat Christus, saevientem membrorum nostrorum legem: pietatem corroborat, perturbationes animi exstinguit, aegrotos curat, collisos redintegrat: et sicut pastor bonus, qui animam suam pro ovibus posuit, ab omni nos erigit casu.

Te Deum laudamus. 16.

FERIA SEXTA

Omnia ut in Psalterio.

Oratio.

SANCTI nominis tui Domine timorem pariter et amorem fac nos habere perpetuum: quia numquam tua gubernatione destituis, quos in soliditate tuae dilectionis instituis. Per Dominum.

De libro primo Regum.

Lectio j. Cap. 8.

CONGREGATI ergo universi majores natu Israel, venerunt ad Samuelem in Ramatha. Dixeruntque ei: Ecce tu senuisti, et filii tui non ambulant in viis tuis: constitue nobis regem, ut iudicet nos, sicut et universae habent nationes. Displacuit sermo in oculis Samuelis, eo quod dixissent: Da nobis regem, ut iudicet nos. Et oravit Samuel ad Dominum.

R. Percussit Saul. 205.

Lectio ij.

DIXIT autem Dominus ad Samuelem: Audi vocem

pópuli in ómnibus quæ loquúntur tibi. Non enim te abjecérunt, sed me, ne regnem super eos. Juxta ómnia ópera sua, quæ fecérunt a die qua edúxi eos de Ægýpto usque ad diem hanc : sicut dereliquérunt me, et serviérunt diis aliénis, sic faciunt étiam tibi. Nunc ergo vocem eórum áudi : verúmtamen contestáre eos, et prædic eis jus regis, qui regnatúrus est super eos.

℞. Montes Gélboë. 205.

Lectio iij.

DIXIT itaque Sámuel ómnia verba Dómini ad pópulum, qui petierat a se regem, et ait : Hoc erit jus regis, qui imperatúrus est vobis : Filios vestros tollet, et ponet in cúrribus suis, faciétque sibi équites et præcursóres quadrigárum suárum, et constituet sibi tribúnos, et centuriónes, et aratóres agrórum suórum, et mesóres ségetum, et fabros armórum et cúrrium suórum. Filias quoque vestras faciet sibi unguentárias, et focárias, et paníficas. Agros quoque vestros, et véneas, et olivéta óptima tollet, et dabit servis suis.

℞. Ego te tuli. 205.

SABBATO

De libro primo Regum.

Lectio j. Cap. 9.

ET erat vir de Bénjamin nómine Cis, filius Abiel, filii Seror, filii Béchorath,

filiis Aphia, filii viri Jémini, fortis róbre. Et erat ei filius vocábulo Saul, eléctus et bonus : et non erat vir de filiis Israél mélior illo. Ab húmero et sursum eminébat super omnem pópulum. Perrierant áutem ásinæ Cis patris Saul : et dixit Cis ad Saul filium suum : Tolle tecum unum de púeris, et consúrgens vade, et quære ásinas. Qui cum transissent per montem Ephraím, et per terram Salisa, et non invenissent, transiérunt étiam per terram Salim, et non erant : sed et per terram Jémini, et mínime reperérunt.

℞. Peccávi. 206.

Lectio ij.

CUM áutem venissent in terram Suph, dixit Saul ad púerum, qui erat cum eo : Veni et revertámur, ne forte dimiserit pater meus ásinas, et sollicitus sit pro nobis. Qui ait ei : Ecce vir Dei est in civitáte hac, vir nóbilis : omne quod lóquitur, sine ambiguitáte venit. Nunc ergo eámus illuc, si forte indicet nobis de via nostra, propter quam vénimus. Dixitque Saul ad púerum suum : Ecce ibimus : quid ferémus ad virum Dei? panis defécit in sitárceis nostris : et spórtulam non habémus, ut demus hómini Dei, nec quidquam áliud. Rursum puer respóndit Sáuli, et ait : Ecce inventa est in manu mea quarta

pars statéris argénti, demus hómini Dei, ut indicet nobis viam nostram.

℟. Exaudisti Dómine. 207.

Lectio iij.

ET ascendérunt in civitátem. Cumque illi ambulárent in médio urbis, apparuit Sámuel egrédiens óbviā eis, ut ascēderet in excésum. Dóminus áutem reveláverat auriculā Samuélis ante unam diē quam veníret Saul, dicens : Hac ipsa hora, quæ nunc est, cras mittam virum ad te de terra Bénjamin, et unges eum ducem super pópulum meum Israël : et salvábit pópulum meum de manu Philisthinórum : quia respéxi pópulum meum : venit enim clamor eórum ad me. Cumque adspexisset Sámuel Sáulem, Dóminus dixit ei : Ecce vir, quem dixeram tibi, iste dominábitur pópulo meo.

℟. Audi Dómine. 207.

Ad Magnif. Ant. Cognovérunt omnes * a Dan usque Bersabée, quod fidélis Sámuel Prophéta esset Dómini.

℣. Vespertína orátio ascēdat ad te Dómine. ℟. Et descēdat super nos misericórdia tua.

Oratio Protéctor in te sperántium. **quæ habetur infra post Lectiones ultimæ Hebdomadæ Augusti, cum aliis Orat. usque ad Dom. XVI. post Pentecosten.**

DOM. III. POST PENT.

AD MATUTINUM

Invitat. Adorémus Dóminum, * Qui fecit nos.

Ps. Veníte, exsultémus. 2.

Hymn. Nocte surgéntes. 2.

IN I. NOCTURNO

De libro primo Regum.

Lectio j. Cap. 9. c et 10.

ACCÉSSIT áutem Saul ad Samuélem in médio portæ, et ait : Indica, oro, mihi, ubi est domus Vidéntis. Et respóndit Sámuel Sáuli, dicens : Ego sum Videns. Ascēde ante me in excésum, ut comedátis mecum hódie, et dimittam te mane : et ómnia, quæ sunt in corde tuo, indicábo tibi. Et de ásinis, quas nudiustértius perdidisti, ne sollicitus sis, quia invéntæ sunt. Et cujus erunt óptima quæque Israël? nonne tibi, et omni dómui patris tui? Respóndens áutem Saul, ait : Numquid non filius Jémini ego sum, de mínima tribu Israël, et cognátio mea novíssima inter omnes familias de tribu Bénjamin? quare ergo locútus es mihi sermónem istum?

℟. Præparáte corda vestra Dómino, et servíte illi soli : * Et liberábit vos de mánibus inimicórum vestrórum. ℣. Convertimini ad eum in toto corde vestro, et auférte deos aliénos de médio vestri. Et.

Lectio ij.

ASSÚMENS itaque Sámuel Sáulem, et púerum ejus,

introdúxit eos in triclinium, et dedit eis locum in cápite eórum, qui fúerant invitati. Erant enim quasi triginta viri. Dixitque Sámuel coco : Da partem, quam dedi tibi, et præcépi ut repóneres seórsum apud te. Levávit autem cocus armum, et pósuit ante Saul. Dixitque Sámuel : Ecce quod remánsit, pone ante te, et coméde : quia de indústria servátum est tibi, quando pópulum vocávi. Et comédit Saul cum Samuэле in die illa. Et descendérunt de excélso in óppidum, et locútus est cum Sáule in solário : stravitque Saul in solário, et dormívit.

R. Deus ómnium exauditor est : ipse misit Angelum suum, et tulit me de óvibus patris mei : * Et unxit me unctione misericórdiæ suæ. **V.** Dóminus, qui eripuit me de ore leónis, et de manu bestiae liberávit me. Et.

Lectio iij.

CUMQUE mane surrexissent, et jam elucésceret, vocávit Sámuel Sáulem in solário, dicens : Surge, et dimittam te. Et surréxit Saul : egressique sunt ambo, ipse videlicet, et Sámuel. Cumque descenderent in extrema parte civitátis, Sámuel dixit ad Saul : Dic púero ut antecédât nos, et tránseat : tu autem subsiste paulisper, ut indicem tibi verbum Dómini. Tulit autem Sámuel lenticulam olei, et effúdit

super caput ejus, et deosculátus est eum, et ait : Ecce, unxit te Dóminus super hereditatem suam in principem, et liberábis pópulum suum de mánibus inimicórum ejus, qui in circúitu ejus sunt.

R. Dóminus, qui eripuit me de ore leónis, et de manu bestiae liberávit me, * Ipse me eripiet de mánibus inimicórum meórum. **V.** Misit Deus misericórdiam suam, et veritatem suam : animam meam eripuit de médio catulórum leónum. Ipse. Glória Patri. Ipse.

IN II. NOCTURNO

De Expositione sancti Gregórii Papæ in libros Regum.

Lib. 4. cap. 5. in I. Reg. c. 10.

Lectio iv.

TULIT autem Sámuel lenticulam olei, et effúdit super caput ejus. Hoc profecto hac unctione exprimitur, quod in sancta Ecclesia nunc etiam materialiter exhibetur : quia qui in cúlmine pónitur, sacramenta súscipit unctionis. Quia vero ipsa unctio sacramentum est : is qui promovétur, bene foris úngitur, si intus virtute sacraménti roborétur. Ipsas ergo olei virtutes prius videámus attentius. Oleum quippe liquóribus aliis superfértur : oleum ignem fovet : oleum vúlnera curare consuévít. Per illud ergo, misericórdiæ bonum signi-

ficat, quia scriptum de Dómino est : Miserationes ejus super ómnia ópera ejus. Quia ignem foveat, prædicationis grátiam designat, quæ electórum mentes illúminat.

R. Percússit Saul mille, et David decem millia : * Quia manus Dómini erat cum illo : percússit Philisthæum, et ábstulit oppróbrium ex Israël. **V.** Nonne iste est David, de quo canébant in choro, dicéntes : Saul percússit mille, et David decem millia? Quia.

Lectio v.

QUIA vero vúlnera per óleum curántur, hoc profecto insinuat, quod detergenda sunt vúlnera peccatórum. Ungátur ergo caput regis, quia spiritali grátia mens est replenda doctóris. Hábeat in unctione sua óleum, hábeat misericórdiam abundantem, quæ sibi virtútibus áliis præferátur. Hábeat óleum, ut dum ardorem sancti Spíritus in se nutrit, lucere vehementer áliis per verbum possit. Hábeat nihilóminus óleum medicinæ : ut sapiénter dispónat, quáliter peccatórum foetóres tergat, et ægras mentes salúti restituat.

R. Montes Gélboë, nec ros nec plúvia véniant super vos, * Ubi ceciderunt fortes Israël. **V.** Omnes montes, qui estis in circúitu ejus, visitet Dóminus : a Gélboë autem tránseat. Ubi.

Lectio vj.

SED lenticula Saul úngitur, non pro præsignanda doctrina, sed ad exprimenda futúra. Lenticula quidem parvum est vas. Quid ergo est, quod lenticula ólei Saul úngitur, nisi quia in fine reprobatúr? Nam quia obedire Deo póstea nóluit, a Samuэле audívit : Quia projecisti sermónem Dómini, projéxit te Dóminus, ne sis rex. Velut enim lenticula ólei parum hábuit, qui spirituálem grátiam projiciendus accépit. Quod in rectóribus quoque sanctæ Ecclesiæ conveniénter accipitur. Plurúmque enim culmen prælationis accipiunt, qui in caritate Dei et próximi perfecti non sunt.

R. Ego te tuli de domo patris tui, dicit Dóminus, et pósui te páscere gregem populi mei : * Et fui tecum in ómnibus ubicúmque ambulásti, firmans regnum tuum in ætérnum. **V.** Fecique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimicis tuis. Et fui. Glória Patri. Et fui.

IN III. NOCTURNO

Lectiones de Homilia Dominicæ III. post Pentec. habentur inferius circa finem hujus Partis de Tempore, in ordine aliarum Dom. usque ad Dom. XVI. post Pentec.

Similiter Ant. ad Bened. et Magnif., et Orationes.

R. vij. Peccávi super númerum arénæ maris, et multiplicata sunt peccata mea : et non sum dignus vidére altitudinem cæli præ multitudine iniquitatis meæ : quoniam irritávi iram tuam, * Et malum coram te feci. **V.** Quoniam iniquitatem meam ego cognosco : et delictum meum contra me est semper, quia tibi soli peccávi. Et.

R. viij. Duo Séraphim clamabant alter ad álterum : * Sanctus, sanctus, sanctus Dóminus Deus Sábaoth : * Plena est omnis terra glória ejus. **V.** Tres sunt qui testimoniúm dant in cælo, Pater, Verbum, et Spíritus sanctus : et hi tres unum sunt. Sanctus. Glória Patri. Plena.

Hoc **R.** dicitur post octavam Lectionem in Dominicis tantum usque ad Adventum. Feria autem IV. et Sabbato usque ad Dominicam I. Augusti, quando Responsoria sumenda sunt ex III. Nocturno Dominicæ, ejus loco dicitur secundum Responsorium Feriæ II. sequentis, et tertio loco tertium ejusdem Feriæ.

FERIA SECUNDA

De libro primo Regum.

Lectio j. Cap. 10. c

ET convocávit Sámuel pópulum ad Dóminum in Maspha : et ait ad filios Israël : Hæc dicit Dóminus Deus Israël : Ego edúxi Israël de Ægypto, et érui vos

de manu Ægyptiórum, et de manu ómnium regum, qui affligébant vos. Vos áutem hódie projecistis Deum vestrum, qui solus salvávit vos de univérsis malis et tribulationibus vestris : et dixistis : Nequáquam : sed regem constitue super nos. Nunc ergo state coram Dómino per tribus vestras et per familias.

R. Recordáre Dómine testaménti tui, et dic Angelo percutiénti : Cesset jam manus tua, * Ut non desolétur terra, et ne perdas omnem animam vivam. **V.** Ego sum qui peccávi, ego qui inique egi : isti qui oves sunt, quid fecérunt? Avertátur óbsecro furor tuus Dómine a pópulo tuo. Ut.

Lectio ij.

ET applicuit Sámuel omnes tribus Israël, et cécidit sors tribus Bénjamin. Et applicuit tribum Bénjamin et cognationes ejus, et cécidit cognatio Metri, et pervénit usque ad Saul filium Cis. Quæsiérunt ergo eum, et non est invéntus. Et consuluérunt post hæc Dóminum, utrúmnam ventúrus esset illic. Responditque Dóminus : Ecce absconditus est domi. Cucurrérunt itaque et tulérunt eum inde : stetitque in médio pópuli, et áltior fuit univérso pópulo ab humero et sursum. Et ait Sámuel ad omnem pópulum : Certe vidétis quem elégit Dóminus,

quóniam non sit similis illi in omni pópulo. Et clamávit omnis pópulus, et ait : Vivat rex.

R. Exaudisti Dómine orationem servi tui, ut ædificárem templum nómini tuo : * **B**enedic, et sanctifica domum istam in sempiternum, Deus Israël. **V.** Dómine, qui custódis pactum cum servis tuis, qui ámbulant coram te in corde suo. **B**enedic.

Lectio iij.

LOCÚTUS est áutem Sámuel ad pópulum legem regni, et scripsit in libro, et repósuit coram Dómino, et dimísit Sámuel omnem pópulum, singulos in domum suam. Sed et Saul ábiit in domum suam in Gábaa : et ábiit cum eo pars exercitus, quorum tetigerat Deus corda. Filii vero Bélial dixerunt : Num salváre nos póterit iste? Et despexérunt eum, et non attulérunt ei múnera : ille vero dissimulábat se audire.

R. Audi Dómine hymnum, et orationem, quam servus tuus orat coram te hódie : ut sint óculi tui apérti, et áures tuæ inténtæ, * **S**uper domum istam die ac nocte. **V.** Réspice Dómine de sanctuário tuo, et de excélso cælórum habitáculo. **S**uper. **G**loria Patri. **S**uper.

Responsoria hujus II. Feriæ dicuntur in omnibus secundis Feriis usque ad Dominicam I. Augusti.

FERIA TERTIA

De libro primo Regum.

Lectio j. Cap. 12.

DIXIT áutem Sámuel ad univérsum Israël : Ecce audiivi vocem vestram juxta ómnia quæ locúti estis ad me, et constitui super vos regem. Et nunc rex gráditur ante vos : ego áutem senui, et incánui : porro filii mei vobiscum sunt : itaque conversátus coram vobis ab adolescéntia mea usque ad hanc diem, ecce præsto sum. Loquimini de me coram Dómino, et coram Christo ejus, utrum bovem cujúsquam túlerim, aut ásinum : si quémpiam calumniátus sum, si oppréssemi áliquem, si de manu cujúsquam munus accépi : et contémnam illud hódie, restituámque vobis. Et dixerunt : Non es calumniátus nos, neque oppressisti, neque tulisti de manu alicújus quíppiam. Dixitque ad eos : Testis est Dóminus advérsus vos, et testis Christus ejus in die hac, quia non invenéritis in manu mea quíppiam. Et dixerunt : Testis.

R. Dómine, si convérsus fuerit pópulus tuus, et oráverit ad sanctuárium tuum : * **T**u exáudies de cælo Dómine, et libera eos de mánibus inimicórum suórum. **V.** Si peccáverit in te pópulus tuus, et convérsus égerit pœniténtiam, veniénsque orá-

verit in isto loco. Tu exaudies.

Lectio ij.

ET ait Sámuel ad pópulum : Dóminus qui fecit Móysen et Aaron, et edúxit patres nostros de terra Ægypti. Nunc ergo state, ut iudicio conténdam advérsus vos coram Dómino de ómnibus misericórdiis Dómini, quas fecit vobiscum, et cum pátribus vestris : quómodo Jacob ingressus est in Ægyptum, et clamavérunt patres vestri ad Dóminum : et misit Dóminus Móysen et Aaron, et edúxit patres vestros de Ægypto : et collocávit eos in loco hoc. Qui obliti sunt Dómini Dei sui, et trádidit eos in manu Sísaræ magistri militiæ Hasor, et in manu Philisthinórum, et in manu regis Moab, et pugnávérunt advérsus eos.

R. Factum est, dum tólleret Dóminus Eliam per túrbinem in cælum, * Eliséus clamábat, dicens : Pater mi, pater mi, currus Israël, et auríga ejus. **V.** Cumque pérgerent, et incedéntes sermocinaréntur, ecce currus igneus et equi ignei divisérunt utrúmque, et ascéndit Elías per túrbinem in cælum. Eliséus.

Lectio iij.

PÓSTEA áutem clamavérunt ad Dóminum, et dixerunt : Peccávimus, quia dereliquimus Dóminum, et servivimus Báalim et Astaroth :

nunc ergo érue nos de manu inimicórum nostrórum, et serviémus tibi. Et misit Dóminus Jeróbaal, et Badan, et Jephthe, et Sámuel, et éruit vos de manu inimicórum vestrórum per circúitum, et habitástis confidénter. Vidéntes áutem quod Naas rex filiórum Ammon venisset advérsus vos, dixístis mihi : Nequáquam, sed rex imperábit nobis : cum Dóminus Deus vester regnáret in vobis. Nunc ergo præsto est rex vester, quem elegístis et petístis : ecce dedit vobis Dóminus regem. Si timuéritis Dóminum, et serviéritis ei, et audiéritis vocem ejus, et non exasperavéritis os Dómini : éritis et vos, et rex qui imperat vobis, sequéntes Dóminum Deum vestrum.

R. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus ubicúmque ambulásti, firmans regnum tuum in ætérnum. **V.** Fecique tibi nomen grande, juxta nomen magnórum qui sunt in terra : et réquiem dedi tibi ab ómnibus inimicis tuis. Et. Glória. Et.

Responsoria hujus III. Fer. dicunt. in omnibus III. Feriis usque ad Dom. I. Augusti.

FERIA QUARTA

De libro primo Regum.

Lectio j. Cap. 13.

FÍLIUS unius anni erat Saul cum regnare cœpisset,

duóbus áutem annis regnávit super Israël. Et elégit sibi Saul tria millia de Israël : et erant cum Saul duo millia in Machmas, et in monte Bethel : mille áutem cum Jónatha in Gábaa Bénjamin : porro cæterum pópulum remisit unumquémque in tabernácula sua. Et percússit Jónathas statiónem Philisthinórum, quæ erat in Gábaa. Quod cum audissent Philisthiim, Saul cécinuit búcina in omni terra, dicens : Audiant Hebræi. Et univérsus Israël audivit hujuscémodi famam : Percússit Saul statiónem Philisthinórum : et eréxit se Israël advérsus Philisthiim. Clamávit ergo pópulus post Saul in Gál-gala.

℞. Peccávi. 206.

Lectio ij.

ET Philisthiim congregáti sunt ad præliándum contra Israël, triginta millia cúr-rum, et sex millia équitum, et réliquum vulgus, sicut aréna quæ est in littore maris plúrima. Et ascendéntes castrametáti sunt in Machmas ad Oriéntem Betháven. Quod cum vidissent viri Israël se in arcto pósitos (afflictus enim erat pópulus), abscondérunt se in spelún-cis, et in ábditis, in petris quoque, et in antris, et in ci-stérnis. Hebræi áutem transiérunt Jordánem in terram Gad et Gálaad. Cumque adhuc esset Saul in Gál-gala,

univérsus pópulus pertérri-tus est, qui sequebátur eum. Et exspectávit septem dié-bus juxta plácitum Samué-lis, et non venit Sámuel in Gál-gala, dilapsúsque est pópulus ab eo.

℞. Exaudisti Dómine. 207.

Lectio iij.

AIT ergo Saul : Afférte mihi holocáustum, et paci-fica. Et obtulit holocáustum. Cumque compléset offerens holocáustum, ecce Sámuel veniēbat, et egréssus est Saul óbviā ei ut salutáret eum. Locutúsque est ad eum Sámuel : Quid fecisti? Respóndit Saul : Quia vidi quod pópulus dilaberétur a me, et tu non véneras juxta pláci-tos dies, porro Philisthiim congregáti fúerant in Mach-mas, dixi : Nunc descéndent Philisthiim ad me in Gál-gala, et fáciem Dómini non placávi. Necessitáte compúlsus, obtuli holocáustum. Dixitque Sámuel ad Saul : Stulte egisti, nec custodisti mandáta Dómini Dei tui, quæ præcépit tibi. Quod si non fecisses, jam nunc præ-paráset Dóminus regnum tuum super Israël in sempitérnum, sed nequáquam regnum tuum ultra consúr-get. Quæsívit Dóminus sibi virum juxta cor suum : et præcépit ei Dóminus ut esset dux super pópulum suum, eo quod non serváveris quæ præcépit Dóminus.

℞. Audi Dómine. 207.

FERIA QUINTA

De libro primo Regum.

Lectio j. Cap. 14. b

DIXIT autem Jónathas ad adolescentem armigerum suum : Veni, trans-eamus ad stationem incircumcisorum horum, si forte faciat Dóminus pro nobis : quia non est Dómino difficile salvare vel in multis, vel in páucis. Dixitque ei armiger suus : Fac ómnia, quæ placent ánimo tuo : perge quo cupis, et ero tecum ubicúmque volúeris. Et ait Jónathas : Ecce nos trans-imus ad viros istos. Cumque apparuerimus eis, si táliter locúti fúerint ad nos, manéte donec veniámus ad vos : stemus in loco nostro, nec ascendámus ad eos. Si autem dixerint : Ascéndite ad nos : ascendámus, quia trádedit eos Dóminus in mánibus nostris, hoc erit nobis signum. Appáruit igitur utérque stationi Philisthinórum : dixerúntque Philisthiim : En Hebræi egrediúntur de cavernis, in quibus absconditi fúerant.

*℞. Præparáte. 203.**Lectio ij.*

ET locúti sunt viri de statione ad Jónatham, et ad armigerum ejus, dixerúntque : Ascéndite ad nos, et ostendémus vobis rem. Et ait Jónathas ad armigerum suum : Ascendámus, séquere me : trádedit enim Dóminus

eos in manus Israël. Ascéndit autem Jónathas, mánibus et pédibus reptans, et armiger ejus post eum. Itaque álíi cadébant ante Jónatham, álíos armiger ejus interficiébat sequens eum. Et facta est plaga prima, qua percússit Jónathas et armiger ejus, quasi viginti virórum in média parte júgeri, quam par boum in die arare consuévít. Et factum est miráculum in castris per agros : sed et omnis pópulus stationis eórum, qui ierant ad prædándum, obstúpuit, et conturbáta est terra : et accidit quasi miráculum a Deo.

*℞. Deus. 204.**Lectio iij.*

ET respexérunt speculatóres Saul, qui erant in Gábaa Bénjamin, et ecce multitúdo prostráta, et huc illúcque diffúgiens. Et ait Saul pópulo, qui erat cum eo : Requirite, et vidéte quis abierit ex nobis. Cumque requisissent, repértum est non adesse Jónatham, et armigerum ejus. Et ait Saul ad Achiam : Applica arcam Dei. (Erat enim ibi arca Dei in die illa cum filiis Israël.) Cumque loquerétur Saul ad sacerdotem, tumultus magnus exórtus est in castris Philisthinórum : crescebatque paulátim, et clárius resonábat. Et ait Saul ad sacerdotem : Cóntrahe manum tuam. Conclamávit ergo

Saul, et omnis populus, qui erat cum eo, et venerunt usque ad locum certaminis : et ecce versus fuerat gladius uniuscujusque ad proximum suum, et caedes magna nimis.

℟. Dominus, qui. 204.

FERIA SEXTA

De libro primo Regum.

Lectio j. Cap. 15.

ET dixit Samuel ad Saul : Me misit Dominus, ut ungerem te in regem super populum ejus Israel : nunc ergo audi vocem Domini : Hæc dicit Dominus exercituum : Recensui quaecumque fecit Amalec Israeli : quomodo restitit ei in via cum ascenderet de Aegypto. Nunc ergo vade, et percute Amalec, et demolire universa ejus : non parcas ei, et non concupiscas ex rebus ipsius aliquid : sed interfice a viro usque ad mulierem, et parvulum atque lactentem, bovem et ovem, camelum et asinum.

℟. Percussit Saul. 205.

Lectio ij.

PRÆCÉPIT itaque Saul populo, et recensuit eos quasi agnos : ducenta millia peditum, et decem millia virorum Juda. Cumque venisset Saul usque ad civitatem Amalec, tetendit insidias in torrénte. Dixitque Saul Cinæo : Abite, recedite, atque descendite ab Amalec : ne forte involvam te cum eo.

Tu enim fecisti misericordiam cum omnibus filiis Israel, cum ascenderent de Aegypto. Et recessit Cinæus de medio Amalec. Percussitque Saul Amalec ab Hévila, donec venias ad Sur, quæ est e regione Aegypti. Et apprehendit Agag regem Amalec vivum : omne autem vulgus interfecit in ore gladii.

℟. Montes Gélboë. 205.

Lectio iij.

ET pepércit Saul, et populus Agag, et optimis gregibus ovium et armentorum, et vestibibus, et arietibus, et universis quæ pulchra erant, nec voluerunt dispêdere ea : quidquid vero vile fuit et réprobum, hoc demoliti sunt. Factum est autem verbum Domini ad Samuel, dicens : Pœnitet me quod constituerim Saul regem : quia dereliquit me, et verba mea opere non implévit. Contristatusque est Samuel, et clamavit ad Dominum tota nocte.

℟. Ego te tuli. 205.

SABBATO

De libro primo Regum.

Lectio j. Cap. 16.

DIXITQUE Dominus ad Samuel : Usquequo tu luges Saul, cum ego projecerim eum, ne regnet super Israel? imple cornu tuum oleo, et veni, ut mittam te ad Isai Bethlehemitem : pro-vidi enim in filiis ejus mihi

regem. Et ait Sámuel : Quo modo vadam? áudiet enim Saul, et interficiet me. Et ait Dóminus : Vitulum de arménto tolles in manu tua, et dices : Ad immolándum Dómino veni. Et vocábis Isai ad victimam, et ego osténdam tibi quid fácias, et unges quemcúmque monstrávero tibi.

℞. Peccávi. 206.

Lectio ij.

FECIT ergo Sámuel, sicut locútus est ei Dóminus. Venitque in Béthlehem, et admiráti sunt senióres civitátis, occurréntes ei, dixerúntque : Pacificúsne est ingressus tuus? Et ait : Pacificus : ad immolándum Dómino veni, sanctificámini, et venite mecum ut immolem. Sanctificávit ergo Isai et filios ejus, et vocávit eos ad sacrificium. Cumque ingressi essent, vidit Eliab, et ait : Num coram Dómino est Christus ejus? Et dixit Dóminus ad Samuélem : Ne respicias vultum ejus, neque altitúdinem statúræ ejus, quóniam abjeci eum, nec juxta intúitum hóminis ego júdico : homo enim videt ea quæ parent, Dóminus áutem intuétur cor.

℞. Exaudisti. 207.

Lectio iij.

ET vocávit Isai Abínadab, et addúxit eum coram Samuéle. Qui dixit : Nec hunc elégit Dóminus. Addúxit áutem Isai Samma, de

quo ait : Etiam hunc non elégit Dóminus. Addúxit itaque Isai septem filios suos coram Samuéle : et ait Sámuel ad Isai : Non elégit Dóminus ex istis. Dixitque Sámuel ad Isai : Numquid jam compléti sunt filii? Qui respóndit : Adhuc réliquus est párvulus, et pascit oves. Et ait Sámuel ad Isai : Mitte, et adduc eum.

℞. Audi Dómine. 207.

Ad Magnif. Ant. Præváluit David * in Philisthæum in funda et lápide, in nómine Dómini.

℣. Vespertína orátio ascéndat ad te Dómine. ℞. Et descéndat super nos misericórdia tua.

Oratio cum Homilia Dominicæ IV. habetur infra circa finem Officii de Tempore.

DOM. IV. POST PENTEC.

IN I. NOCTURNO

De libro primo Regum.

Lectio j. Cap. 17.

CONGREGANTES áutem Philisthiim ágmina sua in prælium, convenérunt in Socho Judæ : et castrametáti sunt inter Socho et Azéca in finibus Dommim. Porro Saul et filii Israël congregáti venérunt in Vallem terebinthi, et direxérunt áciem ad pugnándum contra Philisthiim. Et Philisthiim stabant super montem ex parte hac, et Israël stabat supra montem ex áltera parte : vallisque erat inter eos. Et egréssus

est vir spúrius de castris Philisthinórum nómine Góliath, de Geth, altitúdinis sex cubitórum et palmi : et cassis área super caput ejus, et lorica squamáta induebátur. Porro pondus loricæ ejus quinque millia siclórum æris erat : et ócreas áreas habébat in crúribus : et clýpeus áreus tegébat húmeros ejus. Hastile áutem hastæ ejus erat quasi liciatórium texéntium. Ipsum áutem ferum hastæ ejus sexcéntos siclos habébat ferri : et armiger ejus antecedebat eum.

R. Præparáte corda vestra Dómino, et servite illi soli : * Et liberábit vos de mánibus inimicórum vestrórum. **V.** Convertimini ad eum in toto corde vestro, et auférte deos aliénos de médio vestri. Et.

Lectio ij.

STANSQUE clamábat advérsus phalángas Israël, et dicébat eis : Quare venistis paráti ad prælium? Numquid ego non sum Philisthæus, et vos servi Saul? Eligite ex vobis virum, et descéndat ad singuláre certámen. Si quíverit pugnáre mecum, et percússerit me, érimus vobis servi : si áutem ego prævalúero, et percússero eum, vos servi éritis, et serviétis nobis. Et aiébat Philisthæus : Ego exprobrávi agminibus Israël hódie : Date mihi virum, et ineat mecum singuláre certámen. Audiens áutem Saul, et omnes Israë-

litæ sermónes Philisthæi hujuscémodi, stupébant, et metuébant nimis.

R. Deus ómnium exauditor est : ipse misit Angelum suum, et tulit me de óvibus patris mei : * Et unxit me unctióne misericórdiæ suæ.

V. Dóminus, qui eripuit me de ore leónis, et de manu bestię liberávit me. Et.

Lectio iij.

DAVID áutem erat filius viri Ephrathæi, de quo supra dictum est, de Bétlehem Juda, cui nomen erat Isai, qui habébat octo filios, et erat vir in diébus Saul senex, et grandævus inter viros. Abiérunt áutem tres filii ejus majóres post Saul in prælium : et nómina trium filiórum ejus, qui perrexérunt ad bellum, Eliab primogénitus, et secúndus Abinadab, tertiúsque Samma. David áutem erat minimus. Tribus ergo majóribus secútis Sáulem, ábiit David, et revérsus est a Saul, ut pásceret gregem patris sui in Bétlehem. Procedébat vero Philisthæus mane et vespere, et stabat quadraginta diébus.

R. Dóminus, qui eripuit me de ore leónis, et de manu bestię liberávit me, * Ipse me eripiet de mánibus inimicórum meórum. **V.** Misit Deus misericórdiam suam, et veritátem suam : ánimam meam eripuit de médio catulórum leónum. Ipse. Glória Patri. Ipse.

IN II. NOCTURNO

Sermo sancti Augustini
Episcopi.

Serm. 197. de Temp. circa
med.

Lectio iv.

STABANT filii Israël contra adversários quadraginta diébus. Quadraginta dies, propter quátuor témpora, et quátuor partes orbis terræ, vitam præsentem significant, in qua contra Góliath vel exércitum ejus, id est, contra diábolum et ángeles ejus, Christianórum pópulus pugnare non désinit. Nec tamen vincere posset, nisi verus David Christus cum báculo, id est cum crucis mystério descendisset. Ante advéntum enim Christi, fratres carissimi, solútus erat diábolus : véniens Christus fecit de eo, quod in Evan-gélio dictum est : Nemo potest intrare in domum fortis, et vasa ejus diripere, nisi prius alligáverit fortem. Venit ergo Christus, et alligávit diábolum.

R. Percússit Saul mille, et David decem millia : * Quia manus Dómini erat cum illo : percússit Philisthæum, et ábstulit oppróbrium ex Israël. **V.** Nonne iste est David, de quo canébant in choro, dicéntes : Saul percússit mille, et David decem millia? Quia manus.

Lectio v.

SED dicit áliquis : Si alligátus est, quare adhuc

tantum prævalet? Verum est, fratres carissimi, quia multum prævalet : sed tépidis et negligéntibus, et Deum in veritáte non timéntibus dominátur. Alligátus est enim tamquam innexus canis caténis, et néminem potest mordere, nisi eum qui se illi mortífera securitáte conjún-xerit. Jam vidéte, fratres, quam stultus est homo ille, quem canis in caténa pósitus mordet. Tu te illi per voluntates et cupiditates sæculi noli conjungere, et ille ad te non præsumit accédere. Latrare potest, sollicitare potest, mordere omnino non potest, nisi voléntem. Non enim cogéndo, sed suadéndo nocet : nec extórquet a nobis consénsu, sed petit.

R. Montes Gélboë, nec ros nec plúvia véniant super vos, * Ubi ceciderunt fortes Israël. **V.** Omnes montes, qui estis in circúitu ejus, visitet Dóminus : a Gélboë áutem tránseat. Ubi.

Lectio vj.

VENIT ergo David, et invénit Judæórum pópulum contra diábolum præliántem : et cum nullus esset qui præsumeret ad singuláre certámen accédere, ille qui figúram Christi gerébat, procéssit ad prælium, tulit báculum in manu sua, et éxiit contra Góliath. Et in illo quidem tunc figurátum est, quod in Dómino Jesu Christo complétum est. Venit

enim verus David Christus, qui contra spiritalem Góliath, id est, contra diabolum pugnatúrus, crucem suam ipse portávit. Vidéte, fratres, ubi David Góliath percússerit : in fronte úti- que, ubi crucis signáculum non habébat. Sicut enim báculus crucis typum hábuit; ita étiam et lapis ille, de quo percússus est, Christum Dóminum figurábat.

℞. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus ubicúmque ambulásti, firmans regnum tuum in ætérnum. V. Fecique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimicis tuis. Et fui. Glória Patri. Et fui.

IN III. NOCTURNO

Lect. de Homil. Evang. Dom. IV. post Pentec., quæ habentur inferius.

℞. vij. Peccávi super número arénæ maris, et multiplicáta sunt peccáta mea : et non sum dignus vidére altitúdinem cæli præ multitudíne iniquitátis meæ : quóniam irritávi iram tuam, * Et malum coram te feci. V. Quóniam iniquitátem meam ego cognóscó : et delictum meum contra me est semper, quia tibi soli peccávi. Et.

℞. viij. Duo Séraphim clamábant alter ad álterum : * Sanctus, sanctus, sanctus

Dóminus Deus Sábaoth : * Plena est omnis terra glória ejus. V. Tres sunt qui testimoniúm dant in cælo, Pater, Verbum, et Spíritus sanctus : et hi tres unum sunt. Sanctus. Glória Patri. Plena est.

FERIA SECUNDA

De libro primo Regum.

Lectio j. Cap. 17. c

ET dixit unus quispiam de Israél : Num vidístis virum hunc, qui ascéndit? ad exprobrándum enim Israéli ascéndit. Virum ergo, qui percússerit eum, ditábit rex divítiis magnis, et filiam suam dabit ei, et domum patris ejus fáciét absque tribúto in Israél. Et ait David ad viros qui stabant secum, dicens : Quid dábitur viro, qui percússerit Philisthæum hunc, et túlerit oppróbrium de Israél? quis enim est hic Philisthæus incircumcísus, qui exprobrávit ácies Dei vivéntis?

℞. Recordáre. 206.

Lectio ij.

AUDÍTA sunt áutem verba, quæ locútus est David, et annuntiáta in conspéctu Saul. Ad quem cum fuisset addúctus, locútus est ei : Non cóncidat cor cujúsquam in eo : ego servus tuus vadam, et pugnábo advérsus Philisthæum. Et ait Saul ad David : Non vales resistere Philisthæo isti, nec pugnáre advérsus eum : quia

puer es, hic autem vir bel-
lātor est ab adolescētia sua.

℞. Exaudisti. 207.

Lectio iij.

DIXITQUE David ad Saul :
Pascēbat servus tuus pa-
tris sui gregem, et veniēbat
leo, vel ursus, et tollēbat
arietem de mēdio gregis : et
persequēbar eos, et percu-
tiēbam, eruebāque de ore
eōrum : et illi consurgēbant
advēsum me, et apprehen-
dēbam mentum eōrum, et
suffocābam, interficiebām-
que eos. Nam et leōnem, et
ursum interfēci ego servus
tuus : erit igitur et Philis-
thæus hic incircumcīsus,
quasi unus ex eis.

℞. Audi. 207.

FERIA TERTIA

De libro primo Regum.

Lectio j. Cap. 17. e

ET induit Saul David vesti-
mentis suis, et impōsuit
gāleam æream super caput
ejus, et vestivit eum lorica.
Accinctus ergo David gládio
ejus super vestem suam, cœ-
pit tentāre si armātus posset
incēdere : non enim habēbat
consuetūdinem. Dixitque
David ad Saul : Non possum
sic incēdere, quia non usum
hābeo. Et depōsuit ea, et
tulit bāculum suum, quem
semper habēbat in mānibus :
et elēgit sibi quinque limpi-
dissimos lāpides de torrēn-
te, et misit eos in peram
pastorālem, quam habēbat
secum, et fundam manu tu-

lit : et procēssit advēsum
Philisthæum.

℞. Dómine. 207.

Lectio ij.

IBAT autem Philisthæus in-
cēdens, et appropinquans
advēsum David, et armiger
ejus ante eum. Cumque in-
spexisset Philisthæus, et vi-
disset David, despexit eum.
Erat enim adolēscens : rufus,
et pulcher adspēctu. Et dixit
Philisthæus ad David : Num-
quid ego canis sum, quod tu
venis ad me cum bāculo? Et
maledixit Philisthæus David
in diis suis : dixitque ad
David : Veni ad me, et dabo
carnes tuas volatilibus cæli
et bēstiis terræ. Dixit autem
David ad Philisthæum : Tu
venis ad me cum gládio, et
hasta, et clýpeo : ego autem
venio ad te in nómīne Dó-
mini exercituum, Dei ágmi-
num Israēl, quibus expro-
brāsti hódie, et dabit te
Dóminus in manu mea, et
percútiam te, et áuferam
caput tuum a te : et dabo
cadāvera castrórum Philis-
thiim hódie volatilibus cæ-
li, et bēstiis terræ : ut sciat
omnis terra quia est Deus
in Israēl.

℞. Factum est. 208.

Lectio iij.

CUM ergo surrexisset Philis-
thæus, et veniret, et ap-
propinquāret contra David,
festināvit David et cucurrit
ad pugnam ex advēso Philis-
thæi. Et misit manum suam
in peram, tulitque unum

lápídem, et funda jecit, et circumducens percussit Philisthæum in fronte : et infixus est lapis in fronte ejus, et cecidit in faciē suam super terram. Prævaluitque David adversum Philisthæum in funda et lápide, percussūque Philisthæum interfecit. Cumque gládium non haberet in manu David, cucurrit, et stetit super Philisthæum, et tulit gládium ejus, et eduxit eum de vagina sua : et interfecit eum, præciditque caput ejus.

℞. Ego te tuli. 208.

FERIA QUARTA

De libro primo Regum.

Lectio j. Cap. 18. b

PORRO cum reverteretur percusso Philisthæo David, egressæ sunt mulieres de universis urbibus Israël, cantantes, chorosque ducentes in occursum Saul regis, in tympanis lætitiæ, et in sistris. Et præcinebant mulieres ludentes, atque dicentes : Percussit Saul mille, et David decem millia. Iratus est autem Saul nimis, et displicuit in oculis ejus sermo iste : dixitque : Dedérunt David decem millia, et mihi mille dedérunt : quid ei superest, nisi solum regnum?

℞. Peccavi. 206.

Lectio ij.

NON rectis ergo oculis Saul adspiciebat David a die illa, et deinceps. Post diem autem alteram, invasit spi-

ritus Dei malus Saul, et prophetabat in medio domus suæ : David autem psallēbat manu sua, sicut per singulos dies : tenebātque Saul lanceam, et misit eam, putans quod configere posset David cum pariete : et inclinavit David a faciē ejus secundo. Et timuit Saul David, eo quod Dóminus esset cum eo, et a se recessisset. Amovit ergo eum Saul a se, et fecit eum tribūnum super mille viros : et egrediebatur, et intrabat in conspectu populi.

℞. Exaudisti. 207.

Lectio iij.

IN omnibus quoque viis suis David prudenter agebat, et Dóminus erat cum eo. Vidit itaque Saul quod prudens esset nimis, et coepit cavere eum. Omnis autem Israël et Juda diligebat David : ipse enim ingrediebatur et egrediebatur ante eos. Dixitque Saul ad David : Ecce filia mea major Merob, ipsam dabo tibi uxorem : tantummodo esto vir fortis, et præliare bella Dómini. Saul autem reputabat, dicens : Non sit manus mea in eum, sed sit super eum manus Philisthinorum.

℞. Audi. 207.

FERIA QUINTA

De libro primo Regum.

Lectio j. Cap. 19.

LOCUTUS est autem Saul ad Jónathan filium suum,

et ad omnes servos suos, ut occiderent David. Porro Jónathas fílius Saul diligébat David valde. Et indicávit Jónathas David, dicens : Quærit Saul pater meus occidere te : quaprópter ob-sérva te, quæso, mane, et manébis clam, et abscon-déris. Ego áutem egrédiens stabo juxta patrem meum, in agro ubicúmque fúeris : et ego loquar de te ad pa-trem meum : et quodcúmque videro, nuntiábo tibi.

℞. Præparáte. 213.

Lectio ij.

LOCÚTUS est ergo Jónathas de David bona ad Saul patrem suum : dixitque ad eum : Ne pecces rex in ser-vum tuum David, quia non peccávit tibi, et ópera ejus bona sunt tibi valde. Et pósuit ánimam suam in ma-nu sua, et percússit Philis-thæum, et fecit Dóminus salútem magnam univérso Israéli : vidisti, et lætátus es. Quare ergo peccas in ságuine innóxio, interficiens David, qui est absque culpa? Quod cum audisset Saul, placátus voce Jónathæ, jurávit : Vivit Dómi-nus, quia non occidétur.

℞. Deus ómnium. 213.

Lectio iij.

MOTUM est áutem rursum bellum : et egréssus David, pugnávit advérsus Philistiim : percussitque eos plaga magna, et fugé-runt a fácie ejus. Et factus

est spiritus Dómini malus in Saul. Sedébat áutem in domo sua, et tenébat lán-ceam : porro David psallé-bat manu sua. Nisúsque est Saul configere David láncea in pariete, et declinávit Da-vid a fácie Saul : láncea áu-tem casso vúlneré perláta est in parietem, et David fugit, et salvátus est nocte illa.

℞. Dóminus. 213.

FERIA SEXTA

De libro primo Regum.

Lectio j. Cap. 20.

FUGIT áutem David de Na-joth, quæ est in Ráma-tha, veniénsque locútus est coram Jónatha : Quid feci? quæ est iniquitas mea, et quod peccátum meum in patrem tuum, quia quærit ánimam meam? Qui dixit ei : Absit, non moriérís : neque enim fáciét pater meus quidquam grande vel parvum nisi prius indicáve-rit mihi : hunc ergo celávit me pater meus sermónem tantúmmodo? Nequáquam erit istud.

℞. Percússit Saul. 214.

Lectio ij.

ET jurávit rursum Davídi. Et ille ait : Scit profécto pater tuus quia invéni grá-tiam in óculis tuis, et dicet : Nesciat hoc Jónathas, ne forte tristétur. Quinimo vi-vit Dóminus, et vivit ánima tua, quia uno tantum (ut ita dicam) gradu, ego morsque

dividimur. Et ait Jónathas ad David : Quodcúmque dixerit mihi ánima tua, fáciam tibi.

℞. Montes Gélboë. 214.

Lectio iij.

DIXIT áutem David ad Jónathan : Ecce caléndæ sunt crástino, et ego ex more sedere sóleo juxta regem ad vescéndum : dimitte ergo me, ut abscondar in agro usque ad vésperam diéi tértiæ. Si respiciens requisierit me pater tuus, respondébis ei : Rogávit me David, ut iret celériter in Bétlehem civitátem suam : quia víctimæ solémnes ibi sunt universis contribúlibus suis. Si dixerit, Bene : pax erit servo tuo. Si áutem fúerit irátus, scito quia compléta est malítia ejus.

℞. Ego te tuli. 215.

SABBATO

De libro primo Regum.

Lectio j. Cap. 21.

VENIT áutem David in Nobæ ad Achímelech sacerdotem : et obstúpuit Achímelech, eo quod venisset David. Et dixit ei : Quare tu solus, et nullus est tecum? Et ait David ad Achímelech sacerdotem : Rex præcépit mihi sermónem, et dixit : Nemo sciat rem, propter quam missus es a me, et cujúsmodi præcépta tibi dederim : nam et púeris condixi in illum et illum locum. Nunc ergo si quid habes ad

manum, vel quinque panes, da mihi, aut quidquid inveneris.

℞. Peccávi. 206.

Lectio ij.

ET respóndens sacerdos ad David, ait illi : Non hábeo láicos panes ad manum, sed tantum panem sanctum : si mundi sunt púeri, máxime a muliéribus? Et respóndit David sacerdoti, et dixit ei : Equidem, si de muliéribus ágitur : continúimus nos ab heri et nudiustértius, quando egrediebámur, et fuérunt vasa puerórum sancta. Porro via hæc pollúta est, sed et ipsa hódie sanctificábitur in vasis. Dedit ergo ei sacerdos sanctificátum panem : neque enim erat ibi panis, nisi tantum panes propositiónis, qui subláti fuérant a fácie Dómini, ut poneréntur panes cálidi.

℞. Exaudísti. 207.

Lectio iij.

ERAT áutem ibi vir quidam de servis Saul, in die illa, intus in tabernáculo Dómini : et nomen ejus Doëg Idumæus, potentissimus pastórum Saul. Dixit áutem David ad Achímelech : Si habes hic ad manum hastam, aut gládium? quia gládium meum, et arma mea non tuli mecum. Sermo enim regis urgebat. Et dixit sacerdos : Ecce hic gládus Góliath Philisthæi, quem percussisti in Valle terebinthi, est involútus pállio post ephod : si

istum vis tollere, tolle. Neque enim hic est alius absque eo. Et ait David : Non est huic alter similis, da mihi eum.

℞. Audi Dómine. 207.

Ad Magnif. Ant. Montes Gélboë, * nec ros nec plúvia véniant super vos : quia in te abjéctus est clýpeus fórtium, clýpeus Saul, quasi non esset unctus óleo. Quómodo ceciderunt fortes in bello? Jónathas in excélsis interféctus est : Saul et Jónathas amábiles, et decóri valde in vita sua, in morte quoque non sunt divisi.

℣. Vespertina orátio ascéndat ad tè Dómine. ℞. Et descéndat super nos misericórdia tua.

DOM. V. POST PENTEC.

IN I. NOCTURNO

Incipit liber secúndus
Regum.

Lectio j. · Cap. 1.

FACTUM est áutem, postquam mórtuus est Saul, ut David reverterétur a cæde Amalec, et manéret in Siceleg duos dies. In die áutem tértia apparuit homo véniens de castris Saul veste conscissa, et púlvere conspérsus caput. Et ut venit ad David cecidit super fáciem suam, et adorávit. Dixítque ad eum David : Unde venis? Qui ait ad eum : De castris Israël fugi. Et dixit ad eum David : Quod est verbum quod factum est? indica mi-

hi. Qui ait : Fugit pópulus ex prælio, et multi corruéntes e pópulo mórtui sunt : sed et Saul et Jónathas filius ejus interiérunt.

℞. Præparáte corda vestra Dómino, et servite illi soli : * Et liberábit vos de mánibus inimicórum vestrórum. ℣. Convertímini ad eum in toto corde vestro, et auférte deos aliénos de médio vestri. Et.

Lectio ij.

DIXÍTQUE David ad adolescentem, qui nuntiábat ei : Unde scis quia mórtuus est Saul, et Jónathas filius ejus? Et ait adolescens, qui nuntiábat ei : Casu veni in montem Gélboë, et Saul incumbébat super hastam suam : porro currus et équites appropinquábant ei, et convérsus post tergum suum, vidénsque me vocávit. Cui cum respondissem : Adsum : dixit mihi : Quisnam es tu? Et aio ad eum : Amalecites ego sum. Et locútus est mihi : Sta super me, et intérfice me : quóniam tenent me angústia, et adhuc tota ánima mea in me est. Stansque super eum, occidi illum : sciébam enim quod vivere non póterat post ruínam : et tuli diadéma quod erat in cápite ejus, et armillam de bráchio illíus, et áttuli ad te dóminum meum huc.

℞. Deus ómnium exaudítor est : ipse misit Angelum suum, et tulit me de óvibus patris mei : * Et unxit me

unctiōne misericórdiæ suæ.
 ✠. Dóminus, qui eripuit me
 de ore leónis, et de manu
 béstiae liberávit me. Et.

Lectio iij.

APPREHÉNDENS autem Da-
 vid vestiménta sua scidit,
 omnesque viri, qui erant
 cum eo, et planxérunt, et
 flevérunt, et jejunavérunt
 usque ad vésperam super
 Saul, et super Jónathan fi-
 lium ejus, et super pópulum
 Dómini, et super domum
 Israël, eo quod corruissent
 gládio. Dixitque David ad
 júvenem qui nuntiáverat ei :
 Unde es tu? Qui respondit :
 Filius hóminis ádvenæ Ama-
 lecitæ ego sum. Et ait ad
 eum David : Quare non ti-
 muísti mittere manum tuam
 ut occideres christum Dómi-
 ni? Vocánsque David unum
 de púeris suis, ait : Accédens
 irrue in eum. Qui percússit
 illum, et mórtuus est.

✠. Dóminus, qui eripuit
 me de ore leónis, et de manu
 béstiae liberávit me, * Ipse
 me eripiet de mánibus ini-
 micórum meórum. ✠. Misit
 Deus misericórdiam suam,
 et veritátem suam : ánimam
 meam eripuit de médio ca-
 tulórum leónum. Ipse. Gló-
 ria Patri. Ipse.

IN II. NOCTURNO

Ex libro Morálium sancti
 Gregórii Papæ.

Liber 4. Cap. 3. et 4.

Lectio iv.

QUID est quod David, qui
 retribuéntibus sibi mala

non réddidit, cum Saul et
 Jónathas bello occúmberent,
 Gélboë móntibus maledixit,
 dicens : Montes Gélboë, nec
 ros, nec plúvia véniat super
 vos : neque sint agri primi-
 tiarum : quia ibi abjéctus
 est clýpeus fórtium, clýpeus
 Saul, quasi non esset unctus
 óleo? Quid est quod Jere-
 mías, cum prædicatióem
 suam cérneret audiéntium
 difficultáte præpediri, male-
 dixit dicens : Maledictus vir,
 qui annuntiávit patri meo,
 dicens : Natus est tibi puer
 másculus?

✠. Percússit Saul mille, et
 David decem millia : * Quia
 manus Dómini erat cum il-
 lo : percússit Philisthæum,
 et ábstulit oppróbrium ex
 Israël. ✠. Nonne iste est Da-
 vid, de quo canébant in
 choro, dicétes : Saul per-
 cússit mille, et David decem
 millia? Quia.

Lectio v.

QUID ergo montes Gélboë,
 Saul moriénte deliqué-
 runt, quátenus in eos nec
 ros nec plúvia cáderet, et
 ab omni eos viriditátis gér-
 mine senténtiæ sermo sic-
 cáret? Sed quia Gélboë inter-
 pretátur decúrsus, per Saul
 autem unctum et mórtuum,
 mors nostri mediátoris ex-
 primitur : non immérito per
 Gélboë montes supérba Ju-
 dæórum corda signántur :
 quæ dum in hujus mundi
 desidériis défluunt, in Chri-
 sti, id est, uncti se morte

miscuerunt : et quia in eis unctus rex corporaliter moritur, ipsi ab omni gratiarum siccantur.

R. Montes Gélboë, nec ros nec pluvia veniant super vos, * Ubi ceciderunt fortes Israël. **V.** Omnes montes, qui estis in circuitu ejus, visitet Dominus : a Gélboë autem transeat. Ubi.

Lectio vj.

DE quibus et bene dicitur, ut agri primitiarum esse non possint. Superbæ quippe Hebræorum mentes primitivos fructus non ferunt : quia in Redemptoris adventu ex parte máxima in perfidia remanentes, primordia fidei sequi noluerunt. Sancta namque Ecclesia in primitiis suis multitudine gentium fecundata, vix in mundi fine Judæos quos invenerit, suscipit, et extrema colligens, eos quasi reliquias frugum ponit.

R. Ego te tuli de domo patris tui, dicit Dominus, et posui te pascere gregem populi mei : * Et fui tecum in omnibus ubicumque ambulasti, firmans regnum tuum in æternum. **V.** Fecique tibi nomen grande, juxta nomen magnorum, qui sunt in terra : et requiem dedi tibi ab omnibus inimicis tuis. Et fui. Glória Patri. Et fui.

R. vij. Peccavi super numerum arenæ maris, et multiplicata sunt peccata mea :

et non sum dignus videre altitudinem cæli præ multitudinem iniquitatis meæ : quoniam irritavi iram tuam, * Et malum coram te feci. **V.** Quoniam iniquitatem meam ego cognosco, et delictum meum contra me est semper, quia tibi soli peccavi. Et malum.

R. viij. Duo Sêraphim clamabant alter ad alterum : * Sanctus, sanctus, sanctus Dominus Deus Sábaoth : * Plena est omnis terra glória ejus. **V.** Tres sunt qui testimonium dant in cælo, Pater, Verbum, et Spiritus sanctus : et hi tres unum sunt. Sanctus. Glória Patri. Plena est.

FERIA SECUNDA

De libro secundo Regum.

Lectio j. Cap. 2.

IGITUR post hæc consuluit David Dominum, dicens : Num ascendam in unam de civitatibus Juda? Et ait Dominus ad eum : Ascende. Dixitque David : Quo ascendam? Et respondit ei : In Hebron. Ascendit ergo David, et duæ uxores ejus, Achinoam Jezrahelites, et Abigail uxor Nabal Carmeli : sed et viros, qui erant cum eo, duxit David singulos cum domo sua : et manserunt in oppidis Hebron. Veneruntque viri Juda, et unxerunt ibi David, ut regnaret super domum Juda.

R. Recordare. 206.

Lectio ij.

ET nuntiátum est David, quod viri Jabes Gálaad sepelissent Saul. Misit ergo David nuntios ad viros Jabes Gálaad, dixitque ad eos : Benedicti vos a Dómino, qui fecistis misericórdiam hanc cum dómينو vestro Saul, et sepelistis eum. Et nunc retribuet vobis quidem Dóminus misericórdiam et veritátem : sed et ego reddam grátiam, eo quod fecistis verbum istud. Confortén- tur manus vestræ, et estóte filii fortitúdinis : licet enim mórtuus sit dóminus vester Saul, tamen me unxit domus Juda in regem sibi.

℞. Exaudisti. 207.

Lectio iij.

ABNER áutem filius Ner princeps exércitus Saul tulit Isboseth filium Saul, et circumdúxit eum per castra, regémque constituit super Gálaad, et super Géssuri, et super Jézrahel, et super Ephraïm, et super Bénjamin, et super Israël univérsum. Quadraginta annórum erat Isboseth filius Saul cum regnáre cœpisset super Israël, et duóbus annis regnávit : sola áutem domus Juda sequebátur David. Et fuit númerus diérum, quos commorátus est David, imperans in Hebron super domum Juda, septem annórum, et sex ménsium.

℞. Audi Dómine hymnum. 207.

FERIA TERTIA

De libro secúndo Regum.

Lectio j. Cap. 3.

CUM ergo esset prælium inter domum Saul et domum David, Abner filius Ner regébat domum Saul. Fúerat áutem Sáuli concubina nómine Respha, filia Aja. Dixitque Isboseth ad Abner : Quare ingrèssus es ad concubínam patris mei? Qui irátus nimis propter verba Isboseth, ait : Numquid caput canis ego sum advérsus Judam hódie, qui fécerim misericórdiam super domum Saul patris tui, et super fratres et próximos ejus, et non trádidi te in manus David, et tu requisisti in me quod argúeres pro muliere hódie? Hæc fáciat Deus Abner, et hæc addat ei, nisi quómodo jurávit Dóminus David, sic fáciam cum eo, ut transferátur regnum de domo Saul, et elevétur thronus David super Israël, et super Judam, a Dan usque Bersabée.

℞. Dómine. 207.

Lectio ij.

MISIT ergo Abner nuntios ad David pro se dicéntes : Cujus est terra? Et ut loqueréntur : Fac mecum amicitias, et erit manus mea tecum, et redúcam ad te univérsum Israël. Qui ait : Optime : ego fáciam tecum amicitias : sed unam rem peto a te, dicens : Non vi-

débis faciē meam, antequam adduxeris Michol filiam Saul : et sic venies, et videbis me. Misit autem David nuntios ad Isboseth filium Saul, dicens : Redde uxorem meam Michol, quam despondi mihi centum præputiis Philisthiim. Misit ergo Isboseth, et tulit eam a viro suo Phálthiel, filio Laïs. Sequebaturque eam vir suus, plorans usque Bahúrīm : et dixit ad eum Abner : Vade, et revertere. Qui reversus est.

℞. Factum est. 208.

Lectio iij.

SERMÓNEM quoque intulit Abner ad seniores Israël, dicens : Tam heri quam nudiustertius quærebatis David, ut regnaret super vos. Nunc ergo facite : quoniam Dominus locutus est ad David, dicens : In manu servi mei David salvabo populum meum Israël de manu Philisthiim, et omnium inimicorum ejus. Locutus est autem Abner etiam ad Bénjamin. Et abiit ut loqueretur ad David in Hebron omnia quæ placuerant Israëlī, et universo Bénjamin. Venitque ad David in Hebron cum viginti viris : et fecit David Abner, et viris ejus qui venerant cum eo, convivium. Et dixit Abner ad David : Surgam, ut congregem ad te dominum meum regem omnem Israël.

℞. Ego te tuli. 208.

FERIA QUARTA

De libro secundo Regum.

Lectio j. Cap. 4. b

VENIENTES igitur filii Remmon Berothitæ, Rechab et Báana, ingressi sunt fervente die domum Isboseth : qui dormiebat super stratum suum meridie. Et ostiaria domus purgans triticum, obdormivit. Ingressi sunt autem domum latenter assumētes spicas tritici, et percusserunt eum in inguine Rechab et Báana frater ejus, et fugerunt. Cum autem ingressi fuissent domum, ille dormiebat super lectum suum in conclavi, et percutientes interfecerunt eum : sublatoque capite ejus, abierunt per viam deserti tota nocte, et attulerunt caput Isboseth ad David in Hebron : dixeruntque ad regem : Ecce caput Isboseth filii Saul inimici tui, qui quærebat animam tuam.

℞. Peccavi. 206.

Lectio ij.

RESPONDENS autem David Rechab et Báana fratri ejus, filiis Remmon Berothitæ, dixit ad eos : Vivit Dominus, qui eruit animam meam de omni angustia, quoniam eum, qui annuntiaverat mihi, et dixerat : Mortuus est Saul : qui putabat se prospera nuntiare, tenui, et occidi eum in Siceleg, cui oportebat mercēdem dare pro nuntio. Quanto magis

nunc, cum hómines ímpii interfecérunt virum innóxiū in domo sua, super lectum suum, non quæram sánguinem ejus de manu vestra, et áuferam vos de terra? Præcépít itaque David púeris suis, et interfecérunt eos: præcidentésque manus et pedes eórum, suspendérunt eos super piscinam in Hebron: caput áutem Isbo-seth tulérunt, et sepeliérunt in sepúlcro Abner in Hebron.

℞. Exaudisti. 207.

Lectio iij. Cap. 5.

ET venérunt univérse tribus Israë́l ad David in Hebron, dicéntes: Ecce nos, os tuum, et caro tua sumus. Sed et heri et nudiustértius cum esset Saul rex super nos, tu eras edúcens et redúcens Israë́l: dixit áutem Dóminus ad te: Tu pasces pópulum meum Israë́l, et tu eris dux super Israë́l. Venérunt quoque et senióres Israë́l ad regem in Hebron, et percússit cum eis rex David fœdus in Hebron coram Dómino: unxerúntque David in regem super Israë́l. Filius triginta annórum erat David, cum regnáre cœpisset, et quadraginta annis regnávít. In Hebron regnávít super Judam septem annis et sex ménsibus: in Jerúsalem áutem regnávít triginta tribus annis super omnem Israë́l, et Judam. Et ábiit rex, et omnes viri qui erant

cum eo, in Jerúsalem, ad Jebusæum habitatórem terræ: dictúmque est David ab eis: Non ingrediéris huc, nisi abstúleris cæcos et cláudos, dicéntes: Non ingreditúr David huc. Cepit áutem David arcem Sion, hæc est civitas David.

℞. Audi Dómine. 207.

FERIA QUINTA

De libro secúndo Regum.

Lectio j. Cap. 6.

CONGREGÁVIT áutem rursum David omnes eléctos ex Israë́l triginta millia. Surrexitque David, et ábiit, et univérsus pópulus qui erat cum eo de viris Juda, ut addúcerent arcam Dei, super quam invocátum est nomen Dómini exercituum, sedéntis in Chérubim super eam. Et imposuérunt arcam Dei super pláustrum novum: tulerúntque eam de domo Abínadab, qui erat in Gábaa: Oza áutem, et Ahío filii Abínadab, minábant pláustrum novum.

℞. Præparáte. 220.

Lectio ij.

CUMQUE tulissent eam de domo Abínadab, qui erat in Gábaa, custódiens arcam Dei Ahío præcedébat arcam. David áutem, et omnis Israë́l ludébant coram Dómino in ómnibus lignis fabrefáctis, et cítharis et lyris et týpannis et sistris et cýmbalis. Postquam áutem venérunt ad Aream Nachon, exténdit

Oza manum ad arcam Dei, et tenuit eam: quoniam calcitrabant boves, et declinaverunt eam. Iratusque est indignatione Dominus contra Ozam, et percussit eum super temeritate: qui mortuus est ibi juxta arcam Dei.

R. Deus omnium. 220.

Lectio iij.

CONTRISTATUS est autem David, eo quod percussisset Dominus Ozam, et vocatum est nomen loci illius: Percussio Ozæ usque in diem hanc. Et extimuit David Dominum in die illa, dicens: Quomodo ingrediatur ad me arca Domini? Et noluit divertere ad se arcam Domini in civitatem David: sed divertit eam in domum Obédedom Gethæi. Et habitavit arca Domini in domo Obédedom Gethæi tribus mensibus: et benedixit Dominus Obédedom, et omnem domum ejus. Nuntiatumque est regi David quod benedixisset Dominus Obédedom, et omnia ejus propter arcam Dei. Abiit ergo David, et adduxit arcam Dei de domo Obédedom in civitatem David cum gaudio.

R. Dominus. 221.

FERIA SEXTA

De libro secundo Regum.

Lectio j. Cap. 7.

ET ecce sermo Domini ad Nathan, dicens: Vade, et loquere ad servum meum

David: Hæc dicit Dominus: Numquid tu ædificabis mihi domum ad habitandum? Neque enim habitavi in domo ex die illa, qua eduxi filios Israël de terra Ægypti, usque in diem hanc: sed ambulabam in tabernaculo, et in tentorio.

R. Percussit Saul. 221.

Lectio ij.

PER cuncta loca, quæ transivi cum omnibus filiis Israël, numquid loquens locutus sum ad unam de tribubus Israël, cui præcepi ut pasceret populum meum Israël, dicens: Quare non ædificasti mihi domum cedrinam? Et nunc hæc dices servo meo David: Hæc dicit Dominus exercituum: Ego tuli te de pascuis sequentem greges, ut esses dux super populum meum Israël: et fui tecum in omnibus ubicumque ambulasti: et interfeci universos inimicos tuos a facie tua: fecique tibi nomen grande, juxta nomen magnorum, qui sunt in terra. Et ponam locum populo meo Israël, et plantabo eum, et habitabit sub eo, et non turbabitur amplius: nec addent filii iniquitatis ut affligant eum sicut prius, ex die qua constitui iudices super populum meum Israël: et requiem dabo tibi ab omnibus inimicis tuis. Prædicetque tibi Dominus, quod domum faciat tibi Dominus.

R. Montes Gélboë. 222.

Lectio iij.

CUMQUE complēti fuerint dies tui, et dormieris cum patribus tuis, suscitabo semen tuum post te, quod egrediētur de utero tuo, et firmabo regnum ejus. Ipse edificabit domum nomini meo, et stabiliam thronum regni ejus usque in sempiternum. Ego ero ei in patrem, et ipse erit mihi in filium: qui si inique aliquid gesserit, arguam eum in virga virorum, et in plagis filiorum hominum. Misericordiam autem meam non auferam ab eo, sicut abstuli a Saul, quem amavi a facie mea. Et fidelis erit domus tua, et regnum tuum usque in æternum ante faciem tuam, et thronus tuus erit firmus jugiter. Secundum omnia verba hæc, et juxta universam visionem istam, sic locutus est Nathan ad David.

℞. Ego te tuli. 222.

SABBATO

De libro secundo Regum.

Lectio j. Cap. 11.

FACTUM est autem, vertente anno, eo tempore quo solent reges ad bella procedere, misit David Joab, et servos suos cum eo, et universum Israël, et vastaverunt filios Ammon, et obsederunt Rabba: David autem remansit in Jerusalem. Dum hæc agerentur, accidit ut surgeret David de strato suo

post meridiem, et deambularet in solario domus regiae: viditque mulierem se lavantem, ex adverso super solarium suum: erat autem mulier pulchra valde. Misit ergo rex, et requisivit quæ esset mulier. Nuntiatumque est ei, quod ipsa esset Bethsabée filia Eliam, uxor Uriæ Hethæi. Missis itaque David nuntiis, tulit eam.

℞. Peccavi. 206.

Lectio ij.

ET reversa est in domum suam concepto foetu. Mittensque nuntiavit David, et ait: Concepi. Misit autem David ad Joab, dicens: Mitte ad me Uriam Hethæum. Misitque Joab Uriam ad David. Et venit Urias ad David. Quæsivitque David quam recte ageret Joab, et populus, et quomodo administraretur bellum. Et dixit David ad Uriam: Vade in domum tuam, et lava pedes tuos. Et egressus est Urias de domo regis, secutusque est eum cibus regius. Dormivit autem Urias ante portam domus regiae cum aliis servis domini sui, et non descendit ad domum suam. Nuntiatumque est David a dicentibus: Non ivit Urias in domum suam. Et ait David ad Uriam: Numquid non de via venisti? quare non descendisti in domum tuam? Et ait Urias ad David: Arca Dei et Israël et Juda habitant in papilionibus, et dominus meus

Joab, et servi dómini mei super fáciem terræ manent : et ego ingrédiam domum meam, ut cómedam et bibam, et dórmiam cum uxóre mea? per salútem tuam, et per salútem ánimæ tuæ non fáciam rem hanc.

R. Exaudísti. 207.

Lectio iij.

AIT ergo David ad Uriam : Mane hic étiam hódie, et cras dimittam te. Mansit Urias in Jerúsalem in die illa et áltera : et vocávit eum David ut coméderet coram se et bíberet, et inebriávit eum : qui egréssus véspere, dormívit in strato suo cum servis dómini sui, et in domum suam non descéndit. Factum est ergo mane, et scripsit David epístolam ad Joab : misitque per manum Uriæ, scribens in epístola : Pónite Uriam ex advérso belli, ubi fortíssimum est prælium : et derelinquite eum, ut percússus intéreat. Igitur cum Joab obsidéret urbem, pósuit Uriam in loco ubi sciébat viros esse fortíssimos. Egres-sique viri de civitáte, bellábant advérsum Joab, et ceciderunt de pópulo servórum David, et mórtuus est étiam Urias Hethæus.

R. Audi Dómine. 207.

Ad Magnif. Ant. Obsecro Dómine, * áufer iniquitátem servi tui, quia insipiénter regi.

V. Vespertína orátio ascéndat ad te Dómine. **R.** Et

descéndat super nos misericórdia tua.

DOM. VI. POST PENTEC.

IN I. NOCTURNO

De libro secúndo Regum.

Lectio j. Cap. 12.

MISIT ergo Dóminus Nathan ad David : qui cum venisset ad eum, dixit ei : Duo viri erant in civitáte una, unus dives, et alter páuper. Dives habébat oves, et boves plúrimos valde. Páuper áutem nihil habébat omnino, præter ovem unam párvulam, quam émerat, et nutrierat, et quæ créverat apud eum cum filiis ejus simul, de pane illius cómedens, et de cálice ejus bibens, et in sinu illius dórmíens : erátque illi sicut filia. Cum áutem peregrinus quidam venisset ad divitem, parcens ille súmere de óvibus et de bobus suis, ut exhibéret convívium peregrino illi, qui vénerat ad se, tulit ovem viri páuperis, et præparávit cibos hómini qui vénerat ad se.

R. Præparáte corda vestra Dómino, et servíte illi soli : * Et liberábit vos de mánibus inimicórum vestrórum. **V.** Convertímini ad eum in toto corde vestro, et auférte deos aliénos de médio vestri. Et liberábit.

Lectio ij.

IRÁTUS áutem indignatióne David advérsum hóminem illum nimis, dixit ad Na-

than : Vivit Dóminus, quóniam filius mortis est vir qui fecit hoc. Ovem reddet in quádruplum, eo quod fécerit verbum istud, et non pepérce- rit. Dixit áutem Nathan ad David : Tu es ille vir. Hæc dicit Dóminus Deus Israë- l : Ego unxi te in regem super Israë- l, et ego éruí te de manu Saul, et dedi tibi domum dómini tui, et uxóres dómini tui in sinu tuo, dedi- que tibi domum Israë- l et Juda : et si parva sunt ista, adjiciam tibi multo majóra. Quare ergo contempsisti verbum Dómini ut fáceres malum in conspéctu meo? Uriám Hethæum percussisti gládio, et uxórem illius accepisti in uxórem tibi, et interfecisti eum gládio filiór- um Ammon.

R. Deus ómnium exauditor est : ipse misit Angelum suum, et tulit me de óvibus patris mei : * Et unxit me unctione misericórdiæ suæ.

Y. Dóminus, qui eripuit me de ore leónis, et de manu bestię liberávit me. Et.

Lectio iij.

QUAM ob rem non recedet gladius de domo tua usque in sempiternum, eo quod despéxeris me, et túleris uxórem Uriæ Hethæi, ut esset uxor tua. Itaque hæc dicit Dóminus : Ecce, ego suscitábo super te malum de domo tua, et tollam uxóres tuas in óculis tuis, et dabo próximo tuo, et dó-

miet cum uxóribus tuis in óculis solis hujus. Tu enim fecisti abscondite : ego áutem fáciam verbum istud in conspéctu omnis Israë- l, et in conspéctu solis. Et dixit David ad Nathan : Peccávi Dómino. Dixitque Nathan ad David : Dóminus quoque tránstulit peccátum tuum : non moriérís. Verúmtamen, quóniam blasphemáre fecisti inimicos Dómini, propter verbum hoc, filius, qui natus est tibi, morte moriétur. Et revérsus est Nathan in domum suam. Percússit quoque Dóminus párvulum, quem pepérerat uxor Uriæ David, et desperátus est. Deprecátusque est David Dóminum pro párvulo : et jejunávit David jejúnio, et ingressus seórsum, jácuit super terram.

R. Dóminus, qui eripuit me de ore leónis, et de manu bestię liberávit me, * Ipse me eripiet de mánibus inimicórum meórum. **V.** Misit Deus misericórdiam suam, et veritatem suam : ánimam meam eripuit de médio catulór- um leónum. Ipse. Glória Patri. Ipse.

IN II. NOCTURNO

Ex libro sancti Ambrósii Episcopi de Apologia David.

Lectio iv. Apolog. 1. c. 2.

UNUSQUISQUE nostrum per singulas horas quam multa delinquit ! ne tamen unusquisque de plebe peccátum suum confiténdum putat. Ille

rex tantus ac potens, ne exiguuo quidem momento manere penes se delicti passus est conscientiam : sed præmatúra confessióne, atque imménso dolore, réddidit peccátum suum Dómino. Quem mihi nunc fácte repé-rias honorátum ac dívitem, qui, si arguátur alicújus culpæ reus, non moléste ferat? At ille régio clarus império, tot divínis probátus oráculis, cum a priváto hómine corriperétur quod gráviter deliquisset, non indignátus infremuit, sed confessus ingémuit culpæ dolore.

R. Percussit Saul mille, et David decem millia : * Quia manus Dómini erat cum illo : percussit Philisthæum, et abstulit opprobrium ex Israël. **V.** Nonne iste est David, de quo canébant in choro, dicentes : Saul percussit mille, et David decem millia? Quia.

Lectio v.

DÉNIQUE Dóminum dolor íntimi movit afféctus, ut Nathan diceret : Quóniam pœnituit te ; et Dóminus abstulit peccátum tuum. Matúritas itaque véniæ, profundam regis fuisse pœniténtiam declarávit, quæ tanti erroris offénsam tradúxerit. Alii hómines cum a sacerdotibus corripiúntur, peccátum suum ingravant, dum negáre cúpiunt, aut deféndere : ibique eórum lapsus

est major, ubi sperátur correctio. Sancti autem Dómini, qui consummare pium certámen géstiunt, et currere cursum salutis, sicubi forte ut hómines corrúerint, náturæ magis fragilitáte, quam peccándi libidine, acríores ad curréndum resúrgunt, pudóris stímulo majóra reparántes certámina : ut non solum nullum attulisse æstimétur lapsus impediméntum, sed étiam velocitátis incentíva cumulásse.

R. Montes Gélboë, nec ros nec plúvia véniant super vos, * Ubi ceciderunt fortes Israël. **V.** Omnes montes, qui estis in circúitu ejus, visitet Dóminus : a Gélboë autem tránseat. Ubi.

Lectio vj. Cap. 4.

PECÇÁVIT David, quod solent reges : sed pœniténtiam gessit, flevit, ingémuit, quod non solent reges. Confessus est culpam, obsecrávit indulgéntiam, humi stratus deplorávit ærumnam, jejunávit, orávit, confessiónis suæ testimónium in perpétua sæcula vulgáto dolore transmísit. Quod erubescunt fácere priváti, rex non erúbuit confitéri. Qui tenéntur légibus, áudent suum negáre peccátum, dedignantur rogáre indulgéntiam, quam petébat qui nullis légibus tenebátur humanis. Quod peccávit, conditiónis est : quod supplicávit, correctiónis. Lapsus commúnis,

sed specialis confessio. Cul-
pam itaque incidisse, naturæ
est : diluuisse, virtutis.

R. Ego te tui de domo
patris tui, dicit Dominus,
et posui te pascere gregem
populi mei : * Et fui tecum in
omnibus ubicumque ambu-
lasti, firmans regnum tuum
in æternum. **V.** Fecique tibi
nomen grande, juxta nomen
magnorum, qui sunt in ter-
ra : et requiem dedi tibi ab
omnibus inimicis tuis. Et.
Glória Patri. Et.

R. vij. Peccavi super nú-
merum arenæ maris, et
multiplicata sunt peccata
mea : et non sum dignus
videre altitudinem cæli præ
multitudine iniquitatis meæ :
quoniam irritavi iram tuam,
* Et malum coram te feci. **V.**
Quoniam iniquitatem meam
ego cognosco : et delictum
meum contra me est semper,
quia tibi soli peccavi. Et.

R. viij. Duo Séraphim cla-
mabant alter ad alterum :
* Sanctus, sanctus, sanctus
Dominus Deus Sabaoth :
* Plena est omnis terra gló-
ria ejus. **V.** Tres sunt qui
testimonium dant in cælo,
Pater, Verbum, et Spiritus
sanctus : et hi tres unum
sunt. Sanctus. Glória. Plena.

FERIA SECUNDA

De libro secundo Regum.

Lectio j. Cap. 13. e

PORRO non est locutus
Absalom ad Amnon nec

malum, nec bonum : oderat
enim Absalom Amnon, eo
quod violasset Thamar soró-
rem suam. Factum est autem
post tempus biennii, ut ton-
derentur oves Absalom in
Baálhasor, quæ est juxta
Ephraïm : et vocavit Absa-
lom omnes filios regis, ve-
nitque ad regem, et ait ad
eum : Ecce tondentur oves
servi tui : veniat, oro, rex
cum servis suis ad servum
suum. Dixitque rex ad Absa-
lom : Noli fili mi, noli rogare
ut veniamus omnes, et gra-
vemus te. Cum autem coge-
ret eum, et nolisset ire,
benedixit ei.

R. Recordare. 206.

Lectio ij.

ET ait Absalom : Si non vis
venire, veniat, obsecro,
nobiscum saltem Amnon
frater meus. Dixitque ad
eum rex : Non est necesse
ut vadat tecum. Coegit ita-
que Absalom eum, et dimisit
cum eo Amnon et universos
filios regis. Feceratque Ab-
salom convivium quasi con-
vivium regis. Præcéperat
autem Absalom pueris suis,
dicens : Observate cum te-
mulentus fuerit Amnon vino,
et dixerò vobis : Percutite
eum, et interficite, nolite
timere : ego enim sum qui
præcipio vobis : roborá-
mini, et estote viri fortes.
Fecerunt ergo pueri Absa-
lom adversum Amnon, sicut
præcéperat eis Absalom.
Surgentésque omnes filii re-

gis ascenderunt singuli mulas suas, et fugerunt.

℞. Exaudisti. 207.

Lectio iij.

CUMQUE adhuc pergerent in itinere, fama pervenit ad David, dicens : Percussit Absalom omnes filios regis, et non remansit ex eis saltem unus. Surréxit itaque rex, et scidit vestimenta sua : et cecidit super terram, et omnes servi illius, qui assistebant ei, sciderunt vestimenta sua. Respondens autem Jónadab filius Sémmaa fratris David, dixit : Ne aestimet dñus meus rex, quod omnes pueri filii regis occisi sint : Amnon solus mortuus est, quóniam in ore Absalom erat positus ex die qua oppressit Thamar sororem ejus. Nunc ergo ne ponat dñus meus rex super cor suum verbum istud, dicens : Omnes filii regis occisi sunt : quóniam Amnon solus mortuus est. Fugit autem Absalom.

℞. Audi Dómine. 207.

FERIA TERTIA

De libro secúndo Regum.

Lectio j. Cap. 14.

CUM ingressa fuisset mulier Thecuítis ad regem, cecidit coram eo super terram, et adoravit, et dixit : Serva me rex. Et ait ad eam rex : Quid causæ habes ? Quæ respondit : Heu, mulier vidua ego sum : mortuus est enim vir meus. Et ancil-

læ tuæ erant duo filii : qui rixati sunt adversum se in agro, nullusque erat qui eos prohibere posset : et percussit alter alterum, et interfecit eum. Et ecce consurgens universa cognatio adversum ancillam tuam, dicit : Trade eum, qui percussit fratrem suum, ut occidamus eum pro ánima fratris sui, quem interfecit, et deleamus heredem : et quærunt exstinguere scintillam meam, quæ relicta est, ut non supersit viro meo nomen, et reliquiae super terram.

℞. Dómine. 207.

Lectio ij.

ET ait rex : Qui contradixerit tibi, adduc eum ad me, et ultra non addet ut tangat te. Quæ ait : Recordetur rex Dómini Dei sui, ut non multiplicentur próximos sanguinis ad ulciscendum, et nequáquam interficiant filium meum. Qui ait : Vivit Dóminus, quia non cadet de capillis filii tui super terram. Dixit ergo mulier : Loquatur ancilla tua ad dñum meum regem verbum. Et ait : Loquere. Dixitque mulier : Quare cogitasti hujuscemodi rem contra pópulum Dei, et locutus est rex verbum istud, ut peccet, et non reducat ejéctum suum ? Omnes morimur, et quasi aquæ dilabimur in terram, quæ non revertuntur : nec vult Deus

perire animam, sed retrahat cogitans, ne penitus pereat qui abiectus est.

℞. Factum est. 208.

Lectio iij.

ET ait rex : Numquid manus Joab tecum est in omnibus istis? Respondit mulier, et ait : Per salutem animæ tuæ, domine mi rex, nec ad sinistram, nec ad dexteram est ex omnibus his, quæ locutus est dominus meus rex : servus enim tuus Joab, ipse præcepit mihi, et ipse posuit in os ancillæ tuæ omnia verba hæc. Ut verterem figuram sermonis hujus, servus tuus Joab præcepit istud : tu autem domine mi rex, sapiens es, sicut habet sapientiam Angelus Dei : ut intelligas omnia super terram. Et ait rex ad Joab : Ecce placatus feci verbum tuum : vade ergo, et revoca puerum Absalom.

℞. Ego te tuli. 208.

FERIA QUARTA

De libro secundo Regum.

Lectio j. Cap. 15.

IGITUR post hæc fecit sibi Absalom currus, et equites, et quinquaginta viros, qui præcederent eum. Et mane consurgens Absalom, stabat juxta introitum portæ, et omnem virum, qui habebat negotium ut veniret ad regis judicium, vocabat Absalom ad se, et dicebat : De qua civitate es tu? Qui re-

spondens aiebat : Ex una tribu Israël ego sum servus tuus. Respondebatque ei Absalom : Videntur mihi sermones tui boni et justi. Sed non est qui te audiat constitutus a rege.

℞. Peccavi. 206.

Lectio iij.

DICEBATQUE Absalom : Quis me constituat judicem super terram, ut ad me veniant omnes, qui habent negotium, et juste judicem? Sed et cum accederet ad eum homo ut salutaret illum, extendebat manum suam, et apprehendens, osculabatur eum. Faciebatque hoc omni Israël venienti ad judicium, ut audiretur a rege, et sollicitabat corda virorum Israël.

℞. Exaudisti. 207.

Lectio iij.

POST quadraginta autem annos, dixit Absalom ad regem David : Vadam, et reddam vota mea quæ vovi Domino in Hebron. Vovens enim vovit servus tuus, cum esset in Gessur Syriæ, dicens : Si reduxerit me Dominus in Jerusalem, sacrificabo Domino. Dixitque ei rex David : Vade in pace. Et surrexit, et abiit in Hebron. Misit autem Absalom exploratores in universas tribus Israël, dicens : Statim ut audieritis clangorem buccinæ, dicite : Regnavit Absalom in Hebron.

℞. Audi Domine. 207.

FERIA QUINTA

De libro secúndo Regum.

Lectio j. Cap. 15. c

VENIT igitur nuntius ad David, dicens : Toto corde univérsum Israël sequitur Absalom. Etail David servis suis, qui erant cum eo in Jerúsalem : Súrgite, fugiámus : neque enim erit nobis effúgium a fácie Absalom : festináte égređi, ne forte véniens óccupet nos, et impéllat super nos ruinam, et percútiat civitátem in ore gládi. Dixerúntque servi regis ad eum : Omnia quaecúmque præcéperit dóminus noster rex, libénter exsequémur servi tui.

*℞. Præparáte. 228.**Lectio ij.*

EGRÉSSUS est ergo rex, et univérſa domus ejus pédibus suis : et dereliquit rex decem mulieres concubinas ad custodiéndam domum. Egressúsque rex et omnis Israël pédibus suis, stetit procul a domo : et univérſi servi ejus ambulábant juxta eum, et legiónes Ceréthi, et Pheléthi, et omnes Gethæi, pugnatóres válidi, sexcénti viri qui secúti eum fúerant de Geth pédites, præcedébant regem.

*℞. Deus ómnium. 229.**Lectio iij.*

DIXIT áutem rex ad Ethái Gethæum : Cur venis nobiscum? revértere, et hábita cum rege, quia per-

egrinus es, et egréssus es de loco tuo. Heri venisti, et hódie compelléris nobiscum égređi? Ego áutem vadam quo itúrus sum : revértere, et reduc tecum fratres tuos, et Dóminus fáciat tecum misericórdiam et veritátem, quia ostendisti grátiam et fidem.

℞. Dóminus. 229.

FERIA SEXTA

De libro secúndo Regum.

Lectio j. Cap. 16.

VENIT ergo rex David usque Bahúrim : et ecce egrediebátur inde vir de cognatióne domus Saul, nómine Semei, filius Gera, procedebátque egrédiens, et maledicébat, mittebátque lápidés contra David, et contra univérſos servos regis David : omnis áutem pópulus, et univérſi bellatóres a dextro, et a sinistro látere regis incedébant. Ita áutem loquebátur Semei cum malediceret regi : Egrédere, egrédere vir sánguinem, et vir Bélial. Réddidit tibi Dóminus univérſum sánguinem domus Saul : quóniam invasisti regnum pro eo.

*℞. Percússit Saul. 230.**Lectio ij.*

DIXIT áutem Abísai filius Sárviæ, regi : Quare maledicit canis hic mórtuus dómino meo regi? vadam, et amputábo caput ejus. Et ait rex : Quid mihi et vobis est, filii Sárviæ? dimittite

eum, ut maledicat : Dominus enim præcepit ei ut malediceret David : et quis est qui audeat dicere, quare sic fecerit?

℞. Montes Gélboë. 230.

Lectio iij.

ET ait rex Abisai, et universis servis suis : Ecce filius meus, qui egressus est de útero meo, quærit animam meam : quanto magis nunc filius Jémini? dimittite eum ut maledicat juxta præceptum Domini : si forte respiciat Dominus afflictionem meam, et reddat mihi Dominus bonum pro maledictione hac hodierna.

℞. Ego te tuli. 231.

SABBATO

De libro secundo Regum.

Lectio j. Cap. 18. b

EGRESSUS est populus in campum contra Israël, et factum est prælium in saltu Ephraïm. Et cæsus est ibi populus Israël ab exercitu David, factaque est plaga magna in die illa, viginti millium. Fuit autem ibi prælium dispersum super faciem omnis terræ, et multo plures erant quos saltus consumpserat de populo, quam hi, quos voraverat gladius in die illa.

℞. Peccavi super. 206.

Lectio ij.

ACCIDIT autem ut occurreret Absalom servis David, sedens mulo : cumque ingressus fuisset mulus sub-

ter condensam quercum et magnam, adhæsit caput ejus quercui : et illo suspensio inter cælum et terram, mulus, cui insederat, pertransiit. Vidit autem hoc quispian, et nuntiavit Joab, dicens : Vidi Absalom pendere de quercu. Et ait Joab viro, qui nuntiaverat ei : Si vidisti, quare non confodisti eum cum terra, et ego dedissem tibi decem argenti siclos, et unum balteum? Qui dixit ad Joab : Si appenderes in manibus meis mille argenteos, nequâquam mitterem manum meam in filium regis : audientibus enim nobis præcepit rex tibi, et Abisai, et Ethai, dicens : Custodite mihi puerum Absalom.

℞. Exaudisti. 207.

Lectio iij.

ET ait Joab : Non sicut tu vis, sed aggrediar eum coram te. Tulit ergo tres lanceas in manu sua, et infixit eas in corde Absalom : cumque adhuc palpitaret hærens in quercu, cucurrerunt decem juvenes armigeri Joab, et percutientes interfecerunt eum. Cecinit autem Joab buccina, et retinuit populum, ne persequeretur fugientem Israël, volens parcere multitudini. Et tulerunt Absalom, et projecerunt eum in saltu, in foveam grandem, et comportaverunt super eum acervum lapidum magnum nimis.

℞. Audi Domine. 207.

Ad Magnif. Ant. Unxérunt Salomónem * Sadoc sacerdos, et Nathan prophéta, regem in Gihon, et ascéndentes læti dixerunt : Vivat rex in ætérnum.

V. Vespertína orátio ascéndat ad te Dómine. *R.* Et descéndat super nos misericórdia tua.

Nisi ponenda sit Ant. pro Dominica I. Augusti : quia tunc, omissis Ant. et Lectio-nibus de libris Regum, ponuntur de libris Salomonis : quod etiam servatur in sequentibus Hebdomadis.

DOM. VII. POST PENTEC.

IN I. NOCTURNO

Incipit liber tértius Regum.

Lectio j. Cap. 1.

ET rex David senúerat, et habebátque ætátis plúrimos dies : cumque operirétur véstibus, non calefiébat. Dixerunt ergo ei servi sui : Quæramus dómīno nostro regi adolescéntulam virginem, et stet coram rege, et fóveat eum, dormiátque in sinu suo, et calefáciat dómīnum nostrum regem. Quæsiéruntigituradolescéntulam speciósam in ómnibus finibus Israél, et invenérunt Abisag Sunamitidem, et adduxérunt eam ad regem. Erat áutem puélla pulchra nimis, dormiebatque cum rege, et ministrábat ei : rex vero non cognóvit eam.

R. Præparáte corda vestra Dómīno, et servíte illi soli :

* Et liberábit vos de máni-bus inimicórum vestrórum. *V.* Convertimini ad eum in toto corde vestro, et auférte deos aliénos de médio vestri. Et.

Lectio ij.

ADONÍAS áutem filius Haggith elevabátur, dicens : Ego regnábo. Fecitque sibi currus et équites, et quinquaginta viros, qui curre-rent ante eum. Nec corri-puit eum pater suus aliquándo, dicens : Quare hoc fecisti? Erat áutem et ipse pulcher valde, secúndus natus post Absalom. Et sermo ei cum Joab filio Sárviæ, et cum Abiathar sacerdotē, qui adjuvábant partes Adoníæ. Sadoc vero sacerdos, et Banáias filius Jóiadæ, et Nathan prophéta, et Sémei et Rei, et robur exércitus David non erat cum Adonía.

R. Deus ómnium exauditor est : ipse misit Angelum suum, et tulit me de óvibus patris mei : * Et unxit me unctióne misericórdiæ suæ. *V.* Dóminus, qui eripuit me de ore leónis, et de manu béstiae liberávit me. Et.

Lectio iij.

DIXIT itaque Nathan ad Bethsabée matrem Salomónis : Num audisti, quod regnáverit Adonías filius Haggith, et dómīnus noster David hoc ignórat? Nunc ergo veni, áccipe consilium a me, et salva ánimam tuam, filiíque tui Salomónis. Vade,

et ingrédere ad regem David, et dic ei : Nonne tu, dómine mi rex, jurásti mihi ancillæ tuæ, dicens : Sálomon filius tuus regnabit post me, et ipse sedébit in sólio meo? quare ergo regnat Adonías? Et adhuc ibi te loquente cum rege, ego véniam post te, et complébo sermónes tuos. Ingréssa est itaque Bethsabée ad regem in cubículum.

R. Dóminus, qui eripuit me de ore leónis, et de manu bestię liberávit me. * Ipse me eripiet de mánibus inimicórum meórum. **V.** Misit Deus misericórdiam suam, et veritátem suam : ánimam meam eripuit de médio catulórum leónum. Ipse. Glória Patri. Ipse.

IN II. NOCTURNO

Ex Epístola sancti Hierónymi Presbýteri ad Nepotiánum.

Lectio iv. Epist. 2. tom. 1.

DAVID annos natus septuaginta, bellicósus quondam vir, senectúte frigescente, non póterat calefieri. Quæritur itaque puella de univérsis finibus Israël Abisag Sunamitis, quæ cum rege dormiret, et senile corpus calefaceret. Quæ est ista Sunamitis, uxor et virgo, tam fervens, ut frigidum calefaceret; tam sancta, ut caléntem ad libidinem non provocáret? Expónat sapientissimus Sálomon patris sui delicias, et pacíficus bella-

tóris viri narret amplexus. Pósside sapiéntiam, pósside intelligéntiam. Ne obliviscáris, et ne declináveris a verbis oris mei : neque derelinquas illam, et apprehéndet te : ama illam, et servábit te. Príncipium sapiéntiæ, pósside sapiéntiam : et in omni possessione tua pósside intelligéntiam : circúmda illam, et exaltábit te : honóra illam, et amplexábitur te, ut det cápiti tuo coronam gratiárum. Coróna quoque deliciárum próteget te.

R. Percússit Saul mille, et David decem millia : * Quia manus Dómini erat cum illo : percússit Philisthæum, et ábstulit opprobrium ex Israël. **V.** Nonne iste est David, de quo canébant in choro, dicéntes : Saul percússit mille, et David decem millia? Quia.

Lectio v.

OMNES pene virtútes corpore mutántur in sénibus, et crescénce sola sapiéntia, decréscunt cætera : jejúnia, vigilia, chaméuniæ, id est, super paviméntum dormitiónes, huc illúcque discúrsus, peregrinórum susceptio, defénsio páuperum, instántia oratiónum, et perseverántia, visitatio languéntium, labor mánuum unde præbeántur eleemósynæ. Et ne sermónem longius prótraham, cuncta quæ per corpus exercéntur, fracto corpore minóra fiunt.

R. Montes Gélboë, nec ros nec pluvia véniant super vos, * Ubi ceciderunt fortes Israël. **V.** Omnes montes, qui estis in circúitu ejus, visitet Dóminus : a Gélboë autem tránseat. Ubi.

Lectio vj.

NEC hoc dico, quod in juvenibus et adhuc solidioris ætatis, his dumtaxat, qui labore et ardentissimo studio, vitæ quoque sanctimonia, et orationis ad Dóminum Jesum frequentia, scientiam consecuti sunt, frigeat sapientia, quæ in plerisque senibus ætate marcescit : sed quod adolescentia multa corporis bella sustineat, et inter incentiva vitiorum, et carnis titillationes, quasi ignis in lignis viridibus suffocetur, ut suum non possit explicare fulgorem. Senectus vero rursus eorum qui adolescentiam suam honestis artibus instruxerunt, et in lege Dómini meditati sunt die ac nocte, ætate fit doctior, usu tritior, processu temporis sapientior, et veterum studiorum dulcissimos fructus metit.

R. Ego te tuli de domo patris tui, dicit Dóminus, et posui te pascere gregem populi mei : * Et fui tecum in omnibus ubicumque ambulasti, firmans regnum tuum in ætérnum. **V.** Fecique tibi nomen grande, juxta nomen magnorum, qui sunt in ter-

ra : et requiem dedi tibi ab omnibus inimicis tuis. Et. Glória Patri. Et.

R. vij. Peccavi super numerum arenæ maris, et multiplicata sunt peccata mea : et non sum dignus videre altitudinem cæli præ multitudinem iniquitatis meæ : quoniam irritavi iram tuam, * Et malum coram te feci. **V.** Quoniam iniquitatem meam ego cognosco : et delictum meum contra me est semper, quia tibi soli peccavi. Et malum.

R. viij. Duo Séraphim clamabant alter ad alterum : * Sanctus, sanctus, sanctus Dóminus Deus Sábaoth : * Plena est omnis terra glória ejus. **V.** Tres sunt qui testimonium dant in cælo, Pater, Verbum, et Spiritus sanctus : et hi tres unum sunt. Sanctus. Glória Patri. Plena.

FERIA SECUNDA

De libro tertio Regum.

Lectio j. Cap. 1. d

ET respondit rex David, dicens : Vocate ad me Bethsabée. Quæ cum fuisset ingressa coram rege, et stetisset ante eum, juravit rex, et ait : Vivit Dóminus, qui eruit animam meam de omni angustia, quia sicut juravi tibi per Dóminum Deum Israël, dicens : Sálomon filius tuus regnabit post me, et ipse sedebit super solum meum pro me : sic faciam

hódie. Summissóque Bethsabée in terram vultu, adorávit regem, dicens : Vivat dóminus meus David in ætérnum.

℞. Recordáre. 206.

Lectio ij.

DIXIT quoque rex David : Vocáte mihi Sadoc sacerdotem, et Nathan prophétam, et Banáiam filium Jóiadæ. Qui cum ingressi fuissent coram rege, dixit ad eos : Tóllite vobiscum servos dómini vestri, et impónite Salomónem filium meum super mulam meam : et dúcite eum in Gihon. Et ungat eum ibi Sadoc sacerdos, et Nathan prophéta in regem super Israël : et canétis búccina, atque dicétis : Vivat rex Sálomon. Et ascendétis post eum, et véniet, et sedébit super sólium meum, et ipse regnabit pro me.

℞. Exaudisti Dómine. 207.

Lectio iij.

DESCÉNDIT ergo Sadoc sacerdos, et Nathan prophéta, et Banáias filius Jóiadæ, et Ceréthi, et Pheléthi : et imposuérunt Salomónem super mulam regis David, et adduxérunt eum in Gihon. Sumpsitque Sadoc sacerdos cornu ólei de tabernáculo, et unxit Salomónem : et cecinérunt búccina, et dixit omnis pópulus : Vivat rex Sálomon. Et ascéndit univérſa multitúdo post eum, et pópulus canéntium tibiis,

et lætántium gáudio magno, et insónuit terra a clamóre eórum.

℞. Audi. 207.

FERIA TERTIA

De libro tértio Regum.

Lectio j. Cap. 2.

APPROPINQUAVÉRUNT autem dies David ut moretúr, præcepitque Salomóni filio suo, dicens : Ego ingrédior viam univérſæ terræ : confortáre, et esto vir. Et obsérva custódias Dómini Dei tui, ut ámbules in viis ejus, ut custódias cæremónias ejus, et præcépta ejus, et judícia, et testimónia, sicut scriptum est in lege Móysi : ut intélligas univérſa quæ facis, et quocúmque te vértēris : ut confirmet Dóminus sermónes suos, quos locútus est de me, dicens : Si custodierint filii tui vias suas, et ambuláverint coram me in veritatē, in omni corde suo, et in omni ánima sua, non auferétur tibi vir de sólio Israël.

℞. Dómine. 207.

Lectio ij.

TU quoque nosti quæ fécerit mihi Joab filius Sárviæ, quæ fécerit duóbus principibus exercitus Israël, Abner filio Ner, et Amasæ filio Jether, quos occidit, et effúdit sánguinem belli in pace, et pósuit cruórem prælii in bálteo suo, qui erat circa lumbos ejus, et in calceaménto suo, quod erat in

pédibus ejus. Fácies ergo juxta sapiéntiam tuam, et non dedúces canítiem ejus pacífice ad inferos.

℞. Factum est. 208.

Lectio iij.

SED et filiis Berzellai Ga-laaditis reddes grátiam, erúntque comedéntes in mensa tua : occurrérunt enim mihi, quando fugiébam a fácie Absalom fratris tui. Habes quoque apud te Semei filium Gera filii Jémini de Bahúrim, qui maledixit mihi maledictióne pés-sima, quando ibam ad castra : sed quia descéndit mihi in occúrsum cum transírem Jordánem, et jurávi ei per Dóminum, dicens : Non te interficiam gládio : tu noli pati cum esse innóxium.

℞. Ego te tuli. 208.

FERIA QUARTA

De libro tértio Regum.

Lectio j. Cap. 3.

APPÁRUIT áutem Dóminus Salomóni per sómnum nocte, dicens : Póstula quod vis ut dem tibi. Et ait Sálomon : Tu fecisti cum servo tuo David patre meo misericórdiam magnam, sicut ambulávit in conspéctu tuo in veritáte, et justitia, et recto corde tecum : custodisti ei misericórdiam tuam grandem : et dedisti ei filium sedéntem super thronum ejus, sicut est hódie.

℞. Peccávi. 206.

Lectio ij.

ET nunc Dómine Deus, tu regnâre fecisti servum tuum pro David patre meo : ego áutem sum puer párvulus, et ignórans egréssum et intróitum meum. Et servus tuus in médio est pópuli, quem elegisti, pópuli infiniti, qui numerári et supputári non potest præ multitudíne. Dabis ergo servo tuo cor dócile, ut pópulum tuum judicâre possit, et discérnere inter bonum et malum. Quis enim póterit judicâre pópulum istum, pópulum tuum hunc multum?

℞. Exaudisti Dómine. 207.

Lectio iij.

PLÁCUIT ergo sermo coram Dómino, quod Sálomon postulásset hujuscémodi rem. Et dixit Dóminus Salomóni : Quia postulásti verbum hoc, et non petisti tibi dies multos, nec divitias, aut ánimas inimicórum tuórum, sed postulásti tibi sapiéntiam ad discernéndum judícium : ecce feci tibi secúndum sermónes tuos, et dedi tibi cor sápiens et intél-ligens, in tantum ut nullus ante te similis tui fúerit, nec post te surrectúrus sit. Sed et hæc quæ non postulásti, dedi tibi : divitias scilicet, et glóriam, ut nemo fúerit similis tui in régibus cunctis retro diébus.

℞. Audi Dómine hymnum. 207.

FERIA QUINTA

De libro tertio Regum.

Lectio j. Cap. 4. c

SÁLOMON autem erat in ditione sua, habens omnia regna a flumine terræ Philisthiim usque ad terminum Ægypti : offerentium sibi múnera et serviéntium ei cunctis diébus vitæ ejus. Erat autem cibus Salomónis per dies singulos triginta cori similæ, et sexaginta cori farinæ, decem boves pingues, et viginti boves pascuáles, et centum arietes, excépta venatione cervórum, capreárum, atque bubalórum, et ávium altilium. Ipse enim obtinébat omnem regiónem, quæ erat trans flumen, a Thaphsa usque ad Gazan, et cunctos reges illárum regiónum : et habébat pacem ex omni parte in circúitu.

*R. Præparate. 236.**Lectio ij.*

HABITABÁTQUE Juda et Israël absque timóre ullo, unusquisque sub vite sua, et sub ficu sua, a Dan usque Bersabée cunctis diébus Salomónis. Et habébat Sálomon quadraginta millia præsepia equórum currilium, et duódecim millia equestrium. Nutriebántque eos supradicti regis præfécti : sed et necessariá mensæ regis Salomónis cum ingénti cura præbebant in témpore suo. Hórdeum quoque et páleas

equórum et jumentórum deferébant in locum ubi erat rex, juxta constitútum sibi. Dedit quoque Deus sapiéntiam Salomóni, et prudéntiam multam nimis, et latitúdinem cordis quasi arénam, quæ est in littore maris.

*R. Deus ómnium. 236.**Lectio iij.*

ET præcedébat sapiéntia Salomónis sapiéntiam ómnium Orientálium et Ægyptiórum, et erat sapiéntior cunctis hominibus : sapiéntior Ethan Ezrahíta, et Heman, et Chalcol, et Dorda, filiis Mahol : et erat nominátus in univérsis géntibus per circúitum. Locútus est quoque Sálomon tria millia parábulas : et fuérunt cármina ejus quinque et mille. Et disputávit super lignis a cedro, quæ est in Libano, usque ad hyssópum, quæ egréditur de pariete, et disseruit de juméntis, et volúcribus, et reptilibus, et piscibus. Et veniébant de cunctis pópulis ad audiéndam sapiéntiam Salomónis, et ab univérsis régibus terræ, qui audiébant sapiéntiam ejus.

R. Dóminus. 237.

FERIA SEXTA

De libro tertio Regum.

Lectio j. Cap. 5.

MISIT quoque Hiram rex Tyri servos suos ad Salomónem : audívit enim quod ipsum unxissent regem

pro patre ejus : quia amicus fúerat Hiram David omni tēpore. Misit áutem Sálomon ad Hiram, dicens : Tu scis voluntátem David patris mei, et quia non potúerit ædificáre domum nómini Dómini Dei sui propter bella imminéntia per circúitum, donec daret Dóminus eos sub vestigio pedum ejus. Nunc áutem réquiem dedit Dóminus Deus meus mihi per circúitum : et non est satan, neque occúrsus malus.

℞. Percússit Saul. 237.

Lectio ij.

QUAMÓBREM cógito ædificáre templum nómini Dómini Dei mei, sicut locútus est Dóminus David patri meo, dicens : Filius tuus, quem dabo pro te super sólium tuum, ipse ædificábit domum nómini meo. Præcipe igitur ut præcédant mihi servi tui cedros de Líbano, et servi mei sint cum servis tuis : mercédem áutem servórum tuórum dabo tibi quamcúmque petieris : scis enim quómodo non est in pópulo meo vir qui nóverit ligna cædere sicut Sidónii.

℞. Montes Gélboë. 238.

Lectio iij.

CUM ergo audisset Hiram verba Salomónis, lætátus est valde, et ait : Benedictus Dóminus Deus hódie, qui dedit David filium sapientissimum super pópulum hunc plúrimum. Et misit Hiram

ad Salomónem, dicens : Audivi quæcúmque mandásti mihi : ego fáciam omnem voluntátem tuam in lignis cédrinis et abiégnis. Servi mei depónent ea de Líbano ad mare : et ego compónam ea in rátibus in mari usque ad locum, quem significáveris mihi ; et applicábo ea ibi, et tu tolles ea : præbebisque necessária mihi, ut detur cibus dómui meæ.

℞. Ego te tuli. 238.

SABBATO

De libro tértio Regum.

Lectio j. Cap. 7. g et 8.

ET perfécit omne opus quod faciébat Sálomon in domo Dómini, et intulit quæ sanctificáverat David pater suus, argéntum et áurum, et vasa, reposuítque in thesáuris domus Dómini. Tunc congregáti sunt omnes majóres natu Israël cum princípibus tribuum, et duces familiárum filiórum Israël ad regem Salomónem in Jerúsalem : ut deférrent arcam fœderis Dómini de civitáte David, id est, de Sion. Convenítque ad regem Salomónem univérsum Israël in mense Ethánim, in solémni die, ipse est mensis séptimus.

℞. Peccávi. 206.

Lectio ij.

VENERÚNTQUE cuncti senes de Israël, et tulérunt arcam sacerdótes, et portavérunt arcam Dómini, et tabernáculum fœderis, et

omnia vasa Sanctuárii, quæ erant in tabernáculo : et ferébant ea sacerdótes et Levitæ. Rex áutem Sálomon, et omnis multitúdo Israë!, quæ convénérat ad eum, gradiebátur cum illo ante arcam, et immolábant oves et boves absque æstimatióne et número. Et intulérunt sacerdótes arcam fœderis Dómini in locum suum, in oráculum templi, in Sanctum sanctórum subter alas Chérubim. Siquidem Chérubim expandébant alas super locum arcæ, et protegébant arcam, et vectes ejus désuper.

℞. Exaudísti. 207.

Lectio iij.

IN arca áutem non erat aliud, nisi duæ tábulæ lapideæ, quas posúerat in ea Móyses in Horeb, quando pépigit Dóminus fœdus cum filiis Israë!, cum egredéréntur de terra Ægýpti. Factum est áutem, cum exissent sacerdótes de Sanctuário, nébula implévit domum Dómini, et non póterant sacerdótes stare et ministráre propter nébulam : impléverat enim glória Dómini domum Dómini. Tunc ait Sálomon : Dóminus dixit ut habitáret in nébula.

℞. Audi Dómine hymnum. 207.

Ad Magnif. Ant. Exaudísti Dómine * oratióem servi tui, ut ædificárem templum nómini tuo.

℣. Vespertina oratio ascéndat ad te Dómine. ℞. Et descéndat super nos misericórdia tua.

DOM. VIII. POST PENTEC.

IN I. NOCTURNO

De libro tértio Regum.

Lectio j. Cap. 9.

FACTUM est áutem, cum perfecisset Sálomon ædificium domus Dómini, et ædificium regis, et omne quod optáverat et volúerat fácere, apparuit ei Dóminus secúndo, sicut apparúerat ei in Gábaon. Dixitque Dóminus ad eum : Exaudívi oratióem tuam et deprecatióem tuam, quam deprecátus es coram me : sanctificávi domum hanc, quam ædificásti, ut pónerem nomen meum ibi in sempitérnum, et erunt óculi mei et cor meum ibi cunctis diébus. Tu quoque si ambuláveris coram me, sicut ambulávit pater tuus, in simplicitáte cordis, et in æquitáte : et féceris ómnia, quæ præcépi tibi, et legítima mea et judícia mea serváveris, ponam thronum regni tui super Israë! in sempitérnum, sicut locútus sum David patri tuo, dicens : Non auferétur vir de génere tuo de sólio Israë!.

℞. Præparáte corda vestra Dómino, et servíte illi soli : * Et liberábit vos de má nibus inimicórum vestrórum. ℣. Convertímini ad eum in toto corde vestro, et auférte

deos aliénos de médio vestri.
Et.

Lectio ij.

SI autem aversióne avérsi fuéritis vos et filii vestri, non sequéntes me, nec custodiéntes mandáta mea, et cæremónias meas, quas propósui vobis, sed abiéritis et coluéritis deos aliénos, et adoravéritis eos : áuferam Israël de superficie terræ, quam dedi eis : et templum, quod sanctificávi nómini meo, projiciam a conspéctu meo, eritque Israël in provérbium, et in fábulam cunctis pópulis. Et domus hæc erit in exémplum : omnis, qui transierit per eam, stupébit, et sibilábit, et dicet : Quare fecit Dóminus sic terræ huic, et dómui huic? Et respondébunt : Quia dereliquérunt Dóminum Deum suum, qui edúxit patres eórum de terra Ægýpti, et secúti sunt deos aliénos, et adoravérunt eos, et coluérunť eos : idcírco indúxit Dóminus super eos omne malum hoc.

℟. Deus ómnium exauditor est : ipse misit Angelum suum, et tulit me de óvibus patris mei : * Et unxit me unctióne misericórdiæ suæ. **℣.** Dóminus, qui eripuit me de ore leónis, et de manu béstiae liberávit me. Et unxit.

Lectio iij.

EXPLÉTIS autem annis viginti, postquam ædificá-

verat Sálomon duas domos, id est, domum Dómini, et domum regis (Hiram rege Tyri præbénťe Salomóni ligna cédrina et abiégna, et áurum juxta omne quod opus habúerat), tunc dedit Sálomon Hiram viginti óppida in terra Galilææ. Et egréssus est Hiram de Tyro, ut vidéret óppida quæ déderat ei Sálomon, et non placuérunt ei, et ait : Hæccine sunt civitátes, quas dedisti mihi, frater? Et appellávit eas terram Chabul usque in diem hanc. Misit quoque Hiram ad regem Salomónem centum viginti talénta áuri.

℟. Dóminus, qui eripuit me de ore leónis, et de manu béstiae liberávit me, * Ipse me eripiet de mánibus inimicórum meórum. **℣.** Misit Deus misericórdiam suam, et veritátem suam : ánimam meam eripuit de médio catulórum leónum. Ipse. Glória Patri. Ipse.

IN II. NOCTURNO

Ex libro sancti Augustíni Episcopi de Civitáte Dei.

Lib. 17. cap. 8. sub med.

Lectio iv.

FACTA est quidem nonnúlła imágo rei futúrae étiam in Salomóne, in eo quod templum ædificávit, et pacem hábuit secúndum nomen suum (Sálomon quippe pacíficus est latíne), et in exórdio regni sui mirabiliter laudábilis fuit. Sed eádem sua persóna per umbram futúri

prænuntiábat étiam ipse Christum Dóminum nostrum, non exhibébat. Unde quædam de illo ita scripta sunt, quasi de ipso ista prædicta sint, dum Scriptúra sancta étiam rebus gestis prophétans, quodámmodo in eo figúram delineat futurorum.

R. Percússit Saul mille, et David decem millia :
 * Quia manus Dómini erat cum illo : percússit Philisthæum, et abstulit opprobrium ex Israël. **V.** Nonne iste est David, de quo canébant in choro, dicétes : Saul percússit mille, et David decem millia? Quia manus.

Lectio v.

NAM præter libros divínæ históriæ, ubi regnásse narrátur, Psalmus étiam septuagésimus primus titulo nóminis ejus inscriptus est. In quo tam multa dicúntur, quæ omnino ei convenire non possunt : Dómino áutem Christo aptíssima perspicuitate convéniunt : ut evidénter appáreat, quod in illo figúra qualiscúmque adumbráta sit, in isto áutem ipsa véritas præsentáta.

R. Montes Gélboë, nec ros nec plúvia véniant super vos, * Ubi cecidérunt fortes Israël. **V.** Omnes montes, qui estis in circúitu ejus, visitet Dóminus : a Gélboë áutem tránseat. Ubi cecidérunt.

Lectio vj.

NOTUM est enim, quibus términis regnum conclusum fúerit Salomónis, et tamen in eo Psalmo légitur, ut ália táceam : Dominábitur a mari usque ad mare, et a flúmine usque ad términos orbis terræ : quod in Christo vidémus impléri. A flúmine quippe dominándi sumpsit exórdium, ubi baptizátus a Joánnē, eódem monstránte, cœpit agnósci a discipulis, qui eum non solum magístrum, verum étiam Dóminum appellavérunt.

R. Ego te tuli de domo patris tui, dicit Dóminus, et pósui te páscere gregem pópuli mei : * Et fui tecum in ómnibus ubicúmque ambulásti, firmans regnum tuum in ætérnum. **V.** Fecique tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. Et Glória Patri. Et.

R. vij. Peccávi super númerum arénæ maris, et multiplicáta sunt peccáta mea : et non sum dignus vidére altitúdinem cæli præ multitudíne iniquitátis meæ : quóniam irritávi iram tuam, * Et malum coram te feci. **V.** Quóniam iniquitátem meam ego cognósko : et delictum meum contra me est semper, quia tibi soli peccávi. Et malum.

R. viij. Duo Séraphim cla-

mábant alter ad áalterum :
 * Sanctus, sanctus, sanctus
 Dóminus Deus Sábaoth : *
 Plena est omnis terra glória
 ejus. **V.** Tres sunt qui testi-
 mónium dant in cælo : Pa-
 ter, Verbum, et Spíritus
 sanctus : et hi tres unum
 sunt. Sanctus. Glória Patri.
 Plena.

FERIA SECUNDA

De libro tértio Regum.

Lectio j. Cap. 10.

SED et regína Saba, audíta
 fama Salomónis in nó-
 mine Dómini, venit tentáre
 eum in ænigmátibus. Et
 ingrèssa Jerúsalem multo
 cum comitátu, et divítiis,
 camélis portántibus aró-
 mata, et áurum infinitum
 nimis, et gemmas pretiósas,
 venit ad regem Salomónem,
 et locúta est ei univérsa quæ
 habébat in corde suo. Et
 dócuit eam Sálomon ómnia
 verba quæ proposúerat : non
 fuit sermo, qui regem posset
 latére, et non respondéret
 ei.

R. Recordáre. 206.

Lectio ij.

VIDENS áutem regína Saba
 omnem sapiéntiam Salo-
 mónis, et domum, quam
 ædificáverat, et cibos mensæ
 ejus, et habitácula servó-
 rum, et órdenes ministrán-
 tium, vestésque eórum, et
 pincérnas, et holocáusta quæ
 offerébat in domo Dómini :
 non habébat ultra spíritum.
 Dixitque ad regem : Verus

est sermo, quem audívi in
 terra mea super sermónibus
 tuis, et super sapiéntia tua :
 et non credébam narrántibus
 mihi, donec ipsa veni, et
 vidi óculis meis, et probávi
 quod média pars mihi nun-
 tiáta non fúerit : major est
 sapiéntia et ópera tua, quam
 rumor, quem audívi.

R. Exaudisti. 207.

Lectio iij.

BEÁTI viri tui, et beáti servi
 tui, qui stant coram te
 semper, et áudiunt sapién-
 tiam tuam. Sit Dóminus Deus
 tuus benedíctus, cui com-
 placuisti, et pósuit te super
 thronum Israél, eo quod di-
 léxerit Dóminus Israél in
 sempitérnum, et constituit
 te regem, ut fáceres judicium
 et justitiam. Dedit ergo regi
 centum viginti talénta áuri,
 et arómata multa nimis, et
 gemmas pretiósas : non sunt
 alláta ultra arómata tam
 multa, quam ea quæ dedit
 regína Saba regi Salomóni.
 Sed et classis Hiram, quæ
 portábat áurum de Ophir,
 áttulit ex Ophir ligna thýina
 multa nimis, et gemmas
 pretiósas.

R. Audi. 207.

FERIA TERTIA

De libro tértio Regum.

Lectio j. Cap. 11.

REX áutem Sálomon ada-
 mávit mulieres alieni-
 genas multas, filiam quoque
 Pharaónis, et Moabítidas, et
 Ammonítidas, Idumæas, et

Sidónias, et Hethæas : de géntibus, super quibus dixit Dóminus filiis Israël : Non ingrediémini ad eas, neque de illis ingrediéntur ad vestras : certissime enim avértent corda vestra, ut sequámini deos eárum. His itaque copulátus est Sálomon ardentissimo amóre. Fuerúntque ei uxóres quasi reginæ septingéntæ, et concubinæ trecéntæ : et avertérunt mulieres cor ejus. Cumque jam esset senex, depravátum est cor ejus per mulieres, ut sequerétur deos aliénos : nec erat cor ejus perféctum cum Dómino Deo suo, sicut cor David patris ejus.

℞. Dómine. 207.

Lectio ij.

SED colébat Sálomon As-tárthen deam Sidoniórum, et Moloch idólum Ammonitárum. Fecitque Sálomon quod non placúerat coram Dómino, et non adimplévit ut sequerétur Dóminum, sicut David pater ejus. Tunc ædificávit Sálomon fanum Chamos, idólo Moab, in monte qui est contra Jerúsalem, et Moloch idólo filiórum Ammon. Atque in hunc modum fecit univérssis uxóribus suis alienígenis, quæ adolébant thurá, et immolábant diis suis.

℞. Factum est. 208.

Lectio iij.

IGITUR irátus est Dóminus Salomóni, quod avérsa esset mens ejus a Dómino

Deo Israël, qui apparúerat ei secúndo, et præcéperat de verbo hoc ne sequerétur deos aliénos, et non custodivit quæ mandávit ei Dóminus. Dixit itaque Dóminus Salomóni : Quia habuísti hoc apud te, et non custodisti pactum meum, et præcépta mea, quæ mandávi tibi, disrúmpens scindam regnum tuum, et dabo illud servo tuo. Verúm, tamen in diébus tuis non fáciam propter David patrem tuum.

℞. Ego te tuli. 208.

FERIA QUARTA

De libro tértio Regum.

Lectio j. Cap. 11. e

JERÓBOAM quoque filius Nabat, Ephrathæus, de Saréda, servus Salomónis, cujus mater erat nómine Sarva, múlter vídua : levávit manum contra regem. Et hæc est cáusa rebelliónis advérsus eum, quia Sálomon ædificávit Mello, et coæquávit voráginem civitátis David patris sui. Erat áutem Jeróboam vir fortis et potens : vidénsque Sálomon adole-scéntem bonæ índolis et indústrium, constitúerat eum præfécum super tribúta univérsæ domus Joseph.

℞. Peccávi. 206.

Lectio ij.

FACTUM est igitur in tēpore illo, ut Jeróboam egrederétur de Jerúsalem, et inveniret eum Ahías Silónites prophéta in via, opér-

tus pállio novo : erant áutem duo tantum in agro. Apprehendénsque Ahías pállium suum novum, quo coopértus erat, scidit in duódecim partes. Et ait ad Jeróboam : Tolle tibi decem scissúras : hæc enim dicit Dóminus Deus Israël : Ecce ego scindam regnum de manu Salomónis, et dabo tibi decem tribus.

℞. Exaudisti. 207.

Lectio iij.

VÓLUIT ergo Sálomon interficere Jeróboam : qui surréxit, et aufúgit in Ægýptum ad Sesac regem Ægýpti, et fuit in Ægýpto usque ad mortem Salomónis. Réliquum áutem verbórum Salomónis, et ómnia quæfecit, et sapiéntia ejus : ecce univérsa scripta sunt in libro verbórum diérum Salomónis. Dies áutem quos regnavit Sálomon in Jerúsalem super omnem Israël, quadragínta anni sunt. Dormivitque Sálomon cum pátribus suis, et sepúltus est in civitaté David patris sui, regnavitque Róboam filius ejus pro eo.

℞. Audi. 207.

FERIA QUINTA

De libro tértio Regum.

Lectio j. Cap. 12.

VENIT áutem Róboam in Sichem : illuc enim congregátus erat omnis Israël ad constituéndum eum regem. At vero Jeróboam filius

Nabat, cum adhuc esset in Ægýpto prófugus a fácie regis Salomónis, audíta morte ejus, revérsus est de Ægýpto. Miserúntque et vocavérunt eum : venit ergo Jeróboam, et omnis multitúdo Israël, et locúti sunt ad Róboam, dicéntes : Pater tuus duríssimum jugum impósuit nobis : tu itaque nunc imminue páululum de império patris tui duríssimo, et de jugo gravíssimo, quod impósuit nobis, et serviémus tibi. Qui ait eis : Ite usque ad tértium diem, et revertimini ad me.

℞. Præparáte. 243.

Lectio ij.

CUMQUE abiisset pópulus, iniit consilium rex Róboam cum senióribus, qui assistébant coram Salomóne patre ejus, cum adhuc viveret, et ait : Quod datis mihi consilium, ut respóndeam pópulo huic? Qui dixerunt ei : Si hódie obedieris pópulo huic, et servieris, et petitióni eórum cesseris, locutúsque fúeris ad eos verba lenia, erunt tibi servi cunctis diébus. Qui dereliquit consilium senum, quod déderant ei, et adhibuit adollescéntes, qui nutriti fúerant cum eo, et assistébant illi.

℞. Deus. 244.

Lectio iij.

RESPONDÍTQUE rex pópulo dura, derelicto consilio seniórum, quod ei déderant, et locútus est eis secúndum

consilium iuvenum, dicens : Pater meus aggravavit jugum vestrum, ego autem addam jugo vestro : pater meus cecidit vos flagellis, ego autem caedam vos scorpionibus. Et non acquievit rex populo : quoniam aversatus fuerat eum Dominus, ut suscitaret verbum suum, quod locutus fuerat in manu Ahiae Silonitae, ad Jeroboam filium Nabat. Videns itaque populus quod nolisset eos audire rex, respondit ei dicens : Quae nobis pars in David? vel quae hereditas in filio Isai?

¶ Dominus. 244.

FERIA SEXTA

De libro tertio Regum.

Lectio j. Cap. 14. b

DIXIT autem Dominus ad Ahiam : Ecce uxor Jeroboam ingreditur ut consulat te super filio suo qui aegrotat : haec et haec loqueris ei. Cum ergo illa intraret, et dissimularet se esse quae erat, audivit Ahias sonitum pedum ejus introeuntis per ostium, et ait : Ingredere uxor Jeroboam : quare aliam te esse simulas? ego autem missus sum ad te durus nuntius.

¶ Percussit Saul. 245.

Lectio ij.

VADE, et dic Jeroboam : Haec dicit Dominus Deus Israel : Quia exaltavi te de medio populi, et dedi te ducem super populum meum

Israel : et scidi regnum domus David, et dedi illud tibi, et non fuisti sicut servus meus David, qui custodivit mandata mea, et secutus est me in toto corde suo, faciens quod placitum esset in conspectu meo : sed operatus es mala super omnes, qui fuerunt ante te, et fecisti tibi deos alienos et confutiles, ut me ad iracundiam provocares, me autem projecisti post corpus tuum.

¶ Montes Gelboe. 245.

Lectio iij.

IDCIRCO ecce ego inducam mala super domum Jeroboam, et percutionem de Jeroboam mingentem ad parietem, et clausum, et novissimum in Israel : et mundabo reliquias domus Jeroboam, sicut mundari solet finis usque ad purum. Qui mortui fuerint de Jeroboam in civitate, comedent eos canes : qui autem mortui fuerint in agro, vorabunt eos aves caeli : quia Dominus locutus est. Tu igitur surge, et vade in domum tuam : et in ipso introitu pedum tuorum in urbem, morietur puer.

¶ Ego te tuli. 245.

SABBATO

De libro tertio Regum.

Lectio j. Cap. 18. d

ACCEDENS autem Elias ad omnem populum, ait : Usquequo claudicatis in duas partes? Si Dominus est

Deus, sequimini eum : si autem Baal, sequimini illum. Et non respondit ei populus verbum. Et ait rursus Elias ad populum : Ego remansi propheta Domini solus : prophetæ autem Baal quadringenti et quinquaginta viri sunt.

R. Peccavi. 206.

Lectio ij.

DENTUR nobis duo boves, et illi eligant sibi bovem unum, et in frusta cadentes ponant super ligna, ignem autem non supponant : et ego faciam bovem alterum, et imponam super ligna, ignem autem non supponam. Invocate nomina deorum vestrorum, et ego invocabo nomen Domini mei : et Deus qui exaudierit per ignem, ipse sit Deus. Respondens omnis populus, ait : Optima propositio.

R. Exaudisti. 207.

Lectio iij.

DIXIT ergo Elias prophétis Baal : Eligite vobis bovem unum, et facite primi, quia vos plures estis : et invocate nomina deorum vestrorum, ignemque non supponatis. Qui cum tulissent bovem, quem dederat eis, fecerunt : et invocabant nomen Baal de mane usque ad meridiem, dicentes : Baal exaudi nos. Et non erat vox, nec qui responderet : transiliebantque altare quod fecerant. Cumque esset jam meridies, illudebat illis

Elias, dicens : Clamate voce maiore.

R. Audi Domine. 207.

Ad Magnif. Ant. Dum tolleretur Dominus * Eliam per turbine in cælum, Elisæus clamabat : Pater mi, currus Israël, et auriga ejus.

V. Vespertina oratio ascendat ad te Domine. *R.* Et descendat super nos misericordia tua.

DOM. IX. POST PENTEC.

IN I. NOCTURNO

Incipit liber quartus Regum.

Lectio j. Cap. 1.

PRÆVARICATUS est autem Moab in Israël, postquam mortuus est Achab. Ceciditque Ochozias per cancellos coenaculi sui, quod habebat in Samaria, et ægrotauit : misitque nuntios, dicens ad eos : Ite, consulite Beelzebub deum Accaron, utrum vivere queam de infirmitate mea hac. Angelus autem Domini locutus est ad Eliam Thesbiten, dicens : Surge, et ascende in occursum nuntiorum regis Samariæ, et dices ad eos : Numquid non est Deus in Israël, ut eatis ad consulendum Beelzebub deum Accaron? Quam ob rem hæc dicit Dominus : De lectulo, super quem ascendisti, non descendes, sed morte morieris.

R. Præparate corda vestra Domino, et servite illi soli :
* Et liberabit vos de mani-

bus inimicórum vestrórum.
 ¶ Convertimini ad eum in toto corde vestro, et auférte deos aliénos de médio vestri. Et liberábit.

Lectio ij.

Et abiit Elías. Reversique sunt núntii ad Ochoziam. Qui dixit eis : Quare revérsi estis? At illi responderunt ei : Vir occúrrit nobis, et dixit ad nos : Ite, et revertimini ad regem qui misit vos, et dicétis ei : Hæc dicit Dóminus : Numquid, quia non erat Deus in Israël, mittis ut consulátur Beélzebub deus Accaron? Idcirco de léctulo, super quem ascendisti, non descédes, sed morte moriérís.

¶ Deus ómnium exauditor est : ipse misit Angelum suum, et tulit me de óvibus patris mei : * Et unxit me unctióne misericórdiæ suæ.
 ¶ Dóminus, qui eripuit me de ore leónis, et de manu béstiae liberávit me. Et.

Lectio iij.

Qui dixit eis : Cujus figuræ et hábitus est vir ille, qui occúrrit vobis, et locútus est verba hæc? At illi dixerunt : Vir pilósus, et zona pellicea accinctus réni-bus. Qui ait : Elías Thesbites est. Misitque ad eum quinquagenárium príncipem, et quinquaginta qui erant sub eo. Qui ascéndit ad eum : sedentique in vértice montis, ait : Homo Dei, rex præcépit ut descédas. Respon-

dénsque Elías, dixit quinquagenário : Si homo Dei sum, descéndat ignis de cælo, et devoret te, et quinquaginta tuos. Descéndit itaque ignis de cælo, et devorávit eum, et quinquaginta qui erant cum eo.

¶ Dóminus, qui eripuit me de ore leónis, et de manu béstiae liberávit me, * Ipse me eripiet de mánibus inimicórum meórum. ¶ Misit Deus misericórdiam suam, et veritatem suam : ánimam meam eripuit de médio catulórum leónum. Ipse. Glória. Ipse.

IN II. NOCTURNO

Sermo sancti Augustini
 Episcopi.

Sermo 201. de Tempore.

Lectio iv.

In lectionibus, quæ nobis diébus istis recitántur, fratres caríssimi, frequenter admónui, ut non sequámur litteram occidéntem, et vivificántem spíritum relinquámus. Sic enim Apóstolus ait : Littera enim occidit, spíritus vivificat. Si enim hoc tantum vólumus intelligere, quod sonat in littera : aut parvam, aut prope nullam ædificatióem de divinis lectionibus capiémus. Illa enim ómnia quæ recitántur, typus erant et imágo futurórum. In Judæis enim figuráta, in nobis, grátia Dei donánte, compléta sunt.

¶ Percússit Saul mille, et David decem millia : * Quia

manus Dómini erat cum illo : percússit Philisthæum, et ábstulit oppróbrium ex Israël. *ꝫ* Nonne iste est David, de quo canébant in choro, dicéntes : Saul percússit mille, et David decem millia? Quia.

Lectio v.

BEÁTUS enim Elias typum hábuit Dómini Salvatóris. Sicut enim Elias a Judæis persecutióem passus est : ita et verus Eliás Dóminus noster ab ipsis Judæis reprobátus est, et contéptus. Elias reliquit gentem suam : et Christus deseruit synagógam. Elias ábiit in desértum : et Christus venit in mundum. Elias in desérto corvis ministrántibus pascebátur : et Christus in desérto mundi hujus géntium fide reficitur.

ꝫ. Montes Gélboë, nec ros nec plúvia véniant super vos, * Ubi cecidérunt fortes Israël. *ꝫ*. Omnes montes, qui estis in circúitu ejus, visitet Dóminus : a Gélboë áutem tránseat. Ubi cecidérunt.

Lectio vj.

CORVI enim illi, qui beáto Eliæ, jubénte Dómino, ministrábant, géntium pópulum figurábant : proptérea et de géntium Ecclésia dicitur : Nigra sum et formósa, filia Jerúsalem. Unde est Ecclésia nigra, et formósa? Nigra per natúram, formósa per grátiam. Unde nigra?

Ecce in iniquitátibus concéptus sum, et in delictis péperit me mater mea. Unde formósa? Aspérget me hysópo, et mundábor : lavábis me, et super nivem dealbábor.

ꝫ. Ego te tuli de domo patris tui, dicit Dóminus, et pósui te pásceré gregem pópuli mei : * Et fui tecum in ómnibus ubicúmque ambulásti, firmans regnum tuum in ætérnum. *ꝫ*. Feci que tibi nomen grande, juxta nomen magnórum, qui sunt in terra : et réquiem dedi tibi ab ómnibus inimícis tuis. Et. Glória Patri. Et.

ꝫ. vij. Peccávi super númerum arénæ maris, et multiplicáta sunt peccáta mea : et non sum dignus vidére altitúdinem cæli præ multitudíne iniquitátis meæ : quóniam irritávi iram tuam, * Et malum coram te feci. *ꝫ*. Quóniam iniquitátem meam ego cognósko : et delictum meum contra me est semper, quia tibi soli peccávi. Et malum.

ꝫ. viij. Duo Séraphim clamábant alter ad álterum : * Sanctus, sanctus, sanctus Dóminus Deus Sábaoth : * Plena est omnis terra glória ejus. *ꝫ*. Tres sunt qui testimónium dant in cælo, Pater, Verbum, et Spiritus sanctus : et hi tres unum sunt. Sanctus. Glória Patri. Plena.

FERIA SECUNDA

De libro quarto Regum.

Lectio j. Cap. 2.

ACCESSÉRUNT filii prophetarum, qui erant in Jéricho, ad Eliséum, et dixerunt ei : Numquid nosti quia Dóminus hódie tollet dóminum tuum a te? Et ait : Et ego novi : siléte. Dixit autem ei Elias : Sede hic, quia Dóminus misit me usque ad Jordánem. Qui ait : Vivit Dóminus, et vivit ánima tua, quia non derelinquam te. Ierunt igitur ambo páriter, et quinquaginta viri de filiis prophetarum secúti sunt eos, qui et steterunt e contra, longe : illi autem ambo stabant super Jordánem.

℟. Recordáre. 206.

Lectio ij.

TULÍTQUE Elias pállium suum, et invólvit illud, et percússit aquas, quæ divisæ sunt in utrámque partem, et transiérunt ambo per siccum. Cumque transissent, Elias dixit ad Eliséum : Póstula quod vis ut fáciam tibi, ántequam tollar a te. Dixitque Eliséus : Obsecro ut fiat in me duplex spíritus tuus. Qui respóndit : Rem difficilem postulásti : áttamen si videris me, quando tollar a te, erit tibi quod petisti : si autem non videris, non erit.

℟. Exaudisti Dómine orationem. 207.

Lectio iij.

CUMQUE pérgerent, et incedéntes sermocinaréntur, ecce currus igneus, et equi ignei divisérunt utrúmque : et ascéndit Elías per túrbinem in cælum, Eliséus autem vidébat, et clamábat : Pater mi, pater mi, currus Israël, et auriga ejus. Et non vidit eum ámplius : apprehenditque vestiménta sua, et scidit illa in duas partes. Et levávit pállium Eliæ, quod ceciderat ei : reversúsque stetit super ripam Jordánis.

℟. Audi Dómine. 207.

FERIA TERTIA

De libro quarto Regum.

Lectio j. Cap. 3.

ENGRÉSSUS est igitur rex Joram in die illa de Samaria, et recénsuit univérsum Israël. Misitque ad Jósaphat regem Juda, dicens : Rex Moab recéssit a me, veni mecum contra eum ad prælium. Qui respóndit : Ascéndam : qui meus est, tuus est : pópulus meus, pópulus tuus : et equi mei, equi tui. Dixitque : Per quam viam ascendémus? At ille respóndit : Per désertum Idumææ. Perrexérunt igitur rex Israël, et rex Juda, et rex Edom, et circuiérunt per viam septem diérum, nec erat aqua exercítui, et júmentis, quæ sequebántur eos.

℟. Dómine. 207.

Lectio ij.

DIXITQUE rex Israël : Heu heu heu, congregávit nos Dóminus tres reges, ut tráderet in manus Moab. Et ait Jósaphat : Estne hic prophéta Dómini, ut deprecémur Dóminum per eum? Et respóndit unus de servis regis Israël : Est hic Eliséus filius Saphat, qui fundébat aquam super manus Eliæ. Et ait Jósaphat : Est apud eum sermo Dómini. Descenditque ad eum rex Israël, et Jósaphat rex Juda, et rex Edom. Dixit áutem Eliséus ad regem Israël : Quid mihi et tibi est? vade ad prophétas patris tui, et matris tuæ.

℞. Factum est. 208.

Lectio iij.

ET ait illi rex Israël : Quare congregávit Dóminus tres reges hos, ut tráderet eos in manus Moab? Dixitque ad eum Eliséus : Vivit Dóminus exercituum, in cujus conspéctu sto, quod si non vultum Jósaphat regis Judæ erubescerem, non attendissem quidem te, nec respexissem. Nunc áutem addúcite mihi psaltem. Cumque cáneret psaltes, facta est super eum manus Dómini, et ait : Hæc dicit Dóminus : Fácite álveum torréntis hujus fossas, et fossas. Hæc enim dicit Dóminus : Non vidébitis ventum, neque pluviam : et álveus iste replébitur aquis, et bibétis vos,

et familiæ vestræ, et juménta vestra. Parúmque est hoc in conspéctu Dómini : insuper tradet étiam Moab in manus vestras.

℞. Ego te tuli. 208.

FERIA QUARTA

De libro quarto Regum.

Lectio j. Cap. 4.

MÚLIER áutem quædam de uxóribus prophetárum clamábat ad Eliséum, dicens : Servus tuus vir meus mórtuus est, et tu nosti quia servus tuus fuit timens Dóminum : et ecce créditor venit ut tollat duos filios meos ad serviéndum sibi. Cui dixit Eliséus : Quid vis ut fáciam tibi? Dic mihi, quid habes in domo tua? At illa respóndit : Non hábeo ancílla tua quidquam in domo mea, nisi parum ólei, quo ungar. Cui ait : Vade, pete mútuo ab ómnibus vicinis tuis vasa vácuá non páuca. Et ingrédere, et cláude óstium tuum, cum intrínsecus fúeris tu, et filii tui : et mitte inde in ómnia vasa hæc : et cum plena fúerint, tolles.

℞. Peccávi. 206.

Lectio ij.

IVIT itaque múlter, et cláuit óstium super se, et super filios suos : illi offerébant vasa, et illa infundébat. Cumque plena fuissent vasa, dixit ad filium suum : Affer mihi adhuc vas. Et ille respóndit : Non hábeo. Ste-

títque óleum. Venit áutem illa, et indicávit hómini Dei. Et ille, Vade, inquit, vende óleum, et redde creditóri tuo : tú áutem, et filii tui vívite de réliquo. Facta est áutem quædam dies, et transibat Eliséus per Sunam : erat áutem ibi múlter magna, quæ ténuít eum ut coméderet panem : cumque fréquenter inde transiret, divértébat ad eam ut coméderet panem. Quæ dixit ad virum suum : Animadvérto quod vir Dei sanctus est iste, qui transit per nos fréquenter. Faciámus ergo ei cœnáculum parvum, et ponámus ei in eo léctulum, et mensam, et sellam, et candelábrum, ut cum vénerit ad nos, máneat ibi.

℞. Exaudisti. 207.

Lectio iij.

FACTA est ergo dies quædam, et véniens divértit in cœnáculum, et requiévit ibi. Dixitque ad Giézi púerum suum : Voca Sunamitidem istam. Qui cum vocásset eam, et illa stetisset coram eo, dixit ad púerum suum : Lóquere ad eam : Ecce, sédula in ómnibus ministrásti nobis, quid vis ut faciám tibi? numquid habes negótium, et vis ut loquar regi, sive principi militiæ? Quæ respóndit : In médio pópuli mei hábito. Et ait : Quid ergo vult ut faciám ei? Dixitque Giézi : Ne quæras : filium enim non habet, et

vir ejus senex est. Præcépit itaque ut vocáret eam : quæ cum vocáta fuisset, et stetisset ante óstium, dixit ad eam : In témpore isto, et in hac eádem hora, si víta comes fúerit, habébis in útero filium. At illa respóndit : Noli quæso dómine mi, vir Dei, noli mentíri ancillæ tuæ. Et concépit múlter, et péperit filium in témpore, et in hora eádem, qua dixerat Eliséus.

℞. Audi Dómine. 207.

FERIA QUINTA

De libro quarto Regum.

Lectio j. Cap. 6. e et 7.

CONGREGÁVIT Bénéadad rex Sýriæ univérsum exercitum suum, et ascéndit, et obsidébat Samariám. Fáctaque est fames magna in Samaria : et támdiu obséssa est, donec venumdarétur caput ásini octogínta argénteis, et quarta pars cabi stercoris columbárum quinque argénteis. Cumque rex Israël transiret per murum, múlter quædam exclamávit ad eum, dicens : Salva me dómine mi rex. Qui ait : Non te salvat Dóminus : unde te possum salváre? de área, vel de torculári?

℞. Præparáte. 250.

Lectio ij.

DIXÍTQUE ad eam rex : Quid tibi vis? Quæ respóndit : Múlter ista dixit mihi : Da filium tuum, ut comedámus eum hódie, et

℞. Deus ómnium. 251.

PRÆMISIT itaque virum : et
antequam veniret nún-
tius ille, dixit ad senes :
Numquid scitis quod mise-
rit filius homicidæ hic, ut
præcidátur caput meum?
vidéte ergo, cum vénerit
núntius, cláudite óstium, et
non sinátis eum introire :
ecce enim sónitus pedum
dómini ejus post eum est.
Adhuc illo loquente eis, ap-
páruit núntius, qui veniébat
ad eum. Et ait : Ecce tan-
tum malum a Dómino est :
quid ámplius exspectábo a
Dómino? Dixit áutem Eli-
séus : Audite verbum Dómi-
ni : Hæc dicit Dóminus : In
têmpore hoc cras módus
similæ uno statére erit, et
duo módii hórdei statére
uno, in porta Samariæ.

ELISÉUS autem locútus est ad mulierem, cujus vivere fécerat filium, dicens : Surge, vade tu et domus tua, et peregrináre ubicúmque repéris : vocávit enim Dóminus famem, et véniet super terram septem annis. Quæ surréxit, et fecit juxta verbum hóminis Dei : et vadens cum domo sua, peregrináta est in terra Philisthiim diébus multis. Cumque finíti essent anni septem, revérsa est múlter de terra Philisthiim : et egréssa est ut interpelláret regem pro domo sua, et pro agris suis.

REX autem loquebatur cum Giézi púero viri Dei, dicens : Narra mihi ómnia magnália quæ fecit Eliséus. Cumque ille narráret regi quómodo mórtuum suscitáset, appáruit múlter, cujus vivificáverat filium, clamans ad regem pro domo sua, et pro agris suis. Dixitque Giézi : Dómine mi rex, hæc est múlter, et hic est filius ejus, quem suscitávit Eliséus. Et interrogávit rex mulierem : quæ narrávit ei. Deditque ei rex eunúchum unum, dicens : Restitue ei ómnia quæ sua sunt, et univérsos réditus agrórum a

die, qua reliquit terram usque ad præsens.

¶ Montes Gélboë. 252.

Lectio iij.

VENIT quoque Eliséus Damáscum, et Bénadad rex Syriæ ægrotabat : nuntiaveruntque ei, dicentes : Venit vir Dei huc. Et ait rex ad Házaël : Tolle tecum múnera, et vade in occursum viri Dei, et cónsule Dóminum per eum, dicens : Si evádere pótero de infirmitáte mea hac? Ivit igitur Házaël in occursum ejus. Cumque stetisset coram eo, ait : Filius tuus Bénadad rex Syriæ misit me ad te, dicens : Si sanári pótero de infirmitáte mea hac? Dixitque ei Eliséus : Vade, dic ei : Sanaberis : porro osténdit mihi Dóminus quia morte moriétur.

¶ Ego te tuli. 252.

SABBATO

De libro quarto Regum.

Lectio j. Cap. 9.

ELISÉUS autem prophètes vocávit unum de filiis prophetárum, et ait illi : Accinge lumbos tuos, et tolle lenticulam ólei hanc in manu tua, et vade in Ramoth Gálaad. Cumque véneris illuc, vidébis Jehu filium Jósaphat filii Namsi : et ingressus suscitábis eum de médio fratrum suórum, et introdúces in intérius cubículum. Tenénsque lenticulam ólei, fundes super caput ejus, et

dices : Hæc dicit Dóminus : Unxi te regem super Israël. Aperiesque óstium, et fúgies, et non ibi subsistes. Abiit ergo adoléscentis puer prophætæ in Ramoth Gálaad, et ingressus est illuc : ecce autem principes exercitus sedébant, et ait : Verbum mihi ad te o princeps. Dixitque Jehu : Ad quem ex ómnibus nobis? At ille dixit : Ad te o princeps.

¶ Peccávi. 206.

Lectio ij.

ET surrexit, et ingressus est cubículum : at ille fudit óleum super caput ejus, et ait : Hæc dicit Dóminus Deus Israël : Unxi te regem super pópulum Dómini Israël, et percúties domum Achab dómini tui, et ulciscar sánguinem servórum meórum prophetárum, et sánguinem ómnium servórum Dómini de manu Jézabel. Perdámque omnem domum Achab : et interficiam de Achab mingéntem ad parietem, et cláusum, et novissimum in Israël. Et dabo domum Achab, sicut domum Jeróboam filii Nabat, et sicut domum Báasa filii Ahía. Jézabel quoque cómedent canes in agro Jézrahel, nec erit qui sepéliat eam. Aperuitque óstium, et fugit.

¶ Exaudisti. 207.

Lectio iij.

JEHU autem egressus est ad servos dómini sui : qui dixerunt ei : Recte ne sunt

omnia? quid venit insanus iste ad te? Qui ait eis : Nostis hominem, et quid locutus sit. At illi responderunt : Falsum est, sed magis narra nobis. Qui ait eis : Hæc et hæc locutus est mihi, et ait : Hæc dicit Dominus : Unxi te regem super Israël. Festinaverunt itaque, et unusquisque tollens pallium suum posuerunt sub pedibus ejus, in similitudinem tribunalis, et cecinerunt tuba, atque dixerunt : Regnavit Jehu.

R. Audi. 207.

Ad Magnif. Ant. Fecit Joas * rectum coram Domino cunctis diebus, quibus docuit eum Joiada sacerdos.

V. Vespertina oratio ascendat ad te Domine. **R.** Et descendat super nos misericordia tua.

DOM. X. POST PENTEC.

IN I. NOCTURNO

De libro quarto Regum.

Lectio j. Cap. 9. f et 10.

ANNO undécimo Joram filii Achab, regnavit Ochozias super Judam, venitque Jehu in Jézrahel. Porro Jézabel intróitu ejus audito, depinxit oculos suos stibio, et ornávit caput suum, et respéxit per fenestram ingredientem Jehu per portam, et ait : Numquid pax potest esse Zambri, qui interfécit dominum suum? Levávitque Jehu faciém suam ad fenestram, et ait : Quæ est ista? et inclinaverunt se ad eum

duo, vel tres eunúchi. At ille dixit eis : Præcipitáte eam deórsum. Et præcipitaverunt eam, aspersusque est sanguine páries, et equórum úngulæ conculcaverunt eam. Cumque introgréssus esset, ut coméderet, biberétque, ait : Ite, et vidéte maledictam illam, et sepelíte eam : quia filia regis est.

R. Præparáte. 250.

Lectio ij.

CUMQUE issent ut sepelirent eam, non invenérunt nisi calváriam, et pedes, et summas manus. Reversique nuntiavérunt ei. Et ait Jehu : Sermo Domini est, quem locutus est per servum suum Eliám Thesbíten, dicens : In agro Jézrahel cómedent carnes carnes Jézabel, et erunt carnes Jézabel sicut stercus super faciém terræ in agro Jézrahel, ita ut prætereúntes dicant : Hæccine est illa Jézabel? Erant autem Achab septuaginta filii in Samaria : scripsit ergo Jehu litteras, et misit in Samariam ad optimátes civitátis, et ad majóres natu, et ad nutritios Achab, dicens : Statim ut accepéritis litteras has, qui habétiis filios domini vestri, et currus, et equos, et civitátes firmas, et arma, elígite meliorem, et eum qui vobis placúerit de filiis domini vestri, et eum pónite super sólíum patris sui, et pugnáte pro domo domini vestri.

R. Deus ómnium. 251.

Lectio iij.

TIMUÉRUNT illi veheménter, et dixerunt : Ecce duo reges non potuérunt stare coram eo, et quómodo nos valébinus resistere? Misérunt ergo præpósiti domus, et præfécti civitátis, et majóres natu, et nutritii, ad Jehu, dicéntes : Servi tui sumus : quæcúmque jússeris faciémus, nec constituémus nobis regem : quæcúmque tibi placent, fac. Rescripsit autem eis litteras secúndo, dicens : Si mei estis, et obeditis mihi, tollite cápita filiórum dómini vestri, et venite ad me hac eádem hora cras in Jézrahel. Porro filii regis, septuaginta viri apud optimátes civitátis nutriebántur. Cumque venissent litteræ ad eos, tulérunt filios regis, et occidérunt septuaginta viros, et posuérunt cápita eórum in cóphinis, et misérunt ad eum in Jézrahel.

℞. Dóminus. 251.

IN II. NOCTURNO

Sermo sancti Joánnis
Chrysóstomi.

Homilia 25. in Epistola ad
Romanos.

Lectio iv.

NON putémus nos excusatiónem habitúros, si quando delictórum sócios invenérimus : nam istud, supplicium magis augébit. Quandóquidem et serpens magis punitus est quam múl-
lier : quemádmódum et múl-
lier plus quam vir, et

Jézabel majóres pœnas de-
dit, quam Achab vineæ
raptor. Ipsa quippe univér-
sum istud negótium texúe-
rat, regique lapsus occasió-
nem déderat. Igitur et tu
quoque si réliquis perditio-
nis cáusa fúeris, gravióra
patiéris, quam qui per te
subvérsi sunt. Neque enim
peccáre tantum in se perdi-
tiónis habet, quantum quod
réliqui ad peccándum indu-
cúntur.

℞. Percússit Saul. 251.

Lectio v.

ITAQUE si quando peccántes
vidérimus, non solum non
impellámus, sed et extrahá-
mus ex ipso malitiæ bára-
thro : ne et aliénæ perditiónis
pœnas demus. Recordémur
quoque perpétuo terribilis
illius tribunális, flúminis
ignei, vinculórum insolubí-
lium, profundárum tenebrá-
rum, stridórum déntium,
venenosique vermis. Sed
dices : Benígnus est Deus.
Ergo hæc ómnia verba sunt,
et neque punitur dives ille
Lázari contéptor, neque
fátuæ vírgines a sponso reji-
ciúntur? Ergo qui Christum
non pavérunt, in ignem diá-
bolo præparátum non abí-
bunt? Ergo qui sórdidis est
véstibus, non peribit, manus
ac pedes vinctus? Qui cen-
tum denários a consérvo suo
exégit, non tradétur tortó-
ribus? Quod de mœchis di-
ctum est, nimirum quod ver-
mis eórum non moriétur, et

ignis eorum non exstinguetur, verum non erit?

℞. Montes Gélboë. 252.

Lectio vj.

SED minatur ista tantummodo Deus? Utique inquires. Et unde, dic quæso, tantam rem audes publice loqui, atque ex teipso ferre sententiam? Ego quippe et ex iis quæ dixit Deus, et ex iis quæ fecit, contrarium probare poterō. Quod si propter futura non credis, vel saltem propter ea quæ jam facta sunt, crede. Non enim certe minæ sunt et verba tantummodo, quæ facta sunt et in opus ipsum exierunt. Quis igitur totum orbem inducto diluvio stagnavit, ac grave illud naufragium, omnimodamque generis nostri perditionem effecit? Quis deinde fulmina illa, telaque flammantia super terram Sodomorum demisit? Quis universum Ægypti exercitum in mare demersit? Quis synagogam Abiron combussit? Quis septuaginta illa millia propter Davidis peccatum uno temporis momento peste occidit? Nonne hæc omnia et alia Deus illis intulit?

℞. Ego te tuli. 252.

℞. vij. Peccavi super. *ibid.*

℞. viij. Duo Seraphim. *ibid.*

FERIA SECUNDA

De libro quarto Regum.

Lectio j. Cap. 11.

ATHALIA vero mater Ochoziazæ, videns mortuum fi-

lium suum, surrexit, et interfecit omne semen regium. Tollens autem Jósaba filia regis Joram, soror Ochoziazæ, Joas filium Ochoziazæ, furata est eum de medio filiorum regis, qui interficiebantur, et nutricem ejus de triclinio: et abscondit eum a facie Athalizæ ut non interficeretur. Eratque cum ea sex annis clam in domo Domini: porro Athalia regnavit super terram.

℞. Recordare. 206.

Lectio ij.

ANNO autem septimo misit Joiada, et assumens centuriones et milites introduxit ad se in templum Domini, pepigitque cum eis fœdus: et adjurans eos in domo Domini, ostendit eis filium regis: et præcepit illis, dicens: Iste est sermo, quem facere debetis: Tertia pars vestrum introeat sabbato, et observat excubias domus regis. Tertia autem pars sit ad portam Sur: et tertia pars sit ad portam, quæ est post habitaculum scutariorum: et custodiētis excubias domus Messa. Duæ vero partes e vobis, omnes egredientes sabbato, custodiant excubias domus Domini circa regem.

℞. Exaudisti. 207.

Lectio iij.

ET assumētes singuli viros suos, qui ingrediebantur sabbatum, cum his qui egrediebantur sabbato,

venérunt ad Joíadam sacerdotem. Qui dedit eis hastas, et arma regis David, quæ erant in domo Dómini. Et steterunt singuli habéntes arma in manu sua a parte templi dextera, usque ad partem sinistram altáris, et ædis, circum regem. Produxitque filium regis, et pósuit super eum diadéma, et testimoniúm : fecerúntque eum regem, et unxérunt : et plaudéntes manu, dixerunt : Vivat rex.

℞. Audi. 207.

FERIA TERTIA

De libro quarto Regum.

Lectio j. Cap. 12.

ANNO séptimo Jehu regnavit Joas : et quadraginta annis regnavit in Jerúsalem. Nomen matris ejus Sébia de Bersabée. Fecitque Joas rectum coram Dómino cunctis diébus, quibus dócuit eum Joíada sacerdos. Verúm tamen excélsa non abstulit : adhuc enim pópulus immolábat, et adolébat in excélsis incensum.

℞. Dómine. 207.

Lectio ij.

DIXITQUE Joas ad sacerdotes : Omnem pecúniam sanctórum, quæ illáta fúerit in templum Dómini a prætereúntibus, quæ offértur pro pretio animæ, et quam sponte et arbitrio cordis sui inferunt in templum Dómini : accipiant illam sacerdotes

juxta órđinem suum, et instáurent sartatécta domus, si quid necessárium viderint instauratione.

℞. Factum est. 208.

Lectio iij.

IGITUR usque ad vigésimum tertium annum regis Joas, non instauravérunt sacerdotes sartatécta templi. Vocavitque rex Joas Joíadam pontificem et sacerdotes, dicens eis : Quare sartatécta non instaurátis templi? nolite ergo ámplius accipere pecúniam juxta órđinem vestrum, sed ad instaurationem templi réddite eam. Prohibitique sunt sacerdotes ultra accipere pecúniam a pópulo, et instauráre sartatécta domus.

℞. Ego te tuli. 208.

FERIA QUARTA

De libro quarto Regum.

Lectio j. Cap. 13. c

ELISÉUS áutem ægrotábat infirmitate, qua et mórtuus est : descendítque ad eum Joas rex Israël, et flebat coram eo, dicebátque : Pater mi, pater mi, currus Israël et auriga ejus. Et ait illi Eliséus : Affer arcum et sagittas. Cumque attulisset ad eum arcum et sagittas, dixit ad regem Israël : Pone manum tuam super arcum. Et cum posuisset ille manum suam, superpósuit Eliséus manus suas manibus regis, et ait : Aperi fenéstam orientálem. Cumque aperuisset, dixit

Eliséus : Jace sagittam. Et jecit. Et ait Eliséus : Sagitta salutis Dómini, et sagitta salutis contra Sýriam : percutiésque Sýriam in Aphec, donec consúmas eam.

℞. Peccávi. 206.

Lectio ij.

ET ait : Tolle sagittas. Qui cum tulisset, rursum dixit ei : Percute jáculo terram. Et cum percussisset tribus vicibus, et stetisset, irátus est vir Dei contra eum, et ait : Si percussisses quinqúes, aut séxies, sive sépties, percussisses Sýriam usque ad consumptionem : nunc áutem tribus vicibus percúties eam. Mórtuus est ergo Eliséus, et sepeliérunt eum. Latrúnculi áutem de Moab venérunt in terram in ipso anno.

℞. Exaudisti. 207.

Lectio iij.

QUIDAM áutem sepeliéntes hóminem, vidérunt latrúnculos, et projecérunt cadáver in sepúlcro Eliséi. Quod cum tetigisset ossa Eliséi, revixit homo, et stetit super pedes suos. Mórtuus est áutem Házaël rex Sýriæ, et regnávít Bénadad filius ejus pro eo. Porro Joas filius Jóachaz tulit urbes de manu Bénadad filii Házaël, quas túlerat de manu Jóachaz patris sui jure prælii, tribus vicibus percússit eum Joas, et réddidit civitátes Israél.

℞. Audi. 207.

FERIA QUINTA

De libro quarto Regum.

Lectio j. Cap. 17.

ANNO áutem nono Osée, Accipit rex Assyriórum Samariam, et tránstulit Israél in Assýrios : posuitque eos in Hala, et in Habor juxta flúvium Gozan, in civitátibus Medórum. Factum est enim, cum peccássent filii Israél Dómino Deo suo, qui edúxerat eos de terra Ægýpti, de manu Pharaónis regis Ægýpti, coluérunt deos aliénos. Et ambulavérunt juxta ritum géntium, quas consúmpserat Dóminus in conspéctu filiórum Israél, et regum Israél : quia similiter fécerant. Et offendérunt filii Israél verbis non rectis Dóminum Deum suum : et ædificavérunt sibi excélsa in cunctis úrbibus suis.

℞. Præparáte. 250.

Lectio ij.

ET testificátus est Dóminus in Israél et in Juda per manum ómnium Prophetárum et Vidéntium, dicens : Revertimini a viis vestris péssimis, et custodíte præcépta mea, et cæremónias juxta omnem legem, quam præcépi pátribus vestris : et sicut misi ad vos in manu servórum meórum Propheetárum. Qui non audierunt, sed induravérunt cervicem suam juxta cervicem patrum suórum, qui noluérunt obedire Dómino Deo suo. Et

abjecerunt legitima ejus, et pactum, quod pepigit cum patribus eorum, et testificationes, quibus contestatus est eos : secutique sunt vanitates, et vane egerunt.

R. Deus omnium. 251.

Lectio iij.

IRATUSQUE est Dominus vehementer Israeli, et abstulit eos a conspectu suo, et non remansit nisi tribus Juda tantummodo. Sed nec ipse Juda custodivit mandata Domini Dei sui : verum ambulavit in erroribus Israel, quos operatus fuerat. Proiecitque Dominus omne semen Israel, et afflixit eos, et tradidit eos in manu diripientium, donec projiceret eos a facie sua : ex eo jam tempore, quo scissus est Israel a domo David, et constituerunt sibi regem Jeroboam filium Nabat.

R. Dominus. 251.

FERIA SEXTA

De libro quarto Regum.

Lectio j. Cap. 17. d

SEPARAVIT Jeroboam Israel a Domino, et peccare eos fecit peccatum magnum. Et ambulaverunt filii Israel in universis peccatis Jeroboam quae fecerat : et non recesserunt ab eis, usquequo Dominus auferret Israel a facie sua, sicut locutus fuerat in manu omnium servorum suorum Prophetarum : translatusque est Is-

rael de terra sua in Assyrios, usque in diem hanc.

R. Percussit Saul. 251.

Lectio ij.

ADDUXIT autem rex Assyriorum de Babylone, et de Cutha, et de Avah, et de Emath, et de Sepharvaïm : et collocavit eos in civitatibus Samariæ pro filiis Israel : qui possederunt Samariam, et habitaverunt in urbibus ejus. Cumque ibi habitare coepissent, non timebant Dominum : et immisit in eos Dominus leones, qui interficiebant eos.

R. Montes Gélboë. 252.

Lectio iij.

NUNTIATUMQUE est regi Assyriorum, et dictum : Gentes, quas transtulisti, et habitare fecisti in civitatibus Samariæ, ignorant legitima Dei terræ : et immisit in eos Dominus leones, et ecce interficiunt eos, eo quod ignorent ritum Dei terræ. Præcepit autem rex Assyriorum, dicens : Dúcite illuc unum de sacerdotibus, quos inde captivos adduxistis, et vadat, et habitet cum eis : et doceat eos legitima Dei terræ.

R. Ego te tuli. 252.

SABBATO

De libro quarto Regum.

Lectio j. Cap. 18.

ANNO tertio Osée filii Ela regis Israel, regnavit Ezechías filius Achaz regis Juda. Viginti quinque annó-

rum erat, cum regnare cœpisset: et vigintinovemannis regnavit in Jerúsalem: nomen matris ejus Abi filia Zachariæ. Fecitque quod erat bonum coram Dómino, juxta ómnia quæ fécerat David pater ejus. Ipse dissipávit excélsa, et contrívit státuas, et succídit lucos, confregitque serpéntem æneum, quem fécerat Móyses: síquidem usque ad illud tempus filii Israël adolébant ei incénsum: vocavitque nomen ejus Nohéstan. In Dómino Deo Israël sperávit.

℞. Peccávi. 206.

Lectio ij.

ITAQUE post eum non fuit similis ei de cunctis régibus Juda, sed neque in his, qui ante eum fuérunt: et adhæsit Dómino, et non recéssit a vestigiis ejus, fécitque mandáta ejus, quæ præcéperat Dóminus Móysi. Unde et erat Dóminus cum eo, et in cunctis, ad quæ procedébat, sapiénter se agébat. Rebellávit quoque contra regem Assyriórum, et non servívit ei. Ipse percússit Philisthæos usque ad Gazam, et omnes términos eórum, a Turre custódum usque ad civitátem munitam.

℞. Exaudisti. 207.

Lectio iij.

ANNO quarto regis Ezechíæ, qui erat annus séptimus Osée filii Ela regis Israël, ascéndit Salmánasar

rex Assyriórum in Samariam, et oppugnávit eam, et cepit. Nam post annos tres, anno sexto Ezechíæ, id est, nono anno Osée regis Israël, capta est Samaria: et tráns-tulit rex Assyriórum Israël in Assýrios, collocavitque eos in Hala, et in Habor flúviis Gozan in civitatibus Medórum: quia non audiérunt vocem Dómini Dei sui, sed prætergréssi sunt pactum ejus: ómnia, quæ præcéperat Móyses servus Dómini, non audiérunt, neque fecérunt.

℞. Audi Dómine. 207.

Ad Magnif. Ant. Obsecro Dómine, * meménto quæso, quómodo ambuláverim coram te in veritáte, et in corde perfécto, et quod plácitum est coram te, fécerim.

℣. Vespertina orátio ascéndat ad te Dómine. ℞. Et descéndat super nos misericórdia tua.

DOM. XI. POST PENTEC.

IN I. NOCTURNO

De libro quarto Regum.

Lectio j. Cap. 20.

IN diébus illis ægrotávit Ezechías usque ad mortem: et venit ad eum Isaías filius Amos, prophéta, dixitque ei: Hæc dicit Dóminus Deus: Præcipe dómui tuæ: moriérís enim tu, et non vives. Qui convértit faciém suam ad parietem, et orávit Dóminum, dicens: Obsecro Dómine, meménto quæso,

quómodo ambuláverim coram te in veritate, et in corde perfectó, et quod plácitum est coram te, fécerim. Flevit itaque Ezechias fletu magno.

℞. Præparate. 250.

Lectio ij.

ET ántequam egrederétur Isaias médiam partem átrii, factus est sermo Dómini ad eum, dicens : Revertère, et dic Ezechíæ duci pópuli mei : Hæc dicit Dóminus Deus David patris tui : Audívi oratióem tuam, et vidi lácrymas tuas : et ecce sanávi te, die tértio ascéndes templum Dómini. Et addam diébus tuis quíndecim annos : sed et de manu regis Assyriórum liberábo te, et civitátem hanc, et prótegam urbem istam propter me, et propter David servum meum. Dixítque Isaias : Afférte massam ficórum. Quam cum attulíssent, et posuissent super hunc ejus, curátus est.

℞. Deus ómnium. 251.

Lectio iij.

DIXERAT áutem Ezechias ad Isaiam : Quod erit signum, quia Dóminus me sanábit, et quia ascensúrus sum die tértia templum Dómini? Cui ait Isaias : Hoc erit signum a Dómino, quod factúrus sit Dóminus sermónem, quem locútus est : Vis ut ascéndat umbra decem lineis, an ut revertátur tótidem grádibus? Et ait Eze-

chias : Fácile est umbram créscere decem lineis : nec hoc volo ut fiat, sed ut revertátur retrórsum decem grádibus. Invocávit itaque Isaias prophéta Dóminum, et redúxit umbram per lineas, quibus jam descénderat in horológio Achaz, retrórsum decem grádibus.

℞. Dóminus. 251.

IN II. NOCTURNO

De Expositiône sancti Hierónymi Presbýteri in Isaiam Prophétam.

Lib. 11. in Isaiæ cap. 38.

Lectio iv.

NE elevarétur cor Ezechíæ post incredibiles triúmphos, et de média captivitate victóriam, infirmitate corpóris sui visitátur, et áudit se esse moritúrum : ut convérsus ad Dóminum flectat senténtiam ejus. Quod quídem et in Jona prophéta légimus, et in comminatióibus contra David : quæ dicúntur futúra, nec facta sunt, non Deo mutánte senténtiam, sed provocánte humánum genus ad notítiam sui. Dóminus enim pœnitens est super malitiis. Convertitque Ezechias faciém suam ad parietem, quia ad tēplum ire non póterat. Ad parietem áutem templi, juxta quod Sálomon palátium extrúxerat : vel absolúte ad parietem, ne lácrymas suas assidéntibus ostentáre viderétur.

℞. Percússit Saul. 251.

Lectio v.

AUDIENSQUE se esse mortuum, non precatur vitam et annos plurimos, sed in Dei iudicio quid velit prestare, dimittit. Noverat enim idcirco Deo placuisse Salomonem, quod annos vite non petierit ampliores : sed iturus ad Dominum narrat opera sua, quomodo ambulaverit coram eo in veritate et in corde perfecto. Felix conscientia, quae afflictionis tempore bonorum operum recordatur. Beati enim mundo corde : quoniam ipsi Deum videbunt. Et quomodo alibi scribitur : Quis gloriabitur purum habere se cor ? Quod ita solvitur, perfectionem cordis in eo nunc dici, quod idola destruxerit, templi valvas aperuerit, serpentem aeneum comminuerit, et caetera fecerit, quae Scriptura commemorat.

℟. Montes Gélboë. 252.

Lectio vj.

FLEVIT autem fletu magno, propter promissionem Domini ad David, quam videbat in sua morte perituram. Eo enim tempore Ezechias filios non habebat : nam post mortem ejus Manasses, cum duodecim esset annorum, regnare coepit in Judaea : ex quo perspicuum est, post tertium annum concessae vitae Manassen esse generatum. Ergo iste omnis est fletus, quod desperabat

Christum de suo semine nasciturum. Alii asserunt, quamvis sanctos viros morte terreri, propter incertum iudicii, et ignorantem sententiae Dei, quam sedem habituri sint.

℟. Ego te tuli. 252.

℟. vij. Peccavi. *ibid.*

℟. viij. Duo Seraphim. *ibid.*

FERIA SECUNDA

De libro quarto Regum.

Lectio j. Cap. 22.

OCTO annorum erat Josias cum regnare coepisset, triginta et uno anno regnavit in Jerusalem : nomen matris ejus Idida, filia Hadaia de Beseath. Fecitque quod placitum erat coram Domino, et ambulavit per omnes vias David patris sui : non declinavit ad dexteram, sive ad sinistram. Anno autem octavo decimo regis Josiae, misit rex Saphan filium Aslia, filii Messulam scribam templi Domini, dicens ei : Vade ad Helciam sacerdotem magnum, ut conflatur pecunia, quae illata est in templum Domini, quam collegérunt janitores templi a populo, deturque fabris per praepositos domus Domini : qui et distribuant eam his qui operantur in templo Domini.

℟. Recordare. 206.

Lectio ij.

DIXIT autem Helcias pontifex ad Saphan scribam :

Librum legis réperi in domo Dómini : deditque Helcias volúmen Saphan, qui et legit illud. Venit quoque Saphan scriba ad regem, et renuntiávit ei quod præcéperat, et ait : Conflavérunt servi tui pecúniam, quæ reperta est in domo Dómini : et dedérunt ut distribuéretur fabris a præfécis óperum templi Dómini. Narrávit quoque Saphan scriba regi, dicens : Librum dedit mihi Helcias sacerdos.

℞. Exaudisti. 207.

Lectio iij.

QUEM cum legisset Saphan coram rege, et audisset rex verba libri legis Dómini, scidit vestiménta sua. Et præcépit Helciæ sacerdoti, et Ahicam filio Saphan, et Achóbor filio Micha, et Saphan scribæ, et Asaiæ servo regis, dicens : Ite et consúltate Dóminum super me, et super pópulo, et super omni Juda, de verbis volúminis istius, quod invéntum est : magna enim ira Dómini succénsa est contra nos : quia non audierunt patres nostri verba libri hujus, ut fácerent omne quod scriptum est nobis.

℞. Audi. 207.

FERIA TERTIA

De libro quarto Regum.

Lectio j. Cap. 23.

ASCÉNDIT rex templum Dómini, et omnes viri Juda, universique qui habitábant

in Jerúsalem cum eo sacerdotes et prophétæ, et omnis pópulus a parvo usque ad magnum : legitque cunctis audiéntibus ómnia verba libri fœderis, qui invéntus est in domo Dómini. Stetitque rex super gradum : et fœdus percússit coram Dómino, ut ambulárent post Dóminum, et custodirent præcepta ejus, et testimónia, et caeremónias in omni corde, et in tota ánima, et suscitárent verba fœderis hujus, quæ scripta erant in libro illo : acquievitque pópulus pacto.

℞. Dómine. 207.

Lectio ij.

ET præcépit rex Helciæ pontifici, et sacerdotibus secúndi órdis, et janitóribus, ut projicerent de templo Dómini ómnia vasa, quæ facta fúerant Baal, et in luco, et univérsæ militiæ cæli : et combússit ea foris Jerúsalem in conválle Cedron, et tulit púlverem eórum in Bethel. Et delévit arúspices, quos posúerant reges Juda ad sacrificándum in excélsis per civitátes Juda, et in circúitu Jerúsalem : et eos, qui adolébant incensum Baal, et Soli, et Lunæ, et duódecim signis, et omni militiæ cæli.

℞. Factum est. 208.

Lectio iij.

ET efférri fecit lucum de domo Dómini foras Jerúsalem in conválle Cedron, et combússit eum ibi, et

redégit in púlverem, et projécit super sepúlcrâ vulgi. Destrúxit quoque ædiculas effeminatórum, quæ erant in domo Dómini, pro quibus mulieres texébant quasi domúnculas luci. Congregávitque omnes sacerdótes de civitatibus Juda : et contaminávit excélsa, ubi sacrificábant sacerdótes de Gábaa usque Bersabée.

℞. Ego te tuli. 208.

FERIA QUARTA

De libro quarto Regum.

Lectio j. Cap. 23. c

PYTHÓNES, et ariolos, et figúras idolórum, et immundítias, et abominatiónes, quæ fúerant in terra Juda et Jerúsalem, ábstulit Josías : ut statúeret verba legis, quæ scripta sunt in libro, quem invénit Helcias sacérdos in templo Dómini. Similis illi non fuit ante eum rex, qui reverterétur ad Dóminum in omni corde suo, et in tota ánima sua, et in univérſa virtúte sua juxta omnem legem Móysi : neque post eum surréxit similis illi. Verúmtamen non est avérsus Dóminus ab ira furóris sui magni, quo irátus est furor ejus contra Judam : propter irritatiónes, quibus provocáverat eum Manás-ses.

℞. Peccávi. 206.

Lectio ij.

DIXIT itaque Dóminus : Etiam Judam áuferam a

fácie mea, sicut ábstuli Israél : et projiciam civitatē hanc, quam elégi Jerúsalem, et domum, de qua dixi : Erit nomen meum ibi. Réliqua áutem sermónum Josiæ, et univérſa quæ fecit, nonne hæc scripta sunt in libro verbórum diérum regum Juda? In diébus ejus ascendit Phárao Néchao rex Ægýpti, contra regem Assyriórū ad flumen Euphráten : et ábiit Josías rex in occúrsum ejus : et occisus est in Magédodo, cum vidisset eum. Et portavérunt eum servi sui mórtuum de Magédodo : et pertulérunt in Jerúsalem, et sepeliérunt eum in sepúlcro suo.

℞. Exaudisti. 207.

Lectio iij.

TULÍTQUE pópulus terræ Jóachaz filium Josiæ : et unxérunt eum, et constituérunt eum regem pro patre suo. Viginti trium annórum erat Jóachaz cum regnâre cœpisset, et tribus ménsibus regnâvit in Jerúsalem : nomen matris ejus Amital filia Jeremiæ, de Lobna. Et fecit malum coram Dómino, juxta ómnia quæ fécerant patres ejus. Vinxitque eum Phárao Néchao in Rebla, quæ est in terra Emath, ne regnâret in Jerúsalem : et impósuit multam terræ centum taléntis argénti, et talénto áuri. Régemque constituit Phárao Néchao Eliacim filium Josiæ pro Josia patre ejus : verlit-

que nomen ejus Jóakim. Porro Jóachaz tulit, et duxit in Ægyptum, et mórtuus est ibi.

℞. Audi. 207.

FERIA QUINTA

De libro quarto Regum.

Lectio j. Cap. 23. g et 24.

VIGINTIQUÍNQUE annórum erat Jóakim cum regnâre cœpisset : et úndecim annis regnâvit in Jerúsalem: nomen matris ejus Zébida filia Phadaia de Ruma. Et fecit malum coram Dómino, juxta ómnia quæ fécerant patres ejus. In diébus ejus ascéndit Nabuchodónosor rex Babylónis, et factus est ei Jóakim servus tribus annis : et rursum rebellâvit contra eum.

℞. Præparâte. 250.

Lectio ij.

IMMISÍTQUE ei Dóminus latrúnculos Chaldæórum, et latrúnculos Sýriæ, et latrúnculos Moab, et latrúnculos filiórum Ammon : et immisit eos in Judam, ut dispéderenteum, juxta verbum Dómini, quod locútus fúerat per servos suos prophétas. Factum est áutem hoc per verbum Dómini contra Judam, ut auférret eum coram se, propter peccáta Manásse univérsa quæ fecit, et propter ságuinem innóxium, quem effúdit, et implévit Jerúsalem cruóre innocéntium : et ob hanc rem nóluit Dóminus propitiári.

℞. Deus ómnium. 251.

Lectio iij.

RÉLIQUA áutem sermónum Jóakim, et univérsa quæ fecit, nonne hæc scripta sunt in libro sermónum diérum regum Juda? Et dormívit Jóakim cum pátribus suis : et regnâvit Jóachin filius ejus pro eo. Et ultra non áddidit rex Ægypti, ut egredéretur de terra sua : túlerat enim rex Babylónis a rivo Ægypti usque ad flúvium Euphráten, ómnia quæ fúerant regis Ægypti.

℞. Dóminus. 251.

FERIA SEXTA

De libro quarto Regum.

Lectio j. Cap. 24. b

DECIM et octo annórum erat Jóachin cum regnâre cœpisset, et tribus mēsisibus regnâvit in Jerúsalem : nomen matris ejus Nohésta filia Elnathan de Jerúsalem. Et fecit malum coram Dómino, juxta ómnia quæ fécerat pater ejus. In témpore illo ascendérunt servi Nabuchodónosor regis Babylónis in Jerúsalem, et circúmdata est urbs munitiónibus. Venítque Nabuchodónosor rex Babylónis ad civitátem cum servis suis ut oppugnárent eam.

℞. Percússit Saul. 251.

Lectio ij.

EGRESSÚSQUE est Jóachin rex Juda ad regem Babylónis, ipse et mater ejus, et servi ejus, et príncipes ejus, et eunúchi ejus : et

suscipit eum rex Babylónis anno octávo regni sui. Et proutulit inde omnes thesauros domus Dómini, et thesauros domus régiae : et concidit univérſa vasa áurea, quæ fécerat Sálomon rex Israël in templo Dómini juxta verbum Dómini. Et tránstulit omnem Jerúsalem, et univérſos príncipes, et omnes fortes exércitus, decem millia, in captivitatem : et omnem artificem et clusórem : nihilque relictum est, excéptis paupéribus pópli terræ.

℞. Montes Gélboë. 252.

Lectio iij.

TRÁNSTULIT quoque Jóachin in Babylónem, et matrem regis, et uxóres regis, et eunúchos ejus : et júdices terræ duxit in captivitatem de Jerúsalem in Babylónem. Et omnes viros robústos, septem millia, et artifices, et clusóres mille, omnes viros fortes et bellatóres : duxítque eos rex Babylónis captivos in Babylónem. Et constituit Mathaniam pátruum ejus pro eo : imposuitque nomen ei Sedeciam.

℞. Ego te tuli. 252.

SABBATO

De libro quarto Regum.

Lectio j. Cap. 24. d et 25.

VIGÉSIMUM et primum annum ætátis habébat Sédecias cum regnare cœpisset, et úndecim annis re-

gnávit in Jerúsalem : nomen matris ejus erat Amítal filia Jeremíæ de Lobna. Et fecit malum coram Dómino, juxta ómnia quæ fécerat Jóakim. Irascebátur enim Dóminus contra Jerúsalem et contra Judam, donec projiceret eos a fácie sua : recessítque Sedecias a rege Babylónis. Factum est áutem anno nono regni ejus, mense décimo, décima die mensis, venit Nabuchodónosor rex Babylónis, ipse et omnis exércitus ejus in Jerúsalem, et circumdedérunt eam : et exstruxérunt in circúitu ejus munitiões. Et cláusa est civitas atque valláta usque ad undécimum annum regis Sedecíæ, nona die mensis : prævalúitque fames in civitate, nec erat panis pópulo terræ.

℞. Peccávi. 206.

Lectio ij.

ET interrúpta est civitas : et omnes viri bellatóres nocte fugérunt per viam portæ, quæ est inter dúplicem murum ad hortum regis : (porro Chaldæi obsidébant in circúitu civitatem :) fugit itaque Sedecias per viam, quæ ducit ad campéstria solitúdinis. Et persecútus est exércitus Chaldæórum regem, comprehendítque eum in planitie Jéricho : et omnes bellatóres, qui erant cum eo, dispérsi sunt, et reliquérunt eum. Apprehénsum ergo regem duxérunt

ad regem Babylónis in Réblatha : qui locútus est cum eo iudicium. Filios áutem Sedeciæ occidit coram eo, et óculos ejus effódit, vinxítque eum caténis, et addúxit in Babylónem.

℞. Exaudisti. 207.

Lectio iij.

MENSE quinto, séptima die mensis, ipse est annus nonus décimus regis Babylónis : venit Nabuzárdan princeps exércitus, servus regis Babylónis, in Jerúsalem. Et succéndit domum Dómini, et domum regis : et domos Jerúsalem, omnénque domum combússit igni. Et muros Jerúsalem in circúitu destrúxit omnis exércitus Chaldæórum, qui erat cum príncipe militum. Réliquam áutem pópuli partem, quæ remánserat in civitáte, et pérfugas, qui transfúgerant ad regem Babylónis, et réliquum vulgus tránstulit Nabuzárdan princeps militiæ. Et de paupéribus terræ reliquit vinitóres et agricolas. Colúmnas áutem æreas quæ erant in templo Dómini, et bases, et mare æereum, quod erat in domo Dómini, confregérunt Chaldæi, et transtulérunt æs omne in Babylónem.

℞. Audi Dómine. 207.

SABBATO

ANTE DOMINICAM I. AUGUSTI

Ea autem dicitur I. Dominensis, quæ est in Kalen-

dis, vel proximior Kalendis illius mensis : ita ut si Kalendæ fuerint II., III. et IV. Feria, tunc I. Domin. mensis, in qua liber Scripturæ inchoandus ponitur, est ea quæ præcedit Kalendas. Sin autem V. et VI. Feria, vel Sabbato, est ea quæ sequitur. Et in Sabbato præcedenti ad Magnificat, ponatur Ant. illius historiæ, omissa alia quæ forte occurreret.

Historia vero, id est, Responsoria illius libri, si propter aliquod Festum Duplex in Dominica occurrens, poni non possint, primo die infra Hebdomadam, in quo contingit fieri Officium de Feria, ponantur Responsoria I. Nocturni Dominicæ, omissis aliis Responsoriis, si forte in illa Feria haberentur propria, servatis etiam aliis quæ in Rubrica de Responsoriis numero vij. præscripta sunt.

Ad Magnif. Ant. Sapiéntia * ædificávit sibi domum, excidit colúmnas septem, súbdidit sibi gentes, superbórum et sublímiū colla própria virtúte calcávit.

Ÿ. Vespertína orátio ascéndat ad te Dómine. ℞. Et descéndat super nos misericórdia tua.

Oratio quæ contingit in ordine aliarum Dominicarum, ut infra.

DOMINICA I. AUGUSTI

Ponuntur libri Salomonis,
et legitur de eis usque ad
Dominicam I. Septembris.

IN I. NOCTURNO

Incipiunt Parabolæ Salomónis.

Lectio j. Cap. 1.

PARABOLÆ Salomónis, filii David, regis Israël. Ad sciendam sapiéntiam, et disciplinam : ad intelligenda verba prudéntiæ : et suscipiendam eruditiónem doctrinæ, justitiam, et iudícium, et æquitatem : ut detur párvulis astútia, adolescénti sciéntia et intelléctus. Audiens sapiens, sapiéntior erit : et intellígens, gubernácula possidébit. Animadvértet parabolam, et interpretatió-nem, verba sapiéntum, et ænigmata eórum.

R. In principio Deus ántequam terram fáceret, priúsq-uam abyssos constitúeret, priúsq-uam produceret fontes aquárum : * Antequam montes collocaréntur, ante omnes colles generávit me Dóminus. **V.** Quando præparabat cælos, áderam, cum eo cuncta compónens. Antequam.

Lectio ij.

TIMOR Dómini princípium sapiéntiæ. Sapiéntiam, atque doctrinam stulti despíciunt. Audi fili mi disciplinam patris tui, et ne dimittas legem matris tuæ : ut addátur grátia cápiti tuo,

et torques collo tuo. Fili mi, si te lactáverint peccatóres, ne acquiescas eis. Si dixerint : Veni nobiscum, insidiémur sánguini, abscondámus tendículas contra insóntem frustra : deglutiámus eum sicut inférnus vivéntem, et íntegrum quasi descendéntem in lacum. Omnem pretiósam substántiam reperiémus, implébi-mus domos nostras spóliis. Sortem mitte nobiscum, marsúpium unum sit ómnium nostrum.

R. Gyrum cæli circuivi sola, et in flúctibus maris ambulávi, in omni gente et in omni pópulo primátum ténuí : * Superbórum el sublímium colla própria virtúte calcávi. **V.** Ego in altissimis hábito, et thronus meus in columna nubis. Superbórum.

Lectio iij.

FILI mi, ne ambules cum eis, próhibe pedem tuum a sémitis eórum. Pedes enim illórum ad malum currunt, et festinant ut effúndant sánguinem. Frustra áutem jácitur rete ante óculos pen-natórum. Ipsi quoque contra sánguinem suum insidiántur, et moliúntur fráudes contra ánimas suas. Sic sémitæ omnis avári, ánimas possidéntium rápiunt.

R. Emitte Dómine sapiéntiam de sede magnitúdinis tuæ, ut mecum sit, et mecum labóret : * Ut sciam

quid accéptum sit coram te omni témpore. *ŷ.* Da mihi Dómine sédium tuárum assistricem sapiéntiam. Ut. Glória Patri. Ut.

IN II. NOCTURNO

Ex Tractátu sancti Ambrósii
Episcopi in Psalmum centésimum décimum octá-
vum.

Lectio iv. Serm. 5. vers. 6.

INÍTIUM esse sapiéntiæ timó-
rem Dómini, dicit Pro-
phéta. Quid est áutem ini-
tium sapiéntiæ, nisi sæculo
renuntiáre? Quia sápere sæ-
culária, stultitia est. Dénique
sapiéntiam hujus mundi,
stultitiam esse apud Deum,
Apóstolus dicit. Sed et ipse
timor Dómini, nisi secún-
dum sciéntiam sit, nihil pro-
dest, imo obest plúrimum.
Siquidem Judæi habent ze-
lum Dei : sed quia non
habent secúndum sciéntiam,
in ipso zelo et timóre majó-
rem cóntrahunt divinitátis
offénsam. Quod circumci-
dunt infántulos suos, quod
sábbata custódiunt, timórem
Dei habent: sed quia nesciunt
legem spiritálem esse, cir-
cumcidunt corpus, non cor
suum.

ŷ. Da mihi Dómine sédium
tuárum assistricem sapién-
tiam, et noli me reprobáre a
púeris tuis : * Quóniam ser-
vus tuus sum ego, et filius
ancillæ tuæ. *ŷ.* Mitte illam
de sede magnitúdinis tuæ,
ut mecum sit, et mecum
labóret. Quóniam.

Lectio v.

ET quid de Judæis dico?
Sunt étiam in nobis qui
habent timórem Dei, sed
non secúndum sciéntiam,
statuéntes durióra præcé-
pta, quæ non possit humana
conditio sustinére. Timor
in eo est, quia vidéntur sibi
consúlere disciplinæ, opus
virtútis exigere : sed inscítia
in eo est, quia non compa-
tiúntur natúræ, non æstimant
possibilitátem. Non sit ergo
irrationábilis timor. Etenim
vera sapiéntia a timóre Dei
incipit; nec est sapiéntia spi-
ritális sine timóre Dei : ita
timor sine sapiéntia esse non
debet.

ŷ. Initium sapiéntiæ timor
Dómini : * Intelléctus bonus
ómnibus faciéntibus eum :
laudátio ejus manet in sæcu-
lum sæculi. *ŷ.* Diléctio illius
custódia legum est : quia
omnis sapiéntia timor Dó-
mini. Intelléctus.

Lectio vj.

BASIS quædam verbi est ti-
mor sanctus. Sicut enim
simulácrum áliquod in basi
statúitur, et tunc majórem
habet grátiam cum in basi
státua fúerit collocáta, stan-
díque áccipit firmitátem :
ita verbum Dei in timóre
sancto mélius statúitur, fór-
tius radicátur in péctore
timéntis Dóminum : ne labá-
tur verbum de corde viri,
ne véniant vólucres, et áu-
ferant illud de incuriósí et
dissimulántis afféctu.

R. Verbum iniquum et dolósum longe fac a me Dómine : * Divítias et paupertátem ne déderis mihi, sed tantum victui meo tribue necessária. **V.** Duo rogávi te, ne déneges mihi ántequam móriar. Divítias. Glória Patri. Divítias.

R. vij. Dómine pater et Deus vitæ meæ, ne derelinquas me in cogitátu maligno : extolléntiam oculórum meórum ne déderis mihi, et desidérium malignum avérte a me Dómine : áufer a me concupiscéntiam, * Et ánimo irreverénti et infrunito ne tradas me Dómine. **V.** Ne derelinquas me Dómine, ne accréscent ignorántiæ meæ, nec multiplicéntur delicta mea. Et ánimo.

R. viij. Duo Séraphim clamábant alter ad álterum : * Sanctus, sanctus, sanctus Dóminus Deus Sábaoth : * Plena est omnis terra glória ejus. **V.** Tres sunt qui testimónium dant in cælo, Pater, Verbum, et Spíritus sanctus : et hi tres unum sunt. Sanctus. Glória Patri. Plena est.

Responsoria hujus Dominicæ dicuntur in aliis Dominicis usque ad Dominicam I. Septembris.

Infra Hebdomadam, quando Responsoria sumuntur ex III. Nocturno Dominicæ, FERIA IV. et Sabbato post ij. et iij. Lectionem ponitur ij.

et iij. Responsorium Feriæ II. sequentis.

FERIA SECUNDA

De Parábolis Salomónis.

Lectio j. Cap. 3.

FILI mi, ne obliviscáris legis meæ, et præcépta mea cortuum custódiat. Longitúdinem enim diérum, et annos vitæ, et pacem appónent tibi. Misericórdia et véritas te non déserant, circúmda eas gútturi tuo, et describe in tábulis cordis tui : et invénies grátiam, et disciplínam bonam coram Deo et homínibus. Habe fidúciam in Dómino ex toto corde tuo, et ne innitáris prudéntiæ tuæ. In ómnibus viis tuis cógita illum, et ipse diriget gressus tuos.

R. Ne derelinquas me Dómine pater et dominátor vitæ meæ, ut non córruam in conspéctu adversariórum meórum : * Ne gaudeat de me inimicus meus. **V.** Apprehénde arma et scutum, et exsúrge in adjutórium mihi. Ne gaudeat.

Lectio ij.

NE sis sápiens apud temet-ípsam : time Deum, et recéde a malo : sánitas quippe erit umbilico tuo, et irrigátio óssium tuórum. Honóra Dóminum de tua substántia, et de primitiis ómnium frugum tuárum da ei : et implebúntur hórrea tua saturitáte, et vino torculária tua redundábunt.

R. Magna enim sunt iudicia tua Dómine, et inenarrabilia verba tua : * Magnificásti pópulum tuum, et honorásti. **V.** Transtulísti illos per mare Rubrum, et transvexisti eos per aquam nínam. Magnificásti.

Lectio iij.

DISCIPLÍNAM Dómini, fili mi, ne abjicias : nec deficias, cum ab eo corríperis : quem enim diligit Dóminus, corripit : et quasi pater in filio cómplacet sibi. Beátus homo, qui invénit sapiéntiam, et qui áffluit prudéntia : mélior est acquisitio ejus negotiatióne argénti, et áuri primi et puríssimi fructus ejus : pretiósior est cunctis ópibus : et ómnia, quæ desiderántur, huic non valent comparári.

R. Quæ sunt in corde hóminum, óculi tui vident Dómine, et in libro tuo ómnia scribéntur : * Homo videt in fácie, Deus áutem in corde. **V.** Omnia enim corda scrutátur, et univérsas méntium cogitatiónes intélligit. Homo. Glória. Homo.

Responsoria propria hujus II. et III. Feriæ repetuntur in omnibus II. et III. Feriis usque ad Dominicam I. Sept.

FERIA TERTIA

De Parábolis Salomónis.

Lectio j. Cap. 5.

FILI mi, atténde ad sapiéntiam meam, et prudéntiæ meæ inclina áurem tuam,

ut custódias cogitatiónes, et disciplinam lábia tua cónservent. Ne atténdas falláciæ mulieris. Favus enim distillans lábia meretricis, et nitídus óleo guttur ejus. Novíssima áutem illius amara quasi absýnthium, et acúta quasi gládus biceps. Pedes ejus descéndunt in mortem, et ad inferos gressus illius pénétrant. Per sémitam vitæ non ámbulant, vagi sunt gressus ejus et investigábiles.

R. Præbe fili cor mihi, et óculi tui vias meas custódiant : * Ut addátur grátia cápiti tuo. **V.** Atténde fili mi sapiéntiam meam, et ad elóquium meum inclina áurem tuam. Ut.

Lectio ij.

NUNC ergo fili mi áudi me, et ne recédas a verbis oris mei. Longe fac ab ea viam tuam, et ne appropinques fóribus domus ejus. Ne des aliénis honórem tuum, et annos tuos crudéli : Ne forte impleántur extránei viribus tuis, et labóres tui sint in domo aliéna, et gemas in novíssimis, quando consúmpseris carnes tuas et corpus tuum, et dicas : Cur detestátus sum disciplinam, et increpatiónibus non acquiévit cor meum, nec audiui vocem docéntium me, et magistris non inclinávi áurem meam?

R. Initium sapiéntiæ timor Dómini : * Intelléctus bonus

ómnibus faciéntibus eum : laudátio ejus manet in sáculum séculi. **V.** Diléctio illius custódia legum est : quia omnis sapiéntia timor Dómini. Intelléctus.

Lectio iij.

QUARE sedúceris, fili mi, ab aliéna, et fovéris in sinu altérius? Réspicit Dóminus vias hóminis, et omnes gressus ejus considerat. Iniquitátes suæ cápiunt ímpium, et fúnibus peccatórum suórum constringitur. Ipse moriétur, quia non hábuit disciplinam, et in multitudíne stultitiæ suæ decipiétur.

R. Verbum iníquum et dolósum longe fac a me Dómine : *Divítias et paupertátem ne déderis mihi, sed tantum víctui meo tribue necessariá. **V.** Duo rogávi te, ne déneges mihi ántequam móriar. Divítias. Glória Patri. Divítias.

FERIA QUARTA

De Parábolis Salomónis.

Lectio j. Cap. 8.

NUMQUID non sapiéntia clámitat, et prudéntia dat vocem suam? In summis, excelsisque verticibus supra viam, in médiis sémitis stans, juxta portas civitátis in ipsis fóribus lóquitur, dicens : O viri, ad vos clámíto, et vox mea ad filios hóminum. Intelligite párvuli astútiam, et insipiéntes animadvértite. Audite, quóniam de rebus magnis locutúra sum : et

aperiéntur lábia mea, ut recta prædicent.

R. Dómine pater. 274.

Lectio ij.

VERITÁTEM meditábitur guttur meum, et lábia mea detestabúntur ímpium. Justi sunt omnes sermónes mei, non est in eis pravum quid, neque perversum. Recti sunt intelligéntibus, et æqui inveniéntibus sciéntiam. Accipite disciplinam meam, et non pecúniám : doctrínam magis, quam áurum eligit. Mélior est enim sapiéntia cunctis pretiosis-
simis : et omne desiderábile ei non potest comparári.

R. Magna enim. 275.

Lectio iij.

EGO sapiéntia hábito in consílio, et eruditís intérsus cogitátionibus. Timor Dómini odit malum : arrogántiam, et supérbiam, et viam pravam, et os bilingue deléstor. Meum est consílium, et æquitas, mea est prudéntia, mea est fortitúdo. Per me reges regnant, et legum conditóres justa decérnunt : per me principes ímperant, et poténtes decérnunt justitiam. Ego diligéntes me diligo : et qui mane vigílant ad me, invénient me.

R. Quæ sunt. 275.

FERIA QUINTA

De Parábolis Salomónis.

Lectio j. Cap. 10.

FÍLIUS sápiens lætificat patrem : filius vero stultus

mœstitia est matris suæ. Nil pröderunt thesauri impietatis : iustitia vero liberabit a morte. Non affliget Dominus famē animam iusti, et insidias impiōrum subvertet. Egestatem operata est manus remissa : manus autem fortium divitias parat. Qui nititur mendaciis, hic pascit ventos : idem autem ipse sequitur aves volantes. Qui congregat in messe, filius sapiens est : qui autem sterit æstate, filius confusiōnis.

℞. In principio. 272.

Lectio ij.

BENEDICTIO Domini super caput iusti : os autem impiōrum operit iniquitas. Memoria iusti cum laudibus : et nomen impiōrum putrescet. Sapiens corde præcepta suscipit : stultus cæditur labiis. Qui ambulat simpliciter, ambulat confidenter : qui autem depravat vias suas, manifestus erit. Qui annuit oculo, dabit dolorem : et stultus labiis verberabitur.

℞. Gyrum. 272.

Lectio iij.

VENA vitæ, os iusti : et os impiōrum operit iniquitatem. Odium suscitatur rixas : et universa delicta operit caritas. In labiis sapientis invenitur sapientia : et virga in dorso ejus qui indiget corde. Sapientes abscondunt scientiam : os autem stulti confusiōni proximum est. Substantia divitis, urbs

fortitudinis ejus : pavor pauperum, egestas eorum. Opus iusti ad vitam : fructus autem impii ad peccatum.

℞. Emitte Domine. 272.

FERIA SEXTA

De Parabolis Salomonis.

Lectio j. Cap. 14.

SAPIENS mulier ædificat domum suam : insipiens extructam quoque manibus destruet. Ambulans recto itinere, et timens Deum, despicitur ab eo, qui infami graditur via. In ore stulti virga superbiæ : labia autem sapientium custodiunt eos. Ubi non sunt boves, præsepe vacuum est : ubi autem plurimæ segetes, ibi manifesta est fortitudo bovis. Testis fidelis non mentitur : profert autem mendacium dolosus testis.

℞. Da mihi. 273.

Lectio ij.

QUÆRIT derisor sapientiam, et non invenit : doctrina prudentium facilis. Vade contra virum stultum, et nescit labia prudentiæ. Sapientia callidi est intelligere viam suam : et imprudentia stultorum errans. Stultus illudet peccatum, et inter justos morabitur gratia. Cor quod novit amaritudinem animæ suæ, in gaudio ejus non miscbitur extraneus. Domus impiōrum delēbitur : tabernacula vero justorum germinabunt.

℞. Initium sapientiæ. 273.

Lectio iij.

EST via, quæ videtur hómini justa : novíssima autem ejus dedúcunt ad mortem. Risus dolóre miscébitur, et extréma gáudii luctus occupat. Viis suis replébitur stultus, et super eum erit vir bonus. Innocens credit omni verbo : astútus considerat gressus suos. Filio dolóso nihil erit boni : servo autem sapiénti prósperi erunt actus, et dirigétur via ejus. Sápiens timet, et declinat a malo : stultus tránsilit, et confidit.

℞. Verbum iniquum. 274.

SABBATO

De Parábolis Salomónis.

Lectio j. Cap. 16.

HÓMINIS est ánimam præparare : et Dómini gubernare linguam. Omnes viæ hóminis patent óculis ejus : spirituum ponderátor est Dóminus. Revela Dómino ópera tua, et dirigéntur cogitationes tuæ. Univérsa propter semetipsum operátus est Dóminus : ímpium quoque ad diem malum. Abominatio Dómini est omnis árrogans : étiam si manus ad manum fúerit, non est innocens.

℞. Dómine pater. 274.

Lectio ij.

INÍTIUM viæ bonæ, fácere iustitiam : accépta est autem apud Deum magis, quam immolare hóstias. Misericórdia et veritáte redímitur ini-

quitas : et in timóre Dómini declínatur a malo. Cum placuerint Dómino viæ hóminis, inimicos quoque ejus convértet ad pacem. Mélius est parum cum iustitia, quam multi fructus cum iniquitáte. Cor hóminis dispónit viam suam : sed Dómini est dirigere gressus ejus.

℞. Magna. 275.

Lectio iij.

DIVINATIO in lábiis regis, in iudicio non errábit os ejus. Pondus et statéra iudicia Dómini sunt : et ópera ejus omnes lápidés sácculi. Abominábiles regi qui agunt ímpie : quóniam iustitia firmátur sólum. Volúntas regum lábia justa : qui recta lóquitur, diligétur : Indignatio regis, núntii mortis : et vir sápiens placábit eam. In hilaritáte vultus regis, vita : et cleméntia ejus quasi imber serótinus.

℞. Quæ sunt. 275.

Ad Magnif. Ant. Ego in altíssimis * hábito : et thronus meus in columna nubis.

℞. Vespertína orátio ascéndat ad te Dómine. ℞. Et descéndat super nos misericórdia tua.

DOMINICA II. AUGUSTI

IN I. NOCTURNO

Incipit liber Ecclesiástes.

Lectio j. Cap. 1.

VERBA Ecclesiástæ, filii David, regis Jerúsalem. Vánitas vanitátum, dixit Ecclesiástes : vánitas vanitá-

tum, et ómnia vánitas. Quid habet ámplius homo de univérso labóre suo, quo labórat sub sole? Generátio præterit, et generátio ádvenit : terra áutem in ætérnum stat. Oritur sol, et óccidit, et ad locum suum revértitur : ibique renáscens, gyrat per Meridiem, et fléctitur ad Aquilónem : lustrans univérsa in circúitu pergit spíritus, et in circulos suos revértitur. Omnia flúmina intrant in mare, et mare non redúndat : ad locum, unde éxeunt flúmina, revertúntur ut íterum fluant.

R. In principio Deus ántequam terram fáceret, priúsqum abýssos constitúeret, priúsqum producéret fontes aquárum : * Antequam montes collocaréntur, ante omnes colles generávit me Dóminus. **V.** Quando præparábat cælos, áderam, cum eo cuncta compónens. Antequam.

Lectio ij.

CUNCTÆ res difficiles : non potest eas homo explicáre sermóne. Non saturátur óculus visu, nec áuris auditu implétur. Quid est quod fuit? ipsum quod futúrum est. Quid est quod factum est? ipsum quod faciéndum est. Nihil sub sole novum, nec valet quisquam dicere : Ecce hoc recens est : jam enim præcéssit in sæculis, quæ fuérunt ante nos. Non est priórum memória :

sed nec eórum quidem, quæ póstea futúra sunt, erit recordátio apud eos, qui futúri sunt in novíssimo.

R. Gyrum cæli circuivi sola, et in flúctibus maris ambulávi, in omni gente et in omni pópulo primátum ténui : * Superbórum et sublímium colla própria virtúte calcávi. **V.** Ego in altíssimis hábito, et thronus meus in colúmna nubis. Superbórum.

Lectio iij.

EGO Ecclesiástes fui rex Israël in Jerúsalem, et propósui in ánimo meo quærere et investigáre sapiénter de ómnibus, quæ fiunt sub sole. Hanc occupatióem péssimam dedit Deus filiis hóminum, ut occuparéntur in ea. Vidi cuncta, quæ fiunt sub sole, et ecce univérsa vánitas, et afflictio spíritus. Pervérsi difíciliter corrigúntur, et stultórum infinitus est númerus. Locútus sum in corde meo dicens : Ecce magnus efféctus sum, et præcéssi omnes sapiéntia, qui fuérunt ante me in Jerúsalem : et mens mea contempláta est multa sapiénter, et didici. Deditque cor meum ut scirem prudéntiam atque doctrinam, errorésque et stultitiam.

R. Emitte Dómine sapiéntiam de sede magnitúdinis tuæ, ut mecum sit, et mecum labóret : * Ut sciam

quid acceptum sit coram te omni tēpore. *ŷ.* Da mihi Dómine sēdium tuárum assistricem sapiéntiam. Ut. Glória Patri. Ut.

IN II. NOCTURNO

Sermo sancti Joáhnis
Chrysóstomi.

Sermo contra concubina-
rios, in fine, tom. 5.

Lectio iv.

SÁLOMON cum sæculárium rerum concupiscéntia tenerétur, magnas eas et admirándas putábat, multúmque in eis labóris et sollicitúdinis insumébat, magnificas ædificándo domos, copiósum coacervándo áurum, congregándo cantórum choros, vária génera ministrórum mensæ et popinæ, quæréndo animæ suæ voluptátem ab hortórum et córporum formosórum grátia, et omnem, ut ita dicam, oblectatiónis et refrigerií viam sectándo.

ŷ. Da mihi Dómine sēdium tuárum assistricem sapiéntiam, et noli me reprobaré a púeris tuis : * Quóniam servus tuus sum ego, et filius ancillæ tuæ. *ŷ.* Mitte illam de sede magnitúdinis tuæ, ut mecum sit, et mecum labóret. Quóniam.

Lectio v.

AT ubi inde ad se revérsus, et quasi ex umbrósa quadam abyísso ad lumen veræ sapiéntiæ respícere vóluit, tunc sublimem illam, et cæ-

lis dignam emisit vocem : Vánitas vanitátum, dicens, et ómnia vánitas. Hanc et vos, et hac sublimiorem, si voluéritis, efferétis sententiam de intempestiva hac voluptáte, si aliquantisper a mala consuetúdine vos sequestravéritis.

ŷ. Inítium sapiéntiæ timor Dómini : * Intelléctus bonus ómnibus faciéntibus eum : laudátio ejus manet in sæculum sæculi. *ŷ.* Diléctio illius custódia legum est : quia omnis sapiéntia timor Dómini. Intelléctus.

Lectio vj.

QUAMVIS autem a Salomóne sæculis superióribus non tam multa sapiéntiæ exigebátur diligéntia : neque enim delicias lex vetus prohibebat, neque áliis frui supervácuus dicebat vanum : attamen et sic se habéntibus rebus, in ipsis contuéri licébit, quam viles, et vanitati obnoxíæ res sint. Nos vero ad majórem vocáti vitam, et ad excelléntius fastigium ascéndimus, et in majóribus exercémur palæstris : et quid áliud, quam quod, sicut supérnæ virtútes intellectuáles et incorpóreæ illæ, vitam institúere jubémur?

ŷ. Verbum iníquum et dólusum longe fac a me Dómine : * Divítias et paupertátem ne déderis mihi, sed tantum victui meo tribue necessariá. *ŷ.* Duo rogávi te, ne déneges mihi ántequam

móriar. Divítias. Glória Patri. Divítias.

R. vij. Dómine pater et Deus vitæ meæ, ne derelinquas me in cogitatu maligno : extolléntiam oculórum meórum ne déderis mihi, et desidérium malignum avérte a me Dómine : áufer a me concupiscéntiam, * Et ánimo irreverénti et infrunito ne tradas me Dómine. **V.** Ne derelinquas me Dómine, ne accréscent ignorántiæ meæ, nec multiplicéntur delicta mea. Et ánimo.

R. viij. Duo Séraphim clamábant alter ad álterum : * Sanctus, sanctus, sanctus Dóminus Deus Sábaoth : * Plena est omnis terra glória ejus. **V.** Tres sunt qui testimoniúm dant in cælo, Pater, Verbum, et Spíritus sanctus : et hi tres unum sunt. Sanctus. Glória Patri. Plena.

FERIA SECUNDA

De libro Ecclesiástæ.

Lectio j. Cap. 2.

DIXI ego in corde meo : Vadam, et áffluam deliciis, et fruar bonis. Et vidi quod hoc quoque esset vānitas. Risum reputávi errórem : et gáudio dixi : Quid frustra decíperis ? Cogitávi in corde meo abstráhere a vino carnem meam, ut ánimum meum transférrem ad sapiéntiam, devitarémque stultitiam, donec vidérem quid esset útile filiis hómi-

num : quo facto opus est sub sole número diérum vitæ suæ. Magnificávi ópera mea, ædificávi mihi domos, et plantávi vineas.

R. Ne derelinquas. 274.

Lectio ij.

POSSÉDI servos et ancillas, multámque familiam hábui : arménta quoque, et magnos óvium greges ultra omnes qui fuérunt ante me in Jerúsalem : coacervávi mihi argéntum, et áurum, et substántias regum, ac provinciárum : feci mihi cantóres, et cantatrices, et delicias filiórum hóminum, scyphos, et úrceos in ministério ad vina fundénda : et supergréssus sum ópibus omnes, qui ante me fuérunt in Jerúsalem : sapiéntia quoque perseverávit mecum.

R. Magna. 275.

Lectio iij.

ET ómnia, quæ desideráverunt óculi mei, non negávi eis : nec prohibui cor meum quin omni voluptáte fruerétur, et oblectáret se in his, quæ præparáveram : et hanc ratus sum partem meam, si úterer labóre meo. Cumque me convertissem ad univérsa ópera, quæ fécerant manus meæ, et ad labóres, in quibus frustra sudáveram, vidi in ómnibus vanitátem et afflictiónem ánimi, et nihil permanére sub sole.

R. Quæ sunt. 275.

FERIA TERTIA

De libro Ecclesiástæ.

Lectio j. Cap. 3.

OMNIA tempus habent, et suis spátiis tránseunt univérſa sub cælo. Tempus nascéndi, et tempus moriéndi. Tempus plantánda, et tempus evellénda quod plantátum est. Tempus occidénda, et tempus sanánda. Tempus destruénda, et tempus ædificánda. Tempus flénda, et tempus ridénda. Tempus plangénda, et tempus saltánda. Tempus spargénda lápidés, et tempus colligénda. Tempus amplexánda, et tempus longe fieri ab ampléxibus. Tempus acquirénda, et tempus perdénda. Tempus custodiénda, et tempus abjiciénda. Tempus scindénda, et tempus consuénda. Tempus tacénda, et tempus loquénda. Tempus dilectiónis, et tempus ódii. Tempus belli, et tempus pacis.

*R̃. Præbe fili. 275.**Lectio ij.*

QUID habet ámplius homo de labóre suo? Vidi afflictiónem, quam dedit Deus filiis hóminum, ut distendántur in ea. Cuncta fecit bona in témpore suo, et mundum trádidit disputatióni eórum, ut non invéniat homo opus, quod operátus est Deus ab inítio usque ad finem. Et cognóvi quod non esset mélius nisi lætári, et fácere bene in vita sua.

Omnis enim homo, qui cómedit et bibit, et videt bonum de labóre suo, hoc donum Dei est.

*R̃. Inítium sapiéntiæ. 276.**Lectio iij.*

DÍDICI quod ómnia ópera, quæ fecit Deus, perseverént in perpétuum: non pòssumus eis quidquam áddere, nec auférre, quæ fecit Deus ut timeátur. Quod factum est, ipsum pèrmanet: quæ futúra sunt, jam fuérunt: et Deus instáurat quod ábiit. Vidi sub sole in loco judicii impietátem, et in loco justitiæ iniquitátem. Et dixi in corde meo: Justum, et ímpium judicábit Deus, et tempus omnis rei tunc erit.

R̃. Verbum iníquum. 276.

FERIA QUARTA

De libro Ecclesiástæ.

Lectio j. Cap. 4.

VERTI me ad ália, et vidi calúmnia, quæ sub sole gerúntur, et lácrymas innocentium, et néminem consolátorem: nec posse resistere eórum violéntiæ, cunctórum auxilio destitútos. Et laudávi magis mórtuos, quam vivéntes: et feliciórem utróque judicávi, qui necdum natus est, nec vidit mala quæ sub sole fiunt. Rursum contemplátus sum omnes labóres hóminum, et indústrias animadvérte patére invidiæ próximi: et in hoc ergo vánitas, et cura supérflua est.

R̃. Dómine pater. 274.

Lectio ij.

STULTUS cómplicat manus suas, et cómedit carnes suas, dicens : Mélior est pugillus cum réquie, quam plena útraque manus cum labóre, et afflictióné ánimí. Considerans réperi et áliam vanitátem sub sole : unus est, et secúndum non habet, non filium, non fratrem, et tamen laboráre non cessat, nec satiántur óculi ejus divitiis : nec recógitat, dicens : Cui labóro, et fráudo ánimam meam bonis? in hoc quoque vánitas est, et afflictio péssima.

℞. Magna. 275.

Lectio iij.

MÉLIUS est ergo duos esse simul, quam unum : habent enim emolumentum societátis suæ : si unus ceciderit, ab áltero fulciétur. Væ soli : quia cum ceciderit, non habet sublevántem se. Et si dormierint duo, fovebúntur mútuo : unus quómodo calefiet? Etsi quispiam prævalúerit contra unum, duo resistunt ei : funiculus triplex difficile rúmpitur. Mélior est puer páuper et sapiens, rege sene et stulto, qui nescit prævidére in pósterum.

℞. Quæ sunt. 275.

FERIA QUINTA

De libro Ecclesiástæ.

Lectio j. Cap. 5.

NE témere quid loquáris, neque cor tuum sit velox

ad proferéndum sermónem coram Deo. Deus enim in cælo, et tu super terram : idcirco sint páuci sermónes tui. Multas curas sequúntur sómnia, et in multis sermónibus inveniétur stultitia. Si quid vovisti Deo, ne moréris réddere : displicet enim ei infidélis et stulta promissio. Sed quodcúmque vóveris, redde : multóque mélius est non vovére, quam post votum promissa non réddere.

℞. In principio. 279.

Lectio ij.

NE déderis os tuum ut pec- cáre fácias carnem tuam : neque dicas coram Angelo : Non est providéntia : ne forte irátus Deus contra sermónes tuos, dissipet cuncta ópera mánuum tuárum. Ubi multa sunt sómnia, plúrimæ sunt vanitátes, et sermónes innúmeri : tu vero Deum time. Si videris calúmnias egenórum, et violénta judícia, et subvérti justitiam in província, non miréris super hoc negótio : quia excélso excélsior est álius, et super hos quoque eminentióres sunt álíi, et insuper univér-sæ terræ rex imperat serviénti.

℞. Gyrum cæli. 279.

Lectio iij.

AVÁRUS non implébitur pecúnia : et qui amat divítias, fructum non cápiet ex eis : et hoc ergo vánitas. Ubi multæ sunt opes, multi

et qui cómedunt eas. Et quid prodest possessóri, nisi quod cernit divitias óculis suis? Dulcis est somnus operánti, sive parum, sive multum cómedat : satúritas áutem divitis non sinit eum dormire. Est et ália infirmitas péssima, quam vidi sub sole : divitiæ conservátæ in malum dómini sui. Péreunt enim in afflictióné péssima : generávit filium, qui in summa egestáte erit.

℞. Emitte Dómine. 279.

FERIA SEXTA

De libro Ecclesiástæ.

Lectio j. Cap. 6.

EST et áliud malum, quod vidi sub sole, et quidem frequens apud hómines : Vir, cui dedit Deus divitias, et substántiam, et honórem, et nihil deest ánimæ suæ ex ómnibus, quæ desiderat : nec tribuit ei potestátem Deus ut cómedat ex eo, sed homo extráneus vorábit illud. Hoc vánitas, et miséria magna est.

℞. Da mihi. 280.

Lectio ij.

SI genúerit quispiam centum liberos, et vixerit multos annos, et plures dies ætátis habúerit, et ánima illius non utátur bonis substántiæ suæ, sepulturáque cáreat : de hoc ego pronúntio quod mélior illo sit abortívus. Frustra enim venit, et pergit ad ténebras, et obli-vióne delébitur nomen ejus.

Non vidit solem, neque cognóvit distántiam boni et mali : étiam si duóbus milibus annis vixerit, et non fúerit perfrúitus bonis.

℞. Inítium sapiéntiæ. 280.

Lectio iij.

NONNE ad unum locum próperant ómnia? Omnis labor hóminis in ore ejus : sed ánima ejus non implébitur. Quid habet ámplius sápiens a stulto? et quid páuper, nisi ut pergat illuc, ubi est vita? Mélius est vidére quod cúpias, quam desideráre quod nescias. Sed et hoc vánitas est, et præsumptio spiritus.

℞. Verbum iniquum. 280.

SABBATO

De libro Ecclesiástæ.

Lectio j. Cap. 7.

QUID necesse est hómini majóra se quærere, cum ignóret quid condúcat sibi in vita sua número diérum peregrinatiónis suæ, et tēpore, quod velut umbra præterit? Aut quis ei póterit indicáre quid post eum futúrum sub sole sit? Mélius est nomen bonum, quam unguénta pretiósá : et dies mortis die nativitátis. Mélius est ire ad domum luctus, quam ad domum convivii : in illa enim finis cunctórum admonétur hóminum, et vivens cógitat quid futúrum sit.

℞. Dómine pater. 274.

Lectio ij.

MÉLIOR est ira risu : quia per tristitiam vultus, corrigitur ánimusdelinquéntis. Cor sapiéntium ubi tristitia est, et cor stultórum ubi lætitia. Mélius est a sapiénte córripi, quam stultórum adulatióne decipi. Quia sicut sónitus spinárum ardéntium sub olla, sic risus stulti : sed et hoc vánitas. Calúmnia contúrbat sapiéntem, et perdet robur cordis illius. Mélior est finis oratiónis, quam principium. Mélior est pátiens arrogánte.

℞. Magna enim. 275.

Lectio iij.

NE dicas : Quid putas cáusæ est quod prióra témpora melióra fuére quam nunc sunt? stulta enim est hujuscémodi interrogátio. Utilior est sapiéntia cum divitiis, et magis prodest vidéntibus solem. Sicut enim protégit sapiéntia, sic protégit pecúnia. Hoc áutem plus habet eruditio et sapiéntia, quod vitam tribuunt possessóri suo. Considera ópera Dei, quod nemo possit corrigere quem ille despéxerit.

℞. Quæ sunt. 275.

Ad Magnif. Ant. Omnis sapiéntia * a Dómino Deo est, et cum illo fuit semper, et est ante ævum.

℣. Vespertina orátio ascéndat ad te Dómine. ℞. Et descéndat super nos misericórdia tua.

Si sequens Dominica ve-

nerit in die Assumptionis beatæ Mariæ, vel sancti Hyacinthi, vel in die Octava sancti Laurentii, liber Sapientiae ponitur in ipsa die sancti Hyacinthi, vel in die Octava sancti Laurentii, et de eo legitur in Festo sancti Bernardi, et post Octavam Assumptionis beatæ Mariæ, si supersit dies, usque ad sequentem Dominicam.

DOMINICA III. AUGUSTI

IN I. NOCTURNO

Incipit liber Sapientiae.

Lectio j. Cap. 1.

DILIGITE justitiam, qui iudicátis terram. Sentíte de Dómino in bonitáte, et in simplicitáte cordis quærite illum : quóniam invenitur ab his, qui non tentant illum : appáret áutem eis, qui fidem habent in illum : perversæ enim cogitatiónes separant a Deo : probáta áutem virtus córripit insipientes. Quóniam in malévolam ánimam non introibit sapiéntia, nec habitábit in corpore súbdito peccátis.

℞. In principio. 279.

Lectio ij.

SPÍRITUS enim sanctus disciplinae effúgiet fictum, et áuferet se a cogitatióibus, quæ sunt sine intellectu, et corripiétur a superveniénte iniquitáte. Benígnus est enim spíritus sapiéntiæ, et non liberábit maledictum a lábiis suis : quóniam renum illius testis

est Deus, et cordis illius scrutator est verus, et linguæ ejus auditor. Quoniam spiritus Domini replévit orbem terrarum: et hoc, quod continet omnia, scientiam habet vocis. Propter hoc qui loquitur iniqua, non potest latere, nec præteriet illum corripiens judicium.

℞. Gyrum cæli. 279.

Lectio iij.

IN cogitationibus enim impii interrogatio erit: sermonum autem illius auditio ad Deum veniet, ad correctionem iniquitatum illius. Quoniam auris zeli audit omnia, et tumultus murmurationum non abscondetur. Custodite ergo vos a murmuratione, quæ nihil prodest, et a detractioe parcite linguæ, quoniam sermo obscurus in vacuum non ibit: os autem, quod mentitur, occidit animam.

℞. Emitte Domine. 279.

IN II. NOCTURNO

Ex libro Officiorum sancti Ambrósii Episcopi.

Lectio iv.

Lib. 1. Cap. 28.

MAGNUS justitiæ splendor, quæ aliis potius nata, quam sibi, communitatem et societatem nostram adjuvat, excelsitatem tenet, ut suo judicio omnia subiecta habeat, opem aliis ferat, pecuniam conferat, officia non abnuat, pericula suscipiat aliena. Quis non cuperet hanc virtutis arcem tenere,

nisi prima avaritia infirmaret atque inflecteret tantæ virtutis vigorem? Etenim dum augere opes, aggregare pecunias, occupare terras possessionibus cupimus, præstare divitiis; justitiæ formam exuimus, beneficentiam communem amittimus.

℞. Da mihi Domine. 280.

Lectio v.

QUANTA autem justitia sit, ex hoc intelligi potest, quod nec locis, nec personis, nec temporibus excipitur, quæ etiam hostibus reservatur: ut si constitutus sit cum hoste aut locus, aut dies prælio, adversus justitiam putetur aut loco prævenire, aut tempore. Interest enim utrum aliquis pugna aliqua et conflictu gravi capiatur, an superiore gratia, vel aliquo eventu. Si ergo in bello justitia valet, quanto magis in pace servanda est?

℞. Initium sapientiae. 280.

Lectio vj.

FUNDAMENTUM ergo est justitiæ fides. Justorum enim corda meditantur fidem: et qui se justus accusat, justitiam supra fidem collocat. Nam tunc justitia ejus apparet, si vera fateatur. Denique et Dominus per Isaïam: Ecce, inquit, mitto lapidem in fundamentum Sion: id est, Christum in fundamentum Ecclesiæ. Fides enim omnium Chri-

stus : Ecclesia autem quædam forma justitiæ est, commune jus omnium : in commune orat, in commune operatur, in commune tentatur. Denique qui seipsum sibi abnegat, ipse justus, ipse dignus Christo est. Ideo et Paulus fundamentum posuit Christum, ut supra eum opera justitiæ locaremus : quia fides fundamentum est.

¶ Verbum iniquum. 280.

¶ vij. Domine pater. 281.

¶ viij. Duo Seraphim. ibid.

FERIA SECUNDA

De libro Sapientiæ.

Lectio j. Cap. 3.

JUSTORUM autem animæ in manu Dei sunt, et non tanget illos tormentum mortis. Visi sunt oculis insipientium mori : et æstimata est afflictio exitus illorum : et quod a nobis est iter, exterminium : illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponentur : quoniam Deus tentavit eos, et invenit illos dignos se. Tamquam aurum in fornace probavit illos, et quasi holocausti hostiam accepit illos, et in tempore erit respectus illorum.

¶ Ne derelinquas. 274.

Lectio ij.

FULGEBUNT justi et tamquam scintillæ in arun-

dinato discurrent. Judicabunt nationes, et dominabuntur populis, et regnabit Dominus illorum in perpetuum. Qui confidunt in illo, intelligent veritatem : et fideles in dilectione acquiescent illi : quoniam donum et pax est electis ejus. Impii autem secundum quæ cogitaverunt, correptionem habebunt : qui neglexerunt justum, et a Domino recesserunt. Sapientiam enim, et disciplinam qui abjicit, infelix est : et vacua est spes illorum, et labores sine fructu, et inutilia opera eorum.

¶ Magna enim sunt judicia. 275.

Lectio iij. Cap. 5. c

JUSTI autem in perpetuum vivent, et apud Dominum est merces eorum, et cogitatio illorum apud Altissimum. Ideo accipient regnum decoris, et diadema speciei de manu Domini : quoniam dextera sua teget eos, et brachio sancto suo defendet illos. Accipiet armaturam zelus illius, et armabit creaturam ad ultionem inimicorum. Induet pro thorace justitiam, et accipiet pro galea iudicium certum. Sumet scutum inexpugnabile æquitatem : acuet autem duram iram in lanceam, et pugnabit cum illo orbis terrarum contra insensatos.

¶ Quæ sunt in corde. 275.

FERIA TERTIA

De libro Sapiéntiæ.

Lectio j. Cap. 6.

MÉLIOR est sapiéntia quam vires : et vir prudens quam fortis. Audite ergo reges, et intelligite, discite júdices finium terræ. Præbéte áures vos, qui continétis multitudines, et placétis vobis in turbis natiónum : quóniam data est a Dómino potéstas vobis, et virtus ab Altissimo, qui interrogábit ópera vestra, et cogitatiónes scrutábitur : quóniam cum essétis ministri regni illius, non recte judicástis, nec custodístis legem justitiæ, neque secúndum voluntátem Dei ambulástis.

R. Præbe fili. 275.

Lectio ij.

HORRÉNDÉ et cito apparébit vobis : quóniam júdicium duríssimum his, qui præsunt, fiet. Exiguo enim concéditur misericórdia : poténtes áutem poténter tormenta patiéntur. Non enim súbtrahet persónam cujúsquam Deus, nec verébitur magnitudinem cujúsquam : quóniam pusillum et magnum ipse fecit, et æquáliter cura est illi de ómnibus. Fortióribus áutem fórtior instat cruciatio.

R. Initium sapiéntiæ. 276.

Lectio iij.

AD vos ergo reges sunt hi sermónes mei, ut discátis sapiéntiam, et non exci-

dátis. Qui enim custodierint justa juste, justificabúntur : et qui didicerint ista, invénient quid respóndéant. Concupiscite ergo sermónes meos, diligite illos, et habébitis disciplinam. Clara est, et quæ numquam marcéscit sapiéntia, et fáciie vidétur ab his qui diligunt eam, et invenitur ab his qui quærunt illam.

R. Verbum iníquum. 276.

FERIA QUARTA

De libro Sapiéntiæ.

Lectio j. Cap. 7.

SUM quidem et ego mortális homo, similis ómnibus, et ex génere terréni illius, qui prior factus est, et in ventre matris figurátus sum caro, decem ménsium témpore coagulátus sum in sáanguine, ex sémine hóminis, et delectaménto somni conveniénté. Et ego natus accépi commúnem áërem, et in similiter factam decídi terram, et primam vocem símílem ómnibus emísi plorans. In involuméntis nutritus sum, et curis magnis. Nemo enim ex régibus áliud hábuit nativitátis ínítium. Unus ergo intróitus est ómnibus ad vitam, et similis éxitus.

R. Dómine pater. 274.

Lectio ij.

PROPTER hoc optávi, et datus est mihi sensus : et invocávi, et venit in me spíritus sapiéntiæ : et præpósui illam regnis et sédi-

bus, et divítias nihil esse duxi in comparatióne illius : nec comparávi illi lápidem pretiósus : quóniam omne áurum in comparatióne illius, aréna est exigua, et tamquam lutum æstimábitur argéntum in conspéctu illius. Super salútem et spéciem diléxi illam, et propó-sui pro luce habére illam : quóniam inexstinguibile est lumen illius.

℞. Magna. 275.

Lectio iij.

VENÉRUNT áutem mihi ómnia bona páriter cum illa, et innumerábilis honéstas per manus illius, et lætátus sum in ómnibus : quóniam antecedébat me ista sapiéntia, et ignorábam quóniam horum ómnium mater est. Quam sine fictiÓne didici, et sine invídia comúnico, et honestátem illius non abscóndo. Infínitus enim thesáurus est hominibus : quo qui usi sunt, participes facti sunt amicitíæ Dei, propter disciplinæ dona commendáti.

℞. Quæ sunt. 275.

FERIA QUINTA

De libro Sapiéntiæ.

Lectio j. Cap. 9. c

QUIS hóminum póterit scire consílium Dei? aut quis póterit cogitáre quid velit Deus? CogitatiÓnes enim mortálium tímidae, et incértæ providéntiæ nostræ. Corpus enim, quod corrúmpi-

tur, ággravat ánimam, et terréna inhabitátió déprimit sensum multa cogitántem. Et difficile æstimámus quæ in terra sunt : et quæ in prospéctu sunt, invenimus cum labóre. Quæ áutem in cælis sunt quis investigábit? Sensum áutem tuum quis sciet, nisi tu déderis sapiéntiam, et miseris Spiritum sanctum tuum de altissimis : et sic corréctæ sint sémitæ eórum, qui sunt in terris, et quæ tibi placent didicerint hómines? Nam per sapiéntiam sanáti sunt quicúmque placuérunt tibi Dómine a principio.

℞. In principio. 279.

Lectio ij. Cap. 10.

HÆC illum, qui primus formátus est a Deo pater orbis terrárum, cum solus esset créatus, custodivit, et edúxit illum a delicto suo, et dedit illi virtútem continé-di ómnia. Ab hac ut recéssit injústus in ira sua, per iram homicidii fratérni depériit. Propter quem, cum aqua deléret terram, sanávit iterum sapiéntia, per contemp-tibile lignum justum gubérnans. Hæc et in consénsu nequitiæ cum se nátiÓnes contulissent, scivit justum, et conservávit sine queréla Deo, et in filii misericórdia fortem custodivit.

℞. Gyrum cæli. 279.

Lectio iij.

HÆC justum a pereúntibus impiis liberávit fugiént-

tem, descendente igne in Pentápolim : quibus in testimoniúm nequitiae fumigabunda constat deserta terra, et incerto tempore fructus habentes arbores, et incredibilis animae memoria stans figmentum salis. Sapientiam enim praetereuntes, non tantum in hoc lapsi sunt ut ignorarent bona, sed et insipientiae suae reliquerunt hominibus memoriam, ut in his, quae peccaverunt, nec latere poluissent. Sapientia autem hos, qui se observant, a doloribus liberavit.

℞. Emitte Dómine sapientiam. 279.

FERIA SEXTA

De libro Sapientiae.

Lectio j. Cap. 13.

VANI autem sunt omnes homines, in quibus non subest scientia Dei : et de his, quae videntur bona, non potuerunt intelligere eum, qui est, neque operibus attendentes agnoverunt quis esset artifex : sed aut ignem, aut spiritum, aut citatum aërem, aut gyrum stellarum, aut nimiam aquam, aut solem et lunam, rectores orbis terrarum deos putaverunt. Quorum si specie delectati, deos putaverunt : sciant quanto his dominator eorum speciosior est. Speciei enim generator haec omnia constituit.

℞. Da mihi Dómine sédium. 280.

Lectio ij.

AUT si virtutem, et opera eorum mirati sunt, intelligent ab illis, quoniam qui haec fecit, fortior est illis : a magnitudine enim speciei et creaturae cognoscibiliter poterit Creator horum videri. Sed tamen adhuc in his minor est querela. Et hi enim fortasse errant, Deum quaerentes, et volentes invenire. Etenim cum in operibus illius conversentur, inquirunt : et persuasum habent quoniam bona sunt quae videntur.

℞. Initium sapientiae. 280.

Lectio iij.

ITERUM autem nec his debet ignosci. Si enim tantum potuerunt scire, ut possent aestimare saeculum : quomodo huius Dóminum non facilius invenerunt? Infelices autem sunt, et inter mortuos spes illorum est, qui appellaverunt deos opera manuum hominum, aurum et argentum, artis inventionem, et similitudines animalium, aut lapidem inutilem opus manus antiquae.

℞. Verbum iniquum. 280.

SABBATO

De libro Sapientiae.

Lectio j. Cap. 15.

TU autem Deus noster, suavis et verus es, patiens, et in misericordia disponens omnia. Etenim si peccaverimus, tui sumus, scientes magnitudinem tuam : et si

non peccavérimus, scimus quóniam apud te sumus computáti. Nosse enim te, consummáta justitia est : et scire justitiam, et virtútem tuam, radix est immortalitátis.

℟. Dómine pater. 274.

Lectio ij.

NON enim in errórem induxit nos hóminum malæ artis excogitátio, nec umbra pictúræ labor sine fructu, effigies sculpta per vários colóres, cujus adspéctus insensáto dat concupiscéntiam, et diligit mórtuæ imáginis effigiem sine ánima. Malórum amatóres, digni sunt qui spem hábeant in talibus, et qui fáciunt illos, et qui diligunt, et qui colunt.

℟. Magna enim. 275.

Lectio iij.

SED et figulus mollem terram premens, laboriöse fingit ad usus nostros unumquódque vas, et de eódem luto fingit quæ munda sunt in usum vasa, et similiter quæ his sunt contrária : horum áutem vasórum quis sit usus, judex est figulus. Et cum labóre vano deum fingit de eódem luto : ille qui páulo ante de terra factus fúerat, et post pusillum redúcit se unde accéptus est, repetítus animæ débítum quam habébat.

℟. Quæ sunt. 275.

Ad Magnif. Ant. Sapiéntia* clámitat in platéis : Si quis

diligit sapiéntiam, ad me declinet, et eam invéniet : et cum invénierit, beátus erit si tenúerit eam.

℣. Vespertina orátio ascéndat ad te Dómine. ℟. Et descéndat super nos misericórdia tua.

DOMINICA IV. AUGUSTI

IN I. NOCTURNO

Incipit liber Ecclesiástici.

Lectio j. Cap. 1.

OMNIS sapiéntia a Dómino Deo est, et cum illo fuit semper, et est ante ævum. Arénam maris, et plúviæ guttas, et dies sæculi quis dinumerávit? Altitudinem cæli, et latitudinem terræ, et profúndum abyssi quis diménsus est? Sapiéntiam Dei præcedéntem ómnia quis investigávit? Prior ómnium creáta est sapiéntia, et intellectus prudéntiæ ab ævo. Fons sapiéntiæ verbum Dei in excélsis, et ingressus illius mandáta ætérna.

℟. In principio Deus ántequam terram fáceret, priúsqvam abyssos constitúeret, priúsqvam prodúceret fontes aquárum : * Antequam montes collocaréntur, ante omnes colles generávit me Dóminus. ℣. Quando præparábat cælos, áderam, cum eo cuncta compónens. Antequam.

Lectio ij.

RADIX sapiéntiæ cui reveláta est, et astútias illius quis agnóvit? Disciplina sa-

piéntiæ cui reveláta est, et manifestáta? et multiplicatióem ingressus illius quis intelléxit? Unus est altissimus Créator omnipotens, et Rex potens, et metuendus nimis, sedens super thronum illius et dóminans Deus. Ipse creávit illam in Spíritu sancto, et vidit, et dinumerávit, et mensus est. Et effúdit illam super ómnia ópera sua, et super omnem carnem secúndum datum suum, et præbuit illam diligéntibus se.

R. Gyrum cæli circuiui sola, et in flúctibus maris ambulávi, in omni gente et in omni pópulo primátum tenui : * Superbórum et sublimium colla própria virtúte calcávi. **V.** Ego in altissimis hábito, et thronus meus in columna nubis. Superbórum.

Lectio iij.

TIMOR Dómini glória, et gloriatio, et lætitia, et coróna exsultatiónis. Timor Dómini delectábit cor, et dabit lætitiam, et gáudium, et longitúdinem diérum. Timénti Dóminum bene erit in extrémis, et in die defunctiósni suæ benedicétur. Diléctio Dei honorábilis sapiéntia. Quibus áutem apparúerit in visu, diligunt eam in visiósne, et in agnitióné magnálium suórum. Inítium sapiéntiæ, timor Dómini, et cum fidélibus in vulva concreátus est.

R. Emitte Dómine sapién-

tiam de sede magnitúdinis tuæ, ut mecum sit, et mecum labóret : * Ut sciam quid accéptum sit coram te omni témpore. **V.** Da mihi Dómine sédium tuárum assistricem sapiéntiam. Ut. Glória. Ut.

IN II. NOCTURNO

Ex libro Morálium sancti

Gregórii Papæ.

Lib. 1. cap. 10. in cap. 1. Job.

Lectio iv.

SUNT nonnúllo, qui vitam suam négligunt, et dum transitória áppetunt, dum ætéRNA vel non intélligunt, vel intellécta contémnunt, nec dolórem séntiunt, nec habére consilium sciunt : cumque supérna quæ amisérunt, non considerant, esse se (heu míseri) in bonis felices putant. Nequáquam enim ad veritátis lucem, cui cónditi fúerant, mentis óculos érigunt : nequáquam ad contemplatióem pátriæ ætéRNæ desidérii áciem tendunt : sed semetipsos in his, ad quæ projécti sunt, deseréntes, vice pátriæ diligunt exsilium quod patiúntur, et in cæcitate quam tólerant, quasi in claritate lúminis exsúltant.

R. Da mihi Dómine sédium tuárum assistricem sapiéntiam, et noli me reprobáre a púeris tuis : * Quóniam servus tuus sum ego, et filius ancillæ tuæ. **V.** Mitte illam de sede magnitúdinis tuæ, ut mecum sit, et mecum labóret. Quóniam.

Lectio v.

AT contra, electórum mentes, dum transitória cuncta nulla esse conspiciunt, ad quæ sint cõditæ exquirunt : cumque eórum satisfactiõni nihil extra Deum sũfficit, ipsa inquisitionis exercitatiõne fatigáta illórum cogitatio, in conditóriis suispe et contemplatiõne requiescit, supérnis intérseri civibus áppetit; et unusquisque eórum adhuc in mundo corpore pòsitus, mente tamen extra mundum surgit : ærumnam exsilii, quam tólerat, deplórat, et ad sublimem pátriam incessántibus se amóris stimulis éxcitat. Cum ergo dolens videt, quam sit ætérnum quod pèrdidit, invenit salúbre consilium, temporále hoc despicere quod percúrrit : et quo magis crescit consilii sciéntia ut peritúra dèserat, eo augétur dolor, quod necdum ad mansúra pertingat.

R. Initium sapiéntiæ timor Dómini : * Intelléctus bonus ómnibus faciéntibus eum : laudatio ejus manet in sæculum sæculi. **V.** Diléctio illius custódia legum est : quia omnis sapiéntia timor Dómini. Intelléctus.

Lectio vj.

INTUÉNDUM quoque est, quod nullus dolor mentis sit in actiõne præcipitatiõnis. Qui enim sine consiliis vivunt, qui seipsos rerum événtibus præcípites dèse-

runt, nullo interim cogitatiõnum dolóre fatigántur. Nam qui solérter in vitæ consilio figit mentem, cáute sese in omni actiõne circumspiciéndo considerat : et ne ex re quæ ágitur, repentinus finis adversusque surripiat, hunc prius mólliter pòsito pede cogitatiõnis palpat : pensat, ne ab his quæ ágenda sunt, præpédiat formído : ne in his quæ differénda sunt, præcipitatio impéllat : ne prava per concupiscéntiam apérto bello súperent : ne recta per inánem glóriam insidiádo supplántent.

R. Verbum iniquum et dolósum longe fac a me Dómine : * Divitias et paupertátem ne dèderis mihi, sed tantum víctui meo tribue necessariá. **V.** Duo rogávi te, ne dèneges mihi ántequam móriar. Divitias. Glória Patri. Divitias.

R. vij. Dómine pater et Deus vitæ meæ, ne derelinquas me in cogitatu maligno : extolléntiam oculórum meórum ne dèderis mihi, et desidérium malignum avérte a me Dómine : áufer a me concupiscéntiam, * Et ánimo irreverénti et infrunito ne tradas me Dómine. **V.** Ne derelinquas me Dómine, ne accréscent ignorántiæ meæ, nec multiplicéntur delicta mea. Et.

R. viij. Duo Séraphim clamábant alter ad álterum :

* Sanctus, sanctus, sanctus
Dóminus Deus Sábaoth :

* Plena est omnis terra gló-
ria ejus. *ŷ.* Tres sunt qui
testimónium dant in cælo,
Pater, Verbum, et Spíritus
sanctus : et hi tres unum
sunt. Sanctus. Glória. Plena.

FERIA SECUNDA

De libro Ecclesiástici.

Lectio j. Cap. 1. c

CORÓNA sapiéntiæ, timor
Dómini, replens pacem,
et salútis fructum : et vidit,
et dinumerávit eam : útra-
que autem sunt dona Dei.
Sciéntiam, et intelléctum
prudéntiæ sapiéntia com-
partiétur : et glóriam tenén-
tium se, exáltat. Radix sa-
piéntiæ est timére Dóminum :
et rami illius longævi. In
thesáuris sapiéntiæ intelléc-
tus, et sciéntiæ religiósitas :
exsecrátió autem peccatóri-
bus sapiéntia.

ŷ. Ne derelinquas. 274.

Lectio ij.

TIMOR Dómini expéllit pec-
cátum : nam qui sine
timóre est, non póterit justi-
ficári : iracúndia enim ani-
mositátis illius, subvर्सio
illius est. Usque in tempus
sustinébit pátiens, et póstea
redditio jucunditátis. Bonus
sensus usque in tempus abs-
cóndet verba illius, et lábia
multórum enarrábunt sen-
sum illius. In thesáuris sa-
piéntiæ significátió discipli-
næ : exsecrátió autem pecca-
tóri, cultúra Dei. Fili concupi-

scens sapiéntiam, consérva
justitiam, et Deus præbébit
illam tibi. *ŷ.* Magna. 275.

Lectio iij.

SAPIÉNTIA enim et disci-
plína timor Dómini : et
quod beneplácitum est illi,
fides, et mansuetúdo, et
adimplébit thesáuros illius.
Ne sis incredibilis timóri
Dómini : et ne accésseris ad
illum dúplici corde. Ne fúe-
ris hypócrita in conspéctu
hóminum, et non scandali-
zérís in lábiis tuis. Attén-
de in illis, ne forte cadas, et
addúcas ánimæ tuæ inhono-
ratióem, et revélet Deus
abscónsa tua, et in médio
synagógæ elídat te : quóniam
accessisti maligne ad Dómi-
num, et cor tuum plenum est
dolo et fallácia.

ŷ. Quæ sunt. 275.

FERIA TERTIA

De libro Ecclesiástici.

Lectio j. Cap. 2.

FILI accédens ad servitú-
tem Dei, sta in justítia,
et timóre, et præpara áni-
mam tuam ad tentatióem.
Déprime cor tuum, et sú-
stine : inclína áurem tuam,
et súscipe verba intelléctus :
et ne festínes in témpore
obductiόνis. Sústine susten-
tatiónes Dei : conjúngere
Deo, et sústine, ut crescat
in novissimo vita tua.

ŷ. Præbe fili. 275.

Lectio ij.

OMNE, quod tibi applici-
tum fúerit, áccipe : et in

dolore sustine, et in humilitate tua patientiam habet : quoniam in igne probatur aurum et argentum, homines vero receptibiles in camino humiliationis. Crede Deo, et recuperabit te : et dirige viam tuam, et spera in illum. Serva timorem illius, et in illo veterasce.

℟. Initium sapientiae. 293.

Lectio iij.

METUENTES Dominum sustinete misericordiam ejus : et non deflectatis ab illo ne cadatis. Qui timetis Dominum, credite illi : et non evacuabitur merces vestra. Qui timetis Dominum, sperate in illum : et in oblectationem veniet vobis misericordia. Qui timetis Dominum, diligite illum, et illuminabuntur corda vestra. Respicite filii nationes hominum, et scitote quia nullus speravit in Domino, et confusus est. Quis enim permansit in mandatis ejus, et derelictus est? aut quis invocavit eum, et despexit illum?

℟. Verbum. 293.

FERIA QUARTA

De libro Ecclesiastici.

Lectio j. Cap. 3.

FILII sapientiae, ecclesia justorum : et natio illorum, obedientia et dilectio. Judicium patris audite filii, et sic facite, ut salvi sitis. Deus enim honoravit patrem in filiis : et iudicium matris

exquirens, firmavit in filios. Qui diligit Deum, exorabit pro peccatis, et continebit se ab illis, et in oratione dierum exaudietur.

℟. Domine pater. 274.

Lectio ij.

ET sicut qui thesaurizat, ita et qui honorificat matrem suam. Qui honorat patrem suum, jucundabitur in filiis, et in die orationis suae exaudietur. Qui honorat patrem suum, vita vivet longiore : et qui obedit patri, refrigerabit matrem. Qui timet Dominum, honorat parentes, et quasi dominis serviet his, qui se genuerunt.

℟. Magna. 275.

Lectio iij.

IN opere et sermone, et omni patientia honora patrem tuum, ut superveniat tibi benedictio ab eo, et benedictio illius in novissimo maneat. Benedictio patris firmat domos filiorum : maledictio autem matris eradicat fundamenta. Ne gloriaris in contumelia patris tui : non enim est tibi gloria, ejus confusio. Gloria enim hominis ex honore patris sui, et dedecus filii pater sine honore.

℟. Quae sunt. 275.

FERIA QUINTA

De libro Ecclesiastici.

Lectio j. Cap. 3. c

ALTIORA te ne quaesieris, et fortiora te ne scrutatus fueris : sed quae praecipit tibi

Deus, illa cógita semper, et in plúribus opéribus ejus ne fúeris curiosus. Non est enim tibi necessárium ea, quæ abscóndita sunt, vidére óculis tuis. In supervácuís rebus noli scrutári multipliciter, et in plúribus opéribus ejus non eris curiosus. Plúrima enim super sensum hóminum osténsa sunt tibi. Multos quoque supplantávit suspício illórum, et in vanitate detinuit sensus illórum.

℞. In principio. 291.

Lectio ij.

COR durum habébit male in novíssimo : et qui amat periculum, in illo peribit. Cor ingrédiens duas vias, non habébit succéssus, et pravus corde in illis scandalizábitur. Cor nequam gravábitur in dolóribus, et peccátor adjiciet ad peccándum. Synagógæ superbórum non erit sánitas : frutex enim peccáti radicábitur in illis, et non intelligétur.

℞. Gyrum cæli. 292.

Lectio iij.

COR sapiéntis intelligitur in sapiéntia, et áuris bona áudiet cum omni concupiscéntia sapiéntiam. Sápiens cor, et intelligibile abstinébit se a peccátis, et in opéribus justitiæ succéssus habébit. Ignem ardéntem exstínguit aqua, et eleemósyna resistit peccátis : et Deus prospéctor est ejus, qui reddit grátiam : méminit ejus in pósterum, et

in témpore casus sui invéniet firmaméntum.

℞. Emitte Dómine. 292.

FERIA SEXTA

De libro Ecclesiástici.

Lectio j. Cap. 4.

FILI eleemósynam páuperis ne defráudes, et óculos tuos ne transvértas a páupere. Animam esuriéntem ne despéxeris : et non exásperes páuperem in inópia sua. Cor inopis ne afflixis, et non prótrahas datum angustíanti. Rogatióne contribuláti ne abjicias : et non avértas faciém tuam ab egéno.

℞. Da mihi Dómine. 292.

Lectio ij.

AB inope ne avértas óculos tuos propter iram : et non relínquas quæréntibus tibi retro maledicere : maledicéntis enim tibi in amaritudine ánimæ exaudiétur deprecátió illíus : exáudiet autem eum, qui fecit illum. Congregatióni páuperum affábilem te fácito, et presbýtero humilia ánimam tuam, et magnáto humilia caput tuum.

℞. Initium sapiéntiæ. 293.

Lectio iij.

DECLÍNA páuperi sine tristitia áurem tuam, et redde débítum tuum, et respónde illi pacífica in mansuetúdine. Libera eum, qui injúriam pátitur de manu superbi : et non ácide feras in ánima tua. In judicándo esto pupillis miséricors ut

pater, et pro viro matri illórum : et eris tu velut filius Altíssimi obédiens, et miserébitur tui magis quam mater.

℞. Verbum. 293.

SABBATO

De libro Ecclesiástici.

Lectio j. Cap. 4. c

FILI consérva tempus, et devita a malo. Pro ánima tua ne confundáris dicere verum. Est enim confúsio addúcens peccátum, et est confúsio addúcens glóriam et grátiam. Ne accipias fáciem advérsus fáciem tuam, nec advérsus ánimam tuam mendácium. Ne revearéris próximum tuum in casu suo : nec retineas verbum in témpore salútis. Non abscondas sapiéntiam tuam in decóre suo.

℞. Dómine pater. 274.

Lectio ij.

IN lingua enim sapiéntia dignóscitur : et sensus, et sciéntia, et doctrína in verbo sensáti, et firmaméntum in opéribus justitiæ. Non contradícas verbo veritátis ullo modo, et de mendácio ineruditiónis tuæ confúndere. Non confundáris confitéri peccáta tua, et ne subjícias te omni hómini pro peccáto. Noli resistere contra fáciem poténtis, nec conéris contra ictum flúvii.

℞. Magna enim. 275.

Lectio iij.

PRO justítia agonizáre pro ánima tua, et usque ad

mortem certa pro justítia, et Deus expugnábit pro te inimícos tuos. Noli citátus esse in lingua tua : et inútilis, et remíssus in opéribus tuis. Noli esse sicut leo in domo tua, evértens domésticos tuos, et ópprimens subjéctos tibi. Non sit porrécta manus tua ad accipiéndum, et ad dandum collécta.

℞. Quæ sunt. 275.

SABBATO

ANTE DOMINICAM V. AUGUSTI

Nisi hæc fuerit propinquior Kalendis Septembris : quia tunc ista cum sua Hebdomada omittitur, et ponitur Antiph. pro I. Dominica Septembris, ut infra.

Ad Magnif. Ant. Obsérva fili * præcépta patris tui, et ne dimittas legem matris tuæ, sed liga eam semper in corde tuo.

ŷ. Vespertina orátio ascéndat ad te Dómine. ℞. Et descéndat super nos misericórdia tua.

DOMINICA V. AUGUSTI

IN I. NOCTURNO

De libro Ecclesiástici.

Lectio j. Cap. 5.

NOLI atténdere ad possessiones iniquas, et ne dixeris : Est mihi sufficiens vita ; nihil enim próderit in témpore vindictæ et obductiónis. Ne sequáris in fortitúdine tua concupiscéntiam cordis tui : et ne dixeris : Quómodo pótui ? aut quis

me subiciet propter facta mea? Deus enim vindicans vindicabit. Ne dixeris : Peccavi, et quid mihi accidit triste? Altissimus enim est patiens reparator. De propitiatio peccato noli esse sine metu, neque adjicias peccatum super peccatum.

℞. In principio. 291.

Lectio ij.

ET ne dicas : Miseratio Domini magna est, multitudinis peccatorum meorum miseretur. Misericordia enim et ira ab illo cito proximant, et in peccatores respicit ira illius. Non tardes converti ad Dominum, et ne differas de die in diem. Subito enim veniet ira illius, et in tempore vindictae disperdet te. Noli anxius esse in divitiis injustis : non enim proderunt tibi in die obductionis et vindictae. Non ventiles te in omnem ventum, et non eas in omnem viam. Sic enim omnis peccator probatur in duplici lingua.

℞. Gyrum caeli. 292.

Lectio iij.

ESTO firmus in via Domini, et in veritate sensus tui et scientia, et prosequatur te verbum pacis et justitiae. Esto mansuetus ad audiendum verbum, ut intelligas : et cum sapientia proferas responsum verum. Si est tibi intellectus, responde proximo : sin autem, sit manus tua super os tuum, ne capiaris in verbo indi-

sciplinato, et confundaris. Honor et gloria in sermone sensati, lingua vero imprudentis subversio est ipsius. Non appelleris susurro, et lingua tua ne capiaris, et confundaris.

℞. Emitte Domine. 292.

IN II. NOCTURNO

Sermo sancti Joannis Chrysostomi.

Homilia 22. in 2. Cor. 10.
in Moralibus.

Lectio iv.

NE tardes converti ad Dominum, et ne differas de die in diem : nescis enim quid paritura sit superventura dies. Periculum enim et metus est in differendo : salus vero certa ac secura, si nulla sit dilatio. Virtutem igitur cole : sic enim licet juvenis moriaris, secure discesseris : quod si ad senectutem perveneris, cum multa facilitate et nulla molestia e vita discedes; duplicemque habebis festivitatem, et quod a vitae malitia abstinueris, et quod virtutem colueris. Ne dicas : Erit tempus, quando converti licebit : verba enim haec Deum valde exasperant.

℞. Da mihi. 292.

Lectio v.

CUR nam, cum ipse tibi aeterna saecula promisit, tu in praesenti vita laborare non vis, quae parva et momentanea est; sed sic ignavus ac dissolutus agis, quasi hac breviorē aliam quam-

dam inquiras? Nonne illæ quotidianæ comessationes, nonne illæ mensæ, nonne scorta illa, nonne theátra illa, nonne divitiæ illæ testántur inexplébilem malitiæ concupiscéntiam? Cógita bene, quod quóties scortátus es, tóties condemnásti teípsum : peccátum enim ita se habet, ut mox atque patrátum fúerit, senténtiam ferat iudex.

℞. Initium. 293.

Lectio vj.

INEBRIÁTUS es? ventri indulsísti? rapuísti? siste jam gradum : verte te in di-versum : confitére Deo grátiam, quod non in médiis peccátis te ábstulit : ne quære áliud tibi prorogári tempus ut male operéris. Multi dum male ac vitióse viverent, súbito periérunt, et in manífestam damnatiónem abiérunt : time ne idem tibi áccidat. Sed multis, inquis, dedit Deus spátium, ut in últimas enécta confiteréntur. Quid igitur? numquid et tibi dábitur? Fortásse dabit, inquis. Cur dicis, fortásse? Cántigit aliquóties? Cógita quod de ánima delíberas : proinde étiam de contrário cógita, et dic : Quid áutem, si non det? Quid áutem, si det, inquis? Esto, dat quidem ipse : verúmtamen hoc illo cértius et utilius.

℞. Verbum iníquum. 293.

℞. vij. Dómine pater. *ibid.*

℞. viij. Duo Séraphim. *ibid.*

FERIA SECUNDA

De libro Ecclesiástici.

Lectio j. Cap. 7.

NOLI fácere mala, et non te apprehéndent. Discéde ab iníquo, et deficient mala abs te. Fili, non sémynes mala in sulcis injustitiæ, et non metes ea in séptuplum. Noli quærere a dómينو ducátum, neque a rege cáthedram honóris. Non te justifies ante Deum, quóniam ágnitor cordis ipse est : et penes regem noli velle vidéri sápiens.

℞. Ne derelinquas. 274.

Lectio ij.

NOLI quærere fieri iudex, nisi váleas virtúte irrumpere iniquitátes : ne forte extiméscas faciém poténtis, et ponas scándalum in æquitáte tua. Non pecces in multitudínem civitátis, nec te immíttas in pópulum, neque álliges duplícia peccáta : nec enim in uno eris immúnis. Noli esse pusillánimis in ánimo tuo : exoráre, et fácere eleemósynam ne despicias.

℞. Magna. 275.

Lectio iij.

NE dicas : In multitudíne múnorum meórum respiciet Deus, et offerénte me Deo altissimo, múnera mea suscipiet. Non irrídeas hóminem in amaritudíne animæ : est enim qui humiliat et exáltat, circumspéctor Deus. Noli aráre mendácium advérsus fratrem tuum : neque

in amicum similiter facias. Noli velle mentiri omnem mendacium : assiduitas enim illius non est bona. Noli verbosus esse in multitudine presbyterorum, et non iteres verbum in oratione tua.

℞. Quae sunt. 275.

FERIA TERTIA

De libro Ecclesiastici.

Lectio j. Cap. 10.

JUDEX sapiens iudicabit populum suum, et principatus sensati stabilis erit. Secundum iudicem populi, sic et ministri ejus : et qualis rector est civitatis, tales et inhabitantes in ea. Rex insipiens perdet populum suum : et civitates inhabitabuntur per sensum potentium. In manu Dei potestas terrae : et utilem rectorem suscitabit in tempus super illam. In manu Dei prosperitas hominis, et super faciem scribae imponet honorem suum.

℞. Praebe fili. 275.

Lectio ij.

OMNIS injuriae proximi ne memineris, et nihil agas in operibus injuriae. Odibilis coram Deo est et hominibus superbia : et execrabilis omnis iniquitas gentium. Regnum a gente in gentem transfertur propter injustitias, et injurias, et contumelias, et diversos dolos. Avaro autem nihil est scelustius. Quid superbit terra et cinis ? Nihil est iniquius quam amare pecuniam. Hic enim et

animam suam venalem habet : quoniam in vita sua projecit intima sua.

℞. Initium sapientiae. 275.

Lectio iij.

OMNIS potentatus brevis vita. Languor prolixior gravat medicum. Brevem languorem praecidit medicus : sic et rex hodie est, et cras morietur. Cum enim morietur homo, hereditabit serpentes, et bestias, et vermes. Initium superbiae hominis, apostatare a Deo : quoniam ab eo, qui fecit illum, recessit cor ejus : quoniam initium omnis peccati est superbia : qui tenuerit illam, adimplebitur maledictis, et subvertet eum in finem. Propterea exhonoravit Dominus conventus malorum, et destruxit eos usque in finem.

℞. Verbum iniquum. 276.

FERIA QUARTA

De libro Ecclesiastici.

Lectio j. Cap. 13.

QUI tetigerit picem, inquinabitur ab ea : et qui communicaverit superbo, induet superbiam. Pondus super se tollet, qui honestiori se communicat. Et ditioni te ne socius fueris. Quid communicabit cacebus ad ollam ? quando enim se colliserint, confringetur. Dives injuste egit, et fremet : pauper autem laesus tacebit. Si largitus fueris, assumet te : et si non

habueris, derelinquet te. Si habes, convivet tecum, et evacuabit te, et ipse non dolébit super te.

℞. Dómine pater. 274.

Lectio ij.

HUMILIÁRE Deo, et exspecta manus ejus. Atténde ne sedúctus in stultitiam humiliéris. Noli esse húmilis in sapiéntia tua, ne humiliátus in stultitiam seducáris. Advocátus a potentióre discede : ex hoc enim magis te advocábit. Ne improbus sis, ne impingáris : et ne longe sis ab eo, ne eas in obliuionem. Ne retineas ex æquo loqui cum illo : nec credas multis verbis illius. Ex multa enim loquela tentábit te, et subrídens interrogábit te de absconditis tuis. Immítis ánimus illius conservábit verba tua : et non parcet de malitia, et de vñculis.

℞. Magna. 275.

Lectio iij.

CAVE tibi, et atténde diligénter auditui tuo : quóniam cum subversióne tua ámbulas. Audiens vero illa quasi in somnis vide, et vigilábis. Omni vita tua dilige Deum, et invoca illum in salute tua. Omne ánimál diligit simile sibi : sic et omnis homo próximum sibi. Omnis caro ad similem sibi conjungétur, et omnis homo simili sui sociábitur. Si comunicábit lúpus agno ali-quándo, sic peccátor justo.

Quæ communicátio sancto hómini ad canem? aut quæ pars díviti ad páuperem?

℞. Quæ sunt. 275.

FERIA QUINTA

De libro Ecclesiástici.

Lectio j. Cap. 14.

BEÁTUS vír, qui non est lapsus verbo ex ore suo, et non est stimulátus in tristitia delicti. Felix, qui non hábuit ánimi sui tristitiam, et non éxcidit a spe sua. Viro cúpido et tenáci sine ratióne est substántia, et hómini lívido ad quid áurum? Qui acérvat ex ánimo suo injúste, áliis cóngregat, et in bonis illius álius luxuriábitur. Qui sibi nequam est, cui álii bonus erit? et non jucundábitur in bonis suis.

℞. In principio. 291.

Lectio ij.

QUI sibi invidet, nihil est illo néquius, et hæc reddítio est malitiæ illius : et si bene fécerit, ignoránte, et non volens facit : et in novíssimo manifestat malitiam suam. Nequam est óculus lívidi, et avértens faciém suam, et despiciens ánimam suam. Insatiábilis óculus cúpidi in parte iniquitátis : non satiábitur donec consumat arefáciens ánimam suam. Oculus malus ad mala : et non satiábitur pane, sed indigens et in tristitia erit super mensam suam.

℞. Gyrum cæli. 292.

Lectio iij.

FILI si habes, benefac tecum, et Deo dignas oblationes offer. Memor esto quoniam mors non tardat, et testamentum inferorum quia demonstratum est tibi: testamentum enim huius mundi morte morietur. Ante mortem benefac amico tuo, et secundum vires tuas exporrigens da pauperi. Non defrauderis a die bono, et particula boni doni non te pretereat. Nonne aliis relinques dolores et labores tuos in divisione sortis? Da, et accipe, et iustifica animam tuam. Ante obitum tuum operare iustitiam: quoniam non est apud inferos invenire cibum.

℟. Emitte Domine. 292.

FERIA SEXTA

De libro Ecclesiastici.

Lectio j. Cap. 21.

FILI peccasti? non adjicias iterum: sed et de pristinis deprecare ut tibi dimittantur. Quasi a facie colubri fuge peccata: et si accesseris ad illa, suscipient te. Dentes leonis, dentes ejus, interficientes animas hominum. Quasi rhomphaea bis acuta omnis iniquitas, plagae illius non est sanitas. Objuratio et injurie annullabunt substantiam: et domus quae nimis locuples est, annullabitur superbia: sic substantia superbi eradicabitur.

℟. Da mihi. 292.

Lectio ij.

DEPRECATIO pauperis ex ore usque ad aures ejus perveniet, et iudicium festinato adveniet illi. Qui odit correptionem, vestigium est peccatoris: et qui timet Deum, convertetur ad cor suum. Notus a longe potens lingua audaci: et sensatus scit labi se ab ipso. Qui aedificat domum suam impendiis alienis, quasi qui colligit lapides suos in hieme. Stuppa collecta synagoga peccantium, et consummatio illorum flamma ignis.

℟. Initium sapientiae. 293.

Lectio iij.

VIA peccantium complanata lapidibus, et in fine illorum inferi, et tenebrae, et poenae. Qui custodit iustitiam, continebit sensum ejus. Consummatio timoris Dei, sapientia et sensus. Non erudietur, qui non est sapiens in bono. Est autem sapientia, quae abundat in malo: et non est sensus ubi est amaritudo. Scientia sapientis tamquam inundatio abundabit, et consilium illius sicut fons vitae permanet.

℟. Verbum iniquum. 293.

SABBATO

De libro Ecclesiastici.

Lectio j. Cap. 32.

RECTORUM te posuerunt? noli extolli: esto in illis quasi unus ex ipsis. Curam illorum habe, et sic conside,

et omni cura tua explicita recúmbe : ut lætéris propter illos , et ornáméntum grátiae accípias corónam , et dignatióem consequáris corrogatiónis. Lóquere major natu : decet enim te primum verbum diligénti sciéntia , et non impédiás músicam.

℞. Dómine pater. 274.

Lectio ij.

UBI audítus non est , non effúndas sermónem , et importúne noli extólli in sapiéntia tua. Gémula carbúnculi in ornáménto áuri , et comparátio musicórum in convivio vini. Sicut in fabricatióne áuri signum est smarágdi , sic númerus musicórum in jucúndo et moderáto vino. Audi tacens , et pro reveréntia accédet tibi bona grátia. Adoléscens lóquere in tua cáusa vix. Si bis interrogátus fúeris , hábeat caput respónsum tuum.

℞. Magna enim. 275.

Lectio iiij.

IN multis esto quasi íncius , et áudi tacens simul et quærens. In médio magnatórum non præsumas : et ubi

sunt senes , non multum loquáris. Ante grádinem præibit coruscátio : et ante verecúndiam præibit grátia , et pro reveréntia accédet tibi bona grátia. Et hora surgéndi non te trices : præcúrre áutem prior in domum tuam , et illic avocáre , et illic lude , et age conceptiões tuas , et non in delictis , et verbo supérbo. Et super his ómnibus benedícito Dóminum , qui fecit te , et inebriántem te ab ómnibus bonis suis.

℞. Quæ sunt. 275.

SABBATO

PROXIMO KAL. SEPTEMBRIS

Ad Magnif. Ant. Cum audisset Job* nuntiórum verba , sustinuit patiénter , et ait : Si bona suscepimus de manu Dómini , mala áutem quare non sustineámus? In ómnibus his non peccávit Job lábiis suis , neque stultum áliquid contra Deum locútus est.

℥. Vespertina orátio ascéndat ad te Dómine. ℞. Et descéndat super nos misericórdia tua.





HOMILIÆ ET ORATIONES IN DOMINICIS

PER ORDINEM DISPOSITÆ, A TERTIA USQUE AD DECIMAM
SEXTAM POST PENTECOSTEN

DOM. III. POST PENTEC.

Oratio.

PROTÉCTOR in te sperántium Deus, sine quo nihil est válidum, nihil sanctum : multiplica super nos misericórdiam tuam ; ut te rectóre, te duce, sic trans-eámus per bona temporália, ut non amittámus ætérna. Per Dóminum.

Léctio sancti Evangélíi secúndum Lucam.

Lectio vij. Cap. 15.

In illo témpore : Erant ap-propinquántes ad Jesum publicáni, et peccatóres, ut audirent illum. Et réliqua.

Homilia sancti Gregórii
Papæ.

*Homil. 34. in Evang., post
initium.*

AUDÍSTIS in lectione evan-gélica, fratres mei, quia peccatóres et publicáni accessérunt ad Redemptórem nostrum : et non solum ad colloquéndum, sed étiam ad convescéndum recepti sunt. Quod vidéntes pharisæi dedignáti sunt. Ex qua re col-

ligite, quia vera justitia compassiónem habet, falsa justitia dedignatióem : quamvis et justi sóleant recte peccatóribus dedignári. Sed áliud est quod ágitur typo superbíæ, áliud quod zelo disciplinæ.

Lectio viij.

DEDIGNÁNTUR etenim, sed non dedignántes : desperant, sed non desperántes : persecutióem cómmovent, sed amántes : quia etsi foris increpationes per disciplinam exággerant, intus tamen dulcédinem per caritátem servant. Præpónunt sibi in ánimo ipsos plerúmque quos córrigunt : meliôres existimant eos quoque quos júdicant. Quod vidélicet agéntes, et per disciplinam súbditos, et per humilitátem custódiunt semetipsos.

Lectio ix.

AT contra, hi qui de falsa justitia superbire solent, cæteros quosque despiciunt, nulla infirmántibus misericórdia condescéndunt : quo se peccatóres esse non cre-

dunt, eo detérius peccatóres fiunt. De quorum profecto número pharisæi exstiterant, qui dijudicantes Dóminum quod peccatóres susciperet, arénti corde ipsum fontem misericórdiæ reprehendébant. Sed quia ægri erant, ita ut ægros se esse nescirent; quatenus quod erant agnóscerent, cæléstis eos médicus blandis foméntis curat, benígnum paradigma óbicit, et in eórum corde vúlneris tumórem premit.

Te Deum laudámus. 16.

Ad Bened. Ant. Quis ex vobis* homo, qui habet centum oves, et si perdiderit unam ex illis, nonne dimittit nonaginta novem in deserto, et vadit ad illam quæ perierat, donec invéniat eam? allelúia.

Ÿ. Dóminus regnávít, decórem induit. **℞.** Induit Dóminus fortitúdinem, et præcinxit se virtúte.

Ad Magnif. Ant. Quæ múlier* habens drachmas decem, et si perdiderit drachmam unam, nonne accéndit lucérnam, et evérrit domum, et quærit diligénter donec invéniat?

Ÿ. Dirigátur Dómine oratio mea. **℞.** Sicut incénsum in conspéctu tuo.

DOM. IV. POST PENTEC.

Oratio.

DA nobis, quæsumus Dómine, ut et mundi cursus pacífice nobis tuo órdine

dirigátur : et Ecclésia tua tranquilla devotióne lætetur. Per Dóminum.

Léctio sancti Evangélii secundum Lucam.

Lectio vij. Cap. 5.

IN illo témpore : Cum turbæ irrúerent in Jesum, ut audirent verbum Dei, et ipse stabat secus stagnum Genésareth. Et réliqua.

Homilia sancti Ambrósii Episcopi.

Liber 4. in Lucæ cap. 5. prope finem libri.

UBI Dóminus multis impartivit vária génera sanitatum, nec témpore, nec loco pótuit ab stúdio sanándi turba cohibéri. Vesper incubuit, sequebántur : stagnum occúrrit, urgébant : et ideo ascéndit in Petri navim. Hæce stilla navis, quæ adhuc secundum Matthæum fluctuat, secundum Lucam replétur piscibus : ut et principia Ecclésiæ fluctuántis, et posterióra exuberántis agnóscas. Pisces enim sunt, qui hanc enávigant vitam. Ibi adhuc discipulis Christus dormit, hic præcipit : dormit enim tépidis, perféctis vigilat.

Lectio viij.

NON turbátur hæc navis, in qua prudéntia návigat, abest perfidia, fides adspirat. Quemádmódum enim turbári póterat, cui præerat is, in quo Ecclésiæ firmamentum est? Illic ergo turbátio, ubi módica fides : hic

secúritas, ubi perfécta dilectio. Et si áliis imperátur ut laxent rétia sua, soli tamen Petro dicitur : Duc in altum; hoc est, in profúndum disputatiónum. Quid enim tam altum, quam altitudinem divitiárum vidére, scire Dei Filium, et professiódinem divínæ generatiónis assúmere? Quam licet mens non queat humána plene ratiónis investigatióne comprehendere, fidei tamen plenitúdo compléctitur.

Lectio ix.

NAM etsi non licet mihi scire quemádmódum natus sit : non licet tamen nescire quod natus sit. Sériem generatiónis ignóro : sed auctórem generatiónis agnósko. Non interfúimus cum ex Patre Dei Filius nascerétur : sed interfúimus cum a Patre Dei Filius dicerétur. Si Deo non crédimus, cui crédimus? Omnia enim quæ crédimus, vel visu crédimus, vel auditu. Visus sæpe fállitur, auditus in fide est.

Te Deum laudámus. 16.

Ad Bened. Ant. Ascéndens Jesus * in navim, et sedens docebat turbas, allelúia.

V. Dóminus regnávít, decórem induit. *R.* Induit Dóminus fortitúdinem, et præcinxit se virtúte.

Ad Magnif. Ant. Præcéptor, * per totam noctem laborántes nihil cépimus, in verbo áutem tuo laxábo rete.

V. Dirigátur Dómine orátio mea. *R.* Sicut incénsum in conspéctu tuo.

DOM. V. POST PENTEC.

Oratio.

DEUS, qui diligéntibus te bona invisibília præparásti : infúnde córdibus nostris tui amóris afféctum; ut te in ómnibus, et super ómnia diligéntes, promissiones tuas, quæ omne desidérium súperant, consequámur. Per Dóminum.

Léctio sancti Evangélíi secúndum Matthæum.

Lectio vij. Cap. 5. c

IN illo témpore : Dixit Jesus discipulis suis : Nisi abundáverit justitia vestra plus quam scribárum et pharisæórum, non intrábitis in regnum cælórum. Et reliqua.

Homilia sancti Augustini
Episcopi.

*Liber 1. de Sermone Domini
in monte, cap. 9.*

JUSTÍTIA pharisæórum est, ut non occidant : justitia eórum qui intratúri sunt in regnum cælórum, ut non irascántur sine cáusa. Mínimum est ergo, non occidere : et qui illud sólverit, mínimus vocábitur in regno cælórum. Qui áutem illud impléverit, ut non occidat, non continuo magnus erit, et idóneus regno cælórum; sed tamen ascéndit áliquem gradum : perficiétur áutem, si nec irascátur sine cáusa :

quod si perfecerit, multo remotior erit ab homicidio. Quapropter qui docet ut non irascamur, non solvit legem ne occidamus, sed implet potius: ut et foris, dum non occidimus; et in corde, dum non irascimur, innocentiam custodiamus.

Lectio viij.

GRADUS itaque sunt in istis peccatis: ut primo quisque irascatur, et eum motum retineat corde conceptum. Jam si extorserit vocem indignantis ipsa commotio, non significantem aliquid, sed illum animi motum ipsa eruptione testantem, qua feriatur ille, cui irascitur: plus est utique, quam si surgens ira silentio premeretur. Si vero non solum vox indignantis audiatur, sed etiam verbum, quo jam certam ejus vituperationem, in quem profertur, designet et notet: quis dubitet, amplius hoc esse, quam si solus indignationis sonus ederetur?

Lectio ix.

VIDE nunc etiam tres reatus, iudicii, concilii, et gehennae ignis. Nam in iudicio adhuc defensionis datur locus. In concilio autem, quamquam et iudicium esse soleat, tamen quia interesse aliquid hoc loco fateri cogit ipsa distinctio, videtur ad concilium pertinere sententiae prolatio: quando non jam cum ipso reo agitur, utrum damnandus sit; sed

inter se, qui iudicant, conferunt quo supplicio damnari oporteat, quem constat esse damnandum. Gehenna vero ignis, nec damnationem habet dubiam, sicut iudicium; nec damnati poenam, sicut concilium: in gehenna quippe ignis, certa est damnatio, et poena damnati.

Te Deum laudamus. 16.

Ad Bened. Ant. Audistis * quia dictum est antiquis: Non occides: qui autem occiderit, reus erit iudicio.

Y. Dominus regnavit, decorem induit. *R.* Induit Dominus fortitudinem, et praecinxit se virtute.

Ad Magnif. Ant. Si offers * munus tuum ad altare, et recordatus fueris quia frater tuus habet aliquid adversus te, relinque ibi munus tuum ante altare, et vade prius reconciliari fratri tuo: et tunc veniens offeres munus tuum, alleluia.

Y. Dirigatur Domine oratio mea. *R.* Sicut incensum in conspectu tuo.

DOM. VI. POST PENTEC.

Oratio.

DEUS virtutum, cujus est totum quod est optimum: insere pectoribus nostris amorem tui nominis, et presta in nobis religionis augmentum; ut quae sunt bona, nutrias; ac pietatis studio, quae sunt nutrita, custodias. Per Dominum nostrum.

Lectio sancti Evangelii secundum Marcum.

Lectio vij. Cap. 8.

IN illo tempore : Cum turba multa esset cum Jesu, nec haberent quod manducarent : convocatis discipulis, ait illis : Misereor super turbam : quia ecce jam triduo sustinent me, nec habent quod manducant. Et reliqua.

Homilia sancti Ambrosii
Episcopi.

**Lib. 6. in Lucæ cap. 9.
post init.**

POSTEÁQUAM illa, quæ Ecclesiæ typum accepit, a fluxu curata est sanguinis, posteáquam Apóstoli ad evangelizandum regnum Dei sunt destinati, gratiæ cælestis impartitur alimentum. Sed quibus impartiat, adverte. Non otiosis, non in civitate, quasi in synagoga vel sæculari dignitate residentibus : sed inter deserta quærentibus Christum. Qui enim non fastidiunt, ipsi excipiuntur a Christo, et cum ipsis loquitur Dei Verbum, non de sæcularibus, sed de regno Dei. Et si qui corporalis gerunt ulcera passionis, his medicinam suam libenter indulget.

Lectio viij.

CONSEQUENS igitur erat, ut quos a vulnere dolore sanaverat, eos alimoniis spiritalibus a jejuniis liberaret. Itaque nemo cibum accipit Christi, nisi fuerit ante sa-

natus : et illi qui vocantur ad cœnam, prius vocando sanantur. Si claudus fuit, gradiendi facultatem, ut veniret, accepit : si lumine oculorum privatus, domum utique Domini, nisi refusa luce, intrare non potuit.

Lectio ix.

UBIQUE igitur mysterii ordo servatur, ut prius per remissionem peccatorum vulneribus medicina tribuatur, post alimonia mensæ cælestis exuberet : quamquam nondum validioribus hæc turba reficiatur alimentis, neque Christi corpore et sanguine jejuna solidioris fidei corda pascantur. Lacte, inquit, vos potavi, non esca : nondum enim poteratis, sed nec adhuc quidem potestis. In modum lactis quinque sunt panes : esca autem solidior, corpus est Christi ; potus vehementior, sanguis est Domini.

Te Deum laudamus. 16.

Ad Bened. Ant. Cum turba multa * esset cum Jesu, nec haberent quod manducarent ; convocatis discipulis, ait illis : Misereor super turbam : quia ecce jam triduo sustinent me, nec habent quod manducant, allelúia.

Ÿ. Dominus regnavit, decorem induit. **℟̄.** Induit Dominus fortitudinem, et præcinxit se virtute.

Ad Magnif. Ant. Misereor * super turbam : quia ecce jam triduo sustinent me, nec

habent quod mandúcent : et si dimísero eos jejúnos, deficiunt in via, alleluía.

Y. Dirigátur Dómine oratio mea. *R.* Sicut incénsum in conspéctu tuo.

DOM. VII. POST PENTEC.

Oratio.

DEUS, cujus providéntia in sui dispositióne non fál-litur : te súpplīces exorámus ; ut nóxia cuncta submóveas, et ómnia nobis profutúra concédas. Per Dóminum.

Léctio sancti Evangélīi secúndum Mattháeum.

Lectio vij. Cap. 7. c

IN illo témpore : Dixit Je-sus discipulis suis : Attén-dite a falsis prophétis, qui véniunt ad vos in vestimén-tis óvium, intrínsecus autem sunt lupi rapáces. Et reliqua.

Homilia sancti Hilárii
Episcopi.

In Comment. in Matth. cap. 6.

BLANDIMÉNTA verbórum, et mansuetúdinis simulatióne admonet fructu operatiónis expéndi oportére ; ut non qualem quis verbis réferat, sed qualem se rebus efficiat, spectémus : quia in multis vestitu óvium rábies lupína contégitur. Ergo ut spinæ uvas, ut tríbuli ficus non génerant, et ut iniquæ árbores utilia poma non áfferunt : ita ne in istis quidem consistere docet boni óperis efféctum, et idcirco omnes cognoscéndos

esse de frúctibus. Regnum enim cælórum sola verbórum officia non óbtinent : neque qui dixerit : Dómine, Dómine, heres illius erit.

Lectio viij.

QUID enim mériti est Dómino dicere, Dómine? Numquid Dóminus non erit, nisi fúerit dictus a nobis? Et quæ officii sánctitas est, nóminis nuncupátio, cum cæléstis regni iter obediéntia pótius voluntátis Dei, non nuncupátio, repertúra sit? Multi mihi dicent in illa die : Dómine, Dómine, nonne in tuo nómine prophetávimus? Etiam nunc pseudoprophe-tarum frauduléntiam, et hypocritarum simulaménta condémnat, qui glóriam sibi ex verbi virtúte præsumunt, in doctrinæ prophetia, et dæmoniórū fuga, et istiúsmodi óperum virtútibus.

Lectio ix.

ATQUE hinc sibi regnum cælórum pollicéntur : quasi vero eórum áliquid próprium sit, quæ loquúntur aut fáciunt, et non ómnia virtus Dei invocáta perficiat : cum doctrinæ sciéntiam léctio áfferat, dæmónia Christi nomen exágitet. De nostro igitur est beáta illa ætérnitas promerénda, præstandúmque est áliquid ex próprio, ut bonum velimus, malum omne vitémus, totóque afféctu præcéptis cæléstibus obtemperémus, ac talibus officiis cógniti Deo

simus : agamúsque pótius quod vult, quam quod postest gloriémur, repúdiáns eos ac repéllens, quos a cognitióne sua, ópera iniquitátis avérterint.

Te Deum laudámus. 16.

Ad Bened. Ant. Atténdite * a falsis prophétis, qui véniunt ad vos in vestiméntis óvium, intrinsecus áutem sunt lupi rapáces : a fructibus eórum cognoscétis eos, allelúia.

Y. Dóminus regnávít, decórem induit. **R.** Induit Dóminus fortitúdinem, et præcínxit se virtúte.

Ad Magnif. Ant. Non postest arbor * bona fructus malos fácere, nec arbor mala fructus bonos fácere : omnis arbor, quæ non facit fructum bonum, excidétur, et in ignem mittétur, allelúia.

Y. Dirigátur Dómine orátio mea. **R.** Sicut incénsum in conspéctu tuo.

DOM. VIII. POST PENT.

Oratio.

LARGÍRE nobis, quæsumus Dómine, semper spiritum cogitándi quæ recta sunt, propítius et agéndi : ut qui sine te esse non pòsumus, secúndum te vívere valeámus. Per Dóminum. Lécitio sancti Evangélíi secúndum Lucam.

Lectio vij. Cap. 16.

In illo témpore : Dixit Jesus discipulis suis parábolam hanc : Homo quidam erat

dives, qui habébat villicum : et hic diffamátus est apud illum, quasi dissipásset bona ipsíus. Et réliqua.

Homilía sancti Hierónymi Presbíteri.

Epistola 151. ad Algasiam, quæst. 6. tom. 3.

Si dispensátor iníqui mamónæ, dómini voce laudátur, quod de re iníqua sibi justítiam præparárit ; et passus dispéndia dóminus láudat dispensatóris prudéntiam, quod advérsus dóminum quidem fraudulénter, sed pro se prudénter égerit : quanto magis Christus, qui nullum damnum sustinére potest, et pronus est ad cleméntiam, laudábit discipulos suos, si in eos qui creditóri sibi sunt, misericórdes fúerint?

Lectio viij.

DÉNIQUE post parábolam intulit : Et ego vobis dico : Fácite vobis amicos de iníquo mammóna. Mammóna áutem non Hebræórum, sed Syrórum lingua divitiæ nuncupántur, quod de iniquitáte colléctæ sint. Si ergo iniquitas bene dispensáta vértitur in justítiam : quanto magis sermo divínus, in quo nulla est iniquitas, qui et Apóstolis créditus est, si bene fúerit dispensátus, dispensatóres suos levábit in cælum?

Lectio ix.

QUAMÓBREM séquitur : Qui fidélis est in mínimo, hoc est, in carnálibus ; et in

multis fidélis erit, hoc est, in spirituálibus. Qui áutem in parvo iníquus est, ut non det frátribus ad uténdum, quod a Deo pro ómnibus est creátum; iste et in spirituáli pecúnia dividénda iníquus erit, ut non pro necessitáte, sed pro persónis doctrinam Dómini dividat. Si áutem, inquit, carnáles divítias, quæ labúntur, non bene dispen-sátis; veras æternásque divítias doctrinæ Dei quis cre-det vobis?

Te Deum laudámus. 16.

Ad Bened. Ant. Ait dóminus villico : * Quid hoc áudio de te? redde ratióne villicatiónis tuæ, alleluia.

℣. Dóminus regnávít, de-córem induit. ℟. Induit Dóminus fortitúdinem, et præ-cinxit se virtúte.

Ad Magnif. Ant. Quid fá-ciam, * quia dóminus meus áufert a me villicatióne? Fódere non váleo, mendi-cáre erubésco : scio quid fá-ciam, ut cum amótus fúero a villicatióne, recipiant me in domos suas.

℣. Dirigátur Dómine orá-tio mea. ℟. Sicut incénsum in conspéctu tuo.

DOM. IX. POST PENTEC.

Oratio.

PÁTEANT áures misericór-diæ tuæ Dómine pré-ci-bus supplicántium : et ut peténtibus desideráta concé-das, fac eos, quæ tibi sunt plácita, postuláre. Per Dñi.

Léctio sancti Evangélíi se-cúndum Lucam.

Lectio vij. Cap. 19. f

IN illo témpore : Cum ap-propinquáret Jesus Jerú-salem, videns civitátem fle-vit super illam, dicens : Quia si cognovisses et tu et qui-dem in hac die tua, quæ ad pacem tibi, nunc áutem abs-cóndita sunt ab óculis tuis. Et réliqua.

Homilia sancti Gregórii Papæ.

Homil. 39. in Evang.

QUOD a flente Dómino illa Jerosolymórum subvér-sio describitur, quæ a Ve-spasiáno et Tito Románis principibus facta est, nul-lus qui históriam eversiónis ejúsdem legit, ignórat. Ro-máni étenim principes de-nuntiántur, cum dicitur : Quia vénient dies in te, et circúmdabunt te inimíci tui vallo. Hoc quoque quod ádditur : Non relínquent in te lápidem super lápidem : étiam jam ipsa ejúsdem ci-vitátis transmigratio testá-tur; quia dum nunc in eo loco constrúcta est, ubi ex-tra portam fúerat Dóminus crucifíxus, prior illa Jerú-salem, ut dicitur, fúnditus est evérsa.

Lectio viij.

CUI ex qua culpa eversió-nis suæ pœna fúerit il-láta, subjúngitur : Eo quod non cognóveris tempus visi-tatiónis tuæ. Creátor quippe hóminum per incarnatiónis

suæ mystérium hanc visitare dignatus est : sed ipsa timoris et amoris illius recordata non est. Unde etiam per Prophetam in increpatione cordis humani aves cæli ad testimonium deducuntur, dum dicitur : Milvus in cælo cognovit tempus suum, turtur et hirundo et ciconia custodierunt tempus adventus sui : populus autem meus non cognovit iudicium Domini.

Lectio ix.

FLEVIT etenim prius Redemptor ruinam perfidæ civitatis, quam ipsa sibi civitas non cognoscebat esse venturam. Cui a flente Domino recte dicitur : Quia si cognovisses, et tu ; subaudi, fleres ; quæ modo, quia nescis quod imminet, exsultas. Unde et subditur : Et quidem in hac die tua, quæ ad pacem tibi. Cum enim carnis se voluptatibus daret, et ventura mala non prospiceret ; in die sua, quæ ad pacem esse ei poterant, habebat.

Te Deum laudamus. 16.

Ad Bened. Ant. Cum appropinquaret * Dominus Jerusalem, videns civitatem, flevit super illam, et dixit : Quia si cognovisses et tu : quia venient dies in te, et circumdabunt te inimici tui vallo, et circumdabunt te, et coangustabunt te undique, et ad terram prosternent te : eo quod non cognovisti tempus visitationis tuæ, alleluia.

Y. Dominus regnavit, decorem induit. **R.** Induit Dominus fortitudinem, et præcinxit se virtute.

Ad Magnif. Ant. Scriptum est enim : * Quia domus mea domus orationis est cunctis gentibus : vos autem fecistis illam speluncam latronum : et erat quotidie docens in templo.

Y. Dirigatur Domine oratio mea. **R.** Sicut incensum in conspectu tuo.

DOM. X. POST PENTEC.

Oratio.

DEUS, qui omnipotentiam tuam parcendo maxime et miserando manifestas : multiplica super nos misericordiam tuam ; ut ad tua promissa currentes, cælestium bonorum facias esse consortes. Per Dominum.

Lectio sancti Evangelii secundum Lucam.

Lectio vij. Cap. 18. b

In illo tempore : Dixit Jesus ad quosdam, qui in se confidebant tamquam iusti, et aspernabantur cæteros, parabolam istam : Duo homines ascenderunt in templum ut orarent, unus pharisæus, et alter publicanus. Et reliqua.

Homilia sancti Augustini
Episcopi.

**Sermo 36. de verbis Domini,
circa medium.**

DICERET saltem pharisæus : Non sum sicut multi hó-

mines. Quid est, cæteri hómines, nisi omnes præter ipsum? Ego, inquit, justus sum, cæteri peccatóres. Non sum sicut cæteri hómines, injústi, raptóres, adúlteri. Et ecce tibi ex vicíno publicáno majóris tumóris occásio. Sicut, inquit, publicánus iste. Ego, inquit, solus sum : iste de cæteris est. Non sum, inquit, talis, qualis iste, per justitias meas, quibus iníquus non sum.

Lectio viij.

J EJÚNO bis in sábbato : dé-
cimas do ómnium quæ possideo. Quid rogáverit Deum, quære in verbis ejus, nihil invénies. Ascéndit oráre : nóluit Deum rogáre, sed se laudáre. Parum est, non Deum rogáre, sed se laudáre : insuper et rogánti insultáre. Publicánus áutem de longínquo stabat, et Deo tamen ipse appropinquábat : cordis consciéntia eum removébat, pietas applicábat. Publicánus áutem de longínquo stabat, sed Dóminus eum de propínquo attendébat.

Lectio ix.

E XCÉLSUS enim Dóminus, et humília réspicit : excélsos áutem, qualis erat ille pharisæus, a longe cognóscit. Excélsa quidem Deus a longe cognóscit, sed non ignóscit. Adhuc áudi humili-tátem publicáni. Parum est, quia de longínquo stabat : nec óculos suos ad cælum

levábat : ut adspicerétur, non adspiciébat : respicere sursum non audébat : premébat consciéntia, spes sublevábat. Adhuc áudi : Percutiébat pectus suum. Pœnas a se ipso exigébat : proptérea Dóminus confiténti parcébat. Percutiébat pectus suum, dicens : Dómine, propítius esto mihi peccatóri. Ecce qui rogat. Quid miráris, si Deus ignóscit, quando ipse agnóscit?

Te Deum laudámus. 16.

Ad Bened. Ant. Stans a longe * publicánus, nolébat óculos ad cælum leváre, sed percutiébat pectus suum, dicens : Deus, propítius esto mihi peccatóri.

℟. Dóminus regnávit, decórem induit. **℣.** Induit Dóminus fortitúdinem, et præcinxit se virtúte.

Ad Magnif. Ant. Descéndit * hic justificátus in domum suam ab illo : quia omnis qui se exáltat, humiliábitur : et qui se humiliat, exaltábitur.

℟. Dirigátur Dómine orátio mea. **℣.** Sicut incénsum in conspéctu tuo.

DOM. XI. POST PENTEC.

Oratio.

O MNÍPOTENS sempitérne Deus, qui abundántia pietátis tuæ, et mérita supplicum excédis et vota : effúnde misericórdiam tuam ; ut dimittas quæ consciéntia métuit, et adjícias quod orá-

tio non præsúmit. Per Dóminum.

Léctio sancti Evangélíi secúndum Marcum.

Lectio vij. Cap. 7. d

IN illo témpore : Exiens Jesus de finibus Tyri, venit per Sidónem ad mare Galilææ, inter médios fines Decapóleos. Et réliqua.

Homília sancti Gregórii Papæ.

Homil. 10. liber 1. in Ezech., ante medium.

QUID est, quod creátor ómnium Deus, cum surdum et mutum sanare voluisset, in áures illius suos dígitos misit, et éxspuens linguam ejus tétigit? Quid per dígitos Redemptóris, nisi dona sancti Spíritus designántur? Unde cum in álio loco ejecisset dæmónium, dixit : Si in dígito Dei ejicio dæmónia, profécto pervénit in vos regnum Dei. Qua de re per Evangelístam álium dixisse describitur : Si ego in Spíritu Dei ejicio dæmones, igitur pervénit in vos regnum Dei. Ex quo utróque loco colligitur, quia dígitus Spíritus vocátur. Dígitus ergo in aurículas mittere, est per dona Spíritus sancti mentem surdi ad obediéndum aperire.

Lectio viij.

QUID est vero, quod éxspuens linguam ejus tétigit? Saliva nobis est ex ore Redemptóris, accépta sapientia in elóquio divino.

Saliva quippe ex cápite défluit in ore. Ea ergo sapiéntia, quæ ipse est, dum lingua nostra tángitur, mox ad prædicatiónis verba formátur. Qui suspiciens in cælum, ingémuit : non quod ipse necessárium gémitum habéret, qui dabat quod postulábat : sed nos ad eum gémere, qui cælo præsidet, dócuit : ut et áures nostræ per donum Spíritus sancti aperiri, et lingua per salivam oris, id est, per sciéntiam divinæ locutiónis, solvi débeat ad verba prædicatiónis.

Lectio ix.

CUI mox, Ephphetha, id est, Adaperire dicitur : et statim apértæ sunt áures ejus, et solútum est vínculum linguæ ejus. Qua in re notándum est, quia propter cláusas áures dictum est, adaperire. Sed cui áures cordis ad obediéndum apértæ fúerint, ex subsequéti procul dúbio étiam linguæ ejus vínculum sólvitur : ut bona quæ ipse fécerit, étiam faciéndam áliis loquátur. Ubi bene ádditur : Et loquebátur recte. Ille enim recte lóquitur, qui prius obediéndum fécerit, quæ loquéndum ádmonet esse faciéndam.

Te Deum laudámus. 16.

Ad Bened. Ant. Cum transisset Dóminus * fines Tyri, surdos fecit audire, et mutos loqui.

¶ Dóminus regnávít, decórem índuit. ℟. Índuit Dó-

minus fortitudinem, et præcinxit se virtute.

Ad Magnificat Ant. Bene omnia fecit, * et surdos fecit audire, et mutos loqui.

℣. Dirigatur Dómine oratio mea. **℟.** Sicut incensum in conspectu tuo.

DOM. XII. POST PENTEC.

Oratio.

OMNÍPOTENS et miséricors Deus, de cujus múnere venit, ut tibi a fidélibus tuis digne et laudabiliter serviatur : tribue quæsumus nobis ; ut ad promissiones tuas sine offensione currámus. Per Dóminum.

Lectio sancti Evangélíi secúndum Lucam.

Lectio vij. Cap. 10. d

IN illo témpore : Dixit Jesus discipulis suis : Beáti óculi, qui vident quæ vos vidétis. Dico enim vobis, quod multi prophætæ et reges voluerunt vidére quæ vos vidétis, et non vidérunt. Et reliqua.

Homília venerábilis Bedæ Presbýteri.

Liber 3. cap. 43. in Lucæ 10.

NON óculi scribárum et pharisæórum, qui corpus tantum Dómini vidére ; sed illi beáti óculi, qui ejus possunt cognóscere sacraménta, de quibus dicitur : Et revelásti ea párvulis. Beáti óculi parvulórum, quibus et se et Patrem Filius reveláre dignáture. Abraham ex-

sultávit ut vidéret diem Christi : et vidit, et gavisus est. Isaías quoque, et Michæas, et multi álíi prophætæ vidérunt glóriam Dómini : qui et propterea Vidéntes sunt appelláti : sed hi omnes a longe adspiciéntes et salutántes, per spéculum et in ænigmate vidérunt.

Lectio viij.

APÓSTOLI áutem in præsentíarum habéntes Dóminum, convalescentésque ei, et quæcúmque voluissent interrogándo discéntes, nequáquam per Angelos, aut várias visiónum spécies opus habébant docéri. Quos vero Lucas multos prophétas et reges dicit, Matthæus apértius prophétas et justos appellat. Ipsi sunt enim reges magni : quia tentatiónum suárum mótibus non consentiéndò succumbere, sed regéndo præesse novérunt.

Lectio ix.

ET ecce quidam legisperitus surrêxit, tentans eum, et dicens : Magister, quid faciéndò vitam ætérnam possidébo? Legisperitus, qui de vita ætérna Dóminum tentans intérogat, occasiódinem, ut reor, tentándi de ipsis Dómini sermónibus sumpsit, ubi ait : Gaudéte áutem quod nómina vestra scripta sunt in cælis. Sed ipsa sua tentatióne declárat, quam vera sit illa Dómini confésio, qua Patri lóquitur : Quod abscondisti hæc a sa-

piéntibus et prudéntibus, et revelásti ea párvulis.

Te Deum laudámus. 16.

Ad Bened. Ant. Magister,* quid faciéndum vitam ætérnam possidébo? at ille dixit ad eum : In lege quid scriptum est? quómodo legis? Diliges Dóminum Deum tuum ex toto corde tuo, allelúia.

V. Dóminus regnávit, decórem induit. **R.** Induit Dóminus fortitúdinem, et præcinxit se virtúte.

Ad Magnif. Ant. Homo quidam * descendébat a Jerúsalem in Jéricho, et incidit in latrónes; qui étiam despoliavérunt eum, et plagis impósitis abiérunt, semivivo relicto.

V. Dirigátur Dómine oratio mea. **R.** Sicut incénsum in conspéctu tuo.

DOM. XIII. POST PENTEC.

Oratio.

OMNÍPOTENS sempitérne Deus, da nobis fidei, spei, et caritátis augméntum : et ut mereámur ásequi quod promíttis, fac nos amáre quod præcipis. Per Dóminum.

Léctio sancti Evangélíi secúndum Lucam.

Lectio vij. Cap. 17. c

IN illo témpore : Dum iret Iesus in Jerúsalem, transibat per médiám Samariám, et Galilæam. Et cum ingrederétur quoddam castéllum,

occurrérunt ei decem viri leprósi. Et réliqua.

Homilía sancti Augustini Episcopi.

Lib. 2. quæst. Evang. cap. 40.

DE decem leprósis, quos Dóminus ita mundávit, cum ait : Ite, osténdite vos sacerdotibus; quæri potest, cur eos ad sacerdótes miserit, ut cum irent, munderéntur. Nullum enim eórum, quibus hæc corporália benefícia præstitit, invenitur misisse ad sacerdótes, nisi leprósos. Nam et illum a lepra mundáverat, cui dixit : Vade, osténde te sacerdotibus, et offer pro te sacrificium, quod præcepit Móyses, in testimónium illis. Quæréndum igitur est, quid ipsa lepra significet : non enim sanáti, sed mundáti dicúntur, qui ea caruérunt. Colóris quippe vitium est, non valetúdinis, aut integritátis sensuum atque membrórum.

Lectio viij.

LEPRÓSI ergo non absúrde lintélligi possunt, qui sciéntiam veræ fidei non habéntes, várias doctrínas profiténtur erróris. Non enim abscondunt imperítiam suam : sed pro summa perítia próferunt in lucem, et jactántia sermónis osténtant. Nulla porro falsa doctrína est, quæ non áliqua vera intermisceat. Vera ergo falsis inordináte permícta, in una disputa-

tióne vel narratióne hóminis, tamquam in unius corpore colóre apparentia, significant lepram, tamquam veris falsisque colórum fucis humana corpora variántem atque maculántem.

Lectio ix.

HI áutem tam vitándi sunt Ecclesiæ, ut si fieri potest, longius remóti, magno clamóre Christum interpellent : sicut isti decem steterunt a longe, et levavérunt vocem, dicéntes : Jesu præcéptor, miserére nostri. Nam et quod præceptórem vocant, quo nómine nescio utrum quisquam Dóminum interpelláverit pro medicina corporáli; satis puto significáre, lepram falsam esse doctrinam, quam bonus præcéptor abstérgit.

Te Deum laudámus. 16.

Ad Bened. Ant. Cum transiret Jesus * quoddam castélum, occurrérunt ei decem viri leprosi : qui steterunt a longe, et levavérunt vocem, dicéntes : Jesu præcéptor, miserére nostri.

V. Dóminus regnávít, decórem induit. **R.** Induit Dóminus fortitúdinem, et præcínxit se virtúte.

Ad Magnif. Ant. Unus áutem * ex illis, ut vidit quod mundátus est, regréssus est cum magna voce magnificans Deum, allelúia.

V. Dirigátur Dómine orátio mea. **R.** Sicut incénsum in conspectu tuo.

DOM. XIV. POST PENTEC.

Oratio.

CUSTÓDI, Dómine quæsumus, Ecclesiám tuam propitiatióne perpétua : et quia sine te lábitur humana mortálitás, tuis semper auxiliis et abstrahátur a nóxiis, et ad salutária dirigátur. Per Dóminum.

Léctio sancti Evangélii secúndum Matthæum.

Lectio vij. Cap. 6. c

In illo témpore : Dixit Jesus discipulis suis : Nemo potest duóbus dóminis servíre. Et réliqua.

Homilia sancti Augustíni Episcopi.

Liber 2. de Sermone Domini in monte, cap. 14.

NEMO potest duóbus dóminis servíre. Ad hanc ipsam intentiόνem referéndum est quod consequénter expónit, dicens : Aut enim unum ódio habébit, et álterum diliget : aut álterum patietúr, et álterum contémnet. Quæ verba diligénter consideránda sunt : nam, qui sint duo dómini, deinceps osténdit, cum dicit : Non potéstis Deo servíre, et mammónæ. Mammóna apud Hebræos divitiæ appellári dicúntur. Cóngruit et Púnicum nomen : nam lucrum Púnice mammon dicitur.

Lectio viij.

SED qui servit mammónæ, illi útique servit, qui rebus istis terrénis mérito suæ

perversitátis præpósitus, magistrátus hujus sæculi a Dómino dicitur. Aut enim unum ódio habébit homo, et áterum diliget, id est, Deum : aut áterum patiétur, et áterum contémnet. Patiétur enim durum et perniciosum dóminum, quisquis servit mammónæ : sua enim cupiditate implicátus, súbditur diábolo, et non eum diligit. Quis enim est qui diligit diábolum? sed tamen pátitur.

Lectio ix.

IDEO, inquit, dico vobis, non habére sollicitúdinem ánimæ vestræ quid edátis, neque córpori vestro quid induátis : ne forte, quamvis jam supérflua non quærántur, propter ipsa necessária cor duplicétur, et ad ipsa conquirenda, nostra detorqueátur inténtio, cum áliquid quasi misericórditer operámur : id est, ut cum consúlere alicui vidéri vólumus, nostrum emoluméntum ibi pótius, quam illius utilitatem attendámus ; et ideo nobis non videámur peccáre, quia non supérflua, sed necessária sunt, quæ cónsequi vólumus.

Te Deum laudámus. 16.

Ad Bened. Ant. Nolite solliciti esse, * dicéntes : Quid manducábimus, aut quid bibémus? scit enim Pater vester, quid vobis necesse sit, allelúia.

Ÿ. Dóminus regnávit. **ut supra.** 317.

Ad Magnif. Ant. Quærite primum * regnum Dei et justitiam ejus, et hæc ómnia adjiciéntur vobis, allelúia.

Ÿ. Dirigátur. **ut supra.** 317.

DOM. XV. POST PENTEC.

Oratio.

ECCLESIAM tuam Dómine miserátio continuáta mundet et múniat : et quia sine te non potest salva consistere, tuo semper múnere gubernétur. Per Dóminum. Lécitio sancti Evangélii secúndum Lucam.

Lectio vij. Cap. 7. b

IN illo témpore : Ibat Jesus in civitatem, quæ vocátur Naïm : et ibant cum eo discipuli ejus, et turba copiósa. Et reliqua.

Homília sancti Augustíni
Episcopi.

**Sermo 44. de verbis Domini,
circa initium.**

DE júvene illo resuscitato gavisa est mater vídua : de hominibus in spíritu quotidie suscitátis gáudet mater Ecclésia. Ille quidem mórtuus erat córpore : illi áutem mente. Illius mors visibilis visibíliter plangebátur : illórum mors invisibilis nec quærebátur, nec videbátur. Quæsivit ille, qui nóverat mórtuos. Ille solus nóverat mórtuos, qui póterat fácere vivos. Nisi enim ad mórtuos suscitándos venisset, Apóstolus non diceret : Surge, qui dormis, et exsúrge a

mórtuis, et illuminábit te Christus.

Lectio viij.

TRES áutem mórtuos invenimus a Dómino resuscitátos visibíliter, millia invisibíliter. Quot áutem mórtuos visibíliter suscitáverit, quis novit? Non enim ómnia, quæ fecit, scripta sunt. Joánnes hoc dixit : Multa ália fecit Jesus : quæ si scripta essent, árbitor totum mundum non posse libros cápere. Multi ergo sunt álii sine dúbio suscitáti, sed non tres frustra commemoráti. Dóminus enim noster Jesus Christus ea quæ faciébat corporáliter, étiam spiritaliter volébat intélligi. Neque enim tantum mirácula propter mirácula faciébat : sed ut illa, quæ faciébat, mira essent vidéntibus, vera essent intelligéntibus.

Lectio ix.

QUEMÁDMODUM qui videt litteras in códice óptime scripto, et non novit légere, láudat quidem antiquárii manum, admirans ápicum pulchritúdinem : sed quid sibi velint, quid indicent illi ápices, nescit, et est óculis laudátor, mente non cógnitor. Alius áutem et láudat artificium, et capit intelléctum : ille útique, qui

non solum vidére quod commúne est ómnibus, potest, sed étiam légere ; quod qui non didicit, non potest. Ita qui vidérunt Christi mirácula, et non intellexérunt quid sibi vellent, et quid intelligéntibus quodámmodo innúerent, miráti sunt tantum quia facta sunt : álii vero et facta miráti, et intellécta assecúti. Tales nos in schola Christi esse debémus.

Te Deum laudámus. 16.

Ad Bened. Ant. Ibat Jesus * in civitátem quæ vocátur Naím : et ecce defúctus efferebátur filius únicus matris suæ.

Ÿ. Dóminus regnávit, decórem induit. **℟.** Induit Dóminus fortitúdinem, et præcinxit se virtúte.

Ad Magnif. Ant. Prophéta magnus * surréxit in nobis, et quia Deus visitávit plebem suam.

Ÿ. Dirigátur Dómine orátio mea. **℟.** Sicut incénsum in conspéctu tuo.

DOM. XVI. POST PENTEC.

Oratio.

TUA nos, quæsumus Dómine, grátia semper et præveníat et sequátur : ac bonis opéribus júgiter præstet esse inténtos. Per Dóminum.





PROPRIUM SANCTORUM

FESTA MAII

**Prima die non impedita,
dicitur Offic. Defunctorum.**

DIE I

SS. PHILIPPI ET JACOBI APOST.

Duplex 2. classis.

IN I. VESPERIS

**Ant. de Laud. 323; Ps. ut in
I. Vesp. de Comm. Apost. 2*.**

**Capit., Hymn., V. et alia
hic non propria de Comm.
Apost. 4*.**

Ad Magnif. Ant. Non turbetur
cor vestrum, neque formidet:
créditis in Deum, et in
me créдите: in domo Patris
mei mansiones multæ sunt.

Orat. ut infra in Laud. 324.

AD MATUTINUM

**Omnia de Comm. Apost.
4*, præter seq.**

IN I. NOCTURNO

Incipit Epístola cathólica
beáti Jacóbi Apóstoli.

Lectio j. Cap. 1.

JACÓBUS Dei, et
Dómini nostri Je-
su Christi servus,
duódecim tribu-
bus, quæ sunt in
dispersióne, salutem. Omne

gáudium existimáte fratres
mei, cum in tentatiónes
várias incidéritis: sciéntes
quod probátio fidei vestræ
patiéntiam operátur. Patién-
tia áutem opus perféctum
habet: ut sitis perfécti et
integri in nullo deficientes.
Si quis áutem vestrum ín-
diget sapiéntia, póstulet a
Deo, qui dat ómnibus af-
fluénter, et non impróperat:
et dábitur ei. Póstulet áutem
in fide nihil hæsítans.

R. Ecce ego mitto vos sic-
ut oves in médio lupórum,
dicit Dóminus: * Estóte er-
go prudéntes sicut serpéntes,
et simplices sicut colúmbæ.
V. Dum lucem habétis, cré-
dite in lucem, ut filii lucis
sitis. Estóte.

Lectio ij.

QUI enim hæsítat, similis
est flúctui maris, qui a
vento movétur et circum-
fértur. Non ergo æstimet
homo ille quod accipiat áli-
quid a Dómino. Vir du-
plex ánimo incónstans est in
ómnibus viis suis. Gloriétur

áutem frater húmilis in exaltatióne sua : dives áutem in humilitáte sua, quóniam sicut flos fœni transibit. Exórtus est enim sol cum ardóre, et arefécit fœnum, et flos ejus décidit, et decor vultus ejus depériit : ita et dives in itinéribus suis marcécset.

℞. Tóllite jugum meum super vos, dicit Dóminus, et discite a me, quia mitis sum et húmilis corde : * Jugum enim meum suáve est, et onus meum leve. ✠. Et inveniétis réquiem animábus vestris. Jugum.

Lectio iij.

BEÁTUS vir, qui suffert tentatióne : quóniam cum probátus fúerit, accipiet corónam vitæ, quam repro-mísit Deus diligéntibus se. Nemo cum tentátur, dicat quóniam a Deo tentátur : Deus enim intentátor malórum est : ipse áutem néminem tentat. Unusquisque vero tentátur a concupiscéntia sua abstráctus, et illéctus. Deínde concupiscéntia cum concéperit, parit peccátum : peccátum vero cum consummátum fúerit, génerat mortem. Nolite itaque erráre fratres mei dilectissimi.

℞. Dum stetéritis. 8*.

IN II. NOCTURNO

Lectio iv.

PHILÍPPUS Bethsáidæ natus, unus ex duódecim Apóstolis, qui primum a

Christo Dómino vocáti sunt : a quo cum accepisset Nathánaël, venisse Messiam in lege promissum, ad Dóminum dedúctus est. Quam vero Christus eum familiáriter adhibéret, illud fáci-le declárat, quod gentiles Salvatórem vidére cupiéntes, ad Philippum accessérunt : et Dóminus, cum in solitúdine hóminum multitudínem páscere vellet, sic Philippum affátus est : Unde emémus panes ut mandúcent hi? Is, accépto Spíritu sancto, cum ei Scýthia ad prædicándum Evangélium obtigisset, omnem fere illam gentem ad christiánam fidem convertit. Postrémo cum Hierápolim Phrýgiæ venisset, pro Christi nómine cruci affixus, lapidibúsque óbrutus est, Kaléndis Maii. Ejus corpus ibídem a Christiánis sepúltum, póstea Romam delátum, in basilica duódecim Apostolórum una cum corpore beáti Jacóbi Apóstoli cónditum est.

℞. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei. ✠. Vidi Angelum Dei fortem, volántem per médium cælum, voce magna clamántem et dicéntem. Isti sunt.

Lectio v.

JACÓBUS frater Dómini, cognoménto Justus, ab

ineúnte ætáte vinum et siceram non bibit, carne abstí-nuit, numquam tonsus est, nec unguénto nec bálneo usus. Huic unilicébat ingredi in Sancta sanctórum. Idem líneis véstibus utebátur : cui étiam assidúitas orándi ita callum génibus obdúxerat, ut duritie caméli pellem imitarétur. Eum post Christi ascensiónem Apóstoli Jerosolymórum episcopum creavérunt : ad quem étiam princeps Apostolórum misit, qui nuntiáret se e cárcere ab Angelo edúctum fuisse. Cum áutem in concilio Jerosólymis controversia esset orta de lege et circumcisióne : Jacóbus Petri senténtiam secútus, ad fratres hábuit conciónem, in qua vocatióne gentium probávit : fratribúsque abséntibus scribéndum esse dixit, ne géntibus jugum Mosáicæ legis impónerent. De quo et lóquitur Apóstolus ad Gálatas : Alium áutem Apostolórum vidi néminem, nisi Jacóbum fratrem Dómini.

℟. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentientes, propter me:

* Gaudéte et exsultáte, quóniam merces vestra copiósa est in cælis. ✠. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum

propter Filium hóminis. Gaudéte.

Lectio vj.

TANTA áutem erat Jacóbi vitæ sáncritas, ut fimbriam vestiménti ejus certá-tim hómines cúperent attingere. Nam is nonaginta sex annos natus, cum triginta annis illi Ecclésiæ sanctissime præfuisset, Christum Dei Filium constantissime prædicans, lapidibus primum appetitur : mox in altissimum templi locum adductus, inde præcipitátus est. Qui confráctis crúribus, jacens semivivus, manus tendébat ad cælum, Deúmque pro illórum salúte deprecabátur his verbis : Ignósce eis Dómine, quia nesciunt quid faciunt. Qua in oratióne, gráviter ejus cápite fullónis fuste percússo, ánimam Deo réddidit, séptimo Nerónis anno, et juxta templum ubi præcipitátus fúerat, sepúltus est. Unam scripsit epístolam, quæ de septem catholicis est.

℟. Isti sunt. 11*.

IN III. NOCTURNO

Lectio sancti Evangélii secundum Joánnem.

Lectio vij. Cap. 14.

IN illo témpore : Dixit Jesus discipulis suis : Non turbétur cor vestrum. Créditis in Deum, et in me credite. In domo Patris mei mansiones multæ sunt. Et reliqua.

Homilia sancti Augustini
Episcopi.

Tract. 67. in Joannem.

ERIGENDA est nobis, fratres, ad Deum major intentio, ut verba sancti Evangelii, quæ modo in nostris auribus sonuerunt, etiam mente capere utcumque possimus. Ait enim Dominus Jesus : Non turbetur cor vestrum. Creditis in Deum, et in me credite. Ne mortem tamquam homines timerent, et ideo turbarentur, consolatur eos, etiam se Deum esse contestans. Creditis, inquit, in Deum, et in me credite. Consequens est enim, ut si in Deum creditis, et in me credere debeatis : quod non esset consequens, si Christus non esset Deus.

¶ Isti sunt qui viventes in carne, plantaverunt Ecclesiam sanguine suo : * Calicem Domini biberunt, et amici Dei facti sunt. ¶ In omnem terram exivit sonus eorum, et in fines orbis terræ verba eorum. Calicem.

Lectio viij.

CREDITIS in Deum, et in eum credite, cui natura est, non rapina, esse æqualem Deo : semetipsum enim exinanivit, non tamen formam Dei amittens, sed formam servi accipiens. Mortem metuitis huic formæ servi : non turbetur cor vestrum : suscitabit illam forma Dei. Sed quid est, quod sequitur, In domo Patris

mei mansiones multæ sunt : nisi quia et sibi metuébant ? Unde audire debuérunt : Non turbetur cor vestrum. Quis enim eorum non metúeret, cum Petro dictum esset, fidentióri atque promptióri : Non cantabit gallus, donec ter me neges ?

¶ Isti sunt viri sancti, quos elégit Dominus in caritate non ficta, et dedit illis glóriam sempitérnam. * Quorum doctrina fulget Ecclesia, ut sole luna. ¶ Sancti per fidem vicérunt regna : operáti sunt justitiam. Quorum. Glória Patri. Quorum.

Lectio ix.

TAMQUAM ergo essent ab illo perituri, mérito turbabántur : sed cum áudiunt, In domo Patris mei mansiones multæ sunt : si quominus dixissem vobis : Quia vado paráre vobis locum : a perturbatione recreántur, certi ac fidéntes, etiam post perícula tentatiónum, se apud Deum cum Christo esse mansúros : quia etsi álius est álio fórtior, álius álio sapiéntior, álius álio jústior, álius álio sánctior : in domo Patris mei mansiones multæ sunt. Nullus eorum alienábitur ab illa domo, ubi mansionem pro suo quisque accepturus est mérito.

Te Deum laudámus. 16.

AD LAUDES

ET PER HORAS

Ant. 1. Dómine * osténde

nobis Patrem, et sùfficit nobis.

Ps. Dóminus regnávít. 16.

2. Philippe, * qui videt me, videt et Patrem meum.

3. Tanto témpore * vobiscum sum, et non cognovístis me? Philippe, qui videt me, videt et Patrem in eum.

4. Si cognovissétis me, * et Patrem meum útique cognovissétis, et ámodo cognoscétis eum, et vidistis eum.

5. Si diligitis me, * mandata mea serváte.

Capit., Hymn. et y. de Comm. Apost. 14*.

Ad Bened. Ant. Ego sum via, véritas, et vita : nemo venit ad Patrem, nisi per me.

Oratio.

DEUS, qui nos ánnua Apostolorum tuorum Philippi et Jacóbi solemnitate lætíficas : præsta quæsumus; ut quorum gaudémus méritis, instruámur exémplicis. Per Dóminum.

AD HORAS

Ant. sumuntur ex Laud., ut supra; Capit. et B. br. ut in Comm. Apost. 15*.

IN II. VESPERIS

Ant. de Laud.; Psalmi ut in II. Vesp. de Comm. Apost. et reliq. de eodem Comuni. 15*.

Ad Magnif. Ant. Si mansérítis in me, et verba mea in vobis mánserint, quodcúmque petiérítis, fiet vobis.

DIE II

**SANCTI ATHANASII
EPISC. CONF. ET ECCL. DOCT.**

Duplex.

Omnia de Comm. Conf. Pont. 55*, præter seq.

In utrisque Vesp. ad Magnif. Ant. O Doctor óptime, Ecclesiæ sanctæ lumen, beáte Athanási, divinæ legis amátor, deprecáre pro nobis Filium Dei.

Oratio.

EXÁUDI, quæsumus Dómine, preces nostras, quas in beáte Athanásii Confessoris tui atque Pontificis solemnitate deférimus : et qui tibi digne méruit famulári, ejus intercedéntibus méritis ab ómnibus nos absolvet peccátis. Per Dñum.

IN I. NOCTURNO

Lect. de Script. occur.

IN II. NOCTURNO

Lectio iv.

ATHANÁSIUS Alexandrinus, cathólicæ religiónis propugnátor acérrimus, ab Alexandro episcopo Alexandrino diáconus factus est : in cujus locum succéssit, quem étiam ántea secútus fúerat ad Nicænum concilium; ubi cum Arii impietatem repressisset, tantum ódium Arianórum suscepit, ut ex eo témpore ei insídias moliri numquam destiterint. Nam coácto ad Tyrum concilio magna ex parte Arianórum episcopórum, subornárunť muliérculam, quæ

accusáret Athanásium, quod hospitio accéptus sibi stuprum per vim intulisset. Introductus igitur est Athanásius, et una cum eo Timótheus præsbyter : qui simulans se esse Athanásium, Ego ne, inquit, múlcer, apud te sum diversátus? ego te violávi? Cui illa petulánter : Tu mihi vim attulisti : idque jure jurándo affirmans, júdicum fidem obtestabátur, ut tantum flagitium vindicarent. Qua cógnita fraude, rejécta est mulieris impudentia.

R. Inveni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus enim.

Lectio v.

ARSÉNIUM quoque episcopum ab Athanásio interféctum Ariáni pervulgárum : quem dum occúlte détinent, manum mórtui déferunt in judicium, ab Athanásio ad usum mágicæ artis Arsénio amputátam criminántes. At Arsénius noctu aufúgiens, cum se in conspéctu totius concilii statuisset, Athanásii inimicórum impudentissimum scelus apérui. Quod illi nihilóminus mágicis ártibus Athanásii tribuéntes, vitæ ejus insidiári non desistébant. Quamóbrem in exsiliu actus, in Gállia apud Tréviros exsulávit. Grávis

deinceps ac diutúrnis sub Constantio imperátore, Ariánórum fautóre, tempestátibus jactátus, et incredibiles calamitátes perpéssus, magnam orbis terræ partem peragrávit; ac sæpe e sua ecclésia ejéctus, sæpe étiam in eámdem et Júlii Románi Pontificis auctoritáte, et Constantis imperatóris, Constantii fratris, patrocínio, decrétis quoque concilii Sardicénsis, ac Jerosolymitáni, restitútus est; Ariánis intérea illi semper inféstis : quorum pertinácem iram, et summum vitæ discrimen fúgiens, in sicca cistérna quinque annis se ábdidit, ejus rei tantum cónscio quodam Athanásii amico, qui eum clam sustentábat.

R. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. **V.** Inveni David servum meum, óleo sancto meo unxi eum. Manus.

Lectio vj.

CONSTANTIO mórtuo, cum Juliánus Apóstata, qui ei in império succéssit, éxsules episcopos ad suas ecclésias redire permisisset, Athanásius Alexandriam revérsus, summo honóre excéptus est. Sed non multo post, iisdem Ariánis impelléntibus, a Juliáno exagitátus, rursus discédere cógitur. Cumque ab ejus satellitibus ad necem conquiréretur, qua fugiébatur

navícula conversâ in contrâriam flûminis partem, iis qui se insequébântur, ex indústria occûrrit : et quæréntibus, quantum inde abéssset Athanásius, respóndit eum non longe abéssse : itaque illos contrârium tenéntes cursum effûgit, atque Alexandriam rédiens, ibídem usque ad Juliáni óbitum occúltus permánsit. Qui páulo post Alexandriæ ália exórta tempestáte, quátuor menses in patérno sepúlcro delítuit. Ac dénique ex tot tantisque perículis divinitus eréptus, Alexandriæ mórtnus est in suo léctulo, sub Valénte : cujus vita et mors magnis nobilitáta est miráculis. Multa pie et ad illustrándam cathólicam fidem præcláre scripsit, sexque et quadraginta annos in summa téporum varietáte Alexandrinam ecclésiâ sanctissime gubernávit.

℞. Iste est. 62*.

IN III. NOCTURNO

Léctio sancti Evangélíi scúndum Matthæum.

Lectio vij. Cap. 10. c

In illo tépore : Dixit Jesus discipulis suis : Cum persequéntur vos in civitáte ista, fúgite in áliam. Et réliqua.

Homilia sancti Athanásii
Episcopi.

In Apologia de fuga sua,
ante medium.

In lege præcéptum erat ut constitueréntur civitâtes

refugiórum, ut qui quomodoúmque ad necem quæréréntur, servári possent. In consummatione porro sæculórum cum advenisset illud ipsum Verbum Patris, quod Móysi ántea locútum fúerat, rursus hoc præcéptum dedit : Cum vos, inquit, persecúti fúerint in civitáte ista, fúgite in áliam. Paulóque post súbjicit : Cum vidéritis illam abominatióem desolatióis, quæ dicta est per Daniélem prophétam, consistentem in loco sancto (qui legit, intélligat), tunc qui in Judæa sunt fúgiant ad montes : et qui in tecto est, ne descéndat tóllere áliquid de domo sua : et qui in agro est, non revertátur tóllere túnica suam.

℞. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. ℣. Induit eum Dóminus lorícam fidei, et ornávit eum. Et ad portas.

Lectio viij.

HÆC cum scirent sancti, ejúsmodi tenuérunt suæ conversatióis institútum. Quæ enim nunc præcépit Dóminus, éadem quoque ante suum in carne advéntum locútus est in sanctis : et hoc institútum hómínes ad perfectiόnem ducit. Nam quod Deus jússerit, id omnino faciéndum est. Ideóque et ipsum Verbum propter nos homo factum, non indí-

gnum putávit, cum quærérétur, quemádmódu et nos, abscondere se; et cum persecutióne paterétur, fúgere, et insidias declináre: cum áutem a se definitum tempus ipse adduxisset, in quo corporáliter pro ómnibus pati volébat, ultro se ipsum trádidit insidiántibus.

¶ In médio Ecclesiæ apéruit os ejus, * Et implévit eum Dóminus spiritu sapiéntiæ et intelléctus. †. Jucunditátem et exsultatióne thesaurizávit super eum. Et. Glória Patri. Et.

Lectio ix.

AT vero sancti hómines cum hanc quoque formam a Salvátore didicissent, (ab ipso enim et ántea et semper omnes docebantur) advérsus persecutóres ut légitime certárent, fugiébant, et ab illis quæsi se abscondébant. Cum enim præstitúti sibi a divina providéntia témporis finem ignorárent, nolébant insidiántibus se témere trádere: sed contra, cum scirent quod scriptum est, in mánibus Dei esse hóminum sortes, et Dóminum mortificáre et vivificáre, pótius in finem usque perseverábant, circumeúntes, ut ait Apóstolus, in melótis et péllibus caprinis, egéntes, angustiáti, in solitudinibus errántes, et in spelúncis et cavérnis terræ laténtes, quoad vel definitum mortis tempus veniret,

vel qui tempus ipsum defínierat, Deus cum eis loquerétur, et insidiántes cohibéret, aut certe persecutóribus eos tráderet, utcúmque illi placuisset.

Te Deum laudámus. 16.

DIE III

IN INVENTIONE SANCTÆ CRUCIS

Duplex 2. classis.

IN I. VESPERIS

Ant. de Laud. 332.

Psalmi ut in I. Vesp. de Comm. Apost. 2*.

Capitulum. Philipp. 2.

FRATRES: Hoc enim sentíte in vobis, quod et in Christo Jesu: qui cum in forma Dei esset, non rapinam arbitrátus est esse se æquálem Deo: sed semetipsum exinanívit, formam servi accípiens, in similitúdinem hóminum factus, et hábitu invéntus ut homo.

Hymnus.

VEXÍLLA regis pródeunt: Fulget Crucis mystérium, Qua víta mortem pértulit, Et morte vitam prótulit.

Quæ vulneráta lanceæ Mucróné diro, criminum Ut nos laváret sórdibus, Manávit unda, et ságuine.

Impléta sunt quæ cóncinit David fidéli cármine, Dicéndo natió nibus: Regnávit a ligno Deus.

Arbor decóra et fúlgida, Ornáta regis púrpura, Elécta digno stípite Tam sancta membra tángere.

Beāta, cujus brachiis
Prætiūm pepēdit sæculi,
Statēra facta cōrporis,
Tulitque prædam tårtari.

O Crux ave spes única,
In hac triúmphī glória,
Piis adáuge grátiam,
Reisque dele crimina.

Te, fons salútis Trínitas,
Colláudet omnis spíritus :
Quibus Crucis victóriam
Largiris, adde præmíum.

Amen.

Ÿ. Hoc signum Crucis erit
in cælo. R. Cum Dóminus
ad judicándum vénerit.

Ad Magnif. Ant. O Crux,
splendidior cunctis astris,
mundo célebris, homínibus
multum amábilis, sánctior
univérſis : quæ sola fuísti
dignaportáre taléntum mun-
di : dulce lignum, dulces
clavos, dúlcia ferens pón-
dera : salva præsentem ca-
tērvam in tuis hódie láudi-
bus congregátam.

Oratio ut in Laud. 333.

AD MATUTINUM

Invit. Christum Regem
crucifixum, * Veníte, ado-
rémus.

Ps. Veníte, exsultémus. 2.

Hymnus.

PANGE lingua glorióſi
Láuream certáminis,
Et super Crucis trophæo
Dic triúmphum nóbilem :
Qualiter Redémptor orbis
Immolátus vicerit.

De paréntis protoplásti
Fráude Factor cóndolens,
Quando pomi noxiális
In necem morsu ruit :

Ipse lignum tunc notávit,
Damna ligni ut sólveret.

Hoc opus nostræ salútis
Ordo depopóscerat ;
Multifórmis proditóris
Ars ut artem fálleret,
Et medélam ferret inde,
Hostis unde læserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor ;
Atque ventre virgináli
Carne amictus pródiit.

Vagit infans inter arcta
Cónditus præsepia :
Membra pannis involúta
Virgo Mater álligat :
Et Dei manus pedésque
Stricta cingit fáscia.

Sempitérna sit beátæ
Trinitáti glória,
Æqua Patri, Filióque ;
Par decus Paráclito :
Unius Triníque nomen
Láudet univérſitas.

Amen.

IN I. NOCTURNO

Ant. Invéntæ Crucis festa
recólimus, cujus præcónium
univérsum per orbem mi-
cánti lúmine fulget.

**Pss. de Comm. unius
Mart.** 25*.

Ant. Sancta Crux extólli-
tur a cunctis régibus, virga
régia erigitur, in qua Salvá-
tor triumphávit.

Ant. O Crux venerábilis,
quæ salútem attulisti mise-
ris, quibus te éfferam præ-
cóniis, quóniam vitam nobis
cæliternam præparásti?

Ÿ. Hoc signum Crucis erit

in cælo. **R.** Cum Dóminus ad iudicándum vénerit.

De Epístola beáti Páuli Apóstoli ad Gálatas.

Lectio j. Cap. 3. b

QUICÚMQUE ex opéribus legis sunt, sub maledicto sunt. Scriptum est enim : Maledictus omnis, qui non permánserit in ómnibus, quæ scripta sunt in Libro legis ut fáciat ea. Quóniam áutem in lege nemo justificátur apud Deum, manifestum est : quia justus ex fide vivit. Lex áutem non est ex fide, sed, Qui fécerit ea, vivet in illis. Christus nos redémit de maledicto legis, factus pro nobis maledictum : quia scriptum est : Maledictus omnis qui pendet in ligno : ut in géntibus benedictio Abrahæ fieret in Christo Jesu, ut pollicitationem Spíritus accipiámus per fidem.

R. Gloriósum diem sacra venerátur Ecclésia, dum triumphálereserátur lignum :

* In quo Redemptor noster mortis víncula rumpens, cálidum áspidem superávit. **V.** In ligno pendens nostræ salutis sémitam Verbum Patris invénit. In quo.

De Epístola ad Philippéenses.

Lectio ij. Cap. 2.

Hoc enim sentíte in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetípsum exinanívit for-

nam servi accípiens, in similitúdinem hóminum factus, et hábitu invéntus ut homo. Humiliávit semetípsum factus obédiens usque ad mortem, mortem áutem crucis. Propter quod et Deus exaltávit illum, et donávit illi nomen, quod est super omne nomen : ut in nómine Jesu omne genu flectátur cæléstium, terréstrium, et infernórum, et omnis lingua confiteátur quia Dóminus Jesus Christus in glória est Dei Patris.

R. Crux fidélis, inter omnes arbor una nóbilis : nulla silva talem profert, fronde, flore, gérmine :
* Dulce lignum, dulces clavos, dulce pondus sustínuit.
V. Super ómnia ligna cedrórū tu sola excélsior. Dulce. De Epístola ad Colosséenses.

Lectio iij. Cap. 2. b

IN Christo inhábitat omnis plenitúdo divinitátis corporáliter : et estis in illo repléti, qui est caput omnis principátus, et potestátis : in quo et circumcisi estis circumcisióne non manu facta in exspoliatióne córporis carnis, sed in circumcisióne Christi : consepúlti ei in baptismo, in quo et resurrexistis per fidem operatiónis Dei, qui suscitávit illum a mórtuis. Et vos cum mórtui essétis in delictis, et præpútio carnis vestræ, convivicávit cum illo, donans vobis ómnia delicta : delens

quod adversus nos erat chi-
rôgraphum decreti, quod
erat contrarium nobis, et
ipsum tulit de medio, affi-
gens illud cruci : et expô-
lians principatus, et pote-
states traduxit confidenter,
palam triumphans illos in
semetipso.

℞. Hæc est arbor dignis-
sima, in paradisi medio si-
tuata, * In qua salutis auct-
or propria morte mortem
omnium superavit. √. Crux
præcellenti decore fulgida,
quam Helena Constantini
mater concupiscēti animo
requisivit. In. Glória. In.

IN II. NOCTURNO

Ant. Felix ille triumphus
fit salus ægris, vitæ lignum,
moris remedium.

Pss. de Communi unius
Mart. 27*.

Ant. Funestæ mortis da-
mnatur supplicium, dum
Christus in Cruce nostra
destruxit vincula criminum.

Ant. Rex exaltatur in æthe-
ra, cum nobile trophæum
Crucis ab universis Christi-
colis adoratur per sæcula.

√. Adoramus te Christe,
et benedicimus tibi. ℞. Quia
per Crucem tuam redemisti
mundum.

Lectio iv.

POST insignem victoriam,
quam Constantinus im-
perator, divinitus accepto
signo Dominicæ Crucis, ex
Maxentio reportavit, Helena
Constantini mater in somnis
admônita, conquirendæ Cru-

cis studio Jerosólymam ve-
nit : ubi marmóream Veneris
statuam in Crucis loco a gên-
tibus collocatam ad tollén-
dam Christi Dómini passio-
nis memóriam, post cen-
tum circiter octoginta annos
evertendam curavit. Quod
item fecit ad præsepe Salva-
tôris, et in loco resurrectionis,
inde Adónidis, hinc
Jovis sublato simulacro.

℞. Nos autem gloriári opór-
tet in Cruce Dómini nostri
Jesu Christi, in quo est sa-
lus, vita, et resurrectio no-
stra : * Per quem salvati et
liberati sumus. √. Tuam
Crucem adoramus Dómine,
et recólimus tuam gloriósam
passionem. Per quem.

Lectio v.

ITAQUE loco Crucis purgato,
I alte defossæ tres cruces
erutæ sunt, repertusque se-
orsum ab illis Crucis Domi-
nicæ titulus : qui cum ex
tribus cui affixus fuisset, non
appareret, eam dubitationem
sustulit miraculum. Nam
Macarius Jerosolymorum
episcopus, factis Deo préci-
bus, singulas cruces cuidam
feminae gravi morbo labo-
ranti admovit : cui cum reli-
quæ nihil profuissent, ad-
hibita tertia Crux statim eam
sanavit.

℞. Dum sacrum pignus
cælitus revelatur, Christi
fides roboratur : * Adsunt
prodigia divina in virga
Móysi primitus figurata. √.
Ad Crucis contactum resúr-

gunt mórtui, et Dei magná-
lia reserántur. Adsunt.

Lectio vj.

HÉLENA, salutári Cruce in-
vénta, magnificentíssi-
mam ibi exstrúxit ecclésiā,
in qua partem Crucis reliquit
theis argénteis inclúsam,
partem Constantíno filio dé-
tulit : quæ Romæ repósita
fuit in ecclésiā sanctæ Crucis
in Jerúsalem, ædificáta in
ædibus Sessoríanis. Clavos
étiam áttulit filio, quibus
sanctíssimum Jesu Christi
corpus fixum fúerat. Quo ex
tépore Constantínus legem
sancívit, ne crux ad suppli-
cium cuiquam adhiberétur;
ita res quæ ántea homínibus
probro ac ludíbrío fúerat,
veneratióni et glóriæ esse
cœpit.

℟. Hoc signum Crucis erit
in cælo, cum Dóminus ad
judicándum vénerit : * Tunc
manifesta erunt abscondita
cordis nostri. **℣.** Cum séde-
rit Fílius hóminis in sede
majestátis suæ, et cœperit
judicáresæculum per ignem.
Tunc. Glória Patri. Tunc.

IN III. NOCTURNO

Ant. Adorámus te Christe,
et benedicimus tibi, quia
per Crucem tuam redemisti
mundum.

**Pss. ut in III. Noct. de
Communi Virginum.** 104*.

Ant. Per lignum servi facti
sumus, et per sanctam Cru-
cem liberáti sumus : fructus
árboris sedúxit nos : Fílius
Dei redémit nos, allelúia.

Ant. Salvátor mundi salva
nos : qui per Crucem et sán-
guinem tuum redemisti nos,
auxiliáre nobis, te depre-
cámur Deus noster.

℣. Omnis terra adóret te,
et psallat tibi. **℟.** Psalmum
dicat nómini tuo Dómine.

**Léctio sancti Evangélii se-
cúndum Joánnem.**

Lectio vij. Cap. 3.

In illo témpore : Erat homo
ex pharisæis, Nicodémus
nómine, princeps Judæó-
rum. Hic venit ad Jesum
nocte, et dixit ei : Rabbi,
scimus quia a Deo venisti
magister. Et réliqua.

Homilia sancti Augustini
Episcopi.

**Tract. 11. in Joannem,
post initium.**

NICODÉMUS ex his erat, qui
crediderant in nómine
Jesu, vidéntes signa et pro-
digia quæ faciébat. Supérius
enim hoc dixit : Cum áutem
esset Jerosólymis in Pascha
in die festo, multi credidé-
runt in nómine ejus. Quare
crediderunt in nómine ejus?
Séquitur, et dicit : Vidéntes
signa ejus, quæ faciébat. Et
de Nicodémo quid dicit?
Erat princeps Judæórum,
nómine Nicodémus. Hic ve-
nit ad eum nocte, et ait illi :
Rabbi, scimus quia a Deo
venisti magister. Et iste ergo
crediderat in nómine ejus.
Et ipse unde crediderat?
Séquitur : Nemo enim potest
hæc signa fácere, quæ tu fa-
cis, nisi fúerit Deus cum eo.

R. Dulce lignum, dulces clavos, dulce pondus sustinuit : * Quæ sola digna fuit portare prætium hujus sæculi. **V.** Hoc signum Crucis erit in cælo cum Dominus ad judicandum venerit. Quæ.

Lectio viij.

Si ergo Nicodémus de illis multis erat, qui crediderant in nómine ejus, jam in isto Nicodémo attendamus, quare Jesus non se credébat eis. Respóndit Jesus, et dixit ei : Amen, amen dico tibi, nisi quis renátus fúerit denuo, non pòtest vidére regnum Dei. Ipsi ergo se credit Jesus, qui nati fúerint denuo. Ecce illi crediderant in eum, et Jesus non se credébat eis. Tales sunt omnes catechúmeni : ipsi jam credunt in nómine Christi, sed Jesus non se credit eis.

R. Sicut Móyses exaltávit serpéntem in desérto, ita exaltári opórtet Filium hóminis : * Ut omnis qui credit in ipsum, non péreat, sed hábeat vitam ætérnam. **V.** Non misit Deus Filium suum in mundum ut júdicet mundum, sed ut salvétur mundus per ipsum. Ut omnis. Glória Patri. Ut omnis.

Lectio ix.

INTÉNDAT et intélligat cáritas vestra. Si dixerimus catechúmeno : Credis in Christum? Respóndet, Credo, et signat se Cruce Chri-

sti : portat in fronte, et non erubescit de Cruce Dómini sui. Ecce credit in nómine ejus. Interrogémus eum : Mandúcas carnem Filii hóminis, et bibis sánguinem Filii hóminis? Nescit quid dicimus, quia Jesus non se credidit ei.

Te Deum laudámus. 16.

Occurrente Lectione nona Festi Simplicis vel de Homilia, Lectio viij. et ix. conjungitur.

AD LAUDES

ET PER HORAS

Ant. 1. O magnum pietátis opus : * mors mórtua tunc est, in ligno quando mórtua vita fuit.

Ps. Dóminus regnávit. 16.

2. Salva nos * Christe Salvátor per virtutem Crucis : qui salvásti Petrum in mari, miserére nobis.

3. Ecce Crucem Dómini, * fúgite partes advérsæ, vicit leo de tribu Juda, radix David, allelúia.

4. Nos áutem gloriári * opórtet in Cruce Dómini nostri Jesu Christi.

5. Per signum Crucis * de inimicis nostris libera nos Deus noster.

Capitulum. Philip. 2.

FRATRES : Hoc enim sentite in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetipsum exinanivit, formam servi accípiens, in similitú-

dinem hóminum factus, et
hábitu invéntus ut homo.

Hymnus.

LUSTRA sex qui jam per-
égit,
Tempus implens córporis,
Sponte libera Redémptor
Passióni deditus,
Agnus in Crucis levátur
Immolándus stipite.

Felle potus ecce languet :
Spina, clavi, lancea
Mite corpus perforárunt :
Unda manat, et cruor :
Terra, pontus, astra, mun-
dus,

Quo lavántur flúmine !

Crux fidélis, inter omnes
Arbor una nóbilis :
Silva talem nulla profert
Fronde, flore, gérmine :
Dulce ferrum, dulce lignum,
Dulce pondus sústinent.

Flecte ramos arbor alta,
Tensa laxa viscera,
Et rigor lentéscat ille,
Quem dedit nativitas ;
Et supérni membra Regis
Tende miti stipite.

Sola digna tu fuísti
Ferre mundi victimam :
Atque portum præparáre
Arca mundo náufrago,
Quam sacer cruor perúnxit,
Fusus Agni córpore.

Sempitérna sit beátæ
Trinitáti glória,
Æqua Patri, Filióque ;
Par decus Paráclito :
Unius Triníque nomen
Láudet univérsitas.

Amen.

Ÿ. Adorámus te Christe,
et benedicimus tibi. **R.** Quia

per Crucem tuam redemísti
mundum.

Ad Bened. Ant. Super ó-
mnia ligna cedrórū tu sola
excélsior, in qua vita mundi
pepéndit, in qua Christus
triumphávit, et mors mor-
tem superávit in ætérnum.

Oratio.

DEUS, qui in præclára sa-
lutiferæ Crucis inven-
tione, passionis tuæ mirá-
cula suscitásti : concéde ; ut
vitális ligni prætio, ætérnæ
vitæ suffrágia consequámur :
Qui vivis et regnas.

AD TERTIAM

Ant. Salva nos.

Capit. Fratres : Hoc enim.
ut supra. 332.

R. br. Hoc signum Crucis
* Erit in cælo. Hoc signum.
Ÿ. Cum Dóminus ad judi-
cándum vénerit. Erit. Glória
Patri. Hoc.

Ÿ. Adorámus te Christe,
et benedicimus tibi. **R.** Quia
per Crucem tuam redemísti
mundum.

AD SEXTAM

Ant. Ecce Crucem Dómi-
ni.

Capitulum. Galat. 6. d

MIHI áutem absit gloriári,
nisi in Cruce Dómini no-
stri Jesu Christi : per quem
mihi mundus crucifixus est,
et ego mundo.

R. br. Adorámus te Chri-
ste, * Et benedicimus tibi.
Adorámus. **Ÿ.** Quia per Cru-
cem tuam redemísti mun-
dum. Et. Glória Patri. Ad-
orámus.

V. Omnis terra adóret te, et psallat tibi. **R.** Psalmum dicat nómini tuo Dómine.

AD NONAM

Ant. Per signum Crucis.

Capitulum. Philip. 2.

HUMILIÁVIT semetipsum factus obédiens usque ad mortem, mortem autem Crucis. Propter quod et Deus exaltávit illum, et donávit illi nomen, quod est super omne nomen.

R. br. Omnis terra adóret te, * Et psallat tibi. Omnis. **V.** Psalmum dicat nómini tuo Dómine. Et. Glória Patri. Omnis.

V. Hoc signum Crucis erit in cælo. **R.** Cum Dóminus ad judicándum vénerit.

IN II. VESPERIS

Ant. et Capit. de Laud.; Pss., Hymn. et **V.** ut in I. Vesp. 327.

Ad Magnif. Ant. Crucem sanctam súbiit, qui inférnum confrégit : accinctus est poténtia, surréxit die tértia.

DIE VI

S. JOANNIS APOSTOLI
ANTE PORTAM LATINAM

Duplex majus.

Omnia de Comm. Apost. 2*, præter seq.

In utrisque Vesp. ad Magnif. Ant. In fervéntis ólei dólíum missus beátus Joánes Apóstolus, divína se protegénte grátia illæsus exívit.

Oratio.

DEUS, qui cónspicis, quia nos úndique mala nostra pertúrbant : præsta, quæsumus; ut beáti Joánnis Apóstoli tui et Evangelistæ intercèssio gloriósa nos protégat. Per Dóminum nostrum.

IN I. NOCTURNO

Incipit Epístola prima beáti Joánnis Apóstoli.

Lectio j. Cap. 1.

QUOD fuit ab initio, quod audívimus, quod vidimus óculis nostris, quod perspéximus, et manus nostræ contrectavérunt de verbo vitæ : et vita manifestáta est, et vidimus, et testámur, et annuntiámus vobis vitam ætérnam, quæ erat apud Patrem, et appáruit nobis: quod vidimus, et audivimus, annuntiámus vobis, ut et vos societátem habeátis nobiscum, et societas nostra sit cum Patre, et cum Filio ejus Jesu Christo. Et hæc scribimus vobis ut gaudeátis, et gáudium vestrum sit plenum. Et hæc est annuntiátio, quam audivimus ab eo, et annuntiámus vobis : Quóniam Deus lux est, et ténebræ in eo non sunt ullæ.

R. Ecce ego mitto vos sicut oves in médio lupórum, dicit Dóminus : * Estóte ergo prudéntes sicut serpéntes, et simplices sicut colúmbæ. **V.** Dum lucem habétis, créдите in lucem, ut filii lucis sitis. Estóte.

Lectio ij.

SI dixérimus quóniam societatem habémus cum eo, et in ténebris ambulámus, mentimur, et veritatem non fácimus. Si áutem in luce ambulámus sicut et ipse est in luce, societatem habémus ad invicem, et sanguis Jesu Christi Filii ejus emúndat nos ab omni peccáto. Si dixérimus quóniam peccátum non habémus, ipsi nos sedúcimur, et véritas in nobis non est. Si confiteámur peccáta nostra: fidélis est, et justus, ut remittat nobis peccáta nostra, et emúndet nos ab omni iniquitate. Si dixérimus quóniam non peccávimus, mendacem fácimus eum, et verbum ejus non est in nobis.

R. Tóllite jugum meum super vos, dicit Dóminus, et discite a me, quia mitis sum et húmilis corde: * Jugum enim meum suáve est, et onus meum leve. **V.** Et inveniétis réquiem animábus vestris. Jugum.

Lectio iij. Cap. 2.

FILÍOLI mei, hæc scribo vobis, ut non peccétis. Sed et si quis peccáverit, advocátum habémus apud Patrem, Jesum Christum justum: et ipse est propitiatio pro peccátis nostris: non pro nostris áutem tantum, sed étiam pro totíus mundi. Et in hoc scimus quóniam cognóvimuseum, si mandáta ejus observémus. Qui dicit

se nosse eum, et mandáta ejus non custódit, mendax est, et in hoc véritas non est. Qui áutem servat verbum ejus, vere in hoc caritas Dei perfécta est: et in hoc scimus quóniam in ipso sumus. Qui dicit se in ipso manére, debet, sicut ille ambulávit, et ipse ambuláre.

R. Dum stetéritis. 8*.

IN II. NOCTURNO

Ex libro sancti Hierónymi
Presbýteri contra Joviniánum.

Lectio iv. Lib. 1.

JOÁNNES Apóstolus, unus ex discipulis Dómini, qui minimus natus tráditur fuisse inter Apóstolos, et quem fides Christi virginem repérrerat, virgo permánsit: et ideo plus amáture a Dómino, et recúmbit super pectus Jesu: et quod Petrus, qui uxórem habúerat, interrogáre non áudet, illum rogat ut intéroget; et post resurrectionem, nuntiánte María Magdaléne quod Dóminus resurrexisset, utérque cucúrrit ad sepúlcrum, sed ille prævénit: cumque essent in navi, et piscaréntur in lacu Genésareth, Jesus stabat in littore, nec sciébant Apóstoli quem vidérent: solus virgo virginem agnóscit, et dicit Petro: Dóminus est.

R. Vidi conjúctos viros, habéntes spléndidas vestes, et Angelus Dómini locútus est ad me, dicens: * Isti sunt viri sancti facti amici Dei.

Ÿ. Vidi Angelum Dei fortem, volántem per médium cælum, voce magna clamántem et dicéntem. Isti.

Lectio v.

FUIT áutem Joánnes et Apóstolus, et Evangelista, et Prophéta : Apóstolus, quia scripsit ad Ecclesiás ut magister : Evangelista, quia librum Evangélíi cóndidit, quod excépto Matthæo, álii ex duódecim Apóstoli non fecérunt : Prophéta, vidit enim in Patmos insula, in qua fúerat a Domitiáno príncipe ob Dómini martýrium relegátus, Apocalýpsim, infinita futurórum mystéria continéntem. Refert áutem Tertulliánus quod Romæ missus in fervéntis ólei dólium, púrior et vegétior exiverit, quam intráverit.

Ŕ. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : *Gaudéte et exultáte, quóniam merces vestra copiósa est in cælis. Ÿ. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Filium hóminis. Gaudéte.

Lectio vj.

SED et ipsum ejus Evangélíum multum distat a cæteris. Matthæus quasi de hómine incipit scribere, Liber generatiónis Jesu Chri-

sti, filii David, filii Abraham : Lucas a sacerdotio Zachariæ : Marcus a prophetia Malachiæ et Isaïæ. Primus habet faciém hóminis, propter genealogiam; secúndus faciém vituli, propter sacerdotium; tértius faciém leónis, propter vocem clamántis in desérto, Paráte viam Dómini, rectas fácite sémitas ejus. Joánnes vero noster quasi áquila ad supérna volat, et ad ipsum Patrem pervenit, dicens : In principio erat Verbum, et Verbum erat apud Deum, et Deus erat Verbum.

Ŕ. Isti sunt. 11*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 20. c

IN illo témpore : Accéssit ad Jesum mater filiórum Zebedæi cum filiis suis, adorans et petens áliquíd ab eo. Et réliqua.

Homilia sancti Hierónymi Presbýteri.

Lib. 3. Comm. in Matth. c. 20.

UNDE opinióem regni habet mater filiórum Zebedæi, ut cum Dóminus dixerit : Filius hóminis tradétur principibus sacerdotum et scribis, et condemnábunt eum morte, et tradent géntibus ad illudéndum, et flagellándum, et crucifigéndum; et ignominiam passiónis tíméntibus discipulis nuntiáret, illa glóriam póstulet triumphántis? Hac,

ut reor, ex cāusa, quia post ómnia dixerat Dóminus : Et tértia die resúrget; putávit eum múlter post resurrecciónem illico regnatúrur, et hoc quod in secúndo adventu promíttitur, in primo esse compléndum; et aviditáte feminea præséntia cupit, immemor futurórum.

R. Isti sunt qui vivéntes in carne, plantavérunt Ecclésiám sáanguine suo : * Cállicem Dómini bibérunt, et amici Dei facti sunt. **V.** In omnem terram exívit sonus eórum, et in fines orbis terræ verba eórum. Cállicem.

Lectio viij.

MATER póstulat, et Dóminus discipulis lóquitur : intélligens preces ejus ex filiórum descéndere voluntáte. Potéstis bibere cállicem, quem ego bibitúrur sum? Cállicem in Scriptúris divinis passiónem intelligimus, juxta illud : Pater, si possibile est, tránseat a me calix iste. Et in Psalmo : Quid retribuam Dómino pro ómnibus quæ retribuit mihi? Cállicem salutáris accípiam, et nomen Dómini invocábo. Statimque infert quis iste sit calix : Pretiósá in conspéctu Dómini mors sanctórum ejus.

R. Isti sunt viri sancti, quos elégit Dóminus in caritáte non ficta, et dedit illis glóriam sempitérnam : * Quorum doctrína fulget Ecclésiá, ut sole luna. **V.** Sancti

per fidem vicérunt regna : operáti sunt justitiam. Quorum. Glória Patri. Quorum.

Lectio ix.

QUÆRITUR, quómodo cállicem martýrii filii Zebedæi, Jacóbus videlicet et Joánnes, biberint : cum Scriptúra narret, Jacóbum tantum Apóstolum ab Heróde cápite truncátum, Joánnes autem própria morte vitam finierit. Sed si legámus ecclesiásticas histórias, in quibus fertur, quod et ipse propter martýrium sit missus in fervéntis ólei dólum, et inde ad suscipiéndam coronam Christi athléta procésserit, statimque relegátus in Patmos insulam sit : vidébimus martýrio ánimam non defuisse, et bibisse Joánnem cállicem confessiónis, quem et tres púeri in camíno ignis bibérunt, licet persecútor non fúderit sáanguinem.

Te Deum laudámus. 16.

DIE VIII

IN APPARITIONE

S. MICHAELIS ARCHANG.

Duplex majus.

IN I. VESPERIS

Ant. et Capit. de Laud. 342.

Pss. ut in I. Vesp. de Comuni Apost. 2*.

Hymnus.

TE, splendor et virtus Patris,
Te vita, Jesu, córdium,
Ab ore qui pendent tuo,
Laudámus inter Angelos.

Tibi mille densa millium
Ducum coróna militat :
Sed explicat victor crucem
Michaël salutis signifer.

Dracónis hic dirum caput
In ima pellit tártara,
Ducémque cum rebéllibus
Caelésti ab arce fúlminat.

Contra ducem supérbiæ
Sequámur hunc nos princi-
pem,

Ut detur ex Agni throno
Nobis coróna glóriæ.

Patri, simulque Filio,
Tibique sancte Spíritus,
Sicut fuit, sit júgiter
Sæclum per omne glória.

Amen.

Ÿ. Stetit Angelus juxta
aram templi. R. Habens thu-
ribulū áureum in manu sua.

Ad Magnif. Ant. Dum sa-
crum mystérium cérneret
Joánnes, Archángelus Mi-
chaël tuba cécinit : Ignósce
Dómine Deus noster, qui
áperis librum, et solvis si-
gnácula ejus, allelúia.

Oratio.

DEUS, qui miro órđine An-
gelórum ministéria ho-
minúmque dispénsas : con-
céde propítius; ut a quibus
tibi ministrántibus in cælo
semper assistitur, ab his in
terra vita nostra muniátur.
Per Dóminum.

AD MATUTINUM

Invit. Regem Archange-
lórum Dóminum, * Venite,
adorémus.

Ps. Veníte, exsultémus. 2.

Hymnus Te splendor. su-
pra.

IN I. NOCTURNO

Ant. Concússum est mare,
et contrémuit terra, ubi Ar-
chángelus Michaël descen-
debat de cælo.

Psalmi trium Nocturno-
rum ut in Officio votivo de
SS. Angelis. 222*.

Ant. Laudémus Dómi-
num, quem láudant Angeli,
quem Chérubim et Séra-
phim, Sanctus, Sanctus,
Sanctus, proclámant.

Ant. Ascéndit fumus aró-
matum in conspéctu Dómini
de manu Angeli.

Ÿ. Stetit Angelus juxta
aram templi. R. Habens thu-
ribulum áureum in manu
sua.

Ex Daniéle Prophéta.

Lectio j. Cap. 7. c

ADSPICIÉBAM donec throni
pósi sunt, et antiquus
diérum sedit : vestiméntum
ejus cándidum quasi nix, et
capilli cápitis ejus quasi lana
munda : thronus ejus flam-
mæ ignis : rotæ ejus ignis
accénsus. Flúvius igneus,
rapidúsque egrediebátur a
fácie ejus. Millia millium mi-
nistrábant ei, et décies mil-
lies centéna millia assisté-
bant ei : judicium sedit, et
libri apérti sunt. Adspicié-
bam propter vocem sermó-
num grándium, quos cornu
illud loquebátur : et vidi
quóniam interfécta esset bé-
stia, et periisset corpus ejus,
et tráditum esset ad combu-
réndum igni.

R. Factum est siléntium in

cælo, dum committeret bellum draco cum Michaële Archangelo : * Audita est vox millia millium dicentium : Salus, honor et virtus omnipotenti Deo. *Ÿ.* Millia millium ministrabant ei, et decies centena millia assistebant ei. Audita est.

Lectio ij. Cap. 10.

DIE autem vigesima et quarta mensis primi, eram juxta fluvium magnum, qui est Tigris. Et levavi oculos meos, et vidi : et ecce vir unus vestitus lineis, et renes ejus accincti auro obrizo : et corpus ejus quasi chrysolithus, et facies ejus velut species fulguris, et oculi ejus ut lampas ardens : et brachia ejus, et quæ deorsum sunt usque ad pedes, quasi species æris candentis : et vox sermonum ejus ut vox multitudinis. Vidi autem ego Dániel solus visionem : porro viri qui erant mecum non viderunt : sed terror nimius irruit super eos, et fugerunt in absconditum. Ego autem relictus solus vidi visionem grandem hanc : et non remansit in me fortitudo, sed et species mea immutata est in me, et emarcui, nec habui quidquam virium.

℞. Stetit Angelus juxta aram templi, habens thuribulum aureum in manu sua, et data sunt ei incensa multa : * Et ascendit fumes aromatum de manu Angeli in

conspéctu Dómini. *Ÿ.* In conspéctu Angelorum psallam tibi : adorabo ad templum sanctum tuum, et confitebor nómini tuo Dómine. Et ascendit.

Lectio iij.

ET audiui vocem sermonum ejus : et audiens jacebam consternatus super faciem meam, et vultus meus hærebat terræ. Et ecce manus tetigit me, et erexit me super gænuæ meæ, et super articulos manuum mearum. Et dixit ad me : Dániel vir desideriorum, intéllige verba, quæ ego loquor ad te, et sta in gradu tuo : nunc enim sum missus ad te. Cumque dixisset mihi sermonem istum, steti tremens. Et ait ad me : Noli metuere Dániel : quia ex die primo, quo posuisti cor tuum ad intelligendum ut te affligeres in conspéctu Dei tui, exaudita sunt verba tua : et ego veni propter sermones tuos. Princeps autem regni Persarum restitit mihi viginti et uno diebus : et ecce Michaël unus de principibus primis venit in adiutorium meum, et ego remansi ibi juxta regem Persarum. Veni autem ut docerem te quæ ventura sunt populo tuo in novissimis diebus, quóniam adhuc visio in dies.

℞. In conspéctu Angelorum psallam tibi, et adorabo ad templum sanctum tuum : * Et confitebor nómini tuo Dó-

mine. **Ÿ.** Super misericórdia tua et veritáte tua : quóniam magnificásti super nos nomen sanctum tuum. Et. Glória Patri. Et.

IN II. NOCTURNO

Ant. Michaël Archángele veni in adiutórium pópulo Dei.

Ant. Michaël præpósitus paradísi, quem honorificant Angelórum cives.

Ant. Gloriósus apparuísti in conspéctu Dómini : proptérea decórem induit te Dóminus.

Ÿ. Ascéndit fumus arómatum in conspéctu Dómini.

R. De manu Angeli.

Lectio iv.

BEÁTUM Michaëlem Archángelum sæpius hominibus apparuisse, et sacrórum librórum auctoritáte, et véteri sanctórum traditióne comprobátur. Quamóbre multis in locis facti memória celebrátur. Eum ut olim synagóga Judæórum, sic nunc custódem et patrónum, Dei venerátur Ecclésia. Gelásio áutem primo Pontífice Máximo, in Apúlia in vértice Gargáni montis, ad cuius radices incolunt Sipontini, Archángeli Michaélis fuit illústris apparitio.

R. Hic est Michaël Archángelus, princeps militiæ Angelórum, * Cujus honor præstat beneficia populórum, et orátio perducit ad regna cælórum. **V.** Archángelus Michaël præpósitus paradísi,

quem honorificant Angelórum cives. Cujus.

Lectio v.

FACTUM est enim, ut ex grégibus armentórum Gargáni cuiúsdam táurus longe discéderet : quem diu conquisitum, in áditu spelúncæ hæréntem invenérunt. Cum vero quidam ex illis, ut táurum configeret, sagittam emisisset, retórta sagitta in ipsum récidit sagittárium. Quæ res cum præsentes, ac deinceps cæteros tanto timóre affecisset, ut ad eam spelúncam própius accédere nemo audéret, Sipontini episcopum cónsulunt : qui, indicto trium diérum jejúnio et oratióne, rem a Deo respóndit quæri oportére.

R. Venit Michaël Archángelus cum multitudíne Angelórum, cui trádedit Deus ánimas sanctórum, * Ut perducát eas in paradísus exsultatiónis. **V.** Emitte Dómine Spíritum sanctum tuum de cælis, spíritum sapiéntiæ et intelléctus. Ut.

Lectio vj.

POST trídium Michaël Archángelus episcopum monet, in sua tutéla esse eum locum, eóque indicio demonstrásse, velle ibi cultum Deo in sui et Angelórum memóriam adhibéri. Quare episcopus una cum civibus ad eam spelúncam ire pergit. Quam cum in templi cuiúsdam similitúdinem conformátam vidissent, lo-

cum illum divinis officiis celebrare cœperunt : qui multis pŏstea miráculis illustrátus est. Nec ita multo post Bonifácus Papa Romæ in summo circo sancti Michaëlis ecclésiám dedicávit tértio Kaléndas Octóbris : quo die étiam ómnium Angelórum memóriam Ecclésiá celebrat. Hodiérnus áutem dies Archángeli Michaëlis apparitióne consecrátus est.

R. In témpore illo consúrget Michaël, qui stat pro filiis vestris : * Et véniet tempus, quale non fuit, ex quo gentes esse cœperunt, usque ad illud. **V.** In témpore illo salvábitur pópulus tuus omnis, qui invéntus fúerit scriptus in libro vitæ. Et. Glória. Et.

IN III. NOCTURNO

Ant. Angelus Archángelus Michaël, Dei núntius pro animábus justis, allelúia, allelúia.

Ant. Data sunt ei incénsa multa, ut adoléret ea ante altáre áureum, quod est ante óculos Dómini.

Ant. Multa magnália de Michaële Archángelo, qui fortis in prælio fecit victóriam.

V. In conspéctu Angelórum psallam tibi Deus meus.

R. Adorábo ad templum sanctum tuum, et confitébor nómini tuo.

Léctio sancti Evangélíi secúndum Matthæum.

Lectio vij. Cap. 18.

In illo témpore : Accessérunt discipuli ad Jesum,

dicétes : Quis, putas, major est in regno cælórum? Et réliqua.

Homilia sancti Hilárii
Episcopi.

Comment. in Matth.
cap. 18.

NÓN NISI revérsos in natúram puerórum introire regnum cælórum Dóminus docet : id est, per simplicitátem puerilem vitia córporum nostrórum animæque revocánda. Púeros áutem credétes omnes per audiéntiæ fidem nuncupávit. Hi enim patrem sequúntur, matrem amant, próximo velle malum nésciunt, curam opum négligunt : non insoléscunt, non odérunt, non mentiúntur, dictis credunt, et quod áudiunt, verum habent. Reverténdum igitur est ad simplicitátem infántium, quia in ea collocáti, spéciem humilitátis domini-cæ circumferémus.

R. In conspéctu géntium nolite timére : vos enim in córdibus vestris adoráte et timéte Dóminum : * Angelus enim ejus vobíscum est. **V.** Stetit Angelus juxta aram templi, habens thuribulum áureum in manu sua. Angelus.

Bened. Quorum festum.

Lectio viij.

VÆ huic mundo abscándalis. Humilitas passiónis scándalum mundo est. In hoc enim máxime ignorántia detinétur humana, quod sub

deformitate crucis, æternæ glóriæ Dóminum nóluit accipere. Et quid mundo tam periculósum, quam non recepissee Christum? Ideo vero necesse esse ait venire scándala : quia ad sacraméntum reddendæ nobis æternitátis, omnis in eo passiõnis humilitas esset explenda.

℟. Michaël Archángelus venit in adiutórium pópulo Dei, * Stetit in auxilium pro animabus justis. ℣. Stetit Angelus juxta aram templi, habens thuribulum áureum in manu sua. Stetit. Glória. Stetit.

Lectio ix.

VIDÉTE ne contemnátis unum de pusillis istis qui credunt in me. Aptissimum vinculum mútui amoris impósuit, ad eos præcipue qui vere in Dómino credidissent. Pusillórum enim Angeli quotidie Deum vident : quia Filius hóminis venit salváre quæ pérdita sunt. Ergo et Filius hóminis salvat, et Deum Angeli vident, et Angeli pusillórum præsent sunt fidélium oratióibus. Præesse Angelos absolutá auctóritas est. Salvatórum igitur per Christum oratiónes Angeli quotidie Deo offerunt. Ergo periculóse ille contémnitur, cujus desideria, ac postulatiónes ad ætérnum, et invisibilem Deum ambitiósó Angelórum famulátu ac ministério pervehúntur.

Te Deum laudámus. 16.

AD LAUDES

ET PER HORAS

Ant. 1. Stetit Angelus * juxta aram templi, habens thuribulum áureum in manu sua.

Ps. Dóminus regnávít. **cum reliq.** 16.

2. Dum præliarétur * Michaël Archángelus cum dracóne, audita est vox dicéntium : Salus Deo nostro, allelúia.

3. Archángele Michaël, * constitui te principem super omnes ánimas suscipiendas.

4. Angeli Dómini * Dóminum benedicite in ætérnum.

5. Angeli, Archángeli, * Throni, et Dominatiónes, Principátus, et Potestátes, Virtútes cælórum, laudáte Dóminum de cælis, allelúia.

Capitulum. Apoc. 1.

SIGNIFICÁVIT Deus quæ sópórtet fieri cito, loquens per Angelum suum servo suo Joánni, qui testimónium perhibuit verbo Dei, et testimónium Jesu Christi, quæcúmque vidit.

Hymnus.

CHRISTE, sanctórum decus Angelórum,
Gentis humanæ sator et redémptor,
Cælitum nobis tribuas beátas
Scándere sedes.

Angelus pacis Michaël in ædes

Cælitus nostras véniat, sérénæ

Auctor ut pacis lacrymósa in orcum

Bella reléget.

Angelus fortis Gábríel, ut
hostes

Pellat antiquos, et amíca
cælo,

Quæ triumphátor státuit per
orbem,

Templa revisat.

Angelus nostræ médicus
salútis,

Adsit e cælo Ráphaël, ut
omnes

Sanet ægrótos, dubiósque
vitæ

Dirigat actus.

Virgo dux pacis, Genitrix-
que lucis,

Et sacer nobis chorus Ange-
lórum

Semper assistat, simul et
micántis

Régia cæli.

Præstet hoc nobis Déitas
beáta

Patris, ac Nati, paritérque
sancti

Spiritus, cujus résonat per
omnem

Glória mundum. Amen.

Ÿ. Stetit Angelus juxta
aram templi. R̃. Habens thu-
ribulum áureum in manu
sua.

Ad Bened. Ant. Factum
est siléntium in cælo, dum
draco committeret bellum :
et Michaël pugnávit cum eo,
et fecit victóriam, allelúia.

Oratio.

DEUS, qui miro órdine
Angelórum ministéria
hominúmque dispénsas :
concéde propítius; ut a qui-
bus tibi ministrántibus in
cælo semper assistitur, ab

his in terra víta nostra mu-
niátur. Per Dóminum.

AD TERTIAM

Ant. Dum præliarétur.

Capit. Significávit. ut su-
pra.

R̃. br. Stetit Angelus *
Juxta aram templi. Stetit. Ÿ.
Habens thuribulum áureum
in manu sua. Juxta. Glória
Patri. Stetit.

Ÿ. Ascéndit fumus aróma-
tum in conspéctu Dómini.

R̃. De manu Angeli.

AD SEXTAM

Ant. Archángele Michaël.

Capitulum. Apoc. 5. c

AUDÍVI vocem Angelórum
multórum in circúitu
thróni, et animálium, et se-
niórum : et erat númerus
eórum millia millium, voce
magna dicéntium : Salus Deo
nostro.

R̃. br. Ascéndit fumus aró-
matum * In conspéctu Dó-
mini. Ascéndit. Ÿ. De manu
Angeli. In. Glória. Ascéndit.

Ÿ. In conspéctu Angelórum
psallam tibi Deus meus. R̃.
Adorábo ad templum san-
ctum tuum, et confitébor
nómini tuo.

AD NONAM

Ant. Angeli, Archángeli.

Capitulum. Apoc. 12. b

FACTUM est prælium ma-
gnum in cælo : Michaël,
et Angeli ejus præliabántur
cum dracóne, et draco pu-
gnábat, et ángeli ejus : et
non prævaluérunt, neque
locus invéntus est eórum
ámplius in cælo.

R. br. In conspéctu Angelórum * Psallam tibi Deus meus. In. **V.** Adorábo ad templum sanctum tuum, et confitébor nómini tuo. Psallam. Glória Patri. In.

V. Adoráte Deum. **R.** Omnes Angeli ejus.

IN II. VESPERIS

Ant. et Capit. de Laud.;
Pss. de Dom. et loco ult..
Ps. 137. Confitébor... quóniam. 138.

Hymnus Te splendor. ut in I. Vesp. 337.

V. In conspéctu Angelórum psallam tibi Deus meus. **R.** Adorábo ad templum sanctum tuum, et confitébor nómini tuo.

Ad Magnif. Ant. Princeps gloriosissime, Michaël Archángele, esto memornostri: hic, et ubique semper precáre pro nobis Filium Dei, allelúia, allelúia.

DIE IX

S. GREGORII NAZIANZENI

EPISC. CONF.

ET ECCLESIAE DOCTORIS

Duplex.

Omnia de Comm. Conf.
Pont. 55*, præter seq.

Ad Magnif. in utrisque Vesp. Ant. O Doctor óptime, Ecclesiæ sanctæ lumen, beáte Gregóri, divinæ legis amátor, deprecáre pro nobis Filium Dei.

Oratio.

DEUS, qui pópulo tuo æternæ salutis beátum Gregórium ministrum tribuísti:

præsta, quæsumus; ut, quem Doctórem vitæ habuimus in terris, intercessórem habére mereámur in cælis. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

GREGÓRIUS, nóbilis Cáp-padox, ex singulári divínarum litterárum sciéntia Theólogi cognómen consecútus, Nazianzi in Capadócia natus, Athénis in omni disciplínarum genere una cum sancto Basilio eruditus, ad stúdia sacrárum litterárum se convértit, in quibus se in cœnóbio per aliquot annos exercuérunt, illárum senténtiam non ex próprio ingénio, sed ex majórum ratióne et auctoritáte interpretántes. Qui cum doctrina et vitæ sanctitáte florérent, vocáti ad munus prædicandæ evangélicæ veritátis, plúrimos Jesu Christo filios peperérunt.

R. Inveni David servum meum, óleo sancto meo unxi eum: * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

GREGÓRIUS igitur ali-quándo domum revér-sus, primum Sasimórum episcopus creátus est, deinde Nazianzénam ecclesiám administrávit. Tum Constan-

tinópolis ad eam regendam ecclesiám accersitus, cum civitatem hæresum purgatam erroribus ad catholicam fidem reduxisset, quod ei summum ómnium amorem conciliare debébat, multorum parávit invidiam. Itaque cum inter episcopos magna propterea esset facta seditio, sponte cedens episcopátu, illud Prophætæ dictum usurpávit : Si propter me commóta est ista tempestas, dejícite me in mare, ut vos jactári desinátis. Quare Nazianzum revêrsus, cum illi ecclesiæ Eulálium præficiendum curáset, totum se ad contemplationem et scriptiõnem divinárum rerum cõntulit.

¶ Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. ✠. Inveni David servum meum, óleo sancto meo unxi eum. Manus.

Lectio vj.

SCRIPSIT áutem multa et solúta oratiõne, et vèrsibus, mirábili pietáte et eloquentia : quibus doctórum hóminum, sanctorúmque judicio id assecúsus est, ut nihil in illis, nisi ex veræ pietátis et cathólicæ religiõnis régula reperiátur : nemo quidquam jure vocáre possit in dúbium. Consubstantialitátis Filii fuit acérrimus propugnátor. Ut áutem vitæ láude nemo ei præpósitus est;

sic et oratiõnis gravitáte omnes fácte superávit. In iis scribèndi ac legèndi stúdiis ruri vitam mónachi exércens, imperatóre Theodosio, ad cæléstem vitam sénio conféctus migrávit.

¶. Iste est qui. 62*.

IN III. NOCTURNO

Homil. in Evang. Vosestis. de Comm. Doct. 1º loco. 73*.

DIE XVI

SANCTI UBALDI

EPISCOPI ET CONFESSORIS

Semiduplex.

Omnia de Comm. Conf. Pont. 55*, præter seq.

Oratio.

AUXILIUM tuum nobis, Dómine quæsumus, placátus impénde : et intercessiõne beáti Ubaldi Confessoris tui atque Pontificis contra omnes diaboli nequitias dexteram super nos tuæ propitiatiõnis exténde. Per.

IN I. NOCTURNO

Lect. de Script. occur.

IN II. NOCTURNO

Lectio iv.

UBALDUS, Eugúbii in Umbria nóbili génere natus, a primis annis pietáte et literis egrégie est institútus : jamque adoléscent, ut uxórem dúceret, sæpe tentátus, numquam tamen a propósito servándæ virginitátis recésit. Sacerdos efféctus, patrimonium suum paupéribus et ecclesiis distribuit, et canonicórum regularium ordinis sancti Augustini insti-

tútum suscipiens, illud in pátriam tránstulit, atque in eo aliquámdiu sanctíssime vixit. Cujus sanctitátis opínione evulgáta, ab Honório secúndo Summo Pontífice ecclésiæ Eugubínæ invitus præficitur, et episcopális consecratiónis múnere decorátur.

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

AD suam itaque revértens ecclésiám, cum de consuéta vivéndi ratióne nihil ádmodum immutásset, in omni tamen virtútum génere eo magis eminére cœpit, quo efficiátius aliórum étiam salútem verbo et exémplo procuráret, factus forma gregis ex ánimo. Nam victu parco, vestítu moderáto, lectulo áspero et paupérrimo, crucis mortificatióne júgiter in suo corpore circumferébat, dum inexplébili oratiónis stúdio spíritum quotidie recreáret. Hinc admirábilem illam mansuetúdinem est adéptus, qua gravíssimas injúrias et contumélias non modo æquanímiter tulit, verum étiam mirífico dilectiόνis afféctu persecutóres suos omni benignitátis testimonió complectebátur.

R. Pósuí adjutórium su-

per poténtem, et exaltávi eléctum de plebe mea : * Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

Lectio vj.

BIÉNNIO ántequam ex hac vita migráret, cum diútinis afflictarétur infirmitátibus, inter acerbíssimos corpóris cruciátus, velut áurum in fornáce purgátum, Deo grátias indesinénter agébat. Adveniénte áutem sacro Pentecóstes die, cum multis annis ecclésiám sibi commissam summa cum láude gubernásset, sanctis opéribus ac miráculis clarus quíevit in pace. Quem Cælestínus Papa tértius in sanctórum númerum rétulit. Ejus virtus præcípuè in effugándis spíritibus immúndis elúcet. Corpus vero per tot sácula incorrúptum magna fidélium veneratióne in pátria cólitur, quam non semel a præsénti discrimine liberávit.

R. Iste est qui. 62*.

IN III. NOCTURNO

Homil. in Evang. Homo péregre. **de eodem Comm.** 1º loco. 64*.

Vesp. de seq. Commem. præced.

DIE XVII

S. PASCHALIS BAYLON

CONFESSORIS

Duplex.

Omnia de Comm. Conf. non Pont. 76*, præter seq.

Oratio.

DEUS, qui beátum Paschá-
lem Confessórem tuum
mirífica erga Córporis et
Sánguinis tui sacra mystéria
dilectióne decorásti : con-
céde propitius ; ut quam
ille ex hoc divino convivio
spiritus percépit pinguédi-
nem, eámdem et nos perci-
pere mereámur : Qui vivis.

Et fit Commem. præced.

Ant. Amávit eum. *ŷ.* Ju-
stum dedúxit. 67*.

IN I. NOCTURNO

Lect. de Script. occur.

IN II. NOCTURNO

Lectio iv.

PASCHÁLIS Baylon, paupé-
ribus piisque paréntibus
in óppido Turris Formósæ,
Seguntinæ diœcésis in Ara-
gónia natus, a téneris annis
plura dedit futúre sanctitá-
tis indicia. Sortitus ánimam
bonam, ac rerum cæléstium
apprime studiósam, pueri-
tiam atque adolescéntiam in
gregis custódia transégit ;
quam ille vivéndi ratióne
ideo præcípue diligébat,
quod humilitáti fovéndæ, ac
innocéntiæ conservándæ in
primis útilem atque oppor-
túnam judicáret. Erat in
victu módicus, in oratióne
assiduus, tantáque apud co-
ævos, et sócios florébat
auctoritáte, et grátia, ut
eórum lites compónens,
erróres córrigens, ignorán-
tiam erúdiens, ac desidiam
éxcitans, velut ómnium pa-
rens, et magister máximo

stúdio colerétur, ac amaré-
tur : beátus étiam tum a
plerisque appellátus.

R. Honéstum fecit illum
Dóminus, et custodivit eum
ab inimicis, et a seductóri-
bus tutávit illum : * Et de-
dit illi claritátem ætérnam.

ŷ. Justum dedúxit Dóminus
per vias rectas, et osténdit
illi regnum Dei. Et.

Lectio v.

QUI vero in sáculo, terra
nempe desérta, et ina-
quósa, ádeo feliciter ado-
léverat, flos convállium,
plantátus in domo Dómini,
mirum ubique sparsit sancti-
tátis odórem. Igitur Paschá-
tis arrépto vitæ severiórís
institutó, atque in órdine
Minórum strictiórís obser-
vántiæ Discalceatórum co-
optátus, exsultávit ut gigas
ad curréndam viam suam,
totúmque se Dómino exco-
léndum tradens, dies noctés-
que cogitábat, qua se ratióne
magis ei magisque confor-
máret. Ita factum est brevi,
ut eum tamquam seráphicæ
perfectiόνis exémpLAR, ipsi
quoque proveciόνes imitán-
dum sibi propónerent. Ipse
áutem in húmili serviéntium
gradu constitútus, se velut
ómnium peripséma répu-
tans, árdua quæque et abjé-
cta domus ministéria, véluti
jure quodam peculiári sibi
débita, summa cum hilari-
táte suscipiébat, et exercébat
humilitáte, ac patiéntia pari.
Carnem spiritui quandóque

reluctári nitentem jugi maceratione afflictávit, atque in servitútem redégit; spiritum vero assídua sui abnegatione ferventiorem in dies ad anteriora extendébat.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum.

Y. Induit eum Dóminus lorícam fidei, et ornávit eum. Et ad portas.

Lectio vj.

DEÍPARAM Virginem, cujus clientelæ se ab ineunte ætate dicáverat, tamquam matrem quotidianis colébat obséquiiis, atque filiáli exorábat fidúcia. Porro erga sanctíssimum Eucharistiæ sacraméntum difficile dictu est quam ardénti tenerétur devotiónis afféctu, quem defúnctus étiam in cadávere retinére visus est, dum jacens in féretro ad sacræ Hóstiæ elevatiómem bis oculos reserávit, et cláusit, magna ómnium, qui áderant, admiratióne. Ejúsdem veritatem inter hæréticos públíce palámque proféssus, multa et grávia obeam cáusam perpéssus est : crebro étiam ad necem petitus, sed singulári Dei providéntia ab impiórum mánibus eréptus. Sæpe inter orándum ómnibus destituebátur sénsibus, dulcique languébat amóris deliquio : quo témpore cæléstem illam sciéntiam hausisse créditus est, qua homo rudis,

et illitterátus, de mystériis fidei difficillimis respondére, atque áliquot étiam libros conscribere pótuit. Dénique méritis plenus, eádem, qua prædixerat hora, feliciter migrávit ad Dóminum, anno salútis millésimo quingentésimo nonagésimo secúndo, sexto décimo Kaléndas Júnii, eódem, quo natus fúerat, festo Pentécostes recurrénte, annum agens secúndum supra quinquagésimum. Quibus aliisque virtútibus insígnem, ac miráculis tam in vita, quam post mortem clarum, Páulus quintus Póntifex Máximus illum beátum appellávit : Alexánder áutem octávus sanctórum catálogo adscripsit : tandem Leo decimustértius peculiárem cœtuum eucharisticórum, item societátum ómnium, sive quæ háctenus institútæ, sive quæ in pósterum futúræ sunt, Patrónum cæléstem declarávit et constituit.

R. Iste homo. 83*.

IN III. NOCTURNO

Homilia in Evang. Sint lumbi. de eodem Communi 1º loco. 85*.

Vesp. a Capit. de seq. Commem. præced.

DIE XVIII

S. VENANTII MART.

Duplex.

Omnia de Comm. unius Mart. 24*, præter seq.

Si hoc Festum in utrisque

Vesp. habeat solam Commem., tunc Hymnus ad I. Vesp. conjungitur cum Hymno ad Matut., cum conclus. Sit laus Patri. Si vero integras habeat tantum II. Vesp., tunc Hymnus Martyr. dicitur ad Matut., Athléta. ad Laudes, Hymnus Dum nocte. dic. in II. Vesp. Alias dicatur uti infra inscribitur.

IN I. VESPERIS

Hymnus.

MARTYR Dei Venántius,
Lux et decus Camér-
tium,

Tortóre victo et júdice,
Lætus triúmphum cóncinit.

Annis puer, post víncula,
Post cárceres, post vérbera,
Longa fame freméntibus
Cibus datur leónibus.

Sed ejus innocentíæ
Parcit leónum immánitas,
Pedésque lambunt Mártyris,
Iræ famisque immémores.

Verso deórsum vértice
Haurire fumum cógitur :
Costas utrímque et viscera
Succénsa lampas ústulat.

Sit laus Patri, sit Filio,
Tibique sancte Spíritus :
Da per preces Venántii
Beáta nobis gáudia. Amen.

V. Glória et honóre coro-
násti eum Dómine. *R.* Et
constituisti eum super ópera
mánuum tuárum.

Ad Magnif. Ant. Iste san-
ctus pro lege Dei sui certá-
vit usque ad mortem, et a
verbis impiórum non timuit :
fundátus enim erat supra
firmam petram.

Oratio.

DEUS, qui hunc diem beáti
Venántii Mártyris tui
triúmpho consecrásti : ex-
áudi preces pópuli tui, et
præsta ; ut qui ejus mérita
venerámur, fidei constán-
tiam imitémur. Per Dñm.

Et sit Commem. præced.

Ant. Hic vir despiciens
mundum et terréna, triúm-
phans, divítias cælo cóndi-
dit ore, manu.

V. Justum dedúxit Dómi-
nus per vias rectas. *R.* Et
osténdit illi regnum Dei.

AD MATUTINUM

Invit. Regem Mártyrum Dó-
minum, * Venite, adorémus.

Ps. Venite, exsultémus. 2.

Hymnus.

ATHLÉTA Christi nóbilis
Idóla damnat géntium,
Deique amóre saúcius
Vitæ pericla déspicit.

Loris revinctus ásperis,
E rupe præceps vólvitur :
Spinéta vultum lánçant :
Per saxa corpus scinditur.

Dum membra raptant Már-
tyris,

Languent siti satéllites :
Signo crucis Venántius
E rupe fontes élicit.

Bellátor o fortissime,
Qui pérfidis tortóribus
E cáute præbes póculum,
Nos rore grátiae irriga.

Sit laus Patri, sit Filio,
Tibique sancte Spíritus :
Da per preces Venántii
Beáta nobis gáudia. Amen.

IN I. NOCTURNO

Lect. de Script. occur.

IN II. NOCTURNO

Lectio iv.

VENÁNTIUS Camers quindecim annos natus, cum christiánæ religiónis accusaretur apud Antiochum, qui sub Décio imperatóre Camerino præerat, in porta civitátis præsidii se obtulit: quem ille pollicitationibus ac terroribus diu tentatum, flagris cædi et vinculis adstringi iussit: sed iis mirabiliter ab Angelo solutus, lampadibus póstea adúratur, atque invérso ore fumo supposito suspénditur. Ejus constantiam in tormentis demirátus Anastásius Corniculárius, et quod eum ab Angelo iterum solutum candida veste supra fumum ambulántem vidisset, in Christum crédidit, et a beáto Porphýrio presbýtero cum familia baptizátus, páulo post martýrii palmam cum eodem promérui.

R. Honéstum fecit illum Dóminus, et custodivit eum ab inimicis, et a seductóribus tutávit illum: * Et dedit illi claritátem ætérnam. **V.** Descenditque cum illo in fóveam, et in vinculis non dereliquit eum. Et dedit illi.

Lectio v.

AT Venántius præsidii sistitur, et ab eo iterum frustra tentátus ut Christi fidem deséreret, in cárcerem con-jicitur: quo Attalus præco mittitur, qui ei dicat, se quoque Christiánum fuisse,

et ei nómini proptérea renuntiásse, quod cognovisset, ináne esse fidei comméntum, quo Christiáni præsentibus se ábdicant ob vanam futurorum spem. Verum nóbilis Christi athléta cállidi hostis insídias non ignórans, diaboli místrum a se pénitus rejécit. Quare ad præsidem iterum addúcto omnes contúsi sunt dentes, maxillæque confráctæ: atque ita cæsus in sterquilinum dejicitur. Sed inde ab Angelo quoque eréptus, rursus stetit ante júdicem: qui, Venántio adhuc loquente, e tribunáli cécidit, et in ea voce, Verus est Venántii Deus, nostros deos destrúite, exclámans expirávit.

R. Desidérium ánimæ ejus tribuisti ei Dómine, * Et voluntáte labiórurn ejus non fraudásti eum. **V.** Quóniam prævenisti eum in benedictionibus dulcédinis: posuisti in cápite ejus coronam de lápide pretiósó. Et.

Lectio vj.

QUOD cum præsidii nuntiátum esset, extémpro Venántium leónibus óblici jussit, qui, naturáli feritáte omíssa, ad ejus se pedes abjecérunt: interim ille pópulum Christi fidem edocébat. Quare inde amótus, iterum in cárcerem tráditur. Cumque postridie præsidii reférret Porphýrius, se per visum noctu pópulos, quos Venántius aqua tingébat,

clarissima luce fulgéntes, ipsum vero præsidem obscurissima caligine opértum vidisse; præses iracénsus, eum illico cápite plecti imperat : deinde Venántium per loca vépribus et cárduis cónsita trahi usque ad véspenam. Is cum semiánimis relictus esset, mane se iterum præsidi præsentávit, cujus jussu statim e rupe præcipitátur : sed inde étiam divínitus eréptus, dénuo per loca áspera ad mille passus tráhitur : ubi militibus siti æstuántibus, in próxima conválle, ex lápide, in quo et génuum formam reliquit, sicut étiam nunc in ejus ecclésia vidére licet, crucis signo a Venántio facto, aquæ manárunt. Eo miraculo plures permóti in Christum credidérunt, quos omnes præses eo loci una cum Venántio cápite feriri jussit. Fúlgura et terræmótus eo témpore ita magni fuére, ut præses aufúgeret : qui páucis tamen post diébus divínam haud valens effúgere justitiam, turpíssimam mortem oppétiit. Christiáni interim Venántii et aliórum córpora honorífico loco sepeliérunt, quæ Cameríni in ecclésia Venántio dicáta cóndita adhuc sunt.

℞. Stola jucunditátis. 30*.

IN III. NOCTURNO

Homil. in Evang. Si quis venit. de eodem Comm. 1^o loco. 32*.

AD LAUDES

Hymnus.

DUM nocte pulsa lúci fer
Diem propínquam nún-
tiat,

Nobis refert Venántius
Lucis beátæ múnera.

Nam criminum caliginem,
Stygisque noctem depulit,
Veróque cives lúmíne
Divinitátis imbuit.

Aquis sacri baptismatis
Lustrávit ille pátriam :
Quos tinxit unda milites,
In astra misit Mártyres.

Nunc Angelórum párticeps,
Adésto votis súpplicum :
Procul repélle crimina,
Tuúmque lumen íngere.

Sit laus Patri, sit Filio,
Tibique sancte Spiritus :
Da per preces Venántii
Beáta nobis gáudia. Amen.

℣. Justus ut palma floré-
bit. ℞. Sicut cedrus Líbani
multiplicábitur.

Ad Bened. Ant. Qui odit
ánimam suam in hoc mundo,
in vitam ætérnam custódit
eam.

Vesp. a Capit. de seq.,
cum Commem. præced. et
S. Pudencianæ Virg.

DIE XIX

S. PETRI CÆLESTINI

PAPÆ ET CONF.

Duplex.

Omnia de Comm. Conf.
Pont. 55*, præter seq.
Oratio.

DEUS, qui beátum Petrum
Cælestinum ad summi
pontificátus ápicem subli-

másti, quique illum humili-
táti postpónere docuisti :
concède propitius ; ut ejus
exémpló cuncta mundi de-
spicere, et ad promissa hu-
milibus præmia pervenire
feliciter mereámur. Per.

Et fit Commem. præced.

Ant. Qui vult venire post
me, ábneget semetípsum, et
tollat crucem suam, et se-
quátur me.

Ÿ. Justus ut palma floré-
bit. **R̃.** Sicut cedrus Libani
multiplicábitur.

Orat. Deus, qui hunc. 349.

**Postea sanctæ Pudentia-
næ Virg.**

Ant. Veni sponsa Christi,
accipe coronam, quam tibi
Dóminus præparávit in ætér-
num.

Ÿ. Spécie tua et pulchri-
túdine tua. **R̃.** Inténde, pró-
spere procéde, et regna.

Oratio.

EXÁUDI nos Deus salutáris
noster : ut sicut de beátæ
Pudentiánæ Virginis tuæ
festivitáte gaudémus, ita piæ
devotiónis erudiámur affé-
ctu. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

PETRUS, a nómine quo
Póntifex est appellátus,
Cælestinus dictus, honéstis
catholicisque paréntibus
Æsérniæ in Samnitibus na-
tus, adolescéntiam vix in-
gréssus, ut ánimus a mundi
illécebris custodíret, in so-

litúdinem secéssit. Ibi con-
templatióibus mentem nú-
triens, corpus in servitútem
rédi-gens, férream caténam
ad nudam carnem adhibé-
bat. Congregatiónem, quæ
póstea Cælestinórum dicta
est, sub régula sancti Bene-
dicti instituit. Hinc quasi
lucérna supra candelábrum
pósita, cum abscóndi nequí-
ret, (Romána Ecclesiá diu
viduáta pastóre) in Petri
cáthedram ignórans et ab-
sens adscitus, magna novi-
tátis admiratióne non minus
quam repentino gáudio cun-
ctos affécit. Cum áutem in
pontificátus sublimitáte col-
locátus, váriis disténtus cu-
ris, assuétis incúmbere me-
ditatióibus vix posse co-
gnósceret, óneri páriter et
honóri voluntárie cessit.
Indeque priscam vitæ ratió-
nem répetens, obdormívit
in Dómino, ejúsque pretiós-
sam mortem crux præfúl-
gens in áère ante cubiculi
óstium réddidit ámplius glo-
riósam. Miráculis multis tam
vivens, quam post óbitum
cláruit : quibus rite exami-
nátis, Clemens quintus anno
postquam decéssit undéci-
mo, sanctórum número ad-
scripsit.

R̃. Invéni David servum
meum, óleo sancto meo
unxi eum : * Manus enim
mea auxiliábitur ei. **Ÿ.** Nihil
proficiet inimicus in eo, et
filius iniquitátis non nocébit
ei. Manus.

Ex libro Morálium sancti
Gregórii Papæ.

Lib. 10. cap. 16. in c. 12. Job.

Lectio v.

DERIDÉTUR justí simplici-
tas. Hujus mundi sapién-
tia est, cor machinatióibus
tégere, sensum verbis ve-
láre; quæ falsa sunt, vera
osténdere; quæ vera sunt,
falsa demonstráre. Hæc ni-
mírum prudéntia usu a ju-
vénibus scitur, hæc a púeris
prétio discitur : hanc qui
sciunt, cæteros despiciéndo
supérbiunt : hanc qui né-
sciunt, subjécti et tímidi in
áliis mirántur : quia ab eis
hæc éadem duplicitátis ini-
quitas nómine palliáta dili-
gitur, dum mentis perversi-
tas urbánitas vocátur. Hæc
sibi obsequéntibus præcipit
honórum cúlmina quærere,
adépta temporális glóriæ
vanitáte gaudére, irrogáta ab
áliis mala multiplicius réd-
dere : cum vires súppetunt,
nullis resisténtibus cédere :
cum virtútis possibilitas de-
est, quidquid explére per
malitiam non valent, hoc in
pacífica bonitáte simuláre.

¶ Pósuí adjutórium super
poténtem, et exaltávi elé-
ctum de plebe mea : * Manus
enim mea auxiliábitur ei.

¶ Invéni David servum
meum, óleo sancto meo
unxi eum. Manus.

Lectio vj.

AT contra, sapiéntia justó-
rum est : nil per osten-
sionem fingere, sensum ver-

bis aperire, vera ut sunt
diligere, falsa devitáre, bona
gratis exhibére, mala libén-
tius toleráre quam fácere;
nullam injúriæ ultiónem
quærere, pro veritáte con-
tuméliam lucrum putáre. Sed
hæc justórum simplicitas
deridétur : qui ab hujus
mundi sapiéntibus puritá-
tis virtus fatúitas créditur.
Omne enim quod innocénter
ágitur, ab eis procul dúbio
stultum putátur : et quidquid
in ópere véritas ápprobat,
carnáli sapiéntiæ fatuum so-
nat. Quid namque stúltius
vidétur mundo quam men-
tem verbis osténdere, nil
cállida machinatióne simu-
láre, nullas injúriis contu-
mélias réddere, pro maledi-
céntibus oráre, paupertátem
quærere, posséssa relin-
quere, rapiénti non resiste-
re, percutiénti álteram ma-
xillam præbére?

¶ Iste est qui. 62*.

IN III. NOCTURNO

Léctio sancti Evangélii se-
cúndum Matthæum.

Lectio vij. Cap. 19. d

IN illo témpore : Dixit Pe-
trus ad Jesum : Ecce nos
reliquimus ómnia, et secúti
sumus te : quid ergo erit
nobis? Et réliqua.

Homilia venerábilis Bedæ
Presbýteri.

Homilia in natali sancti
Benedicti.

PERFÉCTUS ille est, qui
ábiens vendit ómnia quæ
habet, et dat paupéribus, ac

véniens séquitur Christum : habébit enim thesáurum non deficientem in cælis. Unde bene interrogante Petro, dixit talibus Jesus : Amen dico vobis, quod vos qui secúti estis me, in regeneratione, cum séderit Filius hóminis in sede majestátis suæ, sedébitis et vos super sedes duódecim, judicantes duódecim tribus Israël. In hac quippe vita pro ejus nómine laborantes in ália præmium speráre dócuit : id est, in regeneratione ; cum videlicet in vitam immortalém fuérimus resurgéndo regeneráti, qui in vitam cadúcam mortáliter erámus géniti.

℞. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. ℣. Induit eum Dóminus loriceam fidei, et ornávit eum. Et.

Lectio viij.

ET justa prorsus retribútio, ut qui hic pro Christo humánæ glóriam celsitudinis neglexérunt, illic a Christo júdices glorificáti singuláriter cum eo assideant, qui a sequendis ejus vestigiis nulla ratióne póterant avélli. Nemo áutem putet, duódecim tantum Apóstolos, quia pro Juda prævaricante Mathias electus est, tunc esse judicatúros : sicut nec duódecim solæ sunt tribus Israël judicandæ : alióquin tribus

Levi, quæ tértia décima est, in judicáta recédet.

℞. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dñm suum, quando revertátur a nuptiis. ℣. Vigilate ergo, quia nescitis quā hora Dóminus vester ventúrus sit. Et. Glória Patri. Et.

Pro S. Pudentiana.

Lectio ix.

PUDENTIÁNA virgo, Pudéntis Románi filia, paréntibus orbáta, cum admirábili pietáte christiánam religiónem cóleret, una cum soróre Praxéde pecúniā ex vëndito património redactam paupéribus distribuit, seque jejúniis et oratióibus dedit. Cujus étiam ópera, tota ejus familia, in qua erant nonaginta sex hómines, a Pio Pontífice baptizáta est. Quod áutem ab Antoníno imperatóre sancitum erat, ne Christiáni públice sacrificia fácerent, Pius Póntifex in ædibus Pudentiánæ cum Christiánis sacra celebrábat. Quibus illa benigne accéptis, quæ ad vitam necessariā essent, suppeditábat. Itaque in his christiánæ pietátis officiis migrávit e vita, et in sepúlcro patris ad cœmetérium Priscillæ via Salária sepúlta est, décimo quarto Kaléndas Júnii.

Si hoc Festum alicubi alia die celebretur, et in illa non occurrat Festum simplex

habens Lect. propriam, ix.
Lectio dicitur ut sequitur.

Lectio ix.

ET Páulus, qui tértius dé-
cimus est Apóstolus, ju-
dicándi sorte privábitur,
cum ipse dicat : Nescitis
quóniam ángeles judicábi-
mus, quanto magis sæculá-
ria? Sciéndum namque est,
omnes qui ad exémplum
Apostolórum suareliquerunt
ómnia, et secúti sunt Chri-
stum, júdices cum eo ven-
túros, sicut étiam omne
mortálium genus esse judi-
cándum. Quia enim duode-
nário sæpe número solet in
Scriptúris univérsitas desi-
gnári, per duódecim sedes
Apostolórum, ómnium nu-
merósitas judicántium, et
per duódecim tribus Israël,
univérsitas eórum, qui judi-
cándi sunt, osténditur.

Te Deum laudámus. 16.

In Laudibus fit Commem.
sanctæ Pudencianæ.

Ant. Simile est regnum
cælórum hómini negotiatóri
quærénti bonas margaritas :
invénta una pretiósá, dedit
ómnia sua, et comparávit
eam.

V. Diffúsa est grátia in lá-
biis tuis. **R.** Proptérea bene-
dixit te Deus in ætérnum.

Orat. Exáudi. ut supra.

IN II. VESPERIS

Ad Magnif. Ant. Dum esset
summus Póntifex, terréna
non métuit, sed ad cæléstia
regna gloriósus migrávit.

Et fit Commem. seq.

DIE XX

S. BERNARDINI SENENSIS

CONFESSORIS

Semiduplex.

Omnia de Comm. Conf.
non Pont. 76*, præter seq.

Ant. Similábo eum viro
sapiénti, qui ædificávit do-
mum suam supra petram.

V. Amávit eum Dóminus,
et ornávit eum. **R.** Stulam
glóriæ induit eum.

Oratio.

DÓMINE Jesu, qui beáto
Bernardino Confessóri
tuo eximium sancti nóminis
tui amórem tribuisti : ejus,
quæsumus, méritis et inter-
cessióne, spíritum nobis
tuæ dilectiónis benignus in-
fúnde : Qui vivis et regnas.

IN I. NOCTURNO

Lect. de Script. occur.

IN II. NOCTURNO

Lectio iv.

BERNARDÍNUS Albizésca,
nóbili Senénsi familia
ortus, ab ineúnte ætáte non
obscura sanctitátis dedit in-
dicia; nam a piis paréntibus
honéste educátus, negléctis
puerilibus ludis, inter pri-
ma grammáticæ stúdia pie-
tátis opéribus ánimus in-
téndit, jejúniis, oratióni, et
beatissimæ Virginis cúltui
præcipue addictus. Miseri-
córdia vero in páuperes fuit
insignis : quæ quidem ómnia
procedénte témpore quo
mélius posset excólere, eó-
rum número adscribi vó-
luit, qui Senis in hospitáli

domo beátæ Mariæ de Scala Deo inserviunt, unde complures sanctitate célebres viri prodierunt. Ibi corpore afflicciónē, et ægrotantium cura, dum atrox pestilentia grassaretur, incredibili caritate sese exercuit. Inter cæteras autem virtutes, castitatem, egrégia forma repugnante, sanctissime custodivit, adeo ut eo præsentē nemo umquam, ne impudentissimus quidem, verbum minus honestum proferre auderet.

¶ Honestum fecit illum Dominus, et custodivit eum ab inimicis, et a seductōribus tutavit illum : * Et dedit illi claritatem æternam. ✠. Justum deduxit Dominus per vias rectas, et ostendit illi regnum Dei. Et.

Lectio v.

GRAVI morbo tentatus, eo-
que ad quatuor menses patientissime tolerato, demum incolumis, de religiōsæ vitæ instituto capessendo deliberare cepit; quo ut sibi viam muniret, ædiculam in extréma urbe conduxit; in quam cum sese abdidisset, asperrimam omni ex parte vitam trahēbat, Deum assidue orans, ut, quid sibi sequendum esset, ostenderet; quare divinitus factum est, ut beāti Francisci ordinem præ cæteris optaret, in quo humilitate, patientia, aliisque religiōsi hominis virtutibus excelluit. Id cum

cœnobii rector animadvertet, jamque antea Bernardini doctrinam, et sacrarum Litterarum peritiam perspectam haberet, prædicandi onus eidem impōsuit : quo humillime suscepto, cum seminus idoneum agnosceret ob vocis exilitatem ac raucitatem, Dei ope implorata, non sine miraculo ejusmodi impedimento liberatus est.

¶ Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. ✠. Induit eum Dominus loriceam fidei, et ornavit eum. Et ad.

Lectio vj.

CUMQUE ea tempora vitiis criminibusque redundarent, et cruentis factionibus in Itālia, divina humanaque omnia permixta essent, Bernardinus urbes atque oppida concursans, in nomine Jesu, quem semper in ore et in pectore gerēbat, collapsam pietatem, morēsque verbo et exemplo magna ex parte restituit : quo factum est, ut præclæræ civitates eum sibi episcopum a Summo Pontifice postularent : quod ille munus invicta humilitate constantissime rejecit. Denique vir Dei immensis laboribus exhaustus, multis magnisque editis miraculis, libris etiam pie doctèque conscriptis, cum vixisset annos sex ac sexaginta, in urbe Aquila in

Vestinis beáto fine quiévit. Quem novis in dies coruscántem signis, anno post óbitum sexto, Nicoláus quintus Póntifex Máximus in sanctorum número rétulit.

R. Iste homo. 83*.

IN III. NOCTURNO

Homil. in Evang. Ecce nos. **de Comm. Abbat. 1^o loco.** 91*.

DIE XXV

S. GREGORII VII.

PAPÆ ET CONFESSORIS

Duplex.

Omnia de Communi Conf. Pont. 55*, **præter seq.**

Oratio.

DEUS in te sperántium fortitúdo, qui beátum Gregórium Confessórem tuum atque Pontíficem, protuéndam Ecclésiæ libertáte virtúte constántiæ roborásti : da nobis ejus exémplo, et intercessióne, ómnia adversántia fórtiter superáre. Per Dóminum.

Et fit Commem. S. Urbani I. Papæ et Martyris.

Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

V. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

DA, quæsumus omnipotens Deus : ut qui beáti Ur-

báni Mártiris tui atque Pontíficis solémnia còlimus, ejus apud te intercessiónibus adjuvémur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

GREGÓRIUS Papa séptimus, Gántea Hildebrándus, Suá-næ in Etrúria natus, doctrina, sanctitáte, omnique virtútum génere cum primis nóbilis, mirifice univérsam Dei illustrávit Ecclésiám. Cum párvulus ad fabri ligna edolántis pedes, jam litterárum inscius, lúderet, ex rejéctis tamen segméntis illa Davidici eleménta oráculi : Dominábitur a mari usque ad mare : casu formásse narrátur, manum púeri ductánte Númine, quo significarétur, ejus fore amplíssimam in mundo auctoritátem. Romam deinde proféctus sub protectióne sancti Petri educátus est. Júvenis Ecclésiæ libertátem a láicis opprèssam, ac depravátos ecclesiasticórum mores vehementius dolens, in Cluniacénsi monastério, ubi sub régula sancti Benedicti austeriórius vitæ observántia eo témpore máxime vigébat, mónachi hábitum induens, tanto pietátis ardóre divínæ majestáti deserviebat, ut a sanctis ejúsdem cœnóbii pátribus prior sit eléctus. Sed divina providéntia majóra de eo disponénte in salútem

plurimorum Cluniaco eductus Hildebrandus, abbas primum monasterii sancti Pauli extra muros Urbis electus, ac postmodum Romanæ Ecclesiæ cardinalis creatus, sub Summis Pontificibus, Leone nono, Victore secundo, Stéphano nono, Nicolao secundo, et Alexandro secundo, præcipuis muneribus et legationibus perfunctus est, sanctissimi et purissimi consilii vir a beato Petro Damiáno nuncupatus. A Victore Papa secundo legatus a latere in Galliam missus, Lugduni episcopum simoniaca labe infectum ad sui criminis confessionem miraculo adëgit. Berengarium in concilio Turonensi ad iteratam hæresis abjurationem compulit. Cadaloi quoque schisma sua virtute compressit.

R. Inveni David servum meum, oleo sancto meo unxi eum : * Manus enim mea auxiliabitur ei. **V.** Nihil proficiet inimicus in eo, et filius iniquitatis non nocëbit ei. Manus enim.

Lectio v.

MÓRTUO Alexandro secundo, invitus, et mœrens, unânimi omnium consensu, décimo Kalendas Maii, anno Christi millésimo septuagésimo tertio, Summus Pontifex electus, sicut sol effulsit in domo Dei; nam potens opere et sermone, ecclesiastica disciplina reparandæ,

fidei propagandæ, libertati Ecclesiæ restituendæ, extirpandis erroribus, et corruptelis tanto studio incubuit, ut ex Apostolorum ætate nullus Pontificum fuisse tradatur, qui majores pro Ecclesia Dei labores, molestiasque pertulerit, aut qui pro ejus libertate acrius pugnâverit. Aliquo provincias a simoniaca labe expurgavit. Contra Henrici imperatoris impios conatus fortis per omnia athleta impavidus permansit, seque pro muro domui Israël pōnere non timuit, ac eundem Henricum in profundum malorum prolapsum fidelium communionē, regnoque privavit, atque subditos pōpulos fide ei data liberavit.

R. Pōsui adiutorium super potentem, et exaltavi electum de plebe mea : * Manus enim mea auxiliabitur ei. **V.** Inveni David servum meum, oleo sancto meo unxi eum. Manus.

Lectio vj.

DUM Missarum solēnnia perageret, visa est viris piis columba e cælo delapsa, humero ejus dextro insidens, alis extēnsis caput ejus velare, quo significatum est, Spiritus sancti afflātū, non humanæ prudentiæ rationibus ipsum duci in Ecclesiæ regimine. Cum ab iniqui Henrici exercitu Romæ gravi obsidiōne premeretur, excitatum ab hostibus in-

céndium signo crucis exstinguit. De ejus manu tandem a Robérto Guiscárdo duce Northmánno eréptus, Cassinum se cóntulit; atque inde Salérnum ad dedicándam ecclésiám sancti Matthæi Apóstoli conténdit. Cum aliquándo in ea civitaté sermónem habuisset ad pópulum, ærúmni confectus in morbum incidit, quo se interitúrum præscivit. Postréma moriéntis Gregórii verba fuére : Diléxi justitiam, et odivi iniquitátem, proptérea mórrior in exsilio. Innumérabilia sunt, quæ vel fórtiter sustinuit, vel multis coáctis in Urbe sýnodis sapiénter constituit, vir vere sanctus, criminum vindex, et acérrimus Ecclésiæ defénsor. Exáctis itaque in pontificátu annis duódecim, migrávit in cælum anno salutis millésimo octogésimo quinto, plúribus in vita, et post mortem miráculis clarus, ejúsque sacrum corpus in cathedráli basilica Salernitána est honorífice cónditum.

R. Iste est qui. 62*.

IN III. NOCTURNO

Homil. in Evang. Vigiláte. de eodem Communi 2º loco. 69*.

Pro S. Urbano Papa et Mart.

Lectio ix.

URBÁNUS RománuS, Alexándro Sevéro imperatóre, doctrína et vitæ sanctitaté multos ad Christi fidem convertit : in illis Valeriánum,

beátæ Cæciliæ sponsum, et Tibúrtium, Valeriáni fratrem; qui póstea martýrium forti ánimo subiérunt. Hic de bonis Ecclésiæ attribútis scripsit his verbis : Ipsæ res fidélium, quæ Dómino offerúntur, non debent in álios usus, quam ecclesiásticos et christianórum fratrum, vel indigéntium, converti : quia vota sunt fidélium, et prætia peccatórum, ac patrimónia páuperum. Sedit annos sex, menses septem, dies quátuor : ac martýrio coronátus, sepúltus est in cœmetério Prætextáti, octávo Kaléndas Júnii. Ordinatió nibus quinque hábitis mense Decém-bri, creávit presbýteros novem, diáconos quinque, episcopos per diversa loca octo.

Te Deum laudámus. 16.

In Laud. fit Commem. S. Urbani.

Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. **R.** Sicut cedrus Libani multiplicábitur.

Orat. Da, quæsumus. ut supra. 357.

Vesp. a Capit. de seq. cum Commem. præced. ac S. Eleutherii Papæ et Mart.

DIE XXVI

S. PHILIPPI NERII CONF.

Duplex.

Omnia de Comm. Conf. non Pont. 76*, præter seq.

Oratio.

DEUS, qui beátum Philip-
pum Confessórem tuum
sanctorum tuorum glória su-
blimásti: concéde propitius;
ut cujus solemnitate lætá-
mur, ejus virtutum proficiá-
mus exémplo. Per Dóminum.

Et sit Commem. præced.

Ant. Dum esset summus
Póntifex, terréna non mé-
tuit, sed ad cæléstia regna
gloriosus migrávit.

Ÿ. Justum dedúxit Dómi-
nus per vias rectas. *R.* Et
osténdit illi regnum Dei.

Orat. Deus in te sperán-
tium. *ut supra.* 357.

*Postea S. Eleutherii Papæ
et Mart.*

Ant. Iste sanctus pro lege
Dei sui certávit usque ad
mortem, et a verbis impió-
rum non timuit: fundátus
enim erat supra firmam pe-
tram.

Ÿ. Glória et honóre coro-
násti eum Dómine. *R.* Et
constituísti eum super ópera
mánuum tuárum.

Oratio.

INFIRMITÁTEM nostram ré-
spice omnipotens Deus:
et quia pondus propriæ
actiónis gravat, beáti Eleu-
therii Mártyrístui atque Pon-
tificis intercèssio gloriósa
nos prótegat. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

PHILÍPPUS Nérius, piis ho-
nestisque paréntibus Flo-

réntiæ natus, ab ipsa in-
eunte ætáte non obscura
dedit futúre sanctitátis in-
dicia. Adolésceus, ampla pá-
trui hereditáte dimissa, Ro-
mam se cóntulit; ubi philo-
sophia ac sacris litteris
eruditus, totum se Christo
dicávit. Ea fuit abstinéntia,
ut sæpe jejúnus triduum per-
mánerit. Vigiliis et oratió-
nibus inténtus, septem Urbis
ecclesiás frequenter visitans,
apud cœmetérium Callisti in
cæléstium rerum contem-
platióne pernoctáre consue-
vit. Sacerdos ex obediéntia
factus, in animárum salute
procuránda totus fuit; et in
confessiõibus audiendis ad
extrémum usque diem per-
sevérans, innúmeros pene
filios Christo péperit; quos
verbi Dei quotidiano pábulo,
sacramentórum frequéntia,
oratiõis assiduitáte, aliis-
que piis exercitatiõibus
enutrirí cúpiens, Oratórii
congregatióem instituit.

R. Honéstum fecit illum
Dóminus, et custodivit eum
ab inimicis, et a seductóri-
bus tutávit illum: * Et de-
dit illi claritátem ætérnam.

Ÿ. Justum dedúxit Dóminus
per vias rectas, et osténdit
illi regnum Dei. Et.

Lectio v.

CARITÁTE Dei vulnerátus
languébat júgiter, tantó-
que cor ejus æstuábat ar-
dóre, ut cum intra fines suos
continéri non posset, illius
sinum, confráctis atque elá-

tis duábus cóstulis, mirabiliter Dóminus ampliáverit. Sacrum vero fáciens, aut fervéntius orans, in áëra quandóque sublátus, mira úndique luce fulgére visus fuit. Egénos et páuperes omni caritátis officio prosequébátur : dignus, qui et Angelo in spécie páuperis elemósynam erogáret; et dum egéntibus noctu panem deferret, in fóveam lapsus, inde páriter ab Angelo incóloris eriperétur. Humilitati addictus, ab honóribus semper abhórruit, atque ecclesiásticas dignitátes, étiam primárias, non semel ultro delátas, constantissime recusávit.

¶ Amávit eum Dóminus, et ornávit eum : stolam glóriæ induit eum, ' Et ad portas paradisi coronávit eum.

¶ Induit eum Dóminus lorícam fidei, et ornávit eum. Et ad portas.

Lectio vi.

PROPHETIÆ dono fuit illústris, et in animórum sénsibus penetrándis mirífice enituit. Virginitátem perpétuo illibátam servávit : idque assecútus est, ut eos, qui puritátem cólerent, ex odóre, qui vero secus, ex fœtóre dignósceret. Abséntibus intérdum apparuit, iisque periclitántibus opem tulit. Ægrótos plúrimos et morti próximos sanitáti restituit. Mórtuum quoque ad vitam revocávit. Caeléstium

spirituum, et ipsius Deiparæ Virginis frequénter fuit apparitióne dignátus, ac plurimórum ánimas splendóre circumfúsas in cælum conscéndere vidit. Dénique anno salutis millésimo quingéntésimo nonagésimo quinto, octávo Kaléndas Júnias, in quem diem inciderat festum Córporis Christi, Sacro máxima spíritus exultatióne perácto, cæterisque functionibus explétis, post médiám noctem, qua prædixerat hora, octogenárius obdormívit in Dómino. Quem Gregórius décimus quintus miráculis clarum in Sanctórum númerum rétulit.

¶ Iste homo. 83*.

IN III. NOCTURNO

Homil. in Evang. Sint lum-
bi. de eodem Comm. 1^o loco.
85*.

Pro S. Eleutherio Papa
et Martyre.

Lectio ix.

ELEUTHÉRIUS, Nicópoli in Græcia natus, Anicéti Pontificis diáconus, Cómmodo imperátore præfuit Ecclesiæ. Huic initio pontificátus súpplices litteræ venérunt a Lúcio Britannórum rege, ut se ac suos in Christianórum númerum reciperet. Quamóbrem Fugátium et Damiánum, doctos et pios viros, misit in Británniam, per quos rex et réliqui fidem susciperent. Hoc Pontifice Irenæus Polycárpi discipulus Romam véniens, ab eo

benigne acceptus est. Quo tempore summa pace et quiete fruebatur Ecclesia Dei : ac per totum orbem terrarum, maxime Romæ, fides propagabatur. Vixit Eleutherius in pontificatu annos quindecim, dies viginti tres. Fecit ordinationes tres mense Decembri, quibus creavit presbyteros duodecim, diaconos octo, episcopos per diversa loca quindecim : sepultusque est in Vaticano prope corpus sancti Petri.

Te Deum laudamus. 16.

In Laud. fit Commem. S. Eleutherii.

Ant. Qui odit animam suam in hoc mundo, in vitam æternam custodit eam.

Ÿ. Justus ut palma florébit. R. Sicut cedrus Libani multiplicabitur.

Orat. Infirmi-tatem. 360.

In II. Vesp. fit Commem. seq. ac S. Joannis Papæ et Mart.

DIE XXVII

SANCTÆ MARLE MAGDALENÆ

DE PAZZIS

VIRGINIS

Semiduplex.

Omnia de Communi Virg. 95*, præter seq.

Ant. Veni sponsa Christi, accipe coronam, quam tibi Dominus præparavit in æternum.

Ÿ. Spécie tua et pulchritudine tua. R. Intende, prospere procéde, et regna.

Oratio.

DEUS virginitatis amator, qui beatam Mariam Magdalénam Virginem tuo amore succensam, cælestibus donis decorasti : da ; ut quam festiva celebritate veneramur, puritate et caritate imitemur. Per Dominum.

Deinde fit Commem. S. Joannis Papæ et Mart.

Ant. Iste sanctus pro lege Dei sui certavit usque ad mortem, et a verbis impiorum non timuit : fundatus enim erat supra firmam petram.

Ÿ. Glória et honore coronasti eum Domine. R. Et constituisti eum super opera manuum tuarum.

Oratio.

DEUS, qui nos beati Joannis Martyris tui atque Pontificis annua solemnitate lætificas : concède propitius ; ut cujus natalitia colimus, de ejusdem etiam protectione gaudeamus. Per Dominum.

IN I. NOCTURNO

Lect. de Script. occur.

IN II. NOCTURNO

Lectio iv.

MARIA Magdaléna illustriori Pazziorum genere Floréntiæ nata, fere ab incunabulis iter perfectionis arripuit. Decennis perpetuam virginitatem vovit, susceptoque habitu in monasterio sanctæ Mariæ Angelorum ordinis Carmelitarum, se omnium virtutum exem-

plar exhibuit. Adeo casta fuit, ut quidquid puritatem lædere potest, pēnitens ignoraverit. Quinquennium, Deo jubente, solo pane et aqua transēgit, excēptis diēbus Dominicis, quibus cibis quadragesimalibus vescebatur. Corpus suum cilicio, flagellis, frigore, inedia, vigiliis, nuditate, atque omni pœnarum genere cruciabat.

R. Propter veritatem, et mansuetudinem, et justitiam : * Et deducet te mirabiliter dextera tua. **V.** Specie tua et pulchritudine tua intēde, prospere procēde, et regna. Et.

Lectio v.

TANTO igne divini amoris æstuabat, ut ei ferendo impar, ingesta aqua pectus refrigerare cogeretur. Extra sensus frequenter rapta, diuturnas et admirabiles extases passa est, in quibus et arcana cælestia penetravit, et eximiis a Deo grātiis illustrata fuit. His autem munita longum certamen a principibus tenebrarum sustinuit, arida, desolata, ab omnibus derelicta, variisque tentationibus vexata; Deo sic permittente, ut invictæ patientiæ, ac profundissimæ humilitatis exemplar præberet.

R. Dilexisti justitiam, et odisti iniquitatem : * Propterea unxit te Deus, Deus tuus, oleo lætitiæ. **V.** Propter veritatem, et mansuetudinem, et justitiam. Propterea.

Lectio vj.

CARITATE erga proximum singulariter enituit : nam sæpe noctes ducēbat insomnes, vel obeundis sororum ministeriis, vel inserviēdo infirmis occupata, quarum aliquādo ulcera lambens sanavit. Infidelium et peccatorum perditionem amare deflens, se ad quælibet pro illorum salute tormenta paratam offerēbat. Multis ante obitum annis, universis cæli deliciis, quibus copiose affluēbat, herōica virtute renūntians, illud frequenter in ore habēbat : Pati, non mori. Tandem longa et gravissima infirmitate exhausta, transivit ad Sponsum, die vigesima quinta Maii, anno millésimo sexcentésimo séptimo, explēto anno quadragésimo primo ætatis suæ. Eam multis in vita et post mortem miraculis claram, Clemens nonus sanctarum virginum número adscripsit : cujus corpus in præsentem diem incorruptum conservatur.

R. Afferentur Regi. 104*.

IN III. NOCTURNO

Homil. in Evang. Simile erit regnum cælorum. **de eodem Communi 1º loco.** 106*.

Pro S. Joanne Papa Mart.

Lectio ix.

JOANNES Etruscus Justino seniore imperatore rexit Ecclesiam : ad quem profectus est Constantinopolim auxilii causa, quod Theodoricus rex hæreticus divexa-

bat Itáliam : cujus étiam iter Deus miráculis illustrávit. Nam cum ei nóbilis vir ad Corinthum equum, quo ejus uxor mansuétó utebátur, itineris cáusa commódasset, factum est, ut dómino póstea remissus equus, ita ferox eváderet, ut frémitu et totíus córporis agitatíone semper deinceps dóminam expúlerit : tamquam indignarétur mulierem recipere, ex quo sedisset in eo Jesu Christi Vicárius. Quamóbrem illi equum Pontifici donavérunt. Sed illud majus miráculum, quod Constantinópoli, in áditu portæ áureæ, inspectánte frequentíssimo pópulo, qui una cum imperátore Pontifici honóris cáusa occurrerat, cæco lumen restituit. Ad cujus pedes prostrátus étiam imperátor, eum venerátus est. Rebus cum imperátore compósitis, in Itáliam rédiit, statimque epístolam scripsit ad omnes Itáliæ episcopos, jubens eos Arianórum ecclésiās ad cathólicum ritum consecráre, illud subjúgens : Quia et nos quando fuimus Constantinópoli, tam pro religíone cathólica quam pro regis Theodorici cáusa, quascúmque illis in pártibus eórum ecclésiās reperíre potuimus, cathólicas eas consecrávimus. Quod iniquíssimo ánimo ferens Theodoricus, dolo accersitum Pontificem Ravénnam in cárcerem con-

jécit : ubi squalóre inediáque afflictus, páucis diébus cessit e vita, cum sedisset annos duos, menses novem, dies quatuórdecim, ordinátis eo témpore episcopis quindecim. Páulo post móritur Theodoricus : quem quidam Eremita, ut scribit sanctus Gregórius, vidit inter Joánnem Pontificem et Sýmmachum patricium, quem idem occiderat, demérge in ignem Liparitánum : ut videlicet illi, quibus mortem attúlerat, tamquam júdices essent ejus intéritus. Joánnis corpus Ravénna Romam portátum est, et in basilica sancti Petri sepúltum.

Te Deum laudámus. 16.

In Laud. pro Commem. S. Joannis.

Ant. Qui odit ánimam suam in hoc mundo, in vitam ætérnam custódit eam.

℣. Justus ut palma florébit.

℟. Sicut cedrus Líbani multiplicábitur.

• Vesp. de seq. Commem. præced.

DIE XXVIII

SANCTI AUGUSTINI
EPISCOPI ET CONFESSORIS

Duplex.

Omnia de Comm. Conf.
Pont. 55*, præter seq. (m.
t. v.)

Oratic.

DEUS, qui Anglórum gentes, prædicatíone et miráculis beáti Augustini Con-

fessoris tui atque Pontificis, veræ fidei luce illustrare dignatus es : concède; ut, ipso interveniente, errantium corda ad veritatis tuæ redeant unitatem, et nos in tua simus voluntate concordes. Per Dóminum.

Commem. præced.

Ant. Veni sponsa Christi, accipe coronam, quam tibi Dóminus præparávit in ætérnum.

Y. Diffúsa est grátia in lábiis tuis. *R.* Propterea benedixit te Deus in ætérnum.

Oratio Deus virginitátis.
362.

IN I. NOCTURNO

Lect. de Script. occur.

IN II. NOCTURNO

Lectio iv.

AUGUSTÍNUS Romæ in Lateranénsi cœnóbio mónachus, a Gregório Magno cum sóciis mónachis fere quadraginta in Angliam missus est anno quingentésimo nonagésimo séptimo, ut gentes illas ad Christum converteret. Erat eo tēpore rex Ethelbértus in Cántio potentissimus, qui audita adventus Augustíni cáusa, eum cum sóciis Cantuáriam, sui regni metrópolim, invitávit; ibique manéndi et Christum prædicándi facultatem eidem liberaliter concéssit. Quare sanctus vir prope Cantuáriam oratórium exstrúxit, ubi ipse aliquámdiu consédit, atque apostólicam

vivéndi ratiónem cum suis æmulátus est.

R. Inveni David servum meum, óleo sancto meo unxi eum : *Y.* Manus enim mea auxiliábitur ei. *Y.* Nihil proficiet inimicus in eo, et filius iniquitátis non nocébit ei. Manus.

Lectio v.

CELÉSTIS doctrinæ prædicatione plúrimis firmáta miraculis, ac vitæ exémplo sic insulános illos demúlsit, ut eórum plerósque ad christiánam fidem perdúxerit, ac demum regem ipsum, quem cum innúmero suórum comitátu sacro fonte lustrávit, summa cum lætitia Berthæ régiae uxóris, quæ christiána erat. Olim in Natáli Dómini, cum decem milibus et ámplius baptismum in álveo flúminis Eboráci contulisset, quotquot ex iis morbo áliquo affécti erant, cum animæ salúte, córporis quoque sanitatem recepisse memóriæ próditum est. Jussu Gregórii ordinátus episcopus, sedem Cantuáriæ instituit in ecclésia Salvatóris a se erécta, in qua mónachos óperis sui subsidiários collocávit; et sancti Petri monastérium, quod póstea et a suo nómine dictum est, in suburbánis constrúxit. Idem Gregórius usum pállii cum facultate ecclesiásticæ hierarchiæ in Anglia instituendæ ei concéssit, quo novam etiám operariórum manum

misit, nempe Mellitum, Justum, Paulinum, et Rufiniānum.

℞. Pósuī adjutórium super poténtem, et exaltávi eléctum de plebe mea : * Manus enim mea auxiliábitur ei. V. Inveni David servum meum, óleo sancto meo unxi eum. Manus.

Lectio vj.

DISPÓSITIS ejus ecclésiæ rebus, sýnodum hábuit Augustinus cum episcopis atque doctóribus véterum Britónum, qui in Paschæ celebratióne aliisque ritibus ab Ecclésiā Romána jamdúdum dissidébant. Sed cum eos neque Apostólicæ Sedis auctoritatē, neque miráculis movére posset, ut dissidio cessárent, prophético spiritu eis excidium prænuntiávit. Dénique máximis pro Christo exantlátis labóribus, miráculis clarus, cum Mellitum Londinénsi ecclésiæ præfecisset, Justum Roffénsi, suæ Lauréntium, in cælum migrávit séptimo Kaléndas Júnias, Ethelbértó regnante, ac sepúltus est in monastério sancti Petri, quod exinde Cantuariénsium antistitum et áliquot regum conditórium fuit. Ejus cultum fervénti stúdio prosecútæ sunt Anglórum gentes, ac Leo décimus tértius Póntifex Máximus ejus Officium et Missam ad univérsam exténdit Ecclésiā.

℞. Iste est. 62*.

IN III. NOCTURNO

Homil. in Evang. Designávit Dóminus. de Comm. Evang. 22*, cum ℞℞. de Comuni Conf. Pont. 64*.

DIE XXX

SANCTI FELICIS I.

PAPÆ ET MARTYRIS

Ad Vesp. Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

V. Glória et honóre coronásti eum Dómine. ℞. Et constituísti eum super ópera mánuum tuárum.

Oratio.

INFIRMITÁTEM nostram réspice omnipotens Deus : et quia pondus próprie actionis gravat, beáti Felicis Mátyris tui atque Pontificis intercessio gloriósa nos próteget. Per Dóminum.

Lectio iij.

FELIX RománuS, patre Constantio, Aureliáno imperatóre præfuit Ecclésiæ. Constituit ut Missa supra memórias et sepúlcrá Mátyrum celebrarétur. Qui cum mense Decémbri habuisset ordinationes duas, et creáset presbýteros novem, diáconos quinque, episcopos per diversa loca quinque, mátyrio coronátus, via Aurélia sepe-litur in basilica quam a se ædificátam dedicarat. Vixit in pontificátu annos duos,

menses quátuor, dies viginti novem.

Te Deum laudámus. 16.

Ad Laud. Ant. Qui odit ánimam suam in hoc mundo, in vitam ætérnam custódit eam.

Ÿ. Justus ut palma florébit. **℟.** Sicut cedrus Libani multiplicábitur.

DIE XXXI

S^T.Æ ANGELÆ MERICIÆ

VIRGINIS

Duplex.

Omnia de Comm. Virg.
95*, **præter seq.**

Oratio.

DEUS, qui novum per beátam Angelam sacrárum Virginum collégium in Ecclésia tua floréscere voluisti: da nobis, ejus intercessióne angélicis móribus vivere; ut terrénis ómnibus abdicáti, gáudiis pérfrui mereámur ætérnis. Per Dóminum nostrum.

Deinde sit Commem. S. Petronillæ Virg.

Ant. Simile est regnum cælórum hómini negotiatóri quærénti bonas margaritas: invénta una pretiósá, dedit ómnia sua, et comparávit eam.

Ÿ. Diffúsa est grátia in lábiis tuis. **℟.** Proptérea benedixit te Deus in ætérnum.

Oratio.

EXÁUDI nos Deus salutáris noster: ut, sicut de beátæ Petronillæ Virginitatæ festi-

vitáte gaudémus, ita piæ devotiónis erudiámur afféctu. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

ANGELA Mericia, Decentiani, Veronénsis diocesis oppido, ad lacum Benacum in ditióne Véneta piis orta paréntibus, a prima ætáte virginitatis lilium, quod perpétuo serváre statuerat, sédula sepsit. Ab omni muliebri ornátu abhórens, egrégiam vultus formam pulchrámque cæsáriem studiósè fœdávit, ut cælésti dumtáxat animárum Sponso placéret. In ipso áutem adulescéntiæ flore paréntibus orbáta, austeriórís vitæ desiderio in désertum locum aufúgere tentávit; sed ab avúnculo prohibita, novit præstáre domi, quod in solitúdine non licuit. Cilicio ac flagéllis frequénter usa, carnem nónnisi infirma valetúdine, vinum in Nativitátis et Resurrectiόνis Dominicæ tantum celebritáte, complúres vero dies nihil omnino degustávit. Orationi dedita, brevissimum humi carpébat somnum: dæmonem vero sub lucéntis ángeli forma sibi illúdere conántem agnóvit prótinus, et conjécit in fugam. Tandem patérnis bonis abdicáti, et hábitum ac régulam Tértii órdis sancti Francisci ampléxa, evangé-

licam paupertatem virginitatis laudi conjunxit.

R. Propter veritatem, et mansuetudinem, et justitiam : * Et deducet te mirabiliter dextera tua. **V.** Specie tua et pulchritudine tua intendente, prospere procede, et regna. Et.

Lectio v.

NULLUM pietatis officium erga proximos omittens, pauperibus, quidquid sibi ex mendicato victu superesset, largiebatur; libenter ministrabat ægrôtis, pluraque cum magna sanctitatis fama peragravit loca, ut vel solatio esset afflictis, vel reis veniam impetraret, vel infensos invicem reconciliaret animos, vel e vitiorum cœno sceléstos revocaret. Angelorum pane, quem únice esuriebat, frequentissime refecta, tanta caritatis vi ferebatur in Deum, ut sæpius extra sensus raperetur. Sacra Palæstinæ loca summa cum religione obivit : quo in itinere et visum, quem ad Cydonias appulsa oras miserat, eodem regressa recuperavit, et barbarorum captivitatem ac naufragium imminens divinitus evasit. Romam denique firmam Ecclesiæ petram veneratúra, et amplissimæ jubilæi veniæ percúpida, sedente Clemente séptimo, accessit; quam Summus Póntifex allocutus, ejusdem sanctimóniam suscepit, et commen-

davit summopere; nec ab Urbe ipsam abire ante permisit, quam alio cœlitus vocatam agnovit.

R. Dilexisti justitiam, et odisti iniquitatem : * Propterea unxit te Deus, Deus tuus óleo lætitiæ. **V.** Propter veritatem, et mansuetudinem, et justitiam. Propterea.

Lectio vj.

BRÍXIAM itaque, ubi domum ad sanctæ Aphræ templum conduxit, reversa, novam ibi virginum societatem, sicut cælesti voce ac visione mandatum sibi fuerat, sub certa disciplina sanctisque vivendi régulis constituit, quam sanctæ Ursulæ invictæ virginum ducis patrocinio ac nómine insignivit : eam vero perennem futuram morti próxima prædixit. Tandem prope septuagenaria, dives méritis evolavit in cælum sexto Kalendas Februárii anni millésimi quingentésimi et quadragésimi, cujus cadáver per ipsos triginta dies inhumatum, flexibile, ac vivo simillimum perseveravit. Demum in sanctæ Aphræ templo inter cæteras, quibus illud abundat, sanctorum reliquias repósito, plúrima ad ejus sepulcrum agi statim cœpere miracula : quorum fama late diffusa, non Bríxiæ modo, et Decentiáni, sed alibi étiam vulgo cœpit nuncupari beata, ejusque imago aris

impóni; imo sanctus ipse Cárolus Borromæus non multis post annis dignam, quæ ab Apostólica Sede in sanctárum Virgínium album referrétur, Bríxiæ palam asseruit. Cultum vero illi jámdiu a pópulis exhibítum, et tum locórum ordináriis probátum, tum plúribus étiam Summórum Pontíficum indúltis munitum, Clemens Papa décimus tértius solémni decréto ratum hábuit, ac confirmávit. Eam tandem, novis miráculis rite probátis insignem, Pius Papa séptimus, solémni canonizatióne in Vaticána basilica perácta, die vigésima quarta

Maii anno millésimo octingentésimo séptimo, sanctárum virgínium catálogo adscripsit.

R. Afferéntur. 104*.

IN III. NOCTURNO

Homil. in Evang. Simile erit regnum cælórum. *de eodem Communi 1^o loco.* 106*.

In Laud. pro Commem. S. Petronillæ.

Ant. Veni sponsa Christi, áccipe corónam, quam tibi Dóminus præparávit in ætérnum.

V. Spécie tua et pulchritúdine tua. *R.* Inténdé, prospere procéde, et regna.

Orat. Exáudi. 367.





FERIA VI. POST OCT. SS. CORPORIS CHRISTI

SACRATISSIMI CORDIS D. N. J. C.

Duplex 1. classis.

Vesperæ dicuntur de Octava SS. Corporis Christi sine ulla Commemoratione.

Sed si Offic. SS. Cordis Jesu transferatur, tunc fiat ut seq.

IN I. VESPERIS

Ant. Discite. cum reliq. de Laud. 375. Pss. ut in I. Vesp. Festi SS. Corporis Christi. 165.

Capitulum. Isaïæ 12.

ECCE Deus Salvátor meus, fiduciáliter agam, et non timébo : quia fortitúdo mea, et laus mea Dóminus, et factus est mihi in salútem. Hauriétis aquas in gáudio de fóntibus Salvátóris.

Hymnus.

AUCTOR beáte sáeculi,
Christe Redéptor ómni-
um,

Lumen Patris de lúmine,
Deúsque verus de Deo.

Amor coégit te tuus
Mortále corpus súmere,
Ut novus Adam rédderes,
Quod vetus ille abstúlerat.

Ille amor almus ártifex
Terræ, marisque, et side-
rum,
Erráta patrum miserans,
Et nostra rumpens vincula.

Non corde discédat tuo
Vis illa amóris ínclýti :
Hoc fonte gentes háuriant
Remissiónis grátiam.

Percússum ad hoc est lán-
cea,
Passúmque ad hoc est vúl-
nera,

Ut nos laváret sórdibus
Unda fluénte, et sáanguine.

Decus Parénti, et Filio,
Sanctóque sit Spiritui,
Quibus potéstas, glória,
Regnúmque in omne est sæ-
culum. Amen.

Ÿ. Ignem veni mittere in
terram. R. Et quid volo, nisi
ut accendátur?

Ad Magnif. Ant. Impropé-
rium exspectávit cor meum,
et misériam : et sustinui qui
simul contristarétur, et non
fuit; et qui consolarétur, et
non invéni.

Oratio ut infra ad Laud.

AD MATUTINUM

Invit. Christum pro nobis
passum, * Venite, adoré-
mus.

Ps. Veníte, exsultémus. 2.

Hymnus.

EN ut supérba criminum
Et sæva nostrórum co-
hors

Cor sauciávit innocens
Meréntis haud tale Dei!

Vibrántis hastam militis
Peccáta nostra dirigunt,
Ferrúmque diræ cúspidis
Mortále crimen ácuit.

Ex Corde scisso Ecclésia
Christo jugála náscitur:
Hoc óstium arcæ in látere
est

Genti ad salútem pósitum.

Ex hoc perénnis grátia,
Ceus septifórmis flúvius,
Stolas ut illic sórdidas
Lavémus Agni in sáanguine.

Turpe est redire ad crimi-
na,

Quæ Cor beátum lácerent:
Sed æmulémur córdibus
Flammas amóris índices.

Hoc Christe nobis, hoc
Pater,

Hoc sancte dona Spíritus,
Quibus potéstas, glória,
Regnúmque in omne est sæ-
culum. Amen.

IN I. NOCTURNO

Ant. Quid est homo quia
magnificas eum, aut quid
appónis erga eum cor tuum?

Pss. trium Noct. ut in Fe-
stis B. M. V. 148*.

Ant. Meditatio cordis mei
in conspéctu tuo semper.

Ant. Elevámini portæ æter-
náles, et introíbit Rex glóriæ.

Ÿ. Dómine dabis pacem
nobis. **R̃.** Omnia enim ópera
nostra operátus es nobis.

De Isaia Prophéta.

Lectio j. Cap. 12.

CONFITÉBOR tibi Dómine,
Quóniam irátus es mihi:
convérsus est furor tuus, et

consolátus es me. Ecce Deus
Salvátor meus, fiduciáliter
agam, et non timébo: quia
fortitúdo mea, et laus mea
Dóminus, et factus est mihi
in salútem. Hauriétis aquas
in gáudio de fóntibus Salva-
tórís: et dicétis in die illa:
Confitémini Dómino, et in-
vocáte nomen ejus: notas
fácite in pópulis adinven-
tiónes ejus: mementóte quó-
niam excélsum est nomen
ejus. Cantáte Dómino quó-
niam magnifice fecit: annun-
tiáte hoc in univérsa terra.
Exsúlta, et láuda habitatio
Sion: quia magnus in médio
tui sanctus Israël.

R̃. Ego sum panis vitæ:
patres vestri manducavérunt
manna in desérto, et mórtui
sunt: * Hic est panis de cælo
descéndens, ut si quis ex ipso
mandúcet, non moriátur. **Ÿ.**
Ego sum panis vivus, qui de
cælo descénderé: si quis man-
ducáverit ex hoc pane, vivet
in ætérnum. Hic.

Lectio ij. Cap. 26.

IN die illa cantábitur cánti-
cum istud in terra Juda:
Urbs fortitúdinis nostræ Sion
salvátor, ponétur in ea mu-
rus et antemurále. Aperíte
portas, et ingrediátur gens
justa, custódiens veritátem.
Vetus error ábiit: servábis
pacem: pacem, quia in te
sperávimus. Sperástis in Dó-
mino in sæculis ætérnis, in
Dómino Deo fortis in per-
pétuum. Quia incurvábít ha-
bitántes in excélso, civitátem

sublimem humiliabit. Humiliabit eam usque ad terram.

R. Ecce vidimus cum non habentem speciem, neque decorem : adspéctus ejus in eo non est. Hic peccáta nostra portávit, et pro nobis dolet : ipse áutem vulnerátus est propter iniquitátes nostras. * Cujus livóre sanáti sumus. **V.** Vere languóres nostros ipse tulit, et dolóres nostros ipse portávit. Cujus.

Lectio iij.

SÉMITA justí recta est, rectus callis justí ad ambulándum. Et in sémita judiciórum tuórum Dómine sustinúimus te : nomen tuum, et memoriále tuum in desiderio ánimæ. Anima mea desiderávit te in nocte : sed et spiritu meo in præcórdiis meis de mane vigilábo ad te. Cum féceris judicia tua in terra, justítiam discent habitatóres orbis.

R. Benedictus Dóminus Deus Israël, qui facit mirabilia magna solus : * Et benedictum nomen majestátis ejus in ætérnum. **V.** Replébitur majestáte ejus omnis terra, fiat, fiat. Et. Glória. Et.

IN II. NOCTURNO

Ant. Afferéntur in lætítia et exsultatióne : adducéntur in templum Regis.

Ant. Sanctificávit tabernáculum suum Altissimus.

Ant. Sicut lætántium ómnium habitátio est in te.

V. Convérsus est furor tuus. **R.** Et consolátus es me.

Sermo sancti Bernárdi Abbátis.

Serm. 3. de Passione.

Lectio iv.

QUIA semel vénimus ad Cor dulcíssimum Jesu, et bonum est nos hic esse, ne sinámus nos fácite avélli ab eo, de quo scriptum est : Recedéntes a te, in terra scribéntur. Quid áutem accedéntes? Tu ipse doces nos. Tu dixisti accedéntibus ad te : Gaudéte, quia nómina vestra scripta sunt in cælo. Accedámus ergo ad te, et exsultábimus, et lætábimur in te, mémores Cordis tui. O quam bonum et quam jucúndum habitáre in Corde hoc! Quin pótius dabo ómnia, omnes cogitatiónes et afféctus mentis commutábo, jactans omne cogitátum meum in Cor Dómini Jesu, et sine fallácia illud me enútriet.

R. Qui mandúcat meam carnem, et bibit meum ságuinem, * In me manet, et ego in eo. **V.** Non est ália nátio tam grandis, quæ hábeat deos appropinquántes sibi, sicut Deus noster adest nobis. In.

Lectio v.

AD hoc templum, ad hæc Sancta sanctórum, ad hanc arcam testaménti adorábo, et laudábo nomen Dómini, dicens cum David : Invéni cor meum, ut orem Deum meum. Et ego invéni Cor regis, fratris, et amici

benigni Jesu. Et numquid non adorábo? Hoc igitur Corde tuo, et meo, dulcissime Jesu, invénto, orábo te Deum meum : admítte tantum in sacrárium exauditiónis tuæ preces meas, imo me totum trahe in Cor tuum. O ómnium pulchritúdine speciosissime Jesu : ámplius lava me ab iniquitáte mea, et a peccáto meo munda me : ut purificátus per te, ad te purissimum possim accédere, et in Corde tuo ómnibus diébus vitæ meæ mérear habitáre, et ut vidére simul, et fácere tuam váleam voluntátem!

R. Sicut ovis ad occisió-nem ductus est, et dum male tractarétur, non apérui os suum : tráditus est ad mortem, * Ut vivificáret pópulum suum. **V.** Trádidit in mortem ánimam suam, et inter scelerátos reputátus est. Ut vivificáret.

Lectio vj.

Ad hoc enim perforátum est latus tuum, ut nobis patéscat intróitus. Ad hoc vulnerátum est Cor tuum, ut in illo, et in te ab exterioribus perturbatióibus absolúti habitáre possimus. Nihilóminus et proptérea vulnerátum est, ut per vulnus visibile vulnus amoris invisibile videámus. Quómodo hic ardor mélius osténderi potest, nisi quod non solum corpus, verum étiam ipsum Cor láncea vulnerári per-

mísit? Carnále ergo vulnus, vulnus spirituále osténdit. Quis illud Cor tam vulnerátum non diligat? Quis tam amans non rédamet? Quis tam castum non amplectá-tur? Nos igitur adhuc in córpore manéntes, quantum póssumus, amémus, redamémus, amplectámur vulnerátum nostrum, cujus impii agricolæ fodérunt manus et pedes, latus et Cor : stemús-que, ut cor nostrum, durum adhuc et impóenitens, amoris sui vinculo constringere, et jáculo vulneráre dignétur. Quam caritátem Christi patiéntis, et progéneris humáni redemptiône moriéntis, atque in suæ mortis commemoratiónem instituéntis sacraméntum córporis et ságuinis sui, ut fidéles sub sanctíssimi Cordis sýmbolo devótiús ac fervéntius récolant, ejusdémque fructus ubérius percipiant; Clemens décimus tértius ipsius sacratíssimi Cordis festum non-núllis Ecclésiis celebráre concéssit, Pius nonus ad univérsam exténdit Ecclésiám, ac dénique Summus Póntifex Leo décimus tértius, orbis cathólici votis obsecúndans, ad ritum dúplicis primæ classis evéxit.

R. Magnus Dóminus, et laudábilis nimis : * Et sapiéntiæ ejus non est númerus. **V.** Magnus Dóminus, et magna virtus ejus, et sapiéntiæ ejus non est finis. Et

sapiéntiæ. Glória Patri. Et sapiéntiæ.

IN III. NOCTURNO

Ant. Annuntiáte de die in diem salutáre ejus.

Ant. Adoráte eum omnes Angeli ejus : audivit, et lætáta est Sion.

Ant. Vidérunt omnes témini terræ salutáre Dei nostri.

V. Ex Sion spécies decóris ejus. **R.** Deus noster manifesté véniet.

Léctio sancti Evangelii secundum Joánnem.

Lectio vij. Cap. 19. f

IN illo témpore : Judæi, quóniam parascève erat, ut non remanérent in cruce córpora sábbato (erat enim magnus dies ille sábbati), rogavérunt Pilátum, ut frangeréntur eórum crura, et tolleréntur. Et réliqua.

Homilia sancti Augustini
Episcopi.

Tractatus 120. in Joannem.

UNUS militum láncea latus ejus apéruit, et continuo exívit sanguis et aqua. Vigilánti verbo Evangelista usus est, ut non diceret : Latus ejus percússit, aut vulnerávit, aut quid áliud, sed apéruit; ut illic quodámmodo vitæ óstium panderétur, unde sacraménta Ecclésiæ manavérunt, sine quibus ad vitam, quæ vera vita est, non intrátur. Ille sanguis qui fusus est, in remissionem fusus est peccatórum. Aqua illa salutáre témporat pocu-

lum : hæc et lavácrum præstat, et potum. Hoc prænuntiábat quod Noë in látere arcæ óstium fácere jussus est, quo intrárent animália, quæ non erant dilúvio peritúra, quibus præfigurabátur Ecclésia.

R. Misit me vivens Pater, et ego vivo propter Patrem :
* Et qui mandúcat me, vivet propter me. **V.** Cibávit illum Dóminus pane vitæ et inteléctus. Et.

Homilia sancti Joánnis
Chrysóstomi.

Lectio viij. Hom. 84.

VIDES quanti sit véritas? Per ea quæ Judæi faciunt prophetia implétur : ália enim ex hoc manifestáta est. Venérunt ergo milites, et aliorum fregérunt crura, non Christi; sed ad Judæórum grátiam conciliándam, latus ejus láncea aperuérunt, et mórtuo adhuc insúltant. O péssimam voluntátem ac scelestissimam! Noli tamen perturbári, o dilectissime; quæ enim malo illi ánimo patrárunt, veritáti consentiébant. Prophetia hinc impléta est, inquiens: Vidébunt in quem transfixérunt. Neque hoc tantum, sed non creditúris fuit fidei argumentum, ut Thomæ, et qui cum eo erant. Ad hæc et arcánium mystérium confirmátum est; exívit enim sanguis et aqua. Non casu et simpliciter hi fontes scaturiérunt, sed quóniam ex am-

bóbus Ecclésia constitúta est.

R. Recéssit Pastor noster, fons aquæ vivæ, ad cujus tránsito sol obscurátus est :

* Portas mortis, et seras páriter Salvátor noster dirúpit. **V.** Destrúxit quidem cláustra inférni, et subvértit poténtias diáboli. Portas. Glória Patri. Portas.

Homília sancti Bonaventúre Epíscopi.

Liber de ligno Vitæ.

Lectio ix.

PORRO ut de látere Christi dormiéntis formarétur Ecclésia, divina est ordinatióne indúltum, ut unus militum láncea latus sacrum illud aperiéndo perfóderet, quátenus sángine cum aqua manánte prétium effunderétur nostræ salútis, quod a fonte scilicet Cordis arcáno profúsum, vim daret sacraméntis Ecclésiæ ad vitam grátiae conferéndam, essétque jam in Christo vivéntibus póculum fontis vivi, saliéntis in vitam ætérnam. Surge igitur ánima amica Christi, vigiláre non cesses, ibi os appóne, ut háurias aquas de fóntibus Salvatóris.

Te Deum laudámus. 16.

AD LAUDES

ET PER HORAS

Ant. 1. Discite a me, * quia mitis sum et húmilis corde.

Ps. Dóminus regnávít. cum reliq. 16.

2. Sanctificávi locum * istum, ut sit nomen meum ibi in sempitérnum, et permáneant óculi mei et cor meum ibi cunctis diébus.

3. Et dixi : * Ergo sine cáusa justificávi cor meum, et lavi inter innocéntes manus meas, et fui flagellátus tota die.

4. Secúndum multitudinem * dolórum meórum in corde meo, consolatiónes tuæ lætificavérunt ánimam meam.

5. Pone me * ut signáculum super cor tuum, ut signáculum super bráchium tuum.

Capitulum. Isaïæ 12.

ECCE Deus Salvátor meus, fiduciáliter agam, et non timébo : quia fortitúdo mea et laus mea Dóminus, et factus est mihi in salútem. Hauriétis aquas in gáudio de fóntibus Salvatóris.

Hymnus.

COR, arca legem cóntinens Non servitútis véteris, Sed grátiae, sed véniae, Sed et misericórdiae.

Cor, sanctuárium novi Intemerátum fœderis, Templum vetústo sáctius, Velúmque scisso utilius.

Te vulnerátum cáritas Ictu paténti vóluit, Amóris invisibilis Ut venerémur vúlnera.

Hoc sub amóris sýmbolo Passus cruénta et mýstica, Utrúmque sacrificium Christus sacérdos óbtulit.

Quis non amantem red-
amet?

Quis non redemptus diligat,
Et corde in isto seligat
Æterna tabernacula?

Decus Parénti, et Filio,
Sanctóque sit Spiritui,
Quibus potestas, glória,
Regnúmque in omne est sæ-
culum. Amen.

¶ Vere languóres nostros
ipse tulit. R. Et dolóres no-
stros ipse portávit.

Ad Bened. Ant. Vulnerá-
tus est propter iniquitates
nostras, attritus est propter
scélera nostra : disciplina
pacis nostræ super eum, et
livóre ejus sanáti sumus.

Oratio.

CONCÉDE, quæsumus omni-
potens Deus : ut, qui in
sanctissimo dilécti Filii tui
Corde gloriántes, præcipua
in nos caritátis ejus benefi-
cia recólimus; eórum pári-
ter et actu delectémur et
fructu. Per eúmdem Dñum.

AD PRIMAM

In R. br. ¶ Qui passus es
pro nobis.

AD TERTIAM

Ant. Sanctificávi locum.

Capit. Ecce Deus. ut supra.

R. br. Vere * Languóres no-
stros ipse tulit. Vere. ¶ Et
dolóres nostros ipse portá-
vit. Languóres. Glória Patri.
Vere.

¶ Pósuit fines tuos pa-
cem. R. Et ádipe fruménti
sátiat te.

AD SEXTAM

Ant. Et dixi.

Capitulum. Isaiaë 12.

DICÉTIS in die illa : Confi-
témini Dómino, et invo-
cáte nomen ejus : et memen-
tóte quóniam excélsum est
nomen ejus.

R. br. Pósuit * Fines tuos
pacem. Pósuit. ¶ Et ádipe
fruménti sátiat te. Fines.
Glória Patri. Pósuit.

¶ Dirupisti Dómine vin-
cula mea. R. Tibi sacrificábo
hóstiam láudis.

AD NONAM

Ant. Pone me.

Capitulum. Isaiaë 12.

CANTÁTE Dómino quóniam
magnífice fecit, annun-
tiáte hoc in univérsa terra.
Exsúlta et láuda habitatio
Sion, quia magnus in médio
tui sanctus Israël.

R. br. Dirupísti Dómine
* Víncula mea. Dirupísti. ¶
Tibi sacrificábo hóstiam lau-
dis. Víncula mea. Glória Pa-
tri. Dirupísti.

¶ Erit Dóminus nominá-
tus in signum ætérnum. R.
Quod non auferétur.

IN II. VESPERIS

Omnia ut in I. Vesp.,
præter

¶ Hauriétis aquas in gáu-
dio. R. De fóntibus Salvató-
ris.

Ad Magnif. Ant. Ad Jesum
autem cum venissent, ut vi-
dérunt eum jam mórtuum,
non fregérunt ejus crura :
sed unus militum lancea la-
tus ejus aperuit, et continuo
exiit sanguis et aqua.

Oratio Concéde. supra.

FESTA JUNII

Prima die non impedita
dicitur Officium Defunctorum.

DIE II

SS. MARCELLINI, PETRI

ATQUE ERASMI MART.

Ad Vesp. Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Lætámini in Dómino, et exsultáte justi. **R.** Et gloriámini omnes recti corde.

Oratio.

DEUS, qui nos ánnua sanctorum Mártyrum tuórum Marcellini, Petri, atque Erásmi solemnitáte lætificas: præsta quæsumus; ut quorum gaudémus méritis, accendámur extrémis. Per Dóminum.

Lectio ij.

PETRUS exorcísta, Diocletiano imperátore, Romæ a Seréno júdice propter cristiánæ fidei confessiónem missus in cárcerem, Paulinam Artémii, qui cárceri præerat, filiam a dæmone agitatam liberávit. Quo facto et paréntes puellæ cum tota familia, et vicinos, qui ad rei novitatem concurrerant, Jesu Christo conciliátos ad Marcellinum presbýterum addúxit, a quo omnes baptizáti sunt. Quod ubi rescívit

Serénus, Petrum et Marcellinum ad se vocátos aspérius objúrgat, et ad verbórum acerbítatem minas ac terróres adjúngit, nisi Christo renúntient. Cui cum Marcellinus cristiána libertáte respondéret: pugnis contúsum, et a Petro sejúctum, nudum inclúdit in cárcerem stratum vitri fragméntis, sine cibo ac sine lúmine. Petrum item constringi imperat artíssimis vínculis. Sed cum utrique ex torméntis fides et ánimus crésceret, constánti confessióne, et abscisso cápite, illústre testimónium Jesu Christo dedérunt.

Lectio iij.

ERÁSMUS episcopus, imperatóribus Diocletiano et Maximiano, in Campánia plumbátis et fústibus cæsus, resína quoque, sùlphure, plumbo liquefacto, et fervénti pice, cera, oleoque perfúsus, inde tamen integer et inviolátus evásit. Quo miraculo multi se ad Christi fidem convertérunt. Verum is iterum detrúsus in cárcerem, constrictus férreis gravíssimisque vínculis, inde ab Angelo mirabiliter eréptus est. Deinde Fórmis a Maximiano váriis afféctus supplíciis, tunicáque área candénti indútus, illa étiam torménta divína virtúte superávit. Dénique plúrimis et

in fide confirmátis, et ad fidem convérsis, insignem martýrii palmam adéptus est.

Te Deum laudámus. 16.

Ad Laud. Ant. Vestri capilli cápitis omnes numeráti sunt : nolite timére : multis passéribus meliôres estis vos.

V. Exsultábunt sancti in glória. **R.** Lætabúntur in cubilibus suis.

DIE IV

S. FRANCISCI CARACCILO

CONFESSORIS

Duplex.

Omnia de Comm. Conf. non Pont. 76*, præter seq. Oratio.

DEUS, qui beátum Franciscum novi órdis institútorem orándi stúdio, et pœnitentiæ amóre decorásti : da fámulis tuis in ejus imitatione ita proficere; ut semper orántes, et corpus in servitútem redigéntes, ad cæléstem glóriam pervenire mereántur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

FRANCISCUS, dictus ántea Ascánius, ex nóbili familia Caracciolo in óppido sanctæ Mariæ de Villa in Aprútio ortus, a primis annis exímio enituit pietátis cultu. Adoléscens gráviter ægrótans státuit sese prorsus Dei, proximique mancipáre ser-

vitio. Neápolim proféctus, sacerdotio initiátus, sacróque adscriptus sodalitio, contemplatióni, lucrandisque animábus se totum devóvit, ac extrémó supplicio damnátis hortatórem se præbuit assíduum. Cántigit áutem, ut epistólium álteri destinátum ei per errórem redderétur, quo a piíssimis viris Joánne Augustino Adórno, et Fabrício Caracciolo ad novi religiôsi institúti fundatiónem vocabátur. Rei novitáte captus, et divínæ voluntátis demirátus consília, álacri ánimo sese illis adjúnxit. Cánditis áutem in Camaldulénsium erémo, quo secésserant, novi órdis légibus, inde Romam simul profécti, confirmatiónem a Sixto quinto impetrárun, qui eósdem cléricos reguláres Minóres appellári vóluit, áddito ad tria consuéta áltero de non ambiéndis dignitatibus voto.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. **v.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

SOLÉMNI emissa professione, ob singulárem ejus in divum Franciscum Assinátem cultum, Francisci nomen assúmpsit. Adórno biénio post vita functo,

ipse toti religiōni, quamquam invitū præficitur, quo in mūnere virtūtum omnium præclāra præbuit exēpla. Institūti amplificādi studio-sissimus, id assiduīs oratiō-nibus, lācrynīs, et jugi cōr-poris maceratiōne enīxe a Deo postulābat. Quamōbrem tērtio in Hispāniam se cōn-tulit peregrini hābitu indū-tus, victūmque ostiātīm mēdīcans. In itinere aspērrima quæque perpessus, Omnipotētis auxiliū mirum in modum expērtus, navim, quam conscēderat, ab im-minēti naufrāgio oratiōnis præsidio servāvit incōlu-mem. Ut in regnis illis voti compos fieret, plūrimū la-borāvit; sed ejus sanctitātis fama prælucēte, amplissi-maque catholicōrum regum Philippi secūndi, et Philippi tērtii munificētia, adversa-riōrum conātibus singulāri ānimi fortitūdine superātis, plura sui ordinis domicilia fundāvit : quod pari evētu per Itāliam præstitit.

R. Amāvit eum Dóminus, et ornāvit eum : stolam gló-riæ induit eum, * Et ad por-tas paradisi coronāvit eum.

V. Induit eum Dóminus lo-ricam fidei, et ornāvit eum. Et ad.

Lectio vj.

HUMILITATE ádeo excélluit, ut Romam véniens in páuperum hospítio recēptus se lepróso sociāverit; et ecclesiásticas dignitātes a

Páulo quinto sibi oblātas constantissime recusāverit. Illibátam perpétuo servāvit virginitātem, effrontēsque mulieres ejus castimóniæ in-sidiāntes Christo lucrifécit. Erga diviníssimū Eucha-ristiæ mystérium ardēti æstuans amóre, noctes pene integras in ejus adoratiōne insómnes ducēbat : quod pium exercitium, véluti sui ordinis tēsseram, in eo per-pétuo servāndum constituit. Deiparæ Virginis cultum impēse fovit. In próximū exímia exārsit caritatē. Pro-phetiæ dono, et córdium scrutatiōne ditātus fuit. Qua-dragésimū quartum ætātis suæ annum agens, dum in sacra Lauretāna æde in ora-tiōne persisteret, sibi vitæ finem imminere cognóvit. Aprútium statim defléxit, et in óppido Agnóni apud alú-mnos sancti Philippi Nérii letháli febre corrēptus, sa-cramētis Ecclésiæ devotis-sime susceptis, pridie Nonas Júnii anni millésimi sexcen-tésimi octāvi, in pervigilio festi Cōrporis Christi, placi-dissime obdormívit in Dó-mino. Sacrum ejus corpus Neápolim delátum, in ecclé-sia sanctæ Mariæ Majóris, ubi prima sui ordinis jécerat fundamēta, honorífice cōn-ditum fuit. Eum póstea mi-ráculis clarum Clemens deci-musquártus Póntifex Máxi-mus solémni ritu inter beá-tos; Pius vero séptimus

Póntifex Máximus novis fulgéntem signis, anno millésimo octingentésimo séptimo, sanctórum albo adscripsit.

℞. Iste homo. 83*.

IN III. NOCTURNO

Homil. in Evang. Sint lumbi. de eodem Comm. 1º loco. 85*.

Vesp. a Capit. de seq. cum Commem. præced.

DIE V

SANCTI BONIFACII

EPISCOPI ET MARTYRIS

Duplex.

Omnia de Communi unius Mart. 24*, præter seq.

Oratio.

DEUS, qui multitudinem populórum beáti Bonifácii Mártiris tui atque Pontificis zelo, ad agnitióem tui nóminis vocáre dignátus es : concéde propítius; ut cujus solémnia cólimus, étiam patrocínia sentiámus. Per Dóminum.

Et sit Commem. præced.

Ant. Hic vir despiciens mundum et terréna, triúmphans, divitias cælo cóndidit ore, manu.

V. Justum dedúxit Dóminus per vias rectas. ℞. Et osténdit illi regnum Dei.

IN I. NOCTURNO

Lect. de Script. occur.

IN II. NOCTURNO

Lectio iv.

BONIFÁCIUS, ántea Winfrí-dus appellátus, apud Anglos natus est exeúnte

sáeculo séptimo, et ab ipsa infántia mundum aversátus, vitam monásticam in votis hábuit. Cum ejus pater ánimus sáeculi illécebris permutáre frustra tentásset, monastérium ingréditur, et sub beáti Wolphárdi disciplina ómnium virtútum, ac scientiárum génere imbúitur. Annum agens trigésimum sacerdótio insignitur, ac verbi divini prædicátor assíduus, magno animárum lucro hoc in múnere versátur. Attamen regnum Christiadaugére desiderans, continuo flebat ingéntem multitudínem barbarórum, qui ignorántiæ ténebris immérsi dáemoni famulabántur. Qui quidem animárum zelus cum in dies inexstinguibili ardóre accrésce-ret, divino númine per lácrymas et oratiónes exploráto, facultátem a monastérii præpósito obtínuit ad Germánicas oras proficiscéendi.

℞. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérrnam.

V. Descenditque cum illo in fóveam, et in vínculis non dereliquit eum. Et dedit illi.

Lectio v.

Ex Anglia duóbus cum sóciis navem solvens, Doréstádium in Frisiæ óppidum venit. Cum áutem bellum gravíssimum inter Frisonum

regem Radbódum, et Cárolum Martéllum exarsisset, sine fructu Evangélium prædicávit : quaprópter in Angliam revérsus, ad suum rediit monastérium, cui invítus præficitur : post elápsum biénnum ex consénsu episcopi Vintoniénsis munus abdicávit, et Romam proféctus est, ut apostólica auctoritaté ad gentiliū conversionem delegarétur. Cum ad Urbem pervenisset, a Gregório secúndo benigne excipitur, pro Winfrido Bonifácus a Pontifice nominátur. In Germániam directus, Thuringiæ Saxoniæque pópulis Christum annuntiávit. Cum intérea Radbódus Frisiæ rex ac infestissimus cristiáni nóminis hostis occubisset, Bonifácus ad Frisones rédiit, ubi sancti Willibrórdi sócius per triénnum tanto cum fructu Evangélium prædicávit, ut destructis idolórum simulácris innúmeræ vero Deo ecclésiæ excitaréntur.

R. Desidérium animæ ejus tribuisti ei Dómine, * Et voluntáte labiórū ejus non fraudásti eum. **V.** Quóniam prævenisti eum in benedictionibus dulcedinis : posuisti in cápite ejus corónam de lapide pretiósó. Et.

Lectio vj.

A SANCTO Willibróordo ad episcopále munus expetit, illud detrectávit ut prómptius infidélium salúti

instáret. In Germániam proféctus, plura Hassórum milia a dæmonis superstitióne avocávit. A Gregório Pontifice Romam evocátus, post insignem fidei professiōnem episcopus consecrátur. Exinde ad Germános rediit, Hássiam, et Thuringiam ab idololatriæ reliquiis pénitus expurgávit. Tanta propter mérita Bonifácus a Gregório tertio ad dignitatē archiepiscopálem evéhitur, et tertio Romam proféctus a Summo Pontifice Sedis apostólicæ legátus constituitur, qua insignitus auctoritaté quatuor episcopátus instituit, et várias sýnodos celebrávit, inter quas concilium Leptinénse memorábile est apud Belgas in Cameracénsi diocési celebrátum, quo quidem témpore ad fidem in Bélgio adaugéndam egrégie cónsulit. A Zacharía Papa creátus Moguntinus archiepiscopus, ipso Pontífice jubente Pipinum in regem Francórum unxit. Post mortem sancti Willibrórdi Ultrajecténsem ecclésiā gubernándam suscepit, primo per Eóbanum, deinde per se ipsum, dum ab Ecclésiā Moguntina absolutus Ultrajécti resédit. Frisónibus ad idololatriam relápsis, Evangélium prædicáre rursus aggreditur, cumque officio pastoráli occuparétur, a bárbaris et impiis hominibus juxta Bornam flúvium cum Eóbano

coepiscopo, multisque aliis cruenta caede peremptus martyrii palma condecoratur. Corpus sancti Bonifacii, Moguntiam translatum, et, ut ipse vivens petierat, in Fuldensi monasterio, quod extruxerat, reconditum fuit, ubi multis miraculis inclauit. Pius autem nonus Pontifex Maximus, ejus Officium et Missam ad universam Ecclesiam extendit.

℞. Stola jucunditatis. 30*.

IN III. NOCTURNO

Lectio sancti Evangelii secundum Matthaeum.

Lectio vij. Cap. 5.

IN illo tempore : Videns Jesus turbas, ascendit in montem, et cum sedisset, accesserunt ad eum discipuli ejus. Et reliqua.

Homilia sancti Augustini Episcopi.

Lib. 1. de sermone Domini in monte cap. 2. et 3.

BEATI mundo corde : quoniam ipsi Deum videbunt. Quam ergo stulti sunt, qui Deum istis exterioribus oculis quaerunt, cum corde videatur, sicut alibi scriptum est : Et in simplicitate cordis quaerite illum. Hoc est enim mundum cor, quod est simplex cor. Et quemadmodum lumen hoc videri non potest, nisi oculis mundis : ita nec Deus videtur, nisi mundum sit illud, quo videri potest. Beati pacifici : quoniam ipsi filii Dei vocabuntur. In pace perfectio est, ubi nihil repugnat,

et ideo filii Dei pacifici, quoniam nihil in his resistit Deo, et utique filii similitudinem patris habere debent.

℞. Corona aurea super caput ejus, * Expressa signo sanctitatis, gloria honoris, et opus fortitudinis. V. Quoniam praevenisti eum in benedictionibus dulcedinis, posuisti in capite ejus coronam de lapide pretioso. Expressa.

Lectio viij.

PACIFICI autem in semet ipsis sunt, qui omnes animi sui motus componentes, et subjicientes rationi, id est menti et spiritui, carnalisque concupiscentias habentes edomitas, fiunt regnum Dei. In quo ita sunt ordinata omnia, ut id quod est in homine praecipuum et excellens, hoc imperet, ceteris non reluctantibus, quae sunt nobis bestiisque communia : atque id ipsum quod excellit in homine, id est mens et ratio, subjiciatur potiori, quod est ipsa veritas, unigenitus Filius Dei. Neque enim imperare inferioribus potest, nisi superiori se ipse subjiciat. Et haec est pax, quae datur in terra hominibus bonae voluntatis : haec vita consummati perfectique sapientis.

℞. Hic est vere Martyr, qui pro Christi nomine sanguinem suum fudit : * Qui minas iudicum non timuit, nec terrenae dignitatis glo-

riam quæsiuit, sed ad cælestia regna pervenit. *ŷ.* Justum deduxit Dominus per vias rectas, et ostendit illi regnum Dei. Qui. Glória Patri. Qui.

Lectio ix.

DE hujusmodi regno pacatissimo et ordinatissimo missus est foras princeps hujus sæculi, qui perversis inordinatisque dominatur. Hac pace intrinsecus constituta atque firmata, quas-cumque persecutiões ille, qui foras missus est, forinsecus concitaverit, augeat glóriam, quæ secundum Deum est; non aliquid in illo edificio labefactans, sed deficientibus machinissuis innotescere faciens, quanta firmitas intus extructa sit. Ideo sequitur: Beati, qui persecutiõnem patiuntur propter justitiam: quoniam ipsorum est regnum cælorum.

Te Deum laudamus. 16.

Vesp. a Capit. de seq., cum Commem. præced.

DIE VI

S. NORBERTI

EPISCOPI ET CONFESSORIS
Duplex.

Omnia de Comm. Conf.
Pont. 55*, præter seq.

Oratio.

DEUS, qui beatum Norbertum Confessorem tuum atque Pontificem verbi tui præconem eximium effecisti, et per eum Ecclesiam tuam nova prole fecundasti: præ-

sta quæsumus; ut ejusdem suffragantibus meritis, quod ore simul et opere docuit, te adjuvante exercere valeamus. Per Dominum.

Et fit Commem. præced.

Ant. Qui vult venire post me, abneget semetipsum, et tollat crucem suam, et sequatur me.

ŷ. Justus ut palma florébit. *Ŕ.* Sicut cedrus Libani multiplicabitur.

IN I. NOCTURNO

Lect. de Script. occur.

IN II. NOCTURNO

Lectio iv.

NORBERTUS, nobilissimis parentibus natus, adolescens liberalibus disciplinis eruditus, in ipsa postea imperatoris aula, spretis mundi illécebris, ecclesiasticæ militiæ adscribi voluit. Sacris initiatus, rejectis mollibus ac splendidis vestibus, pellicea melote indutus, prædicationi verbi Dei se totum dedit. Abdicatis ecclesiasticis proventibus satis amplis, et patrimonio in pauperes erogato, semel in die sub vespèram solo cibo quadragesimali utens, nudisque pedibus, et lácera veste sub brumali rigóre incédens, miræ austeritatis vitam est aggressus. Potens igitur opere et sermone, innúmeros hæreticos ad fidem, peccatores ad pœnitentiam, dissidentes ad pacem et concordiam revocavit.

Ŕ. Inveni David servum

meum, óleo sancto meo unxi eum: * Manus enim mea auxiliábitur ei. *℣.* Nihil proficiet inimicus in eo, et filius iniquitátis non nocébit ei. Manus.

Lectio v.

CUM Laudúni esset, ab episcopo rogátus ne a sua diocési discéderet, desértum in ea locum, qui Præmonstrátus dicebátur, sibi delégit; ibique trédecim sóciis aggregátis, Præmonstrátensem órđinem instituit, divinitus accépta per visum régula a sancto Augustino. Cum vero ejus fama sanctitátis in dies magis augerétur, ac plúrimi ad eum quotidie discipuli convenirent, idem ordo ab Honório secúndo aliisque Summis Pontificibus confirmátus, ac plúribus ab eo monastériis ædificátis, mirifice propagátus est.

℞. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei. *℣.* Inveni David servum meum, óleo sancto meo unxi eum. Manus enim.

Lectio vj.

ANTVÉRPIAM accersítus, in ea urbe Tanchelini nefáriam hâeresim profligávit. Prophético spíritu, et miraculis cláruit. Archiepiscopus tandem (licet relúctans) Magdeburgénsis creatus, ecclesiásticam disciplinam, præsertim cœlibátum, constánter propugnávit. Rhemis in

concilio Innocéntium secúndum egrégie adjúvit, et Romam cum áliis episcopis proféctus, schisma Petri Leónis compréssit. Postrémo vir Dei, méritis et Spíritu sancto plenus, Magdebúrgi obdormivit in Dómino, anno salútis millésimo centésimo trígésimo quarto, die sexta Júnii.

℞. Iste est qui. 62*.

IN III. NOCTURNO

Homil. in Evang. Homo pègre. *de eodem Comm.* 1^o loco. 64*.

DIE IX

SS. PRIMI ET FELICIANI

MARTYRUM

Ad Vesp. Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

℣. Lætámini in Dómino, et exsultáte justi. *℞.* Et gloriámini omnes recti corde.

Oratio.

FAC nos, quæsumus Dómine, sanctórum Mártyrum tuórum Primi et Feliciáni semper festa sectári: quorum suffrágiis protectiónis tuæ dona sentiámus. Per Dóminum.

Lectio ij.

PRIMUS et Feliciánus fratres, in persecutióne Diocletiáni et Maximiani accusáti christiánæ religiónis, in vîncula conjiciúntur: quibus solúti, inde eripiúntur ab

Angelo. Mox ad prætorem adducti, cum christiānam fidem acérime tuerentur, alter ab áltero distracti sunt : ac primum várie tentata est constántia Feliciáni. Sed cum suasóres impietátis se posse quidquam verbis proficere desperarent, affixis stípití mánibus ejus et pèdibus, ipsum sine cibo et potu inde triduum pendentem reliquerunt. Postridie ejus diéi prætor vocátum ad se Primum sic affátur : Vides, quanto sit prudéntior, quam tu, frater tuus, qui obsecútus imperatóribus, apud ipsos est honorátus? Quem si tu quoque imitári volúeris, párticeps eris ejus honóris et grátiae.

ñ. ij. Hæc est vera. 49*.

Lectio iij.

CUI Primus : Quid factum sit fratri meo, cognóvi ex Angelo. Utinam quemádmódum sum cum eo voluntáte conjunctissimus, sic ab eódem ne martýrio disjúngar. Quo dicto excánduit prætor, et ad cæteros cruciátus, quibus Primum affécit, præ-sente jam Feliciáno, liquátum igne plumbum in os ejus jussit infúndi. Mox utrúmque perdúci imperat in theátrum, in eósque immitti duos leónes : qui prostráti ad eórum gènuā, cápitem et cáuda ipsi blandiebántur. Ad id spectáculum cum ámplius duódecim millia hóminum convenissent, quingénti

cum suis familiis christiānam religiōnem suscepérunt. Quibus rebus permótus prætor eos secúri percúti jussit.

Te Deum laudámus. 16.

Ad Laud. Ant. Vestri capilli cápitis omnes numeráti sunt : nolite timére : multis passéribus meliōres estis vos.

V. Exsultábunt sancti in glória. **R.** Lætabúntur in cubilibus suis.

DIE X

SANCTÆ MARGARITÆ

REGINÆ SCOTIÆ VIDUÆ

Semiduplex.

Omnia de Comm. nec Virg. nec Mart. 113*, præter seq. **Oratio.**

DEUS, qui beátam Margaritam reginam exímia in páuperes caritáte miráblem effecisti : da ; ut ejus intercessiōe et exémplo, tua in córdibus nostris caritas júgiter augeátur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

MARGARITA, Scotórum regina, patérno Angliæ regum, matérno Cæsarum ságuine claríssima, illústrior adhuc fuit christiána virtúte. Hæc in Hungária nata, ubi pater tunc téporis exsulábat, post exáctam summa cum pietáte puerilem ætátem, una cum genitóre, qui a sancto Eduárdo pátruo,

Anglórum rege, ad patrèni regni fastigium vocabátur, in Angliam venit. Mox alter-nante paréntum fortúna, ex Angliæ littore solvens, vi tempestátis expúl-sa, seu vé-rius divínæ providéntiæ consilio dedúcta est in oram marítimam Scótiæ. Ibi cum ex matris império Malchólmo tertio Scotórum regi, egré-giis ejus dótibus capto, nu-psisset, sanctimóniæ ac pie-tátis opéribus triginta, qui-bus regnávit annis, toti regno mirífice prófuit.

℞. Propter veritátem, et mansuetúdinem, et justitiam : * Et dedúcet te mira-biliter délixtera tua. ♀. Spé-cie tua et pulchritú-dine tua inténde, próspere procéde, et regna. Et.

Lectio v.

INTER regáles delicias cor-pus afflictatió-nibus, ac vigiliis mácerans, magnam noctis partem piis precati-ó-nibus extrahébat. Præter ália jejúnia, quæ idéntidem usurpábat, íntegros quadra-ginta dies ante natalítia festa tanta cum severitáte jeju-náre consuévít, ut ne in gravíssimis quidem dolóri-bus intermiserit. Divíno cúl-tui addictíssima, templa plú-rima et cœnóbía partim ex íntegro excitávit, partim re-sarcivit, et sacra supellé-ctili, ac largo censu ditávit. Regem cónjugem ad meli-ó-rem frugem, et ad similia suis exercitati-ó-nibus ópera

salubérrimo exémplo tradú-xit, liberósque omnes tam sancte et feliciter educávit, ut eórum pleríque quemád-modum et Agatha mater, et Christina soror, sanctíssi-mum vitæ genus ampléxi sint. Univérsi demum regni felicitáti cónsulens, a vitiis ómnibus, quæ furtim irrépserant, pópulos expurgá-vit, eisque mores christiána pietáte dignos restituit.

℞. Dilexisti justitiam, et odisti iniquitátem : * Pro-ptérea unxit te Deus, Deus tuus, óleo lætitiæ. ♀. Propter veritátem, et mansuetúdi-nem, et justitiam. Proptérea.

Lectio vj.

NIHIL tamen æque in illa mirá-bile fuit, ac flagran-tíssima caritas erga próxi-mos, præ-sértim egénos, quorum numerósis grégibus non modo stipem áffatim suppeditáre, verum étiam trecéntis quotidie matérna benignitáte dapes præbère, flexis génibus in morem ancillæ ministráre, régiis mánibus pedes ablúere, et pressis étiam ósculis úl-cera fovére, solémne hábuit. His porro aliisque piis sump-tibus non régias tantum vestes, et preti-ósa monilia distráxit ; sed ipsum non semel exháu-sit ærárium. Tolerátis de-mum ad paciéntiæ mirácu-lum acerbíssimis dolóribus, ánimam seméstri córporis ægrotati-ó-ne purgátam Au-ctóri suo quarto Idus Júnii

reddidit. Quo tēporis momento faciēs ejus diutūni morbi macie ac pallōre fœdāta, insōlita quadam venustāte reflōruit. Miris etiā post mortem prodigiis clara, et Clemētis dēcimi auctoritatē in Scōtiæ patrōnam accēpta, ubique terrārum religiosissime cōlitur.

℟. Fallax grātia. 116*.

IN III. NOCTURNO

Homil. in Evang. Simile est. de eodem Communi. 116*.

Vesp. de seq. cum Commem. præced.

DIE XI

S. BARNABÆ APOSTOLI

Duplex majus.

Omnia de Comm. Apost. 2*, præter seq.

Oratio.

DEUS, qui nos beāti Bārnabæ Apóstoli tui méritis et intercessiōne lætificas : concēde propitius; ut qui tua per eum beneficia pōscimus, dono tuæ grātiae consequāmur. Per Dóminum.

Et fit Commem. præced.

Ant. Manum suam apéruiť inopi, et palmas suas extēdit ad páuperem, et panem otíosa non comēdit.

℣. Diffúsa est grātia in lábiis tuis. ℟. Proptērea benedixit te Deus in ætérnum.

IN I. NOCTURNO

De Actibus Apostolorum.

Lectio j. Cap. 13. f

CUM dimissa esset synagoga, secūti sunt multi

Judæorum, et coléntium advenārum, Páulum, et Bārnabam : qui loquētes suadēbant eis ut permanērent in grātia Dei. Sequēti vero sabbato pene univērsa civitas convēnit audire verbum Dei. Vidētes autem turbas Judæi, replēti sunt zelo, et contradicēbant his, quæ a Páulo dicebāntur, blasphemāntes. Tunc constānter Páulus et Bārnabas dixerunt : Vobis oportēbat primum loqui verbum Dei : sed quóniam repēllitis illud, et indignos vos judicātis ætérnæ vitæ, ecce convértimur ad gentes. Sic enim præcepit nobis Dóminus : Pósuī te in lucem gēntium, ut sis in salutē usque ad extrémum terræ.

℟. Ecce ego mitto vos sicut oves in médio lupórum, dicit Dóminus : *Estóte ergo prudentes sicut serpētes, et simplices sicut colúmbæ. ℣. Dum lucem habētis, créдите in lucem, ut filii lucis sitis. Estóte.

Lectio ij.

AUDIÉNTES autem gentes gavisæ sunt, et glorificābant verbum Dómini : et credidērunt quotquot erant præordināti ad vitam ætérnam. Disseminabātur autem verbum Dómini per univērsam regiōnem. Judæi autem concitavērunt mulieres religiosas, et honéstas, et primos civitátis, et excitavērunt persecutiōnem in Páulum, et

Bárnabam : et ejecerunt eos de finibus suis. At illi excusso pulvere pedum in eos, venerunt Iconium. Discipuli quoque replebantur gaudio, et Spiritu sancto.

℞. Tóllite jugum meum super vos, dicit Dóminus, et discite a me, quia mitis sum, et húmilis corde : * Jugum enim meum suáve est, et onus meum leve. V. Et inveniétis réquiem animabus vestris. Jugum.

Lectio iij. Cap. 14.

FACTUM est áutem Iconii, ut simul introírent in synagógam Judæórum, et loqueréntur, ita ut créderet Judæórum, et Græcórú copiósa multitúdo. Qui vero incréduli fuérunt Judæi, suscitavérunt, et ad iracúndiam concitavérunt ánimas géntium advérsus fratres. Multo igitur témpore demoráti sunt, fiduciáliter agéntes in Dómino, testimónium perhibénte verbo grátiae suæ, dante signa et prodigia fieri per manus eórum.

℞. Dum stetéritis. 8*.

IN II. NOCTURNO

Lectio iv.

BÁRNABAS Levites, Cýprius géneré, qui et Joseph, cum Páulo géntium Apóstolus ordinátus est ad prædicándum Jesu Christi Evangélium. Is, agro vëndito, quem habébat, redáctam ex eo pecúniám áttulit Apóstolis. Missus áutem Antiochiam

prædicatiónis cáusa, cum ibi multos ad Christi Dómini fidem convérsos esse comperisset, incredibiliter lætátus, eos hortabátur ut in Christi fide permanérent. Qua cohortatióne multum proficiébat, quod ab ómnibus vir bonus, et Spiritu sancto plenus habebátur.

℞. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei. V. Vidi Angelum Dei fortem, volántem per médium cælum, voce magna clamántem et dicéntem. Isti sunt.

Lectio v.

PROFÉCTUS inde Tarsum ut quæreret Páulum, cum eo Antiochiam venit. In ejus urbis Ecclesiá annum comoráti, cristiánæ fidei et vitæ illis hominibus præcepta dedérunt : ubi étiam Jesu Christi cultóres primum Christiáni sunt appelláti. Discipuli áutem Páuli et Barnabæ, suis facultátibus Christiános, qui in Judæa erant, sustentábant, eo mitténtes pecúniám per Páulum et Barnabam. Qui perfúnti illo caritátis officio, adhibito Joánne, cui cognómen erat Marcus, rediérunt Antiochiam.

℞. Beáti estis, cum maledixerint vobis hómines, et persecúti vos fuérint, et dixerint omne malum advér-

sum vos, mentiētes, propter me : * Gaudēte, et exultāte, quōniam merces vestra copiosa est in cælis. *v.* Cum vos oderint homines, et cum separaverint vos, et exprobraverint, et ejecerint nomen vestrum tamquam malum propter Filium hominis. Gaudēte.

Lectio vj.

CUM autem Antiochiæ in Ecclesia, cum cæteris Prophētis et Doctōribus, Pāulus et Bārnabas in jejūnio et oratione Dōmino deservirent, dixit Spīritus sanctus : Segregāte mihi Sāulum et Bārnabam in opus, ad quod assūpsi eos. Tunc jejunantes et orantes, imponentesque eis manus, dimiserunt illos. Itaque Seleuciam venerunt, inde in Cyprum : ac multas prætērea urbes regionēque, prædicantes Evāgēlium summa cum audiētiū utilitate, peragraverunt. Postrēmo Bārnabas digressus a Pāulo, una cum Joāne, qui cognominatus est Marcus, navigavit in Cyprum : ibique circiter septimum Nerōnis annum, tertio Idus Junii ad apostolici muneris laudem, martyrii coronam adjunxit. Ejus corpus Zenōne imperatore repertum est in insula Cypro ; ad cujus pectus erat Evāgēlium Matthæi, Bārnabæ manu conscriptum.

R. Isti sunt triumphatores.
11*.

IN III. NOCTURNO

Lectio sancti Evāgēlii secundum Matthæum.

Lectio vij. Cap. 10. b

In illo tempore : Dixit Jesus discipulis suis : Ecce ego mitto vos sicut oves in medio luporum. Et reliqua.

Homilia sancti Joānnis Chrysostomi.

Homil. 34. in Matth.

post init.

CUM Dōminus omnem sollicitudinem a discipulorum cordibus ejecerit, et ostensione signorum armaverit, atque ab omnibus negotiis sæcularibus alienatos, et ab omni temporalium rerum cura liberatos, fereos quodāmodo atque adamantinos fecerit, tum denique eventura illis adversa prædicit. Multa enim ex hac prædictione futurarum rerum commoda consequantur. Primum, ut ejus præsciētiæ vim edicerent. Deinde, ut nemo suspicaretur ex magistri infirmitate tam graviora mala descendere. Prætērea, ne qui ea passuri erant, subito ac inopinato rerum eventu perturbarentur. Denique, ne, cum ista sub ipsum passionis suæ tempus audirent, nimium commoverentur.

R. Isti sunt qui viventes in carne, plantaverunt Ecclesiam sanguine suo : * Cálicem Dōmini biberunt, et amici Dei facti sunt. *v.* In omnem terram exivit sonus

eórum, et in fines orbis terræ verba eórum. Cálicem.

Lectio viij.

JAM vero, ut intélligant novum hoc esse belli genus, et insólitum præliándi morem, cum illos nudos mitteret, una indútos túnica, sine calceis, absque virga, et absque zona et pera, et ab excipiéntibus ali jubéret : non fecit hic dicéndi finem, sed inexplicábilem virtútem suam próferens, Etiam sic eúntes, inquit, mansuetúdinem tamen óvium osténdite, quamvis ad lupos itúri, nec simpliciter ad lupos, sed étiam in médio lupórum : (neque vero óvium tantum mansuetúdinem habére jubet, sed étiam colúmbæ simplicitátem :) sic enim virtútem meam máxime osténdam, cum ab óvibus lupi superabúntur : et quamvis illæ sint in médio lupórum, et innúmeris mórsibus lace-réntur, non modo non consúptæ fúerint, verum étiam illos in sui natúram transmutáverint.

R. Isti sunt viri sancti, quos elégit Dóminus in caritáte non ficta, et dedit illis glóriam sempitérnam : * Quorum doctrína fulget Ecclesiá, ut sole luna. **V.** Sancti per fidem vicérunt regna, operáti sunt justítiam. Quorum. Glória. Quorum.

Lectio ix.

MAJUS certe atque admirabilius est, mentem ad-

versariórum commutáre, et ánimum in diversum transférre, quam illos occidere : præsertim cum duódecim tantum essent, et lupis plenus esset orbis univérsum. Erubescámus igitur, qui longe diversa faciéntes, tamquam lupi in adversários rúimus. Nam quámduo oves fuérimus, vincimus : étiam si mille circúmsistent lupi, superá-mus, et victóressumus : quod si lupi fuérimus, vincimur. Tunc enim a nobis pastóris auxilium recédit, qui non lupos, sed oves pascit.

Te Deum laudámus. 16.

In II. Vesp. Commem. seq.
ac SS. Basilidis et Soc. Mart.

DIE XII

S. JOANNIS A S. FACUNDO

CONFESSORIS

Duplex.

Omnia de Comm. Conf.
non Pont. 76*, præter seq.

Ant. Similábo eum viro sapiénti, qui ædificávit domum suam supra petram.

V. Amávit eum Dóminus, et ornávit eum. **R.** Stulam glóriæ induit eum.

Oratio.

DEUS áuctor pacis, et amátor caritátis, qui beátum Joánnem Confessórem tuum mirífica dissidentes componéndi grátia decorásti : ejus méritis, et intercessióne concéde ; ut in tua caritáte firmáti, nullis a te tentatióibus separémur. Per Dóminum.

Et sit Commem. SS. Mart.

Basilidis, Cyrini, Naboris et Nazarii.

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Lætámini in Dómino, et exsultáte justi. **R.** Et gloriámini omnes recti corde.

Oratio.

SANCTORUM Mártýrum tuórum Basilidis, Cyrini, Náboris atque Nazárii, quæsumus Dómine, natalítia nobis votíva resplédeant : et quod illis cóntulit excelléntia sempitérna, frúctibus nostræ devotiónis accrésceat. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

JOÁNNEM Sahagúni in Hispania nóbili génere natum, paréntes cum diu prole caruissent, piis opéribus, et oratióibus a Deo impetrá-runt. Ab ineúnte ætáte egrégium futúre sanctitátis spécimen dedit : nam e loco superióri ad cæteros púeros crebro verba faciébat, quibus eos ad virtútem, et Dei cultum hortabátur, eorúm-que dissidia componébat. In pátria mónachis sancti Facúndi órdis sancti Benedicti primis litterárum rudiméntis imbuéndus tráditur. Dum iis óperam daret, curávit pater, ut párochus ecclé-

siam administráret : quod munus júvenis nullis ratió-nibus addúci pótuit, ut retinéret. Inter familiáres epíscopi Burgénsis adscriptus, ob spectátam ipsius probitátem íntimus ei fuit, ab eóque présbyter, et canónicus factus multis beneficiis áuctus est. Sed relicta áula epíscopi, ut Deo quiétius serviret, ómnibus ecclésiæ provéntibus abdicátis se cuidam sacélló addixit, ubi Sacrum quotidie faciébat, ac de rebus divinis magna cum auditórum ædificatióne frequénter concionabátur.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

PÓSTEA studiórum cáusa Salmánticam proféctus, in célebre collégium divi Bartholomæi cooptátus, sacerdotís munus ita exércuit, ut simul optátis stúdiis incumberet, et in sacris étiam conciónibus assidue versarétur. Cum vero in gravis-simum morbum incidisset, arctióri disciplinæ voto se obstrinxit, quod ut redderet, cum prius cuidam páuperi pene nudo ex duábus, quas tantum habébat vestes, meliorem dedisset, ad cœnóbium sancti Augustíni se-

verióri disciplína tum máxime florens se cóntulit : in quo admissus, obediéntia, ánimí demissióne, vigiliis ac oratióne proVectióres anteíbat. Triclinii cura cum ipsi demandáta esset, vini doliolum ipso attingente ómnibus mónachis per annum abúnde suffécit. Exácto tirocinii anno, præfécti jussu munus concionándi suscepit. Salmánticæ id témporis ádeo cruéntis factiόνibus divína, humánaque ómnia permixta erant, ut singulis propémódum horis cædes fierent, et ómnium órdinum, ac præsertim nobilium ságuine non viæ solum, et fora, sed templa étiam redundarent.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum.
V. Induit eum Dóminus lorícam fidei, et ornávit eum. Et ad portas.

Lectio vj.

AT Joánnes, tum conciónibus, tum privátis colóquiis civium ánimos demúlcens, ad tranquillitátem urbem redúxit. Virum principem gráviter offéndit, quod illius in súbditos sævitiam increpásset. Qua de cáusa équites duos immisit, qui eum in itinere confóderent : jamque ad ipsum propinquáverant, cum, stupóre divinitus immisso, simul cum equis immóbiles stetérunt,

donec ad pedes sancti viri provolúti, scéleris véniam precaréntur. Ipse quoque princeps repentino terróre percúsus, jam de salúte desperáverat, cum revocáto Joánnes, facti pœnitens incolumitáti rédditus est. Factiósí étiam hómines, cum eum fústibus péterent, bráchiis diriguére, nec ante rédditæ vires quam delicti véniam precaréntur. Christum Dóminum, dum Sacrum fáceret, præsentem contuéri, atque ex ipso divinitátis fonte cæléstia mystéria haurire sólitus. Abdita cordis inspicere, ac futúra raro événtu præsagire frequens illi fuit, fratrisque filiam septénnem mórtuam excitávit. Dénique mortis die prænuntiáto, et Ecclesiæ sacraméntis devotissime susceptis, extrémum diem cláussit, multis ante et post óbítum miráculis gloriósus. Quibus rite probátis Alexánder octávus sanctórum número eum adscripsit.

R. Iste homo. 83*.

IN III. NOCTURNO

Homil. in Evang. Sint lumbi. de eodem Comm. 1^o loco. 85*.

Pro SS. Martyribus.

Lectio ix.

BASÍLIDES, Cyrínus, Nabor et Nazárius, Románi milites, nóbiles gènere, et virtúte illústres, christiána religióne suscepta, cum Christum Dei Filium, Dio-

cletiano imperatore, prædicarent, ab Aurélio præfecto Urbis comprehensi, et ut diis sacra facerent admóniti, ejus jussa contemnentes, missi sunt in cárcerem. Quibus orántibus, cum súbito claríssima lux obórta ómnium óculis, qui ibidem essent, cárcerem collustrásset : illo cælesti splendóre commótus Marcellus custodiæ præpositus, multique álii, Christo Dómino crediderunt. Verum póstea e cárcere emissi, ab imperatore Maximiano, cum ejus étiam neglécto império, unum Christum Deum et Dóminum in ore haberent, scorpíonibus cruciáti iterum conjiciúntur in vincula : unde séptimo die educti, et ante pedes imperatoris constitúti, perstitérunt in irrisione inánium deórum, Jesum Christum Deum constantissime confitentes. Quamóbrem damnáti, secúri feriúntur. Quorum córpora feris objécta, nec ab illis tacta, a Christiánis honorífice sepúlta sunt.

Te Deum laudámus. 16.

In Laud. fit Commem. SS. Mart.

Ant. Vestri capilli cápitis omnes numeráti sunt : nolite timére : multis passéribus meliôres estis vos.

Ÿ. Exsultábunt sancti in glória. R. Lætabúntur in cubilibus suis.

Vesp. a Capit. de seq. cum Commem. præced.

DIE XIII

S. ANTONII DE PADUA

CONFESSORIS

Duplex.

Omnia de Comm. Conf. non Pont. 76*, præter seq.

Oratio.

ECCLÉSIAM tuam Deus, beátí Antónii Confessóris tui solémnitas votíva lætíficet : ut spirituálibus semper muniátur auxiliis, et gáudiis pérfrui mereátur ætérnis. Per Dóminum.

Et fit Commem. præced.

Ant. Hic vir despiciens mundum et terréna, triúmphans, divitias cælo cóndidit ore, manu.

Ÿ. Justum dedúxit Dóminus per vias rectas. R. Et osténdit illi regnum Dei.

IN I. NOCTURNO

Lect. de Script. occur.

IN II. NOCTURNO

Lectio iv.

ANTÓNIVS, Ulyssipóne in Lusitânia honéstis ortus paréntibus, et ab iis pie educátus, adoléscentis institútum canonicórum regulárium suscepit. Sed cum córpora beatórum quinque Mártyrum fratrum Minórum Conimbriam transferréntur, qui páulo ante apud Marróchium pro Christi fide passi erant, martýrii desidério incensus ad Franciscánum órduem transívit. Mox eodem ardóre impúlsus, ad Saracénos ire perréxit : sed advérsa valetúidine afflictus,

et redire coactus, cum navi ad Hispaniæ littoratenderet, ventorum vi in Siciliam delatus est.

¶ Honestum fecit illum Dominus, et custodivit eum ab inimicis, et a seductoribus tutavit illum : * Et dedit illi claritatem æternam. ¶ Justum deduxit Dominus per vias rectas, et ostendit illi regnum Dei. Et dedit.

Lectio v.

Assisium e Sicilia ad capitulum generale venit : inde in eremum montis Pauli in Æmilia secëssit, ubi divinis contemplationibus, jejuniis et vigiliis diu vacavit. Postea sacris ordinibus initiatus, et ad prædicandum Evangelium missus, dicendi sapientia et copia tantum profecit, tantamque sui admirationem commovit, ut eum Summus Pontifex aliquando concionantem audiens, arcam testamenti appellaret. In primis vero hæreses summa vi profligavit, ideoque perpetuus hæreticorum malleus est vocatus.

¶ Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. ¶ Induit eum Dominus lorica fidei, et ornavit eum. Et.

Lectio vj.

Primus ex suo ordine, ob doctrinæ præstantiam, Bononiæ et alibi sacras litteras est interpretatus, fratrumque suorum studiis

præfuit. Multis vero peragratis provinciis, anno ante obitum Patavium venit, ubi illustria sanctitatis suæ monumenta reliquit. Denique magnis laboribus pro gloria Dei perfunctus, meritis et miraculis clarus obdormivit in Domino Idibus Junii, anno salutis millésimo ducentésimo trigésimo primo : quem Gregorius nonus Pontifex Maximus sanctorum Confessorum número adscripsit.

¶ Iste homo. 83*.

IN III. NOCTURNO

Homil. in Evang. Sint lumbi. de eodem Comm. 1º loco. 85*.

Vesperæ a Capit. de seq. cum Commem. præced.

DIE XIV

S. BASILII MAGNI

EPISC. CONF. ET ECCL. DOCT.

Duplex.

Omnia de Comm. Conf. Pont. 55*, præter seq. (m. t. v.)

In utrisque Vesp. ad Magnif. Ant. O Doctor optime, Ecclesiæ sanctæ lumen, beate Basili, divinæ legis amator, deprecare pro nobis Filium Dei.

Oratio.

EXAUDI, quæsumus Domine, preces nostras, quas in beati Basilii Confessoris tui atque Pontificis solemnitate deferimus : et qui tibi digne meruit famulari, ejus intercedentibus meritis ab

omnibus nos absolvet peccatis. Per Dominum.

Et fit Commem. præced.

Ant. Hic vir despiciens mundum et terrena, triumphans, divitias caelo condidit ore, manu.

V. Justum deduxit Dominus per vias rectas. **R.** Et ostendit illi regnum Dei.

IN I. NOCTURNO

Lect. de Script. occur.

IN II. NOCTURNO

Lectio iv.

BASILIVS nobilis Cappadox, Athenis una cum Gregorio Nazianzeno, ejus amicissimo, saecularibus literis, deinde in monasterio sacris mirabiliter eruditus, eum brevi cursum fecit ad omnem doctrinae et morum excellentiam, ut inde Magni cognomen invenerit. Is ad praedicandum Jesu Christi Evangelium in Pontum accersitus, eam provinciam a christianis institutis aberrantem, ad viam salutis revocavit: mox ab Eusebio Caesareae episcopo ad erudiendam eam civitatem adjutor adhibetur: in cujus locum postea successit. Is Filium Patri consubstantialem esse in primis defendit, ac Valentem imperatorem sibi iratum, miraculis adeo flexit, ut incumbentem ad voluntatem ejiciendi ipsum in exilium, a sententia discedere coegerit.

R. Inveni David servum meum, oleo sancto meo

unxi eum: * Manus enim mea auxiliabitur ei. **V.** Nihil proficiet inimicus in eo, et filius iniquitatis non nocet ei. Manus.

Lectio v.

NAM et Valentis sella, in qua facturus decretum de ejiciendo e civitate Basilio, sedere volebat, confracta est: et tribus ab eo calamis adhibitis ad scribendam exilii legem, nullus eorum reddidit atramentum: et cum nihilominus in proposito scribendi impium decretum persisteret, ipsius dextera, dissolutis nervis, tota contrémuit. His commotus Valens chartam utraque manu conscidit. Ea autem nocte, quae ad deliberandum Basilio data est, Valentis uxor intimis est cruciata doloribus, et unicuique filius in gravem morbum incidit. Quibus ille perterritus, iniquitatem suam recognoscens, Basilium accersit; quo praesente puer cepit convallescere: verum, vocatis a Valente ad visendum puerum haereticis, paulo post moritur.

R. Posui adjutorium super potentem, et exaltavi electum de plebe mea: * Manus enim mea auxiliabitur ei. **V.** Inveni David servum meum, oleo sancto meo unxi eum. Manus.

Lectio vj.

ABSTINENTIA et continentia fuit admirabili: una tu-

nica contentus erat : in jejūnio servādo diligentissimus, in oratione assiduus, in qua sæpe totam noctem consumēbat. Virginitatem perpétuo coluit. Monasteriis extructis, ita monachorum institutum temperavit, ut solitariæ atque actuosæ vitæ utilitates præclare simul conjungeret. Multa erudite scripsit; ac nemo, teste Gregorio Nazianzēno, sacræ Scripturæ libros vèrius aut ubèrius explicavit. Obiit Kalēdis Januārii, cum tantum spiritu vivens, præter ossa et pellem, nulla prætereā corpōris parte constāre videretur.

℞. Iste est qui. 62*.

IN III. NOCTURNO

Lectio sancti Evangelii secundum Lucam.

Lectio viij. Cap. 14. f

IN illo tempore : Dixit Jesus turbis : Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et reliqua.

Homilia sancti Basilii

Episcopi.

Lib. Regul. fusius explic. ad interrog. 8.

PERFECTA quidem renuntiatio in eo consistit, ut id assequamur, ne ad ipsius etiam vitæ affectionem propensi simus, et responsum mortis habeamus, ut non simus fidentes in nobis ipsis.

Hujusmodi autem renuntiatio initium sumit ab alienatione rerum externarum, veluti a possessionibus, ab inani gloria, a vivendi consuetudine, a rerum inutilium amore : quemadmodum etiam suo exemplo nobis ostenderunt sancti Domini nostri discipuli, Jacobus quidem et Joannes, relicto patre Zebedæo, et ipsa quoque navicula, de qua omnis illorum victus ratio pendebat : Matthæus vero, cum ab ipso telonio surrexit, ac Dominum secutus est.

℞. Amavit eum Dominus, et ornavit eum : stolam gloriæ induit eum : * Et ad portas paradisi coronavit eum.

℣. Induit eum Dominus loriceam fidei, et ornavit eum. Et.

Lectio viij.

SED quid opus est nostris rationibus, aut sanctorum virorum exemplis id, quod dicimus, confirmare, cum ipsa Domini verba in medium liceat afferre, iisque ipsis religiosam ac Deum timentem animam commovere, quibus ille perspicue et sine controversia protestatur, dicens : Sic igitur quicumque ex vobis non renuntiaverit omnibus quæ possidet, non potest meus esse discipulus. Et alio in loco, cum prius dixisset : Si vis perfectus esse, vade et vende omnia quæ habes, et da pauperibus : postea subjunxit : Veni, sequere me.

¶ In médio Ecclésiæ apéruit os ejus, * Et implévit eum Dóminus spiritu sapiéntiæ et intelléctus. ¶ Jucunditatem et exsultationem thesaurizávit super eum. Et. Glória Patri. Et.

Lectio ix.

EST ígitur renuntiatio, quemádmódum docuimus, vinculorum terrénæ hujus ac temporális vitæ solutio, atque ab humánis negotiis liberatio, per quam ad ineúndam viam, qua ad Deum pervenitur, aptiores et promptiores efficimur : et expedita ratio ad acquisitionem usúmque rerum, quæ super áurum et lápidem pretiosum multum longe sunt pretiosiores : et in summa, cordis humáni ad cælestem conversationem translatio, ita ut dicere liceat : Nostra conversatio in cælis est : et (quod máximum est) initium unde ad Christi similitudinem evádimus, qui cum dives esset, propter nos páuper est factus.

Te Deum laudámus. 16.

In II. Vesperis Commem. seq.

DIE XV

SS. VITI, MODESTI

ATQUE CRESCENTIÆ MART.

Ad Vesp. Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

¶ Lætámini in Dómino, et exsultáte justi. ¶ Et gloriámini omnes recti corde.

Oratio.

DA Ecclésiæ tuæ, quæsumus Dómine, sanctis Martýribus tuis Vito, Modesto, atque Crescentia intercedéntibus, supérbe non sápere, sed tibi plácita humilitáte proficere : ut prava despiciens, quæcúmque recta sunt, libera exerceat caritáte. Per Dóminum.

Lectio ij.

VITUS ádmódum puer in-scio patre baptizátus est : quod cum ille rescivisset, nihil prætermisit, quo filium a christiána religióne removeret. Qua in voluntáte permanéntem, Valeriáno júdici verbéribus castigándum tradidit. Sed nihilóminus in senténtia persistens, patri rédditus est. Sed dum eum pater grávius punire cógitat, Vitus Angeli mónitu, comitibus Modesto et Crescentia, ejus educatóribus, migrat in aliénas terras : ibique eam sanctitátis láudem adéptus est, ut ejus fama ad Diocletiánum perlata, ipsum imperátor accéreseret, ut filium suum a dæmone vexátum liberáret : quo liberáto, cum ei amplissimis præmiis ingrátus imperátor, ut deos cóleret, persuadére non potuisset, una cum Modesto et Crescentia vinculis constrictum mittit in cárcerem.

Lectio iij.

Quos ubi constantiores esse cõperit, demitti jubet in ingens vas liquato plumbo, ferventi resina ac pice plenum : in quo cum trium Hebræorum puerorum more divinos hymnos cãnerent, inde erepti leoni objiciuntur : qui prosternens se, eorum pedes lambebat. Quare inflammatus ira imperator, quod multitudinem videbat miraculo commoveri, eos in catasta sterni jubet, et ita cædi eorum membra, atque ossa divelli. Quo tempore tonitrua, fulgura, magnique terræmotus fuere, quibus templa deorum corruerunt, et multi oppressi sunt. Eorum reliquias Florentia nobilis femina, unguentis conditas, honorifice sepelivit.

Te Deum laudamus. 16.

Ad Laud. Ant. Vestri capilli capitis omnes numerati sunt : nolite timere : multis passeribus meliores estis vos.

V. Exsultabunt sancti in glória. **R.** Lætabuntur in cubilibus suis.

DIE XVIII

SS. MARCI ET MARCELLIANI

MARTYRUM

Ad Vesp. Ant. Istorum. **V.** Lætamini. 397.

Oratio.

PRÆSTA, quæsumus omnipotens Deus : ut qui sanctorum Martyrum tuorum

Marci et Marcelliani natalitia colimus ; a cunctis malis imminentibus eorum intercessionibus liberemur. Per.

R. vij. Hæc est vera. 49*.

Lectio iij.

MARCUS et Marcellianus fratres Romani, propter christianam fidem a Fabiano duce comprehensi, ad stipitem alligati sunt, pedibus clavis confixis. Ad quos cum ita loqueretur judex : Resipiscite miseri, et vos ipsos ab his cruciatibus eripite : responderunt : Numquam tam jucunde epulati sumus, quam hæc libenter Jesu Christi causa perfecerimus, in cuius amore nunc fixi esse cœpimus : utinam tamdiu nos hæc pati sinat, quamdiu hoc corruptibili corpore vestiti erimus. Qui diem noctemque in tormentis divinas laudes canentes, denique telis transfixi, ad martyrii gloriam pervenerunt. Quorum corpora via Ardeatina sepulta sunt.

Te Deum laudamus. 16.

Ad Laud. Ant. Vestri capilli. **V.** Exsultabunt. *supra.*

DIE XIX

S. JULIANÆ DE FALCONERIIS

VIRGINIS

Duplex.

Omnia de Comm. Virg. 95*, *præter seq.*

IN UTRISQUE VESPERIS

Hymnus.

CÆLÉSTIS Agni nuptias,
GO Juliána, dum petis,

Domum patèrnam dèseris,
Chorúmque ducis Virginum.

Sponsúmque suffixum cru-
ci

Noctes, dièsque dum gemis,
Dolóris icta cúspide,
Sponsi refers imáginem.

Quin septifórmí vúlnerè
Fles ad genu Deiparæ :
Sed crescit infúsa fletu,
Flammásque tollit caritas.

Hinc morte fessam próxi-
ma

Non usitáto te modo
Solátur, et nutrit Deus,
Dapem supèrnam pórrigens.

Ætérne rerum Cónditor,
Ætérne Fili par Patri,
Et par utríque Spíritus,
Soli tibi sit glória. Amen.

¶ Spécie tua et pulchri-
túdine tua. ¶. Intènde, pró-
spere procéde, et regna.

Ad Magnif. Ant. Venispon-
sa Christi, áccipe corónam,
quam tibi Dóminus præpa-
rávit in ætérnum.

Oratio.

DEUS, qui beátam Juliá-
nam Virginem tuam
extrémo morbo laborántem
pretiósó Filii tui corpore
mirabiliter recreáre digná-
tus es : concède quæsumus ;
ut ejus intercedéntibus mé-
ritis, nos quoque eódem in
mortis agóne refécti ac robo-
ráti, ad cæléstem pátriam
perducámur. Per eúmdem
Dóminum.

**Et sit Commem. SS. Ger-
vasii et Protasii Martyrum.**

Ant. Istórum est enim re-
gnum cælórum, qui contem-

psérunt vitam mundi, et
pervenérunt ad præmia re-
gni, et lavérunt stolas suas
in ságuine Agni.

¶ Lætámini in Dómino,
et exsultáte justi. ¶. Et glo-
riámini omnes recti corde.

Oratio.

DEUS, qui nos ánnua san-
ctórum Mártyrum tuó-
rum Gervásii et Protásii so-
lemnitate lætificas : concède
propítius ; ut quorum gaudé-
mus méritis, accendámur
exémplis. Per Dóminum.

AD MATUTINUM

Hymn. Cæléstis. *ut supra.*

IN I. NOCTURNO

Lect. de Script. occur.

IN II. NOCTURNO

Lectio iv.

JULIÁNA ex nobili Falconé-
ria familia, claríssimo
patre, qui templum Deiparæ
ab Angelo salutátæ aere suo
magnífice a fundaméntis Flo-
réntiæ, ut nunc visitur, eré-
xit, matre Reguardáta, am-
bóbus jam senescéntibus ac
ad id tempus sterilibus, nata
est anno millésimo ducenté-
simo septuagésimo. Ab incu-
nábulis non exiguum futúre
sanctitátis spécimen dedit :
vagiéntibus quippe labris,
suavíssima Jesu et Mariæ
nómina ultro proférre audita
est. Puerítiam póstmodum
ingréssa, totam se christiá-
nis virtútibus mancipávit, in
quibus ádeo excélluit, ut beá-
tus Aléxius pátruus, cujus
institutis ac exémplis instrue-
bátur, matri dicere non du-

bitaverit, ipsam non féminam peperisse, sed Angelum; nam ita modesto vultu animoque ab omni, vel levissima erroris macula pura fuit, ut oculos numquam in toto vitæ cursu ad hominis faciem intuendam erexerit, auditoque peccati vocabulo contremuerit; imo sceleris narratione percussa, illico prope exanimis corruerit. Explēto nondum decimo quinto ætatis suæ anno, re familiari, licet opulenta, terrenisque posthabitis nuptiis, Deo virginitatem in manibus divi Philippi Beniti solēmniter vovit, ab eoque omnium prima religiosum Mantellatarum habitum, ut dicunt, sumpsit.

R. Propter veritatem, et mansuetudinem, et justitiam, * Et deducet te mirabiliter dextera tua. **V.** Specie tua et pulchritudine tua intēde, prospere procéde, et regna. Et.

Lectio v.

JULIANÆ exemplum secūtæ sunt plurimæ ex nobilioribus familiis feminae, ac mater ipsa filiae sese religiose instituendam dedit, ita ut, aucto paulatim numero, ordinem Mantellatarum instituerit, ac illi pie vivendi leges summa prudentia ac sanctitate tradiderit. Ejus virtutes cum optime perspectas divus Benitus haberet, morti proximus, nulli melius, quam Julianæ, non fé-

minas tantum, sed et totum Servorum ordinem, cujus propagator, et moderator exstiterat, commendatum voluit. Verum ipsa demisse semper de se cogitabat; et cum cæterarum esset magistra, in re quaque domestica, licet vili, sororibus famulabatur. Assiduitate orandi integras insumebat dies, in éxtasim sæpissime rapta, et si reliquum, in sedandis civium dissidiis, criminosis a via iniquitatis retrahendis, ac inserviendis impendebat ægrótis, quorum quandoque saniem ex ulcéribus manantem, admoto ore, lambens, eos sanitati restituēbat. Corpus suum flagris, nodosis funiculis, férreis cingulis, vigiliis, humi nudæ cubando, térére solita fuit. Parcissimo cibo, et hoc vili, quatuor hebdomadæ diebus, et reliquis duobus solo Angelorum pane contenta, excépto die sabbati, quo pane solo et aqua nutriebatur.

R. Dilexisti justitiam, et odisti iniquitatem: * Propterea unxit te Deus, Deus tuus óleo lætitiæ. **V.** Propter veritatem, et mansuetudinem, et justitiam. Propterea.

Lectio vj.

DURA hujusmodi vivendi ratione in stómachi morbum incidit, quo ingravescēte, cum septuagésimum ætatis annum ágeret, ad ex-

trémum vitæ spátium redácta est. Diutúrnæ valetúdinis incómoda hilari vultu constantique ánimo pértulit : de uno tantum cónqueri audita est, quod cum cibum cápere ac retinére nullo modo posset, ab Eucharística mensa ob sacraménti reveréntiam arcerétur. Verum his in angústiis constitúta, sacerdotem rogávit, ut allátum divinum panem, quem ore súmere nequibat, péctori saltem extérius admovéret. Précibus illius morem gessit sacerdos : et mirum ! eódem témporis moménto, divinus panis dispáruit, et Juliána seréno ac ridénti vultu exspirávit. Res supra fidem támdiu fuit, donec virgineum de more curarétur corpus : invénta enim est circa sinistrum péctoris latus carni véluti sigillo impréssa forma hóstiæ, quæ Christi crucifixi effigiem repræsentábat. Hujus prodigii fama cæterorúmque miraculórum non Floréntiæ tantum, sed totius christiáni orbis veneratió-nem illi conciliávit, ac per quátuor prope integra sæcula ádeo áucta est, ut tandem Benedictus Papa decimustértius in ejus celebritáte Officium próprium recitári ab univérso órđine beátæ Mariæ Virginis Servórum jússerit. Clemens vero duodécimus, munificentíssimus ejúsdem órđinis protéctor, novis in dies miráculis co-

ruscántem, sanctárum Virginum catálogo adscripsit.

R. Afferéntur Regi. 104*.

IN III. NOCTURNO

Homil. in Evang. Simile erit regnum cælórum. **de eodem Comm. 1º loco.** 106*.

Pro SS. Gervasio et Protasio Martyribus.

Lectio ix.

GERVÁSIUS et Protásius, Vitális et Valériæ filii, quorum pater Ravénnæ, mater Medióláni pro Christi Dómini fide martyrium subiérunt, distribúto paupéribus património, domésticos servos libertáte doná-runt. Quo facto gentilium sacerdótes immáne in illos concéptum ódium habébant. Quare cum Astásius comes in bellum proficisci vellet, hanc ocasió-nem perdé-ndi pios fratres se nactos esse putavérunt. Itaque Astásio persuádent se a diis admónitos esse, nullo modo eum in bello victórem futúrum, nisi Gervásio et Protásio coáctis Christum negá-re, eósdem ad sacra diis faciénd-a compélleret. Quod cum illi detestaréntur, Astásius imperávit, Gervásium támdiu cædi, dum inter vérbera exspiráret : Protásium fústibus contúsum secúri pércuti jubet. Quorum córpora Philippus Christi servus clam sústulit, et in suis ædibus sepelivit : quæ póstea sanctus Ambrósius, Dei mónitu invénta, in loco sacro et in-

signi collocanda curavit. Passi sunt Medioláni décimo tértio Kaléndas Júlii.

Te Deum laudamus. 16.

In Laud. pro Commem. SS. Mart.

Ant. Vestri capilli cápitis omnes numeráti sunt : nolite timére : multis passéribus meliôres estis vos.

V. Exsultábunt sancti in glória. **R.** Lætabúntur in cubilibus suis.

In II. Vesp. fit Commem. seq.

DIE XX

SANCTI SILVERII

PAPÆ ET MARTYRIS

Ad Vesp. Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

V. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

INFIRMITÁTEM nostram réspice omnipotens Deus : et quia pondus própriæ actionis gravat, beáti Silvérii Mártyris tui atque Pontíficis intercéssio gloriósa nos prótegat. Per Dóminum.

Lectio ij.

SILVÉRIUS Campánu post Agapítum próxime Póntifex creátus est : cujus doctrína et sáncritas illúxit in insectándishæréticis, et constantis ánimi magnitúdo per-

spécta est in tuéndo judicio Agapíti. Nam Anthimum, quem, quia Eutychiánam hæresim defendébat, Agapítus ab episcopátu Constantínopolitáno deposúerat, cum a Theodóra Augústa sæpissime rogátus esset, restitúere nóluit.

R. ij. Dómine prævenísti. 33*.

Lectio iij.

QUAMÓBREM iráta múlíer mandat Belisário ut Silvérium mittat in exsílíum. Qui exsulávit in insula Póntia, unde his verbis scripsisse fertur ad Amatórem episcopum : Susténtor pane tribulationis et aqua angústiae; nec tamen dimisi, aut dimítto officium meum. Et sane, brevi incómmodis ærumnisque conféctus, obdormívit in Dómino, duodécimo Kaléndas Júlii; cujus corpus Romam delátum, et in basilica Vaticána depósítum, multis miráculis illustrátum fuit. Præfuit Ecclésiæ annos tres et ámplius, creátis mense Decémbri presbýteris trédecim, diáconis quinque, episcopis per diversa loca decem et novem.

Te Deum laudamus. 16.

Ad Laud. Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. **R.** Sicut cedrus Libani multiplicábitur.

DIE XXI

S. ALOISII GONZAGÆ CONF.

Duplex.

Omnia de Communi Conf.
non Pont. 76*, præter seq.

Oratio.

CÆLÉSTIUM donórum distri-
butor Deus, qui in angé-
lico júvene Aloísio miram
vitæ innocentiam pari cum
pœniténtia sociásti : ejus
méritis et précibus concéde ;
ut innocentem non secúti,
pœniténtem imitémur. Per.

IN I. NOCTURNO

Lect. de Script. occur.

IN II. NOCTURNO

Lectio iv.

ALOÍSIUS, Ferdinándi Gon-
zágæ Castelliónis Stive-
rórurum marchiónis filius, fe-
stináto propter vitæ pericu-
lum baptísimo, prius cælo
quam terris nasci visus, pri-
mam illam grátiam tam
constánter retínuit, ut in ea
confirmátus crederétur. A
primo ratiónis usu, quo se
Deo statim óbtulit, vitam
duxit quotidie sanctiorem.
Novénnis Floréntiæ ante
aram beátæ Vírginis, quam
paréntis loco semper hábuit,
perpétuam virginitátem vo-
vit : eámque, insígni Dei
benefício, nulla mentis aut
córporis pugna tentátam ser-
vávít. Réliquas ánimi per-
turbatiónes cœpit ætáte illa
tam fórtiter comprimere, ut
ne primo quidem eárum mo-
tu deinde incitarétur. Sen-
sus étiam, óculos præcípuè,

ita cohibuit, ut non modo
illos numquam in faciém in-
téndérít Mariæ Austriacæ,
quam plures annos inter ho-
norários Hispaniárum prin-
cipis ephébos fere quotidie
salutávít ; sed a matris étiam
vultu continéret : homo pro-
ptérea sine carne, aut Ange-
lus in carne mérito appellá-
tus.

R. Honéstum fecit illum
Dóminus, et custodívit eum
ab inimícis, et a seductóri-
bus tutávít illum : * Et de-
dit illi claritátem ætérnam.

V. Justum dedúxit Dóminus
per vias rectas, et osténdit
illi regnum Dei. Et.

Lectio v.

ADJÉCIT sénsuum custó-
diæ córporis cruciátum.
Tria singulis hebdómadis
jejúnia, éaque plerúmque
módico pane et aqua tolerá-
bat. Quamquam perpétuum
fuisse per id tempus ipsius
jejúnium vidéri potest, cum
ejus prándia ferme vix ún-
ciam æquárent. Sæpe étiam
ter in die se fúnibus aut ca-
ténis cruentábat : flagélla
quandóque canum loris, ci-
licia equórum calcáribus
supplévit. Mollem léctulum
clam injéctis ásserum fra-
gméntis asperábat, eo étiam
ut citius ad orándum excita-
rétur. Magnam quippe no-
ctis partem, summa étiam
hieme, solo tectus indúsio,
pósitis humi génibus, vel
præ languóre jacens ac pro-
nus, in cæléstium contem-

platióne traducébat. Intéridu quoque tres, quátuor, quinque horas in ea perstábat immótus, donec unam saltem ánimo nusquam distrácto percurrisset. Cujus constántiæ præmiu[m] fuit stabilitas mentis inter orándum álio non vagántis, imo perpétua velut éxtasi in Deo defixæ. Ei demum ut únice adhæreret, victo post triennále acérrimum certámen patre, et aviti principátus jure in fratrem transláto, Societáti Jesu, ad quam cælésti voce Matriti fúerat accitus, Romæ se adjúnxit.

✠. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. ✠. Induit eum Dóminus lorícá[m] fidei, et ornávit eum. Et.

Lectio vj.

IN tyrocínio ipso virtútum ómnium magister habéri cœpit. Exactissima in eo erat legum étiam minimárum custódia, mundi contéptus singuláris, implacábile ódium sui : Dei vero amor tam ardens, ut corpus étiam sensim absúmeret. Jussus proptérea mentem a divínis rebus tantisper avértete, occurréntem sibi ubique Deum irritó conátu fugiébat. Mira étiam próximos caritáte ampléxus, in públicis, quibus alácritér ministrábat, nosocomiis, contagiósam luem traxit. Qua lente

consúptus, die quem prædixerat, undécimo Kaléndas Júlii, ætátis anno quarto et vigésimo jam inchoáto, cum ántea flagéllis cædi, atque humi stratus mori postuláset, migrávit in cælum. Ibi eum sancta María Magdaléna de Pazzis tanta frui glória, Deo monstránte, vidit, quantam vix esse in cælo credidisset ; ipsúmque sanctimónia insignem, et caritáte Mártýrem incógnitum fuisse prædicávit. Multis étiam magnisque cláruit miráculis. Quibus rite probátis, Benedictus décimus tértius sanctórum fastis angélicum júvenem adscripsit, atque innocéntiæ et castitátis exémpplar simul et patrónum studiósæ præsertim juventúti dedit.

✠. Iste homo. 83*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 22. c

IN illo témpore : Respóndens Jesus ait sadducæis : Errátis nesciéntes Scriptúras, neque virtútem Dei : in resurrectione enim neque nubent, neque nubéntur : sed erunt sicut Angeli Dei in cælo. Et réliqua.

Homilia sancti Joánnis Chrysóstomi.

Libro de Virginitate.

VIRGÍNITAS est bona : id ego quoque fáteor. Atqui núptiis étiam mélior ; et istud tibi asséntior : ac si libet,

illud adjungam, tanto nuptiis eam præstare, quanto cælum terræ, quanto hominibus Angeli antecellunt: ac, si quid præterea addendum est, etiam magis. Nam si neque nubunt Angeli, neque uxorem ducunt, non etiam carne et sanguine coagmentati sunt: in terris præterea non commorantur, non cupiditatum aut libidinum perturbationibus sunt obnoxii; non cibi indigent, aut potus; non sunt ejusmodi, ut eos dulcis sonus, aut cantus mollis, aut præclara species possit allicere; nulla denique ejus generis illécebra capiuntur.

R. Iste est qui ante Deum magnas virtutes operatus est, et de omni corde suo laudavit Dominum: *Ipse intercedat pro peccatis omnium populorum. **V.** Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viij.

AT humanum genus, cum natura beatis illis mentibus inferius sit, omni vi studioque contendit, ut, quoad ejus fieri potest, illas assequatur. Quomodo? Non nubunt Angeli: at neque etiam virgo. Assistentes illi semper ad Deum, eidem inserviunt; et istud ipsum virgo. Quod si virgines, quamdiu corporis onere deprimuntur, quemadmodum

Angeli in cælum nequeunt ascendere, illud eo vel máximo solatio compensant, quod modo spiritu et corpore sancti sint, cæli Regem recipiunt. Vidēsne virginitatis præstantiam? quomodo terrarum incolas sic afficiat, ut qui corpore vestiti sunt, eos incorporeis mentibus exæquet?

R. Sint lumbi vestri præcincti, et lucernæ ardentes in manibus vestris: *Et vos similes hominibus expectantibus dominum suum, quando revertatur a nuptiis.

V. Vigiláte ergo, quia nescitis, qua hora Dominus vester venturus sit. Et vos. Glória Patri. Et vos.

Lectio ix.

QUA enim, quæso, re differēbant ab Angelis Elias, Elisæus, Joānes, veri hi virginitatis amatōres? nulla, nisi quod mortali natura constabant. Nam cætera si quis diligenter inquirat, hi nihilo minus affecti reperiuntur, quam beatæ illæ mentes: et idipsum quo inferiōre conditione videntur esse, in magna est eorum laude ponendum. Ut enim terrarum incolæ, et ii qui essent mortali natura, possent ad illam virtutem vi et contentiōne pervenire; vide quanta eos fortitudine, quanta vitæ ratione præditos fuisse oporteat.

Te Deum laudamus. 16.

In II. Vesp. Commem. seq.

DIE XXII

S. PAULINI EPISC. ET CONF.

Ant. Sacerdos et Pontifex, et virtutum opifex, pastor bone in populo, ora pro nobis Dominum.

V. Amavit eum Dominus, et ornavit eum. **R.** Stulam gloriæ induit eum.

Oratio.

DA, quæsumus omnipotens Deus : ut beati Paulini Confessoris tui atque Pontificis veneranda sollemnitas, et devotioem nobis augeat, et salutem. Per Dominum.

Lectio ij.

PAULINUS Nolæ episcopus, eruditus studiis humanitatis, doctus etiam divinis litteris, multa eleganter et ornate scripsit versibus, et soluta oratione. Hujus viri caritas præcipue celebratur, quod vastata a Gothis Campania, omnem facultatem, ne relictis quidem sibi rebus ad vitam necessariis, in alendos pauperes et captivos redimendos contulerit. Quo tempore, ut scribit sanctus Augustinus, ex opulentissimo divite voluntate pauperimus, et copiosissime sanctus, captus a barbaris, sic Deum precabatur : Domine, ne excrucier propter aurum et argentum : ubi enim sint omnia mea, tu scis. Postea vero Wandalis easdem regiones infestantibus, cum ab eo posceret vidua, ut filium sibi redime-

ret, consumptis rebus omnibus in officio pietatis, se ipsum pro illo in servitutem tradidit.

Lectio iij.

IGITUR in Africam profectus, domini sui, qui regiserat gener, hortum colendum suscepit. Verum cum prophetiæ dono regis mortem ipsi domino prædixisset, et rex in somnis Paulinum sedentem medium inter duos iudices, sibi que de manibus eripientem flagellum vidisset : tantus vir cognitus honorificentissime dimissus est, condonatis ei omnibus suis civibus, qui captivi fuerant. Nolum revêrsus ad episcopale officium, cum verbo et exemplo omnes ad pietatem christianam inflammaret, laterum dolore correptus est; mox cubiculum in quo jacebat, terræ motu contrémuit, ac paulo post animam Deo reddidit.

Te Deum laudamus. 16.

Ad Laud. Ant. Euge serve bone et fidelis, quia in pauca fuisti fidelis, supra multa te constituam, dicit Dominus.

V. Justum deduxit Dominus per vias rectas. **R.** Et ostendit illi regnum Dei.

DIE XXIII

IN VIGIL. S. JOANNIS BAPTISTÆ

Lectio sancti Evangelii secundum Lucam.

Lectio j. Cap. 1.

FUIT in diebus Herodis, regis Judææ, sacerdos

quidam nómine Zacharías de vice Abía; et uxor illius de filiabus Aaron, et nomen ejus Elisabeth. Et reliqua.

Homilia sancti Ambrósii
Episcopi.

Liber 1. in Lucam.

DOCET nos Scriptúra divina non solum mores in iis qui prædicábiles sunt, sed étiam paréntes oportére laudári : ut véluti transmissa immaculátæ puritátis heréditas, in iis quos vólumus laudáre, præcéllat. Quæ enim ália inténtio hoc loco sancti Evangelistæ, nisi ut sanctus Joānes Baptista nobilitétur paréntibus, miráculis, móribus, múnere, passióne? Sic étiam sancti Sámuel mater Anna laudátur : sic Isaac a paréntibus nobilitátem pietátis accépit, quam pósteris dereliquit. Sacerdos itaque Zacharias, nec solum sacerdos, sed étiam de vice Abía, id est, nóbilis inter superiores famílias.

Rñ. de Feria occur.

Lectio ij.

ET uxor, inquit, illi de filiabus Aaron. Non solum igitur a paréntibus, sed étiam a majóribus sancti Joānnis nobilitas propagátur, non sæculári potestáte sublimis, sed religiónis successióne venerábilis. Tales enim majóres habére debuit prænúntius Christi : ut non repénite concéptam, sed a majóribus accéptam, et ipso infúsam

jure natúræ, prædicáre fidem Domínici viderétur adventus. Erant, inquit, ambo justí ante Deum, incedéntes in ómnibus mandátis et justificationibús Dómini sine queréla. Quid ad hoc réferrunt, qui peccátis suis solátia præferéntes, sine peccátis fréquentibus hóminem putant esse non posse : et utúntur versículo, quia scriptum est in Job : Nemo mundus a sorde, nec si unius diéi vita ejus sit in terra?

Lectio iij.

QUIBUS respondéndum est, prius ut quid sit hóminem sine peccáto esse, definiant : utrum numquam omnino peccásse, an desiisse peccáre. Si enim hoc putant sine peccáto esse, numquam omnino peccásse; et ipse conséntio. Omnes enim peccavérunt, et egent glória Dei. Sin áutem eum qui véterem errórem corréxerit, et in eam se vitæ transformáverit qualitátem, ut téporet a peccáto, negant abstinére a delictis : non possum in eórum convenire senténtiam, cum legámus : Quia sic Dóminus diléxit Ecclésiám, ut exhibeat ipsam sibi gloriósam, et non habéntem máculam, aut rugam, aut áliquíd ejúsmodi, sed ut sit sancta et immaculáta.

Ad Bened. Ant. ut in Psalt.
et post Ant. Preces feriales
flexis genibus. 59.

Oratio.

PRÆSTA, quæsumus omnipotens Deus : ut familia tua per viam salutis incédât ; et beáti Joánnis Præcursóris hortaménta sectándo, ad eum quem prædixit, secúra pervéniat, Dóminum nostrum Jesum Christum Filium tuum : Qui tecum vivit.

Si sequenti die xxiv. occurrerit solemnitás SS. Corporis Christi, agendum erit

de prædicta solemnitáte : Festum vero S. Joannis Baptistæ tunc reponatur in diem xxv. tamquam in sedem propriam, translato alio Festo Duplici, si alicubi occurrat, post Octavam, aut eo penitus omisso juxta Rubricas ; sed si fuerit primæ vel secundæ classis, transferatur in primam diem Officio Duplici non impeditam infra eandem Octavam.





DIE XXIV

IN NATIVITATE S. JOANNIS BAPTISTÆ

Duplex 1. classis.

IN I. VESPERIS

Ant. 1. Ipse præibit ante illum in spiritu et virtute Eliæ parare Dómino plebem perfectam.

Pss. ut in I. Vesp. de Comuni Apost. 2*.

2. Joánnes est nomen ejus : vinum et siceram non bibet, et multi in nativitate ejus gaudébunt.

3. Ex útero senectútis et stérili Joánnes natus est præcúrsor Dómini.

4. Iste puer magnus coram Dómino : nam et manus ejus cum ipso est.

5. Nazaræus vocábitur puer iste : vinum et siceram non bibet, et omne immúndum non manducábit ex útero matris suæ.

Capitulum. Isaïæ 49.

AUDÍTE insulæ, et at-téndite pópuli de longe : Dóminus ab útero vocávit me, de ventre matris meæ recordátus est nóminis mei.

Hymnus.

UT queant laxis resonare fibris
Mira gestórum fámuli tuórum,

Solve pollúti lábii reátum,
Sancte Joánnes.

Núntius celso véniens
Olýmpo,

Te patri magnum fore na-
scitúrum,

Nomen, et vitæ sériem ge-
réndæ

Ordine promit.

Ille promissi dúbius su-
pérni,

Pérdidit promptæ módulos
loquélæ :

Sed reformásti génitus per-
éemptæ

Organa vocis.

Ventris obstrúso récubans
cubili,

Sénseras Regem thálamó
manéntem :

Hinc parens nati méritis utér-
que

Abdita pandit.

Sit decus Patri, genitæque
Proli,

Et tibi compar utriúsque vir-
tus

Spiritus semper, Deus unus,
omni

Témporis ævo.

Amen.

Ÿ. Fuit homo missus a Deo.

Ŕ. Cui nomen erat Joánnes.

Ad Magnif. Ant. Ingresso

Zacharia templum Dómini,
appáruit ei Gábriel Ange-
lus, stans a dextris altáris
incénsi.

Oratio.

DEUS, qui præsentem diem
honorábilem nobis in
beáti Joánnis nativité feci-
sti: da pópulis tuis spirituá-
lium grátiam gaudiórum; et
ómnium fidélium mentes di-
rige in viam salútis æternæ.
Per Dóminum.

AD MATUTINUM

Invit. Regem Præcursóris
Dóminum, * Venite, adoré-
mus.

Ps. Veníte, exsultémus. 2.

Hymnus.

ANTRA desérti téneris sub
annis
Cívium turmas fúgiens, pe-
tisti,
Ne levi posses maculáre vi-
tam
Crimine linguæ.
Præbuit durum tégumen
camélus
Artubus sacris, stróphium
bidéntes;
Cui latex háustum, sociáta
pastum
Mella locústis.
Cæteri tantum cecinére
Vatum
Corde præsógo jubar affutú-
rum:
Tu quidem mundi scelus
auferéntem
Indice prodís.
Non fuit vasti spátium per
orbis
Sánctior quisquam génitus
Joánne,

Qui nefas sæcli méruit laván-
tem

Tíngere lymphis.

Sit decus Patri, genitæque
Proli,

Et tibi compar utriúsque vir-
tus

Spiritus semper, Deus unus,
omni

Témporis ævo. Amen.

IN I. NOCTURNO

Ant. Priúsqvam te formá-
rem * in útero, novi te :
et ántequam progredereís,
sanctificávi te.

*Pss. de Comm. Conf. non
Pont. 77*.*

Ant. Ad ómnia quæ mit-
tam te, * dicit Dóminus, ibis :
ne timeas, et quæ mandá-
vero tibi, loqueris ad eos.

Ant. Ne timeas * a fácie
eórum, quia ego tecum sum,
dicit Dóminus.

V. Fuit homo missus a
Deo. *R.* Cui nomen erat
Joánnes.

Incipit Jeremías Prophéta.

Lectio j. Cap. 1.

VERBA Jeremiæ filii Helciæ,
de sacerdótibus, qui fué-
runt in Anathoth, in terra
Bénjamin. Quod factum est
verbum Dómini ad eum in
diébus Josiæ filii Amon regis
Juda, in tertiodécimo anno
regni ejus. Et factum est in
diébus Jóakim filii Josiæ re-
gis Juda, usque ad consum-
mationem undécimi anni Se-
decíæ filii Josiæ regis Juda,
usque ad transmigratióem
Jerúsalem, in mense quinto.
Et factum est verbum Dómini

ad me, dicens : Priúsqvam te formárem in útero, novi te : et ántequam exíres de vulva, sanctificávi te, et Prophétam in géntibus dedi te.

R. Fuit homo missus a Deo, cui nomen erat Joánnes : * Hic venit in testimónium, ut testimónium perhiberet de lúmine, et paráret Dómino plebem perfectam. **V.** Erat Joánnes in deserto prædicans baptismum pœniténtiæ. Hic.

Lectio ij.

ET dixi, A a a, Dómine Deus : ecce nescio loqui, quia puer ego sum. Et dixit Dóminus ad me : Noli dicere : Puer sum : quóniam ad ómnia, quæ mittam te, ibis : et univérsa quæcúmque mandávero tibi, loquéris. Ne timeas a fácie eórum : quia tecum ego sum ut éruam te, dicit Dóminus. Et misit Dóminus manum suam, et tétigit os meum : et dixit Dóminus ad me : Ecce dedi verba mea in ore tuo : ecce constitui te hódie super gentes, et super regna, ut evéllas, et déstruas, et dispérdas, et dissipes, et ædífices, et plantes.

R. Elísabeth Zachariæ magni virum genuit, Joánnem Baptistam Præcursórem Dómini : * Qui viam Dómino præparávit in erémo. **V.** Fuit homo missus a Deo, cui nomen erat Joánnes. Qui viam.

Lectio iij.

TU ergo accinge lumbos tuos, et surge, et lóquere ad eos ómnia quæ ego præcipio tibi. Ne formídes a fácie eórum : nec enim timére te faciám vultum eórum. Ego quippe dedi te hódie in civitátem munitam, et in columnam férream, et in murum æreum, super omnem terram, régibus Juda, principibus ejus, et sacerdotibus, et pópulo terræ. Et bellábunt advérsus te, et non prævalébunt : quia ego tecum sum, ait Dóminus, ut liberem te.

R. Priúsqvam te formárem in útero, novi te : et ántequam exíres de ventre, sanctificávi te : * Et Prophétam in géntibus dedi te. **V.** Vir diléctus a Deo, et homínibus honorátus est. Et Prophétam. Glória Patri. Et Prophétam.

IN II. NOCTURNO

Ant. Misit Dóminus * manum suam, et tétigit os meum, et Prophétam in géntibus dedit me Dóminus.

Pss. de Comm. Conf. non Pont. 80*.

Ant. Ecce dedi * verba mea in ore tuo : ecce constitui te super gentes et regna.

Ant. Dóminus ab útero * vocávit me, de ventre matris meæ recordátus est nóminis mei.

Y. Inter natos mulierum non surréxit major. **R.** Joánnem Baptistam.

Sermo sancti Augustini
Episcopi.

Serm. 20. de Sanctis.

Lectio iv.

POST illum sacrosanctum
Dómini natális diem nul-
lius hóminum nativitátem
légimus celebrári, nisi so-
lius beáti Joánnis Baptistæ.
In áliis sanctis et eléctis Dei
nóvimus illum diem coli,
quo illos, post consumma-
tiónem labórum, et devi-
ctum triumphatúmque mun-
dum, in perpétuas æterni-
tates præsens hæc vita par-
túriit. In áliis consummata
últimi diéi mérita celebrán-
tur; in hoc étiam prima dies,
et ipsa étiam hóminis initia
consecrántur : pro hac abs-
que dúbio cáusa, quia per
hunc Dóminus advéntum
suum, ne súbito hómines
insperátum non agnósce-
rent, vóluit esse testátum.
Joánnes áutem figúra fuit
véteris testaménti, et in se
formam prætulit legis : et
ideo Joánnes prænuntiávit
Salvatórem, sicut lex grá-
tiam præcucúrrit.

R. Descéndit Angelus Dó-
mini ad Zachariám, dicens :
Accipe púerum in senectúte
tua : * Et habébit nomen
Joánnes Baptista. **V.** Iste puer
magnus coram Dómino : nam
et manus ejus cum ipso est.
Et habébit.

Lectio v.

QUOD áutem nondum natus
de secréto matérni úteri
prophetávit, et expers lucis

jam testis est veritátis : hoc
est intelligéndum, quod la-
tens sub velámine et carne
litteræ, et Redemptórem
mundo spiritu prædicávit,
et nobis Dóminum nostrum
de quodam legis útero pro-
clamávit. Ergo quia Judæi
erravérunt a ventre, id est
a lege, quæ a Christo grá-
vida erat, erravérunt a ven-
tre, locúti sunt falsa : ideo
hic venit in testimónium, ut
testimónium perhibéret de
lúmíne.

R. Hic est Præcúrsor dilé-
ctus, et lucérna lucens ante
Dóminum : * Ipse est enim
Joánnes, qui viam Dómino
præparávit in erémo ; sed et
Agnum Dei demonstrávit, et
illuminávit mentes hómi-
num. **V.** Ipse præibit ante
illum in spiritu et virtúte
Elíæ. Ipse est enim Joánnes.

Lectio vj.

QUOD áutem Joánnes in
cárcere constitútus ad
Christum discipulos suos ór-
dinat ; lex ad Evangélium
transmittit. Quæ lex juxta
typum Joánnis, quasi igno-
rántiæ cláusa cárcere, in
obsécuro et in occúlto jacé-
bat, et Judáica cæcitáte sen-
sus intra litteram tenebátur
inclúsus. De hoc beátus
Evangelista prolóquitur : Ille
erat lucérna ardens, id est,
Spíritus sancti igne succén-
sus, ut mundo ignorántiæ
nocte posséssó, lumen salú-
tis osténderet, et quasi in-
ter densíssimas delictórum

ténebras, splendidíssimum justitiæ solem lucis suæ rádio demonstráret, et de seípso dicens : Ego vox clamántis in deserto.

R. Innuébant patri ejus, quem vellet vocári eum : et póstulans pugillárem, scripsit, dicens : * Joánnes est nomen ejus. **V.** Apértum est os Zachariæ, et prophetávit, dicens. Joánnes. Glória Patri. Joánnes.

IN III. NOCTURNO

Ant. Pósuit os meum * Dóminus quasi gládium acútum : sub umbra manus suæ protéxit me.

Ps. 14. Dómine quis. 83*.

Ant. Formans me * ex útero servum sibi Dóminus, dicit : Dedi te in lucem gén-tium, ut sis salus mea usque ad extrémum terræ.

Ps. 20. Dómine in virtúte. 83*.

Ant. Reges vidébunt, * et consúrgent principes, et adorábunt Dóminum Deum tuum, qui elégit te.

Ps. 33. Benedicam Dóminum. 5*.

V. Elisabeth Zachariæ magnum virum genuit. **R.** Joánnem Baptistam præcursórem Dómini.

Léctio sancti Evangélíi secúndum Lucam.

Lectio viij. Cap. 1. f

ELÍSEBETH implétum est tempus pariéndi, et péperit filium. Et audiérunt vicini et cognáti ejus quia magnificávit Dóminus mise-

ricórdiam suam cum illa, et congratulabántur ei. Et réliqua.

Homilia sancti Ambrósii
Episcopi.

**Lib. 2. Comm. in Lucæ cap. 1.
ante finem.**

PÉPERIT filium Elisabeth, et congratulabántur vicini. Habet sanctórum editio lætitiám plurimórum, quia commúne est bonum. Justitia enim commúnis est virtus : et ideo in ortu justí futúráe vitæ insigne præmit-titur, et grátia secutúráe virtútis exsultatióne vicinórum præfiguránte signáture. Pulchre áutem tempus, quo fuit in útero Prophéta, describitur, ne Mariæ præsen-tia taceáture : sed tempus silétur infántiæ, eo quia infántiæ impediménta nescívit. Et ideo in Evangélíio nihil super eo légimus, nisi ortum ejus, et oráculum, exsultatió-nem in útero, vocem in deserto.

R. Præcúrsor Dómini venit, de quo ipse testátur : * Nullus major inter natos mulierum Joánnem Baptista. **V.** Hic est enim Prophéta, et plus quam Prophéta, de quo Salvátor ait. Nullus major.

Lectio viij.

NEQVE enim ullam infántiæ sensit ætátem, qui supra natúram, supra ætátem in útero pósitus matris, a mensúra cœpit ætátis ple-

nitúdinis Christi. Mire sanctus Evangelista præmittendum putávit, quod plúrimi infántem patris nómine Zachariam appellándum putáverint : ut advértas matri non nomen alicújus displicuisse degéneris, sed id sancto infúsum Spiritu, quod ab Angelo ante Zachariæ fúerat prænuntiátum. Et quidem ille mutus intimáre vocábulum filii nequívit uxóri : sed per prophetíam Elisabeth didícit, quod non didícerat a marito.

R. Gábriel Angelus apparuit Zachariæ dicens : Nascétur tibi filius, nomen ejus Joánnes vocábitur : * Et multi in nativité ejus gaudébunt. **V.** Erit enim magnus coram Dómino, vinum et sícram non bibet. Et. Glória. Et.

Lectio ix.

JOÁNNES est, inquit, nomen ejus : hoc est, non nos ei nomen impónimus, qui jam a Deo nomen accépit. Habet vocábulum suum, quod agnóvimus, non quod elégit. Habent hoc mérita sanctórum, ut a Deo nomen accípiant. Sic Jacob Israël dicitur, quia Deum vidit. Sic Dóminus noster Jesus nominátus est ántequam natus, cui non Angelus, sed Pater nomen impósuit. Vides, Angelos, quæ audierint, non quæ usurpáverint, nuntiáre. Nec miréris, si nomen mulier, quod non audivit, assérui; quando Spiritus ei

sanctus, qui Angelo mandáverat, revelávit.

Te Deum laudámus. 16.

AD LAUDES

ET PER HORAS

Ant. 1. Elisabeth Zachariæ * magnum virum génuit, Joánnem Baptístam præcursórem Dómini.

Ps. Dóminus regnávít. **cum reliq.** 16.

2. Innuébant patri ejus, * quem vellet vocári eum : et scripsit, dicens : Joánnes est nomen ejus.

3. Joánnes vocábitur * nomen ejus : et in nativité ejus multi gaudébunt.

4. Inter natos mulierum * non surréxit major Joánni Baptista.

5. Tu puer, * Prophéta Altíssimi vocáberis : præibis ante Dóminum paráre vias ejus.

Capitulum. Isaia 49.

AUDÍTE insulæ, et atténdite pópuli de longe : Dóminus ab útero vocávit me, de ventre matris meæ recordátus est nóminis mei.

Hymnus.

ONIMIS felix, meritique celsi,
Nésciens labem nivei pudóris,
Præpotens Martyr, nemo-rúmque cultor,
Máxime Vatum.

Serta ter denis álios corónant

Aucta creméntis, duplicáta quosdam;

Trina te fructu cumulata
centum

Néxibus ornant.

Nunc potens nostri méritis
opimis

Péctoris duros lápidés re-
véllé

Asperum planans iter, et re-
fléxos

Dirige calles.

Ut pius mundi Sator et
Redémptor

Méntibus culpæ sine labe
puris

Rite dignétur véniens beátos
Pónere gressus.

Láudibus cives célebrent
supérni

Te Deus simplex, paritérque
trine,

Súpplices et nos véniam pre-
cámur :

Parce redémpitis. Amen.

Ÿ. Iste puer magnus coram
Dómino. R. Nam et manus
ejus cum ipso est.

Ad Bened. Ant. Apértum
est * os Zachariæ, et prophe-
távit, dicens : Benedictus
Deus Israël.

Oratio.

DEUS, qui præsentem diem
honorábilem nobis in
beáti Joánnis nativité fe-
cisti : da pópulis tuis spiri-
tuálium grátiam gaudiórum;
et ómnium fidélium mentes
dirige in viam salútis ætér-
næ. Per Dóminum.

AD TERTIAM

Ant. Innuébant patri ejus.
Capit. Audíte. *ut supra.*

R. br. Fuit homo * Missus
a Deo. Fuit. Ÿ. Cui nomen

erat Joánnes. Missus. Glória
Patri. Fuit.

Ÿ. Inter natos mulierum
non surréxit major. R. Joánné
Baptista.

AD SEXTAM

Ant. Joánnes vocábitur.

Capitulum. *Isaïæ 49.*

ET nunc hæc dicit Dómi-
nus, formans me ex útero
servum sibi : Dedi te in lu-
cem géntium, ut sis salus
mea usque ad extrémum
terræ.

R. br. Inter natos mulie-
rum * Non surréxit major.
Inter. Ÿ. Joánné Baptista.
Non. Glória Patri. Inter.

Ÿ. Elisabeth Zachariæ ma-
gnum virum génuit. R. Joán-
nem Baptistam Præcursórem
Dómini.

AD NONAM

Ant. Tu puer.

Capitulum. *Isaïæ 49. b*

REGES vidébunt, et consúr-
gent principes, et adorá-
bunt Dóminum Deum tuum,
et sanctum Israël, qui elégit
te.

R. br. Elisabeth Zachariæ *
Magnum virum génuit. Eli-
sabeth. Ÿ. Joánnem Bapti-
stam Præcursórem Dómini.
Magnum. Glória. Elisabeth.

Ÿ. Iste puer magnus coram
Dómino. R. Nam et manus
ejus cum ipso est.

IN II. VESPERIS

Ant. et Capit. de Laud.;
Pss. ut in I. Vesp. de Comm.
Apost. 2*.

Hymn. ut in I. Vesp. 409.

Ÿ. Iste puer magnus coram

Dómino. **R.** Nam et manus ejus cum ipso est.

Ad Magnif. Ant. Puer * qui natus est nobis, plus quam Prophéta est: hic est enim, de quo Salvátor ait: Inter natos mulierum non surrexit major Joánne Baptista.

Et fit Commem. seq.

DIE XXV

S. GULIELMI•ABBATIS

Duplex.

Omnia de Comm. Conf. non Pont. 76*, **præter seq.**

Ant. Similábo eum viro sapiénti, qui ædificávit domum suam supra petram.

V. Amávit eum Dóminus, et ornávit eum. **R.** Stulam glóriæ induit eum.

Oratio.

DEUS, qui infirmitáti nostræ ad teréndam salutis viam in sanctis tuis exemplum, et præsidium collocásti: da nobis, ita beáti Gulielmi Abbátis mérita venerári; ut ejúsdem excipiámus suffrágia, et vestigia prosequámur. Per Dñum.

IN I. NOCTURNO

Lect. de Script. occur.

IN II. NOCTURNO

Lectio iv.

GULIÉLMUS nobilibus parentibus Vercéllis in Insúbria natus, vix quartum decimum ætátis annum expléverat, cum miro quodam pietátis ardóre flagrans, Compostellánam peregrinationem ad celeberrimum sancti Jacóbi templum ag-

gréssus est. Quod iter una amictus túnica, ac dúplici férreo circulo præcinctus, nudisque pédibus prosecútus, aspérrima frígoris et æstus, famis et sitis summo cum vitæ discrimine perpessus est incómoda. Réversus in Itáliam, novam ad sanctum Dómini sepúlcrum peregrinationem molitur: sed quo minus propósitum exsequátur, vária atque gravíssima intercédunt impediménta, divíno númine ad altióra, et sanctióra religiósam júvenis índolem retrahénte. Porro in solículo monte biénnum inter assíduas preces, vigílias, chameúnias, et jejúnia commorátus, divína subnixus ope, cæco lumen restituit; cujus miráculi fama percrebrescénte, jam Guliélmus latére non póterat: quare iterum Hierosólymam cógitat, et álacris se itineri committit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et.

Lectio v.

DEI autem mónitu, qui eidem apparuit, a propósito revocátur, utilior ac fructuósior tam apud Italos, quam apud éxteras nátiónes futúrus. Tum monastérium in Virgiliáni montis cacú-

mine, quod deinde Virginis est appellatum, loco áspero, et inaccessó miránda exædificat celeritáte. Sócios deinde viros, et religiósos adsciscit, eósque ad vivéndi normam evángelicis præcéptis et consiliis summópere accommodátam tum certis légi-
bus ex beáti Benedicti institútis magna ex parte desúptis, tum verbo et sanctissimæ vitæ exémp-
lis infórmatis.

¶ Amávit eum Dóminus, et ornávit eum : stolam gló-
riæ induit eum, * Et ad
portas paradisi coronávit
eum. ¶ Induit eum Dómi-
nus loricam fidei, et orná-
vit eum. Et.

Lectio vj.

ALIIS deinde monastériis
eréctis, clárior in dies
Guliélmi facta sánc-
titas mul-
tos ad eum úndique viros
perducit, sanctitátis odóre,
et miraculórum fama allé-
ctos. Nam muti loquélam,
surdi audítum, áridi vigó-
rem, varióque et immedicá-
bili morbo laborántes, sani-
tátem ipsíus intercessióne
recepérunt. Aquam in vinum
convértit, aliaque complúra
mirabilia patravit : inter quæ
illud non siléndum, quod,
muliércula ad ejus castitá-
tem tentándam missa, in
ardéntibus prunis humistra-
tis illæsum se volutávit. De
qua re cértior factus Rogé-
rius Neápolis rex, in sum-
mam viri Dei veneratióne

addúctur. Demum témpore
sui óbitus regi, aliisque præ-
nuntiáto, innúmeris virtú-
tibus et miráculis clarus ob-
dormívit in Dómino, anno
salútis millésimo centésimo
quadragésimo secúndo.

¶ Iste homo. 83*.

IN III. NOCTURNO

Homil. in Evang. Ecce
nos reliquimus. **de Comm.**
Abbat. 1º loco. 91*.

**In Laud. Commem. Octa-
væ S. Joannis. Ant.** Apér-
tum est. ¶ Iste puer. **Orat.**
Deus, qui. 415.

**Vesp. a Capit. de seq.,
cum Commem. præced. et
Oct. S. Joannis.**

DIE XXVI

SS. JOANNIS ET PAULI

MARTYRUM

Duplex.

Omnia de Communi plur.
Mart. 39*, præter seq.

IN I. VESPERIS

**Quando dicendæ sunt in-
tegræ, Ant. de Laud. Pss.**
ut in I. Vesp. de Communi
Apost. 2*.

Capit., Hymn. et ¶. de
Communi plur. Mart. 39*.

Ad Magnif. Ant. Adstite-
runt justí ante Dóminum, et
ab invicem non sunt sepa-
ráti : cálicem Dómini bibé-
runt, et amíci Dei appelláti
sunt.

Oratio.

QUÆSUMUS, omnipotens
Deus : ut nos gemináta
lætítia hodiérnæ festivitátis
excípiat, quæ de beatórum

Joánnis et Páuli glorificatióne procédit; quos eádem fides et pássio vere fecit esse germános. Per Dóminum.

Et fit Commem. præced.

Ant. Hic vir despiciens mundum et terréna, triúmphans, divítias cælo cóndidit ore, manu.

Ÿ. Justum dedúxit Dóminus per vias rectas. *R.* Et osténdit illi regnum Dei.

Orat. Deus, qui. 416.

Deinde Octavæ S. Joannis.

Ant. Puer qui natus. 416. *Ÿ.* Iste puer. *Orat.* Deus, qui. 415.

IN I. NOCTURNO

Lect. Fratres : Debitóres. *de Comm. plur. Mart.* 42*, cum *R.R.* seq.

R. j. Isti sunt duo viri misericórdiæ, qui assistunt ante Dóminum, * Dominatórem univérsæ terræ. *Ÿ.* Isti sunt duæ olivæ, et duo candelábra lucéntia ante Dóminum. Dominatórem.

R. ij. Vidi conjúctos viros habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei. *Ÿ.* Vidi Angelum Dei fortem, volántem per médium cælum, voce magna clamántem, et dicéntem. Isti sunt.

R. iij. Tradidérunt córpora sua propter Deum ad supplicia : * Et meruérunt habére corónas perpétuas. *Ÿ.* Isti sunt qui venérunt ex magna tribulatióne, et lavé-

runt stolas suas in ságuine Agni. Et. Glória Patri. Et.

IN II. NOCTURNO

Lectio iv.

JOÁNNES et Páulus fratres Románi, cum facultátibus a Constántia Constantini filia, cui pie fidelitérque servierant, sibi relictis, Christi páuperes álerent, a Juliáno Apóstata in número familiárium suórum invitáti, libere negavérunt se apud eum esse velle, qui a Jesu Christo defecisset. Quibus ille ad deliberándum decem dies præfinit, ut nisi ad eam diem ei adhærere, et Jovi sacrificáre constitúerint, sibi moriéndum esse certo sciant.

R. Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis : * Terra appáruit árida, et in mari Rubro via sine impediménto. *Ÿ.* Quóniam percússit petram, et fluxérunt aquæ, et torréntes inundavérunt. Terra appáruit.

Lectio v.

ILLI intra id tempus réliqua sua bona distribuérunt paupéribus, quo expeditiões ad Dóminum migráre possent, et plures juvárent, a quibus in æténa tabernácula reciperéntur. Die déci-ma Terentiánus prætóriæ cohórtis præféctus, ad eos missus, cum alláta Jovis effigie, ut eam veneraréntur,

imperatoris mandatum eis expónit: ut nisi Jovi cultum adhibeant, moriántur. Qui ut erant orántes, respondérunt, se pro Christi fide, quem Deum mente et ore venerabántur, non dubitánter mortem subitúros.

R. Vérbera carníficum non timuérunt sancti Dei, moriéntes pro Christi nómine, * Ut herédes fierent in domo Dómini. **V.** Tradidérunt cónpóra sua propter Deum ad supplicia. Ut.

Lectio vj.

AT Terentiánus véritus, ne si públice interficeréntur, pópulus commoverétur, domi ubi tunc erant, abscissis eórum capitibus, sexto Kaléndas Júlii secréto eos sepeliéndos curávit: rumorémque sparsit, Joánnem et Páulum in exsiliúm ejéctos esse. Verum eórum mors a spiritibus immúndis, qui multórum cónpóra vexábant, pervulgáta est: in quibus Terentiáni filius et ipse oppréssus a dæmone, ad sepúlcrum Mátyrum perductus, liberátus est. Quo miráculo et is in Christum crédidit, et ejus pater Terentiánus, a quo étiam horum beatórum Mátyrum vita scripta esse dicitur.

R. Tamquam áurum. 46*.

IN III. NOCTURNO

Homil. in Evang. Atténdite a fermento. **de eodem Comm. 3º loco. 54*, cum R. viij.** Hæc est vera. 49*.

AD LAUDES

ET PER HORAS

Ant. 1. Páulus et Joánnēs* dixerunt Juliáno: Nos unum Deum cólimus, qui fecit cælum et terram.

Ps. Dóminus regnávít. **cum reliq. 16.**

2. Páulus et Joánnēs* dixerunt Terentiáno: Si tuus dóminus est Juliánus, habéto pacem cum illo: nobis álius non est, nisi Dóminus Jesus Christus.

3. Joánnēs et Páulus* agnoscéntes tyránnidem Juliáni, facultátes suas paupéribus erogáre cœpérunt.

4. Sancti spíritus* et ánimæ justórum hymnum dicite Deo, allelúia.

5. Joánnēs et Páulus* dixerunt ad Gallicánum: Fac votum Deo cæli, et eris victor mélius quam fuisti.

Capit., Hymn. et V. de Comm. 50*.

Ad Bened. Ant. Isti sunt sancti, qui pro Christi amóre minas hóminum contempsérunt: sancti Mátyres in regno cælórum exsúltant cum Angelis: o quam pretiósa est mors sanctórum, qui assidue assistunt ante Dóminum: et ab invicem non sunt separáti.

Oratio.

QUÆSUMUS omnípotens Deus: ut nos gemináta lætítia hodiérnæ festivitátis excípiat, quæ de beatórum Joánnis et Páuli glorificatióne procédit; quos éadem

fides et pãssio vere fecit esse germãnos. Per Dóminum.

Deinde fit Commem. Oct. S. Joannis. Ant. Apértum. **ŷ.** Iste puer. **Orat.** Deus, qui præséntem. 415.

AD HORAS

Ant. sumuntur ex Laud., ut supra; **Capit. et Rñ. br.** ut in **Comm. plur. Mart. 50*.**

IN II. VESPERIS

Ant. de Laud.; Pss. ut in I. Vesp. de Comm. Apost. 2*, et loco ult., Ps. Crédidi. 16*. Capit. et Hymn. de Comm. 39*.

ŷ. Exsultábunt sancti in glória. **Rñ.** Lætabúntur in cubilibus suis.

Ad Magnif. Ant. Isti sunt duæ olivæ, et duo candelabra lucéntia ante Dóminum : habent potestátem cláudere cælum núbibus, et aperire portas ejus : quia linguæ eórum claves cæli factæ sunt.

Deinde fit Commem. Oct. S. Joannis. Ant. Puer. 416. **ŷ.** Iste puer. **Orat.** Deus, qui præséntem. 415.

DIE XXVII

IV. DIE INFRA OCTAVAM NATIVITATIS S. JOANNIS

IN I. NOCTURNO

Lect. de Script. occur.

IN II. NOCTURNO

Sermo sancti Basilii Magni.

Homil. 2. in Psalmo 28.

Lectio iv.

Vox Dómini super aquas. Qualis vox, super quas aquas? Velut prophetiam accipiámus quod dictum est.

Memineris Joánnis, qui interrogátus a Judæis : Tu quis es? quod respónsum dábi-mus iis, qui misérunt nos? respóndit : Ego vox clamán-tis in desérto. Igitur vox Dómini est Joánnes, Ange-lus a Deo missus ante fáciem Dómini, ut paráret Dómino plebem perféctam. Hæc ígi-tur vox super aquas, erat super Jordánem, in quo baptizábat prædicans pœni-téntiæ baptismum. Et non solum in Jordáne, sed étiam in Ænon prope Salim, quia aquæ multæ erant illic.

Rñ. Descéndit. 412.

Lectio v.

IGITUR vox Dómini super aquas, Joánnes est super baptismum. Illic et Deus ma-jestátis intónuit. Venit enim vox de cælo, dicens : Hic est Filius meus diléctus, in quo mihi complácu. Tunc étiam Dóminus super aquas mul-tas dignátus est descéndere in baptisma Joánnis, ut com-pléret omnem justítiam quæ in lege est. Vox Dómini in virtúte. Aufert enim debili-tátes pópuli per pœniténtiæ baptismum, per ipsum ba-ptizans in aqua ad pœnitén-tiam. In virtúte est vox, di-cens : Pœniténtiam ágite, appropinquávit enim re-gnum cælórum : et, Fácite fructus dignos pœniténtiæ.

Rñ. Hic est. 412.

Lectio vj.

Vox Dómini confringéntis cedros. Potest dici, quod

parans Dómino pópulum perféctum, elátas impietátes, et contra cognitióem Dei exaltátas confringens, ac cónterens, obliqua faciébatur recta. Qui enim omnem collem ac montem humiliat, hic erat qui confringébat cedros, et Dómino viam adæquábat, per hoc quod ad pœniténtiam inducébat altum, et elátum, et supérbum cor. Unde ejus præparatióem suscipiens Dóminus, suo advéntu confrégit oppósitas poténtias, cedros Libani figuráte dictas. Opórtet enim Dóminum regnáre, donec ponat inimicos sub pedes suos, et cedros istas comminuat.

¶ Innuébant. 413.

IN III. NOCTURNO

Léctio sancti Evangélíi
secúndum Lucam.

Lectio vij. Cap. 1. f

ELISABETH implétum est tempus pariéndi, et péperit filium. Et audiérunt vicini et cognáti ejus quia magnificávit Dóminus misericórdiam suam cum illa, et congratulabántur ei. Et reliqua.

De Homilia sancti Ambrósii
Episcopi.

Lib. 2. in Luc. cap. 1.
in fine.

ET Zacharias pater ejus implétus est Spiritu sancto, et prophetábat. Vide quam bonus Deus, et fácilis indulgére peccátis. Non solum abláta restituit, sed

étiam insperáta concédit. Ille dudum mutus prophétat. Hæc enim grátia Dei máxima, quod eum, qui negáverat, confitétur. Nemo ergo diffídat, nemo véterum cóncilius delictórum præmia divina despéret. Novit Dóminus mutáre senténtiam, si tu nóveris emendáre delictum.

¶ Præcúrsor Dómini. 413.

Lectio viij.

ET tu puer, Prophéta Altissimi vocáberis. Pulchre, cum de Dómino prophetáret, ad Prophétam sua verba convértit, ut hoc quoque beneficium esse Dómini designáret: ne cum públice enumeráret sua, quasi ingrátus tacuisse viderétur quæ agnoscébat in filio. Sed fortásse áliqui quasi irratióabilem mentis excéssum putent, quod octo diérum allóquitur infántem. Verum, si teneámus, intelligémus profecto quod pótuit vocem patris natus audire, qui Mariæ salutatióem ántequam nascerétur audivit.

¶ Gábríel. 414.

Lectio ix.

SCIÉBAT profecto álias esse áures prophétæ, quæ Spiritu Dei, non córporis ætáte reserántur. Habébat intelligéndi sensum, qui exsultándi habébatafféctum. Simul illud advérte, quam páucis Elisabeth, quam multis Zacharias prophetet: et utérque sancto replétus Spi-

ritu loquebátur : sed disciplina servátur, ut mŭlier discere magis quæ divína sunt, stúdeat, quam docere.

Te Deum laudámus. 16.

Vesp. de seq., cum Commem. Oct. S. Joannis.

DIE XXVIII

SANCTI LEONIS II.

PAPÆ ET CONFESSORIS

Semiduplex.

Si hoc Festum venerit in Dominica, Officium fit de Dominica cum Commem. S. Leonis in I. Vesp. et Laudibus ac Lect. ix. historica (ex tribus una), et in Sab-bato, in quo fit de Octava S. Joannis, legitur ix. Lect. de Homil. Vigil. Apost., cum Commem. ejusdem in Laud. tantum.

Omnia de Comm. Conf. Pont. 55*, præter seq.

Oratio.

DEUS, qui beátum Leónem Pontificem sanctórum tuórum méritis coæquásti : concéde propítius; ut, qui commemoratiónis ejus festa percólimus, vitæ quoque imitémur exémp-la. Per Dó-minum.

Et fit Commem. Oct. sancti Joannis. Ant. Puer. 416. Ÿ. Iste puer. Orat. Deus, qui præsentem. 415.

IN I. NOCTURNO

Lect. de Script. occur.

IN II. NOCTURNO

Lectio iv.

LEO secúndus, Póntifex Máximus, Sículus, hu-

mánis et divínis litteris græce et latine doctus, músicis étiam eruditus fuit : ipse enim sacros Hymnos et Psal-mos in Ecclésia ad concéntum meliorem redúxit. Probávit acta sextæ sýnodi, quæ Constantinópoli cele-bráta est, præsidéntibus le-gátis apostólicæ Sedis, præ-sente quoque Constantino imperatóre, et duóbus pa-triárchis, Constantinopoli-táno et Antiochéno, ac cen-tum septuaginta episcopis : quam et in latinum tráns-tulit.

Ŗ. Invéni David servum meum, óleo sancto meo unxi eum : * Manus enim mea auxiliábitur ei. Ÿ. Nihil proficiet inimicus in eo, et filius iniquitátis non nocébit ei. Manus.

Lectio v.

IN eo concílio Cyrus, Sér-gius et Pyrrhus conde-mnátí sunt, unam tantúmmodo voluntátem et operatió-nem in Christo prædicán-tes. Hic fregit supérbiam antistitum Ravennátum, qui exarchórum freti poténtia, Sedi apostólicæ non obtem-perábant. Quamóbrem de-crévit, ut eléctio cleri Ra-vennatís irrita esset, nisi Románi Pontificis auctori-táte comprobarétur.

Ŗ. Pósui adjutórium super poténtem, et exaltávi elé-ctum de plebe mea : * Manus enim mea auxiliábitur ei. Ÿ. Invéni David servum meum,

óleo sancto meo unxi eum.
Manus.

Lectio vj.

VERE pater páuperum fuit : non enim pecúnia solum, sed ópera, labóre et consíliis egéntium viduárum et pupillórum inópíam ac solitúdinem sublevábat. Qui dum singulos non magis prædicatióne quam vita ad pie sanctéque vivéndum adhortarétur ; mense sui pontificátus décimo, et diébus decem et septem, obdormivit in Dómino : sepultúsque est in basilica sancti Petri, quarto Kaléndas Júlii. Ordinatióne una mense Júnio creávit presbýteros novem, diáconos tres, episcopos divérsis in locis viginti tres.

R. Iste est. 62*.

IN III. NOCTURNO

Homil. in Evang. Homo péregre. de eodem Comuni 1º loco. 64.*

Lectio ix. de Vigilia SS. Apost. Petri et Pauli.

Léctio sancti Evangélíi secúndum Joánnem.

Lectio ix. Cap. 21. c

IN illo témpore : Dixit Jesus Simóni Petro : Simon Joánnis diligis me plus his? Et réliqua.

Homilía sancti Augustíni
Episcopi.

Tractatus 123. in Joannem, in medio.

RÉDDITUR negatióni trinæ trina conféssio, ne minus amóri lingua sérviat, quam timóri : et plus vocis elícuisse videátur mors imminens, quam vita præsens. Sit amóris officium páscere Dómicum gregem, si fuit timóris indicium negáre pastórem. Qui hoc ánimo pascunt oves Christi, ut suas velint esse, non Christi, se convincúntur amáre, non Christum : vel gloriándi, vel dominándi, vel acquiréndi cupiditate ; non obediéndi, et subveniéndi, et Deo placéndi caritate.

Te Deum laudámus. 16.

In Laudibus fit Commem.

Oct. Ant. Apértum. V. Iste puer. Orat. Deus, qui. 415.

Deinde Vigiliæ, Ant. ad Bened. et V. de Feria occur., ut in Psalt.

Oratio.

PRÆSTA, quæsumus omnipotens Deus : ut nullis nos permittas perturbatió nibus cóncuti, quos in apostólicæ confessiós petra solidásti. Per Dóminum.

Vesp. de seq. Festo.





DIE XXIX

SS. APOSTOLORUM PETRI ET PAULI

Duplex 1. classis.

IN I. VESPERIS

Ant. de Laud. 428; Pss. ut in I. Vesp. de Comuni Apost. 2.*

Capitulum. Act. 12.

MISIT Heródes rex manus, ut affligeret quosdam de Ecclesia. Occidit autem Jacóbum fratrem Joánnis gládio. Videns autem quia placéret Judæis, appósuit ut apprehénderet et Petrum.

Hymnus.

DECORA lux æternitátis, auream
Diem beátis irrigávit ignibus,
Apostolórum quæ corónat
Príncipes,
Reisque in astraliberam pandit viam.

Mundi magíster, atque
cæli jánitor,
Romæ paréntes, arbitrique
géntium,
Per ensis ille, hic per crucis victor necem
Vitæ senátum laureáti pósident.

O Roma felix, quæ duórum
Príncipum
Es consecráta glorióso sanguine :

Horum cruóre purpuráta
cæteras
Excéllis orbis una pulchritúdines.

Sit Trinitáti sempitérna
glória,
Honor, potéstas, atque jubilatío,
In unitáte quæ gubérnat
omnia,
Per univérsa sæculórum sæcula. Amen.

ŷ. In omnem terram exiit sonus eórum. *ŷ.* Et in fines orbis terræ verba eórum.

Ad Magnif. Ant. Tu es pastor óvium, princeps Apostolórum : tibi tráditæ sunt claves regni cælórum.

Oratio.

DEUS, qui hodiérnam diem Apostolórum tuórum Petri et Páuli martýrio consecrásti : da Ecclesiæ tuæ, eórum in ómnibus sequi præceptum, per quos religiónis sumpsit exórdium. Per Dóminum.

Et non fit Commem. S. Pauli, cum Oratio sit communis, nec Oct. S. Joannis.

AD MATUTINUM

Omnia de Comm. Apost. præter Lect. et ŷŷ. 4.*

IN I. NOCTURNO

De Actibus Apostolorum.

Lectio j. Cap. 3.

PETRUS autem et Joannes ascendebant in templum ad horam orationis nonam. Et quidam vir, qui erat claudus ex utero matris suae, balulabatur : quem ponebant quotidie ad portam templi, quae dicitur Speciosa, ut peteret eleemosynam ab introeuntibus in templum. Is cum vidisset Petrum et Joannem incipientes introire in templum, rogabat ut eleemosynam acciperet. Intuens autem in eum Petrus cum Joanne, dixit : Respice in nos. At ille intendebat in eos, sperans se aliquid accepturum ab eis.

R. Simon Petre, antequam de navi vocarem te, novi te, et super plebem meam principem te constitui : * Et claves regni caelorum tradidi tibi. **V.** Quodcumque ligaveris super terram, erit ligatum et in caelis : et quodcumque solveris super terram, erit solutum et in caelis. Et.

Lectio ij.

PETRUS autem dixit : Argentum et aurum non est mihi : quod autem habeo, hoc tibi do : In nomine Jesu Christi Nazareni surge, et ambula. Et apprehensa manu ejus dextera, allevavit eum, et protinus consolidatae sunt bases ejus, et plantae. Et exsiliens stetit,

et ambulabat : et intravit cum illis in templum ambulans, et exsiliens, et laudans Deum. Et vidit omnis populus eum ambulantem, et laudantem Deum. Cognoscabant autem illum, quod ipse erat, qui ad eleemosynam sedebat ad Speciosam portam templi : et implati sunt stupore et extasi in eo, quod contigerat illi.

R. Si diligis me Simon Petre, pasce oves meas. Domine tu nosti quia amo te, * Et animam meam pono pro te. **V.** Si oportuerit me mori tecum, non te negabo. Et.

Lectio iij.

CUM teneret autem Petrum, et Joannem, cucurrit omnis populus ad eos ad porticum, quae appellatur Salomonis, stupentes. Videns autem Petrus, respondit ad populum : Viri Israelitae, quid miramini in hoc, aut nos quid intuemini, quasi nostra virtute aut potestate fecerimus hunc ambulare? Deus Abraham, et Deus Isaac, et Deus Jacob, Deus patrum nostrorum glorificavit Filium suum Jesum, quem vos quidem tradidistis, et negastis ante faciem Pilati, judicante illo dimitti. Vos autem sanctum, et justum negastis, et petistis virum homicidam donari vobis : auctorem vero vitae interfecistis, quem Deus suscitavit a mortuis, cujus nos testes sumus. Et in fide

nóminis ejus, hunc, quem vos vidistis, et nostis, confirmávit nomen ejus : et fides, quæ per eum est, dedit integram sanitátem istam in conspéctu ómnium vestrum.

R. Tu es Petrus, et super hanc petram ædificábo Ecclésiám meam, et portæ inferi non prævalébunt adversus eam : * Et tibi dabo claves regni cælórum. **V.** Quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. Et tibi. Glória Patri. Et tibi.

IN II. NOCTURNO

Sermo sancti Leónis Papæ.

Serm. 1. in natali Apost.

Petri et Pauli.

Lectio iv.

OMNIUM quidem sanctárum solemnitatú, dilectissimi, totus mundus est particeps, et unius fidei pietas éxigit, ut quidquid pro salute universórum gestum recólitur, commúnibus ubique gáudiis celebrétur. Verúm tamen hodiérna festívitás, præter illam reveréntiam, quam toto terrárum orbe promérui, speciáli et própria nostræ Urbis exsultatíone veneránda est, ut ubi præcipuórum Apostolórum glorificátus est éxitus, ibi in die marlyrii eórum sit lætitiæ principátus. Isti enim sunt viri, per quos tibi Evangelium Christi Roma re-

splénduit, et quæ eras magistra erróris, facta es discipula veritátis.

R. Dómine, si tu es, jube me venire ad te super aquas. * Et extendens manum apprehéndit eum, et dixit Jesus : Módicæ fidei, quare dubitásti? **V.** Cumque vidisset ventum válidum veniéntem, tímuit : et cum cœpisset mergi, clamávit dicens : Dómine salvum me fac. Et.

Lectio v.

ISTI sunt patres tui, verique pastóres, qui te regnis cæléstibus inseréndam multo mélius multóque felicius condidérunt, quam illi, quorum stúdio prima mœnium tuórum fundaménta locáta sunt : ex quibus is, qui tibi nomen dedit, fraterna te cæde fœdávit. Isti sunt, qui te ad hanc glóriam provexérunt, ut gens sancta, pópulus eléctus, civitas sacerdotális et régia, per sacram beáti Petri Sedem caput orbis effécta, lálius præsidéres religióne divína, quam dominatióne terréna. Quamvis enim multis áucta victóriis, jus impérii tui terra marique protúleris : minus tamen est, quod tibi béllicus labor súbdidit, quam quod pax christiána subjécit.

R. Surge Petre, et índue te vestiméntis tuis, áccipe fortitúdinem ad salvándas gentes : * Quia cecidérunt caténæ de mánibus tuis. **V.**

Angelus Dómini ádstitit, et lumen refúlsit in habitáculo cárceris, percussóque látere Petri excitávit eum, dicens : Surge velócitèr. Quia.

Lectio vj.

DISPÓSITO namque divinitus óperi máxime congruébat, ut multa regna uno confœderaréntur império, et cito pèrvios habéret pópulos prædicatio generális, quos unius tenéret régimen civitátis. Hæc áutem civitasignórans suæ provectionis auctórem, cum pene ómnibus dominarétur gèntibus, ómnium gèntium serviébat erróribus : et magnam sibi videbátur assumpsisse religiónem, quia nullam respuébat falsitátem. Unde quantum erat per diabolum tenácius illigáta, tantum per Christum est mirabilis absolúta.

R. Tu es pastor óvium, princeps Apostolorum : tibi tradidit Deus ómnia regna mundi : * Et ideo tibi traditæ sunt claves regni cælórum.

V. Quodcúmque ligáveris super terram, erit ligátum et in cælis : et quodcúmque solveris super terram, erit solútum et in cælis. Et. Glória Patri. Et.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 16. b

IN illo témpore : Venit Jesus in partes Cæsaráe Philippi : et interrogábat discipulos suos, dicens :

Quem dicunt hómines esse Filium hóminis? Et réliqua.

Homilia sancti Hierónymi Presbýteri.

Lib. 3. Comm. in Matth. cap. 16.

PULCHRE intérogat : Quem dicunt hómines esse Filium hóminis? quia qui de filio hóminis loquúntur, hómines sunt : qui vero divinitátem ejus intélligunt, non hómines, sed dii appellántur. At illi dixérunt : Alii Joánnem Baptistam, álii áutem Eliam. Miror quosdam intérpretes cáusas errórum inquirere singulórum, et disputatiónem longissimam téxere, quare Dóminum nostrum Jesum Christum álii Joánnem putáverint, álii Eliam, álii Jeremíam, aut unum ex prophétis : cum sic potúerint erráre in Elia et Jeremía, quo modo Heródes errávit in Joánnè, dicens : Quem ego decollávi Joánnem, ipse surréxit a mórtuis, et virtútes operántur in eo.

R. Ego pro te rogávi Petre, ut non deficiat fides tua : * Et tu aliquándo convérsus confirma fratres tuos.

V. Caro et sanguis non revelávit tibi, sed Pater meus, qui est in cælis. Et tu.

Lectio viij.

Vos áutem quem me esse dicitis? Prudens lector atténde, quod ex consequéntibus, textúque sermónis,

Apóstoli nequáquam hómines, sed dii appellántur. Cum enim dixisset : Quem dicunt hómines esse Filium hóminis? subjécit : Vos áutem quem me esse dicitis? Illis, quia hómines sunt, humana opinántibus, vos qui estis dii, quem me esse existimátis? Petrus ex persóna ómnium Apostolorum profitétur : Tu es Christus Filius Dei vivi. Deum vivum appellat, ad distinctionem eórum deórum, qui putántur dii, sed mórtui sunt.

R. Quem dicunt hómines esse Filium hóminis? dixit Jesus discipulis suis. Respóndens Petrus dixit : Tu es Christus Filius Dei vivi. * Et ego dico tibi, quia tu es Petrus, et super hanc petram ædificábo Ecclésiám meam.

V. Beátus es Simon Bar-Jona, quia caro et sanguis non revelávit tibi, sed Pater meus, qui est in cælis. Et. Glória Patri. Et.

Lectio ix.

RESPÓNDENS áutem Jesus, dixit ei : Beátus es Simon Bar-Jona. Testimónio de se Apóstoli reddit vicem. Petrus dixerat : Tu es Christus Filius Dei vivi : mercédem recépit vera conféssio : Beátus es Simon Bar-Jona. Quare? Quia non revelávit tibi caro et sanguis, sed revelávit Pater. Quod caro et sanguis reveláre non pótuit, Spíritus sancti grátia revelátum est. Ergo ex confes-

sione sortitur vocábulum, quod revelatióem ex Spíritu sancto hábeat, cujus et filius appellándus sit. Siquidem Bar-Jona in nostra lingua sonat, filius columbæ.

Te Deum laudámus. 16.

AD LAUDES

ET PER HORAS

Ant. 1. Petrus et Joánnēs ascendébant in templum ad horam oratiónis nonam.

Ps. Dóminus regnávit. *cum reliq.* 16.

2. Argéntum et áurum * non est mihi : quod áutem hábeo, hoc tibi do.

3. Dixit Angelus ad Petrum : * Circúmda tibi vestiméntum tuum, et séquere me.

4. Misit Dóminus * Angelum suum, et liberávit me de manu Heródis, allelúia.

5. Tu es Petrus, * et super hanc petram ædificábo Ecclésiám meam.

Capitulum. Act. 12.

MISIT Heródes rex manus, ut affligeret quosdam de Ecclésia. Occidit áutem Jacobum fratrem Joánnis gládio. Videns áutem quia placéret Judæis, appósuit ut apprehénderet et Petrum.

Hymnus.

BEÁTE Pastor Petre clemens áccipe
Voces precántum, criminúmque vincula
Verbo resólve, cui potéstas trádicta,
Aperíre terris cælum, apértum cláudere.

EGRÉGIE Doctor Páule mo-
res instrue,
Et nostra tecum pectora in
cælum trahe :

Veláta dum meridiem cernat
fides,

Et solis instar sola regnet
cáritas.

Sit Trinitáti sempitérna
glória,

Honor, potestas, atque jubi-
látio,

In unitáte quæ gubérnat
ómnia,

Per univérsa æternitátis sæ-
cula. Amen.

Ÿ. Annuntiavérunt ópera
Dei. **R.** Et facta ejus intel-
lexérunt.

Ad Bened. Ant. Quodcúm-
que ligáveris super terram,
erit ligátum et in cælis : et
quodcúmque sólveris super
terram, erit solútum et in
cælis : dicit Dóminus Simóni
Petro.

Oratio.

DEUS, qui hodiérnam diem
Apostolorum tuorum Pe-
tri et Páuli martyrio conse-
crásti : da Ecclesiæ tuæ, eó-
rum in ómnibus sequi præ-
céptum, per quos religiónis
sumpsit exórdium. Per Dñm.

AD TERTIAM

Ant. Argéntum et áurum.

Capitulum Misit Heródes.
ut supra.

R. br. In omnem terram
* Exivit sonus eórum. In
omnem. Ÿ. Et in fines orbis
terræ verba eórum. Exivit.
Glória Patri. In omnem.

Ÿ. Constitues eos princi-

pes super omnem terram.
R. Mémores erunt nóminis
tui Dómine.

AD SEXTAM

Ant. Dixit Angelus ad Pe-
trum.

Capitulum. Act. 12.

PETRUS quidem servabátur
in cárcere. Orátio áutem
fiébat sine intermissióne ab
Ecclesiá ad Deum pro eo.

R. br. Constitues eos prin-
cipes * Super omnem terram.
Constitues. Ÿ Mémores erunt
nóminis tui Dómine. Super.
Glória Patri. Constitues.

Ÿ. Nimis honoráti sunt
amici tui Deus. **R.** Nimis
confortátus est principátus
eórum.

AD NONAM

Ant. Tu es Petrus.

Capitulum. Act. 12. b

ET Petrus ad se revérsus,
dixit : Nunc scio vere,
quia misit Dóminus Ange-
lum suum, et eripuit me de
manu Heródis, et de omni
expectatióne plebis Judæó-
rum.

R. br. Nimis honoráti sunt
* Amici tui Deus. Nimis. Ÿ.
Nimis confortátus est princi-
pátus eórum. Amici. Glória
Patri. Nimis.

Ÿ. Annuntiavérunt ópera
Dei. **R.** Et facta ejus intel-
lexérunt.

IN II. VESPERIS

**Ubi non est faciendum Of-
ficium S. Pauli in ecclesia
propria, Ant. et Psalmi ul
in II. Vesp. de Comm. Apost.
15*.**

Capit. et Hymn. ut supra in I. Vesp. 424.

Ÿ. Annuntiavérunt ópera Dei. *R.* Et facta ejus intellexérunt.

Ad Magnif. Ant. Hódie Simon Petrus ascéndit crucis patibulum, allelúia : hódie claviculárius regni gáudens migrávit ad Christum : hódie Páulus Apóstolus, lumen orbis terræ, inclináto cápite pro Christi nómine martýrio coronátus est, allelúia.

Et non fit Commem. S. Pauli, nec Oct. sancti Joannis.

Ubi vero fit Officium S. Pauli in ecclesia propria :

IN I. VESPERIS

Ant. et Capit. de Laud. 434 ; **Pss. ut in I. Vesp. de Comm. Apost.** 2*.

Hymnus. Egrégie Doctor. 429.

Ÿ. Tu es vas electiónis sancte Páule Apóstole. *R.* Prædicátor veritátis in univérso mundo.

Ad Magnif. Ant. Sancte Páule Apóstole, prædicátor veritátis et Doctor Géntium, intercède pro nobis ad Deum, qui te elégit.

Oratio ut infra in Laudibus. 435.

Deinde fit Commem. S. Petri tantum, ibidem.

Et non fit Commem. Oct. S. Joannis neque in Laud.

Si Commem. S. Pauli venerit in die Oct. Corporis Christi extra propriam ec-

clesiam, transfertur, juxta Rubricas, in primam diem liberam, ac totum Officium fit ut in propria ecclesia.

DIE XXX

IN COMMEMORATIONE
SANCTI PAULI APOSTOLI

Duplex majus.

Omnia ut in Comm. Apost. 2*, **præter seq.**

AD MATUTINUM

Invit. Regem Apostolorum Dóminum, * Venite adorémus.

Ps. Venite, exultémus. 2.

Hymn. Egrégie Doctor. ut supra. 429.

IN I. NOCTURNO

Ant. Qui operátus est Petro in apostolátum, operátus est et mihi inter gentes : et cognovérunt grátiam, quæ data est mihi a Christo Dómino.

Ant. Scio cui crédidi, et certus sum, quia potens est depósitum meum serváre in illum diem, justus judex.

Ant. Mihi vivere Christus est, et mori lucrum : gloriári me opórtet in cruce Dómini nostri Jesu Christi.

Ÿ. In omnem terram exivit sonus eórum. *R.* Et in fines orbis terræ verba eórum.

De Actibus Apostolorum.

Lectio j. Cap. 13.

ERANT autem in Ecclésia, quæ erat Antiochiæ, prophætæ, et doctóres, in quibus Bárnabas, et Simon, qui vocabátur Niger, et Lúcius

Cyrenénsis, et Mánahen, qui erat Heródis Tetrárchæ col-lactáneus, et Sáulus. Mini-strántibus áutem illis Dómino, et jejunántibus, dixit illis Spíritus sanctus : Segre-gáte mihi Sáulum et Bárna-bam in opus, ad quod as-súmpsí eos. Tunc jejunántes, et orántes, imponentésque eis manus, dimisérunt illos. Et ipsi quidem missi a Spí-ritu sancto abiérunt Seleu-ciam ; et inde navigavérunt Cyprum.

℞. Qui operátus est Petro in apostolátum, operátus est et mihi inter gentes : * Et cognovérunt grátiam Dei, quæ data est mihi. ✠ Grátia Dei in me vácuá non fuit, sed grátia ejus semper in me manet. Et.

Lectio ij.

ET cum venissent Salami-nam, prædicábant ver-bum Dei in synagógis Ju-dæórum. Habébant áutem et Joánnem in ministério. Et cum perambulássent univér-sam ínsulam usque Paphum, invenérunt quemdam virum magum pseudoprophétam, Judæum, cui nomen erat Barjésu, qui erat cum pro-cónsule Sérgio Páulo viro prudente. Hic, accersítis Bárnaba, et Sáulo, desiderábat audire verbum Dei. Re-sistébat áutem illis Elymas magus, (sic enim interpretátur nomen ejus) quærens avértere procónsulem a fide.

℞. Bonum certámen cer-

távi, cursum consummávi, fidem servávi : * Ideóque repósita est mihi coróna ju-stitiæ. ✠ Scio cui crédidi, et certus sum quia potens est depósitum meum serváre in illum diem. Ideóque.

Lectio iij.

SÁULUS áutem, qui et Páu-lus, replétus Spíritu san-cto, íntuens in eum, dixit : O plene omni dolo, et omni fallácia, fili diáboli, inimíce omnis justitiæ, non désinis subvértere vias Dómini re-ctas. Et nunc ecce manus Dómini super te, et eris cæ-cus, non videns solem us-que ad tempus. Et conféstim cécidit in eum caligo, et té-nebræ, et circúiens quæré-bat qui ei manum daret. Tunc procónsul cum vidísset factum, crédidit admirans super doctrína Dómini. Et cum a Papho navigássent Páulus, et qui cum eo erant, venérunt Pergen Pamphý-liæ. Joánnes áutem discé-dens ab eis, revérsus est Jerosólymam.

℞. Repósita est mihi co-róna justitiæ : * Quam reddet mihi Dóminus in illum diem, justus judex. ✠ Scio cui cré-didi, et certus sum, quia potens est depósitum meum serváre in illum die. Quam. Glória Patri. Quam.

IN II. NOCTURNO

Ant. Tu es vas electiónis, sancte Páule Apóstole, præ-dicátor veritátis in univérso mundo.

Ant. Magnus sanctus Páulus vas electiónis, vere digne est glorificándus, qui et méruit thronum duodécimum possidere.

Ant. Bonum certámen certávi, cursum consummávi, fidem servávi.

V. Constitues eos príncipes super omnem terram.

R. Mémoires erunt nóminis tui Dómine.

Ex libro sancti Augustíni
Episcopi de grátia et líbero arbitrio.

Lectio iv. Cap. 6.

APÓSTOLUS Páulus, quem certe invénimus sine ullis méritis bonis, imo cum multis méritis malis, Dei grátiam consecútum, reddéntis bona pro malis, videámus quid dicat, sua jam propinquánte passióne, scribens ad Timótheum : Ego enim jam immolor, inquit, et tempus resolutionis meæ instat. Bonum certámen certávi, cursum consummávi, fidem servávi. Ista útique jam mérita sua bona commemorat : ut post bona mérita consequátur corónam, qui post mérita mala consecútus est grátiam. Dénique atténdite quid sequáur : Súperest, inquit, mihi coróna justitiæ, quam reddet mihi Dóminus in illa die justus judex. Cui rédderet corónam justus judex, si non donásset grátiam miséricors pater? Et quómodo esset ista coróna justitiæ, nisi præcessis-

set grátia, quæ justificat impium? Quómodo ista débita redderétur, nisi prius illa grátuita donarétur?

R. Tu es vas electiónis sancte Páule Apóstole, prædicátor veritátis in univérso mundo, * Per quem omnes gentes cognovérunt grátiam Dei. **V.** Intercéde pro nobis ad Deum, qui te elégit. Per.

Lectio v.

PROÍNDE considerémus ipsa mérita Apóstoli Páuli, quibus dixit corónam redditúrum júdicem justum : et videámus utrum mérita ipsíus, tamquam ipsíus, id est, ex ipso ei comparáta, an donasint Dei. Bonum, inquit, certámen certávi, cursum consummávi, fidem servávi. Primo ista bona ópera, si non ea præcessissent cogitationes bonæ, nulla essent. Atténdite itaque quid de ipsis cogitátionibus dicat. Ait enim scribens ad Corinthios : Non quia idónei sumus cogitare áliquid a nobis, tamquam a nobismetipsis ; sed sufficiéntia nostra ex Deo est. Deínde singula inspiciámus.

R. Grátia Dei sum id quod sum : * Et grátia ejus in me vácuca non fuit, sed semper in me manet. **V.** Qui operátus est Petro in apostolátum, operátus est et mihi inter gentes. Et grátia ejus.

Lectio vj.

BONUM, inquit, certámen certávi. Quæro qua vir-

tute certáverit : utrum quæ illi ex semetipso fúerit, an quæ désuper data sit? Sed absit, ut tantus doctor ignoráverit legem Dei, cujus vox est in Deuteronomio : Ne dicas in corde tuo : Fortitúdo mea et poténtia manus meæ fecit mihi virtútem magnam hanc, sed memoráberis Dómini Dei tui, quia ipse tibi dat fortitúdinem fácere virtútem. Quid áutem prod-est bonum certámen, nisi sequátur victória? Et quis dat victóriam, nisi ille, de quo dicit ipse : Grátias Deo, qui dat nobis victóriam per Dóminum nostrum Jesum Christum?

R. Sáulus, qui et Páulus, magnus prædicátor, * A Deo confortátus convalescébat, et confundébat Judæos. **V.** Osténdens quia hic est Christus Filius Dei. A Deo. Gló-ria Patri. A Deo.

IN III. NOCTURNO

Ant. Sáulus, qui et Páulus, magnus prædicátor, a Deo confortátus convalescébat, et confundébat Judæos.

Ant. Ne magnitúdo revelatiónum extóllat me, datus est mihi stimulus carnis meæ, ángelus sátanæ, qui me colaphizet : propter quod ter Dóminum rogávi ut auferretur a me; et dixit mihi Dóminus : Súfficit tibi Páule grátia mea.

Ant. Repósita est mihi coróna justitiæ, quam reddet

mihi Dóminus in illa die justus judex.

V. Nimis honoráti sunt amici tui Deus. **R.** Nimis confortátus est principátus eórum.

Lectio sancti Evangélii secundum Matthæum.

Lectio vij. Cap. 10. b

In illo témpore : Dixit Jesus discipulis suis : Ecce ego mitto vos sicut oves in médio lupórum. Et réliqua.

Homilia sancti Joánnis Chrysóstomi.

Homil. 34. in Matth., longe post init.

Sic dicere vidétur : Nolite turbári, si cum vos inter lupos mitto, tamquam oves et colúmbas esse júbeo. Nam etsi possum contrárium quoque præstáre, et non per-mittere ut grave áliquid patiámini, nec lupis tamquam oves subjécti sitis, sed effícere ut leónibus terribilióres evadátiis : tamen sic expedit fieri : hoc et vos quoque illustrióres faciet, et meam declarábit virtútem. Sic enim póstea dixit Páulo : Súfficit tibi grátia mea : nam virtus mea in infirmitáte perficitur. Ipse igitur vos ut tales essétiis feci.

R. Sancte Páule Apóstole, prædicátor veritátis, et doctor géntium, * Intercéde pro nobis ad Deum, qui te elégit, ut digni efficiámur grátia Dei. **V.** Tu es vas electiόνis sancte Páule Após-

stole, prædicátor veritátis. Intercéde.

Lectio viij.

SED inspiciámus quam prudéntiam éxigit : serpéntis certe. Nam quemádmódum serpens totum seípsum tradit, nec mínimum curat, si ipsum quoque corpus incidi necesse sit, dúmmo caput suum íntegrum servet : eódem tu quoque modo, præter fidem cætera pérdere non cures, sive pecúnias, sive corpus, sive étiam vitam ipsam profúndere necesse sit. Fides enim caput est et radix : qua serváta, etiámsi ómnia perdas, ómnia tamen rursus majóre cum glória recuperábis. Idcirco nec simplices solum jussit esse, nec prudéntes solum : sed ambo hæc in unum miscuit, ut ea in virtútem convertántur.

R. Damásci præpósitus gentis Arétæ regis vóluit me comprehéndere : * Et a fratribus per murum demíssus sum in sporta : * Et sic evási manus ejus in nómine Dómini. **V.** Deus et Pater Dómini nostri Jesu Christi scit quia non méntior. Et a fratribus. Glória Patri. Et sic.

Lectio ix.

QUOD si rebus ipsis id ita fieri vidére desideras, lege Actuum Apostolorum librum : perspícies profecto, cum sæpe Judæorum pópulus in Apóstolos insurrexerit, ac dentes exacúerit, illos

colúmbæ simplicitátem imitádo, et cum decénti modestia respondédo, iram ipsórum superásse, furórem exstinxisse, ímpetum retardásse. Nam cum illi dicerent : Nonne præcipiédo præcépimus vobis, ne docerétis in nómine isto ? quamvis innúmera possent édere mirácula, nihil tamen áasperum neque dixerunt, neque fecérunt ; sed summa cum mansuetúdone respondéntes dicébant : Si justum est vos audíre magis quam Deum, judicáte. Perspexisti simplicitátem colúmbæ, vide nunc serpéntis prudéntiam. Non enim póssumus, inquirunt, nos quæ vidimus et audivimus, non loqui.

Te Deum laudámus. 16.

AD LAUDES

ET PER HORAS

Ant. 1. Ego plantávi, * Apólo rigávit, Deus áutem íncrémentum dedit, allelúia.

Ps. Dóminus regnávit. **cum reliq. 16.**

2. Libénter gloriábor * in infirmitátibus meis, ut inhábitet in me virtus Christi.

3. Grátia Dei * in me vácua non fuit, sed grátia ejus semper in me manet.

4. Damásci præpósitus * gentis Arétæ regis vóluit me comprehéndere : a fratribus per murum demíssus sum in sporta, et sic evási manus ejus in nómine Dómini.

5. Ter virgis cæsus sum : * semel lapidátus sum : ter

naufrágium pértuli pro Christi nómine.

Capitulum. II. Tim. 4. b

BONUM certámen certávi, cursum consummávi, fidem servávi. In réliquo réposita est mihi coróna justitiæ, quam reddet mihi Dóminus in illa die justus judex.

Hymn. Exsúltet. de Comuni. 4*.

Ÿ. Tu es vas electiõnis sancte Páule Apóstole. **R.** Prædicátor veritátis in univérso mundo.

Ad Bened. Ant. Vos qui secúti estis me, sedébitis super sedes, judicántes duódecim tribus Israël, dicit Dóminus.

Oratio.

DEUS, qui multitúdinem géntium beáti Páuli Apóstoli prædicatióne docuisti : da nobis, quæsumus ; ut cujus natalitia cólimus, ejus apud te patrocínia sentiámus. Per Dóminus.

Et fit Commem. sancti Petri.

Ant. Tu es pastor óvium, princeps Apostolórum : tibi tráditæ sunt claves regni cælórum.

Ÿ. Tu es Petrus. **R.** Et super hanc petram ædificábo Ecclésiám meam.

Oratio.

DEUS, qui beáto Petro Apóstolo tuo, collátis clávisbus regni cæléstis, ligándi atque solvéndi pontificium tradidisti : concéde ; ut in-

tercessiõnis ejus auxilio, a peccatórum nostrórum néxibus liberémur.

Deinde Octavæ S. Joannis.

Ant. Apértum est os Zachariæ, et prophetávit, dicens : Benedictus Deus Israël.

Ÿ. Iste puer magnus coram Dómino. **R.** Nam et manus ejus cum ipso est.

Oratio.

DEUS, qui præsentem diem honorábilem nobis in beáti Joánnis nativité fecisti : da pópulis tuis spirituálium grátiam gaudiórum ; et ómnium fidélium mentes dirige in viam salútis æternæ. Per Dóminus.

AD TERTIAM

Ant. Libénter gloriábor.

Capit. Bonum certámen.

R. br. In omnem terram
* Exívit sonus eórum. In omnem. Ÿ. Et in fines orbis terræ verba eórum. Exívit. Glória Patri. In omnem.

Ÿ. Constitues eos príncipes super omnem terram. **R.** Mémoires erunt nóminis tui Dómine.

AD SEXTAM

Ant. Grátia Dei.

Capitulum. II. Cor. 12. b

NE magnitúdo revelatiónum extóllat me, datus est mihi stimulus carnis meæ, ángelus sátanæ, qui me colaphizet. Propter quod ter Dóminus rogávi, ut discéderet a me : et dixit mihi : Súfficit tibi grátia mea.

R. br. Constitues eos prin-

cipes * Super omnem terram. Constitues. *ŷ.* Mémoires erunt nómínis tui Dómine. Super. Glória. Constitues.

ŷ. Nimis honoráti sunt amici tui Deus. *ŷ.* Nimis confortátus est principátus eórum.

AD NONAM

Ant. Ter virgis cæsus sum.

Capitulum. I. Cor. 15. b

EGO enim sum minimus Apostolorum, qui non sum dignus vocári Apóstolus, quóniam persecútus sum Ecclesiám Dei. Grátia áutem Dei sum id, quod sum, et grátia ejus in me vácuá non fuit.

ŷ. br. Nimis honoráti sunt

* Amíci tui Deus. Nimis. *ŷ.* Nimis confortátus est principátus eórum. Amíci. Glória Patri. Nimis.

ŷ. Annuntiavérunt ópera Dei. *ŷ.* Et facta ejus intellexérunt.

IN II. VESPERIS

Vesperæ integræ dicuntur de S. Paulo. Ant. et Pss. ut in II. Vesp. de Comm. Apost. 15. Capit. et reliqua ut in I. Vesp. in ecclesia propria. 430. Deinde fit Commem. S. Petri, ibid. et Octavæ S. Joannis ut in I. Vesp. Festi. 409.*

In ecclesia S. Pauli Vesperæ dicuntur eodem modo ut supra.

FESTA JULII

Prima die non impedita dicitur Officium Defunct.

DOMINICA I. JULII
PRETIOSISSIMI SANGUINIS

D. N. J. C.

Duplex 2. classis.

Si hodie occurrat Festum Visitationis B. M. V. vel aliud Festum altioris ritus, aut æqualis sed primarium, de Pretiosiss. Sanguine fiat prima die non impedita a Festo Duplici primæ vel secundæ classis, translato inde juxta Rubricas Festo Duplici majori vel alicujus Doctoris Ecclesiæ; de Duplici vero minori vel Semiduplici occurrente fit tantum Commem. in utrisque Vesp. et

Laudibus cum Lectione ix. historica.

IN I. VESPERIS

Antiphona 1.

QUIS est iste qui venit de Edom, tinctis véstibus de Bosra? iste formósus in stola sua.

Pss. ut in I. Vesp. de Comm. Apost. 2.*

2. Ego qui loquor justitiam, et propugnátor sum ad salvándum.

3. Vestitus erat veste aspérsa ságuine, et vocátur nomen ejus Verbum Dei.

4. Quare ergo rubrum est indumentum tuum, et vestimenta tua sicut calcántium in torculári?

5. Tórcular calcávi solus,
et de géntibus non est vir
mecum.

Capitulum. Hebr. 9.

FRATRES : Christus assi-
stens póntifex futurórum
bonórum, per ámplius et
perféctiustabernáculum non
manufáctum, id est, non hu-
jus creatiónis : neque per
sánguinem hircórum aut vi-
tulórum, sed per próprium
sánguinem introívit semel in
sancta, æténa redemptióne
invénta.

Hymnus.

FESTÍVIS résonent cómpita
vócibus,
Cives lætitiám fróntibus éx-
plicant :

Tædis flammíferis órdine
pródeant

Instrúcti púeri et senes.

Quem dura móriens Chri-
stus in árbore

Fudit multiplici vúlneré sán-
guinem,

Nos facti mémores dum có-
limus, decet

Saltem fúndere lácrymas.

Humáno géneri pernícies
gravis

Adámi véteris crimine cón-
tigit :

Adámi intégritas et pietas
novi

Vitam réddidit ómnibus.

Clamórem válidum sum-
mus ab æthere

Languéntis Géniti si Pater
áudiit,

Placári pótius ságuine dé-
buit,

Et nobis véniam dare.

Hoc quicúmque stolam
ságuine próluit,
Abstérgit máculas; et ró-
seum decus,

Quo fiat similis prótinus
Angelis,

Et regi pláceat, capit.

A recto instábilis trámite
póstmodum

Se nullus rétrahat; meta sed
última

Tangátur; tribuet nóbile
præmium,

Qui cursum Deus áduvat.

Nobis propítius sis, Géní-
tor potens,

Ut quos unigenæ ságuine
Fílii

Emisti, et plácido Flámíne
récreas,

Cæli ad cúlmina tránsferas.
Amen.

V. Redemisti nos Dómine
in ságuine tuo. **R.** Et fecisti
nos Deo nostro regnum.

Ad Magnif. Ant. Accessí-
stis ad Sion montem, et ci-
vitátem Dei vivéntis, Jerúsa-
lem cæléstem, et testaménti
novi mediatórem Jesum, et
sánguinis aspersionem mé-
lius loquéntem quam Abel.

Orat. ut infra in Laud. 449.

Et fit Commem. Dom.

AD MATUTINUM

Invit. Christum Dei Fi-
lium, qui suo nos redémit
ságuine, * Veníte, adoré-
mus.

Ps. Veníte, exsultémus. 2.

Hymnus.

IRA justa Conditóris,
Imbre aquárum vindice,
Criminósum mersit orbem

Noë in arca sóspite :
Mira tandem vis amóris
Lavit orbem sáanguine.

Tam salúbri terra felix
Irrigáta plúvia,
Ante spinis quæ scatébat,
Germinávit flósculos :
Inque néctaris sapórem
Transiére absýnthia.

Triste prótinus venénium
Dirus anguis pósuit,
Et cruénta belluárum
Désiit ferócia :
Mitis Agni vulneráti
Hæc fuit victória.

O sciéntiæ supérnæ
Altitúdo impérvia !
O suávitatis benigni
Prædicánda péctoris !
Servus erat morte dignus,
Rex luit pœnam óptimus.

Quando culpis provocá-
mus
Ultiónem júdicis,
Tunc loquéntis protegámur
Sáanguinis præsentia :
Ingruéntium malórum
Tunc recédant ágmina.

Te redemptus láudet orbis
Grata servans múnera,
O salútis sempitérnæ
Dux et áuctor ínclyte,
Qui tenes beáta regna
Cum Parénte et Spíritu.
Amen.

IN I. NOCTURNO

Ant. Postquam consum-
máti sunt dies octo, ut cir-
cumciderétur puer, vocátum
est nomen ejus Jesus.

Psalmus 2.

QUARE fremuérunt gentes,*
et pópuli meditáti sunt
inánia?

Adstitérunt reges terræ,
et principes convenérunt in
unum * advérsus Dóminum,
et advérsus Christum ejus.

Dirumpámus víncula eó-
rum : * et projiciámus a nobis
jugum ipsórum.

Qui hábitat in cælis, irri-
débit eos : * et Dóminus sub-
sannábit eos.

Tunc loquétur ad eos in
ira sua : * et in furóre suo
conturbábit eos.

Ego áutem constitútus sum
Rex ab eo super Sion montem
sanctum ejus, * prædicans
præcéptum ejus.

Dóminus dixit ad me : *
Filius meus es tu, ego hódie
génui te.

Póstula a me, et dabo tibi
gentes hereditátem tuam, *
et possessionem tuam térmi-
nos terræ.

Reges eos in virga férrea,*
et tamquam vas figuli con-
fringes eos.

Et nunc reges intelligite : *
erudimini qui judicátis ter-
ram.

Servite Dómino in timó-
re : * et exsultáte ei cum tre-
móre.

Apprehéndite disciplínam,
nequándo irascátur Dómi-
nus, * et pereátis de via justa.

Cum exárserit in brevi ira
ejus, * beáti omnes, qui con-
fidunt in eo.

Ant. Postquam consum-
máti sunt dies octo, ut cir-
cumciderétur puer, vocátum
est nomen ejus Jesus.

Ant. Factus in agonia,

prolixius orábat, et factus est sudor ejus sicut guttæ sánguinis decurréntis in terram.

Psalmus 3.

DÓMINE quid multiplicáti sunt qui tribulant me? * multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu áutem Dómine suscēptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exsurrexi, quia Dóminus suscepit me.

Non timébo millia pópuli circumdántis me: * exsúrge Dómine, saluum me fac Deus meus.

Quóniam tu percussisti omnes adversántes mihi sine cáusa: * dentes peccatórum contrivisti.

Dómini est salus: * et super pópulum tuum benedictio tua.

Ant. Factus in agonia, prolixius orábat, et factus est sudor ejus sicut guttæ sánguinis decurréntis in terram.

Ant. Judas, qui eum trádidit, pœniténtia ductus, rétulit triginta argénteos, dicens: Peccávi, tradens sánguinem justum.

Psalmus 15.

CONSÉRVA me Dómine, quóniam sperávi in te. *

Dixi Dómino: Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum: * póstea acceleravérunt.

Non congregábo conventicula eórum de sanguínibus, * nec memor ero nóminum eórum per lábia mea.

Dóminus pars hereditátis meæ, et cálicis mei: * tu es, qui restitues hereditátem meam mihi.

Funes cecidérunt mihi in præcláris: * étenim hereditas mea præclára est mihi.

Benedicam Dóminum, qui tribuit mihi intelléctum: * insuper et usque ad noctem increpuérunt me renes mei.

Providébam Dóminum in conspéctu meo semper: * quóniam a dextris est mihi, ne commóvear.

Propter hoc lætátum est cor meum, et exsultávit lingua mea: * insuper et caro mea requiescet in spe.

Quóniam non derelínques ánimam meam in inférno: * nec dabis sanctum tuum vidére corruptiónem.

Notas mihi fecisti vias vitæ, adimplébis me lætítia cum vultu tuo: * delectatiónes in dextera tua usque in finem.

Ant. Judas, qui eum trádidit, pœniténtia ductus,

rétulit triginta argénteos, dicens : Peccávi, tradens sánguinem justum.

℣. Redemisti nos Dómine.

℞. In ságuine tuo.

De Epístola beáti Páuli Apóstoli ad Hebræos.

Lectio j. Cap. 9. c

CHRISTUS assistens póntifex futurórum bonórum, per ámplius et perféctius tabernáculum non manufáctum, id est, non hujus creatiónis; neque per sánguinem hircórum, aut vitulórum, sed per próprium sánguinem introiit semel in Sancta, ætéRNA redemptióne invénta. Si enim sanguis hircórum, et taurórum, et cinis vitulæ aspérsus inquinátos sanctificat ad emundatióem carnis: quanto magis sanguis Christi, qui per Spiritum sanctum semelipsum óbtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti? Et ideo novi testaménti mediátor est: ut morte intercedénte, in redemptiÓNem eárum prævaricatiónum, quæ erant sub prióri testaménto, repromissiÓNem accipiant qui vocáti sunt ætéRNæ hereditátis.

℞. Jesus, ut sanctificáret per suum sánguinem pópulum, extra portam passus est: *Exeámus igitur ad eum extra castra, impropérium ejus portántes. ℣. Nondum enim usque ad sánguinem

restitistis advérsus peccátum repugnántes. Exeámus.

Lectio ij.

UBI enim testaméntum est, mors necesse est intercedat testatóris. Testaméntum enim in mórtuis confirmátum est: alióquin nondum valet, dum vivit qui testátus est. Unde nec primum quidem sine ságuine dedicátum est. Lecto enim omni mandáto legis a Móyse univérso pópulo: accípiens sánguinem vitulórum, et hircórum cum aqua et lana coccinea, et hyssópo: ipsum quoque librum, et omnem pópulum aspérsit, dicens: Hic sanguis testaménti, quod mandávit ad vos Deus. Etiam tabernáculum et ómnia vasa ministérii ságuine similiter aspérsit: et ómnia pene in ságuine secúndum legem mundántur: et sine ságuinis effusiÓne non fit remissio.

℞. Móyses sumptum sánguinem respérsit in pópulum, *Et ait: Hic est sanguis fœderis, quod pépigit Dóminus vobiscum. ℣. Fide celebrávit Pascha et ságuinis effusiÓne, ne qui vastábat primitíva, tangeret eos. Et ait.

Lectio iij. Cap. 10. d

HABÉNTES itaque fratres fidúciám in intróitu Sanctórum in ságuine Christi, quam initiávit nobis viam novam, et vivéntem per velámen, id est, carnem suam, et sacerdotem magnum su-

per domum Dei : accedámus cum vero corde in plenitudine fidei, aspérsi corda a consciéntia mala, et ablúti corpus aqua munda, teneámus spei nostræ confessiõnem indeclinábilem, (fidélis enim est qui repromisit) et considerémus invicem in provocationem caritátis, et bonórum óperum.

R. Vos, qui aliquándo erátis longe, facti estis prope in ságuine Christi : * Ipse enim est pax nostra, qui fecit útraque unum. **V.** Complácuit per cum reconciliáre ómnia in ipsum, pacíficans per ságuinem crucis ejus, sive quæ in terris, sive quæ in cælis sunt. Ipse. Glória Patri. Ipse.

IN II. NOCTURNO

Ant. Pilátus volens pópulo satisfácere, trádedit illis Jesum flagéllis cæsum.

Psalmus 22.

DÓMINUS regit me, et nihil mihi déerit : * in loco pásuæ ibi me collocávit.

Super aquam refectionis educávit me : * ánimam meam convértit.

Dedúxit me super sémitas justitiæ, * propter nomen suum.

Nam, et si ambulávero in médio umbræ mortis, non timébo mala : * quóniam tu mecum es.

Virga tua, et báculo tuus : * ipsa me consoláta sunt.

Parásti in conspéctu meo mensam, * advérsus eos, qui tribulant me.

Impinguásti in óleo caput meum : * et calix meus inébrians quam præclárus est!

Et misericórdia tua subsequétur me * ómnibus diébus vitæ meæ :

Et ut inhábitem in domo Dómini, * in longitudinem diérum.

Ant. Pilátus volens pópulo satisfácere, trádedit illis Jesum flagéllis cæsum.

Ant. Videns áutem quia nihil proficeret, accépta aqua, lavit manus coram pópulo, dicens : Innocens ego sum a ságuine Justi hujus.

Psalmus 29.

EXALTÁBO te Dómine quóniam suscepísti me : * nec delectásti inimicos meos super me.

Dómine Deus meus clamávi ad te, * et sanásti me.

Dómine eduxísti ab inférno ánimam meam : * salvásti me a descendéntibus in lacum.

Psállite Dómino sancti ejus : * et confitémini memóriæ sanctitátis ejus.

Quóniam ira in indignatione ejus : * et vita in voluntate ejus.

Ad vésperum demorábitur fletus : * et ad matutinum lætitia.

Ego áutem dixi in abundantia mea : * Non movébor in ætérnum.

Dómine in voluntate tua, * præstitisti decóri meo virtutem.

Avertísti faciém tuam a

me, * et factus sum conturbatus.

Ad te Dómine clamábo : * et ad Deum meum deprecabor.

Quæ utilitas in ságuine meo, * dum descéndo in corruptionem?

Numquid confitébitur tibi pulvis, * aut annuntiábit veritatem tuam?

Audívit Dóminus, et mísertus est mei : * Dóminus factus est adjutor meus.

Convertisti planctum meum in gáudium mihi : * conscidísti saccum meum, et circumdedísti me lætitia :

Ut cantet tibi glória mea, et non compúngar : * Dómine Deus meus in ætérnum confitébor tibi.

Ant. Videns áutem quia nihil proficeret, accépta aqua, lavit manus coram pópulo, dicens : Innocens ego sum a ságuine Justí hujus.

Ant. Et respóndens univérsum pópulum, dixit : Sanguis ejus super nos, et super filios nostros.

Psalmus 63.

EXÁUDI Deus orationem meam cum deprecor : * a timóre inimíci éripe ánimam meam.

Protexisti me a convéntu malignántium : * a multitúdine operántium iniquitatem.

Quia exacuérunt ut gládium linguas suas : * intenderunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis videbit eos?

Scrutáti sunt iniquitátes : * defecerunt scrutántes scrutinio.

Accédet homo ad cor altum : * et exaltábitur Deus.

Sagittæ parvulórum factæ sunt plagæ eórum, * et infirmatæ sunt contra eos linguæ eórum.

Conturbáti sunt omnes qui videbant eos : * et tímuit omnis homo.

Et annuntiavérunt ópera Dei : * et facta ejus intellexerunt.

Lætábitur justus in Dómino, et sperábit in eo, * et laudabúntur omnes recti corde.

Ant. Et respóndens univérsum pópulum, dixit : Sanguis ejus super nos, et super filios nostros.

Y. Sanguis Jesu Christi Filii Dei. **R.** Emúndat nos ab omni peccáto.

Sermo sancti Joánnis Chrysóstomi.

Homil. 84. in Joann. cap. 19.

Lectio iv.

VULTIS ságuinis Christi audire virtútem? Redeámus ad ejus exémpulum, et priórem typum recordémur, et pristinam Scriptúram narremus. In Ægýpto, nocte média, Ægýptiis Deus plagam décimam minabátur,

ut eorum primogénita deperirent, quia primogénitum ejus pópulum detinébant. Sed ne amáta plebs Judæorum una cum illis periclitaretur, quia unus locus continébat univérsos, remédium discretiónis invéntum est. Proinde exéplum mirábile, ut discas in veritaté virtutem. Ira divinæ indignatiónis sperabátur, et domos singulas mórtifer circuibat. Quid igitur Móyses? Occidite, inquit, agnum anniculum, et ságuine ejus liníte jánuas. Quid ais, Móyses? Sanguis ovis rationálem hóminem liberáre consuévít? Valde, inquit; non eo quod sanguis est, sed quia Dominici ságuinis per eum demonstrátur exéplum.

R. In timóre incolátus vestri conversámini, * Sciéntes quod non corruptibílibus áuro, vel argénto redépti estis. **V.** Sed pretiósó ságuine, quasi agni immaculáti Christi. Sciéntes.

Lectio v.

NAM sicut regnántium stá-
tuæ, quæ sine cáusa sunt,
et sermóne, nonnúquam
ad se confugiéntibus homínibus
ánima, et ratióne decorátis,
subveníre consuevérunt,
non quia sunt ære confectæ,
sed quia rétinent imáginem
principálem: ita et sanguis
ille, qui irrationalis fuit, á-
nimas habéntes hómines libe-
rávit: non quia sanguis fuit,
sed quia hujus ságuinis

ostendébat advéntum. Et
tunc Angelus ille vastátor,
cum linítos postes, atque
áditus pervidéret, transjécit
gressus, et non est áusus
intráre. Nunc ergo si viderit
inimicus, non póstibus impó-
situm ságuinem typi, sed fi-
délium ore lucéntem ságuini-
nem veritátis Christi, templi
póstibus dedicátum, multo
magis se súbtrahet. Si enim
Angelus cessit exémplo,
quanto magis terrébitur ini-
micus, si ipsam perspéxerit
veritatém? Vis et áliam hu-
jus ságuinis scrutári vir-
tutém? Volo. Unde primum
cucúrrit inspicias, et de quo
fonte manávit. De ipsa pri-
mum cruce procéssit: latus
illud Domínicum initium
fuit. Mórtuo enim, ait, Jesu,
et adhuc in cruce pendénte,
appróximat miles, latus lán-
cea percússit, et exínde aqua
fluxit, et sanguis. Unum bap-
tismatis sýmbolum, áliud
sacraménti. Ideo non ait:
Exiit sanguis et aqua; sed
éxiit aqua primum et san-
guis, quia primum bap-
tismate dilúimur, et póstea
mystério dedicámur.

R. Empti estis pretio ma-
gno: * Glorificáte, et portáte
Deum in córpore vestro.
V. Pretio empti estis: nolite
fieri servi hóminum. Glori-
ficáte.

Lectio vj.

LATUS miles apérui, et
templi sancti parietem
patefécit. Et ego thesáurum

præclârum invêni, et fulgêntes divitias me grâtulor reperire. Sic et de illo agno factum est. Judæi ovem occidêrunt, et ego fructum de sacramêto cognôvi. De lâtere sanguis et aqua. Nolo tam fâcile, auditor, trânseas tanti secrêta mystêrii. Restat enim mihi mýstica, atque secretâlis orâtio. Dixi baptismatis sýmbolum et mysteriôrum aquam illam, et sânguinem demonstrâre. Ex his enim sancta fundâta est Ecclêsia per lavâcri regeneratiônem, et renovatiônem Spiritus sancti. Per baptisma, inquam, et mystéria, quæ ex lâtere vidêntur esse prolâta. Ex lâtere igitur suo Christus ædificâvit Ecclêsiam, sicut de lâtere Adam ejus conjux Heva prolâta est. Nam hac de câusa Pâulus quoque testâtur, dicens : De corpore ejus, et de ôssibus ejus sumus; latus videlicet illud significans. Nam sicut de illo lâtere Deus fecit fêminam procreâri, sic et de suo lâtere Christus aquam nobis et sânguinem dedit, unde reparârêtur Ecclêsia.

R. Commendat caritâtem suam Deus in nobis : * Quôniam cum adhuc peccatôres essémus, secûndum tempus Christus pro nobis mórtuus est. **V.** Multo igitur magis nunc justificâti in sânguine ipsius, salvi érimus ab ira per ipsum. Quôniam. Glória Patri. Quôniam.

IN III. NOCTURNO

Ant. Exiit ergo Jesus portans coronam spineam, et purpúreum vestimêntum, et dixit eis : Ecce homo.

Psalmus 73.

UT quid Deus repulisti in finem : * irátus est furor tuus super oves pásceuæ tuæ?

Memor esto congregatiônis tuæ, * quam possedisti ab initio.

Redemisti virgam hereditâtis tuæ : * mons Sion, in quo habitâsti in eo.

Leva manus tuas in superbias eórum in finem : * quanta malignátus est inimicus in sancto!

Et gloriâti sunt qui odêrunt te : * in médio solemnitâtis tuæ.

Posuérunt signa sua, signa : * et non cognovérunt sicut inéxitus supersummum.

Quasi in silva lignórum secúribus excidêrunt jánuas ejus in idipsum : * in secúri et áscia dejecêrunt eam.

Incendêrunt igni sanctuárium tuum : * in terra polluêrunt tabernáculum nóminis tui.

Dixêrunt in corde suo cognátio eórum simul : * Quiescere faciámus omnes dies festos Dei a terra.

Signa nostra non vidimus, jam non est prophéta : * et nos non cognóscet ámplius.

Usquequo Deus improberábit inimicus : * irritat adversárius nomen tuum in finem?

Ut quid avértis manum tuam, et dexteram tuam, * de médio sinu tuo in finem?

Deus áutem rex noster ante sácula : * operátus est salútem in médio terræ.

Tu confirmásti in virtúte tua mare : * contribulásti cápita draconum in aquis.

Tu confregisti cápita draconis : * dedisti eum escam pópulis Æthiopum.

Tu dirupísti fontes, et torrentes : * tu siccásti flúvios Ethan.

Tuus est dies, et tua est nox : * tu fabricátus es auróram et solem:

Tu fecísti omnes términos terræ : * æstátem et ver tu plasmásti ea.

Memor esto hujus, inimicus improperávit Dómino : * et pópulus insípiens incitávit nomen tuum.

Ne tradas béstiis ánimas confiténtes tibi, * et ánimas páuperum tuórum ne obliviscáris in finem.

Réspice in testaméntum tuum : * quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus : * páuper et inops laudábunt nomen tuum.

Exsúrge Deus, júdica cáusam tuam : * memor esto improperiórum tuórum, eórum quæ ab insípiénte sunt tota die.

Ne obliviscáris voces ini-

micórum tuórum : * supérbia eórum, qui te odérunt, ascendit semper.

Ant. Exívit ergo Jesus portans corónam spineam, et purpúreum vestiméntum, et dixit eis : Ecce homo.

Ant. Et bájulans sibi crucem, exívit in eum, qui dicitur Calváriæ, locum : ubi crucifixérunt eum.

Psalmus 87.

DÓMINE Deus salútis meæ : * in die clamávi, et nocte coram te.

Intret in conspéctu tuo orátio mea : * inclina áurem tuam ad precem meam :

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxísti super me.

Longe fecísti notos meos a me : * posuérunt me abominatióinem sibi.

Tráditus sum, et non egrediébar : * óculi mei languérunt præ inópia.

Clamavi ad te Dómine
tota die : * expánde ad te
manus meas.

Numquid mórtuis fácies
mirabilia : * aut médici sus-
citábunt, et confitebúntur
tibi?

Numquid narrábit áliquis
in sepúlcro misericórdiam
tuam, * et veritátem tuam in
perditiónē?

Numquid cognoscéntur in
ténébris mirabilia tua : * et
justítia tua in terra obliuio-
nis?

Et ego ad te Dómine cla-
mávi : * et mane orátio mea
præveniet te.

Ut quid Dómine repél-
lis oratióem meam : * avértis
fáciem tuam a me?

Páuper sum ego, et in la-
bóribus a juventúte mea : *
exaltátus áutem, humiliátus
sum et conturbátus.

In me transiérunt iræ
tuæ : * et terróres tui con-
turbavérunt me.

Circumdedérunt me sicut
aqua tota die : * circumde-
dérunt me simul.

Elongásti a me amicum
et próximum : * et notos
meos a miséria.

Ant. Et bájulans sibi cru-
cem, exivit in eum, qui di-
citur Calváriæ, locum : ubi
crucifixérunt eum.

Ant. Ut vidérunt eum jam
mórtuum, non fregérunt
ejus crura, sed unus militum
lancea latus ejus aperuit, et
continuo exivit sanguis et
aqua.

Psalmus 93.

DEUS ultiónum Dóminus : *
Deus ultiónum libere
egit.

Exaltáre, qui júdicas ter-
ram : * redde retributióem
superbis.

Usquequo peccatóres Dó-
mine, * úsquequo peccató-
res gloriabúntur :

Effabúntur, et loquéntur
iniquitátem : * loquéntur
omnes, qui operántur inju-
stítiam?

Pópulum tuum Dómine
humiliavérunt : * et heredi-
tátem tuam vexavérunt.

Viduam, et ádvenam in-
terfecérunt : * et pupillos oc-
cidérunt.

Et dixerunt : Non vidébit
Dóminus, * nec intélliget
Deus Jacob.

Intelligite insipientes in
pópulo : * et stulti aliquándo
sápite.

Qui plantávit áurem, non
áudiet? * aut qui finxit ócu-
lum, non considerat?

Qui córripit gentes, non
arguet : * qui docet hóminem
sciéntiam?

Dóminus scit cogitatiónes
hóminum, * quóniam vanæ
sunt.

Beátus homo, quem tu
erudieris Dómine : * et de
lege tua docúeris eum,

Ut mitiges ei a diébus
malis : * donec fodiátur pec-
catóri fovea.

Quia non repéllet Dóminus
plebem suam : * et hereditá-
tem suam non derelinquet.

Quoadúsque justitia convertátur in judicium : * et qui juxta illam omnes qui recto sunt corde.

Quis consúrget mihi advérsus malignántes? * aut quis stabit mecum advérsus operántes iniquitátem?

Nisi quia Dóminus adjúvit me : * páulo minus habitásset in inférno ánima mea.

Si dicébam : Motus est pes meus : * misericórdia tua Dómine adjuvábát me.

Secúndum multitudínem dolórum meórum in corde meo : * consolatiónes tuæ lætificavérunt ánimam meam.

Numquid adhæret tibi sedes iniquitátis : * qui fingis labórem in præcepto?

Captábunt in ánimam justí, * et sánguinem innocentem condemnábunt.

Et factus est mihi Dóminus in refúgium : * et Deus meus in adjutórium spei meæ.

Et reddet illis iniquitátem ipsórum : et in malitia eórum dispédet eos : * dispédet illos Dóminus Deus noster.

Ant. Ut vidérunt eum jam mórtuum, non fregérunt ejus crura, sed unus militum lancea latus ejus aperuit, et continuo exívit sanguis et aqua.

V. Christus diléxit nos. **R.** Et lavit nos a peccátis nostris in ságuine suo.

Léctio sancti Evangélíi secúndum Joánnem.

Lectio vij. Cap. 19. f

In illo témpore : Cum accepisset Jesus acétum, dixit : Consummátum est. Et inclináto cápite, trádidit spiritum. Et reliqua.

Homilia sancti Augustini Epíscopi.

Tractatu 120. in Joannem.

VIGILÁNTI verbo Evangelísta usus est, ut non diceret : Latus ejus percússit, aut vulnerávit, aut quid aliud, sed aperuit; ut illic quodámmodo vitæ óstium panderétur, unde sacramenta Ecclesiæ manavérunt, sine quibus ad vitam, quæ vera vita est, non intrátur. Ille sanguis qui fusus est, in remissionem fusus est peccatórum. Aqua illa salutáre téperat póculum : hæc et lavácrum præstat, et potum. Hoc prænuntiábat quod Noë in látere arcæ óstium fácere jussus est, quo intrárent animalia, quæ non erant dilúvio peritúra, quibus præfigurabátur Ecclesia. Propter hoc prima múlter facta est de látere viri dormiéntis, et appelláta est vita, matérque vivórum. Magnum quippe significávit bonum, ante magnum prævaricatiónis malum. **¶** Hic secúndus Adam, inclináto cápite, in cruce dormívit, ut inde formarétur ei conjux, quæ de látere dormiéntis efflúxit. O mors, unde mórtui reviví-

scunt! Quid isto ságuine mún-
dius? Quid vúl-
nere isto
salúbrius?

R. Hic est, qui venit per
aquam et ságuinem, Jesus
Christus : * Non in aqua so-
lum, sed in aqua et ságuine.

V. In die illa erit fons pa-
tens dómui David, et habi-
tántibus Jerúsalem, in ablu-
tiónem peccatóris. Non in
aqua.

Lectio viij.

TENEBAÑTUR hómines ca-
ptivi sub diábolo, et dæ-
mónibus serviébant, sed
redémpti sunt a captivitáte.
Véndere enim se potuérunt,
sed redimere non potuérunt.

* Venit Redémptor, et dedit
prétium : fudit ságuinem
suum, et emit orbem terrá-
rum. Quæritis quid émerit?
Vidéte quid déderit, et inve-
niétis quid émerit. Sanguis
Christi prétium est. Tanti
quid valet? Quid, nisi totus
orbis? Quid, nisi omnes
gentes? Valde ingrátí sunt
prétio suo, aut multum su-
pérbi sunt, qui dicunt, aut
illud tam parum esse, ut
solos Afros émerit, aut se
tam magnos esse, pro qui-
bus solis illud sit datum.
Non ergo exsúltent, non su-
pérbiant. Pro toto dedit,
quantum dedit.

R. Prædestinávit nos Deus
in adoptiónem filiór-
um per
Jesum Christum, * In quo
habémus redemptiónem per
ságuinem ejus. **V.** Remis-
siónem peccatórum secún-

dum divítias grátiae ejus,
quæ superabundávit in no-
bis. In. Glória Patri. In.

Lectio ix. de Homil. Dom.
occur. Quod si transferen-
dum sit, dividuntur Lect.
juxta signum ¶.

Te Deum laudámus. 16.

AD LAUDES

ET PER HORAS

Ant. 1. Hi qui amícti sunt *
stolis albis, qui sunt, et
unde venérunt?

Ps. Dóminus regnávít. *cum*
reliq. 16.

2. Hi sunt, * qui venérunt
de tribulatióne magna; et
lavérunt stolas suas in sán-
guine Agni.

3. Ideo sunt * ante thro-
num Dei, et sèrviunt ei die,
ac nocte.

4. Et ipsi vicérunt * dra-
cónem propter ságuinem
Agni, et propter testamén-
tum Verbi sui.

5. Beátí * qui lavant stolas
suas in ságuine Agni.

Capitulum. Hebr. 9.

FRATRES : Christus assi-
stens póntifex futurórum
bonórum, per ámplius, et
perféctius tabernáculum non
manufáctum, id est, non
hujus creatiόνis, neque per
ságuinem hircórum, aut
vitulórum, sed per próprium
ságuinem introívit semel
in Sancta, æténa redem-
ptiône invénta.

Hymnus.

SALVÉTE Christi vúlnera,
Imménsi amóris pigno-
ra,

Quibus perennes rivuli
Manant rubéntis sánguinis.

Nitóre stellas vincitis,
Rosas odóre et bálsama,
Prétio lapillos Indicos,
Mellis favos dulcédine.

Per vos patet gratissimum
Nostris asýlum méntibus;
Non huc furor minántium
Umquam penétrat hóstium.

Quot Jesus in prætorio
Flagélla nudus éxcipit!
Quot scissa pellis úndique
Stillat cruóris gúttulas!

Frontem venústam, prob
dolor!

Coróna pungit spinea,
Clavi retúsa cúspide
Pedes manúsque pérforant.

Postquam sed ille trádi-
dit

Amans, volénsque spiritum,
Pectus feritur láncea,
Geminúsque liquor éxsilit.

Ut plena sit redéptio,
Sub torculári stringitur,
Suique Jesus immemor,
Sibi nil resérvat sánguinis.

Venite, quotquot crimi-
num

Funésta labes inficit :

In hoc salútis bálneo

Qui se lavat, mundábitur.

Summi ad Paréntis dèx-
teram

Sedénti habénda est grátia,
Qui nos redémit sáanguine,
Sanctóque firmat Spíritu.

Amen.

Ÿ. Justificáti in sáanguine
Christi. R. Salvi érimus ab
ira per ipsum.

Ad Bened. Ant. Erit san-
guis Agni vobis in signum,

dicít Dóminus : et vidébo
sáanguinem, et transibo vos,
nec erit in vobis plaga dis-
pérens.

Oratio.

OMNÍPOTENS sempitérne
Deus, qui unigénitum
Filiu tuu mundi Redem-
ptórem constituísti, ac ejus
sáanguine placári voluísti :
concéde, quæsumus, salútis
nostræ prétium solémni cul-
tu ita venerári, atque a præ-
séntis vitæ malis ejus virtúte
deféndi in terris; ut fructu
perpétuo lætémur in cælis.
Per eúmdem Dóminu.

Et fit Commem. Dom.

AD PRIMAM

In R. br. dicitur Ÿ. Qui
tuo nos sáanguine redemísti.

AD TERTIAM

Ant. Hi sunt qui venérunt.

Capit. Fratres : Christus.
ut supra.

R. br. Redemísti nos Dó-
mine *In sáanguine tuo. Red-
emísti. Ÿ. Ex omni tribu,
et lingua, et pópulo, et na-
tióne. In sáanguine. Glória
Patri. Redemísti.

Ÿ. Sanguis Jesu Christi
Filii Dei. R. Emúndat nos ab
omni peccáto.

AD SEXTAM

Ant. Ideo sunt.

Capitulum. Hebr. 9.

SI sanguis hircórum, et
taurórum, et cinis vitu-
læ aspérsus inquinátos san-
ctificat ad emundatióne
carnis : quanto magis san-
guis Christi, qui per Spíri-
tu sanctu semetipsu

obtulit immaculatum Deo, emundabit conscientiam nostram ab operibus mortuis, ad serviendum Deo viventi?

R. br. Sanguis Jesu Christi Filii Dei * Emundat nos. Sanguis. *V.* Ab omni peccato. Emundat nos. Glória Patri. Sanguis.

V. Christus dilexit nos. *R.* Et lavit nos in sanguine suo.

AD NONAM

Ant. Beáti.

Capitulum. Hebr. 9.

ACCÍPIENS Móyses sanguinem vitulorum, et hircorum cum aqua, et lana coccinea, et hyssopo: ipsum quoque librum, et omnem populum aspersionem, dicens: Hic sanguis testamenti, quod mandavit ad vos Deus.

R. br. Christus dilexit nos, et lavit nos * In sanguine suo. Christus. *V.* Et fecit nos regnum, et sacerdotes Deo, et Patri. In sanguine. Glória Patri. Christus.

V. Justificati in sanguine Christi. *R.* Salvi erimus ab ira per ipsum.

IN II. VESPERIS

Omnia ut in I. Vesperis. 436, *sed loco ultimi, dicitur Ps. 147.* Láuda Jerúsalem. 144*.

V. Te ergo quaesumus, tuis famulis subveni. *R.* Quos pretioso sanguine redemisti.

Ad Magnif. Ant. Habebitis autem hunc diem in monumentum: et celebrabitis eum solennem Domino in

generationibus vestris cultu sempiterno.

Et fit Commem. Dom.

DIE I

OCTAVA

S. JOANNIS BAPTISTÆ

Duplex.

Omnia ut in die festo. 409, *præter seq.*

IN I. NOCTURNO

Lect. de Script. occur.

IN II. NOCTURNO

Sermo sancti Máximi

Episcopi.

Homilia 3. in Nativitate

S. Joannis Baptistæ.

Lectio iv.

FESTIVITÁTEM præsentis diæi, fratres carissimi, venerandi Joannis Baptistæ genuina nativitas consecravit: qui idcirco in hoc sæculum supérna dispensatione directus est, ut non solum ipse prophetáli sublimaretur glória, sed ut et omnium étiam per eum prophetarum præcónia firmentur. Nec immerito illum præcipuo honóre nunc venerámur, qui speciáli quadam grátia, ob hoc Redemptórem mundi novissimus prophetavit, ut ostenderet eum primus. Hic enim solus est prophetarum, qui Dóminum nostrum Jesum Christum, quem álíi in longa témpora futúrum præsciérunt, própriis óculis vidére méruit, et annuntiáre præsentem.

R. Descéndit Angelus Dó-

mini ad Zachariam, dicens : Accipe puerum in senectute tua : * Et habebit nomen Joannes Baptista. *Y.* Iste puer magnus coram Domino : nam et manus ejus cum ipso est. Et.

Lectio v.

HIC est ille, quem, inspirante Deo, præscius annuntiat Isaias, dicens : Vox clamantis in deserto, Parate viam Domini. Quam congrue, fratres carissimi, beatus Joannes prædicatus est vox, qui cælestis Verbi et præco mittebatur, et testis. Hic est ille, cujus per Angelum Gabriëlem prænuntiatur nativitas, et nomen, et meritum. Hic est, qui iudicio cælestis sententiæ cunctis mortalibus antefertur, dicente Domino : Non surrexit inter natos mulierum major Joanne Baptista. Quam pulchre dictum est, inter natos mulierum non esse majorem : quia ille omnimodis major erat Joanne, qui de Virgine nascebatur.

R. Hic est Præcursor dilectus, et lucerna lucens ante Dominum : * Ipse est enim Joannes, qui viam Domino præparavit in eremo ; sed et Agnum Dei demonstravit, et illuminavit mentes hominum. *V.* Ipse præibit ante illum in spiritu et virtute Eliæ. Ipse.

Lectio vj.

QUIBUS perspectis, advertite dilectissimi, quan-

tam huic reverentiam, quantum devotiõnis debeamus impendere : qui ut honorabilis sit, a sancto est Spiritu prophetatus, promissus ab Angelo, laudatus a Domino, et perpétua sanctæ mortis glória consecratus. Decēbat namque, ut mysticam nativitatem ejus mirabilis vita sequeretur, et sanctam perfectamque vitam mors Deo devota concluderet. Propter quod, fratres, rectissime toto hodie orbe, Christi Ecclesia primordia natiuitatis ejus lætissima festivitatem concēlebrat, qui æterna mortalibus adesse gaudia, stupenti mundo testis fidelissimus revelavit.

R. Innuēbant patri. 413.

IN III. NOCTURNO

Lectio sancti Evangelii secundum Lucam.

Lectio vij. Cap. 1. f

ELISABETH implētum est tempus pariendi, et peperit filium. Et audiērunt vicini et cognati ejus, quia magnificavit Dominus misericordiam suam cum illa, et congratulabāntur ei. Et reliqua.

De Homilia sancti Ambrósii Episcopi.

Lib. 2. in Lucæ cap. 1., circa finem.

JOANNES est, inquit, nomen ejus. Non poterat Elisabeth Domini ignorare prænuntium, quæ prophetaverat Christum. Bene additur : Quia nemo in cognatione

ejus vocabátur hoc nómine, ut intélligas nomen non géneris esse, sed vatis. Zacharias quoque nutu interrogátur : sed quia incredúlitas ei affátumeripúerat et auditum; quod voce non póterat, manu et litteris est locútus.

R. Præcúrsor Dómini venit, de quo ipse testátur : * Nullus major inter natos mulierum Joánnē Baptista. **V.** Hic est enim prophéta, et plus quam prophéta, de quo Salvátor ait. Nullus.

Lectio viij.

SCRIPSIT enim dicens : Joánnes est nomen ejus. Et hic nomen non impónitur, sed adstrúitur : meritóque continuo resoluta est lingua ejus : quia quam vinxerat incredúlitas, fides solvit. Credámus et nos igitur, ut loquámur; ut lingua nostra, quæ incredulitátis vinculis est ligáta, ratiónis voce solvátur.

R. Gábríel Angelus appáruit Zachariæ, dicens : Nascétur tibi filius, nomen ejus Joánnes vocábitur : * Et multi in nativitate ejus gaudébunt. **V.** Erit enim magnus coram Dómino, vinum et siceram non bibet. Et. Glória Patri. Et.

Lectio ix.

SCRIBÁMUS spíritu mystéria, si vólumus loqui : scribámus prænúntium Christi, non in tábulis lapideis, sed in tábulis cordis carnalibus. Etenim qui Joánnem

lóquitur, Christum prophétat. Loquámur Joánnem, loquámur et Christum : ut nostrum quoque os possit aperiri, quod in sacerdote tanto, irrationábilis modo pécudis, fræna nutántis fidei coércébant.

Te Deum laudámus. 16.

In Laud. sit Commem. Apost.

Ant. Gloriósi principes terræ, quómodo in vita sua dilexérunt se, ita et in morte non sunt separáti.

V. In omnem terram exivit sonus eórum. **R.** Et in fines orbis terræ verba eórum.

Oratio.

DEUS, qui hodiérnam diem Apostolorum tuórum Petri et Páuli martýrio consecrásti : da Ecclesiæ tuæ, eórum in ómnibus sequi præcéptum, per quos religionis sumpsit exórdium. Per Dóminum.

Vesp. de seq., cum Commem. præced. tantum.

DIE II

IN VISITATIONE B. M. V.

Duplex 2. classis.

IN I. VESPERIS

Ant. de Laud. 457; Pss. et reliqua hic non propria, ut in Festis B. M. V. 145*, præter seq.

V. Benedicta tu in mulieribus. **R.** Et benedictus fructus ventris tui.

Ad Magnif. Ant. Beáta es María, quæ credidisti : per-

ficiéntur in te quæ dicta sunt tibi a Dómino, allelúia.

Oratio.

EAMULIS tuis, quæsumus Dómine, cæléstis grátiae munus impertire : ut quibus beátæ Virginis partus éxstitit salútis exórdium, Visitationis ejus votíva solémnitas, pacis tribuat incrementum. Per Dóminum nostrum.

Et fit Commem. Oct. S. Joannis.

Ant. Puer qui natus est nobis, plus quam prophéta est : hic est enim, de quo Salvátor ait : Inter natos mulierum non surréxit major Joánnе Baptista.

℣. Iste puer magnus coram Dómino. **℟.** Nam et manus ejus cum ipso est.

Oratio.

DEUS, qui præsentem diem honorábilem nobis in beáti Joánnis nativité fecisti : da pópulis tuis spirituálium grátiam gaudiórum ; et ómnium fidélium mentes dirige in viam salútis æternæ. Per Dóminum.

Ad Complet. et per Horas in fine Hymnorum dicitur :

Jesu tibi sit glória,
Qui natus es de Vírgine.

AD MATUTINUM

Invit. Visitationem Virginis Mariæ celebrémus : * Christum ejus Fílium adorémus Dóminum.

Ps. Venite, exsultémus. 2.

IN I. NOCTURNO

De Cánticis canticórum.

Lectio j. Cap. 2.

EGO flos campi, et lílium convállium. Sicut lílium inter spinas, sic amíca mea inter filias. Sicut malus inter ligna silvárum, sic diléctus meus inter filios. Sub umbra illius quem desideráveram, sedi : et fructus ejus dulcis gútturi meo. Introduxit me in cellam vináriam, ordinávit in me caritátem. Fulcite me flóribus, stipáte me malis : quia amóre lángueo. Læva ejus sub cápite meo, et dextera illius amplexábitur me. Adjúro vos filiæ Jerúsalem per cápreas, cervósque campórum, ne suscitétis, neque evigiláre faciátis diléctam, quoadúsque ipsa velit.

℟. Surge, própera amíca mea, formósa mea, et veni : jam enim hiems tránsiit, imber ábiit, et recéssit : * Vox túrturis audita est in terra nostra. **℣.** Intrávit María in domum Zachariæ, et salutávit Elisabeth. Vox.

Lectio ij.

Vox dilécti mei, ecce iste venit sáliens in móntibus, transíliens colles : similis est diléctus meus cáprea hinnulóque cervórum. En ipse stat post parietem nostrum respiciens per fenéstras, prospiciens per cancellos. En diléctus meus loquitur mihi : Surge, própera amíca mea, colúmba

mea, formosa mea, et veni. Jam enim hiems transiit, imber abiit, et recessit. Flores apparuerunt in terra nostra, tempus putationis advenit : vox turturis audita est in terra nostra : ficus protulit grossos suos : vineæ florētes dederunt odorem suum.

R. Quæ est ista quæ processit sicut sol, et formosa tamquam Jerusalem? * Viderunt eam filiae Sion, et beatam dixerunt, et reginæ laudaverunt eam. **V.** Et sicut dies verni circumdabant eam flores rosarum et lilia convallium. Viderunt.

Lectio iij.

SURGE amica mea, speciosa mea, et veni : columba mea in foraminibus petrae, in caverna maceriae, ostende mihi faciem tuam, sonet vox tua in auribus meis : vox enim tua dulcis, et facies tua decora. Capite nobis vulpes parvulas, quæ demoliuntur vineas : nam vinea nostra floruit. Dilēctus meus mihi, et ego illi, qui pascitur inter lilia donec adspiret dies, et inclinētur umbræ. Revētere : similis esto, dilēcte mi, caprea, hinnuloque cervorum super montes Bethel.

R. Replēta est Spiritu sancto Elisabeth, et exclamavit : Benedicta tu inter mulieres, et benedictus fructus ventris tui : * Et unde hoc mihi, ut veniat mater Domini mei ad

me? **V.** Ecce enim ut facta est vox salutationis tuæ in auribus meis, exsultavit in gaudio infans in utero meo. Et. Glória Patri. Et.

IN II. NOCTURNO

Sermo sancti Joannis

Chrysostomi.

Apud Metaph. mense Julio.

Lectio iv.

CUM ad nos advenisset Redemptor nostri generis, venit protinus ad suum amicum Joannem, dum adhuc esset in ventre matris. Quem cum ex utero in utero adspexisset Joannes, terminos naturæ concutiens, exclamat : Video Dominum, qui naturæ imposuit terminos, et non exspecto tempus nascendi : novem mensium tempus mihi non est hic necessarium : in me est enim, qui est æternus : egrēdiar ex hoc tenebrōso tabernaculo, rerum admirabilium compendiosam prædicabo cognitionem. Sum signum : significabo Christi adventum. Sum tuba : proferam Filii Dei in carne dispensationem. Tuba canam, eo ipso paternæ linguæ benedicam, et eam traham, ut loquatur. Tuba canam, et uterum maternum vivificabo.

R. Ecce iste venit saliens in montibus, transiliens colles : * Similis est dilectus meus caprea hinnuloque cervorum. **V.** Exsultavit ut gigas ad currēdam viam,

a summo cælo egressio ejus. Similis.

Lectio v.

VIDES, o dilécte, quam sit novum et admirábile mystérium. Nondum nascitur, et saltibus lóquitur : nondum appáret, et minas inténtat : nondum ei permittitur clamáre, et per facta auditur : nondum ducit vitam, et Deum prædicat : nondum ádspicit lucem, et solem índicat : nondum páritur, et próperat præcúrrere ; non fert enim præsente Dómino continéri : non sústinet natúræ expectáre términos ; sed conténdit rúmpere cárcerem ventris, et studet præsignificáre veniéntem Salvatórem. Accéssit, inquit, qui solvit vinctula ; et quid ego sédeo vinctus, et retíneor ut máneam ? Venit Verbum, ut ómnia constituat : et ego adhuc máneo deténtus ? Exíbo, præcúrram, et prædicábo ómnibus : Ecce Agnus Dei, qui tollit peccátum mundi.

R. Congratulámini mihi, omnes qui diligitis Dóminum, quia cum essem párvula, plácuí Altíssimo : * Et de meis viscéribus génui Deum et hóminem. **V.** Beátam me dicent omnes generatiónes, quia ancillam húmílem respéxit Deus. Et.

Lectio vj.

SED dic nobis Joánnes, cum adhuc in tenebróso matris útero contineáris, quó-

modo intuéris et áudis ? quómodo res divinas contempláris ? quómodo éxsis et exsúltas ? Magnum est, inquit, quod perágitur mystérium, et actus ab humána remótus comprehensióne. Mérito innovo natúram propter eum, qui est innovatúrus ea quæ sunt supra natúram. Video, etsi adhuc in útero sim, quóniam in útero gestári video solem justitiæ. Auribus percípío, quóniam nascor vox magni Verbi. Exclámo, quóniam Filium Patris unigénitum considero carne indútum. Exsúltó, quóniam univérsi effectórem video formam hóminis suscípere. Exsílio, quóniam mundi Redemptórem cógito incorporátum. Præcúrró adventum ejus, et quodámodo vobis præeo confessióne.

R. Beáta quæ credidísti, quóniam perficiéntur in te quæ dicta sunt tibi a Dómino. Et ait Maria : * Magnificat ánima mea Dóminum. **V.** Veníte, et audíte, et narrábo quanta fecit Deus animæ meæ. Magnificat. Glória Patri. Magnificat.

IN III. NOCTURNO

Lectio sancti Evangélíi secúndum Lucam.

Lectio vij. Cap. 1. d

IN illo témpore : Exsúrgens Maria ábiit in montána cum festinatióne in civitátem Juda. Et intrávit in domum Zachariæ, et salutávit Elisabeth. Et réliqua.

Homilia sancti Ambrósii
Episcopi.

Lib. 2. Comment. in Luc.
cap. 1. post init.

CONTUÉNDUM est quia superior venit ad inferiorem, ut inferior adjuvetur: Mariæ ad Elisabeth, Christus ad Joannem. Denique etiam postea, ut sanctificaret baptismum Joannis, Dominus venit ad baptismum. Cito quoque adventus Mariæ, et præsentiae divinæ beneficia declarantur. Vide distinctiōnem, singulorūque verborum proprietatem. Vocem prior Elisabeth audivit, sed Joannes prior grātiā sensit. Illa naturæ ordine audivit, iste exultavit ratione mystērii. Illa Mariæ, iste Domini sensit adventum. Istæ grātiā loquuntur, illi intus operantur, pietatisque mystērium maternis adoriuntur profectibus, duplicique miraculo prophetant matres spiritu parvulorum. Exultavit infans, replēta est mater. Non prius mater replēta, quam filius: sed cum filius esset replētus Spiritu sancto, replēvit et matrem.

R. Beātam me dicent omnes generationes: * Quia fecit mihi Dominus magna, qui potens est, et sanctum nomen ejus. **V.** Et misericordia ejus a progēie in progēies timētibz eum. Quia fecit.

Bened. Cujus festum cōlimus, ipsa Virgo virginum.

Lectio viij.

ET unde hoc mihi, ut veniat mater Domini mei ad me? Hoc est, quo tantum bonum mihi accidit. ut mater Domini mei veniat ad me? Mirāculum sentio, agnosco mystērium: mater Domini Verbo fœta, Deo plena est. Mansit autem Mariā cum illa mēnsibus tribus, et reversa est in domum suam. Bene inducitur sancta Mariā et exhibuisse officium, et mysticum nūmerum custodisse. **¶** Non enim sola familiaritatis est causa quod diu mansit, sed etiam tanti vatis profectus. Nam si primo ingressu tantus profectus exstitit, ut ad salutatiōem Mariæ exultaret infans in utero, repleretur Spiritus sancto mater infantis: quantum putamus usu tanti tēporis sanctæ Mariæ addidisse præsentiam? Ungebatur itaque, et quasi bonus athlēta exercebatur in utero matris prophēta: amplissimo enim virtus ejus certāmini parabatur.

R. Felix namque es, sacra Virgo Mariā, et omni laude dignissima: * Quia ex te ortus est sol justitiæ, * Christus Deus noster. **V.** Ora pro pōpulo, intēveni pro clero, intercēde pro devōto femineo sexu: sentiant omnes tuum juvāmen, quicūque celebrant tuam sanctam Visitationem. Quia ex. Glōria Patri. Christus.

Pro SS. Martyribus
Processo et Martiniano.

Lectio ix.

Quo tēpore Petrus et Páulus tenebántur sub custódia Mamertini in monte Tarpéio, duo custódes, Procéssus et Martiniánus cum áliis quadraginta, Apostolórum prædicatióem miraculisque commóti, se ad Jesu Christi fidem convertérunt : et cum repēte fons e saxo ortus esset, baptizáti sunt. Qui permisérunt Apóstolis, ut si vellent, abirent. Sed Paulinus militum præfēctus, re cógnita, Procéssum et Martiniánum a suscepto consilio revocáre conátur. Qui cum frustra tempus contēreret, ipsórum ora saxo contúndi, dentésque comminui jubet. Mox ad Jovis státuam addúctos, cum eádem constántia veneratúros se idóla negárent, imperat equúleo torquéri, candéntibus láminis ad eórum corpus admóti, ac cædi fústibus. Quibus in cruciátibus una hæc illórum vox audiebátur : Sit nomen Dómini benedictum. Dénique conjécti in cárcerem, páulo post extra Urbem via Aurélia secúri feriúntur. Quorum córpora Lucína in prædio suo sepelívit, sexto Nonas Júlii : quæ póstea in Urbem transláta, in basilica principis Apostolórum cóndita sunt.

Te Deum laudámus. 16.

AD LAUDES

ET PER HORAS

Ant. 1. Exsúrgens Mariá, * ábiit in montána cum festinatióne in civitátem Juda.

Ps. Dóminus regnávít. *cum reliq.* 16.

2. Intrávit Mariá * in domum Zachariæ, et salutávit Elisabeth.

3. Ut audívit * salutatió-nem Mariæ Elisabeth, exsultávit infans in útero ejus, et repléta est Spíritu sancto, allelúia.

4. Benedicta * tu inter mulieres, et benedictus fructus ventris tui.

5. Ex quo facta est * vox salutatióis tuæ in áuribus meis, exsultávit infans in útero meo, allelúia.

Capitulum. Eccli. 24. b

AB initio, et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi.

Hymnus.

O GLORIÓSA virginum,
Sublímis inter sidera,
Qui te creávit, párvulum
Lacténte nutris úbere.

Quod Heva tristis ábstulit,

Tu reddis almo gérmine :
Intrent ut astra flébiles,
Cæli reclúdis cárdines.

Tu Regis alti jánuá,
Et áula lucis fúlgida :
Vitam datam per Virginem
Gentes redémtæ pláudite.

Jesu tibi sit glória,
Qui natus es de Virgine,

Cum Patre, et almo Spiritu
In sempiterna sæcula. Amen.

Ÿ. Benedicta tu in mulieribus. *R.* Et benedictus fructus ventris tui.

Ad Bened. Ant. Cum audisset salutationem Mariæ Elisabeth, exclamavit voce magna, et dixit : Unde hoc mihi, ut veniat mater Domini mei ad me? allelúia.

Oratio.

FÁMULIS tuis, quæsumus Dómine, cælestis gratiæ munus impertire : ut quibus beatæ Virginis partus exstitit salutis exórdium, Visitationis ejus votivas solémnitas, pacis tribuat incrementum. Per Dóminum.

Et fit Commem. SS. Processi et Martiniani tantum.

Ant. Vestri capilli cápitis omnes numeráti sunt : nolite timere : multis passeribus meliôres estis vos.

Ÿ. Exsultábunt sancti in glória. *R.* Lætábuntur in cubilibus suis.

Oratio.

DEUS, qui nos sanctorum Mártyrum tuorum Processi et Martiniáni gloriôsis confessionibus circúmdas et prótegis : da nobis et eorum imitatione proficere, et intercessiône gaudere. Per Dóminum.

AD PRIMAM

In *R.* brevi dicitur *V.* Qui natus es de Maria Virgine.

AD HORAS

Ant. de Laud. et reliqua ut in Festis B. M. V. 157*.

IN II. VESPERIS

Ant. de Laud. 457; Pss., Capit. et Hymn. ut in Festis B. M. V. 145*.

Ÿ. Benedicta tu in mulieribus. *R.* Et benedictus fructus ventris tui.

Ad Magnif. Ant. Beátam me dicent omnes generationes, quia ancillam húmilem respéxit Deus, allelúia.

Deinde fit Commem. de Oct. Apost. ut infra.

INFRA OCTAVAM

SS. PETRI ET PAULI

Omnia dicuntur de Comm. Apost., præter Lect. et Ant. ad Bened., et ad Magnif. quæ dicuntur, ut infra notatur.

Ad Bened. Ant. Gloriôsi principes terræ, * quómodo in vita sua dilexérunt se, ita et in morte non sunt separáti.

Ÿ. In omnem terram exívit sonus eórum. *R.* Et in fines orbis terræ verba eórum.

Ad Magnif. Ant. Petrus Apóstolus, * et Páulus Doctor gentium, ipsi nos docuérunt legem tuam Dómine.

Ÿ. Constitues eos principes super omnem terram. *R.* Mémoires erunt nóminis tui Dómine.

Oratio.

DEUS, qui hodiérnam diem Apostolorum tuorum Petri et Páuli mártýrio consecrásti : da Ecclesiæ tuæ, eorum in ómnibus sequi præcéptum, per quos religiônis sumpsit exórdium. Per Dñm.

DIE III

V. DIE INFRA OCTAVAM
SS. PETRI ET PAULI
IN I. NOCTURNOLect. de Script. occurren-
te.

IN II. NOCTURNO

De Sermone sancti Leonis
Papæ.Ex Serm. 82. in natali
SS. Apost. Petri et Pauli, in
fine.

Lectio iv.

PRETIOSA est in conspectu
Dómini mors sanctorum
ejus : nec ullo crudelitatis
génere destrui potest sacra-
mento crucis Christi fundata
religio. Non minuitur perse-
cutionibus Ecclesia, sed au-
getur : et semper Dominicus
ager segete ditiori vestitur,
dum grana, quæ singula ca-
dunt, multiplicata nascuntur.
Unde duo ista præclara
divini seminis germina in
quantam sobolem germinarint,
beatorum millia Martyrum
protestantur, qui apostolicorum
æmuli triumphorum, Urbem nostram
purpuratis et longe lateque
rutilantibus populis ambi-
erunt, et quasi ex multarum
honore gemmarum conserto
uno diademate coronarunt.

R. Vidi conjunctos viros,
habentes splendidas vestes,
et Angelus Dómini locutus
est ad me, dicens : * Isti sunt
viri sancti facti amici Dei.
V. Vidi Angelum Dei fortem,
volantem per medium cæ-

lum, voce magna clamantem
et dicentem. Isti.

Lectio v.

DE quorum præsidio, dile-
ctissimi, divinitus nobis
ad exemplum patientiæ, et
confirmationem fidei præpa-
rato, universaliter quidem
in omnium Sanctorum com-
memoratione lætandum est :
sed in horum excellentia Pa-
trum merito est excellentius
gloriandum, quos grátia Dei
in tantum apicem inter omnia
Ecclesiæ membra provexit,
ut eos in corpore, cui caput
est Christus, quasi geminum
constitueret lumen oculorum.
De quorum meritis atque
virtutibus, quæ omnem
loquendi superant facultatem,
nihil diversum, nihil
debemus sentire discretum :
quia illos et electio pares,
et labor similes, et finis fecit
æquales.

R. Beati estis, cum male-
dixerint vobis homines, et
persecuti vos fuerint, et di-
xerint omne malum adversum
vos, mentientes, propter me : *
Gaudete et exultate, quoniam
merces vestra copiosa est in cælis.
V. Cum vos oderint homines, et cum
separaverint vos, et exprobraverint,
et ejecerint nomen vestrum
tamquam malum propter Filium hominis.
Gaudete et exultate.

Lectio vj.

SICUT autem et nos experti
sumus, et nostri probavere
majores, credimus at-

que confidimus, inter omnes labores istius vitæ ad obtinendam misericordiam Dei semper nos specialium patronorum orationibus adiuvandos : ut quantum propriis peccatis deprimimur, tantum apostolicis meritis erigamur : Per Dominum nostrum Jesum Christum, cui est cum Patre et sancto Spiritu eadem potestas, una divinitas, in sæcula sæculorum. Amen.

℞. Isti sunt triumphatores et amici Dei, qui contemnentes jussa principum, meruerunt præmia æterna : * Modo coronantur, et accipiunt palmam. V. Isti sunt qui venerunt ex magna tribulatione, et laverunt stolas suas in sanguine Agni. Modo. Glória Patri. Modo.

IN III. NOCTURNO

Homil. in Evang. Eccenos. de Comm. Apost. 2º loco. 19*.

DIE IV

VI. DIE INFRA OCTAVAM
SS. PETRI ET PAULI

IN I. NOCTURNO

Lect. de Script. occur.

IN II. NOCTURNO

De Expositione sancti Joannis Chrysostomi in Epistolam ad Romanos.

Serm. 32. in morali exhortat.

Lectio iv.

CUM Páulus Apóstolus grátiam Dómini nostri Jesu Christi, matrem ómnium bonórum, nobis precétur; reliquum est, ut nos tali patro-

cinio dignos exhibeamus, ut non hic solum vocem Páuli audiamus, sed et postquam illuc migraverimus, athlétam Christi vidére mereamur. Imo si hic audiverimus, et illic ipsum omnino videbimus; licet non e propinquo stantes, videbimus tamen prope regálem thronum splendéntem, ubi Chérubim Deum glorificant, ubi Séraphim volant, illic Páulum videbimus cum Petro sanctórum chori principem adducem, et ejus germána caritate fruémur.

℞. Vidi conjunctos. 459.

Lectio v.

SI enim, cum hic esset, usque ádeo diligébat hómines, ut cum dissólvi et cum Christo esse cúperet, elégerit tamen hic esse : multo magis illic ferventiórem caritátem osténdet. Ego et Romam proptérea diligo, tamétsialiunde illam laudáre queam, nempe a magnitudine, ab antiquitate, a pulchritudine, a multitudine, ab império, a divitiis, et a rebus in bello fórtiter gestis. Sed his ómnibus omíssis, ob id illam beátam prædico, quod erga illos Páulus, dum viveret, ádeo fuit benévólus, ádeo illos amávit, et coram disséruit, et postrémo vitam apud eos finivit. Cujus sanctum corpus ipsi póssident : et proptérea civitas illa hinc facta est insignis magis quam ab áliis rebus

ómnibus : et tamquam corpus magnum ac válidum duos habet óculos fulgéntes, sanctórum vidélicet horum córpora.

℞. Beáti estis. 459.

Lectio vj.

NON ita cælum splendéscit quando rádios sol demittit, quemádmódum Románorum urbs duos istos fulgóres ubique terrárum emittens. Hinc rapiétur Páulus, hinc Petrus. Consideráte, et horréte, quale spectáculum visúra sit Roma : Páulum vidélicet repénite ex theca illa cum Petro resurgéntem in occúrsum Dómini sursum ferri. Qualem rosam Christo mittet Roma? quálibus córonis duábus ornátur urbs ista? quálibus caténis áureis cincta est? quales habet fontes? Proptérea admiror hanc urbem, non propter cópiam áuri, non propter colúmnas, neque propter áliam quamcúmque rerum spéciem, sed propter colúmnas illas Ecclesiæ. Quis mihi nunc dabit circumvólvi córpori Páuli, affigi sepúlcro, vidére pulverem córporis illius, quæ adhuc in Christo déerant adimpléntis, stigmata illius gestántis, prædicatióem Evangélii ubique seminántis?

℞. Isti sunt. 460.

IN III. NOCTURNO

Homil. in Evang. Ecce nos. de Comm. Abbat. 3º loco. 93*, cum ℞℞. de Comm. Apost. 13*.

Vesp. de seq. Commem.
Oct. SS. Apost.

DIE V

S. ANTONII MARIE ZACCARIA

CONFESSORIS

Duplex.

Omnia de Comm. Conf.
non Pont. 76*, præter seq.
Oratio.

FAC nos, Dómine Deus, supereminéntem Jesu Christi sciéntiam, spíritu Páuli Apóstoli ediscere : qua beátus Antónius Maria mirabiliter eruditus, novas in Ecclesiá tua Clericórum et Virginum familias congregávit. Per eúmdem Dóminum.

Et fit Commem. Oct. SS. Apostolorum.

Ant. Petrus Apóstolus, et Páulus Doctor Géntium, ipsi nos docuérunt legem tuam Dómine.

Ÿ. Constitues eos príncipes super omnem terram.
℞. Mémoires erunt nóminis tui Dómine.

Oratio.

DEUS, qui hodiérnam diem Apostolorum tuórum Petri et Páuli martýrio consecrásti : da Ecclesiæ tuæ eórum in ómnibus sequi præcéptum, per quos religiónis sumpsit exórdium. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

ANTÓNIVS Maria Zaccaria, Cremónæ in Insúbria

nóbili génere natus, jam a púero qua futúrus esset sanctitáte porténdere visus est. Eximiárum enim in eo virtútum significatiónes matúre eluxérunt, pietátis in Deum ac beátam Virginem; insignis præsertim in páuperes misericórdiæ, quorum inópiæ sublevándæ, vel pretiósa veste sibi detrácta, haud semel præsto fuit. Humanioribus litteris in pátria excúltus, Ticini philosophiæ, Patávii medicinæ addiscéndæ óperam dedit : utque ómnibus vitæ integritáte, ita et æquálibus acúmine ingénii fáciie antecélluit. Láuream adéptus ac domum revérsum, ubi intelléxit se Dei mónitu ad animórum morbis medéndum vocári, in sacras disciplinas percipiéndas sédulo incubuit. Intérea ægrótos visere, púeros christiána doctrína informáre, júvenum cœtus pietáte excólere, ætáte étiam provéctos ad mores emendándos frequénter hortári non déstitit. Sacris initiátus cum primo litáret, cælésti obórto lúmine, Angelórum coróna circumdatus stupénti pópulo apparuisse tráditur. Exinde animárum salúti impénsius consúlere, depravatís móribus summa ope obsistere curæ fuit. Ad hæc ádvenas, egénos, afflictos patérno compléxus afféctu, piis adlókuiis atque subsidiis re-

creátos ita solári, ut ejus domus miserórum perfúgium haberétur, ipseque pater pátriæ atque ángelus merúerit a suis civibus appellári.

¶ Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. ¶ Justum dedúxit Dóminus per vias rectas, et osténdit illi regnum Dei. Et dedit.

Lectio v.

MEDIOLÁNI, cum secum agitáret uberióres in rem christiánam manáre posse fructus, si in vinea Dómini sibi labórum sócios adscisceret, re communicáta cum Bartholomæo Ferrário et Jacobo Morigia nobilissimis et sanctíssimis viris, Sodalitátis Clericórum Regulárium fundaménta jecit; quam, ob suum in géntium Apóstolum amórem, a sancto Páulo nuncupávit : quæ, Cleménte séptimo Pontifice Máximo approbánte et Páulo tértio confirmánte, brevi per complúres regiónes propagáta est. Sanctimoniálíum quoque Angelicárum Societas ipsum Antónium Mariam paréntem et auctórem hábuit. Qui tamen ádeo de se submisse sentiébat, ut nullo pacto præesse suo órđini umquam volúerit. Tanta vero fuit patiéntia, ut formidolossíssimas tempestátes in suos commótas constánti ánimo

perferret; tanta caritate, ut piis adhortationibus religiosos viros ad Dei amorem inflammare, sacerdotes ad apostolicamvivendinormam revocare, patrumque familias Sodalitia ad bonam frugem instituire numquam intermiserit; imo interdum praelata Cruce per compita plateasque cum suis progressus, fervida ac vehementi oratione, aberrantes improbosque homines ad salutem reduceret.

R. Amavit eum Dominus, et ornavit eum: stolam glorie induit eum, * Et ad portas paradisi coronavit eum.
V. Induit eum Dominus loriceam fidei, et ornavit eum. Et ad portas.

Lectio vj.

ILLUD etiam memorandum quod in Jesum crucifixum amore flagrans, Crucis mysterium ab omnibus, ad statum aeris campani indicium, sexta quaque feria sub vespas, recolendum curavit; sanctissimum Christi nomen in suis scriptis passim usurpabat et in ore semper habebat; ejusdemque cruciatus, vere Pauli discipulus, in corpore suo praeferabat. In sacram Eucharistiam singulari caritate ferebatur; cujus et frequenter percipiendae consuetudinem instauravit; et morem e sublimi throno publice in triduum adorandae invexisse perhibetur. Pudicitiam adeo coluit ut etiam

in exsanguis corpore, reviviscere visus, ejus amorem testaretur. Accessere caelestia dona extasis, lacrymarum, futurorum eventuum cognitionis, scrutationis cordium, virtutis in humani generis hostem. Tandem magnis laboribus ubique exantlatis, Guastallae, quo pacis sequester accitus fuerat, gravi morbo correptus est. Cremationem adductus, inter suorum fletus, et complexus piissimae matris quam proxime obitum prae dixit; superna Apostolorum visione recreatus, Sodalitatis suae incrementa prae nuntians, tertio Nonas Julii anno millesimo quingentesimo trigessimonono, sanctissime obiit, annos natus sex supratriginta. Cultum tanto viro, ob eximiam ejus sanctitatem et signorum copiam a christiano populo statim exhibitum, Leo decimus tertius Pontifex Maximus ratum habuit et confirmavit; eundemque anno millesimo octingentesimo nonagesimo septimo, in festo Ascensionis dominicae, solemni ritu Sanctorum fastis adscripsit.

R. Iste homo. 83*.

IN III. NOCTURNO

Lectio sancti Evangelii secundum Marcum.

Lectio vij. Cap. 10.

IN illo tempore: Dixit Jesus discipulis suis: Quisquis non receperit regnum Dei velut parvulus, non intrabit

in illud. Et cum egréssus esset in viam, procúrrens quidam, genu flexo ante eum, rogábat eum. Et réliqua.

Homilia sancti Augustíni
Episcopi.

Sermo 47. de diversis.

DURUM vidétur et grave quod Dóminus imperávit; ut si quis eum vult sequi, ábneget seipsum: sed non est durum nec grave quod ille imperat, qui ádjuvat ut fiat quod ímperat. Nam illud verum est quod ei dicitur in Psalmo: Propter verba labiórum tuórum ego custodivi vias duras. Quidquid enim durum est in præcéptis, ut sit lene, caritas facit. Nóvimus quanta ipse amor facit. Quid áutem est, Neget se? Non præsumat de se, séntiat se hóminem, et respiciat dictum prophéticum: Maledictus omnis qui spem suam ponit in hómine: subdícat se sibi sed non deórsum versus: subdícat se sibi ut háreat Deo.

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédat pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse.

Lectio viij.

Quo sequéndus est Dóminus? quo iit, nóvimus:

resurréxit enim et ascéndit in cælum: illo sequéndus est. Plane desperándum non est quia ipse promisit, non quia homo áliquid potest. Jam quare desperémus, si membra illius cápitis sumus? Bonum est illo eum sequi; sed vidéndum est, quo: étenim verba ista Dóminus Jesus non tunc dicebat quando a mórtuis jam resurréxerat: nondum erat passus, ventúrus erat ad crucem, ventúrus ad exhonorationem, ad contumélias, ad flagélla, ad spinas, ad vulnere, ad insultatiónes, oppróbria, mortem. Quasi exasperáta est via: pígrum te facis, non vis sequi: Séquere. Nam quis non velit ire ad exaltatiónem? omnes deléctat celsitúdo, sed humilitas gradus est.

R. Sint lumbi vestri præcincti, et lucernæ ardéntes in manibus vestris: * Et vos símiles homínibus expectántibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester ventúrus sit. Et vos. Glória Patri. Et vos.

Lectio ix.

Ex Epistola 38.

TOLLE crucem tuam et séquere Dóminum. Crux enim nostra quam Dóminus portári a nobis jubet, ut cum expeditissimis sequámur, quid áliud quam mortalitátem carnis hujus signi-

ficat? ipsa enim nos cruciat, donec absorbeatur mors in victoriam. Crux ergo hæc ipsa crucifigenda est, et transfigenda est clavis timoris Dei, ne solutis et liberis membris reluctantem portare non possis: sequi enim Dominum, nisi eam portans, omnino non vales. Nam quomodo eum sequeris si non es ejus? qui autem Jesu Christi sunt, ait Apostolus, carnem suam crucifixerunt cum passionibus et desideriis.

Te Deum laudamus. 17.

In Laud. Commem. Oct. SS. Apost. Petri et Pauli. 458.

Vesp. de seq. Commem. præced.

DIE VI

IN OCTAVA

SS. PETRI ET PAULI

Duplex.

IN I. VESPERIS

Omnia ut in I. Vesp. de Communi Apost. 2*, præter seq.

Ÿ. Constitues eos principes super omnem terram. **R.** Mémores erunt nominis tui Domine.

Ad Magnif. Ant. Petrus Apostolus, et Paulus Doctor Géntium, ipsi nos docuerunt legem tuam Domine.

Oratio.

DEUS, cujus dextera beatum Petrum ambulantem in fluctibus, ne mergeretur, erexit, et coapostolum ejus

Páulum, tertio naufragantem, de profundo pélagi liberavit: exaudi nos propitius, et concede; ut amborum méritis æternitátis glóriam consequámur: Qui vivis.

Et sit Commem. præced.

Ant. Hic vir despiciens mundum et terréna, triumphans, divitias cælo condidit ore, manu.

Ÿ. Justum deduxit Dominus per vias rectas. **R.** Et ostendit illi regnum Dei.

Orat. ut supra. 461.

Ad Matut., et alias Horas, omnia dicuntur de Comm. Apost. 4*, præter seq.

IN I. NOCTURNO

Lect. de Script. occur.

IN II. NOCTURNO

Sermo sancti Joánnis Chrysóstomi.

Apud Metaphrasten.

Lectio iv.

QUASNAM vobis, o beati Apóstoli, referemus grátias, qui tantum pro nobis laborástis? Mémini tui Petre, et obstupesco: recórdor tui Páule, et excédens mente, opprimor lácrymis. Quid enim dicam, aut quid loquar, vestras contémplans afflictiónes, nescio. Quot cárceres sanctificástis? Quot caténas decorástis? Quot torménta sustinuístis? Quot maledicta tolerástis? Quomodo Christum portástis? Quomodo prædicatióne ecclésiás lætificástis? Sunt benedicta vestræ linguæ instruménta:

sánguine conspérsa sunt membra vestra propter Ecclésiám. Vos Christum imitáti estis in ómnibus. In omnem terram éxiit vester sonus, et verba vestra in fines orbis terræ.

R. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei. **V.** Vidi Angelum Dei fortem, volántem per médium cælum, voce magna clamántem et dicéntem. Isti.

Lectio v.

GÁUDEAS Petre, cui datum est, ut ligno crucis Christi frueréris. Et ad magistri quidem similitúdinem volúisti crucifigi, non recta quidem figúra, ut Christus Dóminus, sed cápite in terram verso, tamquam qui a terra in cælum iter fáceres. Beáti clavi, qui sancta illa membra penetrárunť. Tu cum omni fidúcia in manus Dómini ánimam tradidisti, qui assidue ei et ejus sponsæ Ecclésiæ servisti, qui fervénti spiritu Dóminum dilexisti ómnium Apostolorum fidelíssimus.

R. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : * Gaudéte et exultáte, quóniam merces vestra copiósa est in cælis. **V.** Cum vos óderint hómines,

et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte.

Lectio vj.

GÁUDEAS et tu beáte Páule, cui caput fuit gládio amputátum, cujus virtútes nullis verbis explicári possunt. Quisnam gládus sanctum guttur tuum pervásit, Dómicum, inquam, instruméntum, quod a cælo habétur in admiratióne, et quod terra reverétur? Quisnam locus tuum sánguinem excépit, lactis spécie in ejus qui te percússit, túnica apparéntem? qui ánimam illius bárbari supra modum dulciórem reddens, fidélem effécit cum sóciis. Sit mihi gládus ille pro coróna, et clavi Petri pro gemmis infixis in diadémate.

R. Isti sunt. 11*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 14. c

IN illo témpore : Cómputit Jesus discipulos ascéndere in navículam, et præcédere eum trans fretum, donec dimitteret turbas. Et reliqua.

Homilia sancti Hierónymi Presbýteri.

Lib. 2. Comment. in c. 14. Matthæi.

DISCÍPULIS Dóminus præcépit transfretáre, et cómputit ut ascénderent na-

viculam. Quo sermóne osténditur, invitos eos a Dómino recessisse, dum amóre præceptoris ne punctum quidem témporis ab eo volunt separári. Et dimissa turba ascéndit in montem solus oráre. Si fuissent cum eo discipuli Petrus et Jacóbus et Joánnes, qui viderant glóriam transformáti, fórsitan ascendissent in montem cum eo : sed turba ad sublimia sequi non potest, nisi docúerit eam juxta mare in litore, et alúerit in desérto.

℞. Isti sunt qui vivéntes in carne, plantavérunt Ecclésiám ságuine suo : * Cálicem Dómini bibérunt, et amici Dei facti sunt. V. In omnem terram exivit sonus eórum, et in fines orbis terræ verba eórum. Cálicem.

Lectio viij.

QUOD áutem ascéndit solus oráre, non ad eum réferras, qui de quinque pánibus quinque millia saturávit hóminum, excéptis párvulis et muliéribus; sed ad eum, qui audíta morte Joánnis secéssit in solitúdinem : non quod persónam Dómini separémus, sed quod ópera ejus inter Deum hominémque divisa sint. Navicula áutem in médio mari jactabátur flúctibus. Recte quasi invíti et retractántes Apóstoli a Dómino recésserant, ne illo absénte naufrágia sustinérent.

℞. Isti sunt viri sancti,

quos elégit Dóminus in caritáte non ficta, et dedit illis glóriam sempitérnám : * Quorum doctrina fulget Ecclésia, ut sole luna. V. Sancti per fidem vicérunt regna, operáti sunt justitiam. Quorum. Glória Patri. Quorum.

Lectio ix.

DÉNIQUE Dómino in montis cacúmине commoránte, statim ventus contrárius óratur, et turbat mare, et periclitántur Apóstoli : et támdiu imminens naufrágium perseverat, quámdiu Jesus véniat. Quarta áutem vigilia noctis venit ad eos ámbulans supra mare. Stationes et vigiliæ militáres in terna horárum spátia dividúntur. Quando ergo dicit, quarta vigilia noctis venisse ad eos Dóminum, osténdit tota nocte periclitátos; et extrémó noctis, atque in consummatione mundi, eis auxilium præbitúrum.

Te Deum laudámus. 17.

AD LAUDES

V. In omnem terram exivit sonus eórum. ℞. Et in fines orbis terræ verba eórum.

Ad Bened. Ant. Gloriósi principes terræ, quómodo in vita sua dilexérunt se, ita et in morte non sunt separáti.

Oratio.

DEUS, cujus dextera beátum Petrum ambulántem in flúctibus, ne mergerétur, eréxit, et coapóstolum ejus

Páulum, tértio naufragántem, de profúndo pélagi liberávit: exáudi nos propítius, et concéde; ut ambórum méritis æternitátis glóriam consequámur: Qui vivis.

IN II. VESPERIS

Omnia ut in II. Vesp. de Comm. Apost. 15.*

Ÿ. Constitues eos príncipes super omnem terram. *R.* Mémoires erunt nóminis tui Dómine.

Ad Magnif. Ant. Petrus Apóstolus, et Páulus Doctor Géntium, ipsi nos docuérunt legem tuam Dómine.

Et fit Commem. seq. ut infra.

DIE VII

SS. CYRILLI ET METHODII

PONT. ET CONF.

Duplex.

Omnia de Comm. Conf. Pont. 55, præter seq.*

Ant. O quam speciósi pedes evangelizántium pacem, evangelizántium bona, dicéntium Sion: Regnábit Deus tuus.

Ÿ. Sacerdótes tui induántur justitiam. *R.* Et sancti tui exsúltent.

Oratio.

OMNÍPOTENS sempitérne Deus, qui Slavóniæ gentes per beátos Confessóres tuos atque Pontífices Cyrillum et Methódium ad agnitióem tui nóminis venire tribuisti: præsta; ut quorum festivitáte gloriámur, eórum

consórtio copulémur. Per Dóminum.

Si I. Vesperæ dicendæ sint, Hymnus. Sédibus cæli. ut infra ad Matutinum.

Ÿ., *Ant. ad Magnif. et Orat. ut supra.*

AD MATUTINUM

Invit. Regem Confessórum Dóminum* Veníte adorémus.

Ps. Veníte, exsultémus. 2.

Hymnus.

SÉDIBUS cæli nitidis receptos

Dicite athlétas géminos, fideles;

Slávicæ duplex cólumen, decúsque

Dicite gentis.

Hos amor fratres sociávit unus,

Unaque abdúxit pietas erémo,

Ferre quo multis célerent beátæ

Pignora vitæ.

Luce, quæ templis súperis renidet,

Búlgaros complent, Móravos, Bohémos;

Mox feras turmas número-sa Petro

Agmina ducunt.

Débitam cincti méritis corónam

Pérgite o flecti lácrymis precántum;

Prisca vos Slavis opus est datóres

Dona tuéri.

Quæque vos clamat generósa tellus

Servet æternæ fidei nitórem;

Quæ dedit princeps, dabit
 ipsa semper
 Roma salutem.
 Gentis humanæ Sator et
 Redemptor,
 Qui bonus nobis bona cun-
 cta præbes,
 Sint tibi grates, tibi sit per
 omne
 Glória sæclum.
 Amen.

IN I. NOCTURNO

Lect. de Script. occur.

IN II. NOCTURNO

Ex Litteris Encyclicis

Leonis PP. XIII.

Lectio iv.

CYRILLUS et Methodius fra-
 tres germani, Thessalo-
 nicæ amplissimo loco na-
 ti, Constantinópolis matüre
 concesserunt, ut in ipsa urbe
 Oriëntis principe humanita-
 tis artes addiscerent. Utér-
 que plúrimum brevi profe-
 cērunt; sed máxime Cyril-
 lus, qui tantam scientiarum
 láudem adéptus est, ut sin-
 gularis honóris cáusa philó-
 sophus appellaretur. Deinde
 mónachum ágere Methodius
 cœpit; Cyrillus áutem di-
 gnus est hábitus, cui Theo-
 dóra imperátrix, auctóre
 Ignátio Patriárcha, negótium
 daret erudiéndi ad fidem
 christíanam Cházaros trans
 Chersonésun incoléntes;
 quos præcéptis suis edóctos
 et Dei númine instinctos,
 multiplici superstitione delá-
 ta, ad Jesum Christum ad-
 júnxit. Recénti Christianó-
 rum communitáte óptime

constitúta, Constantinópo-
 lim rédiit álacer, atque in
 monastérium Polychrónis,
 quo se jam Methódus recé-
 perat, Cyrillus ipse secéssit.
 Interim cum res trans Cher-
 sonésun prospere gestas ad
 Rastiláum Moráviæ prínci-
 pem fama detulisset, is de
 áliquot operáriis evangélicis
 Constantinópoli arcesséndis
 cum imperátore Michaële
 tértio egit. Igitur Cyrillus et
 Methódus illi expeditióni
 destináti, et in Moráviam
 célebrí lælitia excépti, áni-
 mos christíanis institutióni-
 bus tanta vi, tamque operósa
 indústria excoléndos aggre-
 diúntur, ut non longo inter-
 vállo ea gens nomen Jesu
 Christo libentíssime déderit.
 Ad eam rem non parum
 sciéntia váluit dictiόνis Sla-
 vónicæ, quam Cyrillus ante
 percéperat, multúmque po-
 tuérunt sacræ utriúsque te-
 staménti litteræ, quas pró-
 prio pópuli sermóne reddi-
 derat: nam Cyrillus et Me-
 thódus principes invenién-
 di fuérunt ipsas litteras, qui-
 bus est sermo ipsórum Sla-
 vórum signátus et exprés-
 sus, eáque de cáusa ejús-
 dem sermónis auctóres non
 immérito habéntur.

¶. Inveni David servum
 meum, óleo sancto meo
 unxi eum: * Manus enim
 mea auxiliábitur ei. ¶. Nihil
 proficiet inimicus in eo, et
 filius iniquitátis non nocébit
 ei. Manus.

Lectio v.

CUM rerum gestarum gloriam secundus rumor Romam nuntiasset, sanctus Nicoláus primus Póntifex Máximus fratres óptimos Romam conténdere jussit. Illi Románum iter ingressi, reliquias sancti Cleméntis primi Pontificis Máximi, quas Cyrillus Chersónæ repéerat, secum advehunt. Quo nuntio, Hadriánus secundus, qui Nicoláo demórtuo fúerat suffectus, clero populóque comitánte, óbviá eis magna cum honóris significatióne progréditur. Deinde Cyrillus et Methódus de múnere apostólico in quo essent sancte laborioséque versáti ad Pontíficem Máximum, assidénte clero, réferrunt; cum áutem eo nómine ab invidis accusaréntur, quod sermónem Slavónicum in perfunctióne múnus sacrorum usurpavissent, causam dixére ratióibus tam certis tamque illústribus, ut Póntifex et clerus et laudárint hómines et probárint. Tum ambo juráti se in fide beáti Petri et Pontíficum Romanórum permansúros, episcopi ab Hadriáno consecráti sunt. Sed erat provísus divinitus, ut Cyrillus vitæ cursum Romæ cónderet, virtúte magis quam ætate matúrus. Itaque defuncti corpus elátum fúnere públíco, in ipso sepúlcro quod sibi Hadriánus exstrúxerat

compósitum fuit; tum ad sancti Cleméntis dedúctum, et hujus prope cineres cónditum. Cumque veherétur per urbem inter festos psalmórum cantus, non tam fúneris quam triúmphi pompa, visus est pópulus RománuS libaménta honórum cæléstium viro sanctíssimo detulisse. Methódus vero in Moráviám regréssus, ibique factus forma gregis ex ánimo, rei cathólicæ inservire majóre in dies stúdio institit. Quin étiam Pannónios, Búlgaros, Dálmatas in fide christiáni nóminis confirmávit; in Carinthis áutem ad unius veri Dei cultum traducéndis plúrimum elaborávit.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

Lectio vj.

APUD Joánnem octávum, qui Hadriáno succésse rat, iterum de suspécta fide violatóque more majórum accusátus, ac Romam venire jussus, coram Joánné, et episcopis áliquot cleróque urbáno, fáciLe vicit cathólicam prorsus fidem et se retinuisse constánter, et cæteros diligénter edocuisse: quod vero ad linguam Slavónicam in sacris peragéndis usurpátam, se certis de

cáusis ex vénia Hadriáni Pontificis, nec Sacris Litteris repugnántibus, jure fecisse. Quaprópter in re præsénti compléxus Methódium Póntifex, potestátem ejus archiepiscopálem, expeditionémque Slavónicam, datis étiam litteris, ratam esse jussit. Quare Methódus in Moráviám revérsus assignátum sibi munus explére vigilántius perseverávit, pro quo et exsílum libénter passus est. Bohemórum principem ejúsque uxórem ad fidem perdúxit, et in ea gente christiánium nomen longe latéque vulgávit. Evangélii lumen in Polóniam invéxit, et, ut nonnúlli scriptóres tradunt, sede episcopáli Leópoli fundáta, in Moscóviám próprii nóminis digréssus, thronum pontificálem Kiowénsem constituit. Demum in Moráviám revérsus est ad suos; jamque sese ábripi ad humánum éxitum séntiens, ipsemet sibi successórem designávit, clerúmque et pópulum suprémis præcéptis ad virtútem cohortátus, ea vita, quæ sibi via in cælum fuit, placidíssime defúctus est. Uti Cyrillum Roma, sic Methódium Morávia decedéntem summo honóre prosecúta est. Illórum vero festum, quod apud Slavóniæ pópulos jámdiú celebrári consuéverat, Leo décimus tértius Póntifex Máximus cum Officio ac Missa própria

in univérsa Ecclésia quotánis agi præcépit.

¶ Iste est qui ante Deum magnas virtútes operátus est, et omnis terra doctrína ejus repléta est : * Ipse intercédit pro peccátis ómnium pópulorum. ¶ Iste est qui contémpsit vitam mundi, et pervénit ad cæléstia regna. Ipse. Glória Patri. Ipse.

IN III. NOCTURNO

Léctio sancti Evangélii secúndum Lucam.

Lectio vij. Cap. 10.

IN illo témpore : Designávit Dóminus et álios septuaginta duos : et misit illos binos ante faciém suam, in omnem civitátem et locum, quo erat ipse ventúrus. Et reliqua.

Homília sancti Gregórii Papæ.

Homil. 17. in Evang.

DÓMINUS et Salvátor noster, fratres caríssimi, aliquándo nos sermónibus, aliquándo vero opéribus ádmonet. Ipsa étenim facta ejus præcépta sunt : quia dum áliquíd tácitus facit, quid ágere debeámus innotéscit. Ecce enim binos in prædicationem discipulos mittit : quia duo sunt præcépta caritátis, Dei videlicet amor, et próximi : et minus quam inter duos caritas habéri non potest. Nemo enim próprie ad semetipsum habére caritátem dicitur : sed diléctio in álterum tendit, ut caritas esse possit.

IN I. NOCTURNO

Ant. Eleváta est * magnificéntia Elísabeth super cælos.

Pss. trium Nocturnorum de Communi Virginum. 98*.

Ant. Veni elécta mea, * et ponam in te thronum meum, quia concupívit Rex spéciem tuam.

Ant. Accépit benedictiónem * a Dómino, et misericórdiam a Deo salutári suo.

Ÿ. Multæ filiæ congregavérunt divítias. **℞.** Tu supergréssa es univérsas.

Lect. Mulierem fortem. **de Comm. nec Virg. nec Mart.** 114*, **cum ℞℞. sequentibus.**

℞. j. Regáli exórta progénie triúmphat in cælis Elísabeth, triplici circúmdata varietáte meritórum : * Nam in terra in triplici vitæ gradu pósteris imitánda virtutum reliquit exémpa. **Ÿ.** Virginálem statum, conjugálem, et viduálem inoffénsó pede cucúrrit. Nam in terra.

℞. ij. Os suum apérui sapiéntiæ, * Et lex cleméntiæ in lingua ejus. **Ÿ.** Quóniam prævenisti eam in benedictiónibus dulcédinis. Et lex cleméntiæ.

℞. iij. Desidérium ánimæ ejus tribuisti ei, * Et voluntáte labiórum ejus non fraudásti eam. **Ÿ.** Scuto bonæ voluntátis tuæ coronásti eam

Dómine. Et voluntáte labiórum. Glória Patri. Et voluntáte labiórum.

IN II. NOCTURNO

Ant. Propter veritátem, * et mansuetúdinem, et justítiam dedúcet te mirabiliter délixtera tua.

Ant. Arcum cónteret * et confrínget arma, et scuta combúret igni.

Ant. Justítia * et misericórdia plena est délixtera tua.

Ÿ. Virga tua, et báculo tuus. **℞.** Ipsa me consoláta sunt.

Lectio iv.

ELÍSABETH Aragóniæ régibus ortam, Christi anno millésimo ducentésimo septuagésimo primo, in præságium futúre sanctimóniæ paréntes, præter morem, relicto matris aviæque nómine, a magna ejus matertera, Thuringiæ dómina, sancta Elísabeth, in baptismo nominátam voluere. Ubi nata est, statim páuit, quam felix regum regnorúmque esset futúra pacátrix : natalitia enim ejus lætitia perniciosas avi patrisque dissensiones in concórdiam convertit. Pater vero crescéntis póstea filiæ admirátus índolem, affirmábat fore, ut una Elísabeth réliquas Aragoniórum regum ságuine creátas féminas virtúte longe superáret. Sic cælestem ipsius vitam in contemnendo corpóris ornátu, in fugiendis

voluptatibus, in jejuniis frequentandis, in divinis precibus assidue recitandis, in caritatis operibus exercendis, veneratus, rerum suarum regnique felicitatem unius filiae meritis referbat acceptam. Tandem ubique nota, et a multis principibus exoptata, Dionysio Lusitaniae regi christianis caeremoniis rite est in matrimonium collocata.

R. Audi filia, et vide, et inclina aurem tuam, et obliviscere populum tuum, et domum patris tui: * Et concupiscet Rex decorem tuum. **V.** Specie tua et pulchritudine tua intende, prospere procede, et regna. Et.

Lectio v.

JUNCTA conjugio, non minorem excolendis virtutibus, quam liberis educandis operam dabat, viro placere studens, sed magis Deo. Mediam fere anni partem solo pane tolerabat et aqua: quae in quodam ipsius morbo divinitus versa est in vinum, cum id a medicis praescriptum bibere recusasset. Pauperis feminae ulcus horrendum exosculata, derepente sanavit. Pecunias pauperibus distribuendas, ut regem laterent, hiberno tempore in rosas convertit. Virginem caecam a nativitate illuminavit: multos alios solo crucis signo a gravissimis morbis liberavit: plurima id genus miracula patravit. Monastē-

ria, collégia, et templa non modo extruxit, sed etiam magnifice dotavit. In regum discordiis componendis admirabilis fuit: in privatis publicisque mortalium sublevandis calamitatibus indefessa.

R. Manum suam misit ad fortia: * Manum suam aperuit inopi, et palmas suas extendit ad pauperem. **V.** Dispersit, dedit pauperibus, justitia ejus manet in saeculum saeculi. Manum suam.

Lectio vj.

DEFUNCTO rege Dionysio, sicut virginibus in prima aetate, in matrimonio conjugibus, ita viduis in solitudine fuit omnium virtutum exemplar. Illico enim religionis sanctae Clarae vestibus induta, regio funeri constanter interfuit, ac paulo post Compostellam proficiscens, multa ex holoserico, argento, auro, gemmisque donaria pro regis anima obtulit. Inde reversa domum, quidquid sibi carum aut pretiosum supererat, in sacros ac pios usus convertit: absolvendoque suo vere regio Conimbricensi virginum cenobio, et alendis pauperibus, et protegendis viduis, defendendis pupillis, miseris omnibus juvandis intenta, non sibi, sed Deo, et mortalium omnium commodis vivebat. Reges duos filium et generum pacificatura, Stremotium nobile oppidum

veníens, morbo ex itinere contrácto, ibidem a Virgine Deipara visitáta sanctíssime obiit, anno millésimo trecentésimo trigésimo sexto die quarta Júlii. Post mortem multis miráculis cláruit, præsertim suavíssimo corpore jam per annos fere trecéntos incorrúpti odóre; semper étiam reginæ sanctæ cognométo célebris. Tandem anno jubilæi, et nostræ salutis millésimo sexcentésimo vigésimo quinto, totius christiáni orbis concúrsu et appláusu, ab Urbáno octávo rite inter Sanctos adscripta est.

R. Regnum mundi, et omnem ornátum sáculi contémpsi propter amórem Dómini mei Jesu Christi: * Quem vidi, quem amávi, in quem crédidi, quem diléxi. **V.** Eructávit cor meum verbum bonum: dico ego ópera mea Regi. Quem. Glória Patri. Quem.

IN III. NOCTURNO

Ant. Conféssio, * et pulchritúdo in conspéctu ejus, sáncritas et magnificéntia in sanctificatióne ejus.

Ant. Annuntiavérunt * cæli justitiam ejus, et vidérunt omnes pópuli glóriam ejus.

Ant. Judicávit * in justitia, et pópulos in æquitáte.

V. Ignis ante ipsam præcédet. **R.** Et inflammábit in circúitu inimicos ejus.

Lect. de Homil. in Evang. Simile est regnum cælórum.

de Comm. nec Virg. nec Mart. 116*.

R. vij. Os suum apéruit sapiéntiæ, et lex cleméntiæ in lingua ejus: considerávit sémitas domus suæ, * Et loquebátur de testimoniis Dómini. **V.** Gustávit et vidit quia bona est negotiátio ejus: non exstinguétur in nocte lucérna ejus. Et loquebátur.

R. viij. Invocávi, et venit in me spíritus sapiéntiæ, et præpósui illam regnis et sédibus: * Et divítias nihil esse duxi in comparatióne illius. **V.** Mélior est enim sapiéntia cunctis ópibus pretiosíssimis. Et. Glória. Et.

AD LAUDES

ET PER HORAS

Ant. 1. Dum esset Rex * in accúbitu suo, nardus mea dedit odórem suavitátis.

Ps. Dóminus regnávit. **cum reliq. 16.**

2. Et concupíscet Rex * decórem tuum, quia ipse est Dóminus Deus tuus.

3. Potens in ópere * et sermóne, lenívit iracúndiam Dómini, et conciliávit cor patris ad filium.

4. Quasi arcus refúlgens * inter nébulas glóriæ, et quasi flos rosárum in diébus vernis.

5. Quasi stella matutína * in médio nébulæ, et quasi luna plena in diébus suis.

Capitulum. Prov. 31. b

MULIEREM fortem quis invéniet? procul, et de últimis finibus pretium ejus.

Confidit in ea cor viri sui,
et spóliis non indigébit.

Hymnus.

OPES decúsque régium re-
liqueras

Elisabeth, Dei dicáta númini:
Recépta nunc beáris inter
Angelos;

Libens ab hóstium tuére nos
dolis.

Præi, viámque dux salútis
índica:

Sequémur: O sit una mens
fidélium,

Odor bonus sit omnis áctio,
tuis

Id innuit rosis opérta cáritas.
Beáta cáritas, in arce sí-
derum

Potens locáre nos per omne
sæculum:

Patrique, Filióque summa
glória,

Tibique laus perénis alme
Spiritus. Amen.

Ÿ. Méritis et précibus beá-
tæ Elisabeth. **R.** Propítius
esto Dómine pópulo tuo.

Ad Bened. Ant. Tu glória
Jerúsalem, * tu lætítia Israël,
tu honorificéntia pópuli tui.

Oratio.

CLEMENTÍSSIME Deus, qui
beátam Elisabeth regí-
nam, inter cæteras egrégias
dotes, béllici furóris sedán-
di prærogátiva decorásti:
da nobis ejus intercessióne
post mortális vitæ, quam
suppliciter pétimus, pacem,
ad æténa gáudia pervenire.
Per Dóminum.

AD HORAS

Ant. de Laud. Capit. et

R. br. de Comm. non Virg.
118*.

IN II. VESPERIS

Omnia ut in I. Vesp. 467.

Ÿ. Ora pro nobis beáta
Elisabeth. **R.** Ut digni effi-
ciámur promissiónibus Chri-
sti.

Ad Magnif. Ant. Elisabeth
* pacis et pátriæ mater, in
cælo triúmphans, dona no-
bis pacem.

DIE X

SS. SEPTEM FRATRUM

MARTYRUM

AC RUFINÆ ET SECUNDÆ

VIRG. ET MART.

Semiduplex.

Omnia de Communi plur.
Mart. 39*, præter seq.

Oratio.

PRÆSTA, quæsumus omni-
potens Deus: ut qui glo-
riósos Mártýres fortes in sua
confessiône cognóvimus,
pios apud te in nostra inter-
cessióne sentiámus. Per.

IN I. NOCTURNO

Lect. de Script. occur.

IN II. NOCTURNO

Lectio iv.

SEPTEM fratres, filii sanctæ
Felicítatis, Romæ in per-
secutióne Marci Aurélii An-
tonini a Públío præfécito pri-
mum blanditiis, deinde ter-
róribus tentáti, ut Christo
renuntiántes, deos venera-
réntur: et sua virtúte, et
matre hortánte, in fidei con-
fessiône perseverántes, vá-
rie necáti sunt. Januárius
plumbátis cæsus: Felix et

Philippus fústibus contúsi : Silvánus ex altíssimo loco præceps dejéctus est : Alexander, Vitális, et Martiális cápite plectúntur. Mater eórum quarto post mense eámdem martýrii palmam consecúta est : illi sexto Idus Júlii spíritum Dómino reddiderunt.

R. Sancti tui, Dómine, mirábile consecúti sunt iter, serviétes præcéptis tuis, ut inveniréntur illæsi in aquis válidis : * Terra apparuit árida, et in mari Rubro via sine impediménto. **V.** Quóniam percússit petram, et fluxérunt aquæ, et torréntes inundavérunt. Terra.

Lectio v.

RUFÍNA et Secúnda, soróres vírgines Románæ, rejécto connúbio Armentárii et Veríni, quibus a paréntibus despónsæ fúerant, quod Jesu Christo virginitátem vovissent, Valeriáno et Galliéno imperatóribus comprehendúntur. Quas cum nec promissis, nec terróre Júnii præféctus a propósito posset abdúcere, Rufinam primum virgis cædi jubet : in cujus verbéribus Secúnda júdicem sic interpéllat : Quid est, quod sorórem meam honóre, me áfficis ignominia? Jube ambas simul cædi, quæ simul Christum Deum confitémur. Quibus verbis incénsus judex imperat utrámque detrúdi in tenebricósum et fœtidum cárcerem. Quo

loco statim claríssima luce et suavíssimo odóre compléto, in ardénte bálnei sólio includúntur. Et cum inde étiam integræ evasissent, mox saxo ad collum alligáto in Tíberim projéctæ sunt ; unde ab Angelo liberátæ, extra Urbem via Aurélia milliáριο décimo cápite plectúntur. Quarum córpora a Plautilla matróna in ejus prædio sepúlta, ac póstea in Urbem transláta, in basilica Constantiniána prope baptistérium cóndita sunt.

R. Vérbera carníficum non timuérunt sancti Dei, moriéntes pro Christi nómine : * Ut herédes fierent in domo Dómini. **V.** Tradiderunt córpora sua propter Deum ad supplicia. Ut.

Sermo sancti Augustíni
Epíscopi.

Serm. 110. de diversis.

Lectio vj.

MAGNUM spectáculum, fratres, pósito est ante óculos fidei nostræ. Aure audivimus, corde vídimus optántem matrem ante se finire istam vitam filios suos, longe contráriis votis consuetúdini humanæ. Omnes enim hómínes filios suos, ex hac vita migrádo, præcedere volunt, non sequi : illa autem optávit postérior mori. Non enim amittébat filios, sed præmittébat : nec intuebátur quam vitam finirent, sed quam inchoárent. Desinébant enim vivere, ubi

quandóque fúerant moritúri, et incipiébant vivere, sine fine victúri. Parum est fuisse spectatricem : miráti sumus pótius hortatricem. Fœcúndior virtútibus, quam fœtibus : videns certátes, in quibus ómnibus ipsa certábat, et in ómnibus vincén- tibus ipsa vincébat.

℟. Tamquam. 46*.

IN III. NOCTURNO

Léctio sancti Evangélíi se- cúndum Matthæum.

Lectio vij. Cap. 12. d

IN illo témpore : Loquén- te Jesu ad turbas, ecce ma- ter ejus et fratres stabant foris, quæréntes loqui ei. Et réliqua.

Homília sancti Gregórii
Papæ.

Homil. 3. in Evang.

SANCTI Evangélíi, fratres scaríssimi, brevis est léctio recitáta, sed magnis myste- riórum pondéribus grávida. Jesus étenim Cónditor et Redémptor noster, matrem se nosse dissimulat, et quæ ei mater sit, et qui propín- qui, non per cognatiónem carnis, sed per conjuncti- ónem spiritus designat, di- cens : Quæ est mater mea, et qui sunt fratres mei? Qui- cúmque enim fécerit volun- tatem Patris mei qui in cælis est, ipse meus frater, et so- ror, et mater est. Quibus nobis verbis, quid áliud innuit, nisi quod obsequén- tes jussiúnibus suis multos ex gentilitáte cólligit : et Ju-

dæam, ex cujus carne est génius, non agnóscit?

℟. Propter testaméntum Dómini, et leges patérnas, sancti Dei perstitérunt in amóre fraternitátis : * Quia unus fuit semper spíritus in eis, et una fides. V. Ecce quam bonum et quam ju- cúndum habitáre fratres in unum ! Quia.

Lectio viij.

SED cum is, qui voluntá- tem Patris fécerit, soror et frater Dómini dicitur, propter utrúmque sexum qui ad fidem colligitur, mi- rum non est : mirándum vero valde est, quómodo étiam mater dicátur. Fidèles enim discipulos fratres vo- cáre dignátus est, dicens : Ite, nuntiáte frátribus meis. Qui ergo frater Dómini fieri ad fidem veniéndum potúerit, quæréndum est, quómodo étiam et mater esse possit.

℟. Hæc est vera fraterni- tas, quæ numquam pótuit violári certámine : qui effú- so ságuine secúti sunt Dó- minum : * Contemnén- tes áulam régiam, pervenérunt ad regna cæléstia. V. Ecce quam bonum et quam jucú- ndum habitáre fratres in unum ! Contemnén- tes. Gló- ria Patri. Contemnén- tes.

Lectio ix.

SED sciéndum nobis est, quia qui Christi soror et frater est credéndo, mater efficitur prædicádo. Quasi enim parit Dóminum, quem

cordi audiéntis infúderit; et mater ejus prædicádo efficitur, si per ejus vocem amor Dómini in próxími mente generátur. Ad quam rem nobis idónee confirmandam adest beáta Felicitas, cujus hódie natalitia celebrámus, quæ credéndo exstitit ancilla Christi, et prædicádo facta est mater Christi. Septem quippe filios, sicut in gestis ejus emendatióribus légitur, sic post se tímuit vivos in carne relinquere, sicut carnáles paréntes solent metúere, ne mórtuos præmittant.

Te Deum laudámus. 16.

In II. Vesp. fit Commem. seq.

DIE XI

S. PII I. PAPÆ ET MART.

Ant. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

V. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

INFIRMITÁTEM nostram respice omnipotens Deus: et quia pondus propriæ actiόνis gravat, beáti Pii Mártiris tui atque Pontíficis intercèssio gloriósa nos protégat. Per Dóminum.

Lectio iiij.

PIUS, hujus nóminis primus, Aquileiénsis, Ruf-

fini filius, ex presbýtero sanctæ Románæ Ecclesiæ Summus Póntifex creátus est, Antonino Pio et Marco Aurélio imperatóribus augústis. Quinque ordinatióibus, mense Decémbri, episcopos duódecim, octódecim presbýteros creávit. Exstant nonnúlla ab eo præcláre institúta, præsertim ut Resurrectio Dómini nónnisi die Dominico celebrarétur. Pudéntis domum in ecclésiám mutávit, eámque ob præstántiam supra cæteros títulos, útpote Románi Pontificis mansiónem, título Pastóris dicávit, et in qua sæpe rem sacram fecit, et multos ad fidem convérsos baptizávit, ac in fidélium númerum adscripsit. Dum vero boni Pastóris munus obiret, fuso pro suis óvibus et Summo Pastóre Christo ságuine, martýrio coronátus est quinto Idus Júlii, ac sepúltus in Vaticanó.

Te Deum laudámus. 16.

Ad Laud. Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. **R.** Sicut cedrus Libani multiplicábitur.

DIE XII

S. JOANNIS GUALBERTI

ABBATIS

Duplex.

Omnia de Comm. Conf. non Pont. 76*, præter seq.

Oratio.

INTERCÉSSIO nos, quæsumus Dómine, beáti Joánnis Abbátis comméndet : ut quod nostris méritis non valémus, ejus patrocínio assequámur. Per Dóminum.

Et fit Commem. SS. Naboris et Felicis Mart.

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in sanguine Agni.

℣. Lætámini in Dómino, et exsultáte justi. *℟.* Et gloriámini omnes recti corde.

Oratio.

PRÆSTA, quæsumus Dómine : ut sicut nos sanctorum Mártyrum tuorum Naboris et Felicis natalitia celebránda non déserunt, ita júgiter suffrágiis comiténtur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

JOÁNNES Gualbértus Florentiæ nobili génere ortus, dum patri obsequens rem militárem séquitur, Ugo, únicus ejus frater, occíditur a consanguíneo : quem cum solum et inérmem sancto Parascéves die Joánnes armis ac militibus stipátus óbviu habéret, ubi néuter álterum póterat declináre, ob sanctæ crucis reveréntiam, quam homicida supplex, mortem jamjam sub-

itúrus, bráchiis signábat, vitam ei cleménter indúlget. Hoste in fratrem recépto, próximum sancti Miniátis templum oráturus ingréditur, ubi adorátam Crucifixi imáginem caput sibi fléctere cónspicit. Quo mirábili facto permótus Joánnes, Deo exínde, étiam invito patre, militáre decérnit, atque ibídem própriis sibi mánibus comam totóndit, ac monásticum hábitum induit : ad eóque piis ac religiósus virtútibus brevi corúscat, ut multis se perfectiónis spécimen ac normam præbéret ; ita ut, ejúsdem loci abbáte defúcto, commúni ómnium voto in superiorem eligerétur. At Dei fámulus cúpiens subesse pótius, quam præesse, ad majóra divína voluntáte servátus ad Camaldulénsis erémi incolam Romuáldum proficiscitur : a quo cælicum sui institúti vaticínium áccipit : tum suum órđinem sub régula sancti Benedicti apud Umbrósam vallem instituit.

℟. Honéstum fecit illum Dóminus, et custodívit eum ab inimicis, et a seductóribus tutávit illum : * Et dedit illi claritátem ætérnam. *℣.* Justum dedúxit Dóminus per vias rectas, et osténdit illi regnum Dei. Et.

Lectio v.

DEÍNDE plúrimis ad eum ob ejus sanctitátis famam úndique convolánti-

bus, una cum iis in sócios adscitis, ad hærélicam et simoniacam pravitatem extirpandam, et apostolicam fidem propagandam sédulo incúmbit, innúmera propterea in se et suis incómoda expértus. Nam ut eum ejúsque sócios adversárii perdant, noctu sancti Sálvii cœnóbium repente aggrediúntur, templum incéndunt, ædes demoliúntur, et mónachos omnes letháli vúlnerè sáuciant; quos vir Dei único crucis signo incólumes prótinus reddit; et Petro ejus mónacho per imménsam ardentissimúmque ignem illæso mirabiliter transeúnte, optátam sibi et suis tranquillitatem óbtinet. Inde simoniacam labem ab Etrúria expulit, ac in tota Itália fidem pristinae integritati restituit.

R. Amávit eum Dóminus, et ornávit eum: stolam glóriæ induit eum, * Et ad portas paradisi coronávit eum.

Y. Induit eum Dóminus lorícam fidei, et ornávit eum. Et ad portas.

Lectio vij.

MULTA fúnditus eréxit monastéria, eadémque et alia ædificiis ac regulári observántia instauráta, sanctis légibus communivit. Ad egénos aléndos sacram supelléctilem véndidit: ad improbos coercéndos eleménta sibi famulári conspéxit: ad dæmones compriméndos

crucem quasi ensem adhibuit. Demum abstinéntiis, vigiliis, jejúniis, oratióibus, carnis maceratióibus, ac sénio conféctus, dum infirma valetúdine gravarétur, Davidica illa verba persæpe repetébat: Sitivit ánima mea ad Deum fortem vivum: quando véniam, et apparebo ante faciém Dei? Jamque morti próxímus, convocátos discipulos ad fratérnam concórdiam cohortátur, et in brevículo, cui consepeliri vóluit, jussit hæc scribi: Ego Joánnes credo, et confiteor fidem, quam sancti Apóstoli prædicavérunt, et sancti Patres in quátuor conciliis confirmavérunt. Tandem triduáno Angelórum obséquio dignátus, septuagésimum octávum annum agens, apud Passiniánum, ubi summa veneratióne cólitur, migrávit ad Dóminum, anno salútis millésimo septuagésimo tértio, quarto Idus Júlii. Quem Cælestinus tértius innúmeris miráculis clarum in sanctórum númerum rétulit.

R. Iste homo. 83*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 5. g

IN illo témpore: Dixit Jesus discipulis suis: Audistis quia dictum est: Diliges próximum tuum, et ódio habébis inimicum tuum. Et reliqua.

Homilia sancti Hierónymi
Presbýteri.

Lib. I. Comm. in cap. 5.

Matth.

EGO autem dico vobis : Diligite inimicos vestros, benefacite his, qui odérunt vos. Multi præcepta Dei imbecillitate sua, non sanctórum viribus æstimantes, putant esse impossibilia, quæ præcepta sunt, et dicunt sufficere virtutibus, non odisse inimicos : cæterum diligere, plus præcipi, quam humana natura patiatur. Sciendum est ergo, Christum non impossibilia præcipere, sed perfectá. Quæ fecit David in Saul, et in Absalom : Stéphanus quoque Martyr pro inimicis lapidantibus deprecátus est : et Páulus anáthema cupit esse pro persecutoribus suis : hæc autem Jesus et dócuit, et fecit, dicens : Pater ignósce illis : quod enim faciunt, nesciunt.

R. Iste est qui ante Deum magnas virtutes operátus est, et de omni corde suo laudávit Dóminum : * Ipse intercédât pro peccátis ómnium populórum. **V.** Ecce homo sine queréla, verus Dei cultor, ástinens se ab omni ópere malo, et permanens in innocentia sua. Ipse.

Lectio viiij.

IN reliquis opéribus bonis interdum potest áliquis qualemcumque excusationem prætendere : ad habén-

dam vero dilectionem nullus se póterit excusare. Potest mihi áliquis dicere, non possum jejunare : numquid potest dicere, non possum amare? Potest áliquis dicere, virginitatem non possum servare, non possum res totas vendere, et paupéribus erogare : numquid potest dicere, non possum diligere inimicos?

R. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester ventúrus sit. Et. Glória Patri. Et.

Lectio ix.

NON enim ibi aut pedes laborant curréndo, áures audiéndo, aut manus operádo laxántur, ut nos per ipsam excusationem liberáre conémur. Non nobis dicitur : Ite ad Oriéntem, et quærite caritatem ; navigáte ad Occidentem, et inveniétis dilectionem. Intus in nostro corde est, ubi redire jubémur, dicente prophéta : Redite prævaricatores ad cor. Non enim in longinquis regionibus invenitur quod a nobis pétitur.

Te Deum laudámus. 16.

In Laud. fit Commem.
SS. Martyrum.

Ant. Vestri capilli capitis omnes numeráti sunt : nolite

timére : multis passéribus meliôres estis vos.

Ÿ. Exsultábunt sancti in glória. R. Lætabúntur in cubilibus suis.

In II. Vesp. sit Commem. seq.

DIE XIII

SANCTI ANACLETI

PAPÆ ET MARTYRIS

Semiduplex.

Omnia de Comm. unius Mart. 24*, præter seq.

Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

Ÿ. Glória et honóre coronásti eum Dómine. R. Et constituísti eum super ópera mánuum tuárum.

Oratio.

DEUS, qui nos beáti Anacleti Mártiris tui atque Pontificis ánnua solemnitáte lætíficas : concéde propítius ; ut cujus natalítia cólimus, de ejúsdem étiam protectióne gaudeámus. Per Dñ.

IN I. NOCTURNO

Lect. de Script. occur.

IN II. NOCTURNO

Lectio iv.

ANACLETUS Atheniénsis, A. Trajáno imperátore rexit Ecclésiám. Decrévit, ut episcopus a tribus episcopis, neque a paucióribus consecrarétur, et clérici sacris ordinibus públice a próprio episcopo initiaréntur :

et ut in Missa, perácta consecratioe, omnes communicárent. Beáti Petri sepúlcrum ornávit, Pontificúmque sepultúræ locum attribuit. Fecit ordinationes duas mense Decémbrí, quibus creávit presbýteros quinque, diáconos tres, episcopos sex. Sedit annos novem, menses tres, dies decem. Mártýrio coronátus, sepúltus est in Vaticanó.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. Ÿ. Descenditque cum illo in fóveam, et in vinctulis non dereliquit eum. Et.

De Expositióne sancti Ambrosii Episcopi in Psalmum centésimum decimum octávum.

Lectio v. Serm. 21.

PRÍNCIPES persecúti sunt me gratis : et a verbis tuis trepidávit cor meum. Bene hoc Martyr dicit, quod injúste persecutiónum tormenta sustineat : qui nihil rapúerit, nullum violéntus opprèsserit, nullius ságuinem fúderit, nullius torum putáverit esse violándum : qui nihil légibus débeat, et gravióra latrónum sustinére cogátur supplicia : qui loquátur juste, et non audiátur : qui loquátur plena salútis, et impugnétur : ut possit dicere, Cum loquébar illis, impugnábant me gratis.

Gratis igitur persecutióem pátitur, qui impugnátur sine crimine : impugnátur ut nóxius, cum sit in tali confessiône laudábilis : impugnátur quasi venéficus, qui in nómine Dómini gloriátur, cum pietas virtútum ómnium fundaméntum sit.

R. Desidérium ánimæ ejus tribuisti ei Dómine, * Et voluntáte labiórum ejus non fraudásti eum. **V.** Quóniam prævenisti eum in benedictiõnibus dulcédinis : posuisti in cápite ejus corónam de lápide pretiósó. Et voluntáte.

Lectio vj.

VERE frustra impugnátur, qui apud ímpios et infidos impietátis arcéssitur, cum fidei sit magister. Verum qui gratis impugnátur, fortis debet esse et constans. Quómodo ergo subtéxuit : Et a verbis tuis trepidávit cor meum? Trepidáre infirmitátis est, timóris atque formidinis. Sed est étiam infirmitas ad salutem, est étiam timor sanctórum. Timéte Dóminum omnes sancti ejus : et, Beátus vir, qui timet Dóminum. Qua ratióne beátus? Quia in mandátis ejus cupit nimis.

R. Stola. 30*.

IN III. NOCTURNO

Homil. in Evang. Si quis venit. **de eodem Comm. 1^o loco. 32*.**

Vesp. de seq. cum Commem. præced.

DIE XIV

S. BONAVENTURÆ

EPISC. CONF. ET ECCL. DOCT.

Duplex.

Omnia de Communi Conf. Pont. 55*, præter seq.

In utrisque Vesp. ad Magnif. Ant. O Doctor óptime, Ecclésiæ sanctæ lumen, beáte Bonaventúra, divínæ legis amátor, deprecáre pro nobis Filium Dei.

Oratio.

DEUS, qui pópulo tuo æternæ salutis beátum Bonaventúram ministrum tribuisti : præsta, quæsumus ; ut quem Doctórem vitæ habuimus in terris, intercessórem habére mereámur in cælis. Per Dóminum.

Et sit Commem. præced.

Ant. Qui vult veníre post me, ábneget semetípsam, et tollat crucem suam, et sequátur me.

V. Justus ut palma florébit. **R.** Sicut cedrus Libani multiplicábitur.

IN I. NOCTURNO

Lect. Sapiéntiam. de Communi Doct. 71*.

IN II. NOCTURNO

Lectio iv.

BONAVENTÚRA, Balneo régii in Etrúria natus, cum infans incidisset in vitæ periculum, mater ejus vovit, si inde evasisset, se eum religióni beáti Francisci dicatúram. Itaque adoléscentem in órđinem fratrum Minórum adscribi vóluit ;

ubi Alexándro de Ales magistro, ad eam doctrinæ perfectionem brevi pervénit, ut séptimo post annos libros Sententiárum Parísiiis públice summa cum láude sit interpretátus : quos étiam præcláris póstea commentáriis illustrávit. Post sex annos sui órdis Generális minister Romæ factus, ea prudéntiæ ac sanctitátis láude ministérium gessit, ut in ómnium ore et admiratióne esset.

℞. Invéni David servum meum, óleo sancto meo unxi eum : * Manus enim mea auxiliábitur ei. √. Nihil proficiet inimícus in eo, et filius iniquitátis non nocébit ei. Manus.

Lectio v.

MULTA scripsit, in quibus summam eruditiónem cum pari pietátis ardóre conjúgens, lectórem docéndo movet. Quem Gregórius décimus, ejus sanctimóniæ et sapiéntiæ fama commótus, Cardinálem et Episcopum Albanénsem creávit. Eúndem adhuc vivéntem beátus Thomas Aquinas sanctum appellávit. Cum enim vitam sancti Francisci scribéntem comperisset : Sinámus, inquit, sanctum pro sancto laboráre. Migrávit e vita pridie Idus Julii, in concilio Lugdunénsi, quinquaginta tres annos natus, multis éditismiráculis. Quem Xystus quartus Póntifex Má-

ximus rétulit in sanctórum númerum.

℞. Pósui adjutórium super poténtem, et exaltávi electum de plebe mea : * Manus enim mea auxiliábitur ei. √. Invéni David servum meum, óleo sancto meo unxi eum. Manus.

Ex libro Morálium sancti Gregórii Papæ.

Lib. 9. Cap. 6.

Lectio vj.

QUI post Oríonas Hyádum nómine, nisi doctóres sanctæ Ecclesiæ designántur? Qui subductis Martýribus, eo jam témpore ad mundi notitiam venérunt, quo fides clárius elúcet : et représsa infidelitátis hieme, áltius per corda fidélium sol veritátis calet. Qui remóta tempestáte persecutiónis, explétis longis nóctibus infidelitátis, tunc sanctæ Ecclesiæ orti sunt, cum ei jam per credulitátis vernum lucidior annus aperitur.

℞. Iste est qui. 62*.

IN III. NOCTURNO

Homil. in Evang. Vos estis. de Comm. Doct. 3º loco. 75*.

In II. Vesp. Commem. seq.

DIE XV

S. HENRICI IMPERAT. CONF.

Semiduplex.

Omnia de Comm. Conf. non Pont. 76*, præter seq. (m. t. v.)

Ant. Similábo cum viro sapiénti, qui ædificávit domum suam supra pelram.

Ÿ. Amávit eum Dóminus, et ornávit eum. R. Stolum glóriæ induit eum.

Oratio.

DEUS, qui hodiérna die beátum Henricum Confessórem tuum e terréni cúlmine impérii ad regnum ætérnum transtulisti : te súpplīces exorámus; ut sic-ut illum, grátiae tuæ ubertáte prævéntum illécebras sáculi superáre fecisti, ita nos fácias, ejus imitatióne, mundi hujus blandiménta vitáre, et ad te puris méntibus pervenire. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

HENRÍCUS, cognométo Pius, e duce Baváriæ rex Germániæ, ac póstmódum Romanórum imperátor, temporális regni non conténtus angústīis, pro adipiscénda immortalitátis coróna sédulam ætérno Regi exhibuit servitútem. Adépto enim império, religióni amplificándæ studiósé incúm-bens, ecclésiās ab infidélibus destrúctas, magnificéntius reparávit, plurimisque largitió nibus et prædiis locupletávit. Monastéria aliáque loca pia vel ipse ædificávit, vel assignátis redditibus áu-xit. Episcopátum Bamber-génsem hereditáriis ópibus fundátum, beáto Petro, Ro-manóque Pontifici vectigá-

lem fecit. Benedictum octá-vum, a quo impérii corónam accéperat, prófugum excépit, suæque sedi restituit.

R. Honéstum fecit illum Dóminus, et custodivit eum ab inimicis, et a seductóri-bus tutávit illum : * Et de-dit illi claritátem ætérnam. Ÿ. Justum dedúxit Dóminus per vias rectas, et osténdit illi regnum Dei. Et.

Lectio v.

IN Cassinénsi monastério gravi deténtus infirmitáte, a sancto Benedicto, insigni miráculo, sanátus est. Romá-nam Ecclésiā amplissimo diplómate munerátus, eidem tuéndæ bellum advérsus Græcos suscepit, et Apú-liam, diu ab illis posséssam, recuperávit. Nihil sine pré-cibus ággregi sólitus, Ange-lum Dómini, sanctósque Mártýres tuteláres pro se pugnántes ante áciem intér-dum vidit. Divína áutem protéctus ope, bárbaras na-tiões précibus magis quam armis expugnávit. Pannóniam adhuc infidélem, trá-dita Stéphano regi soróre sua in uxórem, eóque bapti-záto, ad Christi fidem per-dúxit. Virginitátem raro ex-émplo matrimónio junxit, sanctámque Cunegúndam, cónjugem suam, propínquis ejus, morti próximus, illi-bátam restituit.

R. Amávit eum Dóminus, et ornávit eum : stolam glóriæ induit eum, * Et ad portas

paradisi coronávit eum. v.
Induit eum Dóminus lorícám
fidei, et ornávit eum. Et ad.

Lectio vj.

DÉNIQUE rebus ómnibus,
quæ ad impérii honórem
et utilitátem pertinébant,
summa prudéntia dispóitis,
et illústribus per Gálliam,
Itáliam, et Germániam reli-
giósæ munificéntiæ vestigiis
passim relictis, postquam he-
róicæ virtútis suavissimum
odórem longe latéque diffú-
derat, sanctitáte quam sce-
ptro clárior, ad regni cælé-
stis præmia, consummátis
vitæ labóribus, a Dómino
vocátus est, anno salutis
millésimo vigésimo quarto.
Cujus corpus in ecclésia
beatórum Apostolórum Pe-
tri et Páuli Bambérgæ cón-
ditum fuit; statimque ad
ejus túmulum multa mirá-
cula, Deo ipsum glorificánte,
patrátá sunt: quibus póstea
rite probátis, Eugénius terti-
us sanctórum número illum
adscripsit.

R. Iste homo. 83*.

IN III. NOCTURNO

**Homilia in Evang. Sint
lumbi. de eodem Communi
1^o loco. 85*.**

**Vesp. de seq. Commem.
præced.**

DIE XVI

IN COMMEMORATIONE

B. M. V. DE MONTE CARMELO

Duplex majus.

**Omnia ut in Festis B. M. V.
per annum. 145*.**

IN I. VESPERIS

Ad Magnif. Ant. Sancta Ma-
ría succúrre miseris, juva
pusillánimes, réfove flébi-
les, ora pro pópulo, inté-
veni pro clero, intercède
pro devóto femíneo sexu:
séntiant omnes tuum juvá-
men, quicúmque célebrant
tuam solémnem Commemo-
ratiónem.

Oratio ut in Laudibus.

Et sit Commem. præced.

Ant. Hic vir despiciens
mundum et terréna, triúm-
phans, divítias cælo cóndidit
ore, manu.

V. Justum dedúxit Dómi-
nus per vias rectas. **R.** Et
osténdit illi regnum Dei.

Oratio Deus, qui. 481.

IN I. NOCTURNO

Lectioes Ego sapiéntia.
149*.

IN II. NOCTURNO

Lectio iv.

CUM sacra Pentecóstes die
Apóstoli, cælitus affláti,
váriis linguis loqueréntur, et
invocáto augustíssimo Jesu
nómine, mira multa patrá-
rent, viri plúrimi (ut fertur),
qui vestigiis sanctórum pro-
phetárum Eliæ ac Eliséi in-
stiterant, et Joánnis Baptistæ
præcónio ad Christi advén-
tum comparáti fúerant, re-
rum veritáte perspécta atque
probáta, evangélicam fidem
conféstim amplexáti sunt, ac
peculiári quodam afféctu
beatissimam Virginem (cujus
collóquiis ac familiaritáte fe-
líciter frui potuére) ádeo

venerári cœpérunt, ut primi ómnium in eo montis Carméli loco, ubi Elias olim ascendéntem nébulam, Virginis typo insignem, conspéxerat, eidem puríssimæ Virgini sacéllum constrúxerint.

℞. Sicut cedrus exaltáta sum in Líbano, et sicut cypréssus in monte Sion: quasi myrrha elécta, * Dedi suavitátem odóris. V. Et sicut cinnamómum et bálsamum aromatizans. Dedi.

Lectio v.

AD novum ergo sacéllum sæpe quotidie conveniéntes, rítibus piis, precatiónibus ac láudibus beatíssimam Virginem, velut singulárem órdinis tutelam, colébant. Quamóbrem fratres beátæ Mariæ de Monte Carmelo passim ab ómnibus appellári cœpérunt, eúmque titulum Summi Pontífices non modo confirmáru(n)t, sed et indulgéntias peculiáres iis, qui eo titulo órdinem vel fratres singulos nuncupárent, concessére. Nec vero nomenclatúram tantum magnificentíssima Virgo tribuit et tutelam; verum et insigne sacri scapuláris, quod beáto Simóni Anglico præbuit, ut cælésti hac veste ordo ille sacer dignoscerétur, et a malis ingruéntibus protegerétur. Ac demum, cum olim in Európa ordo esset ignótus, et ob id apud Honórium tertium non páuci pro illius

extinctióne instárent, adstitit Honório noctu piíssima Virgo María, planéque jussit, ut institútum et hómines benigne complecterétur.

℞. Quæ est ista, quæ processit sicut sol, et formósa tamquam Jerúsalem? * Vidérunt eam filiæ Sion, et beátam dixerunt, et reginæ laudavérunt eam. V. Et sicut dies verni circúmdabant eam flores rosárum et lilia convállium. Vidérunt,

Lectio vj.

NON in hoc tantum sæculo órdinem sibi tam accéptum multis prærogatívís beatíssima Virgo insignívit; verum et in álío (cum ubique et poténtia et misericórdia plúrimum váleat) filios in scapuláris societátem relátos, qui abstinentiam módicam, precésque páucas eis præscriptas frequentáru(n)t, ac pro sui status ratióne castitátem coluérunt, matérno plane afféctu, dum igne purgatórii expiántur, solári, ac in cæléstem pátriam obténtu suo quantócius pie créditur efférre. Tot ergo tantisque beneficiis ordo cumulátus solémnem beatíssimæ Virginis Commemoratiónem ritu perpétuo ad ejúsdem Virginis glóriam quotánnis celebrándam instituit.

℞. Ornátam. 153*.

IN III. NOCTURNO

Homil. in Evang. Loquente Jesu. ut in Festis B. M. V. 155*.

R. vij. Felix namque es, sacra Virgo Maria, et omni láude digníssima : * Quia ex te ortus es sol justitiæ, Christus Deus noster. **V.** Ora pro pópulo, intéveni pro clero, intercède pro devóto femineo sexu : séntiant omnes tuum juvámén, quicúmque celebrant tuam solémnem Commemoriatióem. Quia.

AD LAUDES

Ad Bened. Ant. Caput tuum ut Carmélus, et comæ cápitis tui sicut púrpura Regis vineta canálibus, allelúia.

Oratio.

DEUS, qui beatissimæ semper Virginitis et Genitricis tuæ Mariæ singulári titulo Carméli órđinem decorásti : concède propítius ; ut cujus hódie Commemoriatióem solémni celebrámus officio, ejus muniti præsidiis, ad gáudia sempitérna pervenire mereámur : Qui vivis et regnas.

IN II. VESPERIS

Ad Magnif. Ant. Glória Libani data est ei, decor Carméli, et Saron, allelúia.

Et fit Commem. seq.

DIE XVII

S. ALEXII CONFESSORIS
Semiduplex.

Omnia de Conf. Conf. non Pont. 76*, præter seq.

Ant. Similábo eum viro sapiénti, qui ædificávit domum suam supra petram.

V. Amávit eum Dóminus,

et ornávit eum. **R.** Stulam glóriæ induit eum.

Oratio.

DEUS, qui nos beáti Aléxii Confessóris tui ánnua solemnitate lætificas : concède propítius ; ut cujus natalitia cólimus, étiam actiões imitémur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

ALÉXIUS Romanórum nobilissimus, propter eximium Jesu Christi amórem prima nocte nuptiárum peculiári Dei mónitu relinquens intáctam sponsam, illústrium orbis terræ ecclesiárum peregrinatióem suscepit. Quibus in itinéribus cum ignótus septémdecim annos fuisset, aliquándo apud Edéssam, Sýriæ urbem, per imáginem sanctissimæ Mariæ Virginis, ejus nómine divulgáto, inde navi discessit. Ad portum Románum appúlsus, a patre suo tamquam aliénus páuper hospitio accípitur : apud quem, ómnibus incógnitus, cum decem et septem annos vixisset, relicto scripto sui nóminis, sánguinis, ac totius vitæ cursus, migrávit in cælum, Innocéntio primo Summo Pontifice.

R. Honéstum fecit illum Dóminus, et custodívit eum ab inimicis, et a seductóribus tutávit illum : * Et de-

dit illi claritatem æternam.

V. Justum deduxit Dominus per vias rectas, et ostendit illi regnum Dei. Et.

Ex libro Moraliū sancti Gregorii Papæ.

Lib. 10. Cap. 16. in c. 12. Job.

Lectio v.

DERIDETUR justī simplicitas. Hujus mundi sapientia est, cor machinationibus tegere, sensum verbis velare; quæ falsa sunt, vera ostendere; quæ vera sunt, falsa demonstrare. Hæc nimis prudētia usu a juvenibus scitur, hæc a pueris pretio discitur: hanc qui sciunt, ceteros despiciendo superbiunt: hanc qui nesciunt, subiecti et timidi in aliis mirantur: quia ab eis hæc eadem duplicitatis iniquitas nomine palliata diligitur, dum mentis perversitas urbanitas vocatur. Hæc sibi obsequentibus præcipit honorum cūmina querere, adēpta temporalis gloriæ vanitate gaudere, irrogata ab aliis mala multiplicius reddere: cum vires suppetunt, nullis resistentibus cedere: cum virtutis possibilitas deest, quidquid explere per malitiam non valent, hoc in pacifica bonitate simulare.

R. Amavit eum Dominus, et ornavit eum: stolam gloriæ induit eum, Et ad portas paradisi coronavit eum. **V.** Induit eum Dominus lorīcam fidei, et ornavit eum. Et ad.

Lectio vj.

AT contra, sapientia justorum est: nil per ostensionem fingere, sensum verbis aperire, vera ut sunt diligere, falsa devitare; bona gratis exhibere, mala libentius tolerare, quam facere; nullam injuriæ ultionem querere, pro veritate contumeliam lucrum putare. Sed hæc justorum simplicitas deridetur; quia ab hujus mundi sapientibus puritatis virtus fatuitas creditur. Omne enim quod innocentē agitur, ab eis procul dubio stultum putatur: et quidquid in opere veritas approbat, carnali sapientiæ fatuum sonat. Quid namquestulius videtur mundo, quam mentem verbis ostendere, nil callida machinatione simulare, nullas injuriis contumelias reddere, pro maledicentibus orare, pro paupertatem querere, possessa relinquere, rapiēti non resistere, percutienti alteram maxillam præbere?

R. Iste homo. 83*.

IN III. NOCTURNO

Homil. in Evang. Eccen. de Comm. Abb. 1º loco. 91*.

Vesp. de seq. cum Commem. præced. ac SS. Mart.

DIE XVIII

S. CAMILLI DE LELLIS

CONFESSORIS

Duplex.

Omnia de Communi Conf. non Pont. 76*, præter seq. (m. t. v.)

Oratio.

DEUS, qui sanctum Camillum, ad animarum in extremo agone luctantium subsidium, singulâri caritatis prærogativa decorasti: ejus, quæsumus, méritis spiritum nobis tuæ dilectionis infunde; ut in hora éxitus nostri hostem vincere, et ad cælèstem mereámur coronam pervenire. Per Dóminum.

Et fit Commem. præced.

Ant. Hic vir despiciens mundum et terréna, triumpans, divitias cælo cóndidit ore, manu.

V. Justum dedúxit Dóminus per vias rectas. *R.* Et osténdit illi regnum Dei.

Oratio Deus, qui nos. 484.

Deinde SS. Symphorosæ et septem filiorum ejus Martyrum.

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in sânguine Agni.

V. Lætámini in Dómino, et exsultáte justí. *R.* Et gloriámini omnes recti corde.

Oratio.

DEUS, qui nos concédís sanctorum Mártyrum tuórum Symphorósæ et filiórum ejus natalítia cólere: da nobis in ætéRNA beatitúdine de eórum societáte gaudére. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

CAMÍLLUS Bucclánici, Theatinæ diocésis oppido ex nobili Lelliórum familia natus est matre sexagenária, cui grávidæ visum est per quíetem, puérulum crucis signo in pectore munitum, et ágmini puerórum idem signum gestántium præeúntem, se peperisse. Adolèscens rem militárem secútus, sæculi vitiis aliquámdiu indúlsit; donec vigésimum quintum agens ætátis annum, tanto supérnæ grátiae lumine, divinæque offénsæ dolore corrèptus fuit, ut ubér-rimo lacrymárum imbre illico perfúsus, anteáctæ vitæ sordes indesinénter abstérgeret, novúmque induere hóminem firmiter decreverit. Quare ipso, quod id cón-tigit, Purificatiónis beatissimæ Vírginis festo die, ad fratres Minóres, quos Capuccinos vocant, cónvolans, ut eórum número adscriberétur, summis précibus exorávit. Voti compos semel, atque iterum factus est; sed fœdo úlcere, quo aliquándolaboráverat, in ejus tibia iteráto recrudescénte, divinæ providéntiæ majóra de eo disponéntis consilio humiliter se subjécit, suíque victor, illius religiónis bis expetítum, et susceptum hábitum bis dimisit.

R. Honéstum fecit illum Dóminus, et custodivit eum

ab inimicis, et a seductóribus tutávit illum : * Et dedit illi claritátem ætérnam. *ſ.* Justum dedúxit Dóminus per vias rectas, et osténdit illi regnum Dei. Et dedit.

Lectio v.

ROMAM profectus, in nosocomium, quod Insanabilem dicitur, receptus est: cujus étiam administratió-nem, ob perspéctas ejus virtútes sibi demandátam, summa integritáte, ac sollicitúdine vere patérna perégit. Omnium ægrórum servum se réputans, eórum stérnere léctulos, sordes térgere, ulcéribus medéri, agoníque extrémó piis précibus et cohortatió-nibus opem ferre solémne hábuit; quibus in munéribus præclára præbuit admirábilis patiéntiæ, invictæ fortitúdinis, et heróicæ caritátis exémp-la. Verum cum animárum in extrémis periclitántium, quod únice intendébat, levámini subsidium litterárum plúrimum conférre intelligeret, triginta duos annos natus in primis grammáticæ eleméntis tyrocinium inter púeros íterum subire non erúbuit. Sacerdótio póstea rite initiátus, nonnúllis sibi adjúctis sóciis, prima jecit congregatió-nis Clericórum Regulárium infirmis ministrántium fundaménta, irritó conátu obniténte humanigén-neris hoste; nam Camíllus cælésti voce e Christi cruci-

fixi, manus étiam de ligno avúl-sas admirándo prodí-gio protendéntis, simulácro emissamirabíliter confirmátus, ór-dinem suum a Sede apostólica approbári obtí-nuit, sodálibus quarto obstrictis máxime árduo voto, infirmis, quos étiam pestis inféc-erit, ministrándi. Quod institútum, quam foret Deo accéptum, et animárum salúti profícuum, sanctus Phi-líppus Nérius, qui Camíll-o a sacris confessiόνibus erat, comprobávit, dum ejus alú-mnis decedéntium agóni opemferéntibus Angelos sug-geréntes verba sæpius se vidisse testátus est.

R. Amávit eum Dóminus, et ornávit eum: stolam gló-riæ induit eum, * Et ad portas paradisi coronávit eum. *ſ.* Induit eum Dóminus lorícam fidei, et ornávit eum. Et.

Lectio vj.

ARECTIÓRIBUS hisce vínculis ægrotántium ministério mancipátus, mirum est qua alacritáte, nullis fractus labóribus, nullis detérritus vitæ perículis, diu noctúque ad supré-mum usque spí-ritum, eórum cómmodis vigi-láverit. Omnibus ómnia factus, vilíssima quæque offi-cia demississimo obséquio, flexisque plerúmque géni-bus, véluti Christum ipsum cérneret in infirmis, hilari promptóque ánimo arripiébat: utque ómnium indigén-

tiis præsto esset, generalem ordinis præfecturam, cælique delicias, quibus in contemplatione defixus affluēbat, sponte dimisit. Paternus vero illius erga miseros amor tum maxime effulsit, dum et Urbs contagioso morbo primum, deinde extrema annonæ laboraret inopia, et Nolæ in Campānia dira pestis grassaretur. Tanta denique in Deum et proximum caritate exarsit, ut Angelus nuncupari, et Angelorum opem in vario itinerum discrimine experiri promereretur. Prophetiæ dono, et gratia sanitarum præditus, arcana quoque cordium inspexit; ejusque precibus nunc cibaria multiplicata sunt, nunc aqua in vinum conversa. Tandem vigiliis, jejuniis, et assiduis attritus laboribus, cum pelle tantum et ossibus constare videretur, quinque molestis æque ac diutinis morbis, quos misericordias Domini appellabat, fortiter toleratis, sacramentis munitus, Romæ inter suavissima Jesu et Mariæ nomina, ad ea verba : Mitis atque festivus Christi Jesu tibi adspæctus appareat : qua prædixerat hora, obdormivit in Domino, pridie Idus Julii, anno salutis millésimo sexcentésimo décimo quarto, ætatis suæ sexagésimo quinto : quem pluribus illustrem miraculis Benedictus decimusquartus solenni ritu sancto-

rum fastis adscripsit : et Leo decimustertius, ex sacrorum catholici orbis antistitum voto ac Rituum Congregationis consulto, cælestem omnium hospitalium et infirmorum ubique degentium Patronum declaravit, ipsiusque nomen in agonizantium Litanis invocari præcepit.

R. Iste homo. 83*.

IN III. NOCTURNO

Lectio sancti Evangelii secundum Joannem.

Lectio vij. Cap. 15. b

IN illo tempore : Dixit Jesus discipulis suis : Hoc est præceptum meum, ut diligatis invicem, sicut dilexi vos. Et reliqua.

Homilia sancti Augustini
Episcopi.

Tract. 83. in Joann. Evang.

QUID putamus, fratres mei? numquidnam solum ejus de ista dilectione mandatum est, qua diligimus invicem? Nonne est et aliud majus ut diligamus Deum? Aut vero desola Deus nobis dilectione mandavit, ut alia non requiramus? Tria certe commendat Apóstolus, dicens : Manent autem fides, spes, caritas, tria hæc, major autem horum caritas. Et si in caritate, hoc est, in dilectione, concluduntur duo illa præcepta, major tamen dicta est esse, non sola. De fide igitur nobis quam multa mandata sunt, quam multa de spe! Quis potest cuncta colligere, quis enumerando suf-

ficere? Sed intueámur, quod ait idem Apóstolus : Plenitúdo legis caritas.

R. Iste est qui ante Deum magnas virtutes operatus est, et de omni corde suo laudavit Dóminum : * Ipse intercedat pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse.

Lectio viij.

UBI ergo caritas est, quid est, quod possit deesse? Ubi autem non est, quid est, quod possit prodesse? Dæmon credit, nec diligit : nemo diligit, qui non credit. Frustra quidem, sed tamen potest sperare véniam qui non diligit : nemo autem potest desperare qui diligit. Itaque ubi diléctio est, ibi necessáριο fides, et spes; et ubi diléctio próximi, ibi necessáριο étiam diléctio Dei. Qui enim non diligit Deum, quómodo diligit próximum tamquam se ipsum? Quandóquidem non diligit et se ipsum? Est quippe impius, et iníquus : qui autem diligit iniquitatem, non plane diligit, sed odit ánimam suam.

R. Sint lumbi vestri præcincti, et lucernæ ardentes in mánibus vestris : * Et vos símiles homínibus expectántibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester

ventúrus sit. Et. Glória Patri. Et.

Pro SS. Symphorosa et septem filiis Martyribus.

Lectio ix.

SYMPHORÓSA Tiburtina, Getúlii Mártiris uxor, ex eo septem filios péperit, Crescéntium, Juliánum, Nemésium, Primitivum, Justinum, Stáctum, et Eugénium : qui omnes propter cristiánæ fidei professiónem una cum matre, Adriáno imperatóre, comprehénsi sunt. Quorum pietas multis variisque tentáta suppliciis, cum stábilis permanéret, mater, quæ filiis fidei magistra fuerat, dux eisdem ad mártýrium éxstitit. Nam saxo ad collum alligáto, in proflúentem dejícitur : cujus corpus conquistum a fratre ejus Eugénio sepelitur. Postridie ejus diéi, qui fuit décimo quinto Kaléndas Augústi, septem fratres singuli ad palum alligáti, várie sunt interfécti. Crescéntio guttur ferro transfigitur : Juliáno pectus confóditur : Nemésio cor transverberátur : Primitivo trajícitur umbilicus : Justinus membrátim secátur : Stáctus telis configitur : Eugénius a pectore in duas partes dividitur. Ita octo hóstiæ Deo gratissimæ sunt immolátæ. Córpora in altissimam fóveam projécta sunt via Tiburtina, nono ab Urbe lápide : quæ póstea Romam transláta, cóndita

sunt in ecclēsia sancti Angeli in piscīna.

Quando autem alia die celebratur, erit

Lectio ix.

Hoc ergo praeceptum Dómini teneamus, ut nos invicem diligamus, et quidquid aliud praecepit, faciemus : quóniam quidquid est aliud, hic habemus. Discernitur quippe ista dilectio ab illa dilectione, qua se invicem diligunt homines : nam ut discerneretur, adjunctum est : Sicut dilexi vos. Ut quid enim diligit nos Christus, nisi ut regnare possimus cum Christo? Ad hoc ergo et nos invicem diligamus, ut dilectionem nostram discernamus a cæteris, qui non ad hoc se invicem diligunt, quia nec diligunt. Qui autem se propter habendum Deum diligunt, ipsi se diligunt; ergo ut se diligant, Deum diligunt. Non est hæc dilectio in omnibus hominibus : pauci se propterea diligunt, ut sit Deus omnia in omnibus.

Te Deum laudamus. 16.

In Laudibus fit Commem. SS. Mart.

Ant. Vestri capilli. V. Exsultabunt. 50*.

Vesp. a Capit. de seq. Commem. praeed.

DIE XIX

S. VINCENTII A PAULO CONF.

Duplex.

Omnia de Comm. Conf. non Pont. 76*, praeter seq. (m. t. v.)

Oratio.

DEUS, qui ad evangelizandum pauperibus, et ecclesiastici ordinis decorem promovendum, beatum Vincentium apostolica virtute roborasti : praesta, quaesumus; ut cujus pia merita veneramur, virtutum quoque instruamur exemplis. Per.

Et fit Commem. praeed.

Ant. Hic vir despiciens mundum et terrena, triumphans, divitias caelo condidit ore, manu.

V. Justum deduxit Dominus per vias rectas. R. Et ostendit illi regnum Dei.

IN I. NOCTURNO

Lect. de Script. occur.

IN II. NOCTURNO

Lectio iv.

VINCENTIUS a Paulo, natione Gallus, Podii non procul ab Aquis Tarbellis in Aquitania natus, jam tum a puero eximiam in pauperes caritatem praese tulit. A custodia patris gregis ad litteras evocatus, humanas Aquis, divinas cum Tolosae, tum Caesaraugustae didicit. Sacerdotio initiatus, ac theologiae laurea insignitus, in Turcas incidit, qui captivum in Africam abduxerunt. Sed in captivitate positus herum ipsum Christo rursus lucrificavit. Cum eo igitur ex barbaris oris, opitulante Deipara, sese proripiens, ad apostolica limina iter instituit. Unde in Galliam reversus, Clippiaci primum, mox

Castelliónis parécias sanctissime rexit. Renuntiátus a rege primárius sacrórum mínister in Gálliae trirémibus, mirum quo zelo et dum et rémigum salúti óperam posúerit. Moniálibus Visitatiónis a sancto Francisco Salésio præpósitus, tanta prudéntia per annos circiter quadraginta eam curam sustinuit, ut máxime comprobáverit iudicium sanctissimi præsulis, qui sacerdotem Vincéntio digniorem nullum se nosse fatebátur.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérrnam. **V.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

EVANGELIZÁNDIS paupéribus, præsertim rurícolis, ad decrepítam usque ætátem indeféssus incúbuit, eique apostólicó óperitum se, tum álumnos congregatiónis, quam sub nómine Presbyterórum sæculárium Missiόnis instituit, perpétuo voto a sancta Sede confirmáto, speciálitím obstrínxit. Quantum áutem augéndæ cleri disciplinæ adlaboráverit, testántur erécta majórum clericórum seminária, collatiόnum de divínis inter sacerdotés frequéntia, et sacræ ordinatiόni præmitténda exercítia; ad quæ, sicut et ad pios lai-

córum secéssus, institúti sui domicília libénter patére vóluit. Insuper ad amplificándam fidem et pietátem, evangélicos misit operários, non in solas Gálliae provincias, sed et in Itáliam, Polóniam, Scótiám, Hibérniám, atque ad Bárbaros, et Indos. Ipse vero, vita functo Ludovico decimotértio, cui moriénti hortátor ádstitit, a regina Anna Austriaca, matre Ludovici decimiquárti, in sánctius concílium accitus, studiosissime egít, ut nónnisi digniores ecclésiis, ac monastériis præficeréntur; civiles discórdiæ, singulária certámina, serpéntes erróres, quos simul sensit, et exhórruit, amputaréntur; debítaque iudiciis apostólicis obediéntia præstarétur ab ómnibus.

R. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. **V.** Induit eum Dóminus lorícám fidei, et ornávit eum. Et.

Lectio vj.

NULLUM fuit calamitátis genus, cui patrérne non occurrerit. Fidéles sub Turcárum iugo geméntes, infántes expósitos, júvenes discólos, vírgines periclitántes, moniáles dispérsas, mulieres lapsas, ad trirémes damnátos, peregrinos infirmos, artifices inválidos, ipsósque mente captos, ac innúmeros mendicos subsidiis et hōspitiis etiámnum superstítibus

excépit, ac pie fovit. Lotharingiam, Campániam, Picárdiam, aliásque regiónes peste, fame, bellóque vastátas, prolixè refécit. Plúrima ad perquiréndosetsublevándos míseros sodalitia fundávit, inter quæ célebris matronárum coetus, et late diffúsa sub nómine Caritátis puellárum societas. Puéllas quoque tum de Cruce, tum de Providéntia, ac sanctæ Genovéfæ ad sequiórís sexus educatiónem erigéndas curávit. Hæc inter et ália gravíssima negótiá, Deo júgiter inténtus, cunctis affábilis, ac sibi semper constans, simplex, rectus, húmilis, ab honóribus, divítiis ac deliciis semper abhórruit; auditus dicere: Rem nullam sibi placére, prætérquam in Christo Jesu, quem in ómnibus studébat imitári. Córporis demum afflictatióne, labóribus senióque attrítus, die vigésima séptima Septémbris, anno salutis supra millésimum sexcentésimo sexagésimo, ætátis suæ octogésimo quinto, Parísii, in domo sancti Lázari, quæ caput est congregatiónis Missiósionis, plácide obdormívit: quem virtútibus, méritis ac miráculis clarum Clemens duodécimus inter sanctos rétulit, ipsius celebritáti die décima nona mensis Júlii quotánnis assignáta. Hunc autem divínæ caritátis eximium heróem, de unoquóque hóminum genere óptime

méritum, Leo tertiusdécimus, instántibusplúribussacerórum antistítibus ómnium Societátum caritátis in toto cathólico orbe existéntium, et ab eo quomodocúmque promanántum, peculiárem apud Deum Patrónum declarávit et constituit.

R. Iste homo. 83*.

IN III. NOCTURNO

Homil. in Evang. Designávit Dóminus. **ut in Communi Evang. 22*, cum R.R. de Communi Conf. non Pont. 85*.**

Vesp. a Capit. de seq., Commem. præced. et sanctæ Margaritæ Virg. et Mart.

DIE XX

S. HIERONYMI ÆMILIANI

CONFESSORIS

Duplex.

Omnia de Comm. Conf. non Pont. 76*, præter seq.

(m. t. v.)

Oratio.

DEUS misericordiárum Patet, per mérita et intercessiósionem beáti Hierónymi, quem órphanis adjutórem et patrem esse voluisti: concéde; ut spíritum adoptiósionis, quo filii tui nominámur et sumus, fidéliter custodiámus. Per Dóminum.

Et fit Commem. præced.

Ant. Hic vir despiciens.

Y. Justum. 87*.

Orat. Deus qui. 490.

Deinde sanctæ Margaritæ Virg. et Mart.

Ant. Veni sponsa. **Y.** Spécie tua. 97*.

Oratio.

INDULGÉNTIAM nobis, quæsumus Dómine, beáta Margarita Virgo et Martyr implóret : quæ tibi grata semper éxstitit et mérito castitátis, et tuæ professióne virtútis. Per Dóminum nostrum.

IN I. NOCTURNO

Lect. de Script. occur.

IN II. NOCTURNO

Lectio iv.

HIERÓNÝMUS, e gente patri-
cia Æmiliána Venétiis
ortus, a prima adolescéntia
militiæ addictus, difficillimis
reipúblicæ tempóribus Ca-
stro novo ad Quarum in
móntibus Tarvisinis præfi-
citur. Arce ab hóstibus capta,
ipse in tetérrimum cárcerem
detrúditur, mánibus ac pé-
dibus vinctus; cui omni hu-
mána ope destitúto beatis-
sima Virgo ejus précibus
exoráta, clemens adest, vin-
cula solvit, et per médios
hostes, qui vias omnes obsé-
derant, in Tarvisii conspé-
ctum incólumem ducit. Ur-
bem ingressus, ad Deiparæ
aram, cui se vóverat, máni-
cas, cómpedes, caténas,
quas secum delúlerat, in
accépti beneficii testimó-
nium suspéndit. Revérsus
Venétias, cœpit pietátis stú-
dia impénsius cólere, in
páuperes mire effúsus, sed
puerórum præsertim misér-
tus, qui paréntibus orbáti,
egéni et sórdidi per urbem
vagabántur, quos in ædes a

se condúctas recépit de suo
aléndos, et christiánis móri-
bus imbuéndos.

R. Honéstum fecit illum
Dóminus, et custodívit eum
ab inimicis, et a seductóri-
bus tutávit illum : * Et dedit
illi claritátem ætérnam. **V.**
Justum dedúxit Dóminus per
vias rectas, et osténdit illi
regnum Dei. Et.

Lectio v.

PER eos dies Venétias appú-
lerant beátus Cajetanús,
et Petrus Caráfa, póstmó-
dum Páulus quartus, qui
Hierónými spíritu, novóque
institúto colligéndi órpha-
nos probáto, illum in incu-
rabilium hospitále adduxé-
runt, in quo órphanos simul
educáret, atque ægrótiis pari
caritáte inservíret. Mox eo-
rúmdem hortátu in próxi-
mam continéntem proféctus,
Brixíæ primum, deínde Bér-
gomi, atque Novocómi or-
phanotrophía eréxit : Bér-
gomi præsertim, ubi præter
duo, pro púeris unum, et
pro puéllis álterum, domum
excipiéndis, novo in illis
regiónibus exémplo, mulié-
ribus a turpi vita ad pœni-
téntiam convérsis, apéruiť.
Somáschæ demum subsi-
stens, in húmili pago agri
Bergoménsis ad Venetæ di-
tiónis fines, sibi, ac suis ibi
sedem constituit, formám-
que indúxit congregatiónis,
cui proptérea a Somáscha
nomen factum, quam sub-
inde áuctam, et propagátam,

nedum orphanorum regi-
mini, et ecclesiarum cultui,
sed ad maiorem christianæ
reipublicæ utilitatem, ado-
lescentium in litteris et
bonis moribus institutioni
in collégiis, academiis et
seminariis addictam sanctus
Pius quintus inter religiosos
ordines adscripsit, cæteri-
que Pontifices privilegiis or-
narunt.

R. Amavit eum Dominus,
et ornavit eum : stolam gló-
riæ induit eum, * Et ad por-
tas paradisi coronavit eum.
V. Induit eum Dominus lori-
cam fidei, et ornavit eum.
Et.

Lectio vij.

ORPHANIS colligendis in-
téntus Mediolánum pro-
ficiscitur, atque Ticinum; et
utrobique collectis agmi-
nibus puerorum, tectum,
victum, vestem, magistros,
nobilibus viris favéntibus,
próvide constituit. Inde So-
máscham redux, ómnibus
omnia factus, a nullo abhor-
rébat ópere, quod in pró-
ximi bonum cédere prævi-
deret. Agricolis immixtus
per agros sparsis, dum se
illis adiutórem in meténdis
frúgibus præbet, mystéria
fidei explicábat, puerorum
cápita porrigine fœda abs-
térgens, et patiénter tractans
curábat; pútridis rusticórum
vulnéribus medebátur eo
succéssu, ut grátia curatió-
num donátus censerétur. In
monte, qui Somáschæ immi-

net, repérta specu, in illam
se ábdidit, ubi se flagéllis
cædens, dies íntegros jejú-
nus tránsigens, oratióne in
plúrimam noctem protrácta,
super nudo saxo brevem
somnum carpens, sui alio-
rúmque noxárum pœnas lué-
bat. In hujus specus interi-
óri secéssu ex árido sílice
exstillat aqua précibus servi
Dei, ut constans traditio est,
impetráta, quæ usque in
hodiérnam diem júgiter ma-
nans, et in várias regiónes
deláta, ægris sanitátem ple-
rúmque conciliat. Tandem
ex contagióne, quæ per
omnem vallem serpébat,
dum ægrotántibus insérvit,
et vita functos própriis hú-
meris ad sepultúram defert,
contrácto morbo, annos na-
tus sex et quinquaginta,
quam páulo ante prædixe-
rat, pretiósam mortem obiit
anno millésimo quingenté-
simo trigésimo séptimo :
quem plúribus in vita, et
post mortem miráculis il-
lústrem Benedictus décimus
quartus beatórum, Clemens
vero décimus tértius san-
ctórum fastis solémniter ad-
scripsit.

R. Iste homo. 83*.

IN III. NOCTURNO

Lectio sancti Evangélii se-
cúndum Matthæum.

Lectio vij. Cap. 19. v. 13.

In illo témpore : Obláti sunt
Jesu párvuli, ut manus
eis impóneret, et oráret. Et
reliqua.

Homilia sancti Joannis
Chrysostomi.

Homil. 62. in Matth.

CUR discipuli púeros abigébant? Dignitátis cáusa. Quid ergo ille? Ut dóceat illos modéste sápere, fastúmque mundánum conculcáre, et súscipit, et ulnis compléctitur, talibúsque regnum cælórum pollicétur, id quod étiam dixit supérius. Et nos igitur si vólumus herédes esse cælórum, hanc virtútem cum diligéntia magna sectémur. Hoc est enim philosophíæ culmen, simplicem esse cum prudéntia: hæc vita est angélica. Anima enim puéruli ómnibus ánimi morbis vácuca est: non memóriam rétinet injuriárum, sed eas inferéntes adit ut amicos, ac si nihil factum esset. Et quamvis a matre verbéribus cædátur, eam semper quærit, et ómnibus antepónit.

¶ Iste est qui ante Deum magnas virtútes operátus est, et de omni corde suo laudávit Dóminum: * Ipse intercédât pro peccátis ómnium populórum. ¶ Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse intercédât.

Lectio viij.

SI reginam ipsi osténdas diadémate ornátam, non præfert eam matri pannis detritis vestitæ, mallétque

illam incúltam vidére, quam reginam mirífice amíctam. Nam quod suum, quod aliénium est, non ex paupertáte, vel divitiis, sed ex amóre existimáre solet, et nihil plus requirit, quam necesária; atque ut lacte replétus est, statim a mamma abscedit. Non eisdem, quibus nos, ærúmnis prémitur, nec pecuniárum jactúra, rebúsque similibus, nec iisdem, quibus nos, fluxis rebus lætátur, neque córporum pulchritúdinem mirátur. Ideo dicébat: Tálium est enim regnum cælórum, ut ex propósito voluntátis illa operémur, quæ natúra sua púeri faciunt.

¶ Sint lumbi vestri præcincti, et lucernæ ardéntes in mánibus vestris: * Et vos símiles hominibus exspectántibus dóminum suum, quando revertátur a núptiis. ¶ Vigiláte ergo, quia nescitis qua hora Dóminus vester ventúrus sit. Et. Glória Patri. Et.

Lectio ix.

QUIA enim pharisæi non aliúnde, quam a nequítia, et arrogántia ad agéndum ferebántur, ideo ubique discipulos suos simplices esse jubet, illósque subíndicat, dum hos instituit. Nihil enim ita supérbiam parit, ut principátus, et primi conséssus. Quóniam igitur discipuli per totum terrárum orbem multum honóris con-

secutûri erant, ipsórum ánimos prævenit, nec sinit eos humanum quid pati, nec honórem a vulgo expetere, vel ante álios sese efferre. Nam etiámsi hæc parva vidéntur esse, at malis ingéntibus cáusam præbent. Sic enim institúti pharisæi in malórum culmen ascendérunt : salutatiónes, primos conséssus, et médiós requiréntes, hinc in ardéntem glóriæ cupiditátem, inde véro in impietátem lapsi sunt.

Te Deum laudámus. 16.

In Laud. fit Commem. sanctæ Margaritæ.

Ant. Simile est regnum cælórum hómini negotiátóri quærénti bonas margaritas : invénta una pretiósá, dedit ómnia sua, et comparávit eam.

Ÿ. Diffúsa est grátia in lábiis tuis. *℟.* Proptérea benedixit te Deus in ætérnum.

In II. Vesp. fit Commem. seq.

DIE XXI

SANCTÆ PRAXEDIS

VIRGINIS

Ant. Veni sponsa Christi, accipe corónam, quam tibi Dóminus præparávit in ætérnum.

Ÿ. Spécie tua et pulchritúdine tua. *℟.* Inténde, prospere procéde, et regna.

Oratio.

EXÁUDI nos Deus salutáris noster : ut, sicut de beá-

tæ Praxédis Vírginis tuæ festivitáte gaudémus ; ita piæ devotiónis erudiámur afféctu. Per Dóminum nostrum Jesum Christum.

Lectio iij.

PRAXÉDES, virgo Romána, Pudentiánæ virginis soror, Marco Antonino imperátore Christiáno persecuente, eos facultátibus, ópera, consolatióne, et omni caritátis officio prosequébatur. Nam álios domi occultábat : álios ad fidei constántiam hortabátur : aliórum córpora sepeliébat : iis, qui in cárcere inclúsi erant, qui in ergástulis exercebántur, nulla re déerat. Quæ cum tantam Christianórum stragem jam ferre non posset, Deum precáta est, ut, si mori expediret, se e tantis malis eríperet. Itaque duodécimo Kaléndas Augústi ad pietátis præmia vocátur in cælum. Cujus corpus a Pastóre presbýtero in patris et soróris Pudentiánæ sepúlcrum illátum est, quod erat in cœmetério Priscillæ, via Salária.

Te Deum laudámus. 16.

Ad Laud. Ant. Simile est regnum cælórum hómini negotiátóri quærénti bonas margaritas : invénta una pretiósá, dedit ómnia sua, et comparávit eam.

Ÿ. Diffúsa est grátia in lábiis tuis. *℟.* Proptérea benedixit te Deus in ætérnum.

DIE XXII

STÆ MARIÆ MAGDALENÆ
PŒNITENTIS

Duplex.

(In Gallia, Duplex majus.)

Omnia de Comm. nec Virginis nec Mart. 113*, præter seq.

IN I. VESPERIS

Hymnus.

PATER supérni lúminis,
Cum Magdalénam réspicis,Flammas amóris éxcitas,
Gelúque solvis péctoris.Amóre currit sáucia
Pedes beátos úngere,
Laváre fletu, térgere
Comis, et ore lámberere.Adstáre non timet cruci :
Sepúlcro inhæret ánxia,
Truces nec horret mílites :
Pellit timórem cáritas.O vera Christe cáritas,
Tu nostra purga crimina,
Tu corda reple grátia,
Tu redde cæli præmia.Patri, simúlque Filio,
Tibíque sancte Spíritus,
Sicut fuit, sit júgiter
Sæclum per omne glória.

Amen.

Ÿ. Diffúsa est grátia in lábiis tuis. R̃. Proptérea benedixit te Deus in ætérnum.

Ad Magnif. Ant. Múlier quæ erat in civitáte peccátrix, ut cognóvit quod Jesus accúbuit in domo Simónis leprósi, áttulit alabástrum unguénti, et stans retro secus pedes Jesu, lácrymis cœpit rigáre pedes ejus, et

capillis cápitis sui tergébat, et osculabátur pedesejus, et unguénto ungébat.

Orat. ut infra in Laud.

AD MATUTINUM

Invit. Laudémus Deum nostrum, * In conversióne Mariæ Magdalænæ.

Ps. Venite, exsultémus. 2.

Hymnus.

MARIÁ castis ósculis
Lambit Dei vestigia :
Fletu rigat, tergit comis,
Detérsa nardo pérlineit.Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sæculum.
Amen.

IN I. NOCTURNO

De Cánticis canticórum.

Lectio j. Cap. 3.

IN léctulo meo per noctes
quæsivi quem diligit ánimamea : quæsivi illum, et non invéni. Surgam, et circuibo civitátem : per vicos et platéas quæram quem diligit ánimamea : quæsivi illum, et non invéni. Invenérunt me vigiles, qui custódiunt civitátem : Num quem diligit ánimamea, vidístis? Páululum cum pertransissem eos, invéni quem diligit ánimamea : ténuieum : nec dimittam donec introducam illum in domum matris meæ, et in cubiculum genitrícis meæ.

R̃. María Magdaléne, et áltera María ibant dilúculo ad monuméntum : * Jesus, quem quæritis, non est hic :

surréxit, sicut locútus est : præcedet vos in Galilæam, ibi eum vidébitis. *V.* Et valde mane una sabbatorum veniunt ad monuméntum orto jam sole : et introeúntes vidérunt júvenem sedéntem in dextris, qui dixit illis. Jesus, quem.

Lectio ij. Cap. 8.

QUIS mihi det te fratrem meum sugéntem úbera matris meæ, ut invéniam te foris, et deósculer te, et jam me nemo despiciat? Apprehéndam te, et ducam in domum matris meæ : ibi me docébis, et dabo tibi póculum ex vino condito, et mustum malórum granatorum meórum. Læva ejus sub cápite meo, et dextera illius amplexábitur me. Adjúro vos filiæ Jerúsalem, ne suscitétis, neque evigiláre faciátis diléctam donec ipsa velit.

R. Congratulámini mihi omnes qui diligitis Dóminum : quia quem quærébam, apparuit mihi : * Et dum flerem ad monuméntum, vidi Dóminum meum, alleluia. *V.* Recedéntibus discipulis non recedébam, et amoris ejus igne succénsa ardébam desidério. Et dum flerem.

Lectio iij.

QUÆ est ista, quæ ascéndit de desérto, deliciis affluens, innixa super diléctum suum? Sub árbore malo suscitávi te : ibi corrúpta est mater tua, ibi vio-

lata est génitrix tua. Pone me ut signáculum super cor tuum, ut signáculum super bráchium tuum : quia fortis est ut mors diléctio, dura sicut inférnus æmulatio, lámpades ejus lámpades ignis atque flammárum. Aquæ multæ non potuérunt extinguere caritátem, nec flúmina óbruent illam.

R. Tulérunt Dóminum meum, et nescio ubi posuérunt eum. Dicunt ei Angeli : Múlier quid ploras? surréxit, sicut dixit : * Præcedet vos in Galilæam, ibi eum vidébitis. *V.* Dum ergo flet, inclinávit se, et prospéxit in monuméntum, et vidit duos Angelos in albis sedéntes, qui dicunt ei. Præcedet. Glória. Præcedet.

IN II. NOCTURNO

Sermo sancti Gregórii Papæ.

Homil. 25. in Evang.

Lectio iv.

MARÍA Magdaléne, quæ fúerat in civitáte peccátrix, amándo veritátem, lavit lácrymis máculas criminis : et vox Veritátis implétur, qua dicitur : Dimissa sunt ei peccáta multa, quia diléxit multum. Quæ enim prius frigida peccándo remánserat, póstmodum amándo fórtiter ardébat. Quæ a monuménto Dómini, étiam discipulis recedéntibus, non recedébat : exquirébat, quem non invénérat : flebat inqui-réndo, et amoris sui igne succénsa, ejus quem ablá-

tum crédidit, ardébat desidério. Unde cóntigit, ut eum sola tunc vidéret, quæ remánserat ut quæreret : quia nimirum virtus boni óperis perseverántia est.

R. Propter veritátem, et mansuetúdinem, et justitiam : * Et dedúcet te mirabiliter délixtera tua. **V.** Spécie tua, et pulchritúdine tua inténde, prospere procéde, et regna. Et.

Lectio v.

QUÆSIVIT ergo prius, et minime invénit : perseverávit ut quæreret, unde et cóntigit ut inveniret : actúmque est, ut desidéria diláta créscerent, et crescéntia cáperent quod invenissent. Hinc est enim, quod de eódem sponsa Ecclesiá in Cánticis canticórum dicit : In léctulo meo per noctes quæsívi quem diligit ánima mea. Diléctum namque in léctulo quærimus, quando in præséntis vitæ aliquántula réquie Redemptóris nostri desidério suspirámus. Per noctem quærimus : quia etsi jam in illo mens vigilat, tamen adhuc óculus caligat.

R. Dilexisti justitiam, et odisti iniquitátem : * Proptérea unxit te Deus, Deus tuus óleo lætitiæ. **V.** Propter veritátem, et mansuetúdinem, et justitiam. Proptérea.

Lectio vj.

SED qui diléctum suum non invénit, restat ut

surgat, civitátem circúmeat, id est, sanctam electórum Ecclesiám mente et inquisitione percúrrat : per vicos eum et platéas quærat, id est, per angústa et lata gradiéntes adspiciat ; ut si qua invenire in eis váleat, ejus vestigia exquirat : quia sunt nonnólli étiam vitæ sæculáris, qui imitándum áliquid hábeant de actióne virtútis. Quæréntes áutem nos vígiles invéniunt, qui custódiunt civitátem : quia sancti Patres, qui Ecclesiæ statum custódiunt, bonis nostris stúdiis occúrrunt, ut suo vel verbo vel scripto nos dóceant. Quos cum páulum pertransimus, invenimus quem diligimus : quia Redemptor noster, etsi humilitáte homo inter hómines, divinitáte tamen super hómines fuit.

R. Fallax grátia. 116*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 7. f

IN illo témpore : Rogábat Iesum quidam de pharisæis, ut manducáret cum illo. Et ingressus domum pharisæi discúbuit. Et reliqua.

Homília sancti Augustíni
Epíscopi.

Lib. 50. Homil. 23. tom. 10.

EVANGÉLIUM cum legerétur, attentíssime audístis : et res gesta narráta atque versáta est ante óculos cordis

vestri. Vidistis enim non carne, sed mente, Dóminum Jesum. Christum in domo pharisæi recumbéntem, et ab illo invitátum non fastidiéntem. Vidistis étiam in civitáte mulierem famósam, mala útique fama, quæ erat peccátrix, non invitátam irruisse convivio, ubi suus médicus recumbébat, et quæsisse pia impudéntia sanitátem : irruens, quasi importúna convivio, opportúna beneficio. Nóverat enim quanto morbo laboráret : et illum ad sanándum esse idóneum, ad quem vénerat, sciébat.

R. Os suum apéruiť sapiéntiæ, et lex cleméntiæ in lingua ejus : considerávit sémitas domus suæ, * Et panem otíosa non comédit. **V.** Gustávit et vidit quia bona est negotiátio ejus : non exstinguétur in nocte lucérna ejus. Et.

Lectio viij.

ACCÉSSIT ergo non ad caput Dómini, sed ad pedes. Et quæ diu male ambuláverat, vestigia recta quærébat. Prius fudit lácrymas cordis, et lavit Dómini pedes obséquio confessiónis, capillis suis tersit, osculáta est, unxit : tácita loquebátur, non sermónem promébat, sed devotiónem ostendébat. Quia ergo tétigit Dóminum rigádo, osculádo, tergéndó, ungéndó pedes ejus : pharisæus, qui invitáverat

Dóminum Jesum Christum, quia ex illo génere erat hóminum superbórum, de quibus Isaías prophéta dicit : Qui dicunt, Recéde longe a me : noli me tángere, quóniam mundus sum : putávit Dóminum nescisse mulierem.

R. Regnum mundi, et omnem ornátum sáculi contémpsi, propter amórem Dómini mei Jesu Christi : * Quem vidi, quem amávi, in quem crédidi, quem diléxi. **V.** Eructávit cor meum verbum bonum : dico ego ópera mea regi. Quem. Glória Patri. Quem.

Lectio ix.

OPHARISÆE invitátor et irrísor Dómini : Dóminum pascis, et a quo pascéndus sis, non intélligis? Unde scis Dóminum nescisse quæ fúerit illa múlter, nisi quia permissa est accédere, nisi quia, illo patiénte, osculáta est pedes ejus, nisi quia tersit, nisi quia unxit? Hæc enim non débuit permitti fácere in pédibus mundis múlter immúnda? Ad illius ergo pharisæi pedes si talis múlter accessisset, dictúrus erat, quod Isaías de tálibus dicit : Recéde a me, noli me tángere : quóniam mundus sum. Accéssit áutem ad Dóminum immúnda, ut redíret munda : accéssit ægra, ut redíret sana : accéssit confessa, ut redíret professa.

Te Deum laudámus. 16.

AD LAUDES

Hymnus.

SUMMI Paréntis Unice,
Vultu pio nos réspice,
Vocans ad arcem glóriæ
Cor Magdalénæ pœnitens.

Amissa drachma régio
Recóndita est ærário;
Et gemma detérso luto
Nitóre vincit sidera.

Jesu medéla vúlnerum,
Spes una pœniténtium,
Per Magdalénæ lácrymas
Peccáta nostra diluas.

Dei Parens piissima
Hevæ nepótes flébiles
De mille vitæ flúctibus
Salútis in portum vehas.

Uni Deo sit glória,
Pro multifórmi grátia,
Peccántium qui crimina
Remittit, et dat præmia.

Amen.

Ÿ. Elégit eam Deus, et
præelégit eam. R. In taber-
náculo suo habitáre facit
eam.

Ad Bened. Ant. Maria un-
xit pedes Jesu, et extérsit
capillis suis, et domus im-
pléta est ex odóre unguénti.

Oratio.

BEÁTÆ Mariæ Magdalénæ,
quæsumus Dómine, suf-
frágiis adjuvémur : cujus
précibus exorátus, quatri-
duánum fratrem Lázarus
vivum ab inferis resuscitá-
sti : Qui vivis et regnas.

Vesp. a Capit. de seq.
cum Commem. præced. et
S. Liborii Ep. Conf. ut infra.

¶ Si vero dici contigerit II.
Vesp. S. Mariæ Magdalénæ

integras, tunc Hymnus su-
mitur ex I. Vesp. supra; Ÿ.
Elégit eam. Ant. ad Magnif.
Múlter. ut infra.

DIE XXIII

SANCTI APOLLINARIS

EPISC. ET MART.

Duplex.

Omnia de Comm. unius
Mart. 24*, præter seq.

Oratio.

DEUS fidélium remunerá-
tor animárum, qui hunc
diem beáti Apollináris Sa-
cerdótis tui martýrio conse-
crásti : tribue nobis, quæ-
sumus, fámulis tuis; ut, cu-
jus venerándam celebrámus
festivitátem, précibus ejus
indulgéntiam consequámur.
Per Dóminum.

**Deinde fit Commem. præ-
ced.**

Ant. Múlter, quæ erat in
civitáte peccátrix, áttulit
alabástrum unguénti, et stans
retro secus pedes Dómini,
lácrymis cœpit rigáre pedes
ejus, et capillis cápitis sui
tergébat.

Ÿ. Elégit eam Deus, et
præelégit eam. R. In taber-
náculo suo habitáre facit
eam.

**Deinde S. Liborii Episcopi
et Confessoris.**

Ant. Sacérdos et Póntifex,
et virtútum ópifex, pastor
bone in pópulo, ora pro
nobis Dóminum.

Ÿ. Amávit eum Dóminus,
et ornávit eum. R. Stola
glóriæ induit eum.

Oratio.

DA, quæsumus omnipotens Deus : ut beāti Libórii Confessóris tui atque Pontíficis veneránda solémnitas et devotióne nobis áugeat et salútem. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

APOLLINÁRIS cum principe Apostolorum Antiochia Romam venit : a quo ordinátus episcopus, Ravénnam ad Christi Dómini Evangélium prædicándum mittitur : ubi cum ad Christi fidem plúrimos convérteret, captus ab idolórum sacerdotibus grávitè cæsus est. Cumque ipso oránte Bonifácius nobilis vir, qui diu mutus fúerat, loquerétur, ejúsque filia immúndo spírítu liberáta esset ; iterum est in illum commóta seditio. Itaque virgis cæsus, ardéntes carbónes nudis pédibus prémere cógitur : quem cum subjéctus ignis nihil læderet, ejicitur extra urbem.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. **V.** Descenditque cum illo in fóveam, et in vínculis non dereliquit eum. Et.

Lectio v.

Is vero latens aliquámdiu cum quibúsdam Christiánis, inde proféctus est in

Æmiliam, ubi Rufini patrítii filiam mórtuam ad vitam revocávit : ut proptérea tota Rufini familia in Jesum Christum créderet. Quare vehementer incénsus præféctus accérsit Apollinárem, et cum eo grávius agit, ut finem fáciat disseminándi in urbe Christi fidem. Cujus cum Apollináris jussa negligeret, equúleo cruciátur : in cujus plagas aqua fervens infúnditur, saxóque os túnditur : mox férreis vínculis constrictus inclúditur in cárcere. Quarto die impósitus in navem, mittitur in exsílium : ac facto naufrágio venit in Mýsiam, inde ad ripam Danúbii, póstea in Thráciam.

R. Desidérium animæ ejus tribuísti ei Dómine, * Et voluntáte labiórurn ejus non fraudásti eum. **V.** Quóniam prævenísti eum in benedictiónibus dulcedinis : posuísti in cápite ejus corónam de lápide pretióso. Et voluntáte.

Lectio vj.

CUM áutem in Serápidis templo dæmon se respónsa datúrurn negáret, dum ibídem Petri Apóstoli discipulus morarétur, diu conquisitus invéntus est Apollináris : qui iterum jubétur navigáre. Ita revérsus Ravénnam, ab iisdem illis idolórum sacerdotibus accusátus, centurióni custodiéndus tráditur : qui cum ocúltè Christum cóleret, no-

ctu Apollinárem dimisit. Re cónita, satéllites eum persequúntur, et plagis in itinere conféctum, quod mórtuum créderent, relinquunt. Quem cum inde Christiáni sustulissent, séptimo die exhortans illos ad fidei constantiam, martýrii glória clarus migrávit e vita. Cujus corpus prope murum urbis sepúltum est.

R. Stola jucunditátis. 30*.

IN III. NOCTURNO

Léctio sancti Evangélii secúndum Lucam.

Lectio vii. Cap. 22. c

IN illo témpore : Facta est conténtio inter discipulos, quis eórum viderétur esse major. Et réliqua.

Homilia sancti Ambrósii
Episcopi.

*Lib. 10. in Lucæ cap. 22.
post initium.*

REGNUM Dei non est de hoc mundo. Non ergo æqualitátis hómini ad Deum, sed similitúdinis æmulátio est. Solus enim Christus est plena imágo Dei, propter expressam in se patrénæ claritúdinis unitátem. Justus áutem homo ad imáginem Dei est, si propter imitándam divínæ conversatiónis similitúdinem mundum hunc Dei cognitióne contémpnat, voluptatésque terréas verbi perceptiόne despiciat, quo álimur in vitam : unde et corpus Christi édimus, ut vitæ æternæ possimus esse participes.

R. Coróna áurea super caput ejus, * Expressa signo sanctitátis, glória honóris, et opus fortitúdinis. *Y.* Quóniam prævenisti eum in benedictiόnibus dulcédinis, posuisti in cápite ejus corónam de lápide pretiόso. Expressa signo.

Lectio viij.

NON enim victus et potus nobis præmii loco spondétur et honóris, sed comunicatiό grátiae cæléstis et vitæ. Neque duódecim throni tamquam áliqua corpóralis sunt receptácula sessiόnis : sed quia sicut secúndum divínam similitúdinem júdicat Christus cognitiόne córdium, non interrogatiόne factórum, virtútem remunérans, impietatémque condémnans : ita et Apóstoli in júdiciu spiritále formántur remuneratiόne fidei, et exsecratiόne perfidiæ, virtúte errórem redarguéntes, sacrílegos ódio persequéntes.

R. Hic est vere Martyr, qui pro Christi nómine sanguinem suum fudit : * Qui minas júdicum non tímuit, nec terrénæ dignitátis glóriam quæsívit, sed ad cælestia regna pervénit. *Y.* Justum dedúxit Dóminus per vias rectas, et osténdit illi regnum Dei. Qui minas. Glória Patri. Qui minas.

Lectio ix.

CONVERTÁMUR igitur, et caveámus, ne in perditio-

nem aliqua inter nos de prælatione possit esse contentio. Si enim contendebant Apostoli, non excusationi obtenditur, sed cautioni proponitur. Si Petrus aliquando convertitur, qui ad primam Domini secutus est vocem : quis potest dicere, cito se esse conversum? Cave ergo jactantiam, cave sæculum. Ille enim confirmare jubetur fratres suos, qui dixit : Omnia dimisimus, et secutus sumus te.

Te Deum laudamus. 16.

In Laud. fit Commem. S. Liborii.

Ant. Euge serve bone et fidelis, quia in pauca fuisti fidelis, supra multa te constituam, dicit Dominus.

V. Justum deduxit Dominus per vias rectas. R. Et ostendit illi regnum Dei.

Orat. Da, quæsumus. 502.

Si vero hodie fuerit Sabbatum, ix. Lectio erit de Vigilia anticipata S. Jacobi Apostoli, cum ejus Commem. in Laud.; et tunc pro Commem. S. Liborii dicatur

Oratio.

EXAUDI, quæsumus Domine, preces nostras, quas in beati Liborii Confessoris tui atque Pontificis solemnitatem deferimus : et qui tibi digne meruit famulari, ejus intercedentibus meritis, ab omnibus nos absolvet peccatis. Per Dominum.

In II. Vesp. fit Commem. S. Christinæ Virg. et Mart.

Ant. Veni sponsa Christi, accipe coronam, quam tibi Dominus præparavit in æternum.

V. Spécie tua et pulchritudine tua. R. Intende, prospere procede, et regna.

Oratio.

INDULGENTIAM nobis, quæsumus Domine, beata Christina Virgo et Martyr imploret : quæ tibi grata semper existit et merito castitatis, et tuæ professione virtutis. Per Dominum.

DIE XXIV

IN VIGILIA S. JACOBI

APOSTOLI

Tres Lectiones de Homil. in Evang. Hoc est præceptum. ut in Vigil. Apost. 1*.

Ad Laud. ut in Psalt. et dic. Preces feriales flexis genibus. 59

Oratio.

DA, quæsumus omnipotens Deus : ut beati Jacobi Apostoli tui, quam prævenimus, veneranda sollemnitas, et devotionem nobis augeat et salutem. Per Dñm.

Et fit Commem. sanctæ Christinæ.

Ant. Simile est regnum cælorum homini negotiatóri quærenti bonas margaritas : inventa una pretiosa, dedit omnia sua, et comparavit eam.

V. Diffusa est grátia in labiis tuis. R. Propterea benedixit te Deus in æternum.

Orat. Indulgentiam. supra.

DIE XXV

S. JACOBI APOST.

Duplex 2. classis.

Omnia de Comm. Apost.

2*, præter seq.

Oratio.

ESTO Dómine plebi tuæ sanctificátor et custos : ut Apóstoli tui Jacóbi munita præsiðiis, et conversatióne tibi pláceat, et secúra mente desérviat. Per Dñ.

IN I. NOCTURNO

Lect. Sic nos existimet. de eodem Comm. 7*.

IN II. NOCTURNO

Lectio iv.

JACÓBUS, Zebedæi filius, Joánnis Apóstoli germánus frater, Galilæus, inter primos Apóstolos vocátus cum fratre, relictis patre ac rétibus, secútus est Dóminum, et ambo ab ipso Jesu Boanérges, id est, tonitruii filii sunt appelláti. Is unus fuit ex tribus Apóstolis, quos Salvátor máxime diléxit, et testes esse vóluit suæ transfiguratiónis, et interesse miráculo, cum archisynagógi filiam a mórtuis excitávit, et adesse cum secéssit in montem Olivéti, Patrem oratúrus, ántequam a Judæis comprehenderétur.

℞. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei. ℣. Vidi Angelum Dei

fortem, volántem per médium cælum, voce magna clamántem, et dicéntem. Isti.

Lectio v.

POST Jesu Christi ascénsum in cælum, in Judæa et Samaria ejus divinitátem prædicans, plúrimos ad christiánam fidem perdúxit. Mox in Hispániam proféctus, ibi áliquos ad Christum convertit : ex quorum número septem póstea episcopi a beáto Petro ordináti in Hispániam primi dirécti sunt. Deínde Jerosólymam revérsum, cum inter álios Hermógenem magum fidei veritáte imbuisset, Heródes Agrippa Cláudio imperatóre ad regnum elátus, ut a Judæis grátiam iníret, Jacóbum libere Jesum Christum Deum confiténtem cápitis condemnávit. Quem cum is, qui eum dúxerat ad tribúnal, fórtiter martýrium subeúntem vidisset, statim se et ipse Christiánum esse proféssus est.

℞. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : * Gaudéte et exsultáte, quóniam merces vestra copiósa est in cælis. ℣. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Filium hóminis. Gaudéte.

Lectio vj.

Ad supplicium cum raperentur, petiit ille a Jacobo veniam : quem Jacobus osculatus, Pax, inquit, tibi sit. Itaque uterque est securi percussus, cum paulo ante Jacobus paralyticum sanasset. Corpus ejus postea Compostellam translatum est, ubi summa celebritate colitur, convenientibus eo religionis et voti causa ex toto terrarum orbe peregrinis. Memoria ipsius natalis hodierno die, qui translationis dies est, ab Ecclesia celebratur, cum ipse circa festum Paschae primus Apostolorum Jerosolymis profuso sanguine testimonium Jesu Christo dederit.

R. Isti sunt. 11*.

IN III. NOCTURNO

Lectio sancti Evangelii secundum Matthaeum.

Lectio vij. Cap. 20. c

In illo tempore : Accessit ad Jesum mater filiorum Zebedaei cum filiis suis, adorans et petens aliquid ab eo. Et reliqua.

Homilia sancti Joannis Chrysostomi.

Homil. 66. in Matth.

Non turbetur quisquam, si adeo imperfectos dicimus Apostolos fuisse : nondum enim mysterium crucis erat consummatum, nondum gratia Spiritus in corda ipsorum infusa. Quod si virtutem ipsorum discere cupis, quales post datam gratiam

Spiritus fuerint, considera, et videbis omnem ab illis perversam affectionem fuisse superatam. Hac enim de causa eorum modo imperfectio revelatur, ut aperte percipere possis, quales subito per gratiam effecti fuerunt. Quod igitur nihil spiritale petebant, nec de caelesti regno quidquam cogitabant, perspicuum est. Sed tamen inspicimus etiam quomodo accedant, et quid dicant. Volumus, inquit, ut quodcumque petierimus, facias nobis. Ad quod Christus, Quid vultis? respondit : non ignorans certe, sed ut eos respondere cogat, et ulcus detegat, et ita medicamentum apponat.

R. Isti sunt qui viventes in carne, plantaverunt Ecclesiam sanguine suo : * Calicem Domini biberunt, et amici Dei facti sunt. **V.** In omnem terram exivit sonus eorum, et in fines orbis terrae verba eorum. Calicem.

Lectio viij.

Illi vero cum erubescerent, et verecundia prohiberentur, quoniam humano affectu eo devenerant, seorsum ab aliis discipulis Christum accipientes, interrogaverunt. Progressi sunt enim, inquit, ne illis manifesti fierent : et ita demum ea quae volebant, dixerunt. Volebant autem, ut ego conicio, quoniam super duodecim sedes sessuros discipu-

los audiérunt, primátum hujus conséssus impetráre : et præpóni quidem se cæteris sciébant ; Petrum vero sibi præferri formidántes, dicere áusi sunt : Dic ut unus a dextris, alter a sinístris sédeat. Et urgent dicéntes : Dic. Quid igitur ipse? Ut significáret eos nihil pétère spiritále, sed nec scire quidem quid póstulent : non enim pétère audérunt, si scirent : Nescitis, ait, quid petátis : nescitis quam magnum hoc sit, quam mirábile, ac ipsas superiôres excédens virtútes.

℞. Isti sunt viri sancti, quos elégit Dóminus in caritáte non ficta, et dedit illis glóriam sempitérnam : * Quorum doctrína fulget Ecclésia, ut sole luna. V. Sancti per fidem vicérunt regna, operáti sunt justitiam. Quorum. Glória Patri. Quorum.

Lectio ix.

ET adjécit : Potéstis bíbere cálicem, quem ego bibitúrus sum : et baptismo, quo ego baptizor, baptizári? Perpéndis, quómodo statim ab hac opiniónē ipsos remóvit, contrária eis dísserens. Nam vos, inquit, de honóribus et de corónis mecum ágitis : ego vero de luctámīne atque sudóre díssero. Non præmiórum hoc tempus est, nec illa glória mea modo apparébit : sed cædis ac periculórum tempus præsens est. Pérspice autem, quáliter ipso

interrogatiónis modo et hortátur et álicit. Non enim dixit : Potestisne cædem subíre, potestisne vestrum effúndere sánguinem? Sed, Quonam pacto potéstis bíbere cálicem? Deinde alliciens, inquit, Quem ego bibitúrus sum : ut ipsa cum eo communicatióne labórum promptiôres redderéntur.

Te Deum laudámus. 16.

In Laud. tantum fit Commem. S. Christophori Mart.

Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. ℞. Sicut cedrus Libani multiplicábitur.

Oratio.

PRÆSTA, quæsumus omnipotens Deus : ut qui beáti Christóphori Mártiris tui natalítia cólimus, intercessióne ejus in tui nóminis amóre roborémur. Per Dóminum.

In II. Vesp. Commem. seq.

DIE XXVI

SANCTÆ ANNÆ MATRIS B. M. V.

Duplex 2. classis.

Omnia de Comm. nec Virg. nec Mart. 113*, præter sequentia.

Ant. Simile est regnum cælórum hómīni negotiátóri quærénti bonas margaritas : invénta una pretiósā, dedit ómnia sua, et comparávit eam.

V. Spécie tua et pulchritúdine tua. ℞. Inténde, prospere procéde, et regna.

Oratio.

DEUS, qui beátæ Annæ grátiam conférre dignátus es, ut Genitricis unigéniti Filii tui mater éffici mererétur : concéde propítius : ut cujus solémnia celebrámus, ejus apud te patrocíniis adjuvémur. Per eúmdem Dóminum.

IN I. NOCTURNO

Lect. Mulierem fortem. **de eodem Comm.** 114*.

IN II. NOCTURNO

Sermo sancti Joánnis Damascéni.

Oratione 2. de Nativ. B. Mariæ, prope finem.

Lectio iv.

PROPÓNITUR nobis Annæ thálamus, conjugális vitæ simul et virginitátis formam réferens, illam matris, hanc filiaë : quarum áltera recens sterilitáte liberáta est, áltera áutem aliquánto post, Christi partum ad nostræ natúræ conditióem divíno opificio formátum, supra natúram est editúra. Mérito igitur Anna divíno Spíritu plena, læto hilaríque ánimo pésonat : Congaudéte mecum, quæ promissiónis germen ex stérili ventre péperi, ac benedictiόνis fructum ubéribus meis, ut optáveram, nútrio. Sterilitátis mœstitiam éxui, ac lætam fœcunditátis vestem indui. Congáudeat mecum hódie Anna illa, Phenénnae adversária : et novum hoc at-

que inopinátum miráculum, quod in me gestum est, suo exémplo concélebre.

R. Propter veritátem, et mansuetúdinem, et justitiam : * Et dedúcet te mirabiliter dextera tua. **V.** Spécie tua et pulchritúdine tua inténde, prósperè procéde, et regna. Et.

Lectio v.

EXSÚLTET Sara senili gáudio gèstiens, meúmque absterilitáte concéptum præfigúrans. Cóncinant simul stériles et infœcúndæ visitatióem meam admirábili modo cælitus factam. Dicant item matres omnes hac fœcunditáte præditæ : Benedictus qui orántibus id quod optábant, largítus est, et fœcunditátem stérili dedit, ac felicíssimum illud germen Virginis concéssit, quæ Mater Dei secúndum carnem fuit, cujus venter cælum est, in qua habitávit is, qui nullo loco capi potest. Cónsonam his nos quoque ipsi, quæ vocabátur stérilis, nunc áutem virginei thálami mater éxstitit, láudem offerámus. Dicámus ad eam cum Scriptúra : Quam beáta domus David, ex qua prodiisti, et venter in quo Deus sanctificatiónis arcam, hoc est eam, a qua ipse sine sémine concéptus est, fabricávit.

R. Dilexisti justitiam, et odisti iniquitátem : * Proptérea unxit te Deus, Deus tuus óleo lætitiaë. **V.** Pro-

pter veritatem, et mansuetudinem, et justitiam. Propterea.

Lectio vj.

VERE beata es, ac ter beata, quæ beatitudine donatam a Deo infantem, hoc est, Mariam, nomine quoque ipso magnopere venerandam peperisti : ex qua Christus vitæ flos exstitit, cujus Virginis et gloriosus fuit ortus, et partus mundo sublimior. Nos quoque, o beatissima femina, tibi gratulamur. Etenim nostrum omnium spem divinitus concessam, hoc est, promissionis fœtum peperisti. Beata revêra es, et beatus fructus ventris tui. Piôrum autem lingua germen tuum magnificat, ac sermo omnis lætus partum tuum prædicat. Dignum sane quidem, ac maxime dignum est eam laudare, quæ divina benignitate oraculum accipit, ac talem et tantum nobis fructum edidit, ex quo dulcis Jesus prodiit.

℟. Fallax grátia. 116*.

IN III. NOCTURNO

Homil. in Evang. Simile est. de eodem Communi. 116*.

In II. Vesperis Commem. seq.

DIE XXVII

SANCTI PANTALEONIS

MARTYRIS

Ant. Iste sanctus pro lege Dei sui certavit usque ad mortem, et a verbis impió-

rum non timuit : fundatus enim erat supra firmam petram.

℣. Glória et honóre coronasti eum Dómine. ℟. Et constituisti eum super ópera manuum tuarum.

Oratio.

PRÆSTA, quæsumus omnipotens Deus : ut intercedente beato Pantaleone Mártire tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

Lectio iij.

PANTÁLEON Nicomediénsis, nóbilis médicus, ab Hermoláo presbýtero in Jesu Christi fide eruditus, baptizatus est : qui mox patri Eustórgio persuásit ut Christiánus fieret. Quare cum Nicomediæ póstea Christi Dómini fidem libere prædicáret, et ad ejus doctrinam omnes cohortarétur, Diocletiáno imperatóre equúleo tortus, et admótis ad ejus corpus láminis candéntibus, cruciatus est : quam tormentórum vim æquó et forti ánimo ferens, ad extrémum gládio percússus, mártýrii corónam adéptus est.

Te Deum laudámus. 16.

Ad Laud. Ant. Qui odit ánimam suam in hoc mundo, in vitam ætérnam custódit eam.

℣. Justus ut palma florébit. ℟. Sicut cedrus Libani multiplicábitur.

DIE XXVIII
SS. NAZARII ET CELSI
MARTYRUM

VICTORIS PAPÆ ET MARTYRIS
AC INNOCENTII
PAPÆ ET CONFESSORIS
Semiduplex.

Omnia de Comm. plurim.
Mart. 39*, præter seq.

Oratio.

SANCTORUM tuorum nos,
Dómine, Nazarii, Celsi,
Victoris, et Innocentii conf-
fessio beáta commúniat : et
fragilitáti nostræ subsidium
dignanter exóret. Per Dñi.

IN I. NOCTURNO

Lect. de Script. occur.

IN II. NOCTURNO

Lectio iv.

NAZÁRIUS, a beáto Lino
Papa baptizátus, cum in
Gálliam profectus esset, ibi
Celsum púerum, a se chri-
stiánis præcéptis prius in-
strúctum, baptizávit : qui
una Trévirim eúntes, Neró-
nis persecutióne in mare
utérque dejicitur, unde mi-
rabíliter evasérunt. Póstea
Mediolánum veniéntes, cum
ibi Christi fidem dissemi-
nárent, ab Anolíno præfé-
cto, constantissime Christum
Deum confiténtes, cápite
plectúntur : quorum córpora
extra portam Románam se-
púlta sunt. Quæ cum diu la-
tuissent, Dei mónitu a beáto
Ambrósio conspérta recénti
sánguine sunt invénta, tam-
quam si páulo ante martý-
rium passi essent : unde in

Urbem transláta, honorífico
sepúlcro contécta sunt.

R. Sancti tui Dómine mi-
rábile consecúti sunt iter,
serviéntes præcéptis tuis,
ut inveniréntur illæsi in
aquis válidis : * Terra appá-
ruit árida, et in mari Rubro
via sine impediménto. **V.**
Quóniam percússit petram,
et fluxérunt aquæ, et torréntes
inundavérunt. Terra.

Lectio v.

VICTOR in Africa natus,
Sevéro imperatóre rexit
Ecclésiám. Confirmávit de-
crétum Pii primi, ut sacrum
Pascha die Dominico cele-
brarétur : qui ritus ut póstea
in mores inducerétur, hábita
sunt multis in locis concilia :
et in Nicæna dénique prima
sýnodo sancitum est, ut
Paschæ dies festus post
quartam décimam lunam
agerétur, ne Christiáni Ju-
dæos imitári videréntur.
Státuit, ut quavis aqua, modo
naturáli, si necéssitas cóge-
ret, quicúmque baptizári
posset. Theódotum Coriá-
rium Byzantinum, docén-
tem Christum tantúmmodo
hóminem fuisse, ejécit ex
Ecclésia. Scripsit de quæ-
stióne Paschæ et ália quæ-
dam opúscula. Creávit duá-
bus ordinatióibus mense
Decémbri presbýteros quá-
tuor, diáconos septem, epi-
scopos per diversa loca duó-
decim. Martýrio coronátus,
sepelitur in Vaticáno, quinto
Kaléndas Augústi. Sedit an-

nos novem, mensem unum, dies viginti octo.

R. Vërbera carnificum non timuérunt sancti Dei, moriéntes pro Christi nómine : * Ut herédes fierent in domo Dómini. **V.** Tradiderunt córpora sua propter Deum ad supplicia. Ut.

Lectio vj.

INNOCÉNTIUS Albanénsis, sancti Hierónymi et Augustini ætate flóruit : de quo ille ad Demetriadem vírginem : Sancti Innocéntii, qui apostólicæ cáthedræ, et beátæ memóriæ Anastásii succéssor et filius est, téneas fidem, nec peregrinam, quamvis tibi prudens, callidaque videáris, doctrinam recipias. Eum tamquam justum Lot subtráctum Dei providéntia ad Ravénnam servátum fuisse, scribit Orósius, ne Románi pópuli vidéret excídium. Is, Pelágio et Cæléstio damnátis, contra eórum háeresim decretum fecit, ut párvuli ex christiána étiam muliere nati, per baptismum renásci débérant; ut in eis regeneratióne mündétur, quod generatióne contraxérunt. Probávit étiam, ut sábbato ob memóriam Christi Dómini sepultúræ jejúnium servarétur. Sedit annos quíndecim, mensem unum, dies decem. Quátuor ordinatió nibus mense Decémbri creávit presbýteros triginta, diáconos quíndecim, episcopos per diversa

loca quinquaginta quátuor. Sepúltus est in cœmetério ad Ursum pileátum.

R. Tamquam áurum. 46*.

IN III. NOCTURNO

Homil. in Evang. Cum audiéritis. **de eodem Comm.** 1º loco. 48*.

Vesp. a Capit. de seq. Commem. præced. et SS. Felicis etc. Mart. ut infra.

Ubi sit dupl. maj. de seq., dicuntur Vesp. integræ de S. Martha, cum Commem. præced.

DIE XXIX

SANCTÆ MARTHÆ VIRG.

Semiduplex.

(In Gallia, duplex majus.)

Omnia de Communi Virg. 95*, **præter seq.**

Oratio.

EXÁUDI nos Deus salutáris noster : ut sicut de beátæ Marthæ Vírginis tuæ festivitáte gaudémus; ita piæ devotiónis erudiámur afféctu. Per Dóminum.

Et sit Commem. præced.

Ant. Gáudent in cælis ánimæ sanctórum, qui Christi vestigia sunt secúti : et quia pro ejus amóre sánguinem suum fuderunt, ideo cum Christo exsúltant sine fine.

V. Exsultábunt sancti in glória. **R.** Lætabúntur in cubilibus suis.

Orat. Sanctórum. 510.

Deinde sit Commem. SS. Felicis II., Simplicii, Faustini et Beatricis Martyrum.

Ant. Istórum est enim re-

gnum cælorum, qui contempsérunt vitam mundi, et pervenérunt ad præmia regni, et lavérunt stolas suas in sanguine Agni.

¶ Lætámini in Dómino, et exultáte justi. ¶ Et gloriámini omnes recti corde.

Oratio.

PRÆSTA, quæsumus Dómine, ut sicut pópulus christiánus Mátyrum tuórum Felicis, Simplicii, Faustini et Beatricis temporáli solemnitáte congáudet : ita perfruátur ætéRNA; et quod votis célebrat, comprehéndat efféctu. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

MARTHA nobilibus et copíosis paréntibus nata, sed Christi Dómini hospitio clárior, post ejus ascénsum in cælum, cum fratre, soróre, et Marcélla pedissequa, ac Maximino, uno ex septuaginta duóbus discipulis Christi Dómini, qui totam illam domum baptizáverat, multisque áliis Christiánis, comprehénsa a Judæis, in navem sine velo ac remigio impónitur, vastissimóque mari ad certum naufrágium committitur : sed navis, Deo gubernánte, salvis ómnibus Massiliam appúlsa est.

¶ Propter veritátem, et mansuetúdinem, et justitiam : * Et dedúcet te mira-

biliter dextera tua. ¶ Spécie tua et pulchritúde tua inlénde, prospere procède, et regna. Et dedúcet.

Lectio v.

Eo miráculo, et horum prædicatióne, primum Massiliénses, mox Aquénses, ac finitimæ gentes in Christum credidérunt : Lazarúsque Massiliénsium, et Maximinus Aquénsium episcopus créatur. Magdaléna vero assuéta oratióni et pédibus Dómini, ut óptima parte contemplándæ cæléstis beatitúdinis, quam elégerat, fruerétur, in vastam altissimam montis spelúncam se cóntulit : ubi triginta annos vixit, ab omni hóminum consuetúde disjuncta, quotidieque per id tempus ad audiéndas cæléstium láudes in altum ab Angelis eláta.

¶ Dilexisti justitiam, et odisti iniquitátem : * Proptérea unxit te Deus, Deus tuus óleo lætitiæ. ¶ Propter veritátem, et mansuetúdinem, et justitiam. Proptérea.

Lectio vj.

MARTHA áutem, mirábili vitæ sanctitáte et caritáte, ómnium Massiliénsium ánimis in sui amórem et admiratiónem addúctis, in locum a viris remótum cum áliquot honestissimis féminis se recépit : ubi summa cum láude pietátis et prudentiæ diu vixit : ac demum morte sua multo ante prædicta, miráculis clara mi-

grávit ad Dóminum, quarto Kaléndas Augústi. Cujus corpus apud Taráscum magnam habet veneratióem.

℞. Afferéntur Regi. 104*.

IN III. NOCTURNO

Léctio sancti Evangélii secúndum Lucam.

Lectio vij. Cap. 10. g

IN illo témpore : Intrávit Jesus in quoddam castélum : et múlter quædam, Martha nómine, excépit illum in domum suam. Et réliqua.

Homilia sancti Augustini
Episcopi.

Serm. 26. de verbis Domini.

VERBA Dómini nostri Jesu Christi, quæ modo ex Evangélio recitáta sunt, ádmoneant nos, esse unum áliquid quo tendámus, quando in hujus sáculi multitúdine laborámus. Téndimus áutem adhuc peregrinántes, nondum manéntes : adhuc in via, nondum in pátria : adhuc desiderándo, nondum fruéndo. Tamen tendámus, et sine pigritia et sine intermissiône tendámus, ut aliquándo pervenire valeámus. Martha et María duæ soróres erant, ambæ non solum carne, sed étiam religiône germánæ : ambæ Dómino cohæsérunt, ambæ Dómino in carne præsénti concórditer serviérunt.

℞. Hæc est Virgo sápiens, quam Dóminus vigilántem invénit, quæ accéptis lampádibus, sumpsit secum óle-

um : * Et veniénte Dómino, introívit cum eo ad núptias.

℥. Média nocte clamor factus est : Ecce sponsus venit, exite óbviám ei. Et.

Lectio viij.

SUSCÉPIT eum Martha, sic-
ut solent súscipi peregrini : sed tamen suscepit fámula Dóminum, ægra Salvatórem, creatúra Creatórem. Suscepit áutem spiritu pascénda, in carne pascéndum. Vóluit enim Dóminus formam servi accipere, et accépta forma servi in illa pasci a servis, dignatiône, non conditiône. Nam et ista dignatio fuit, se præbère pascéndum. Habébat carnem, in qua esuriret quidem et sitiret : sed nescitis, quia in erémo esuriéti Angeli ministrábant ? Ergo quod pasci vóluit, pascénti præstitit. Quid áutem mirum, si et de sancto Elía præstitit víduæ, quem prius, corvo ministránte, pascébat ? Numquid pascéndo defecerat, quando ad viduam mittébat ? Nequáquam, sed religiósam viduam per obséquium exhibitum servo suo, benedicere disponébat.

℞. Média nocte clamor factus est : * Ecce sponsus venit, exite óbviám ei. ℥. Prudentes vírgines aptáte vestras lámpades. Ecce. Glória Patri. Ecce.

Lectio ix.

SIC ergo suscep-tus est Dóminus tamquam hospes,

qui in sua própria venit, et sui eum non recepérunt: sed quotquot recepérunt eum, dedit eis potestátem filios Dei fieri: adóptans servos, et liberos fáciens: rédimens captivos, et fáciens coherédes. Ne quis tamen vestrum fórsitan dicat: O beáti, qui Christum suscipere in domum própriam meruérunt! Noli dolére, noli murmuráre, qui tempóribus natus es, quando jam Dóminum non vides in carne. Non tibi abstulit istam dignatióem. Cum uni, inquit, ex minimis meis fecistis, mihi fecistis. Hæc de Dómino pascéndo in carne, sed pascénte in spiritu, páuca pro témpore dixerimus.

Te Deum laudámus. 16.

In Laud. fit Commem. SS. Mart.

Ant. Vestri capilli cápitis omnes numeráti sunt: nolite timére: multis passéribus meliôres estis vos.

Ÿ. Exsultábunt sancti in glória. R. Lætabúntur in cubilibus suis.

Orat. Præsta. 512.

In II. Vesp. fit Commem. SS. Abdon et Sennen.

DIE XXX

SS. ABDON ET SENNEN MART.

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

Ÿ. Lætámini in Dómino, et exsultáte justí. R. Et glóriámini omnes recti corde.

Oratio.

DEUS, qui sanctis tuis Abdon et Sennen ad hanc glóriam veniéndi copiósus munus grátiae contulisti: da fámulis tuis suórum véniam peccatórum; ut sanctórum tuórum intercedéntibus méritis, ab ómnibus mereámur adversitátibus liberári. Per.

Lectio iij.

ABDON et Sennen Persæ, Décio imperatóre accusáti, quod córpora Christianórum, quæ inhumáta projiciebántur, in suo prædio sepelissent, jussu imperatóris comprehendúntur, et diis jubéntur sacrificáre. Quod cum fácere negligèrent, et Jesum Christum Deum constantíssime prædicárent: tráditos in arctam custódiam, Romampóstea rédiens Décius vinctos duxit in triúmpho. Qui cum in Urbe ad simulácra attrácti essent, ea detestáti conspuérunt. Quamóbrem ursis ac leónibus objécti sunt: quos feræ non audébant attingere. Demum gládiis trucidáti, colligátis pédibus tracti sunt ante Solis simulácrum: quorum córpora clam inde asportáta, Quirinus diáconus sepelivit in suis ædibus.

Te Deum laudámus. 16.

Ad Laud. Ant. Vestri capilli cápitis omnes numeráti sunt: nolite timére: multis

passéribus meliores estis vos.

V. Exsultabunt sancti in glória. *R.* Lætabuntur in cubilibus suis.

DIE XXXI

S. IGNATII CONFESSORIS

Duplex.

Omnia de Comm. Conf. non Pont. 76, præter seq.*

Oratio.

DEUS, qui ad majorem tui nominis glóriam propagandam, novo per beatum Ignatium subsidio militantem Ecclesiam roborasti : concede ; ut ejus auxilio et imitatione certantes in terris, coronari cum ipso mereamur in cælis. Per Dominum.

IN I. NOCTURNO

Lect. de Script. occur.

IN II. NOCTURNO

Lectio iv.

IGNATIUS natione Hispanus, nobili genere, Loyolæ in Cantabria natus, primo catholici regis aulam, deinde militiam secutus est. In propugnatione Pampelonensi accepto vulnere graviter decumbens, ex fortuita piorum librorum lectione, ad Christi sanctorumque sectanda vestigia mirabiliter exarsit. Ad montem Serratum profectus, ante aram beatæ Virginis suspensis armis, noctem excubans, sacræ militiæ tyrocinium posuit. Inde, ut erat indutus sacco, traditis antea mendico pretiosis vestibus, Manresam secéssit : ubi emen-

dicato pane et aqua victitans, exceptisque diebus Dominicis jejunans, aspera catena cæciōque carnem domans, humi cubans, et ferreis se flagellis crudelians, per annum commoratus est : claris adeo illustrationibus a Deo recreatus, ut postea dicere solitus sit : Si sacræ Litteræ non exstarent, se tamen pro fide mori paratum ex iis solum, quæ sibi Manresæ patefecerat Dominus. Quo tempore homo litterarum plane rudis admirabilem illum composuit Exercitiorum librum, Sedis Apostolicæ iudicio et omnium utilitate comprobatum.

R. Honestum fecit illum Dominus, et custodivit eum ab inimicis, et a seductoribus tutavit illum : * Et dedit illi claritatem æternam. *V.* Justum deduxit Dominus per vias rectas, et ostendit illi regnum Dei. Et.

Lectio v.

UT vero se ad animarum lucra rite formaret, subsidium litterarum, a grammatica inter pueros exorsus, adhibere statuit. Cumque nihil interim omitteret de studio alienæ salutis, mirum est, quas ubique locorum ærumnas ac ludibria devoraverit, asperissima quæque, et vincula et verbera pene ad mortem usque perpessus : quibus tamen longe plura pro Domini sui glória semper expetebat. Lutetiæ

Parisiórum adjúntis sibi ex illa academiá variárum nationum sóciis novem, qui omnes ártium magistéris et theologiæ grádibus insignes erant, ibidem in monte Mártyrum prima órdis fundaménta jecit : quem póstea Romæ instituens, ad tria consuéta quarto áddito de Missiónibus voto, Sedi Apostólicæ ártius adstrínxit : et Páulus tértius primo recépit confirmavitque : mox álii Pontífices ac Tridentina sýnodus probavére. Ipse áutem, misso ad prædicándum Indis Evangélium sancto Francisco Xavério, aliisque in álias mundi plagas ad religiómem propagándam disseminátis, éthnicæ superstitióni hæresique bellum indixit, eo succéssu continuátum, ut constans fúerit ómnium sensus, étiam Pontificio confirmátus oráculo, Deum sicut álios áliis temporibus sanctos viros, ita Luthéro, ejusdémque témporis hæréticis, Ignátium et institútam ab eo Societátem objecisse.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorícá fidei, et ornávit eum. Et.

Lectio vj.

SED in primis inter cathólicos instauráre pietátem curæ fuit. Templórum nitor, catechismi traditio, conció-

num ac sacramentórum frequentia ab ipso increméntum acceperé. Ipse apértis ubique locórum ad juventútem erudiéndam in litteris ac pictáte gymnásiis, eréclis Romæ Germanórum collégio, male nuptárum et periclitántium puellárum cœnóbiis, utriúsque sexus tam orphanórum quam catechumenórum dómibus, aliisque pietátis opéribus, indefessus lucrándis Deo ánimis instábat; auditus aliquándo dicere, Si óptio darétur, malle se beatitúdinis incértum vivere, et interim Deo inservire, et proximórum salúti, quam certum ejúsdem glóriæ statim mori. In dámones mirum exércuit impérium. Vultum ejus cælésti luce radiántem sanctus Philippus Nérius aliique conspexére. Dénique ætátis anno sexagésimo quinto ad Dómini sui ampléxum, cujus majórem glóriam in ore semper habúerat, semper in ómnibus quæsierat, emigrávit. Quem Gregórius décimus quintus, magnis in Ecclésiám méritis et miráculis illústrem, sanctórum fastis adscripsit.

R. Iste homo. 83*.

IN III. NOCTURNO

Homil. in Evang. Designávit Dóminus. *ut in Communi Evang. 22*, cum RR. de Comm. Conf. non Pont. 85*.*

Vesp. de seq. cum Commem. assignatis.

FESTA AUGUSTI

Prima die non impedita dicitur Officium Defunctorum.

DIE I

S. PETRI AD VINCULA

Duplex majus.

IN I. VESPERIS

Ant. et Capit. de Laud. 521;
Pss. ut in I. Vesp. de Comuni Apostolorum. 2*.

Hymnus.

MIRIS modis repente liber,
fërrea
Christo jubente vincla Petrus
exiit :

Ovilis ille Pastor, et Rector
gregis

Vitæ recludit pascua, et fontes
sacros,
Ovèsque servat créditos, ar-
cet lupos.

Patri perenne sit per æ-
vum glória,

Tibique laudes concinamus
inelytas,

Æterne Nate, sit superne
Spiritus

Honor tibi decusque : sancta
jûgiter

Laudetur omne Trinitas per
sæculum. Amen.

Ÿ. Tu es Petrus. R. Et super
hanc petram ædificabo
Ecclésiā meam.

Ad Magnif. Ant. Tu es pastor
ovium, princeps Apostolorum,
tibi traditæ sunt
claves regni cælorum.

Oratio.

DEUS, qui beatum Petrum
Apostolum a vinculis

absolutum, illæsum abire
fecisti : nostrorum, quæsumus,
absolve vincula peccatorum;
et omnia mala a nobis propitiatus
exclûde. Per.

Et fit Commem. S. Pauli.

Ant. Sancte Pâule Apóstole,
prædicator veritatis,
et Doctor gentium, intercede
pro nobis ad Deum,
qui te elégit.

Ÿ. Tu es vas electionis
sancte Pâule Apóstole. R.
Prædicator veritatis in uni-
verso mundo.

Oratio.

DEUS, qui multitudinem
gentium beati Pâuli Apóstoli
prædicatione docuisti :
da nobis, quæsumus; ut, cu-
jus commemorationem cõli-
mus, ejus apud te patrocini-
a sentiāmus.

Deinde S. Ignatii.

Ant. Hic vir despiciens
mundum et terrēna, triump-
phans, divitias cælo cõdi-
dit ore, manu.

Ÿ. Justum deduxit Dõmi-
nus per vias rectas. R. Et
ostendit illi regnum Dei.

Orat. Deus, qui ad majorem.
515.

Postea SS. Martyrum Ma-
chabæorum.

Ant. Istorum est enim re-
gnum cælorum, qui contemp-
serunt vitam mundi, et per-
venērunt ad præmia regni,
et lavērunt stolas suas in
sanguine Agni.

V. Lætámini in Dómino,
et exsultáte justi. R. Et glo-
riámini omnes recti corde.

Oratio.

FRATÉRNA nos Dómine
Mártýrum tuórum coró-
na lætíficet : quæ et fidei
nostræ præbeat increménta
virtútum, et multiplici nos
suffrágio consolétur. Per.

AD MATUTINUM

Invit. Regem Apostolórum
Dóminum, * Veníte, adoré-
mus.

Ps. Veníte, exsultémus. 2.

Hymnus.

QUODCÚMQUE in orbe néxi-
bus revínxeris,
Erit revíctum Petre in arce
siderum :

Et quod resólvit hic potéstas
trádicta,

Erit solútum cæli in alto
vértice :

In fine mundi judicábis sæ-
culum.

Patri perénne sit per ævum
glória,

Tibique láudes concinámus
ínclýtas,

Ætérne Nate, sit supérne
Spiritus

Honor tibi decúsque : sancta
júgiter

Laudétur omne Trínitas per
sæculum. Amen.

*Ant., Pss. et VV. Noct. de
Communi Apost. 5*.*

IN I. NOCTURNO

De Actibus Apostolórum.

Lectio j. Cap. 12.

MISIT Heródes rex manus,
ut affligeret quosdam de
Ecclésia. Occidit áutem Ja-

cóbum fratrem Joánnis glá-
dio. Videns áutem quia pla-
céret Judéis, appósuit ut
apprehénderet et Petrum.
Erant áutem dies azymórum.
Quem cum apprehendisset,
misit in cárcerem, tradens
quátuor quaterniόνibus mi-
litum custodiéndum, volens
post Pascha producere eum
pópulo. Et Petrus quidem
servabátur in cárcere. Orá-
tio áutem fiébat sine inter-
missiόne ab Ecclésia ad
Deum pro eo.

R. Simon Petre ántequam
de navi vocárem te, novi
te, et super plebem meam
principem te constitui, * Et
claves regni cælórum tráddidi
tibi. V. Quodcúmque ligáve-
ris super terram, erit ligátum
et in cælis : et quodcúmque
sólveris super terram, erit
solútum et in cælis. Et.

Lectio ij.

CUM áutem productúrus
eum esset Heródes, in
ipsa nocte erat Petrus dór-
miens inter duos milites,
vinctus caténis duábus : et
custódes ante óstium custo-
diébant cárcerem. Et ecce
Angelus Dómini ádstitit : et
lumen refúlsit in habitáculo :
percussóque látere Petri,
excitávit eum, dicens : Surge
velóciter. Et cecidérunt ca-
ténæ de mánibus ejus. Dixit
áutem Angelus ad eum : Præ-
cingere, et cálcea te cáligas
tuas. Et fecit sic. Et dixit illi :
Circúmda tibi vestiméntum
tuum, et séquere me.

R. Si diligis me Simon Petre, pasce oves meas : Dómine tu nōsti quia amo te, *Et ánimam meam pono pro te. **V.** Si oportúerit me mori tecum, non te negábo. Et.

Lectio iij.

Et éxiens sequebátur eum, et nesciēbat quia verum est, quod fiēbat per Angelum : existimábat áutem se visum vidēre. Transeúntes áutem primam et secúndam custódiam, venérunt ad portam férream, quæ ducit ad civitátem : quæ ultro apérta est eis. Et exeúntes processérunt vicum unum, et continuo discéssit Angelus ab eo. Et Petrus ad se revérsus, dixit: Nunc scio vere quia misit Dóminus Angelum suum, et erípuit me de manu Heródis, et de omni exspectatióne plebis Judæórum.

R. Tu es Petrus, et super hanc petram ædificábo Ecclésiā meam, et portæ inferi non prævalébunt adversus eam : *Et tibi dabo claves regni cælórum. **V.** Quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. Et tibi. Glória Patri. Et tibi.

IN II. NOCTURNO

Lectio iv.

THEODÓSIO junióre imperante, cum Eudócia ejus uxor Jerosólymam solvéndi voti cáusa venisset, ibi mul-

tis est affécta munéribus : præ cæteris insigne donum accēpit férreæ caténæ, áuro gemmisque ornátæ : quam illam esse affirmábant, qua Petrus Apóstolus ab Heróde vinctus fúerat. Eudócia caténam pie veneráta, eam postea Romam ad filiam Eudóxiā misit, quæ illam Pontifici Máximo détulit : isque vicissim illi monstrávit álteram caténam : qua, Neróne imperatóre, idem Apóstolus constrictus fúerat.

R. Dómine, si tu es, jube me veníre ad te super aquas. *Et exténdens manum apprehéndit eum, et dixit Jesus : Módicæ fidei, quare dubitásti? **V.** Cumque vidisset ventum válidum veniētem, timuit : et cum cœpisset mergi, clamávit dicens : Dómine salvum me fac. Et exténdens.

Lectio v.

CUM igitur Póntifex Románus nam caténam cum ea, quæ Jerosólymis alláta fúerat, contulisset, factum est ut illæ inter se sic connecteréntur, ut non duæ, sed una catēna ab eódem artifice confécta esse viderétur. Quo miráculo tantus honor sacris illis vínculis habéri cœpit, ut proptérea hoc nómine sancti Petri ad Vincula ecclésia título Eudóxiæ, dedicáta sit in Exquiliis, ejusque memóriæ dies festus institútus Kaléndis Augústi.

R. Surge Petre, et indue

te vestiméntis tuis, áccipe fortitúdinem ad salvándas gentes : * Quia cecidérunt caténæ de mánibus tuis. *v.* Angelus Dómini ádstitit, et lumen refúlsit in habitáculo cárcceris, percussóque látere Petri excitávit eum, dicens : Surge velóciter. Quia cecidérunt.

Lectio vj.

Quo ex témpore honos, qui eo die profánis gentilium celebritátibus tribuí sólitus erat, Petri vinculis habéri cœpit : quæ tacta ægros sanábant, et dæmones ejiciébant. Quo in génere anno salutis humánæ nongentésimo sexagésimo nono áccidit, ut quidam comes, Othónis imperatóris familiáris, occupátus ab immúndo spíritu, seípsum déntibus dilaniáret. Quare is jussu imperatóris ad Joánnem Pontíficem dúcitur : qui, ut sacra caténa cómitis collum áttigit, erumpens nefárius spíritus hóminem liberum reliquit : ac deinceps in Urbe sanctórum vinculórum religio propágata est.

R. Tu es pastor óvium, princeps Apostolórum : tibi trádidit Deus ómnia regna mundi : * Et ideo tibi tráditæ sunt claves regni cælórum.

v. Quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. Et ideo. Glória Patri. Et ideo.

IN III. NOCTURNO

Léctio sancti Evangélii secúndum Matthæum.

Lectio vij. Cap. 16. b

In illo témpore : Venit Jesus in partes Cæsaréæ Philippi : et interrogábat discipulos suos, dicens : Quem dicunt hómines esse Filium hóminis? Et réliqua.

Homilia sancti Augustini
Episcopi.

Ex Serm. 29. de SS. in medio.

SOLUS Petrus inter Apóstolos méruit audire : Amen dico tibi, quia tu es Petrus, et super hanc petram ædificábo Ecclésiám meam. Dignus certe, qui ædificándis in domo Dei pópulis lapis esset ad fundaméntum, colúmnna ad sustentáculum, clavis ad regnum. De hoc ait sermo divinus : Et ponébant, inquit, infirmos suos, ut umbra saltem transeúntis Petri obumbráret eos. Si tunc opem ferre póterat umbra córporis, quanto magis nunc plenitúdo virtútis? si tunc supplicántibus próderat áura quædam pertranseúntis, quanto magis grátia nunc permanéntis? Mérito per omnes Christi ecclésiás áuro pretiósius habétur ferrum illud pœnálium vinculórum.

R. Ego pro te rogávi Petre, ut non deficiat fides tua : * Et tu aliquándo convérsus confirma fratres tuos. *v.* Caro et sanguis non revelávit tibi, sed Pater meus, qui est in cælis. Et.

Lectio viij.

SI tam medicabilis fuit obumbratio visitantis, quanto magis catēna vincientis? Si inānis quādam spēcies vācuæ imāginis habēre pōtuit in se vim salutis, quanto plus de corpore meruerunt attrahere salubritatis fēreo pōdere sacris imprēssa membris vincula passiōis? Si ad præsidia supplicāntium tam potens fuit ante martýrium, quanto magis éfficax post triúmphum? Felices illi nexus, qui de mánicis et compédibus in corónam mutāndi, Apóstolum contingētes Mártyrem reddiderunt. Felicia vincula, quæ reum suum usque ad Christi crucem non tam condemnatúra, quam consecratúra miserunt.

R. Quem dicunt hómines esse Filium hóminis? dixit Jesus discipulis suis. Respōdens Petrus dixit : Tu es Christus Filius Dei vivi. * Et ego dico tibi, quia tu es Petrus, et super hanc petram ædificábo Ecclésiā meam.

V. Beátus es Simon Bar-Jona, quia caro et sanguis non revelávit tibi, sed Pater meus, qui est in cælis. Et ego. Glória Patri. Et ego.

Pro sanctis Machabæis.

Sermo sancti Gregórii Nazianzéni.

Orat. 20. in Machabæos.

Lectio ix.

QUIDNAM Machabæi? Horum enim nómine dies

festus præsēti frequentia celebrátur. Qui etsi apud multos non sunt in honóre, quod illud certámen post Christum non suscepérunt : tamen digni sunt qui ab ómnibus honoréntur, quia pro pátriis légibus et institútis forles constantésque se præbuérunt. Nam qui martýrium subiēre ante Christi passiōem, quid factúri erant, si post Christum persecutiōnem passi fuissent, ejúsque mortem nostræ salutis cáusa susceptam, ad imitándum propósitam habuissent? Quorum enim nullo propósito exémplo talis tántaque virtus fuit, an non ii exémplum illud intuētes, fórtius in certámen descendissent? Quin étiam mýstica quādam et occúlta rátio mihi quidem atque ómnibus Dei amatóribus valde probábilis est, néminem eórum, qui ante Christi advéntum martýrio consummáti sunt, id sine fide in Christum cónsequi potuisse.

Te Deum laudámus. 16.

AD LAUDES

ET PER HORAS

Ant. 1. Heródes rex * ap-
pósuit ut apprehēderet et
Petrum : quem cum apprehēdisset, misit in cárcerem,
volens post Pascha produ-
cere eum pópulo.

Ps. Dóminus regnávit. cum
reliq. 16.

2. Petrus quidem * ser-
vabátur in cárcere, orátio

autem fiebat sine intermissione ab Ecclesia ad Deum pro eo.

3. Dixit Angelus * ad Petrum : Circumdanda tibi vestimentum tuum, et sequere me.

4. Misit Dominus * Angelum suum, et liberavit me de manu Herodis, allelúia.

5. Tu es Petrus, * et super hanc petram ædificabo Ecclesiam meam.

Capitulum. Act. 12.

MISIT Heródes rex manus, ut affligeret quosdam de Ecclesia. Occidit autem Jacobum fratrem Joánnis gládio. Videns autem quia placeret Judæis, appósuit ut apprehenderet et Petrum.

Hymnus.

BEÁTE pastor Petre clemens accipe

Voces precantum, criminumque vincula

Verbo resolve, cui potestas tradita

Aperire terris cælum, apertum claudere.

Sit Trinitati sempiterna glória,

Honor, potestas, atque jubilatio,

In unitate, quæ gubernat omnia,

Per universa æternitatis sæcula. Amen.

V. Tu es Petrus. **R.** Et super hanc petram ædificabo Ecclesiam meam.

Ad Bened. Ant. Quodcúmque ligáveris super terram, erit ligátum et in cælis : et

quodcúmque sólveris super terram, erit solútum et in cælis, dicit Dóminus Simóni Petro.

Oratio.

DEUS, qui beátum Petrum Apóstolum a vinculis absolutum, illæsum abire fecisti : nostrórum, quæsumus, absolve vincula peccatórum; et omnia mala a nobis propitiatus excludere. Per Dóminum.

Et fit Commem. S. Pauli.

Ant. Sancte Páule Apóstole, prædicátor veritátis, et Doctor gentium, intercède pro nobis ad Deum, qui te elegit.

V. Tu es vas electionis sancte Páule Apóstole. **R.** Prædicátor veritátis in universo mundo.

Oratio.

DEUS, qui multitudinem gentium beáti Páuli Apóstoli prædicatione docuisti : da nobis, quæsumus; ut, cujus commemoratióne cólimus, ejus apud te patrocinia sentiámus.

Deinde SS. Machabæorum.

Ant. Vestri capilli cápitis omnes numeráti sunt : nolite timere : multis passéribus meliores estis vos.

V. Exsultábunt sancti in glória. **R.** Lætábúntur in cubilibus suis.

Oratio Fratérna. 518.

AD TERTIAM

Ant. Petrus quidem.

Capit. Misit Heródes. **ut supra.**

R. br. In omnem terram
* Exiuit sonus eorum. In. **Y.**
Et in fines orbis terræ verba
eorum. Exiuit. Glória. In.

Y. Constitues eos princi-
pes super omnem terram.

R. Mémores erunt nóminis
tui Dómine.

AD SEXTAM

Ant. Dixit Angelus.

Capitulum. Act. 12.

PETRUS quidem servabátur
in cárcere. Orátio áutem
fiébat sine intermissióne ab
Ecclésia ad Deum pro eo.

R. br. Constitues eos prin-
cipes * Super omnem terram.
Constitues. **V.** Mémores erunt
nóminis tui Dómine. Super.
Glória Patri. Constitues.

Y. Nimis honoráti sunt
amici tui Deus. **R.** Nimis
confortátus est principátus
eorum.

AD NONAM

Ant. Tu es Petrus.

Capitulum. Act. 12. b

ET Petrus ad se revérsus,
dixit : Nunc scio vere,
quia misit Dóminus Ange-
lum suum, et eripuit me de
manu Heródis, et de omni
exspectatióne plebis Judæ-
orum.

R. br. Nimis honoráti
sunt * Amici tui Deus. Nimis.

Y. Nimis confortátus est
principátus eorum. Amici.
Glória Patri. Nimis.

Y. Annuntiavérunt ópera
Dei. **R.** Et facta ejus intel-
lexérunt.

IN II. VESPERIS

Ant. et Capit. de Laudibus

ut supra ; Psalmi ut in II.
Vesp. de Comm. Apost. 15*.

Hymn. et Y. ut in I. Vesp.
517.

Ad Magnif. Ant. Solve ju-
bénite Deo terrárum Petre
caténas, qui facis ut páteant
cæléstia regna beátis.

Et fit Commem. S. Pauli
supra. 517.

Deinde seq. et S. Stephani
Papæ et Mart.

DIE II

S. ALPHONSI MARIE

DE LIGORIO

EPISC. CONF. ET ECCL. DOCT.

Duplex.

Omnia de Comm. Conf.
Pont. 55*, præter seq.

In utrisque Vesp. ad Ma-
gnif. Ant. O Doctor óptime,
Ecclésiæ sanctæ lumen,
beáte Alphónse María, di-
vinæ legis amátor, deprecáre
pro nobis Filium Dei.

Oratio.

DEUS, qui per beátum Al-
phónsum Mariam Con-
fessórem tuum atque Pontí-
ficem animárum zelo suc-
cénsus, Ecclésiám tuam
nova prole fœcundásti :
quæsumus ; ut ejus salutári-
bus mónitis edócti, et exem-
plis roboráti, ad te perve-
nire feliciter valeámus. Per.

Pro Commem. S. Stepha-
ni Papæ et Martyris.

Ant. Iste sanctus pro lege
Dei suicertávit usque ad mor-
tem, et a verbis impiórum
non timuit : fundátus enim
erat supra firmam petram.

✠ Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

DEUS, qui nos beáti Stéphaní Mártýris tui atque Pontificis ánnua solemnitáte lætificas : concéde propítius; ut ejus natalítia cólimus, de ejúsdem étiam protectióne gaudeámus. Per Dóminum.

IN I. NOCTURNO

Lect. Sapientiám. de Comuni Doct. 71*.

IN II. NOCTURNO

Lectio iv.

ALPHÓNSUS Mariá de Ligório, Neápoli nobilibus paréntibus natus, ab ineúnte ætáte non obscura præbuit sanctitátis indicia. Eum adhuc infántem cum paréntes obtulissent sancto Francisco de Hierónymo e Societáte Jesu, is bene precátus edixit eúmdem ad nonagésimum usque annum perventúrum, ad episcopálem dignitátem evéctum iri, máximoque Ecclesiæ bono futurum. Jam tum a pueritia a ludis abhórrens, nóbiles ephébos ad christíanam modéstiam verbo et exémplo componébat. Adoléscens, dato piis sodalitátibus nómine, in públicis nosocomiis ægróti inservire, jugi in templis oratióni vacáre, ac sacra mystéria frequénter obíre in deliciis habébat. Pietátem litterárum stúdiis

ádeo conjúnxit, ut séxdecim vix annos natus utriúsque juris láuream in pátria Universitáte fúerit assecútus. Patri obtémperans causárum patrocínia suscepit, in quo múnere obeúndo, etsi magnam sibi láudem comparáset, fori tamen perícula expértus, ejúsmodi vitæ institútum ultro dimisit. Spreto igitur præcláro conjúgio sibi a patre propósito, avita primogenitúra abdicáta, et ad aram Virginis de Mercéde ense suspénso, divinis ministériis se mancipávit. Sacerdos factus, tanto zelo irruit in vitia, ut apostólico múnere fungens, huc illuc pérvolans, ingéntes perditórum hóminum conversiónes perágeret. Páuperum præsertim, et ruricolárum miserátus, congregatiónem presbyterórum instituit sanctíssimi Redemptóris, qui ipsum Redemptórem secúti per agros, pagos, et castélla paupéribus evangelizarent.

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimícus in eo, et filius iniquitátis non nocébit ei. Manus.

Lectio v.

NE áutem a propósito unquam divérteret, perpétuo se voto obstrinxit, nullam témporis jactúram faciéndi. Hinc animárum zelo succénsus, tum divíni verbi

prædicatione, tum scriptis sacra eruditione et pietate refertis, animas Christo lucrificare, et ad perfectionem vitam adducere studuit. Mirum sane quot odia exstinxerit, quot devios ad rectum salutis iter revocaverit. Dei Genitricis cultor eximius de illius laudibus librum edidit, ac de iis dum ferventius concionando disserit, a Virginis imagine in eum immisso miro splendore totus facie coruscare, et in extasim rapi coram universo populo non semel visus est. Dominicæ passionis, et sacrae Eucharistiæ contemplator assiduus, ejus cultum mirifice propagavit. Dum vero ad ejus aram oraret, vel sacrum faceret, quod nunquam omisit, præ amoris vehementia, vel seraphicis liquescebat ardoribus, vel insolitis quatiebatur motibus, vel abstraheretur a sensibus. Miram vitæ innocentiam, quam nulla umquam lethali labe foedavit, pari cum poenitentia socians, corpus suum inedia, ferreis catenulis, ciliciis, cruentaque flagellatione castigabat. Inter hæc prophetiæ, scrutationis cordium, bilocationis, et miraculorum donis inclauit.

¶. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. ¶. Invéni David servum

meum, óleo sancto meo unxi eum. Manus.

Lectio vj.

AB ecclesiasticis dignitatibus sibi oblatis constantissime abhorrui. At Clementis decimiterti Pontificis auctoritate coactus, sanctæ Agathæ Gothorum ecclesiam gubernandam suscepit. Episcopus externum dumtaxat habitum, non autem severam vivendi rationem immutavit. Eadem frugalitas, summus christiænæ disciplinæ zelus, impensum in vitiis coercendis arcendisque erroribus, et in reliquis pastoralibus muneribus obeundis studium. Liberalis in pauperes, omnes ecclesiæ proventus iisdem distribuēbat, ac, urgente annonæ caritate, ipsam domesticam suppellectilem in alendis famelicis erogavit. Omnibus omnia factus, sanctimoniāles ad perfectionem vivendi formam redēgit, suæque congregationis monialium monasterium constituendum curavit. Episcopatu ob graves habitualēque morbos dimisso, ad alūmnos suos, a quibus pauper discēsserat, revértitur pauper. Demum quamvis senio, laboribusque, diuturna arthritide, aliisque gravissimis morbis fractus corpore, spiritu tamen alacrior, de cælestibus rebus disserēdi, aut scribēdi finem nunquam adhibuit, donec nonagenarius,

Kaléndis Augústi, anno mil-
lésimo septingentésimo oc-
togésimo séptimo, Nucériæ
Paganórum inter suórum
alumnórum lácrymas placi-
dissime exspirávit. Eum in-
de virtútibus et miráculis
clarum Pius séptimus Pónti-
fex Máximus anno millésimo
octingentésimo décimo sexto
beatórum fastis, novisque
fulgéntem signis, Gregórius
decimusséxtus in festo san-
ctissimæ Trinitátis, anno
millésimo octingentésimo
trigésimo nono solémni ritu
sanctórum catálogo accén-
suit; tandem Pius nonus,
Póntifex Máximus, ex Sa-
crórum Rítuum Congrega-
tiónis consúlto universális
Ecclésiæ Doctórem decla-
rávit.

℞. Iste est qui. 62*.

IN III. NOCTURNO

Léctio sancti Evangélíi se-
cúndum Lucam.

Lectio vij. Cap. 10.

IN illo témpore : Designávit
Dóminus et álios septua-
ginta duos. Et misit illos bi-
nos ante fáciem suam, in
omnem civitátem, et locum,
quo erat ipse ventúrus. Et
réliqua.

Homília sancti Gregórii
Papæ.

Homil. 17. in Evang.

DÓMINUS et Salvátor no-
ster, fratres caríssimi,
aliquándo nos sermónibus,
aliquándo vero opéribus ad-
monet. Ipsa étenim facta
ejus præcépta sunt : quia

dum áliquid tácitus facit,
quid ágere debeámus inno-
téscit. Ecce enim binos in
prædicatiónem discipulos
mittit : quia duo sunt præ-
cépta caritátis, Dei vidélicet
amor, et próximi : et minus
quam inter duos caritas ha-
béri non potest. Nemo enim
própie ad semetípsam ha-
bére caritátem dicitur : sed
diléctio in álterum tendit,
ut caritas esse possit.

℞. Amávit eum Dóminus,
et ornávit eum : stolam gló-
riæ induit eum, * Et ad por-
tas paradísi coronávit eum.
℣. Induit eum Dóminus lori-
cam fidei, et ornávit eum. Et.

Lectio viij.

ECCE enim binos ad præ-
dicándum discipulos Dó-
minus mittit : quátenus hoc
nobis tácitus innuat, quia
qui caritátem erga álterum
non habet, prædicatiónis of-
ficium suscipere nullátenus
debet. Bene áutem dicitur,
quia misit eos ante fáciem
suam in omnem civitátem
et locum, quo erat ipse ven-
túrus. Prædicatóres enim
suos Dóminus séquitur :
quia prædicatio prævenit,
et tunc ad mentis nostræ
habitáculum Dóminus venit,
quando verba exhortatiónis
præcúrrunt : atque per hoc
véritas in mente suscipitur.

℞. In médio Ecclésiæ apé-
ruit os ejus, * Et implévit
eum Dóminus spiritu sa-
piéntiæ et intelléctus. ℣. Ju-
cunditátem et exsultatiónem

thesaurizávit super eum. Et.
Glória Patri. Et.

**Pro S. Stephano Papa
et Martyre.**

Lectio ix.

STÉPHANUS Románuſ pon-
tificátum gessit Valeriá-
no et Galliéno imperatóri-
bus. Instituit ut sacerdótes
et diáconi nusquam sacris
véstibus, nisi in ecclésia,
uteréntur. Baptizátos ab hæ-
réticis, iterum baptizári vé-
tuit, rescribens sancto Cy-
priáno verbis illis : Nihil
innovétur, nisi quod trádi-
tum est. Multos étiam ad
Christum convértit : in iis
Olympium tribúnum cum
uxóre Exsupéria, et filio
Theodúlo, item Nemésium
tribúnum cum tota familia,
óculis Lucillæ ejus filiæ re-
stitútis : qui omnes Jesu
Christi Mártyres fuérunt.
† Sed veheméntius jam in-
gravescénte persecutióne
imperatórum, Stéphanus,
convocáto clero, ad mar-
týrium suos hortabátur, in
cryptisque Mártyrum assi-
due Missas et concília cele-
brábat. Qui cum aliquándo
raptus esset ab infidélibus
ad templum Martis, ut ei sa-
crificáret, libere negávit, se
dæmónibus eum honórem
velle tribúere, qui uni Deo
deberétur. Quibus in verbis
Martis státua terræmótu cón-
cidit, templúmque contré-
muit. † Quare ómnibus au-
fugiéntibus qui Stéphanum
tenébant, Póntifex ad suos

revértitur in cœmetérium
Lucinæ : quos divinis præ-
céptis instruens, sacraménto
córporis Christi communi-
cávit : ibique dum Missárum
solémnia pèrficit, advenién-
tibus iterum imperatórum
satellitibus, ei in sua sede
caput abscinditur. Corpus
cum eádem sede conspèrsa
Mártyris ságuine, a cléricis
sepúltum est in cœmetério
Callisti, quarto Nonas Au-
gústii. Vixit in pontificátu
annos tres, menses tres,
dies viginti duos. Hábit
ordinatiónes duas mense De-
cémברי, quibus creávit pre-
sbýteros sex, diáconos quin-
que, episcopos tres.

Te Deum laudámus. 16.

**Si hoc Festum alia die ce-
lebrari contigerit, nona Le-
ctio erit** Hinc namque. **ut in
Communi Evang.** 23*.

**In Laudibus fit Commem.
S. Stephani.**

Ant. Qui odit ánimam
suam in hoc mundo, in vi-
tam ætérnam custódit eam.

V. Justus ut palma floré-
bit. **R.** Sicut cedrus Libani
multiplicábitur.

Orat. Deus, qui nos. 524.

**In II. Vesp. fit Commem.
seq.**

DIE III

IN INVENTIONE

S. STEPHANI PROTOMARTYRIS

Semiduplex.

IN I. VESPERIS

**Si dicendæ sint, Ant. et
Capit. de Laudibus.** 531;

Pss. ut in I. Vesp. de Comuni Apost. 2*.

Hymn. de Comuni unius Mart. 24*.

Ad Magnif. Ant. Stéphanus áutem plenus grátia et fortitúdine, faciébat signa magna in pópulo.

Glória et honóre coronásti eum Dómine. Et constituísti eum super ópera mánuum tuárum.

Oratio.

DA nobis, quæsumus Dómine, imitári quod cólimus, ut discámus et inimicos diligere : quia ejus Inventiónem celebrámus, qui novit étiam pro persecutóribus exoráre Dóminum nostrum Jesum Christum Fílium tuum : Qui tecum.

AD MATUTINUM

Invit., Hymn., Ant., Pss. et yŷ. Nocturn. de Comuni Mart. 24*.

IN I. NOCTURNO

De Actibus Apostolorum.

Lectio j. Cap. 7. f et 8.

DURA cervice, et incircumcisis córdibus et áuribus, vos semper Spirítui sancto resistitis, sicut patres vestri, ita et vos. Quem Prophetárum non sunt persecúti patres vestri? Et occidérunt eos, qui prænuntiábant de advéntu Justi, cujus vos nunc proditóres et homicidæ fuístis : qui accepístis legem in dispositióne Angelórum, et non custodístis. Audiéntes áutem hæc, dissecabántur córdi-

bus suis, et stridébant dentibus in eum.

Stéphanus áutem plenus grátia et fortitúdine, * Faciébat prodigia et signa magna in pópulo. Surrexérunt quidam de synagóga disputántes cum Stéphanano, et non póterant resistere sapiéntiæ, et Spirítui qui loquebátur. Faciébat prodigia.

Lectio ij.

CUM áutem esset plenus Spirítu sancto, inténdens in cælum, vidit glóriam Dei, et Jesum stantem a dextris Dei. Et ait : Ecce vídeo cælos apértos, et Fílium hóminis stantem a dextris Dei. Exclamántes áutem voce magna continuérunt áures suas, et ímpelum fecérunt unanimiter in eum. Et eji-ciéntes eum extra civitátem lapidábant : et testes deposuérunt vestiménta sua secus pedes adolescéntis, qui vocabátur Sáulus. Et lapidábant Stéphanum invocántem et dicéntem : Dómine Jesu súscipe spiritum meum.

Vidébant omnes Stéphanum qui erant in concílio : * Et intuebántur vultum ejus tamquam vultum Angeli stantis inter illos. Plenus grátia et fortitúdine, faciébat prodigia et signa magna in pópulo. Et intuebántur.

Lectio iij.

PÓSITIS áutem génibus, clamávit voce magna,

dicens : Dómine ne státuas illis hoc peccátum. Et cum hoc dixisset, obdormívit in Dómino. Sáulus áutem erat conséntiens neci ejus. Facta est áutem in illa die persecútio magna in Ecclesiá, quæ erat Jerosólymis : et omnes dispérsi sunt per regiónés Judææ et Samariæ, præter Apóstolos. Curavérunt áutem Stéphanum viri timoráti, et fecérunt planctum magnum super eum

℞. Intuens in cælum beátus Stéphanus, vidit glóriam Dei, et ait : * Ecce video cælos apértos, et Filium hóminis stantem a dextris virtútis Dei. √. Cum áutem esset Stéphanus plenus Spíritu sancto, inténdens in cælum, vidit glóriam Dei, et ait. Ecce video. Glória Patri. Ecce video.

IN II. NOCTURNO

Lectio iv.

SANCTÓRUM cõrpora Stéphaní Protomártiris, Gamaliélis, Nicodémi et Abibónis, quæ diu in obscúro ac sórdido loco jacúerant, Honório imperatóre, Luciáno presbýtero divinitus admónito, invénta sunt prope Jerosólymam. Cui Gamáliel cum in somnis apparuisset, gravi quadam et præclára senis spécie, locum jacéntium cõrporum commonstrávit, imperans, ut Joánnem Jerosolymítanum antístitem adiret, agerétque cum eo, ut

honéstius illa cõrpora sepe-
liréntur.

℞. Lapidábant Stéphanum invocántem et dicéntem : * Dómine Jesu Christe áccipe spíritum meum : et ne státuas illis hoc peccátum. √. Pósitis áutem génibus clamávit voce magna, dicens. Dómine Jesu Christe.

Lectio v.

QUIBUS auditis Jerosolymórum antistes, finitimárum úrbium episcopis presbyterisque convocátis, ad locum pergit : defóssos lóculos invenit, unde suavissimus odor efflabátur. Cujus rei fama commóta, magna hóminum multitúdo eo convénit, multique ex váriis morbis ægróti ac débiles, sani et integri domum rediérunt. Sacrum áutem sancti Stéphaní corpus, quod summa tunc celebritáte in sanctam ecclesiám Sion illátum est, sub Theodósio junióre Constantinópolis, inde Romam Pelágio primo Summo Pontifice translátum, in agro Veráno in sepúlcro sancti Lauréntii Mártiris collocátum est.

℞. Impetum fecérunt unanimiter in eum, et ejecérunt eum extra civitátem, invocántem et dicéntem : * Dómine Jesu áccipe spíritum meum. √. Et testes deposuérunt vestiménta sua secus pedes adolescéntis, qui vocabátur Sáulus : et lapidábant Stéphanum invocán-

tem et dicentem. Dómine Jesu.

Ex libro sancti Augustini
Episcopi de Civitatē Dei.

Lib. 22. cap. 8. circa med.

Lectio vj.

AD aquas Tibilitánas episcopo afferente Projécto reliquias Mártiris gloriosissimi Stéphanī, ad ejus memoriam veniebat magnæ multitudinis concursus et occursus. Ibi cæca mulier, ut ad episcopum portantem pignora sacra duceretur, oravit : flores, quos ferēbat, dedit : recēpit, oculis admóvit, prótinus vidit. Stupéntibus qui áderant, præibat exsultans, viam carpens, et viæ ducem ultérius non requirēns. Memoráti memoriam Mártiris, quæ pósita est in castéllō Syncicēsi quod Hipponēsi colóniæ vicinum est, ejúsdem loci Lucillus episcopus, pópulo præcedēte atque sequēte, portábat; fistula, cujus moléstia jámdiu laboráverat, et familiarissimi sui médici, qui eam secáret, operiebátur manus, illius piæ sárcinæ vectatióne repēte sanáta est.

℞. Impii super justum jactúram fecerunt, ut eum morti tráderent : * At ille gáudens suscepit lápidēs, ut mereretur accipere corónam glóriæ. V. Continuérunt aures suas, et ímpetum fecerunt unánimiter in eum. At ille. Glória Patri. At ille.

IN III. NOCTURNO

Lectio sancti Evangélii secúndum Matthæum.

Lectio vij. Cap. 23. d

IN illo témpore : Dicēbat Jesus scribis et pharisæis : Ecce ego mitto ad vos prophétas, et sapiētes, et scribas : et ex illis occidētis, et crucifigētis. Et reliqua.

Homilia sancti Hierónymi
Presbýteri.

Lib. 4. Comm. in cap. 23.

Matth.

Hoc quod ántea dixerámus : Impléte mensúram patrum vestrórum; ad persónam Dómini pertinēre, eo quod occidēdus esset ab eis : potest et ad discipulos ejus reférri, de quibus nunc dicit : Ecce ego mitto ad vos prophétas, et sapiētes, et scribas. Simúlque observá, juxta Apóstolum scribentem ad Corinthios, vária esse dona discipulórum Christi : álios prophétas, qui ventúra prædicent : álios sapiētes, qui novérunt quando débeant proférre sermónem : álios scribas in lege doctíssimos, ex quibus lapidátus est Stéphanus, Páulus occisus, crucifixus Petrus, flagelláti in Actibus Apostolórum discipuli.

℞. Stéphanus servus Dei, quem lapidábant Judæi, vidit cælos apértos : vidit, et introívit : * Beátus homo cui cæli patébant. V. Cum igitur saxórum crepitántium túrbine quateretur, inter

æthéreos áulæ cæléstis sinus
divína ei cláritas fulsit. Beá-
tus.

Lectio viij.

QUÆRIMUS, quis iste sit
Zachariás filius Bara-
chiæ, quia multos légimus
Zachariás. Et ne libera no-
bis tribuerétur erróris facúl-
tas, ádditum est : Quem oc-
cidistis inter templum et al-
táre. In diversis diversa
legi : et débeo singulórum
opiniónes pónere. Alii Za-
charíam filium Barachíæ di-
cunt, qui in duódecim pro-
phétis undécimus est : pa-
trisque in eo nomen consén-
tit : sed ubi occisus sit inter
templum et altáre, Scriptúra
non lóquitur : máxime cum
tempóribus ejus vix ruínæ
templi fúerint. Alii Zacha-
ríam patrem Joánnis intélligi
volunt, ex quibúsdam apo-
cryphórum sómniis appro-
bántes, quod proptérea oc-
cisus sit, quia Salvatóris
prædicáverit advéntum.

R. Patefactæ sunt jánuæ
cæli Christi Mártýri beáto
Stéphano, qui in número
Mártýrum invéntus est pri-
mus : * Et ideo triúmphant in
cælis coronátus. **V.** Mortem
enim, quam Salvátor noster
dignátus est pro nobis pati,
hanc ille primus réddidit
Salvatóri. Et ideo. Glória
Patri. Et ideo.

Lectio ix.

ALII istum volunt esse Za-
charíam qui occisus est
a Joas rege Judæ, inter tem-

plum et altáre, sicut Regum
narrat história. Sed obser-
vándum, quod ille Zacha-
rias non sit filius Barachíæ,
sed filius Joíadæ sacerdotis :
unde et Scriptúra refert :
Non fuit recordátus Joas
patris ejus Joíadæ, quia sibi
fecisset bona. Cum ergo et
Zachariam teneámus et occi-
siónis conséntiat locus :
quærimus, quare Barachíæ
dicátur filius, et non Joía-
dæ? Barachia lingua nostra
Benedictus Dómini dicitur,
et sacerdotis Joíadæ justitia
Hebræo nómine demonstrá-
tur. In Evangélio quo utún-
tur Nazaréni, pro filio Bara-
chiæ, filium Joíadæ reperí-
mus scriptum.

Te Deum laudámus. 16.

AD LAUDES

ET PER HORAS

Ant. 1. Lapidavérunt Sté-
phanum, * et ipse invocábat
Dóminum, dicens : Ne stá-
tuas illis hoc peccátum.

Ps. Dóminus regnávit.
cum reliq. 16.

2. Lápidés torréntis * illi
dulces fuérunt : ipsum se-
quúntur omnes ánimæ ju-
stæ.

3. Adhæsit ánima mea *
post te, quia caro mea lapi-
dáta est pro te Deus meus.

4. Stéphanus vidit cælos
apértos, * vidit, et introívit :
beátus homo, cui cæli paté-
bant.

5. Ecce vídeo * cælos apér-
tos, et Jesum stantem a dex-
tris virtútis Dei.

Capitulum. Act. 6. b

STÉPHANUS autem, plenus grátia et fortitúidine, faciēbat prodigia et signa magna in pópulo.

Hymnus.

INVICTE Martyr, únicum Patris secútus Filium, Victis triúmphas hóstibus, Victor fruens cæléstibus.

Tui precátus múnere Nostrum reátum dilue, Arcens mali contágium, Vitæ repéllens tædium.

Solúta sunt jam vincula Tui sacráti córporis : Nos solve vinclis sæculi Dono supérni Núminis.

Deo Patri sit glória, Ejúsque soli Filio, Cum Spiritu Paráclito, Nunc et per omne sæculum. Amen.

✠. Sepeliérunt Stéphanum viri timoráti. ✠. Et fecérunt planctum magnum super eum.

Ad Bened. Ant. Stéphanus autem * plenus grátia et fortitúidine, faciēbat signa magna in pópulo.

Oratio.

DA nobis, quæsumus Dómine, imitári quod cólimus, ut discámus et inimicos diligere : quia ejus Inventionem celebrámus, qui novit étiam pro persecutóribus exoráre Dóminum nostrum Jesum Christum Filium tuum : Qui tecum vivit.

AD TERTIAM

Ant. Lápides torréntis.

Capit. Stéphanus autem.

✠. br. Glória et honóre * Coronásti eum Dómine. Glória. ✠. Et constituísti eum super ópera mánuum tuárum. Coronásti. Glória Patri. Glória.

✠. Posuísti Dómine super caput ejus. ✠. Corónam de lápide pretiósó.

AD SEXTAM

Ant. Adhæsit ánima mea.

Capitulum. Act. 6. c

SURREXÉRUNT autem quidam de synagóga, quæ appellátur Libertinórum, et Cyrenénsium, et Alexandrinórum, et eórum qui erant a Cilicia et Asia, disputántes cum Stéphano : et non póterant resistere sapiéntiæ et Spiritui qui loquebátur.

✠. br. Posuísti Dómine * Super caput ejus. Posuísti. ✠. Corónam de lápide pretiósó. Super. Glória. Posuísti.

✠. Magna est glória ejus in salutári tuo. ✠. Glóriam et magnum decórem impónes super eum.

AD NONAM

Ant. Ecce vídeo.

Capitulum. Act. 7. g

PÓSITIS autem génibus, clamávit voce magna, dicens : Dómine ne státuas illis hoc peccátum. Et cum hoc dixisset, obdormivit in Dómino.

✠. br. Magna est glória ejus * In salutári tuo. Magna. ✠. Glóriam et magnum decórem impónes super eum. In. Glória Patri. Magna. ✠. Justus ut palma floré-

bit. **R.** Sicut cedrus Libani multiplicabitur.

Vesp. de seq. cum Commem. S. Stephani.

Si II. Vesperæ dicendæ sint integræ, Ant. et Capit. de Laud. 531. Pss. de Dom. 124, et loco ultimi, Crédidi. 128; Hymn. de Comm. unius Mart. 24*.

DIE IV

S. DOMINICI CONF.

Duplex majus.

Omnia de Comm. Conf. non Pont. 76*, præter seq. (m. t. v.)

Oratio.

DEUS, qui Ecclesiam tuam beati Dominici Confessoris tui illuminare dignatus es méritis et doctrinis: concede; ut ejus intercessióne temporalibus non destituatur auxiliis, et spiritalibus semper proficiat incrementis. Per Dóminum.

Deinde fit Commem. præced.

Ant. Sepeliérunt Stéphānum viri timorāti, et fecérunt planctum magnum super eum.

V. Stéphānus vidit cælos apértos. **R.** Vidit et introivit: beātus homo, cui cæli patébant.

IN I. NOCTURNO

Lect. Beātus vir. de eodem Comm. 2º loco. 88*.

IN II. NOCTURNO

Lectio iv.

DOMÍNICUS, Calarógæ in Hispânia ex nóbili Gus-

manórum familia natus, Paléntiæ liberalibus disciplinis et theologiæ óperam dedit: quo in stúdio cum plúrimum profecisset, prius Oxoménsis ecclésiæ canónicus reguláris, deinde órdinis fratrum Prædicatórum áuctor fuit. Hujus mater grávida sibi visa est in quáte continére in alvo cátulum ore præferéntem facem, qua éditus in lucem, orbem terrárum incénderet. Quo sómnio significabátur, fore ut splendóre sanctitátis ac doctrínæ, gentes ad christiānam pietátem inflammaren-tur. Veritátem éxitus comprobávit: id enim et præstitit per se, et per sui órdinis sócios deinceps est consecútus.

R. Honéstum fecit illum Dóminus, et custodivit eum ab inimícis, et a seductóribus tutávit illum: * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

HUJUS áutem ingénium ac virtus máxime enituit in everténdis hæréticis, qui perniciosís erróribus Tolo-sátes pervértere conabántur. Quo in negótio septem consúpsit annos. Póstea Romam venit ad Lateranénse concilium cum episcopo Tolo-sáno, ut ordo, quem institúerat, ab Innocéntio tértio confirmarétur. Quæ res dum

in deliberatione versatur, Dominicus hortatu Pontificis ad suos revertitur, ut sibi regulam deligeret. Romam rediens, ab Honório tertio, qui proximus Innocentio successerat, confirmationem ordinis Prædicatorum impetrat. Romæ autem duo instituit monasteria, alterum virorum, mulierum alterum. Tres etiam mortuos ad vitam revocavit, multaque alia edidit miracula, quibus ordo Prædicatorum mirifice propagari cepit.

¶ Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. ¶ Induit eum Dominus loriceam fidei, et ornavit eum. Et.

Lectio vj.

VERUM cum ejus opera ubique terrarum monasteria jam ædificarentur, innumerabilesque homines religiosam ac piam vitam instituerent, Bononiæ anno Christi ducentesimo vigesimo primo supra millesimum, in febrem incidit : ex qua cum se moriturum intelligeret, convocatis fratribus et alumnis suæ disciplinæ, eos ad innocentiam et integritatem cohortatus est. Postremo caritatem, humilitatem, paupertatem, tamquam certum patrimonium eis testamento reliquit : fratribusque orantibus, in illis verbis, Subvenite sancti Dei, occurrere Angeli, obdormivit in

Domino, octavo Idus Augusti : quem postea Gregorius nonus Pontifex retulit in sanctorum numerum.

¶ Iste homo. 83*.

IN III. NOCTURNO

Homil. in Evang. Sint lumbi. de eodem Comm. 1º loco. 85.*

Vesp. de seq. Commem. præced.

DIE V

STÆ MARIÆ AD NIVES

Duplex majus.

Omnia ut in Festis B. M. V. per annum. 145, præter seq.*

Oratio.

CONCEDE nos famulos tuos, quæsumus Domine Deus, perpétua mentis et corporis sanitate gaudere : et gloriosa beatæ Mariæ semper Virginis intercessione, a præsentī liberari tristitia, et æterna perfrui lætitia. Per Dominum.

Et sit Commem. præced.

Ant. Hic vir despiciens mundum et terrēna, triumphans, divitias cælo condidit ore, manu.

¶ Justum deduxit Dominus per vias rectas. ¶ Et ostendit illi regnum Dei.

Oratio Deus, qui. 533.

IN I. NOCTURNO

Lect. Ego sapientia. 149*.

IN II. NOCTURNO

Lectio iv.

LIBÉRIO summo Pontifice, Joannes patricius Romanus, et uxor pari nobilitate,

cum liberos non suscepissent, quos bonorum heredes relinquerent, suam hereditatem sanctissimæ Virgini Dei Matri voverunt, ab ea summis precibus assidue petentes, ut in quod pium opus eam pecuniam potissimum erogari vellet, aliquo modo significaret. Quorum preces et vota ex animo facta beata Virgo Maria benigne audiens, miraculo comprobavit.

℞. Sicut cedrus exaltata sum in Libano, et sicut cypræssus in monte Sion : quasi myrrha electa, * Dedi suavitatem odoris. V. Et sicut cinnamomum et balsamum aromatizans. Dedi.

Lectio v.

NONIS igitur Augusti, quo tempore in Urbe maximi calores esse solent, noctu nix partem collis Exquilini contexit. Qua nocte Dei Mater separatim Joannem et conjugem in somnis admonuit, ut quem locum nive conspersum viderent, in eo ecclesiam ædificarent, quæ Mariæ Virginis nomine dedicaretur : se enim ita velle ab ipsis heredem institui. Quod Joannes ad Libanium Pontificem detulit, qui idem per somnium sibi contigisse affirmavit.

℞. Quæ est ista quæ processit sicut sol, et formosa tamquam Jerusalem? * Viderunt eam filiae Sion, et beatam dixerunt, et reginæ

laudaverunt eam. V. Et sicut dies verni circumdabant eam flores rosarum et lilia convallium. Viderunt.

Lectio vj.

QUARESOLÉmnis sacerdotum et populi supplicatione ad collem venit nive cooperatum, et in eo locum ecclesiæ designavit, quæ Joannis et uxoris pecunia exstructa est, postea a Xysto tertio restituta. Variis nominibus primum est appellata, basilica Liberii, sancta Maria ad Præsepe. Sed cum multæ jam essent in Urbe ecclesiæ sub nomine sanctæ Mariæ Virginis : ut quæ basilica novitate miraculi ac dignitate cæteris ejusdem nominis basilicis præstaret, vocabuli etiam excellentia significaretur, ecclesia sanctæ Mariæ majōris dicta est. Cujus dedicationis memoria ex nive, quæ hac die mirabiliter cecidit, anniversaria celebritate colitur.

℞. Ornata. 153*.

IN III. NOCTURNO

Homil. in Evang. Loquente Jesu. 155*.

Vesp. de seq. cum Commem. præced. et SS. Xysti et Soc. Mart.

DIE VI

IN TRANSFIGURATIONE

D. N. J. C.

Duplex majus.

IN I. VESPERIS

Ant. et Capit. de Laud. 548.

Pss. ut in I. Vesperis de
Comm. Apost. 2*.

Hymnus.

QUICUMQUE Christum quæ-
ritis,
Oculos in altum tollite :
Illic licébit visere
Signum perénis glóriæ.

Illústre quiddam cérni-
mus,
Quod néschat finem pati,
Sublime, celsum, intérm-
num,
Antiquius cælo et chao.

Hic ille Rex est géntium,
Populique Rex judáici,
Promissus Abrahæ patri,
Ejúsque in ævum sémini.

Hunc et prophétistéstibus,
Iisdémque signatóribus
Testátor et Pater jubet
Audire nos et credere.

Jesu tibi sit glória,
Qui te revélas párvulis,
Cum Patre et almo Spíritu,
In sempitérna sæcula.

Amen.

**Sic terminantur Hymni
per omnes Horas.**

V. Gloriósus apparuisti in
conspéctu Dómini. **R.** Pro-
ptérea decórem induit te
Dóminus.

Ad Magnif. Ant. Christus
Jesus splendor Patris, et
figúra substántiæ ejus, por-
tans ómnia verbo virtútis
sue, purgatióem peccató-
rum fáciens, in monte ex-
célso gloriósus apparére hó-
die dignátus est.

Orat. ut infra in Laud. 549.

Et fit Commem. præced.

Ant. Beátam me dicent

omnes generatióes, quia
ancillam húmitem respéxit
Deus.

V. Dignáre me laudáre te
Virgo sacráta. **R.** Da mihi
virtútem contra hostes tuos.

Orat. Concéde nos. 534.

**Deinde SS. Xysti, Felicis-
simi et Agapiti Martyrum.**

Ant. Istórum est enim re-
gnum cælórum, qui contem-
psérunt vitam mundi, et
pervenérunt ad præmia re-
gni, et lavérunt stolas suas
in ságuine Agni.

V. Lætámini in Dómino,
et exsultáte justi. **R.** Et glo-
riámini omnes recti corde.

Oratio.

DEUS, qui nos concédis
sanctórum Mártyrum
tuórum Xysti, Felicissimi et
Agapiti natalítia cólere : da
nobis in ætéRNA beatitúdine
de eórum societáte gaudére.
Per Dóminum.

AD MATUTINUM

Invitat. Summum Regem
glóriæ, * Christum adoré-
mus.

Ps. Veníte, exsultémus. 2.

Hymn. Quicumque. **supra.**

IN I. NOCTURNO

Ant. Páulo minus ab An-
gelis minorátus, glória et
honóre coronátus est, et
constitútus super ópera má-
nuum Dei.

Psalms 8.

DÓMINE Dóminus noster, *
quam admirábile est no-
men tuum in univérSA terra!

Quóniam eleváta est ma-
gnificéntia tua * super cælos.

Ex ore infántium et lacténtium perfecisti láudem propter inimicos tuos, * ut déstruas inimicum et ultórem.

Quóniam vidébo cælos tuos, ópera digitorum tuorum : * lunam et stellas, quæ tu fundásti.

Quid est homo, quod memores ejus? * aut filius hóminis, quóniam visitas eum?

Minuisti eum páulo minus ab Angelis, glória et honóre coronásti eum : * et constituisti eum super ópera mánuum tuárum.

Omnia subjecisti sub pédibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsa terra!

Ant. Páulo minus ab Angelis minorátus, glória et honóre coronátus est, et constitútus super ópera mánuum Dei.

Ant. Revelávit Dóminus condénsa, et in templo ejus omnes dicent glóriam.

Psalmus 28.

AFFÉRTE Dómino filii Dei : * afférte Dómino filios arietum.

Afférte Dómino glóriam et honórem, afférte Dómino glóriam nómini ejus : * adoráte Dóminum in átrio sancto ejus.

Vox Dómini super aquas, Deus majestátis intónuit : * Dóminus super aquas multas.

Vox Dómini in virtúte : * vox Dómini in magnificéntia.

Vox Dómini confringéntis cedros : * et confringet Dóminus cedros Libani :

Et comminuet eas tamquam vitulum Libani : * et diléctus quemádmódum filius unicórnium.

Vox Dómini intercidéntis flammam ignis : * vox Dómini concutiéntis désertum : et commovébit Dóminus désertum Cades.

Vox Dómini præparántis cervos, et revelábit condénsa : * et in templo ejus omnes dicent glóriam.

Dóminus dilúvium inhabitáre facit : * et sedébit Dóminus Rex in ætérnum.

Dóminus virtútem pópulo suo dabit : * Dóminus benedicet pópulo suo in pace.

Ant. Revelávit Dóminus condénsa, et in templo ejus omnes dicent glóriam.

Ant. Speciósus forma præ filiis hóminum : diffúsa est grátia in lábiis tuis.

Psalmus 44.

ERUCTÁVIT cor meum verbum bonum : * dico ego ópera mea Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * proptérea

benedixit te Deus in ætérnum.

Accingere gládio tuo super femur tuum, * poténtissime.

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justitiam : * et dedúcet te mirabiliter délixtera tua.

Sagittæ tuæ acútæ, pópuli sub te cadent, * in corda inimicórum Regis.

Sedes tua Deus in sæculum sæculi : * virga directiónis virga regni tui.

Dilexisti justitiam, et odisti iniquitátem : * proptérea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regína a dextris tuis in vestitu deauráto : * circúmdata varietáte.

Audi filia, et vide, et inclina áurem tuam : * et obliviscere pópulum tuum, et domum patris tui.

Et concupíscet Rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes dívites plebis.

Omnis glória ejus filiæ Re-

gis ab intus, * in fimbriis áureis circumamícta varietátibus.

Adducéntur Regi virgines post eam : * próximæ ejus afferéntur tibi.

Afferéntur in lætitia et exsultatiónē : * adducéntur in templum Regis.

Pro pátribus tuis nati sunt tibi filii : * constitues eos principes super omnem terram.

Mémores erunt nóminis tui : * in omni generatióne et generatióne.

Proptérea pópuli confitebúntur tibi in ætérnum : * et in sæculum sæculi.

Ant. Speciósus forma præ filiis hóminum : diffúsa est grátia in lábiis tuis.

V. Gloriósus apparuísti in conspéctu Dómini. **R.** Proptérea decórem induit te Dóminus.

De Epístola secúnda beáti Petri Apóstoli.

Lectio j. Cap. 1. b

FRATRES : Magis satáгите ut per bona ópera certam vestram vocatióne et electiόne faciátis : hæc enim faciētes, non peccábitis aliquándo. Sic enim abundánter ministrábitur vobis intróitus in ætérnum regnum Dómini nostri, et Salvatóris Jesu Christi. Propter quod incípíam vos semper comonére de his : et quidem sciētes et confirmátos vos in præsénti veritáte. Justum áutem árbitor, quám-

diu sum in hoc tabernáculo, suscitare vos in communiōe : certus quod velox est depositio tabernaculi mei, secundum quod et Dóminus noster Jesus Christus significávit mihi.

R. Surge, illuminare Jerúsalem, quia venit lumen tuum : * Et glória Dómini super te orta est. **V.** Et ambulábunt gentes in lumine tuo, et reges in splendore ortus tui. Et.

Lectio ij.

DABO áutem óperam et frequenter habere vos post óbitum meum, ut horum memóriam faciátis. Non enim doctas fábulas secúti notam fécimus vobis Dómini nostri Jesu Christi virtutem, et præséntiam : sed speculátóres facti illius magnitúdinis. Accípiens enim a Deo Patre honórem, et glóriam, voce delápsa ad eum hujuscémodi a magnífica glória : Hic est Filius meus diléctus, in quo mihi compláculi, ipsum audite.

R. In splendénti nube Spíritus sanctus visus est, Patérna vox audita est : * Hic est Filius meus diléctus, in quo mihi bene compláculi, ipsum audite. **V.** Appáruit nubes obúmbrans, et vox Patris intónuit. Hic.

Lectio iij.

ET hanc vocem nos audimus de cælo allátam, cum essémus cum ipso in monte sancto. Et habémus

firmiorem prophéticū sermonem : cui bene fácitis attendéntes quasi lucérnæ lucénti in caliginóso loco donec dies elucéscat, et lúclifer oriátur in córdibus vestris : hoc primum intelligéntes, quod omnis prophetia Scriptúræ própria interpretatióne non fit. Non enim voluntáte humána alláta est aliquándoprophetia : sed Spíritu sancto inspiráti, locúti sunt sancti Dei hómines.

R. Vidéte qualem caritatem dedit nobis Deus Pater, * Ut filii Dei nominémur et simus. **V.** Scimus quóniam cum apparúerit, símiles ei érimus, quóniam vidébimus eum sicuti est. Ut. Glória Patri. Ut.

IN II. NOCTURNO

Ant. Illúminans tu mirabiliter a móntibus ætérnis : turbáti sunt omnes insipiéntes corde.

Psalmus 75.

NOTUS in Judæa Deus : * in Israël magnum nomen ejus.

Et factus est in pace locus ejus : * et habitatio ejus in Sion.

Ibi confrégit poténtias arcuum, * scutum, gládium, et bellum.

Illúminans tu mirabiliter a móntibus ætérnis : * turbáti sunt omnes insipiéntes corde.

Dormiérunt somnum suum : * et nihil invenérunt

omnes viri divitiarum in manibus suis.

Ab increpatione tua Deus Jacob * dormitaverunt qui ascenderunt equos.

Tu terribilis es, et quis resistet tibi? * ex tunc ira tua.

De caelo auditum fecisti iudicium : * terra tremuit et quievit,

Cum exurgeret in iudicium Deus, * ut salvos faceret omnes mansuetos terrae.

Quoniam cogitatio hominis confitebitur tibi : * et reliquiae cogitationis diem festum agent tibi.

Vovete, et reddite Domino Deo vestro : * omnes qui in circuitu ejus affertis munera.

Terribili et ei qui aufert spiritum principum, * terribili apud reges terrae.

Ant. Illuminans tu mirabiliter a montibus aeternis : turbati sunt omnes insipientes corde.

Ant. Melior est dies una in atriis tuis super millia.

Psalmus 83.

QUAM dilecta tabernacula tua Domine virtutum : * concupiscit, et deficit anima mea in atria Domini.

Cor meum, et caro mea * exultaverunt in Deum vivum.

Etenim passer invenit sibi domum : * et turtur nidum sibi, ubi ponat pullos suos.

Altaria tua Domine virtutum : * Rex meus, et Deus meus.

Beati, qui habitant in domo tua Domine : * in saecula saeculorum laudabunt te.

Beatus vir, cujus est auxilium abs te : * ascensiones in corde suo disposuit, in valle lacrymarum in loco, quem posuit.

Etenim benedictionem dabit legislator, ibunt de virtute in virtutem : * videbitur Deus deorum in Sion.

Domine Deus virtutum exaudi orationem meam : * auribus percipe Deus Jacob.

Protector noster adspice Deus : * et respice in faciem Christi tui :

Quia melior est dies una in atriis tuis, * super millia.

Elégi abjectus esse in domo Dei mei : * magis quam habitare in tabernaculis peccatorum.

Quia misericordiam, et veritatem diligit Deus : * gratiam, et gloriam dabit Dominus.

Non privabit bonis eos, qui ambulant in innocentia : * Domine virtutum, beatus homo, qui sperat in te.

Ant. Melior est dies una in atriis tuis super millia.

Ant. Gloriosa dicta sunt de te civitas Dei.

Psalmus 86.

FUNDAMENTA ejus in montibus sanctis : * diligit Dominus portas Sion super omnia tabernacula Jacob.

Gloriosa dicta sunt de te, * civitas Dei.

Memor ero Rahab, et Babilónis * sciéntium me.

Ecce alienigenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scriptúris populórum, et príncipum : * horum, qui fuérunt in ea.

Sicut lætántium ómnium * habitátio est in te.

Ant. Gloriósa dicta sunt de te civitas Dei.

Ÿ. Glória et honóre coronásti eum Dómine. **R.** Et constituísti eum super ópera mánuum tuárum.

Sermo sancti Leónis Papæ.

Serm. de Transfig., ante med.

Lectio iv.

APERIT Dóminus coram eléctis téstibus glóriam suam, et commúnem illam cum cæteris córporis formam tanto splendóre clarificat, ut et fácies ejus solis fulgóri similis, et vestítus candóri nivium esset æquális. In qua transfiguratióne illud quidem princípáliter agebátur, ut de córdibus discipulórum crucis scándalum tollerétur : nec conturbáret eórum fidem voluntáriæ humilitas passiónis, quibus reveláta esset absconditæ excelléntia dignitátis. Sed non minóre providéntia spes sanctæ Ec-

clésiæ fundabátur, ut totum Christi corpus agnósceret, quali esset commutatióne donándum : ut ejus sibi honóris consórtium membra promitterent, qui in cápite præfulsisset.

R. Inebriáti sunt ab ubertáte domus tuæ : * Et torrénte voluptátis tuæ potásti eos. **Ÿ.** Quóniam apud te est fons vitæ, et in lúmine tuo videbimus lumen. Et.

Lectio v.

CONFIRMÁNDIS vero Apóstolis, et ad omnem sciéntiam provehéndis, ália quoque in illo miráculo accessit instrúctio. Móyses enim et Eliás, lex scilicet et prophétæ, apparuerunt cum Dómino loquéntes : ut verissime in illa quinque virórum præsentia complerétur quod dictum est : In duóbus, vel tribus téstibus stat omne verbum. Quid hoc stabilius, quid firmitus verbo, in cujus prædicatióne véteris et novi testaménti concinit tuba, et cum evangélica doctrína antiquárum protestatiónum instruménta concúrrunt? Adstipulánturenim sibi invicem utriúsque fœderis páginæ : et quem sub velámine mysteriorum præcedéntia signa promiserant, manifestum atque perspicuum præsentis glóriæ splendor osténdit.

R. Præcéptor, bonum est nos hic esse : * Faciámus hic tria tabernácula ; tibi unum, Móysi unum, et Eliæ unum.

ŷ. Non enim sciēbat quid diceret. Faciāmus.

Lectio vj.

HIS ergo sacramentōrum revelatiōnibus Petrus Apōstolus incitatus, mundāna spernens, et terrēna fastidiens, in æternōrum desidērium quodam mentis rapiebātur excēssu : et gāudio totius visiōnis implētus, ibi cum Jesu optābat habitāre, ubi manifestā ejus glōria lætabātur. Unde et ait : Dōmine, bonum est nos hic esse : si vis, faciāmus hic tria tabernācula, tibi unum, Mōysi unum, et Eliæ unum. Sed huic suggestiōni Dōminus non respōdit : significans, non quidem improbum, sed inordinātum esse quod cūperet, cum salvāri mundus, nisi Christi morte, non posset : et exēmplo Dōmini in hoc vocaretur credētiū fides, ut licet non oporteret de beatitudinis promissiōnibus dubitāri, intelligerēmus tamen inter tentatiōnes hujus vitæ prius nobis tolerāntiam postulādam esse, quam glōriam.

R. Si ministratio mortis, litteris deformata in lapidibus, fuit in glōria, ita ut non possent intēdere filii Israël in faciē Mōysi, propter glōriam vultus ejus, quæ evacuatur ; * Multo magis ministratio spīritus, quæ manet, erit in glōria. ŷ. Ampliōris enim glōriæ Christus præ

Mōyse dignus est hābitus, quanto ampliōrem honōrem habet domo, qui fabricāvit eam. Multo. Glōria Patri. Multo.

IN III. NOCTURNO

Ant. Thabor et Hermon in nōmine tuo exultābunt : tuum brāchium cum potētia.

Psalmus 88.

MISERICORDIAS Dōmini * in ætērnū cantābo.

In generatiōem et generatiōem * annuntiābo veritatem tuam in ore meo.

Quōniam dixisti : In ætērnū misericordia ædificabitur in cælis : * præparabitur vēritas tua in eis.

Dispōsui testamētum electis meis, jurāvi Dāvid servo meo : * usque in ætērnū præparābo semen tuum.

Et ædificābo in generatiōem et generatiōem * sedem tuam.

Confitebūntur cæli mirabilia tua Dōmine : * etenim veritatem tuam in ecclēsia sanctōrum.

Quōniam quis in nūbibus æquābitur Dōmino : * similis erit Deo in filiis Dei?

Deus, qui glorificātur in consilio sanctōrum : * magnus et terribilis super omnes qui in circūitu ejus sunt.

Dōmine Deus virtūtum, quis similis tibi? * potens es Dōmine, et vēritas tua in circūitu tuo.

Tu domināris potestati

maris : * motum autem fluctuum ejus tu mitigas.

Tu humiliasti sicut vulneratum, superbum : * in brachio virtutis tuæ dispersisti inimicos tuos.

Tui sunt cæli, et tua est terra, orbem terræ et plenitudinem ejus tu fundasti : * Aquilonem, et mare tu creasti.

Thabor et Hermon in nomine tuo exsultabunt : * tuum brachium cum potentia.

Firmetur manus tua, et exaltetur dextera tua : * justitia et judicium præparatio sedis tuæ.

Misericordia et veritas præcedent faciem tuam : * beatus populus, qui scit jubilationem.

Dómine, in lumine vultus tui ambulabunt, et in nomine tuo exsultabunt tota die : * et in justitia tua exaltabuntur.

Quóniam glória virtutis eorum tu es : * et in beneplácito tuo exaltabitur cornu nostrum.

Quia Dómini est assumptio nostra : * et sancti Israël Regis nostri.

Tunc locutus es in visione sanctis tuis, et dixisti : * Pósui adiutorium in potente, et exaltavi electum de plebe mea.

Invéni David servum meum : * óleo sancto meo unxi eum.

Manus enim mea auxiliabitur ei : * et brachium meum confortabit eum.

Nihil proficiet inimicus in eo, * et filius iniquitatis non appónet nocere ei.

Et concidam a facie ipsius inimicos ejus : * et odientes eum in fugam convertam.

Et veritas mea, et misericordia mea cum ipso : * et in nomine meo exaltabitur cornu ejus.

Et ponam in mari manum ejus : * et in fluminibus dexteram ejus.

Ipse invocabit me : Pater meus es tu : * Deus meus, et susceptor salutis meæ :

Et ego primogénitum ponam illum * excelsum præ régibus terræ.

In ætérnum servabo illi misericordiam meam : * et testaméntum meum fidèle ipsi.

Et ponam in sæculum sæculi semen ejus : * et thronum ejus sicut dies cæli.

Si autem dereliquerint filii ejus legem meam : * et in judiciis meis non ambulaverint :

Si justitias meas profanaverint : * et mandata mea non custodierint :

Visitabo in virga iniquitates eorum : * et in verbéribus peccata eorum.

Misericordiam autem meam non dispérgam ab eo : * neque nocébo in veritate mea :

Neque profanabo testaméntum meum : * et quæ procedunt de lábiis meis, non faciam irrita.

Semel jurávi in sancto meo, si David méntiar : * semen ejus in ætérnum manébit.

Et thronus ejus sicut sol in conspéctu meo, * et sicut luna perfécta in ætérnum : et testis in cælo fidélis.

Tu vero repulisti et despexisti : * distulisti christum tuum.

Evertisti testaméntum servi tui : * profanásti in terra sanctuárium ejus.

Destruxisti omnes sepes ejus : * posuisti firmaméntum ejus formidinem.

Diripuérunt eum omnes transeúntes viam : * factus est oppróbrium vicinis suis.

Exaltásti dexteram depri méntium eum : * lætificásti omnes inimicos ejus.

Avertisti adjutórium gládii ejus : * et non es auxiliátus ei in bello.

Destruxisti eum ab emundatióne : * et sedem ejus in terram collisisti.

Minorásti dies témporis ejus : * perfudisti eum confusióne.

Usquequo Dómine avértis in finem : * exardéscet sicut ignis ira tua?

Memoráre quæ mea substántia : * numquid enim vane constituisti omnes filios hóminum?

Quis est homo, qui vivet, et non vidébit mortem : * éruiet ánimam suam de manu inferi?

Ubi sunt misericórdiæ tuæ

antíquæ Dómine, * sicut jurásti David in veritáte tua?

Memor esto Dómine oppróbrii servórum tuórum, * (quod continui in sinu meo) multárum géntium.

Quod exprobravérunt inimici tui Dómine, * quod exprobravérunt commutatiónem christi tui.

Benedictus Dóminus in ætérnum : * fiat, fiat.

Ant. Thabor et Hermon in nómine tuo exsultábunt : tuum bráchium cum poténtia.

Ant. Lux orta est justo, et rectis corde lætítia.

Psalmus 96.

DÓMINUS regnávit, exsúltet terra : * læténtur insulæ multæ.

Nubes, et caligo in circúitu ejus : * justítia, et iudicium corrèctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgora ejus orbi terræ : * vidit, et com móta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptilia : * et qui gloriántur in simulácris suis.

Adoráte eum omnes Angeli ejus : * audívit, et lætáta est Sion.

Et exsultavérunt filiæ Ju-

dæ, * propter iudicia tua Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui diligitis Dóminum, odite malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini iusti in Dómino : * et confitémini memóriæ sanctificatiónis ejus.

Ant. Lux orta est justo, et rectis corde lætítia.

Ant. Confessióem et decórem induit, amíctus lúmine sicut vestiménto.

Psalmus 103.

BÉNEDIC ánima mea Dómino : * Dómine Deus meus magnificátus es veheménter.

Confessióem, et decórem induisti : * amíctus lúmine sicut vestiménto :

Exténdens cælum sicut pellem : * qui tegis aquis superióra ejus.

Qui ponis nubem ascensum tuum : * qui ámbulas super pennas ventórum.

Qui facis Angelos tuos, spirítus : * et ministros tuos ignem uréntem.

Qui fundásti terram super stabilitátem suam : * non inclinábitur in sáeculum sáeculi.

Abýssus, sicut vestiméntum amíctus ejus : * super montes stabunt aquæ.

Ab increpatióne tua fugient, * a voce tonitruí tui formidábunt.

Ascéndunt montes : et descendunt campi * in locum, quem fundásti eis.

Términum posuísti, quem non transgrediéntur : * neque converténtur operire terram.

Qui emíttis fontes in conválibus : * inter médium móntium pertransibunt aquæ.

Potábunt omnes béstiae agri : * exspectábunt ónagri in siti sua.

Super ea vólucres cæli habitábunt : * de médio petrárum dabunt voces.

Rigans montes de superiorióribus suis : * de fructu óperum tuórum satiábitur terra :

Prodúcens fœnum juméntis, * et herbam servitúti hóminum :

Ut edúcas panem de terra : * et vinum lætíficet cor hóminis :

Ut exhílalet fáciem in óleo : * et panis cor hóminis confirmet.

Saturabúntur ligna campi, et cedri Líbani, quas plantávit : * illic pásseres nidificábunt.

Heródii domus dux est eórum : * montes excélsi cervis : petra refúgium herináciis.

Fecit lunam in tépore : * sol cognóvit occasum suum.

Posuísti ténebras, et facta

est nox : * in ipsa pertransibunt omnes bestiae silvæ.

Catuli leonum rugientes, ut rapiant, * et quaerant a Deo escam sibi.

Ortus est sol, et congregati sunt : * et in cubilibus suis collocabuntur.

Exibit homo ad opus suum : * et ad operationem suam usque ad vesperum.

Quam magnificata sunt opera tua Domine ! * omnia in sapientia fecisti : implata est terra possessione tua.

Hoc mare magnum, et spatiosum manibus : * illic reptilia, quorum non est numerus.

Animalia pusilla cum magnis : * illic naves pertransibunt.

Draco iste, quem formasti ad illudendum ei : * omnia a te expectant ut des illis escam in tempore.

Dante te illis, colligent : * aperiens te manum tuam, omnia implebuntur bonitate.

Avertens autem te faciem, turbabuntur : * auferes spiritum eorum, et deficient, et in pulverem suum revertentur.

Emittes spiritum tuum, et creabuntur : * et renovabis faciem terræ.

Sit gloria Domini in sæculum : * lætabitur Dominus in operibus suis :

Qui respicit terram, et facit eam tremere : * qui tangit montes, et fumigant.

Cantabo Domino in vita

mea : * psallam Deo meo quamdiu sum.

Jucundum sit ei eloquium meum : * ego vero delectabor in Domino.

Deficiant peccatores a terra, et iniqui ita ut non sint : * benedic anima mea Domino.

Ant. Confessionem et decorem induit, amictus lumine sicut vestimento.

v. Magna est gloria ejus in salutari tuo. **℟.** Gloriam et magnum decorem impones super eum.

Lectio sancti Evangelii secundum Matthæum.

Lectio vij. Cap. 17.

IN illo tempore : Assumpsit Jesus Petrum, et Jacobum, et Joannem, fratrem ejus, et duxit illos in montem excelsum seorsum : et transfiguratus est ante eos. Et reliqua.

Homilia sancti Joannis Chrysostomi.

Homil. 57. in Matth., in init.

QUONIAM multa de periculis, multa de passione sua, multa de morte et de cæde discipulorum locutus est Dominus : et aspera complura atque ardua eis injunxit, et illa quidem in presenti vita, et jam imminabant ; bona vero in spe et expectatione erant : ut puta, quia servarent animam suam, si perderent eam ; quia in gloria Patris sui venturus sit, et præmia redditurus : ut visu etiam certiores faceret, et

osténderet quidnam sit illa glória, cum qua ventúrus est, quantum cápere póterant in hac præsénti vita, illis osténdit, eámque détegit, ne aut sua, aut Dómini morte dóleant, et máxime Petrus.

¶ Vocávit nos Deus vocatióne sua sancta, secúndum grátiam suam, quæ manifestáta est nunc, * Per illuminatióem Salvatóris nostri Jesu Christi. ¶ Qui destrúxit mortem, illuminávit áutem vitam in incorruptiόνem. Per.

Bened. Divínium auxilium.

Lectio viij.

ET vide quid agit, cum de regno et de gehénna disserúerit. Nam in eo quod dixit : Qui invenit ánimam suam, perdet eam; et quicúmque perdet eam grátia mei, invéniet ipsam; et in eo quod ait : Reddet unicuique secúndum ópera sua; et regnum et gehénnam designávit. Cum igitur de utrísque disserúerit, regnum quidem ut óculis cernátur, concédit; gehénnam áutem minime, quóniam rudióribus atque ineptiórius illud necessárium fuisset : sed cum illi probi essent ac perspicáces, satis fuit eos a meliórius confirmári. Hoc étiam multo magis ipsum decébat; non tamen omnino illud prætermisit, sed et aliquándo atrocitatem gehénnae quasi ante óculos propónit, véluti cum Lázari imáginem de-

scripsit, et ejus méminit, qui denários centum repétiit.

¶ Deus, qui fecit de ténebris lumen splendescere, illúxit in córdibus nostris, * Ad illuminatióem sciéntiæ claritátis Dei, in fácie Jesu Christi. ¶ Exórtum est in ténebris lumen rectis corde, miséricors, et miserátor, et justus. Ad. Glória Patri. Ad.

Pro SS. Martyribus Xysto, Felicissimo et Agapito.

Lectio ix.

XYSTUS secúndus, Atheniénsis, ex philósopho Christi discipulus, in persecutióne Valeriáni accusátus quod públice Christum prædicáret, comprehénsus tráhitur in templum Martis, propósita ei capitáli pœna, nisi illi simulácro sacrificáret. Qua impietáte constantissime recusáta, cum ad martyrium ducerétur, occurrénti sancto Lauréntio, et dolénter in hunc modum interrogánti : Quo progréderis sine filio pater? quo sacérdos sancte sine ministro próperas? Respóndit : Non ego te désero fili : majóra te manent pro Christi fide certámina : post triduum me sequéris, sacerdotem levíta : intérea, si quid in thesáuris habes, paupéribus distribue. Eódem igitur die interféctus est una cum Felicissimo et Agapito diáconis, Januário, Magno, Vincéntio et Stéphano subdiáconis, et in cœmetério Callisti sepúltus

octávo Idus Augústi : cæteri vero in cœmetério Prætextáti. Sedit menses úndecim, dies duódecim. Quo témpore hábuit ordinatióem mense Decémbri, creátis presbýteris quátuor, diáconis septem, episcopis duóbus.

Te Deum laudámus. 16.

Ubi Festum Transfigurationis celebratur sub ritu Duplici 1. classis, vel si contigerit transferri in alium diem in quem occurrat aliquod Festum Simplex non habens Lectionem propriam, tunc legitur sequens

Leectio ix.

TU vero Matthæi philosophiam considera, qui non celávit nómina eórum qui præpósiti fúerant. Quod et Joánnes sæpius facit, cum eximias Petri láudes verissime ac diligentissime describat. Nullum enim in hoc Apostolorum consórtio livor, aut inánis glória locum habébat. Primos igitur Apostolorum seórsum assumpsit. Quamóbrem eos solos accépit? Quia excellentióres cæteris videlicet erant. Cur autem non illico, sed post sex dies hoc fecit? Ne cæteri scilicet discipuli seu hómines moveréntur : qua de re nec eos nominávit, quos acceptúrus erat.

AD LAUDES

ET PER HORAS

Ant. 1. Assumpsit Jesus * Petrum, et Jacóbum, et Joánnem fratrem ejus, et duxit

eos in montem excélsu seórsum, et transfigurátus est ante eos.

Ps. Dóminus regnávit. 16.

2. Resplénduit fácies ejus * sicut sol, vestiménta autem ejus facta sunt alba sicut nix, allelúia.

3. Et ecce apparuérunt * eis Móyses et Eliás, loquéntes cum Jesu.

4. Respóndens autem Petrus, * dixit ad Jesum : Dómine, bonum est nos hic esse.

5. Adhuc eo loquente, * ecce nubes lúcida obumbrávit eos.

Capitulum. Philipp. 3. d

SALVATÓREM exspectámuS Dóminu nostru Jesu Christu, qui reformábit corpus humilitátis nostræ, configurátu córpori claritátis suæ.

Hymnus.

Lux alma Jesu méntium,
Dum corda nostra récreas,

Culpæ fugas caliginem,
Et nos reple dulcédine.

Quam lætus est, quem vísitas!

Consors Patérnæ dexteræ,
Tu dulce lumen pátriæ,
Carnis negátum sénsibus.

Splendor Patérnæ glóriæ,
Incomprehénsa caritas,
Nobis amóris cópiam
Largire per præsentiam.

Jesu tibi sit glória,
Qui te revélas párvulis,
Cum Patre et almo Spíritu,
In sempitérna sæcula. Amen.

✠. Coróna áurea super caput ejus. **R.** Expressa signo sanctitátis, glóriæ, et honóris.

Ad Bened. Ant. Et ecce vox de nube dicens : Hic est Filius meus diléctus, in quo mihi complácuí : ipsum audite, allelúia.

Oratio.

DEUS, qui fidei sacraménta, in Unigéniti tui gloriósa Transfiguratióne, patrum testimonio roborásti, et adoptiόνem filiórum perfectam, voce delápsa in nube lúcida, mirabiliter præsignásti : concéde propítius ; ut ipsius Regis glóriæ nos coherédes efficias, et ejúsdem glóriæ tribuas esse consórtes. Per eúmdem Dñm.

Et fit Commem. SS. Mart.

Ant. Vestri capilli cápitis omnes numeráti sunt : nolite timére : multis passéribus melióres estis vos.

✠. Exsultábunt sancti in glória. **R.** Lætabúntur in cubilibus suis.

Oratio.

DEUS, qui nos concédis sanctorum Mártýrum tuórum Xysti, Felicíssimi et Agapíti natalitia cólere : da nobis in ætéRNA beatitúdine de eórum societáte gaudére. Per Dóminum.

AD PRIMAM

In R. br. ✠. Qui apparuísti hódie.

AD TERTIAM

Ant. Resplénduit fácies ejus.

Capit. Salvatórem. supra.

R. br. Gloriósus apparuísti in conspéctu Dómini, * Allelúia, allelúia. Gloriósus. ✠. Proptérea decórem induit te Dóminus. Allelúia, allelúia. Glória Patri. Gloriósus.

✠. Glória et honóre coronásti eum Dómine, allelúia.

R. Et constituísti eum super ópera mánuum tuárum, allelúia.

AD SEXTAM

Ant. Et ecce apparuérunt.

Capitulum. II. Cor. 3. d

Nos omnes, reveláta fácie glóriam Dómini specularántes, in eámdem imáginem transformámur a claritáte in claritátem, tamquam a Dómini Spiritu.

R. br. Glória et honóre coronásti eum Dómine, * Allelúia, allelúia. Glória. ✠. Et constituísti eum super ópera mánuum tuárum. Allelúia, allelúia. Glória Patri. Glória et honóre.

✠. Magna est glória ejus in salutári tuo, allelúia. **R.** Glóriam et magnum decórem impónes super eum, allelúia.

AD NONAM

Ant. Adhuc eo loquente.

Capitulum. Apoc. 21. c

SÚSTULIT me in spiritu in montem magnum et altum, et osténdit mihi civitátem sanctam Jerúsalem, descendéntem de cælo a Deo, habéntem claritátem Dei : et lucérna ejus est Agnus.

R. br. Magna est glória ejus in salutári tuo, * Allelúia, al-

lelúia. Magna. *ŷ.* Glóriam et magnum decórem impónes super eum. Allelúia, allelúia. Glória Patri. Magna.

ŷ. Coróna áurea super caput ejus, allelúia. *Ŕ.* Exprés-sa signo sanctitátis, glóriæ, et honóris, allelúia.

IN II. VESPERIS

Ant. et Capit. de Laud.; Pss. ut in I. Vesp. de Comm. Apost. 2; Hymn. et ŷ. ut in I. Vesp. 536.*

Ad Magnif. Ant. Et audiéntes discipuli cecidérunt in fáciem suam, et timué-runt valde : et accéssit Jesus, et tégigit eos, dixitque eis : Súrgite, et nolite timére, allelúia.

Deinde fit Commem. seq. et S. Donati Episc. et Mart.

DIE VII

SANCTI CAJETANI

CONFESSORIS

Duplex.

Omnia de Communi Conf. non Pont. 76, præter seq.*

Ad Magnif. in utrisque Vesp. Ant. Quærite primum regnum Dei, et justitiam ejus, et hæc ómnia adjicién-tur vobis.

ŷ. Amávit eum Dóminus, et ornávit eum. *Ŕ.* Stolum glóriæ induit eum.

Oratio.

DEUS, qui beáto Cajetano Confessóri tuo apostóli-cam vivéndi formam imitári tribuisti : da nobis, ejus in-tercessióne et exémplo, in te semper confidere, et sola

cæléstia desideráre. Per Dó-minum.

Et fit Commem. S. Donati Episc. et Mart.

Ant. Iste sanctus pro lege Dei sui certávit usque ad mortem, et a verbis impió-rum non tímuit : fundátus enim erat supra firmam pe-tram.

ŷ. Glória et honóre coro-násti eum Dómine. *Ŕ.* Et constituísti eum super ópera mánuum tuárum.

Oratio.

DEUS, tuórum glória sacer-dótum : præsta, quæsu-mus ; ut sancti Mártyris tui et Episcopi Donáti, cujus festa gérimus, sentiámus auxílium. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

CAJETÁNUS, nóbili Thienæa gente Vicéntiæ ortus, sta-tim a matre Deiparæ Virgini oblátus est. Mira a téneris annis morum innocéntia in eo elúxit, ádeo ut Sanctus ab ómnibus nuncuparétur. Juris utriúsque láuream Patávii adéptus, Romam pro-féctus est : ubi inter præ-látos a Júlio secúndo collo-cátus, et sacerdotio initiá-tus, tanto divini amóris æstu succénsus est, ut relicta áula se totum Deo mancipáverit. Nosocomiis próprio ære fun-dátis, étiam morbo pesti-lénti laborántibus, suis ipse mánibus inserviébat. Proxi-

mórum salúti assídua cura incumbébat, dictus propter ea Venátor animárum.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam.

V. Justum dedúxit Dóminus per vias rectas, et osténdit illi regnum Dei. Et dedit illi claritátem ætérnam.

Lectio v.

COLLÁPSAM ecclesiasticórum disciplinam ad formam apostólicæ vitæ instauráre desiderans, órđinem Clericórum regulárium instituit, qui, abdicáta rerum ómnium terrenárum sollicitúđine, nec réditus possidérent, nec vitæ subsidia a fidélibus péterent, sed solis eleemósynis sponte oblátis viverent. Itaque approbánte Cleménte séptimo ad aram máximam basilicæ Vaticanæ una cum Joánnē Petro Caráfa episcopo Theatino, qui póstea Páulus quartus Póntifex Máximus fuit, et áliis duóbus eximíæ pietátis viris, vota solémnia emisit. In Urbis direptióne a militibus crudelissime vexátus ut pecúniam próderet, quam dudum in cæléstes thesauros manus páuperum deportáverant, vérbera, torménta, et cárceres invicta patiéntia sustinuit. In suscepto vitæ institúto constantissime perseverávit, soli divínæ providéntiæ inhærens, quam

sibi numquam defuisse aliquándo mirácula comprobáverunt.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum.

V. Induit eum Dóminus lorricam fidei, et ornávit eum. Et ad portas.

Lectio vj.

DIVÍNI cultus stúđium, nitórem domus Dei, sacrórum rituum observántiam, et sanctíssimæ Eucharistiæ frequentiórem usum máxime promovit. Hæresum monstra et látebras non semel detéxit, ac profligávit. Orationem ad octo passim horas júgibus lácrymis protrahébat : sæpe in éxtasim raptus, ac prophetiæ dono illústris. Romæ nocte natalitia ad præsepe Dómini, infántem Jesum accipere méruit a Deípara in ulnas suas. Corpus integras noctes intérdum verberatió nibus affligébat; necumquam addúci pótuit, ut vitæ asperitátem emolliret, testátus, in cinere et cilicio velle se mori. Denique ex ánimi dolóre concepto morbo, quod offéndi plebis seditióne Deum vidéret, cælésti visióne recreátus, Neápoli migrávit in cælum : ibique corpus ejus in ecclésia sancti Páuli magna religióne cólitur. Quem multis miráculis in vita et post mortem gloriósum, Clemens décimus Póntifex Máximus

sanctorum número adscripsit.

R. Iste homo. 83*.

IN III. NOCTURNO

Lectio sancti Evangelii secundum Matthæum.

Lectio vij. Cap. 6. c

In illo tempore : Dixit Jesus discipulis suis : Nemo potest duobus dominis servire. Et reliqua.

Homilia sancti Augustini •
Episcopi.

Lib. 2. de Serm. Domini in monte, cap. 14.

Nemo potest duobus dominis servire : ad hanc ipsam intentionem referendum est, quod consequenter exponit, dicens : Aut enim unum odio habebit, et alterum diligit : aut alterum patietur, et alterum contemnet. Quæ verba diligenter consideranda sunt : nam qui sint duo domini, deinceps ostendit, cum dicit : Non potestis Deo servire, et mammonæ. Mammóna apud Hebræos divitiæ appellari dicuntur. Cóngruit et Púnice nomen : nam lucrum Púnice mammon dicitur.

¶ Sed qui servit mammónæ, illi útique servit, qui rebus istis terrénis mérito suæ perversitátis præpósitus, magistratus hujus sæculi a Dómino dicitur. Aut enim unum odio habebit homo, et alterum diligit, id est Deum : aut alterum patietur, et alterum contemnet. Patietur enim durum et perniciosum

dóminum, quisquis servit mammónæ : sua enim cupiditate implicatus, subditur diabolo, et non eum diligit. Quis enim est qui diligit diabolum? sed tamen patitur.

R. Iste est qui ante Deum magnas virtutes operatus est, et de omni corde suo laudavit Dóminum : * Ipse intercedat pro peccatis ómnium populorum. **V.** Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viij.

Ideo, inquit, dico vobis, non habere sollicitudinem animæ vestræ quid edátis, neque corpore vestro quid induátis : ne forte, quamvis jam superflua non quærantur, propter ipsa necessaria cor duplicetur, et ad ipsa conquirenda nostra detorqueatur intentio, cum aliquid quasi misericórditer operamur : id est, ut, cum consúlere alicui vidéri volumus, nostrum emoluméntum ibi pótius, quam illius utilitatem attendamus ; et ideo nobis non videámur peccáre, quia non superflua, sed necessaria sunt quæ consequi volumus.

R. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dóminum suum, quando revertátur a núptiis. **V.** Vigilate ergo, quia nesci-

tis, qua hora Dóminus vester ventúrus sit. Et. Glória. Et. Pro S. Donato Episc. et Mart.

Lectio ix.

DONÁTUS, paréntibus propter Jesu Christi fidem interféctis, Arrétium in Etrúriam cum Hilarino mónacho ex fuga se cóntulit : cujus étiam urbis episcopus creátus est. Ubi cum a Quadratiáno præfécto in Juliáni persecutióne utérque idóla venerári juberétur, negántibus illis se tam nefárium scelus commissúros, Hilarinus in óculis Quadratiáni támdiu fústibus cæsus est, dum effláret ánimam : Donátus veheménter et ipse cruciátus, gládio percússus est. Quorum córpora a Christiánis prope eam urbem honorifice sepúlta sunt.

Te Deum laudámus. 16.

Ad Bened. Ant. Nolite solíciti esse, dicéntes : Quid manducábimus, aut quid bibémus? Scit enim Pater vester, quid vobis necesse sit.

Et fit Commem. S. Donati.

Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. **R.** Sicut cedrus Libani multiplicábitur.

Orat. Deus, tuórum. 550.

IN II. VESPERIS

Ad Magnif. Ant. Quærite primum regnum Dei et justitiam ejus, et hæc ómnia adjiciéntur vobis.

Et fit Commem. seq.

DIE VIII

SS. CYRIACI, LARGI
ET SMARAGDI MARTYRUM

Semiduplex.

Omnia de Comm. plurim.
Mart. 39*, præter seq.

Ant. Istórum est enim regnum cælórum, qui contempserunt vitam mundi, et pervenerunt ad præmia regni, et laverunt stolas suas in sanguine Agni.

V. Lætámini in Dómino, et exsultáte justí. **R.** Et gloriámini omnes recti corde.

Oratio.

DEUS, qui nos ánnua sanctorum Mártyrum tuórum Cyriaci, Largi et Smaragdi solemnitate lætificas : concéde propítius ; ut quorum natalitia cólimus, virtutem quoque passiónis imitémur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

CYRÍACUS diáconus, cum Sisinio, Largo, et Smaragdo diútius inclúsus in cárcere, multa édedit mirácula, in quibus Arthémiam Diocletiáni filiam précibus a dæmone liberávit : missusque ad Sáporem Persárum regem, Jobíam étiam ejus filiam a nefáριο spírítu eripuit. Rege vero ejus patre cum quadringéntis ac triginta áliis baptizátis Romam rédiit : ubi Maximiáni imperatóris jussu comprehénsus,

caténis vinctus ante rhedam suam tráhitur : et post dies quátuor e cárcere edúctus, pice liquáta perfúsus, et in catásta exténsus, demum cum Largo et Smarágdo, aliisque viginti secúri percússus est via Salária, ad hortos Sallustíanos. Quorum córpora in eádem via, décimo séptimo Kaléndas Aprilis, sepúlta a Joánne presbýtero, póstea sexto Idus Augústi a Marcélló Pontífice, et Lucina nóbili fémina líneis velis involúta, et pretiósiss unguéntis condita, in ipsíus Lucinæ prædium via Ostiénsi, séptimo ab Urbe lápide transláta sunt.

℞. Sancti tui Dómine mirábile consecúti sunt iter, serviétes præcéptis tuis, ut inveniréntur illæsi in aquis válidis : * Terra apparuit árida, et in mari Rubro via sine impediménto. Ÿ. Quóniam percússit petram, et fluxérunt aquæ, et torréntes inundavérunt. Terra.

Sermo sancti Joánnis Chrysóstomi.

Serm. 1. de Mart., tom. 3.

Lectio v.

NEMO est qui nesciat Mártirum glóriam ad hoc divíno consilio a Dei pópulis frequentári, ut et illis débítus honor dicétur, et nobis virtútis exémpa, favénte Christo, monstréntur : ut dum hæcita celebráriperspí-
cimus, cognoscámus quanta

eos glória máneat in cælis, quorum natalítia táliter celebrántur in terris : quo possimus étiam ipsi tálibus provocári exémpis, virtúte pari, devotióne consímili ac fide : ut Christo præstánte, dimicáre et vincere hostem possimus : ut, parta victória cum iisdem sanctis in regnis cæléstibus triumphémus.

℞. Vërbera carnificum non timuérunt sancti Dei, moriéntes pro Christi nómine, * Ut herédes fierent in domo Dómini. Ÿ. Tradidérunt córpora sua propter Deum ad supplicia. Ut.

Lectio vj.

QUIS est enim, qui eórum volens mérito copulári; nisi prius constántiam eórum téneat, sectétur fidem, imitétur virtútem passióis; eórum glóriam páribus vitæ lineaméntis aut invéniat, aut exquirat? Qui etsi martýrio par esse non possit : tamen múnieris tanti dignitáte se quisque bonis áctibus dignum præbeat. Adest enim clementíssimus Deus, qui desiderántibus suis aut martýrium præbeat, aut sine martýrio cum sanctis præmia divína retribuât.

℞. Tamquam áurum. 46*.

IN III. NOCTURNO

Léctio sancti Evangélii secúndum Marcum.

Lectio vij. Cap. 16. c

IN illo témpore : Dixit Jesus discíplis suis : Eúntes in mundum univérsum

prædicâte Evangélium omni creatûræ. Et reliqua.

Homilia sancti Gregórii
Papæ.

Homil. 29. in Evang.,
post init.

POTEST omnis creatûræ nómīne omnis natio gēntium designâri. Ante enim dictum fûerat : In viam gēntium ne abiéritis ; nunc autem dicitur : Prædicâte omni creatûræ, ut scilicet prius a Judæa Apostolorum repulsa prædicatio tunc nobis in adiutorium fieret, cum hanc illa ad damnationis suæ testimonium superba repulisset. Sed cum discipulos ad prædicandum Veritas mittit, quid aliud in mundo facit, nisi grana séminis spargit? Et pauca grana mittit in semine, ut multarum messium fruges recipiat ex nostra fide.

℞. Propter testamentum Dómini, et leges patrernas, sancti Dei perstiterunt in amore fraternitatis : * Quia unus fuit semper spiritus in eis, et una fides. V. Ecce quam bonum et quam jucundum habitare fratres in unum ! Quia.

Lectio viij.

NEQUE etenim in universo mundo tanta fidelium messis exsurgeret, si de manu Dómini super rationalem terram illa electa grana prædicantium non venissent. Sequitur : Qui crediderit, et baptizatus fuerit,

salvus erit : qui vero non crediderit, condemnabitur. Fortasse unusquisque apud semetipsum dicat : Ego jam credidi, salvus ero. Verum dicit, si fidem operibus tenet. Vera etenim fides est, quæ in hoc, quod verbis dicit, moribus non contradicit. Hinc est enim quod de quibusdam falsis fidelibus Páulus dicit : Qui confitentur se nosse Deum, factis autem negant.

℞. Sancti mei, qui in carne positi, certamen habuistis : * Mercédem labóris ego reddam vobis. V. Venite benedicti Patris mei, percipite regnum. Mercédem. Glória Patri. Mercédem.

Lectio ix.

SIGNA autem eos qui credituri sunt, hæc sequentur : In nómīne meo dæmónia ejicient, linguis loquentur novis, serpentes tollent : et si mortiferum quid biberint, non eis nocébit : super ægros manus impónent, et bene habebunt. Numquidnam, fratres mei, quia ista signa non facitis, minime creditis? Sed hæc necessaria in exordio Ecclésiæ fuerunt. Ut enim ad fidem cresceret multitudo credentium, miraculis fûerat nutrienda : quia et nos cum arbusta plantamus, tamdiu eis aquam infundimus, quousque ea in terra jam coaluisse videamus : et si semel radicem fixerint, irrigatio cessabit.

Hinc est enim quod Páulus dicit : Linguae in signum sunt non fidélibus, sed infidélibus.

Te Deum laudámus. 16.

In II. Vesp. fit Commem. S. Romani Martyris.

Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

¶ Glória et honóre coronásti eum Dómine. **¶** Et constituísti eum super ópera mánuum tuárum.

Oratio.

PRÆSTA, quæsumus omnipotens Deus : ut, intercedente beáto Románo Mártire tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

DIE IX

IN VIGILIA S. LAURENTII
MARTYRIS

Lectio sancti Evangélíi secundum Matthæum.

Lectio j. Cap. 16. d

IN illo témpore : Dixit Jesus discipulis suis : Si quis vult post me venire, ábneget semetipsum, et tollat crucem suam, et sequátur me. Et reliqua.

Homilia sancti Gregórii
Papæ.

Homilia 32. in Evangelia.

QUIA Dóminus ac Redemptor noster novus homo

venit in mundum, nova præcepta dedit mundo. Vitæ etenim nostræ véteri in vitiis enutritæ contrarietatem opposuit novitatis suæ. Quid enim vetus, quid carnális homo nóverat, nisi sua retinere, aliéna rápere, si posset; concupiscere, si non posset? Sed cæléstis médicus singulis quibúsque vitiis obviántia ádhibet medicaménta. Nam sicut arte medicinæ cálida frigidis, frigida cálidis curántur : ita Dóminus noster contrária opposuit medicaménta peccátis, ut lúbricis continéntiam, tenácibus largitatem, iracúndis mansuetúdinem, elátis præciperet humilitatem.

¶¶. Feriæ occurrentis.

Lectio ij.

CERTE cum se sequéntibus nova mandata propóneret, dixit : Nisi quis renuntiáverit ómnibus quæ pòssidet, non potest meus esse discipulus. Ac si apérte dicat : Qui per vitam véterem aliéna concupiscitis, per novæ conversatiónis stúdiu et vestra largimini. Quid vero in hac lectione dicat, audiámus : Qui vult post me venire, ábneget semetipsum. Ibi dicitur, ut abnegémus nostra : hic dicitur, ut abnegémus nos. Et fortásse laboriósu non est hómini relínquere sua : sed valde laboriósu est relínquere semetipsum. Minus quippe est abnegáre quod

habet : valde áutem multum est , abnegáre quod est.

Lectio iij.

AD se áutem nobis veniéntibus Dóminus præcépit , ut renuntiémus nostris : quia quicúmque ad fidei agónem venimus , luctámen contra malignos spiritus súmimus. Nihil áutem maligni spiritus in hoc mundo próprium póssident : nudi ergo cum nudis luctári debémus. Nam si vestitus quisque cum nudo luctáture , citius ad terram dejicitur , quia habet unde teneátur. Quid enim sunt terréna ómnia , nisi quædam córporis induménta? Qui ergo contra diábolum ad certámen próperat , vestiménta abjiciat , ne succumbat.

Et dicuntur Preces feriales. 59.

Oratio.

ADÉSTO Dómine supplicatiónibus nostris : et intercessióne beáti Lauréntii Mártiris tui , cujus prævenimus festivitátem , perpétuam nobis misericórdiam benignus impénde. Per Dóminum.

Et sit Commem. S. Romani.

Ant. Qui odit ánimam suam in hoc mundo , in vitam ætérnam custódit eam.

Y. Justus ut palma florébit. *R.* Sicut cedrus Líbani multiplicábitur.

Orat. Præsta , quæsumus. ut supra.

DIE X

S. LAURENTII MART.

Duplex 2. classis.

IN I. VESPERIS

Ant. de Laud. 564; Pss. ut in I. Vesp. de Comm. Apost. 2.*

Capitulum. II. Cor. 9. b

ERATRES : Qui parce séminat , parce et metet : et qui séminat in benedictiónibus , de benedictiónibus et metet.

Hymnus.

DEUS tuórum militum
Sors , et coróna , præmium ,

Láudes canéntes Mártiris
Absólve nexu criminis.

Hic nempe mundi gáudia ,
Et blanda fráudum pábula
Imbúta felle députans ,
Pervénit ad cæléstia.

Pœnas cucúrrit fórtiter ,
Et sústulit viriliter ,
Fundénsque pro te sánguinem ,

Ætérna dona póssidet.

Ob hoc precátu súplici
Te póscimus piíssime ;
In hoc triúmpho Mártiris
Dimitte noxam sérvulis.

Laus et perénnis glória
Patri sit , atque Filio ,
Sancto simul Paráclito ,
Insempitérna sæcula. Amen.

Y. Glória et honóre coronásti eum Dómine. *R.* Et constituísti eum super ópera mánuum tuárum.

Ad Magnif. Ant. Levita
Lauréntius bonum opus ope-

rátus est, qui per signum crucis cæcos illuminávit, et thesauros Ecclesiæ dedit paupéribus.

Oratio.

DA nobis, quæsumus omnipotens Deus : vitiórum nostrórum flammæ exstinguere; qui beáto Lauréntio tribuisti tormentórum suórum incéndia superáre. Per Dóminum.

AD MATUTINUM

Invit. Beátus Lauréntius Christi Martyr triúmphat coronátus in cælis : * Venite, adorémus Dóminum.

Ps. Venite, exsultémus. 2.

Hymn. Deus tuórum militum. 557.

IN I. NOCTURNO

Ant. Quo progréderis * sine filio pater? quo sacerdos sancte sine ministro próperas?

Pss. de Communi unius Mart. 25*.

Ant. Noli me derelinquere * pater sancte, quia thesauros tuos jam expéndi, quos tradidisti mihi.

Ant. Non ego te désero * fili, neque derelinquo : sed majóra tibi debéntur pro Christi fide certámina.

Y. Glória et honóre coronásti eum Dómine. *R.* Et constituísti eum super ópera mánuum tuárum.

De libro Ecclesiástici.

Lectio j. Cap. 51.

CONFITÉBOR tibi Dómine Rex, et collaudábo te Deum Salvatórem meum.

Confitébor nómini tuo : quóniam adjútor et protéctor factus es mihi, et liberásti corpus meum a perditione, a láqueo linguæ iniquæ, et a lábiis operántium mendácium, et in conspéctu adstántium factus es mihi adjútor. Et liberásti me secúndum multitudinem misericórdiæ nóminis tui a rugiéntibus præparátis ad escam, de mânibus quæréntium ánimam meam, et de portis tribulatiónum quæ circumdedérunt me : a pressúra flammæ quæ circumdedit me, et in médio ignis non sum æstuátus : de altitúdine ventris inferi, et a lingua coinquináta, et a verbo mendácii, a rege iniquo, et a lingua injústa.

R. Levíta Lauréntius bonum opus operátus est, qui per signum crucis cæcos illuminávit, * Et thesauros Ecclesiæ dedit paupéribus. *Y.* Dispérsit, dedit paupéribus : justitia ejus manet in sæculum sæculi. Et.

Lectio ij.

LAUDÁBIT usque ad mortem ánima mea Dóminum, et vita mea appropinquans erat in inférno deórsum. Circumdedérunt me úndique, et non erat qui adjuváret. Respiciens eram ad adjutórium hóminum, et non erat. Memorátus sum misericórdiæ tuæ Dómine, et operatiónis tuæ, quæ a sæculo sunt : quóniam éruis

sustinéntes te Dómine, et liberas eos de mánibus géntium. Exaltásti super terram habitatióem meam, et pro morte defluénte deprecátus sum.

R. Puer meus noli timére, quia ego tecum sum, dicit Dóminus : * Si transieris per ignem, flamma non nocébit tibi, et odor ignis non erit in te. **V.** Liberábo te de manu pessimórum, et éruam te de manu fórtium. Si.

Lectio iij.

INVOCÁVI Dóminum Patrem Dómini mei, ut non derelinquat me in die tribulatiónis meæ, et in témpore superbórum sine adjutório. Laudábo nomen tuum assidue, et collaudábo illud in confessiône, et exaudita est orátio mea. Et liberásti me de perditiónē, et eripuísti me de témpore iníquo. Proptérea confitébor, et láudem dicam tibi, et benedicam nómini Dómini.

R. Strinxérunt córporis membra pósita super craticulam : ministrántibus prunas insúltat Levíta Christi : * Beáte Laurénti, Martyr Christi, intercède pro nobis. **V.** Mea nox obscúrum non habet, sed ómnia in luce claréscunt. Beáte. Glória Patri. Beáte.

IN II. NOCTURNO

Ant. Beátus Lauréntius * orábat, dicens : Dómine Jesu Christe, Deus de Deo, miserére mihi servo tuo.

Pss. de Communi unius Mart. 27*.

Ant. Dixit Románus * ad beátum Lauréntium : Video ante te júvenem pulchérimum, festina me baptizáre.

Ant. Beátus Lauréntius * dixit : Mea nox obscúrum non habet, sed ómnia in luce claréscunt.

V. Posuísti Dómine super caput ejus. **R.** Corónam de lápide pretiósó.

Sermo sancti Leónis Papæ.

In Natali S. Laurentii, post initium.

Lectio iv.

CUM furor gentilium potestátum in electissima quæque Christi membra sæviret, ac præcipue eos, qui órdinis erant sacerdotális, impéteret, in Levítam Lauréntium, qui non solum ministério sacramentórum, sed étiam dispensatióne ecclesiásticæ substántiæ præeminébat, impius persecútor efférbuit, dúplicem sibi prædam de unius viri comprehensióne promittens : quem si fecisset sacrae pecúniæ traditórem, fáceret étiam veræ religiónis exsórtem. Armátur itaque gémina face homo pecúniæ cúpidus, et veritátis inimicus : avarítia, ut rápiat áurum : impietáte, ut áuferat Christum. Póstulat sibi ab immaculáto sacrárii præsule opes ecclesiásticas, quibus avidíssimus inhiábat, inférri. Cui Levíta castíssimus, ubi eas repósitās habé-

ret, ostēdens, numerosissimos sanctórum páuperum obtulit greges, in quorum victu atque vestitu inamissibiles condiderat facultates : quæ tanto intégrius erant salvæ, quanto sánctius probabántur expénsæ.

R. Quo progréderis sine filio pater? quo sacérdos sancte, sine diácono própe-ras? • Tu numquam sine ministro sacrificium offérre consuéveras. **V.** Quid ergo in me displicuit paternitati tuæ? Numquid degénerem me probásti? Experire utrum idóneum ministrum elégeris, cui commisisti Domínici sanguinis dispensatióem. Tu.

Lectio v.

FREMIT ergo prædo frustrátus, et in ódium religiónis, quæ talem divitiárum usum instituisset, ardēscens, direptiόem thesáuri potiόris aggréditur, apud quem nullam denariόrum substantiam reperisset : ut illud depósitum, quo sacrátius erat dives, auférret. Renuntiáre Christo Lauréntium jubet, et solidissimam illam levítici ánimi fortitúdinem diris parat urgére suppliciis : quorum ubi prima nil obtinent, vehementiόras succédunt. Láceros artus, et multa vérberum sectiόne conscissos, subjécto præcipit igne torréri : ut per cratem férream, quæ jam de fervóre continuo vim in se habéret uréndi, conversórum altérna muta-

tiόne membrórum, fieret cruciátus veheméntior, et pœna productior.

R. Noli me derelinquere pater sancte, quia thesáuros tuos jam expēdi. • Non ego te désero fili, neque derelinquo : sed majóra tibi debéntur pro fide Christi certámina. **V.** Nos quasi senes leviόris pugnæ cursum recipimus, te áutem quasi júvenem manet gloriόsior de tyránno triúmphus : post triduum me sequéris sacerdotem levita. Non.

Lectio vj.

NIHIL óbtines, nihil próficis sæva crudélitas. Subtráhitur tormentis tuis matéria mortális, et Lauréntio in cælos abeúnte, tu déficitis flammis tuis. Superári caritas Christi flamma non pótuit : et ségnior fuit ignis, qui foris ussit, quam qui intus accéndit. Sævisti persecútor in Mártyrem : sævist, et auxisti palmam, dum ággeras pœnam. Nam quid non ad victóris glóriam ingénium tuum réperit, quando in honórem transiérunt triúmphi étiam instruménta supplicii? Gaudeámus igitur dilectíssimi gáudio spiritali, et de felicissimo inclyti viri fine gloriémur in Dómino, qui est mirábilis in sanctis suis, in quibus nobis et præsidium constituit et exéplum : atque ita per univérsum mundum clarificávit glóriam suam, ut a solis ortu usque ad

occásum, leviticórum lúminum coruscánte fulgóre, quam clarificáta est Jerosólýma Stéphano, tam illústris fieret Roma Lauréntio.

R. Beátus Lauréntius clamávit, et dixit : Deum meum colo, illi soli sérvio : * Et ideo non timeo torménta tua. **V.** Mea nox obscúrum non habet, sed ómnia in luce claréscunt. Et. Glória Patri. Et.

IN III. NOCTURNO

Ant. Strinxérunt córporis * membra pósito super craticulam : subjiciéntibus prunas insúltat Levíta Christi.

Psalmus 14.

DÓMINE quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * timéntes áutem Dóminum glorificat :

Qui jurat próximo suo, et non decipit, * qui pecúniam suam non dedit ad usúram, et múnera super innocéntem non accépit.

Qui facit hæc, * non móvêbitur in ætérnum.

Ant. Strinxérunt córporis

membra pósito super craticulam * subjiciéntibus prunas insúltat Levíta Christi.

Ant. Igne me examinásti, * et non est invénta in me iniquitas.

Psalmus 16.

EXÁUDI Dómine justítiam meam : * inténde deprecaciónem meam.

Auribus pércipe orationem meam, * non in lábiis dolósis.

De vultu tuo judicium meum pródeat : * óculi tui videant æquitátes.

Probásti cor meum, et visitásti nocte : * igne me examinásti, et non est invénta in me iniquitas.

Ut non loquátur os meum ópera hóminum : * propter verba labiórum tuórum ego custodívi vias duras.

Pérfice gressus meos in sémitis tuis : * ut non móveántur vestigia mea.

Ego clamávi, quóniam exaudisti me Deus : * inclína áurem tuam mihi, et exáudi verba mea.

Mirífica misericórdias tuas, * qui salvos facis sperántes in te.

A resisténtibus dexteræ tuæ custódi me, * ut pupillam óculi.

Sub umbra alárum tuárum prótege me : * a fácie impiórum qui me afflixérunt.

Inimíci mei ánimam meam circumdedérunt, ádipem suum conclusérunt : * os eórum locútum est supérbiam.

Projicientes me nunc circumdederunt me : * oculos suos statuerunt declinare in terram.

Susceperunt me sicut leo paratus ad praedam : * et sicut catulus leonis habitans in abditis.

Exsurge Domine, praeveni eum, et supplantata eum : * eripe animam meam ab impio, frameam tuam ab inimicis manus tuae.

Domine a paucis de terra divide eos in vita eorum : * de absconditis tuis adimpletus est venter eorum.

Saturati sunt filii : * et dimiserunt reliquias suas parvulis suis.

Ego autem in justitia apparebo conspectui tuo : * satiabor cum apparuerit gloria tua.

Ant. Igne me examinasti, et non est inventa in me iniquitas.

Ant. Interrogatus * te Dominum confessus sum, assatus gratias ago.

Psalmus 20.

DOMINE in virtute tua laetabitur rex : * et super salutare tuum exsultabit vehementer.

Desiderium cordis ejus tribuisti ei : * et voluntate labiorum ejus non fraudasti eum.

Quoniam praevenisti eum in benedictionibus dulcedinis : * posuisti in capite ejus coronam de lapide pretioso.

Vitam petiit a te : * et tri-

buisti ei longitudinem dierum in saeculum, et in saeculum saeculi.

Magna est gloria ejus in salutari tuo : * gloriam et magnum decorem impones super eum.

Quoniam dabis eum in benedictionem in saeculum saeculi : * laetificabis eum in gaudio cum vultu tuo.

Quoniam rex sperat in Domino, * et in misericordia Altissimi non commovebitur.

Inveniatur manus tua omnibus inimicis tuis : * dextera tua inveniat omnes, qui te oderunt.

Pones eos ut clibanum ignis in tempore vultus tui : * Dominus in ira sua conturbabit eos, et devorabit eos ignis.

Fructum eorum de terra perdes : * et semen eorum a filiis hominum.

Quoniam declinaverunt in te mala : * cogitaverunt consilia, quae non potuerunt stabilire.

Quoniam pones eos dorsum : * in reliquiis tuis praeparabis vultum eorum.

Exaltare Domine in virtute tua : * cantabimus et psallamus virtutes tuas.

Ant. Interrogatus te Dominum confessus sum, assatus gratias ago.

V. Magna est gloria ejus in salutari tuo. **R.** Gloriam et magnum decorem impones super eum.

Lectio sancti Evangelii secundum Joannem.

Lectio vij. Cap. 12. d

IN illo tempore : Dixit Jesus discipulis suis : Amen, amen dico vobis, nisi granum frumenti cadens in terram mortuum fuerit; ipsum solum manet. Et reliqua.

Homilia sancti Augustini
Episcopi.

**Tract. 51. in Joann.,
sub med.**

IPSE Dominus Jesus erat granum mortificandum, et multiplicandum : mortificandum infidelitate Judaeorum, multiplicandum fide populorum. Jam vero exhortans ad passionis suae sectanda vestigia, Qui amat, inquit, animam suam, perdet eam. Quod duobus modis intelligi potest. Qui amat, perdet : id est, si amas, perdes. Si cupis vitam tenere in Christo, noli mortem timere pro Christo. Item alio modo : Qui amat animam suam, perdet eam : noli amare, ne perdas : noli amare in hac vita, ne perdas in aeterna vita.

R. In craticula te Deum non negavi, * Et ad ignem applicatus te Dominum Jesum Christum confessus sum. **V.** Probasti Domine cor meum, et visitasti nocte. Et.

Lectio viij.

Hoc autem, quod postea dixi, magis habere videtur evangelicus sensus. Sequitur enim : Et qui odit animam suam in hoc mundo,

in vitam aeternam custodit eam. Ergo, quod supra dictum est, qui amat, subintelligitur, in hoc mundo, ipse utique perdet : qui autem odit, utique in hoc mundo, in vitam aeternam ipse custodit eam. Magna et mirasententia, quemadmodum sit hominis in animam suam amor ut pereat, odium ne pereat. Si male amaveris, tunc odisti : si bene oderis, tunc amasti. Felices qui odierunt custodiendo, ne perdamt amando.

R. O Hippolyte, si crederis in Dominum Jesum Christum, * Et thesauros tibi ostendo, et vitam aeternam promitto. **V.** Beatus Laurentius Hippolyto dixit : Si credis in Dominum Jesum Christum. Et. Gloria. Et.

Lectio ix.

SED vide ne tibi subrepat, ut teipsum velis interimere, sic intelligendo quod debes odisse in hoc mundo animam tuam. Hinc enim quidam maligni atque perversi homines, et in seipsis crudeliiores et sceleratiores homicidæ flammis se donant, aquis se praefocant, praecipitio se collidunt, et pereunt. Hoc Christus non docuit : imo etiam diabolo praecipitium suggerenti respondit, Redi retro satanas : scriptum est, Non tentabis Dominum Deum tuum. Petro autem dixit, significans qua morte clarificaturus erat Deum :

Cum esses júnior, cingébas te, et ambulábas quo volébas : cum áutem senúeris, alter te cinget, et feret quo tu non vis. Ubi satis expréssit, non a seípso, sed ab álio debére occídi, qui vestigia séquitur Christi.

Te Deum laudámus. 16.

AD LAUDES

ET PER HORAS

Ant. 1. Lauréntius ingrédessus est * Martyr, et confésus est nomen Dómini Jesu Christi.

Ps. Dóminus regnávit. 16.

2. Lauréntius * bonum opus operátus est, qui per signum crucis cæcos illuminávit.

3. Adhæsit ánima mea * post te, quia caro mea igne cremáta est pro te Deus meus.

4. Misit Dóminus * Angelum suum, et liberávit me de médio ignis, et non sum æstuátus.

5. Beátus Lauréntius * orábat, dicens : Grátias tibi ago Dómine, quia jánuas tuas ingredi mérui.

Capitulum. II. Cor. 9. b

FRATRES : Qui parce séminat, parce et metet : et qui séminat in benedictiónibus, de benedictiónibus et metet.

Hymnus.

INVICTE Martyr, únicum Patris secútus Filium, Victis triúmphas hóstibus, Victor fruens cæléstibus.

Tui precátus múnere
Nostrum reátum dilue,

Arcens mali contágium,
Vitæ repéllens tædium.

Solúta sunt jam víncula
Tui sacráti córporis :
Nos solve vinclis sáeculi,
Dono supérni Núminis.

Deo Patri sit glória,
Ejúsque soli Filio,
Cum Spiritu Paráclito,
Nunc et per omne sáeculum.
Amen.

V. Dispérsit, dedit paupéribus. **R.** Justítia ejus manet in sáeculum sáeculi.

Ad Bened. Ant. In craticula * te Deum non negávi, et ad ignem applicátus te Christum conféssus sum : probásti cor meum, et visitásti nocte : igne me examinásti, et non est invénta in me iníquitas.

Oratio.

DA nobis, quæsumus omnípotens Deus : vitiórum nostrórum flammæ exstinguere ; qui beáto Lauréntio tribuísti tormentórum suórum incéndia superáre. Per Dóminum.

AD TERTIAM

Ant. Lauréntius.

Capit. Fratres : Qui parce.

R. br. Glória et honóre * Coronásti eum Dómine. Glória et. **V.** Et constituísti eum super ópera mánuum tuárum. Coronásti. Glória Patri. Glória et.

V. Posuísti Dómine super caput ejus. **R.** Coronam de lápide pretióso.

AD SEXTAM

Ant. Adhæsit ánima mea.

Capitulum. II. Cor. 9. b

UNUSQUISQUE prout destinávit in corde suo, non ex tristitia, aut ex necessitate : hilarem enim datórem diligit Deus.

R. br. Posuisti Dómine * Super caput ejus. Posuisti. **V.** Corónam de lápide pretioso. Super. Glória. Posuisti.

V. Magna est glória ejus in salutári tuo. **R.** Glóriam et magnum decórem impónes super eum.

AD NONAM

Ant. Beátus Lauréntius.

Capitulum. II. Cor. 9. c

POTENS est áutem Deus omnem grátiam abundáre fácere in vobis : ut in ómnibus semper omnem sufficiéntiam habéntes, abundétis in omne opus bonum, sicut scriptum est: Dispérsit, dedit paupéribus : justitia ejus manet in sáeculum sáeculi.

R. br. Magna est glória ejus * In salutári tuo. Magna. **V.** Glóriam et magnum decórem impónes super eum. In. Glória Patri. Magna.

V. Justus ut palma florébit. **R.** Sicut cedrus Líbani multiplicábitur.

IN II. VESPERIS

Ant. et Capit. de Laud.; **Pss. ut in I. Vesp. de Comm.** **Apost. 2*, et loco ult., Ps. Crédidi. 16*.**

Hymn. Deus tuórum. 557.

V. Levíta Lauréntius bonum opus operátus est. **R.** Qui per signum crucis cæcos illuminávit.

Ad Magnif. Ant. Beátus Lauréntius * dum in craticula superpósitus urerétur, ad impiissimum tyránnum dixit: Assátum est jam, versa, et mandúca : nam facultátes Ecclesiæ, quas requiris, in cælestes thesáuros manus páuperum deportavérunt.

Deinde fit Commem. SS. Tiburtii et Susannæ Mm.

Ant. Istórum est enim regnum cælórum, qui contempserunt vitam mundi, et pervénérunt ad præmia regni, et lavérunt stolas suas in ságuine Agni.

V. Lætámini in Dómino, et exsultáte justi. **R.** Et gloriámini omnes recti corde.

Oratio.

SANCTORUM Mártýrum tuórum Tibúrtii et Susánnæ nos, Dómine, foveant continuáta præsidia : quia non désinis propítius intuéri, quos talibus auxiliis concéseris adjuvári. Per Dñum.

DIE XI

**II. DIE INFRA OCTAVAM
SANCTI LAURENTII
IN I. NOCTURNO**

Lect. de Script. occur.

IN II. NOCTURNO
**Sermo sancti Augustini
Episcopi.**

Serm. 30. de Sanctis.

Lectio iv.

BEATÍSSIMI Lauréntii Mártýris, cujus natálem hódie celebrámus, passió nem nosse vos credo : et quanta in persecutióne pertúlerit,

dilectionem vestram scire posse non dubito. Tanta enim ejus martyrii gloria exstitit, ut passione sua mundum illuminaverit universum. Illuminavit mundum plane Laurentius eo lumine, quo ipse accensus est, et flammis quas ipse pertulit, omnium Christianorum corda calefecit.

℞. Quo prograderis. 560.

Lectio v.

QUIS nolit ad horam uri Laurentii igne, ut æternum gehennæ non patiatur incendium? Beati igitur Laurentii exemplo provocamur ad martyrium, et accendimur ad fidem, incallescimus ad devotionem: et si in nobis persecutoris flamma deest, fidei tamen flamma non deest. Non ardemus quidem corpore pro Christo, sed ardemus affectu: non subicit mihi persecutor ignem: sed subicit mihi desiderium Salvatoris. ℞. Noli me. 560.

Lectio vj.

ESSE autem Salvatoris ignem legimus in Evangelio, dicente eodem Domino: Nescitis quia veni ignem mittere in terram? Et quid volo, nisi ut accendantur? Quo igne succensi illi duo discipuli dixerunt: Nonne cor nostrum ardens erat in nobis, dum loqueretur in via, et aperiret nobis Scripturas? Hoc igitur igne beatus Laurentius accensus, flammarum non sentit in-

cendium: et dum Christi ardet desiderio, persecutoris poenam non sentit.

℞. Beatus. 561.

IN III. NOCTURNO

Lectio sancti Evangelii secundum Joannem.

Lectio vij. Cap. 12. d

IN illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit; ipsum solum manet. Et reliqua.

De Homilia sancti Augustini Episcopi.

Ex Tract. 51. in Joann., post supra.

CUM ergo causæ articulus venerit, ut hæc conditio proponatur, aut faciendum esse contra Dei præceptum, aut ex hac vita emigrandum; quorum duorum homo si cogatur alterum eligere, comminante mortem persecutore, ibi eligat Deo dilecto emori, quam offenso vivere. Ibi oderit in hoc mundo animam suam, ut in vitam æternam custodiat eam. Si quis mihi ministrat, me sequatur. Quid est, Me sequatur, nisi, Me imitetur? Christus enim pro nobis passus est, ait Apostolus Petrus, relinquens nobis exemplum, ut sequamur vestigia ejus.

℞. In craticula. 563.

Lectio viij.

ECCE quod dictum est: Si quis mihi ministrat, me sequatur. Quo fructu? qua mercede? quo præmio? Et

ubi sum, inquit, ego, illic et minister meus erit. Gratis amétur, ut óperis, quo ministrátur illi, prétium sit esse cum illo. Ubi enim bene erit sine illo, aut quando esse male póterit cum illo? Audi evidéntius : Si quis mihi ministráverit, honorificábit eum Pater meus. Quo honóre, nisi ut sit cum Filio ejus? Quod enim supérius ait : Ubi ego sum, illic et mínister meus erit : hoc intelligitur exposuisse, cum dicit : Honorificábit eum Pater meus. Nam quem majórem honórem accípere póterit adoptátus, quam ut sit ubi est únicus, non æquális factus divinitáti, sed conso-ciátus æternitáti?

℞. O Hippólyte. 563.

Pro SS. Martyribus Tiburtio et Susanna.

Lectio ix.

TIBÚRTIUS Chromátii præféc-ti Urbis filius, sancti Sebastíani ópera Christiá-nus, cum ob eam cáusam ad Fabiánum júdicem addúctus esset, múltaque apud illum de Christi fide prædicáret, excandéscens júdex paviméntum candéntibus carbónibus sterni jubet : Mox, Tibúrti, inquit, vel diis nostris sacrifices opórtet, vel per istos carbónes nudis pédibus tibi incedéndum est. At ille crucis signo se mú-niens, fidentérque ámbulans in pruna, Disce, inquit, ex hoc solum esse Deum, quem

Christiáni colunt : prunæ enim mihi flores vidéntur. Quod cum mágicis ártibus tribuerétur, extra Urbem ductus Tibúrtius, ac via Lavicána tértio ab Urbe lápide gládio percússus, ibi a Christiánis sepelitur. Quo die Susánna virgo nobilíssima, quod Galérii Maximíani, filii Diocletiáni imperatóris, conjúgium recusáret, ut quæ virginitátem Deo vóverat, post multa tormentórum génera, quibus várie tentátum est sanctum virginis propósi-tum, domi suæ jussu imperatóris gládio percússa, ad duplex virginitátis et martýrii præmíum migrávit in cælum.

Te Deum laudámus. 16.

In Laudibus fit Commem. SS. Mart.

Ant. Vestri capilli cápitis omnes numeráti sunt : nolite timére : multis passéribus melióres estis vos.

℣. Exsultábunt sancti in glória. ℞. Lætábuntur in cubilibus suis.

Orat. Sanctórum. 565.

Vesp. de seq., cum Commem. Oct. S. Laurentii.

DIE XII

SANCTÆ CLARÆ VIRG.

Duplex.

Omnia de Communi Virg.

95*, præter seq.

Oratio.

EXÁUDI nos Deus salutáris noster : ut, sicut de beátæ Claræ Virginis tuæ festivitáte gaudémus, ita piæ

devotiõnis erudiámur afféctu. Per Dóminum.

Et fit Commem. Oct. S. Laurentii. Ant. Beátus Laurentius. **V.** Levíta Lauréntius. **et Orat.** Da nobis. 565.

IN I. NOCTURNO

Lect. de Script. occur.

IN II. NOCTURNO

Lectio iv.

CLARA nóbilis virgo, Assisii nata in Umbria, sanctum Franciscum concívem suum imitáta, cuncta sua bona in eleemósynas et páuperum subsidia distribuit et convertit. De sáculi strépitu fúgiens, in campéstrem declinávit ecclésiám, ibique ab eódem beáto Francisco recepta tonsúra, consanguíneis ipsam reducere conántibus fórtiter réstitit. Et dénique ad ecclésiám sancti Damiáni fuit per eúmdem addúcta, ubi ei Dóminus plures sócias aggregávit, et sic ipsa sacrárum sorórum collégium instituit, quarum régimen, nimia sancti Francisci devicta importunitáte, recépit. Suum monastérium sollicite ac prudéter in timóre Dómini, ac plena órdis observántia, annis quadraginta duóbus mirabiliter gubernávit : ejus enim vita erat áliis eruditio et doctrína, unde cæteræ vivéndi régulam didicerunt.

R. Propter veritátem, et mansuetúdinem, et justitiam : * Et dedúcet te mirabiliter délixera tua. **V.** Spé-

cie tua et pulchritúdine tua inténde, prósperé procéde, et regna. Et.

Lectio v.

UT carne depréssa, spiritu convalesceret, nudam humum, et intérdum sarménta pro lecto habébat, et pro pulvinári sub cápite durum lignum. Una túnica cum mantélló de vili et hispido panno utebátur, áspero ciliicio nonnúnquam adhíbito juxta carnem. Tanta se frænábatur abstinéntia, ut longo témpore tribus in hebdómadá diébus nihil pénitus pro sui córporis aliménto gustáverit : réliquis áutem diébus tali se cibórum parvitáte restringens, ut áliæ, quómodo subsistere póterat, miraréntur. Binas quotánnis (ántequam ægrotáret) quadragésimas solo pane et aqua refécta jejunábat. Vigiliis insuper et oratióibus assidue dédita, in his præcipue dies noctésque expendébat. Diútinis perpléxa languóribus, cum ad exercítium corporále non posset súrgere per se ipsam, sorórum suffrágio levabátur, et fulciméntis ad tergum appóstitis, laborábat própriis mánibus, ne in suis étiam esset infirmitátibus otíosa. Amátrix præcipua paupertátis, ab ea pro nulla umquam necessitáte discéssit, et possessiões pro sorórum sustentatióne a Gregório nono oblátas constántissime recusávit.

R. Dilexisti justitiam, et odisti iniquitatem : * Propterea unxit te Deus, Deus tuus oleo lætitiæ. **V.** Propter veritatem, et mansuetudinem, et justitiam. Propterea.

Lectio vj.

MULTIS et váriis miráculis virtus suæ sanctitátis effúlsit. Cuidam de soróribus sui monastérii loquélam restituit expeditam : áleri áurem surdam apérui : laborántem febre, tuméntem hydrópsi, plagátam fistula, aliásque áliis opprèssas languóribus liberávit. Fratrem de órdine Minórum ab insániæ passióne sanávit. Cum óleum in monastério totáliter defecisset, Clara accépit úrceum, atque lavit, et invéntus est óleo, beneficio divínæ largitátis, implétus. Unius panis medietátem ádeo multiplicávit, ut soróribus quinquaginta suffécerit. Saracénis Assisium obsidéntibus, et Claræ monastérium invádere conántibus, ægra se ad portam afférri vóluit, unáque vas, in quo sanctissimum Eucharistiæ sacraméntum erat inclúsum, ibique orávit : Ne tradas Dómine béstiis ánimas confiténtes tibi, et custódi fámulas tuas, quas pretiósó sáanguine redemisti. In cujus oratióne ea vox audita est : Ego vos semper custódiám. Saracéni áutem partim se fugæ mandárun, partim qui murum

ascénderant, capti óculis, præcípites cecidérunt. Ipsa dénique Virgo, cum in extrémis ágeret, a cándido beatárum Virginum cœtu (inter quas una eminéntior ac fulgídior apparébat) visitáta, ac sacra Eucharistia sumpta, et peccatórum indulgéntia ab Innocéntio quarto ditáta, pridie Idus Augústi ánimam Deo réddidit. Post óbitum vero quam plúrimis miráculis respléndentem Alexánder quartus inter sanctas Virgines rétulit.

R. Afferéntur Regi. 104*.

IN III. NOCTURNO

Homil. in Evang. Simile erit. **de eodem Comm.** 1º loco. 106*.

In Laudibus fit Commem. Oct. S. Laurentii.

Ant. In craticula te Deum non negávi, et ad ignem applicátus te Christum confessus sum : probásti cor meum, et visitásti nocte, igne me examinásti, et non est inventa in me iniquitas.

V. Dispérsit, dedit pauperibus. **R.** Justitia ejus manet in sáeculum sáeculi.

Oratio.

DA nobis, quæsumus omnipotens Deus : vitiórum nostrórum flammæ exstinguere ; qui beáto Lauréntio tribuísti tormentórum suórum incéndia superáre. Per Dóminum.

In II. Ves. fit Commem. Octavæ sancti Laurentii.

Ant. Beátus Lauréntius

dum in craticula superpóstitus urerétur, ad impiíssimum tyránnum dixit : Assátum est jam, versa, et mandúca : nam facultátes Ecclésiæ, quas requiris, in cæléstes thesáuros manus páuperum deportavérunt.

Ÿ. Levita Lauréntius bonum opus operátus est. *R.* Qui persignum crucis cæcos illuminávit.

Orat. Da nobis. *ut supra.*

Deinde SS. Hippolyti et Cassiani Mart.

Ant. Istórum est enim regnum cælórum, qui contempserunt vitam mundi, et pervenérunt ad præmia regni, et lavérunt stolas suas in ságuine Agni.

Ÿ. Lætámini in Dómino, et exsultáte justi. *R.* Et gloriámini omnes recti corde.

Oratio.

DA, quæsumus omnipotens Deus : ut beatórum Mártyrum tuórum Hippólyti et Cassiáni veneránda solémnitas, et devotióem nobis áugeat et salútem. Per Dñm.

DIE XIII

QUARTA DIE INFRA OCTAVAM

SANCTI LAURENTII

IN I. NOCTURNO

Lect. de Script. occur.

IN II. NOCTURNO

Ex libro Officiórum sancti Ambrósii Episcopi.

Lib. 1. cap. 41., in medio.

Lectio iv.

NON prætereámus sanctum Lauréntium, qui cum

vidéret Xystum episcopum suum ad martyrium duci, flere cœpit non passionem illius, sed suam remansiónem. Itaque his verbis appelláre cœpit : Quo progréderis sine filio pater? quo sacérdos sancte sine diácono próperas? Numquam sacrificium sine ministro offérre consuéveras. Quid in me ergo displicuit pater? Num degénerem me probásti? Experire certe utrum idóneum ministrum elégeris. Cui commisisti Dominici sánguinis dispensatióem, cui consummandórum consórtium sacramentórum, huic consórtium tui ságuinis negas?

R. Quo progréderis. 560.

Lectio v.

Lib. 2. cap. 28., post med.

A quo cum quæreréntur thesáuri Ecclésiæ, promisit se demonstráturum. Sequénti die páuperes duxit. Interrogátus ubi essent thesáuri quos promiserat, osténdit páuperes, dicens : Hi sunt thesáuri Ecclésiæ. Et vere thesáuri, in quibus Christus est, in quibus Christi fides est. Dénique Apóstolus ait : Habémus thesáurum in vasis fictilibus. Quos meliôres thesáuros habet Christus, quam eos in quibus se esse dixit? Sic enim scriptum est : Esurivi, et dedistis mihi manducáre : sitiivi, et dedistis mihi bibere : hospes eram, et collegistis me. Et infra : Quod

enim uni horum fecistis, mihi fecistis. Hos thesauros demonstravit Laurentius, et vicit, quod eos nec persecutor potuit auferre.

℞. Noli me. 560.

Lectio vj.

NUMQUID dictum est sancto Laurentio: Non debuisti erogare thesauros Ecclesiæ, vasa sacramentorum vendere? Opus est, ut quis fide sincera et perspicaci providentia munus hoc impleat. Sane si in sua quis derivat emolumenta, crimen est: sin vero pauperibus erogat, captivum redimit, misericordia est. Nemo enim potest dicere: Cur pauper vivit? Nemo potest queri, quia captivi redempti sunt. Nemo potest accusare, quia templum Dei ædificatum est. Nemo potest indignari, quia humanis fidelium reliquiis spatia laxata sunt: nemo potest dolere, quia in sepulchris Christianorum requies defunctorum est. In his tribus generibus vasa Ecclesiæ etiam initiata confringere, conflare, vendere licet.

℞. Beatus. 561.

IN III. NOCTURNO

Lectio sancti Evangelii secundum Joannem.

Lectio vij. Cap. 12. d

IN illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit, ipsum solum manet. Et reliqua.

De Homilia sancti Augustini
Episcopi.

*Ex Tract. 51. in Joannem,
prope finem.*

MINISTER est Christi usque ad illud opus magnæ caritatis, quod est animam suam pro fratribus ponere: hoc est enim et pro Christo ponere, quia et hoc propter sua membra dicturus est: Cum pro istis fecistis, pro me fecistis. De tali quippe opere etiam se ministrum facere et appellare dignatus est, ubi ait: Sicut Filius hominis non venit ministrari, sed ministrare, et animam suam ponere pro multis. Hinc est ergo unusquisque minister Christi, unde est minister et Christus. Sic ministrantem Christo honorificabit Pater ejus honore illo magno, ut sit cum Filio ejus, nec umquam deficiat felicitas ejus.

℞. In craticula. 563.

Lectio viij.

CUM ergo auditis, fratres, Dominum dicentem: Ubi ego sum, illic et minister meus erit, nolite tantummodo bonos episcopos et clericos cogitare: etiam vos promodulo vestro ministrante Christo, bene vivendo elemosynas faciendo, nomen doctrinamque ejus quibus potueritis, predicando: ut unusquisque etiam paterfamilias hoc nomine agnoscat paternum affectum suæ familiæ se debere. Pro Chri-

sto, et pro vita ætérna suos omnes admóneat, dóceat, hortétur, corripiat, impéndat benevoléntiam, exérceat disciplinam : ita in domo sua ecclesiásticum, et quodámmodo episcopále implébit officium, ministrans Christo, ut in ætérnum sit cum ipso.

R. O Hippólyte, si crederis. 563.

Pro SS. Martyribus Hippolyto et Cassiano.

Lectio ix.

HIPPÓLYTUS a sancto Laurentio baptizátus, domi suæ, dum Eucharistiam súmeret, comprehénsus, et ad Valeriánum imperatórem addúctus, ab eo de suæ religionis professione interrogátus, libere se Christiánum proféssus est. Quamóbrein fústibus cæditur : quibus in verbéribus cum ejus fides constantior invenirétur, muneribus et honórum promissis tentátur. Quæ cum ómnia frustra diceréntur, præfécio occidéndus tráditur. Qui domum Hippólyti véniens, ut ejus facultátes publicáret, totam familiam christiánam esse cognóscit : atque iis a christiána fide frustra deterritis, primum plumbátis cæsa Concórdia, Hippólyti nutrice, quæ cæteros confirmábat, réliquos extra portam Tiburtinam occidi jubet. Hippólytus, indómitis equis raptátus per loca tríbulis et cárduis cónsita, laceráto

córpore spíritum Deo réddidit, unáque cum réliquis a Justino presbýtero ad agrum Veránum sepúltus est. Eadem die, ad Forum Syllæ, crudelissimo supplicio afféctus est Cassiánus Martyr : qui, vinctis post terga manibus, puerórum, quos erudiébat, férreis stylis configéndus excarnificandúsque tráditur. Quorum quanto erat infirmior vis, tanto ejus pœna martýrii grávior ac diutúrnior, pálmæque illústrior.

Te Deum laudámus. 16.

In Laud. fit Commem. SS. Mart.

Ant. Vestri capilli cápitis omnes numeráti sunt : nolite timére : multis passéribus meliôres estis vos.

V. Exsultábunt sancti in glória. **R.** Lætabúntur in cubilibus suis.

Orat. Da, quæsumus. 570.

In II. Vesperis fit Commem. sancti Eusebii Confessoris.

Ant. Similábo eum viro sapiénti, qui ædificávit domum suam supra petram.

V. Amávit eum Dóminus, et ornávit eum. **R.** Stulam glóriæ induit eum.

Oratio.

DEUS, qui nos beáti Eusebii Confessoris tui ánnua solemnitate lætificas : concéde propítius ; ut cujus natalítia cólimus, per ejus ad te exémpa gradiámur. Per Dóminum.

DIE XIV

QUINTA DIE INFRA OCTAVAM

SANCTI LAURENTII

IN I. NOCTURNO

Lect. de Script. occur.

IN II. NOCTURNO

Sermo sancti Máximi

Episcopi.

Homilia 1. de S. Laurentio.

Lectio iv.

SANCTUM est, fratres, ac Deo plácitum, ut natálem beáti Lauréntii præcipua devotióne venerémur : cujus radiántibus flammis victrix in hunc quoque diem toto orbe Christi corúscat Ecclésia. Qui cum in sede gloriosissimi Patriárchæ diaconátus fungerétur officio, puritáte innocéntis vitæ, fortissimæque mortis triúmpho, apostólico se consórtio copulávit. Nec immérito eum Apostolorum súpparem prædicámus, cui et cástitas ánimí levíticum ministérium dedit, et plenitúdo fidei mártýrii cóntulit dignitátem.

℞. Quo progréderis. 560.

Lectio v.

QUEM venerábilis Xystus, Románæ urbis antistes, cum impietátem sæviéntis mundi per torménta superáret, et regnis esset cælestibus jam vicinus, viderétque eum patérna de morte tristissimum, ita illum spiritu præsciéntiæ compellásse narrátur : Noli fili mœstus esse : post trídium me sequéris. Unde appáret, caris-

simi, beátum Lauréntium non de sacerdotis sui victória habuisse tristitiam, sed doluisse, quia non étiam ipse mundum cum suo páriter sacerdote vincébat. Noli, inquit, fili mœstus esse : post trídium me sequéris. Hoc est, Noli tristis esse, velut apud sæculum derelíctus : nam nec te fides vitæque tua tali morte privábit.

℞. Noli me derelinquere. 560.

Lectio vj.

ERGO ut cómperit ore sacerdotis et mártýris, se quoque omnimodis assuméndum, congregátis inopum turbis, ecclesiásticum censum religiósam liberalitáte divisit. Quam profúndum spiritalis viri, et quam cæléste consilium, ut et egénis consúleret, et multitudinem consumente quæ déderat, inveniri non posset, quod ráperet persecútor : illam nimirum secútus senténtiam : Dispérsit, dedit paupéribus ; justítia ejus manet in ætérnum.

℞. Beátus Lauréntius. 560.

IN III. NOCTURNO

Léctio sancti Evangélíi secúndum Joánnem.

Lectio vij. Cap. 12. d

IN illo témpore : Dixit Jesus discipulis suis : Amen, amen dico vobis, nisi granum fruménti cadens in terram, mórtuum fúerit, ipsum solum manet. Et réliqua.

Homilia sancti Joannis
Chrysostomi.

Homilia 65. in Joannem,
post med.

TALEM, de resurrectione disputans, rationem Paulus etiam attulit. Quam igitur habebunt excusationem qui resurrectionem non credunt, cum in seminibus et in plantis quotidie hoc videamus, ac etiam in nostro genere? Primum enim corrumpi semen oportet, inde fieri generationem. Omnino autem, cum Deus aliquid facit, nulla opus est ratio. Quomodo nos ex nihilo fecit? Hoc ad Christianos dico, qui se dicunt credere Scripturis.

℞. In craticula. 563.

Lectio viij.

Ego autem et aliud dicam ex humanis rationibus. Alii malitiam, alii virtutem sectantur : sed malitiae sectatorum multi feliciter in ultimam pervenerunt senectutem, virtutis autem contra. Quomodo ergo pro meritis unusquisque accipiet? quando? Certe, inquit; sed corpora non resurgent. Nonne audiunt Paulum dicentem : Oportet autem corruptibile hoc induere incorruptionem? Neque animam intelligit, quippe quae non corrumpitur : et resurrectio de mortuo dicitur : Cecidit autem corpus.

℞. O Hippolyte si crederis. 563.

Pro Vigilia Assumptionis.
Bened. Per Evangelica dicta.

Lectio sancti Evangelii secundum Lucam.

Lectio ix. Cap. 11. d

IN illo tempore : Loquente Jesu ad turbas, extollens vocem quaedam mulier de turba, dixit illi : Beatus venter, qui te portavit. Et reliqua.

Homilia sancti Augustini
Episcopi.

Tract. 10. in Joann.,
post init.

BEATA Virgo Maria, quia fecit voluntatem Patris. Hoc in ea magnificavit Dominus, quia fecit voluntatem Patris, non quia caro genuit carnem. Intendat caritas vestra. Propterea cum Dominus in turba admirabilis videretur, faciens signa et prodigia, et ostendens quid lateret in carne, admiratae quaedam animae dixerunt : Felix venter, qui te portavit. Et ille : Imo felices, qui audiunt verbum Dei, et custodiunt illud. Hoc est dicere : Et mater mea, quam appellatis felicem, inde felix, quia verbum Dei custodit : non quia in illa Verbum caro factum est, et habitavit in nobis : sed quia custodit ipsum Verbum Dei, per quod facta est, et quod in illa caro factum est.

Te Deum laudamus. 16.

In Laudibus sit Commemoratio Vigiliae. Ant. et y.

de Feria occurrente, ut in Psalterio.

Oratio.

DEUS, qui virginálem áulam beátæ Mariæ, in qua habitáres, eligere dignátus es : da, quæsumus ; ut sua nos defensióne munitos, jucúndos fácias suæ interésse festivitáti.

Deinde fit Commem. S. Eusebii.

Ant. Euge serve bone et fidélis : quia in páuca fuisti

fidélis, supra multa te constitúam : intra in gáudium Dómini tui.

Y. Justum dedúxit Dóminus per vias rectas. **R.** Et osténdit illi regnum Dei.

Oratio.

DEUS, qui nos beáti Eusebii Confessóris tui ánnua solemnitáte lætíficas : concéde propítius ; ut cujus natalítia cólimus, per ejus ad te exémpla gradiámur. Per Dóminum nostrum.





DIE XV

IN ASSUMPTIONE B. M. VIRGINIS

Duplex 1. classis.

IN I. VESPERIS

Ant. de Laud. 580; Pss. ut in Festis B. M. V. per annum. 145*.

Capitulum. Eccli. 24. b

IN ómnibus réquiem quæsivi, et in hereditáte Dómini morábor. Tunc præcépit, et dixit mihi Créator ómnium : et qui creávit me, requiévít in tabernáculo meo.

Hymnus Ave maris stella. 147*.

V. Exaltáta est sancta Dei Génitrix. R. Super choros Angelórum ad cæléstia regna.

Ad Magnif. Ant. Virgo prudentissima, quo progréderis, quasi auróra valde rútilans? Filia Sion tota formósa et suávis es, pulchra ut luna, elócta ut sol.

Oratio.

FAMULÓRUM tuórum, quæsumus Dómine, delictis ignósce : ut qui tibi placere de áctibus nostris non valémus, Genitricis Filii tui Dómini nostri intercessióne salvémur : Qui tecum vivit et regnat.

Et non fit Commem. Oct. S. Laurentii in utrisque Vesp., nec in Laud.

Ad Complet. et per Horas diei in fine Hymnorum per totam Oct. dicitur :

Jesu tibi sit glória,
Qui natus es de Virgine.

AD MATUTINUM

Invit. Veníte, adorémus Regem regum, * Cujus hódie ad æthéreum Virgo mater assúpta est cælum.

Ps. Veníte, exsultémus. 2.

Hymnus. Quem terra, pontus. 147*.

IN I. NOCTURNO

Ant. Exaltáta est * sancta Dei Génitrix super choros Angelórum ad cæléstia regna.

Pss. ut in Festis B. M. V. 148*.

Ant. Paradisi portæ * per te nobis apértæ sunt, quæ hódie gloriósa cum Angelis triúmphas.

Ant. Benedicta tu * in muliéribus, et benedictus fructus ventris tui.

V. Exaltáta est sancta Dei Génitrix. R. Super choros Angelórum ad cæléstia regna.

Incipiunt Cántica
canticórum.

Lectio j. Cap. 1.

OSCULÉTUR me ósculo oris
sui, quia melióra sunt
úbera tua vino, fragrántia
unguéntis óptimis. Oleum
effúsum nomen tuum : ideo
adolescéntulæ dilexérunt te.
Trahe me : post te currémus
in odórem unguentórum tuórum.
Introdúxit me rex in
cellária sua : exultábimus
et lætábimur in te, mémores
úberum tuórum super vi-
num : recti diligunt te. Nigra
sum, sed formósa, filiæ Jerú-
salem, sicut tabernácula Ce-
dar, sicut pelles Salomónis.

R. Vidi speciósam sicut
colúmbam, ascendéntem dé-
super rivos aquárum : cujus
inæstimábilis odor erat nimis
in vestiméntis ejus : * Et sic-
ut dies verni circúmdabant
eam flores rosárum et lília
convállium. **V.** Quæ est ista
quæ ascéndit per désertum
sicut vírgula fumi, ex aro-
mátibus myrrhæ et thuris?
Et.

Lectio ij.

NOLÍTE me consideráre
quod fusca sim, quia de-
colorávit me sol : filii matris
meæ pugnávérunt contra me,
posuérunt me custódem in
vineis : vineam meam non
custodívi. Indica mihi quem
diligít ánima mea, ubi pa-
scas, ubi cubes in meridie,
ne vagári incípiam post gre-
ges sodálium tuórum. Si
ignóras te, o pulchérissima

inter mulieres, egrédere, et
abi post vestigia gregum, et
pasce hœdos tuos juxta ta-
bernácula pastórum. Equitá-
tui meo in cúrribus Pharaó-
nis assimilávi te amica mea.
Pulchræ sunt genæ tuæ sic-
ut túrturis : collum tuum sic-
ut monília.

R. Sicut cedrus exaltáta
sum in Libano, et sicut cy-
préssus in monte Sion : quasi
myrrha elécta, * Dedi sua-
vitátem odóris. **V.** Et sicut
cinnamómum et bálsamum
aromatizans. Dedi.

Lectio iij.

MURÉNULAS áureas faci-
mus tibi, vermiculátas
argénto. Dum esset rex in
accúbitu suo, nardus mea
dedit odórem suum. Fasci-
culus myrrhæ diléctus meus
mihi, inter úbera mea com-
morábitur. Botrus Cypri di-
léctus meus mihi, in vineis
Engáddi. Ecce tu pulchra es
amica mea, ecce tu pulchra
es, óculi tui columbárum.
Ecce tu pulcher es dilécte
mi, et decórus. Léctulus
noster flóridus : tigna domó-
rum nostrárum cédrina, la-
queária nostra cypréssina.

R. Quæ est ista quæ pro-
cæssit sicut sol, et formósa
tamquam Jerúsalem? * Vidé-
runt eam filiæ Sion, et beá-
tam dixérunt, et reginæ lau-
dávérunt eam. **V.** Et sicut dies
verní circúmdabant eam flo-
res rosárum et lília convál-
lium. Vidérunt. Glória Patri.
Vidérunt.

IN II. NOCTURNO

Ant. Spécie tua * et pulchritudine tua inténde, prospere procéde, et regna.

Pss. ut in Festis B. M. V. 150*.

Ant. Adjuvabit eam * Deus vultu suo : Deus in médio ejus, non commovébitur.

Ant. Sicut lætántium * ómnium nostrum habitatio est in te, sancta Dei Génitrix.

Ÿ. Assúpta est María in cælum : gáudent Angeli. **R.** Laudántes benedicunt Dóminum.

Sermo sancti Joánnis
Damascéni.

Orat. 2. de Dormit. B. M. V.
post initium.

Lectio iv.

HÓDIE sacra et animáta Arca Dei vivéntis, quæ suum in útero concépit Creatórem, requiéscit in templo Dómini, quod nullis est exstrúctum mánibus : et David exsúltat ejus parens, et cum eo choros ducunt Angeli, célebrant Archángeli, Virtútes glorificant, Principátus exsúltant, Potestátes collætantur, gáudent Dominatiónes, Throni festum diem agunt, láudant Chérubim, glóriam ejus prædicant Séraphim. Hódie Eden novi Adam paradisum súscipit animátum, in quo solúta est condemnatio, in quo plantátum est lignum vitæ, in quo opérta fuit nostra núditas.

R. Ornátam monilibus filiam Jerúsalem Dóminus

concupívit : * Et vidéntes eam filiæ Sion, beatissimam prædicavérunt, dicéntes : Unguéntum effúsum nomen tuum. **Ÿ.** Adstitit regina a dextris tuis in vestitu deauráto, circúmdata varietáte. Et.

Lectio v.

HÓDIE Virgo immaculáta, quæ nullis terrénis inquináta est afféctibus, sed cæléstibus educáta cogitatióibus, non in terram reversa est; sed, cum esset animátum cælum, in cæléstibus tabernáculis collocátur. Ex qua enim ómnibus vera vita manávit, quómodo illa mortem gustáret? Sed cedit legi latæ ab eo quem genuit; et ut filia véteris Adam, véterem senténtiam súbiit : (nam et ejus Filius, qui est vita ipsa, eam non recusávit) ut áutem Dei vivéntis Mater, ad illum ipsum digne assúmitur.

R. Beátam me dicent omnes generatiónes : * Quia fecit mihi Dóminus magna, qui potens est, et sanctum nomen ejus. **Ÿ.** Et misericórdia ejus a progénie in progénies timéntibus eum. Quia.

Lectio vj.

HEVA, quæ serpéntis suggestiáni assénsus præbuit, partus dolóre, et mortis senténtia damnátur, et in inferórum collocátur penetrálibus. Hanc áutem vere beátam, quæ Dei verbo áu-

res præstitit, et Spiritus sancti operatióne repléta est, atque ad Archángeli spirítalem salutatiónem, sine voluptáte et virili consórtio, Dei Filium concépit, et sine dolóre áliquo péperit, ac totam se Deo consecrávit, quonam modo mors devoráret? quómodo inferi suscéperent? quómodo corrúptio inváderet corpus illud, in quo vita suscépta est? Huic recta, plana, et fácilis ad cælum paráta est via. Si enim, Ubi ego sum, illic et mínister meus erit, inquit vita et véritas Christus; quómodo non pótius mater cum ipso erit?

R. Beáta es Virgo María, quæ Dóminum portásti Creatórem mundi : * Genuisti qui te fecit, et in ætérnum pórmanes Virgo. **V.** Ave María, grátia plena : Dóminus tecum. Genuisti. Glória Patri. Genuisti.

IN III. NOCTURNO

Ant. Gáude María Virgo, * cunctas hæreses sola interemisti in univérso mundo.

Pss. ut in Festis B. M. V. 154*.

Ant. Dignáre me * laudáre te Virgo sacráta : da mihi virtútem contra hostes tuos.

Ant. Post partum * Virgo invioláta permansisti, Dei Génitrix intercède pro nobis.

V. María Virgo assúmpta est ad æthéreum thálamum.

R. In quo Rex regum stelláto sedet sólio.

Léctio sancti Evangélíi secúndum Lucam.

Lectio vij. Cap. 10. g

IN illo témpore : Intrávit Jesus in quoddam castélum : et múlter quædam Martha nómine, excépit illum in domum suam. Et réliqua.

Homilía sancti Augustíni
Episcopi.

Serm. 27. de verb. Dom. t. 10.

SANCTUM Evangélium cum legerétur, audívimus a fémina religiósá suscéptum esse Dóminum hospítio, éaque Martha vocabátur. Et cum esset ipsa occupáta in cura ministrándi, soror ejus María sedébat ad pedes Dómini, et audiébat verbum ejus. Laborábat illa, vacábat ista. Illa erogábat, hæc implebátur. Verúmtamen Martha labórans multum in illa occupatióne et negótio ministrándi, interpellávit Dóminum : et de soróre sua conquésta est, quod eam laborántem non adjuváret.

R. Diffúsa est grátia in lábiis tuis : * Proptérea benedixit te Deus in ætérnum. **V.** Myrrha, et gutta, et cásia a vestiméntis tuis, a dómibus ebúrneis, ex quibus delectavérunt te filiæ regum in honóre tuo. Proptérea.

Bened. Cujus festum cólimus, ipsa Virgo virginum.

Lectio viij.

DÓMINUS áutem pro María respóndit Marthæ : et ipse ejus factus est advocá-

tus, qui iudex fuerat interpellatus. Martha, inquit, circa multa es occupata, quando unum est necessarium. Maria meliorem partem elegit, quæ non auferetur ab ea. Audimus enim et interpellationem interpellantis, et sententiam iudicis. Quæ sententia interpellanti respondit, susceptam defendit. Erat enim Maria intenta dulcedini verbi Domini. Intenta erat Martha quomodo pasceret Dominum : intenta Maria quomodo pascereetur a Domino. A Martha convivium Domino parabatur, in cujus convivio Maria jam jucundabatur.

℟. Beata es Virgo Maria, Dei Genitrix, quæ credidisti Domino : perfecta sunt in te quæ dicta sunt tibi : ecce exaltata es super choros Angelorum : * Intercède pro nobis ad Dominum Deum nostrum. V. Ave Maria, gratia plena, Dominus tecum. Intercède. Glória Patri. Intercède.

Lectio ix.

CUM ergo Maria suaviter audiret verbum dulcissimum, et corde intentissimo pascereetur, interpellato Domino a sorore sua, quomodo putamus eam timuisse, ne diceret ei Dominus : Surge, et adjuva sororem tuam? Mira enim suavitate tenebatur : quæ profecto major est mentis quam ventris. Excusata est, sedit securior.

Quomodo autem excusata? Attendamus, inspiciamus, perscrutemur quod possumus, ut pascamur et nos.

Te Deum laudamus. 16.

AD LAUDES

ET PER HORAS

Ant. 1. Assumpta est * Maria in cælum : gaudent Angeli, laudantes benedicunt Dominum.

Ps. Dominus regnavit. cum reliq. 16.

2. Maria Virgo * assumpta est ad æthereum thalamum, in quo Rex regum stellato sedet solio.

3. In odorem * unguentorum tuorum currimus : adolescentulæ dilexerunt te nimis.

4. Benedicta filia * tu a Domino : quia per te fructum vitæ communicavimus.

5. Pulchra es * et decora filia Jerúsalem, terribilis ut castrorum acies ordinata.

Capitulum. Eccli. 24. b

IN omnibus requiem quæsiavi, et in hereditate Domini morabor. Tunc præcepit, et dixit mihi Creator omnium : et qui creavit me, requievit in tabernaculo meo.

Hymnus. O gloriósa virginum. 157*.

V. Exaltata est sancta Dei Genitrix. ℟. Super choros Angelorum ad cælestia regna.

Ad Bened. Ant. Quæ est ista, * quæ ascendit sicut auróra consurgens, pulchra

ut luna, electa ut sol, terribilis ut castrorum acies ordinata?

Oratio.

FAMULORUM tuorum, quaesumus Domine, delictis ignosce: ut qui tibi placere de actibus nostris non valemus; Genitricis Filii tui Domini nostri intercessionem saluemur: Qui tecum.

AD PRIMAM

In R. br. V. Qui natus es de Maria Virgo.

AD TERTIAM

Ant. Maria Virgo.

Capitulum. In omnibus requiem. **supra.**

R. br. Exaltata est* Sancta Dei Genitrix. Exaltata. **V.** Super choros Angelorum ad caelestia regna. Sancta. Gloria Patri. Exaltata.

V. Assumpta est Maria in caelum, gaudent Angeli. **R.** Laudantes benedicunt Dominum.

AD SEXTAM

Ant. In odorem.

Capitulum. Eccli. 24. b

ET sic in Sion firmata sum, et in civitate sanctificata similiter requievi, et in Jerusalem potestas mea. Et radicavi in populo honorificato, et in parte Dei mei hereditas illius, et in plenitudine sanctorum detentio mea.

R. br. Assumpta est Maria in caelum, *Gaudent Angeli. Assumpta. **V.** Laudantes benedicunt Dominum. Gaudent. Gloria Patri. Assumpta.

V. Maria Virgo assumpta est ad aethereum thalamum.

R. In quo Rex regum stellato sedet solio.

AD NONAM

Ant. Pulchra es.

Capitulum. Eccli. 24. b

IN plateis sicut cinnamomum et balsamum aromatizans odorem dedi: quasi myrrha electa, dedi suavitatem odoris.

R. br. Maria Virgo assumpta est* Ad aethereum thalamum. Maria. **V.** In quo Rex regum stellato sedet solio. Ad. Gloria Patri. Maria.

V. Dignare me laudare te, Virgo sacrata. **R.** Da mihi virtutem contra hostes tuos.

IN II. VESPERIS

Ant. et Capit. de Laud. 580; **Pss. et Hymnus ut in I. Vesp. Fest. B. M. V.** 145*.

V. Exaltata est sancta Dei Genitrix. **R.** Super choros Angelorum ad caelestia regna.

Ad Magnif. Ant. Hodie Maria Virgo *caelos ascendit: gaudete, quia cum Christo regnat in aeternum.

Deinde fit Commem. seq.

DOM. INFRA OCT. ASSUMPT.

B. M. V.

S. JOACHIM CONF.

PATRIS B. M. V.

Duplex 2. classis.

Omnia de Comm. Conf. non Pont. 76*, praeter seq. (m. l. v.)

V. Potens in terra erit

semen ejus. *R.* Generatio rectorum benedicetur.

Ad Magnif. Ant. Laudemus virum gloriosum in generatione sua, quia benedictionem omnium gentium dedit illi Dominus : et testamentum suum confirmavit super caput ejus.

Oratio.

DEUS, qui prae omnibus Sanctis tuis beatum Joachim Genitricis Filii tui patrem esse voluisti : concede, quaesumus; ut cujus festa veneramur, ejus quoque perpetuo patrocinia sentiamus. Per eundem Dominum nostrum.

Et fit Commem. Dominicæ occur. tantum.

IN I. NOCTURNO

Lect. Beatus vir. *de eodem Comm. 2º loco. 88*.*

IN II. NOCTURNO

Sermo sancti Epiphánii Episcopi.

Orat. de Laudibus Virginis. sub initium.

Lectio iv.

DE radice Jesse ortus est rex David, et de tribu regis David sancta Virgo : sancta, inquam, et sanctorum virorum filia, cujus parentes fuerunt Joachim et Anna : qui quidem in vita sua Deo placuerunt, atque etiam fructum ejusmodi genuerunt, sanctam Virginem Mariam, templum simul, et matrem Dei. Joachim

porro, Anna et Maria, hi tres Trinitati palam sacrificium laudis offerébant. Joachim enim interpretatur Præparatio Domini, eo quod ex illo præparatum sit templum Domini, nempe Virgo. Anna rursus similiter Grátia interpretatur, propterea quod Joachim et Anna gratiam acceperunt, ut accedéntibus precibus, talem fructum germinarent, sanctam Virginem adepti : Joachim siquidem precabatur in monte, et Anna in horto suo.

R. Honestum fecit illum Dominus, et custodivit eum ab inimicis, et a seductoribus tutavit illum : * Et dedit illi claritatem æternam. *V.* Justum deduxit Dominus per vias rectas, et ostendit illi regnum Dei. Et dedit.

Sermo sancti Joánnis Damascéni.

Orat. 1. de Virg. Mariæ Nativ. circa principium.

Lectio v.

QUONIAM futurum erat, ut Dei Génitrix et Virgo ex Anna orirétur, natura grátiae foetum antevertere minime ausa est : verum tantisper expectavit, dum grátia fructum suum produxisset. Si quidem oportébat eam primogénitam in lucem edi, quæ rerum omnium conditárum primogénitum, in quo omnia coagmentata sunt, paritura erat. O par beatum Joachim et Anna! Vobis omnis creatúra obstricta est.

Per vos enim donum, ómnium donórum præstantissimum, Creatóri obtulit, nempe castam matrem, quæ sola Creatóre digna erat.

¶. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum.

¶. Induit eum Dóminus lorícam fidei, et ornávit eum. Et ad portas.

Lectio vj.

EXSÚLTA Jóachim, quóniam ex filia tua Fílius natus est nobis : et vocátur nomen ejus magni consilii, hoc est, salútis totius mundi Angelus. Pudóre afficiátur Nestórius, ac manum ori impónat. Puer hic Deus est. Quonam ígitur modo ea Dei Génitrix non sit, quæ péperit? Si quis sanctam Dei Genitricem non confitétur, a Deitate remótus est. Mea non est hæc orátio, quamquam alióqui mea : hanc enim divínissimam hereditatem a theólogo patre Gregório accépi. O beátum par Jóachim et Anna ! ac profecto ex ventris vestri fructu immaculáti agnoscimini, quemádmódum Christus quodam loco dixit : Ex fructibus eórum cognoscétis eos. Ut Deo gratum erat ac dignum ea quæ a vobis orta est, vitæ vestræ ratiónes instituistis. Caste enim ac sancte múnere vestro functi, virginitátis thesáurum produxistis.

¶. Iste homo. 83*.

IN III. NOCTURNO

Léctio sancti Evangélíi secundum Matthæum.

Lectio vij. Cap. 1.

LIBER generatiónis. Jesu Christi filii David, filii Abraham. Abraham genuit Isaac. Isaac áutem genuit Jacob. Et reliqua.

Homilia sancti Joánnis Damascéni.

Ex lib. 4. de Fide orthodoxa, cap. 15. de Domini genealogia et sanctæ Dei Genitricis.

QUOD Joseph ex Davidica tribu originem dúxerit, sanctissimi Evangelistæ Matthæus et Lucas líquido demonstrárunt. Verum hoc inter eos discriminis est, quod Matthæus ex Davíde per Salomónem Joséphum dedúcit : Lucas áutem per Nathan. At vero sanctæ Virginis ortum utérque siléntio præteríit. Quocirca scire óperæ prætium est, nec apud Hebræos, nec apud Scriptúram sacram hoc in more pòsitum fuisse, ut mulierum genus recense-rétur. Verum hoc demum lege cáutum erat, ne tribus ulla uxóres ex áltera tribu accérseret. Ac proinde Joseph, qui ex tribu Davidica ortum trahébat, justitiámque colébat (hanc enim láudem ei tribuit divínus Evangelium), sanctam Virginem haudquáquam præter legis præscriptum despondisset, nisi ex eódem scepro genus duxisset. Ob idque satis

hábuit Evangelísta demon-
strásse, unde Joseph ortum
tráxerit.

R. Iste est qui ante Deum
magnas virútés operátus est,
et de omni corde suo laudá-
vit Dóminum : * Ipse inter-
cédát pro peccátis ómnium
populórum. **V.** Ecce homo
sine queréla, verus Dei cul-
tor, ábstinens se ab omni
ópere malo, et pérmanens
in innocéntia sua. Ipse.

Lectio viij.

IGITUR ex stirpe Nathan, filii
David, Levi génuit Melchi
et Panthérem. Panther áu-
tem génuit Barpanthérem
(namque ita vocabátur). Bar-
pánther rursus génuit Jóa-
chim. Jóachim dénique gé-
nuitsanctam Dei Genitricem.
Rursus ex stirpe Salomónis
filii David, Mathan ex uxóre
sua génuit Jacob. Mórtuo
áutem Mathan, Melchi ex
tribu Nathan, filius Levi, ac
frater Panthéris, uxórem
ipsius Mathan, quæ étiam Ja-
cóbí mater erat, matrimónio
sibi copulávit, atque ex ea
génuit Heli. Ita uteríni fra-
tres erant Jacob et Heli : ille
nimirum ex tribu Salomónis,
hic ex tribu Nathan oriún-
dus.

R. Sint lumbi vestri præ-
cincti, et lucérnæ ardéntes
in mánibus vestris : * Et
vos símiles homínibus ex-
spectántibus dóminum su-
um, quando revertátur a
núptiis. **V.** Vigiláte ergo,
quia nescítis qua hora Dó-

minus vester ventúrus sit.
Et vos. Glória Patri. Et vos.

Lect. ix. de Homil. Dom.
occur.

**Si vero hoc Festum trans-
ferri contigerit, legitur se-
quens**

Lectio ix.

PORRO Heli, qui ex tribu
Nathan erat, nullis liberis
suscéptis, e vita migrávit :
eáque de cáusa Jacob ipsius
frater, qui ex tribu Salomó-
nis flúxerat, ipsius uxórem
accépit, fratrique suo se-
men excitávit, ac Joséphum
progénuit. Joseph itaque na-
túra quidem filius Jacob erat
a Salomóne oriúndus; legis
áutem ratióne patrem habé-
bat Heli ex Nathan oriún-
dum. Quæ cum ita sint, Jóa-
chim lectíssimam illam, ac
summis laudibus dignam mu-
lierem Annam matrimónio
sibi copulávit. Verum quém-
ádmodum prisca illa Anna,
cum sterilitátis morbo labo-
ráret, per oratióne ac pro-
missiódne Samuélem pro-
creávit : eódem modo hæc
étiam per obsecratiódne et
promissiódne Dei Genitri-
cem a Deo accépit, ut ne
hic quoque cuiquam ex illú-
stribus matrónis céderet.
Itaque grátia (nam hoc sonat
Annæ vocábulum) Dóminam
parit (id enim Mariæ nómine
significátur). Vere etenim
rerum ómnium conditárum
Dómina facta est, cum Crea-
tórís Mater éxstitit.

Te Deum laudámus. 16.

In Laud. omnia dicuntur de Comm. Conf. non Pont., et post Hymn. Jesu coróna celsior, dicitur

Ÿ. Potens in terra erit semen ejus. R. Generatio rectorum benedicetur.

Ad Bened. Ant. Laudémus virum gloriósum in generatióne sua, quia benedictiónem ómnium géntium dedit illi Dóminus : et testaméntum suum confirmávit super caput ejus.

Orat. Deus, qui. ut in I. Vesperis.

Et fit Commem. Dom. tantum.

In II. Vesp. omnia dicuntur de Comm., præter Orat. ut supra.

Et fit Comm. Dom. occur.

DIE XVI

S. HYACINTHI CONF.

Duplex.

Omnia de Comm. Conf. non Pont. 76*, præter seq. (m. t. v.)

Ant. Similábo eum viro sapiénti, qui ædificávit domum suam supra petram.

Ÿ. Amávit eum Dóminus, et ornávit eum. R. Stulam glóriæ induit eum.

Oratio.

DEUS, qui nos beáti Hyacinthi Confessóris tui ánnua solemnitáte lætíficas : concéde propítius ; ut cujus natalitia cólimus, étiam actiões imitémur. Per Dñ.

IN I. NOCTURNO

Lect. de Script. occur., ut

dictum est in Rubrica ante Dom. II. Augusti. 285.

IN II. NOCTURNO

Lectio iv.

HYACÍNTHUS Polónus, nobilibus et christiánis paréntibus, in Camiénsi villa episcopátus Vratislaviénsis natus est. A pueritia litteris instrúctus, post datam jurisprudentiæ et sacris litteris operam, inter canónicos Cracoviénses adscitus, insigni morum pietáte et summa eruditióne cæteros antecéluit. Romæ in Prædicatórum órdenem ab ipso institutóre sancto Domínico adscriptus, perfectam vivéndi ratióne, quam ab ipso didicerat, usque ad finem vitæ sanctissime retinuit. Virginitátem perpétuo cóluit : modéstiam, patientiam, humilitátem, abstinéntiam, cæterásque virtútes, ut certum religiósæ vitæ patrimonium, adamávit.

R. Honéstum fecit illum Dóminus, et custodivit eum ab inimícis, et a seductóribus tutávit illum : * Et dedit illi claritátem ætérnam. Ÿ. Justum dedúxit Dóminus per vias rectas, et osténdit illi regnum Dei. Et.

Lectio v.

CARITÁTE in Deum fervens, íntegras sæpe noctes fundéndis précibus, castigandóque córpori insúmens, nullum eidem levaméntum, nisi lápidi inníxus, sive humi cubans, adhibébat. Remissus

in pátriam, Frisáci primum in itinere amplíssimum sui ordinis monastérium, mox Cracóviæ álterum eréxit. Inde per álias Polóniæ regni provincias, áliis quátuor exædificátis, incredibile dictu est quantum verbi Dei prædicatione et vitæ innocentia apud omnes profecerit. Nullum diem prætermisit, quo non præclára áliqua fidei, pietátis atque innocentie argumenta præstiterit.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

Lectio vj.

SANCTÍSSIMI viri stúdiu erga proximórum salutem máximis Deus miráculis illustrávit. Inter quæ illud insigne, quod Vándalum flúvium prope Visográdum aquis redundántem, nullo navigio usus, trajécit, sóciis quoque expánso super undas pállio tradúctis. Admirábili vitæ génere ad quadraginta prope annos post professionem perdúcto, mortis die suis frátribus prænuntiáto, ipso assúptæ Virginis festo, Horis Canónicis persolútis, sacraméntis ecclesiásticis summa cum veneratióne percéptis, iis verbis : In manus tuas Dómine, spíritum Deo réddidit, anno salutis millésimo ducentési-

mo quinquagésimo séptimo. Quem miráculis, étiam post óbitum, illústrem, Clemens Papa octávus in sanctorum númerum rétulit.

R. Iste homo. 83*.

IN III. NOCTURNO

Homil. in Evang. Sint lumbi. **de eodem Communi** 1º loco. 85*.

In Laud. fit Commem. Oct. Assumptionis.

Ant. Quæ est ista, quæ ascéndit sicut auróra consúrgens, pulchra ut luna, elécta ut sol, terribilis ut castrórum ácies ordináta?

V. Exaltáta est sancta Dei Génitrix. **R.** Super choros Angelórum ad cæléstia regna.

Oratio.

FAMULÓRUM tuórum, quæsumus Dómine, delictis ignósce : ut qui tibi placére de áctibus nostris non valémus ; Genitricis Filii tui Dómini nostri intercessióne salvémur : Qui tecum.

Deinde S. Laurentii.

Ant. In cráticula te Deum non negávi, et ad ignem applicátus te Christum confessus sum : probásti cor meum, et visitásti nocte : igne me examinásti, et non est inventa in me iniquitas.

V. Dispérsit, dedit paupéribus. **R.** Justitia ejus manet in sæculum sæculi.

Oratio.

DA nobis, quæsumus omnipotens Deus : vitiórum nostrórum flammæ extin-

guere; qui beáto Lauréntio tribuisti tormentórum suórum incéndia superáre. Per Dóminum.

Vesp. a Capit. de die Oct. S. Laurentii, cum Commem. præced. et Oct. Assumpt.

DIE XVII

IN OCTAVA S. LAURENTII

Duplex.

Omnia ut in die festo. 557, præter Oral. et Lect.

Oratio.

EXCITA Dómine in Ecclesia tua Spiritum, cui beátus Lauréntius Levita servivit: ut eódem nos repléti, studeámus amáre quod amávit, et ópere exercére quod dócuit. Per Dóminum... in unitáte ejúsdem.

Et fit Commem. præced.

Ant. Hic vir despiciens mundum et terréna, triúmphans, divítias cælo cóndidit ore, manu.

Ÿ. Justum dedúxit Dóminus per vias rectas. **R.** Et osténdit illi regnum Dei.

Orat. Deus, qui nos. 585.

Postea Oct. Assumpt.

Ant. Hódie María Virgo cælos ascéndit: gaudéte, quia cum Christo regnat in ætérnum.

Ÿ. Exaltáta est sancta Dei Génitrix. **R.** Super choros Angelórum ad cæléstia regna.

Oratio. Famulórum. ut supra. 586.

IN I. NOCTURNO

Lect. de Script. occur., ut

dictum est in Rubrica ante Dom. **II. Augusti.** 285.

IN II. NOCTURNO

Ex Tractátu sancti Augustini Episcopi in Joánnem.

Tractatu 27. in fine.

Lectio iv.

CERTI sumus, fratres, quia omnes, qui sumus in corpore Dómini, et manemus in illo, ut et ipse maneat in nobis, in hoc sæculo necesse habemus usque in finem inter malos vivere; non inter illos dico malos, qui blasphemant Christum; raro enim jam inveniuntur, qui lingua blasphemant, sed multi, qui vita. Necesse est ergo, ut inter illos usque in finem vivamus. Sed quid est quod ait, Qui manet in me, et ego in illo? Quid, nisi quod Mártires audiébant: Qui perseveráverit usque in finem, hic salvus erit?

R. Quo progréderis sine filio pater? quo sacerdos sancte sine diácono próperas? * Tu numquam sine ministro sacrificium offérre consuéveras. **Ÿ.** Quid ergo in me displicuit paternitati tuæ? Numquid degénerem me probásti? Experire utrum idóneum ministrum elégeris, cui commisisti Dominici ságuinis dispensatióem. Tu numquam.

Lectio v.

QUÓMODO mansit in illo sanctus Lauréntius, cuius hódie festum diem celebrámus? Mansit usque ad

tentationem, mansit usque ad tyrannicam interrogationem, mansit usque ad acerrimam comminationem, mansit usque ad peremptionem. Parum est : usque ad immānem excruciationem mansit. Non enim occisus est cito, sed cruciatus est in igne. Diu vivere permissus est : imo non diu vivere permissus est, sed tarde mori compulsus est. In illa ergo longa morte, in illis tormentis, quia bene manducaverat, et bene biberat, tamquam illa esca saginatus, et illo calice ebrius, tormenta non sensit.

R. Noli me derelinquere pater sancte, quia thesauros tuos jam expendi. * Non ego te desero fili, neque derelinquo : sed majora tibi debentur pro fide Christi certamina. **V.** Nos quasi senes leviōris pugnae cursum recipimus, te autem quasi juvenem manet gloriōsior de tyranno triumphus : post triduum me sequeris sacerdotem levita. Non ego.

Lectio vj.

DIXERAT autem illi Xystus Martyr sanctus, cujus diem quinto abhinc retro die celebravimus : Noli mœrere fili : (episcopus enim erat ille, iste diaconus) noli mœrere, inquit, sequeris me post triduum. Triduum autem dixit medium inter diem passionis sancti Xysti, et diem hodiernam passionis

sancti Laurentii. Triduum est medium. O consolatio ! Non ait, Noli mœrere fili, desinet persecutio, et securus eris : sed, Noli mœrere : quo ego præcedo, tu sequeris ; nec persecutio tua differtur. Triduum medium erit, et mecum eris. Accipit oraculum, vicit diabolus, pervenit ad triumphum.

R. Beatus. 561.

IN III. NOCTURNO

Lectio sancti Evangelii secundum Joannem.

Lectio vij. Cap. 12. d

IN illo tempore : Dixit Jesus discipulis suis : Amen, amen dico vobis, nisi granum frumenti cadens in terram, mortuum fuerit ; ipsum solum manet. Et reliqua.

Homilia sancti Joannis Chrysostomi.

Homilia 66. in Joannem.

DULCIS præsens vita est, et multæ plena voluptatis, non tamen omnibus, sed iis tantum, qui illi sunt affixi. Quod si quis in cælum suspexerit, et quæ ibi præclara sunt, contemplatus fuerit, statim hanc contemnet, ac nullius pretii existimabit. Nam et corporum pulchritudo, quoad pulchrius non deprehenditur, in admiratione habetur : cum vero aliud præstantius apparuerit, illa prior despicitur. Quod si illam pulchritudinem etiam nos intueri voluerimus, et cælestis regni speciem considerare, con-

fēstim nos hujus sǎculi vinculis dissolvemus.

R. In craticula te Deum non negávi, * Et ad ignem applicátus te Dóminum Jesum Christum conféssus sum. **V.** Probásti Dómine cor meum, et visitásti nocte. Et ad ignem.

Lectio viij.

VINCULUM namque est terrenárum rerum afféctio : ad cujus dissolutiónem ut nos indúceret Christus, quid dicat, atténde. Qui amat ánimam suam, perdet eam : et qui odit ánimam suam in hoc mundo, in vitam ætérnam custódit eam. Ænigmati simile hoc dictum vidétur : non tamen ita est, imo vero præcípuæ sapiéntiæ plenum. Et quómodo qui amat ánimam suam, perdet eam? Qui absúrdis ejus cupiditatibus obtémperat, qui præter débitum ei indúlget : quemádmódum e contrário, qui odit eam in hoc mundo, custódit eam : hoc est, qui non paret ei, cum nóxia jubet.

R. O Hippólyte, si credideris in Dóminum Jesum Christum, * Et thesáuros tibi osténdo, et vitam ætérnam promitto. **V.** Beátus Lauréntius Hippólyto dixit : Si credis in Dóminum Jesum Christum. Et thesáuros. Glória Patri. Et thesáuros.

Lectio ix.

ET non dixit : Qui non paret, sed, Qui odit. Sicuti enim quos ódio habémus,

ne vocem quidem audire, nec vultum eórum vidére æquo ánimo pátimur : ita et ánimæ, si quid præter Dei voluntátem nobis imperat, veheménter aversári oportet. Cum enim jam de morte ad eos verba factúrus esset, de morte vidélicet sua, et prævidéret eórum tristitiam et exanimatióem, per excéssum locútus est, inquires : Quid dico, si mortem meam generóse non ferétis? Nisi vos ipsi moriámini, nullum vos sequétur emoluméntum.

Te Deum laudámus. 16.

In Laudibus fit Commemoratio | Octavæ Assumptionis Ant. Quæ est ista. 586.

In II. Vesperis fit Commemoratio Octavæ Assumptionis Ant. Hódie María. 587.

Deinde S. Agapiti Martyris.

Ant. Iste sanctus pro lege Dei sui certávit usque ad mortem, et a verbis impiórum non timuit : fundátus enim erat supra firmam petram.

V. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

LÆTÉTUR Ecclésia tua Deus, beáti Agapiti Mártyris tui confisa suffrágiis : atque ejus précibus gloriósis, et devóta permáneat, et secúra consistat. Per Dóminum.

DIE XVIII

QUARTA DIE INFRA OCTAVAM
ASSUMPTIONIS

IN I. NOCTURNO

De Canticis canticórum.

Lectio j. Cap. 4.

QUAM pulchra es amica mea, quam pulchra es! Oculi tui columbárum, absque eo quod intrinsecus latet. Capilli tui sicut greges caprárum, quæ ascendérunt de monte Gálaad. Dentes tui sicut greges tonsárum, quæ ascendérunt de lavácro, omnes geméllis fœtibus, et stérilis non est inter eas. Sicut vitta coccinea lábia tua, et elóquium tuum, dulce. Sicut fragmen mali púnici, ita genæ tuæ, absque eo quod intrinsecus latet. Sicut turris David collum tuum, quæ ædificáta est cum propugnáculis: mille clýpei pendent ex ea, omnis armatúra fórtium.

R. Vidi speciósam. 577.

Lectio ij.

TOTA pulchra es amica mea, et mácula non est in te. Veni de Líbano sponsa mea, veni de Líbano, veni: coronáberis de cápite Amana, de vértice Sanir et Hermon, de cubilibus leónum, de món-tibus pardórum. Vulnerásti cor meum soror mea sponsa, vulnerásti cor meum in uno oculórum tuórum, et in uno crine colli tui. Quam pulchræ sunt mammæ tuæ soror mea sponsa! Pulchrióra

sunt úbera tua vino, et odor unguentórum tuórum super ómnia arómata.

R. Sicut cedrus. 577.

Lectio iij.

FAVUS distillans lábia tua sponsa, mel et lac sub lingua tua: et odor vestimentórum tuórum sicut odor thuris. Hortus conclúsus soror mea sponsa, hortus conclúsus, fons signátus. Emissiones tuæ paradísus malórum punicórum cum pomórum frúctibus. Cypri cum nardo, nardus et crocus, fistula et cinnamómum cum univérsis lignis Líbani, myrrha et áloë cum ómnibus primis unguéntis. Fons hortórum: púteus aquárum vivéntium, quæ fluunt ímpetu de Líbano.

R. Quæ est ista. 577.

IN II. NOCTURNO

De Sermóne sancti Joánnis
Damascéni.Orat. 2. de Dormit. Deiparæ,
sub finem.

Lectio iv.

Ex antiqua accépimus traditione, quod témpore gloriósæ dormitiónis beátæ Virginis, univérsi quidem sancti Apóstoli, qui orbem terræ ad salútem géntium peragrábant, moménto témporis in sublime eláti, convenérunt Jerosólymis: cumque illic essent, eis visio apparuit angélica, et audita est psalmódia cæléstium Potestátum; et sic cum divína glória in manus Dei sanctam

trádidit ánimam. Ejus áutem corpus, quod Deum ineffábili quadam ratióne suscepit, cum angélica et apostólica hymnódia elátum, in lóculo fuit depósitum Gethsémane : quo in loco Angelórum cantus mansit tres dies continuos.

℞. Ornátam. 578.

Lectio v.

POST tres áutem dies angélico cantu cessánte, qui áderant Apóstoli (cum unus Thomas, qui abfúerat, post tértium diem venisset, et quod Deum suscepérat, corpus adoráre voluisset), túmulum aperuérunt; sed omni ex parte sacrum ejus corpus nequáquam invenire potuérunt. Cum ea áutem tantum invenissent, in quibus fúerat compósitum, et ineffábili, qui ex iis proficiscebátur, essent odóre repléti, lóculum clausérunt. Ejus mystérii obstupefacti miráculo, hoc solum cogitare potuérunt, quod cui plácuít ex María Virgine carnem sumere, et hóminem fieri et nasci, cum esset Deus Verbum, et Dóminus glóriæ : quique post partum incorruptam servávit ejus virginitátem, eidem étiam plácuít et ipsius, postquam mi-grávit, immaculátum corpus, incorruptum servátum, translatiône honoráre ante commúnem et universálem resurrectionem.

℞. Beátam. 578.

Lectio vj.

ADERANT tunc cum Apóstolis sanctíssimus Timótheus, primus episcopus Ephesiórum, et Dionýsius Areopagita, sicut ipse testátur in iis, quæ de beáto Hierótheo, qui ipse quoque tunc áderat, scripsit ad prædictum Timótheum, sic dicens : Nam étiam apud ipsos a Deo afflátos sacrórum antístites, quando nos quoque, ut nosti, et multi ex sanctis nostris frátribus, ad contuéndum corpus, quod vitæ principium dedit, et Deum suscepit, convenissémus (áderat áutem et Dómini frater Jacóbus, et Petrus, supréma et antiquíssima theologórum súmmitas) : et viso sacro corpore, plácuít ómnibus, prout quisque póterat, hymnis celebráre infinitam bonitátem divinæ poténtiæ.

℞. Beáta. 579.

IN III. NOCTURNO

Léctio sancti Evangélíi secúndum Lucam.

Lectio vij. Cap. 10. g

IN illo témpore : Intrávit Jesus in quoddam castéllum : et múlter quædam, Martha nómine, excépit illum in domum suam. Et reliqua.

De Homilia sancti Augustini Episcopi.

Ex Serm. 27. de verbis Dom., paulo ante medium.

BENE Martha circa corpóram Dómini, quid dicam, necessitátem, an vo-

luntátem? ministrábat carni mortáli. Sed quis erat in carne mortáli? In principio erat Verbum, et Verbum erat apud Deum, et Deus erat Verbum. Ecce quod María audiébat. Verbum caro factum est, et habitávit in nobis. Ecce Martha cui ministrábat. Ergo María meliorem partem elégit, quæ non auferétur ab ea. Hoc enim elégit, quod semper manébit, ideo non auferétur ab ea.

℞. Diffúsa est. 579.

Lectio viij.

CIRCA unum María se vóluit occupári. Jam tenébat : Mihi áutem adhærere Deo bonum est. Sedébat ad pedes cápitis nostri. Quanto humílius sedébat, tanto ámplius capiébat. Cónfluit enim aqua ad humilitátem convállis, dénatat de tumóribus collis. Non ergo Dóminus opus reprehéndit, sed munus distínxit. Circa multa es occupáta : porro unum est necessárium. Jam hoc sibi María elégit.

℞. Beáta es. 580.

Pro S. Agapito Mart.

Lectio ix.

AGAPÍTUS Prænestínus, quíndecim annos natus, Aureliáno imperátore, mártýrii cupidíssimus, cum propter constántiam religiónis, imperátoris jussu primum nervis diutíssime cæsus, deinde in tetrum cárcerem conjéctus esset, ut nihil

omnino per quátuor dies gustáret, e custódia est edúctus : et ardéntibus carbónibus cápiti ejus impósitis, Deo agens grátias, íterum afféctus verbéribus, nudus ita pédibus suspénsus est, ut ingens fumus e subjécto igne os ejus obrúeret. Tum fervens aqua in ejus ventrem effúsa est, maxillæque confráctæ. Quo témpore judex e tribunáli lapsus, páulo post mórtuus est. Ea re incénso imperátore, sanctum júvenem jubénte feris óblici, cum illæ non audérent attín-gere, Præneste gládio percússus est.

Te Deum laudámus. 16.

In Laud. fit Commem. S. Agapiti.

Ant. Qui odit ánimam suam in hoc mundo, in vitam ætérnam custódit eam.

℣. Justus ut palma florébit. ℞. Sicut cedrus Libani multiplicábitur.

Orat. Lætétur. 589.

DIE XIX

QUINTA DIE INFRA OCTAVAM

ASSUMPTIONIS

IN I. NOCTURNO

De Cánticis canticórum.

Lectio j. Cap. 5. c

ADJURO vos filiæ Jerúsalem, si invenéritis diléctum meum, ut nuntiétis ei quia amóre lángueo. Qualis est diléctus tuus ex dilécto, o pulchérissima mulierum? qualis est diléctus tuus ex dilécto, quia sic adjurásti

nos? Diléctus meus cándidus, et rubicúndus, eléctus ex millibus. Caput ejus áurum óptimum : comæ ejus sicut elátæ palmárum, nigræ quasi corvus. Oculi ejus sicut colúmbæ super ríbulos aquárum, quæ lacte sunt lotæ, et résident juxta fluénta pleníssima.

℞. Vidi speciósam. 577.

Lectio ij. Cap. 6.

DILÉCTUS meus descendit in hortum suum ad aréolam arómatum, ut pascátur in hortis, et lília cólligat. Ego dilécto meo, et diléctus meus mihi, qui páscitur inter lília. Pulchra es amíca mea, suávis, et decóra sicut Jerúsalem : terríbilis ut castrórum ácies ordináta. Avérte óculos tuos a me, quia ipsi me avoláre fecérunt. Capilli tui sicut grex caprárum, quæ apparuérunt de Gálaad. Dentes tui sicut grex óvium, quæ ascendérunt de lavácro, omnes geméllis fœtibus, et stérilis non est in eis.

℞. Sicut cedrus. 577.

Lectio iij.

UNA est colúmba mea, perfécta mea, una est matris suæ, elécta genitrici suæ. Vidérunt eam filiæ, et beatissimam prædicavérunt; reginæ et concubinæ, et laudavérunt eam. Quæ est ista, quæ progréditur quasi auróra consúrgens, pulchra ut luna, elécta ut sol, terríbilis ut castrórum ácies ordináta?

Descénderi in hortum nucum, ut vidérem poma convállium, et inspicerem si florisset vínea, et germinásent mala púnica. Nescivi : ánima mea conturbávit me propter quadrigas Amínadab. Revértere, revértere, Sulamitis : revértere, revértere, ut intueámur te.

℞. Quæ est ista. 577.

IN II. NOCTURNO

Sermo sancti Bernárdi Abbátis.

Serm. 1. de Assumpt. B. M. V.

Lectio iv.

VIRGO hódie gloriósa cælos ascéndens, supernórum gáudia civium copiósis sine dúbio cumulávit augméntis. Hæc est enim cujus salutationis vox et ipsos exsultáre facit in gáudio, quos matérna adhuc viscera cláudunt. Quod si párvuli necdum nati ánima liquefacta est, ut María locúta est, quid putámus quænam illa fúerit cæléstium exsultatio, cum et vocem audire, et vidére faciém, et beáta ejus frui præsentia meruérunt?

℞. Ornátam. 578.

Lectio v.

SED et illud quis cogitare sufficiat, quam gloriósa hódie mundi Regina processerit : et quanto devotiõnis afféctu tota in ejus ocúrsum cæléstium legiónum prodierit multitúdo : quibus ad thronum glóriæ cánticis sit dedúcta : quam plácido vultu, quam seréna fácie,

quam divinis ampléxibus suscep̃ta a Filio, et super omnem exaltáta creatúram, cum eo honóre, quo tanta Mater digna fuit; cum ea glória quæ tantum decuit Filium?

℞. Beátam. 578.

Lectio vj.

FELÍCIA prorsus óscula lábiis impréssa lacténtis, cui virgineo mater applaudébat in grémio. Verum numquid non felicióra censébimus, quæ ab ore sedéntis in déxtera Patris hódie in beáta salutatióne suscep̃it, cum ascénderet ad thronum glóriæ, epithalámium canens, et dicens : Osculetur me ósculo oris sui? Christi generatiónem et Mariæ assumptiόnem quis enarrábit? Quantum enim grátia in terris adépta est præ cæteris, tantum et in cælis óbtinet glóriæ singuláris.

℞. Beáta es. 579.

IN III. NOCTURNO

Léctio sancti Evangélíi secundum Lucam.

Lectio vij. Cap. 10. g

IN illo témpore : Intrávit Jesus in quoddam castélum : et múlter quædam, Martha nómine, excépit illum in domum suam. Et reliqua.

De Homilia sancti Augustíni Epíscopi.

Ex Serm. 27. de verbis Dom.

TRANSIT labor multitudinis, et rémanet caritas unitátis. Ergo quod elégit María, non auferétur ab ea : a te

áutem Martha, quod elegisti; útique hoc séquitur, útique hoc subintelligitur; a te, quod elegisti, auferétur : sed bono tuo auferétur, ut, quod mélius est, detur. Auferétur enim a te labor, ut réquies detur. Tu návigas, illa jam in portu est.

℞. Diffúsa est. 579.

Lectio viij.

VIDÉTIS ergo, caríssimi, et quantum árbitror, jam intelligitis in his duábus muliéribus, quæ ambæ fuérunt Dómino gratae, ambæ amábiles, ambæ discipulæ : vidétis ergo, et magnum áliquid intelligitis, quicúmque intelligitis, quod audire et scire debétis étiam qui non intelligitis, in his duábus muliéribus duas vitas esse figurátas, præsentem et futúram, laboriósam et quiétam, ærumnósam et beátam, temporálem et ætérnam.

℞. Beáta es. 580.

Lectio ix.

DUÆ sunt vitæ : de illis vos copiósius cogitáte. Quid hábeat hæc vita, non dico mala, non iníqua, non nefária, non luxuriósa, non ímpia; sed laboriósam, et ærúmnis plena, timóribus castigáta, tentatióibus sollicita : hanc ipsam innocéntem vitam dico, qualem decébat habére Martham. Hanc ergo, quantum potéstis, inspícite : et de hac, ut dixi, copiósius quam lóquimur, cogitáte. Vita vero iníqua

áberat ab illa domo, nec cum Martha erat, nec cum María : et si aliquándo fuit, Dómino intránte fugit.

Te Deum laudámus. 16.

Vesp. de seq. cum Commem. Oct. Assumpt.

DIE XX

SANCTI BERNARDI

ABBATIS ET ECCLESIAE DOCT.

Duplex.

Omnia de Comm. Conf. non Pont. 76*, præter seq.

In utrisque Vesperis ad Magnif. Ant. O Doctor óptime, Ecclesiæ sanctæ lumen, beáte Bernárde, divinæ legis amátor, deprecáre pro nobis Filium Dei.

Oratio.

DEUS, qui pópulo tuo æternæ salutis beátum Bernárdum ministrum tribuisti : præsta, quæsumus ; ut quem Doctórem vitæ habúimus in terris, intercessórem habére mereámur in cælis. Per Dñ.

Deinde sit Commem. Oct. Assumpt. Ant. Hódie. v. Exaltáta. Orat. Famulórum. 581.

IN I. NOCTURNO

Lect. de Script. occur., ut dictum est in Rubrica ante Dom. III. Augusti. 285.

IN II. NOCTURNO

Lectio iv.

BERNÁRDUS, Fontánis in Burgúndia honésto loco natus, adoléscens propter egrégiam formam veheménter sollicitátus a muliéribus, numquam de senténtia co-

léndæ castitátis dimovéri pótuit. Quas diaboli tentatiónes ut effúgeret, duos et viginti annos natus, monastérium Cisterciénse, unde hic ordo incépit, et quod tum sanctitáte florébat, ingredi constituit. Quo Bernárdi consílio cógnito, fratres summópere conáti sunt eum a propósito deterrére : in quo ipse eloquéntior ac felicior fuit. Nam sic eos aliósque multos in suam perduxit senténtiam, ut cum eo triginta júvenes eámdem religiónem suscepérint. Mónachus jejúnio ita deditus erat, ut quóties suméndus esset cibus, tóties torméntum subire viderétur. In vigiliis étiam et oratió nibus mirífice se exercébat : et christiánam paupertátem colens, quasi cælestem vitam agébat in terris, ab omni caducárum rerum cura et cupiditáte aliénam.

R. Honéstum fecit illum Dóminus, et custodivit eum ab inimicis, et a seductóribus tutávit illum : Et dedit illi claritátem æternam. v. Justum dedúxit Dóminus per vias rectas, et osténdit illi regnum Dei. Et dedit.

Lectio v.

ELUCÉBAT in eo humilitas, misericórdia, benígnitas : contemplatióni áutem sic addictus erat, ut vix sénsibus, nisi ad officia pietátis, uterétur : in quibus tamen prudéntiæ láude ex-

cellébat. Quo in stúdio occupátus, Genuénsem, ac Mediolanénsem, aliósque episcopátus oblátos recusávit, proféssus se tanti officii múnere indignum esse. Abbas factus Claravallénsis, multis in locis ædificávit monastéria, in quibus præclára Bernárdi institútio ac disciplina diu víguit. Romæ, sanctórum Vincéntii et Anastásii monastério ab Innocéntio secúndo Papa restitúto præfécit abbátem illum, qui póstea Eugénius tértius Summus Póntifex fuit, ad quem étiam librum misit de Consideratióne.

✠. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. ✠. Induit eum Dóminus lorícam fidei, et ornávit eum. Et ad portas.

Lectio vj.

MULTA prætèrea scripsit, in quibus appáret, eum doctrína pótius divínitus trádicta, quam labóre comparáta, instrúctum fuisse. In summa virtútum láude exorátus a máximis princípibus de eórum componéndis controversiis, et de ecclesiásticis rebus constituéndis, sæpius in Itáliam venit. Innocéntium item secúndum Pontíficem Máximum in confutándo schismate Petri Leónis, cum apud imperatórem et Henricum Angliæ regem, tum in con-

cilio Pisis coácto, egrégie adjúvit. Dénique tres et sexaginta annos natus, obdormívit in Dómino, ac miráculis illústris, ab Alexándro tértio Papa inter sanctos relátus est. Pius vero octávus Póntifex Máximus ex sacrórum Rítuum Congregatiónis consilio sanctum Bernárdum universális Ecclesiæ Doctórem declarávit et confirmávit, nec non Missam et Offícium de Doctóribus ab ómnibus recitári jussit, atque indulgéntias plenárias quotánnis in perpétuum órdis Cisterciénsium ecclésiis visitántibus die hujus sancti festo concéssit.

✠. Iste homo. 83*.

IN III. NOCTURNO

Homil. in Evang. Vos estis sal terræ. de Comm. Doct. 1^o loco. 73*.

In Laud. Commem. Oct. Assumpt. Ant. Quæ est. y. Exaltáta. Orat. Famulórum. 580.

Vesp. a Capit. de seq. cum Commem. præced. et Oct. Assumpt.

DIE XXI

SANCTÆ JOANNÆ FRANCISCÆ
FREMIOT DE CHANTAL

VIDUÆ

Duplex.

Omnia de Comm. nec Virg. nec Mart. 113*, præter seq.

Oratio.

OMNÍPOTENS et miséricors Deus, qui beátam Joán-

nam Franciscam tuo amore succensam, admirabili spiritus fortitudine per omnes vitæ semitas in via perfectionis donasti, quique per illam illustrare Ecclesiam tuam nova prole voluisti : ejus meritis et precibus concede; ut qui infirmitatis nostræ conscii de tua virtute confidimus, cælestis gratiæ auxilio cuncta nobis adversantia vincamus. Per Dominum.

Et fit Commem. præced.

Ant. O Doctor optime. **ut in I. Vesp.** 595.

℟. Justum deduxit Dominus per vias rectas. **℣.** Et ostendit illi regnum Dei.

Orat. Deus, qui populo. 595.

Deinde Oct. Assumpt. Ant. Hódie Maria. **℣.** Exaltata est.

Orat. Famulorum. 581.

IN I. NOCTURNO

Lect. de Script. occur., ut dictum est in Rubrica ante Dom. III. Augusti. 285.

IN II. NOCTURNO

Lectio iv.

JOANNA Francisca Frémot de Chantal, Diviône in Burgúndia clarissimis orta natalibus, ab ineunte ætate eximiæ sanctitatis non obscuras edidit significatiões. Eam enim vix quinquennem nobilem quemdam Calvinistam sólida supra ætatem argumentatione perstrinxisse ferunt, collatumque ab eo munusculum flammis illico tradidisse, in hæc verba :

En quomodo hæretici apud inferos comburentur, qui loquēti Christo fidem detractant. Matre orbata, Deiparæ Virginis tutelæ se commendavit, et famulam, quæ ad mundi amorem eam alliciebat, ab se rejecit. Nihil puerile in moribus exprimens, a sæculi deliciis abhorrrens, martyriumque anhelans, religiōni ac pietati impense studēbat. Barōni de Chantal nuptui a patre tradita, virtutibus omnibus excolendis operam dedit, liberos, famulos, aliósque sibi subiectos in fidei doctrina, bonisque moribus imbūere satagens. Profusa liberalitate pauperum inopiam sublevabat, annona divinitus non raro multiplicata : quo factum est, ut nemini se umquam Christi nomine roganti stipem abnegatūram spondēret.

℟. Propter veritatem, et mansuetudinem, et justitiam : Et deducet te mirabiliter dextera tua. **℣.** Specie tua, et pulchritudine tua intēde, prospere procede, et regna. Et.

Lectio v.

VIRO in venatione interempto, perfectioris vitæ consilium iniens, continentiae voto se obstrinxit. Viri necem non solum æquo animo tulit, sed, in publicum indultæ veniæ testimonium, occisoris filium e sacro fonte suscipere sui victrix elégit.

Módica familia, tenui victu atque vestitu contenta, pretiosas vestes in pios usus convertit. Quidquid a domesticis curis supererat temporis, precibus, piis lectionibus, laborique impendebat. Numquam adduci potuit ut alteras nuptias, quamvis utiles et honorificas, iniret. Ne autem a proposito castimonie observandæ in posterum dimoveretur, illius voto innovato, sanctissimum Jesu Christi nomen candenti ferro pectori insculpsit. Ardentius in dies caritate fervescens, pauperes, derelictos, ægros, teterrimisque morbis infectos ad se adducendos curabat; eosque non hospitio tantum excipiebat, solabatur, fovebat, verum etiam sordidas eorundem vestes depurgabat, laceras reficiebat, et manantibus foetido pure ulceribus labia admovere non exhorrebat.

R. Dilexisti justitiam, et odisti iniquitatem: * Propterea unxit te Deus, Deus tuus oleo lætitiæ. **V.** Propter veritatem, et mansuetudinem, et justitiam. Propterea.

Lectio vj.

A SANCTO Francisco Salésio, quo spiritus moderatore usa fuit, divinam voluntatem edocta, proprium parentem, socrum, filium denique ipsum, quem etiam vocationi obsistentem, sua e domo egradiens, pedibus calcare non dubitavit,

invicta constantia deseruit, et sacri instituti Visitationis sanctæ Mariæ fundamenta jecit. Ejus instituti leges integerrime custodivit, et adeo paupertatis fuit amans, ut vel necessaria sibi deesse gauderet. Christianæ vero animi demissionis et obedientiæ, virtutum denique omnium perfectissimum exemplar se præbuit. Altiores in corde suo ascensiones disponens, arduissimo efficiendi semper id quod perfectius esse intelligeret, voto se obstrinxit. Denique, sacro Visitationis instituto ejus potissimum opera longe lateque diffuso, verbo, exemplo, et scriptis etiam divina sapientia refertis, ad pietatem et caritatem sororibus excitatis, meritis referta, et sacramentis rite susceptis, Molinis, anno millésimo sexcentésimo quadragésimo primo, die décima tertia Decembris, migravit ad Dominum, ejusque animam, occurrente sancto Francisco Salésio, in cælos deferri sanctus Vincéntius a Paulo procul distans adspexit. Ejus corpus postea Annécium translatum fuit: eamque miraculis ante et post obitum claram Benedictus decimus quartus beatorum, Clemens vero decimus tertius Pontifex Máximus albo sanctorum adjecit. Festum autem ejusdem die duodécimo Kalendas Septembris

ab universa Ecclesia Clemens decimus quartus Pontifex Maximus celebrari præcepit.

℟. Fallax gratia. 116*.

IN III. NOCTURNO

Homil. in Evang. Simile est regnum cælorum. de Communi non Virg. 116*.

In Laud. fit Commem. Oct. Assumpt. Ant. Quæ est ista. 580.

Vesp. de seq. cum Commem. præced. et SS. Mm. ut infra.

DIE XXII

IN OCTAVA

ASSUMPTIONIS B. M. V.

Duplex.

Omnia ut in I. Vesp. Festi. 576.

Et fit Commem. præcedentis.

Ant. Manum suam aperuit inopi, et palmas suas extendit ad pauperem, et panem otiosa non comedit.

℣. Diffusa est gratia in labiis tuis. ℟. Propterea benedixit te Deus in æternum.

Oratio. Omnipotens. 596.

Deinde SS. Timothei, Hippolyti et Symphoriani Martyrum.

Ant. Istorum est enim regnum cælorum, qui contempserunt vitam mundi, et pervenerunt ad præmia regni, et laverunt stolas suas in sanguine Agni.

℣. Lætamini in Domino, et exultate justi. ℟. Et gloriamini omnes recti corde.

Oratio.

AUXILIUM tuum nobis, Domine quaesumus, placatus impende: et intercedentibus beatis Martyribus tuis Timotheo, Hippolyto et Symphoriano, dexteram super nos tuæ propitiationis extendende. Per Dominum.

IN I. NOCTURNO

De Canticis canticorum.

Lectio j. Cap. 8. b

QUÆ est ista, quæ ascendit de deserto, deliciis affluens, innixa super dilectum suum? Sub arbore malo suscitavi te: ibi corrupta est mater tua, ibi violata est genitrix tua. Pone me ut signaculum super cor tuum, ut signaculum super brachium tuum: quia fortis est ut mors dilectio, dura sicut infernus æmulatio: lampades ejus, lampades ignis atque flammarum.

℟. Vidi speciosam sicut columbam, ascendentem desuper rivos aquarum: cujus inæstimabilis odor erat nimis in vestimentis ejus: * Et sicut dies verni circumdabant eam flores rosarum et lilia convallium. ℣. Quæ est ista quæ ascendit per desertum sicut virgula fumi, ex aromatibus myrrhæ et thuris? Et.

Lectio ij.

AQUÆ multæ non poterunt extinguere caritatem, nec flumina obruent illam: si dederit homo omnem substantiam domus

suae pro dilectione, quasi nihil despiciet eam. Soror nostra parva, et ubera non habet: quid faciemus sorori nostrae in die quando alloquenda est? Si murus est, aedificemus super eum propugnacula argentea: si ostium est, compingamus illud tabulis cedrinis.

R. Sicut cedrus exaltata sum in Libano, et sicut cypréssus in monte Sion: quasi myrrha electa, * Dedi suavitatem odoris. **V.** Et sicut cinnamomum et balsamum aromatizans. Dedi.

Lectio iij.

EGO murus: et ubera mea sicut turris, ex quo facta sum coram eo quasi pacem repériens. Vineam fuit pacifico in ea, quae habet populos: tradidit eam custodibus, vir affert pro fructu ejus mille argenteos. Vineam meam coram me est. Mille tui pacifici, et ducénti his, qui custodiunt fructus ejus. Quae habitas in hortis, amici auscúltant: fac me audire vocem tuam. Fuge dilecte mi, et assimilare capreae hinnulóque cervorum super montes aromatum.

R. Quae est ista quae processit sicut sol, et formosa tamquam Jerúsalem? * Vidérunt eam filiae Sion, et beatam dixerunt, et reginae laudavérunt eam. **V.** Et sicut dies verni circúmdabant eam flores rosarum et lilia convallium. Vidérunt. Glória Patri. Vidérunt.

IN II. NOCTURNO

De Sermóne sancti Bernardi Abbátis.

Serm. 4. de Assumptione, circa medium.

Lectio iv.

NON est équidem quod me magis deléctet, sed nec est quod térreat magis, quam de glória Virginis Mariæ habere sermónem. Ecce enim si in ea laudávero virginitatem, mihi multae virgines post eam vidéntur offérri. Si humilitatem prædicávero, inveniéntur forte vel páuci, qui (docénte Filio ejus) mites facti sunt et húmiles corde. Si magnificáre volúero misericórdiae ejus multitudinem, sunt áliqui misericórdiae viri, étiam et mulieres. Unum est in quo nec primam similem visa est, nec habere sequentem, gáudia matris habens cum virginitatis honóre. Mariæ privilégium est, non dábitur álteri: singuláre est, sed continuo étiam indicibile invenitur.

R. Ornátam monilibus filiam Jerúsalem Dóminus concupivit: * Et vidéntes eam filiae Sion, beatissimam prædicavérunt, dicéntes: Unguéntum effúsum nomen tuum. **V.** Adstitit regina a dextris tuis in vestitu deaurato, circúmdata varietate. Et.

Lectio v.

VERÚMTAMEN non hoc tantum, si diligénter atténdas, sed cæteras quoque

virtutes singulares prorsus invénies in Mariá, quæ videbántur esse commúnes. Quæ enim vel angélica púritas virginitáti illi áudeat comparári, quæ digna fuit Spíritus sancti sacrárium fieri, et habitáculum Filii Dei? Quanta vero, et quam pretiósa humilitátis virtus cum tanta puritaté, cum innocéntia tanta, cum consciéntia prorsus absque delicto, imo cum tantæ grátiae plenitúdine? Unde tibi humilitas, et tanta humilitas, o beáta? Digna plane quam respiceret Dóminus, cujus decórem concupisceret Rex, cujus odóre suavíssimo ab ætérno illo patérni sinus attraherétur accúbitu.

℟. Beátam me dicent omnes generatiónes : * Quia fecit mihi Dóminus magna, qui potens est, et sanctum nomen ejus. ✠. Et misericórdia ejus a progénie in progénies timéntibus eum. Quia.

Lectio vj.

ECCE jam quibus potuimus votis ascendéntem te ad Filium dedúximus, et prosecúti sumus saltem a longe, Virgo benedicta. Sit pietátis tuæ, ipsam, quam apud Deum grátiam invenisti, notam fácere mundo, reis véniam, medélam ægris, pusillis corde robur, afflictis consolatióne, periclitántibus adiutórium, et liberatióne sanctis tuis précibus obtinéndó. In hac quoque die

solemnitátis et lætitiæ dulcissimúm Mariæ nomen cum láude invocántibus sérvulis, per te Regina clemens, grátiae suæ múnera largiátur Jesus Christus, Filius tuus, Dóminus noster, qui est super ómnia Deus benedictus in sæcula. Amen.

℟. Beáta es Virgo Mariá, quæ Dóminum portásti Creatórem mundi : * Genuisti qui te fecit, et in ætérnum permanes Virgo. ✠. Ave Mariá, grátia plena : Dóminus tecum. Genuisti. Glória Patri. Genuisti.

IN III. NOCTURNO

Léctio sancti Evangélíi secúndum Lucam.

Lectio vij. Cap. 10. g

IN illo témpore : Intrávit Jesus in quoddam castéllum : et múlter quædam, Martha nómine, excépit illum in domum suam. Et reliqua.

Homilia sancti Bernárdi Abbátis.

Serm. 2. de Assumpt. B. M. V.

QUID introisse eum dicimus in castéllum? Etiam in angustissimúm virginális úteri diversórium introívit. Dénique et múlter quædam excépit illum in domum suam. Felix múlter, cujus domus, Salvatóre suscepto, invénta est munda quidem, sed plane non vácuá. Quis enim vácuam dixerit, quam salútat Angelus grátia plenam? Neque hoc solum, sed

adhuc quoque in eam superventurum ásserit Spiritum sanctum. Ad quid, putas, nisi ut étiam superimpleat eam? Ad quid, nisi ut adveniénte jam Spiritu plena sibi, eódem superveniénte, nobis quoque superpléna et superéffluens fiat?

R. Diffúsa est grátia in lábiis tuis : * Proptérea benedixit te Deus in ætérnum. **V.** Myrrha, et gutta, et cásia a vestiméntis tuis, a dómibus ebúrneis, ex quibus delectavérunt te filiæ regum in honóre tuo. Proptérea.

Lectio viij.

INTRET ergo domum Salvátor, et frequénter visitet eam, quam pœnitens Lázarus mundat, ornat Martha, et Maria replet intérnæ dedita contemplatióni. Sed forte curiosus quisquam requirat cur in præsénti evangélica lectione nulla prorsus Lázari mentio fiat. Arbitror sane, ne id quidem a propósita similitúdine dissidére. Virgínalem étenim domum intélligi volens Spiritus, siluit non incóngrue pœniténtiam, quæ malum útique comítatur. Absit enim, ut próprii quidquam inquinaménti domus hæc aliquándo habuisse dicátur, ut in ea proinde scopa Lázari quærerétur.

R. Beáta es Virgo María, Dei Génitrix, quæ credidisti Dómino : perfécta sunt in te quæ dicta sunt tibi : ecce exaltáta es super cho-

ros Angelórum : * Intercéde pro nobis ad Dóminum Deum nostrum. **V.** Ave María, grátia plena, Dóminus tecum. Intercéde. Glória Patri. Intercéde.

Pro SS. Mm. Timotheo, Hippolyto et Symphoriano.

Lectio ix.

TIMÓTHEUS Antiochénus, Romam véniens, Melchiade Summo Pontifice, cum per annum ibi Christi fidem prædicáset, a Tarquinio Urbis præfécito conjicitur in vincula : et post diutúrnas cárceris ærúmnas ad idóla perducitur, ut eis sacrificet. Quam impietátem summa libertáte detestátus, acerbissime cæditur, et excarnificátum corpus viva calce perfúnditur. In quibus aliisque suppliciis constans Martyr cápite pléctitur. Corpus via Ostiénsi prope sepúlcrum beáti Páuli Apóstoli sepelitur. Quo die étiam, Alexándro imperátore, apud Ostia Tiberína Hippólytus episcopus Portuénsis ob præcláram fidei confessiõem mánibus pedibúsque ligátis, in altam fóveam aquis plenam præcipitátus, martyrio coronátus est, et ibidem a Christiánis sepúltus. Quo item die, Aureliáno imperátore, propter eámdem fidem Augustodúni Symphoriánus adoléscens várie tortus est. Qui dum ad últimum supplicium ducerétur, matrem ita clamántem áudiens : Nate,

nate, meménto æternæ vitæ, cælum súspice, et ibi regnántem intuére : tibi enim vita non eripitur, sed mutátur in mélius : fórtiter Jesu Christi cáusa carnífici col- lum præbuit.

Te Deum laudámus. 16.

In Laudibus fit Commem.
SS. Mm.

Ant. Vestri capilli cápitis omnes numeráti sunt : no- lite timére : multis passéri- bus meliôres estis vos.

Ÿ. Exsultábunt sancti in glória. R̃. Lætabúntur in cu- bilibus suis.

Oratio. Auxílium. 599.

In II. Vesp. fit Comm. seq.

DIE XXIII

S. PHILIPPI BENITII
CONFESSORIS

Duplex.

Omnia de Comm. Conf.
non Pont. 76, præter seq.*

Ant. Similábo eum viro sapiénti, qui ædificávit do- mum suam supra petram.

Ÿ. Amávit eum Dóminus, et ornávit eum. R̃. Stulam glóriæ induit eum.

Oratio.

DEUS, qui per beátum Phi- lippum Confessórem tu- um exímium nobis humili- tátis exémpulum tribuísti : da fámulis tuis próspéra mundi ex ejus imitatióne despicere, et cælestiasemper inquirere. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

PHILIPPUS ex nóbili Beni- tíorum familia Floréntiæ natus, futúræ sanctitátis jam inde ab incunábulis indicium præbuit. Vix enim quintum ætátis mensem ingrèssus, linguam in voces mirífice solvit, hortatúsque fuit ma- trem, ut Deiparæ Serviselec- mósynam impertiret. Ado- léscens, dum Parísiiis litte- rarum stúdia cum pietátis ardóre conjúngeret, plúri- mos ad cælestis pátriæ desi- dérimum inflammávit. Révér- sus in pátriam, et singulári visióne a beatíssima Virgine in Servórum suórum fami- liam nuper institútam vocá- tus, in Senárii montis an- trum concéssit, ubi ásperam quidem jugi córporis casti- gatióne, sed Christi Dómini cruciátuum meditatióne suá- vem vitam duxit : indeque per univérsum pene Euró- pam, magnámque Asiæ par- tem, quam evangélicis præ- dicationibus obívit, sodalitia Septem Dolórum Dei Matris instituit, suúmque órduinem exímio virtútum exémplo propagávit.

R̃. Honéstum fecit illum Dóminus, et custodívit eum ab inimícis, et a seductó- ribus tutávit illum, * Et dedit illi claritátem ætér- nam. Ÿ. Justum dedúxit Dó- minus per vias rectas, et osténdit illi regnum Dei. Et dedit.

Lectio v.

DIVINÆ caritātis et catholice fidei dilatandæ ardore vehementer accensus, sui ordinis Generalis reluctans atque invitus renuntiatus, fratres ad prædicandum Christi Evangelium in Scythiam misit; ipse vero plurimas Italiæ urbes concursans, gliscētes in eis civium discórdias composuit, multasque ad Romani Pontificis obediētiā revocavit; nihilque de studio alienæ salutis omittens, perditissimos homines e vitiōrum cœno ad pœnitētiā ac Jesu Christi amorem perdūxit. Oratiōni summopere addictus, sæpe in extasim raptus visus est. Virginitatem vero adeo coluit, ut ad extremum usque spiritum voluntariis ac durissimis suppliciis illibatam custodierit.

R. Amavit eum Dominus, et ornavit eum: stolam gloriæ induit eum, • Et ad portas paradisi coronavit eum.

V. Induit eum Dominus lorica fidei, et ornavit eum. Et.

Lectio vj.

EFFLORUIT in eo jūgiter singularis erga pauperes misericordia, sed præcipue cum apud Camiliānum agri Senensis vicum leproso nudo eleemosynam petenti propriam, qua indutus erat, vestem fuit elargitus: qua ille contactus, statim a lepra mundatus est. Cujus miraculi cum longe latèque fama

manasset, nonnulli ex Cardinalibus, qui Viterbium, Clemente quarto vita functo, pro successore deligendo convenerant, in Philippum, cujus cælestem etiam prudentiam perspectam habebant, intenderunt. Quo comperto vir Dei, ne forte pastoralis regiminis onus subire cogeretur, apud Tuniatum montem tamdiu delituit, donec Gregorius decimus Pontifex Maximus fuerit renuntiatus: ubi balneis, quæ etiam hodie sancti Philippi vocantur, virtutem sanandi morbos suis precibus impetravit. Denique Tuderti, anno millésimo ducentésimo octogésimo quinto in Christi Domini e cruce pendētis amplexu, quem suum appellabat librum, sanctissime ex hac vita migravit. Ad ejus tumulum cæci visum, claudigressum, mortui vitam receperunt. Quibus aliisque plurimis fulgentem signis Clemens decimus Pontifex Maximus sanctorum número adscripsit.

R. Iste homo. 83*.

IN III. NOCTURNO

Homil. in Evang. Nolite timere. **de eodem Communi** 2º loco. 90*.

Ubi Festum S. Bartholomæi celebratur die sequenti, pro Vigilia legitur Lectio ix. de Homilia in Evangel. Hoc est præceptum. ut in Vigil. Apost. 1*, cum Commem. ejusdem Vigiliæ in Laud.

Ant. et V. de Feria occurrente, ut in Psalt.

Oratio.

DA, quæsumus omnipotens Deus : ut beāti Bartholomæi Apóstoli tui, quam prævenimus, veneránda solémnitas et devotióne nobis áugeat, et salútem. Per.

Vesp. de S. Bartholomæo Apost. cum Commem. S. Philippi.

DIE XXIV

IN VIGILIA S. BARTHOLOMÆI
APOSTOLI

Romæ celebratur Festum ejusdem die 25 Augusti.

Tres Lect. leguntur de Homil. in Evang. Hoc est præceptum. ut in Vigilia Apost. 1*. **Ant.** de Feria occur.

Ad Laudes, ut in Psalterio; et dicuntur Preces feriales flexis genibus. 59.

Oratio Da, quæsumus. ut supra.

DIE XXIV. VEL XXV

S. BARTHOLOMÆI APOST.

Duplex 2. classis.

Omnia de Communi Apost. 2*, præter seq.

Oratio.

OMNÍPOTENS sempitérne Deus, qui hujus diéi venerándam sanctámque lætitiám in beāti Apóstoli tui Bartholomæi festivitáte tribuisti : da Ecclesiæ tuæ, quæsumus; et amáre quod credidit, et prædicáre quod dócuit. Per Dóminum.

Deinde fit Commem. S. Philippi.

Ant. Hic vir despiciens mundum et terréna, triúmphans, divítias cælo cón-didit ore, manu.

V. Justum dedúxit Dóminus per vias rectas. **R.** Et osténdit illi regnum Dei.

Oratio. Deus, qui per. 603.

IN I. NOCTURNO

Lect. Sic nos existimet. de Comm. Apost. 1º loco. 7*.

IN II. NOCTURNO

Lectio iv.

BARTHOLOMÆUS Apóstolus, Galiléus, cum in Indiam citeriorem, quæ ei in orbis terrarum sortitióne ad prædicándum Jesu Christi Evangélium obvénerat, progressus esset, advéntum Dómini Jesu juxta sancti Matthæi Evangélium illis gentibus prædicávit. Sed cum in ea provincia plúrimos ad Jesum Christum convertisset, multos labóres calamitatésque perpéssus, venit in majórem Arméniam.

R. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei. **V.** Vidi Angelum Dei fortem, volántem per médium cælum, voce magna clamántem, et dicéntem. Isti sunt viri.

Lectio v.

IBI Polýmium regem et cónjugem ejus, ac prætèrea

duódecim civitatés ad christíanam fidem perdúxit. Quæ res in eum magnam invidiam concitávit illius gentis sacerdotum. Nam usque ádeo Astýagem Polýmii regis fratrem in Apóstolum incendérunt, ut is vivo Bartholomæo pellem crudéliter détrahi jússet, ac caput abscíndi : quo in martýrio ánimam Deo reddidit.

R. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentientes, propter me : * Gaudéte et exultáte, quóniam merces vestra copiósa est in cælis. **V.** Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte et exultáte.

Lectio vj.

EJUS corpus Albáni, quæ est urbs majóris Arméniae, ubi is passus fúerat, sepúltum est : quod póstea ad Líparam insulam delátum, inde Benevéntum translátum est : postrémo Romam ab Othóne tértio imperatóre portátum, in Tiberis insula, in ecclésia ejus nómine Deo dicáta, collocátum fuit. Agitur áutem Romæ dies festus octávo Kaléndas Septémbris, et per octo consequéntes dies illa basilica magna pópuli fréquentia celebrátur.

R. Isti sunt. 11*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 6. b

IN illo témpore : Exiit Jesus in montem oráre, et erat pernóctans in oratióne Dei. Et cum dies factus esset, vocávit discípulos suos. Et réliqua.

Homília sancti Ambrósii
Episcopi.

**Lib. 5. Comm. in Luc. c. 6.,
post initium.**

OMNES magni, omnes sublimes montem ascéndunt. Non enim cuicúmque prophéta dicit : Ascénde in montem excélsus qui evangelizas Sion : exálta in virtúte vocem tuam qui evangelizas Jerúsalem. Non vestigiis corporálibus, sed factis sublimióribus in hunc montem ascénde, et séquere Christum, ut ipse esse mons possis. Montes enim in circúitu ejus. Quare in Evangélíio invénies solos cum Dómino montem ascendisse discipulos. Orat ergo Dóminus, non ut pro se óbsecret, sed ut pro me impetret. Nam etsi ómnia posúerit Pater in potestáte Fílii : Fílius tamen, ut hóminis formam impléret, obsecrándum Patrem putat esse pro nobis, quia advócatus est noster.

R. Isti sunt qui vivéntes in carne, plantavérunt Ecclésiám sángine suo : * Cálicem Dómini bibérunt, et amíci Dei facti sunt. **V.** In

omnem terram exivit sonus eorum, et in fines orbis terræ verba eorum. Cálicem.

Lectio viij.

ET erat, inquit, pernóctans in oratióne Dei. Spécies tibi Christiáne datur, forma præscribitur, quam debeas æmulári. Quid enim te pro salúte tua fácere opórtet, quando pro te Christus in oratióne pernóctat? Quid te fácere cónvenit, cum vis áliquod pietátis officium adoriri, quando Christus misúrus Apóstolos orávit prius, et solus orávit? Nec usquam álibi, si non fallor, orásse cum Apóstolis reperitur : ubique solus óbsecrat. Dei enim consilium humana vota non cápiunt : nec quisquam interiórum potest esse párticeps Christi.

R. Isti sunt viri sancti, quos elégit Dóminus in caritáte non ficta, et dedit illis glóriam sempitérnam : * Quorum doctrína fulget Ecclesiá, ut sole luna. **V.** Sancti per fidem vicérunt regna, operáti sunt justítiam. Quorum. Glória Patri. Quorum.

Lectio ix.

VOCÁVIT, inquit, discipulos suos, et elégit duódecim ex ipsis, quos ad propagándum auxiliúm salutis humanæ per terrárum orbem satóres fidei destináret. Simul advérte cæléste consilium : non sapiéntes áliquos, non divites, non nóbiles,

sed piscatóres et publicános, quos dirigeret, elégit : ne traduxisse prudéntia, ne redemisse divitiis, ne poténtiæ nobilitatisque auctoritáte traxisse áliquos ad suam grátiam viderétur, ut veritátis rátio, non disputatiónis grátia prævaléret.

Te Deum laudámus. 16.

In II. Vesp. fit Commem. S. Ludovici.

DIE XXV. VEL XXVI

S. LUDOVICI CONF.

Semiduplex.

Omnia de Communi Confessoris non Pontificis. 76*, præter seq.

Ant. Similábo eum viro sapiénti, qui ædificávit domum suam supra petram.

V. Amávit eum Dóminus, et ornávit eum. **R.** Stulam glóriæ induit eum.

Oratio.

DEUS, qui beátum Ludovicum Confessórem tuum de terréno regno ad cæléstis regni glóriam transulisti : ejus, quæsumus, méritis et intercessióne, Regis regum Jesu Christi Filii tui fácias nos esse consórtes : Qui tecum vivit.

Ubi vero Festum S. Bartholomæi celebratur die 25., de S. Ludovico fit die 26., et tunc in II. Vesp. S. Bartholomæi post Commem. S. Ludovici fit etiam Commem. S. Zephyrini, ut infra, et ad Matutinum in Hymno m. t. v.

Lect. ix. de S. Zephyrino,
et Commem. de eo in Lau-
dibus.

IN I. NOCTURNO

Lect. de Script. occur.

IN II. NOCTURNO

Lectio iv.

LUDOVICUS nonus Gálliae rex, duódecim annos natus, patre amisso, et in Blanchæ matris sanctissima disciplina educátus, cum jam vigésimum annum in regno ágeret, in morbum incidit : quo témpore cogitávit de recuperánda possessione Jerosolymórum. Quamóbrem ubi convaluisset, vexillum ab episcopo Parisiensi accépit : deinde mare cum ingénti exércitu trajiciens, primo prælio Saracénos fugávit. Sed cum ex pestiléntia magna militum multitúdo periisset, victus ipse captúsque est.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et.

Lectio v.

REBUS póstea cum Saracénis compósitis, liber rex exércitúsque dimittitur. Quinque annis in Oriénte commorátus, plúrimos Christiános a barbarórum servitúte redémit, multos étiam infidéles ad Christi fidem convértit : prætérea áliquot

Christianórum urbes refécit suis sumptribus. Interim mater ejus migrat e vita : quare domum redire cógitur, ubi totum se dedit pietátis officiis.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorícá fidei, et ornávit eum. Et.

Lectio vj.

MULTA ædificávit monasteria, et páuperum hospitia : beneficéntia egéntes sublevábat : frequens visébat ægrótos, quibus ipse non solum suis sumptribus ómnia suppeditábat, sed étiam, quæ opus erant, mánibus ministrábat. Vestitu vulgári utebátur, cilicio ac jejúnio corpus assidue affligébat. Sed cum iterum transmisisset, bellum Saracénis illatúrus, jamque castra in eórum conspéctu posuisset, pestiléntia decéssit in illa oratióne : Introibo in domum tuam ; adorábo ad templum sanctum tuum, et confitébor nómini tuo. Ejus corpus póstea Lutétiam Parisiórum translátum est, quod in célebri sancti Dionýsii templo asservátur et cólitur ; caput vero in sacra æde sanctæ Capéllæ. Ipse clarus miráculis a Bonifácio Papa octávo in sanctórum númerum est relátus.

R. Iste homo. 83*.

IN III. NOCTURNO

Lectio sancti Evangelii secundum Lucam.

Lectio vij. Cap. 19. b

IN illo tempore : Dixit Jesus discipulis suis parabolam hanc : Homo quidam nobilis abiit in regionem longinquam, accipere sibi regnum, et reverti. Et reliqua.

Homilia sancti Ambrósii
Episcopi.

Lib. 8. in Lucam.

BONUS ordo, ut vocáturus gentes, et Judæos jussurus interfici, qui noluerunt regnare supra se Christum, hanc præmitteret comparationem, ne diceretur : Nihil dederat populo Judæorum, unde póterat melior fieri? ut quid ab eo qui nihil recipit, exigitur? Non mediocris ista est mna, quam supra mulier evangélica quia non invenit, lucernam accendit, lumine quærit admoto, gratulatur inventam.

R. Iste est qui ante Deum magnas virtutes operatus est, et de omni corde suo laudavit Dóminum : * Ipse intercedat pro peccatis ómnium populórum. **V.** Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viij.

DÉNIQUE ex una decem mnas álius fecit, álius quinque. Fortasse iste moralia habet, quia quinque sunt

cóporis sensus : ille duplicia, id est, mystica legis, et moralia probitatis. Unde et Matthæus quinque talenta, et duo talenta posuit : in quinque talentis ut sint moralia, in duobus utrumque, mysticum atque morale. Ita quod número inferius, re uberius.

R. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dóminum suum, quando revertatur a nuptiis. **V.** Vigilate ergo, quia nescitis qua hora Dóminus vester venturus sit. Et. Glória. Et.

Lectio ix.

ET hic possumus decem mnas decem verba intelligere, id est, legis doctrinam ; quinque autem mnas, magisteria disciplinæ. Sed legisperitum in ómnibus volo esse perfectum. Non enim in sermone, sed in virtute est regnum Dei. Bene autem, quia de Judæis dicit, duo soli multiplicatam pecuniam deferunt, non utique æris, sed dispensationis usuris. Alia est enim pecuniæ fœnebris, alia doctrinæ cælestis usura.

Te Deum laudamus. 16.

In II. Vesp. Commem. seq.

DIE XXVI

SANCTI ZEPHYRINI

PAPÆ ET MART.

Ant. Iste sanctus pro lege Dei sui certavit usque ad

mortem, et a verbis impiórum non tímuit : fundátus enim erat supra firmam petram.

Ÿ. Glória et honóre coronásti eum Dómine. *R.* Et constituisti eum super ópera mánuum tuárum.

Oratio.

PRÆSTA, quæsumus omnipotens Deus : ut beáti Zephyrini Mártyris tui atque Pontificis, cujus gaudémus méritis, instruámur exemplis. Per Dóminum.

Lectio iij.

ZEPHYRÍNUS RománuS Sevéro imperatóre ad regéndam Ecclésiám assúptus, sancívit, ut qui ordinándi essent, opportúno témpore et multis præséntibus cléricis et láicis, de more sacris initiaréntur; doctique ac spectátæ vitæ hómines ad id officii munus deligeréntur. Decrévit prætérea, ut rem divinam faciénti episcopo sacerdotés omnes adstárent. Idem instituit ut patriárcha, primas, metropolitánus adversus episcopum non ferant senténtiam, nisi apostólica auctoritate fulti. Vixit in pontificátu annos decem et octo, dies decem et octo. Hábit ordinatiónes quátuor mense Decémbri, quibus creávit presbýteros trédecim, diáconos septem, episcopos per diversa loca trédecim. Antoníno imperatóre mártýrio coronátus est, et se-

púltus via Appia prope cœmetérium Callisti, séptimo Kaléndas Septémbris.

Te Deum laudámus. 16.

In Laud. Ant. Qui odit ánimam suam in hoc mundo, in vitam ætérnam custódit eam.

Ÿ. Justus ut palma florébit. *R.* Sicut cedrus Libani multiplicábitur.

Vesp. de seq.

DIE XXVII

S. JOSEPHI CALASANTII

CONFESSORIS

Duplex.

Omnia de Comm. Conf. non Pont. 76, præter seq. (m. t. v.)*

Oratio.

DEUS, qui per sanctum Joséphum Confessórem tuum, ad erudiéndam spiritu intelligéntiæ ac pietátis juventútem, novum Ecclésiæ tuæ subsidium providére dignátus es : præsta quæsumus; nos ejus exémplo et intercessióne, ita fácere et docére, ut præmia consequámur ætérna. Per Dóminum nostrum.

IN I. NOCTURNO

Lect. de Script. occur.

IN II. NOCTURNO

Lectio iv.

JOSÉPHUS Calasántius a Matre Dei, Petráltæ in Aragónia nóbili génere natus, a téneris annis futúre in púeros caritátis et eórum institutiónis indicia præbuit. Nam adhuc párvulus eos ad

se convocátos in mystériis fidei et sacris précibus erudiébat. Humánis divinisque litteris egrégie doctus, cum stúdiis theológicis Valentíæ óperam daret, nóbilis potentisque féminæ illécebris fórtiter superátis, virginitátem, quam Deo vóverat, inoffénsam insigni victória servávit. Sacérdos ex voto factus, a complúribus episcopis in Castéllæ Novæ, Aragóniæ et Cataláuniæ regnis in partem labóris ascitus, exspectatió-nem ómnium vicit, pravis ubique móribus emendátis, ecclesiástica disciplina restitúta, inimicitíis cruentisque factiόνibus mirífice exstinctis. At cælésti visióne et Dei voce frequénter admonítus, Romam proféctus est.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

IN Urbe summa vitæ asperitáte, vigiliis et jejúniis corpus affligens, in oratió-nibus et cæléstium rerum contemplatióne dies noctesque versabátur, septem ejúsdem Urbis ecclési-as singulis fere nóctibus obire sólitus : quem inde morem complúres annos servávit. Dato piis sodalitátibus nómine, mi-

rum quanto ardóre páuperes, infirmos potissimum, aut carcéribus deténtos elemósynis omnique pietátis officio subleváret. Lue Urbem depopulánte, una cum sancto Camillo, tanto fuit actus impetu caritátis, ut præter subsidia ægróti-paupéribus large colláta, ipsa étiam defunctorum cadáverasuis húmeris tumulánda transférret. Verum cum divinitus accepisset, se ad informándos intelligéntiæ ac pietátis spíritu adolescentulos, præcipue páuperes, destinári, ór-dinem Clericórum regulárium páuperum Matris Deis cholarum piárum fundávit, qui peculiárem curam circa puerórum eruditiónem ex próprio instituto profiteréntur : ipsúmque ór-dinem a Cleménte octávo, a Páulo quinto aliisque Summis Pontificibus magnópere probátum, brevi témpore per plúrimas Euró-pæ provincias et regna mirabiliter propagávit. In hoc áutem tot labóres perpéssus est, ac tot ærúmnas invicto ánimo tolerávit, ut ómnium voce miráculum fortitúdinis, et sancti Jobi exémplum dicerétur.

R. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. **V.** Induit eum Dóminus lorricam fidei, et ornávit eum. Et.

Lectio vij.

QUAMVIS ordini univérso præesset, totisque viribus ad animárum salutem incumberet, numquam tamen intermisit púeros, præsertim pauperiores, erudire, quorum scholas vérrere, eosque domum comitari consuevit. In eo summæ patientiæ et humilitatis múnere, valetúdine etiam infirma, duos et quinquaginta annos perseverávit : dignus propterea, quem crebris Deus miraculis coram discipulis illustráret, et cui beatissima Virgo cum púero Jesu, illis orántibus benedicente, appareret. Amplissimis interim dignitatibus repudiátis, prophetia, ábdita córdium et abséntia cognoscendi donis et miraculis clarus, Deiparæ Virginis, quam singulári pietáte et ipse ab infántia cóluit, et suis máxime commendávit, aliorúmque cælitum frequentí apparitióne dignátus, cum óbitus sui diem, et órdis tunc prope evérsi restitutionem atque incrementum prænuntiasset, secúndum et nonagésimum annum agens, Romæ obdormívit in Dómino, octávo Kaléndas Septémbris, anno millésimo sexcentésimo quadragésimo octávo. Ejus cor et lingua post sáculum integra et incorrupta repérta sunt. Ipse vero multis post óbitum quoque signis a Deo illu-

strátus, primum a Benedicto décimo quarto beatórum cultu decorátus fuit, ac deinde a Clemente décimo tertio inter sanctos solémniter est relátus.

R. Iste homo. 83*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 18.

IN illo témpore : Accessérunt discipuli ad Jesum, dicéntes : Quis, putas, major est in regno cælórum? Et relíqua.

Homilia sancti Joánnis Chrysóstomi.

In cap. 18. Matth. Hom. 60.

VIDÉTE ne áliquem istórum contempsérítis parvulórum, quia eórum Angeli Patris mei fáciem semper adspiciunt, et quia ego propter eos veni, et hæc Patris mei volúntas est. Ad tuéndos conservandósque pusillos diligentiores nos reddit. Pérspicis quam ingéntia in tutélam tenúium mœnia eréxerit, et quantum stúdiu curámque hábeat, ne perdántur, tum quia suprémás despiciéntibus eos pœna stáuit, tum quia summam pollicétur mercédem his, qui curam eórum suscipiunt; idque tam suo, quam Patris exémplo corróborat.

R. Iste est qui ante Deum magnas virtútes operátus est, et de omni corde suo laudávit Dóminu : • Ipse intercedat pro peccátis ómnium

populorum. *ŷ.* Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viij.

DÓMINUM igitur etiam nos imitemur, et nihil pro fratribus omittamus, etiam eorum quæ humilia viliaque nimium videntur; sed si administratione nostra etiam opus fuerit, quamvis tenuis atque abjectus quidem, cui administrandum sit, fuerit, quamvis ardua nobis res atque laboris plena esse videatur, omnia hæc pro fratribus salute tolerabiliora facilioraque, oro, videantur: tanto enim studio tantæque cura Deus dignam esse animam ostendit, ut neque Filio suo pepercerit.

R. Sint lumbi vestri præcincti, et lucernæ ardentes in manibus vestris: * Et vos similes hominibus expectantibus dominum suum, quando revertatur a nuptiis.

ŷ. Vigilate ergo, quia nescitis qua hora Dominus vester venturus sit. Et vos similes. Glória Patri. Et vos similes.

Lectio ix.

SI non est nobis satis ad salutem, quod virtuosè ipsi vivamus, sed oportet aliorum salutem re ipsa considerare; cum neque nos recte vivamus, neque alios hortemur, quid respondimus? Quæ nobis spes salutis reliqua erit? Quid ma-

jus, quam animis moderari, quam adolescentulorum fingere mores? Omni certe pictore, omni certe statuario, cæterisque hujusmodi omnibus excellentiorem hunc duco, qui juvenum animos fingere non ignoret.

Te Deum laudamus. 16.

Vesp. a Capit. de seq., cum Commem. præced. etc. ut infra.

DIE XXVIII

SANCTI AUGUSTINI

EPISC. CONF. ET ECCL. DOCT.

Duplex.

Omnia de Comm. Conf. Pont. 55*, præter seq.

In utrisque Vesp. ad Magnif. Ant. O Doctor optime, Ecclesiæ sanctæ lumen, beate Augustine, divinæ legis amator, deprecare pro nobis Filium Dei.

Oratio.

AD ESTO supplicationibus nostris omnipotens Deus: et quibus fiduciam sperandæ pietatis indulges, intercedente beato Augustino Confessore tuo atque Pontifice consuetæ misericordiæ tribue benignus effectum. Per Dominum.

Et sit Commem. præced.

Ant. Hic vir despiciens mundum et terræna, triumphans, divitias cælo condidit ore, manu.

ŷ. Justum deduxit Dominus per vias rectas. *R.* Et ostendit illi regnum Dei.

Oratio. Deus, qui. 610.

Deinde S. Hermetis Mart.

Ant. Iste sanctus pro lege Dei sui certavit usque ad mortem, et a verbis impiorum non timuit : fundatus enim erat supra firmam petram.

✠ Glória et honóre coronasti eum Dómine. ✠. Et constituisti eum super ópera mánuum tuárum.

Oratio.

DEUS, qui beátum Hermetem Mártirem tuum virtute constantiæ in passióne roborasti : ex ejus nobis imitatione tribue pro amore tuo próspera mundi despicere, et nulla ejus adversa formidare. Per Dóminum.

IN I. NOCTURNO

Lect. Sapientiam. **de Comuni Doct.** 71*.

IN II. NOCTURNO

Lectio iv.

AUGUSTINUS, Tagaste in Africa honestis parentibus natus, ac puer docilitate ingenii æquales longe superans, brevi omnibus doctrina antecelluit. Adolescens, dum esset Carthagine, in Manichæorum hæresim incidit. Postea Romam profectus, inde Mediolanum missus ut rhetoricam doceret, cum ibi frequens Ambrosii episcopi esset auditor, ejus ópera incensus studio catholicæ fidei, annos natus triginta tres ab ipso baptizatur. Reversus in Africam, cum religione vitæ sanctimoniam conjungens,

a Valério notæ sanctitatis episcopo Hipponensi presbyter factus est. Quo tempore familiam instituit religiosorum, quibuscum victu communi eodemque cultu utens, eos ad apostolicæ vitæ doctrinæque disciplinam diligentissime erudiebat. Sed cum vigeret Manichæorum hæresis, vehementius in illam invehii cepit, Fortunatumque hæresiarcham confutavit.

✠. Inveni David servum meum, oleo sancto meo unxi eum : * Manus enim mea auxiliabitur ei. ✠. Nihil proficiet inimicus in eo, et filius iniquitatis non nocēbit ei. Manus.

Lectio v.

HAC Augustini pietate commotus Valérius, eum adiutorem adhibuit episcopalis officii. Nihil illo fuit humilior, nihil continētior. Lectus ac vestitus moderatus, vulgaris mensa, quam semper sacra vel lectione vel disputatione condiēbat. Tanta benignitate fuit in pauperes, ut, cum non esset alia facultas, sacra vasa frangeret ad eorum inopiam sustentandam. Feminarum, et in eis sororis, et fratris filiæ, contubernium familiaritatemque vitavit : quippe qui diceret, etsi propinquæ mulieres suspectæ non essent, tamen quæ ad eas ventitarent, posse suspicionem efficere. Nullum finem fecit

prædicandi Dei verbum, nisi gravi morbo opprëssus. Hærelîcos perpétuo insectâtus et coram et scriptis, ac nullo loco passus consistere, Africam a Manichæorum, Donatistarum, Pelagianorum, aliorumque præterea hæreticorum errore magna ex parte liberavit.

R. Pôsui adjutôrium super poténtem, et exaltâvi eléctum de plebe mea : * Manus enim mea auxiliâbitur ei. **V.** Invéni David servum meum, óleo sancto meo unxi eum. Manus enim.

Lectio vj.

TAM multa pie, subtiliter et copiôse scripsit, ut christiânâ doctrinâ máxime illustrârit. Quem in primis secûti sunt, qui póstea theolôgicâ disciplinâ via et ratiône tradiderunt. Wándalis Africâ bello vastântibus, et Hippónem tertiûm jam mensem obsidéntibus, in febrim incidit. Itaque cum discéssum e vita sibi instâre intelligeret, Psalmos David qui ad pœniténtiam pèrinent, in conspéctu pòsitos profûsis lácrymis legébat. Solébat autem dicere nêminem, etsi nullius scélêris sibi cónsciûs esset, committere debére, ut sine pœniténtia migrâret e vita. Ergo sênsibus integris, in oratiône defixus, adstântibus frâtribus, quos ad caritâtem, pietâtem, virtutésque omnes erat adhortâtus, mi-

grâvit in cælum. Vixit annos septuaginta sex, in episcopâtû ad triginta sex. Cujus corpus primum in Sardiniam delâtum, deinde a Luitprândo, Longobardorum rege, magno prëtio redemptum, Ticinum translâtum est, ibique honorífice cónditum.

R. Iste est qui. 62*.

IN III. NOCTURNO

Homil. in Evang. Vos estis sal terræ. **de Comm. Doct.** 1^o loco. 73*.

In Laud. fit Commem. S. Hermetis.

Ant. Qui odit ânimam suam in hoc mundo, in vitam æternâ custôdit eam.

V. Justus ut palma florébit. **R.** Sicut cedrus Libani multiplicâbitur.

Oratio Deus, qui. 614.

Vesp. de seq. cum Commem. præced. et S. Sabinæ Mart.

DIE XXIX

IN DECOLLATIONE

S. JOANNIS BAPTISTÆ

Duplex majus.

IN I. VESPERIS

Ant. et Capit. de Laud. 620;
Pss. ut in I. Vesp. de Comm. Apost. 2*.

Hymnus.

DEUS tuorum militum
Sors, et corôna, præmium,
Lâudes canéntes Mártyris
Absólve nexu criminis.

Hic nempe mundi gâudia,
Et blanda frâudum pábula

Imbúta felle députans,
Pervénit ad cæléstia.

Pœnas cucúrrit fórtiter,
Et sústulit viriliter,
Fundénsque pro te sánguinem,

Ætérna dona póssidet.

Ob hoc precátu súplici
Te póscimus piissime;
In hoc triúmpho Mátyris
Dimítte noxam sérvulis.

Laus et perénis glória
Patri sit, atque Filio,
Sancto simul Paráclito,
In sempitérna sæcula. Amen.

Ÿ. Glória et honóre coronásti eum Dómine. R. Et constituísti eum super ópera mánuum tuárum.

Ad Magnif. Ant. Misso Heródes spiculátore, præcépit amputári caput Joánnis in cárcere. Quo audito, discipuli ejus venérunt, et tulérunt corpus ejus, et posué-
runt illud in monuménto.

Oratio.

SANCTI Joánnis Baptistæ
Præcursóris et Mátyris
tui, quæsumus Dómine : ven-
neránda festivitas, salutáris
auxilii nobis præstet effé-
ctum : Qui vivis et regnas.

Et fit Commem. S. Augustini.

Ant. O Doctor óptime, Ec-
clésiae sanctæ lumen, beáte
Augustine, divínæ legis amá-
tor, deprecáre pro nobis Fi-
lium Dei.

Ÿ. Justum dedúxit Dómi-
nus per vias rectas. R. Et
osténdit illi regnum Dei.

Orat. Adésto. 613.

**Postea sanctæ Sabinæ Mar-
tyris.**

Ant. Simile est regnum
cælórum hómini negotiatóri
quærénti bonas margaritas :
invénta una pretiósá, dedit
ómnia sua, et comparávit
eam.

Ÿ. Spécie tua et pulchri-
túdine tua. R. Inténde, pró-
spere procéde, et regna.

Oratio.

DEUS, qui inter cætera
poténtiæ tuæ mirácula,
étiam in sexu frágili victó-
riam mátyrii contulistí :
concéde propítius; ut qui
beátæ Sabinæ Mátyris tuæ
natalítia cólimus, per ejus ad
te exémpa gradiámur. Per
Dóminum.

AD MATUTINUM

**Omnia de Communi unius
Mart. 24*, præter seq.**

IN I. NOCTURNO

Incipit Jeremías Prophéta.

Lectio j. Cap. 1.

VERBA Jeremíæ filii Hel-
ciæ, de sacerdotibus,
qui fuérunt in Anathoth, in
Terra Bénjamin. Quod fac-
tum est verbum Dómini ad
eum in diébus Josiæ filii
Amon regis Juda, in tertio-
décimo anno regni ejus. Et
factum est in diébus Jóakim
filii Josiæ regis Juda, usque
ad consummationem undé-
cimi anni Sedeciæ filii Josiæ
regis Juda, usque ad trans-
migrationem Jerúsalem, in
mense quinto. Et factum est
verbum Dómini ad me, di-
cens : Priúsquam te formá-

rem in útero, novi te : et ántequam exires de vulva, sanctificávi te, et prophétam in géntibus dedi te.

R. Misit Heródes rex manus, ac ténuít Joánnem, et vinxit eum in cárcere, quia metuébat eum, propter Herodiadem, * Quam túlerat fratri suo Philippo uxórem. **V.** Arguébat Heródem Joánes propter Herodiadem. Quam túlerat.

Lectio ij.

ET dixi, A a a, Dómine Deus : ecce néscio loqui, quia puer ego sum. Et dixit Dóminus ad me : Noli dicere : Puer sum : quóniam ad ómnia, quæ mittam te, ibis : et univérsa, quæcúmque mandávero tibi, loqueris. Ne timeas a fácie eórum : quia tecum ego sum ut éruam te, dicit Dóminus. Et misit Dóminus manum suam, et tétigit os meum : et dixit Dóminus ad me : Ecce dedi verba mea in ore tuo : ecce constitui te hódie super gentes, et super regna, ut evéllas, et déstruas, et dispérdas, et dissipes, et ædífices, et plantes.

R. Joánes Baptista arguébat Heródem * Propter Herodiadem, quam túlerat fratri suo vivénti uxórem. **V.** Misso Heródes spiculatóre, præcepit amputári caput Joánnis in cárcere. Propter.

Lectio iij.

TU ergo accínge lumbos tuos, et surge, et lóquere

ad eos, ómnia quæ ego præcipio tibi. Ne formídes a fácie eórum : nec enim timére te fáciam vultum eórum. Ego quippe dedi te hódie in civitátem munitam, et in colúmnam férream, et in murum æreum, super omnem terram, régibus Juda, principibus ejus, et sacerdotibus, et pópulo terræ. Et bellábunt advérsus te, et non prævalébunt : quia ego tecum sum, ait Dóminus, ut liberem te.

R. Puéllæ saltánti imperávit mater : * Nihil áliud petas, nisi caput Joánnis. * Et contristátus est rex propter jusjurándum, et propter simul discumbéntes. **V.** Ait puélla matri suæ : Quid petam? At illa ait. Nihil. Glória Patri. Et.

IN II. NOCTURNO

Ex libro sancti Ambrósii
Episcopi de Virginibus.

Liber 3. post initium.

Lectio iv.

QUÓNIAM beáti Joánnis Baptistæ non strictim prætereúnda est recordátio, interest ut quis, et a quibus, et quam ob cáusam, quo modo, et quo témpore sit occisus, advértere debeámus. Ab adúlteris justus occiditur, et a reis in júdicem capitális scéleris pœna convértitur. Deinde præmium saltatricis, mors est prophætæ. Postrémo (quod étiam omnes bárbari horrére consuevérunt) inter épulas at-

que convivia consummândæ crudelitátis profértur editum : et a convívio ad cárcerem, de cárcere ad convívium ferális flagitii circumfértur obséquium. Quanta in uno facinore sunt crimina !

R. Justus germinábit sicut lílilium : * Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et.

Lectio v.

QUIS non, cum e convívio ad cárcerem cursári videret, putáret prophétam jussum esse dimitti? Quis, inquam, cum audisset natálem esse Heródis, solémne convívium, puéllæ optiónem eligéndi quod vellet datam, missum ad Joánnem ob solutióem non arbitrarétur? Quid crudelitáti cum deliciis? quid cum funéribus voluptáti? Rápitur ad pœnam prophéta conviváli témpore, conviváli præcépto, quo non cúperet vel absólvi : perimitur gládio, caput ejus affértur in disco. Hoc crudelitáti férculum debebátur, quo insatiáta épulis féritas vescerétur.

R. Iste cognóvit justítiam, et vidit mirabilia magna, et exorávit Altissimum : * Et invéntus est in número sanctórum. **V.** Iste est qui contémpsit vitam mundi, et pervénit ad cæléstia regna. Et.

Lectio vj.

INTUÉRE rex acerbíssime tuo spectácula digna con-

vívio. Pórrige dexteram, ne quid sævitíæ tuæ desit, ut inter dígitos tuos rivi défluant sacri cruóris. Et quóniam non exsaturári épulis fames, non restingui póculis pótuit inauditæ sævitíæ sitis : bibe sánguinem scaturiéntibus adhuc venis exsécti cápitis profluéntem. Cerne óculos in ipsa morte scéleris tui testes, aversántes conspéctum deliciárum. Claudúntur lúmina non tam mortis necessitáte, quam horróre luxúriæ. Os áureum illud exsángue, cujus senténtiam ferre non póteras, conticéscit, et adhuc tímétur.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. **V.** Descenditque cum illo in fóveam, et in vínculis non dereliquit eum. Et. Glória Patri. Et.

IN III. NOCTURNO

Léctio sancti Evangélíi secúndum Marcum.

Lectio vij. Cap. 6. c

IN illo témpore : Misit Heródes, ac tenuit Joánnem, et vinxit eum in cárcere, propter Herodiadem, uxórem Philippi fratris sui, quia dúxerat eam. Et réliqua.

Homília sancti Augustini
Episcopi.

Serm. 10. in novis. Serm.

CUM sanctum Evangélium legerétur, crudéle spectáculum ante óculos nostros

constitutum est : caput sancti Joannis in disco, ferâlis missus crudelitatis propter odium veritatis. Puella saltat, et sævit mater : et inter lascivias et delicias convivantium temere juratur, et impie quod juratur, impletur. Factum est Joanni, quod ipse prædixerat. De Domino enim Jesu Christo dixerat : Illum oportet crescere, me autem minui. Iste minutus est in capite, ille crevit in cruce. Odium peperit veritas. Non potuit æquo animo tolerari, quod homo Dei sanctus monēbat : qui utique salutem eorum quærebat, quos sic monēbat. Respondērunt illi mala pro bonis.

R. Desiderium animæ ejus tribuisti ei Dómine, * Et voluntate labiōrum ejus non fraudasti eum. **V.** Quoniam prævenisti eum in benedictionibus dulcedinis : posuisti in capite ejus coronam de lapide pretioso. Et.

Lectio viij.

QUID enim ille diceret, nisi quo plenus erat? Et quid illi responderent, nisi quo pleni erant? Ille triticum seminavit, sed spinas invenit. Dicebat regi : Non licet tibi habere uxorem fratris tui. Vincēbat enim regem libido : tenēbat apud se prohibitam uxorem fratris sui. Sed eum tamen sic libēbat, ut non sæviret. Honorābat eum a quo verum audiēbat : sed mulier detestabilis odium concipiē-

bat, quod aliquando dato tempore pareret. Quando autem parturiēbat, peperit filiam, filiam saltantem.

R. Stola jucunditatis induit eum Dóminus : * Et coronam pulchritudinis posuit super caput ejus. **V.** Cibavit illum Dóminus pane vitæ et intellectus : et aqua sapientiæ salutæ potavit illum. Et. Glória Patri. Et.

Pro sancta Sabina Martyre.

Lectio ix.

SABINA mulier Romána, Valentini viri clarissimi uxor, a Seráphia virgine christiænæ fidei præceptis instituta, post sanctæ Virginis martyrium collectas ejus reliquias piis exsequiis sepelivit. Quæ propter eam causam paulo post Adriáno imperatore comprehensa, Elpidio júdici sistitur. Cui is : Tu ne illa Sabina et genere et matrimónio nobilissima? At illa, Sum, inquit : sed Dómino meo Jesu Christo grátias ago, qui me, intercessiōne Seráphiæ famulæ suæ, e dæmonum potestate liberavit. Quam vârie tentatam, ut propósitum mutâret, cum a fidei constantia movere non posset, præfectus, pronuntiata sententia quod deos contemneret, capitis damnavit. Ejus corpus a Christiānis in eodem sepulcro conditum est, in quo ipsa magistrā fidei suæ Seráphiam posuerat.

Tē Deum laudamus. 16.

AD LAUDES
ET PER HORAS

Ant. 1. Heródes enim ténuit * et ligávit Joánnem, et pósuit in cárcerem propter Herodiadem.

Ps. Dóminus regnávit. **cum reliq. 16.**

2. Dómine mi rex, * da mihi in disco caput Joánnis Baptistæ.

3. Puéllæ saltánti * imperávit mater : Nihil áliud petas, nisi caput Joánnis.

4. Arguébat Heródem * Joánnes propter Herodiadem, quam túlerat fratri suo Philippo uxórem.

5. Da mihi in disco * caput Joánnis Baptistæ : et contristátus est rex propter jurándum.

Capitulum. Jac. 1. b

BEÁTUS vir qui suffert tentatióem : quóniam, cum probátus fúerit, accipiet corónam vitæ, quam repromisit Deus diligéntibus se.

Hymnus.

INVÍCTE Martyr, únicum Patris secútus Filium, Victis triúmphas hóstibus, Victor fruens cæléstibus.

Tui precátus múnere Nostrum reátum dilue, Arcens mali contágium, Vitæ repéllens tædium.

Solúta sunt jam víncula Tui sacráti córporis : Nos solve vinclis sæculi Dono supérni Núminis.

Deo Patri sit glória, Ejúsque soli Filio,

Cum Spíritu Paráclito, Nunc, et per omne sæculum. Amen.

V. Justus ut palma florébit. **R.** Sicut cedrus Libani multiplicábitur.

Ad Bened. Ant. Misso Heródes spiculátore, præcépit amputári caput Joánnis in cárcere. Quo audito, discipuli ejus venérunt, et tulérunt corpus ejus, et posué runt illud in monuménto.

Oratio.

SANCTI Joánnis Baptistæ Præcursóris et Mártiris tui, quæsumus Dómine : veneránda festivitas, salutáris auxilii nobis præstet efféctum : Qui vivis et regnas.

Et fit Commem. sanctæ Sabinæ.

Ant. Date ei de fructu mánuum suárum, et láudent eam in portis ópera ejus.

V. Diffúsa est grátia in lábiis tuis. **R.** Proptérea benedixit te Deus in ætérnum.

Orat. Deus, qui. 616.

AD TERTIAM

Ant. Dómine mi rex.

Capit. Beátus vir. **ut supra.**

R. br. Glória et honóre * Coronásti eum Dómine. Glória et honóre. **V.** Et constituísti eum super ópera mánuum tuárum. Coronásti. Glória Patri. Glória et honóre.

V. Posuísti Dómine super caput ejus. **R.** Corónam de lápide pretiósó.

AD SEXTAM

Ant. Puéllæ saltánti.

Capitulum. Eccli. 15.

CIBÁVIT illum pane vitæ et
intelléctus, et aqua sapién-
tiæ salutáris potávit illum
Dóminus Deus noster.

R. br. Posuisti Dómine

* Super caput ejus. Posuisti.

V. Corónam de lápide pretiós-
so. Super. Glória. Posuisti.

V. Magna est glória ejus in
salutári tuo. *R.* Glóriam et
magnum decórem impónes
super eum.

AD NONAM

Ant. Da mihi in disco.

Capitulum. Eccli. 39.

JUSTUS cor suum trádidit
ad vigilándum dilúculo ad
Dóminum qui fecit illum,
et in conspéctu Altissimi de-
precábitur.

R. br. Magna est glória
ejus * In salutári tuo. Magna.

V. Glóriam et magnum decó-
rem impónes super eum. In
salutári. Glória Patri. Magna.

V. Justus ut palma floré-
bit. *R.* Sicut cedrus Líbani
multiplicábitur.

IN II. VESPERIS

Ant. et Capit. de Laud.:
Pss. ut in I. Vesp. de Comm.
Apost. 2*, et ultimo loco Ps.
Crédidi. 16*.

Hymn. Deus tuórum. 615.

V. Justus ut palma floré-
bit. *R.* Sicut cedrus Líbani
multiplicábitur.

Ad Magnif. Ant. Misit rex
incrédulus ministros dete-
stábiles, et amputári jussit
caput Joánnis Baptistæ.

Orat. Sancti Joánnis. ut
supra.

Deinde fit Commem. seq.
et SS. Felicis et Adaucti Mar-
tyrum.

DIE XXX

SANCTÆ ROSÆ A SANCTA MARIA

VIRGINIS LIMANÆ

Duplex.

Omnia de Communi Virg.
95*, præter seq.

Ant. Veni sponsa Christi,
accipe corónam, quam tibi
Dóminus præparávit in ætér-
num.

V. Spécie tua et pulchritú-
dine tua. *R.* Inténde, pró-
spere procéde, et regna.

Oratio.

BONÓRUM ómnium largitor,
omnipotens Deus, qui
beátam Rosam, cæléstis grá-
tiæ rore prævéntam, virgi-
nitátis et patiéntiæ decóre
Indis floréscere voluisti: da
nobis fámulis tuis; ut in odó-
rem suavitátis ejus curren-
tes, Christi bonus odor éffici
mereámur: Qui tecum vivit.

Et fit Commem. SS. Felicis
et Adaucti Mm.

Ant. Istórum est enim re-
gnum cælórum, qui contem-
psérunt vitam mundi, et per-
venérunt ad præmia regni,
et lavérunt stolas suas in
sanguine Agni.

V. Lætámini in Dómino,
et exsultáte justi. *R.* Et glo-
riámini omnes recti corde.

Oratio.

MAJESTÁTEM tuam Dómine
súpplīces exorámus: ut
sicut nos júgiter sanctórum
tuórum commemoratióne

lætificas; ita semper supplicatiōe defēdas. Per Dñm.

IN I. NOCTURNO

Lect. de Script. occur.

IN II. NOCTURNO

Lectio iv.

PRIMUS Americæ Meridionalis flos sanctitatis, virgo Rosa, christiānis parēntibus Limæ progénita, mox ab incunābulis clāruit futūræ sanctimōniæ indiciis. Nam vultus infāntis mirabiliter in rosæ effigiem transfigurātus, huic nōmini occasiōem dedit: cui pōstea Virgo Deipara cognōmen adjecit, jubens vocāri deinceps Rosam a sancta Maria. Quinquēnnis votum perpētūæ virginitatis emisit. Adūltior, ne a parēntibus ad nūptias cogerētur, clam sibimet venustissimam cāpitis cæsāriem præscidit. Jejūniis supra hūmānum modum addicta, integras Quadragesimas transēgit, pane ābstinens, ac diētim solis quinque grānulis mali citrini victitans.

R. Propter veritatem, et mansuetudinem, et justitiam: * Et deducet te mirabiliter dextera tua. *V.* Specie tua et pulchritudine tua intēde, prospere procēde, et regna. Et.

Lectio v.

HĀBITU tertiū ordinis sancti Dominici assumpto, pristinas vitæ austeritātes duplicavit: oblōngo asperrimoque cilicio sparsim minúsculas acus innēxuit: sub velo

corōnam densis aculeis intrōrsus obarmātā interdiū noctūque gestāvit. Sanctæ Catharinæ Senēnsis ārdua premens vestigia, catēna fērrea, triplici nexu circumdūcta, lumbos cinxit. Lēctulum sibi e truncis nodosis compōsuit, horūque vācuas commissūras fragminibus testarum implēvit. Cēllulam sibi angustissimam struxit in extrēmo horti āngulo, ubi cēlestium contemplatiōni dēdita, crebris disciplinis, inēdia, vigiliis corpūsculum extēnuans, at spīritu vegetāta, larvas dāemonum, frequēti certāmine victrix, impāvide protrivit ac superāvit.

R. Dilexisti justitiam, et odisti iniquitatem: * Propterea unxit te Deus, Deus tuus, oleo lætitiæ. *V.* Propter veritatem, et mansuetudinem, et justitiam. Propterea.

Lectio vj.

AGRITUDINUM tormētis, domesticōrum insūltibus, linguārum mōrsibus dire agitāta, nondum satis pro mērito se affligi querebātur. Per quīdecim annos ad plūsculas horas desolatiōne spīritus et ariditate misērrime contabēscens, forti ānimo tulit agōnes omni morte amariōres. Exīnde cōepit supērnis abundāre deliciis, illustrārī visiōnibus, colliquescere serāphicis ardōribus. Angelo tutelāri, sanctæ Catharinæ Senēnsi, Virgini

Deiparæ inter assíduas apparitiónes mire familiáris, a Christo has voces audire mérui: Rosa cordis mei, tu mihi sponsa esto. Dénique Sponsi hujus paradiso feliciter invéctam, plurimisque ante et post óbitum miraculis corúscam, Clemens decimus Póntifex Máximus sanctárum Virginum catálogo ritu solémni adscripsit.

R. Afferéntur. 104*.

IN III. NOCTURNO

Homil. in Evang. Simile erit. *de Comm. Virg. 1º loco.* 106*.

Pro SS. Felice et Adaucto Martyribus.

Lectio ix.

FELIX, Diocletiáno et Maximiano imperatóribus, propter suscepam Christi religiómem comprehénsus, in Serápidis templum addúctus est. Cui sacrificáre cum juberétur, os simulácri cónspuit. Quo facto, statim área státua córruit. Quod cum iterum ac tértio in æde Mercúrii Dianæque factum esset, impietátis et mágicæ artis accusátus, equúleo torqué-
tur. Mox ad secúndum ab Urbe lápidem via Ostiénsi dúcitur, ut secúri ferirétur. Cui inter viam oblátus quidam Christiánus, cum Felicem agnóscens ad mártýrium duci vidéret, Ego quoque, clara voce inquit, eádem, qua iste, lege vivo: ego eúmdem Jesum Christum colo. Itaque Felicem osculá-

tus, cum eo secúri percútitur, tértio Kaléndas Septémbris. Cujus nomen cum ignótum esset Christiánis, is Adaucti nómine nobilitátus est, quod sancto Mártýri Felici adauctus sit ad corónam.

Te Deum laudámus. 16.

In Laud. fit Commem. SS. Martyrum.

Ant. Vestri capilli cápitis omnes numeráti sunt: nolite timére: multis passéribus meliôres estis vos.

V. Exsultábunt sancti in glória. *R.* Lætábúntur in cubilibus suis.

Orat. Majestátem tuam Dómine. 621.

Vesp. a Capit. de seq. cum Commem. præced.

DIE XXXI

S. RAYMUNDI NONNATI
CONFESSORIS

Duplex.

Omnia de Communi Conf. non Pont. 76, præter seq. (m. t. v.)*

Oratio.

DEUS, qui in liberándis fidelibus tuis ab impiórum captivitáte beátum Raymúndum Confessórem tuum miráblem effecisti: ejus nobis intercessióne concéde; ut a peccatórum vinculis absolúti, quæ tibi sunt plácita, liberis méntibus exsequámur. Per Dóminum.

Et fit Commem. præcedentis.

Ant. Veni sponsa Christi, áccipe corónam, quam tibi

Dóminus præparávit in ætérnum.

V. Diffúsa est grátia in lábiis tuis. R. Proptérea benedixit te Deus in ætérnum.

Orat. Bonórum. 621.

IN I. NOCTURNO

Lect. de Script. occur.

IN II. NOCTURNO

Lectio iv.

RAYMÚNDUS, Nonnátus cognóménto dictus, quia præter commúnem natúræ legem e mórtuæ matris dissecto látere in lucem edúctus fuit, Portélli in Cataláunia piis et nobilibus paréntibus ortus, ab ipsa infántia futúræ sanctitátis indicia dedit. Nam puerilia oblectaménta, mundique illécebras réspuens, ita pietáti óperam dabat, ut omnes in púero adúltam virtútem admirarentur. Crescénte vero ætáte, litterárum stúdiis incúbit: sed mox jubénate patre vitam ruri agens, sacéllum sancti Nicolái in Portélli finibus situm crebro adibat, ut sacram Deiparæ imáginem, quæ in eo summa fidélium veneratióne étiam nunc cólitur, visitáret. Ibi effúsus in preces, ipsam Dei paréntem, ut se in filium adoptáre viámque salútis ac sciéntiam sanctórum edócere dignarétur, enixe deprecabátur.

R. Honéstum fecit illum Dóminus, et custodivit eum ab inimicis, et a seductóribus tutávit illum: Et de-

dit illi claritátem ætérnam.

V. Justum dedúxit Dóminus per vias rectas, et osténdit illi regnum Dei. Et.

Lectio v.

NEC defuit votis ejus benigníssima Virgo. Ab ipsa enim intelléxit gratíssimum sibi fore, si religióem sub titulo de Mercéde, seu de Misericórdia redemptióis captivórum, ea suggerénate nuper fundátam, ingrederétur. Quamónitióne percépta, Barcinónam statim proféctus, illud tam præcelléntis erga próximum caritátis institútum amplexus est. Regulári igitur militiæ adscriptus, virginitátem, quam pridem beátæ Virgini consecráverat, perpétuo cóluit, cæterisque virtútibus enituit, caritáte præsértim erga Christiános, qui sub potestáte paganórum míseram in captivitáte vitam degébant. Hos ut redimeret, in Africam missus, cum jam multos a servitúte liberásset, ne, consúmpta pecúnia, áliis item in próximo abnegándæ fidei discrimine constitútis deésset, se ipsum pignori dedit; sed cum ardentíssimo salútis animárum desidério succénsus, plures Mahometános suis conciónibus ad Christum convérteret, in arctam custódiám a bárbaris conjéctus, variisque suppliciis cruciátus, mox lábiis perforátis et sera férrea cláusis, crudéle martýrium diu sustínuit.

℞. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. V. Induit eum Dóminus lorícam fidei, et ornávit eum. Et.

Lectio vj.

OB hæc et ália fórtiter gesta sanctitátis ejus fama longe latéque diffúsa est. Qua permótus Gregórius nonus, in amplissimum sanctæ Románæ Ecclesiæ cardínalium collégium Raymúndum adscripsit : sed vir Dei in ea dignitáte ab omni pompa abhórrens, religiósæ humilitátis tenacíssimus semper fuit. Romam vero pergens, statim ac Cardónam pervénit, extrémó morbo conféctus, ecclesiásticis sacraméntis muniri summis précibus postulávit. Cumque morbus ingravésceret, et sacerdos diútius tardáret, Angelórum ministério, sub spécie religiosórum sui ór-

dinis apparentium, salutári viático reféctus fuit. Quo sumpto, et grátiis Deo peráctis, migrávit ad Dóminum Dominica última Augústi, anno millésimo ducentésimo quadragésimo. Mórtui corpus, cum circa locum sepultúræ conténtio orta esset, arcæ inclúsum, et mulæ cæcæ impósitum, ad sacéllum sancti Nicolái Dei nutu delátum fuit, ut ibi tumularétur, ubi prima jécerat sanctiórís vitæ fundaménta. Illic constrúcto sui órdis cœnóbio, a confluéntibus voti cáusa ex univérsa Cataláunia fidélibus pópulis honorátur, váriis miráculis et signis gloriósus.

℞. Iste homo. 83*.

IN III. NOCTURNO

Homil. in Evang. Sint lumbi. de eodem Comm. 1º loco. 85*.

In II. Vesp. fit Commem. seq., ac SS. Duodecim Fratrum Mm.

FESTA SEPTEMBRIS

Prima die non impedita dicitur Officium Defunctorum.

DIE I
SANCTI ÆGIDII

ABBATIS

Ad Vesp. Ant. Similábo eum viro sapiénti, qui ædificávit domum suam supra petram.

V. Amávit eum Dóminus, et ornávit eum. ℞. Stolam glóriæ induit eum.

Oratio.

INTERCÉSSIO nos, quæsumus Dómine, beáti Ægidii Abbátis comméndet : ut quod nostris méritis non valémus, ejus patrocínio assequámur. Per Dóminum nostrum.

Deinde fit Commemoratio
SS. Duodecim Fratrum Mn.

Ant. Istórum est enim regnum cælórum, qui contempserunt vitam mundi, et pervenerunt ad præmia regni, et laverunt stolas suas in sanguine Agni.

Ÿ. Lætámini in Dómino, et exsultáte justi. **R̃.** Et gloriámini omnes recti corde.

Oratio.

FRATÉRNA nos Dómine Mártyrum tuórum coróná lætificet : quæ et fidei nostræ præbeat incrementa virtútum, et multiplici nos suffrágio consolétur. Per.

Lectio iij.

ÆGÍDIUS Atheniénsis, régiæ stirpis, a prima ætáte divinis litteris et caritátis officiis ita deditus fuit, ut nihil præterea curáre viderétur. Itaque paréntibus mórtuis, totum patrimonium in páuperes erogávit : quin étiam túnica exuit, ut ægrórum egéntem tégeret ; quæ ille indútus statim conváluit. Sed multis deinceps clárior miráculis, timens sui nóminis celebritátem, Arelátem ad beátum Cæsárium conténdit : a quo post biénium discédens, secéssit in erémum, ubi diútius herbárum radicibus et cervælacte, quæ statis ad eum horis veniébat, admirábili sanctitáte vixit. Quæ cerva, insequéntibus quodam die cánibus régiis, cum in antrum Ægidii refugisset, Gállia regem

impulit, ut ab eo summis précibus péteret, ut in loco spelúncæ monastérium éxstrui paterétur. Cujus administratióem, flagitánte rege, invitus suscepit : eóque múnere áliquot annis prudénter piéque gesto, migrávit in cælum.

Te Deum laudámus. 16.

Ad Laud. pro S. Ægidio.

Ant. Euge serve bone et fidélis, quia in páuca fuisti fidélis, supra multa te constituam : intra in gáudium Dómini tui.

Ÿ. Justum dedúxit Dóminus per vias rectas. **R̃.** Et osténdit illi regnum Dei.

Et fit Commem. SS. Mn.

Ant. Vestri capilli cápitis omnes numeráti sunt : nolíte timére : multis passéribus meliôres estis vos.

Ÿ. Exsultábunt sancti in glória. **R̃.** Lætabúntur in cubilibus suis.

Orat. Fratérna nos Dómine. *ut supra.*

DIE II

SANCTI STEPHANI

HUNGARIE REGIS CONF.

Semiduplex.

Omnia de Communi Conf. non Pont. 76*, præter seq. (m. t. v.)

Oratio.

CONCÉDE, quæsumus, Ecclesiæ tuæ omnipotens Deus : ut beátum Stéphanum Confessórem tuum, quem regnántem in terris propagatórem hábuit, propugnató-

rem habere mereatur glori-
sum in cælis. Per Dñm.

IN I. NOCTURNO

Lect. de Script. occur.

IN II. NOCTURNO

Lectio iv.

STÉPHANUS in Hungáriam Christi fidem et régium nomen invexit. Régia coróna a Románo Pontífice impetrata, ejúsque jussu in regem inúctus, regnum Sedi apostólicæ obtulit. Vária pietatis domicilia Romæ, Jerosólymis, Constantinópoli; in Hungária archiepiscopátum Strigoniensem, episcopátus decem, admirábili religióne et munificéntia fundávit. Par in páuperes amor et liberálitas, quos véluti Christum ipsum compléctens, néminem a se mœrentem ac vácuum umquam dimisit; quin ad eórum inópiam sublevándam amplissimis facultátibus erogátis, domésticam quoque supelléctilem exímia benignitáte frequénter distribuit: suis insuper mánibus lavare páuperum pedes, noctu solus et ignótus nosocomia frequentare, decumbéntibus inservire, ac cætera caritátis officia exhibere consuevit: quarum virtútum mérito illius dextera, resolutó cætero corpore, incorrupta permánsit.

R. Honéstum fecit. 82*.

Lectio v.

ORÁNDI stúdio noctes pene totas ducébat insómnes, atque in cælestium rerum

contemplatióne defixus, intérdum extra sensus raptus, sublimis in aëra ferri visus fuit. Perduéllium conspiratiónes, ac validórum hóstium impetus, miro prorsus modo, non semel oratiónis præsidio evitávit. Suscéptum ex Ghisélla Bavárica, sancti Henrici imperatóris soróre, quam sibi matrimónio júnxerat, Emericum filium tanta morum disciplina, talique pietáte enutrivit, quantum ejus póstea sáncritas declarávit. Regni vero négotia ita dispósuit, ut accitis úndique prudentissimis et sanctissimis viris, nihil umquam sine illórum consílio moli-rétur. Humillimis interim précibus in cinere et cilicio Deum déprecans, ut univérsum Hungariæ regnum, ántequam e vita migráret, catholicum videre mererétur. Vere propter ingens dilatándæ fidei stúdi-um, illius gentis Apóstolus nuncupátus, facta a Románo Pontífice ipsi, posterisque régibus præferéndæ crucis potestate.

R. Amávit eum. 82*.

Lectio vj.

DEI Genitricem, quam ardentissime venerabátur, amplissimo in ejus honórem constrúcto templo, Hungariæ Patrónam instituit, ab eádem vicissim Virgine receptus in cælum ipso suæ Assumpti-ónis die, quem Húngari, e sancti regis instituto, Magnæ Dóminæ diem

appellant. Sacrum ejus corpus suavissimo fragrans odore, liquore cælesti scatens, inter multa et varia miracula, Romani Pontificis jussu, nobiliorem in locum translatum est, atque honorificentius conditum. Ejus autem festum Innocentius undecimus Pontifex Maximus quarto Nonas Septembris, ob insignem victoriam ab exercitu Leopoldi primi Romanorum electi imperatoris et Hungariæ regis, eadem die in Budæ expugnatione, ope divina et Turcis reportatam, celebrandum instituit.

℞. Iste homo perfecit. 83*.

IN III. NOCTURNO

Lectio sancti Evangelii secundum Lucam.

Lectio vij. Cap. 19. b

IN illo tempore : Dixit Jesus discipulis suis parabolam hanc : Homo quidam nobilis abiit in regionem longinquam, accipere sibi regnum, et reverti. Et reliqua.

Homilia sancti Ambrósii
Episcopi.

Lib. 8. in Lucam.

BONUS ordo, ut vocaturus gentes, et Judæos jussurus interfici, qui noluérunt regnare supra se Christum, hanc præmitteret comparationem, ne diceretur : Nihil dederat populo Judæorum, unde poterat melior fieri? ut quid ab eo qui nihil re-

cépit, exigitur? Non mediocris ista est mna, quam supra mulier evangélica, quia non invenit, lucernam accendit, lumine quærit admoto, gratulatur inventam.

℞. Iste est qui. 85*.

Lectio viij.

DÉNIQUE ex una decem mnas alius fecit, alius quinque. Fortasse iste moralia habet, quia quinque sunt corporis sensus : ille duplicia, id est, mystica legis, et moralia probitatis. Unde et Matthæus quinque talenta, et duo talenta posuit: in quinque talentis ut sint moralia, in duobus utrumque, mysticum atque morale. Ita quod numero inferius, re uberius.

℞. Sint lumbi. 85*.

Lectio ix.

ET hic possumus decem mnas decem verba intelligere, id est, legis doctrinam: quinque autem mnas, magisteria disciplinæ. Sed legisperitum in omnibus volo esse perfectum. Non enim in sermone, sed in virtute est regnum Dei. Bene autem, quia de Judæis dicit, duo soli multiplicatam pecuniam deferunt, non utique æris, sed dispensationis usuris. Alia est enim pecuniæ scænebris, alia doctrinæ cælestis usura.

Te Deum laudamus. 16.



COMMUNE SANCTORUM

IN VIGILIIS APOSTOLORUM

Officium fit de Feria, exceptis Lectionibus et Orationibus, quæ in propriis locis notantur.

Ubi vero non sunt propriæ Lectiones, legitur Evangelium cum Homilia sequenti.

Lectio sancti Evangelii secundum Joannem.

Lectio j. Cap. 15. b

IN illo tempore : Dixit Jesus discipulis suis : Hoc est præceptum meum, ut diligatis invicem, sicut dilexi vos. Et reliqua.

Homilia sancti Gregorii Papæ.

Homil. 27. in Evang.

CUM cuncta sacra elóquia Dominicis plena sint præceptis, quid est quod de dilectione, quasi de singulári mandáto, Dóminus dicit : Hoc est præceptum meum, ut diligatis invicem : nisi quia omne mandátum de sola dilectione est : et ómnia unum præ-

ceptum sunt? quia quidquid præcipitur, in sola caritate solidátur. Ut enim multi árboris rami ex una radice pródeunt : sic multæ virtutes ex una caritate generántur. Nec habet áliquid viriditátis ramus boni óperis, si non manet in radice caritátis.

RR. de Feria pro tempore.

Lectio ij.

PRÆCEPTA ergo Dominica et multa sunt, et unum : multa per diversitatem óperis, unum in radice dilectionis. Quáliter áutem ista dilectio tenénda sit, ipse insinuat, qui in plerisque Scripturæ suæ sententiis, et amicos jubet diligere in se, et inimicos propter se. Ille enim veráriter caritatem habet, qui et amicum diligit in Deo, et inimicum diligit propter Deum. Nam sunt nonnulli, qui diligunt próximos, sed per affectum cognationis et carnis : quibus tamen in hac dilectione sacra

elóquia non contradicunt : sed áliud est quod sponte impénditur naturæ, áliud quod præcéptis Domínicis ex caritatē debétur obediētiæ.

Lectio iij.

HI nimirum et próximum diligunt, et tamen illa sublimia dilectiónis præmia non assequúntur : quia amórem suum non spiritaliter, sed carnáliter impēdunt. Proinde cum Dóminus dice-

ret : Hoc est præcéptum meum, ut diligátis invicem : prótinus áddidit : Sicut diléxi vos ; ac si apérte dicat : Ad hoc amáte, ad quod amávi vos. Qua in re, fratres carissimi, solérter intuēdum est, quod antiquus hostis, dum mentem nostram ad rerum temporálium dilectiónem trahit, infirmiórem contra nos próximum éxcitat, qui ea ipsa, quæ diligimus, auférre moliátur.

COMMUNE APOSTOLORUM ET EVANGELISTARUM

IN I. VESPERIS

Ant. Hoc est præcéptum meum, * ut diligátis invicem, sicut diléxi vos.

Psalmus 109.

DIXIT Dóminus Dómino meo : Sede a dextris meis : Donec ponam inimicos tuos, * scabéllum pedum tuórum.

Virgam virtútis tuæ emit- tet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctórum : * ex útero ante luciferum génui te.

Jurávit Dóminus, et non pœnitébit eum : * Tu es sacerdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus,

implébit ruínas : * conquasábit cápita in terra multórum.

De torrēte in via bibet : * propterea exaltábit caput.

Ant. Hoc est præcéptum meum, ut diligátis invicem, sicut diléxi vos.

Ant. Majórem caritatē * nemo habet, ut ánimam suam ponat quis pro amicis suis.

Psalmus 110.

CONFITEBOR tibi Dómine in toto corde meo : * in consilio justórum, et congregatióne.

Magna ópera Dómini : * exquisita in omnes voluntátes ejus.

Conféssio et magnificéntia opus ejus : * et justítia ejus manet in sáculum sáculi.

Memóriam fecit mirabili-um suórum, miséricors et miserátor Dóminus : * escam dedit timéntibus se.

Memor erit in sæculum testaménti sui : * virtútem óperum suórum annuntiábit pópulo suo :

Ut det illis hereditátem géntium : * ópera mánuum ejus véritas, et judicium.

Fidélia ómnia mandáta ejus : confirmáta in sæculum sæculi, * facta in veritáte et æquitáte.

Redemptionem misit pópulo suo : * mandávit in ætérnum testaméntum suum.

Sanctum, et terribile nomen ejus : * initium sapiéntiæ timor Dómini.

Intelléctus bonus ómnibus faciéntibus eum : * laudatio ejus manet in sæculum sæculi.

Ant. Majórem caritátem nemo habet, ut ánimam suam ponat quis pro amicis suis.

Ant. Vos amici mei estis, * si fecéritis quæ præcípíto vobis, dicit Dóminus.

Psalmus 111.

BEÁTUS vir, qui timet Dóminum : * in mandátis ejus volet nimis.

Potens in terra erit semen ejus : * generatio rectórum benedicétur.

Glória, et divitiæ in domo ejus : * et justitia ejus manet in sæculum sæculi.

Exórtum est in ténebris lumen rectis : * miséricors, et miserátor, et justus.

Jucúndus homo qui miserétur et cómmodat, dispónet sermónes suos in judicio : *

quia in ætérnum non commovébitur.

In memória ætérna erit justus : * ab auditióne mala non timébit.

Parátum cor ejus speráre in Dómino, confirmátum est cor ejus : * non commovébitur donec despiciat inimicos suos.

Dispérsit, dedit paupéribus : justitia ejus manet in sæculum sæculi, * cornu ejus exaltábitur in glória.

Peccátor vidébit, et irascétur, déntibus suis fremet et tabescet : * desidérium peccatórum peribit.

Ant. Vos amici mei estis, si fecéritis quæ præcípíto vobis, dicit Dóminus.

Ant. Beáti pacífici, * beáti mundo corde : quóniam ipsi Deum vidébunt.

Psalmus 112.

LAUDÁTE púeri Dóminum : * laudáte nomen Dómini.

Sit nomen Dómini benedictum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus Deus noster, qui in altis hábitat, * et humília respicit in cælo et in terra?

Súscitans a terra inopem, * et de stércore érigens páuperem :

Ut cóllocet eum cum prin-

cipibus, * cum principibus
pópuli sui.

Qui habitare facit stérilem
in domo, * matrem filiórum
lætántem.

Ant. Beáti pacífici, beáti
mundo corde : quóniam
ipsi Deum vidébunt.

Ant. In patiéntia vestra *
possidébitis ánimas vestras.

Psalmus 116.

LAUDÁTE Dóminum omnes
gentes : * laudáte eum
omnes pópuli :

Quóniam confirmáta est
super nos misericórdia ejus : *
et véritas Dómini manet in
aetérnum.

Ant. In patiéntia vestra
possidébitis ánimas vestras.

Capitulum. Ephes. 2. d

FRATRES : Jam non estis
hóspites, et ádvenæ :
sed estis cives sanctórum,
et doméstici Dei : superædi-
ficáti super fundaméntum
Apostolórum, et Prophetá-
rum, ipso summo angulári
lápide Christo Jesu.

℟. Deo grátias.

Hymnus.

EXSÚLTET orbis gáudiis :
Cælum resúltet láudibus :
Apostolórum glóriam
Tellus et astra cóncinunt.

Vos sæculórum júdices,
Et vera mundi lúmina :
Votis precámur córdium,
Audite voces súpplícum.

Qui templa cæli cláuditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum próli-
nus

Languor salúsque sèntiunt :
Sanáte mentes lánguidas ;
Augéte nos virtútibus.

Ut, cum redibit árbitr
In fine Christus sæculi,
Nos sempitérni gáudii
Concédat esse cómpotes.

Patri, simúlque Filio,
Tibique sancte Spíritus,
Sicut fuit, sit júgiter
Sæclum per omne glória.

Amen.

V. In omnem terram exívit
sonus eórum. **℟.** Et in fines
orbis terræ verba eórum.

Ad Magnif. Ant. Tradent
enim vos * in conciliis, et in
synagógis suis flagellábunt
vos, et ante reges et præsides
ducémini propter me in te-
stimónium illis, et géntibus.

Oratio propria.

AD MATUTINUM

Invit. Regem Apostolórum
Dóminum, * Veníte, adoré-
mus.

Ps. Veníte, exsultémus. 2.

Hymnus.

ÆTÉRNA Christi múnera,
Apostolórum glóriam,
Palmas et hymnos débítos
Lætis canámus méntibus.

Ecclesiárum Príncipes,
Belli triumpháles duces,
Cæléstis áulæ milites,
Et vera mundi lúmina.

Devóta sanctórum fides,
Invicta spes credéntium,
Perféccta Christi caritas
Mundi tyránnum cónterit.

In his Patérna glória,
In his triúmphant Filius,

In his volúntas Spiritus,
Cælum replétur gáudio.

Patri, simúlque Filio,
Tibique sancte Spiritus,
Sicut fuit, sit júgiter
Sæclum per omne glória.

Amen.

IN I. NOCTURNO

Ant. In omnem terram *
exiuit sonus eórum, et in
fines orbis terræ verba eó-
rum.

Psalmus 18.

CÆLI enarrant glóriam Dei,*
et ópera mánuum ejus
annúntiat firmaméntum.

Dies diéi erúctat verbum,*
et nox nocti índicat scién-
tiam.

Non sunt loquélæ, neque
sermónes, * quorum non
audiántur voces eórum.

In omnem terram exiuit
sonus eórum : * et in fines
orbis terræ verba eórum.

In sole pósuit tabernácu-
lum suum : * et ipse tam-
quam sponsus procédens de
thálamo suo :

Exsultávit ut gigas ad cur-
réndam viam, * a summo
cælo egréssio ejus :

Et occúrsus ejus usque ad
summum ejus : * nec est qui
se abscondat a calóre ejus.

Lex Dómini immaculáta
convértens ánimas : * testi-
mónium Dómini fidéle, sa-
piéntiam præstans párvulis.

Iustitiæ Dómini rectæ,
lætificántes corda : * præcé-
ptum Dómini lúcidum; illú-
minans óculos.

Timor Dómini sanctus,

pérmanens in sæculum sæ-
culi : * judícia Dómini vera,
justificáta in semetipsa.

Desiderabilia super áurum
et lápidem pretiósus mul-
tum : * et dulcióra super mel
et favum.

Etenim servus tuus custó-
dit ea, * in custodiéndis illis
retribútio multa.

Delicta quis intélligit? ab
occúltis meis munda me : *
et ab aliénis parce servo
tuo.

Si mei non fúerint domi-
náti, tunc immaculátus ero : *
et emundábor a delicto má-
ximo.

Et erunt ut compláceant
elóquia oris mei : * et medi-
tátio cordis mei in conspé-
ctu tuo semper.

Dómine adjútor meus, *
et redémptor meus.

Ant. In omnem terram exi-
vit sonus eórum, et in fines
orbis terræ verba eórum.

Ant. Clamavérunt justí, *
et Dóminus exaudivit eos.

Psalmus 33.

BENEDÍCAM Dóminum in
omni témpore : * semper
laus ejus in ore meo.

In Dómino laudábitur áni-
ma mea : * áudiant mansué-
ti, et læténtur.

Magnificáte Dóminum me-
cum : * et exaltémus nomen
ejus in idípsum.

Exquisivi Dóminum, et
exaudivit me : * et ex ómni-
bus tribulatió nibus meis eri-
puit me.

Accédite ad eum, et illu-

minámini : * et fácies vestrae non confundéntur.

Iste páuper clamávit, et Dóminus exaudivit eum : * et de ómnibus tribulatióibus ejus salvávit eum.

Immisset Angelus Dómini in circúitu timéntium eum : * et eripiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes áutem Dóminum non minuéntur omni bono.

Venite filii, audite me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et áures ejus in preces eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spiritu salvábit.

Multae tribulatióes justó-

rum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum delínquent.

Rédimet Dóminus ánimas servórum suórum : * et non delínquent omnes qui sperant in eo.

Ant. Clamavérunt justí, et Dóminus exaudivit eos.

Ant. Constitues * eos príncipes super omnem terram : memores erunt nóminis tui Dómine.

Psalmus 44.

ERUCTÁVIT cor meum verbum bonum : * dico ego ópera mea regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * propterea benedixit te Deus in ætérnum.

Accíngere gládio tuo super femur tuum, * potentissime.

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justitiam : * et dedúcet te mirábiliter dextera tua.

Sagittæ tuæ acútæ, pópuli sub te cadent, * in corda inimicórum regis.

Sedes tua Deus in sáeculum sáeculi : * virga directiúnis virga regni tui.

Dilexisti justitiam, et odisti iniquitatem : * propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regína a dextris tuis in vestitu deaurato : * circúmdata varietáte.

Audi filia, et vide, et inclina áurem tuam : * et obliviscere pópulum tuum, et domum patris tui.

Et concupiscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes divites plebis.

Omnis glória ejus filiæ regis ab intus, * in fimbriis áureis circumamícta varietátibus.

Adducéntur regi vírgines post eam : * próximæ ejus afferéntur tibi.

Afferéntur in lætítia et exsultatióne : * adducéntur in templum regis.

Pro pátribus tuis nati sunt tibi filii : * constitues eos príncipes super omnem terram.

Mémores erunt nóminis tui : * in omni generatióne et generatióne.

Propterea pópuli confitebúntur tibi in ætérnum : * et in sáeculum sáeculi.

Ant. Constitues eos príncipes super omnem terram : mémores erunt nóminis tui Dómine.

Ÿ. In omnem terram exivit sonus eórum. **R.** Et in fines orbis terræ verba eórum.

Pater noster.

Absolutio. Exáudi Dómine. **Ÿ.** Jube domne.

Bened. Benedictiône perpétua.

Lect. de Script. positæ in Communi Sanctorum leguntur, quando annotantur in Proprio Sanctorum per annum, et quando contingit fieri Offic. de aliquo Sancto ill's diebus, in quibus in Offic. Feriæ non ponuntur Lect. de Script., sed tantum de Homilia, et quando aliquod Festum solemniter celebratur in propria ecclesia.

De Epístola prima beáti Páuli Apóstoli ad Corínthios.

Lectio j. Cap. 4.

Sic nos existimet homo ut ministros Christi : et dispensatóres mysteriórum Dei. Hic jam quæritur inter dispensatóres, ut fidélis quis inveniátur. Mihi áutem pro mínimo est ut a vobis júdicer, aut ab humano die : sed neque meípsum júdico. Nihil enim mihi cóncius sum : sed non in hoc justificátus sum : qui áutem júdicat me, Dóminus est. Itaque nolite ante tempus júdicáre, quoadúsque véniat Dóminus : qui

et illuminábit abscondita tenebrarum, et manifestábit consilia córdium; et tunc laus erit unicuique a Deo.

R. Ecce ego mitto vos sicut oves in médio lupórum, dicit Dóminus : * Estóte ergo prudentes sicut serpéntes, et simplices sicut columbæ. **V.** Dum lucem habétis, créдите in lucem, ut filii lucis sitis. Estóte ergo.

Bened. Unigénitus Dei Filius.

Lectio ij.

HÆC áutem, fratres, transfigurávi in me et Apóllo, propter vos : ut in nobis discátis, ne supra quam scriptum est, unus advérsus álterum inflétur pro álio. Quis enim te discernit? Quid áutem habes, quod non accepisti? Si áutem accepisti, quid gloriáris quasi non acceperis? Jam saturáti estis, jam divites facti estis : sine nobis regnáti : et útinam regnéti, ut et nos vobiscum regnémus. Puto enim quod Deus nos Apóstolos novísimos osténdit, tamquam morti destinátos : quia spectáculum facti sumus mundo, et Angelis, et homínibus.

R. Tóllite jugum meum super vos, dicit Dóminus, et discite a me, quia mitis sum et húmilis corde : * Jugum enim meum suáve est, et onus meum leve. **V.** Et invenietis réquiem animábus vestris. Jugum.

Bened. Spíritus sancti.

Lectio iij.

Nos stulti propter Christum, vos áutem prudentes in Christo : nos infirmi, vos áutem fortes : vos nóbiles, nos áutem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris : maledicimur, et benedicimus : persecutióne patimur, et sustinémus : blasphemámur, et obsecrámus : tamquam purgaménta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos carísimos móneo. Nam si decem millia pædagogórum habeáti in Christo : sed non multos patres. Nam in Christo Jesu per Evangélium ego vos genui.

R. Dum steteritis ante reges et præsides, nolite cogitare quómodo aut quid loquámini : * Dábitur enim vobis in illa hora, quid loquámini. **V.** Non enim vos estis qui loquimini : sed Spíritus Patris vestri, qui lóquitur in vobis. Dábitur. Glória Patri. Dábitur.

IN II. NOCTURNO

Ant. Príncipes populórum * congregáti sunt cum Deo Abraham.

Psalmus 46.

OMNES gentes pláudite má nibus : * jubiláte Deo in voce exsultatiónis.

Quóniam Dóminus excélsus, terribilis : * rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam : * spéciem Jacob, quam diléxit.

Ascéndit Deus in júbilo : * et Dóminus in voce tubæ.

Psállite Deo nostro, psállite : * psállite regi nostro, psállite.

Quóniam rex omnis terræ Deus : * psállite sapiénter.

Regnábit Deus super gentes : * Deus sedet super sedem sanctam suam.

Príncipes populórum congregáti sunt cum Deo Abraham : * quóniam dii fortes terræ, veheménter eleváti sunt.

Ant. Príncipes populórum congregáti sunt cum Deo Abraham.

Ant. Dedisti hereditátem * timéntibus nomen tuum Dómine.

Psalmus 60.

EXÁUDI Deus deprecatió- nem meam : * inténde oratióni meæ.

A finibus terræ ad te clamávi : * dum anxiarétur cor meum, in petra exaltásti me.

Deduxisti me, quia factus es spes mea : * turris fortitúdinis a fácie inimíci.

Inhabitábo in tabernáculo tuo in sæcula : * prótegar in velaménto alárum tuárum.

Quóniam tu Deus meus ex-

audisti oratióem meam : * dedisti hereditátem timéntibus nomen tuum.

Dies super dies regis adjicias : * annos ejus usque in diem generatióis et generatióis.

Pérmanet in ætérnum in conspéctu Dei : * misericórdiam et veritátem ejus quis requirét?

Sic psalmum dicam nómini tuo in sæculum sæculi : * ut reddam vota mea de die in diem.

Ant. Dedisti hereditátem timéntibus nomen tuum Dómine.

Ant. Annuntiavérunt * ópera Dei, et facta ejus intellexérunt.

Psalmus 63.

EXÁUDI Deus oratióem meam cum deprecor : * a timóre inimíci éripe ánimam meam.

Protexisti me a convéntu malignántium : * a multitudine operántium iniquitátem.

Quia exacuérunt ut gládium linguas suas : * intenderunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitátes : * defecérunt scrutántes scrutinio.

Accédet homo ad cor altum : * et exaltábitur Deus.

Sagittæ parvulorum factæ sunt plagæ eorum : * et infirmatæ sunt contra eos lingue eorum.

Conturbáti sunt omnes qui vidébant eos : * et tímuit omnis homo.

Et annuntiavérunt ópera Dei : * et facta ejus intellexerunt.

Lætábitur justus in Dómino, et sperábit in eo, * et laudabúntur omnes recti corde.

Ant. Annuntiavérunt ópera Dei : et facta ejus intellexerunt.

V. Constitues eos principes super omnem terram. **R.** Mémoires erunt nóminis tui Dómine.

Pater noster.

Absolutio. Ipsius píetas.

V. Jube domne.

Bened. Deus Pater omnipotens.

Sermo sancti Gregórii Papæ.

Homil. 30. in Evang. . post medium.

Lectio iv.

SCRIPtum est : Spiritus Dómini ornávit cælos. Ornamenta enim cælorum sunt virtutes prædicantium. Quæ videlicet ornamenta Páulus enúmerat, dicens : Alii datur per Spiritum sermo sapiéntiæ, álii sermo sciéntiæ secúndum eúndem Spiritum, álii fides in eódem Spiritu, álii grátia sanitátum in uno Spiritu, álii

operátio virtútum, álii prophetia, álii discrétio spirituum, álii génera linguarum, álii interpretátio sermonum. Hæc áutem ómnia operátur unus atque idem Spiritus, dívidens singulis prout vult.

R. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei.

V. Vidi Angelum Dei fortem, volántem per médium cælum, voce magna clamántem et dicéntem. Isti.

Bened. Christus perpétuæ.

Lectio v.

QUOT ergo sunt bona prædicantium, tot sunt ornamenta cælorum. Hinc rursus scriptum est : Verbo Dómini cæli firmáti sunt. Verbum enim Dómini Filius est Patris. Sed eódem cælos, videlicet sanctos Apóstolos, ut tota simul sancta Trínitas ostendátur operáta, repente de sancti Spiritus divinitáte adjúngitur : Et spiritu oris ejus omnis virtus eorum. Cælorum ergo virtus de Spiritu sumpta est : quia mundi hujus potestátibus contraire non præsumerent, nisi eos sancti Spiritus fortitúdo solidasset. Quales namque doctóres sanctæ Ecclesiæ ante advéntum hujus Spiritus fuerint, scimus : et post advéntum illius, cujus fortitúdinis facti sint, conspícuimus.

R. Beáti estis, cum male-

dixerint vobis hómines, et persecúti vos fúerint, et dixerint omne malum advérsus vos, mentiéntes, propter me : * Gaudéte et exsultáte, quóniam merces vestra copiósa est in cælis. *v.* Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte et exsultáte.

Bened. Ignem sui amóris.

Lectio vj.

CERTE iste ipse pastor Ecclésiæ, ad cujus sacratíssimum corpus sedémus, quantæ debilitátis, quantæque formídinis ante advéntum Spíritus fúerit, ancilla ostiária requisita dicat. Una enim mulieris voce percúsus, dum mori tímuit, vitam negávit. Et pensándum, quia eum comprehénsus Petrus negávit in terra, quem suspénsus latro conféssus est in cruce. Sed vir iste tantæ formidinis, qualis post advéntum Spíritus existat, audiámus. Fit convéntus magistrátus atque seniórum, cæsis denuntiátur Apóstolis, ne in nómine Jesu loqui débent : Petrus magna auctoritáte respóndet : Obedire opórtet Deo magis quam homínibus.

R. Isti sunt triumphatóres et amíci Dei, qui contemnéntes jussa principum, meruérunt præmia ætérna : * Modo coronántur, et acci-

piunt palmam. *v.* Isti sunt qui venérunt ex magna tribulatióne, et lavérunt stolas suas in ságuine Agni. Modo. Glória Patri. Modo.

IN III. NOCTURNO

Ant. Exaltabúntur * córnu justí, allelúia.

Psalms 74.

CONFITÉBIMUR tibi Deus : * confitébimur, et invocábimus nomen tuum.

Narrábimus mirabilia tua : * cum accépero tempus, ego justitias judicábo.

Liquefácta est terra, et omnes qui hábitant in ea : * ego confirmávi colúmnas ejus.

Dixi iníquis : Nolite iníque ágere : * et delinquéntibus : Nolite exaltáre cornu :

Nolite extóllere in altum cornu vestrum : * nolite loqui advérsus Deum iniquitátem.

Quia neque ab Oriénte, neque ab Occidénte, neque a desértis móntibus : * quóniam Deus judex est.

Hunc humiliat, et hunc exáltat : * quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinanita : * bibent omnes peccatóres terræ.

Ego áutem annuntiábo in sæculum : * cantábo Deo Jacob.

Et ómnia córnu peccatórum confringam : * et exaltabúntur córnu justí.

Ant. Exaltabúntur córnua
justi, allelúia.

Ant. Lux orta est * justo,
allelúia, rectis corde lætítia,
allelúia.

Psalmus 96.

DÓMINUS regnávít, exsúltet
terra : * læténtur insulæ
multæ.

Nubes, et caligo in cir-
cúitu ejus : * justítia, et judi-
cium corréctio sedis ejus.

Ignis ante ipsum præcé-
det, * et inflammábit in cir-
cúitu inimicos ejus.

Illuxérunt fúlgora ejus
orbi terræ : * vidit, et com-
móta est terra.

Montes, sicut cera fluxé-
runt a fácie Dómini : * a fá-
cie Dómini omnis terra.

Annuntiavérunt cæli justí-
tiam ejus : * et vidérunt
omnes pópuli glóriam ejus.

Confundántur omnes, qui
adórant sculptilia : * et qui
gloriántur in simulácris suis.

Adoráte eum omnes An-
geli ejus : * audívit, et lætáta
est Sion.

Et exsultavérunt filiæ Ju-
dæ, * propter judícia tua
Dómine :

Quóniam tu Dóminus Al-
tíssimus super omnem ter-
ram : * nimis exaltátus es
super omnes deos.

Qui diligitis Dóminum,
odíte malum : * custódit
Dóminus ánimas sanctórum
suórum, de manu peccató-
ris liberábit eos.

Lux orta est justo, * et
rectis corde lætítia.

Lætámini justí in Dómi-
no : * et confitémini memó-
riæ sanctificatiónis ejus.

Ant. Lux orta est justo,
allelúia, rectis corde lætítia,
allelúia.

Ant. Custodiébant * testi-
mónia ejus, et præcépta ejus,
allelúia.

Psalmus 98.

DÓMINUS regnávít, irascán-
tur pópuli : * qui sedet
super Chérubim, moveátur
terra.

Dóminus in Sion magnus : *
et excélsus super omnes pó-
pulos.

Confiteántur nómini tuo
magno : quóniam terribile,
et sanctum est : * et honor
regis judicium diligit.

Tu parásti directiões : *
judicium et justítiam in Ja-
cob tu fecisti.

Exaltáte Dóminum Deum
nostrum, et adoráte scabél-
lum pedum ejus : * quóniam
sanctum est.

Móyses et Aaron in sacer-
dótibus ejus : * et Sámuél
inter eos, qui invocant no-
men ejus :

Invocabant Dóminum, et
ipse exaudiébat eos : * in
columna nubis loquebátur
ad eos.

Custodiébant testimónia
ejus, * et præcéptum quod
dedit illis.

Dómine Deus noster tu
exaudiébas eos : * Deus tu
propítius fuisti eis, et ulci-
scens in omnes adinventiões
eórum.

Exaltáte Dóminum Deum nostrum, et adoráte in monte sancto ejus : * quóniam sanctus Dóminus Deus noster.

Ant. Custodiébant testimónia ejus, et præcépta ejus, allelúia.

Ÿ. Nimis honoráti sunt amici tui Deus. *Ŕ.* Nimis confortátus est principátus eórum.

Pater noster.

Absolutio. A vñculis.

Ÿ. Jube domne.

Bened. Evangélica léctio. Léctio sancti Evangélii secúndum Matthæum.

Lectio vij. Cap. 19. d

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homília sancti Hierónymi Presbýteri.

Lib. 3. in Matth. cap. 19.

GRANDIS fidúcia! Petrus piscátor erat, dives non fúerat, cibos manu et arte quærébat : et tamen lóquitur confidénter : Reliquimus ómnia. Et quia non súfficit tantum relinquere, jungit quod perféctum est : Et secúti sumus te. Fécimus quod jussisti : quid igitur nobis dabis præmii? Jesus áutem dixit illis : Amen dico vobis, quod vos qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus

Israël. Non dixit : Qui reliquistis ómnia; hoc enim et Crates fecit philósophus, et multi álii divítias contempsérunt : sed, Qui secúti estis me : quod próprie Apostolórum est atque credéntium.

Ŕ. Isti sunt qui vivéntes in carne, plantavérunt Ecclésiám ságuine suo : * Cálicem Dómini bibérunt, et amici Dei facti sunt. *Ÿ.* In omnem terram exívit sonus eórum, et in fines orbis terræ verba eórum. Cálicem.

Bened. Cujus, *vel* Quorum festum cólimus.

Lectio viij.

IN regeneratióne, cum séderit Fílius hóminis in sede majestátis suæ (quando et mórtui de corruptiÓne resúrgent incorrúpti), sedébitis et vos in sóliis judicántium, condemnántes duódecim tribus Israël : quia vobis credéntibus, illi credere noluérunt. Et omnis qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, cénuplum accipiet, et vitam ætérnam possidébit. Locus iste cum illa senténtia congruit, in qua Salvátor lóquitur : Non veni pacem mittere, sed gládium. Veni enim separáre hóminem a patre suo, et matrem a filia, et nurum a socru : et inimíci hóminis doméstici ejus. Qui ergo propter fidem Chri-

sti, et prædicationem Evangelii, omnes affectus contempserint, atque divitias et sæculi voluptates : isti centuplum recipient, et vitam æternam possidebunt.

R. Isti sunt viri sancti, quos elegit Dominus in caritate non ficta, et dedit illis gloriam sempiternam : * Quorum doctrina fulget Ecclesia, ut sole luna. **V.** Sancti per fidem vicerunt regna : operati sunt justitiam. Quorum. Glória Patri. Quorum.

Bened. Ad societatem.

Lectio ix.

Ex occasione hujus sententiæ quidam introducunt mille annos post resurrectionem, dicentes, tunc nobis centuplum omnium rerum quas dimisimus, et vitam æternam esse reddendam : non intelligentes quod, si in cæteris digna sit re promissio, in uxoribus appareat turpitudine : ut qui unam pro Domino dimiserit, centum recipiat in futuro. Sensus ergo iste est : Qui carnalia pro Salvatore dimiserit, spiritalia recipiet : quæ comparatione et merito sui ita erunt, quasi si parvo numero centenarius numerus comparatur.

Deinde dicitur Hymnus :

Te Deum laudamus. 17.

AD LAUDES

ET PER HORAS

Ant. 1. Hoc est præceptum meum, * ut diligatis invicem, sicut dilexi vos.

Psalm. Dominus regnavit. cum reliq. 18.

2. Majorem caritatem * nemo habet, ut animam suam ponat quis pro amicis suis.

3. Vos amici mei estis, * si feceritis quæ præcipio vobis, dicit Dominus.

4. Beati pacifici, * beati mundo corde : quoniam ipsi Deum videbunt.

5. In patientia vestra * possidebitis animas vestras.

Capitulum. Ephes. 2. d

FRATRES : Jam non estis hóspites, et advenæ : sed estis cives sanctorum, et domestici Dei : superædificati super fundamentum Apostolorum et Prophetarum, ipso summo angulari lapide Christo Jesu.

R. Deo grátias.

Hymnus.

EXSÚLTET orbis gaudiis : Cælum resúltet laudibus : Apostolorum glóriam Tellus et astra concinunt.

Vos sæculorum júdices, Et vera mundi lúmina, Votis precámur córdium : Audíte voces súpplicum.

Qui templa cæli cláuditis, Serásque verbo sólvitis, Nos a reátu nóxios Solvi jubéte, quæsumus.

Præcepta quorum prótinus

Languor salúsque sentiunt ; Sanáte mentes lánguidas : Augéte nos virtútibus :

Ut, cum redibit árbitèr In fine Christus sæculi,

Nos sempitérni gáudii
Concédat esse cómpotes.

Patri, simúlque Filio,
Tibíque sancte Spíritus,
Sicut fuit, sit júgiter
Sæclum per omne glória.
Amen.

Ÿ. Annuntiavérunt ópera
Dei. R. Et facta ejus intel-
lexérunt.

Ad Bened. Ant. Vos qui
reliquistis * ómnia, et secúti
estis me, céntuplum acci-
piétis, et vitam ætérnam
possidébitis.

AD TERTIAM

Ant. Majórem caritátem.

Capit. Fratres : Jam non
estis. ut supra.

R. br. In omnem terram
* Exívit sonus eórum. In
omnem. Ÿ. Et in fines orbis
terræ verba eórum. Exívit.
Glória Patri. In omnem.

Ÿ. Constitues eos princi-
pes super omnem terram.
R. Mémoires erunt nóminis
tui Dómine.

AD SEXTAM

Ant. Vos amici mei estis.

Capitulum. Act. 5. b

PER manus áutem Aposto-
lórum fiébant signa et
prodigia multa in plebe.

R. br. Constitues eos prin-
cipes * Super omnem ter-
ram. Constitues. Ÿ. Mémo-
res erunt nóminis tui Dó-
mine. Super. Glória Patri.
Constitues.

Ÿ. Nimis honoráti sunt
amici tui Deus. R. Nimis
confortátus est principátus
eórum.

AD NONAM

Ant. In patiéntia vestra.

Capitulum. Act. 5. c

IBANT Apóstoli gaudéntes a
conspéctu concílii, quó-
niam digni hábiti sunt pro
nómine Jesu contuméliam
pati.

R. br. Nimis honoráti sunt
* Amici tui Deus. Nimis. Ÿ.
Nimis confortátus est prin-
cipátus eórum. Amici. Gló-
ria Patri. Nimis.

Ÿ. Annuntiavérunt ópera
Dei. R. Et facta ejus intel-
lexérunt.

IN II. VESPERIS

Ant. Jurávit Dóminus, *
et non pœnitébit eum : Tu
es sacerdos in ætérnum.

Psalmus 109.

DIXIT Dóminus Dómino
meo : * Sede a dextris
meis :

Donec ponam inimicos
tuos, * scabéllum pedum tuó-
rum.

Virgam virtútis tuæ emit-
tet Dóminus ex Sion : * do-
mináre in médio inimicórum
tuórum.

Tecum princípium in die
virtútis tuæ in splendóribus
sanctorum : * ex útero ante
luciferum génui te.

Jurávit Dóminus, et non
pœnitébit eum : * Tu es sa-
cérdos in ætérnum secún-
dum órđinem Melchisedech.

Dóminus a dextris tuis, *
confrégit in die iræ suæ re-
ges.

Judicábit in natió nibus,
implébit ruínas : * conquas-

sábit cápita in terra multórum.

De torrén-te in via bibet : *
proptérea exaltábit caput.

Ant. Jurávit Dóminus, et
non pœnitébit eum : Tu es
sacérdos in ætérnum.

Ant. Cóllocet eum * Dó-
minus cum princípibus pó-
puli sui.

Psalmus 112.

LAUDÁTE púeri Dóminum : *
laudáte nomen Dómini.

Sit nomen Dómini bene-
dictum, * ex hoc nunc, et
usque in sæculum.

A solis ortu usque ad oc-
cásum, * laudábile nomen
Dómini.

Excélsus super omnes
gentes Dóminus, * et super
cælos glória ejus.

Quis sicut Dóminus Deus
noster, qui in altis hábitat, *
et humilia réspicit in cælo
et in terra?

Súscitans a terra ínopem, *
et de stércore érigens páu-
perem :

Ut cóllocet eum cum prin-
cipibus, * cum princípibus
pópuli sui.

Qui habitáre facit stérilem
in domo, * matrem filiórum
lætántem.

Ant. Cóllocet eum Dóminus
cum princípibus pópuli sui.

Ant. Dirupísti Dómine *
víncula mea : tibi sacrifi-
cábo hóstiam láudis.

Psalmus 115.

CRÉDIDI, propter quod lo-
cútus sum : * ego áutem
humiliátus sum nimis.

Ego dixi in excéssu meo : *
Omnis homo mendax.

Quid retribuam Dómino, *
pro ómnibus, quæ retribuit
mihi?

Cálicem salutáris acci-
píam : * et nomen Dómini
invocábo.

Vota mea Dómino reddam
coram omni pópulo ejus : *
pretiósá in conspéctu Dó-
mini mors sanctórum ejus :

O Dómine quia ego servus
tuus : * ego servus tuus, et
filius ancillæ tuæ.

Dirupísti víncula mea : *
tibi sacrificábo hóstiam láu-
dis, et nomen Dómini invo-
cábo.

Vota mea Dómino reddam
in conspéctu omnis pópuli
ejus : * in átriis domus Dómi-
ni, in médio tui Jerúsalem.

Ant. Dirupísti Dómine
víncula mea : tibi sacrifi-
cábo hóstiam láudis.

Ant. Eúntes ibant * et fle-
bant, mitténtes sémína sua.

Psalmus 125.

IN converténdo Dóminus
captivitátem Sion : * facti
sumus sicut consoláti :

Tunc replétum est gáudio
os nostrum : * et lingua no-
stra exsultatióne.

Tunc dicent inter gen-
tes : * Magnificávit Dóminus
fácere cum eis.

Magnificávit Dóminus fá-
cere nobiscum : * facti su-
mus lætántes.

Convérte Dómine captivi-
tátem nostram, * sicut tor-
rens in Austro.

Qui séminant in lácrymis, * in exsultatióne mentent.

Eúntes ibant et flebant, * mitténtes sémína sua.

Veniéntes áutem vénient cum exsultatióne, * portántes manípulos suos.

Ant. Eúntes ibant et flebant, mitténtes sémína sua.

Ant. Confortátus est * principátus eórum, et honoráti sunt amíci tui Deus.

Psalmus 138.

DÓMINE probásti me, et cognovisti me : * tu cognovisti sessiόnem meam, et resurrectiόnem meam.

Intellexisti cogitatiόnes meas de longe : * sémítam meam, et funiculum meum investigásti.

Et omnes vías meas prævidísti : * quia non est sermo in lingua mea.

Ecce Dómine tu cognovisti ómnia novíssima, et antiqua : * tu formásti me, et posuisti super me manum tuam.

Mirábilis facta est sciéntia tua ex me : * confortáta est, et non pótero ad eam.

Quo ibo a spiritu tuo? * et quo a fácie tua fúgiam?

Si ascéndero in cælum, tu illic es : * si descéndero in inférnum, ades.

Si sumpsero pennas meas dilúculo, * et habitávero in extrémis maris :

Etenim illuc manus tua dedúcet me : * et tenébit me dextera tua.

Et dixi : Fórsitan ténebræ conculcábunt me : * et nox illuminátió mea in deliciis meis.

Quia ténebræ non obscurabúntur a te, et nox sicut dies illuminábitur : * sicut ténebræ ejus, ita et lumen ejus.

Quia tu possedisti renes meos : * suscepisti me de útero matris meæ.

Confitébor tibi quia terribíliter magnificátus es : * mirabilia ópera tua, et ánima mea cognóscit nimis.

Non est occultátum os meum a te, quod fecisti in occulto : * et substántia mea in inferiórius terræ.

Imperféctum meum viderunt óculi tui, et in libro tuo omnes scribéntur : * dies formabúntur, et nemo in eis.

Mihi áutem nimis honorificáti sunt amíci tui Deus : * nimis confortátus est principátus eórum.

Dinumerábo eos, et super arénam multiplicabúntur : * exsurrexi, et adhuc sum tecum.

Si occideris Deus peccatóres : * viri sánguinem declínate a me :

Quia dicitis in cogitatióne : * accipient in vanitáte civitátes tuas.

Nonne qui odérunt te Dómine, óderam? * et super inimicos tuos tabescébam?

Perfécto ódio óderam illos : * et inimíci facti sunt mihi.

Proba me Deus et scito cor meum : * intérroga me, et cognósce sémitas meas.

Et vide, si via iniquitátis in me est : * et deduc me in via ætérna.

Ant. Confortátus est princípátus eórum, et honoráti sunt amici tui Deus.

Capit. Fratres : Jam non.

Hymnus. Exsúltet orbis. **V.** Annuntiavérunt. **ut in Laud.**

Ad Magnif. Ant. Estóte fortes * in bello, et pugnáte cum antiquo serpénte : et accipiétis regnum ætérnum, allelúia.

II. ALIÆ LECTIONES

PRO APOSTOLIS

IN II. NOCTURNO

De Expositióne sancti Augustini Episcopi super Psalmum octogésimum sextum.

Lectio iv.

Ante medium.

FUNDAMÉNTA ejus in món-tibus sanctis : diligit Dóminus portas Sion. Quare sunt fundaménta Apóstoli, et Prophétæ? Quia eórum auctóritas portat infirmitátem nostram. Quare sunt portæ? Quia per ipsos intrámus ad regnum Dei. Prædicant enim nobis : et cum per ipsos intrámus, per Christum intrámus. Ipse est enim jánuā. Et cum dicúntur duódecim portæ Jerúsalem, et una porta Christus, et duódecim portæ Christus, quia in duódecim portis

Christus : et ideo duodená-rius númerus Apostolórum. Sacraméntum magnum hujus duodenárii significatio est númeri. Sedébitis, inquit, super duódecim sedes, judicántes duódecim tribus Israël.

R. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei. **V.** Vidi Angelum Dei fortem, volántem per médium cælum, voce magna clamántem, et dicéntem. Isti.

Lectio v.

SI duódecim sellæ ibi sunt, non est ubi sédeat tértius décimus Páulus Apóstolus, et non erit quómodo júdicet : et ipse se judicatúrum dixit, non hómines tantum, sed et ángelos. Quos ángelos, nisi apóstatas ángelos? Nescitis, inquit, quia ángelos judicábimus? Respondéret ergo turba : Quid te jactas judicatúrum? Ubi sedébis? Duódecim sedes dixit Dóminus duódecim Apóstolis : unus cécidit Judas, in locum ipsíus sanctus Mathías ordinátus est : implétus est duodenárius númerus sédium. Primo locum inveni, ubi sédeas, et sic te mináre judicatúrum. Duódecim ergo sedes quid sibi velint, videámus. Sacraméntum est cujúsdam universitátis, quia per totum orbem

terrarum futura erat Ecclesia : unde vocatur hoc ædificium ad Christi compagem.

R. Beati estis, cum maledixerint vobis homines, et persecuti vos fuerint, et dixerint omne malum adversum vos, mentientes, propter me : * Gaudete et exultate, quoniam merces vestra copiosa est in caelis. **V.** Cum vos oderint homines, et cum separaverint vos, et exprobraverint, et ejecerint nomen vestrum tamquam malum, propter Filium hominis. Gaudete.

Lectio vj.

ET ideo quia undique venit ad iudicandum, duodecim sedes sunt : sicut quia undique intratur in illam civitatem, duodecim portae sunt. Non solum ergo illi duodecim et Apostolus Paulus, sed quotquot iudicaturi sunt, propter significationem universitatis ad sedes duodecim pertinent : quemadmodum quotquot intrabunt, ad duodecim portas pertinent. Partes enim mundi quatuor sunt, Oriens, Occidens, Aquilo et Meridies. Istae quatuor partes assidue nominantur in Scripturis. Ab istis quatuor ventis, sicut dicit Dominus in Evangelio, a quatuor ventis se collecturum electos suos : ab omnibus ergo istis quatuor ventis vocatur Ecclesia. Quomodo vocatur? Un-

dique in Trinitate vocatur. Non vocatur nisi per baptismum in nomine Patris, et Filii, et Spiritus sancti. Quatuor ergo ter ducta duodecim inveniuntur.

R. Isti sunt. 11*.

IN III. NOCTURNO

Lectio sancti Evangelii secundum Matthaeum.

Lectio vij. Cap. 19. d

IN illo tempore : Dixit Petrus ad Jesum : Ecce nos reliquimus omnia, et secuti sumus te : quid ergo erit nobis? Et relinqua.

Homilia venerabilis Bedae Presbyteri.

Homil. in Nat. S. Benedicti.

PERFECTUS ille est, qui abiens vendit omnia quae habet, et dat pauperibus, ac veniens, sequitur Christum : habebit enim thesaurum non deficientem in caelis. Unde bene interrogante Petro, dixit talibus Jesus : Amen dico vobis, quod vos qui secuti estis me, in regeneratione, cum sederit Filius hominis in sede maiestatis suae, sedebitis et vos super sedes duodecim, iudicantes duodecim tribus Israel. In hac quippe vita pro ejus nomine laborantes, in alia praemium sperare docuit : id est, in regeneratione ; cum videlicet in vitam immortalem fuerimus resurgendo regenerati, qui in vitam caducam mortaliter eramus geniti.

R. Isti sunt qui viventes

in carne, plantavérunt Ecclésiám sángine suo : * Cálícem Dómini bibérunt, et amici Dei facti sunt. *V.* In omnem terram exivit sonus eórum, et in fines orbis terræ verba eórum. Cálícem.

Lectio viij.

ET justa prorsus retribútio, ut qui hic pro Christo humánæ glóriam celsitúdinis neglexérunt, illic a Christo júdices glorificáti singuláriter cum eo assideant, qui a sequéndis ejus vestigiis nulla ratióne póterant avélli. Nemo áutem putet, duódecim tantum Apóstolos, quia pro Juda prævaricante Mathías eléctus est, tunc esse judicatúros : sicut nec duódecim solæ sunt tribus Israël judicándæ : alióquin tribus Levi, quæ tertiadécima est, indicatá recédet.

R. Isti sunt viri sancti, quos elégit Dóminus in caritáte non ficta, et dedit illis glóriam sempitérnam : * Quorum doctrína fulget Ecclésiá, ut sole luna. *V.* Sancti per fidem vicérunt regna : operáti sunt justitiam. Quorum. Glória Patri. Quorum.

Lectio ix.

ET Páulus, qui tertiusdémus est Apóstolus, judicándi sorte privábitur, cum ipse dicat : Nescitis quóniam ángelos judicábimus, quanto magis sæculária? Sciéndum namque est, omnes, qui ad exémplum Apostolórum sua reliquérent

ómnia, et secúti sunt Christum, júdices cum eo ventúros, sicut étiam omne mortálium genus esse judicándum. Quia enim duodenário sæpe número solet in Scriptúris univérsitas designári, per duódecim sedes Apostolórum, ómnium numerósitas judicántium, et per duódecim tribus Israël, univérsitas eórum, qui judicándi sunt, osténditur.

Te Deum laudámus. 17.

PRO EVANGELISTIS

LECTIONES

IN I. NOCTURNO

Incipit liber Ezechiélis
Prophétæ.

Lectio j. Cap. 1.

ET factum est in trigésimo anno, in quarto, in quinta mensis, cum essem in médio captivórum juxta flúvium Chobar, apérti sunt cæli, et vidi visiões Dei. In quinta mensis, ipse est annus quintus transmigratiónis regis Jóachim, factum est verbum Dómini ad Ezechiélem, filium Buzi sacerdotem in terra Chaldæórum, secus flumen Chobar : et facta est super eum ibi manus Dómini. Et vidi, et ecce ventus túrbini veniébat ab Aquilóne : et nubes magna, et ignis invólvens, et splendor in circúitu ejus : et de médio ejus quasi spécies eléctri, id est, de médio ignis.

R. Ecce ego mitto vos sic-

ut oves in médio lupórum, dicit Dóminus : * Estóte ergo prudéntes sicut serpéntes, et simplices sicut colúmbæ. *v.* Dum lucem habétis, créдите in lucem, ut filii lucis sitis. Estóte.

Lectio ij.

ET in médio ejus similitúdo quátuor animálium : et hic adspéctus eórum, similitúdo hóminis in eis. Quátuor fácies uni, et quátuor pennæ uni. Pedes eórum pedes recti, et planta pedis eórum quasi planta pedis vituli, et scintillæ quasi adspéctus æris candéntis. Et manus hóminis sub pennis eórum in quátuor pártibus : et fácies, et pennas per quátuor partes habébant, junc-tæque erant pennæ eórum altérius ad álterum. Non re-vertebántur cum incéderent: sed unumquódque ante fáciem suam gradiebátur.

R. Tóllite jugum meum super vos, dicit Dóminus, et discite a me, quia mitis sum et húmilis corde : * Jugum enim meum suáve est, et onus meum leve. *v.* Et inveniétis réquiem animábus vestris. Jugum.

Lectio iij.

SIMILITÚDO áutem vultus eórum : fácies hóminis, et fácies leónis a dextris ipsórum quátuor : fácies áutem bovis, a sinístris ipsórum quátuor, et fácies áquilæ désuper ipsórum quátuor. Fácies eórum, et pennæ

eórum, exténtæ désuper : duæ pennæ singulórum jungébántur, et duæ tegébant córpora eórum : et unumquódque eórum coram fácie sua ambulábat : ubi erat impetus spíritus, illuc gradiebántur, nec revertebántur cum ambulárent.

v. Dum stetéritis. 8*.

IN II. NOCTURNO

De Expositione sancti Gregórii Papæ super Ezechíelem Prophétam.

Homil. 3. Lib. 1.

Lectio iv.

SANCTA quátuor animália, Squæ prophetiæ spíritu futúra prævidéntur, subtili narratione describúntur, cum dicitur : Quátuor fácies uni, et quátuor pennæ uni. Quid per fáciem, nisi notitia; et quid per pennas, nisi volátus exprimitur? Per fáciem quippe unusquisque cognóscitur : per pennas vero in altum ávium córpora sublevántur. Fácies itaque ad fidem pértinet, penna ad contemplatióem. Per fidem namque ab omnipoténti Deo cognóscimur, sicut ipse de suis óvibus dicit : Ego sum pastor bonus, et cognóscio oves meas, et cognóscunt me meæ. Qui rursus ait : Ego scio quos elégerim. Per contemplatióem vero, qua super nosmetipsos tóllimur, quasi in áëra levámur.

R. Vidi conjúctos viros, habéntes spléndidas vestes, et Angelus Dómini locútus

est ad me, dicens : * Isti sunt viri sancti facti amici Dei. *Ÿ.* Vidi Angelum Dei fortem, volántem per médium cælum, voce magna clamántem et dicéntem. Isti sunt.

Lectio v.

QUÁTUOR ergo fácies uni sunt : quia si requiras quid Matthæus de incarnatione Dómini séntiat : hoc nimirum sentit, quod Marcus, Lucas, et Joánnēs. Si quæras quid Joánnēs séntiat; hoc procul dúbio, quod Lucas, Marcus, et Matthæus. Si quæras quid Marcus; hoc quod Matthæus, Joánnēs, et Lucas. Si quæras quid Lucas; hoc quod Joánnēs, Matthæus, et Marcus sentit. Quátuor ergo fácies uni sunt : quia notitia fidei, qua cognoscúntur a Deo, ipsa est in uno, quæ est simul in quátuor. Quidquid enim in uno invéneris, hoc in ómnibus simul quátuor cognóscēs.

℟. Beáti estis cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : * Gaudéte et exultáte, quóniam merces vestra copiósa est in cælis. *Ÿ.* Cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Filium hóminis. Gaudéte.

Lectio vj.

ET quátuor pennæ uni : quia Dei omnipoténtis Filium Dóminum nostrum Jesum Christum simul omnes concórditer prædicant : et ad divinitátem ejus mentis óculos levántes, penna contemplatiónis volant. Evangelistárum ergo fácies ad humanitátem Dómini pértinet, penna ad divinitátem : quia in eum, quem corpóreum adspiciunt, quasi fácies inténdunt : sed dum hunc esse incircumscriptum atque incorpóreum ex divinitáte annúntiant, per contemplatiónis pennam quasi in áëra levántur. Quia itaque una est fides incarnationis ejus in ómnibus, et par contemplatio divinitátis ejus in singulis, recte nunc dicitur : Quátuor fácies uni, et quátuor pennæ uni.

℟. Isti sunt. 11*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 10.

IN illo témpore : Designávit Dóminus et álios septuaginta duos : et misit illos binos ante fáciem suam, in omnem civitátem et locum, quo erat ipse ventúrus. Et reliqua.

Homília sancti Gregórii
Papæ.

Homil. 17. in Evang.

DÓMINUS et Salvátor noster, fratres carissimi, aliquándo nos sermónibus,

aliquādo vero opéribus ádmonet. Ipsa étenim facta ejus præcépta sunt : quia dum áliquíd tácitus facit, quid ágere debeámus innotéscit. Ecce enim binos in prædicatióem discípulos mittit : quia duo sunt præcépta caritátis, Dei vidélicet amor, et próximi : et minus quam inter duos caritas habéri non potest. Nemo enim próprie ad semetípsum habére caritátem dicitur : sed diléctio in álterum tendit, ut caritas esse possit.

℞. Isti sunt qui vivéntes in carne, plantavérunt Ecclésiám ságuine suo : * Cálicem Dómini bibérunt, et amíci Dei facti sunt. V. In omnem terram exívit sonus eórum, et in fines orbis terræ verba eórum. Cálicem.

Lectio viij.

ECCE enim binos ad prædicándum discípulos Dóminus mittit : quátenus hoc nobis tácitus innuat, quia qui caritátem erga álterum non habet, prædicatiónis officium suscipere nullátenus debet. Bene áutem dicitur, quia misit eos ante faciém suam in omnem civitátem et locum, quo erat ipse ventúrus. Prædicatóres enim suos Dóminus séquitur : quia

prædicátió prævenit, et tunc ad mentis nostræ habitáculum Dóminus venit, quando verba exhortatióis præcúrrunt : atque per hoc véritas in mente suscipitur.

℞. Isti sunt viri sancti quos elégit Dóminus in caritáte non ficta, et dedit illis glóriam sempitérnam : * Quorum doctrina fulget Ecclésia, ut sole luna. V. Sancti per fidem vicérunt regna : operáti sunt justitiam. Quorum. Glória Patri. Quorum.

Lectio ix.

HINC namque eisdem prædicatóribus Isaías dicit : Paráte viam Dómini, rectas fácite sémitas Dei nostri. Hinc filiis Psalmísta ait : Iter fácite ei, qui ascéndit super occásu. Super occásu namque Dóminus ascéndit : quia unde in passióne occúbuit, inde majórem suam glóriam resurgéndo manifestávit. Super occásu vidélicet ascéndit ; quia mortem quam pértulit, resurgéndo calcávit. Ei ergo qui ascéndit super occásu, iter fácimus, cum nos ejus glóriam vestris méntibus prædicámus, ut eas et ipse post véniens, per amorís sui præsentiam illústret.

Te Deum laudámus. 17.

COMMUNE UNIUS MARTYRIS

IN I. VESPERIS

Ant. de Laud. Pss. ut in I. Vesp. de Comm. Apost. 2.**Capitulum. Jac. 1. b*

BEATUS vir, qui suffert
tentationem : quon-
iam cum probatus
fuerit, accipiet coro-
nam vite, quam repromi-
sit Deus diligentibus se.

Hymnus.

DEUS tuorum militum
Sors, et corona, pre-
mium,

Laudes canentes Martyris
Absolve nexu criminis.

Hic nempe mundi gaudia,
Et blanda fraudum pabula
Imbuta felle deputans,
Pervenit ad caelestia.

Poenas cucurrit fortiter,
Et sustulit viriliter,
Fundensque pro te sangui-
nem,

Aeterna dona possidet.

Ob hoc precatu supplici
Te poscimus, piissime;
In hoc triumpho Martyris
Dimitte noxam servulis.

Laus et perennis gloria
Patri sit, atque Filio,
Sancto simul Paraclito,
In sempiterna saecula.

Amen.

V. Gloria et honore coro-
nasti eum Domine. *R.* Et
constituisti eum super opera
manuum tuarum.

Ad Magnif. Ant. Iste san-
ctus * pro lege Dei sui cer-
tavit usque ad mortem, et

a verbis impiorum non ti-
muit : fundatus enim erat
supra firmam petram.

*Pro Martyre et Pontifice.**Oratio.*

INFIRMITATEM nostram re-
spice omnipotens Deus :
et quia pondus propriae
actionis gravat, beati *N.*
Martyris tui atque Pontificis
intercessio gloriosa nos pro-
tegit. Per Dominum.

Alia Oratio.

DEUS, qui nos beati *N.*
Martyris tui atque Pon-
tificis annua solemnitate lae-
tificas : concede propitius;
ut cujus natalitia colimus,
de ejusdem etiam protectio-
ne gaudeamus. Per Domi-
num.

*Pro Martyre tantum.**Oratio.*

PRÆSTA, quaesumus omni-
potens Deus : ut qui
beati *N.* Martyris tui natali-
tia colimus, intercessione
ejus in tui nominis amore
roborémur. Per Dominum.

Alia Oratio.

PRÆSTA, quaesumus omni-
potens Deus : ut, inter-
cedente beato *N.* Martyre
tuo, et a cunctis adversita-
tibus liberémur in corpore,
et a pravis cogitationibus
mundémur in mente. Per.

AD MATUTINUM

Invit. Regem Martyrum,
Dominum, * Venite, ado-
rémus.

Ps. Venite, exsultemus. 2.

Hymn. Deus tuorum militum. ut supra. 24*.

IN I. NOCTURNO

Ant. In lege Dómini * fuit volúntas ejus die ac nocte.

Psalmus 1.

BEÁTUS vir, qui non ábiit in consilio impiórum, et in via peccatórum non stetit, * et in cáthedra pestiléntiæ non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non défluet : * et ómnia quæcúmque fáciét, prosperabúntur.

Non sic impii, non sic : * sed tamquam pulvis, quem prójicit ventus a fácie terræ.

Ideo non resúrgent impii in judicio : * neque peccatóres in concilio justórum.

Quóniam novit Dóminus viam justórum : * et iter impiórum peribit.

Ant. In lege Dómini fuit volúntas ejus die ac nocte.

Ant. Prædicans * præceptum Dómini constitútus est in monte sancto ejus.

Psalmus 2.

QUARE fremuérunt gentes, * et pópuli meditáti sunt inánia ?

Adstitérunt reges terræ, et príncipes convenérunt in

unum * advérsus Dóminum, et advérsus Christum ejus.

Dirumpámus vincula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum rex ab eo super Sion montem sanctum ejus, * prædicans præceptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi gentes hereditátem tuam, * et possессиónem tuam téminos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudimini qui judicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Prædicans præceptum Dómini, constitútus est in monte sancto ejus.

Ant. Voce mea * ad Dóminum clamávi : et exaudivit me de monte sancto suo.

Psalmus 3.

DÓMINE quid multiplicāti sunt qui tribulant me? * multi insúrgunt advérsum me.

Multi dicunt ánimæ meæ: * Non est salus ipsi in Deo ejus.

Tu áutem Dómine suscēptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exsurrexi, quia Dóminus suscepit me.

Non timébo millia pópuli circumdántis me: * exsúrge Dómine, salvum me fac Deus meus.

Quóniam tu percussisti omnes adversántes mihi sine cáusa: * dentes peccatórum contrivísti.

Dómini est salus: * et super pópulum tuum benedictio tua.

Ant. Voce mea ad Dóminum clamávi: et exaudivit me de monte sancto suo.

Ÿ. Glória et honóre coronásti eum Dómine. **H.** Et constituísti eum super ópera mánuum tuárum.

Pater noster.

Absolutio. Exáudi Dómine.

Ÿ. Jube domne.

Bened. Benedictióne perpétua.

Lect. seq. I. Noct. leguntur in Festo Mart. et Pont.

In Festo autem Mart. non

Pont. leguntur quæ inferius positæ sunt in Communi plur. Mart. 42*.

De Actibus Apostolorum.

Lectio j. Cap. 20. d

A MILETO Páulus mittens Ephesum, vocávit majóres natu Ecclesiæ. Qui cum venissent ad eum, et simul essent, dixit eis: Vos scitis a prima die, qua ingressus sum in Asiam, quáliter vobíscum per omne tempus fúerim, sérviens Dómino cum omni humilitate, et lácrymis, et tentatióibus, quæ mihi accidérunt ex insidiis Judæórum: quómodo nihil subtráxerim utilium, quo minus annuntiárem vobis, et docérem vos públice, et per domos, testificans Judæis, atque Gentilibus in Deum pœniténtiam, et fidem in Dóminum nostrum Jesum Christum. Et nunc ecce alligátus ego spiritu, vado in Jerúsalem: quæ in ea ventúra sint mihi, ignórans: nisi quod Spíritus sanctus per omnes civitátes mihi protestátur, dicens: Quóniam víncula et tribulatiónes Jerosólymis me manent. Sed nihil horum véreor: nec fácio ánimam meam pretiosiórem quam me, dúmmodo consúmmem cursum meum, et ministérium verbi, quod accépi a Dómino Jesu, testificári Evangélium grátiae Dei.

H. Iste sanctus pro lege Dei sui certávit usque ad mortem, et a verbis impió-

rum non tímuit : * Fundátus enim erat supra firmam petram. *ŷ.* Iste est qui contémpsit vitam mundi, et pervénit ad cæléstia regna. Fundátus.

Bened. Unigénitus Dei Filius.

Lectio ij.

ET nunc ecce ego scio quia ámplius non vidébitis faciém meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a sáanguine ómnium. Non enim subterfúgi quóminus annuntiárem omne consilium Dei vobis. Atténdite vobis, et univérso gregi, in quo vos Spíritus sanctus pósuit episcopos régere Ecclesiám Dei, quam acquisívit sáanguine suo. Ego scio quóniam intrábunt post discessiónem meam lupi rapáces in vos, non parcéntes gregi. Et ex vobis ipsis exsúrgent viri loquéntes perversa, ut abdúcant discípulos post se. Propter quod vigiláte memoria retinéntes : quóniam per triénnum nocte et die non cessávi, cum lácrymis monens unumquémque vestrum.

R. Justus germinábit sicut lílium : * Et florébit in ætérnum ante Dóminum. *ŷ.* Plantátus in domo Dómini, in átriis domus Dei nostri. Et.

Bened. Spíritus sancti grátia.

Lectio iij.

ET nunc comméndo vos Deo, et verbo grátiae ipsíus, qui potens est ædificáre, et dare hereditátem in sanctificátis ómnibus. Argéntum et áurum, aut vestem nullíus concupívi, sicut ipsi scitis : quóniam ad ea, quæ mihi opus erant, et his qui mecum sunt, ministravérunt manus istæ. Omnia osténdi vobis, quóniam sic laborántes, opórtet suscipere infirmos, ac meminisse verbi Dómini Jesu, quóniam ipse dixit : Beátius est magis dare, quam accipere. Et cum hæc dixisset, pósitis génibus suis orávit cum ómnibus illis. Magnus autem fletus factus est ómnium : et procumbéntes super collum Páuli, osculábantur eum, doléntes máxime in verbo, quod dixerat, quóniam ámplius faciém ejus non essent visúri. Et deducébant eum ad navem.

R. Iste cognóvit justítiam, et vidit mirabília magna, et exorávit Altíssimum : * Et invéntus est in número sanctórum. *ŷ.* Iste est qui contémpsit vitam mundi, et pervénit ad cæléstia regna. Et. Glória Patri. Et.

IN II. NOCTURNO

Ant. Filii hóminum * scitóte quia Dóminus sanctum suum mirificávit.

Psalmus 4.

CUM invocárem exaudivit me Deus justitiæ meæ : *

in tribulatióne dilatásti mihi.

Miserére mei, * et exáudi oratióne meam.

Filii hóminum úsquequo gravi corde? * ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccáre : * quæ dicitis in córdibus vestris, in cubilibus vestris compungimini.

Sacrificáte sacrificium iustitiæ, et speráte in Dómino.* Multi dicunt : Quis osténdit nobis bona?

Signátum est super nos lumen vultus tui Dómine : * dedisti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsam * dórmiam, et requiáscam ;

Quóniam tu Dómine singularíter in spe * constituísti me.

Ant. Filii hóminum scitóte quia Dóminus sanctum suum mirificávit.

Ant. Scuto bonæ voluntátis * tuæ coronásti eum Dómine.

Psalmus 5.

VERBA mea áuribus percípe Dómine, * intéllege clamórem meum.

Inténde voci oratiónis meæ, * rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permánébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multítudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in iustitia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttureórum, linguissuis dolóse agébant, * júdica illos Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine, ut scuto bonæ voluntátis tuæ * coronásti nos.

Ant. Scuto bonæ voluntátis tuæ coronásti eum Dómine.

Ant. In univérſa terra * glória et honóre coronásti eum.

Psalmus 8.

DÓMINE Dóminus noster, * quam admirábile est nomen tuum in univérſa terra!

Quóniam eleváta est magnificentia tua, * super cælos.

Ex ore infántium et lacténtium perfecisti láudem propter inimicos tuos, * ut destruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam visitas eum?

Minuisti eum páulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecisti sub pédibus ejus, * oves et boves univérſas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérſa terra?

Ant. In univérſa terra glória et honóre coronásti eum.

V. Posuisti Dómine super caput ejus. **R.** Corónam de lapide pretiósó.

Pater noster.

Absolutio. Ipsius pietas.

V. Jube domne.

Bened. Deus Pater omnipotens.

Sermo sancti Augustini
Episcopi.

Serm. 44. de Sanctis.

Lectio iv.

TRIUMPHÁLIS beáti Mártyris **N.** dies hódie nobis anniversária celebritáte recúrrit : cujus glorificatióni sicut congáudet Ecclésia, sic ejus propónit sequénda vestigia. Si enim compátimur, et conglorificábimur. In cujus glorióso agóne duo nobis præcípue consideránda sunt : induráta videlicet tortóris sævitia, et Mártyris invícta patiéntia. Sævítia tortóris, ut eam detestémur : patiéntia Mártyris, ut eam imitémur. Audi Psalmístam advérsus malitiam increpántem : Noli æmulári in malignántibus : quóniam tamquam fœnum velóciter aréscent. Quod autem advérsus malignántes patiéntia exhibénda sit, áudi Apóstolum suadéntem : Patiéntia vobis necessária est, ut reportétis promissiónes.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem æternam. **V.** Descenditque cum

illo in fóveam, et in vinculis non dereliquit eum. Et.

Bened. Christus perpétuæ.

Lectio v.

CORONÁTA itaque est beáti Mártiris patiéntia : mancipáta est ætérnis cruciátibus tortóris incorrécta malítia. Hoc atténdens in agóne suo gloriósus Christi athléta, non exhórruit cárcerem. Ad imitationém cápitis sui tolerávit probra, sustinuit irrisiónes, flagélla non timuit : et quot ante mortem pro Christo pértulit supplicia, tot ei de se óbtulit sacrificia. Quod enim propinánte Apóstolo bíberat, alte retinébat : Quia non sunt condignæ passiónes hujus témporis ad futúram glóriam, quæ revelábitur in nobis. Et quia momentáneum hoc et leve nostræ tribulatiónis, ætérnum glóriæ pondus operátur in cælis. Hujus promissiónis amore a terrénis suspénsus, et prægustáta supérnæ suavitátis dulcédine ineffabiliter afféctus, dicébat cum Psalmísta : Quid mihi est in cælo, et a te quid vólui super terram? Defécit caro mea et cor meum : Deus cordis mei, et pars mea Deus in ætérnum.

R. Desidérium ánimæ ejus tribuisti ei Dómine, * Et volúntate labiórum ejus non fraudásti eum. **V.** Quóniam prævenisti eum in benedictiónibus dulcédinis : po-

suisti in cápite ejus corónam de lápide pretióso. Et.

Bened. Ignem sui amóris.

Lectio vj.

CONTEMPLABÁTUR enim quantum in ænigmate infirmitas humana óculum mentis in æternitáte figere potest, quanta sint supérnæ civitátis gáudia : et ea enarráre non sufficiens, admirádo clamábat : Quid mihi est in cælo? Quasi diceret : Excédit vires meas, excédit facultátem eloquéntiæ meæ, transcendit capacitátem intelligéntiæ meæ illud decus, illa glória, illa celsitúdo, qua nobis, a conturbatióne hóminum remótis, in abscondito faciéi suæ Jesus Christus Dóminus noster reformábit corpus humilitátis nostræ, configurátum córpori claritátis suæ. Hujus perfectæ libertátis contemplatióne nullum vitábat periculum, nullum horrébat supplicium : et si millies posset mori, non putábat se hanc digne posse áliqua ratióne promeréri.

R. Stola jucunditátis induit eum Dóminus : * Et corónam pulchritúdinis posuit super caput ejus. **Y.** Cibávit illum Dóminus pane vitæ et intelléctus : et aqua sapiéntiæ salutáris potávit illum. Et. Glória Patri. Et.

IN III. NOCTURNO

Ant. Justus Dóminus, * et justítiam diléxit : æquitátem vidit vultus ejus.

Psalmus 10.

IN Dómino confido : quómodo dicitis animæ meæ : * Trásmigra in montem sicut passer ?

Quóniam ecce peccatóres intendérunt arcum, paravérunt sagittas suas in pháretra, * ut sagittent in obscúro rectos corde.

Quóniam quæ perfecísti, destruxérunt : * justus áutem quid fecit ?

Dóminus in templo sancto suo, * Dóminus in cælo sedes ejus :

Oculi ejus in páuperem respiciunt : * pálebræ ejus intérogant filios hóminum.

Dóminus intérogat justum et ípium : * qui áutem diligit iniquitátem, odit ánimam suam.

Pluet super peccatóres láqueos : * ignis, et sulphur, et spíritus procellárum pars cálicis eórum.

Quóniam justus Dóminus, et justitias diléxit : * æquitátem vidit vultus ejus.

Ant. Justus Dóminus, et justitiam diléxit : æquitátem vidit vultus ejus.

Ant. Habitábit * in tabernáculo tuo : requiescet in monte sancto tuo.

Psalmus 11.

DÓMINE quis habitábit in tabernáculo tuo ? * aut quis requiescet in monte sancto tuo ?

Qui ingréditur sine mácula, * et operátur justitiam :

Qui lóquitur veritátem in

corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad nihilum dedúctus est in conspéctuejus malignus : * timéntes áutem Dóminum glorificat :

Qui jurat próximo suo, et non decipit, * qui pecúniám suam non dedit ad usúram, et múnera super innocentem non accépit :

Qui facit hæc, * non móvêbitur in ætérnum.

Ant. Habitábit in tabernáculo tuo : requiescet in monte sancto tuo.

Ant. Posuísti Dómine * super caput ejus corónam de lápide pretiósio.

Psalmus 20.

DÓMINE in virtúte tua lætábitur rex : * et super salutare tuum exsultábit veheménter.

Desidérium cordisejstri buisti ei : * et voluntáte labiórum ejus non fraudásti eum.

Quóniam prævenísti eum in benedictiónibus dulcédinis : * posuísti in cápite ejus corónam de lápide pretiósio.

Vitam pétiit a te : * et tribuisti ei longitúdinem díerum in sáculum, et in sáculum sáculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in

benedictiōnem in sǎculum sǎculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altissimi non commovébitur.

Inveniátur manus tua ómnibus inimicis tuis : * dextera tua invéniat omnes, qui te odérunt.

Pones eos ut clibanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consilia, quæ non potuérunt stabilire.

Quóniam pones eos dorsum : * in reliquiis tuis præparábis vultum eórum.

Exaltáre Dómine in virtúte tua : * cantábitus et psallémus virtútes tuas.

Ant. Posuisti Dómine super caput ejus corónam de lapide pretiósó.

Ÿ. Magna est glória ejus in salutári tuo. *Ŕ.* Glóriam et magnum decórem impónes super eum.

Pater noster.

Absolutio. A vinctulis.

Ÿ. Jube domne.

Bened. Evangélica léctio.

Léctio sancti Evangélii secúndum Lucam.

Lectio vij. Cap. 14. f

In illo témpore : Dixit Jesus turbis : Si quis venit ad

me, et non odit patrem suum, et matrem, et uxórem, et filios, et fratres, et soróres, adhuc áutem et ánimam suam, non potest meus esse discipulus. Et réliqua.

Homilia sancti Gregórii Papæ.

Homil. 37. in Evang.

Si considerémus, fratres caríssimi, quæ et quanta sunt, quæ nobis promittúntur in cælis, viléscunt ánimo ómnia quæ habéntur in terris. Terréna namque substántia supérnæ felicitáti comparáta, pondus est, non subsidium. Temporális vita æternæ vitæ comparáta, mors est pótius dicénda quam vita. Ipse enim quotidiánu defectus corruptiōnis quid est áliud, quam quædam prolixitas mortis? Quæ áutem lingua dicere, vel quis intelléctus cápere súfficit, illa supérnæ civitátis quanta sint gáudia; Angelórum choris interéssé, cum beatissimis spiritibus glóriæ conditóris assistere, præsentem Dei vultum cernere, incircumscriptum lumen vidére, nullo mortis metu áffici, incorruptiōnis perpétuæ múnere lætári?

Ŕ. Coróna áurea super caput ejus, * Expressa signo sanctitátis, glória honóris, et opus fortitúdinis. *Ÿ.* Quóniam prævenisti eum in benedictiōnibus dulcedínis, posuisti in cápite ejus corónam de lapide pretiósó. Expressa.

Bened. Cujus festum cólimus.

Lectio viij.

SED ad hæc audita inardescit animus, jamque illic cupit assistere, ubi se sperat sine fine gaudere. Sed ad magna præmia perveniri non potest, nisi per magnos labóres. Unde et Páulus egrégus prædicátor dicit : Non coronábitur, nisi qui legitime certáverit. Deléctet ergo mentem magnitúdo præmiórum, sed non detérreat certámen labórum. Unde ad se veniéntibus VÉRITAS dicit : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus.

R. Hic est vere Martyr, qui pro Christi nómine sanguinem suum fudit : * Qui minas júdicum non tímuit, nec terrénæ dignitátis glóriam quæsiuit, sed ad cælestia regna pervénit. **V.** Justum dedúxit Dóminus per vias rectas, et osténdit illi regnum Dei. Qui. Glória. Qui.

Sequens R. dicitur ultimo loco in Festis sex SS. Mart. Pont. Eusebii, Marcelli, Joannis, Silverii, Martini, et Pontiani.

R. Dómine prævenisti eum in benedictionibus dulcedinis : * Posuisti in cápite ejus corónam de lápide pretióso. **V.** Vitam pétiit a te, et tribuisti ei longitudínem dié-

rum in sæculum sæculi. Posuisti. Glória Patri. Posuisti.

Bened. Ad societátem.

Lectio ix.

SED percontári libet, quómodo paréntes, et carnáliter propínquos præcipimur odisse, qui jubémur et inimicos diligere? Et certe VÉRITAS de uxóre dicit : Quod Deus conjúnxit, homo non séparet. Et Páulus ait : Viri diligite uxóres vestras, sicut et Christus Ecclesiám. Ecce, discipulus uxórem diligéndam prædicat, cum magister dicat : Qui uxórem non odit, non potest meus esse discipulus. Numquid áliud judex núntiat, áliud præco clamat? An simul et odisse póssumus, et diligere? Sed si vim præcepti perpéndimus, utrúmque ágere per discretiónem valémus : ut uxórem, et eos, qui nobis carnis cognatióne conjúcti sunt, et quos próximos nóvimus, diligámus; et quos adversários in via Dei pátimur, odiéndo et fugiéndo nesciámus.

Te Deum laudámus. 17.

AD LAUDES

ET PER HORAS

Ant. 1. Qui me conféssus fúerit * coram hominibus, confitébor et ego eum coram Patre meo.

Ps. Dóminus regnávít. 18.

2. Qui séquitur me, * non ámbulat in ténebris, sed habébit lumen vitæ, dicit Dóminus.

3. Qui mihi ministrat, *

me sequatur : et ubi ego sum, illic sit et minister meus.

4. Si quis mihi ministraverit, * honorificabit eum Pater meus, qui est in cælis, dicit Dominus.

5. Volo Pater, * ut ubi ego sum, illic sit et minister meus.

Capitulum. Jac. 1. b

BEATUS vir, qui suffert tentationem : quoniam cum probatus fuerit, accipiet coronam vitæ, quam repromisit Deus diligentibus se.

Hymnus.

INVICTE Martyr, unicum Patris secutus Filium, Victis triumphas hostibus, Victor fruens cælestibus.

Tui precatus munere
Nostrum reatum dilue,
Arcens mali contagium,
Vitæ repellens tædium.

Soluta sunt jam vincula
Tui sacrati corporis :
Nos solve vinclis sæculi,
Dono superni Numinis.

Deo Patri sit gloria,
Ejusque soli Filio,
Cum Spiritu Paráclito,
Nunc, et per omne sæculum.
Amen.

Ÿ. Justus ut palma florébit. **R.** Sicut cedrus Libani multiplicabitur.

Ad Bened. Ant. Qui odit * animam suam in hoc mundo, in vitam æternam custodit eam.

Pro Martyre et Pontifice.
Oratio.

INFIRMITATEM nostram respice omnipotens Deus :

et quia pondus propriæ actionis gravat, beati **N.** Martyris tui atque Pontificis intercessio gloriôsa nos protégat. Per Dominum.

Alia Oratio.

DEUS, qui nos beati **N.** Martyris tui atque Pontificis annua solemnitate lætificas : concède propitius ; ut cujus natalitia colimus, de ejusdem etiam protectione gaudeamus. Per Dñm.

Pro Martyre tantum.

Oratio.

PRÆSTA, quæsumus omnipotens Deus : ut qui beati **N.** Martyris tui natalitia colimus, intercessione ejus in tui nominis amore roborémur. Per Dominum.

Alia Oratio.

PRÆSTA, quæsumus omnipotens Deus : ut intercedente beato **N.** Martyre tuo, et a cunctis adversitatibus liberémur in corpore, et a pravis cogitationibus mundémur in mente. Per Dominum.

AD TERTIAM

Ant. Qui sequitur me.

Capit. Beatus vir. *ut supra.*

R. **br.** Glória et honóre * Coronasti eum Dómine. Glória et. **V.** Et constituisti eum super ópera manuum tuarum. Coronasti. Glória Patri. Glória et.

Ÿ. Posuisti Dómine super caput ejus. **R.** Coronam de lápide pretiôso.

AD SEXTAM

Ant. Qui mihi ministrat.

Capitulum. Eccli. 15.

CIBÁVIT illum pane vitæ et
intelléctus, et aqua sapi-
entíæ salutáris potávit il-
lum Dóminus Deus noster.

R. br. Posuisti Dómine *
Super caput ejus. Posuisti.
V. Corónam de lápide pre-
tíoso. Super. Glória Patri.
Posuisti.

V. Magna est glória ejus
in salutári tuo. **R.** Glóriam
et magnum decórem impó-
nes super eum.

AD NONAM

Ant. Volo Pater.

Capitulum. Eccli. 39.

JUSTUS cor suum trádedit
ad vigilándum dilúculo
ad Dóminum, qui fecit il-
lum, et in conspéctu Altis-
simi deprecábitur.

R. br. Magna est glória
ejus * In salutári tuo. Magna.
V. Glóriam et magnum de-
córem impónes super eum.
In. Glória Patri. Magna.

V. Justus ut palma floré-
bit. **R.** Sicut cedrus Libani
multiplicábitur.

IN II. VESPERIS

Ant. de Laud., Pss. ut in
I. Vesp. de Comm. Apost.
2*, et loco ultimi

Psalmus 115.

CRÉDIDI, propter quod lo-
cútus sum : * ego áutem
humiliátus sum nimis.

Ego dixi in excéssu meo : *
Omnis homo mendax.

Quid retribuam Dómino, *
pro ómnibus, quæ retribuit
mihi?

Cálicem salutáris acci-

píam : * et nomen Dómini
invocabo.

Vota mea Dómino reddam
coram omni pópulo ejus : *
pretíosa in conspéctu Dómi-
ni mors sanctórum ejus.

O Dómine, quia ego ser-
vus tuus : * ego servus tuus
et filius ancillæ tuæ.

Dirupisti víncula mea : *
tibi sacrificábo hóstiam láu-
dis, et nomen Dómini invo-
cábo.

Vota mea Dómino reddam
in conspéctu omnis pópuli
ejus : * in átriis domus Dó-
mini, in médio tui Jerúsa-
lem.

Capit. et Hymn. ut in I.
Vesp.

V. Justus ut palma floré-
bit. **R.** Sicut cedrus Libani
multiplicábitur.

Ad Magnif. Ant. Qui vult
venire post me, * ábneget
semetípsam, et tollat cru-
cem suam, et sequátur me.

ALIÆ LECTIONES

PRO UNO MARTYRE

IN II. NOCTURNO

De Expositióne sancti Am-
brósii Episcopi in Psal-
mum centésimum déci-
mum octávum.

Sermone 21.

Lectio iv.

PRÍNCIPES persecúti sunt
me gratis : et a verbis
tuis trepidávit cor meum.
Bene hoc Martyr dicit, quod
injúste persecutiónum tor-
ménta sustíneat : qui nihil
rapúerit, nullum violéntus

opprésserit, nullius sânguinem fúderit, nullius torum putáverit esse violándum : qui nihil légibus débeat, et gravióra latrónum sustinére cogátur supplicia : qui loquátur juste, et non audiátur : qui loquátur plena salútis, et impugnétur : ut possit dicere, Cum loquébar illis, impugnábant me gratis. Gratis igitur persecutiónem pátitur, qui impugnátur sine crimine : impugnátur ut nóxius, cum sit in tali confessiône laudábilis : impugnátur quasi venéficus, qui in nómine Dómini gloriátur, cum píetas virtútum ómnium fundaméntum sit.

¶ Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. ¶ Descenditque cum illo in fóveam, et in vînculis non dereliquit eum. Et.

Lectio v.

VERE frustra impugnátur, qui apud ímpios et infidos impietátis arcéssitur, cum fidei sit magíster. Verum qui gratis impugnátur, fortis debet esse et constans. Quómodo ergo subtéxuit : Et a verbis tuis trepidávit cor meum? Trepidáre infirmitátis est, timóris atque formidinis. Sed est étiam infirmitas ad salútem, est étiam timor sanctórum. Timéte Dóminum, omnes sancti ejus : et, Beátus vir, qui

timet Dóminum. Qua ratióne beátus? Quia in mandátis ejus cupit nimis.

¶ Desidérium ánimæ ejus tribuisti ei Dómine, * Et voluntáte labiórum ejus non fraudásti eum. ¶ Quóniam prævenísti eum in benedictiόνibus dulcédinis : posuísti in cápite ejus corónam de lápide pretióso. Et voluntáte.

Lectio vj.

PONE ergo Mártirem inter pericula constitútum, cum inde immánitas bestiárum ad incutiéndum terrórem ínfremat, aliúnde stridor candéntium laminárum, et flamma fornácis ardéntis exæstuet, ex parte ália pèrsonent tractus gráviûm catenárum, hinc cárnifex cruén-tus assistat : pone, inquam, circumspectántem ómnia plena suppliciiis, deínde cogitántem mandáta divína, illum ignem perpétuum, illud sine fine incéndium perfidórum, illam pœnæ recrudescéntis ærúmnam : trepidáre corde, ne, dum præsentibus cedat, perpétuis se dedat exítiis : perturbári ánimo ; dum futúri judicii rhomphæam illam terribilem quadam conspéctus spécie contuétur. Nonne ad hanc trepidatiónem fidúciæ viri constantis, æquális in eúmdem concúrrit effectum confidentia cupiéntis ætérna, et divina trepidántis?

¶ Stola jucunditátis. 30*.

IN III. NOCTURNO

Lectio sancti Evangelii secundum Matthæum.

Lectio vij. Cap. 16. d

IN illo tempore : Dixit Jesus discipulis suis : Si quis vult post me venire, abneget semetipsum, et tollat crucem suam, et sequatur me. Et reliqua.

Homilia sancti Gregorii Papæ.

Homil. 32. in Evang.

QUIA Dominus ac Redemptor noster novus homo venit in mundum, nova præcepta dedit mundo. Vitæ etenim nostræ veteri in vitiis enutritæ contrarietatem opposuit novitatis suæ. Quid enim vetus, quid carnalis homo nôverat, nisi sua retinere, aliena rapere, si posset; concupiscere, si non posset? Sed cælestis medicus singulis quibûsque vitiis obviántia adhibet medicamentâ. Nam sicut arte medicinæ calida frigidis, frigida calidis curantur : ita Dominus noster contraria opposuit medicamenta peccâtis, ut lubricis continentiam, tenacibus largitatem, iracundis mansuetudinem, elâtis præciperet humilitatem.

R. Coróna áurea super caput ejus, * Expressa signo sanctitatis, glória honoris, et opus fortitudinis. **V.** Quóniam prævenisti eum in benedictionibus dulcédinis, posuisti in cápite ejus coró-

nam de lápide pretioso. Expressa.

Lectio viij.

CERTE cum se sequéntibus nova mandata proponeret, dixit : Nisi quis renuntiáverit ómnibus quæ pössidet, non potest meus esse discipulus. Ac si apérte dicat : Qui per vitam veterem aliena concupiscitis, per novæ conversatiónis studium et vestra largimini. Quid vero in hac lectione dicat, audiámus : Qui vult post me venire, abneget semetipsum. Ibi dicitur, ut abnegémus nostra : hic dicitur, ut abnegémus nos. Et fortásse laboriosum non est hómini relinquere sua; sed valde laboriosum est relinquere semetipsum. Minus quippe est abnegare quod habet : valde autem multum est abnegare quod est.

R. Hic est vere Martyr, qui pro Christi nómine sanguinem suum fudit : * Qui minas júdicum non timuit, nec terrénæ dignitatis glóriam quæsivit, sed ad cælestia regna pervénit. **V.** Justum dedúxit Dominus per vias rectas, et osténdit illi regnum Dei. Qui. Glória Patri. Qui.

Lectio ix.

AD se autem nobis venientibus Dominus præcepit, ut renuntiémus nostris : quia quicúmque ad fidei agónem venimus, luctámen contra malignos spíritus súimus.

Nihil áutem maligni spíritus in hoc mundo próprium pössident : nudi ergo cum nudis luctári debémus. Nam si vestitus quisque cum nudo luctáitur, citius ad terram dejicitur, quia habet unde teneatur. Quid enim sunt terréna ómnia, nisi quædam córporis indumentá? Qui ergo contra diábulum ad certámen própérat, vestimentá abjiciat, ne succúmbat.

Te Deum laudámus. 17.

III. ALIA HOMILIA

Léctio sancti Evangélii secundum Matthæum.

Lectio viij. Cap. 10. c

IN illo témpore : Dixit Jesus discipulis suis : Nihil est opértum, quod non revelábitur; et occúltum, quod non sciétur. Et reliqua.

Homília sancti Hilárii
Episcopi.

*Comment. in Matthæum,
cap. 10. post medium.*

DÓMINUS diem iudicii osténdit, quæ abstrúsam voluntátis nostræ consciéntiam prodet : et ea quæ nunc occúltá existimántur, luce cognitiónis públicæ déteget. Igitur non minas, non consília, non potestátes insectántium monet esse metuéndas : quia dies iudicii nulla hæc fuisse, atque inánia revelábit. Et quod dico vobis in ténebris, dicite in lúmine : et quod in áure auditis, prædicáte super tecta. Non légimus Dómi-

num sólítum fuisse nóctibus sermocinári, et doctrinam in ténebris tradidisse : sed quia omnis sermo ejus carnálibus ténebræ sunt, et verbum ejus infidélibus nox est.

R. Coróna áurea super caput ejus : * Expressa signo sanctitátis, glória honóris, et opus fortitúdinis. **V.** Quóniam prævenisti eum in benedictiόνibus dulcédinis, posuisti in cápite ejus corónam de lápide pretiόso. Expressa.

Lectio viij.

ITAQUE id quod a se dictum est, cum libertáte fidei et confessiόnis vult esse loquéndum. Idcirco quæ in ténebris dicta sunt prædicári jussit in lúmine : ut quæ secréto áurium commissa sunt, super tecta, id est, excélso loquéntium præcónio audiántur. Constánter enim Dei ingerénda cognitio est, et profúndum doctrinæ evangélicæ secrétum in lúmine prædicatiόnis apostólicæ revelándum : non timéntes eos, quibus cum sit licéntia in córpora, tamen in ánimam jus nullum est : sed timéntes pótius Deum, cui perdéndæ in gehénna et ánimæ et córporis sit potestas.

R. Hic est vere Martyr, qui pro Christi nómine sanguinem suum fudit : * Qui minas júdicum non tímuit, nec terrénæ dignitátis gló-

riam quæsiuit, sed ad cælestia regna pervénit. *v.* Justum deduxit Dóminus per vias rectas, et osténdit illi regnum Dei. Qui. Glória. Qui.

Lectio ix.

NOLITE timére eos qui occidunt corpus. Nullus igitur córporum nostrórum casus est pertimescendus, neque ullus interimendæ carnis admittendus est dolor : quando pro natúræ suæ atque originis conditióne resoluta, in substántiam spirituális ánimæ refundátur.

Et quia doctrinis talibus confirmátos opórtet liberam confitendi Dei habére constantiam, étiam conditió-nem, qua tenerémur, adjécit : negáturum se eum Patri in cælis, qui se hominibus in terra negásset : eum porro qui confessus coram hominibus se fuisset, a se in cælis confitendum : qualésque nos nóminis sui testes hominibus fuissémus, tali nos apud Deum Patrem testimonio ejus usúros.

Te Deum laudámus. 17.

COMMUNE PLURIMORUM MARTYRUM

IN I. VESPERIS

Ant. de Laud., Psalmi ut in I. Vesp. de Comm. Apostolorum. 2.*

Capitulum. Sap. 3.

JUSTÓRUM ánimæ in manu Dei sunt, et non tanget illos tormentum mortis. Visi sunt óculis insipientium mori : illi áutem sunt in pace.

Hymnus.

SANCTÓRUM méritis inclyta gáudia
Pangámus sócii, géstaque fórtia :
Gliscens fert ánimus prómere cántibus
Victórum genus óptimum.
Hi sunt, quos fáture mundus abhórruit;
Hunc fructu vácuum, flóribus áridum

Contempsére tui nóminis ásseclæ

Jesu Rex bone cælitum.

Hi pro te fúrias, atque minas truces

Calcárunť hómínium, sáva- que vérbera :

His cessit lácerans fórtiter úngula,

Nec carpsit penetrália.

Cædúntur gládiis more bidéntium :

Non murmur résonat, non querimónia;

Sed corde impávido mens bene cónsčia

Consérvat patiéntiam.

Quæ vox, quæ póterit lingua retéxere,

Quæ tu Martýribus múnera pręparas?

Rubri nam flúido ságuine fúlgidis

Cingunt témpora láureis.

Te summa o Déitas, ún-
que póscimus;

Ut culpas ábigas, nóxia súb-
trahas,

Des pacem fámulis, ut tibi
glóriam

Annórum in sériem ca-
nant. Amen.

V. Lætámini in Dómino,
et exsultáte justí. *R.* Et glo-
riámini omnes recti corde.

Ad Magnif. Ant. Istórum
est enim *regnum cælórum,
qui contempsérunt vitam
mundi, et pervenérunt ad
præmia regni, et lavérunt
stolas suas in ságuine Agni.

Pro pluribus Mart. Pont.

Oratio.

BEATÓRUM Mártýrum pari-
térque Pontíficum *N.* et
N. nos, quæsumus Dómine,
festa tueántur : et eórum
comméndet orátio venerán-
da. Per Dóminum.

Si non fuerint Pontifices.

Oratio.

DEUS, qui nos concédis
sanctórum Mártýrum
tuórum *N.* et *N.* natalitia
cólere : da nobis in ætérna
beatitúdine de eórum socie-
táte gaudére. Per Dóminum.

Alia Oratio.

DEUS, qui nos ánnua san-
ctórum Mártýrum tuó-
rum *N.* et *N.* solemnitáte læ-
tíficas : concéde propítius;
ut quorum gaudémus mérit-
is, accendámur exémples.
Per Dóminum.

AD MATUTINUM

Invital. Regem Mártýrum

Dóminum, * Venite, adoré-
mus.

Ps. Venite, exsultémus. 2.

Hymnus.

CHRISTO profúsum sángu-
nem,

Et Mártýrum victórias,
Dignámque cælo láuream
Lætis sequámur vóci-
bus.

Terróre victo sáculi,
Pœnisque spretis córporis,
Mortis sacræ compéndio
Vitam beátam póssident.

Tradúntur igni Mártýres,
Et bestiárum déntibus :
Armáta sævit úngulis
Tortóris insáni manus.

Nudáta pendent viscera,
Sanguis sacrátus fúnditur :
Sed pérmanent immóbiles
Vitæ perénis grátia.

Te nunc Redémptor quæ-
sumus,

Ut Mártýrum consórtio
Jungas precántes sérvulos
In sempitérna sácula.

Amen.

IN I. NOCTURNO

Ant. Secus decúrsus aquá-
rum * plantávit vineam ju-
stórum, et in lege Dómini
fuit volúntas eórum.

Psalmus 1.

BEÁTUS vir, qui non ábiit
in consilio impiórum,
et in via peccatórum non
stetit, * et in cáthedra pesti-
léntiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod

fructum suum dabit in tēpore suo :

Et fólium ejus non défluēt : * et ómnia quæcúmque fáciēt, prosperabúntur.

Non sic ímpii, non sic : * sed tamquam pulvis, quem prójicit ventus a fácie terræ.

Ideo non resúrgent ímpii in iudicio : * neque peccatóres in concílio justórum.

Quóniam novit Dóminus viam justórum : * et iter impiórum peribit.

Ant. Secus decúrsus aquárum plantávit vineam justórum, et in lege Dómini fuit volúntas eórum.

Ant. Tamquam áurum * in fornáce probávit eléctos Dóminus : et quasi holocáusta accépit eos in ætérnum.

Psalmus 2.

QUARE fremuérunt gentes, * et pópuli meditáti sunt inánia?

Adstitérunt régēs terræ, et principes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : *

Filius meus es tu, ego hódie génui te.

Póstula a me, et dabo tibi gentes hereditátem tuam, * et possessiónem tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudímini qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Tamquam áurum in fornáce probávit eléctos Dóminus : et quasi holocáusta accépit eos in ætérnum.

Ant. Si coram hominibus * tórmēta passi sunt, spes electórum est immortalis in ætérnum.

Psalmus 3.

DÓMINE quid multiplicáti sunt qui tribulant me? * multi insúrgunt advérsus me.

Multi dicunt ánimæ meæ : * Non est salus ipsi in Deo ejus.

Tu áutem Dómine suscēptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormivi, et soporatus sum : * et exsurrexi, quia Dóminus suscepit me.

Non timébo millia pópuli circumdántis me : * exsúrge Dómine, salvum me fac Deus meus.

Quóniam tu percussisti omnes adversántes mihi sine cáusa : * dentes peccatórum contrivisti.

Dómini est salus : * et super pópulum tuum benedictio tua.

Ant. Si coram homínibus torménta passi sunt, spes electórum est immortalis in ætérnum.

Y. Lætámini in Dómino, et exsultáte justí. **R.** Et gloriámini omnes recti corde.

Pater noster.

Absolutio. Exáudi Dómine.

Y. Jube domne.

Bened. Benedictióne perpétua.

De Epístola beáti Páuli Apóstoli ad Romános.

Lectio j. Cap. 8. c

FRATRES : Debitóres sumus non carni, ut secúndum carnem vivámus. Si enim secúndum carnem vixéritis, moriémini : si áutem spíritu facta carnis mortificavéritis, vivétis. Quicúmque enim spíritu Dei agúntur, ii sunt filii Dei. Non enim accepístis spíritum servitútis iterum in timóre, sed accepístis spíritum adoptiónis filiórum, in quo clamámus : Abba (Pater). Ipse enim Spiritus

testimónium reddit spíritui nostro, quod sumus filii Dei. Si áutem filii, et herédes : herédes quidem Dei, coherédes áutem Christi : si tamen compátimur, ut et conglorificémur. Existimo enim quod non sunt condignæ passiónes hujus témporis ad futúram glóriam, quæ revelábitur in nobis. Nam exspectátio creatúre revelatióem filiórum Dei exspectat.

R. Abstérget Deus omnem lácrymam ab óculis sanctórum : et jam non erit ámplius neque luctus, neque clamor, sed nec ullus dolor : * Quóniam prióra transiérunt. **Y.** Non esúrient, neque sitient ámplius, neque cadet super illos sol, neque ullus æstus. Quóniam.

Bened. Unigénitus Dei Filius.

Lectio ij.

SCIMUS áutem quóniam diligéntibus Deum ómnia cooperántur in bonum, iis, qui secúndum propósitum vocáti sunt sancti. Nam quos præscivit, et prædestinávit confórmes fieri imáginis Filii sui, ut sit ipse primogénitus in multis frátribus. Quos áutem prædestinávit, hos et vocávit : et quos vocávit, hos et justificávit : quos áutem justificávit, illos et glorificávit. Quid ergo dicémus ad hæc? Si Deus pro nobis, quis contra nos? Qui étiam próprio Filio suo

non pepércit, sed pro nobis ómnibus trádidit illum: quómo-
modo non étiam cum illo
ómnia nobis donávit? Quis
accusábit advérsus eléctos
Dei? Deus qui justificat, quis
est qui condémnet? Christus
Jesus, qui mórtuus est,
immo qui et resurréxit, qui
est ad dexteram Dei, qui
étiam interpéllat pro nobis.

R. Viri sancti gloriósum
sánguinem fuderunt pro Dó-
mino, amavérunt Christum
in vita sua, imitáti sunt eum
in morte sua: * Et ideo coró-
nas triumpháles meruérunt.

V. Unus spíritus, et una fides
erat in eis. Et.

Bened. Spíritus sancti grá-
tia.

Lectio iij.

QUIS ergo nos separábit a
caritaté Christi? tribu-
latio, an angústia, an fames,
an núditas, an periculum,
an persecútio, an gládus?
(sicut scriptum est: Quia
propter te mortificámur tota
die: æstimáti sumus sicut
oves occisiónis.) Sed in his
ómnibus superámus propter
eum, qui diléxit nos. Certus
sum enim quia neque mors,
neque vita, neque Angeli,
neque Principátus, neque
Virtútes, neque instántia,
neque futúra, neque forti-
túdo, neque altitúdo, neque
profúndum, neque creatúra
ália póterit nos separáre a
caritaté Dei, quæ est in
Christo Jesu Dómino nostro.

R. Tradidérunt córpora

sua propter Deum ad sup-
plícia: * Et meruérunt ha-
bére corónas perpétuas. **V.**
Isti sunt qui venérunt ex
magna tribulatióne, et lavé-
runt stolas suas in sán-
guine Agni. Et. Glória Patri.
Et.

IN II. NOCTURNO

Ant. Dabo sanctis meis *
locum nominátum in regno
Patris mei, dicit Dóminus.

Psalmus 14.

DÓMINE quis habitábit in
tabernáculo tuo? * aut
quis requiescet in monte
sancto tuo?

Qui ingréditur sine mácu-
la, * et operátur justitiam:

Qui lóquitur veritátem in
corde suo, * qui non egit
dolum in lingua sua:

Nec fecit próximo suo
malum, * et oppróbrium non
accépit advérsus próximos
suos.

Ad níhilum dedúctus est
in conspéctu ejus malignus: *
timéntes áutem Dóminum
glorificat:

Qui jurat próximo suo, et
non decipit, * qui pecúniam
suam non dedit ad usúram,
et múnera super innocén-
tem non accépit:

Qui facit hæc, * non mo-
vébitur in ætérnum.

Ant. Dabo sanctis meis
locum nominátum in regno
Patris mei, dicit Dóminus.

Ant. Sanctis, qui in terra
sunt ejus, * mirificávit
omnes voluntátes meas inter
illos.

Psalmus 15.

CONSÉRVA me Dómine,
quóniam sperávi in te. *
Dixi Dómino : Deus meus
es tu, quóniam bonórum
meórum non eges.

Sanctis, qui sunt in terra
ejus, * mirificávit omnes
voluntátes meas in eis.

Multiplicátæ sunt infirmi-
tátes eórum : * póstea acce-
leravérunt.

Non congregábo conven-
ticula eórum de sanguini-
bus : * nec memor ero nómi-
num eórum per lábia mea.

Dóminus pars hereditátis
meæ, et cálicis mei : * tu
es, qui restitues hereditátem
meam mihi.

Funes cecidérunt mihi in
præcláris : * etenim heré-
ditas mea præclára est mihi.

Benedícam Dóminum, qui
tribuit mihi intelléctum : *
insuper et usque ad noctem
increpuérunt me renes mei.

Providébam Dóminum in
conspéctu meo semper : *
quóniam a dextris est mihi,
ne commóvear.

Propter hoc lætátum est
cor meum, et exsultávit lin-
gua mea : * insuper et caro
mea requiescet in spe.

Quóniam non derelinques
ánimam meam in inférno : *
nec dabis sanctum tuum vi-
dere corruptiónem.

Notas mihi fecisti vias vi-
tæ, adimplébis me lætitia
cum vultu tuo : * delecta-
tiones in dextera tua usque
in finem.

Ant. Sanctis, qui in terra
sunt ejus, mirificávit omnes
voluntátes meas inter illos.

Ant. Sancti qui sperant in
Dómino, * habébunt forti-
túdinem, assúment pennas
ut áquilæ, volábunt, et non
deficient.

Psalmus 23.

DÓMINI est terra, et pleni-
túdo ejus : * orbis ter-
rarum, et univérsi, qui
hábitant in eo.

Quia ipse super mária
fundávit eum : * et super
flúmina præparávit eum.

Quis ascéndet in montem
Dómini? * aut quis stabit in
loco sancto ejus?

Innocens mánibus et mun-
do corde, * qui non accépit
in vano ánimam suam, nec
jurávit in dolo próximo suo.

Hic accipiet benedicti-
onem a Dómino : * et miseri-
córdiam a Deo salutári suo.

Hæc est generatio quæ-
réntium eum, * quæréntium
fáciem Dei Jacob.

Attóllite portas principes
vestras, et elevámini portæ
æternáles : * et introíbit Rex
glóriæ.

Quis est iste Rex glóriæ? *
Dóminus fortis et potens :
Dóminus potens in prælio.

Attóllite portas principes
vestras, et elevámini portæ
æternáles : * et introíbit Rex
glóriæ.

Quis est iste Rex glóriæ? *
Dóminus virtútum ipse est
Rex glóriæ.

Ant. Sancti qui sperant

in Dómino, habébunt fortitúdinem, assúment pennas ut áquilæ, volábunt, et non deficient.

Ÿ. Exsúltent iusti in conspéctu Dei. R. Et delecténtur in lætítia.

Pater noster.

Absolutio. Ipsius pietas.

Ÿ. Jube domne. Bened. Deus Pater omnipotens.

Sermo sancti Augustini
Episcopi.

Serm. 47. de Sanctis.

Lectio iv.

QUOTIESCÚMQUE, fratres caríssimi, sanctórum Mártyrum solénnia celebrámus, ita, ipsis intercedéntibus, exspectémus a Dómino cónsequi temporália beneficia, ut ipsos Mártyres imitándo accípere mereámur ætérna. Ab ipsis enim sanctórum Mártyrum in veritáte festivitátum gáudia celebrántur, qui ipsórum Mártyrum exémpa sequúntur. Solemnitátes enim Mártyrum exhortatiónes sunt martyriórum : ut imitári non pígeat, quod celebráre delectat.

R. Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis : * Terra apparuit árida : et in mari Rubro via sine impediménto. Ÿ. Quóniam percússit petram, et fluxérunt aquæ, et torréntes inundavérunt. Terra.

Bened. Christus perpétuæ.

Lectio v.

SED nos vólumus gaudére cum sanctis : et tribulatiónem mundi nólumus sustinére cum ipsis. Qui enim sanctos Mártyres, in quantum potúerit, imitári nolúerit ; ad eórum beatitúdinem non póterit pervenire. Sed et Páulus Apóstolus prædicat, dicens : Si fuérimus sócii passiónum, érimus et consolatiónum. Et Dóminus in Evangélio : Si mundus vos odit, scitóte quia me priórem vobis ódio hábuit. Recúsat esse in córpore, qui ódium non vult sustinére cum cápite.

R. Vérbera carníficum non timuérunt sancti Dei, moriéntes pro Christi nómine : * Ut herédes fierent in domo Dómini. Ÿ. Tradidérunt córpora sua propter Deum ad supplicia. Ut.

Bened. Ignem sui amóris.

Lectio vj.

SED dicit áliquis : Et quis est qui possit beatórum Mártyrum vestigia sequi? Huic ego respódeó, quia non solum Mártyres, sed étiam ipsum Dóminum cum ipsius adjutório, si vólumus, póssumus imitári. Audi non me, sed ipsum Dóminum géneri humano clamántem : Discite a me, quia mitis sum et húmilis corde. Audi et Petrum Apóstolum admonéntem : Christus passus est pro nobis, relinquens nobis

exemplum, ut sequámur
vestigia ejus.

R. Tamquam áurum in
fornáce probávit eléctos
Dóminus, et quasi holocáusti
hóstiam accépit illos : et in
tépore erit respéctus illó-
rum : * Quóniam donum et
pax est eléctis Dei. **V.** Qui
confidunt in illum, intél-
ligent veritátem, et fidéles
in dilectióne acquiescent
illi. Quóniam. Glória Patri.
Quóniam.

IN III. NOCTURNO

Ant. Justi áutem * in per-
pétuum vivent, et apud
Dóminum est merces eórum.

Psalmus 32.

EXSULTÁTE justi in Dó-
mino : * rectos decet col-
laudatio.

Confitémini Dómino in
cithara : * in psalterio de-
cem chordárum psállite illi.

Cantáte ei cánticum no-
vum : * bene psállite ei in
vociferatióne.

Quia rectum est verbum
Dómini, * et ómnia ópera
ejus in fide.

Diligit misericórdiam et
judicium : * misericórdia
Dómini plena est terra.

Verbo Dómini cæli firmáti
sunt : * et spiritu oris ejus
omnis virtus eórum.

Cóngregans sicut in utre
aquis maris : * ponens in
thesáuris abyssos.

Timeat Dóminum omnis
terra : * ab eo áutem com-
moveántur omnes inhabi-
tántes orbem.

Quóniam ipse dixit, et
facta sunt : * ipse mandávit,
et creáta sunt.

Dóminus dissipat consilia
géntium : * réprobat áutem
cogitatiónes populórum, et
réprobat consilia principum.

Consilium áutem Dómini
in ætérnum manet : * cogita-
tiónes cordis ejus in gene-
ratióne et generatióne.

Beáta gens, cujus est Dó-
minus, Deus ejus : * pópulus,
quem elégit in hereditátem
sibi.

De cælo respéxit Dómi-
nus : * vidit omnes filios
hóminum.

De præparáto habitáculo
suo * respéxit super omnes,
qui hábitant terram.

Qui finxit sigillátim corda
eórum : * qui intélligit ómnia
ópera eórum.

Non salvátur rex per mul-
tam virtútem : * et gigas non
salvabitur in multitudíne
virtútis suæ.

Fallax equus ad salútem : *
in abundántia áutem virtútis
suæ non salvabitur.

Ecce óculi Dómini super
metuéntes eum : * et in eis,
qui sperant super miseri-
córdia ejus.

Ut éruat a morte ánimas
eórum : * et alat eos in
fame.

Anima nostra sústinet Dó-
minum : * quóniam adjútor
et protéctor noster est.

Quia in eo lætábitur cor
nostrum : * et in nómine
sancto ejus sperávimus.

Fiat misericórdia tua Dómine super nos : * quemádmódum sperávimus in te.

Ant. Justi áutem in perpétuum vivent, et apud Dóminum est merces eórum.

Ant. Tradidérunt * córpora sua in mortem, ne servirent idólis : ideo coronáti póssident palmam.

Psalmus 33.

BENEDÍCAM Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuéti et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatióibus meis eripuit me.

Accédite ad eum, et illuminámini : * et fácies vestrae non confundéntur.

Iste páuper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et eripiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes áutem Dóminum non minuéntur omni bono.

Veníte filii, audíte me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et áures ejus in preces eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum delinquent.

Rédimet Dóminus ánimas servórum suórum : * et non delinquent omnes qui sperant in eo.

Ant. Tradidérunt córpora sua in mortem, ne servirent idólis : ideo coronáti póssident palmam.

Ant. Ecce merces * sanctórum copiósa est apud Deum :

ipsi vero mórtui sunt pro Christo, et vivent in ætérnum.

Psalmus 45.

DEUS noster refúgium, et virtus : * adjútor in tribulatió nibus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscep tor noster Deus Jacob.

Veníte, et vidéte ópera Dómini, quæ pósuit prodigia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscep tor noster Deus Jacob.

Ant. Ecce merces sanctórum copiósa est apud Deum : ipsi vero mórtui sunt pro Christo, et vivent in ætérnum.

Ÿ. Justi áutem in perpétuum vivent. **R.** Et apud Dóminum est merces eórum.

Pater noster.

Absolutio. A vinctulis.

Ÿ. Jube domne.

Bened. Evangélica léctio. Léctio sancti Evangélii secúndum Lucam.

Lectio vij. Cap. 21. c

IN illo témpore : Dixit Jesus discipulis suis : Cum audiéritis prælia, et seditiões, nolite terréri : opórtet primum hæc fieri, sed nondum statim finis. Et réliqua.

Homilia sancti Gregórii Papæ.

Homil. 35. in Evang.

DÓMINUS ac Redemptor noster peritúri mundi præcurréntia mala denúntiat, ut eo minus pertúrbent veniéntia, quo fúerint præscita. Minus enim jácula fériunt, quæ prævidéntur : et nos tolerabilius mundi mala suscipimus, si contra hæc per præsciéntiæ clýpeum munimur. Ecce enim dicit : Cum audiéritis prælia et seditiões, nolite terréri : opórtet enim primum hæc fieri, sed nondum statim finis. Pensánda sunt verba Redemptóris nostri, per quæ nos áliud intérius, áliud extérius passúros esse denún-

tiat. Bella quippe ad hostes pertinent, seditiões ad ciues. Ut ergo nos indicet intérius exteriúsque turbári, áliud nos fatétur ab hóstibus, áliud a frátribus perpéti.

R. Propter testaméntum Dómini, et leges patrénas, sancti Dei perstitérunt in amóre fraternitátis : * Quia unus fuit semper spíritus in eis, et una fides. **V.** Ecce quam bonum et quam jucúndum habitáre fratres in unum. Quia.

Bened. Quorum festum cólimus.

Lectio viij.

SED his malis præueniéntibus, quia non statim finis sequátur, adjúngit : Surget gens contra gentem, et regnum advérsus regnum : et terræmótus magni erunt per loca, et pestilentíæ, et fames, terrorésque de cælo : et signa magna erunt. Ultima tribulátio multis tribulatió nibus præuenitur : et per crebra mala, quæ præveniunt, indicántur mala perpétua, quæ subsequéntur. Et ideo post bella et seditiões non statim finis : quia multa debent mala præcurrere, ut malum váleant sine fine nuntiáre.

R. Sancti mei, qui in carne pósito, certámen habuístis : * Mercédem labóris ego redam vobis. **V.** Veníte benedícti Patris mei, percípite regnum. Mercédem. Glória. Mercédem.

Sequens R. dicitur post viij. vel ij. Lect. in Festo plurimorum Martyrum fratrum.

R. Hæc est vera fraternitas, quæ numquam pótuit violári certámine : qui effúso ságuine secúti sunt Dóminum : * contemnéntes áulam régiam, pervenérunt ad regna cæléstia. **V.** Ecce quam bonum et quam jucúndum habitáre fratres in unum. Contemnéntes. Glória Patri. Contemnéntes.

Bened. Ad societátem.

Lectio ix.

SED cum tot signa perturbationis dicta sint, opórtet, ut eórum consideratió nem breviter per singula perstringámus : quia necesse est, ut ália e cælo, ália e terra, ália ab elementis, ália ab hominibus patiámur. Ait enim : Surget gens contra gentem, ecce perturbátio hóminum : erunt terræmótus magni per loca, ecce respéctus iræ désuper : erunt pestilentíæ, ecce inæqualitas córporum : erit fames, ecce sterilitas terræ : terrorésque de cælo et tempestátes, ecce inæqualitas aéris. Quia ergo ómnia consummánda sunt, ante consummatió nem ómnia perturbántur : et qui in cunctis deliquimus, in cunctis ferímur : ut impleátur quod dicitur, Et pugnábit pro eo orbis terrárum contra insensátos.

Te Deum laudámus. 17.

AD LAUDES

ET PER HORAS

Ant. 1. Omnes sancti, *
quanta passi sunt torménta,
ut secúri pervenirent ad pal-
mam martýrii.

Ps. Dóminus regnávit.
cum reliq. 18.

2. Cum palma * ad regna
pervenérunt sancti, coronas
decóris meruérunt de manu
Dei.

3. Córpora sanctórum * in
pace sepúlta sunt : et vivent
nómina eórum in ætérnum.

4. Mártýres Dómini * Dómi-
num benedicite in ætérnum.

5. Mártýrum chorus * lau-
dáte Dóminum de cælis,
allelúia.

Capitulum. Sap. 3.

JUSTÓRUM ánimæ in manu
Dei sunt, et non tanget
illos torméntum mortis. Visi
sunt óculis insipiéntium mor-
ri : illi áutem sunt in pace.

Hymnus.

REX glorióse Mártýrum,
Coróna confiténtium,
Qui respuéntes térrea
Perdúcis ad cæléstia.

Aurem benignam prótinus
Inténde nostris vóci bus :
Trophæa sacra pángimus :
Ignósce quod deliquimus.

Tu vincis inter Mártýres,
Parcisque Confessóribus :
Tu vince nostra crimina,
Largitor indulgéntiæ.

Deo Patri sit glória,
Ejúsque soli Filio,
Cum Spíritu Paráclito,
Nunc et per omne sæculum.
Amen.

V. Exsultábunt sancti in
glória. **R.** Lætabúntur in
cubilibus suis.

Ad Bened. Ant. Vestri ca-
pilli cápitis * omnes nume-
ráti sunt : nolite timére :
multis passéribus meliôres
estis vos.

Pro pluribus Mart. Pont.**Oratio.**

BEATÓRUM Mártýrum pari-
térque Pontíficum **N.** et
N. nos, quæsumus Dómine,
festa tueántur : et eórum
comméndet orátio venerán-
da. Per Dóminum.

Si non fuerint Pontifices.**Oratio.**

DEUS, qui nos concédís
sanctórum Mártýrum
tuórum **N.** et **N.** natalitia
cólere : da nobis in ætérna
beatitúdine de eórum socie-
táte gaudére. Per Dóminum.

Alia Oratio.

DEUS, qui nos ánnua san-
ctórum Mártýrum tuó-
rum **N.** et **N.** solemnitáte
lætificas : concéde propítius ;
ut quorum gaudémus méri-
tis, accendámur exémples.
Per Dóminum.

AD TERTIAM

Ant. Cum palma.

Capit. Justórum. *ut su-
pra.*

R. br. Lætámini in Dómi-
no, * Et exsultáte justi. Læ-
támini. **V.** Et gloriámini
omnes recti corde. Et. Gló-
ria Patri. Lætámini.

V. Exsúltent justi in con-
spéctu Dei. **R.** Et delectén-
tur in lætítia.

AD SEXTAM

Ant. Córpora sanctórum.*Capitulum.* Sap. 10. d

RÉDDIDIT Deus mercédem
labórum sanctórum suó-
rum, et dedúxit illos in via
mirábili : et fuit illis in vela-
ménto diéi, et in luce stellá-
rum nocte.

R. *br.* Exsúltent justí * In
conspéctu Dei. Exsúltent. *V.*
Et delecténtur in lætítia. In.
Glória Patri. Exsúltent.

V. Justí áutem in perpé-
tuum vivent. *R.* Et apud
Dóminum est merces eórum.

AD NONAM

Ant. Mártyrum chorus.*Capitulum.* Sap. 3.

FULGÉBUNT justí, et tam-
quam scintillæ in arun-
dinéto discúrrunt. Judicá-
bunt nátiónes, et domina-
búntur pópulis : et regnábit
Dóminus illórum in perpé-
tuum.

R. *br.* Justí áutem * In
perpétuum vivent. Justí. *V.*
Et apud Dóminum est mer-
ces eórum. In perpétuum.
Glória Patri. Justí.

V. Exsultábunt sancti in
glória. *R.* Lætabúntur in cu-
bilibus suis.

IN II. VESPERIS

Ant. 1. Isti sunt sancti, *
qui pro testaméto Dei sua
córpora tradidérunt, et in
sánguine Agni lavérunt sto-
las suas.

Psalm. ut in I. Vesp. de
Comm. Apost. 2*, et loco
ult., *Ps.* Crédidi.

2. Sancti per fidem * vicé-

runt regna, operáti sunt
justítiam, adépti sunt repro-
missiões.

3. Sanctórum velut áqui-
læ * juvéntus renovábitur :
florébunt sicut lílium in civi-
táte Dómini.

4. Abstérget Deus * omnem
lácrymam ab óculis sanctó-
rum : et jam non erit ám-
plius neque luctus, neque
clamor, sed nec ullus dolor :
quóniam prióra transiérunt.

5. In cæléstibus regnis *
sanctórum habitátio est, et
in ætérnum réquies eórum.

Psalmus 115.

CRÉDIDI, propter quod lo-
cútus sum : * ego áutem
humiliátus sum nimis.

Ego dixi in excéssu meo : *
Omnis homo mendax.

Quid retribuam Dómino, *
pro ómnibus, quæ retribuit
mihi?

Cálicem salutáris acci-
píam : * et nomen Dómini
invocábo.

Vota mea Dómino reddam
coram omni pópulo ejus : *
pretiósá in conspéctu Dó-
mini mors sanctórum ejus :

O Dómine quia ego servus
tuus : * ego servus tuus, et
filius ancillæ tuæ.

Dirupísti víncula mea : *
tibi sacrificábo hóstiam láu-
dis, et nomen Dómini invo-
cábo.

Vota mea Dómino reddam
in conspéctu omnis pópuli
ejus : * in átriis domus Dó-
mini, in médio tui Jerúsa-
lem.

Capit. et Hymn. ut in I. Vesp.

Ÿ. Exsultábunt sancti in glória. R. Lætabúntur in cubilibus suis.

Ad Magnif. Ant. Gáudent in cælis * animæ sanctórum, qui Christi vestigia sunt secúti : et quia pro ejus amóre sánguinem suum fuderunt, ideo cum Christo exsultant sine fine.

II. ALIÆ LECTIONES

PRO PLURIBUS MARTYRIBUS

IN II. NOCTURNO

Sermo sancti Joánnis
Chrysóstomi.

Serm. 1. de Martyr. Tom. 3.

Lectio iv.

NEMO est qui nésciat, Mártyrum glórias ad hoc divino consilio a Dei pópulis frequentári, ut et illis débítus honor dicétur, et nobis virtútis exémpła, favénte Christo, monstréntur : ut dum hæc ita celebrári perspicimus, cognoscámus quanta eos glória máneat in cælis, quorum natalítia táliter celebrántur in terris : quo possimus étiam ipsi tálibus provocári exémpłis, virtúte pari, devotióne consimili ac fide : ut Christo præstánte, dimicáre et vincere hostem possimus : ut parta victória, cum iisdem sanctis in regnis cæléstibus triumphémus.

R. Sancti tui Dómine mirábile consecúti sunt iter, serviéntes præcéptis tuis, ut

inveniréntur illæsi in aquis válidis : * Terra appáruit árida : et in mari Rubro via sine impediménto. Ÿ. Quóniam percússit petram, et fluxérunt aquæ, et torréntes inundavérunt. Terra.

Lectio v.

QUIS est enim, qui eórum volens mérito copulári ; nisi prius constántiam eórum téneat, sectétur fidem, imitétur virtútem passiónis ; eórum glóriam páribus vitæ lineaméntis aut invéniat, aut exquirat ? Qui etsi martýrio par esse non possit : tamen múnieris tanti dignitáte se quisque bonis áctibus dignum præbeat. Adest enim clementíssimus Deus, qui desiderántibus suis aut martýrium præbeat, aut sine martýrio cum sanctis præmia divína retribuat.

R. Vérbera carníficum non timuérunt sancti Dei, moriéntes pro Christi nómine : * Ut herédes fierent in domo Dómini. Ÿ. Tradidérunt córpora sua propter Deum ad supplicia. Ut.

Lectio vj.

UT enim infirmáture peccátor advérsis, ita justus tentatióibus roborátur. Sic dimicárunť advérsus peccátum sancti : sic et laborándo fortióres et moriéndó victóres effécti sunt. Nullus athlétes sine certámine fórtior dici, nullus sine victória póterit coronári. Nemo miles sine prælio hostem subjécit :

nemo sine bello imperatorem promeruit. Habes, christiane, competentia arma, quibus hostem expugnes : habes fortissima tela, quibus inimicum debelles.

R. Tamquam aurum in fornace probavit electos Dominus, et quasi holocausti hostiam accepit illos : et in tempore erit respectus illorum : * Quoniam donum et pax est electis Dei. **V.** Qui confidunt in illum, intelligent veritatem : et fideles in dilectione acquiescent illi. Quoniam. Gloria Patri. Quoniam.

IN III. NOCTURNO

Lectio sancti Evangelii secundum Lucam.

Lectio vij. Cap. 6. c

IN illo tempore : Descendens Jesus de monte, stetit in loco campestri, et turba discipulorum ejus, et multitudo copiosa plebis ab omni Judaea, et Jerusalem, et maritima, et Tyri, et Sidonis. Et reliqua.

Homilia sancti Ambrósii
Episcopi.

Lib. 5. in Lucam. Cap. 6.,
post init.

ADVERTE omnia diligenter, quomodo et cum Apostolis ascendat et descendat ad turbas. Quomodo enim turba nisi in humili Christum videret? Non sequitur ad excelsa, non ascendit ad sublimia. Denique ubi descendit, invenit infirmos : in excelsis enim infirmi esse

non possunt. Hinc etiam Matthaeus docet in inferioribus debiles esse sanatos. Prius enim unusquisque sanandus est, ut paulatim virtutibus procedentibus ascendere possit ad montem. Et ideo quemque in inferioribus sanat, hoc est, a libidine revocat, injuriam cecitatis avertit. Ad vulnera nostra descendit : ut usu quodam et copia suae naturae, participes nos faciat esse regni caelestis.

R. Propter testamentum Domini, et leges paternas, sancti Dei perstitērunt in amore fraternitatis : * Quia unus fuit semper spiritus in eis, et una fides. **V.** Ecce quam bonum et quam jucundum habitare fratres in unum. Quia.

Lectio viij.

BEATI pauperes, quia vestrum est regnum Dei. Quatuor tantum beatitudines sanctus Lucas dominicas posuit, octo vero sanctus Matthaeus : sed in illis octo istae quatuor sunt, et in quatuor istis illae octo. Hic enim quatuor velut virtutes amplexus est cardinales : ille in illis octo mysticum numerum reseravit. Pro octava enim multi inscribuntur Psalmi : et mandatum accipis octo illis partem dare fortasse benedictionibus. Sicut enim spei nostrae octava perfectio est, ita octava summa virtutum est.

R. Sancti mei, qui in carne pòsiti, certámen habuístis: * Mercédem labóris ego reddam vobis. **V.** Veníte benedicti Patris mei, percípíte regnum. Mercédem. Glória Patri. Mercédem.

Lectio ix.

SED prius quæ sunt amplióra videámus. Beáti, inquit, páuperes, quóniam vestrum est regnum Dei. Primambenedictiónem hanc utérque Evangelísta pòsuit. Ordine enim prima est, et parens quædam generatióque virtútum: quia qui contémpserit sæculária, ipse merébitur sempitérna: nec potest quisquam méritum regni cæléstis adipisci, qui mundi cupiditate pressus, emergéndi non habet facultatem.

Te Deum laudámus. 17.

III. ALIA HOMILIA

Léctio sancti Evangélii secúndum Lucam.

Lectio vij. Cap. 12.

IN illo témpore: Dixit Jesus discipulis suis: Atténdite a fermento pharisæórum, quod est hypócrisis. Et reliqua.

Homília venerábilis Bedæ Presbýteri.

Lib. 4. in Lucam, cap. 52.

DE hoc fermento Apóstolus præcipit: Itaque epulémur, non in fermento vétéri, neque in fermento malitiæ et nequitiae, sed in ázymis sinceritátis et veritátis. Nam

sicut módicum ferméntum totam farinæ, cui injicitur, massam corrúmpit, universámque mox conspersiónem suo sapóre commáculat: sic nimirum simulatio, cujus semel ánimum imbúerit, tota virtútum sinceritate et veritate fraudábit. Est ergo sensus: Atténdite ne æmulémini simulatores, quia véniet profecto tempus, in quo et vèstra virtus ómnibus, et eórum revelétur hypócrisis.

R. Propter testaméntum Dómini, et leges patérnas, sancti Dei perstitérunt in amore fraternitátis: * Quia unus fuit semper spiritus in eis, et una fides. **V.** Ecce quam bonum et quam jucúndum habitáre fratres in unum. Quia unus.

Lectio viij.

VERUM quod séquitur: Quóniam quæ in ténebris dixistis, in lúmine dicéntur: non solum in futúro, quando cuncta córdium abscondita proferéntur ad lucem, sed et in præsénti témpore potest congruenter accipi: quóniam quæ inter ténebras quondam pressurárum, carcerúmque umbras, vel locúti, vel passi sunt Apóstoli, nunc clarificáta per orbem Ecclesiá, lectis eórum áctibus, públice prædicántur. Ne terreámini ab his qui occidunt corpus. Si persecutores sanctórum, occisis corpóribus, non ha-

bent ámplius quid contra illos agant; ergo supervácuá furunt insánia, qui mórtua Mártyrum membra feris avibúsque discerpénda projiciunt, cum nequáquam omnipoténtiæ Dei, quin ea resuscitándo vivíficet, obsistere possint.

R. Sancti mei, qui in carne pósito, certámen habuístis : * Mercédem labóris ego reddam vobis. **V.** Venite benedicti Patris mei, percipite regnum. Mercédem. Glória Patri. Mercédem.

Lectio ix.

Duo áutem sunt génera persecutórum : unum palam sæviéntium, álterum fícte fraudulentérque blandiéntium. Contra utrúmque

nos munire atque institúere volens Salvátor, et supra ab hypócrisi pharisæórum at-téndere, et hic a carníficum cæde præcipit non timére : quia videlicet post mortem nec horum crudélitas, nec illórum váleat simulátio duráre. Nonne quinque pás-seres véneunt dipóndio ? Si minutíssima, inquit, animá-lia, et quæ quólibet per áëra ferúntur volatília, Deus oblivisci non potest ; vos qui ad imáginem facti estis Creatóris, non debétis ter-réri ab his, qui occidunt corpus : quia qui irrationalia animália gubérnat, rationalia curáre non dési-nit.

Te Deum laudámus. 17.

COMMUNE CONFESSORIS PONTIFICIS

IN I. VESPERIS

Ant. de Laud., Psalmi ut in I. Vesp. de Comm. Apost. 2*.

Capitulum. Eccli. 44. c

ECCE sacérdos ma-gnus, qui in dié-bus suis plácuit Deo, et invéntus est justus : et in témpore iracúndiæ factus est recon-ciliátio.

Hymnus.

ISTE Conféssor Dómini co-léntes
Quem pie láudant pópuli per orbem :
Hac die lætus méruit beátas
Scándere sedes.

Si non est dies obitus,
quod indicant in Propr. lit-teræ m. t. v., dicitur :

Hac die lætus méruit su-prémós

Láudis honóres.

Qui pius, prudens, húmi-lis, pudicus,

Sóbriam duxit sine labe vitam,

Donec humános animávit áuræ

Spíritus artus.

Cujus ob præstans méri-tum fréquenter,

Ægra quæ passim jacuére membra,

Viribus morbi dómitis, salúti Restituúntur.

Noster hinc illi chorus
obsequentem

Cóncinit láudem, celebrés-
que palmas;

Ut piis ejus précibus juvé-
mur

Omne per ævum.

Sit salus illi, decus, atque
virtus,

Qui super cæli sólio corú-
scans,

Totius mundi sériem gubér-
nat

Trinus et unus. Amen.

V. Amávit eum Dóminus,
et ornávit eum. *R.* Stolum
glóriæ induit eum.

Ad Magnif. Ant. Sacérdos
et Póntifex, * et virtútum
ópifex, pastor bone in pó-
pulo, ora pro nobis Dómi-
num.

Oratio.

DA, quæsumus omnipotens
Deus : ut beáti *N.* Con-
fessoris tui atque Pontificis
veneránda solémnitas, et
devotiónem nobis áugeat et
salútem. Per Dóminum.

Alia Oratio.

EXÁUDI, quæsumus Dó-
mine, preces nostras,
quas in beáti *N.* Confessoris
tui atque Pontificis solemnité
deférimus : et qui tibi
digne mérui famulári, ejus
intercedéntibus méritis ab
ómnibus nos absólve peccá-
tis. Per Dóminum.

*Pro Doctoribus in utrisque
Vesp.*

Ad Magnif. Ant. O Doctor
óptime, * Ecclésiæ sanctæ lum-
men, beáte *N.*, divinæ legis

amátor, deprecáre pró nobis
Filiu Dei.

Oratio.

DEUS, qui pópulo tuo ætér-
næ salútis beátum *N.*
ministrum tribuisti : præsta,
quæsumus ; ut quem Doctó-
rem vitæ habúimus in terris,
intercessórem habére me-
reámur in cælis. Per Dñum.

AD MATUTINUM

Invit. Regem Confessorum
Dóminum, * Veníte, adoré-
mus.

Ps. Veníte, exsultémus. 2.

Hymnus. Iste Conféssor.
ut supra.

IN I. NOCTURNO

Ant. Beátus vir, * qui in
lege Dómini meditátur : vo-
lúntas ejus pérmanet die ac
nocte, et ómnia quæcúmque
fáciat, semper prosperabún-
tur.

Psalms 1.

BEÁTUS vir, qui non ábiit
in consílio impiórum, et
in via peccatórum non ste-
tit, * et in cáthedra pesti-
léntiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in tém-
pore suo :

Et fólium ejus non dé-
fluet : * et ómnia quæcúm-
que fáciat prosperabúntur.

Non sic impíi, non sic : *
sed tamquam pulvis, quem
próicit ventus a fácie terræ.

Ideo non resúrgent ímpii in iudicio : * neque peccatóres in concilio justórum.

Quóniam novit Dóminus viam justórum : * et iter impiórum peribit.

Ant. Beátus vir qui in lege Dómini meditátur : volúntas ejus pérmanet die ac nocte, et ómnia quaecúmque fáciat, semper prosperabúntur.

Ant. Beátus iste sanctus, * qui confisus est in Dómino, prædicávit præceptum Dómini, constitútus est in monte sancto ejus.

Psalmus 2.

QUARE fremuérunt gentes, * et pópuli meditáti sunt inánia?

Adstitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus vincula eórum : * et projiciámus a nobis jugum ipsórum.

Qui hábitat in cælis irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum Rex ab eo super Sion montem sanctum ejus, * prædicans præceptum ejus.

Dóminus dixit ad me : * Fílius meus es tu, ego hódie genui te.

Póstula a me, et dabo tibi gentes hereditátem tuam, * et possессиónem tuam términoꝝ terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudímini qui judicátis terram.

Servíte Dómino in timóre : * et exsultáte ei cum tremóre.

Apprehéndite disciplinam nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Beátus iste sanctus, qui confisus est in Dómino, prædicávit præceptum Dómini, constitútus est in monte sancto ejus.

Ant. Tu es glória mea, * tu es susceptor meus Dómine : tu exáltans caput meum, et exaudisti me de monte sancto tuo.

Psalmus 3.

DÓMINE quid multiplicáti sunt qui tribulant me? * multi insúrgunt advérsus me.

Multi dicunt ánimæ meæ : * Non est salus ipsi in Deo ejus.

Tu áutem Dómine susceptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormivi, et soporátus sum : * et exsurrexi, quia Dóminus suscepit me.

Non timébo millia pópuli

circumdántis me : * exsúrge
Dómine, salvum me fac
Deus meus.

Quóniam tu percussisti
omnes adversántes mihi sine
cáusa : * dentes peccatórum
contrivisti.

Dómini est salus : * et
super pópulum tuum bene-
dictio tua.

Ant. Tu es glória mea, tu
es suscéptor meus Dómine :
tu exáltans caput meum, et
exaudisti me de monte sancto
tuo.

✠. Amávit eum Dóminus,
et ornávit eum. **R.** Stolum
glóriæ induit eum.

Pater noster.

Absolutio. Exáudi Dómi-
ne.

✠. Jube domne.

Bened. Benedictióne per-
pétua.

De Epístola prima beáti Páuli
Apóstoli ad Timótheum.

Lectio j. Cap. 3.

FIDÉLIS sermo : Si quis
episcopátum desiderat,
bonum opus desiderat. Opór-
tet ergo episcopum irrepre-
hensibilem esse, unius uxó-
ris virum, sóbrium, pru-
déntem, ornátum, pudicum,
hospitálem, doctórem, non
vinoléntum, non percussó-
rem, sed modéstum; non
litigiósum, non cúpidum,
sed suæ dómui bene præpó-
situm, filios habéntem súb-
ditos cum omni castitáte. Si
quis áutem dómui suæ præ-
esse nescit, quómodo Ec-
clésiæ Dei diligéntiam habé-

bit? Non neóphytum : ne in
supérbiam elátus, in judi-
cium incidat diaboli. Opórtet
áutem illum et testimónium
habére bonum ab iis qui
foris sunt, ut non in oppró-
brium incidat, et in láqueum
diaboli.

R. Euge serve bone et
fidélis, quia in páuca fuísti
fidélis, supra multa te con-
stitutam : * Intra in gáudium
dómini tui. **V.** Dómine quin-
que talénta tradidísti mihi,
ecce ália quinque superlu-
crátus sum. Intra.

Bened. Unigénitus Dei Fi-
lius.

De Epístola ad Titum.

Lectio ij. Cap. 1. b

OPÓRTEt enim episcopum
sine crimine esse, sicut
Dei dispensatórem : non
supérbum, non iracúndum,
non vinoléntum, non per-
cussórem, non turpis lucrí
cúpidum : sed hospitálem,
benignum, sóbrium, ju-
stum, sanctum, continén-
tem, amplecténtem eum, qui
secúndum doctrinam est,
fidélem sermónem : ut po-
tens sit exhortári in doctrína
sana, et eos, qui contradi-
cunt, argúere. Sunt enim
multi étiam inobediéntes,
vaniloqui, et seductóres :
máxime qui de circumci-
sióne sunt : quos opórtet
redárgui : qui univérsas do-
mos subvértunt, docéntes
quæ non opórtet, turpis
lucrí grátia.

R. Ecce sacérdos magnus,

qui in diébus suis plácuit Deo : * Ideo jurejurándo fecit illum Dóminus créscere in plebem suam. *Ÿ.* Benedictiónem ómnium géntium dedit illi, et testaméntum suum confirmávit super caputejus. Ideo.

Bened. Spíritus sancti grátia.

Lectio iij. Cap. 2.

TU áutem lóquere quæ decent sanam doctrinam : Senes ut sóbrii sint, pudíci, prudéntes, sani in fide, in dileccióné, in patiéntia : Anus similiter in hábitu sancto, non criminátrices, non multo vino serviéntes, bene docéntes : ut prudéntiam dóceant adoléscentulas, ut viros suos ament, filios suos diligant, prudéntes, castas, sóbrias, domus curam habéntes, benígnas, súbditas viris suis, ut non blasphemétur verbum Dei. Júvenes similiter hortáre ut sóbrii sint. In ómnibus te ipsum præbe exémpulum bonórum óperum, in doctrína, in integritáte, in gravitáte, verbum sanum, irreprensibile : ut is, qui ex advérso est, vereátur, nihil habens malum dicere de nobis.

R. Jurávit Dóminus, et non pœnitébit eum : * Tu es sacérdos in ætérnum secúndum órđinem Melchisedech. *Ÿ.* Dixit Dóminus Dómino meo : Sede a dextris meis. Tu. Glória Patri. Tu.

IN II. NOCTURNO

Ant. Invocántem * exaudivit Dóminus sanctum suum, Dóminus exaudivit eum, et constituit eum in pace.

Psalmus 4.

CUM invocárem exaudivit me Deus justitiæ meæ : * in tribulatióne dilatásti mihi.

Miserére mei, * et exáudi oratióne meam.

Filii hóminum úsquequo gravi corde? * ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccáre : * quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino.* Multi dicunt : Quis osténdit nobis bona?

Signátum est super nos lumen vultus tui Dómine : * dedisti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dormiam, et requiescam ;

Quóniam tu Dómine singulariter in spe * constituisti me.

Ant. Invocántem exaudivit Dóminus sanctum suum, Dóminus exaudivit eum, et constituit eum in pace.

Ant. Læténtur omnes, * qui sperant in te Dómine :

quóniam tu benedixisti justo, scuto bonæ voluntátis tuæ coronásti eum.

Psalmus 5.

VERBA mea áuribus percipe Dómine, * intéllege clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permánébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multitúde misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in justitia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multitú-

dinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine, ut scuto bonæ voluntátis tuæ * coronásti nos.

Ant. Læténtur omnes, qui sperant in te Dómine : quóniam tu benedixisti justo, scuto bonæ voluntátis tuæ coronásti eum.

Ant. Dómine Dóminus noster, * quam admirábile est nomen tuum in univérsta terra ! quia glória et honóre coronásti sanctum tuum, et constituísti eum super ópera mánuum tuárum.

Psalmus 8.

DÓMINE Dóminus noster, * quam admirábile est nomen tuum in univérsta terra !

Quóniam eleváta est magnificéntia tua, * super cælos.

Ex ore infántium et lacténtium perfecisti láudem propter inimicos tuos, * ut destruas inimicum et ultórem.

Quóniam vidébo cælos tuos, ópera digitorum tuórum : * lunam et stellas, quæ tu fundásti.

Quid est homo, quod memor es ejus ? * aut filius

hóminis, quóniam visitas eum?

Minuísti eum páulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pèdibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsa terra!

Ant. Dómine Dóminus noster, quam admirábile est nomen tuum in univérsa terra! quia glória et honóre coronásti sanctum tuum, et constituísti eum super ópera mánuum tuárum.

Ÿ. Elégit eum Dóminus sacerdotem sibi. **Ŕ.** Ad sacrificándum ei hóstiam láudis.

Pater noster.

Absolutio. Ipsius píetas.

Ÿ. Jube domne.

Bened. Deus Pater omnipotens.

Sermo sancti Máximi
Epíscopi.

Homil. 59., quæ est 2.
de S. Eusebio Vercellensi.

Lectio iv.

Ad sancti ac beatissimi Patris nostri **N.**, cujus hódie festa celebrámus, láudes addidisse áliquíd, decerpísse est : síquidem virtútum ejus grátia non

sermónibus exponénda est, sed opéribus comprobánda. Cum enim dicat Scriptúra : Glória patris est filius sapiens : quantæ hujus sunt glóriæ, qui tantórum filiórum sapiéntia, et devotióne lætátur? In Christo enim Jesu per Evangélium ipse nos génuít.

Ŕ. Invéni David, servum meum, óleo sancto meo unxi eum : * Manus enim mea auxiliábitur ei. **Ÿ.** Nihil proficiet inimicus in eo, et filius iniquitátis non nocébit ei. Manus.

Bened. Christus perpétuæ.

Lectio v.

QUIDQUID igitur in hac sancta plebe potest esse virtútis et grátiae, de hoc quasi quodam fonte lucidissimo, ómnium rivulórum púritas emanávit. Etenim quia castitátis pollébat vigóre, quia abstinéntiæ gloriabátur angústiiis, quia blandiméntis erat præditus lenitátis, ómnium civium in Deum provocávit afféctum : quia Pontificis administratióne fulgébat, plures e discipulis reliquit sui sacerdotií successóres.

Ŕ. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. **Ÿ.** Invéni David servum meum, óleo sancto meo unxi eum. Manus.

Bened. Ignem sui amóris.

Lectio vj.

BENE et congrue in hac die, quam nobis beāti Patris nostri **N.** ad paradísium tránsitus exsultábilem reddit, præséntis Psalmi versículum decantávimus : In memória æténa erit justus. Digne enim in memóriam vértitur hóminum, qui ad gáudium tránsiit Angelórum. Dicit sermo divínus : Ne láudes hóminem in vita sua : tamquam si diceret : Láuda post vitam, magnífica post consummationem. Dúplici enim ex cáusa utilius est hóminum magis memóriæ láudem dare, quam vitæ; ut illo potíssimum témpore mérita sanctitátis extóllas, quando nec laudántem adulátio movet, nec laudátum tentet elátio.

R. Iste est qui ante Deum magnas virtútes operátus est, et omnis terra doctrina ejus repléta est : * Ipse intercédát pro peccátis ómnium populórum. **V.** Iste est qui contémpsit vitam mundi, et pervénit ad cæléstia regna. Ipse. Glória Patri. Ipse.

IN III. NOCTURNO

Ant. Dómine, * iste sanctus habitábit in tabernáculo tuo, operátus est justitiam, requiéscet in monte sancto tuo.

Psalmus 14.

DÓMINE quis habitábit in tabernáculo tuo? * aut quis requiéscet in monte sancto tuo?

Qui ingréditur sine mácula, * et operátur justitiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad nihilum dedúctus est in conspéctu ejus malignus : * tíméntes áutem Dóminum glórficat :

Qui jurat próximo suo, et non décipit, * qui pecúniam suam non dedit ad usúram, et múnera super innocéntem non accépit :

Qui facit hæc, * non móvêbitur in ætérnum.

Ant. Dómine, iste sanctus habitábit in tabernáculo tuo, operátus est justitiam, requiéscet in monte sancto tuo.

Ant. Vitam pétiit * a te, et tribuisti ei Dómine : glóriam et magnum decórem imposuisti super eum : posuisti in cápite ejus corónam de lápide pretiósio.

Psalmus 20.

DÓMINE in virtúte tua lætábitur rex : * et super salutare tuum exsultábit veheménter.

Desidérium cordis ejus tribuisti ei : * et voluntáte labiórum ejus non fraudásti eum.

Quóniam prævenisti eum in benedictiónibus dulcédinis : * posuisti in cápite ejus corónam de lápide pretiósio.

Vitam p  tiit a te : * et tribuisti ei longitudinem dierum in s  culum, et in s  culum s  culi.

Magna est gl  ria ejus in salut  ri tuo : * gl  riam et magnum dec  rem impones super eum.

Qu  niam dabis eum in benedictionem in s  culum s  culi : * l  tificabis eum in gaudio cum vultu tuo.

Qu  niam rex sperat in D  mino : * et in miseric  rdia Altissimi non commov  bitur.

Inveni  tur manus tua   mnibus inimicis tuis : * dextera tua inveniat omnes, qui te od  runt.

Pones eos ut clibanum ignis in tempore vultus tui : * Dominus in ira sua conturbabit eos, et devorabit eos ignis.

Fructum e  rum de terra perdes : * et semen e  rum a filiis hominum.

Qu  niam declinaverunt in te mala : * cogitaverunt consilia, qu   non potuerunt stabilire.

Qu  niam pones eos dorsum : * in reliquiis tuis pr  parabis vultum e  rum.

Exalt  re D  mine in virtute tua : * cantabimus et psall  mus virtutes tuas.

Ant. Vitam p  tiit a te, et tribuisti ei D  mine : gl  riam et magnum dec  rem imposuisti super eum : posuisti in capite ejus coronam de lapide pretioso.

Ant. Hic accipiet * benedictionem a D  mino, et miseric  rdiam a Deo salut  ri suo : quia h  c est generatio qu  rentium D  minum.

Psalmus 23.

D  MINI est terra, et plenitudo ejus : * orbis terrarum, et universi qui habitant in eo.

Quia ipse super maria fundavit eum : * et super flumina pr  paravit eum.

Quis ascendet in montem D  mini? * aut quis stabit in loco sancto ejus?

Innocens manibus et mundo corde, * qui non accepit in vano   nimam suam, nec juravit in dolo proximo suo.

Hic accipiet benedictionem a D  mino : * et miseric  rdiam a Deo salut  ri suo.

H  c est generatio qu  rentium eum, * qu  rentium faciem Dei Jacob.

Attollite portas principes vestras, et elev  mini port  e aeternales : * et introibit Rex gl  ri  e.

Quis est iste Rex gl  ri  e? * Dominus fortis et potens : Dominus potens in pr  lio.

Attollite portas principes vestras, et elev  mini port  e aeternales : * et introibit Rex gl  ri  e.

Quis est iste Rex gl  ri  e? * Dominus virtutum ipse est Rex gl  ri  e.

Ant. Hic accipiet benedictionem a D  mino, et miseric  rdiam a Deo salu-

tári suo : quia hæc est generatio quærentium Dóminum.

V. Tu es sacerdos in ætérnum. *R.* Secundum órđinem Melchisedech.

Pater noster.

Absolutio. A vinculis.

V. Jube domne.

Bened. Evangélica léctio.

Léctio sancti Evangélii secundum Matthæum.

Lectio vij. Cap. 25. b

In illo témpore : Dixit Jesus discipulis suis parabolam hanc : Homo peregře proficiscens, vocávit servos suos, et trádedit illis bona sua. Et reliqua.

Homilia sancti Gregórii Papæ.

Homil. 9. in Evang.

LÉCTIO sancti Evangélii, fratres caríssimi, solícite consideráre nos ádmonet, ne nos, qui plus cæteris in hoc múnđo accepisse aliquid cernimur, ab auctóre mundi grávius inde judicémur. Cum enim augéntur dona, ratiónes étiam crescunt donórum. Tanto ergo esse humilior, atque ad serviéndum Deo prómptior quisque debet ex múnere, quanto se obligatiórem esse cónspicit in reddénda ratióne. Ecce homo qui peregře proficiscitur, servos suos vocat, eisque ad negótium talénta partítur. Post multum vero témporis positúrus ratiónem revértitur. Bene operántes pro apportáto lucro remúnerat, servum vero

a bono ópere torpéntem damnat.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum.

V. Induit eum Dóminus lorricam fidei, et ornávit eum. Et.

Bened. Cujus festum cólimus.

Lectio viij.

Quis itaque iste homo est, qui peregře proficiscitur, nisi Redemptor noster, qui in ea carne quam assumpserat, ábiit in cælum? Carnis enim locus próprius terra est; quæ quasi ad peregrinam dúcitur, dum per Redemptórem nostrum in cælo collocátur. Sed homo iste peregře proficiscens, servissuis bona sua trádedit, quia fidélibus suis spirituália dona concéssit. Et uni quidem quinque talénta, álíi duo, álíi vero commísit unum. Quinque etenim sunt córporis sensus, vidélicet : visus, auditus, gustus, odorátus, et tactus. Quinque ergo taléntis, donum quinque sensuum, id est, exteriórum sciéntia exprimitur. Duóbus vero, intelléctus et operátio designátur. Unius áutem talénti nómine, intelléctus tantúmmodo designátur.

R. Sint lumbi vestri præcincti, et lucérnæ ardéntes in má nibus vestris : * Et vos símiles hominibus exspectántibus dóminum suum,

quando revertátur a núptiis.

Ÿ. Vigiláte ergo, quia nescitis qua hora Dóminus vester ventúrus sit. Et. Glória Patri. Et.

Bened. Ad societátem.

Lectio ix.

SED is, qui quinque talénta accéperat, ália quinque lucrátus est : quia sunt nonnúllo, qui etsi intérna ac mýstica penetráre nesciunt, pro intentióne tamen supérnæ pátriæ docent recta quos possunt, de ipsis exterióribus, quæ accepérunt, duplum taléntum portant : dumque se a carnis petulántia, et a terrenárum rerum ámbitu, atque a visibílium voluptáte custódiunt, ab his étiam álios admonéndo compéscunt. Et sunt nonnúllo, qui quasi duóbus taléntis ditáti, intelléctum atque operatióem percipiunt, subtilia de intérnis intélligunt, mira in exterióribus operántur. Cumque et intelligéndo et operándo áliis prædicant, quasi duplicátum de negótio lucrum repórtant.

Te Deum laudámus. 17.

AD LAUDES

ET PER HORAS

Ant. 1 Ecce sacérdos magnus, * qui in diébus suis plácuít Deo, et invéntus est justus.

Psalm. Dóminus regnávit. cum reliq. 18.

2. Non est invéntus * similis illi, qui conserváret legem Excélsi.

3. Ideo jurejurádo * fecit illum Dóminus créscere in plebem suam.

4. Sacerdótes Dei * benedicite Dóminum : servi Dómini hymnum dicite Deo, allelúia.

5. Serve bone * et fidélis, intra in gáudium Dómini tui.

Capitulum. Eccli. 44. c

ECCE sacérdos magnus, qui in diébus suis plácuít Deo, et invéntus est justus : et in témpore iracúndiæ factus est reconciliátió.

Hymnus.

JESU Redéptor ómnium, Perpes coróna Præsulum,

In hac die cleméntius Indúlgeas precántibus.

Tui sacri qua nóminis Conféssor almus cláruit Hujus celebrat ánnua Devóta plebs solémnia.

Qui rite mundi gáudia Hujus cadúca réspuens, Æternitátis præmio Potitur inter Angelos.

Hujus benignus ánnue Nobis sequi vestigia : Hujus precátu sérvulis Dímittle noxam criminis.

Sit Christe Rex piíssime Tibi, Patrique glória, Cum Spíritu Paráclito, Nunc et per omne sáeculum. Amen.

Ÿ. Justum dedúxit Dóminus per vias rectas. R. Et osténdit illi regnum Dei.

Ad Bened. Ant. Euge serve bone * et fidélis, quia in

pauca fuisti fidelis, supra multa te constituam, dicit Dominus.

Oratio.

DA, quæsumus omnipotens Deus: ut beati N. Confessoris tui atque Pontificis veneranda sollemnitas, et devotiõnem nobis augeat, et salutem. Per Dominum.

Alia Oratio.

EXAUDI, quæsumus Domine, preces nostras, quas in beati N. Confessoris tui atque Pontificis sollemnitate deferimus: et qui tibi digne meruit famulari, ejus intercedentibus meritis ab omnibus nos absolve peccatis. Per Dominum.

Pro Doctore. Oratio.

DEUS, qui populo tuo æternæ salutis beatum N. ministrum tribuisti: præsta, quæsumus; ut, quem Doctorem vitæ habuimus in terris, intercessorem habere mereamur in cælis. Per Dominum.

AD TERTIAM

Ant. Non est inventus.

Capit. Ecce sacerdos.

R. br. Amavit eum Dominus, * Et ornavit eum. Amavit. *V.* Stulam gloriæ induit eum. Et. Glória. Amavit.

V. Elégit eum Dominus sacerdotem sibi. *R.* Ad sacrificandum ei hostiam laudis.

AD SEXTAM

Ant. Ideo jurejurando.

Capitulum. Eccli. 44. c

NON est inventus similis illi, qui conservaret le-

gem Excelsi: ideo jurejurando fecit illum Dominus crescere in plebem suam.

R. br. Elégit eum Dominus * Sacerdotem sibi. Elégit. *V.* Ad sacrificandum ei hostiam laudis. Sacerdotem. Glória Patri. Elégit.

V. Tu es sacerdos in æternum. *R.* Secundum ordinem Melchisedech.

AD NONAM

Ant. Serve bone.

Capitulum. Eccli. 45. c

FUNGI sacerdotio, et habere laudem in nomine ipsius, et offerre illi incensum dignum in odorem suavitatis.

R. br. Tu es sacerdos * In æternum. Tu. *V.* Secundum ordinem Melchisedech. In. Glória Patri. Tu.

V. Justum deduxit Dominus per vias rectas. *R.* Et ostendit illi regnum Dei.

IN II. VESPERIS

Ant. de Laud., Pss. ut in I. Vesp. de Comm. Apost. 2, et loco ult.*

Psalmus 131.

MEMENTO Domine David, * et omnis mansuetudinis ejus:

Sicut juravit Domino, * votum vovit Deo Jacob:

Si introiero in tabernaculum domus meæ, * si ascendero in lectum strati mei:

Si dederò somnum oculis meis, * et palpebris meis dormitationem:

Et requiem temporibus meis: donec inveniam lo-

cum Dómino, * tabernáculum Deo Jacob.

Ecce audivimus eam in Ephrata : * invénimus eam in campis silvæ.

Introibimus in tabernáculum ejus : * adorábitus in loco, ubi steterunt pedes ejus.

Surge Dómine in réquiem tuam, * tu et arca sanctificationis tuæ.

Sacerdotes tui induantur justitiam : * et sancti tui exsultent.

Propter David servum tuum, * non avértas faciém Christi tui.

Jurávit Dóminus David veritatem, et non frustrábitur eam : * de fructu ventris tui ponam super sedem tuam.

Si custodierint filii tui testamentum meum, * et testimónia mea hæc, quæ docebo eos :

Et filii eórum usque in sæculum, * sedébunt super sedem tuam.

Quóniam elégit Dóminus Sion : * elégit eam in habitationem sibi.

Hæc réquies mea in sæculum sæculi : * hic habitábo quóniam elégi eam.

Viduam ejus benedicens benedicam : * páuperes ejus saturábo pánibus.

Sacerdotes ejus induam salutári, * et sancti ejus exsultatione exsultábunt.

Illuc producam cornu David, * parávi lucérnam Christo meo.

Inimicos ejus induam confusione : * super ipsum autem efflorebit sanctificatio mea.

Capit. et Hymn. ut in I. Vesp.

℟. Justum deduxit Dóminus per vias rectas. ℞. Et ostendit illi regnum Dei.

Ad Magnif. Ant. Amávit eum Dóminus, * et ornávit eum : stolam glóriæ induit eum, et ad portas paradisi coronávit eum.

Sequens Ant. dicitur ad Magnif. in II. Vesp. pro solis summis Pontificibus.

Ant. Dum esset summus Póntifex, * terréna non méruit, sed ad cælestia regna gloriósus migrávit.

Si occurrat celebrari Festum plur. Pont. et Conf., Officium fit ut supra : sed in Oratione et Sermone, quæ ponuntur in singulari, dicantur in plurali; et in I. Nocturno leguntur sequentes Lectiones de Scriptura.

De libro Ecclesiastici.

Lectio j. Cap. 44.

LAUDÉMUS viros gloriósos, et paréntes nostros in generatione sua. Multam glóriam fecit Dóminus magnificéntia sua a sæculo. Dominántes in potestátibus suis, hómines magni virtúte, et prudéntia sua præditi, nuntiántes in Prophétis dignitatem Prophetárum, et imperántes in præsénti pópulo, et virtúte prudéntiæ pópulis sanctíssima verba.

In perítia sua requiréntes modos músicos, et narrántes cármina scripturárum.

R. Euge serve bone et fidélis, quia in páuca fuisti fidélis, supra multa te constituam : * Intra in gáudium dómini tui. **V.** Dómine quinque talénta tradidisti mihi, ecce ália quinque superlucrátus sum. Intra.

Lectio ij.

HÓMINES dívites in virtúte, pulchritúdinis stúdiu habéntes : pacificántes in dómibus suis. Omnes isti in generatióibus gentis suæ glóriam adépti sunt, et in diébus suis habéntur in láudibus. Qui de illis nati sunt, reliquérent nomen narrándi láudes eórum : et sunt quorum non est memória : periérunt quasi qui non fúerint : et nati sunt, quasi non nati, et filii ipsórum cum ipsis.

R. Ecce sacérdos magnus, qui in diébus suis plácuit Deo : * Ideo jurejurádo fecit illum Dóminus créscere in plebem suam. **V.** BenedictiÓNem ómnium géntium dedit illi, et testaméntum suum confirmávit super caput ejus. Ideo.

Lectio iij.

SED illi viri misericórdiæ sunt, quorum pietátes non defuérent : cum sémine eórum pérmanent bona, heréditas sancta nepótes eórum et in testaméntis stetit semen eórum : et filii eórum pro-

pter illos usque in ætérnum manent : semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et láudem eórum núniet Ecclésia.

R. Jurávit Dóminus. 59*.

II. ALIÆ LECTIONES

PRO PONTIFICIBUS ET CONFESSORIBUS

IN II. NOCTURNO

Sermo sancti Máximi
Episcopi.

Ex Homil. 59., de S. Eusebio. 2.

Lectio iv.

BEÁTI Patris **N.** mérita jam in tuto pósito secúri magnificémus : qui gubernáculum fidei viriliter tenens, áncoram spei tranquilla jam in statióne compósuit, et plenam cæléstibus divitiis et ætérnis mércibus navem optáto in littore collocávit : quicontra omnes adversários scutum timóris Dei támdiu infatigabiliter ténuít, donec ad victóriam perveniret. Quid enim fuit totus vitæ illius cursus, nisi unus cum vigili hoste conflictus?

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

QUANTIS hic cæcis a via veritatis errantibus, et de summa jam in profundum rupe pendentibus amissum reddidit visum, et illum, quo Christus videretur, reparavit intuitum? Quotum auribus surdis, et infidelitatis obturatione damnatis, ad percipiendam vocem cælestium mandatorum, pretiosum infudit auditum, ut vocanti Deo ad misericordiam responderent per obedientiam? Quantos intrinsecus vulneratos, angelici oris arte et orationum, ab infirmitate curavit?

R. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. **V.** Inveni David servum meum, óleo sancto meo unxi eum. Manus.

Lectio vj.

QUANTOS per longam incuriam peccati labe resolutos, et quadam lepræ contagione perfusos, castigatiónibus et exhortatiónibus expiando, Deo in se operante, mundavit? Quotum ánimas vivéntes in corpore jam defunctas, et delictorum mole obrutas ac sepultas, ad emendatiónem tamquam ad lucem vocando, Deo resuscitavit : ut Dómini sui admirándus imitátor, jam mórtuas Deo, e contrario mortificet vitáli morte peccato?

R. Iste est qui ante Deum magnas virtutes operatus est, et omnis terra doctrina ejus repléta est : * Ipse intercedat pro peccatis ómnium populórum. **V.** Iste est qui contempsit vitam mundi, et pervénit ad cælestia regna. Ipse. Glória Patri. Ipse.

IN III. NOCTURNO

Lectio sancti Evangélii secundum Matthæum.

Lectio vij. Cap. 24. d

IN illo tempore : Dixit Jesus discipulis suis : Vigilate, quia nescitis qua hora Dóminus vester venturus sit. Et reliqua.

Homilia sancti Hilarii
Episcopi.

Comment. in Matth. cap. 26.,
in fine.

UT ignorantiam illam diéi ómnibus taciti, non sine útilis siléntii ratióne esse scirémus, vigilare nos Dóminus propter advéntum furis admónuit, et orationum assiduitate detentos, ómnibus præceptórum suorum opéribus inhærere. Furem enim esse osténdit zâbulum, ad detrahénda ex nobis spólia pervigilem, et córporum nostrórum dómibus insidiántem : ut ea incuriósus nobis, et somno déditis, consiliórum suorum atque illecebrarum jáculis perfódiat. Parátos igitur esse nos cónvenit, quia diéi ignorátio inténtam sollicitúdinem suspénsæ expectatiónis exágitet.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorricam fidei, et ornávit eum. Et.

Lectio viij. Cap. 27.

QUISNAM est fidélis servus et prudens, quem constituit Dóminus super familiam suam? Quamquam in commúne nos ad indefessam vigilántiæ curam adhortétur: speciálem tamen pópuli principibus, id est, episcopis, in expectatióne adventúque suo sollicitúdinem mandat. Hunc enim servum fidélem atque prudéntem, præpósitum familiæ significat, comoda atque utilitatés commissi sibi pópuli curántem. Qui si dicto áudiens, et præcéptis obédiens erit, id est, si doctrínæ opportunitáte et veritaté infirma confirmet, disrúpta consólidet, depraváta convértat, et verbum vitæ in æternitátis cibum aléndæ familiæ dispéndat, atque hæc agens, hisque immorans deprehendátur, glóriam a Dómino tamquam dispensátor fidélis, et villicus útilis consequétur, et super ómnia bona constituetur; id est, in Dei glória collocábitur, quia nihil sit ultra, quod mélius sit.

R. Sint lumbi vestri præcincti, et lucernæ ardéntes in manibus vestris : * Et vos similes hominibus exspe-

ctántibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester ventúrus sit. Et. Glória. Et.

Lectio ix.

QUOD si cóntuens longam Dei patiéntiam, quæ in profectum humanæ salútis exténditur, advérsus consérvos insoléscet, et sæculi malis vitiisque se tradet, præsentium tantum curam in cultu ventris exercens : desperáta die Dóminus advéniet, eúmque a bonis quæ spopónderat, dividet, portionémque ejus cum hypócritis in poenæ æternitáte constituet : quia advéntum desperáverit, quia mandátis non obtemperáverit, quia præsentibus studúerit, quia vita géntium vixerit, quia desperatióne judicii commissam sibi familiam fame, siti, cæde vexáverit.

Te Deum laudámus. 17.

PRO DOCTORIBUS

Ad Magnif., in utrisque Vesp. Ant. O Doctor óptime, * Ecclesiæ sanctæ lumen, beáte **N.** divinæ legis amátor, deprecáre pro nobis Filium Dei.

Oratio.

DEUS, qui pópulo tuo æternæ salútis beátum **N.** ministrum tribuísti : præsta, quæsumus; ut quem Doctórem vitæ habúimus in terris, intercessórem habére mereámur in cælis. Per.

Lect. seq. leguntur in Fest. Doct. Offic. autem in illis fit de Conf. Pont. vel non Pont., pro qualitate Festi.

IN I. NOCTURNO

De libro Ecclesiastici.

Lectio j. Cap. 39.

SAPIÉNTIAM ómnium anti-
quórum exquiret sapiens,
et in prophétis vacábit. Nar-
rationem virórum nomina-
tórum conservábit, et in
versútias parabolárum simul
introíbit. Occúlta prover-
biórum exquiret, et in abs-
cónditis parabolárum con-
versábitur. In médio magna-
tórum ministrábit, et in
conspéctu præsidis apparé-
bit. In terram alienigenárum
géntium pertransiet : bona
enim et mala in homínibus
tentábit.

R. Euge serve bone et fidé-
lis, quia in páuca fuisti fidé-
lis, supra multa te consti-
tuam : * Intra in gáudium
Dómini tui. **V.** Dómine quin-
que talénta tradidisti mihi,
ecce ália quinque superlu-
crátus sum. Intra.

Lectio ij.

COR suum tradet ad vigi-
lándum dilúculo ad Dó-
minum, qui fecit illum, et
in conspéctu Altissimi depre-
cábitur. Apériet os suum in
oratione, et pro delictis suis
deprecábitur. Si enim Dómi-
nus magnus volúerit, spíritu
intelligentiæ replébit illum :
et ipse tamquam imbres mit-
tet elóquia sapiéntiæ suæ, et

in oratione confitébitur Dó-
mino : et ipse diriget consi-
lium ejus, et disciplinam,
et in absconditis suis consi-
liábitur.

Pro Doctore Pontifice.

R. Ecce sacérdos magnus,
qui in diébus suis plácuit
Deo : * Ideo jurejurádo fe-
cit illum Dóminus créscere
in plebem suam. **V.** Benedi-
ctiónem ómnium géntium
dedit illi, et testaméntum
suum confirmávit super ca-
put ejus. Ideo.

Pro Doctore non Pontifice.

R. Justus germinábit sicut
lilium : * Et florébit in ætér-
num ante Dóminum. **V.** Plan-
tátus in domo Dómini, in
átriis domus Dei nostri. Et.

Lectio iij.

IPSE palam fáciat discipli-
nam doctrinæ suæ, et in
lege testaménti Dómini glo-
riábitur. Collaudábunt multi
sapiéntiam ejus, et usque in
sæculum non delébitur. Non
recédet memória ejus, et
nomen ejus requirétur a
generatióne in generatió-
nem. Sapiéntiam ejus enar-
rábunt gentes, et láudem
ejus enuntiábit Ecclésia.

Pro Doctore Pontifice.

R. Jurávit Dóminus. 59*.

Pro Doctore non Pontifice.

R. Iste cognóvit. 80*.

IN II. NOCTURNO

Ex libro Morálium sancti
Gregórii Papæ.

Lectio iv. Lib. 9. cap. 6

QUI post Orionas Hyádam
nómine, nisi Doctóres

sanctæ Ecclesiæ designantur? Qui subductis Martýribus, eo jam tẽpore ad mundi notitiam venérunt, quo fides clárius elúcet, et représsa infidelitátis hieme, áltius per corda fidélium sol veritátis calet. Qui remóta tempestáte persecutiónis, explétis longis nóctibus infidelitátis, tunc sanctæ Ecclesiæ orti sunt, cum ei jam per credulitátis vernal lucidior annus aperitur.

Pro Doctore Pontifice.

℞. Invéni David, servum meum, óleo sancto meo unxi eum : * Manus enim mea auxiliábitur ei. √. Nihil proficiet inimicus in eo, et filius iniquitátis non nocébit ei. Manus.

Pro Doctore non Pontifice.

℞. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. √. Justum dedúxit Dóminus per vias rectas, et osténdit illi regnum Dei. Et.

Lectio v.

NEC immérito Doctóres sancti Hýadum nuncupatióne signántur. Græco quippe elóquio hýetos plúvia vocátur : et Hýades nomen a plúviis accepérunt, quia ortæ procul dúbio imbres ferunt. Bene ergo Hýadum appellatióne expressi sunt, qui ad statum universális Ecclesiæ, quasi in cæli fáciem dedúcti, su-

per aréntem terram humáni pectoris sanctæ prædicatiónis imbres fuderunt. Si enim prædicatiónis sermo plúvia non esset, Móyses mínime dixisset : Exspectétur sicut plúvia elóquium meum : et nequáquam per Isaíam Véritas diceret : Mandábo núbibus meis, ne pluant super eam imbrem : atque hoc, quod páulo ante protúlimus : Quamóbrem prohibítæ sunt stellæ pluviárum.

Pro Doctore Pontifice.

℞. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. √. Invéni David servum meum, óleo sancto meo unxi eum. Manus.

Pro Doctore non Pontifice.

℞. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. √. Induit eum Dóminus lorícam fidei, et ornávit eum. Et.

Lectio vj.

DUM ergo Hýades cum plúviis véniunt, ad cæli spátia altióra sol dúcitur : quia apparénte Doctórum sciéntia, dum mens nostra imbre prædicatiónis infúnditur, fidei calor augétur. Et perfúsa terra ad fructum próficit, cum lumen ætheris ignéscit : quia ubérius frugem boni óperis réddimus, dum per sacræ eruditiónis flammam in corde clárius

ardémus. Dumque per eos diébus singulis magis magisque sciéntia cæléstis osténditur, quasi intérni nobis lúminis vernum tempus aperitur : ut novus sol nostris méntibus rúilet, et eórum verbis nobis cógnitus seípso quotidie clárior micet. Urgénte étenim mundi fine, supérna sciéntia próficit, et largius cum témpore excre-scit.

Pro Doctore Pontifice.

℞. Iste est. 62*.

Pro Doctore non Pontifice.

℞. Iste homo. 83*.

IN III. NOCTURNO

Léctio sancti Evangélii se-cúndum Matthæum.

Lectio vij. Cap. 5. b

IN illo témpore : Dixit Jesus discípulis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Augustini
Episcopi.

Lib. 1. de Serm. Domini in monte. Cap. 6. Tom. 4.

OSTÉNDIT Dóminus, fátuos esse judicándos, qui temporálium bonórum vel cópiam sectántes, vel inópiam metuéntes, amittunt ætérra, quæ nec dari pos-sunt ab hominibus, nec au-férri. Itaque si sal infatuátum fúerit, in quo saliétur? Id est, si vos, per quos con-diéndo sunt quodámmodo pópuli, metu persecutiónum temporálium amisérítis re-gna cælórum; qui erunt hó-

mines, per quos a vobis error auferátur, cum vos elégerit Deus, per quos errórem áuferat cæterórum?

Pro Doctore Pontifice.

℞. Amávit eum Dóminus, et ornávit eum : stolam gló-riæ induit eum, * Et ad por-tas paradisi coronávit eum. **℣.** Induit eum Dóminus lori-cam fidei, et ornávit eum. Et.

Pro Doctore non Pontifice.

℞. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. **℣.** Ecce homo sine queréla, verus Dei cultor, ábstinens se ab omni ópere malo, et pérma-nens in innocéntia sua. Ipse.

Lectio viij.

ERGO ad nihilum valet sal infatuátum, nisi ut mit-tátur foras, et calcétur ab hominibus. Non itaquē cal-cátur ab hominibus, qui pátitur persecutiónem : sed qui persecutiónem timéndo infatuátur. Calcári enim non potest nisi inférior : sed in-férior non est, qui quámvis corpore multa in terra susti-neat, corde tamen fixus in cælo est.

℞. In médio Ecclésiæ apé-ruit os ejus, * Et implévit eum Dóminus spíritu sapién-tiæ et intelléctus. **℣.** Jucun-ditátem et exsultatiónem the-saurizávit super eum. Et. Glória Patri. Et.

Lectio ix.

Vos estis lumen mundi. Quómodo dixit supérius sal terræ, sic nunc dicit lumen mundi. Nam neque supérius ista terra accipiéndā est, quam pēdibus corpóreis calcāmus : sed hómīnes qui in terra hábitant, vel étiam peccatóres, quorum condiéndis et exstinguéndis putóribus apostólicum salem Dóminus misit. Et hic mundum non cælum et terram, sed hómīnes, qui sunt in mundo, vel diligunt mundum, opórtet intélligi, quibus illuminándis Apóstoli missi sunt. Non potest civitas abscóndi super montem pósita : id est, fundáta super insignem magnámque justitiam, quam significat étiam ipse mons, in quo disputat Dóminus.

Te Deum laudāmus. 16.

II. ALIA HOMILIA

Léctio sancti Evangélii secúndum Matthæum.

Lectio vij. Cap. 5. b

In illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Hilárii
Episcopi.

Comm. in Matthæum, cap. 5.

Vos estis sal terræ : quod si sal infatuátum fúerit, ad nihilum valet id quod saliétur. Sal, ut árbítror, terræ nullum est. Quómodo

ergo Apóstolos sal terræ nuncupávit? Sed proprietas est quærénda dictórum, quam et Apostolórum officium, et ipsius salis natúra monstrábit. Salest in se uno cóntinens aquæ et ignis eleméntum, et hoc ex duóbus est unum.

Pro Doctore Pontifice.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

Pro Doctore non Pontifice.

R. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédāt pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pērmanens in innocéntia sua. Ipse intercédāt.

Lectio viij.

Hic igitur in omnem usum húmāni géneris efféctus, incorruptiónem corpóribus, quibus fúerit aspérsus, impértit, et ad omnem sensum condíti sapóris aptíssimus est. Apóstoli áutem sunt rerum cæléstium prædicatóres, et æternitátis velut satóres, immortalitátem ómnibus corpóribus, quibus eórum sermo aspérsus fúerit, conferéntes. † Mérito igitur sal terræ nuncupáti sunt, per doctrinæ virtútem saliéndi

modo æternitáti córpora reservántes.

¶ In médio Ecclésiæ apéruit os ejus, * Et implévit eum Dóminus spíritu sapiéntiæ et intelléctus. ¶ Jucunditátem et exsultatiónem thesaurizávit super eum. Et. Glória Patri. Et.

Lectio ix.

SED natúra salis semper éadem est, nec immutári unquam potest. Verum quia conversióni homo súbjacet, et solus beátus, qui usque ad finem in ómnibus Dei opéribus permánserit : ídeo eos sal terræ nuncupátos monet in tráditiæ sibi potestátis virtúte persistere, ne infatuáti nihil sáliant, et ipsi, sensu accépti sapóris amisso, vivificáre corrúpta non possint, et projecti de Ecclésiæ promptuáriis, cum his quos salierint, pédibus incedéntium proterántur.

Te Deum laudámus. 16.

III. ALIA HOMILIA

Léctio sancti Evangélíi secúndum Matthæum.

Lectio vij. Cap. 5. b

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Joánnis Chrysóstomi.

Homilia 15. in Matthæum, sub medium.

ATTÉNDITE quid dixerit, Vos estis sal terræ : per

quod osténdit quam necesário ista præcipiat. Non enim de vestra, inquit, tantúmmodo vita, sed de univérso orbe vobis rátio redéndá est. Non ad duas quippe urbes, aut decem, aut viginti, neque ad unam gentem vos mitto, sicut mitébam prophétas : sed ad omnem terram prorsus ac mare, totúmque mundum, et hunc váriis criminibus oppréssum.

Pro Doctore Pontifice.

¶ Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. ¶ Induit eum Dóminus lorícam fidei, et ornávit eum. Et.

Pro Doctore non Pontifice.

¶ Iste est qui ante Deum magnas virtútes operátus est, et de omni corde suo laudávit Dóminum : * Ipse intercédat pro peccátis ómnium populórum. ¶ Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse.

Lectio viij.

DICÉNDÓ enim, Vos estis sal terræ, osténdit univérsam hóminum infatuátam esse natúram, et peccatórum vi corrúptam : et idcirco illas ab eis virtútes requirit, quæ máxime ad multórum salutem procurándam necesáriæ sunt atque útiles. Nam qui mansuétus est ac modé-

stus, et miséricors et justus, non intra se tantúmmodo hæc recte facta conclúdit, verum in aliórum quoque utilitátem præcláros hos fáciat effluere fontes. Igitur qui corde mundo est atque pacíficus, et persecutiómem pro veritaté pátitur, nihilóminus in commúne cómmodum vitam instituit.

℟. In médio Ecclesiæ apéruit os ejus, * Et implévit eum Dóminus spiritu sapiéntiæ et intelléctus. **℣.** Jucunditátem et exsultatiómem thesaurizávit super eum. Et. Glória. Et.

Lectio ix.

NE igitur putétis, inquit, ad lévía vos ducéndo

esse certámina, neque exiguarum rerum vobis ineúndam esse ratiómem. Vos estis sal terræ. Quid igitur? Ipsine putrefácta medicáti sunt? Nequáquam : neque enim fieri potest, ut ea quæ jam corrúpta sunt, salis perfriatióne reparéntur. Non ergo hoc fecérunt, sed ante renováta, sibi que trádita, atque ab illa jam putredine liberáta, aspergébant sale, et in ea novitaté conservábant, quam a Dómino suscepérant. Liberáre quippe a putredine peccatórum, Christi virtútis est : ut áutem ad illa iterum non revertántur, Apostolórum curæ est ac labóris.

Te Deum laudámus. 16.

COMMUNE CONFESSORIS NON PONTIFICIS

IN I. VESPERIS

Ant. de Laud., Pss. ut in I. Vesp. de Comm. Apostolorum. 2*.

Capitulum. Eccli. 31.

BEATUS vir, qui invéntus est sine mácula, et qui post áurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua.

Hymnus.

ISTE Conféssor Dómini coléntes
Quem pie láudant pópuli per orbem,
Hac die lætus mérui beátas
Scándere sedes.

Si non est dies obitus,
quod indicant in Proprio litteræ m. t. v., dic. :

Hac die lætus mérui supermós

Láudis honóres.

Qui pius, prudens, húmilis, pudicus,

Sóbriam duxit sine labe vitam,

Donec humános animávit áuræ

Spiritus artus.

Cujus ob præstans méritum frequénter,

Ægra quæ passim jacuere, membra

Viribus morbi dómitis, salúti

Restituúntur.

Noster hinc illi chorus
obsequentem

Cóncinit láudem, celebrés-
que palmas;

Ut piis ejus précibus juvé-
mur

Omne per ævum.

Sit salus illi, decus, atque
virtus,

Qui super cæli sólio corús-
cans,

Totius mundi sériem gubér-
nat

Trinus, et unus.

Amen.

Ÿ. Amávit eum Dóminus,
et ornávit eum. R̃. Stolum
glóriæ induit eum.

Ad Magnif. Ant. Similábo
eum * viro sapiénti, qui ædi-
ficávit domum suam supra
petram.

Oratio.

DEUS, qui nos beáti **N.**
Confessoris tui ánnua
solemnitate lætíficas : con-
céde propítius; ut cujus nata-
lítica cólimus, étiam actiónes
imitémur. Per Dóminum.

Alia Oratio.

ADÉSTO Dómine supplica-
tiónibus nostris, quas in
beáti **N.** Confessoris tui sole-
mnitate deférimus : ut qui
nostræ justitiæ fidúciā non
habémus, ejus, qui tibi plá-
cuit, précibus adjuvémur.
Per Dóminum.

Si fuerit Abbas.

Oratio.

INTERCÉSSIO nos, quæsu-
mus Dómine, beáti **N.**
Abbátis comméndet : ut
quod nostris méritis non

valémus, ejus patrocínio
assequámur. Per Dóminum.

AD MATUTINUM

Invit. Regem Confessorum
Dóminum, * Veníte, adoré-
mus.

Ps. Veníte, exsultémus. 2.

Hymnus. Iste Conféssor.
ut supra.

IN I. NOCTURNO

Ant. Beátus vir, * qui in
lege Dómini meditátur :
volúntas ejus pérmanet die
ac nocte, et ómnia quæcúm-
que fáciét, semper prospera-
búntur.

Psalmus 1.

BEÁTUS vir, qui non ábiit
in consilio impiórum, et
in via peccatórum non ste-
tit, * et in cáthedra pesti-
léntiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in témpore suo :

Et fólium ejus non dé-
fluet : * et ómnia quæcúm-
que fáciét, prosperabúntur.

Non sic impii, non sic : *
sed tamquam pulvis, quem
próicit ventus a fácie terræ.

Ideo non resúrgent impii
in judicio : * neque pecca-
tóres in concílio justórum.

Quóniam novit Dóminus
viam justórum : * et iter
impiórum peribit.

Ant. Beátus vir, qui in
lege Dómini meditátur : vo-

lúntas ejus pérmanet die ac nocte, et ómnia quæcúmque fáciat, semper prospera-búntur.

Ant. Beátus iste sanctus, * qui confisus est in Dómino, prædicávit præcéptum Dómini, constitútus est in monte sancto ejus.

Psalmus 2.

QUARE fremuérunt gentes, * et pópuli meditáti sunt inánia?

Adstitérunt reges terræ, et principes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in cælis, irridébit eos: * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum rex ab eo super Sion montem sanctum ejus, * prædicans præcéptum ejus.

Dóminus dixit ad me: * Filius meus es tu, ego hódie genui te.

Póstula a me, et dabo tibi gentes hereditátem tuam, * et possessióem tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite: * erudimini qui judicátis terram.

Servíte Dómino in timó-

re: * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Beátus iste sanctus, qui confisus est in Dómino, prædicávit præcéptum Dómini, constitútus est in monte sancto ejus.

Ant. Tu es glória mea, * tu es suscëptor meus Dómine: tu exáltans caput meum, et exaudisti me de monte sancto tuo.

Psalmus 3.

DÓMINE quid multiplicáti sunt qui tribulant me? * Multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu áutem Dómine suscëptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormivi, et soporátus sum: * et exsurrexi, quia Dóminus suscepit me.

Non timébo millia pópuli circumdántis me: * exsúrge Dómine, salvum me fac Deus meus.

Quóniam tu percussisti omnes adversántes mihi sine cáusa: * dentes peccatórum contrivisti.

Dómini est salus : * et super pópulum tuum benedictio tua.

Ant. Tu es glória mea, tu es suscēptor meus Dómine : tu exáltans caput meum, et exaudisti me de monte sancto tuo.

Ÿ. Amávit eum Dóminus, et ornávit eum. **R.** Stulam glóriæ induit eum.

Pater noster.

Absolutio. Exáudi Dómine.

Ÿ. Jube domne.

Bened. Benedictióne perpétua.

De libro Sapiéntiæ.

Lectio j. Cap. 4. b et 5.

JUSTUS si morte præoccupátus fúerit, in refrigerio erit. Senéctus enim venerábilis est non diutúrna, neque annórum número computáta : cani áutem sunt sensus hómínis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est ne malitia mutáret intelléctum ejus, aut ne fictio deciperet ánimam illius. Fascinatio enim nugacitátis obscurat bona, et inconstántia concupiscéntiæ transvértit sensum sine malitia. Consummátus in brevi explévit témpora multa : plácita enim erat Deo ánima illius : propter hoc próperávit edúcere illum de médio iniquitátum.

R. Euge serve bone et fidélis, quia in páuca fuisti fidélis, supra multa te con-

stitutam : * Intra in gáudium Dómini tui. **Ÿ.** Dómine quinque talénta tradidisti mihi, ecce ália quinque superlucrátus sum. Intra.

Bened. Unigénitus Dei Filius.

Lectio ij.

PÓPULI áutem vidéntes, et non intelligéntes, nec ponéntes in præcórdiistália : quóniam grátia Dei et misericórdia est in sanctos ejus, et respéctus in eléctos illius. Condémnat áutem justus mórtuus vivos impíos, et juvéntus celérius consummáta longam vitam injústi. Vidébunt enim finem sapiéntis, et non intélligent quid cogitáverit de illo Deus, et quare munierit illum Dóminus. Vidébunt et contémnent eum : illos áutem Dóminus irridébit. Et erunt post hæc decidéntes sine honóre, et in contumélia inter mórtuos in perpétuum : quóniam disrúmpet illos inflátos sine voce, et commovébit illos a fundaméntis, et usque ad supréum desolabúntur.

R. Justus germinábit sicut lílimum : * Et florébit in ætérnum ante Dóminum. **Ÿ.** Plantátus in domo Dómini, in átriis domus Dei nostri. Et florébit.

Bened. Spíritus sancti grátia.

Lectio iij.

ET erunt geméntes, et memoria illórum peribit. Vénient in cogitatioe pec-

catórum suórum tímidi, et tradúcent illos ex advérso iniquitátes ipsórum. Tunc stabunt iusti in magna constantia advérsus eos qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátæ salutis, dicéntes intra se, poeniténtiam agéntes, et præ angústia spíritus geméntes : Hi sunt quos habúimus aliquándo in derisum et in similitúdinem impropérii. Nos insensáti vitam illórum æstimabámus insániam, et finem illórum sine honóre : ecce quómodo computáti sunt inter filios Dei, et inter sanctos sors illórum est.

R. Iste cognóvit justitiam, et vidit mirabilia magna, et exorávit Altíssimum : * Et invéntus est in número sanctórum. **V.** Iste est qui contémpsit vitam mundi, et pervénit ad cæléstia regna. Et. Glória Patri. Et.

IN II. NOCTURNO

Ant. Invocántem exaudivit * Dóminus sanctum suum, Dóminus exaudivit eum, et constituit eum in pace.

Psalmus 4.

CUM invocárem exaudivit me Deus justitiæ meæ : * in tribulatióne dilatásti mihi.

Miserére mei, * et exáudi oratióem meam.

Filii hóminum úsquequo gravi corde? * ut quid dili-

gitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccáre : * quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino : * multi dicunt : Quis osténdit nobis bona?

Signátum est super nos lumen vultus tui Dómine : * dedisti lætítiam in corde meo.

A fructu fruménti, vini, et olei sui * multiplicáti sunt.

In pace in idipsum * dórmiam, et requiëcam ;

Quóniam tu Dómine singulariter in spe * constituisti me.

Ant. Invocántem exaudivit Dóminus sanctum suum, Dóminus exaudivit eum, et constituit eum in pace.

Ant. Læténtur omnes, * qui sperant in te Dómine : quóniam tu benedixisti justo, scuto bonæ voluntátis tuæ coronásti eum.

Psalmus 5.

VERBA mea áuribus percípe Dómine, * intéllege clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multitudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in justitia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multitudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine ut scuto bonæ voluntátis tuæ * coronásti nos.

Ant. Læténtur omnes, qui sperant in te Dómine : quóniam tu benedixísti justo, scuto bonæ voluntátis tuæ coronásti eum.

Ant. Dómine Dóminus noster, * quam admirábile est nomen tuum in univérsta terra ! quia glória et honóre coronásti sanctum tuum, et constituísti eum super ópera mánuum tuárum.

Psalmus 8.

DÓMINE Dóminus noster, * quam admirábile est nomen tuum in univérsta terra !

Quóniam eleváta est magnificéntia tua, * super cælos.

Ex ore infántium et lacténtium perfecísti láudem propter inimicos tuos, * ut déstruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus ? * aut filius hóminis, quóniam visitas eum ?

Minuísti eum páulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster,*
quam admirábile est nomen
tuum in univérſa terra!

Ant. Dómine Dóminus
noster, quam admirábile est
nomen tuum in univérſa
terra! quia glória et honóre
coronáſti sanctum tuum, et
constituisti eum super ópera
mánuum tuárum.

V. Os iusti meditábitur
ſapiéntiam. **R.** Et lingua
ejus loquétur iudicium.

Pater noster.

Absolutio. Ipsius pietas.

Ŷ. Jube domne.

Bened. Deus Pater omni-
potens.

Sermo sancti Joánnis

Chrysóstomi.

In Orat. de S. Philogonio.
tom. 3.

Lectio iv.

BEÁTI N. dies, cujus festi-
vitátem celebrámus, ad
ipsius recte factórum enar-
rátionem linguam nostram
evocávit, síquidem hódie
beátus iste ad tranquillam
omnisque perturbatiónis ex-
périem vitam tránsiit: eóque
navigium áppulit, ubi dein-
ceps non póterit metúere
naufrágium, nec ullam ánimi
perturbatiónem, aut doló-
rem. Et quid mirum est, si
locus ille purus est ab omni
moléstia ánimi, cum Páulus
hominibus adhuc in hac vita
degéntibus loquens dicat :
Semper gaudéte, sine inter-
missiône oráte?

R. Honéstum fecit illum
Dóminus, et custodivit eum

ab inimícis, et a seductóri-
bus tutávit illum : * Et dedit
illi claritátem ætérnam. **Ŷ.**
Justum dedúxit Dóminus
per vias rectas, et osténdit
illi regnum Dei. Et.

Bened. Christus perpétuæ.

Lectio v.

QUOD si hic, ubi morbi,
ubi insectatiónes, ubi
præmatúræ mortes, ubi ca-
lúmniæ, ubi invidiæ, ubi
perturbatiónes, ubi iræ, ubi
cupiditátes, ubi innumerá-
biles insidiæ, ubi quotidiánæ
sollicitúdines, ubi perpétua
sibique succedéntia mala
sunt, innúmeros ex omni
parte dolóres afferéntia,
Páulus dixit fieri posse, ut
semper gaudeámus, si quis
páululum ex rerum munda-
nárum flúctibus eréxerit ca-
put, vitámque suam recte
composúerit : multo magis,
postquam hinc demigravé-
rimus, fácale cómpotes éri-
mus ejus boni, cum hæc
ómnia subláta fúerint, ad-
vérſa valetúdo, morbi, pec-
cándi matéria, ubi non est
meum ac tuum, frigidum
illud verbum, et quidquid
est malórum in vitam no-
stram invehens, innuméra-
que gignens bella.

R. Amávit eum Dóminus,
et ornávit eum : stolam gló-
riæ induit eum, * Et ad por-
tas paradisi coronávit eum.
Ŷ. Induit eum Dóminus lo-
ricam fidei, et ornávit eum.
Et.

Bened. Ignem sui amoris.

Lectio vj.

QUAMÓBREM maximópere grátulor hujus sancti felicitáti, quod quamquam translátus est, atque hanc, quæ apud nos est, civitátem reliquit, tamen in álteram adscriptus est civitátem, nempe Dei : et digréssus ab hac Ecclésia, ad illam pervénit, quæ est primogenitórum descriptórum in cælis : ac relictis hisce festis, tránsiit ad celebritátem Angelórum. Etenim quod et civitas sursum sit, et Ecclésia, et célébritas, áudi Páulum dicéntem : Accessistis ad civitátem Dei vivéntis, Jerúsalem cæléstem, et Ecclésiám primitivórum, qui conscripti sunt in cælis, et ad multórum millium Angelórum frequentiam.

R. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. **V.** Iste est qui contempsit vitam mundi, et pervénit ad cæléstia regna. Quia. Glória Patri. Quia.

IN III. NOCTURNO

Ant. Dómine, * iste sanctus habitábit in tabernáculo tuo, operátus est justítiam, requiészet in monte sancto tuo.

Psalmus 14.

DÓMINE quis habitábit in tabernáculo tuo : * aut quis requiészet in monte sancto tuo?

Qui ingréditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * tíméntes áutem Dóminum glorificat :

Qui jurat próximo suo, et non decipit, * qui pecúniam suam non dedit ad usúram, et múnera super innocéntem non accépit :

Qui facit hæc, * non movébitur in ætérnum.

Ant. Dómine, iste sanctus habitábit in tabernáculo tuo, operátus est justítiam, requiészet in monte sancto tuo.

Ant. Vitam pétiiit * a te, et tribuisti ei Dómine : glóriam et magnum decórem imposuisti super eum : posuisti in cápite ejus corónam de lapide pretiósó.

Psalmus 20.

DÓMINE in virtúte tua lætábitur rex : * et super salutáre tuum exsultábit vehéménter.

Desidérium cordis ejus tribuisti ei : * et voluntáte labiórurn ejus non fraudásti eum.

Quóniam prævenísti eum in benedictiónibus dulcedinis : * posuisti in cápite ejus corónam de lapide pretiósó.

Vitam pétiiit a te : * et tri-

buisti ei longitudinem dierum in sæculum, et in sæculum sæculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sæculum sæculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altíssimi non commovébitur.

Inveniátur manus tua ómnibus inimicis tuis : * dextera tua invéniat omnes, qui te odérunt.

Pones eos ut clibanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consilia, quæ non potuérunt stabilire.

Quóniam pones eos dorsum : * in reliquiis tuis præparábis vultum eórum.

Exaltáre Dómine in virtúte tua : * cantábitus et psallémus virtútes tuas.

Ant. Vitam pétiit a te, et tribuisti ei Dómine : glóriam et magnum decórem imposuisti super eum : posuisti in cápite ejus corónam de lápide pretióso.

Ant. Hic accípiet * bene-

dictionem a Dómino, et misericórdiam a Deo salutári suo : quia hæc est generátio quæréntium Dóminum.

Psalmus 23.

DÓMINI est terra, et plentúdo ejus : * orbis terrarum, et univérsi qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas principes vestras, et elevámini portæ æternáles : * et introibit rex glóriæ.

Quis est iste rex glóriæ? * Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : * et introibit rex glóriæ.

Quis est iste rex glóriæ? * Dóminus virtútum ipse est rex glóriæ.

Ant. Hic accípiet benedictiónem a Dómino, et misericórdiam a Deo salutári suo : quia hæc est generátio quæréntium Dóminum.

Y. Lex Dei ejus in corde ipsius. R. Et non supplantabuntur gressus ejus.

Pater noster.

Absolutio. A vinculis.

Y. Jube domne.

Bened. Evangélica lécio. Lécio sancti Evangélii secundum Lucam.

Lectio vij. Cap. 12. c

In illo tempore : Dixit Jesus discipulis suis : Sint lumbi vestri præcincti, et lucernæ ardentes in manibus vestris. Et reliqua.

Homilia sancti Gregorii Papæ.

Homil. 13. in Evang.

SANCTI Evangélii, fratres carissimi, aperta vobis est lécio recitata. Sed ne aliquibus ipsa ejus planities alta fortasse videatur, eam sub brevitate transcurramus, quatenus ejus expositio ita nescientibus fiat cognita, ut tamen scientibus non sit onerosa. Dominus dicit : Sint lumbi vestri præcincti. Lumbos enim præcingimus, cum carnis luxuriam per continentiam coarctamus. Sed quia minus est, mala non agere, nisi etiam quisque studeat, et bonis operibus insudare, protinus additur : Et lucernæ ardentes in manibus vestris. Lucernas quippe ardentes in manibus tenemus, cum per bona opera proximis nostris lucis exempla monstramus. De quibus profecto operibus Dominus dicit : Luceat lux vestra co-

ram hominibus, ut videant opera vestra bona, et glorificent Patrem vestrum qui in cælis est.

R. Iste est qui ante Deum magnas virtutes operatus est, et de omni corde suo laudavit Dominum : * Ipse intercedat pro peccatis omnium populorum. V. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Bened. Cujus festum colimus.

Lectio viij.

Duo autem sunt, quæ jubentur, et lumbos restringere, et lucernas tenere : ut et munditia sit castitatis in corpore, et lumen veritatis in operatione. Redemptori etenim nostro unum sine altero placere nequaquam potest : si aut is qui bona agit, adhuc luxuriæ inquinamenta non deserit : aut is qui castitate præeminet, necdum se per bona opera exercet. Nec castitas ergo magna est sine bono opere, nec opus bonum est aliquod sine castitate. Sed et si utrumque agitur, restat, ut quisquis ille est, spe ad supernam patriam tendat, et nequaquam se a vitiis pro mundi hujus honestate contineat.

R. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum,

quando revertátur a nuptiis.
V. Vigilate ergo, quia nescitis
 qua hora Dóminus vester
 ventúrus sit. Et. Glória Pa-
 tri. Et.

Bened. Ad societátem.

Lectio ix.

Et vos similes hominibus
 exspectántibus dóminum
 suum, 'quando revertátur a
 nuptiis : ut cum vénerit et
 pulsáverit, conféstim apé-
 riant ei. Venit quippe Dómi-
 nus, cum ad iudícium pró-
 perat : pulsat vero, cum jam
 per ægritudinis moléstias
 esse mortem vicinam desi-
 gnat. Cui conféstim aperi-
 mus, si hunc cum amóre
 suscipimus. Aperire enim
 júdici pulsánti non vult, qui
 exire de corpore trépídat :
 et vidére eum, quem con-
 tempsisse se méminit, júdi-
 cem formídat. Qui áutem de
 sua spe et operatióne secú-
 rus est, pulsánti conféstim
 áperit, quia lætus júdicem
 sústinet. Et cum tempus pró-
 pinquæ mortis advénerit, de
 glória retributiónis hilaré-
 scit.

Te Deum laudámus. 16.

AD LAUDES

ET PER HORAS

Ant. 1. Dómine quinque
 talénta* tradidisti mihi : ecce
 ália quinque superlucrátus
 sum.

Ps. Dóminus regnávit. **cum**
reliq. 16.

2. Euge serve bone,* in
 módico fidélis, intra in gáu-
 dium Dómini tui.

3. Fidélis servus* et pru-
 dens, quem constituit Dómi-
 nus super familiam suam.

4. Beátus ille servus,*
 quem cum vénerit Dóminus
 ejus, et pulsáverit jánuam,
 invénerit vigilántem.

5. Serve bone* et fidélis,
 intra in gáudium Dómini
 tui.

Capitulum. Eccli. 31.

BEÁTUS vir, qui invéntus
 est sine mácula : et qui
 post áurum non ábiit, nec
 sperávit in pecúnia et the-
 saúris. Quis est hic, et lau-
 dábitus eum? fecit enim
 mirabilia in vita sua.

Hymnus.

JESU coróna célsior,
 Et véritas sublimior,
 Qui confiténti sérvulo
 Reddis perénne præmium :
 Da supplicánti cœtui,
 Hujus rogátu, nóxii
 Remissióem criminis,
 Rumpéndo nexum vinculi.

Anni revérso témpore,
 Dies refúlsit lúmíne,
 Quo Sanctus hic de corpore
 Migrávit inter sidera.

Hic vana terræ gáudia,
 Et luculénta prædia,
 Pollúta sorde députans,
 Ovans tenet cæléstia.

Te Christe Rex piíssime,
 Hic confiténdó júgiter,
 Calcávit artes dæmonum,
 Sævúmque avérni princi-
 pem.

Virtúte clarus, et fide,
 Confessióne sédulus,
 Jejúna membra déferens,
 Dapes supérnas óbtinet.

Proinde te piissime
Precámur omnes súpplīces :
Nobis ut hujus grátia
Pœnas remittas débītas.

Patri perénnis glória,
Natóque Patris único,
Sanctóque sit Paráclito,
Per omne semper sáeculum.
Amen.

Ÿ. Justum dedúxit Dóminus
per vias rectas. R̃. Et
osténdit illi regnum Dei.

Ad Bened. Ant. Euge serve
bone* et fidélis, quia in páuca
fuisti fidélis, supra multa te
constituam, intra in gáudium
Dómini tui.

Oratio.

DEUS, qui nos beáti N. Con-
fessóris tui ánnua sole-
mnitáte lætíficas : concéde
propítius; ut cujus natalítia
cólimus, étiam actióes imi-
témur. Per Dóminum.

Alia Oratio.

ADÉSTO Dómine supplica-
tiónibus nostris, quas in
beáti N. Confessóris tui so-
lemnitate deférimus : ut qui
nostræ justitiæ fidúciā non
habémus, ejus, qui tibi plá-
cuit, précibus adjuvémur.
Per Dóminum.

Si fuerit Abbas. Oratio.

INTERCÉSSIO nos, quæsu-
mus Dómine, beáti N. Ab-
bátis comméndet : ut quod
nostris méritis non valémus,
ejus patrocínio assequámur.
Per Dóminum.

AD TERTIAM

Ant. Euge serve bone.

Capit. Beátus vir. ut supra.

R̃. br. Amávit eum Dómi-

nus,* Et ornávit eum. Amá-
vit. Ÿ. Stolum glóriæ induit
eum. Et. Glória. Amávit.

Ÿ. Os justi meditábitur sa-
piéntiam. R̃. Et lingua ejus
loquétur judícium.

AD SEXTAM

Ant. Fidélis servus.

Capitulum. Eccli. 39.

JUSTUS cor suum trádedit
Ad vigilándum dilúculo ad
Dóminum, qui fecit illum,
et in conspéctu Altíssimi de-
precábitur.

R̃. br. Os justi* Meditábi-
tur sapiéntiam. Os. Ÿ. Et lin-
gua ejus loquétur judícium.
Meditábitur. Glória Patri. Os.

Ÿ. Lex Dei ejus in corde
ipsius. R̃. Et non supplantá-
buntur gressus ejus.

AD NONAM

Ant. Serve bone

Capitulum. Sap. 10. b

JUSTUM dedúxit Dóminus
per vias rectas, et ostén-
dit illi regnum Dei, et dedit
illi sciéntiam sanctórum : ho-
nestávit illum in labóribus,
et complévit labóres illius.

R̃. br. Lex Dei ejus* In
corde ipsius. Lex. Ÿ. Et
non supplantabuntur gressus
ejus. In. Glória Patri. Lex.

R̃. Justum dedúxit Dómi-
nus per vias rectas. R̃. Et
ostendit illi regnum Dei.

IN II. VESPERIS

Ant. de Laud.. Psalmi,
Capit. et Hymn. ut in I. Vesp.

Ÿ. Justum dedúxit Dómi-
nus per vias rectas. R̃. Et
osténdit illi regnum Dei.

Ad Magnif. Ant. Hic vir

despiciens mundum et terrena, triumphans, divitias caelo condidit ore, manu.

Si occurrat celebrari Festum plurium Confessorum non Pontificum, Officium fit ut supra : sed in Oratione et Sermonem, quæ habentur in singulari, dicantur in plurali.

II. ALIÆ LECTIONES

PRO CONF. NON PONT.

IN I. NOCTURNO

De libro Ecclesiastici.

Lectio j. Cap. 31.

BEATUS vir qui inventus est sine macula : et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua. Qui probatus est in illo, et perfectus est, erit illi gloria æterna : qui potuit transgredi, et non est transgressus : facere mala, et non fecit : ideo stabilita sunt bona illius in Domino, et eleemosynas illius enarrabit omnis ecclesia sanctorum.

R. Euge serve bone et fidelis, quia in pauca fuisti fidelis, supra multa te constituam : * Intra in gaudium Domini tui. **V.** Domine quinque talenta tradidisti mihi, ecce alia quinque superlucratus sum. Intra.

Lectio ij. Cap. 32. c et 33.

QUI timet Dominum, excipiet doctrinam ejus : et qui vigilaverint ad illum, invenient benedictionem. Qui quaerit legem, replabitur ab ea : et qui insidiosè agit,

scandalizabitur in ea. Qui timent Dominum, invenient judicium justum, et justitias quasi lumen accendent. Qui credit Deo, attendit mandatis, et qui confidit in illo, non minorabitur. Timenti Dominum non occurrent mala, sed in tentatione Deus illum conservabit, et liberabit a malis. Sapiens non odit mandata et justitias, et non illidetur quasi in procella navis. Homo sensatus credit legi Dei, et lex illi fidelis.

R. Justus germinabit sicut lilium, * Et florebit in æternum ante Dominum. **V.** Plantatus in domo Domini, in atriiis domus Dei nostri. Et florebit in æternum.

Lectio iij. Cap. 34. b

SPÍRITUS timentium Deum quaeritur, et in respectu illius benedicetur. Spes enim illorum in salvantem illos, et oculi Dei in diligentes se. Qui timet Dominum, nihil trepidabit, et non pavebit : quoniam ipse est spes ejus. Timentis Dominum beata est anima ejus. Ad quem respicit, et quis est fortitudo ejus? Oculi Domini super timentes eum, protector potentiae, firmamentum virtutis, tegimen ardoris, et umbraculum meridiani, deprecatio offensionis, et adiutorium casus, exaltans animam, et illuminans oculos, dans sanitatem, et vitam, et benedictionem.

R. Iste cognovit. 80*.

IN II. NOCTURNO

Ex libro Morálíum sancti
Gregórii Papæ.

Lib. 10. Cap. 16. in c. 12.

Job.

Lectio iv.

DERIDÉTUR justí simplici-
tas. Hujus mundi sapién-
tia est, cor machinatióibus
tégere, sensum verbis velá-
re; quæ falsa sunt, vera
osténdere; quæ vera sunt,
falsa demonstráre. Hæc ni-
mírum prudéntia usu a juvé-
nibus scitur, hæc a púeris
prétio discitur : hanc qui
sciunt, cæteros despiciéndo
supérbiunt : hanc qui né-
sciunt, subjécti et tímidi in
áliis mirántur : quia ab eis
hæc éadem duplicitátis iní-
quitas nómine palliáta dili-
gitur, dum mentis pervér-
sas urbánitas vocátur. Hæc
sibi obsequéntibus præcipit
honórum cúlmina quærere,
adépta temporális glóriæ va-
nitáte gaudére, irrogáta ab
áliis mala multiplicíus réd-
dere : cum vires súppetunt,
nullis resisténtibus cédere :
cum virtútis possibilitas
deest, quidquid explére per
malitiam non valent, hoc in
pacífica bonitáte simuláre.

¶ Honéstum fecit illum
Dóminus, et custodívit eum
ab inimicis, et a seductóri-
bus tutávit illum : * Et dedit
illi claritátem ætérnam. ¶
Justum dedúxit Dóminus
per vias rectas, et osténdit
illi regnum Dei. Et dedit
illi.

Lectio v.

AT contra, sapiéntia justó-
rum est : nil per osten-
siónem fingere, sensum ver-
bis aperíre, vera ut sunt di-
ligere, falsa devitáre; bona
gratis exhibére, mala libén-
tius toleráre, quam fácere;
nullam injúriæ ultiónem
quærere, pro veritáte con-
tuméliam lucrum putáre.
Sed hæc justórum simplici-
tas deridétur : quia ab hujus
mundi sapiéntibus puritátis
virtus fatúitas créditur.
Omne enim quod innocénter
ágitur, ab eis procul dúbio
stultum putátur : et quid-
quid in ópere véritas appro-
bat, carnáli sapiéntiæ fá-
tuum sonat. Quid namque
stúltius vidétur mundo,
quam mentem verbis ostén-
dere, nil cállida machina-
tióne simuláre, nullas injú-
riis contumélias réddere, pro
maledicéntibus oráre, pau-
pertátem quærere, posséssa
relinquere, rapiénti non
resistere, percutiénti álter-
ram maxillam præbére?

¶ Amávit eum Dóminus,
et ornávit eum : stolam gló-
riæ induit eum, * Et ad por-
tas paradísi coronávit eum.
¶ Induit eum Dóminus lorí-
cam fidei, et ornávit eum. Et.

Lectio vj.

Cap. 17. post initium.

LAMPAS contémpta apud
cogitatiónes divitum.
Sæpe contingit, ut eléctus
quisque, qui ad ætérnam
felicitátem dúcitur, continua

hic adversitatē deprimatur : non hunc rerum abundantia fulciat, non dignitatum gloria honorabilem ostendat, nulla ei obsequentium frequentia suppetat, nulla hunc humanis oculis vestium pompa componat : a cunctis vero despicibilis cernitur, et hujus mundi gratia indignus aestimatur : sed tamen ante occulti iudicis oculos virtutibus emicat, vitæ meritis coruscat : honorari metuit, despici non refugit : corpus continentia afficit, sola in animo dilectione pinguescit : mentem semper ad patientiam præparat, et erectus pro justitia, de perceptis contumeliis exsultat : afflictis ex corde compatiitur, de bonorum prosperitatibus quasi de propriis lætatur, sacri verbi pabula in mente sollicitus ruminat, et inquisitus quodlibet eloqui dupliciter ignorat.

℞. Iste homo. 83*.

IN III. NOCTURNO

Lectio sancti Evangelii secundum Lucam.

Lectio vij. Cap. 12. d

IN illo tempore : Dixit Jesus discipulis suis : Nolite timere pusillus grex, quia complacuit Patri vestro dare vobis regnum. Et reliqua.

Homilia venerabilis Bedæ Presbyteri.

Lib. 4. Cap. 54. in Luc. 12.

PUSILLUM gregem electorum, vel ob comparationem majoris numeri re-

proborum, vel potius ob humilitatis devotionem nominat : quia videlicet Ecclesiam suam quantalibet numerositate jam dilatatam, tamen usque ad finem mundi humilitate vult crescere, et ad promissum regnum humilitate pervenire. Ideoque ejus labores blande consolatus, quam regnum Dei tantum quærere præcipit, eidem regnum a Patre dandum complacita benignitate promittit.

℞. Iste est qui ante Deum magnas virtutes operatus est, et de omni corde suo laudavit Dominum : * Ipse intercédât pro peccatis omnium populorum. ✠. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viij.

VENDITE quæ possidētis, et date eleemosynam. Nolite, inquit, timere, ne propter regnum Dei militantibus, hujus vitæ necessaria desint : quin etiam possessa propter eleemosynam vendite. Quod tunc digne fit, quando quis semel pro Domino suis omnibus spretis, nihilominus post hæc labore manuum, unde et victum transigere, et eleemosynam dare queat, operatur. Unde gloriatur Apostolus, dicens : Argentum, aut aurum, aut vestem nullius concupivi : ipsi scitis, quoniam ad ea

quæ mihi opus erant, et his qui mecum sunt, ministraverunt manus istæ. Omnia ostendi vobis, quoniam sic laborantes oportet suscipere infirmos.

R. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis.

V. Vigilâte ergo, quia nescitis qua hora Dominus vester venturus sit. Et. Glória. Et.

Lectio ix.

FACITE vobis sáculos qui non veterascunt : elemosynas videlicet operando, quarum merces in æternum maneat. Ubi non hoc præceptum esse putandum est, ut nil pecuniæ reservetur a sanctis, vel suis scilicet, vel pauperum usibus suggerendæ : cum et ipse Dominus, cui ministrabant Angeli, tamen ad informandam Ecclesiam suam loculos habuisse legatur, et a fidelibus oblata conservans, et suorum necessitatibus aliisque indigentibus tribuens ; sed ne Deo propter ista serviatur, et ob inopiæ timorem justitia deseratur.

Te Deum laudamus. 16.

PRO ABBATIBUS

IN III. NOCTURNO

Lectio sancti Evangelii secundum Matthæum.

Lectio vij. Cap. 19. d

IN illo tempore : Dixit Petrus ad Jesum : Ecce nos

reliquimus omnia, et secuti sumus te : quid ergo erit nobis? Et reliqua.

Homilia sancti Hierónymi Presbyteri.

Lib. 3. in Matth. cap. 19.

GRANDIS fiducia : Petrus piscator erat, dives non fuerat, cibos manu et arte quærebat : et tamen loquitur confidenter, Reliquimus omnia. Et quia non sufficit tantum relinquere, jungit quod perfectum est : Et secuti sumus te. Fecimus quod jussisti : quid igitur nobis dabis præmii? Jesus autem dixit illis : Amen dico vobis : quod vos qui secuti estis me, in regeneratione, cum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israël. Non dixit, Qui reliquistis omnia : hoc enim et Crates fecit philosophus, et multi alii divitias contempserunt : sed, Qui secuti estis me : quod proprie Apostolorum est atque credentium.

R. Iste est qui ante Deum magnas virtutes operatus est, et de omni corde suo laudavit Dominum : * Ipse intercédât pro peccatis omnium populorum. **V.** Ecce homo sine querela, verus Dei cultor, abstinens se ab omni opere malo, et permans in innocentia sua. Ipse.

Lectio viij.

IN regeneratione, cum sederit Filius hominis in

sede majestátis suæ (quando et mórtui de corruptióne resúrgent incorrúpti), sedébitis et vos in sóliis judicántium, condemnántes duódecim tribus Israél : quia vobis credéntibus, illi crédere noluérunt. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum : céntuplum accipiet, et vitam ætérnam possidébit. Locus iste cum illa senténtia cóngruit, in qua Salvátor lóquitur : Non veni pacem mittere, sed gládium. Veni enim separáre hóminem a patre suo, et matrem a filia, et nurum a socru : et inimici hóminis doméstici ejus. Qui ergo propter fidem Christi, et prædicatióne Evangelii, omnes afféctus contémpserint, atque divítias et sæculi voluptátes : isti céntuplum recipient, et vitam ætérnam possidébunt.

¶. Sint lumbi vestri præcincti, et lucernæ ardéntes in máribus vestris : * Et vos símiles hominibus exspectántibus dóminum suum, quando revertátur a núptiis. ¶. Vigiláte ergo, quia nescitis qua hora Dóminus vester ventúrus sit. Et vos. Glória Patri. Et vos.

Lectio ix.

Ex occasióne hujus senténtiæ quidam introducunt mille annos post resurre-

ctiõem, dicéntes, tunc nobis céntuplum ómnium rerum quas dimisimus, et vitam ætérnam esse reddéndam : non intelligéntes, quod, si in cæteris digna sit repromissio, in uxóribus appáreat turpitúdo : ut qui unam pro Dómino dimiserit, centum recipiat in futúro. Sensus ergo iste est : Qui carnália pro Salvátore dimiserit, spirituália recipiet : quæ comparatióne et mérito sui ita erunt, quasi si parvo número centenárius número comparétur.

Te Deum laudámus. 16.

II. ALIA HOMILIA

Lectio sancti Evangelii secúndum Matthæum.

Lectio vij. Cap. 11. d

IN illo témpore : Respóndens Jesus, dixit : Confíteor tibi Pater, Dómine cæli et terræ, quia abscondisti hæc a sapiéntibus et prudéntibus, et revelásti ea párvulis. Et réliqua.

Homilia sancti Augustíni
Episcopi.

Serm. 10. de Verbis Domini.

VENÍTE ad me omnes qui laborátis. Quare enim omnes laborámus, nisi quia sumus hómines mortáles, frágles, infirmi, lútea vasa portántes, quæ faciunt invicem angústias? Sed si angustíantur vasa carnis, dilaténtur spátia caritátis. Quid ergo dicit, Veníte ad me omnes qui laborátis, nisi ut

non laborétis? Dénique promissio ejus in promptu est, quóniam laborántes vocávit. Quærent forte, qua mercéde vocáti sunt. Et ego vos, inquit, reficiam. Tóllite jugum meum super vos, et discite a me, non mundum fabricáre, non cuncta visibília et invisibília créare, non in ipso mundo mirabília fácere, et mórtuos suscitáre; sed, Quóniam mitis sum, et húmilis corde.

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédát pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse.

Lectio viij.

MAGNUS esse vis? a mínimo incipe. Cógitas magnam fábricam constrúere celsitudinis? de fundaménto prius cógita humilitátis. Et quantam quisque vult, et dispónit superimpónere molem ædificií, quanto erit majus ædificium, tanto áltius fodit fundaméntum. Et fábrica quidem cum constrúitur, in supérna consúrgit: qui áutem fodit fundaméntum, ad ima deprimitur. Ergo et fábrica ante celsitudinem humiliátur, et fastigium post humiliatióem erígitur.

R. Sint lumbi vestri præ-

cincti, et lucérnæ ardéntes in mánibus vestris: * Et vos símiles homínibus exspectántibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester ventúrus sit. Et. Glória. Et.

Lectio ix.

QUOD est fastigium construendæ fábricæ, quam molimur? quo perventúrum est cacúmen ædificií? Cito dico, usque ad conspéctum Dei. Vidétis quam excélsus est, quanta res est conspícere Deum. Qui desiderat, et quod dico, et quod áudit intélligit. Promittitur nobis conspéctus Dei, veri Dei, summi Dei. Hoc enim bonum est, vidéntem vidére. Nam qui colunt falsos deos, fácite illos vident: sed eos vident, qui óculos habent, et non vident. Nobis áutem promittitur visio Dei vivéntis, et vidéntis.

Te Deum laudámus. 16.

III. ALIA HOMILIA

Léctio sancti Evangélii secúndum Matthæum.

Lectio vij. Cap. 19. d

IN illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Et réliqua.

De Homilia venerábilis Bedæ Presbýteri.

In Natali S. Benedicti.

DUO sunt órdenes electórum in iudicio futúri:

unus judicantium cum Dómino, de quibus hoc loco mémorat, qui reliquerunt ómnia, et secúti sunt illum : álius judicandórum a Dómino, qui non quidem ómnia sua páriter reliquerunt, sed de his tamen quæ habébant, quotidíanas dare eleemósynas Christi paupéribus curábant : unde et auditúri sunt in iudicio : Venite benedicti Patris mei, possidéte præparátum vobis regnum a constitutióne mundi. Esurívi enim, et dedístis mihi manducáre : sitívi, et dedístis mihi bibere.

R. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse intercédát.

Lectio viij.

SED et reprobórum duos ibi futúros órdenes Dómino narránte comperimus : unum eórum, qui fidei cristiánæ mystériis initiáti, ópera fidei exercére contémnunt, quibus in iudicio testátur : Discédite a me maledicti in ignem ætérnum, qui præparátus est diábolo, et ángelis ejus : esurívi enim, et non dedístis mihi manducáre. Alterum eórum, qui fidem et

mystéria Christi vel numquam suscepére, vel susceptam per apostásiam deseruére : de quibus dicit : Qui áutem non credit, jam judicátus est : quia non credit in nómine unigéniti Filii Dei.

R. Sint lumbi vestri præcincti, et lucérnæ ardéntes in mánibus vestris : * Et vos similes hominibus expectántibus dóminum suum, quando revertátur a nuptiis. **V.** Vigiláte ergo, quia nescitis qua hora Dóminus vester ventúrus sit. Et. Glória. Et.

Lectio ix.

VERUM his cum timóre et pavóre débito paulisper commemorátis, ad lætissima pótius Dómini et Salvatóris nostri promissa convertámus auditum. Videámus quæ tantæ grátia pietátis : non ætérnæ tantúmmodo vitæ præmia suis sequácibus, sed et præsentis múnera pollicétur exímia. Et omnis, inquit, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accípíet, et vitam ætérnam possidébit. Qui enim terrénis afféctibus sive possessioníbus pro Christi discipulátu renuntiáverit, quo plus in ejus amórem profécerit, eo plures invéniet, qui se intérno suscipere afféctu, et suis gáudeant sustentáre substántiis.

Te Deum laudámus. 16.

COMMUNE VIRGINUM

IN I. VESPERIS

Ant. Hæc est Virgo sapiens, * et una de número prudentum.

Psalmus 109.

DIXIT Dóminus Dómino meo : * Sede a dextris meis :
Donec ponam inimicos tuos, * scabellum pedum tuorum.

Virgam virtutis tuæ emit-
tet Dóminus ex Sion : * do-
minare in médio inimicorum
tuorum.

Tecum principium in die
virtutis tuæ in splendoribus
sanctorum : * ex útero ante
luciferum genui te.

Juravit Dóminus, et non
poenitebit eum : * Tu es sa-
cérdos in ætérnum secún-
dum ordinem Melchisedech.

Dóminus a dextris tuis, *
confrégit in die iræ suæ
reges.

Judicabit in nationibus,
implébit ruínas : * conquis-
cabit cápita in terra multo-
rum.

De torrénite in via bibet : *
propterea exaltábit caput.

Ant. Hæc est Virgo sapiens, et una de número prudentum.

Ant. Hæc est Virgo sapiens, * quam Dóminus vigi-
lántem invénit.

Psalmus 112.

LAUDÁTE púeri Dóminum : *
laudáte nomen Dómini.

Sit nomen Dómini bene-
dictum, * ex hoc nunc, et
usque in sæculum.

A solis ortu usque ad oc-
cásum, * laudábile nomen
Dómini.

Excélsus super omnes gen-
tes Dóminus, * et super cæ-
los glória ejus.

Quis sicut Dóminus Deus
noster, qui in altis hábitat, *
et humilia respicit in cælo
et in terra?

Súscitans a terra ínopem, *
et de stercore érigenz páu-
perem :

Ut cóllocet eum cum prin-
cipibus, * cum principibus
pópuli sui.

Qui habitare facit stérilem
in domo, * matrem filiorum
létántem.

Ant. Hæc est Virgo sapiens, quam Dóminus vigi-
lántem invénit.

Ant. Hæc est quæ nescivit
* torum in delicto : habébit
fructum in respectiône ani-
márum sanctárum.

Psalmus 121.

LÉTÁTUS sum in his, quæ
dicta sunt mihi : * In
domum Dómini ibimus.

Stantes erant pedes no-
stri * in átriis tuis Jerúsa-
lem.

Jerúsalem, quæ ædificátur
ut civitas : * cujus participá-
tio ejus in idipsum.

Illuc enim ascenderunt
tribus, tribus Dómini : *

testimónium Israël ad confiténdum nómini Dómini.

Quia illic sedérunt sedes in iudicio, * sedes super domum David.

Rogáte quæ ad pacem sunt Jerúsalem : * et abundantia diligéntibus te :

Fiat pax in virtúte tua : * et abundantia in túrribus tuis.

Propter fratres meos, et próximos meos, * loquébar pacem de te :

Propter domum Dómini Dei nostri, * quæsivi bona tibi.

Ant. Hæc est quæ nescivit torum in delicto : habébit fructum in respectiône animárum sanctárum.

Ant. Veni elécta mea, * et ponam in te thronum meum, allelúia.

Psalmus 126

NISI Dóminus ædificáverit domum, * in vanum laboravérunt qui ædificant eam.

Nisi Dóminus custodierit civitátem, * frustra vigilat qui custódit eam.

Vanum est vobis ante lucem súrgere : * súrgite postquam sedéritis, qui manducátis panem dolóris.

Cum déderit diléctis suis somnum : * ecce heréditas Dómini filii : merces, fructus ventris.

Sicut sagittæ in manu poténtis : * ita filii excussórum.

Beátus vir qui implévit

desidérium suum ex ipsis : * non confundétur cum loqué-tur inimicis suis in porta.

Ant. Veni elécta mea, et ponam in te thronum meum, allelúia.

Ant. Ista est speciósá * inter filias Jerúsalem.

Psalmus 147.

LÁUDA Jerúsalem Dóminum : * láuda Deum tuum Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emittit eloquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante fáciem frígoris ejus quis sustinébit?

Emittet verbum suum, et liquefáciat ea : * flabit spíritus ejus, et fluent aquæ.

Qui annúnciat verbum suum Jacob : * justítias, et iudicia sua Israël.

Non fecit táliter omní nationi : * et iudicia sua non manifestávit eis.

Ant. Ista est speciósá inter filias Jerúsalem.

Capitulum. II. Cor. 10. d

FRATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat.

Hymnus.

JESU, coróna Virginum,
Quem mater illa concipit,
Quæ sola Virgo párturit :
Hæc vota clemens áccipe.

Qui pergis inter lilia,
Septus choréis Virginum,
Sponsus decórus glória,
Sponsisque reddens præmia.

Quocúmque tendis, Vir-
gines
Sequúntur, atque láudibus
Post te canéntes cúrsitant,
Hymnósque dulces péro-
nant.

Te deprecámur súpplīces,
Nostris ut addas sénsibus,
Nescire prorsus ómnia
Corruptiónis vúlnera.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula.

Amen.

Ÿ. Spécie tua et pulchri-
túdine tua. R̃. Inténde, pró-
spere procéde, et regna.

Ad Magnif. Ant. Veni
sponsa Christi : * áccipe co-
rónam, quam tibi Dóminus
præparávit in ætérnum.

Oratio.

DEUS, qui inter cætera
poténtiæ tuæ mirácula
étiam in sexu frágili victó-
riam martýrii contulisti :
concède propitius; ut qui
beátæ N. Virginis et Máty-
ris tuæ natalítia cólimus, per
ejus ad te exémpła gradiámur.
Per Dóminum.

Alia Oratio.

INDULGÉNTIAM nobis, quæ-
sumus Dómine, beáta N.

Virgo et Martyr implóret :
quæ tibi grata semper éxsti-
tit et mérito castitátis, et
tuæ professióne virtútis. Per
Dóminum.

Pro Virgine non Martyre.

Oratio.

EXÁUDI nos Deus salutáris
noster : ut sicut de
beátæ N. Virginis tuæ festi-
vitáte gaudémus; ita piæ
devotiónis erudiámur af-
fectu. Per Dóminum.

Si fuerint plures, in utris-
que Vesp. ad Magnificat et
in Laud. ad Benedictus :

Ant. Prudéntes Virgines *
aptáte vestras lámpades :
ecce sponsus venit, exíte
óbviam ei.

Ÿ. Adducéntur Regi Vir-
gines post eam. R̃. Próximæ
ejus afferéntur tibi.

Oratio.

DA nobis, quæsumus Dó-
mine Deus noster, san-
ctárum Virginum et Máty-
rum tuárum N. et N. palmas
incessábili devotióne vene-
rári : ut quas digna mente
non póssumus celebráre,
humilibus saltem frequenté-
mus obséquijs. Per Dómi-
num.

AD MATUTINUM

Invit. Regem Virginum
Dóminum, * Venite, adoré-
mus.

Ps. Venite, exsultémus. 2.

Hymnus.

VIRGINIS Proles, Opiféxque
Matris,
Virgo quem gessit, peperit-
que Virgo;

Virginis partos cānimus de-
cōra

Morte triúmphos.

Hæc enim palmæ dúplicis
beáta

Sorte, dum gestit frágilem
domáre

Córpōris sexum, dómuīt
cruéntum

Cæde tyránnum.

Unde nec mortem, nec
amīca mortis

Mille pœnárū gēnera expa-
véscens,

Sánguine effúso méruit seré-
num

Scándere cælum.

Hujus orátu Deus alme
nobis

Débitas pœnas scélerum re-
mítte;

Ut tibi puro resonémus
almum

Péctore carmen.

Sit decus Patri, genitæque
Proli,

Et tibi compar utriúsque
virtus

Spiritus semper, Deus unus
omni

Témporis ævo.

Amen.

*Sí Sancta fuerit Virgo tan-
tum, et non Martyr, dicitur
Hymnus sequens :*

VIRGINIS Proles, Opiféxque
Matris,

Virgo quem gessit, peperit-
que Virgo;

Virginis festum cānimus
beátæ,

Accipe votum.

Hujus orátu Deus alme
nobis

Débitas pœnas scélerum re-
mítte;

Ut tibi puro resonémus al-
mum

Péctore carmen.

Sit decus Patri, genitæque
Proli,

Et tibi compar utriúsque
virtus

Spiritus semper, Deus unus
omni

Témporis ævo. Amen.

IN I. NOCTURNO

Ant. O quam pulchra * est
casta generátio cum clari-
táte!

Psalmus 8.

DÓMINE Dóminus noster, *
quam admirábile est
nomen tuum in univérſa
terra!

Quóniam eleváta est ma-
gnificéntia tua, * super cælos.

Ex ore infántium et lactén-
tium perfecisti láudem pro-
pter inimicos tuos, * ut dé-
struas inimicum et ultórem.

Quóniam vidébo cælos
tuos, ópera digitórum tuó-
rum : * lunam et stellas, quæ
tu fundásti.

Quid est homo, quod me-
mor es ejus? * aut filius hómi-
nis, quóniam visitas eum?

Minuisti eum páulo minus
ab Angelis, glória et honóre
coronásti eum : * et consti-
tuísti eum super ópera má-
nuum tuárum.

Omnia subjecisti sub pé-
dibus ejus, * oves et boves
univérſas : insuper et pécora
campi.

Vólucres cæli, et pisces

maris, * qui perambulans
sémitas maris.

Dómine Dóminus noster, *
quam admirabile est nomen
tuum in univérſa terra!

Ant. O quam pulchra est
casta generatio cum clari-
tate!

Ant. Ante torum * hujus
Virginis frequentate nobis
dulcia cántica drámatís.

Pro non Virgine.

Ant. Læva ejus * sub
cápite meo, et dextera illius
amplexábitur me.

Psalmus 18.

CÆLI enarrant glóriam
Dei, * et ópera mánuum
ejus annúntiat firmaméntum.

Dies diéi erúctat ver-
bum, * et nox nocti índicat
sciéntiam.

Non sunt loquélæ, neque
sermónes, * quorum non
audiántur voces eórum.

In omnem terram exívit
sonus eórum : * et in fines
orbis terræ verba eórum.

In sole pósuit tabernácu-
lum suum : * et ipse tam-
quam sponsus procédens de
thálamo suo :

Exsultávit ut gigas ad cur-
réndam viam, * a summo
cælo egréssio ejus :

Et occúrsus ejus usque ad
summum ejus : * nec est qui
se abscondat a calore ejus.

Lex Dómini immaculáta
convértens ánimas : * testi-
mónium Dómini fidéle, sa-
piéntiam præstans párvulis.

Justitiæ Dómini rectæ,
lætificántes corda : * præ-

ceptum Dómini lúcidum,
illúminans óculos.

Timor Dómini sanctus,
pérmanens in sæculum sæ-
culi : * júdicia Dómini vera,
justificáta in semetipsa.

Desiderabilia super áu-
rum et lápidem pretiósum
multum : * et dulcióra super
mel et favum.

Etenim servus tuus custó-
dit ea, * in custodiéndis illis
retribútio multa.

Delicta quis intélligit? ab
occúltis meis munda me : *
et ab aliénis parce servo tuo.

Si mei non fúerint domi-
náti, tunc immaculátus ero : *
et emundábor a delicto má-
ximo.

Et erunt ut compláceant
elóquia oris mei : * et medi-
tatio cordis mei in conspéctu
tuo semper.

Dómine adjútor meus, *
et redemptor meus.

Ant. Ante torum hujus Vir-
ginis frequentate nobis dul-
cia cántica drámatís.

Pro non Virgine.

Ant. Læva ejus sub cápite
meo, et dextera illius am-
plexábitur me.

Ant. Revértere, * revér-
tere Sunamitis : revértere,
revértere, ut intueámur te.

Psalmus 23.

DÓMINI est terra, et pleni-
túdo ejus : * orbis terrá-
rum, et univérſi, qui hábi-
tant in eo.

Quia ipse super mária fun-
davit eum : * et super flú-
mina præparávit eum.

Quis ascendet in montem Domini? * aut quis stabit in loco sancto ejus?

Innocens manibus et mundo corde, * qui non accepit in vano animam suam, nec juravit in dolo proximo suo.

Hic accipiet benedictionem a Domino : * et misericordiam a Deo salutari suo.

Hæc est generatio querentium eum, * querentium faciem Dei Jacob.

Attollite portas principes vestras, et elevamini portæ æternales : * et introibit rex gloriæ.

Quis est iste rex gloriæ? * Dominus fortis et potens : Dominus potens in prælio.

Attollite portas principes vestras, et elevamini portæ æternales : * et introibit rex gloriæ.

Quis est iste rex gloriæ? * Dominus virtutum ipse est rex gloriæ.

Ant. Revértere, revértere Sunamitis : revértere, revértere, ut intueamur te.

Ÿ. Spécie tua et pulchritudine tua. **R.** Intende, prospere procéde, et regna.

Pater noster.

Absolutio. Exaudi Domine.

Ÿ. Jube domne.

Bened. Benedictione perpetua.

De Epistola prima beati Pauli Apostoli ad Corinthios.

Lectio j. Cap. 7. c

DE virginibus præceptum Domini non habeo : consilium autem do, tamquam

miseriórdiam consecútus a Domino ut sim fidélis. Existimo ergo hoc bonum esse propter instantem necessitatem, quóniam bonum est hómini sic esse. Alligátus es uxóri? noli quærere solutionem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulationem tamen carnis habébunt hujúsmodi. Ego autem vobis parco. Hoc itaque dico, fratres : Tempus breve est : réliquum est, ut et qui habent uxóres, tamquam non habéntes sint : et qui flent, tamquam non flentes : et qui gaudent, tamquam non gaudentes : et qui emunt, tamquam non possidentes : et qui utúntur hoc mundo, tamquam non utántur : præterit enim figúra hujus mundi.

Pro Martyre.

R. Veni sponsa Christi, accipe coronam, quam tibi Dominus præparávit in æternum : pro cujus amore sanguinem tuum fudisti, * Et cum Angelis in paradísium introísti. **Ÿ.** Veni electa mea, et ponam in te thronum meum, quia concupívit Rex spéciem tuam. Et cum.

Si non fuerit Martyr, dic. seq.

R. Veni electa mea, et ponam in te thronum meum : * Quia concupívit Rex spéciem tuam. **Ÿ.** Spécie tua et pulchritudine tua intende,

prósperè procéde, et regna.
Quia.

Bened. Unigénitus Dei.

Lectio ij.

VOLO áutem vos sine sollicitúdi-
ne esse. Qui sine
uxóre est, sollicitus est quæ
Dómini sunt, quómodo plá-
ceat Deo. Qui áutem cum
uxóre est, sollicitus est quæ
sunt mundi, quómodo plá-
ceat uxóri, et divisus est. Et
múlíer innúpta, et virgo có-
gitat quæ Dómini sunt, ut
sit sancta córpore, et spíritu.
Quæ áutem nupta est, cógi-
tat quæ sunt mundi, quó-
modo pláceat viro. Porro
hoc ad utilitátem vestram
dico : non ut láqueum vobis
inijciam, sed ad id, quod
honéstum est, et quod facul-
tátem præbeat sine impe-
diménto Dóminum obse-
crándi.

R. Diffúsa est grátia in
lábiis tuis : * Proptérea bene-
dixit te Deus in ætérnum. **V.**
Spécie tua et pulchritúdi-
ne tua inténde, prósperè pro-
céde, et regna. Proptérea.

Bened. Spíritus sancti
grátia.

Lectio iij.

SI quis áutem turpem se
vidéri existimat super
virgine sua, quod sit super-
adúlta, et ita opórtet fieri :
quod vult fáciat : non peccat,
si nubat. Nam qui státuit in
corde suo firmus, non ha-
bens necessitátem, potestá-
tem áutem habens suæ volun-
tátis, et hoc iudicávit in

corde suo, serváre virginem
suam, bene facit. Igitur et
qui matrimónio jungit virgi-
nem suam, bene facit : et
qui non jungit, mélius facit.
Múlíer alligáta est legi quanto
tém-pore vir ejus vivit. Quod
si dormierit vir ejus, libe-
ráta est : cui vult nubat,
tantum in Dómino. Beátior
áutem erit, si sic permán-
serit, secúndum meum con-
sílíum : puto áutem quod et
ego Spíritum Dei hábeam.

R. Spécie tua et pulchritú-
dine tua * Inténde, prósperè
procéde, et regna. **V.** Diffúsa
est grátia in lábiis tuis, pro-
ptérea benedixit te Deus in
ætérnum. Inténde. Glória.
Inténde.

IN II. NOCTURNO

Ant. Spécie tua * et pul-
chritúdi-ne tua inténde, pró-
spere procéde, et regna.

Psalmus 44.

ERUCTÁVIT cor meum ver-
bum bonum : * dico ego
ópera mea regi.

Lingua mea cálamus scri-
bæ, * velóci-ter scribéntis.

Speciósus forma præ filiis
hóminum, diffúsa est grátia
in lábiis tuis : * proptérea be-
nedixit te Deus in ætérnum.

Accingere gládio tuo super
femur tuum, * potentíssime.

Spécie tua et pulchritú-
dine tua * inténde, prósperè
procéde, et regna.

Propter veritátem et man-
suetúdinem, et justítiam : *
et dedúcet te mirabiliter
délixtera tua.

Sagittæ tuæ acutæ, pópuli sub te cadent : * in corda inimicórum regis.

Sedes tua Deus in sæculum sæculi : * virga directiõnis virga regni tui.

Dilexisti justitiam, et odisti iniquitatem : * propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regina a dextris tuis in vestítu deauráto, * circúmdata varietáte.

Audi filia, et vide, et inclína áurem tuam : * et obliviscere pópulum tuum, et domum patris tui.

Et concupíscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes divites plebis.

Omnis glória ejus filiæ regis ab intus, * in fimbriis áureis circumamicta varietátibus.

Adducéntur regi virgines post eam : * próximæ ejus afferéntur tibi.

Afferéntur in lætitia et exultatióne : * adducéntur in templum regis.

Pro pátribus tuis nati sunt tibi filii : * constitues eos principes super omnem terram.

Mémores erunt nóminis tui : * in omni generatióne et generatióne.

Propterea pópuli confitebúntur tibi in ætérnum : * et in sæculum sæculi.

Ant. Spécie tua et pulchritúdine tua inténde, prospere procéde, et regna.

Ant. Adjuvabit eam * Deus vultu suo : Deus in médio ejus, non commovébitur.

Psalmus 15.

DEUS noster refúgium, et virtus : * adjutor in tribulatió nibus, quæ invenérunt nos nimis.

Propterea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis impetus lætificat civitatem Dei : * sanctificávit tabernáculum suum Altissimus.

Deus in médio ejus, non commovébitur : * adjuvabit eam Deus mane dilúculo.

Conturbátæ sunt gentes, et inclináta sunt regna : * dedit vocem suam, móta est terra.

Dóminus virtútum nobiscum : * suscep tor noster Deus Jacob.

Veníte, et vidéte ópera Dómini, quæ pósuit prodigia super terram : * áuferens bella usque ad finem terræ.

Arcum cónteret, et confringet arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscéptor noster Deus Jacob.

Ant. Adjuvábít eam Deus vultu suo : Deus in médio ejus, non commovébitur.

Ant. Aquæ multæ * non potuérunt exstinguere caritátem.

Psalmus 17.

MAGNUS Dóminus et laudábilis nimis * in civitáte Dei nostri, in monte sancto ejus.

Fundátur exsultatíone universæ terræ mons Sion, * látera Aquilónis, civitas regis magni.

Deus in dómibus ejus cognoscétur, * cum suscipiet eam.

Quóniam ecce reges terræ congregáti sunt : * convénérunt in unum.

Ipsi vidéntes sic admiráti sunt, conturbáti sunt, commóti sunt : * tremor apprehéndit eos.

Ibi dolóres ut parturiéntis * in spíritu veheménti cónteres naves Tharsis.

Sicut audivimus, sic vidimus in civitáte Dómini virtútum, in civitáte Dei nostri : * Deus fundávit eam in ætérnum.

Suscépinus Deus miseri-

córdiam tuam, * in médio templi tui.

Secúndum nomen tuum Deus, sic et laus tua in fines terræ : * justitia plena est dextera tua.

Lætétur mons Sion, et exsúltent filiaë Judæ, * propter judícia tua Dómine.

Circúmdate Sion, et compectimini eam : * narráte in túrribus ejus.

Pónite corda vestra in virtúte ejus : * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sæculum sæculi : * ipse reget nos in sæcula.

Ant. Aquæ multæ non potuérunt exstinguere caritátem.

ŷ. Adjuvábít eam Deus vultu suo. **Ŕ.** Deus in médio ejus, non commovébitur.

Pater noster.

Absolutio. Ipsius pietas.

ŷ. Jube domne.

Bened. Deus Pater omnipotens.

Sermo sancti Ambrósii
Episcopi.

Lib. 1. de Virg., circa init.
Lectio iv.

QUÓNIAM hódie natális est Virginis, invitat nunc integritátis amor, ut áliquíd de virginitáte dicámus : ne véluti tránsitu quodam præstricta videátur, quæ princípális est virtus. Non enim ideo laudábilis virginitas, quia in Martýribus reperí-

tur : sed quia ipsa Mártyres fáciat. Quis áutem humano eam possit ingénio comprehendere, quam nec natura suis inclúsit légibus? Aut quis naturali voce complécti, quod supra usum naturæ sit? E cælo accersivit, quod imitaretur in terris. Nec immérito vivendi sibi usum quæsivit e cælo, quæ sponsum sibi invenit in cælo.

R. Propter veritatem, et mansuetudinem, et justitiam : * Et deducet te mirabiliter dextera tua. **V.** Spécie tua et pulchritudine tua inténde, prospere procéde, et regna. Et.

Bened. Christus perpétuæ.

Lectio v.

HÆC nubes, æera, Angelos, sidéraque transgrédiens, Verbum Dei in ipso sinu Patris invenit, et toto háusit pectore. Nam quis tantum, cum invenerit, relinquat boni? Unguentum enim exinanitum est nomen tuum : propterea adolescentulæ dilexérunt te, et attraxérunt te. Postrémo, non meum est illud, quóniam quæ non nubunt, neque nubéntur, erunt sicut Angeli Dei in cælo. Nemo ergo mirétur, si Angelis comparéntur, quæ Angelórum Dómino copulántur.

R. Dilexisti justitiam, et odisti iniquitatem : * Propterea unxit te Deus, Deus tuus oleo lætitiæ. **V.** Propter veri-

tatem, et mansuetudinem, et justitiam. Propterea.

Bened. Ignem sui amoris.

Lectio vj.

QUIS igitur neget hanc vitam fluxisse de cælo, quam non fácte invenimus in terris, nisi postquam Deus in hæc terréni corpóris membra descendit? Tunc in útero Virgo concépit, et Verbum caro factum est, ut caro fieret Deus. Dicet áliquis : Sed étiam Elias nullius corpórei cóitus fuisse permíxtus cupiditatibus invenitur. Ideo ergo curru raptus ad cælum : ideo cum Dómino appáret in glória, ideo Dominici ventúrus est præcúrsor adventus.

R. Afferéntur Regi virgines post eam, proximæ ejus * Afferéntur tibi in lætitia et exsultatione. **V.** Spécie tua et pulchritudine tua inténde, prospere procéde, et regna. Afferéntur. Glória Patri. Afferéntur.

IN III. NOCTURNO

Ant. Nigra sum, * sed formósa, filiæ Jerúsalem : ideo diléxit me Rex, et introduxit me in cubiculum suum.

Psalmus 95.

CANTÁTE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes

glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii gén-tium dæmónia : * Dóminus autem cælos fecit.

Conféssio, et pulchritúdo in conspéctu ejus : * sancti-mónia et magnificéntia in sanctificatióne ejus.

Afférte Dómino pátriæ gén-tium, afférte Dómino glóriam et honórem : * afférte Dó-mino glóriam nómini ejus.

Tóllite hóstias, et introíte in átria ejus : * adoráte Dó-minum in átrio sancto ejus.

Commovéatur a fácie ejus univérſa terra : * dicite in gén-tibus quia Dóminus regnávít.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra, commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Nigra sum, sed formósa, filiæ Jerúsalem : ideo diléxit me Rex, et introdúxit me in cubículum suum.

Ant. Trahe me post te, * in odórem currémus unguentórum tuórum : óleum effúsum nomen tuum.

Psalmus 96.

DÓMINUS regnávít, exsúltet terra : * læténtur insulæ multæ.

Nubes, et caligo in circúitu ejus : * justitia, et iudícium corréctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácrissuis.

Adoráte eum omnes Angeli ejus : * audivit, et lætáta est Sion.

Et exsultavérunt filiæ Judæ, * propter iudícia tua Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui diligitis Dóminum, odite malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini iusti in Dómi-

no : * et confitémini memóriæ sanctificatiónis ejus.

Ant. Trahe me post te , in odórem currémus unguentórum tuórum : óleum effúsum nomen tuum.

Ant. Veni sponsa Christi, * áccipe corónam, quam tibi Dóminus præparávit in ætérnum.

Psalmus 97.

CANTÁTE Dómino cánticum novum : * quia mirabilia fecit.

Salvávit sibi délixtera ejus : * et bráchium sanctum ejus.

Notum fecit Dóminus salutáre suum : * in conspéctu géntium revelávit justítiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutáre Dei nostri.

Jubiláte Deo omnis terra : * cantáte, et exsultáte, et psálite.

Psállite Dómino in cithára, in cithára et voce psalmi : * in tubis ductilibus, et voce tubæ córneæ.

Jubiláte in conspéctu Regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina pláudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justítia, * et pópulos in æquitáte.

Ant. Veni sponsa Christi, áccipe corónam, quam tibi Dóminus præparávit in ætérnum.

V. Elégit eam Deus, et præelégit eam. **R.** In tabernáculo suo habitáre facit eam.

Pater noster.

Absolutio. A vñculis.

V. Jube domne.

Bened. Evangélica léctio. Léctio sancti Evangélii secúndum Matthæum.

Lectio vij. Cap. 25.

IN illo témpore : Dixit Jesus discipulis suis parábolam hanc : Simile erit regnum cælórum decem virginibus : quæ accipiéntes lámpades suas, exiérunt óbviám sponso et sponsæ. Et réliqua.

Homilia sancti Gregórii Papæ.

Homil. 12. in Evang.

SÆPE vos, fratres caríssimi, admóneo prava ópera fúgere, mundi hujus inqúinaménta devitáre : sed hodiérna sancti Evangélii léctióne compéllor dicere, ut et bona quæ ágitis, cum magna cautéla teneátis : ne per hoc quod a vobis rectum géritur, favor aut grátia húmana requirátur : ne appetitus láudis subrépat, et quod foris osténditur, intus a mercéde vacuétur. Ecce enim Redemptóris voce decem vírgines, et omnes dicúntur vírgines, et tamen intra beatitúdinis jánuam non omnes sunt recéptæ : quia eárum quædam, dum de virginitáte

sua glóriam foris expetunt, in vasis suis óleum habere noluérunt.

R. Hæc est Virgo sapiens, quam Dóminus vigilántem invénit, quæ accéptis lampádibus, sumpsit secum óleum : * Et veniente Dómino, introivit cum eo ad nuptias.

V. Média nocte clamor factus est : Ecce sponsus venit, exite óbviám ei. Et veniente.

Bened. Cujus, *vel* Quarum festum cólimus.

Lectio viij.

SED prius quæréndum nobis est, quid sit regnum cælórum, aut cur decem virginibus comparétur, quæ étiam virgines prudéntes et fátuæ dicántur. Dum enim cælórum regnum constat, quia reprobórum nullus ingréditur, étiam fátuis virginibus cur simile esse perhibétur? Sed sciéndum nobis est, quod sæpe in sacro elóquio regnum cælórum præsentis témporis Ecclésia dicitur. De quo álio in loco Dóminus dicit : Mittet Filius hóminis Angelos suos, et cólignent de regno ejus ómnia scándala. Neque enim in illo regno beatitúdinis, in quo pax summa est, inveniri scándala póterunt, quæ colligántur.

R. Média nocte clamor factus est : * Ecce sponsus venit, exite óbviám ei. **V.** Prudéntes Virgines, aptáte vestras lámpades. Ecce. Glória Patri. Ecce.

Bened. Ad societátem.

Lectio ix.

IN quinque áutem córporis sènsibus unusquisque subsistit. Geminátus áutem quinquénarius denárium pèrficit. Et quia ex utróque sexu fidélium multitúdo colligitur, sancta Ecclésia decem virginibus similis esse denuntiátur. In qua quia mali cum bonis, et réprobi cum electis admixti sunt, recte similis virginibus prudéntibus et fátuis esse perhibétur. Sunt namque plerique continéntes, qui ab appetitu se exterióri custódiunt, et spe ad interióra rapiúntur, carnem mácerant, et toto desiderio ad supérnam pátriam anhélant, æténa præmia expetunt, pro labóribus suis recipere láudes humánas nollunt. Hi nimirum glóriam suam non in ore hóminum ponunt, sed intra consciéntiam cóntegunt. Et sunt plerique, qui corpus per abstinentiam affligunt, sed de ipsa sua abstinentia humános favores expetunt.

Te Deum laudámus. 16.

AD LAUDES

ET PER HORAS

Ant. 1. Hæc est Virgo sapiens, * et una de número prudéntum.

Ps. Dóminus regnávít. *cum reliq.* 16.

2. Hæc est Virgo sapiens, * quam Dóminus vigilántem invénit.

3. Hæc est quæ nescívit

*torum in delicto : habébit fructum in respectiōne animárum sanctárum.

4. Veni elécta mea, * et ponam in te thronum meum, allelúia.

5. Ista est speciōsa * inter filias Jerúsalem.

Capitulum. II. Cor. 10. d

FRATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat.

Hymnus.

JESU coróna Virginum,
Quem mater illa cóncipit,
Quæ sola Virgo párturit :
Hæc vota clemens áccipe.

Qui pergis inter lilia,
Septus choréis Virginum,
Sponsus decórus glória,
Sponsisque reddens præmia.

Quocúmque tendis, Virgines

Sequúntur, atque láudibus
Post te canéntes cúrsitant,
Hymnósque dulces pèrsonant.

Te deprecámur súpplīces,
Nostris ut addas sénsibus,
Nescīre prorsus ómnia
Corruptiōnis vúlnera.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula.

Amen.

Ÿ. Diffúsa est grátia in lábiis tuis. **R.** Propterea benedixit te Deus in ætérnum.

Ad Bened. Ant. Símile est regnum cælórum * hómini

negotiátóri, quærénti bonas margaritas : invénta una pretiōsa, dedit ómnia sua, et comparávit eam.

Oratio.

DEUS, qui inter cætera poténtiæ tuæ iairácula étiam in sexu frágili victóriam martýrii contulisti : concéde propítius ; ut qui beátæ **N.** Virginis et Mártýris tuæ natalitia cólimus, per ejus ad te exémpia gradiámur. Per Dóminum.

Alia Oratio.

INDULGÉNTIAM nobis, quæsumus Dómine, beáta **N.** Virgo et Martyr implóret : quæ tibi grata semper éxstitit et mérito castitátis, et tuæ professiōne virtútis. Per Dóminum.

Pro Virgine non Martyre.

Oratio.

EXÁUDI nos, Deus salutáris noster : ut, sicut de beátæ **N.** Virginis tuæ festivitáte gaudémus ; ita piæ devotiōnis erudiámur afféctu. Per Dóminum.

Si fuerint plures, ad Benedictus dicitur

Ant. Prudentes Virgines * aptáte vestras lámpades : ecce sponsus venit, exite óbviám ei.

Ÿ. Adducéntur Regi Virgines post eam. **R.** Próximæ ejus afferéntur tibi.

Oratio.

DA nobis, quæsumus Dómine Deus noster, sanctárum Virginum et Mártýrum tuárum **N.** et **N.** palmas

incessábili devotióne venerári : ut quas digna mente non póssumus celebráre, humilibus saltem frequentémus obséquijs. Per Dñum.

AD TERTIAM

Ant. Hæc est Virgo.

Capit. Fratres : Qui gloriátur. *ut supra.* 108*.

R. br. Spécie tua * Et pulchritúdine tua. Spécie. *V.* Inténde, prospere procéde, et regna. Et. Glória. Spécie.

V. Adjuvábít eam Deus vultu suo. *R.* Deus in médio ejus, non commovébitur.

AD SEXTAM

Ant. Hæc est quæ nescívit.

Capitulum. II. Cor. 11.

AEMULOR enim vos Dei æmulatione. Despóndi enim vos uni viro virginem castam exhibére Christo.

R. br. Adjuvábít eam * Deus vultu suo. Adjuvábít.

V. Deus in médio ejus, non commovébitur. Deus. Glória Patri. Adjuvábít.

V. Elégít eam Deus, et præelégít eam. *R.* In tabernáculo suo habitáre facit eam.

AD NONAM

Ant. Ista est speciósa.

Capitulum. Eccli. 51. b

DÓMINE Deus meus, exaltásti super terram habitatióne meam, et pro morte desfluente deprecáta sum. Invocávi Dóminum Patrem Dómini mei, ut non derelinquat me in die tribulatiónis meæ, et in témpore superbórum sine adjutório.

Si fuerit Virgo et non Martyr, dic. seq.

Capitulum. Sap. 4.

O QUAM pulchra est casta generatio cum claritáte ! immortalis est enim memoria illius : quóniam apud Deum nota est, et apud homines.

R. br. Elégít eam Deus, * Et præelégít eam. Elégít. *V.* In tabernáculo suo habitáre facit eam. Et præelégít. Glória Patri. Elégít.

V. Diffúsa est grátia in lábiis tuis. *R.* Proptérea benedixit te Deus in ætérnum.

IN II. VESPERIS

Ant., Pss., Capit. et Hymn. *ut in I. Vesp.* 95*.

V. Diffúsa est grátia in lábiis tuis. *R.* Proptérea benedixit te Deus in ætérnum.

Ad Magnif. Ant. Venisponsa Christi, * áccipe coronam, quam tibi Dóminus præparávit in ætérnum.

II. ALIÆ LECTIONES

PRO VIRGINIBUS

Pro Virgine et Martyre, ac pro Martyre tantum, Lect. I. Noct. leguntur etiam ut infra.

De libro Ecclesiástici.

Lectio j. Capit. 51.

CONFITÉBOR tibi Dómine Rex, et collaudábo te Deum Salvatórem meum. Confitébor nómini tuo : quóniam adjutor et protector factus es mihi, et liberásti corpus meum a perditione, a láqueo linguæ iniquæ, et

a lábiis operántium mendá-
cium, et in conspéctu ad-
stántium factus es mihi adjú-
tor. Et liberásti me secúndum
multitúdinem misericórdiæ
nóminis tui a rugiéntibus
præparátis ad escam, de má-
nibus quæréntium ánimam
meam, et de portis tribula-
tiónum, quæ circumdedé-
runt me : a pressúra flam-
mæ, quæ circúmdedit me,
et in médio ignis non sum
æstuáta : de altitúdi-
ne ven-
tris inferi, et a lingua coin-
quináta, et a verbo mendá-
cii, a rege iniquo, et a lingua
injústa.

℟. Veni sponsa Christi,
accipe corónam, quam tibi
Dóminus præparávit in ætér-
num : pro cuius amóre sán-
guinem tuum fudisti, * Et
cum Angelis in paradisum
introisti. V. Veni elécta mea,
et ponam in te thronum
meum, quia concupívit Rex
spéciem tuam. Et cum.

Lectio ij.

LAUDÁBIT usque ad mortem
ánima mea Dóminum, et
vita mea appropínquans erat
in inférno deórsum. Circum-
dedérunt me úndique, et
non erat qui adjuváret. Ré-
spiciéns éram ad adjutórium
hóminum, et non erat. Me-
moráta sum misericórdiæ
tuæ Dómine, et operatiónis
tuæ, quæ a sæculo sunt :
quóniam éruis sustinéntes
te Dómine, et liberas eos de
mánibus géntium.

℟. Diffúsa est grátia in lá-

biis tuis : * Proptérea bene-
dixit te Deus in ætérnum. V.
Spécie tua et pulchritúdi-
ne tua inténde, prospere pro-
céde, et regna. Proptérea.

Lectio iij.

EXALTÁSTI super terram
habitatió-
nem meam, et
pro morte defluénte depre-
cáta sum. Invocávi Dómi-
num Patrem Dómini mei, ut
non derelinquat me in die
tribulatió-
nis meæ, et in témpore
superbórum sine adju-
tório. Laudábo nomen tuum
assidue, et collaudábo illud
in confessi-
óne, et exaudita
est orátio mea. Et liberásti
me de perditión-
e, et eri-
puísti me de témpore iniquo.
Proptérea confitébor, et lau-
dem dicam tibi, et benedi-
cam nómini Dómini.

℟. Spécie tua. 101*.

IN II. NOCTURNO

Ex libro sancti Cypriáni Epí-
scopi et Mátyris, de disci-
plína et hábitu Virginum.

Lectio iv. Cap. 2.

NUNC nobis ad vírgines
sermo est, quarum quo
sublimior glória est, major
et cura est. Flos est ille ec-
clesiástici gérminis, decus
atque ornaméntum grátiae
spiritalis, læta índoles, lau-
dis et honóris opus ínte-
grum atque incorrúptum,
Dei imágo respóndens ad
sanctimóniam Dómini, illú-
strior pórtio gregis Christi.
Gáudet per illas, atque in
illis lárgiter floret Ecclésiæ
matris gloriósa fœcúnditas :

quantóque plus copiósá virginitas número suo addit, tanto plus gáudium matris augéscit. Ad has lóquimur, has adhortámur affectióne pótius quam potestáte : non quod extrémí, et mínimi, et humilitátis nostræ ádmodum cónscii áliquíd ad censúram licéntiæ vindicémus ; sed quod ad sollicitúdinem magis cáuti, plus de diáboli infestatióne timeámus.

R. Propter veritátem, et mansuetúdinem, et justitiam : * Et dedúcet te mirabiliter dextera tua. **V.** Spécie tua et pulchritúdine tua inténde, prósperè procéde, et regna. Et.

Lectio v.

NEQVE inánis hæc cáutio est, et vana formido, quæ ad salútis viam cónsulit, quæ dominica et vitália præcépta custódit, ut quæ se Christo dicáverint, et a carnáli concupiscéntia recedéntes, tam carne, quam mente se Deo vóverint, cónsumment opus suum magno præmio destinátum : nec ornári jam, aut placére cuiquam, nisi Dómino suo, studeant, a quo et mercédem virginitátis expéctant, dicénte ipso : Non omnes capiunt verbum, sed illi quibus datum est. Sunt enim spadónes, qui ex útero matris sic nati sunt : et sunt spadónes, qui coácti sunt ab homínibus : et sunt spadónes, qui seipsos castravérunt

propter regnum cælórum.

R. Dilexisti justitiam, et odisti iniquitátem : * Propterea unxit te Deus, Deus tuus óleo lætitiæ. **V.** Propter veritátem, et mansuetúdinem, et justitiam. Propterea.

Lectio vj.

DÉNUO quoque per hanc Angeli vocem continéntiæ munus osténditur, virginitas prædicátur. Hi sunt, qui cum muliéribus se non coinquinavérunt : vírgines enim permansérunt : hi sunt qui sequúntur Agnum quocúmque ierit. Neque enim tantum másculis continéntiæ grátiam Dóminus repro-míttit, et fémimas præterit : sed quóniam fémína viri pórtio est, et ex eo sumpta atque formáta est, in Scriptúris fere ómnibus ad protoplástum Deus lóquitur, quia sunt duo in carne una, et in másculo simul significátur et fémína. Quod si Christum continéntia séquitur, et regno Dei virginitas destinátur : quid est illis cum terréno cultu, et cum ornáméntis, quibus dum homínibus placére géstiunt, Deum offéndunt?

R. Afferéntur Regi. 104*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 19.

IN illo témpore : Accessérunt ad Jesum pharisæi

tentantes eum, et dicentes : Si licet homini dimittere uxorem suam quacúmque ex causa? Et reliqua.

Homilia sancti Joannis
Chrysostomi.

Hom. 63. in Matth., sub
med.

DÓMINUS noster, quia ad virginitatem hortari grave esse videbatur, a necessitate legis de non solvendo matrimonio, eos ad cupiditatem illius trahere studet. Deinde ut eam esse possibilem ostendat, sic inquit : Sunt eunúchi qui ex ventre matris ita nati sunt, et sunt qui ab hominibus eunúchi facti sunt, et sunt qui seipsos castraverunt propter regnum cælorum. Quibus verbis latenter eos ad eligendam virginitatem inducit, dum eam virtutem esse possibilem adstruit.

¶ Hæc est Virgo sapiens, quam Dóminus vigilantem invenit, quæ, acceptis lampadibus, sumpsit secum oleum : * Et veniente Domino, introivit cum eo ad nuptias. ¶ Média nocte clamor factus est : Ecce sponsus venit, exite obviam ei. Et.

Lectio viij.

ID autem hoc fere modo confirmat. Cógita tecum, si aut a natura talis esses, aut ab hominibus eam inju-

riam passus, quid faceres, cum et ejusmodi voluptate careres, et nullam carendo mercedem consequereris? Grátias igitur nunc Deo agas, quod cum mercede atque coronis idem sustines, quod illi sine coronis ac præmio tolerant : imo vero non idem, sed multo levius; tum quia spe erigeris, et conscientia recte facti; tum quia non ita ingentibus concupiscentiæ fluctibus jactaris.

¶ Média nocte clamor factus est : * Ecce sponsus venit, exite obviam ei. ¶ Prudentes virgines, aptate vestras lampades. Ecce. Glória Patri. Ecce.

Lectio ix.

CUM ergo de illis eunúchis dixerit, qui nisi etiam ipsi mente se contineant, frustra et inutiliter tales sunt; ac de illis, qui ut regnum cælorum consequantur, se continent, subjúnxit rursus, dicens : Qui potest capere, capiat : ut alacriores efficiat eo ipso, quod grave esse opus ostendit, et ineffabili benignitate sua nóluit eam rem intra necessitatem legis concludere : idque dicendo, adhuc magis possibilem esse demonstrat, ut voluntatis studium plus augeatur.

Te Deum laudamus. 16.

COMMUNE SANCTÆ MARTYRIS TANTUM
ET NEC VIRGINIS NEC MARTYRIS

IN I. VESPERIS

Ant. de Laud. 117*; Pss. ut
in I. Vesp. de Comm. Virg. 95*.

Pro Martyre tantum.

Capitulum. Eccli. 51.

CONFITEBOR tibi Dómine Rex, et colaudábo te Deum Salvatórem meum. Confitebor nómini tuo: quóniam adjútor et protéctor factus es mihi, et liberásti corpus meum a perditione.

Pro nec Virg. nec Mart.

Capitulum. Prov. 31. b

MULIEREM fortem quis inveniet? procul, et de últimis finibus prétium ejus. Confidit in ea cor viri sui, et spóliis non indigébit.

Hymnus.

FORTEM virili pectore
Laudémus omnes féminam,

Quæ sanctitátis glória
Ubique fulget inclyta.

Hæc sancto amore saucia,
Dum mundi amorem nóxium
Horréscit, ad cælestia
Iter perégit árduum.

Carnem domans jejúniis,
Dulcique mentem pábulo
Oratiónis nútriens,
Cæli potitur gáudiis.

Rex Christe virtus fórtium,
Qui magna solus éfficis,
Hujus precátu, quæsumus,
Audi benignus súpplices.

Deo Patri sit glória,
Ejúsque soli Filio,

Cum Spíritu Paráclito,
Nunc et per omne sæculum.
Amen.

Ÿ. Spécie tua et pulchritúdine tua. **R.** Inténde, prospere procéde, et regna.

Ad Magnif. Ant. Simile est regnum cælórum * hómini negotiatóri quærénti bonas margaritas : invénta una pretiósá, dedit ómnia sua, et comparávit eam.

Pro una Martyre tantum.

Oratio.

DEUS, qui inter cætera potentíæ tuæ mirácula, étiam in sexu frágili victóriam mártýrii contulisti : concéde propítius; ut qui beátæ **N.** Mártýris tuæ natalitia cólimus, per ejus ad te exémpia gradiámur. Per.

Pro plur. Martyr. tantum.

Oratio.

DA nobis, quæsumus Dómine Deus noster, sanctárum Mártýrum tuárum **N.** et **N.** palmas incessábili devotióne venerári : ut quas digna mente non póssumus celebráre, humilibus saltem frequentémus obséquiiis. Per Dóminum.

Pro nec Virg. nec Mart.

Oratio.

EXÁUDI nos Deus salutáris noster : ut sicut de beátæ **N.** festivitáte gaudémus; ita piæ devotiónis erudiámur afféctu. Per Dóminum.

AD MATUTINUM

Invitat. Laudémus Deum nostrum, * In confessióne beátæ N.

Ps. Veníte, exsultémus. 2.

Hymnus.

HUJUS orátu Deus alme nobis
Débitas pœnas scélerum remitte :

Ut tibi puro resonémus al-
mum

Péctore carmen.

Sit decus Patri, genitæque
Proli,

Et tibi compar utriúsque
virtus

Spiritus semper, Deus unus
omni

Témporis ævo. Amen.

**Ant., Pss. et VV. in tribus
Noct. dicuntur ut in Comm.
Virg. 98*, excepta secunda
Ant. I. Noct., cujus loco
dicitur Ant. Læva ejus. ut
ibidem.**

IN I. NOCTURNO

**Lect. I. Noct. pro Martyre
tantum, leguntur ut supra.
Confitébor. 109*.**

**Pro nec Virg. nec Mart., ut
sequuntur.**

De Parábolis Salomónis.

Lectio j. Cap. 31. b

MULIEREM fortem quis inveniet? procul, et de últimis finibus prétium ejus. Confidit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsívit lanam et linum, et operáta est consilio mánuum suárum. Facta est

quasi navis institóris, de longe portans panem suum. Et de nocte surrexit, deditque prædam domésticis suis, et cibária ancillis suis. Considerávit agrum, et emit eum : de fructu mánuum suárum plantávit vineam. Accinxit fortitúdine lumbos suos, et roborávit bráchium suum.

R. Veni elécta mea, et ponam in te thronum meum :
* Quia concupívit Rex spéciem tuam. **V.** Spécie tua et pulchritúdine tua inténde, prospere procéde, et regna. Quia.

Bened. Unigénitus Dei.

Lectio ij.

GUSTÁVIT, et vidit quia bona est negotiatio ejus : non exstinguétur in nocte lucérna ejus. Manum suam misit ad fórtia, et digiti ejus apprehendérunt fusum. Manum suam aperuit inopi, et palmas suas exténdit ad páuperem. Non timébit dómui suæ a frigóribus nivis : omnes enim doméstici ejus vestíti sunt duplicibus. Stragulátam vestem fecit sibi : byssus et púrpura induméntum ejus. Nóbilis in portis vir ejus, quando séderit cum senatóribus terræ. Sindonem fecit, et véndidit, et cingulum trádidit Chana-neo.

R. Diffúsa est grátia in lábiis tuis : * Proptérea benedixit te Deus in ætérnum. **V.** Spécie tua et pulchritú-

dine tua inténde, prospere procéde, et regna. Proptér-
ea.

Bened. Spíritus sancti grátia.

Lectio iij.

FORTITÚDO et decor indu-
méntum ejus, et ridébit
in die novíssimo. Os suum
apérui sapiéntiæ, et lex cle-
méntiæ in lingua ejus. Con-
siderávit sémitas domus
suæ, et panem otíosa non
comédit. Surrexérunt filii
ejus, et beatissimam prædi-
cavérunt : vir ejus, et lau-
dávit eam. Multæ filiæ con-
gregavérunt divítias : tu
supergréssa es univérsas.
Fallax grátia, et vana est
pulchritúdo : múlter timens
Dóminum, ipsa laudábitur.
Date ei de fructu mánuum
suárum : et láudent eam in
portis ópera ejus.

R. Spécie tua et pulchri-
túdine tua * Inténde, pró-
spere procéde, et regna. **V.**
Diffúsa est grátia in lábiis
tuis, proptérca benedixit te
Deus in ætérnum. Inténde.
Glória Patri. Inténde.

IN II. NOCTURNO

Ex libro sancti Ambrósii

Epíscopi de Viduis.

Prope finem.

Lectio iv.

AGRUM hunc Ecclésiæ fér-
tilem cerno, nunc inte-
gritátis flore vernántem,
nunc viduitátis gravitate
polléntem, nunc étiam con-
júgii frúctibus redundántem.
Nam etsi diversí, unius ta-

men agri fructus sunt : nec
tanta hortórum lilia, quan-
tæ aristæ ségetum, méssium
spicæ : compluriúmque spá-
tia campórum recipiéndis
aptántur semínibus, quam
rédditis nováles frúctibus
feriántur. Bona ergo vidúi-
tas, quæ tóties apostólico
judicio prædicátur. Hæc
enim magistra fidei, magi-
stra est castitátis.

R. Propter veritátem, et
mansuetúdinem, et justí-
tiam : * Et dedúcet te mira-
biliter délixtera tua. **V.** Spécie
tua et pulchritúdine tua in-
ténde, prospere procéde,
et regna. Et.

Bened. Christus perpé-
tuæ.

Lectio v.

UNDE et illi qui deórum
suórum adultéria et pro-
bra venerántur, cœlibátus
et viduitátis statuére pœnas,
ut æmuli criminum mulctá-
rent stúdia virtútum, spécie
quidem, qua fecunditátem
quærerent, sed stúdio, quo
propósitum castitátis abolé-
rent. Nam conféctis et miles
stipéndiis arma depónit, et
relicto officio quod gerébat,
ad própria veteránus rura
dimittitur, ut et ipse exér-
citæ labóribus vitæ réquiem
consequátur ; et álios spes
futúre quiétis subeúndis fá-
ciat opéribus promptióres.
Agricola quoque matúrior
torquéndam áliis stivam
commíttit, et juvenili gravá-
tus ópere providéntiam curæ

senilis explórat : vitem facilius tondére, quam prémere, ut juvenescéntem luxúriam réprimat, et adolescéntem lasciviam falce succidat : parcórum quamdam pártum castitátem docens étiam in vítibus expeténdam.

R. Dilexisti justitiam, et odisti iniquitátem : * Proptérea unxit te Deus, Deus tuus óleo lælitiae. **V.** Propter veritátem, et mansuetúdinem, et justitiam. Proptérea.

Bened. Ignem sui amóris.

Lectio vj.

SÍMILIS huic vídua velut Seméritis veterána stipéndiis castitátis, etsi conjúgii arma depónat, domus tamen totius pacem gubérnat : etsi vehéndis onéribus otíosa, maritándis tamen junióribus próvida, ubi cultus utilior, ubi fructus ubérior sit, quarum cópulam aptiórem, senili gravitáte dispónit. Itaque si maturióribus quam junióribus committitur ager, cur putes utiliórem nuptam esse quam víduam? Quod si persecutóres fidei persecutóres fuérunt étiam viduitátis : útique fidem sequéntibus vidúitas non pro supplicio fugiéndam est, sed tenéndam pro præmio.

R. Fallax grátia, et vana est pulchritúdo : * Múlier timens Deum, ipsa laudábitur. **V.** Date ei de fructu mánuum suárum, et láudent eam in portis ópera ejus. Múlier. Glória. Múlier.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 13. f

IN illo témpore : Dixit Jesus discipulis suis parábolam hanc : Simile est regnum cælórum thesáuro abscóndito in agro. Et réliqua.

Homília sancti Gregórii Papæ.

Homil. 11. in Evang.

CÆLÓRUM regnum, fratres caríssimi, idcirco terrénis rebus simile dicitur, ut ex his quæ ánimus novit, surgat ad incógnita quæ non novit : quátenus exémplo visibílium se ad invisibília rápiat, et per ea, quæ usu didicit, quasi confricátus incaléscat : ut per hoc, quod scit notum diligere, discat et incógnita amáre. Ecce enim cælórum regnum thesáuro abscóndito in agro comparátur : quem qui invenit homo, abscóndit, et præ gáudio illius vadit, et vendit univérsum quæ habet, et emit agrum illum.

R. Os suum apérivit sapiéntiæ, et lex cleméntiæ in lingua ejus : considerávit sémitas domus suæ, * Et panem otíosa non comédit. **V.** Gustávit, et vidit quia bona est negotiálio ejus : non exstinguétur in nocte lucérna ejus. Et.

Bened. Cujus festum cólimus.

Lectio viij.

QUA in re hoc quoque notándum est, quod invén-

tus thesáurus absconditur, ut servétur : quia stúdi-
cæléstis desidérii a malignis
spiritibus custodire non súp-
ficat, qui hoc ab humánis
láudibus non abscondit. In
præsénti étenim vita, quasi
in via sumus, qua ad pá-
triam pér-
gimus. Maligni áu-
tem spíritus iter nostrum
quasi quidam latrúnculi ób-
sident. Deprædári ergo de-
siderat, qui thesáurum pú-
blice portat in via. Hoc áutem
dico, non ut próximi ópera
nostra bona non vídeant,
cum scriptum sit : Videant
ópera vestra bona, et glori-
ficient Patrem vestrum, qui
in cælis est : sed ut per hoc,
quod ágimus, láudes exté-
rius non quæramus. Sic áu-
tem sit opus in público, quá-
tenus inténtio máneat in
occúlto : ut et de bono ópere
proximis præbeamus exém-
plum, et tamen per intenti-
onem, qua Deo soli placere
quærimus, semper optémus
secrétum.

R. Regnum mundi, et
omnem ornátum sáculi con-
témpsi, propter amórem Dó-
mini mei Jesu Christi : *
Quem vidi, quem amávi, in
quem credidi, quem diléxi.
V. Eructávit cor meum ver-
bum bonum : dico ego ópera
mea Regi. Quem. Glória Pa-
tri. Quem.

Bened. Ad societátem.

Lectio ix.

THESÁURUS áutem cæléste
est desidérium : ager

vero, in quo thesáurus
absconditur, disciplina stú-
dii cæléstis. Quem profécto
agrum, vénditis ómnibus,
cómparat, qui voluptátibus
carnis renúntians, cuncta
sua terréna desidéria per
disciplinæ cæléstis custó-
diam calcat : ut nihil jam,
quod caro blanditur, libeat ;
nihil quod carnálem vitam
trucidat, spíritus perhor-
réscat.

Te Deum laudámus. 16.

AD LAUDES

ET PER HORAS

Ant. 1. Dum esset Rex* in
accúbitu suo, nardus mea
dedit odórem suavitátis.

Ps. Dóminus regnávít. **cum**
reliq. 16.

2. In odórem* unguentó-
rum tuórum cúrrimus : ado-
lescéntulæ dilexérunt te ni-
mis.

3. Jam hiems tránsiit,*
imber ábiit, et recéssit : surge
amíca mea, et veni.

4. Veni elécta mea,* et po-
nam in te thronum meum,
allelúia.

5. Ista est speciósa* inter
filias Jerúsalem.

Pro Martyre tantum.

Capitulum. Eccli. 51.

CONFITÉBOR tibi Dómine
Rex, et collaudábo te
Deum Salvatórem meum.
Confitébor nómini tuo : quón-
iam adjútor et protéctor
factus es mihi, et liberásti
corpus meum a perditio-
ne.

Pro nec Virgine nec Martyre.

Capitulum. Prov. 31. b

MULIEREM fortem quis inveniet? procul, et de ultimis finibus pretium ejus. Confidit in ea cor viri sui, et spoliis non indigebit.

Hymnus.

FORTEM virili pectore
Laudemus omnes feminam,

Quæ sanctitatis gloria
Ubique fulget inclita.

Hæc sancto amore sancia,
Dum mundi amorem noxium

Horrêscit, ad cælestia
Iter perêgit arduum.

Carnem domans jejuniis,
Dulcique mentem pabulo
Orationis nutriens,
Cæli potitur gaudiis.

Rex Christe virtus fortium,

Qui magna solus efficis,
Hujus precatu, quæsumus,
Audi benignus supplices.

Deo Patri sit gloria,
Ejusque soli Filio,
Cum Spiritu Paráclito,
Nunc et per omne sæculum.
Amen.

Ÿ. Diffusa est gratia in labiis tuis. R̃. Propterea benedixit te Deus in æternum.

Ad Bened. Ant. Date ei *
de fructu manuum suarum,
et laudent eam in portis
opera ejus.

Pro una Martyre tantum.
Oratio.

DEUS, qui inter cætera
potentiæ tuæ miracula
etiam in sexu fragili victo-

riam martyrii contulisti :
concede propitius; ut qui
beatæ N. Martyris tuæ natalitia colimus, per ejus ad te
exempla gradiamur. Per.

Pro pluribus Martyribus
tantum. Oratio.

DA nobis, quæsumus Dómine Deus noster, sanctarum Martyrum tuarum N. et N. palmas incessabili devotione venerari : ut quas digna mente non possumus celebrare, humilibus saltem frequentemus obsequiis. Per Dóminum.

Pro nec Virgine nec Martyre.
Oratio.

EXAUDI nos Deus salutaris noster : ut, sicut de beatæ N. festivitate gaudemus; ita piæ devotionis erudiamur affectu. Per Dóminum.

AD TERTIAM

Ant. In odorem.

Pro Martyre tantum.

Capit. Confitebor. 117*.

Pro nec Virgine nec Martyre.

Capit. Mulierem fortem.

R̃. br. Spécie tua * Et pulchritudine tua. Spécie. Ÿ. Intende, prospere procede, et regna. Et. Glória Patri. Spécie.

Ÿ. Adjuvabit eam Deus vultu suo. R̃. Deus in medio ejus, non commovebitur.

AD SEXTAM

Ant. Jam hiems transiit.

Pro Martyre tantum.

Capitulum. Eccli. 51.

LIBERASTI me secundum multitudinem misericordiæ nómínis tui a rugienti-

bus præparátis ad escam, de má nibus quæ réntium áni-
mam meam, et de multis tri-
bulatió nibus quæ circumde-
dérunt me.

Pro nec Virgine nec Martyre.

Capitulum. Prov. 31. c

MANUM suam apérui inopi,
et palmas suas exténdit
ad páuperem. Non timébit
dómui suæ a frigóribus ni-
vis.

℞. br. Adjuvábít eam *
Deus vultu suo. Adjuvábít.

ŷ. Deus in médio ejus, non
commovébitur. Deus. Gló-
ria Patri. Adjuvábít.

ŷ. Elégít eam Deus, et
prælégit eam. *℞.* In taber-
náculo suo habitáre facit
eam.

AD NONAM

Ant. Ista est speciósa.

Pro Martyre tantum.

Capitulum. Eccli. 51.

LAUDÁBIT usque ad mortem
ánima mea Dóminum,
quóniam éruis sustinéntes
te, et liberas eos de manu
angústiae, Dómine Deus no-
ster.

Pro nec Virgine nec Martyre.

Capitulum. Prov. 31. d

MULTÆ filiæ congregavé-
runt divítias : tu super-
gréssa es univérsas. Fallax
grátia, et vana est pulchri-
túdo : múlíer timens Dómi-
num, ipsa laudábitur.

℞. br. Elégít eam Deus,
* Et prælégit eam. Elégít.

ŷ. In tabernáculo suo habi-
táre facit eam. Et. Glória
Patri. Elégít.

ŷ. Diffúsa est grátia in lá-
biis tuis. *℞.* Proptérea bene-
dixit te Deus in ætérnum.

IN II. VESPERIS

*Ant. de Laud.; Pss. ut in
I. Vesperis de Comm. Virg.
95*.*

*Capit. et Hymnus ut ad
Laud.*

ŷ. Diffúsa est grátia in lá-
biis tuis. *℞.* Proptérea bene-
dixit te Deus in ætérnum.

Ad Magnif. Ant. Manum
suam * apérui inopi, et pal-
mas suas exténdit ad páupe-
rem, et panem otíosa non
comédit.

*Si fuerint plures non
Virg., idem fit Officium ut
supra. 113*.*

II. LECTIONES

PRO MARTYRE TANTUM

IN II. NOCTURNO

Sermo sancti Joánnis
Chrysóstomi.

*Serm. 67. de diversis
novi Testamenti locis.*

Lectio iv.

EGO máxime commemora-
tiónes diligo Mártyrum,
diligo, et ampléctor; atque
omnes quidem, sed tum præ-
cípie, cum mulierum certá-
mina proponúntur. Quanto
enim infirmius est vas, tanto
major est grátia, tanto illú-
strius est trophæum, tanto
insignior est victória, non ob
imbecillitátem sexus athle-
tárum, sed quod per ea,
quibus vícerat inimicus,
nunc étiam vincátur.

℞. Propter veritátem, et

mansuetúdinem, et justitiam : * Et dedúcet te mirabiliter dextera tua. *ŷ.* Spécie tua et pulchritúdine tua inténde, próspere procéde, et regna. Et dedúcet.

Lectio v.

PER mulierem vicit, per mulierem superátus est. Hoc illius ántea telum erat : hoc illius nunc cædis factum est instruméntum, hoc vas appáruit insuperábile. Peccávit illa prior, et mórtua est : ista mórtua est, ne peccáret. Illa tum fútilis promissi spe infláta, Dei leges violávit : hæc vitam præsentem contémpsit, ne fidem in suum benefactórem ejuráret. Quam igitur deinceps speráre póterunt excusatió-nem viri, si molles sint, et ignávi; quam vero véniam, cum fórtiter ac viriliter se gerant mulieres, cum ádeo

se generóse ad certámina pietátis accíngant?

R. Dilexisti justitiam, et odisti iniquitátem : * Proptérea unxit te Deus, Deus tuus óleo lætitiæ. *ŷ.* Propter veritátem, et mansuetúdinem, et justitiam. Proptérea unxit.

Lectio vj.

FUIT illi corpus imbecillum, et obnoxius sexus injúriæ; verúntamen ómnium horum imbecillitátem advéniens grátia occultávit. Nihil enim est, nihil plane poténtius est eo, qui magno cum stúdio Dei timórem hábeat in mente defíxum; sed quamvis ignes, quamvis ferrum, quamvis béstias, quamvis áliud quidvis minéntur hostes, ómnia nullo negótio contémnit; quod útique Beáta ista étiam fecit.

R. Fallax grátia. 116*.

COMMUNE DEDICATIONIS ECCLESIE

IN I. VESPERIS

Ant. de Laud. 131 ; Pss. ut in I. Vesp. de Comuni Apost. 2*, et loco ultimi, Psalmus 147.*

LAUDA Jerúsalem Dóminum : * láuda Deum tuum Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emittit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cínem spargit.

Mittit crystállum suam sicut buccéllas : * ante faciém frigoris ejus quis sustinébit?

Emittet verbum suum, et liquefaciet ea : * flabit spíritus ejus, et fluent aquæ.

Qui annúntiat verbum suum Jacob : * justitias, et judícia sua Israël.

Non fecit taliter omni nationi : * et iudicia sua non manifestavit eis.

Capitulum. Apoc. 21.

VIDI civitatem sanctam Jerusalem novam descendentem de cælo a Deo, paratam sicut sponsam ornatum viro suo.

Hymnus.

CÆLÉSTIS urbs Jerúsalem,
Beáta pacis visio,
Quæ celsa de viventibus
Saxis ad astra tolleris,
Sponsæque ritu cingeris
Mille Angelórum millibus.

O sorte nupta próspera,
Dotata Patris glória,
Respersa Sponsi grátia,
Regina formosissima,
Christo jugata Principi,
Cæli corúsca civitas.

Hic margaritis émicant,*
Paténtque cunctis óstia :
Virtúte namque prævia
Mortális illuc ducitur,
Amóre Christi pércitus
Torménta quisquis sústinet.

Scalpri salúbris íctibus,
Et tunsione plúrima,
Fabri polita málleo
Hanc saxa mollem cón-
struunt,

Aptisque juncta nexibus
Locántur in fastigio.

Decus Parénti débitum
Sit usquequaque Altíssimo,
Natóque Patris único,
Et ínclýto Paráclito,
Cui laus, potéstas, glória
Ætérna sit per sæcula.

Amen.

℟. Hæc est domus Dómini
firmiter ædificáta. R. Bene

fundata est supra firmam
petram.

Ad Magnif. Ant. Sanctificavit Dóminus * tabernaculum suum : quia hæc est domus Dei, in qua invocabitur nomen ejus, de quo scriptum est : Et erit nomen meum ibi, dicit Dóminus.

In ipso die Dedicationis Ecclesiæ. et per Octavam. et quando varianda est Oratio ob concursum Dedicationis alterius Ecclesiæ.

Oratio.

DEUS, qui invisibiliter ómnia cónlines, et tamen pro salute géneris humáni signa tuæ poténtiæ visibiliter osténdis : templum hoc poténtia tuæ inhabitationis illústra, et concéde ; ut omnes, qui huc deprecáturi convéniunt, ex quacúmque tribulatione ad te clamáverint, consolationis tuæ beneficia consequántur. Per Dñum.

In Anniversario Dedicationis Ecclesiæ et per Oct.

Oratio.

DEUS, qui nobis per singulos annos hujus sancti templi tui consecrationis réparas diem, et sacris semper mystériis repræsentas incólumes : exáudi preces pópuli tui, et præsta ; ut quisquis hoc templum beneficia petiturus ingréditur, cuncta se impetrasse lætétur. Per.

AD MATUTINUM

Invit. Domum Dei decet sanctitúdo : *. Sponsum ejus Christum adorémus in ea.

Ps. Venite, exsultemus. 2.

Hymnus Cælestis Urbs. ut supra.

IN I. NOCTURNO

Ant. Tóllite * portas principes vestras, et elevámini portæ æternáles.

Psalmus 23.

DÓMINI est terra, et plenitúdo ejus : * orbis terrarum, et univérsi, qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accipiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Tóllite portas prin-

cipes vestras, et elevámini portæ æternáles.

Ant. Erit mihi * Dóminus in Deum, et lapis iste vocabitur domus Dei.

Psalmus 45.

DEUS noster refúgium, et virtus : * adjútor in tribulationibus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætificat civitátem Dei : * sanctificávit tabernáculum suum Altissimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * susceptor noster Deus Jacob.

Venite, et vidéte ópera Dómini, quæ pósuit prodigia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobis-

cum : * suscep̃tor noster
Deus Jacob.

Ant. Erit mihi Dóminus
in Deum, et lapis iste vocá-
bitur domus Dei.

Ant. Ædificávit * Móyses
altáre Dómino Deo.

Psalms 17.

MAGNUS Dóminus et laudá-
bilis nimis * in civitatē
Dei nostri, in monte sancto
ejus.

Fundátur exsultatíone uni-
versæ terræ mons Sion, *
látera Aquilónis, civitas Re-
gis magni.

Deus in dómibus ejus
cognoscétur, * cum suscipiet
eam.

Quóniam ecce reges terræ
congregáti sunt : * convené-
runt in unum.

Ipsi vidéntes sic admiráti
sunt, conturbáti sunt, com-
móti sunt : * tremor apprehé-
ndit eos.

Ibi dolóres ut parturién-
tis, * in spíritu veheménti
cónteres naves Tharsis.

Sicut audívimus, sic vidi-
mus in civitatē Dómini vir-
tútum, in civitatē Dei no-
stri : * Deus fundávit eam in
ætérnum.

Suscépimus Deus miseri-
córdiam tuam, * in médio
templi tui.

Secúndum nomen tuum
Deus, sic et laus tua in fines
terræ : * justitia plena est
dextera tua.

Lætétur mons Sion, et ex-
súltent filiæ Judæ, * propter
judicia tua Dómine.

Circúmdate Sion, et com-
plectím̃ini eam : * narráte in
túrribus ejus.

Pónite corda vestra in vir-
túte ejus : * et distribúite do-
mos ejus, ut enarrétis in
progénie áltera.

Quóniam hic est Deus,
Deus noster in ætérnum, et
in sáeculum sáeculi : * ipse
reget nos in sáecula.

Ant. Ædificávit Móyses al-
táre Dómino Deo.

V. Domum tuam Dómine
deceat sanctitúdo. *R.* In lon-
gitudínem diérum.

Pater noster.

Absol. Exáudi Dómine.

V. Jube domne.

Bened. Benedictíone per-
pétua.

De libro secúndo Paralí-
pómenon.

Lectio j. Cap. 7.

CUM complésset Sálomon
fundens preces, ignis de-
scéndit de cælo, et devorá-
vit holocáusta et víctimas :
et majéstas Dómini impléṽit
domum. Nec póterant sa-
cerdótes ingredi templum
Dómini, eo quod implésset
majéstas Dómini templum
Dómini. Sed et omnes filii
Israël vidébant descendén-
tem ignem, et glóriam Dó-
mini super domum : et cor-
ruéntes proni in terram su-
per paviméntum stratum
lápide, adoravérunt, et lau-
davrunt Dóminum : Quó-
niam bonus, quóniam in sáe-
culum misericórdia ejus.
Rex áutem, et omnis pópulus

immolábant victimas coram Dómino. Mactávit igitur rex Sálomon hóstias, boum viginti duo millia, arietum centum viginti millia : et dedicávit domum Dei rex, et univérsus pópulus.

R. In dedicatióne templi decantábat pópulus láudem : * Et in ore eórum dulcis resonábat sonus. **V.** Fundáta est domus Dómini supra vérticem móntium, et vénient ad eam omnes gentes. Et.

Bened. Unigénitus Dei Fílius.

Lectio ij.

SACERDÓTES áutem stabant in officiis suis : et Levitæ in órganis cárminum Dómini, quæ fecit David rex ad laudándum Dóminum : Quóniam in ætérnum misericórdia ejus, hymnos David canéntes per manus suas : porro sacerdótes canébant tubis ante eos, cunctúsque Israël stabat. Sanctificávit quoque Sálomon médium átrii ante templum Dómini : obtúlerat enim ibi holocáusta, et ádipes pacificórum : quia altáre æneum, quod fécerat, non póterat sustinére holocáusta et sacrificia et ádipes. Fecit ergo Sálomon solemnitátem in témpore illo septem diébus, et omnis Israël cum eo, ecclésia magna valde, ab intróitu Emath usque ad Torrénstem Ægýpti. Fecitque die octávo colléctam, eo quod dedicásset altáre septem diébus, et so-

lemnitátem celebrásset diébus septem.

R. Fundáta est domus Dómini supra vérticem móntium, et exaltáta est super omnes colles : * Et vénient ad eam omnes gentes, et dicent : Glória tibi Dómine. **V.** Veniéntes áutem vénient cum exultatióne, portántes manipulos suos. Et.

Bened. Spiritus sancti grátia.

Lectio iij.

COMPLEVÍTQUE Sálomon domum Dómini, et domum regis, et ómnia quæ disposúerat in corde suo, ut fáceret in domo Dómini, et in domo sua, et prosperátus est. Appáruit áutem ei Dóminus nocte, et ait : Audívi oratióne[m] tuam, et elégi locum istum mihi in domum sacrificii. Si cláusero cælum, et plúvia non flúxerit, et mandávero et præcépero locústæ, ut dévoret terram, et misero pestiléntiam in pópulum meum : convérsus áutem pópulus meus, super quos invocátum est nomen meum, deprecátus me fúerit, et exquisierit faciém meam, et égerit pœniténtiam a viis suis péssimis : et ego exáudiam de cælo, et propítius ero peccátis eórum, et sanábo terram eórum. Oculi quoque mei erunt apérti, et áures meæ eréctæ ad oratióne[m] ejus qui in loco isto oráverit. Elégi enim, et sanctificávi locum istum, ut sit

nomen meum ibi in sempiternum, et permaneant oculi mei et cor meum ibi cunctis diebus.

R. Benedic Dómine domum istam, quam ædificávi nómini tuo : veniéntium in loco isto, * Exáudi preces in excélso sólio glóriæ tuæ. **V.** Dómine, si convérsus fúerit pópulus tuus, et oráverit ad sanctuárium tuum. Exáudi. Glória Patri. Exáudi.

IN II. NOCTURNO

Ant. Non est hic áliud, * nisi domus Dei, et porta cæli.

Psalmus 83.

QUAM dilécta tabernacula tua Dómine virtútum : * concupiscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum : * et turtur nidum sibi, ubi ponat pullos suos.

Altária tua Dómine virtútum : * rex meus, et Deus meus.

Beáti, qui hábitant in domo tua Dómine : * in sæcula sæculórum laudábunt te.

Beátus vir, cujus est auxilium abs te : * ascensiones in corde suo dispósuit, in valle lacrymárum in loco, quem pósuit.

Etenim benedictiónem dabit legislátor, ibunt de virtúte in virtútem : * vidébitur Deus deórum in Sion.

Dómine Deus virtútum,

exáudi oratióem meam : * áuribus pércipe Deus Jacob.

Protéctor noster ádspice Deus : * et réspice in faciém Christi tui :

Quia mélior est dies una in átriis tuis, * super millia.

Elégiabjéctus esse in domo Dei mei : * magis quam habitáre in tabernáculis peccatórum.

Quia misericórdiam, et veritátem diligit Deus : * grátiam et glóriam dabit Dóminus.

Non privábit bonis eos, qui ámbulant in innocéntia : * Dómine virtútum, beátus homo, qui sperat in te.

Ant. Non est hic áliud, * nisi domus Dei, et porta cæli.

Ant. Vidit Jacob scalam, * súmmitas ejus cælos tangébat, et descendéntes Angelos, et dixit : Vere locus iste sanctus est.

Psalmus 86.

FUNDAMENTA ejus in montibus sanctis : * diligit Dóminus portas Sion super ómnia tabernacula Jacob.

Gloriósá dicta sunt de te, * civitas Dei.

Memor ero Rahab, et Babilónis * sciéntium me.

Ecce alienigenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altissimus?

Dóminus narrábit in scri-

ptúris populórum, et príncipum : * horum, qui fuérunt in ea.

Sicut lætántium ómnium * habitátio est in te.

Ant. Vidit Jacob scalam, súmmitas ejus cælos tangébat, et descendéntes Angelos, et dixit : Vere locus iste sanctus est.

Ant. Eréxit Jacob * lápidem in titulum, fundens óleum désuper.

Psalms 87.

DÓMINE Deus salútis meæ : *
in die clamávi, et nocte coram te.

Intret in conspéctu tuo orátio mea : * inclína áurem tuam ad precem meam :

Quia repléta est malis ánima mea : * et vita mea in férno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxísti super me.

Longe fecísti notos meos a me : * posuérunt me abominatióne sibi.

Tráditus sum, et non egrediébar : * óculi mei languérunt præ inópia.

Clamávi ad te Dómine tota die : * expándi ad te manus meas.

Numquid mórtuis fácies mirabilia? * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónē?

Numquid cognoscéntur in ténebris mirabilia tua : * et justitia tua in terra obliuionis?

Et ego ad te Dómine clamávi : * et mane orátio mea præveniet te.

Ut quid Dómine repélis oratióne meam : * avértis faciē tuam a me?

Páuper sum ego, et in labóribus a juventúte mea : * exaltátus áutem, humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdedérunt me sicut aqua tota die : * circumdedérunt me simul.

Elongásti a me amicum, et próximum : * et notos meos a miséria.

Ant. Eréxit Jacob lápidem in titulum, fundens óleum désuper.

V. Domus mea. **R.** Domus oratiónis vocábitur.

Pater noster.

Absolutio. Ipsius pietas.

Ÿ. Jube domne.

Bened. Deus Pater omnipotens.

Sermo sancti Augustini
Episcopi.

Serm. 252. de Tempore.

Lectio iv.

QUOTIESCÚMQUE, fratres carissimi, altáris vel templi festivitátem cólimus, si fidéliter ac diligénter atténdimus, et sancte ac juste vivimus, quidquid in templis manufactis ágitur, totum in nobis spiritali ædificatióne complétur. Non enim mentitus est ille, qui dixit: Templum enim Dei sanctum est, quod estis vos; et iterum: Nescitis, quia córpora vestra templum sunt Spíritus sancti, qui in vobis est? Et ideo, fratres carissimi, quia nullis præcedéntibus méritis per grátiam Dei merúimus fieri templum Dei, quantum pòssumus cum ipsius adjutório laborémus, ne Dóminus noster in templo suo, hoc est, in nobis ipsis invéniat quod óculos suæ majestátis offéndat.

R. Orántibus in loco isto,
* Dimitte peccáta pópuli tui Deus, et osténde eis viam bonam, per quam ámbulent, et da glóriam in loco isto. **V.** Qui regis Israël inténde, qui dedúcis velut ovem Joseph, qui sedes super Chérubim. Dimitte.

Bened. Christus perpétuæ.

Lectio v.

SED habitáculum cordis nostri evacuétur vitiis, et virtútibus repleátur: claudátur diabolo, et aperiátur

Christo: et ita laborémus, ut nobis bonórum óperum clávibus jánuam regni cælestis aperire possimus. Sicut enim malis opéribus, quasi quibúsdam seris ac vécibus, vitæ nobis jánuá cláuditur: ita absque dúbio bonis opéribus aperitur. Et ideo, fratres carissimi, unusquisque consideret consciéntiam suam, et quando se áliquo crimine vulnerátum esse cognóverit, prius oratióibus, jejúniis, vel eleemósynis stúdeat mundáre consciéntiam suam; et sic Euchari-stiam præsumat accipere.

R. O quam metuéndus est locus iste: * Vere non est hic áliud, nisi domus Dei et porta cæli. **V.** Hæc est domus Dómini firmiter ædificáta, bene fundáta est supra firmam petram. Vere.

Bened. Ignem sui amóris.

Lectio vj.

SI enim agnóscens reátum suum, ipse se a divíno altári subtráxerit, cito ad indulgéntiam divínæ misericórdiæ pervéniet. Quia sicut, qui se exáltat, humiliábitur; ita e contrário, qui se humiliat, exaltábitur. Qui enim, sicut dixi, agnóscens reátum suum, ipse se humiliter ab altári Ecclesiæ pro emendatióne vitæ removére volúerit, ab ætérno illo et cælesti convívio excommunicári pénitus non timébit.

R. Mane surgens Jacob erigebat lápidem in titulum,

fundens oleum desuper, votum vovit Domino : * Vere locus iste sanctus est, et ego nesciebam. *v.* Cumque evigilasset Jacob de somno, ait. Vere. Glória Patri. Vere.

IN III. NOCTURNO

Ant. Qui habitat * in adiutorio Altissimi, in protectione Dei cæli commorabitur.

Quando hæc Ant. dicitur integra, et illi non additur in fine Alleluia, tunc incipitur Psalmus idem a secundo Versu : Dicet Domino.

Psalmus 90.

QUI habitat in adiutorio Altissimi, * in protectione Dei cæli commorabitur.

DICET Domino : Susceptor meus es tu, et refugium meum : * Deus meus sperabo in eum.

Quoniam ipse liberavit me de laqueo venantium, * et a verbo aspero.

Scapulæ suis obumbrabit tibi : * et sub pennis ejus sperabis.

Scuto circumdabit te veritas ejus : * non timebis a timore nocturno,

A sagitta volante in die, a negotio perambulante in tenebris : * ab incursu, et dæmonio meridiano.

Cadent a latere tuo mille, et decem millia a dextris tuis : * ad te autem non appropinquabit.

Verumtamen oculis tuis

considerabis : * et retributionem peccatorum videbis.

Quoniam tu es Domine spes mea : * Altissimum posuisti refugium tuum.

Non accedet ad te malum : * et flagellum non appropinquabit tabernaculo tuo :

Quoniam Angelis suis mandavit de te : * ut custodiant te in omnibus viis tuis.

In manibus portabunt te : * ne forte offendas ad lapidem pedem tuum.

Super aspidem, et basiliscum ambulabis : * et conculcabis leonem et draconem.

Quoniam in me speravit, liberabo eum : * protegam eum, quoniam cognovit nomen meum.

Clamabit ad me, et ego exaudiam eum : * cum ipso sum in tribulatione : eripiam eum et glorificabo eum.

Longitudine dierum replebo eum : * et ostendam illi salutarem meum.

Ant. Qui habitat in adiutorio Altissimi, in protectione Dei cæli commorabitur.

Ant. Templum Domini * sanctum est, Dei structura est, Dei ædificatio est.

Psalmus 95.

CANTATE Domino canticum novum : * cantate Domino omnis terra.

Cantate Domino, et benedicite nomini ejus : * annuntiate de die in diem salutarem ejus.

Annuntiáte inter gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis: * terribilis est super omnes deos.

Quóniam omnes dii géntium dæmónia: * Dóminus autem cælos fecit.

Conféssio, et pulchritúdo in conspéctu ejus: * sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commovéatur a fácie ejus univérsa terra: * dicite in géntibus quia Dóminus regnávít.

Etenim corréxit orbem terræ qui non commovébítur: * judicábit pópulos in æquitáte.

Læténtur cæli, et exsúltet terra, commovéatur mare, et plenitúdo ejus: * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Templum Dómini sanctum est, Dei structúra est, Dei ædificatio est.

Ant. Benedicta * glória

Dómini de loco sancto suo, allelúia.

Psalmus 98.

DÓMINUS regnávít, irascántur pópuli: * qui sedet super Chérubim, moveátur terra.

Dóminus in Sion magnus: * et excélsus super omnes pópulos.

Confiteántur nómini tuo magno: quóniam terribile, et sanctum est: * et honor regis judicium diligit.

Tu parásti directiões: * judicium et justitiam in Jacob tu fecisti.

Exaltáte Dóminum Deum nostrum, et adoráte scabélum pedum ejus: * quóniam sanctum est.

Móyses et Aaron in sacerdotibus ejus: * et Sámuel inter eos, qui invocant nomen ejus:

Invocabant Dóminum, et ipse exaudiébat eos: * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine Deus noster tu exaudiébas eos: * Deus tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus: * quóniam sanctus Dóminus Deus noster.

Ant. Benedicta glória Dómini de loco sancto suo, allelúia.

Ÿ. Hæc est domus Dómini firmiter ædificáta. R. Bene fundáta est supra firmam petram.

Pater noster.

Absolutio. A vinctulis.

Ÿ. Jube domne.

Bened. Evangélica léctio.

Léctio sancti Evangélii secundum Lucam.

Lectio vij. Cap. 19.

In illo tēpore : Ingréssus Iesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et reliqua.

Homilia sancti Ambrósii
Episcopi.

Lib. 8. in Luc., prope finem.

ZACHÆUS statúra pusillus, hoc est, nulla nobilitátis ingénitæ dignitatē sublimis, exiguus méritis sicut pópulus natiónum, audito Dómini Salvatóris advéntu, quem sui non recéperant, vidére cupiébat. Sed nemo fácte Jesum videt : nemo potest Jesum vidére constitútus in terra. Et quia non prophétas, non legem habébat, tamquam formæ grátiam naturalis, ascéndit in sycómorum, vanitatem scilicet Judæórum vestigio suo próterens, erráta quoque córrigens superiórís ætátis : et ideo Jesum in interiórís domus recépít hospítio.

R. Domus mea, domus oratiónis vocábitur, dicit Dóminus : in ea omnis qui petit, áccipit; et qui quærit,

invenit : * Et pulsánti aperié-tur. Ÿ. Pétite, et accipiétis : quærite, et inveniétis. Et.

Bened. Divinum auxilium.

Lectio viij.

Et bene ascéndit in árbo-rem, ut arbor bona bonos fructus fáceret : ac naturalí excisus oleástro, et contra natúram insértus in bonam olivam, fructum posset legis afférre. Radix enim sancta, etsi rami inútiles : quorum infructuósam glóriam plebs géntium fide resurrectionis, quasi quadam córporis elevatióne transcéndit. Zachæus ergo in sycómoro, cæcus in via : quorum álterum Dóminus miseratúrus expéctat, álterum mansiónis suæ claritatē nobilitat : álterum sanatúrus intérrogat, apud álterum se non invitátus invitát. Sciébat enim úberem hospitii sui esse mercédem. Sed tamen, etsi nondum vocem invitántis audierat, jam viderat af-féctum.

R. Lápides pretiósí omnes muri tui : * Et turres Jerúsalem gemmis ædificabúntur.

Ÿ. Portæ Jerúsalem ex sapphíro et smarágdo ædificabúntur, et ex lápide pretiósio omnis circúitus muri ejus. Et. Glória Patri. Et.

Bened. Ad societátem.

Lectio ix.

VERUM ne cæcum illum tamquam fastidiósí páuperum cito reliquisse videá-mur, et transisse ad divi-

tem, exspectemus eum, quia expectavit et Dominus : interrogemus eum, quia interrogavit et Christus. Nos interrogemus, quia nescimus : ille quia noverat. Nos interrogemus, ut sciamus unde iste curatus sit : ille interrogavit, ut in uno plures disceremus, unde Dominum videre mereamur. Interrogavit enim, ut crederemus neminem nisi confitentem posse salvari.

Te Deum laudamus. 16.

AD LAUDES

ET PER HORAS

Ant. 1. Domum tuam Domine * decet sanctitudo in longitudinem dierum.

Ps. Dominus regnavit. **cum reliq.** 16.

2. Domus mea * domus orationis vocabitur.

3. Hæc est domus Domini * firmiter ædificata, bene fundata est supra firmam petram.

4. Bene fundata est * domus Domini supra firmam petram.

5. Lápides pretiosi * omnes muri tui, et turres Jerúsalem gemmis ædificabuntur.

Capitulum. Apoc. 21.

VIDI civitatem sanctam Jerúsalem novam descendentem de cælo a Deo, paratam sicut sponsam ornata viro suo.

Hymnus.

ALTO ex Olýmpi vértice
Summi Paréntis Filius,
Ceum monte deséctus lapis

Terras in imas decedens,
Domus supérnæ, et infimæ,
Utrúmque junxit ángulum.

Sed illa sedes cælitum
Semper resultat laudibus,
Deúmque Trinum et Unicum
Jugi canóre prædicat :
Illi canéntes júngimur
Almæ Siónis æmuli.

Hæc templa, Rex cælestium,

Imple benigno lumine :
Huc o rogatus adveni,
Plebisque vota suscipe,
Et nostra corda júgiter
Perfunde cæli grátia.

Hic impetrent fidélium
Voces precésque supplicum
Domus beátæ múnera,
Partisque donis gaudeant :
Donec solúti corpore
Sedes beátas impleant.

Decus Parénti débitum
Sit usquequaque Altissimo,
Natóque Patris único,
Et inclyto Paráclito,
Cui laus, potéstas, glória
Ætérna sit persæcula. Amen.

V. Hæc est domus Domini
firmiter ædificata. **R.** Bene
fundata est supra firmam petram.

Ad Bened. Ant. Zachæe *
festinans descende, quia hodie
in domo tua opórtet me
manere : at ille festinans
descendit, et suscepit illum
gaudens in domum suam.
Hódie huic dómui salus a
Deo facta est, allelúia.

In ipso die Dedic. Eccl. et
per Oct., et quando varianda
est Orat. ob concursum De-
dicat. alterius Ecclesiæ.

Oratio.

DEUS, qui invisibiliter ómnia cónlines, et tamen pro salutē gēneris humani signa tuæ potētiæ visibiliter ostēdis : templum hoc potētia tuæ inhabitatiónis illústra, et concede ; ut omnes, qui huc deprecáturi convēniunt, ex quacúmque tribulatióne ad te clamáverint, consolatiónis tuæ beneficia consequántur. Per Dóminum nostrum.

In Anniversario Dedicationis Ecclesiæ, et per Octavam.

Oratio.

DEUS, qui nobis per singulos annos hujus sancti templi tui consecratiónis réparas diem, et sacris semper mystériis repræsentas incólumes : exáudi preces pópuli tui, et præsta ; ut quisquis hoc templum beneficia petíturus ingréditur, cuncta se impetrásse lætétur. Per.

AD TERTIAM

Ant. Domus mea.

Capit. Vidi civitatem. 131*.

R. br. Domum tuam Dómine * Decet sanctitúdo. Domum. **V.** In longitúdinem diérum. Decet. Glória. Domum.

V. Locus iste sanctus est, in quo orat sacerdos. **R.** Pro delictis et peccátis pópuli.

AD SEXTAM

Ant. Hæc est domus Dómini.

Capitulum. Apoc. 21.

ET audiavi vocem magnam de throno dicentem :

Ecce tabernáculum Dei cum homínibus, et habitábit cum eis. Et ipsi pópulus ejus erunt, et ipse Deus cum eis erit eórum Deus.

R. br. Locus iste sanctus est, * In quo orat sacerdos. Locus. **V.** Pro delictis et peccátis pópuli. In. Glória Patri. Locus.

V. Hæc est domus Dómini firmiter ædificáta. **R.** Bene fundáta est supra firmam petram.

AD NONAM

Ant. Lápides pretiósí.

Capitulum. Apoc. 21. b

ET abstérget Deus omnem lácrymam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce nova fácio ómnia.

R. br. Hæc est domus Dómini * Firmiter ædificáta. Hæc. **V.** Bene fundáta est supra firmam petram. Firmiter. Glória Patri. Hæc.

V. Bene fundáta est domus Dómini. **R.** Supra firmam petram.

IN II. VESPERIS

Ant., Psalmi, Capitulum et Hymnus ut in I. Vesperis. 120*.

V. Domum tuam Dómine decet sanctitúdo. **R.** In longitúdinem diérum.

Ad Magnif. Ant. O quam metuéndus est * locus iste : vere non est hic áliud, nisi domus Dei, et porta cæli.

SECUNDA DIE INFRA OCT.

IN I. NOCTURNO

Lect. de Script. occur.

IN II. NOCTURNO

Ex Tractátu sancti Augustini
Episcopi super Psalmos.*In Ps. 121., paulo post init.**Lectio iv.*

JERÚSALEM, quæ ædificátur
ut civitas. Fratres, quando
dicébat ista David, perfécta
erat illa civitas, non ædifi-
cabátur. Nescio quam ergo
civitátem dicit, quæ modo
ædificátur, ad quam currunt
in fide lápides vivi; de qui-
bus dicit Petrus : Et vos
tamquam lápides vivi co-
ædificámini in domum spi-
ritálem, id est, templum Dei
sanctum. Quid est, Lápides
vivi coædificámini? Vivis,
si credis : si áutem credis,
efficiéris templum Dei; quia
dicit Apóstolus Páulus : Tem-
plum enim Dei sanctum est,
quod estis vos.

℟. Orántibus in loco. 127.**Lectio v.*

IPSA ergo modo civitas ædi-
ficátur. Præcidúntur de
móntibus lápides per ma-
nus prædicántium veritátem,
conquadrántur, ut intrent
in structúram sempitérnam.
Adhuc multi lápides in má-
nibus artificis sunt : non ca-
dant de mánibus artificis, ut
possint perfécti coædificári
in structúram templi. Est
ergo ista Jerúsalem, quæ
ædificátur ut civitas : funda-
méntum ipsíus Christus est.

Dicit Apóstolus Páulus : Fun-
daméntum áliud nemo po-
test pónere præter id, quod
pósitum est, quod est Chri-
stus Jesus.

℟. O quam. 127.**Lectio vj.*

FUNDAMÉNTUM quando pó-
nitur in terra, désuper
ædificántur parietes, et pon-
dus parietum ad ima tendit,
quia in imo pósitum est fun-
daméntum. Si áutem fun-
daméntum nostrum in cælo
est, ad cælum ædificémur.
Córpora ædificavérunt istam
structúram, quam vidétis
amplam surrexisse hujus ba-
silicæ : et quia córpora ædi-
ficavérunt, fundaméntum in
imo posuérunt. Quia vero spi-
ritáliter ædificámur, funda-
méntum nostrum in summo
pósitum est. Illuc ergo currá-
mus, ibi ædificémur, quia de
ipsa Jerúsalem dictum est :
Stantes erant pedes nostri in
átriis tuis Jerúsalem.

℟. Mane surgens. 127.*

IN III. NOCTURNO

Lectio sancti Evangélii se-
cúndum Lucam.*Lectio vij. Cap. 19.*

IN illo témpore : ingrèssus
Jesus perambulábat Jéri-
cho. Et ecce vir nómine Za-
cháeus : et hic princeps erat
publicanórum, et ipse dives.
Et réliqua.

De Homilia sancti Ambrósii
Episcopi.*Ex lib. 8. in Luc., in fine.*

ET conféstim, inquit, vidit,
et sequebátur illum, ma-

gnificans Dóminum. Aliter enim non vidéret, nisi sequerétur Christum, nisi Dóminum prædicáret, nisi sæculum præteríret. Cum divitibus quoque in grátiam revertámur. Nólumus enim offéndere divites, qui vólumus, si fieri potest, sanáre omnes : ne in caméli comparatióne præstricti, et in Zachæo citius quam opóruit, derelicti, justæ hábeant commotiónis offénsam.

℞. Domus mea. 130*.

Lectio viij.

DISCANT divites non in facultátibus crimen hærere, sed in iis, qui uti nesciant facultátibus. Nam divitiæ ut impediménta improbis, ita bonis sunt adjuménta virtútis. Dives certe Zachæus, et eléctus a Christo : sed dimidium bonórum suórum pauperibus largiéndò, reddéndò étiam in quádruplum, quæ fráude sustúlerat, (áalterum enim non sat est, nec habet grátiam liberálitas, si injúria perseverat, quia non spólia, sed dona quærúntur) uberiórem mercédem quam conferébat, accépit.

℞. Lápides pretiósí. 130*.

Lectio ix.

Et bene princeps indúctur publicanórum. Quis jam de se despéret, quando et iste, cui census ex fráude, ad salútem pervénit? Et ipse, inquit, dives. Ut scias non omnes divites, aváros. Quia statúra pusillus erat. Quid

sibi vult, quod nullius altérius statúram Scriptúra, nisi hujus expréssit? Vide ne forte malitia pusillus, aut adhuc pusillus fide. Nondum enim réddere promiserat : nondum viderat Christum : mérito adhuc pusillus. Joánnes áutem magnus, quia et Christum vidit, et Spíritum sicut colúmbam super Christum manéntem, sicut ipse ait : Vidi Spíritum descendéntem sicut colúmbam, et manéntem super eum.

Te Deum laudámus. 16.

TERTIA DIE INFRA OCT.

IN I. NOCTURNO

Lect. de Script. occur.

IN II. NOCTURNO

Sermo sancti Augustíni Episcopi.

Serm. 256. de Tempore.

Lectio iv.

CELÉBRITAS hujus congregatiónis, dedicatio est domus oratiónis. Domus ergo nostrárum oratiónum ista, domus áutem Dei nos ipsi. Si domus Dei nos ipsi, nos in hoc sæculo ædificámur, ut in fine sæculi dedicémur. Ædificium, imo ædificatio habet labórem; dedicatio exsultatiónem. Quod hic fiebat, quando ista surgébant, hoc fit modo, cum congregántur credéntes in Christum. Credéndò enim, quasi de silvis et móntibus ligna et lápides præcidúntur : cum

vero catechizántur, baptizántur, formántur, tamquam inter manus fabrórur et opificum dolántur, collineántur, complanántur. Verúm tamen domum Dómini non faciunt, nisi quando caritáte compaginántur.

℞. Orántibus. 127*.

Lectio v.

LIGNA ista et lápides si non sibi certo órdine cohærérent, si non se pacífice innécterent, si non se invicem, cohæréndo sibi, quodámmodo amárent, nemo huc intráret. Dénique quando vides in áliqua fábrica lápides et ligna bene sibi cohærére, secúrus intras, ruínam non times. Volens ergo Dóminus Christus intráre, et in nobis habitáre, tamquam ædificándo dicebat : Mandátum novum do vobis : Ut vos invicem diligátis. Mandátum, inquit, novum do vobis. Véteres enim erátis, domum mihi nondum faciebátis, in vestra ruína jacebátis. Ergo ut eruámini a vestræ ruínæ vetustáte, vos invicem amáte.

℞. O quam. 127*.

Lectio vj.

CONSIDERET ergo caritas vestra, ædificári adhuc istam domum toto, sicut prædictum est et promissum, orbe terrárum. Cum enim ædificátur domus post captivitátem, sicut habet álius Psalmus, dicitur : Cantáte Dómino cánticum novum :

cantáte Dómino omnis terra. Quod ibi dixit, Cánticum novum; hoc Dóminus dixit, Mandátum novum. Quid enim habet cánticum novum, nisi amórem novum? Cantáre amántis est. Vox hujus cantóris, fervor est sancti amóris. Amémus, gratis amémus : Dóminum enim amámus, quo nihil mélius invenimus : ipsum amémus propter ipsum, et nos in ipso, tamen propter ipsum.

℞. Mane surgens. 127*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 19.

IN illo témpore : Ingréssus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

De Homilia sancti Ambrósii Episcopi.

Ex lib. 8. in Luc., prope finem.

QUÆ áutem turba, nisi imperitæ confúsio multitudinis, quæ vérticem nequit vidére sapiéntiæ? Ergo Zachæus quámdiu in turba est, non videt Christum : supra turbam ascéndit, et vidit: hoc est, plebis jam transgressus inscitiam, mérui quem desiderábat, adspicere. Pulchre áutem áddidit : Quia illa parte erat transitúrus Dóminus : vel ubi sycómorus, vel ubi creditúrus : ut te

mystérium serváret, et grátiam semináret. Sic enim vénerat, ut per Judæos transíret ad Gentes.

℞. Domus mea domus oratiónis. 130*.

Lectio viij.

VIDIT itaque Zachæum sursum. Jam enim sublimitate fidei inter fructus novórum óperum, velut fecúndæ altitúdine árboris eminébat. Et quóniam de typo ad morália defléximus, inter tot credéntium voluptates Dóminica die relaxáre ánimum, festivitátem admiscére deléctat. Zachæus in sycómoro, novum videlicet novi témporis pomum, ut in hoc quoque complerétur illud : Arbor fici prodúxit grossos suos.

℞. Lápidés pretiósí. 130*.

Lectio ix.

AD hoc enim Christus advénit, ut ex lignis non poma, sed hómines nasceréntur. Légimus álibi : Cum esses sub árbore fici, vidi te. Ergo Nathánaël sub árbore, hoc est, supradicem, quia justus. Radix enim sancta. Sub árbore tamen Nathánaël, quia sub lege : Zachæus supra árborem, quia supra legem. Ille Dómini occúltus defénsor, hic públicus prædicátor. Ille adhuc Christum ex lege quærébat : iste jam supra legem relinquébat sua, et Dóminum sequebátur.

Te Deum laudámus. 16.

QUARTA DIE INFRA OCT.

IN I. NOCTURNO

Lect. de Script. occur.

IN II. NOCTURNO

De Sermóne sancti Augustini
Episcopi.

*Ex Serm. 256. de Tempore,
paulo post supra.*

Lectio iv.

ATTÉNDITE in psalmo dedicationis, quem modo cantávimus, ex ruina ædificiórum. Conscidisti saccum meum : hoc pértinet ad ruinam. Quid ergo ad ædificium? Et accinxisti me lætítia. Vox dedicatiónis : Ut cantet tibi glória mea, et non compúngar. Quis est, qui lóquitur? In verbis ejus agnóscite. Si expóno, obscurum est. Ergo verba ejus dicam, continuo agnoscétis loquéntem, ut amétis alloquéntem. Quis est, qui dicere pótuit : Eruisti Dómine ab inferis ánimam meam?

℞. Orántibus. 127*.

Lectio v.

CUJUS ánimá jam ab inferis éruta est, nisi de qua dictum est álio loco : Non derelinques ánimam meam in inférno? Propónitur dedicatio, et cantátur liberatio, canticum dedicatiónis domus, et dicitur : Exaltábo te Dómine, quóniam suscepisti me : et non jucundásti inimicos meos super me. Atténdite Judæos inimicos, qui se putábant occidisse Christum, vicisse tamquam ini-

micum, perdidisse quasi hominem cæterissimilem, atque mortalem. *R.* O quam. 127*.

Lectio vj.

RESURREXIT tertia die, et ejus vox est: Exaltabo te Domine, quoniam suscepisti me. Attendite Apostolum dicentem: Propter quod eum exaltavit. Et non jucundasti inimicos meos super me. Ipsi quidem in Christi morte jucundabantur, sed in ejus resurrectione, ascensione, prædicatione aliqui compungebantur. In ejus ergo prædicatione, et per Apostolorum constantiæ diffamationem aliqui compungebantur, et convertebantur: aliqui obdurabantur, et confundebantur, nulli tamen jucundabantur.

R. Mane surgens. 127*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

IN illo tempore: Ingressus Jesus perambulabat Jericho. Et ecce vir nomine Zachæus: et hic princeps erat publicanorum, et ipse dives. Et reliqua.

Homilia sancti Gregorii
Papæ.

Lib. 27. *Moralium*, cap. 27.,
post medium.

SI veraciter sapientes esse, atque ipsam sapientiam contemplari appetimus, stultos nos humiliter cognoscamus. Relinquamus noxiam sapientiam, discamus lau-

dabilem fatuitatem. Hinc quippe scriptum est: Stulta mundi elegit Deus, ut confundat sapientes. Hinc rursum dicitur: Si quis videtur inter vos sapiens esse in hoc sæculo, stultus fiat, ut sit sapiens. Hinc evangelicæ historiæ verba testantur: quia Zachæus cum videre præturba nihil posset, sycomorî arborem ascendit, ut transeuntem Dominum cerneret. Sycómorus quippe ficus fætua dicitur.

R. Domus mea. 130*.

Lectio viij.

PUSILLUS itaque Zachæus sycómorum subiit, et Dominum vidit: quia qui mundi stultitiam humiliter eligunt, ipsi Dei sapientiam subtiliter contemplantur. Pusillitatem namque nostram ad videndum Dominum turba præpedit: quia infirmitatem humanæ mentis, ne lucem veritatis intendant, curarum sæcularium tumultus premit. Sed prudenter sycómorum ascendimus, si provide eam, quæ divinitus præcipitur, stultitiam mente tenemus. Quid enim in hoc mundo stultius quam amissa non querere, possessa rapientibus relaxare, nullam pro acceptis injuriis injuriam reddere, imo adjunctis aliis patientiam præbere?

R. Lápides pretiosi. 130*.

Lectio ix.

QUASI enim sycómorum nos ascendere Dominus

præcipit, cum dicit : Qui aufert quæ tua sunt, ne repetas. Et rursum : Si quis te percusserit in dexteram maxillam, præbe illi et alteram. Per sycómorum Dóminus tránsiens cérnitur : quia per hanc sapiéntem stultitiam, etsi necdum, ut est, sólide, jam tamen per contemplatiónis lumen Dei sapiéntia quasi in tránsitu vidétur, quam vidére néqueunt qui sibi sapiéntes esse vidéntur : quia ad conspiciéndum Dóminum, in eláta cogitatiónum suárum turba deprehénsi, adhuc sycómori árbores non inveniérunt.

Te Deum laudámus. 16.

QUINTA DIE INFRA OCT.

IN I. NOCTURNO

Lect. de Script. occur.

IN II. NOCTURNO

De Sermóne sancti Augustini
Episcopi.

Ex Serm. 256. de Tempore.

Lectio iv.

MODO, quando impléntur Ecclesiæ, putámus jucundári Judæos? Ecclesiæ ædificántur, dedicántur, impléntur : quómodo illi jucundántur? Non solum non jucundántur, sed étiam confundúntur, et implétur vox exsultántis : Exaltábo te Dómine, quóniam suscepisti me, et non jucundásti inimicos meos super me. Non jucundásti super me : si mihi credant, jucundábis in me. Ne multa dicámus, ad illa,

quæ cantávimus, aliquándo veniámus. Quómodo dicit Christus : Conscidisti saccum meum, et accinxisti me lætitia? Saccus ejus erat similitúdo carnis peccáti.

R. Orántibus. 127.*

Lectio v.

NON tibi viléscat, quod ait, Saccum meum : ibi erat inclúsum prétium tuum. Conscidisti saccum meum. Evásimus ad saccum istum. Conscidisti saccum meum. In passióne conscissus est. Quómodo ergo Deo Patri dicitur : Conscidisti saccum meum? Quómodo Patri dicátur, vis audire : Conscidisti saccum meum? Quia próprio Filio non pepércit, sed pro nobis ómnibus trádidit illum. Fecit enim per Judæos nesciéntes, unde redimeréntur sciéntes, et confunderéntur negántes. Nesciunt enim quid boni nobis operáti sunt malo suo. Suspénsus est saccus, et quasi lætátus est impius. Conscidit saccum láncea persecútor, et fudit prétium nostrum Redémptor.

R. O quam. 127.*

Lectio vj.

CANTET Christus Redémptor, gemat Judas vënditor, erubéscat Judæus emptor. Ecce Judas vëndidit, Judæus emit, malum négotium egérunt, ambo damnáti sunt, seipsos perdidérunt vënditor et emptor. Dicat ergo caput nostrum, dicat

pro corpore occiso, pro corpore dedicato. Dicat, audiamus : Conscidisti saccum meum, et accinxisti me lætitia : id est, conscidisti mortalitatem meam, et accinxisti me immortalitate et incorruptione. Ut cantet tibi gloria mea, et non compungar. Quid est, Non compungar? Jam contra me non ferat lanceam persecutor, Ut non compungar. Christus enim surgens a mortuis, jam non moritur, et mors illi ultra non dominabitur.

℞. Mane surgens. 127*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

IN illo tempore : Ingressus Iesus perambulabat Jérico. Et ecce vir nomine Zachæus : et hic princeps erat publicanorum, et ipse dives. Et reliqua.

Homilia venerabilis Bedæ Presbyteri.

Lib. 5. Cap. 77. in Luc. 19.

QUÆ impossibilia sunt apud homines, possibilia sunt apud Deum. Ecce enim camelus, depòsita gibbi sarcina, per foramen acus transit, hoc est, dives et publicanus, relicto onere divitiarum, contempto censu fraudum, angustam portam, arctamque viam, quæ ad vitam ducit, ascendit. Qui mira devotione fidei ad videndum Salvatorem, quod natura minus habuerat, ascensu sup-

plet arboris : atque ideo juste, quamvis ipse rogare non audeat, benedictionem Dominicæ susceptionis, quam desiderabat, accepit.

℞. Domus mea. 130*.

Lectio viij.

MYSTICE autem Zachæus, qui interpretatur justificatus, credentem ex gentibus populum significat. Qui quanto curis sæcularibus occupatior, tanto flagitiis deprimentibus erat factus humilior. Sed ablutus est, sed sanctificatus, sed justificatus in nomine Domini nostri Jesu Christi, et in spiritu Dei nostri. Qui intrantem Jérico Salvatorem videre quærebat, sed præ turba non poterat : quia gratiæ fidei, quam mundo Salvator attulit, participare cupiebat : sed inolita vitiarum consuetudo, ne ad votum perveniret, obstiterat.

℞. Lápides pretiosi. 130*.

Lectio ix.

EADEM namque turba noxiæ consuetudinis, quæ supra cæcum clamantem, ne lumen peteret, increpabat etiam; suspicientem publicanum, ne Jesum videat, tardat. Sed sicut cæcus turbarum voces magis ac magis clamando devicit: ita pusillus necesse est turbæ nocentis obstaculum altiora petendo transcendat, terræna relinquat, arborem crucis ascendat. Sycómorus namque (quæ est arbor foliis moro similis,

sed altitúdine præstans, unde et a Latinis celsa nuncupátur) ficus fátua dicitur. Et eadem Dominica crux, quæ credéntes alit ut ficus, ab incredúlis irridétur ut fátua.

Te Deum laudámus. 16.

SEXTA DIE INFRA OCT.

IN I. NOCTURNO

Lect. de Script. occur.

IN II. NOCTURNO

De Sermóne sancti Augustini
Episcopi.

*Ex Serm. 256. de Tempore,
paulo post supra.*

Lectio iv.

ERGO, dum novam constructionem sanctæ hujus ecclesiæ libenter attendimus, quam divíno nómini hódie dedicámus, invenimus a nobis debéri et Deo nostro máximam láudem, et sanctitáti vestræ congruum de divinæ domus ædificatione sermonem. Tunc autem sermo noster congruus erit, si in se áliquid ædificationis hábeat, quod utilitáti animárum vestrarum, Deo vos intérius ædificánte, proficiat. Quod hic factum corporáliter vidémus in parietibus, spiritaliter fiat in mentibus : et quod hic perfectum cernimus in lapidibus et lignis, hoc ædificánte grátia Dei, perficiátur in corpóribus vestris.

R. Orántibus. 127.*

Lectio v.

PRINCIPÁLITER ergo grátias agámus Dómino Deo no-

stro, a quo est omne datum óptimum, et omne donum perfectum; et ejus bonitatem tota cordis alacritáte laudémus, quóniam ad construendam istam domum orationis, fidélium suorum visitávit ánimum, excitávit affectum, surrogávit auxilium, inspirávit necdum voléntibus ut vellent, adjúvit bonæ voluntátis conátus ut fácerent : ac per hoc Deus, qui operátur in suis et velle et perficere pro bona voluntáte, hæc ómnia ipse cœpit, ipse perfecit.

R. O quam. 127.*

Lectio vj.

ET quia ópera bona in conspectu suo numquam esse permittit inánia, fidélibus suis, quibus operántibus præbuit virtútis suæ favorem, tribuet condignam pro tanta operatione mercédem. Adhuc ámplius agendæ sunt grátia Deo nostro. Hanc enim ecclesiám, quam fecit nómini suo construi, fecit étiam sanctórum Mártyrum reliquiis ámplius honorári.

R. Mane surgens. 127.*

IN III. NOCTURNO

Lectio sancti Evangélii secundum Lucam.

Lectio vij. Cap. 19.

IN illo témpore : Ingressus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et reliqua.

De Homilia venerabilis Bedae Presbyteri.

Lib. 5. Cap. 77. in Luc. 19.

ET cum venisset ad locum, suspiciens Jesus vidit illum. Perambulans Jéricho Salvátor, venit ad locum, ubi praecurrrens Zachaeus sycómorum conscenderat : quia missis per mundum sui verbi praeconibus, in quibus ipse nimirum et loquebatur et ibat, venit ad populum nationum, qui passionis ejus fide jam sublimis exsistens, etiam divinitatis ejus ardēbat agnita facie beari. Suspiciens vidit illum, quia per gratiam fidei a terrēnis cupiditatibus elevatum, turbisque infidelibus praeminentem elegit. Videre enim Dei, eligere vel amare est. Unde est illud : Oculi Domini super justos. Nam et nos quae amamus, videre; ab his, quae exsecramur, intuitum festinamus avertere. *R.* Domus. 130*.

Lectio viij.

VIDIT ergo Jesus videntem se, quia elegit eligentem se, et amavit amantem. Hunc sane ordinem proficiendi, hoc est, per fidem Dominicæ Incarnationis ad cognitionem divinitatis perveniendi, quasi per sycómorum Jesu faciem speculandi Doctor egregius ostendit, cum ait : Non enim judicavi scire me aliquid inter vos, nisi Christum Jesum, et hunc crucifixum. Itemque aliis exprobrans : Facti estis, in-

quit, quibus lacte opus sit, non sólido cibo. Lac infirma temporariae dispensationis, sólido cibum ardua perpetuae majestatis appellans.

R. Lápides pretiosi. 130*.

Lectio ix.

ET dixit ad eum : Zachae, festinans descende, quia hodie in domo tua oportet me manere. Et festinans descendit, et excepit illum gaudens. Manebat aliquando Dominus in domo principis pharisaeorum, hoc est, in Judaeorum synagoga docebat : sed quia non baptizatum ante prandium, sabbato curantem, publicanos et peccatores recipientem, contra avaritiam disputantem, et caetera digna Deo gerentem, lingua venenata carpēbant : pertaesus eorum facinora, discessit et aufugit, dicens : Relinquetur vobis domus vestra deserta. Hodie autem in domo pusilli Zachaei oportet illum manere : hoc est, novae lucis gratia coruscante, in humili credentium nationum corde quiescere.

Te Deum laudamus. 16.

SEPTIMA DIE INFRA OCT.

IN I. NOCTURNO

Lect. de Script. occur.

IN II. NOCTURNO

Sermo sancti Joannis

Chrysostomi.

Ex Hom. 33. in c. 9. Matth.

Lectio iv.

COMMUNIS omnium domus est Ecclesia, in quam, vo-

bis prius ingressis, nos intramus, discipulorum formam retinentes : ideoque communiter omnibus statim atque ingressi fuimus, ut illis datam legem sequamur, pacem offerimus. Nemo igitur socordia torpeat : nemo sæcularibus rebus suspensum animum habeat, cum jam ad prædicandum sacerdotes intraverint. Non enim parva huic rei imminet pœna. Equidem millies potius malim in domum alicujus vestrum ingressus destitui, quam hic prædicans non audiri. Hoc mihi molestius esset, quam illud, quandoquidem magis propria hæc est, quam illa.

℞. Orantibus. 127*.

Lectio v.

NAM hic magnæ illæ nostræ opes positæ sunt, hic spes nostra omnis. Quid enim hoc loco non magnum est et admirandum? Nam hæc mensa longe pretiosior est atque jucundior : et lucerna hæc, quam illa, ut norunt qui cum fide oleo peruncti, a morbis liberati sunt. Arca etiam hæc multo melior, magisque necessaria. Non enim vestes, sed misericordiam inclusam continet : quamvis pauci sint, qui eam possideant. Hic et lectulus est valde illo præstantior : divinarum enim Scripturarum requies quovis lecto suavior est.

℞. O quam metuendus. 127*.

Lectio vj.

ET quidem si concordia perfecte servaretur a nobis, nullam aliam domum præter hanc haberemus. Hoc autem quod dixi, non esse durum, testantur illa tria millia, et quinque millia hominum, quibus et domus una, et mensa una, et anima una erat. Multitudinis enim credentium, inquit, unum erat cor, et anima una. Sed quia longe ab illorum virtute absumus, et per domos disjuncti sumus, saltem quando huc convenimus, id omni studio faciamus. Nam etsi in aliis rebus pauperes, et inopes sumus, hoc loco saltem, cum huc ad vos intramus, cum caritate nos suscipite : cumque, Pax vobis, dico : Et cum spiritu tuo, non voce solum, sed animo quoque respondete.

℞. Mane surgens. 127*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

IN illo tempore : Ingressus Jesus perambulabat Jericho. Et ecce vir nomine Zachæus : et hic princeps erat publicanorum, et ipse dives. Et reliqua.

De Homilia venerabilis Bedæ Presbyteri.

Paulo post prædicta.

ET cum viderent omnes, murmurabant, dicentes, quod ad hominem peccatorem divertisset. Manifestum

est, Judæos semper gēntium odisse salutem. Scriptum est enim : Sequēti vero sabbato pene univēsa civitas convēnit audire verbum Dei. Vidētes autem turbas Judæi, replēti sunt zelo, et contradicēbant iis, quæ a Paulo dicebantur. Et alibi, fidēles etiā fratres adversus Apostolorum principem disceptābant, dicētes : Quare introisti ad viros præputium habēntes, et manducasti cum illis?

℞. Domus mea. 130*.

Lectio viij.

STANS autem Zachæus, dixit ad Dōminum : Ecce dimidium bonōrum meōrum Dōmine do paup̄eribus : et si quid aliquem defraudavi, reddo quādruplum. Aliis calumniāntibus hōinem peccatōrem, ipse Zachæus stans, id est, in ea quam cōperat fidei veritatē persistens, non solum se ex peccatōre conversum, sed etiā inter perfectos probat esse conversatum. Dicēte enim Dōmino : Si vis perfectus esse, vade, vende omnia quæ habes, et da paup̄eribus : quisquis ante conversiōnem innocēter vixit, omnia conversus potest dare paup̄eribus.

℞. Lápides pretiōsi. 130*.

Lectio ix.

AT qui aliqua fraude sustulit, primo hæc juxta legem reddere, deinde quod sibi remanserit, debet dare paup̄eribus. Ac sic et ipse,

quia sibi nil retinet, omnia sua dispēgit, dat paup̄eribus, justitia ejus manet in sæculum sæculi. Et hæc est sapiens illa stultitia, quam desycōmoropublicānus quasi fructum vitæ légerat : rapta videlicet reddere, propria relinquere, visibilia contēmnere, pro invisibilibus etiā mori desiderāre, se ipsum abnegāre, et ejus, qui necdum videātur, Dōmini vestigia sequi concupiscere.

Te Deum laudāmus. 16.

IN OCTAVA

DEDICATIONIS ECCLESIE

Duplex.

Omnia ut in die, præter
Lect. II. Noct. quæ sequuntur.

Ex Epistola prima sancti
Felícis Papæ quarti.

De Consecr. dist. 1. c. 2.

Lectio iv.

TABERNÁCULUM Mōysen, Dōmino præcipiente, fecisse et sacrasse, cum mensa et altári ejus, et cæteris vasis et utensilibus ad divinum cultum explēndum, legimus : et non solum divinis precibus ea sacrasse, sed etiā sancti olei unctiōe, Dōmino jubēnte, perlinisse novimus. Quáliter autem hæc facta sint, et quómodo ipsa sacra non alii, quam sacerdotes sacra unctiōe delibúti, Dominóque cum vestibis sanctis sacrati, et Levitæ tractābant, ferēbant,

erigebant et deponébant : in ipsis institutióibus, quæ jubénte Dómino conscriptæ sunt per Móysen, in lege Dómini reperitur.

R. Orántibus in loco isto, * Dimitte peccáta pópuli tui Deus, et osténde eis viam bonam, per quam ámbulent, et da glóriam in loco isto. **V.** Qui regis Israël inténde, qui dedúcis velut ovem Joseph, qui sedes super Chérubim. Dimitte.

Lectio v.

QUÁLITER ergo David, regum piíssimus, amplificáverit cultum Dei, et templum Dómino ædificáre volúerit, sed propter multum ságuinem quem effúderat, prohibitus est, et ipse collégerat expénsas : Sálomon quoque filius ejus, idipsum quod ipse fácere optáverat, jubénte et auxiliánte Deo, perfécit, et templum cum altári, et réliqua ad divinum cultum peragéndum consecrávit : in libro Regum légitur. Fecit ergo Sálomon in témpore illo festivitátem célebrem, et omnis Israël cum eo, multitúdo magna ab intróitu Emath usque ad rivum Ægýpti, coram Dómino Deo nostro septem diébus, et septem diébus, id est,

quatuórdecim diébus, et in die octáva dimisit pópulos.

R. O quam metuendus est locus iste : * Vere non est hic áliud, nisi domus Dei, et porta cæli. **V.** Hæc est domus Dómini firmiter ædificáta, bene fundáta est supra firmam petram. Vere.

Lectio vj.

De Consec. dist. 1. c. 17.

SOLEMNITÁTES dedicatiónum ecclesiárum et sacerdotum, per singulos annos solémniter sunt celebrándæ, ipso Dómino exemplum dante, qui ad festum dedicatiónis templi, ómnibus id faciéndi dans formam, cum réliquis pópulis eádem festivitátem celebráturus venit, sicut scriptum est : Facta sunt encænia in Jerosólymis, et hiems erat, et ambulábat Jesus in templo in pórticu Salomónis. Quod áutem octo diébus encænia sint celebránda, in libro Regum, perácta dedicatióne templi, reperiétis.

R. Mane surgens Jacob erigébat lápidem in titulum, fundens óleum désuper, votum vovit Dómino : * Vere locus iste sanctus est, et ego nesciébam. **V.** Cumque evigiláset Jacob de somno, ait. Vere. Glória Patri. Vere.



IN FESTIS B. MARIE VIRGINIS

PER ANNUM

IN I. VESPERIS

Ant. Dum esset Rex * in accúbitu suo, nardus mea dedit odórem suavitátis.

Psalmus 109.

DIXIT Dóminus Dómino meo : * Sede a dextris meis : Donec ponam inimicos tuos, * scabéllum pedum tuórum.

Virgam virtútis tuæ emittet Dóminus ex Sion : * domináre in médio inimicórum tuórum.

Tecum principium in die virtútis tuæ in splendóribus sanctórum : * ex útero ante luciferum génui te.

Jurávit Dóminus, et non poenitébit eum : * Tu es sacerdos in ætérnum secundum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus, implebit ruínas : * conquassábit cápita in terra multórum.

De torrén te in via bibet : * proptérea exaltábit caput.

Ant. Dum esset Rex in accúbitu suo, nardus mea dedit odórem suavitátis.

Ant. Læva ejus * sub cápite meo, et dextera illius amplexábitur me.

Psalmus 112.

LAUDÁTE púeri Dómini : * laudáte nomen Dómini.

Sit nomen Dómini benedictum, * ex hoc nunc, et usque in sæculum.

A solis ortu usque ad ocásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus Deus noster, qui in altis hábitat, * et humilia respicit in cælo et in terra?

Súscitans a terra inopem, * et de stércore érigens páuperem :

Ut cóllocet eum cum principibus, * cum principibus pópuli sui.

Qui habitáre facit stérilem in domo, * matrem filiórum lætántem.

Ant. Læva ejus sub cápite meo, et dextera illius amplexábitur me.

Ant. Nigra sum, * sed formósa, filiæ Jerúsalem : ideo diléxit me Rex, et introduxit me in cubiculum suum.

Psalmus 121.

LÆTATUS sum in his, quæ dicta sunt mihi : * In domum Dómini ibimus.

Stantes erant pedes nostri, * in átriis tuis Jerúsalem.

Jerúsalem, quæ ædificátur ut civitas : * cujus participatio ejus in idipsum.

Illuc enim ascenderunt tribus, tribus Dómini : * testimonium Israël ad confitendum nómini Dómini.

Quia illic sederunt sedes in iudicio, * sedes super domum David.

Rogáte quæ ad pacem sunt Jerúsalem : * et abundantia diligéntibus te.

Fiat pax in virtúte tua : * et abundantia in túrribus tuis.

Propter fratres meos, et próximos meos, * loquébar pacem de te :

Propter domum Dómini Dei nostri, * quæsivi bona tibi.

Ant. Nigra sum, sed formósa, filiæ Jerúsalem : ideo diléxit me Rex, et introduxit me in cubiculum suum.

Ant. Jam hiems tránsiit, * imber ábiit, et recéssit : surge amica mea, et veni.

Psalmus 126.

NISI Dóminus ædificáverit domum, * in vanum laboravérunt, qui ædificant eam.

Nisi Dóminus custodierit civitatem, * frustra vigilat qui custódit eam.

Vanum est vobis ante lucem súrgere : * súrgite post-

quam sedéritis, qui manducátis panem dolóris.

Cum dederit diléctis suis somnum : * ecce heréditas Dómini filii : merces, fructus ventris.

Sicut sagittæ in manu poténtis : * ita filii excussórum.

Beátus vir qui implévit desiderium suum ex ipsis : * non confundétur cum loquétur inimicis suis in porta.

Ant. Jam hiems tránsiit, imber ábiit, et recéssit : surge amica mea, et veni.

Ant. Speciósa * facta es et suávis in deliciis tuis, sancta Dei Génitrix.

Psalmus 147.

LÁUDA Jerúsalem Dóminum : * láuda Deum tuum Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emittit elóquium suum terræ : * velóriter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciem frigoris ejus quis sustinébit?

Emittet verbum suum, et liquefaciet ea : * flabit spíritus ejus, et fluent aquæ.

Qui annútiat verbum suum Jacob : * justítias et iudicia sua Israël.

Non fecit táliter omni nationi : * et iudícia sua non manifestávit eis.

Ant. Speciósá facta es et suávis in delíciis tuis, sancta Dei Génitrix.

Capitulum. *Eceli. 24. b*

AB initio, et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi.

Hymnus.

AVE maris stella,
Dei Mater alma,
Atque semper Virgo,
Felix cæli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus,
Tulit esse tuus.

Virgo singuláris,
Inter omnes mitis,
Nos culpis solútos,
Mites fac et castos.

Vitam præsta puram,
Iter para tutum,
Ut vidéntes Jesum,
Semper collætémur.

Sit laus Deo Patri,
Summo Christo decus,
Spíritui sancto,
Tribus honor unus. Amen.

Ÿ. Dignáre me laudáre te,
Virgo sacráta. **R.** Da mihi
virtútem contra hostes tuos.

Ad Magnif. Ant. Sancta
María * succúrre miseris,
juva pusillánimes, réfove
flébiles, ora pro pópulo, in-
térveni pro clero, intercède
pro devóto femineo sexu :
séntiant omnes tuum juvám-
en, quicúmque célebrant
tuam sanctam festivitátem.

Oratio.

CONCÉDE NOS fámulos tuos,
quæsumus Dómine De-
us, perpétua mentis et cór-
poris sanitáte gaudére : et
gloriósá beátæ Mariæ sem-
per Virginis intercessióne,
a præsénti liberári tristitia,
et ætérna pérfrui lætitia.
Per Dóminum.

**Ad Completorium et Ho-
ras, in fine Hymnorum di-
citur :**

Jesu tibi sit glória,
Qui natus es de Virgine,
Cum Patre et almo Spíritu,
In sempitérna sácula. Amen.

AD MATUTINUM

Invit. Sancta María Dei
Génitrix Virgo, * Intercède
pro nobis.

Ps. Veníte, exsultémus. 2.

Hymnus.

QUEM terra, pontus, sídera
Colunt, adórant, prædi-
cant,
Trinam regéntem máchi-
nam,

Cláustrum Mariæ hájulat.

Cui luna, sol, et ómnia
Desérviunt per témpora,
Perfúsa cæli grátia,
Gestant puéllæ viscera.

Beáta Mater múnere,
Cujus supérnus Artifex

Mundum pugillo cóninens,
Ventris sub arca cláusus est.

Beáta cæli núntio,
Fecúnda sancto Spíritu,
Desiderátus géntibus,
Cujus per alvum fusus est.

Jesu tibi sit glória,
Qui natus es de Vírgine,
Cum Patre et almo Spíritu,
In sempitérna sæcula.

Amen.

IN I. NOCTURNO

Ant. Benedicta tu * in muliéribus, et benedictus fructus ventris tui.

Psalmus 8.

DÓMINE Dóminus noster, *
quam admirábile est nomen tuum in univérsa terra!

Quóniam eleváta est magnificéntia tua, * super cælos.

Ex ore infántium et lacténtium perfecisti láudem propter inimicos tuos, * ut déstruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum páulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecisti sub pédibus ejus, * oves et boves univérsas : insuper et pécora campi.

Vólucres cæli, et pisces

maris, * qui perámbulant sémitas maris.

Dómine Dóminus noster, *
quam admirábile est nomen tuum in univérsa terra!

Ant. Benedicta tu in muliéribus, et benedictus fructus ventris tui.

Ant. Sicut myrrha * elécta, odórem dedisti suavitátis sancta Dei Génitrix.

Psalmus 18.

CÆLI enarrant glóriam Dei, *
et ópera mánuum ejus annúntiat firmaméntum.

Dies diéi erúctat verbum, *
et nox nocti indicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procédens de thálamo suo :

Exsultávit ut gigas ad curréndam viam, * a summo cælo egressio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimoniúm Dómini fidéle, sapiéntiam præstans párvulis.

Justitiæ Dómini rectæ, lætificántes corda : * præcéptum Dómini lúcidum, illúminans óculos.

Timor Dómini sanctus, pérmanens in sæculum sæ-

culi : * iudicia Dómini vera, justificáta in semetipsa.

Desiderabilia super áurum et lápidem pretiósium multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domínati, tunc immaculátus ero : * et emundábor a delicto máximo.

Et erunt ut compláceant eloquia oris mei : * et meditátio cordis mei in conspéctu tuo semper.

Dómine adjútor meus, * et redémptor meus.

Ant. Sicut myrrha elécta, odórem dedisti suavitátis, sancta Dei Génitrix.

Ant. Ante torum * hujus Virginis frequentáte nobis dúlcia cántica drámatis.

Psalmus 23.

DÓMINI est terra, et plení-túdo ejus : * orbis terrárum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictió-

nem a Dómino : * et misericórdiam a Deo salutári suo.

Hæc est generátio quærentium eum, * quærentium faciém Dei Jacob.

Attóllite portas principes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Ante torum hujus Virginis frequentáte nobis dúlcia cántica drámatis.

Ÿ. Spécie tua et pulchritúdine tua. **R.** Inténde, prospere procéde, et regna.

Pater noster.

Absol. Exáudi Dómine.

Ÿ. Jube domne benedicere.

Bened. Benedictiône.

De Parábolis Salomónis.

Lectio j. Cap. 8. b et 9.

EGO sapiéntia hábito in consilio, et eruditis intérsus cogitátionibus. Timor Dómini odit malum : arrogántiam, et supérbiam, et viam pravam, et os bilingue detéstor. Meum est consílium et æquitas, mea est prudéntia, mea est fortitúdo. Per me reges regnant, et legum conditóres justa decérnunt : per me principes

imperant, et poténtes decérnunt justítiam. Ego diligéntes me diligo : et qui mane vigilánt ad me, invénient me.

R. Sancta et immaculáta virginitas, quibus te láudibus éfferam nésceo : * Quia quem cæli cápere non póterant, tuo grémio contulísti.

V. Benedicta tu in muliéribus, et benedictus fructus ventris tui. Quia.

Bened. Unigénitus Dei.

Lectio ij.

MECUM sunt divítiae, et glória, opes superbæ et justítia. Mélior est enim fructus meus áuro, et lápide pretiósio, et genimina mea argénto elécto. In viis justítiae ámbulo, in médio semitárum judicii, ut ditem diligéntes me, et thesáuros eórum répleam. Dóminus possédit me in initio viárum suárum, ántequam quidquam fáceret a principio. Ab ætérno ordináta sum, et ex antiquis ántequam terra fieret. Nondum erant abyssi, et ego jam concépta eram : necdum fontes aquárum erúperant : necdum montes gravi mole constítierant : ante colles ego parturiébar.

R. Congratulámini mihi omnes, qui diligitis Dóminum, quia cum essem párvula, plácuí Altíssimo : * Et de meis viscéribus génui Deum et hóminem. **V.** Beátam me dicent omnes generatiónes, quia ancillam húmilem respéxit Deus. Et.

Bened. Spíritus sancti grátia.

Lectio iij.

BEÁTUS homo qui áudit me, et qui vigilat ad fores meas quotidie, et observat ad postes óstii mei. Qui me invénierit, invéniet vitam, et háuriet salútem a Dómino : qui áutem in me peccáverit, lædet ánimam suam. Omnes, qui me odérunt, diligunt mortem. Sapiéntia ædificávit sibi domum, excidit colúmnas septem. Immolávit víctimas suas, miscuit vinum, et propósuit mensam suam. Misit ancillas suas ut vocárent ad arcem, et ad móenia civitátis : Si quis est párvulus, véniat ad me. Et insipiéntibus locúta est : Veníte, comédite panem meum, et bíbite vinum quod miscui vobis.

R. Beáta es Virgo María, quæ Dóminum portásti Creatórem mundi : * Genuísti qui te fecit, et in ætérnum pérmanes Virgo. **V.** Ave María, grátia plena, Dóminus tecum. Genuísti. Glória Patri. Genuísti.

IN II. NOCTURNO

Ant. Spécie tua * et pulchritúdine tua inténde, prospere procéde, et regna.

Psalmus 44.

ERUCTÁVIT cor meum verbum bonum : * dico ego ópera mea regi.

Lingua mea cálamus scribæ, * velóciter scribéntis.

Speciósus forma præ filiis

hóminum, diffusa est grátia in lábiis tuis : * proptérea benedixit te Deus in ætérnum.

Accingere gládio tuo super femur tuum, * potentissime.

Spécie tua et pulchritúdine tua * inténde, prospere procéde, et regna.

Propter veritátem, et mansuelúdinem, et justitiam : * et dedúcet te mirabiliter dextera tua.

Sagittæ tuæ acútæ, pópuli sub te cadent, * in corda inimicórum regis.

Sedes tua Deus in sáculum sáculi : * virga directiónis virga regni tui.

Dilexisti justitiam, et odisti iniquitátem : * proptérea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regína a dextris tuis in vestitu deauráto : * circúmdata varietáte.

Audi filia, et vide, et inclina áurem tuam : * et obliviscere pópulum tuum, et domum patris tui.

Et concupiscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes dívites plebis.

Omnis glória ejus filiæ regis ab intus, * in fimbriis

áureis circumamicta varietátibus.

Adducéntur regi vírgines post eam : * próximæ ejus afferéntur tibi.

Afferéntur in lætítia et exultatióne : * adducéntur in templum regis.

Pro pátribus tuis nati sunt tibi filii : * constitues eos principes super omnem terram.

Mémores erunt nóminis tui * in omni generatióne et generatióne.

Proptérea pópuli confitebúntur tibi in ætérnum : * et in sáculum sáculi.

Ant. Spécie tua et pulchritúdine tua inténde, prospere procéde, et regna.

Ant. Adjuvábít eam * Deus vultu suo : Deus in médio ejus, non commovébitur.

Psalmus 45.

DEUS noster refúgium, et virtus : * adjútor in tribulatióibus, quæ invenérunt nos nimis.

Proptérea non timébimus dum turbábitur terra : * et transferéntur móntes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis impetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes,
et inclináta sunt regna : *
dedit vocem suam, mota est
terra.

Dóminus virtútum nobis-
cum : * suscep̃tor noster
Deus Jacob.

Venite, et vidéte ópera
Dómini, quæ pósuit prodi-
gia super terram : * áuferens
bella usque ad finem terræ.

Arcum cóteret, et con-
fringet arma : * et scuta
combúret igni.

Vacáte, et vidéte quóniam
ego sum Deus : * exaltábor
in géntibus, et exaltábor in
terra.

Dóminus virtútum nobis-
cum : * suscep̃tor noster
Deus Jacob.

Ant. Adjuvábít eam Deus
vultu suo : Deus in médio
ejus, non commovébitur.

Ant. Sicut lætántium *
ómnium nostrum habitátio
est in te, sancta Dei Génit-
rix.

Psalmus 86.

FUNDAMÉNTA ejus in món-
tibus sanctis : * diligit
Dóminus portas Sion super
ómnia tabernácula Jacob.

Gloriósá dicta sunt de te, *
civitas Dei.

Memor ero Rahab, et Ba-
bylónis * sciéntium me.

Ecce alienígenæ, et Tyrus,
et pópulus Æthiopum, * hi
fuérunt illic.

Numquid Sion dicet : Ho-
mo, et homo natus est in
ea : * et ipse fundávit eam
Altíssimus?

Dóminus narrábit in scri-
ptúris populórum, et prin-
cipum : * horum, qui fué-
runt in ea.

Sicut lætántium ómnium *
habitátio est in te.

Ant. Sicut lætántium
ómnium nostrum habitátio
est in te, sancta Dei Génit-
rix.

ŷ. Adjuvábít eam Deus
vultu suo. **℞.** Deus in médio
ejus, non commovébitur.

Pater noster.

Absolutio. Ipsíus pietas.

ŷ. Jube domne benedi-
cere.

Bened. Deus Pater omni-
potens.

Sermo sancti Joánnis
Chrysóstomi.

Apud Metaphrasten.

Lectio iv.

DEI Filius non divitem,
aut locuplétem álikquam
féminam sibi matrem elégit,
sed beátam Virginem illam,
cujus ánima virtútibus or-
náta erat. Cum enim beáta
Maria supra omnem humá-
nam natúram castitátem ser-
váret, proptérea Christum
Dóminum in ventre concé-
pit. Ad hanc igitur sanctis-
simam Virginem et Dei Ma-
trem accurrétes, ejus pa-
trocinii utilitátem assequá-
mur. Itaque quæcúmque
estis virgines, ad Matrem
Dómini confúgite. Illa enim
pulchérissimam, pretiosissi-
mam, et incorruptibilem
possessiónem patrocínio suo
vobis conservábit.

R̃. Sicut cedrus exaltátum in Líbano, et sicut cypressus in monte Sion: quasi myrrha elécta, * Dedi suavitátém odóris. **Ṽ.** Et sicut cinnamómum et bálsamum aromatizans. Dedi.

Bened. Christus perpétuæ.

Lectio v.

MAGNUM revéra miraculum, fratres dilectissimi, fuit beáta semper Virgo Maria. Quid namque illa majus aut illústrius ullo umquam témpore invéntum est, seu aliquándo inveníri póterit? Hæc sola cælum ac terram amplitúdine superávit. Quidnam illa sánctius? Non Prophétæ, non Apóstoli, non Mártyres, non Patriárchæ, non Angeli, non Throni, non Dominationes, non Séraphim, non Chérubim: non dénique áliud quidpiam inter créatas res visibiles aut invisibiles, majus aut excellentius inveníri potest. Eadem ancilla Dei est et mater: éadem Virgo et Génitrix.

R̃. Quæ est ista, quæ processit sicut sol, et formósa tamquam Jerúsalem? * Vidérunt eam filiæ Sion, et beátam dixerunt, et reginæ laudavérunt eam. **Ṽ.** Et sicut dies verni circúmdabant eam flores rosárum, et lilia convállium. Vidérunt.

Bened. Ignem sui amóris.

Lectio vj.

HÆC ejus mater est, qui a Patre ante omne princí-

pium génitus fuit, quem Angeli et hómines agnóscunt Dóminum rerum ómnium. Visne cognóscere quanto Virgo hæc præstantior sit cælestibus Poténtiis? Illæ cum timóre et tremóre assistunt, faciém velántes suam: hæc humanum genus illi offert, quem genuit. Per hanc et peccatórum véniam conséquimur. Ave igitur mater, cælum, puélla, virgo, thronus, Ecclesiæ nostræ decus, glória et firmaméntum, assidue pro nobis precáre Jesum Fílium tuum, et Dóminum nostrum: ut per te misericórdiam invenire in die judicii, et quæ repósita sunt iis, qui diligunt Deum, bona cónsequi possimus, grátia et benignitáte Dómini nostri Jesu Christi: cum quo Patri simul et sancto Spiritui glória, et honor, et impérium, nunc et semper in sæcula sæculórum. Amen.

R̃. Ornátam monilibus filiam Jerúsalem Dóminus concupívit: * Et vidéntes eam filiæ Sion, beatissimam prædicavérunt, dicéntes: * Unguéntum effúsum nomen tuum. **Ṽ.** Adstitit regína a dextris tuis in vestitu deauráto, circúmdata varietáte. Et. Glória Patri. Unguéntum.

IN III. NOCTURNO

Ant. Gáude María Virgo, * cunctas hæreses sola interemísti in univérso mundo.

Psalmus 95.

CANTÁTE Dómino cánticum
novum : * cantáte Dó-
mino omnis terra.

Cantáte Dómino, et bene-
dicite nómini ejus : * annun-
tiáte de die in diem salutáre
ejus.

Annuntiáte inter gentes
glóriam ejus, * in ómnibus
pópulis mirabilia ejus.

Quóniam magnus Dómi-
nus, et laudábilis nimis : *
terribilis est super omnes
deos.

Quóniam omnes dii gén-
tium dæmónia : * Dóminus
autem cælos fecit.

Conféssio, et pulchritúdo
in conspéctu ejus : * sancti-
mónia et magnificéntia in
sanctificatióne ejus.

Afférte Dómino pátriæ gén-
tium, afférte Dómino gló-
riam et honórem : * afférte
Dómino glóriam nóminiejus.

Tóllite hóstias, et introite
in átria ejus : * adoráte Dó-
minum in átrio sancto ejus.

Commovéatur a fácie ejus
unívsa terra : * dicite in
géntibus quia Dóminus re-
gnávit.

Etenim corréxit orbem
terræ qui non commovébi-
tur : * judicábit pópulos in
æquitáte.

Læténtur cæli, et exsúltet
terra : commovéatur mare,
et plenitúdo ejus : * gaudé-
bunt campi, et ómnia quæ
in eis sunt.

Tunc exsultábunt ómnia
ligna silvárum a fácie Dó-

mini, quia venit : * quóniam
venit judicáre terram.

Judicábit orbem terræ in
æquitáte, * et pópulos in ve-
ritáte sua.

Ant. Gáude María Virgo,
cunctas hæreses sola inter-
emisti in univérso mundo.

Ant. Dignáre me * laudáre
te Virgo sacráta : da mihi
virtútem contra hostes tuos.

Psalmus 96.

DÓMINUS regnávit, exsúltet
terra : * læténtur ínsulæ
multæ.

Nubes, et caligo in cir-
cúitu ejus : * justitia, et ju-
dícium corréctio sedis ejus.

Ignis ante ipsum præcé-
det, * et inflammábit in cir-
cúitu inimicos ejus.

Illuxérunt fúlgora ejus
orbi terræ : * vidit, et com-
móta est terra.

Montes, sicut cera fluxé-
runt a fácie Dómini : * a fá-
cie Dómini omnis terra.

Annuntiavérunt cæli ju-
stitiam ejus : * et vidérunt
omnes pópuli glóriam ejus.

Confundántur omnes, qui
adórant sculptília : * et qui
gloriántur in simulácris suis.

Adoráte eum omnes An-
geli ejus : * audivit, et læ-
táta est Sion.

Et exsultavérunt filiæ Ju-
dæ, * propter judícia tua
Dómine :

Quóniam tu Dóminus Al-
tissimus super omnem ter-
ram : * nimis exaltátus es
super omnes deos.

Qui diligitis Dóminum,

odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et re-ctis corde lætitia.

Lætámini iusti in Dómino, * et confitémini memóriæ sanctificatiónis ejus.

Ant. Dignáre me laudáre te Virgo sacráta : da mihi virtútem contra hostes tuos.

Ant. Post partum * Virgo invioláta permansísti, Dei Génitrix intercède pro nobis.

Psalmus 97.

CANTÁTE Dómino cánticum novum : * quia mirabilia fecit.

Salvávitsibi dexterae ejus : * et bráchium sanctum ejus.

Notum fecit Dóminus salutáre suum : * in conspéctu géntium revelávit justitiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutáre Dei nostri.

Jubiláte Deo omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductilibus, et voce tubæ córneæ.

Jubiláte in conspéctu Regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina pláudent manu,

simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justitia, * et pópulos in æquitáte.

Ant. Post partum Virgo invioláta permansísti, Dei Génitrix intercède pro nobis.

ŷ. Elégit eam Deus, et præelégit eam. **ŕ.** In tabernáculo suo habitáre facit eam.

Pater noster.

Absolutio. A vinctulis.

ŷ. Jube domne benedicere.

Bened. Evangélica léctio. Léctio sancti Evangélii secúndum Lucam.

Lectio vij. Cap. 11. d

In illo témpore : Loquente Jesu ad turbas, extóllens vocem quædam mûlier de turba, dixit illi : Beátus venter, qui te portávit. Et reliqua.

Homilia venerábilis Bedæ Presbýteri.

Lib. 4. cap. 49. in Luc. 11.

MAGNÆ devotiónis et fidei hæc mûlier osténditur, quæ scribis et pharisæis Dóminum tentántibus simul et blasphemántibus, tanta ejus incarnatiónem præ ómnibus sinceritáte cognóscit, tanta fidúcia confitétur, ut et præsentium prócerum calúmnam, et futurórum confúndat hæreticórum perfídiam. Nam sicut tunc Judæi, sancti Spíritus ópera

blasphemando, verum consubstantialémque Patri Dei Filium negabant: sic hæretici postea negando Mariam semper Virginem, sancti Spiritus operante virtute, nascituro cum humanis membris Unigenito Dei, carnis suæ materiam ministrasse; verum consubstantialémque matri Filium hominis fatéri non debere dixerunt.

R. Felix namque es, sacra Virgo Maria, et omni laude dignissima: * Quia ex te ortus est sol justitiæ, Christus Deus noster. **V.** Ora pro populo, intérvieni pro clero, intercède pro devoto femineo sexu: sentiant omnes tuum juvamen, quicumque celebrant tuam sanctam festivitatem. Quia.

Bened. Cujus festum colimus, ipsa Virgo virginum.

Lectio viij.

SED si caro Verbi Dei secundum carnem nascentis a carne Virginis Matris pronuntiatur extranea, sine causa venter qui eam portasset, ubera quæ lactassent, beatificantur. Dicit autem Apóstolus: Quia misit Deus Filium suum factum ex muliere, factum sub lege. Neque audiendi sunt, qui legendum putant: Natum ex muliere, factum sub lege, sed, Factum ex muliere: quia conceptus ex útero virgináli, carnem non de nihilo, non aliunde, sed materna traxit ex carne: alió-

quin nec vere Filius hominis diceretur, qui originem non haberet ex homine. Et nos igitur his contra Eutychen dictis, extollamus vocem cum Ecclesia catholica, cujus hæc mulier typum gessit, extollamus et mentem de medio turbarum, dicamúsque Salvatori: Beatus venter qui te portavit, et ubera quæ suxisti. Vere enim beata parens, quæ, sicut quidam ait, Enixa est puérpera Regem, qui cælum terramque tenet per sæcula.

R. Beátam me dicent omnes generatiónes: * Quia fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies timéntibus eum. Quia. Glória Patri. Quia.

Bened. Ad societatem.

Lectio ix.

QUINIMO beáti qui audiunt verbum Dei, et custodiunt. Pulchre Salvator attestatióni mulieris annuit, non eam tantummodo quæ Verbum Dei corporaliter generare meruerat, sed et omnes qui idem Verbum spiritaliter auditu fidei concipere, et boni óperis custodia vel in suo, vel in proximorum corde parere, et quasi alere studuerint, assevérans esse beátos: quia et eadem Dei Génitrix, et inde quidem beata, quia Verbi incarnandi ministra facta est temporalis; sed inde multo

beátior, quia ejúsdem semper amándi custos manébat æténa.

Te Deum laudámus. 16.

AD LAUDES

ET PER HORAS

Ant. 1. Dum esset Rex * in accúbitu suo, nardus mea dedit odórem suavitátis.

Ps. Dóminus regnávít. **cum reliq.** 16.

2. Læva ejus * sub cápite meo, et dextera illius amplexábitur me.

3. Nigra sum, * sed formósa, filiæ Jerúsalem : ideo diléxit me Rex, et introduxit me in cubiculum suum.

4. Jam hiems tránsiit, * imber ábiit, et recéssit : surge amíca mea, et veni.

5. Speciósá * facta es et suávis in deliciis tuis, sancta Dei Génitrix.

Capitulum. Eccli. 24. b

AB initio, et ante sæcula creáta sum, et usque ad futúrum sæculum non désinam, et in habitatione sancta coram ipso ministrávi.

Hymnus.

O GLORIÓSA vírginum, Sublímis inter sídera, Qui te creávit, párvulum Lacténte nutris úbere.

Quod Heva tristis ábstulit, Tu reddis almo gérmine : Intrent ut astra flébiles, Cæli reclúdis cárdines.

Tu Regis alti jánuá, Et áula lucis fúlvida : Vitam datam per Vírginem Gentes redémpťæ pláudite.

Jesu tibi sit glória, Qui natus es de Virgine, Cum Patre, et almo Spíritu In sempitérna sæcula.

Amen.

ŷ. Diffúsa est grátia in lábiis tuis. **Ŕ.** Proptérea benedíxit te Deus in ætérnum.

Ad Bened. Ant. Beáta es María, * quæ credidísti : perficiéntur in te, quæ dicta sunt tibi a Dómino, allelúia.

Oratio.

CONCÉDE nos fámulos tuos, quáesumus Dómine Deus, perpétua mentis et córporis sanitáte gaudére : et gloriósa beátæ Mariæ semper Vírginis intercessióne, a præsénti liberári tristítia, et æténa pérfrui lætítia. Per Dñum.

AD PRIMAM

In Ŕ. br. ŷ. Qui natus es de María Vírgine. **etiam in Festis infra Octav. B. M. V.**

AD TERTIAM

Ant. Læva ejus.

Capit. Ab initio. **ut supra.**

Ŕ. br. Spécie tua * Et pulchritúdine tua. Spécie. **ŷ.** Inténde, prospere procéde, et regna. Et. Glória Patri. Spécie.

ŷ. Adjuvábít eam Deus vultu suo. **Ŕ.** Deus in médio ejus, non commovébitur.

AD SEXTAM

Ant. Nigra sum.

Capitulum. Eccli. 24. b

ET sic in Sion firmáta sum, et in civitáte sanctificáta similiter requiévi, et in Jerúsalem potéstas mea. Et radicávi in pópulo honorifi-

cáto, et in parte Dei mei heréditas illius, et in plenitúdine sanctórum deténtio mea.

R. br. Adjuvábbit eam * Deus vultu suo. Adjuvábbit. **V.** Deus in médio ejus, non commovébitur. Deus in médio. Glória Patri. Adjuvábbit.

V. Elégit eam Deus, et præelégit eam. **R.** In tabernáculo suo habitáre facit eam.

AD NONAM

Ant. Speciósá.

Capitulum. Eccli. 24. b

IN platéis sicut cinnamómum, et bálsamum aromatizans odórem dedi :

quasi myrrha elécta dedi suavitátem odóris.

R. br. Elégit eam Deus, * Et præelégit eam. Elégit. **V.** In tabernáculo suo habitáre facit eam. Et. Glória Patri. Elégit.

V. Diffúsa est grátia in lábiis tuis. **R.** Proptérea benedixit te Deus in ætérnum.

IN II. VESPERIS

Omnia ut in I. Vesp. 145*, **præter :**

V. Dignáre me laudáre te Virgo sacráta. **R.** Da mihi virtútem contra hostes tuos.

Ad Magnif. Ant. Beátam me dicent * omnes generatiónes, quia ancillam húmílem respéxit Deus.

OFFICIUM B. MARIÆ IN SABBATO

Omnibus Sabbatis per annum, præterquam in Quatuor Temporibus et Vigil., et nisi Officium fieri debeat de Feria, propter Officium aliqujus Dominicæ infra Hebdomadam ponendum, ut dicitur in Rubrica de Dominicis; ac nisi Festum novem Lectionum occurrat, fit Officium de S. Maria, modo infrascripto.

In Vesperis Feriæ VI. dicuntur Psalmi feriales in Psalterio positi, nisi fuerit Festum novem Lect. : quia tunc de S. Maria fit tantum Commem. in dictis Vesperis cum Ant., **V.** et Oratione, ut infra : quæ Commem. omit-

tur, quando Feria VI. occurrit aliud ejusdem B. Mariæ Officium.

Capitulum et Hymnus ut in Festis B. M. V. 147*.

V. Diffúsa est grátia in lábiis tuis. **R.** Proptérea benedixit te Deus in ætérnum.

Ad Magnif. Ant. Beáta Mater, * et intácta Virgo, gloriósa Regína mundi, intercéde pro nobis ad Dóminum.

V. Dóminus vobíscum. **R.** Et cum spiritu tuo.

Oratio.

CONCÉDE nos fámulos tuos, quæsumus Dómine Deus, perpétua mentis et córporis sanitate gaudere : et gloriósa

beátæ Mariæ semper Virgini intercessióne, a præsentí liberári tristitia, et ætérna pérfrui lætitia. Per Dóminum nostrum.

Post Orationem fiunt Commemorationes consuetæ de sancto Joseph, de Apostolis et de Pace, ut in Psalterio post Vesp. Sabbati. 145.

Si autem occurrat Festum Simplex, de eo fit Commem. ante ipsa Suffragia.

Completorium ut in Psalt. Et in fine Hymni Te lucis ante términum. dicitur:

Jesu tibi sit glória,
Qui natus es de Virgine.
etiãsi in Vesperis facta sit tantum Commem. de B. Maria, nisi Hymni illius Festi, quod FERIA VI. celebratum est, aliter concludendi sint, ut in Transfiguratione Domini.

AD MATUTINUM

Invit. Ave Mariá, grátia plena: * Dóminus tecum.

Ps. Venite, exultémus. 2.

Hymn. Quem terra. 147*.

Nocturnum Sabbati, ut in Psalt. 108, et in fine

Ÿ. Diffúsa est grátia in lábiis tuis. R. Proptérea benedixit te Deus in ætérnum. Pater noster.

Absolutio.

PRÉCIBUS et méritis beátæ Mariæ semper Virginis, et ómnium Sanctórum, perducát nos Dóminus ad regna cælórum. R. Amen.

Ÿ. Jube domne benedice-re.

Pro j. Lect. Bened. Nos cum prole pia benedicat Virgo Mariá. R. Amen.

Primæ duæ Lectiones de Script. libri currentis: tertia, una ex inferius positis per ordinem.

R. j. Sancta et immaculáta virginitas, quibus te láudibus éfferam, nésco: * Quia quem cæli cápere non póterant, tuo grémio contulisti. Ÿ. Benedicta tu in muliéribus, et benedictus fructus ventris tui. Quia.

Pro ij. Lect. Bened. Ipsa Virgo virginum intercédát pro nobis ad Dóminum. R. Amen.

R. ij. Felix namque es, sacra Virgo Mariá, et omni láude digníssima: * Quia ex te ortus est sol justitiæ, * Christus Deus noster. Ÿ. Ora pro pópulo, intérvieni pro clero, intercède pro devóto femíneo sexu: sentiant omnes tuum juvámén, quicúmque célebrant tuam sanctam commemoratió-nem. Quia. Glória. Christus.

Pro iij. Lect. Bened. Per Virginem matrem concédát nobis Dóminus salútem et pacem. R. Amen.

Post iij. Lect. dicitur Te Deum laudámus. 16.

AD LAUDES

ET PER HORAS

Omnia ut in Festis B. M. V. 157*, præter seq.

Ÿ. Benedicta tu in muliéribus. R. Et benedictus fructus ventris tui.

Ad Bened. Ant. Beáta Dei Génitrix Maria, * Virgo perpétua, templum Dómini, sacrárium Spiritus sancti : sola sine exémplo placuísti Dómino nostro Jesu Christo : ora pro pópulo, intérvени pro clero, intercède pro devóto femineo sexu.

Oratio. Concède. 158*.

Deinde fiunt Commem. ut supra.

AD VESPERAS

Ant. et Pss. feriales : Capit. et reliq. omnia, si non occurrat Fest. Duplex, de Dom.

In fine, Commem. consuetæ, ut in Psalt. 145.

Lectiones sequentes dicuntur singulis mensibus in Officio B. M. V. in Sabbato, ordine subscripto.

MENSE MAIO

Ex Tractátu sancti Augustini Episcopi de Sýmboło ad Catechúmenos.

Lib. 3. c. 4. in fine tom. 9.

Lectio iij.

PER féminam mors, per féminam vita : per Hevam intéritus, per Mariám salus. Illa corrúpta secúta esteductórem : hæc íntegra péperit Salvatórem. Illa póculum a serpente propinátum libénter accépit, et viro trádedit, ex quo simul mereéntur occidi : hæc, grátia cælésti désuper infúsa, vitam prútulit, per quam caro mórtua possit resuscitári. Quis est, qui hæc operátus est, nisi Virginis Fílius, et

virginum sponsus : qui attulit matri fecunditátem, sed non ábstulit integritátem?

Te Deum laudámus. 16.

MENSE JUNIO

Sermo sancti Bernárdi Abbátis.

De Verbis Apoc. cap. 12.

Signum magnum.

Lectio iij.

VEHEMÉNTER quidem nobis, dilectíssimi, vir unus et múlter una nocuere : sed grátias Deo, per unum nihilóminus virum et mulierem unam ómnia restaurántur, nec sine magno fénore gratiárum. Neque enim sicut delíctum, ita et donum : sed excédit damni æstimatióne beneficii magnitúdo. Sic nimirum prudentíssimus et clementíssimus ártifex, quod quassátum fúerat, non confrégit, sed utilius omnino refécit, ut vidélicet nobis novum formáret Adam ex vétéri, Hevam transfúnderet in Mariám.

Te Deum laudámus. 16.

MENSE JULIO

Ex Epístola sancti Ambrósii Episcopi ad Sirícium Papam.

Epíst. 81. alias 7. circa med.

Lectio iij.

NON excédit fidem, quod homo exívit de virgine, quando petra fontem prófluum scaturívit, ferrum super aquas natávit, ambulávit homo super aquas. Ergo si hóminem unda portávit,

non pótuit hóminem virgo generáre, atque hóminem, de quo légimus : Et mittet illis Dóminus hóminem, qui salvos fáciat eos, et notus erit Dóminus Ægýptiis? In véteri itaque Testaménto virgo Hebræórum per mare duxit exércitum : in novo Testaménto virgo géneris áula cæléstis, elécta est ad salútem.

Te Deum laudámus. 16.

MENSE AUGUSTO

De Expositióne sancti Gregórii Papæ in libros Regum.

Lectio iij. In I. Reg. 1.

FUIT vir unus de Ramáthaim Sophim, de monte Ephraïm. Potest hujus montis nómine, beatissima semper Virgo María, Dei Génitrix, designári. Mons quippe fuit, quæ omnem eléctæ creatúræ altitúdinem, electiónis suæ dignitáte transcendit. An non mons sublimis María, quæ ut ad conceptionem æterni Verbi pertingeret, meritórum vérticem supra omnes Angelórum choros, usque ad sólum Deitátis eréxit? Hujus enim montis præcellentissimam dignitatem Isaías vaticinans, ait : Erit in novíssimis diébus præparátus mons domus Dómini in vértice móntium.

Mons quippe in vértice móntium fuit, quia altitúdo Mariæ supra omnes Sanctos refúlsit.

Te Deum laudámus. 16.

MENSE SEPTEMBRI

Ex Epístola sancti Leónis Papæ ad Pulchériam Augústam.

Epístola 13. ante med.

Lectio iij.

SACRAMÉNTUM reconciliatiónis nostræ ante témpora æténa dispósitum, nullæ implébant figúræ : quia nondum supervénérat Spíritus sanctus in Vírginem, nec virtus Altíssimi obumbráverat ei, ut et intra intermeráta viscera, ædificánte sibi Sapiéntia domum, Verbum caro fieret, et forma Dei ac forma servi in unam conveniéntem persónam, Créator témporum nascerétur in témpore, et per quem facta sunt ómnia, ipse inter ómnia gignerétur. Nisi enim novus homo factus in similitúdinem carnis peccáti nostram susciperet vetustátem, et consubstantialis Patri, consubstantialis esse dignáretur et matri, naturámque sibi nostram solus a peccáto liber uníret, sub jugo diaboli generáliter tenerétur humana captivitas.

Te Deum laudámus. 16.

OFFICIUM PARVUM BEATÆ MARIÆ VIRGINIS

Non dicitur, quando fit Officium novem Lectionum, nec in Sabbatis, quando fit Officium de S. Mariâ. Quibus diebus omittitur a I. Vesperis. Cum dicitur in Choro, in Matutinis et in Vesperis præponitur Officio diei; in aliis Horis postponitur. Prima dicitur post Benedicamus Dómino, antequam legatur Martyrologium. Extra Chorum potest dici pro temporis opportunitate.

OFFICIUM B. MARIÆ V. EXTRA ADVENTUM

AD VESPERAS

Ave Maria. *secreto*, quæ dicitur semper in principio omnium Horarum B. Mariæ, quando non conjunguntur cum Officio diei.

Ÿ. Deus in adiutorium. 16.

In cujus fine Allelúia, ad omnes Horas.

Ant., Pss., Capit. et Hymn. ut in Festis B. Mariæ Virginis. 145*.

Ÿ. Diffusa est grátia in lábiis tuis. Ŗ. Propterea benedixit te Deus in ætérnum.

Ad Magnif. Ant. Beáta Mater, * et intácta Virgo, gloriósa Regina mundi, intercède pro nobis ad Dóminum.

Kýrie eléison. Christe eléison. Kýrie eléison.

Ÿ. Dóminus vobiscum. Ŗ. Et cum spíritu tuo.

Oratio.

CONCÉDE nos fámulos tuos, quæsumus Dómine Deus, perpétua mentis et córporis sanitate gaudere : et gloriósa beatæ Mariæ semper Virginis intercessióne, a præsénti liberári tristitia, et ætérna pérfrui lætitia. Per Dñum.

Sequens Commemoratio pro Sanctis fit tantum ad Vesperas et Laudes in Officio S. Mariæ.

Ant. Sancti Dei omnes intercédere dignémini pro nostra omniúmque salute.

Ÿ. Lætámini in Dómino, et exsultáte justi. Ŗ. Et gloriámini omnes recti corde.

Oratio.

PRÓTEGE Dómine pópulum tuum, et Apostolórum tuórum Petri et Páuli, et aliórum Apostolórum patrocínio confidéntem, perpétua defensióne consérva.

OMNES Sancti tui, quæsumus Dómine, nos ubique ádjuvent : ut dum eórum mérita recólimus, patrocínia sentiámus : et pacem tuam nostris concède tempóribus, et ab Ecclesiá tua cunctam repélle nequitiam : iter, actus, et voluntátes nostras, et ómnium famulórum tuórum, in salutis tuæ prosperi-

tate dispone: benefactoribus nostris sempiterna bona retribue, et omnibus fidelibus defunctis requiem æternam concede. Per Dominum.

AD COMPLETORIUM

Ave Mariæ. *ut supra.*

Ÿ. Converte nos Deus salutaris noster. *R.* Et averte iram tuam a nobis.

Ÿ. Deus in adiutorium.

Ps. 128. Sæpe expugnaverunt. *Ps. 129.* De profundis. *et Ps. 130.* Domine non est exaltatum. *ut in Vesp. Feriali IV. 133.*

Hymnus.

MEMENTO, rerum Conditor,
Nostri quod olim corporis,
Sacra ab alvo Virginis
Nascendo formam sumpseris.

Mariæ Mater gratiæ,
Dulcis Parens clementiæ,
Tu nos ab hoste protege,
Et mortis hora suscipe.

Jesu tibi sit gloria,
Qui natus es de Virgine,
Cum Patre et almo Spiritu,
In sempiterna sæcula.

Amen.

Capitulum. *Eccli. 24. c*

EGO mater pulchræ dilectionis, et timoris, et agnitionis, et sanctæ spei.

R. Deo gratias.

Ÿ. Ora pro nobis sancta Dei Genitrix. *R.* Ut digni efficiamur promissionibus Christi.

Ad Nunc dimittis, *Ant.*

Sub tuum præsidium * confugimus, sancta Dei Geni-

trix: nostras deprecationes ne despicias in necessitatibus, sed a periculis cunctis libera nos semper, Virgo gloriosa et benedicta.

Kyrie eleison. Christe eleison. Kyrie eleison.

Ÿ. Dominus vobiscum. *R.* Et cum spiritu tuo.

Oratio.

BEATÆ et gloriosæ semper Virginis Mariæ, quæsumus Domine, intercessio gloriosa nos protegat, et ad vitam perducatur æternam. Per.

AD MATUTINUM

Ave Mariæ. *ut supra.*

Ÿ. Domine labia mea aperies. *R.* Et os meum annuntiabit laudem tuam.

Ÿ. Deus in adiutorium.

Invit. Ave Mariæ, gratia plena: * Dominus tecum.

Ps. Venite, exultemus. 2.

Hymn. Quem terra. 147*.

IN NOCTURNO

Ant. et Psalmi dicuntur ut in Festis B. M. V., scilicet: Feriali II. et V. De I. Noct. 148.*

Feriali III. et VI. De II. Noct. 150.*

Feriali IV. et Sabbato. De III. Noct. 153.*

Ÿ. Diffusa est gratia in labiis tuis. *R.* Propterea benedixit te Deus in æternum.

Pater noster. *secreto.*

Ÿ. Et ne nos inducas in tentationem. *R.* Sed libera nos a malo.

Absolutio.

PRÆCIBUS et meritis beatæ Mariæ semper Virginis,

et ómnium Sanctórum, per-
ducát nos Dóminus ad re-
gna cælórum. **R.** Amen.

V. Jube domne benedi-
cere.

Bened. Nos cum prole pia
benedicat Virgo María. **R.**
Amen.

Lectio j. Eccli. 24.

IN ómnibus réquiem quæ-
sivi, et in hereditáte Dó-
mini morábor. Tunc præcé-
pit, et dixit mihi Creatór
ómnium : et qui creávit me,
requiévít in tabernáculo
meo, et dixit mihi : In Jacob
inhábíta, et in Israël here-
ditáre, et in eléctis meis
mitte radices. Tu áutem Dó-
mine miserére nobis.

R. Deo grátias.

R. Sancta et immaculáta
virginitas, quibus te láudi-
bus éfferam néscio : * Quia
quem cæli cápere non pót-
erant, tuo grémio contulisti.
V. Benedicta tu in muliéri-
bus, et benedictus fructus
ventris tui. Quia.

V. Jube domne benedi-
cere.

Bened. Ipsa Virgo vírgi-
num intercédát pro nobis ad
Dóminum. **R.** Amen.

Lectio ij.

ET sic in Sion firmáta sum,
et in civitáte sanctificáta
similiter requiévi, et in Je-
rúsalem potéstas mea. Et
radicávi in pópulo honori-
ficáto, et in parte Dei mei
heréditas illius, et in pleni-
túdine sanctórum deténtio
mea. Tu áutem.

R. Beáta es Virgo María,
quæ Dóminum portásti Crea-
tórem mundi : * Genuisti qui
te fecit, et in ætérnum pér-
manes Virgo. **V.** Ave María,
grátia plena, Dóminus te-
cum. Genuisti.

V. Jube domne benedi-
cere.

Bened. Per Virginem Ma-
trem concédát nobis Dómi-
nus salútem et pacem. **R.**
Amen.

Lectio iij.

QUASI cedrus exaltáta sum
in Líbano, et quasi cy-
préssus in monte Sion : quasi
palma exaltáta sum in Ca-
des, et quasi plantátio rosæ
in Jéricho. Quasi oliva spe-
ciósa in campis, et quasi
plátanus exaltáta sum juxta
aquam in platéis. Sicut cin-
namómum, et bálsamum aro-
matizans odórem dedi : quasi
myrrha elécta dedi suavitá-
tem odóris. Tu áutem.

R. Felix namque es, sacra
Virgo María, et omni láude
digníssima : * Quia ex te or-
tus est sol justitiæ, * Christus
Deus noster. **V.** Ora pro pó-
pulo, intérvieni pro clero,
intercede pro devóto femi-
neo sexu : séntiant omnes
tuum juvámen, quicúm-
que célebrant tuam sanctam
commemoriátionem. Quia.
Glória Patri. Christus.

AD LAUDES

ET PER HORAS

V. Deus in adjutórium.

Ant. 1. Assúpta est * Ma-
ria in cælum : gáudent An-

geli, laudantes benedicunt Dóminum.

Ps. Dóminus regnávít. **cum reliq.** 16.

2. Mariá Virgo * assúpta est ad æthéreum thálamum, in quo Rex regum stelláto sedet sólio.

3. In odórem * unguentórum tuórum cúrrimus : adolescéntulæ dilexérunt te nimis.

4. Benedicta filia * tu a Dómino : quia per te fructum vitæ comunicávimus.

5. Pulchra es, * et decóra, filia Jerúsalem : terribilis ut castrórum ácies ordináta.

Capitulum. **Cant.** 6. c

VIDÉRUNT eam filiæ Sion, et beatissimam prædicáverunt, et reginæ laudavérunt eam. **R.** Deo grátias.

Hymn. O gloriósa. 157*.

V. Benedicta tu in muliéribus. **R.** Et benedictus fructus ventris tui.

Ad Bened. Ant. Beáta Dei Génitrix Mariá, * Virgo perpétua, templum Dómini, sacrárium Spíritus sancti : sola sine exémplo placuisti Dómino nostro Jesu Christo : ora pro pópulo, intérvieni pro clero, intercède pro devóto femineo sexu.

Kýrie eléison. Christe eléison. Kýrie eléison.

V. Dóminus vobíscum. **R.** Et cum spíritu tuo.

Oratio.

DEUS, qui de beátæ Mariæ Virginis útero Verbum tuum, Angelo nuntiánte, car-

nem suscipere voluisti : præsta supplicibus tuis ; ut qui vere eam Genitricem Dei crédimus, ejus apud te intercessiónibus adjuvémur. Per eúndem Christum Dóminum nostrum. **R.** Amen.

Pro Sanctis, Ant. Sancti Dei. 162*.

AD PRIMAM

Ave Mariá.

V. Deus in adjutórium.

Hymn. Meménto. 163*.

Ant. Assúpta est.

Psalmus 53.

DEUS in nómine tuo saluum me fac : * et in virtúte tua júdica me.

Deus exáudi oratiónem meam : * áuribus pèrcipe verba oris mei.

Quóniam aliéni insurrexérunt advérsus me, et fortes quæsiérunt ánimam meam : * et non proposuérent Deum ante conspéctum suum.

Ecce enim Deus ádjuvat me : * et Dóminus suscèptor est ánimæ meæ.

Avérte mala inimicis meis : * et in veritaté tua dispérde illos.

Voluntárie sacrificábo tibi, * et confitébor nómini tuo Dómine : quóniam bonum est :

Quóniam ex omni tribulatióne eripuisti me : * et super inimicos meos despéxit óculus meus.

Psalmus 84.

BENEDIXISTI Dómine terram tuam : * avertisti captivitátem Jacob.

Remisisti iniquitatem plebis tuæ : * operuisti ómnia peccáta eórum.

Mitigásti omnem iram tuam : * avertisti ab ira indignationis tuæ.

Convérte nos Deus salutaris noster : * et avérte iram tuam a nobis.

Numquid in ætérnum irascéris nobis ? * aut exténdes iram tuam a generatióne in generatióne ?

Deus tu convérsus vivificábis nos : * et plebs tua lætábitur in te.

Osténde nobis Dómine misericórdiam tuam : * et salutare tuum da nobis.

Audiam quid loquátur in me Dóminus Deus : * quóniam loquétur pacem in plebem suam.

Et super sanctos suos : * et in eos, qui convertúntur ad cor.

Verúntamen prope timéntes eum salutáre ipsius : * ut inhabitet glória in terra nostra.

Misericórdia, et véritas obviavérunt sibi : * justítia, et pax osculatæ sunt.

Véritas de terra orta est : * et justítia de cælo prospéxit.

Etenim Dóminus dabit benignitatem : * et terra nostra dabit fructum suum.

Justítia ante eum ambulábit : * et ponet in via gressus suos.

Psalmus 116.

LAUDÁTE Dóminum omnes gentes : * laudáte eum omnes pópuli :

Quóniam confirmáta est supernos misericórdia ejus : * et véritas Dómini manet in ætérnum.

Ant. Assúpta est María in cælum : gáudent Angeli : laudántes benedicunt Dóminum.

Capitulum. Cant. 6. c

QUÆ est ista, quæ progreditur quasi auróra consurgens, pulchra ut luna, elécta ut sol, terribilis ut castrórum ácies ordináta ?

R. Deo grátias.

V. Dignáre me laudáre te Virgo sacráta. **R.** Da mihi virtútem contra hostes tuos.

Kýrie eléison. Christe eléison. Kýrie eléison.

V. Dóminus vobíscum. **R.** Et cum spíritu tuo.

Oratio.

DEUS, qui virginálem áulam beátæ Mariæ, in qua habitáres, eligere dignátus es : da, quæsumus ; ut sua nos defensióne munitos, jucúndos fácias suæ interesse commemoratióni : Qui vivis et regnas.

AD TERTIAM

Ave María.

V. Deus in adjutórium.

Hymn. Meménto. 163*.

Ant. María Virgo.

Psalmus 119.

AD Dóminum cum tribulárer clamávi : * et exaudivit me.

Dómine libera ánimam meam a lábiis iniquis, * et a lingua dolósa.

Quid detur tibi, aut quid

apponatur tibi * ad linguam dolosam?

Sagittæ potētis acutæ, * cum carbōnibus desolatōriis.

Heu mihi, quia incolatus meus prolongatus est : habitavi cum habitantibus Cedar : * multum incola fuit anima mea.

Cum his, qui odērunt pacem, eram pacificus : * cum loquebar illis, impugnabant me gratis.

Psalmus 120.

LEVÁVI óculos meos in montes, * unde véniet auxilium mihi.

Auxilium meum a Dómino, * qui fecit cælum et terram.

Non det in commotiōnem pedem tuum : * neque dormitet qui custódit te.

Ecce non dormitabit neque dormiet, * qui custódit Israël.

Dóminus custódit te, Dóminus protéctio tua, * super manum dexteram tuam.

Per diem sol non uret te : * neque luna per noctem.

Dóminus custódit te ab omni malo : * custódiat animam tuam Dóminus.

Dóminus custódiat intróitum tuum, et éxitum tuum, * ex hoc nunc et usque in sæculum.

Psalmus 121.

LÆTATUS sum in his, quæ dicta sunt mihi : * In domum Dómini ibimus.

Stantes erant pedes no-

stri, * in átriis tuis Jerúsalem.

Jerúsalem, quæ ædificatur ut civitas : * cujus participatio ejus in idipsum.

Illuc enim ascenderunt tribus, tribus Dómini : * testimonium Israël ad confitendum nómini Dómini.

Quia illic sederunt sedes in iudicio, * sedes super domum David.

Rogáte quæ ad pacem sunt Jerúsalem : * et abundantia diligéntibus te.

Fiat pax in virtute tua : * et abundantia in túrribus tuis.

Propter fratres meos, et próximos meos, * loquebar pacem de te :

Propter domum Dómini Dei nostri, * quæsivi bona tibi.

Ant. Maria Virgo assúpta est ad æthéreum thálamum, in quo Rex regum stellato sedet sólio.

Capitulum. Eccli. 24. b

ET sic in Sion firmata sum, et in civitate sanctificata similiter requievi, et in Jerúsalem potestas mea.

R. Deo grátias.

V. Diffusa est grátia in lábiis tuis. **R.** Propterea benedixit te Deus in ætérnum.

Kýrie eléison. Christe eléison. Kýrie eléison.

V. Dóminus vobiscum. **R.** Et cum spíritu tuo.

Oratio.

DEUS, qui salútis æternæ, beátæ Mariæ virginitate fecunda, humano géneri

præmia præstitisti : tribue ,
quæsumus ; ut ipsam pro
nobis intercédere sentiámus,
per quam meruimus
auctórem vitæ suscipere ,
Dóminum nostrum Jesum
Christum Filium tuum : Qui
tecum vivit.

AD SEXTAM

Ave María.

Ÿ. Deus in adiutorium.

Hymn. Meménto. 163*.

Ant. In odórem.

Psalmus 122.

Ad te levávi óculos meos,*
qui hábitas in cælis.

Ecce sicut óculi servórum
* in mánibus dominórum
suórum,

Sicut óculi ancillæ in má-
nibus dómínæ suæ : * ita
óculi nostri ad Dóminum
Deum nostrum donec mise-
reátur nostri.

Miserére nostri Dómine,
miserére nostri : * quia mul-
tum repléti sumus despe-
ctióne :

Quia multum repléta est
ánima nostra : * oppróbrium
abundántibus, et despéctio
supérbis.

Psalmus 123.

Nisi quia Dóminus erat in
nobis, dicat nunc Israël : *
nisi quia Dóminus erat in
nobis,

Cum exsúrgerent hómines
in nos, * forte vivos deglu-
tissent nos :

Cum irascerétur furor eórum
in nos, * fórsitan aqua
absorbuisset nos.

Torréntem pertransivit

ánima nostra : * fórsitan
pertransisset ánima nostra
aquam intolerábilem.

Benedictus Dóminus * qui
non dedit nos in captiónem
déntibus eórum.

Anima nostra sicut passer
erépta est * de láqueo venán-
tium :

Láqueus contritus est, *
et nos liberáti sumus.

Adiutorium nostrum in
nómine Dómini, * qui fecit
cælum et terram.

Psalmus 124.

Qui confidunt in Dómino,
sicut mons Sion : * non
commovébitur in ætérnum,
qui hábitat in Jerúsalem.

Montes in circúitu ejus : *
et Dóminus in circúitu pó-
puli sui, ex hoc nunc et us-
que in sáculum.

Quia non relinquet Dó-
minus virgam peccatórum
super sortem justórum : * ut
non exténdant justi ad ini-
quitátem manus suas.

Bénéfac Dómine bonis, *
et rectis corde.

Declinántes áutem in obli-
gatiónes, addúcet Dóminus
cum operántibus iniquitá-
tem : * pax super Israël.

Ant. In odórem unguen-
tórum tuórum cúrrimus :
adolescéntulæ dilexérunt te
nimis.

Capitulum. Eccli. 24. b

Et radicávi in póculo ho-
norificáto, et in parte
Dei mei heréditas illius, et
in plenitúdine sanctórum de-
téntio mea. R. Deo grátias.

ŷ. Benedicta tu in mulieribus. **R.** Et benedictus fructus ventris tui.

Kýrie eléison. Christe eléison. Kýrie eléison.

ŷ. Dóminus vobiscum. **R.** Et cum spiritu tuo.

Oratio.

CONCÉDE miséricors Deus fragilitáti nostræ præsidium : ut qui sanctæ Dei Genitricis memóriam ágimus, intercessiónis ejus auxilio, a nostris iniquitatibus resurgamus. Per eúmdem Dóminum.

AD NONAM

Ave María.

ŷ. Deus in adjutórium.

Hymn. Meménto. 163*.

Ant. Pulchra es.

Psalmus 125.

IN converténdo Dóminus captivitátem Sion : * facti sumus sicut consoláti.

Tunc replétum est gáudio os nostrum : * et lingua nostra exsultatíone.

Tunc dicent inter gentes : * Magnificávit Dóminus fácere cum eis.

Magnificávit Dóminus fácere nobiscum : * facti sumus lætántes.

Convérte Dómine captivitátem nostram, * sicut torrens in Austro.

Qui sémant in lácrymis, * in exsultatíone metent.

Eúntes ibant et flebant, * mitténtes sémina sua.

Veniéntes áutem vénient cum exsultatíone, * portántes manípulos suos.

Psalmus 126.

NISI Dóminus ædificáverit domum, * in vanum laboráverunt qui ædificant eam.

Nisi Dóminus custodierit civitátem, * frustra vigilat qui custódit eam.

Vanum est vobis ante lucem súrgere : * súrgite postquam sedéritis, qui manducátis panem dolóris.

Cum déderit diléctis suis somnum : * ecce heréditas Dómini filii : merces, fructus ventris.

Sicut sagittæ in manu poténtis : * ita filii excussórum.

Beátus vir qui implevit desidérium suum ex ipsis : * non confundétur cum loquéatur inimicis suis in porta.

Psalmus 127.

BEÁTI omnes, qui timent Dóminum, * qui ámbulant in viis ejus.

Labóres mánuum tuárum quia manducábis : * beátus es, et bene tibi erit.

Uxor tua sicut vitis abúndans, * in latéribus domus tuæ.

Filii tui sicut novéllæ olivárum, * in circúitu mensæ tuæ.

Ecce sic benedicétur homo, * qui timet Dóminum.

Benedicat tibi Dóminus ex Sion : * et vídeas bona Jerúsalem ómnibus diébus vitæ tuæ.

Et vídeas filios filiórum tuórum, * pacem super Israël.

Ant. Pulchra es, et decó-

ra, filia Jerúsalem : terribilis
ut castrórum ácies ordináta.

Capitulum. *Eceli. 24. b*

IN platéis sicut cinnamó-
mum et bálsamum aro-
matizans odórem dedi : qua-
si myrrha elécta dedi suavi-
tatem odóris. *R.* Deo grátias.

V. Post partum Virgo in-
violáta permansisti. *R.* Dei
Génitrix intercède pro no-
bis.

Kýrie eléison. Christe eléi-
son. Kýrie eléison.

V. Dóminus vobiscum. *R.*
Et cum spíritu tuo.

Oratio.

FAMULÓRUM tuórum, quæ-
sumus Dómine, delictis
ignósce : ut qui tibi placere
de áctibus nostris non va-
lémus, Genitricis Fílii tui
Dómini nostri intercessióne
salvémur : Qui tecum vivit.





OFFICIUM DEFUNCTORUM

Dicitur extra Tempus Paschale prima cujusque mensis die, non impedita Festo novem Lect., alioquin alia sequenti die similiter non impedita. In Choro dicitur post Officium diei, id est, Vesperæ post Vesperas, et Matut. post Laudes diei, nisi alia sit consuetudo ecclesiarum: extra Chorum vero pro opportunitate temporis.

AD VESPERAS

Absolute incipitur ab

Ant. Placébo Dómino * in regione vivórum.

Psalmus 114.

DILÉXI, quóniam exáudiet Dóminus* vocem oratiónis meæ.

Quia inclinávit áurem suam mihi: * et in diébus meis invocábo.

Circumdedérunt me dolóres mortis: * et perícula inférni invenérunt me.

Tribulatiónem et dolórem invéni: * et nomen Dómini invocávi.

O Dómine libera ánimam meam: * miséricors Dóminus, et justus, et Deus noster miserétur.

Custódiens párvulos Dóminus: * humiliátus sum, et liberávit me.

Convértere ánima mea in réquiem tuam: * quia Dóminus benefécit tibi.

Quia eripuit ánimam meam de morte: * óculos meos a lácrymis, pedes meos a lapsu.

Placébo Dómino * in regione vivórum.

In fine omnium Psalmorum dicitur:

Réquiem ætérnam * dona eis Dómine.

Et lux perpétua* lúceat eis.

Ant. Placébo Dómino in regione vivórum.

Ant. Hei mihi Dómine, * quia incolátus meus prolongátus est.

Psalmus 119.

AD Dóminum cum tribulárer clamávi: * et exaudivit me.

Dómine libera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: * multum incola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Réquiem ætérnam.

Ant. Hei mihi Dómine, quia incolátus meus prolongátus est.

Ant. Dóminus custódit te * ab omni malo : custódiat ánimam tuam Dóminus.

Psalmus 120.

LEVÁVI OCULOS MEOS IN MONTES, * unde véniet auxilium mihi.

Auxilium meum a Dómino, * qui fecit cælum et terram.

Non det in commotiõnem pedem tuum : * neque dormitet qui custódit te.

Ecce non dormitábit, neque dórmiet, * qui custódit Israël.

Dóminus custódit te, Dóminus protéctio tua, * super manum dexteram tuam.

Per diem sol non uret te : * neque luna per noctem.

Dóminus custódit te ab omni malo : * custódiat ánimam tuam Dóminus.

Dóminus custódiat intróitum tuum, et éxitum tuum : * ex hoc nunc, et usque in sæculum.

Réquiem ætérnam.

Ant. Dóminus custódit te ab omni malo : custódiat ánimam tuam Dóminus.

Ant. Si iniquitátes * observáveris Dómine : Dómine quis sustinébit?

Psalmus 129.

DE PROFUNDIS CLAMÁVI AD TE DÓMINE : * DÓMINE EXÁUDI VOCEM MEAM.

Fiant áures tuæ intendentes, * in vocem deprecatiõnis meæ.

Si iniquitátes observáveris Dómine : * Dómine quis sustinébit?

Quia apud te propitiatio est : * et propter legem tuam sustinui te Dómine.

Sustinuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse rédimet Israël, * ex omnibus iniquitatibus ejus.

Réquiem ætérnam.

Ant. Si iniquitátes observáveris Dómine : Dómine quis sustinébit?

Ant. Opera * mánuum tuarum Dómine ne despicias.

Psalmus 137.

CONFITÉBOR tibi Dómine in toto corde meo : * quóniam audísti verba oris mei.

In conspéctu Angelórum psallam tibi : * adorábo ad templum sanctum tuum, et confitébor nómini tuo.

Super misericórdia tua, et veritáte tua : * quóniam magnificásti super omne, nomen sanctum tuum.

In quacúmque die invocávero te, exáudi me : * multiplicábis in ánima mea virtútem.

Confiteántur tibi Dómine omnes reges terræ : * quia audiérunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humília réspicit : * et alta a longe cognóscit.

Siambulávero in médio tribulatiónis, vivificábis me : * et super iram inimicórum meórum extendisti manum tuam, et salvum me fecit délixtera tua.

Dóminus retribuet pro me : * Dómine misericórdia tua in sáeculum : ópera mánuum tuárum ne despicias.

Réquiem ætérnam.

Ant. Opera mánuum tuárum Dómine ne despicias.

Ÿ. Audívi vocem de cælo dicéntem mihi. **R̃.** Beáti mórtui qui in Dómino moriúntur.

Ad Magnif. Ant. Omne * quod dat mihi Pater, ad me véniet : et eum qui venit ad me, non ejiciam foras.

Preces infrascriptæ dicuntur flexis genibus; similiter et ad Laudes.

Pater noster. **secreto.**

Ÿ. Et ne nos indúcas in tentatiónem. **R̃.** Sed libera nos a malo.

Sequens Ps. Láuda ánima mea. **in Vesp., similiter et**

Ps. De profúndis. in fine Laudum, non dicuntur in die Commemorationis omnium Fidelium Defunctorum, neque in die obitus seu depositionis Defuncti. Alias semper dicuntur.

Psalmus 145.

LÁUDA ánima mea Dóminum : laudábo Dóminum in vita mea : * psallam Deo meo quámdui fúero.

Nolite confidere in princípibus : * in filiis hóminum, in quibus non est salus.

Exibit spíritus ejus, et revertétur in terram suam : * in illa die peribunt omnes cogitatiónes eórum.

Beátus, cujus Deus Jacob adjútor ejus, spes ejus in Dómino Deo ipsíus : * qui fecit cælum et terram, mare, et ómnia, quæ in eis sunt.

Qui custódit veritátem in sáeculum, facit judicium injúriam patiéntibus : * dat escam esuriéntibus.

Dóminus solvit compeditos : * Dóminus illúminat cæcos.

Dóminus érigit elisos : * Dóminus diligit justos.

Dóminus custódit ádvenas, pupillum et víduam suscípiet : * et vias peccatórum dispérdet.

Regnábít Dóminus in sáecula : Deus tuus Sion, * in generatiónem et generatió-nem.

In fine Psalmi : Réquiem ætérnam * dona eis Dómine.

Et lux perpétua * lúceat eis.

Deinde *ŷ.* A porta inferi.

Ŕ. Erue Dómine ánimas eórum.

ŷ. Requiéscant in pace.

Ŕ. Amen.

ŷ. Dómine exáudi oratió-
nem meam. *Ŕ.* Et clamor
meus ad te véniat.

ŷ. Dóminus vobiscum. *Ŕ.*
Et cum spiritu tuo.

Oratio.

DEUS, qui inter apostólicos
sacerdótes, fámulos tuos
pontificáli seu sacerdotáli fe-
cisti dignitáte vigére : præ-
sta quæsumus ; ut eórum
quoque perpétuo aggregén-
tur consórtio.

DEUS, véniæ largitor et
humánæ salútis amá-
tor : quæsumus cleméntiam
tuam ; ut nostræ congrega-
tiónis fratres, propínquos
et benefactóres, qui ex hoc
sæculo transiérunt, beáta
María semper Virgine inter-
cedente cum ómnibus San-
ctis tuis, ad perpétuæ bea-
titúdinis consórtium perve-
nire concédas.

FIDÉLIUM Deus ómnium
Cónditor et Redémptor,
animábus famulórum famu-
larúmque tuárum remissió-
nem cunctórum tribue pec-
catórum : ut indulgéntiam
quam semper optavérunt,
piis supplicatióibus conse-
quántur : Qui vivis et re-
gnas in sæcula sæculórum.
Ŕ. Amen.

In die vero Commemora-

**tionis ómnium Fidelium De-
functorum, quando dicitur
hæc ultima tantum Oratio,
dicitur :** Qui vivis et regnas
cum Deo Patre in unitáte
Spíritus sancti Deus, per
ómnia sæcula sæculórum.
Ŕ. Amen.

**In die depositionis Defuncti.
Oratio.**

ABSÓLVE, quæsumus Dó-
mine, ánimam fámuli tui
N., ut defúctus sæculo tibi
vivat : et quæ per fragilitá-
tem carnis humana conver-
satióne commisit, tu vénia
misericordiíssimæ pietátis
abstérge. Per Dóminum.

Si fuerit femina, dicatur
ánimam fámulæ tuæ *N.*, ut
defúcta.

In Anniversario die.

Oratio.

DEUS indulgentiárum Dó-
mine : da animábus
famulórum famularúmque
tuárum, quorum anniversá-
rium depositiόνis diem com-
memorámus, refrigerií se-
dem, quiétis beatitúdinem,
et lúminis claritátem. Per
Dóminum.

**Si pro uno tantum fit An-
niversarium, dicatur in sin-
gulari numero.**

**Pro uno Episcopo defuncto.
Oratio.**

DEUS, qui inter apostóli-
cos sacerdótes fámulum
tuum *N.* pontificáli fecisti di-
gnitáte vigére : præsta quæ-
sumus ; ut eórum quoque
perpétuo aggregétur consór-
tio. Per Dóminum.

Si fuerit Sacerdos, dicatur sacerdotali fecisti, etc.

Pro fratribus vero et familiaribus, vel benefactoribus, dicitur Oratio Deus, veniæ largitor. ut supra.

Pro patre et matre.

Oratio.

DEUS, qui nos patrem et matrem honorare præcepisti : miserere clementer animabus patris et matris meæ, eorūque peccata dimitte ; meque eos in æternæ claritatis gaudio fac videre. Per Dóminum.

Si fit pro pluribus, dicatur animabus paréntum nostrórum, et ubi dicitur meque, dicatur nosque.

Si pro patre tantum, dicatur animæ patris mei, vel nostri.

Si pro matre tantum, dicatur animæ matris meæ, vel nostræ.

Pro uno Defuncto.

Oratio.

INCLÍNA Dómine áurem tuam ad preces nostras, quibus misericórdiam tuam supplices deprecámur : ut ánimam fámuli tui, quam de hoc sáculo migrare jussisti, in pacis ac lucis regione constituas, et sanctórum tuórum júbeas esse consórtem. Per Dóminum.

Pro una Defuncta.

Oratio.

QUÆSUMUS Dómine pro tua pietáte miserere animæ fámulæ tuæ : et a contágiis

mortalitátis exútam, in æternæ salvationis partem restitu. Per Dóminum.

Ÿ. Réquiem ætérnam dona eis Dómine. R. Et lux perpétua lúceat eis.

Ÿ. Requiéscant in pace. R. Amen.

AD MATUTINUM

Invit. Regem, cui ómnia vivunt, * Venite, adorémus.

Repetit. Regem, cui ómnia vivunt, venite, adorémus.

Ps. Venite, exsultémus. 2.

Et in fine : Réquiem ætérnam dona eis Dómine : et lux perpétua lúceat eis.

Hoc Invitatorium dicitur tantum in die Commemorationis omnium Fidelium Defunctorum, et in die depositionis Defuncti : quibus diebus dicuntur tres infra-scripti Nocturni, et Ant. duplicantur. Aliis temporibus dicitur tantum unum Nocturnum cum Laudibus, hoc ordine : Feria II. et V., I. Nocturnum : Feria III. et VI., II. Nocturnum : Feria IV. et Sabbato, III. Nocturnum.

IN I. NOCTURNO

PRO FERIA II. ET V.

Ant. Dirige * Dómine Deus meus in conspéctu tuo viam meam.

Psalmus 5.

VERBA mea áuribus percipe Dómine, * intéllege clamórem meum.

Inténde voci oratiónis meæ, * Rex meus et Deus meus.

Quóniam ad te orábo : *

Dómine mane exáudies vocem meam.

Mane adstábo tibi, et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multítudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in justitia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitátionibus suis, secúndum multítudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine, ut scuto bonæ voluntátis tuæ * coronásti nos.

Réquiem ætérnam.

Ant. Dirige Dómine Deus meus in conspéctu tuo viam meam.

Ant. Convértere * Dómine, et éripe ánimam meam : quóniam non est in morte, qui memor sit tui.

Psalmus 6.

DÓMINE, ne in furóre tuo árguas me, * neque in ira tua corrípias me.

Miserére mei Dómine quóniam infirmus sum : * sana me Dómine quóniam conturbáta sunt ossa mea.

Et ánima mea turbáta est valde : * sed tu Dómine úsquequo?

Convértere Dómine, et éripe ánimam meam : * saluum me fac propter misericórdiam tuam,

Quóniam non est in morte qui memor sit tui : * in inférno áutem quis confitébitur tibi?

Laborávi in gémitu meo, lavábo per singulas noctes lectum meum : * lácrymis meis stratum meum rigábo.

Turbátus est a furóre óculus meus : * inveterávi inter omnes inimicos meos.

Discédite a me omnes, qui operámini iniquitátem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus orationem meam suscepit.

Erubéscant, et conturbéntur veheménter omnes inimici mei : * convertántur

et erubescant valde velociter.

Réquiem æternam.

Ant. Convertere Dómine, et éripe ánimam meam : quóniam non est in morte, qui memor sit tui.

Ant. Nequándo rápiat * ut leo ánimam meam, dum non est qui rédimat, neque qui salvum fáciat.

Psalmus 7.

DÓMINE Deus meus in te sperávi : * salvum me fac ex ómnibus persecúentibus me, et libera me.

Nequándo rápiat ut leo ánimam meam, * dum non est qui rédimat, neque qui salvum fáciat.

Dómine Deus meus, si feci istud, * si est iniquitas in mánibus meis :

Si réddidi retribuéntibus mihi mala, * decídám mérito ab inimícis meis inánis.

Persequátur inimícus ánimam meam, et comprehéndat, et concúlcet in terra vitam meam, * et glóriam meam in púlverem dedúcat.

Exsúrge Dómine in ira tua : * et exaltáre in fínibus inimicórum meórum.

Et exsúrge Dómine Deus meus in præcépto quod mandásti : * et synagóga populórum circúmdabit te.

Et propter hanc in altum regrédere : * Dóminus júdicat pópulos.

Júdice me Dómine secúndum justítiam meam, *

et secúndum innocéntiam meam super me.

Consumétur nequítia peccatórum, et diriges justum, * scrutans corda et renes Deus.

Justum adjutórium meum a Dómino, * qui salvos facit rectos corde.

Deus iudex justus, fortis, et pátiens : * numquid irascitur per singulos dies?

Nisi convérsi fuéritis, gládium suum vibrábit : * arcum suum teténdit, et parávit illum.

Et in eo parávit vasa mortis, * sagittas suas ardéntibus effécit.

Ecce partúriit injustitiam : * concépit dolórem, et péperit iniquitátem.

Lacum apérui, et effódit eum : * et incidit in fóveam, quam fecit.

Convertétur dolor ejus in caput ejus : * et in vérticem ipsius iniquitas ejus descéndet.

Confitébor Dómino secúndum justítiam ejus : * et psallam nómini Dómini altíssimi.

Réquiem æternam.

Ant. Nequándo rápiat ut leo ánimam meam, dum non est qui rédimat, neque qui salvum fáciat.

Ÿ. A porta inferi. **R̃.** Erue Dómine ánimas eórum.

Pater noster. **totum secreto.**

Lectiones leguntur sine Absolutione, Benedictionibus et Titulo.

Lectio j. Job 7. d

PARCE mihi Dómine : nihil enim sunt dies mei. Quid est homo , quia magnificas eum? aut quid appónis erga eum cor tuum? Visitas eum dilúculo , et súbito probas illum. Usquequo non parcis mihi , nec dimittis me , ut glútiam salivam meam? Peccávi : quid fáciam tibi o custos hóminum? quare posuisti me contrárium tibi , et factus sum mihimetípsi gravis? Cur non tollis peccátum meum , et quare non áufers iniquitátem meam? ecce nunc in púlvere dórmiam : et si mane me quæsieris , non subsístam.

Lect. terminantur sine Tu áutem. vel alia conclusione.

R. Credo quod Redémptor meus vivit , et in novíssimo die de terrasurrectúrus sum :
* Et in carne mea vidébo Deum Salvatórem meum. **V.** Quem visúrus sum ego ipse , et non álius : et óculi mei conspectúri sunt. Et.

Lectio ij. Job 10.

TÆDET ánimam meam vitæ meæ , dimittam advérsum me elóquium meum , loquar in amaritúdine ánimæ meæ. Dicam Deo : Noli me condemnáre : indica mihi cur me ita júdices. Numquid bonum tibi vidétur , si calumniéris me , et ópprimas me opus mánuum tuárum , et consílium impiórum ádjuves? Numquid óculi cárnei tibi sunt : aut sicut

videt homo , et tu vidébis? Numquid sicut dies hóminis dies tui , et anni tui sicut humana sunt témpora , ut quæras iniquitátem meam , et peccátum meum scrutéris? Et scias quia nihil ímpium fécerim , cum sit nemo qui de manu tua possit erúere.

R. Qui Lázarus resuscitásti a monuménto foétidum :
* Tu eis Dómine dona réquiem , et locum indulgéntiæ. **V.** Qui ventúrus es judicáre vivos et mórtuos , et sæculum per ignem. Tu eis.

Lectio iij. Job 10. b

MANUS tuæ fecérunt me , et plasmavérunt me totum in circúitu : et sic repente præcipitas me? Meménto quæso quod sicut lutum féceris me , et in púlverem redúces me. Nonne sicut lac mulsisti me , et sicut cáseum me coagulásti? Pelle et cárnibus vestisti me : óssibus et nervis compegisti me. Vitam et misericórdiam tribuisti mihi , et visitatio tua custodivit spiritum meum.

R. Dómine , quando véneris judicáre terram , ubi me abscóndam a vultu iræ tuæ?
* Quia peccávi nimis in vita mea. **V.** Commissa mea pavésco , et ante te erubésco : dum véneris judicáre , noli me condemnáre. Quia. **V.** Réquiem ætérnam dona eis Dómine : et lux perpétua luceat eis. Quia.

Postea ad Laudes , ut in-

fra. 186*, quando dicitur
unum tantum Nocturnum.

IN II. NOCTURNO

PRO FERIA III. ET VI.

Ant. In loco páscae * ibi
me collocávit.

Psalmus 22.

DÓMINUS regit me, et nihil
mihi déerit : * in loco
páscae ibi me collocávit.

Super aquam refectiónis
educávit me : * ánimam me-
am convértit.

Dedúxit me super sémi-
tas justitiæ, * propter nomen
suum.

Nam, et si ambulávero in
medio umbræ mortis, non
timébo mala : * quóniam tu
mecum es.

Virga tua, et báculo tuus :
* ipsa me consoláta sunt.

Parásti in conspéctu meo
mensam, * advérsus eos, qui
tribulant me.

Impinguásti in óleo caput
meum : * et calix meus iné-
brians quam præclárus est!

Et misericórdia tua subse-
quétur me * ómnibus diébus
vitæ meæ :

Et ut inhábitem in domo
Dómini, * in longitudinem
diérum.

Requiem ætérnam.

Ant. In loco páscae ibi
me collocávit.

Ant. Delicta * juventútis
meæ, et ignorántias meas
ne memineris Dómine.

Psalmus 24.

Ad te Dñe levávi ánimam
meam : * Deus meus in
te confido, non erubéscam.

Neque irrideant me ini-
mici mei : * etenim univérsi,
qui sústinent te, non con-
fundéntur.

Confundántur omnes ini-
qua agéntes * supervácue.

Vias tuas Dómine demon-
stra mihi : * et sémitas tuas
édoce me.

Dirige me in veritáte tua,
et doce me : * quia tu es
Deus salvátor meus, et te
sustinui tota die.

Reminiscere miseratió-
num tuárum Dómine, * et
misericordiárum tuárum,
quæ a sáculo sunt.

Delicta juventútis meæ, *
et ignorántias meas ne me-
mineris.

Secúndum misericórdiam
tuam meménto mei tu : *
propter bonitátem tuam Dó-
mine.

Dulcis et rectus Dóminus : *
propter hoc legem dabit de-
linquéntibus in via.

Diriget mansuétos in judi-
cio : * docébit mites vias suas.

Univérsæ viæ Dómini, mi-
sericórdia et véritas, * requi-
réntibus testaméntum ejus
et testimónia ejus.

Propter nomen tuum Dó-
mine propitiáberis peccáto
meo : * multum est enim.

Quis est homo qui timet
Dóminum? * legem státuit ei
in via, quam elégit.

Anima ejus in bonis de-
morábitur : * et semen ejus
hereditábit terram.

Firmaméntum est Dómi-
nus timéntibus eum : * et

testamentum ipsius ut manifestetur illis.

Oculi mei semper ad Dominum : * quoniam ipse evellat de laqueo pedes meos.

Réspice in me, et miserere mei : * quia unicus et pauper sum ego.

Tribulationes cordis mei multiplicatae sunt : * de necessitatibus meis erue me.

Vide humilitatem meam, et laborem meum : * et dimitte universa delicta mea.

Réspice inimicos meos quoniam multiplicati sunt, * et odio iniquo oderunt me.

Custodi animam meam, et erue me : * non erubescam, quoniam speravi in te.

Innocentes et recti adhæserunt mihi : * quia sustinui te.

Libera Deus Israël * ex omnibus tribulationibus suis.

Réquiem æternam.

Ant. Delicta juventutis meae, et ignorantias meas ne memineris Domine.

Ant. Credo videre * bona Domini in terra viventium.

Psalmus 26.

DÓMINUS illuminatio mea et salus mea, * quem timebo?

Dominus protector vitæ meae, * a quo trepidabo?

Dum appropiant super me nocentes, * ut edant carnes meas :

Qui tribulant me inimici mei, * ipsi infirmati sunt, et ceciderunt.

Si consistent adversum me castra, * non timebit cor meum.

Si exsurgat adversum me praelium, * in hoc ego sperabo.

Unam petii a Domino, hanc requiram, * ut inhabitem in domo Domini omnibus diebus vitæ meae :

Ut videam voluptatem Domini, * et visitem templum ejus.

Quoniam abscondit me in tabernaculo suo : * in die malorum protexit me in abscondito tabernaculi sui.

In petra exaltavit me : * et nunc exaltavit caput meum super inimicos meos.

Circuivi, et immolaui in tabernaculo ejus hostiam vociferationis : * cantabo, et psalmum dicam Domino.

Exaudi Domine vocem meam, qua clamavi ad te : * miserere mei, et exaudi me.

Tibi dixit cor meum, exquirit te facies mea : * faciem tuam Domine requiram.

Ne avertas faciem tuam a me : * ne declines in ira a servo tuo.

Adjutor meus esto : * ne derelinquas me, neque despicias me Deus salutaris meus.

Quoniam pater meus, et mater mea dereliquerunt me : * Dominus autem assumpsit me.

Legem pone mihi Domine in via tua : * et dirige me in semitam rectam propter inimicos meos.

Ne tradideris me in animas tribulantium me : * quoniam insurrexerunt in me testes iniqui, et mentita est iniquitas sibi.

Credo videre bona Domini * in terra viventium.

Exspecta Dominum, viriliter age : * et confortetur cor tuum, et sustine Dominum.

Réquiem æternam.

Ant. Credo videre bona Domini in terra viventium.

Y. Collocet eos Dominus cum principibus. **R.** Cum principibus populi sui.

Pater noster. **totum secreto.**

Lectio iv. Job 13. d

RESPONDE mihi : Quantas habeo iniquitates et peccata, scelera mea et delicta ostende mihi. Cur faciem tuam abscondis, et arbitraris me inimicum tuum? Contra folium, quod vento rapitur, ostendis potentiam tuam, et stipulam siccam persequeris : scribis enim contra me amaritudines, et consumere me vis peccatis adolescentiæ meæ. Posuisti in nervo pedem meum, et observasti omnes semitas meas, et vestigia pedum meorum considerasti : qui quasi putredo consumendus sum, et quasi vestimentum, quod comeditur a tinea.

R. Meménto mei Deus, quia ventus est vita mea, * Nec adspiciat me visus hominis. **Y.** De profundis cla-

mavi ad te Domine : Domine exaudi vocem meam. Nec.

Lectio v. Job 14.

HOMO natus de muliere, brevi vivens tempore, replétur multis miseriis. Qui quasi flos egréditur et contéritur, et fugit velut umbra, et numquam in eodem statu permanet. Et dignum ducis super hujuscemodi aperire oculos tuos, et addúcere eum tecum in iudicium? Quis potest facere mundum de immundo concéptum semine? Nonne tu qui solus es? Breves dies hominis sunt, número mensium ejus apud te est : constituisti terminos ejus, qui præteriri non poterunt. Recede paululum ab eo, ut quiescat, donec optata veniat, sicut mercenarii, dies ejus.

R. Hei mihi Domine, quia peccavi nimis in vita mea : Quid faciam, miser? ubi fugiam, nisi ad te Deus meus? * Miserere mei, dum veneris in novissimo die. **Y.** Anima mea turbata est valde, sed tu Domine succurre ei. Miserere.

Lectio vj. Job 14. c

QUIS mihi hoc tribuat, ut in inférno prótegas me, et abscondas me, donec pertranseat furor tuus, et constituas mihi tempus in quo recordéris mei? Putásne mortuus homo rursum vivat? Cunctis diébus quibus nunc milito, exspecto donec veniat immutatio mea. Vo-

cábis me, et ego respondébo tibi : óperi mánuum tuárum pórriges dexteram. Tu quidem gressus meos dinumerásti, sed parce peccátis meis.

R. Ne recordéris peccáta mea Dómine, * Dum véneris judicáre sáeculum per ignem.

V. Dirige Dómine Deus meus in conspéctu tuo viam meam. Dum. **V.** Réquiem ætérnam. Dum.

Postea ad Laudes ut infra. 186*, quando dicitur unum tantum Nocturnum.

IN III. NOCTURNO

PRO FERIA IV. ET SABBATO

Ant. Compláceat * tibi Dómine, ut erípias me : Dómine ad adjuvándum me respice.

Psalmus 39.

EXSPÉCTANS expectávi Dóminum, * et inténdit mihi.

Et exaudivit preces meas : * et edúxit me de lacu miseriæ, et de luto fæcis.

Et státuit super petram pedes meos : * et diréxit gressus meos.

Et immisit in os meum canticum novum, * carmen Deo nostro.

Vidébunt multi, et timébunt : * et sperábunt in Dómino.

Beátus vir, cujus est nomen Dómini spes ejus : * et non respéxit in vanitátes et insánias falsas.

Multa fecisti tu Dómine Deus meus mirabilia tua : * et cogitatiónibus tuis non est qui similis sit tibi.

Annuntiávi et locútus sum : * multiplicáti sunt super número.

Sacrificium et oblatiónem noluisti : * áures áutem perfecisti mihi.

Holocáustum et pro peccáto non postulásti : * tunc dixi : Ecce vénio.

In cápite libri scriptum est de me ut fácerem voluntátem tuam : * Deus meus vólui, et legem tuam in médio cordis mei.

Annuntiávi justitiam tuam in ecclésia magna, * ecce lábia mea non prohibébo : Dómine tu scisti.

Justitiam tuam non abscondi in corde meo : * veritátem tuam et salutáre tuum dixi.

Non abscondi misericórdiam tuam, et veritátem tuam * a concílio multo.

Tu áutem Dómine ne longe fácias miseratiónes tuas a me : * misericórdia tua et véritas tua semper suscepérunt me.

Quóniam circumdedérunt me mala, quorum non est número : * comprehendérunt me iniquitátes meæ, et non pótui ut vidérem.

Multiplicatæ sunt super capillos cápitis mei : * et cor meum dereliquit me.

Compláceat tibi Dómine ut éruas me : * Dómine ad adjuvándum me respice.

Confundántur et reveanéantur simul, qui quæerunt ánimam meam, * ut áuferant eam.

Convertántur retrórsim,

et revereántur * qui volunt mihi mala.

Ferant conféstim confusiónem suam, * qui dicunt mihi : Euge, éuge.

Exsúltent, et læténtur super te omnes quæréntes te : * et dicant semper : Magnificétur Dóminus : qui diligunt salutáre tuum.

Ego áutem mendicus sum et páuper : * Dóminus sollicitus est mei.

Adjútor meus, et protéctor meus tu es : * Deus meus ne tardáveris.

Réquiem ætérnam.

Ant Compláceat tibi Dómine, ut erípias me : Dómine ad adjuvándum me réspice.

Ant. Sana Dómine * ánimam meam, quia peccávi tibi.

Psalmus 40.

BEÁTUS qui intélligit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : * et non tradat eum in ánimam inimicórum ejus.

Dóminus opem ferat illi super lectum dolóris ejus : * univérsum stratum ejus versásti in infirmitáte ejus.

Ego dixi : Dómine miserére mei : * sana ánimam meam, quia peccávi tibi.

Inimici mei dixerunt mala mihi : * quando moriétur, et peribit nomen ejus?

Et si ingrediebátur ut vi-

déret, vana loquebátur, * cor ejus congregávit iniquitátem sibi.

Egrediebátur foras, * et loquebátur in idípsum.

Advérsum me susurrábant omnes inimici mei : * advérsum me cogitábant mala mihi.

Verbum iníquum constituérunt advérsum me : * Numquid qui dormit non adjiciet ut resúrgat?

Etenim homo pacis meæ, in quo sperávi : * qui edébat panes meos, magnificávit super me supplantatióem.

Tu áutem Dómine miserére mei, et resúscita me : * et retribuam eis.

In hoc cognóvi quóniam voluísti me : * quóniam non gaudébit inimicus meus super me.

Me áutem propter innocentiam suscepísti : * et confirmásti me in conspéctu tuo in ætérnum.

Benedíctus Dóminus Deus Israél a sáculo, et usque in sæculum : * fiat, fiat.

Réquiem ætérnam.

Ant. Sana Dómine ánimam meam, quia peccávi tibi.

Ant. Sitivit * ánima mea ad Deum vivum : quando véniam, et apparebo ante faciém Dómini?

Psalmus 41.

QUEMÁDMODUM desiderat cervus ad fontes aquárum : * ita desiderat ánima mea ad te Deus.

Sitivit ánima mea ad Deum

fortem vivum : * quando véniam, et apparebo ante faciē Dei?

Fuērunt mihi lācrymæ meæ panes die ac nocte : * dum dicitur mihi quotidie : Ubi est Deus tuus?

Hæc recordātus sum, et effūdi in me animam meam : * quóniam transibo in locum tabernáculi admirábilis, usque ad domum Dei.

In voce exsultatiónis et confessiōnis : * sonus epulántis.

Quare tristis es ánima mea? * et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ad meípsum ánima mea conturbáta est : * propterea memor ero tui de terra Jordánis, et Hermóniim a monte módico.

Abýssus abyýssum invocat, * in voce cataractárum tuárum.

Omnia excélsa tua, et fluctus tui * super me transiérunt.

In die mandávit Dóminus misericórdiam suam : * et nocte cánticum ejus.

Apud me orátio Deo vitæ meæ, * dicam Deo : Suscéptor meus es.

Quare oblitus es mei? * et quare contristátus incédo, dum affligit me inimícus?

Dum confringúntur ossa mea, * exprobravérunt mihi qui tribulant me inimíci mei.

Dum dicunt mihi per singulos dies : Ubi est Deus tuus? * quare tristis es ánima mea, et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Réquiem ætérnam.

Ant. Sitivit ánima mea ad Deum vivum : quando véniam, et apparebo ante faciē Dómini?

V. Ne tradas béstiis ánimas confitētes tibi. **R.** Et ánimas páuperum tuórum ne obliviscáris in finem.

Pater noster. **totum secreto.**

Lectio vij. Job 17.

SPÍRITUS meus attenuábitur, dies mei breviabúntur, et solum mihi súperest sepúlcrum. Non peccávi, et in amaritudinibus morátur óculus meus. Libera me Dómine, et pone me juxta te, et cuiúsvis manus pugnet contra me. Dies mei transiérunt, cogitatiónes meæ dissipátæ sunt, torquētes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi : Pater meus es, mater mea, et soror mea, vérmibus. Ubi est ergo nunc præstolátio mea, et patiéntiam meam quis considerat?

R. Peccántem me quoti-

die, et non me pœnitentem, timor mortis contúrbat me:

* Quia in inférno nulla est redemptio, miserere mei Deus, et salva me. *Ÿ.* Deus in nómine tuo saluum me fac, et in virtúte tua libera me. Quia.

Lectio viij. Job 19. c

PELLI meæ, consúptis cárnibus, adhæsit os meum, et derelicta sunt tantúmmodo lábia circa dentes meos. Miserémini mei, miserémini mei, saltem vos amici mei, quia manus Dómini tétigit me. Quare persequimini me sicut Deus, et cárnibus meis saturámini? Quis mihi tríbuat ut scribántur sermónes mei? quis mihi det ut exaréntur in libro stylo férreo, et plumbi lámína, vel celte sculpántur in silice? Scio enim quod Redémptor meus vivit, et in novíssimo die de terra surrectúrus sum: et rursum circúmdabor pelle mea, et in carne mea vidébo Deum meum. Quem visúrus sum ego ipse, et óculi mei conspectúri sunt, et non álius: repósita est hæc spes mea in sinu meo.

R. Dómine secúndum actum meum noli me iudicáre: nihil dignum in conspéctu tuo egi: ídeo déprecor majestátem tuam, * Ut tu Deus deleas iniquitátem meam. *Ÿ.* Amplius lava me Dómine ab injustítia mea, et a delicto meo munda me. Ut.

Lectio ix. Job 10. d

QUARE de vulva eduxisti me? qui útinam consúptus essem ne óculus me vidéret. Fuissem quasi non essem, de útero translátus ad túmulum. Numquid non páucitas diérum meórum finiétur brevi? dimitte ergo me, ut plangam páululum dolórem meum: ántequam vadam, et non revértar, ad terram tenebrósam et opértam mortis caligine: terram misériæ et tenebrárum, ubi umbra mortis, et nullus ordo, sed sempitérnus horror inhábitat.

R. Libera me Dómine de viis inférni, qui portas áreas confregisti: et visitásti inférnum, et dedisti eis lumen, ut vidérent te: * Qui erant in pœnis tenebrárum. *Ÿ.* Clamántes et dicéntes: Advenisti Redémptor noster. Qui erant. *Ÿ.* Réquiem ætérnam. Qui erant.

Sequens *R.* dicitur solummodo in die Commemorationis omnium Defunctorum, et quodcumque pro Defunctis dicuntur ix. Lectiones.

R. Libera me Dómine de morte ætérna in die illa treménda: * Quando cæli movéndi sunt et terra: * Dum véneris iudicáre sáculum per ignem. *Ÿ.* Tremens factus sum ego, et timeo, dum discússio vénerit, atque ventúra ira. Quando. *Ÿ.* Dies illa, dies iræ, calamitátis et misériæ, dies magna et amá-

ra valde. Dum. *ŷ.* Réquiem
æternam. Libera me. *usque*
ad primum ŷ.

AD LAUDES

Absolute incipitur ab

Ant. Exsultábunt * Dómi-
no ossa humiliáta.

Psalmus 50.

MISERERE mei Deus, * se-
cúndum magnam mise-
ricórdiam tuam.

Et secúndum multítudi-
nem miseratiónum tuárum, *
dele iniquitátem meam.

Amplius lava me ab ini-
quitáte mea : * et a peccáto
meo munda me.

Quóniam iniquitátem me-
am ego cognósco : * et pec-
cátum meum contra me est
semper.

Tibi soli peccávi, et ma-
lum coram te feci : * ut ju-
stificéris in sermónibus tuis,
et vincas cum judicáris.

Ecce enim in iniquitátibus
concéptus sum : * et in pec-
cátis concépit me mater mea.

Ecce enim veritátem di-
lexisti : * incérta et occúlta
sapiéntiæ tuæ manifestásti
mihi.

Aspérges me hyssópo, et
mundabor : * lavábis me, et
super nivem dealbabor.

Auditui meo dabis gáu-
dium et lætítiam : * et exsul-
tábunt ossa humiliáta.

Avérte faciém tuam a pec-
cátis meis : * et omnes ini-
quitátes meas dele.

Cor mundum crea in me
Deus : * et spíritum rectum
innova in viscéribus meis.

Ne projicias me a fácie
tua : * et Spíritum sanctum
tuum ne áuferas a me.

Redde mihi lætítiam salu-
táris tui : * et spíritu princi-
páli confirma me.

Docébo iníquos vias tuas : *
et impíi ad te converténtur.

Libera me de sanguinibus
Deus, Deus salutis meæ : *
et exsultábit lingua mea ju-
stitiam tuam.

Dómine, lábía mea apé-
ries : * et os meum annun-
tiábit láudem tuam.

Quóniam si voluisses sa-
crificium, dedíssem útique : *
holocáustis non delectábe-
ris.

Sacrificium Deo spíritus
contribulátus : * cor contri-
tum, et humiliátum Deus
non despícies.

Benigne fac Dómine in
bona voluntáte tua Sion : *
ut ædificéntur muri Jerúsa-
lem.

Tunc acceptábis sacrifi-
cium justitiæ, oblatiões, et
holocáusta : * tunc impónent
super altáre tuum vitulos.

Réquiem æternam.

Ant. Exsultábunt Dómino
ossa humiliáta.

Ant. Exáudi Dómine * ora-
tióne meam : ad te omnis
caro véniet.

Psalmus 64.

TE decet hymnus Deus in
Sion : * et tibi reddétur
votum in Jerúsalem.

Exáudi oratióne meam : *
ad te omnis caro véniet.

Verba iniquórum præva-

luérunt super nos : * et impietátibus nostris tu propitiáberis.

Beátus, quem elegisti, et assumpsisti : * inhabitábit in atriis tuis.

Replébimur in bonis domus tuæ : * sanctum est templum tuum, mirábile in æquitáte.

Exáudi nos Deus salutáris noster, * spes ómnium finium terræ, et in mari longe.

Præparans montes in virtúte tua, accinctus poténtia : * qui contúrbas profundum maris sonum flúctuum ejus.

Turbabúntur gentes, et timébunt qui hábitant terminos a signis tuis : * éxitus matutíni, et vespere delectábis.

Visitásti terram, et inebriásti eam : * multiplicásti locupletáre eam.

Flumen Dei replétum est aquis, parásti cibum illorum : * quóniam ita est præparátio ejus.

Rivos ejus inébria, multiplicata genimina ejus : * in stillicidiis ejus lætábitur gérminans.

Benedices coronæ anni benignitátis tuæ : * et campi tui replebúntur ubertáte.

Pinguéscent speciósa déserti : * et exsultatióne colles accingéntur.

Indúti sunt arietes óvium, et valles abundábunt fruménto : * clamábunt, étenim hymnum dicent.

Réquiem ætérnam.

Ant. Exáudi Dómine orationem meam : ad te omnis caro véniet.

Ant. Me suscepit * dextera tua Dómine.

Psalmus 62.

DEUS Deus meus * ad te de luce vigilo.

Sitívit in te ánima mea, * quam multipliciter tibi caro mea.

In terra desérta, et in via, et inaquósa : * sic in sancto apparui tibi, ut vidérem virtútem tuam, et glóriam tuam.

Quóniam mélior est misericórdia tua super vitas : * lábia mea laudábunt te.

Sic benedicam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exsultatiónis laudábit os meum.

Si memor fui tui superstratum meum, in matutinis meditabor in te : * quia fuísti adjutor meus.

Et in velaménto alárum tuárum exsultábo, adhæsit ánima mea post te : * me suscepit dextera tua.

Ipsi vero in vanum quæsiérunt animam meam, introibunt in inferióra terræ : * tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúctum est os loquéntium iniqua.

Hic non dicitur Réquiem.

Psalmus 66.

DEUS misereatur nostri, et benedicat nobis : * illuminet vultum suum super nos, et misereatur nostri.

Ut cognoscamus in terram viam tuam : * in omnibus gentibus salutare tuum.

Confiteantur tibi populi Deus : * confiteantur tibi populi omnes.

Lætentur et exsultent gentes : * quoniam iudicas populos in æquitate, et gentes in terra dirigis.

Confiteantur tibi populi Deus, confiteantur tibi populi omnes : * terra dedit fructum suum.

Benedicat nos Deus, Deus noster, benedicat nos Deus : * et metuant eum omnes fines terræ.

Réquiem æternam.

Ant. Me suscepit dextera tua Domine.

Ant. A porta inferi * erue Domine animam meam.

Canticum Ezechiae.

Isaïæ 38. b

EGO dixi : In dimidio dierum meorum * vadam ad portas inferi.

Quæsiui residuum annorum meorum. * Dixi : Non videbo Dominum Deum in terra viventium.

Non adspiciam hominem ultra, * et habitatorem quietis.

Generatio mea ablata est, et convoluta est a me, * quasi tabernaculum pastorum :

Præcisâ est velut a texente, vita mea : dum adhuc

ordirer, succidit me : * de mane usque ad vesperam finies me.

Sperabam usque ad mane, * quasi leo sic contrivit omnia ossa mea :

De mane usque ad vesperam finies me : * sicut pullus hirundinis sic clamabo, meditabor ut columba :

Attenuati sunt oculi mei, * suspicientes in excelsum :

Domine vim patior, responde pro me. * Quid dicam, aut quid respondêbit mihi, cum ipse fecerit?

Recogitabo tibi omnes annos meos * in amaritudine animæ meæ.

Domine si sic vivitur, et in talibus vita spiritus mei, corripies me, et vivificabis me. * Ecce in pace amaritudo mea amarissima :

Tu autem eruisti animam meam ut non periret : * projecisti post tergum tuum omnia peccata mea.

Quia non infernus confitebitur tibi, neque mors laudabit te : * non expectabunt qui descendunt in lacum, veritatem tuam.

Vivens vivens ipse confitebitur tibi, sicut et ego hodie : * pater filiis notam faciet veritatem tuam.

Domine salvum me fac, * et psalmos nostros cantabimus cunctis diebus vitæ nostræ in domo Domini.

Réquiem æternam.

Ant. A porta inferi erue Domine animam meam.

Ant. Omnis spírítus * láudet Dóminum.

Psalmus 148.

LAUDÁTE Dóminum de cælis : * laudáte eum in excélsis.

Laudáte eum omnes Angeli ejus : * laudáte eum omnes virtútes ejus.

Laudáte eum sol et luna : * laudáte eum omnes stellæ, et lumen.

Laudáte eum cæli cælórum : * et aquæ omnes, quæ super cælos sunt, láudent nomen Dómini.

Quia ipse dixit, et facta sunt : * ipse mandávit, et creáta sunt.

Státuit ea in ætérnum, et in sæculum sæculi : * præcéptum pósuit, et non præteribit.

Laudáte Dóminum de terra, * dracones, et omnes abyssi.

Ignis, grando, nix, glácies, spírítus procellárum : * quæ faciunt verbum ejus :

Montes, et omnes colles : * ligna fructifera, et omnes cedri.

Béstia, et univérsa pécora : * serpéntes, et vólucres pennátæ :

Reges terræ, et omnes pópuli : * príncipes, et omnes júdices terræ.

Júvenes, et vírgines : senes cum junióribus láudent nomen Dómini : * quia exaltátum est nomen ejus solius.

Conféssio ejus super cæ-

lum, et terram : * et exaltávit cornu pópuli sui.

Hymnus ómnibus sanctis ejus : * filiis Israël, pópulo appropinquánti sibi.

Hic non dicitur Réquiem.

Psalmus 149.

CANTÁTE Dómino cánticum novum : * laus ejus in ecclésiá sanctórum.

Lætétur Israël in eo, qui fecit eum : * et filii Sion exsultent in rege suo.

Láudent nomen ejus in choro : * in týmpano, et psalterio psallant ei :

Quia beneplácitum est Dómino in pópulo suo : * et exaltábit mansuétos in salutem.

Exsultábunt sancti in glória : * lætabúntur in cubilibus suis.

Exaltatiónes Dei in gútture eórum : * et gládii ancípites in mánibus eórum :

Ad faciéndam vindíctam in natió nibus : * increpationes in pópulis.

Ad alligándos reges eórum in compédibus : * et nóbiles eórum in mánicis férreis.

Ut fáciant in eis júdicium conscriptum : * glória hæc est ómnibus sanctis ejus.

Hic non dicitur Réquiem.

Psalmus 150.

LAUDÁTE Dóminum in sanctis ejus : * laudáte eum in firmaménto virtútis ejus.

Laudáte eum in virtútibus ejus : * laudáte eum secún-

dum multitudinem magnitudinis ejus.

Laudáte eum in sono tubæ : * laudáte eum in psalterio, et cithara.

Laudáte eum in tympano, et choro : * laudáte eum in chordis, et órgano.

Laudáte eum in cymbalis benesonantibus : laudáte eum in cymbalis jubilationis : * omnis spiritus laudet Dóminum.

Réquiem ætérnam.

Ant. Omnis spiritus laudet Dóminum.

Ÿ. Audívi vocem de cælo dicentem mihi. **R.** Beáti mórtui qui in Dómino moriúntur.

Ad Bened. Ant. Ego sum * resurréctio et vita : qui credit in me, étiam si mórtuus fúerit, vivet : et omnis qui vivit et credit in me, non moriétur in ætérnum.

Deinde dicuntur flexis genibus

Pater noster. **secreto.**

Ÿ. Et ne nos indúcas in tentatiónem. **R.** Sed libera nos a malo.

Psalmus 129.

DE profúndis clamávi ad te Dómine : * Dómine exáudi vocem meam :

Fiant áures tuæ intendéntes, * in vocem deprecatiónis meæ.

Si iniquitátes observáveris Dómine : * Dómine quis sustinébit?

Quia apud te propitiatio est : * et propter legem tuam sustinui te Dómine.

Sustinuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse rédimet Israël, * ex ómnibus iniquitátibus ejus.

Réquiem ætérnam.

Deinde Ÿ. A porta inferi. **R.** Erue Dómine ánimas eórum.

Ÿ. Requiéscant in pace.

R. Amen.

Ÿ. Dómine exáudi oratió-nem meam. **R.** Et clamor meus ad te véniat.

Ÿ. Dóminus vobíscum. **R.** Et cum spiritu tuo.

Oratio.

DEUS, qui inter apostólicos sacerdótes, fámulos tuos pontificáli seu sacerdotáli fecisti dignitáte vigére : præsta, quæsumus ; ut eórum quoque perpétuo aggregéntur consórtio.

DEUS, véniæ largitor et humanæ salútis amátor : quæsumus cleméntiam tuam ; ut nostræ congregatiónis fratres, propínquos et benefactóres, qui ex hoc sæculo transiérunt, beáta Maria semper Virgine intercedente cum ómnibus Sanctis tuis, ad perpétuæ beatitúdinis consórtium pervénire concédas.

FIDÉLIUM Deus ómnium cónditor et redemptor,

animabus famulorum famularumque tuarum remissionem cunctorum tribue peccatorum : ut indulgentiam quam semper optaverunt, piis supplicationibus consequantur : Qui vivis et regnas in saecula saeculorum.

R. Amen.

In die vero Commemorationis omnium Fidelium Defunct. quando dicitur haec ult. tant. Oratio dic. : Qui vivis et regnas cum Deo Patre in unitate Spiritus sancti Deus, per omnia saecula saeculorum.

R. Amen.

In die depositionis Defuncti.

Oratio.

ABSOLVE, quaesumus Domine, animam famuli tui **N.**, ut defunctus saeculo tibi vivat : et quae per fragilitatem carnis humana conversatione commisit, tu venia misericordissimae pietatis absterge. Per Dominum nostrum.

Si fuerit femina, dicitur animam famulae tuae **N.**, ut defuncta.

In Anniversario die.

Oratio.

DEUS indulgentiarum Domine : da animabus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem, et luminis claritatem. Per Dominum.

Si pro uno tantum fit An-

niversarium, dicitur in singulari numero.

Pro uno Episcopo defuncto.

Oratio.

DEUS, qui inter apostolicos sacerdotes famulum tuum **N.** pontificali fecisti dignitate vigere : praesta, quaesumus ; ut eorum quoque perpetuo aggregetur consortio. Per Dominum.

Si fuerit Sacerdos, dicitur sacerdotali fecisti, etc.

Pro fratribus vero et familiaribus, vel benefactoribus, dicitur Orat. Deus, veniae largitor. **ut supra.**

Pro patre et matre.

Oratio.

DEUS, qui nos patrem et matrem honorare praecipisti : miserere clementer animabus patris et matris meae, eorumque peccata dimitte ; meque eos in aeternae claritatis gaudio fac videre. Per Dominum.

Si fit pro pluribus, dicitur animabus parentum nostrorum. **et ubi dicitur** meque. **dicatur** nosque.

Si pro patre tantum, dicitur animae patris mei. **vel** nostri.

Si pro matre tantum, dicitur animae matris meae. **vel** nostrae.

Pro uno Defuncto.

Oratio.

INCLINA Domine aurem tuam ad preces nostras, quibus misericordiam tuam supplices deprecamur : ut animam famuli tui, quam de

hoc sæculo migrare jussisti, in pacis ac lucis regione constituas, et Sanctorum tuorum iubeas esse consortem. Per Dominum.

Pro una Defuncta.

Oratio.

QUESUMUS Domine, pro tua pietate miserere ani-

mæ famulæ tuæ : et a contagiis mortalitatis exutam, in æternæ salvationis partem restitue. Per Dñum.

Ÿ. Requiem æternam dona eis Domine. R. Et lux perpétua luceat eis.

Ÿ. Requiéscant in pace. R. Amen.

PSALMI GRADUALES

Dicuntur in Quadrages., Feria IV. cujuslibet Hebdomadæ, non impedita aliquo Festo ix. Lectionum : in Choro ante Matutinum diei ; extra Chorum pro opportunitate temporis.

Primi quinque Psalmi dicuntur sine Glória Patri. Sed in fine ultimi dicitur Réquiem æternam.

Incipiuntur absolute sine Ant.

Psalmi Ad Dominum cum tribulärer. 128. Levávi. 129. Lætátus sum. 130. Ad te levávi. et Nisi quia. 131.

Réquiem æternam * dona eis Domine.

Et lux perpétua * luceat eis.

Deinde dicitur flexis genibus :

Pater noster. *secreto.*

Ÿ. Et ne nos inducas in tentationem. R. Sed libera nos a malo.

Ÿ. A porta inferi. R. Erue Domine animas eorum.

Ÿ. Requiéscant in pace. R. Amen.

Ÿ. Domine exaudi orationem meam. R. Et clamor meus ad te véniat.

Ÿ. Dominus vobiscum. R. Et cum spiritu tuo.

Orémus. Oratio.

ABSOLVE, quæsumus Domine, animas famulorum famularumque tuarum, et omnium fidelium defunctorum, ab omni vinculo delictorum : ut in resurrectionis glória inter sanctos et electos tuos resuscitati respicient. Per Christum Dominum nostrum. *R. Amen.*

Post Orationem statim dicuntur alii Psalmi Graduales qui sequuntur : et in fine cujuslibet Psalmi dicitur Glória Patri.

Psalmi Qui confidunt. 131. In convertendo. 132. Nisi Dominus. *ibid.* Beati omnes. et Sæpe expugnaverunt. 133.

Postea dicitur flexis genibus

Kýrie eléison. Christe eléison. Kýrie eléison.

Pater noster. *secreto.*

Ÿ. Et ne nos inducas in

tentationem. **R.** Sed libera nos a malo.

V. Meménto congregatió-
nis tuæ. **R.** Quam possedísti
ab initio.

V. Dómine exáudi oratió-
nem meam. **R.** Et clamor
meus ad te véniat.

V. Dóminus vobíscum. **R.**
Et cum spíritu tuo.

Orémus. **Oratio.**

DEUS, cui próprium est
miseréri semper et pár-
cere : súscipe deprecatió-
nem nostram; ut nos, et
omnes fámulos tuos, quos
delictórum caténa constrín-
git, miserátio tuæ pietátis
cleménter absólvat. Per
Christum Dóminum no-
strum. **R.** Amen.

Post Orat. statim dicuntur
alii Psalmi Graduales qui
sequuntur; et in fine cujus-
libet Psalmi dicitur Glória
Patri.

Psalmi De profúndis. 133.
Dómine non est exaltá-

tum. 134. Meménto. **ibid.**
Ecce quam bonum. 135, et
Ecce nunc benedicite. 149.

**Deinde dicitur flexis ge-
nibus**

Kýrie eléison. Christe eléi-
son. Kýrie eléison.

Pater noster. **secreto.**

V. Et ne nos indúcas in
tentationem. **R.** Sed libera
nos a malo.

V. Salvos fac servos tuos.
R. Deus meus sperántes in
te.

V. Dómine exáudi oratió-
nem meam. **R.** Et clamor
meus ad te véniat.

V. Dóminus vobíscum. **R.**
Et cum spíritu tuo.

Orémus. **Oratio.**

PRÆTÉNDE Dómine fámulis
et famulábus tuis dexte-
ram cæléstis auxilii : ut te
toto corde perquirant, et
quæ digne póstulant, cón-
sequi mereántur. Per Chri-
stum Dóminum nostrum. **R.**
Amen.

SEPTEM PSALMI POENITENTIALES

CUM LITANIIS

Dicuntur flexis genibus in
omnibus sextis Feriis Qua-
drag., quando Officium fit
de Feria.

Litaniæ autem, omissis
septem Psalmis, dicuntur in
Litaniis majoribus in Festo
sancti Marci, et in tribus
diebus Rogationum.

Dicuntur autem in Qua-
drag. in Choro post Matuti-

num et Laudes diei, dicto
Benedicámus Dómino. Ex-
tra Chorum pro opportuni-
tate temporis.

Ant. Ne reminiscáris.

Ps. 6. Dómine, ne in fu-
róre. 4. **Ps. 31.** Beáti quo-
rum. 49. **Ps. 37.** Dómine ne
in furóre tuo. 55. **Ps. 50.**
Miserére mei Deus. 56. **Ps.**
101. Dómine exáudi. 110.

Ps. 129. De profundis. 133.

Ps. 142. Dómine exáudi oratió-
nem meam. 105.

Ant. Ne reminiscáris Dó-
mine delicta nostra, vel pa-
réntum nostrórum : neque
vindictam sumas de peccátis
nostris.

LITANIÆ

KYRIE eléison.

Christe eléison.

Kýrie eléison.

Christe áudi nos.

Christe exáudi nos.

Pater de cælis Deus, mise-
rère nobis.

Fili Redemptor mundi De-
us, miserère nobis.

Spiritus sancte Deus, mise-
rère nobis.

Sancta Trinitas unus Deus,
miserère nobis.

Sancta María, ora pro nobis.

Sancta Dei Génitrix, ora.

Sancta Virgo virginum, ora.

Sancte Michaël, ora.

Sancte Gábiel, ora.

Sancte Ráphaël, ora.

Omnes sancti Angeli et Ar-
chángeli, oráte pro nobis.

Omnes sancti beatórum spi-
rituum órdenes, oráte.

Sancte Joánnes Baptista, ora
pro nobis.

Sancte Joseph, ora pro no-
bis.

Omnes sancti Patriárchæ et
Prophétæ, oráte.

Sancte Petre, ora.

Sancte Páule, ora.

Sancte Andréa, ora.

Sancte Jacóbe, ora.

Sancte Joánnes, ora.

Sancte Thoma, ora pro no-
bis.

Sancte Jacóbe, ora.

Sancte Philippe, ora.

Sancte Bartholomæe, ora.

Sancte Matthæe, ora.

Sancte Simon, ora.

Sancte Thaddæe, ora.

Sancte Mathía, ora.

Sancte Bárnaba, ora.

Sancte Luca, ora.

Sancte Marce, ora.

Omnes sancti Apóstoli et
Evangelistæ, oráte pro
nobis.

Omnes sancti Discípuli Dó-
mini, oráte pro nobis.

Omnes sancti Innocéntes,
oráte pro nobis.

Sancte Stéphane, ora.

Sancte Laurénti, ora.

Sancte Vincénti, ora.

Sancti Fabiáne et Sebastiá-
ne, oráte pro nobis.

Sancti Joánnes et Páule,
oráte pro nobis.

Sancti Cosma et Damiáne,
oráte pro nobis.

Sancti Gervási et Protási,
oráte pro nobis.

Omnes sancti Mártýres, orá-
te pro nobis.

Sancte Silvéster, ora.

Sancte Gregóri, ora.

Sancte Ambrósi, ora.

Sancte Augustine, ora.

Sancte Hierónyme, ora.

Sancte Martine, ora.

Sancte Nicolæe, ora.

Omnes sancti Pontífices et
Confessóres, oráte pro
nobis.

Omnes sancti Doctóres, orá-
te pro nobis.

Sancte Antóni, ora pro nobis.

Sancte Benedicte, ora.

Sancte Bernárde, ora.

Sancte Dominice, ora.

Sancte Francisce, ora.

Omnes sancti Sacerdótes et Levitæ, oráte pro nobis.

Omnes sancti Mónachi et Eremitæ, oráte.

Sancta Mariá Magdaléna, ora.

Sancta Agatha, ora.

Sancta Lúcia, ora.

Sancta Agnes, ora.

Sancta Cæcilia, ora.

Sancta Catharina, ora.

Sancta Anastásia, ora.

Omnes sanctæ Virgines et Viduæ, oráte.

Omnes Sancti et Sanctæ Dei, intercédite pro nobis.

Propítius esto, parce nobis Dómine.

Propítius esto, exáudi nos Dómine.

Ab omni malo, libera nos Dómine.

Ab omni peccáto, libera.

Ab ira tua, libera.

A subitánea et improvisa morte, libera.

Ab insidiis diaboli, libera.

Ab ira, et ódio, et omni mala voluntáte, libera.

A spiritu fornicatiónis, libera nos Dómine.

A fúlgure et tempestáte, libera nos Dómine.

A flagélló terræmótus, libera nos Dómine.

A peste, fame et bello, libera.

A morte perpétua, libera.

Per mystérium sanctæ Incarnatiónis tuæ, libera.

Per advéntum tuum, libera nos Dómine.

Per nativitátem tuam, libera.

Per baptismum et sanctum jejúnium tuum, libera.

Per crucem et passióem tuam, libera.

Per mortem et sepultúram tuam, libera.

Per sanctam resurrectiόem tuam, libera.

Per admirábilem ascensiónem tuam, libera.

Per advéntum Spiritus sancti Parácliti, libera.

In die iudicii, libera.

Peccatóres, te rogámus áudi nos.

Ut nobis parcas, te rogámus áudi nos.

Ut nobis indúlgeas, te rogámus áudi nos.

Ut ad veram pœniténtiam nos perducere dignéris, te rogámus áudi nos.

Ut Ecclesiám tuam sanctam régere et conserváre dignéris, te rogámus áudi nos.

Ut domnum Apostólicum et omnes ecclesiásticos ordines in sancta religiόe conserváre dignéris, te rogámus áudi nos.

Ut inimicos sanctæ Ecclesiæ humiliáre dignéris, te rogámus áudi nos.

Ut régibus et principibus christiánis pacem et veram concórdiam donáre dignéris, te rogámus.

Ut cuncto pópulo christiáno pacem et unitátem largiri dignéris, te rogámus.

Ut nosmetipsos in tuo sancto
servitio confortâre et con-
servâre digneris, te rogâ-
mus âudi nos.

Ut mentes nostras ad cælê-
stia desidéria érigas, te
rogâmus âudi nos.

Ut ómnibus benefactoribus
nostris sempiterna bona
retribuas, te rogâmus âu-
di nos.

Ut ânimas nostras, fratrum,
propinquorum et benefa-
ctorum nostrorum ab æ-
térna damnatione eripias,
te rogâmus âudi nos.

Ut fructus terræ dare et
conservâre digneris, te
rogâmus âudi nos.

Ut ómnibus fidélibus defún-
ctis réquiem ætérnam do-
nâre digneris, te rogâmus
âudi nos.

Ut nos exaudire digneris, te
rogâmus âudi nos.

Fili Dei, te rogâmus âudi
nos.

Agnus Dei, qui tollis pec-
câta mundi, parce nobis
Dómine.

Agnus Dei, qui tollis pec-
câta mundi, exâudi nos
Dómine.

Agnus Dei, qui tollis pec-
câta mundi, miserere no-
bis.

Christe âudi nos.

Christe exâudi nos.

Kýrie eléison. Christe eléi-
son. Kýrie eléison.

Pater noster. **secreto.**

Ÿ. Et ne nos indúcas in
tentationem. **R.** Sed libera
nos a malo.

Psalmus 69.

DEUS in adiutorium meum
intende : * Dómine ad
adjuvandum me festina.

Confundantur, et reve-
reantur, * qui quærunť ani-
mam meam :

Avertantur retrorsum, et
erubescant, * qui volunt
mihi mala :

Avertantur statim erube-
scéntes, * qui dicunt mihi :
Euge, euge.

Exsultent et lætentur in te
omnes qui quærunť te, * et
dicant semper : Magnificetur
Dóminus : qui diligunt
salutáre tuum.

Ego vero egénus, et páu-
per sum : * Deus adjuva me.

Adjutor meus, et liberátor
meus es tu : * Dómine ne
moréris.

Glória Patri. Sicut erat.

Ÿ. Salvos fac servos tuos.

R. Deus meus sperántes in
te.

Ÿ. Esto nobis Dómine tur-
ris fortitudinis. **R.** A fácie
inimici.

Ÿ. Nihil proficiat inimicus
in nobis. **R.** Et filius iniqui-
látis non appónat nocére
nobis.

Ÿ. Dómine non secúndum
peccâta nostra fácias nobis.

R. Neque secúndum iniqui-
tâtes nostras retribuas nobis.

Ÿ. Orémus pro Pontífice
nostro **N. R.** Dóminus con-
servet eum, et vivíficet eum,
et beátum fáciat eum in ter-
ra, et non tradat eum in âni-
mam inimicórum ejus.

V. Orémus pro benefactoribus nostris. **R.** Retribuere dignare Dómine ómnibus nobis bona faciéntibus propter nomen tuum vitam ætérnam. Amen.

V. Orémus pro fidélibus defúntis. **R.** Réquiem ætérnam dona eis Dómine : et lux perpétua lúceat eis.

V. Requiescant in pace. **R.** Amen.

V. Pro frátribus nostris abséntibus. **R.** Salvos fac servos tuos Deus meus, sperántes in te.

V. Mitte eis Dómine auxiliium de sancto. **R.** Et de Sion tuere eos.

V. Dómine exáudi orationem meam. **R.** Et clamor meus ad te véniat.

V. Dóminus vobíscum. **R.** Et cum spiritu tuo.

Orémus. **Oratio.**

DEUS, cui próprium est miseréri semper et párcere : súscipe deprecationem nostram ; ut nos, et omnes fámulos tuos, quos delictórum caténa constringit, miserátio tuæ pietátis cleménter absólvat.

EXÁUDI, quæsumus Dómine, súpplicum preces, et confiténtium tibi parce peccátis : ut páriter nobis indulgéntiam tribuas benignus et pacem.

INEFFÁBILEM nobis Dómine misericórdiam tuam cleménter osténde : ut simul nos et a peccátis ómnibus

éxuas, et a pœnis, quas pro his merémur, erípias.

DEUS, qui culpa offéndereis, pœniténtia placáris : preces pópuli tui supplicántis propítius réspice ; et flagélla tuæ iracúndiæ, quæ pro peccátis nostris merémur, avérte.

OMNÍPOTENS sempitérne Deus, miserére fámulo tuo Pontífici nostro **N.**, et dirige eum secúndum tuam cleméntiam in viam salútis ætérnæ : ut, te donánte, tibi plácita cúpiat, et tota virtúte perficiat.

DEUS, a quo sancta desideria, recta consília, et justa sunt ópera : da servis tuis illam, quam mundus dare non potest, pacem ; ut et corda nostra mandátis tuis dédita, et hóstium subláta formidine, témpora sint tua protectióne tranquilla.

URE igne sancti Spíritus renes nostros et cor nostrum Dómine : ut tibi casto corpore serviámus, et mundo corde placeámus.

FIDÉLIUM Deus ómnium Cónditor et Redemptor, animábus famulórum famularúmque tuárum remissionem cunctórum tribue peccatórum : ut indulgéntiam, quam semper optavérunt, piis supplicatióibus consequántur.

ACTIÓNES nostras, quæsumus Dómine, adspirándó præveni, et adjuvándó proséquere : ut cuncta no-

stra oratio et operatio a te semper incipiat, et per te cœpta finiatur.

OMNÍPOTENS sempitérne Deus, qui vivórum domináris simul et mortuórum, omniúmque miseréris quos tuos fide et ópere futúros esse prænóscis : te súplices exorámus ; ut pro quibus effúndere preces decrevimus, quosque vel præsens sæculum adhuc in carne rétinet, vel futúrum jam exú-

tos córpore suscepit, intercedéntibus ómnibus Sanctis tuis, pietátis tuæ cleméntia ómnium delictórum suórum véniam consequántur. Per Dóminum.

Ÿ. Dóminus vobiscum. **R.**
Et cum spíritu tuo.

Ÿ. Exáudiat nos omnípotens et miséricors Dóminus.
R. Amen.

Ÿ. Et fidélium ánimæ per misericórdiam Dei requiéscant in pace. **R.** Amen.

ORDO COMMENDATIONIS ANIMÆ

Primum dicuntur Litanie breves in hunc modum.

KYRIE eléison.

Christe eléison.

Kýrie eléison.

Sancta María, ora pro eo.

Omnes sancti Angeli et Archángeli, oráte pro eo.

Sancte Abel, ora.

Omnis chorus Justórum, ora.

Sancte Abraham, ora.

Sancte Joánnes Baptista, ora.

Sancte Joseph, ora.

Omnes sancti Patriárchæ et

Prophétæ, oráte pro eo.

Sancte Petre, ora pro eo.

Sancte Páule, ora.

Sancte Andréa, ora.

Sancte Joánnes, ora.

Omnes sancti Apóstoli et

Evangelistæ, oráte pro eo.

Omnes sancti Discípuli Dómini,

oráte pro eo.

Omnes sancti Innocéntes,

oráte pro eo.

Sancte Stéphane, ora.

Sancte Laurénti, ora pro eo.
Omnes sancti Mártýres, oráte pro eo.

Sancte Silvéster, ora.

Sancte Gregóri, ora.

Sancte Augustíne, ora.

Omnes sancti Pontífices et Confessóres, oráte pro eo.

Sancte Benedicte, ora.

Sancte Francíscæ, ora.

Sancte Camille, ora.

Sancte Joánnes de Deo, ora pro eo.

Omnes sancti Mónachi et

Eremitæ, oráte pro eo.

Sancta María Magdaléna, ora.

Sancta Lúcia, ora.

Omnes sanctæ Virgines et

Viduæ, oráte pro eo.

Omnes Sancti et Sanctæ Dei,

intercedíte pro eo.

Propítius esto, parce ei Dómine.

Propítius esto, libera eum

Dómine.

Propítius esto, libera.

Ab ira tua, libera nos Dómine.

A periculo mortis, libera.

A mala morte, libera.

A pœnis inférni, libera.

Ab omni malo, libera.

A potestáte diaboli, libera.

Per nativitátem tuam, libera eum Dómine.

Per crucem et passióem tuam, libera eum Dómine.

Per mortem et sepultúram tuam, libera.

Per gloriósam resurrectiόνem tuam, libera.

Per admirábilem ascensióem tuam, libera.

Per grátiam Spíritus sancti Parácliti, libera.

In die iudicii, libera.

Peccatóres, te rogámus áudi nos.

Ut ei parcas, te rogámus.

Kýrie eléison.

Christe eléison.

Kýrie eléison.

Deinde, cum in agone sui exitus anima anxietur, dicuntur sequentes Orationes.

Oratio.

PROFICÍSCERE ánima christiána de hoc mundo, in nómine Dei Patris omnipoténtis, qui te creávit : in nómine Jesu Christi Filii Dei vivi, qui pro te passus est : in nómine Spíritus sancti, qui in te effusus est : in nómine Angelórum et Archan-gelórum : in nómine Thronórum et Dominatiónum : in nómine Principátuum et Potestátum : in nómine Chérubim et Séraphim : in nómine

Patriarchárum et Prophetárum : in nómine sanctórum Apostolórum et Evangelistárum : in nómine sanctórum Mártýrum et Confessórum : in nómine sanctórum Monachórum et Eremitárum : in nómine sanctárum Virginum, et ómnium Sanctórum et Sanctárum Dei : hódie sit in pace locus tuus, et habitátio tua in sancta Sion. Per eúndem Christum Dóminum nostrum. **R.** Amen.

Oratio.

DEUS miséricors, Deus clemens, Deus, qui secundum multitudinem miserationum tuarum peccata pœniténtium deles, et præteritórum criminum culpas vénia remissionis évacuas : respice propitius super hunc famulum tuum **N.**, et remissionem ómnium peccatórum suórum tota cordis confessione poscéntem deprecátus exáudi. Rénova in eo, piissime Pater, quidquid terréna fragilitáte corrúptum, vel quidquid diabólica fraude violátum est : et unitáti corporis Ecclesiæ membrum redemptionis annécte. Miserere Dómine gemituum, miserere lacrymárum ejus : et non habéntem fidúciam, nisi in tua misericórdia, ad tuæ sacraméntum reconciliatiónis admitte. Per Christum Dóminum nostrum.

R. Amen.

COMMÉNDO te omnipoténti Deo, carissime frater, et

ei cujus es creatúra committo : ut, cum humanitátis débitum morte interveniente persólveris, ad auctórem tuum, qui te de limo terræ formáverat, revertáris. Egre-diénti itaque ánimæ tuæ de corpore spléndidus Angelórum cœtus occúrrat : iudex Apostolórum tibi senátus advéniat : candidatórum tibi Mártyrum triumphátor exercitus óbviet : liliáta rutilántium te Confessórum turma circúmdet : jubilántium te Virginum chorus excípiat : et beátæ quiétis in sinu Patriarchárum te compléxus adstringat : mitis atque festí-vus Christi Jesu tibi adspéctus appáreat, qui te inter assisténtes sibi júgiter inter-esse decérnat. Ignóres omne quod horret in ténebris, quod stridet in flammis, quod crúciat in torméntis. Cedat tibi tetérrimus sátnas cum satellitibus suis : in advéntu tuo te comitántibus Angelis contremíscat, at-que in ætérnæ noctis chaos immáne diffúgiat. Exsúrgat Deus, et dissipéntur inimíci ejus : et fúgiant, qui odé-runt eum, a fácie ejus. Sicut déficit fumus, deficiant : sic-ut fluit cera a fácie ignis, sic péreant peccátóres a fá-cie Dei : et justí epulén-tur, et exsúltent in conspéctu Dei. Confundántur igitur et erubéscant omnes tartá-reæ legiões, et ministri sá-tanæ iter tuum impedire non

áudeant. Liberet te a cru-ciátu Christus, qui pro te crucifíxus est. Liberet te ab ætérna morte Christus, qui pro te mori dignátus est. Constituat te Christus Filius Dei vivi intra paradísi sui semper amœna viréntia, et inter oves suas te verus ille Pastor agnóscat. Ille ab ómni-bus peccátis tuis te absólvat, atque ad dexteram suam in electórum suórum te sorte constituat. Redemptórem tuum fácie ad fáciem videas, et præsens semper assistens, manifestíssimam beátis ócu-lis adspicias veritátem. Con-stitútus igitur inter ágmina Beatórum, contemplatiónis divínæ dulcédine potiáris in sæcula sæculórum.

℟. Amen.

Oratio.

SÚSCIPE Dómine servum tuum in locum sperándæ sibi salvatiónis a misericór-dia tua. ℟. Amen.

Libera Dómine ánimam servi tui ex ómnibus períc-ulis inférni, et de láqueis pœnárum, et ex ómnibus tribulatió nibus. ℟. Amen.

Libera Dómine ánimam servi tui, sicut liberásti He-noch et Eliam de commúni morte mundi. ℟. Amen.

Libera Dómine ánimam servi tui, sicut liberásti Noë de dilúvio. ℟. Amen.

Libera Dómine ánimam servi tui, sicut liberásti Abra-ham de Ur Chaldæórum. ℟. Amen.

Libera Dómine ánimam servi tui, sicut liberásti Job de passionibussuis. *R.* Amen.

Libera Dómine ánimam servi tui, sicut liberásti Isaac de hóstia et de manu patris sui Abrahæ. *R.* Amen.

Libera Dómine ánimam servi tui, sicut liberásti Lot de Sódomis, et de flamma ignis. *R.* Amen.

Libera Dómine ánimam servi tui, sicut liberásti Móysen de manu Pharaónis regis Ægyptiórum. *R.* Amen.

Libera Dómine ánimam servi tui, sicut liberásti Daniélem de lacu leónum. *R.* Amen.

Libera Dómine ánimam servi tui, sicut liberásti tres púeros de camino ignis ardentis, et de manu regis iniqui. *R.* Amen.

Libera Dómine ánimam servi tui, sicut liberásti Súsannam de falso crimine. *R.* Amen.

Libera Dómine ánimam servi tui, sicut liberásti David de manu regis Saul, et de manu Goliæ. *R.* Amen.

Libera Dómine ánimam servi tui, sicut liberásti Petrum et Páulum de carcéribus. *R.* Amen.

Et sicut beatíssimam Theclam Virginem et Mártyrem tuam de tribus atrocíssimis tormentis liberásti, sic liberáre dignéris ánimam hujus servi tui, et tecum fácias in bonis congaudére cælestibus. *R.* Amen.

Oratio.

COMMENDÁMUS tibi Dómine ánimam fámuli tui *N.*, precamúrquete Dómine Jesu Christe Salvátor mundi : ut propter quam ad terram misericórditer descendisti, Patriarchárum tuórum sínibus insinuáre non rénuas. Agnósce Dómine creatúram tuam, non a diis aliénis creatam, sed a te solo Deo vivo et vero : quia non est álius Deus præter te, et non est secúndum ópera tua. Lætifica Dómine ánimam ejus in conspéctu tuo, et ne memineris iniquitátum ejus antiquárum, et ebrietátum, quas suscitávit furor sive fervor mali desidérii. Licet enim peccáverit, tamen Patrem, et Filium, et Spiritum sanctum non negávit, sed crédidit, et zelum Dei in se hábuit, et Deum, qui fecit ómnia, fidéliter adorávit.

Oratio.

DELÍCTA juventútis, et igno-rántias ejus, quæsumus, ne memineris Dómine : sed secúndum magnam misericórdiam tuam memor esto illius in glória claritátis tuæ. Aperiántur ei cæli, collæténtur illi Angeli. In regnum tuum Dómine servum tuum súscipe. Suscipiat eum sanctus Michaél Archángelus Dei, qui militiæ cælestis méruit principátum. Véniant illi óbviám sancti Angeli Dei, et perdúcant eum in civitátem cælestem Jerúsalem. Susci-

piat eum beátus Petrus Apóstolus, cui a Deo claves regni cæléstis tráditæ sunt. Adjuvet eum sanctus Páulus Apóstolus, qui dignus fuit esse vas electiõnis. Intercédant pro eo sanctus Joánnes, electus Dei Apóstolus, cui reveláta sunt secréta cæléstia. Orent pro eo omnes sancti Apóstoli, quibus a Dómino data est potestas ligándi atque solvéndi. Intercédant pro eo omnes Sancti et Elécti Dei, qui pro Christi nómine torménta in hoc sæculo sustinuérunt: ut vínculis carnis exútus, pervenire mereátur ad glóriam regni cæléstis, præstánte Dómino nostro Jesu Christo: Qui cum Patre et Spíritu sancto vivit et regnat in sæcula sæculórum. **R.** Amen.

Si anxiatur adhuc anima, dicuntur hi Psalmi, videlicet Confitémini. 22, **et totus Ps.** Beáti immaculáti. **per Horas distributus.** 23.

Egressa autem anima, dicitur hoc

R. Subvenite Sancti Dei, occúrrite Angeli Dómini: * Suscipiéntes ánimam ejus: * Offeréntes eam in conspéctu Altissimi. **V.** Suscipiat te Christus, qui vocávit te, et

in sinum Abrahæ Angeli dedúcant te. **V.** Suscipiéntes ánimam ejus, * Offeréntes eam in conspéctu Altissimi. **V.** Réquiem ætérnam dona ei Dómine, et lux perpétua lúceat ei. * Offeréntes.

Deinde Kýrie eléison. Christe eléison. Kýrie eléison.

Postea Pater noster. **secreto.**

V. Et ne nos indúcas in tentatiónem. **R.** Sed libera nos a malo.

V. Réquiem ætérnam dona ei Dómine. **R.** Et lux perpétua lúceat ei.

V. A porta inferi. **R.** Erue Dómine ánimam ejus.

V. Requiéscat in pace. **R.** Amen.

V. Dómine exáudi oratió-nem meam. **R.** Et clamor meus ad te véniat.

V. Dóminus vobíscum. **R.** Et cum spíritu tuo.

Orémus. **Oratio.**

TIBI Dómine commendá-mus ánimam fámuli tui **N.**, ut defúctus sæculo tibi vivat: et quæ per fragilitá-tem humánæ conversatiónis peccáta commísit, tu vénia misericordiíssimæ pietátis abstérge. Per Christum Dó-minum nostrum.

R. Amen.



FORMULA

AD IMPERTIENDAM INDULGENTIAM PLENARIAM IN ARTICULO MORTIS

Juxta formam a BENEDICTO Papa XIV. traditam.

Ÿ. Adjutórium nostrum †
in nómine Dómini. R. Qui
fecit cælum et terram.

Ant. Ne reminiscáris Dó-
mine delicta fámuli tui (**vel**
ancillæ tuæ), neque vindic-
tam sumas de peccátis ejus.

Kýrie eléison. Christe eléi-
son. Kýrie eléison.

Pater noster. **secreto.**

Ÿ. Et ne nos indúcas in
tentatiónem. R. Sed libera
nos a malo.

Ÿ. Salvum fac servum tuum
(**vel** ancillam tuam). R. Deus
meus sperántem in te.

Ÿ. Dómine exáudi ora-
tiónem meam. R. Et clamor
meus ad te véniat.

Ÿ. Dóminus vobiscum. R.
Et cum spiritu tuó.

Orémus.

CLEMENTÍSSIME Deus, Pater
misericordiárum, et Deus
totíus consolatiónis, qui né-
minem vis períre in te cre-
déntem atque sperántem :
secúndum multitudínem mi-
seratiónum tuárum réspice
propitius fámulum tuum **N.**
quem (**vel** fámulam tuam **N.**
quam) tibi vera fides et spes
christiána comméndant. Vi-
sita eum (**vel** eam) in salu-
tári tuo, et per Unigéniti
tui passiónem et mortem,

ómnium ei delictórum suó-
rum remissiónem et véniam
cleménter indúlge, ut ejus
ánima in hora éxitus sui te
júdicem propitiátum invé-
niat, et in ságuine ejúsdem
Filii tui ab omni mácula
ablúta, transíre ad vitam
mereátur perpétuam. Per
eúmdem Christum Dómi-
num nostrum. R. Amen.

**Tunc dicto ab uno e Cle-
ricis adstantibus** Confiteor.
Sacerdos dicat Misereátur.
ac deinde :

DÓMINUS noster Jesus
Christus Filius Dei vivi,
qui beáto Petro Apóstolo suo
dedit potestátem ligándi at-
que solvéndi, per suam piís-
simam misericórdiam reci-
piat confessiónem tuam, et
restituât tibi stolam primám,
quam in baptísmate recepi-
sti : et ego, facultáte mihi ab
apostólica sede tribúta, in-
dulgéntiam plenáriam et re-
missiónem ómnium pecca-
tórum tibi concédo. In nó-
mine Patris †, et Filii, et
Spíritus sancti. R. Amen.

Per sacrosáncta humanæ
reparatiónis mystéria, re-
mittat tibi omnipotens Deus
omnes præsentis et futúre
vitæ pœnas, paradisi portas

apériat, et ad gáudia sem-
pitérna perdúcat.

R. Amen.

Benedicat te omnipotens
Deus Pater †, et Filius, et
Spiritus sanctus. **R.** Amen.

**Si vero infirmus sit adeo
morti proximus, ut neque
confessionis generalis fa-
ciendæ, neque præmissarum
precum recitandarum sup-**

**petat tempus, statim Sacer-
dos benedictionem ei im-
pertiat, dicendo: Dóminus
noster, etc., ut supra.**

**Et si mors proxime urgeat,
dicat :**

Indulgéntiam plenáriam et
remissionem ómnium pec-
catórum tibi concédo, in
nómine Patris †, et Filii, et
Spiritus sancti. Amen.

BENEDICTIO MENSÆ

ANTE PRANDIUM

**Sacerdos benedicturus
mensam, incipit Benedicite,
et alii repetunt Benedicite.**

**Deinde dicit : V. Oculi
ómnium, et alii prosequun-
tur : In te sperant Dómine,
et tu das escam illórum in
témptore opportúno. Aperis
tu manum tuam, et imples
omne ánimál benedictióne.**

Glória Patri. Sicut erat.

Kýrie eléison. Christe eléi-
son. Kýrie eléison.

Pater noster. **secreto.**

**V. Et ne nos indúcas in
tentatióne. R. Sed libera
nos a malo.**

Postea Sacerdos dicit :

Orémus.

BÉNIC Dómine nos, et
hæc tua dona, quæ de
tua largitáte sumus sumptú-
ri. Per Christum Dóminum
nostrum.

R. Amen.

**Deinde Lector : Jube do-
mne benedicere.**

Bened. Mensæ cæléstis par-

ticipes fáciat nos Rex ætérnæ
glóriæ. **R.** Amen.

POST PRANDIUM

**Aguntur gratiæ hoc mo-
do : dicto a Lectore Tu áu-
tem Dómine miserére nobis.
R. Deo grátias, omnes sur-
gunt.**

**Sacerdos incipit : V. Con-
fiteántur tibi Dómine ómnia
ópera tua. R. Et sancti tui
benedícant tibi.**

Glória Patri. Sicut erat.

**Postea Sacerdos absolute
dicat :**

AGIMUS tibi grátias omni-
potens Deus, pro univér-
sis beneficiis tuis : Qui vivis
et regnas in sæcula sæculó-
rum. **R.** Amen.

**Deinde alternatim dicitur
Psalmus Miserére mei Deus.
56.**

Vel Psalmus 116.

LAUDÁTE Dóminum omnes
gentes : * Laudáte eum
omnes pópuli :

Quóniam confirmáta est
super nos misericórdia ejus, *

et veritas Dómini manet in ætérnum.

Glória Patri. Sicut erat.

Kýrie eléison. Christe eléison. Kýrie eléison.

Sacerdos dicit Pater noster. **secreto.**

Ÿ. Et ne nos indúcas in tentationem. **R.** Sed libera nos a malo.

Ÿ. Dispérsit, dedit paupéribus. **R.** Justitia ejus manet in sæculum sæculi.

Ÿ. Benedicam Dóminum in omni témpore. **R.** Semper laus ejus in ore meo.

Ÿ. In Dómino laudábitur ánima mea. **R.** Audiant mansuéti, et læténtur.

Ÿ. Magnificáte Dóminum mecum. **R.** Et exaltémus nomen ejus in idípsum.

Ÿ. Sit nomen Dómini benedictum. **R.** Ex hoc nunc et usque in sæculum.

Deinde sine Orémus.

RETRIBÜERE dignáre Dómine ómnibus nobis bona faciéntibus propter nomen tuum vitam ætérnam.

R. Amen.

Ÿ. Benedicámus Dómino. **R.** Deo grátias.

Ÿ. Fidélium ánimæ per misericórdiam Dei requiéscent in pace. **R.** Amen.

Pater noster. **secreto.**

Quo finito, dicit Sacerdos :

Ÿ. Deus det nobis suam pacem. **R.** Amen.

ANTE CŒNAM

Sacerdos benedicturus mensam incipit Benedicite, et alii repetunt Benedicite.

Deinde Sacerdos incipit Ÿ., et alii prosequuntur :

BEDENT páuperes, et saturabúntur, et laudábunt Dóminum, qui requirunt eum : vivent corda eórum in sæculum sæculi.

Glória Patri. Sicut erat.

Kýrie eléison. Christe eléison. Kýrie eléison.

Pater noster. **secreto.**

Ÿ. Et ne nos indúcas.

Orémus. Bénedic Dómine. **ut supra in prandio.**

Ÿ. Jube domne benedicere.

Bened. Ad cœnam vitæ ætérnæ perdúcat nos Rex ætérnæ glóriæ. **R.** Amen.

IN FINE CŒNÆ

Dicitur Ÿ. Memóriam fecit mirabilium suórum miséricors et miserátor Dóminus. **R.** Escam dedit timéntibus se.

Glória Patri. Sicut erat.

Sacerdos dicat :

BENEDÍCTUS Deus in donis suis, et sanctus in ómnibus opéribus suis : Qui vivit et regnat in sæcula sæculórum.

R. Amen.

Deinde alternatim dicitur Ps. Laudáte... omnes gentes. **et reliqua, ut supra.** 204*.

Quando semel comeditur, omnia dicuntur ut in cœna.

Prædictus modus benedicensi mensam, et agendi gratias, servatur omni tempore hujus Partis Æstivæ.

ITINERARIUM

Clericus in ipso itineris ingressu, si solus fuerit, dicat quæ sequuntur in singulari; si cum sociis, in plurali.

Ant. In viam pacis.

Canticum Benedictus Dóminus Deus Israël. 20.

In fine Glória Patri.

Ant. In viam pacis et prosperitátis dirigat nos omnipotens et miséricors Dóminus : et Angelus Ráphaël comitétur nobiscum in via, ut cum pace, salúte, et gáudio revertámur ad própria.

Kýrie eléison. Christe eléison. Kýrie eléison.

Pater noster. **secreto.**

Ÿ. Et ne nos indúcas in tentatiónem. **℟.** Sed libera nos a malo.

Ÿ. Salvos fac servos tuos.

℟. Deus meus sperántes in te.

Ÿ. Mitte nobis Dómine auxílium de sancto. **℟.** Et de Sion tuére nos.

Ÿ. Esto nobis Dómine turris fortitúdinis. **℟.** A fácie inimici.

Ÿ. Nihil proficiat inimícus in nobis. **℟.** Et filius iniquitátis non appónat nocére nobis.

Ÿ. Benedictus Dóminus die quotidie. **℟.** Prósperum iter fáciat nobis Deus salutárium nostrórum.

Ÿ. Vias tuas Dómine demónstra nobis. **℟.** Et sémitas tuas édoce nos.

Ÿ. Utinam dirigántur viæ nostræ. **℟.** Ad custodiéndas justificatiónes tuas.

Ÿ. Erunt prava in dirécta. **℟.** Et áspera in vias planas.

Ÿ. Angelis suis Deus mandávit de te. **℟.** Ut custódiant te in ómnibus viis tuis.

Ÿ. Dómine exáudi oratió-nem meam. **℟.** Et clamor meus ad te véniat.

Ÿ. Dóminus vobiscum. **℟.** Et cum spíritu tuo.

Orémus. **Oratio.**

DEUS, qui filios Israël per maris médium sicco vestigio ire fecisti, quique tribus Magis iter ad te stella duce pandisti : tribue nobis quæsumus iter prósperum tempúsque tranquillum : ut, Angelo tuo sancto cómite, ad eum quo pèrgimus locum, ac demum ad ætérnæ salutis portum pervenire feliciter valeámus.

DEUS, qui Abraham puerum tuum de Ur Chaldæórum edúctum per omnes suæ peregrinatiónis vias illæsum custodisti : quæsumus, ut nos fámulos tuos custodire dignéris : esto nobis Dómine in procinctu suffrágium, in via solátium, in æstu umbráculum, in plúvia et frigore teguméntum, in lassitúdine vehiculum, in adversitáte præsidium, in lúbrico báculo, in naufrágio portus ; ut, te duce, quo

téndimus, próspere perveniámus, et demum incólumes ad própria redeámus.

ADESTO, quæsumus Dómine, supplicatióibus nostris : et viam famulórum tuórum in salutis tuæ prosperitaté dispóne; ut inter omnes viæ et vitæ hujus varietates tuo semper protegamur auxilio.

PRÆSTA, quæsumus omnipotens Deus : ut familia

tua per viam salutis incédât; et beáti Joánnis Præcursóris hortaménta sectándo, ad eum quem prædixit, secúra perveniat, Dóminum nostrum Jesum Christum Fílium tuum : Qui tecum vivit et regnat in unitate Spiritus sancti Deus, per ómnia sæcula sæculórum.

R. Amen.

V. Procedámus in pace. **R.** In nómine Dómini. Amen.

PRÆPARATIO AD MISSAM

PRO OPPORTUNITATE SACERDOTIS FACIENDA

ANTIPHONA

NE reminiscáris Dómine delicta nostra, vel párentum nostrórum; neque vindictam sumas de peccátis nostris.

Quæ Ant. in Festis duplicibus tantum duplicatur.

Deinde dicuntur sequentes Psalmi Quam dilécta. 98. Benedixisti Dómine. **ibid.** Inclina Dómine. 99. Crédidi propter. 128. De profundis. 133.

Postea repetitur Ant. Ne reminiscáris.

Deinde Sacerdos dicit :

Kýrie eléison. Christe eléison. Kýrie eléison.

Pater noster.

V. Et ne nos indúcas in tentatióem. **R.** Sed libera nos a malo.

V. Ego dixi : Dómine mi-

serére mei. **R.** Sana ánimam meam, quia peccávi tibi.

V. Convértere Dómine aliquántulum. **R.** Et deprecáre super servos tuos.

V. Fiat misericórdia tua Dómine super nos. **R.** Quemádmodum sperávimus in te.

V. Sacerdótes tui induántur justítiam. **R.** Et sancti tui exsúltent.

V. Ab occúltis meis munda me Dómine. **R.** Et ab aliénis parce servo tuo.

V. Dómine exáudi oratióem meam. **R.** Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

AURES tuæ pietátis, mitissime Deus, inclina precibus nostris, et grátia sancti

Spiritus illúmina cor nostrum : ut tuis mystériis digne ministráre, teque ætérna caritaté diligere mereámur.

DEUS, cui omne cor patet, et omnis volúntas lóquitur, et quem nullum latet secrétum : purifica per infusiónem sancti Spiritus cogitationés cordis nostri ; ut te perfécte diligere, et digne laudáre mereámur.

URE igne sancti Spiritus renes nostros et cor nostrum Dómine : ut tibi casto corpore serviámus, et mundo corde placeámus.

MENTES nostras, quæsumus Dómine, Paráclitus qui a te procedit, illúminet : et indúcat in omnem, sicut tuus promísit Filius, veritátem.

ADSIT nobis, quæsumus Dómine, virtus Spiritus sancti ; quæ et corda nostra cleménter expúrget, et ab ómnibus tueátur advérsis.

DEUS, qui corda fidélium sancti Spiritus illustratióne docuisti : da nobis in eódem Spíritu recta sápere, et de ejus semper consolatióné gaudére.

CONSCIÉNTIAS nostras, quæsumus Dómine, visitádo purífica : ut véniens Dóminus noster Jesus Christus Filius tuus parátam sibi in nobis invéniat mansiónem : Qui tecum vivit et regnat in unitáte Spiritus sancti Deus, per ómnia sæcula sæculórum. Amen.

ORATIONES

Pro opportunitate Sacerdotis ante Celebrationem et Communionem dicendæ.

Oratio S. Ambrosii Episcopi.

DIE DOMINICA

SUMME Sacerdos, et vere Póntifex Jesu Christe, qui te obtulisti Deo Patri, hóstiam puram et immaculatam, in ara crucis, pro nobis miseris et peccatóribus, et qui dedisti nobis Carnem tuam ad manducándum, et Ságuinem tuum ad bibéndum, et posuisti mystérium istud in virtúte Spiritus sancti tui, dicens : Hæc quotiescúmque fecéritis, in mei memóriam faciétis : rogo per eúndem Ságuinem tuum, magnum salútis nostræ prétium : rogo per hanc miram et ineffábilem caritaté, qua nos miseros et indignos sic amáre dignátus es, ut laváres nos a peccátis nostris in ságuine tuo : doce me servum tuum indígnum, quem inter cætera dona tua étiam ad officium sacerdotále vocáre dignátus es, nullis meis méritis, sed sola dignatióne misericórdiæ tuæ : doce me, quæso, per Spiritum sanctum tuum, tantum tractáre mystérium ea reveréntia et honóre, ea devotióne et timóre, quibus opórtet et decet. Fac me per grátiam tuam semper illud de tanto mystério crédere et intelligere, sentíre et firmiter tenére, dicere et cogi-

täre quod tibi placet, et expedit animæ meæ. Intret spiritus tuus bonus in cor meum, qui sonet ibi sine sono, et sine strépitu verbórum loquátur omnem veritátem. Profúnda quippe sunt nimis, et sacro tecta velámine. Propter magnam cleméntiam tuam concéde mihi Missárum solémnia mundo corde et pura mente celebráre. Libera cor meum ab immúndis et nefándis, vanis et nóxiis cogitatióibus. Muni me beatórum Angelórum pia et fida custódia, ac tutéla fortíssima, ut hostes ómnium bonórum confúsi discédant. Per virtútem tanti mystérii, et per manum sancti Angeli tui, repélle a me, et a cunctis servis tuis, duríssimum spíritum supérbiæ et cœnodóxiæ, invidiæ et blasphemíæ, fornicatióis et immunditiæ, dubietátis et diffidéntiæ. Confundántur qui nos persequúntur : péreant illi qui nos pérdere festínant.

FERIA SECUNDA

REX virginum, et amátor castitátis et integritátis, cælésti rore benedictiόnis tuæ exstingue in corpore meo fómitem ardéntis libidinis : ut máneat in me tenor castitátis corpóris et animæ. Mortifica in membris meis carnis stimulos, omnesque libidinósas commotiόnes; et da mihi veram et perpétuam castitátem cum cæteris donis tuis, quæ tibi placent

in veritáte : ut sacrificium láudis casto corpore et mundo corde váleam tibi offérre. Quanta enim cordis contritiόne, et lacrymárum fonte, quanta reveréntia, et tremóre, quanta corpóris castitáte et animæ puritáte istud divinum et cæléste sacrificium est celebrándum, ubi Caro tua in veritáte súmitur, ubi Sanguis tuus in veritáte bibitur, ubi ima summis, terréna divinis jungúntur, ubi adest sanctórum Angelórum præsentia, ubi tu es sacrificium et Sacérdos mirabiliter et ineffabiliter constitútus !

FERIA TERTIA

QUIS digne hoc celebráre póterit, nisi tu Deus omnipotens offeréntem féceris dignum? Scio Dómine, et vere scio, et id ipsum pietáti tuæ confíteor, quia non sum dignus accédere ad tantum mystérium, propter nimia peccáta mea et infinitas negligéntias meas. Sed scio, et veráciter ex toto corde meo credo, et ore confíteor, quia tu potes me fácere dignum, qui solus potes fácere mundum de immúndo concéptum sémine, et de peccatóribus justos et sanctos. Per hanc onnipoténtiam tuam te rogo Deus meus, ut concédas mihi peccatóri hoc Sacrificium celebráre cum timóre et tremóre, cum cordis puritáte et lacrymárum fonte,

cum lætitia spiritali et cælesti gaudio. Sentiât mens mea dulcedinem beatissimæ præsentiae tuæ, et excubias sanctorum Angelorum tuorum in circûitu meo.

FERIA QUARTA

EGO enim Dómine memor venerandæ Passiõis tuæ accedo ad altare tuum, licet peccator, ut offeram tibi sacrificium quod tu instituisti, et offerri præcepisti in commemoratiõnem tui, pro salute nostra. Súscipe illud, quæso summe Deus, pro Ecclesia sancta tua, et pro pópulo, quem acquisivisti Sanguine tuo. Et quoniam me peccatorem inter te et eúmdem pópulum tuum médium esse voluisti, licet in me aliquod boni óperis testimónium non agnóscas, officium saltem dispensatiõis creditæ non recuses: nec per me indignum eorum salutis péreat prétium, pro quibus víctima salutáris dignátus es esse, et redemptio. Prófero étiam Dómine (si dignéris propítius intuéri) tribulatiões plébiúm, pericula populórum, captivórum gémitus, misérias orphanórum, necessitates peregrinórum, inópiam debílium, desperatiões languéntium, deféctus senum, suspíria júvenum, vota virgínium, láménta viduárum.

FERIA QUINTA

TU enim miseréris ómnium Dómine, et nihil odisti

eórum quæfecisti. Memoráre quæ sit nostra substántia: quia tu Pater noster es, quia tu Deus noster es, ne irascáris satis, neque multitudinem víscerum tuórum super nos contineas. Non enim in justificatiõibus nostris prostérnimus preces ante fáciem tuam, sed in miseratiõibus tuis multis. Aufer a nobis iniquitates nostras, et ignem sancti Spíritus in nobis cleménter accénde. Aufer cor lapideum de carne nostra; et da nobis cor cárneum, quod te amet, te diligat, te delectétur, te sequátur, te perfruátur. Orámus Dómine cleméntiam tuam, ut seréno vultu familiam tuam, sacri tui nóminis officia præstolántem, adspicere dignéris: et ut nullius sit irritum votum, nullius vácuâ postulátiõ, tu nobis preces súggere, quas ipse propítius audire et exaudire delectéris.

FERIA SEXTA

ROGÁMUS étiam te Dómine sancte Pater, et pro spirítibus fidélium defunctórum: ut sit illis salus, sánitas, gáudium et refrigerium, hoc magnum pietátis sacraméntum. Dómine Deus meus, sit illis hódie magnum et plenum convívium de te pane vivo, qui de cælo descendisti, et das vitam mundo, de tua carne sancta et benedicta, Agni videlicet immaculáti, qui tollit peccáta mundi, quæ de sancto

et glorióso beátæ Virginis Mariæ útero est assúpta, et de Spiritu sancto concépta : ac de illo pietátis fonte, qui per lánceam militis ex tuo sacratíssimo látere emanávit, ut exinde refécti et satiáti, refrigeráti et consoláti, exsúltent in láude et glória tua. Peto cleméntiam tuam Dómine, ut descéndat super panem tibi sacrificándum plenitúdo tuæ benedictiónis, et sanctificátio tuæ divinitátis. Descéndat étiam Dómine illa sancti Spíritus tui invisibilis incomprehensibilisque majéstas, sicut quondam in Patrum hóstias descendébat, qui et oblatiónes nostras Corpus et Sanguinem tuum efficiat, et me indignum sacerdotem doceat tantum tractáre mystérium cum cordis puritáte et lacrymárum devotióne, cum reveréntia et tremóre, ita ut plácide ac benigne suscipias sacrificium de mánibus meis ad salútem ómnium, tam vivórum quam defunctórum.

SABBATO

Rogo étiam te Dómine per ipsum sacrosáctum mystérium Córporis et Sanguinis tui, quo quotidie in Ecclésia tua páscimur et potámur, ablúimur et sanctificámur, atque unius summæ Divinitátis participes effici-mur : da mihi virtútes tuas sanctas, quibus replétus, bona consciéntia ad altáre tuum accédam, ita ut hæc

cæléstia sacraménta efficiántur mihi salus et vita. Tu enim dixisti ore tuo sancto et benedicto : Panis quem ego dabo, caro mea est pro mundi vita. Ego sum panis vivus, qui de cælo descéndi. Si quis manducáverit ex hoc pane, vivet in ætérnum. Panis dulcissime, sana palátum cordis mei, ut séntiam suavitátem amoris tui. Sana illud ab omni languóre, ut nullam præter te séntiam dulcédinem. Panis candidissime, habens omne delectaméntum et omnem sapórem, qui nos semper réfcis, et numquam in te défcis : cómedat te cor meum, et dulcédine sapóris tui repleántur viscera ánimæ meæ. Mandúcat te Angelus ore pleno; mandúcet te peregrínus homo pro módulo suo, ne defícere possit in via, tali recreátus viático. Panis sancte, panis vive, panis munde, qui descendisti de cælo, et das vitam mundo, veni in cor meum, et munda me ab omni inquinaménto carnis et spíritus. Intra in ánimam meam, sana et munda me intérius et extérius. Esto tutámen et continúa salus ánimæ et córporis mei. Repélle a me insidiántes mihi hostes : recédant procul a præsentia poténtiæ tuæ, ut foris et intus per te munitus, recto trámite ad tuum regnum pervéniam : ubi non in mystériis, sicut in hoc

témpace ágitur, sed fácie ad fáciem te vidébimus, cum tradideris regnum Deo et Patri, et eris Deus ómnia in ómnibus. Tunc enim me de te satiábis satietáte mirifica, ita ut nec esúriam, nec sitiam in ætérnum: Qui cum eódem Deo Patre et Spíritu sancto vivis et regnas per ómnia sæcula sæculórum. Amen.

**Alia Oratio S. Ambrosii
ante Missam.**

Indulg. 100 dierum. Leo PP. XIII.
20 Dec. 1884.

Ad mensam dulcissimi convivii tui, pie Dómine Jesu Christe, ego peccátor de própriis meis méritis nihil præsumens, sed de tua confidens misericórdia et bonitate, accédere véreor, et contremisco. Nam cor et corpus hábeo multis criminibus maculátum, mentem, et linguam non cáute custoditam. Ergo, o pia Déitas, o treménda Majéstas, ego miser inter angústias deprehensus, ad te fontem misericórdiæ recúrro, ad te festino sanándus, sub tuam protectiónem fúgio: et quem Júdicem sustinére néqueo, Salvatórem habére suspiro. Tibi Dómine plagas meas osténdo: tibi verecúndiam meam détego. Scio peccáta mea multa et magna, pro quibus timeo. Spero in misericórdias tuas, quarum non est númerus. Réspice ergo in me óculis misericórdiæ tuæ, Dómine Jesu Christe, Rex

ætérne, Deus et homo, crucifixus propter hóminem. Exáudi me sperántem in te: miserére mei pleni misériis et peccátis, tu qui fontem miserationis numquam manáre cessábis. Salve salutáris víctima, pro me et omni humano gènere in patibulo crucis obláta. Salve nóbilis et pretióse Sanguis, de vulneribus crucifixi Dómini mei Jesu Christi prófluens, et peccáta totíus mundi ábluens. Recordáre, Dómine, creatúræ tuæ, quam tuo Sanguine redemisti. Pénitet me peccásse, cúpio emendáre quod feci. Aufer ergo a me, clementissime Pater, omnes iniquitátes et peccáta mea: ut purificátus mente et corpore digne degustáre mérear Sancta Sanctorum: et concéde, ut hæc sancta prælibátio Corporis et Sanguinis tui, quam ego indignus sumere inténdo, sit peccatórum meórum remissio, sit delictórum perfécta purgátio, sit túrpium cogitatónum effugátio, ac bonórum sénsuum regenerátio, operúmque tibi placéntium salúbris effíciacia, ánimæ quoque et corporis contra inimicórum meórum insídias firmissima tuitio. Amen.

Oratio S. Thomæ de Aquino.

Indulg. 100 dierum.
Leo PP. XIII. 20 Dec. 1884.

OMNÍPOTENS sempitérne Deus, ecce accédo ad

sacraméntum unigéniti Filii tui Dómini nostri Jesu Christi : accédo tamquam infirmus ad médicum vitæ, immúndus ad fontem misericórdiæ, cæcus ad lumen claritátis æternæ, páuper et egénus ad Dóminum cæli et terræ. Rogo ergo imménsæ largitátis tuæ abundántiam, quátenus meam curáre dignéris infirmitátem, laváre fœditátem, illumináre cæcitaté, ditáre paupertátem, vestíre nuditátem : ut panem Angelórum, Regem regum, et Dóminum dominántium, tanta suscipiam reveréntia et humilitáte, tanta contritióne et devotióne, tanta puritáte et fide, tali propósito et intentiόne, sicut expedit salúti ánimæ meæ. Da mihi, quæso, Dominici Corporis et Sánguini non solum suscipere sacraméntum, sed étiam rem et virtútem sacraménti. O mitissime Deus, da mihi Corpus unigéniti Filii tui Dómini nostri Jesu Christi, quod traxit de Vírgine María, sic suscipere, ut cörperi suo mýstico mérear incorporári, et inter ejus membra connumerári. O amantissime Pater, concéde mihi diléctum Filium tuum, quem nunc velátum in via suscipere propóno, reveláta tandem fácie perpétuo contemplári : Qui tecum vivit et regnat in unitáte Spíritus sancti Deus, per ómnia sæcula sæculórum. Amen.

Oratio.

Gregorius XIII., Pontifex Maximus, concessit cuilibet dicenti quæ sequuntur, 50 dierum Indulgentiam.

EGO volo celebráre Missam, et conficere Corpus et Sánguinem Dómini nostri Jesu Christi, juxta ritum sanctæ Románæ Ecclesiæ, ad láudem omnipoténtis Dei, totiúsque cúriæ triumphántis, ad utilitátem meam, totiúsque cúriæ militántis, et patientis, pro ómnibus, qui se commendavérunt oratió-nibus meis in génere et in spécie, et pro felici statu sanctæ Románæ Ecclesiæ. Amen.

GÁUDIUM cum pace emendatióne vitæ, spátium veræ pœniténtiæ, grátiam et consolatióne sancti Spíritus, perseverántiam in bonis opéribus, tribuat nobis omnipotens et miséricors Dóminus. Amen.

Quia Sacerdos, aut tacita mentis cogitatione, aut submissa vocis expressione debet recitare singillatim nomina pro quibus in illa celebratione vult singulariter orare (ut insinuatur per illas litteras N. N. in Canone contentas), et ne hujusmodi determinatarum personarum nominatio, ob multitudinem, aut incertum ordinem, ingerat Sacerdoti celebranti confusionem, non inutile erit sequentem servare or-

dinem ex 20. quæst. Quódlibet, *Doctoris Subtil. et ex aliorum gravissimorum Doctorum scriptis excerptum.*

Meménto Dómine, si tibi placet,

VIVORUM

- 1 **M**EI, paréntum, cognatorum, fratrum, sororum, et amicorum meorum omnium.
- 2 Cœtus Cardinálium, atque Prælatorum, et Sacerdotum, ac sanctæ Ecclesiæ ministrorum.
- 3 Omnium meæ curæ subiectorum, tamquam spirituálium filiorum, et omnium fundatorum, patronorum, et benefactorum spirituálium et temporalium.
- 4 Omnium Principum christianorum, Dominatiónum, et Rerum publicarum temporalium.
- 5 Omnium peccantium, inimicorumque meorum, atque conversiónis omnium hæreticorum et infidelium.
- 6 Et omnium pro quibus scis et vis me debere orare.

MORTUORUM

- 1 **A**NIMÁRUM paréntum, fratrum, sororum, cognatorum, atque amicorum omnium.
2. Animárum omnium benefactorum, tam spirituálium quam corporálium.
- 3 Animárum omnium mihi in génere et in spécie commissarum.

4 Animárum Prælatorum, Sacerdotum, et omnium ministrorum sanctæ Romanæ Ecclesiæ Dei et Apostolicæ.

5 Animárum morte improvisa corpóribus exutarum, atque earum quarum non est speciális memória.

6 Animárum quæ mei occasione in purgatorio purgantur : earum quoque miserrime in purgatorio existentium.

7 Et earum omnium pro quibus scis et vis me debere orare.

Oratio ad B. V. M. ante Missam.

*Indulg. 100 dierum. Leo PP. XIII.
17 Febr. 1883.*

O MATER pietátis et misericordiæ, beatíssima Virgo María, ego miser et indignus peccátor ad te confugio toto corde et afféctu, et precor pietátem tuam : ut sicut dulcissimo Filio tuo in cruce pendénti adstitisti, ita et mihi misero peccatóri, et sacerdotibus omnibus hic et in tota sancta Ecclesia hódie offeréntibus, cleménter assistere dignéris, ut tua grátia adjúti, dignam et acceptábilem hóstiam in conspectu summæ et individuæ Trinitátis offerre valeámus. Amen.

Oratio ad S. Josephum.

*Indulg. 100 dierum. Pius PP. IX.
4 Febr. 1877.*

O FELÍCEM virum beátum Joseph, cui datum est,

Deum, quem multi reges voluerunt videre, et non viderunt, audire, et non audierunt, non solum videre et audire, sed portare, desculari, vestire et custodire.

V. Ora pro nobis beate Joseph. **R.** Ut digni efficiamur promissionibus Christi. Orémus.

DEUS, qui dedisti nobis regale sacerdotium, presta quæsumus, ut sicut beatus Joseph unigenitum Filium tuum natum ex Maria Virgine, suis manibus reverenter tractare meruit et portare, ita nos facias cum cordis munditia et operis innocentia tuis sanctis altaribus deservire, ut sacrosanctum Filii tui Corpus et Sanguinem hodie digne sumamus, et in futuro sæculo præmium habere mereamur æternum. Per Christum Dominum nostrum. Amen.

Oratio ad omnes Angelos et Sanctos.

Indulg. 100 dierum. Leo PP. XIII.
20 Dec. 1884.

ANGELI, Archàngeli, Throni, Dominationes, Principatus, Potestates, Virtutes

cælorum, Chérubim, atque Séraphim, omnes Sancti et Sanctæ Dei, præsertim Patróni mei, intercédere dignemini pro me, ut hoc Sacrificium Deo omnipotenti digne valeam offerre ad laudem et glóriam nóminis sui, et ad utilitatem meam, totiusque Ecclesiæ suæ sanctæ. Amen.

Oratio tantummodo dicenda quando Sacerdos in honorem Sancti, vel Beati Missam celebrat.

Indulg. 100 dierum. Leo PP. XIII.
20 Dec. 1884.

O SANCTE N., ecce ego miser peccator, de tuis meritis confisus, offero nunc sacratissimum Sacramentum Corporis et Sanguinis Domini nostri Jesu Christi pro tuo honore et glória. Precor te humiliter et devôte, ut pro me intercédere digneris, ut tantum Sacrificium digne et acceptabiliter offerre valeam, ut eum tecum, et cum omnibus electis ejus æternaliter laudare, atque cum eo regnare valeam : Qui vivit et regnat in sæcula sæculorum.

Amen.

GRATIARUM ACTIO POST MISSAM

ANTIPHONA

TRIUM puerorum cantemus hymnum, quem cantabant sancti in camino ignis, benedicentes Dominum.

Quæ Ant. in Festis duplicibus tantum duplicatur.

Cant. Benedicite omnia opera Domini Domino. 18. **In fine non dicitur** Glória Patri.

Ps. Laudáte Dóminum in sanctis ejus. 20. **Et in fine** Glória Patri.

Deinde repetitur Ant. Trium puerórum.

Postea Sacerdos dicit :
Kýrie eléison. Christe eléison. Kýrie eléison.

Pater noster.

V. Et ne nos indúcas in tentationem. **R.** Sed libera nos a malo.

V. Confiteántur tibi Dómine ómnia ópera tua. **R.** Et sancti tui benedicant tibi.

V. Exsultábunt sancti in glória. **R.** Lætábuntur in cubilibus suis.

V. Non nobis Dómine, non nobis. **R.** Sed nómini tuo da glóriam.

V. Dómine exáudi orationem meam. **R.** Et clamor meus ad te véniat.

V. Dóminus vobiscum. **R.** Et cum spiritu tuo.

Orémus.

DEUS, qui tribus púeris mitigásti flammam ignium : concéde propitius ; ut nos fámulos tuos non exúrat flamma vitiórum.

ACTIÓNES nostras, quæsumus Dómine, adspirándo præveni, et adjuvándo proséquere : ut cuncta nostra orátio et operátio a te semper incípiat, et per te cœpta finiátur.

DA nobis, quæsumus Dómine, vitiórum nostrórum flammam exstinguere, qui beáto Lauréntio tribuísti tormentórum suórum incén-

dia superáre. Per Christum Dóminum nostrum. Amen.

Orationes post Celebrationem et Communionem dicendæ.

Oratio S. Thomæ de Aquino.

Indulg. unius anni.

Ieo PP. XIII. 20 Dec. 1884.

GRÁTIAS tibi ago Dómine sancte, Pater omnípotens, ætérne Deus, qui me peccatórem indignum fámulum tuum, nullis meis méritis, sed sola dignatióne misericórdiæ tuæ, satiáre dignátus es pretiósó Córpoze et Sanguine Filii tui Dómini nostri Jesu Christi : et precor ut hæc sancta Commúnio non sit mihi reátus ad pœnam, sed intercæssio salutáris ad véniam. Sit mihi armatúra fidei, et scutum bonæ voluntátis : sit vitiórum meórum evacuátio, concupiscéntiæ et libidinis exterminátio, caritátis et paciéntiæ, humilitátis et obediéntiæ, omniúmque virtútum augmentátio, contra insidias inimicórum ómnium tam visibilium quam invisibilium firma defénsio, mórtuum meórum tam carnálium quam spirituálium perfécta quietátio, in te uno ac vero Deo firma adhæsió, atque finis mei felix consummátio. Et precor te ut ad illud ineffábile convivium me peccatórem perdúcere dignéris, ubi tu cum Filio tuo et Spíritu sancto sanctis tuis es lux vera, satietas

plena, gáudium sempiternum, jucúnditas consummáta, et felicitas perfectá. Per eúndem Christum.

Oratio S. Bonaventuræ.

Indulg. unius anni.

Leo PP. XIII. 20 Dec. 1884.

TRANSFÍGE, dulcíssime Dómine Jesu, medúllas et viscera ánimæ meæ suavíssimo ac salubérrimo amoris tui vúlnerē, vera serenáque et apostólica sanctíssima caritáte, ut lángueat et liquefiat ánima mea solo semper amore et desidério tui, te concupiscat, et deficiat in átria tua, cúpiat dissólvi, et esse tecum. Da ut ánima mea te esúriat, panem Angelórum, refectiónem animárum sanctárum, panem nostrum quotidiánum supersubstantialē, habéntem omnem dulcédinem et sapórem, et omne delectaméntum suavitátis : te, in quem desiderant Angeli prospicere, semper esúriat, et cómedat cor meum, et dulcédine sapóris tui repleántur viscera ánimæ meæ : te semper sítiat fontem vitæ, fontem sapiéntiæ et sciéntiæ, fontem ætérni lúminis, torréntem voluptátis, ubertátē domus Dei : te semper ámbiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in láudem et glóriam nóminis tui, cum humilitáte et discretiónē, cum dilectiónē et delectatióne,

cum facilitáte et affléctu, cum perseverántia usque in finem : et tu sis solus semper spes mea, tota fidúcia mea, divitiæ meæ, delectátio mea, jucúnditas mea, gáudium meum, quies et tranquillitas mea, pax mea, suávitās mea, odor meus, dulcédo mea, cibus meus, reféctio mea, refúgium meum, auxílium meum, sapiéntia mea, pórtio mea, posséssio mea, thesáurus meus, in quo fixa, et firma, et immobiliter semper sit radicáta mens mea, et cor meum. Amen.

Oratio ad beatissimam Virginem Mariam.

O SACRATÍSSIMA, o sereníssima et inclyta gloriósa Virgo María, quæ Creatórem ómnium creaturárum in tuo sacratíssimo útero fuisti digna portáre, sólaque virgíneo úbere lactáre : cujus veracíssimum sacrúmque Corpus, et Sánguinem ego indignus peccátor modo sumere præsumpsi : tuam humíliter déprecor misericórdiam, ut apud ipsum pro me peccatóre intercédere dignéris ; ut quidquid in hoc tam ineffábili ac dignissimo Sacrificio, per me indignum ignoránter, vel negligénter, aut accidénter, seu irreverénter, scilicet in tractádo, et suméndo, ac ministrádo actum est, commissum, vel omissum, tuis sacratíssimis précibus indulgére dignétur idem Dóminus noster Jesus

Christus Filius tuus, qui cum Patre et Spiritu sancto vivit et regnat in sæcula sæculórum. Amen.

Rhythmus S. Thomæ ad sacram Eucharistiam.

Indulg. 100 dierum. Leo PP. XIII.
20 Dec. 1884.

ADORO te devóte, latens Déitas,
Quæ sub his figúris vere lá-
titas :

Tibi se cor meum totum sú-
jicit,

Quia te contéplans totum
déficit.

Visus, tactus, gustus in te
fállitur,

Sed auditu solo tuto crédi-
tur.

Credo quidquid dixit Dei
Filius,

Nil hoc verbo veritátis vé-
rius.

In cruce latébat sola Déi-
tas,

At hic latet simul et humáni-
tas :

Ambo tamen credens atque
cónfitens,

Peto quod petivit latro pœ-
nitens.

Plagas, sicut Thomas, non
intúeor :

Deum tamen meum te con-
fiteor :

Fac me tibi semper magis
crédere,

In te spem habére, te dili-
gere.

O memoriále mortis Dó-
mini,

Panis vivus vitam præstans
hómini,

Præsta meæ menti de te vi-
vere,

Et te illi semper dulce sá-
pere.

Pie pellicáne, Jesu Dó-
mine,

Me immúndum munda tuo
sánguine :

Cujus una stilla salvum fá-
cere

Totum mundum quit ab omni
scélere.

Jesu, quem velátum nunc
adspicio,

Oro fiat illud, quod tam sí-
tio :

Ut te reveláta cernens fácie,
Visu sim beátus tuæ glóriæ.

Amen.

Alia Oratio.

**Decreto Urbis et Orbis
11 Decembris 1846, Pius IX.**

**Pontifex Maximus Sacerdo-
tibus qui sequentem Oratio-
nem inter alias preces pro
gratiarum actione post Mis-
sam recitaverint, Indulgen-
tiam trium annorum con-
cessit.**

OBSEURO te, dulcissime Dó-
mine Jesu Christe, ut
Pássio tua sit mihi virtus
qua múnier, prótegar, atque
deféndar. Vúlnera tua sint
mihi cibus potúsque, quibus
pascar, inébrier, atque de-
lécter. Aspérsio Sanguinistui
sit mihi ablútio ómnium de-
lictórum meórum. Mors tua
sit mihi glória sempitérna. In
his sit mihi reféctio, exsul-
tatio, sánitas et dulcédo cor-
dis mei : Qui vivis et regnas
in sæcula sæculórum. Amen.

**Oratio
coram imagine Crucifixi.**

Indulg. plenar.
Pius IX. 31 Julii 1858.

EN ego, o bone et dulcissime Jesu, ante conspectum tuum genibus me provolvō ac máximo animi ardore te oro atque obtestor, ut meum in cor vividos fidei, spei et caritatis sensus, atque veram peccatorum meorum poenitentiam, eaque emendandi firmissimam voluntatem velis imprimere: dum magno animi affectu et dolore tua quinque vulnera mecum ipse considero, ac mente contemplan, illud præ oculis habens, quod jam in ore ponebat suo David Propheta de te, o bone Jesu: Foderunt manus meas et pedes meos: Dinumeraverunt omnia ossa mea. **Ps. 21.**

**Adspirationes sancti Ignatii
ad SS. Redemptorem.**

Post Missam Indulg. 7 annorum semel in die; aliter 300 dierum toties quoties. Indulg. plenar. semel in mense, si hæc Oratio quotidie recitatur. Pius IX. 9 Jan. 1854. .

ANIMA Christi sanctifica me. Corpus Christi salva me. Sanguis Christi inebria me. Aqua lateris Christi lava me. Passio Christi confortata me. O bone Jesu exaudi me. Intra tua vulnera absconde me. Ne permittas me separari a te. Ab hoste maligno defende me. In hora mortis meæ voca me. Et jube me venire ad te, ut cum

sanctis tuis laudem te in sæcula sæculorum.

Amen.

Oblatio sui.

Indulg. 300 dierum. Leo PP. XIII.
26 Maii 1883.

SUSCIPE Dōmine universam meam libertatem. Accipe memoriam, intellectum, atque voluntatem omnem. Quidquid habeo, vel possideo, mihi largitus es: id tibi totum restituo, ac tuæ prorsus voluntati trado gubernandum. Amorem tui solum cum gratia tua mihi dones, et dives sum satis, nec aliud quidquam ultra posco.

Oratio ad B. M. V.

Indulg. 100 dierum. Leo PP. XIII.
20 Dec. 1884.

OMARÍA, Virgo et Mater sanctissima, ecce suscepisti dilectissimum Filium tuum, quem immaculato útero tuo concepisti, genuisti, lactasti, atque suavissimis amplexibus strinxisti. Ecce, cujus adspectu lætabaris, et omnibus deliciis replebaris, illum ipsum tibi humiliter et amanter repræsentō, et offero tuis brachiis constringendum, tuo corde amandum sanctissimæque Trinitati in supremum patriæ cultum pro tui ipsius honore et gloria, et pro meis, totiusque mundi necessitatibus offerendum. Rogo ergo te, piissima Mater, impetra mihi veniam omnium peccatorum meorum, uberemque gratiam

ipsi deinceps fidélius serviendi, ac dénique grátiam finálem, ut eum tecum laudáre possim per ómnia sæcula sæculórum. Amen.

Oratio ad S. Joseph.

Indulg. 100 dierum. Pius IX.

4 Febr. 1877.

VIRGINUM Custos, et Pater sancte Joseph, cujus fidéli custodiæ ipsa Innocéntia

Christus Jesus et Virgo virginum Maria commissa fuit : Te, per hoc utrúmque carissimum pignus Jesum et Mariam óbsecro et obtéstor, ut me ab omni immunditia præservátum, mente incontamináta, puro corde, et casto córpore Jesu et Mariæ semper fácias castissime famulári. Amen.





OFFICIA VOTIVA PER ANNUM

Officia hæc Votiva per annum ritu Semiduplici pro singulis hebdomadæ Feriis, a Summo Pontifice Leone XIII. per Decretum Urbis et Orbis Sacrorum Rituum Congregationis die 5 Julii 1883 generali Indulto concessa, persolvi possunt, juxta idem Indultum, loco Officiorum Ferialium occurrentium, quocumque anni tempore; exceptis Feria IV. Cinerum, Feriis totius temporis Passionis, ac Sacri Adventus a die 17 ad 24 Decembris inclusive. Habent juxta Rubricas, prout alia Festa Semiduplicia novem Lectionum, tum Commemorationes Feriæ et Festi Simplicis occurrentis, tum nonam Lectionem de Homilia super Evangelium ejusdem Feriæ, aut de Sancto. Adduntur Commemorationes communes, seu Suffragia Sanctorum, ut in Psalterio, si facienda sint, omissa Commemoratione ejus, de quo fit Officium votivum. Si die præcedenti aut sequenti occurrat Officium aliud quodcumque novem Lect., Vesp. Officii votivi currentis ordinandæ erunt juxta Rubricam de Concurrentia Officii.

PRO FERIA II OFFICIUM VOTIVUM

DE SANCTIS ANGELIS Semiduplex.

IN I. VESPERIS

Ant. et Capit. cum reliq.
de Laud. Pss. ut in I. Vesp.
de Comm. Apost. 2*.

Hymnus.

Te splendor, et virtus Patris,
Te vita, Jesu, córdium,

Ab ore qui pendent tuo,
Laudámus inter Angelos.

Tibi mille densa míllium
Ducum coróna militat :
Sed explicat victor crucem
Michaël salútis signifer.

Dracónis hic dirum caput
In ima pellit tártara,
Ducémque cum rebéllibus
Cælésti ab arce fúlminat.

Contra ducem supérbiæ
Sequámur hunc nos principem,

Ut detur ex Agni throno
Nobis coróna glóriæ.

Patri, simúlque Filio,
Tibique sancte Spiritus,
Sicut fuit, sit júgiter
Sæclum per omne glória.

Amen.

Ÿ. In conspéctu Angelórum psallam tibi Deus meus.
R. Adorábo ad templum san-

etum tuum, et confitebor
nómini tuo.

Ad Magnif. Ant. Omnes
sunt * administratórii spíri-
tus, in ministérium missi
propter eos, qui hereditátem
cápiunt salútis.

Orat. ut infra ad Laudes.
231*.

AD MATUTINUM

Invit. Regem Angelórum
Dóminum, * Venite, adoré-
mus.

Ps. Venite, exsultémus. 2.

Hymnus. Te splendor. *ut
supra.*

IN I. NOCTURNO

Ant. Multa magnália.

Psalmus 8.

DÓMINE Dóminus noster, *
quam admirábile est no-
men tuum in univérſa terra!

Quóniam eleváta est ma-
gnificéntia tua, * super cælos.

Ex ore infántium et lactén-
tium perfecisti láudem pro-
pter inimicos tuos, * ut dé-
struas inimicum et ultórem.

Quóniam vidébo cælos
tuos, ópera digitórum tuó-
rum : * lunam et stellas, quæ
tu fundásti.

Quid est homo, quod me-
mores ejus? * aut filius hómi-
nis, quóniam visitas eum?

Minuisti eum páulo minus
ab Angelis, glória et honóre
coronásti eum : * et consti-
tuisti eum super ópera má-
num tuárum.

Omnia subjecisti sub pé-
dibus ejus, * oves et boves
univérſas : insuper et pécora
campi.

Vólucres cæli, et pisces
maris, * qui perámbulant
sémitas maris.

Dómine Dóminus noster, *
quam admirábile est nomen
tuum in univérſa terra!

Ant. Multa magnália de
Michaéle Archángelo, qui
fortis in prælio fecit victó-
riam.

Ant. Gábriel Archángelus.

Psalmus 10.

IN Dómino confido : quó-
modo dicitis ánimæ meæ : *
Trásmigra in montem sicut
passer?

Quóniam ecce peccatóres
intendérunt arcum, paravé-
runt sagittas suas in pháre-
tra, * ut sagittent in obscúro
rectos corde.

Quóniam quæ perfecisti,
destruxérunt : * justus áutem
quid fecit?

Dóminus in templo sancto
suo : * Dóminus in cælo
sedes ejus :

Oculi ejus in páuperem
respiciunt : * pálpebræ ejus
intérrogant filios hóminum.

Dóminus intérogat ju-
stum et ímpium : * qui áutem
diligít iniquitátem, odít áni-
mam suam.

Pluet super peccatóres lá-
queos : * ignis, et sulphur,
et spiritus procellárum pars
cálícis eórum.

Quóniam justus Dóminus,
et justitias diléxit : * æquitá-
tem vidit vultus ejus.

Ant. Gábriel Archángelus
locútus est Mariæ dicens :
Ecce concípies in útero et

páries Fílium, et vocábis nomen ejus Jesum.

Ant. Benedicite Deum cæli.

Psalmus 14.

DÓMINE quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * tímētes áutem Dóminum glóricat :

Qui jurat próximo suo, et non decípit, * qui pecúniam suam non dedit ad usúram, et múnera super innocentem non accépit :

Qui facit hæc, * non movébitur in ætérnum.

Ant. Benedicite Deum cæli, dixit Angelus Ráphaël, et coram ómnibus vivéntibus confitémini ei, quia fecit vobiscum misericórdiam suam.

Ÿ. Stetit Angelus juxta aram templi. R̃. Habens thuribulum áureum in manu sua.

Lect. de Script. occur.

R̃. j. Venit Michaël Archángelus cum multitúdine Angelórum, cui trádedit Deus ánimas sanctórum, * Ut perdúcate eas in paradísu exsultatiónis. Ÿ. Emitte Dómine

Spirítum sanctu tuu de cælis, spirítum sapiéntiæ et intelléctus. Ut perdúcat.

R̃. ij. Respóndit Angelus Dómini, et dixit : Dómine exercítuum, * Usquequo tu non miseréberis Jerúsalem et úrbium Juda, quibus irátus es? Ÿ. Iste enim septuagésimus annus est. Usquequo.

R̃. iij. In conspéctu géntium nolíte tímēre : vos enim in córdibus vestris adoráte et tímēte Dóminu : * Angelus enim ejus vobiscum est. Ÿ. Stetit Angelus juxta aram templi, habens thuribulum áureu in manu sua. Angelus. Glória Patri. Angelus.

IN II. NOCTURNO

Ant. Ascéndit fumus.

Psalmus 18.

CÆLI enárrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculu suu : * et ipse tamquam sponsus procédens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimoniúm Dómini fidéle, sapiéntiam præstans párvulis.

Justitiæ Dómini rectæ, lætificántes corda : * præceptum Dómini lúcidum, illúminans óculos.

Timor Dómini sanctus, pérmanens in sæculum sæculi : * judicia Dómini vera, justificáta in semetipsa.

Desiderabilia super áurum et lápidem pretiósus mulum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domináti, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditatio cordis mei in conspectu tuo semper.

Dómine adjútor meus, * et redémptor meus.

Ant. Ascéndit fumus aromatum in conspectu Dómini de manu Angeli.

Ant. Immittet Angelus Dómini.

Psalmus 23.

DÓMINI est terra, et plení tudo ejus : * orbis terrarum, et unívérsi qui hábitant in eo.

Quia ipse super mária fun-

dávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accipiet benedictiónem a Dómino : * et misericórdiam a Deo salutári tuo.

Hæc est generatio quæréntium eum, * quæréntium faciém Dei Jacob.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas príncipes vestras : et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Immittet Angelus Dómini in circúitu timéntium eum, et eripiet eos.

Ant. Laudémus Dóminum.

Psalmus 33.

BENEDÍCAM Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuéti, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et ex-

audivit me : * et ex ómnibus tribulatióibus meis eripuit me.

Accédite ad eum, et illuminámini : * et fácies vestræ non confundéntur.

Iste páuper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et eripiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Divites eguérunt et esuriérunt : * inquirentes áutem Dóminum non minuéntur omni bono.

Venite filii, audíte me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et áures ejus in precibus eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex

ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum delínquent.

Rédimet Dóminus ánimas servórum suórum : * et non delínquent omnes qui sperant in eo.

Ant. Laudémus Dóminum, quem láudant Angeli, quem Chérubim et Séraphim, Sanctus, Sanctus, Sanctus, proclamant.

V. Ascéndit fumus arómatum in conspéctu Dómini.

R. De manu Angeli.

De Sermóne sancti Gregórii Papæ.

Ex Homil. 34. in Evang.

Lectio iv.

QUIA Angelórum nómina interpretándo perstrinximus, súperest, ut ipsa officiórum vocábula breviter exsequámur. Virtútes étenim vocántur illi nimirum spíritus, per quos signa et miracula fréquentius fiunt. Potestátes étiam vocántur hi, qui hoc poténtius cæteris in suo órdine percepérunt, ut eórum ditióni virtútes advér-sæ subjéctæ sint, quorum potestáte refrænántur, nec

corda hóminum tantum tentare prævaleant, quantum volunt.

R. Omnes Angeli stabant in circúitu throni, et seníorum, et quátuor animálium :
* Et cecidérunt in conspéctu throni in fácies suas, et adoravérunt Deum. **Ÿ.** Adoráte Dóminum omnes Angeli ejus. Et cecidérunt.

Lectio v.

P RINCIPÁTUS étiam vocántur, qui ipsis quoque bonis Angelórum spiritibus præsunt, qui subjéctis áliis dum quæque sunt agénda dispónunt, eis ad explénda divína ministéria principántur. Dominationes áutem vocántur, qui étiam potestates principátuum dissimilitúdine alta transcéndunt. Nam principári est inter reliquos priórem exsistere : dominári vero est étiam subjéctos quosque possidére. Throni quoque illa ágmina sunt vocáta, quibus ad exercénda judícia semper Deus omnipotens præsidet. Unde et per Psalmistam dicitur : Sedes super thronum, qui júdicas æquitátem.

R. Stetit Angelus juxta aram templi, habens thuribulum áureum in manu sua, et data sunt ei incénsa multa :
* Et ascéndit fumus arómatum de manu Angeli in conspéctu Dómini. **V.** In conspéctu Angelórum psallam tibi : adorábo ad templum sanctum tuum, et con-

fitébor nómini tuo Dómine. Et ascéndit.

Lectio vj.

C HÉRUBIM quoque plení tudo sciéntiæ dicitur ; et sublimióra illa ágmina idcirco Chérubim vocáta sunt, quia tanto perfectióri sciéntia plena sunt, quanto claritátem Dei vicínus contemplantur. Séraphim étiam vocántur illa spirítuum sanctórum ágmina, quæ ex singulári propinquitáte Condítoris sui incomparábiliter ardent amóre. Séraphim namque ardéntes vel incendéntes vocántur ; quorum profecto flamma amor est : quia quo subtilius claritátem divinitátis ejus adspiciunt, eo validius in ejus amóre flammescunt.

R. In conspéctu Angelórum psallam tibi, et adorábo ad templum sanctum tuum :
* Et confitébor nómini tuo Dómine. **Ÿ.** Super misericórdia tua et veritáte tua : quóniam magnificásti super nos nomen sanctum tuum. Et confitébor. Glória Patri. Et confitébor.

IN III. NOCTURNO

Ant. Misit Dóminus.

Psalmus 95.

C ANTÁTE Dómino cánticum novum :
* cantáte Dómino omnis terra.

Cantáte Dómino, et benedicite nómini ejus :
* annuntiáte de die in diem salutáre ejus.

Annuntiáte inter gentes

glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii géntium dæmónia : * Dóminus autem cælos fecit.

Conféssio, et pulchritúdo in conspéctu ejus : * sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávít.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra, commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Misit Dóminus Angelum suum, qui percússit omnem virum robústum, et

bellatórem, et principem exércitus regis Assyriórum.

Ant. Adoráte Dóminum.

Psalmus 96.

DÓMINUS regnávít, exsúltet terra : * læténtur insulæ multæ.

Nubes, et caligo in circúitu ejus : * justitia, et judícium corréctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácrissuis.

Adoráte eum omnes Angeli ejus : * audívit, et lætáta est Sion.

Et exsultavérunt filiæ Judæ, * propter judicia tua Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui dilígitis Dóminum, odite malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómi-

no : * et confitémini memorie sanctificationis ejus.

Ant. Adoráte Dóminum omnes Angeli ejus : audivit, et lætata est Sion.

Ant. Benedicite Dómino.
Psalmus 102.

BÉNIC ánima mea Dómino : * et ómnia, quæ intra me sunt, nómini sancto ejus.

Béedic ánima mea Dómino : * et noli oblivisci omnes retributiones ejus :

Qui propitiátur ómnibus iniquitatibus tuis : * qui sanat omnes infirmitates tuas.

Qui rédimittit de intéritu vitam tuam : * qui coronat te in misericórdia et misericórdiis.

Qui replet in bonis desiderium tuum : * renovábitur ut áquilæ juventus tua :

Fáciens misericórdias Dóminus : * et iudicium ómnibus injúriam patiéntibus.

Notas fecit vias suas Móysi, * filiis Israël voluntates suas.

Miserátor, et miséricors Dóminus : * longánimis, et multum miséricors.

Non in perpétuum irascé-
tur : * neque in ætérnum
comminábitur.

Non secúndum peccata nostra fecit nobis : * neque secúndum iniquitates nostras retribuit nobis.

Quóniam secúndum altitudinem cæli a terra : * corroborávit misericórdiam suam super timéntes se.

Quantum distat ortus ab occidente : * longe fecit a nobis iniquitates nostras.

Quómodo miserétur pater filiórum, misértus est Dóminus timéntibus se : * quóniam ipse cognóvit figmentum nostrum.

Recordátus est quóniam pulvis sumus : * homo, sicut fœnum dies ejus, tamquam flos agri sic efflorébit.

Quóniam spíritus pertransibit in illo, et non subsistet : * et non cognóscet ámplius locum suum.

Misericórdia áutem Dómini ab ætérno, * et usque in ætérnum super timéntes eum.

Et justitia illius in filios filiórum, * his qui servant testamentum ejus :

Et mémores sunt mandatorum ipsius, * ad faciéndum ea.

Dóminus in cælo parávit sedem suam : * et regnum ipsius ómnibus dominábitur.

Benedicite Dómino omnes Angeli ejus : * poténtes virtúte, faciéntes verbum illius, ad audiéndam vocem sermonum ejus.

Benedicite Dómino omnes virtútes ejus : * ministri ejus, qui faciitis voluntatem ejus.

Benedicite Dómino ómnia ópera ejus : * in omni loco dominationis ejus, béedic ánima mea Dómino.

Ant. Benedicite Dómino omnes Angeli ejus, poténtes

virtute, facientes verbum illius, ad audiendam vocem sermonum ejus.

V. In conspectu Angelorum psallam tibi Deus meus.

R. Adorabo ad templum sanctum tuum, et confitebor nomini tuo.

Lectio sancti Evangelii secundum Joannem.

Lectio vij. Cap. 1. g

In illo tempore: Vidit Jesus Nathanael venientem ad se, et dicit de eo: Ecce vere Israelita, in quo dolus non est. Et reliqua.

Homilia sancti Bernardi
Abbatis.

In Ps. Qui habitat. Serm. 11.

QUAE vero sunt sanctorum Angelorum viae? Profecto illae, quas Unigenitus enarravit dicens: Videbitis Angelos ascendentes et descendentes super Filium hominis. Ascensio igitur et descensio viae illorum; ascensio propter se, descensio vel potius condescensio propter nos. Sic beati illi spiritus ascendant per contemplationem Dei, descendant per compassionem tui, ut custodiant te in omnibus viis tuis. Ascendant ad vultum ejus, descendant ad nutum ejus: Quoniam Angelis suis mandavit de te. Nec tamen vel descendendo visione gloriae fraudantur, quia semper vident faciem Patris.

R. Angelus Domini descendit cum Azaria et sociis

ejus in fornacem, et excussit flammam ignis de fornace:

* Et non tetigit eos omnino ignis, neque contristavit.

V. Benedictus Deus eorum, qui misit Angelum suum, et eruit servos suos, qui crediderunt in eum. Et non.

Lectio viij.

CUM ascendant ad contemplationem, inquirunt veritatem, de qua et desiderando satiantur, et satiando desiderant. Cum vero descendant, faciunt nobiscum misericordiam, ut custodiant nos in omnibus viis nostris. Administratorii enim spiritus sunt, missi in ministerium propter nos. Plane ministri nostri, non domini nostri. Et in hoc Unigeniti formam imitantur, qui non venit ministrari, sed ministrare, qui stetit inter discipulos tamquam qui ministrat. Fructus angelicarum viarum, quod ad ipsos spectat, sua ipsorum beatitudo, et obedientia est caritatis: quod autem ad nos pertinet, inde quidem obtentus divinae gratiae, hinc vero custodia viae nostrae: siquidem Angelis suis mandavit de te, ut custodiant te in omnibus indigentis tuis.

R. Tu Domine, qui misisti Angelum tuum sub Ezechia rege Juda, et interfecisti de castris Sennacherib centum octoginta quinque millia:
* Et nunc Dominator caelorum mitte Angelum tuum

bonum ante nos, in timóre et tremóre magnitudinis bráchii tui. **V.** Ut métuant qui cum blasphemía véniunt advérsus sanctum pópulum tuum. Et. Glória Patri. Et.

Lectio ix.

INTERIM ergo mandávit Angelis suis Deus, non quidem ut amóveant te a viis tuis, sed in eis ipsis te custódiant, et quasi per vias suas, vias tuas dirigant in vias ipsius. Quonam modo, inquis? Nempe ut quod Angelus ex sola caritaté púrius agit, ut própria saltem necessitaté compúlsus et admónitus, descénderas, et condescénderas; exhibére scilicet próximo misericórdiam: et rursum cum eódem Angelo levans desidéria tua, tota ánimí cupiditaté ascénderes stúdeas ad summam et perpétuam Veritátem. Hinc enim monémur leváre corda nostra cum mánibus; hinc audimus quotidie: Sursum corda. Hinc quoque negligétes argúimur, et dicitur nobis: Filii hóminum, úsquequo gravi corde? ut quid diligitis vanitátem et quæritis mendácium? Exonerátum enim cor et leve levátur magis, ut quærat et diligit veritátem.

Te Deum laudámus. 16.

AD LAUDES

ET PER HORAS

Ant. 1. Angeli Dómini * Dóminum benedicite in ætérnum.

Ps. Dóminus regnávít. **cum reliq. 16.**

2. Angelis suis * Deus mandávit de te, ut custódiant te in ómnibus viis tuis.

3. Angeli eórum * semper vident faciém Patris mei, qui est in cælis.

4. Laudáte Deum * omnes Angeli ejus, laudáte eum omnes virtútes ejus.

5. Angeli, Archángeli, * Throni et Dominatiónes, Principátus et Potestátes, Virtútes cælórum, laudáte Dóminum de cælis, allelúia.

Capitulum. Exod. 23. d

ECCE ego mittam Angelum meum, qui præcedat te, et custódiat in via, et introducat in locum quem parávi. Obsérva eum, et audi vocem ejus.

Hymnus.

CHRISTE, sanctórum decus Angelórum,
Gentis humanæ sator et redémptor,
Cælitum nobis tribuas beátas
Scándere sedes.

Angelus pacis Michaël in ædes

Cælitus nostras véniat, sérénæ

Auctor ut pacis lacrymósa in oreum

Bella reléget.

Angelus fortis Gábríel, ut hostes

Pellat antiquos, et amica cælo,

Quæ triumphátor státuit per orbem,

Templa revisat.

Angelus nostræ médicus
salútis,
Adsit e cælo Ráphaël, ut
omnes

Sanet ægrótos, dubiósque
vitæ

Dirigat actus.

Virgo dux pacis, Genitrix-
que lucis,

Et sacer nobis chorus Ange-
lórum

Semper assistat, simul et
micántis

Régia cæli.

Præstet hoc nobis Déitas
beáta

Patris, ac Nati, paritérque
sancti

Spíritus, cujus résonat per
omnem

Glória mundum. Amen.

Ÿ. In conspéctu Angeló-
rum psallam tibi Deus meus.

℞. Adorábo ad templum san-
ctum tuum, et confitébor
nómini tuo.

Ad Bened. Ant. Angelus,
qui loquebátur * in me, sus-
citávit me, quasi virum qui
suscitátur a somno suo.

Oratio.

DEUS, qui miro órđine An-
gelórum ministéria, ho-
minúmque dispénsas : con-
céde propítius; ut a quibus
tibi ministrántibus in cælo
semper assistitur, ab his in
terra vita nostra muniátur.
Per Dóminum.

AD TERTIAM

Ant. Angelis suis.

Capit. Ecce ego. ut supra.

℞. br. Stetit Angelus * Juxta
aram templi. Stetit. Ÿ. Ha-

bens thuribulum áureum in
manu sua. Juxta. Glória Pa-
tri. Stetit.

Ÿ. Ascéndit fumus aróma-
tum in conspéctu Dómini.

℞. De manu Angeli.

AD SEXTAM

Ant. Angeli eórum.

Capitulum. Apoc. 5. c

AUDÍVI vocem Angelórum
multórum in circúitu
throni, et animálium, et se-
niórum : et erat númerus
eórum millia millium, voce
magna dicéntium : Salus Deo
nostro.

℞. br. Ascéndit fumus
arómatum * In conspéctu
Dómini. Ascéndit. Ÿ. De
manu Angeli. In. Glória Pa-
tri. Ascéndit.

Ÿ. In conspéctu Angeló-
rum psallam tibi Deus meus.

℞. Adorábo ad templum san-
ctum tuum, et confitébor
nómini tuo.

AD NONAM

Ant. Angeli, Archángeli.

Capitulum. Apoc. 12. b

FACTUM est prælium ma-
gnum in cælo : Michaël
et Angeli ejus præliabántur
cum dracóne, et draco pu-
gnábat, et ángeli ejus : et
non prævaluérunt, neque
locus invéntus est eórum
ámplius in cælo.

℞. br. In conspéctu Ange-
lórum * Psallam tibi Deus
meus. In. Ÿ. Adorábo ad
templum sanctum tuum, et
confitébor nómini tuo. Psal-
lam. Glória Patri. In con-
spéctu.

V. Adoráte Deum. **R.**
Omnes Angeli ejus.

IN II. VESPERIS

**Ant. de Laud.; Psalmi ut
in I. Vesp. de Comm. Apost.**
2*, et loco ult., Ps. 137. Con-
fitebor... quóniam audisti.
138.

**Capit. et Hymnus ut su-
pra, in I. Vesp.**

V. In conspéctu Angeló-
rum psallam tibi Deus meus.
R. Adorábo ad templum san-
ctum tuum, et confitebor
nómini tuo.

Ad Magnif. Ant. Sancti
Angeli, * qui Deo in cælis
semper assistitis, deféndite
nos in prælio, ut non pereá-
mus in treméndo judicio.

PRO FERIA III

OFFICIUM VOTIVUM

DE SANCTIS APOSTOLIS
Semiduplex.

**Omnia de Comm. Aposto-
lorum. 2***, præter seq.

Oratio.

DEUS, qui nos per beátos
Apóstolos tuos ad agni-
tiónem tui nóminis venire
tribuisti : da nobis eórum
glóriam sempitérnam et pro-
ficiéndo celebráre, et cele-
brándo proficere. Per Dñm.

IN I. NOCTURNO

Lect. de Script. occur.

IN II. NOCTURNO

De Sermóne sancti Augustini
Episcopi.

Serm. 43. de Sanctis.

Lectio iv.

ISTI sunt lux mundi : quia
per ipsos lumen fidei, et

veræ sciéntiæ primum Dó-
minus huic mundo trádi-
dit, et ab errórum ac pec-
catórum ténebris gentes et
pópulos éruit. Isti sunt sal-
terræ : quia per eos terri-
genæ condiméntum sapóris
vitæ æternæ percepérunt, ut
restringerent carnis lasciv-
iam, et a putrédine pecca-
tórum et vitiórum vérmibus
servaréntur illæsi. Isti sunt
lápides pretiósí, quos in
fundaménto cæléstis ædifi-
cii pósitos Joánnes in Apo-
calýpsi sua describit : quia
prædicátio eórum Ecclésiæ
fundaménta locávit. Unde et
Páulus ait : Vos estis cives
Sanctorum et doméstici Dei,
superædificáti super fun-
daméntum Apostolorum et
Prophetarum.

R. Vidi conjúctos viros,
habéntes spléndidas vestes,
et Angelus Dómini locútus
est ad me, dicens : * Isti sunt
viri sancti facti amici Dei.

V. Vidi Angelum Dei fortem,
volántem per médium cæl-
lum, voce magna clamántem
et dicéntem. Isti.

Lectio v.

HOC ergo considerántes,
frátres caríssimi, quæ
tanti duces pópuli nos do-
cuérunt, studeámus factis
implére, quæ illi jussérunt.
Discámus eórum exémplo
mundi divitias contémnere,
præséntis sæculi voluptátem
non amáre, regnum cæléste
desideráre, Christo nihil
præpónere, sed ejus man-

dátis in ómnibus obedire, paupertátem præsentium rerum diligere, virtútum divitias habere, sapiéntiæ thesaurum appetere, spiritáles delicias quærere, nulli invidére, sed omnes hómines diligere, amicos in Deo et inimicos propter Deum; quia hæc est vera et sola dilectio.

R. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentientes, propter me : * Gaudéte et exultáte, quóniam merces vestra copiósa est in cælis. **V.** Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Filium hóminis. Gaudéte.

Lectio vj.

ISTI ergo Principes nostri, in amóre Dei perfectissimi, et in proximórum dilectione impléti, hinc potuérunt mundi impetum vincere, et cruéntum sæculum domáre, quia nihil amavérunt in omni re, nisi Dei voluntátem. Ita et nos, fratres, diligámus in ómnibus rebus Dei fácere voluntátem, et Creatórem nostrum amémus in semetipso, creatúram vero in conditóre suo, et sic habébimus ordinatissimam caritátem : quia Deus cáritas est, et qui diligit hanc dilectionem, diligit

Deum. Et si ita dilexérimus, diligit nos ipse Deus, diligunt nos et sancti Apóstoli júdices nostri, et exórant pro nobis, ut in universáli iudicio Christi cum ipsis in perpétuum coronémur.

R. Isti sunt. 11*.

IN III. NOCTURNO

Lectio sancti Evangélíi secúndum Matthæum.

Lectio vij. Cap. 19. d

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et reliqua.

Homilia sancti Hilárii
Episcopi.

Comment. in Matth. cap. 20.

APÓSTOLI dictis Dómini hæc reddunt, reliquisse se ómnia, et cum ipso esse. Quibus Dóminus, cum séderit in majestátis suæ sede, sessúros super sedes duódecim, ac tótidem tribus Israël judicatúros spopóndit; omnibúsq; qui universa reliquerint propter nomen ejus, fructum cénupli præmii reservátum : multos áutem ex novíssimis primos, et ex primis futúros novíssimos. Multa sunt quæ non sinunt nos simplici intelléctu dicta Evangélica suscipere.

R. Isti sunt qui vivéntes in carne, plantavérunt Ecclésiám sángine suo : * Cálicem Dómini bibérunt, et amici Dei facti sunt. **V.** In omnem terram exívit sonus eórum.

et in fines orbis terræ verba eorum. Cálicem.

Lectio viij.

INTERPÓSITIS nonnullis rebus, quæ ex natúra humani sensus sibi contrariæ sunt, ratió nem quærere cælestis intelligentiæ admonemur. Apóstoli dicunt, et sequi se Christum, et se omnia reliquisse. Quómodo igitur fiunt tristes, et quómodo métuunt dicentes, salvum esse néminem posse? Namque et ab aliis fieri póterat, si quid fecissent ipsi. Deinde cum fecissent ipsi; quare metus, vel unde susceptus est? Additur étiam in responsiône Dómini, hæc apud hómines impossibilia, possibilia apud Deum. Numquid apud hóminem impossibilia erant, quæ et Apóstoli fecisse se gloriántur, et fecisse eos Dóminus agnóscit?

R. Isti sunt viri sancti, quos elégit Dóminus in caritaté non ficta, et dedit illis glóriam sempitérnam.* Quorum doctrína fulget Ecclé-sia, ut sole luna. **V.** Sancti per fidem vicérunt regna: operáti sunt justitiam. Quorum. Glória Patri. Quorum.

Lectio ix.

OMNIS itaque hic sermo est spiritalis. Quid áutem Dei virtúti tam possibile est, quam ut per fidem salvet? ut per aquam régneret? ut per crucem vincat? ut per Evangé-lia adóptet? ut per resurrectionem ex morte vi-

vificet? Quibus auditis Apóstoli cito credunt, seséque omnia reliquisse profitentur. Sed hanc eorum obediéntiam cito Dóminus remunerátur, omnem difficultátem superiôris quæstiónis absólvens, cum dicit: Vos, qui secúti estis me in regeneratiône, judicábitis duódecim tribus Israël. Hæc enim illa regeneratió est, quam Apóstoli sunt secúti, quam lex indulgére non pótuít, quæ eos super duódecim thronos in judicándis duódecim tribubus Israël, in duódecim Patriarchárum glória copulávit.

Te Deum laudámus. 16.

PRO FERIA IV

OFFICIUM VOTIVUM

DE S. JOSEPH SPONSO B. M. V.

CONFESSORE

Semiduplex.

IN I. VESPERIS

Ant. et Capit. de Laud. ;
Pss. ut in I. Vesp. de Comm.
Apost. 2*.

Hymnus.

TE Joseph célebrent ágmina cælitum,
Te cuncti résonent christia-dum chori,
Qui clarus méritis, junctus es inclytæ

Casto fœdere Virgini.

Almo cum túmidam gérmine cónjugem

Admirans, dubio tängeris ánxius,

Afflátu súperi Fláminis Angelus

Concéptum púerum docet.

Tu natum Dóminum stringis, ad éxteras

Ægýpti prófugum tu séqueris plagas;

Amissum Sólymis quæris, et invenis,

Miscens gáudia flétibus.

Post mortem réliquos mors pia cónsecrat,

Palmámque eméritos glória súscipit :

Tu vivens, Súperis par, frúeris Deo,

Mira sorte beátior.

Nobis, summa Trias, parce precántibus,

Da Joseph méritis sídera scándere :

Ut tandem liceat nos tibi pérpetim

Gratum prómere cánticum. Amen.

Ÿ. Constituit eum dóminum domus suæ. R. Et príncipem omnis possessiónis suæ.

Ad Magnif. Ant. Cum esset desponsáta * Mater Jesu Maria Joseph, ántequam convenirent, invénta est in útero habens de Spíritu sancto.

Orat. ut ad Laudes. 239*.

AD MATUTINUM

Invit. Laudémus Deum nostrum * In veneratióne beáti Joseph, protectóris nostri.

Ps. Venite, exsultémus. 2.

Hymn. Te Joseph. ut supra.

IN I. NOCTURNO

Ant. Ascéndit Joseph * a Galilæa de civitaté Názaeth

in Judæam, in civitatem David, quæ vocátur Bétlehem, ut profiterétur cum Maria.

Pss. trium Noct. de Comm. Conf. non Pont. 77*.

Ant. Venérunt pastóres * festinántes : et invenérunt Mariam et Joseph, et infántem pósitum in præsépio.

Ant. Ecce Angelus Dómini * apparuit in somnis Joseph, dicens : Surge, et accipe púerum, et matrem ejus, et fuge in Ægýptum.

Ÿ. Confitébor nómini tuo.

R. Quóniam adjútor et protectór factus es mihi.

Lect. de Script. occur.

R. j. Clamávit pópulus ad regem, aliménta petens : * Quibus ille respóndit : Ité ad Joseph. Ÿ. Salus nostra in manu tua est : respice nos tantum, et læti serviémus regi. Quibus.

R. ij. Fecit me Deus quasi patrem regis, et dóminum univérsæ domus ejus : * Exaltávit me, ut salvos fáceret multos pópulos. Ÿ. Venite ad me, et ego dabo vobis ómnia bona Ægýpti, ut comedátis medúllam terræ. Exaltávit.

R. iij. Jam lætus móriar, quia vidi faciém tuam, et supérstitem te relinquo. Non sum fraudátus adspéctu tuo : * Insuper osténdit mihi Dóminus semen tuum. Ÿ. Qui pascit me ab adolescéntia mea, benedicat púeris istis, et invocétur super eos nomen meum. Insuper. Glória Patri. Insuper.

IN II. NOCTURNO

Ant. Consurgens Joseph,* accépit puerum et matrem ejus nocte, et secéssit in Egýptum : et erat ibi usque ad óbitum Heródis.

Ant. Defúnto Heróde,* Angelus Dómini appáruit in somnis Joseph in Egýpto, dicens : Surge, et áccipe puerum et matrem ejus, et vade in terram Israél : defúnti sunt enim qui quærébant ánimam pueri.

Ant. Accépit Joseph* puerum et matrem ejus, et venit in terram Israél.

Ŷ. Réspice de cælo et vide, et visita vineam istam. *Ŕ.* Et pérfice eam.

Sermo sancti Bernárdi
Abbátis.

*Homilia 2. super Missus.
Lectio iv.*

DESPONSÁTA est María Joseph, vel pótius (sicut ponit Evangelista) viro, cui nomen erat Joseph : virum nóminat, non quia maritus, sed quod homo virtútis erat : vel pótius quia juxta álium Evangelistam, non vir simpliciter, sed vir ejus dictus est, mérito appellátur, quod necessário putátur. Débuit ergo vir ejus appellári, quia necesse fuit et putári : sicut et pater Salvatóris non quidem esse, sed dici méruit, ut putaréetur esse, dicente hoc ipso Evangelista : Et ipse Jesus erat incípiens quasi annórum triginta, ut putabátur, filius Joseph.

Ŕ. Dedisti mihi protectiódinem salútis tuæ, et dextera tua suscepit me : * Protéctor meus, et cornu salútis meæ, et susceptor meus. *v.* Ego protéctor tuus sum, et merces tua magna nimis. Protéctor.

Lectio v.

NON est dúbium, quin bonus et fidélis homo fúerit iste Joseph, cui Mater desponsáta est Salvatóris. Fidélis, inquam, servus et prudens, quem constituit Dóminus suæ Matris solátium, suæ carnis nutritium, solum dénique in terris magni consilii coadjutórem fidelíssimum. Huc accédit, quod dicitur fuisse de domo David. Vere enim de domo David. Vere de régia stirpe descéndit vir iste Joseph, nóbilis génere, mente nobilior. Plane filius David, non degénerans a patre suo David ; prorsus, inquam, filius David, non tantum carne, sed fide, sed sanctitáte, sed devotiódine, quem tamquam álium David Dóminus invénit secúndum cor suum, cui tuto committeret sacratíssimum atque secretíssimum sui cordis arcánum : cui, tamquam áleri David, incérta et occúlta sapiéntiæ suæ manifestávit, et dedit illi non ignárum esse mystérii, quod nemo princípum hujus sæculi agnóvit.

Ŕ. Státuet filios suos sub tégmine illius, et sub ramis

ejus morabitur : protegétur sub tégmine illíus a fervóre :
 * Et in glória ejus requiescet.
 V. Speráte in eo omnis congregátio pópuli : effúndite coram illo corda vestra. Et.

Lectio vj.

CUI dénique datum est, quod multi reges et prophétæ cum vellent vidére, non vidérunt, audire et non audiérunt, non solum vidére et audire, sed étiam portáre, dedúcere, amplécti, deosculári, et nutrírre et custodire. Non tantum áutem Joseph, sed et María descendisse credénda est de domo David : alióquin non esset desponsáta viro de domo David, si non esset et ipsa de domo David. Ambo igitur erant de domo David : sed in áltera compléta est véritas, quam jurávit Dóminus David, áltero tamen cónsocio et teste adimplétæ promissionis.

R. Si consistant advérsus me castra, non timébit cor meum : * Si exsúrgat advérsus me prælium, in hoc ego sperábo. V. In te cantátio mea semper, quóniam tu adjútor fortis. Si. Glória Patri. Si.

IN III. NOCTURNO

Ant. Audiens Joseph * quod Archeláus regnáret in Judæa pro Heróde patre suo, timuit illo ire.

Ant. Admónitus in somnis, * Joseph secéssit in partes Galiléæ, et véniens

habitávit in civitaté quæ vocátur Náza-reth; ut adimplerétur quod dictum est per Prophétas : Quóniam Naza-ræus vocábitur.

Ant. Erat pater Jesu * et mater mirántes super his quæ dicebántur de illo; et benedixit illis Simeon.

V. Invocávi Dóminum, Patrem Dómini mei. R. Ut non derelinquat me in die tribulatiónis.

Lectio sancti Evangélíi secúndum Lucam.

Lectio vij. Cap. 3. c

IN illo témpore : Factum est áutem, cum baptizarétur omnis pópulus et Jesu baptizáto et oránte, apértum est cælum. Et réliqua.

Homilia sancti Augustini Episcopi.

Lib. 23. contra Faust. cap. 7. 8.

SIC de cælo dictum est super aquam Jordánis : Hic est Filius meus diléctus, in quo mihi bene complácuí : quemádmódum dictum est et in monte. Neque enim quia et ibi de cælo vox ipsa sónuit, Filius Dei ante non fuit : quandóquidem ex útero Virginis ille accépit formam servi, qui cum in forma Dei esset, non rapínam arbitrátus est, esse se æquálem Deo. Dénique idem Apóstolus Páulus álío loco apertissime dicit : Cum áutem venit plenitúdo témporis, misit Deus Filium suum factum ex muliere, factum sub

lege, ut eos, qui sub lege erant, redimeret, ut filiórum adoptiónem reciperémus. Ipse ergo est Filius Dei, qui et Dóminus David secúndum divinitátem, et idem ipse Filius David ex sémine David secúndum carnem.

℟. Joseph fili David, noli timére accipere Mariam cónjugem tuam : quod enim in ea natum est, de Spíritu sancto est : páriet áutem filium, * Et vocábis nomen ejus Jesum. ℣. Ipse enim salvum fáciét pópulum suum a peccátis eórum. Et vocábis.

Lectio viij.

QUOD si nobis crédere non prodésset, non hoc tam atténte idem Apóstolus Timótheo commendáret dicens : Memor esto Christum Jesum resurrexisse a mór-tuis, ex sémine David, secúndum Evangélium meum. Quid ergo jam móveat sancti Evangélii sectatórem, quod sine concúbitu Joseph Christus natus ex Virgine, filius tamen David appellá-tur, cum generatiónum sé-riem non usque ad Mariam, sed usque ad Joseph Matthæus Evangelista perdú-cat? Primo quia mariti ejus fúerat propter virilem sexum pótius honoránda persóna : neque enim quia concúbitu non permíxtus, ideo non marítus, cum ipse Matthæus narret ab Angelo Mariam cónjugem ipsíus appellátam,

qui narrat, quod de Spíritu sancto concéperat.

℟. Surge, et áccipe púe-rum et matrem ejus, et fuge in Ægýptum : * Et esto ibi, usque dum dicam tibi. ℣. Ut adimplerétur quod dictum est a Dómino per Prophé-tam dicéntem : Ex Ægýpto vocávi Filium meum. Et. Glória Patri. Et.

Lectio ix.

CUM vero unus idémque narrátor utrúmque dicat, utrúmque comméndet, et virum Mariæ Joseph, et Christi Virginem Matrem, et Christum ex sémine David, et Joseph in série progene-ratórum Christi ex David : quid restat, nisi et Mariam non fuisse extráneam a co-gnatióne David, et eam Joseph cónjugem non frustra appellátam propter órđinem sexus et animórum confœ-deratiónem ; et Joseph pótius propter dignitátem virilem ab órđine generatiónum illá-rum non fuisse separándum, ne hoc ipso viderétur ab illa fémína separátus, cui eum conjungébat mentis afféctus?

Te Deum laudámus. 16.

AD LAUDES

ET PER HORAS

Ant. 1. Jacob áutem * gé-nuit Joseph, virum Mariæ, de qua natus est Jesus, qui vocátur Christus.

Ps. Dóminus regnávit. cum reliq. 16.

2. Missus est * Angelus Gábriel a Deo in civitátem

Galilææ, cui nomen Náza-
reth, ad Virginem despon-
sátam viro, cui nomen erat
Joseph.

3. Ascéndit áutem * Joseph
a Galilæa de civitaté Náza-
reth, in Judæam, in civitatē
David, quæ vocátur
Béthlehem.

4. Et venérunt festinán-
tes, * et invenérunt Mariam
et Joseph, et infántem pói-
tum in præsepío.

5. Et ipse Jesus * erat in-
cipiens quasi annórum tri-
ginta, ut putabátur filius
Joseph.

Capitulum. Gen. 49. d

BENEDICTIONES patris tui
confortátæ sunt bene-
dictionibus patrum ejus,
donec veniret desidérium
cóllyum æternórum : fiant in
cápite Joseph, et in vértice
Nazaræi inter fratres suos.

Hymnus.

CÆLITUM, Joseph, decus,
atque nostræ
Certa spes vitæ, columénque
mundi,

Quas tibi læti cánimus, be-
nignus

Súscipe láudes.

Te Sator rerum státuit pu-
dicæ

Virginis sponsum, voluitque
Verbi

Te patrem dici, dedit et mi-
nistrum

Esse salútis.

Tu Redemptórem stábulo
jacéntem,

Quem chorus Vatum cécin-
it futúrum,

Adspicis gáudens, humilis-
que natum

Numen adóras.

Rex Deus regum, Domi-
nátor orbis,

Cujus ad nutum tremit infe-
rórurum

Turba, cui pronus famulátur
æther,

Se tibi subdit.

Laus sit excélsæ Triadi
perénis,

Quæ tibi præbens súperos
honóres,

Det tuis nobis méritis beátæ
Gáudia vitæ.

Amen.

Ÿ. Dedisti mihi protecti-
onem salútis tuæ. R. Et dextera
tua suscepit me.

Ad Bened. Ant. Joseph fili
David, * noli timére accipere
Mariam cónjugem tuam ;
quod enim in ea natum est,
de Spíritu sancto est.

Oratio.

DEUS, qui ineffábili provi-
déntia beátum Joseph
sanctissimæ Genitricis tuæ
Sponsum eligere dignátus es :
præsta quæsumus ; ut quæ
protectórem venerámur in
terris, intercessórem habére
mereámur in cælis : Qui
vivis.

AD TERTIAM

Ant. Missus est.

Capit. Benedictiones. **ut**
supra.

R. br. Constituit eum * Dó-
minum domus suæ. Consti-
tuit. Ÿ. Et principem omnis
possessi-
onis suæ. Dóminum.
Glória Patri. Constituit.

Ÿ. Confitébor nómini tuo.

R. Quóniam adjútor et protéctor factus es mihi.

AD SEXTAM

Ant. Ascéndit áutem.

Capitulum. Gen. 49. c

DEUS patris tui erit adjútor tuus, et Omnipotens benedicet tibi benedictiónibus cæli désuper.

R. br. Confitébor * Nómini tuo. Confitébor. *V.* Quóniam adjútor et protéctor factus es mihi. Nómini. Glória Patri. Confitébor.

Ÿ. Justus germinábit sicut lilium. *R.* Et florébit in ætérnum ante Dóminum.

AD NONAM

Ant. Et ipse Jesus.

Capitulum. Gen. 49. c

FÍLIUS accrésceus Joseph, filius accrésceus, et decórus adspéctu: filiæ discurrerunt super murum.

R. br. Justus germinábit * Sicut lilium. Justus. *V.* Et florébit in ætérnum ante Dóminum. Sicut. Glória Patri. Justus.

Ÿ. Plantátus in domo Dómini. *R.* In átriis domus Dei nostri.

IN II. VESPERIS

Omnia ut in I. Vesperis, præter:

Ÿ. Sub umbra illius quem desideráveram sedi. *R.* Et fructus ejus dulcis gútturi meo.

Ad Magnif. Ant. Fili, quid fecisti * nobis sic? Ecce pater tuus et ego doléntes quærebámus te.

PRO FERIA V

OFFICIUM VOTIVUM

DE SS. EUCHARISTIÆ SACRAMENTO

Semiduplex.

Omnia dicuntur ut in die Festi. 165, omisso Allelúia.

IN I. VESPERIS

Ad Magnif. Ant. O quam suávis est * Dómine spíritus tuus, qui ut dulcédinem tuam in filios demonstráres, pane suavissimo de cælo præstito, esuriéntes reple bonis, fastidiósos divites dimittens inánes.

Ÿ. Panem de cælo præstitisti eis. *R.* Omne delectaméntum in se habéntem.

Oratio.

DEUS, qui nobis sub Sacraménto mirábili pasiónis tuæ memóriam reliquisti: tribue, quæsumus, ita nos córporis et ságuinis tui sacra mystéria venerári; ut redemptionis tuæ fructum in nobis júgiter sentiámus: Qui vivis.

AD MATUTINUM

Lect. I. Noct. de Script. occurrente, cum RR. ex I. Noct. diei Festi. 170.

Lect. vero II. et III. Noct. cum suis RR. sumuntur ex Oct. ejusdem, ut inferius ordine Mensium disponuntur.

In initio Sermonum et Homiliarum, ubi dicitur: De Sermóne sancti N., et De Homilia sancti N., dicatur: Sermo sancti N., et Homilia sancti N.

MENSIBUS

MAIO ET JUNIO

Lect. II. et III. Noct. sumuntur ex Feria II. post Dom. infra Octavam Festi. 190.

MENSIBUS

JULIO ET AUGUSTO

Lect. II. et III. Noct. sumuntur ex Feria III. post Dom. infra Oct. Festi. 194.

MENSE SEPTEMBRI

Lect. II. et III. Noct. sumuntur ex Feria IV. post Dom. infra Oct. Festi. 197.

AD PRIMAM

Ant. Sapiéntia * ædificávit sibi domum, míscuit vinum, et pósuit mensam.

In R. br. V. Qui natus es de María Virgine.

AD TERTIAM

Ant. Angelórum esca * nutritivisti pópulum tuum, et panem de cælo præstitisti eis.

Capitulum. I. Cor. 11. e.

F RATRES : Ego enim accepi a Dómino, quod et tradidi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit : Accipite, et manducáte : hoc est corpus meum, quod pro vobis tradétur : hoc fácite in meam commemoratióem.

R. br. Panem cæli * Dedit eis. Panem. **V.** Panem Angelórum manducávit homo. Dedit eis. Glória Patri. Panem.

V. Cibávit illos ex ádipe fruménti. **R.** Et de petra, melle saturávit eos.

AD SEXTAM

Ant. Pinguis est panis * Christi, et præbébit delicias régibus.

Capitulum. I. Cor. 11. f.

QUOTIESCÚMQUE enim manducábitis panem hunc, et cálicem bibétis : mortem Dómini annuntiábitis donec véniat.

R. br. Cibávit illos * Ex ádipe fruménti. Cibávit. **V.** Et de petra, melle saturávit eos. Ex ádipe. Glória Patri. Cibávit.

V. Edúcas panem de terra. **R.** Et vinum lætíficet cor hóminis.

AD NONAM

Ant. Vincénti dabo * manna absconditum, et nomen novum.

Capitulum. I. Cor. 11. f.

QUICÚMQUE manducáverit panem hunc, vel biberit cálicem Dómini indigne : reus erit Córporis et Sán-guinis Dómini.

R. br. Edúcas panem * De terra. Edúcas. **V.** Et vinum lætíficet cor hóminis. De. Glória Patri. Edúcas.

V. Pósuit fines tuos pacem. **R.** Et ádipe fruménti sátiat te.

IN II. VESPERIS

Omnia ut in primis Vespers.

V. Panem de cælo præstitisti eis. **R.** Omne delectaméntum in se habéntem.

Ad Magnif. Ant. O sacrum convivium, * in quo Christus súmitur; recólitur memoria passiónis ejus : mens implétur grátia : et futúra glóriæ nobis pignus datur.

PRO FERIA VI

OFFICIUM VOTIVUM

DE PASSIONE D. N. J. C.

Semiduplex.

IN I. VESPERIS

Ant. 1. Cálicem salutáris * accípiam, et nomen Dómini invocábo.

Ps. 115. Crédidi. 128.

2. Cum his * qui odérunt pacem, eram pacíficus: dum loquébar illis, impugnábant me gratis.

Ps. 119. Ad Dóminum. 128.

3. Ab homínibus * iniquis libera me Dómine.

Ps. 139. Eripe me. 139.

4. Custódi me * a láqueo, quem statuérunt mihi, et a scándalis operántium iniquitátem.

Ps. 140. Dómine clamávi ad te. 140.

5. Considerábam * ad dexteram, et vidébam, et non erat qui cognósceret me.

Ps. 141. Voce mea. 141.

Capit. ut in Laud. 252*.

Hymnus.

MERÉNTES óculi, spárgite lácrymas,
Et luctu résonent íntima córdium :
Illátas réfero Númini ab ím-
piis
Pœnas, et fera vúlnera.

Accíncta, heu ! gládiis tur-
ba satéllitum
Arréptum Dóminum fústi-
bus ímpetit,
Nunc cædit cólaphis, nunc
quatit hórridis
Divínium caput ictibus.
Haud finis scéleri : trádi-
tur ímprobo
Christus carnifici: nec mo-
ra, bárbarus
In Regem súperum non ti-
met ímpio
Ausu vérttere délixteram.
Audíte o pópuli Numen
amábile,
Manánte ex húmeris úndi-
que ságuine,
Lictóris rábidi sústinet ím-
petum,
Et vocem premit ínnocens.
Quis non illácrymet? Jam
nova cóndidit
Torménta indómitæ gentis
iniquitas :
Infigit cérebro, proh dolor!
éfferis
Sertum vépribus áasperum.
Heu crimen! tráhitur fú-
nibus ímprobis
Funésti Dóminus supplicii
ad locum ;
Illic oppétiit fúnere, spíri-
tum
Patri restituens suo.
Passo pro míseris tam fera
vúlnera
In terris résonet débíta gló-
ria ;
Sacrumque assidue nomen
in æthera
Humánum genus éfferat.
Amen.
V. Oblátus est quia ipse

vóluit. **R.** Et livóre ejus sa-
nátí sumus.

Ad Magnif. Ant. O vos
omnes * qui transitis per
viam, attendite, et vidéte si
est dolor sicut dolor meus.

Orat. ut ad Laud. 253*.

**Ad Complet. et per Horas
diei, in fine Hymn. dicitur :**
Sit laus Patri, ac Paráclito,
Natóque Patris único,
Nostræ dedit qui pródigus
Prétium salútis sánguinem.

Amen.

AD MATUTINUM

Invit. Christum Regem cru-
cifixum, * Venite, adorémus.

Ps. Venite, exsultémus. 2.

Hymnus.

ADSPICE, infámi Deus ipse
ligno

Pendet, effúso mádidus cruó-
re :

Adspice, immíti manus alma
clavo

Fínditur alte.

Hunc, velut pravi scéleris
ministrum,

Inter indignos médium latró-
nes

Cerne : crudélis fuit ista
gentis

Dira volúntas.

Pallet, heu! vultus; caput
ecce lassum

Fléctitur : cláuisis óculis Red-
émptor

Spiritus sacro méritis onú-
stum

Fundit ab ore.

O cor, æs durum súperas,
geméndo

Ni scelus tergas; tua culpa
Christum

Stípiti affixit, tua culpa morli
Súbdidit atræ.

Sit Deo ætérnum decus
omne in ævum,

Qui pius nostri géneris Red-
émptor,

Criminis labem miseris no-
céntem

Sáanguine tersit. Amen.

IN I. NOCTURNO

Ant. Adstitérunt reges
terræ.

Psalmus 2.

QUARE fremuérunt gentes,*
et pópuli meditáti sunt
inánia?

Adstitérunt reges terræ, et
principes convenérunt in
unum* advérsus Dóminum,
et advérsus Christum ejus.

Dirumpámus vincula eó-
rum : * et projiciámus a no-
bis jugum ipsórum.

Qui hábitat in cælis, irri-
débit eos : * et Dóminus
subsannábit eos.

Tunc loquétur ad eos in
ira sua : * et in furóre suo
conturbábit eos.

Ego áutem constitútus sum
Rex ab eo super Sion mon-
tem sanctum ejus, * prædi-
cans præcéptum ejus.

Dóminus dixit ad me : *
Filius meus es tu, ego hódie
génui te.

Póstula a me, et dabo tibi
gentes hereditátem tuam, *
et possesiónem tuam térmi-
nos terræ.

Reges eos in virga férrea,*
et tamquam vas figuli con-
frínges eos.

Et nunc reges intelligite : *

erudimini qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Adstitérunt reges terræ, et príncipes convenérunt in unum advérsus Dóminum, et advérsus Christum ejus.

Ant. Multiplicáti sunt.

Psalmus 3.

DÓMINE quid multiplicáti sunt qui tribulant me? * Multi insúrgunt advérsum me.

Multi dicunt ánimæ meæ : * Non est salus ipsi in Deo ejus.

Tu áutem Dómine suscēptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormivi, et soporátus sum : * et exsurrexi, quia Dóminus suscepit me.

Non timébo míllia pópuli circumdántis me : * exsúrge Dómine, salvum me fac Deus meus.

Quóniam tu percussisti omnes adversántes mihi sine cáusa : * dentes peccatórum contrivisti.

Dñi est salus : * et super pópulum tuum benedictio tua.

Ant. Multiplicáti sunt qui

tribulant me; multi insúrgunt advérsum me.

Ant. Divisérunt.

Psalmus 21.

DEUS Deus meus respice in me : quare me dereliquisti? * longe a salúte mea verba delictórum meórum.

Deus meus clamábo per diem, et non exáudies : * et nocte, et non ad insipiéntiam mihi.

Tu áutem in sancto hábitas, * laus Israël.

In te speravérunt patres nostri : * speravérunt, et liberásti eos.

Ad te clamavérunt, et salvi facti sunt : * in te speravérunt, et non sunt confúsi.

Ego áutem sum vermis, et non homo : * oppróbrium hóminum, et abjéctio plebis.

Omnes vidéntes me, derisérunt me : * locúti sunt lábiis, et movérunt caput.

Sperávit in Dómino, eripiat eum : * salvum fáciat eum, quóniam vult eum.

Quóniam tu es, qui extra-xisti me de ventre : * spes mea ab ubéribus matris meæ. In te projéctus sum ex útero :

De ventre matris meæ Deus meus es tu, * ne dis-césseris a me :

Quóniam tribulátio próxima est : * quóniam non est qui ádjuvet.

Circumdederunt me vituli multi : * táuri pingues obsederunt me.

Aperuérunt super me os

suum, * sicut leo rápiens et rúgiens.

Sicut aqua effúsus sum : * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit fáucibus meis : * et in púlverem mortis deduxisti me.

Quóniam circumdederunt me canes multi : * concílium malignántium obsédit me.

Foderunt manus meas et pedes meos : * dinumeravérunt ómnia ossa mea.

Ipsi vero consideravérunt et inspexérunt me : * divisérunt sibi vestiménta mea, et super vestem meam misérunt sortem.

Tu áutem Dómine ne elongáveris auxilium tuum a me : * ad defensiónem meam cónspice.

Erue a frámea Deus ánimam meam : * et de manu canis únicam meam :

Salva me ex ore leónis : * et a córnis unicórnum humilitátem meam.

Narrábo nomen tuum frátribus meis : * in médio ecclésiæ laudábo te.

Qui timétis Dóminum, laudáte eum : * univérsum semen Jacob glorificáte eum.

Timeat eum omne semen Israël : * quóniam non sprexit, neque despexit deprecationem páuperis :

Nec avértit fáciem suam a me : * et cum clamárem ad eum, exaudivit me.

Apud te laus mea in ecclésia magna : * vota mea reddam in conspéctu timéntium eum.

Edent páuperes, et saturabúntur : et laudábunt Dóminum qui requírunť eum : * vivent corda eórum in sǎculum sǎculi.

Reminiscéntur et converténtur ad Dóminum * univérsi fines terræ :

Et adorábunt in conspéctu ejus * univérsæ familiæ géntium.

Quóniam Dómini est regnum : * et ipse dominábitur géntium.

Manducavérunt et adoravérunt omnes pingues terræ : * in conspéctu ejus cadent omnes qui descéndunt in terram.

Et ánima mea illi vivet : * et semen meum sérviet ipsi.

Annuntiábitur Dómino generátio ventúra : * et annuntiábunt cæli justitiam ejus pópulo qui nascétur, quem fecit Dóminus.

Ant. Divisérunt sibi vestiménta mea, et super vestem meam misérunt sortem.

V. Oblátus est, quia ipse vóluit. **R.** Et livóre ejus sanáti sumus.

Lect. de Script. occur.

R. j. Vinea mea elécta, ego te plantávi, dicit Dóminus : et tu facta es mihi nimis amára : * Quia parásti cru-

cem Salvatóri tuo. *Ÿ.* Pópule meus, quid feci tibi, aut in quo contristávi te? respónde mihi. Quia.

R. *ij.* Ego edúxi te de *Ægýpto*, demerso Pharaóne in mare Rubrum, et ante te præivi in colúmna nubis : * Et tu me tradidisti principibus sacerdótum, et me duxisti ad prætóriúm Piláti. *Ÿ.* Pópule meus, quid feci tibi, aut in quo contristávi te? respónde mihi. Et.

R. *iiij.* Ego propter te flagellávi *Ægýptum* cum primogénitis suis : * Et tu me flagellátum tradidisti, * Qui tamquam agnus coram tondente se obmútui, et non apérui os meum. *Ÿ.* Pópule meus, quid feci tibi, aut in quo contristávi te? respónde mihi. Et. Glória Patri. Qui tamquam.

IN II. NOCTURNO

Ant. Inimíci mei.

Psalmus 40.

BEÁTUS qui intélligit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : * et non tradat eum in ánimam inimicórum ejus.

Dóminus opem ferat illi super lectum dolóris ejus : * univérsum stratum ejus versásti in infirmitáte ejus.

Ego dixi : Dómine miserére mei : * sana ánimam meam, quia peccávi tibi.

Inimíci mei dixerunt mala mihi : * Quando moriétur, et peribit nomen ejus?

Et si ingrediebátur ut vidéret, vana loquebátur, * cor ejus congregávit iniquitátem sibi.

Egrediebátur foras, * et loquebátur in idipsum.

Advérsus me susurrábant omnes inimíci mei : * advérsus me cogitábant mala mihi.

Verbum iníquum constituérunt advérsus me : * Numquid qui dormit non adjiciet ut resúrgat?

Etenim homo pacis meæ, in quo sperávi : * qui edébat panes meos, magnificávit super me supplantatióem.

Tu áutem Dómine miserére mei, et resúscita me : * et retribuam eis.

In hoc cognóvi quóniam voluísti me : * quóniam non gaudébit inimícus meus super me.

Me áutem propter innocentiam suscepísti : * et confirmásti me in conspéctu tuo in ætérnum.

Benedictus Dóminus Deus Israél a sáculo, et usque in sáculo : * fiat, fiat.

Ant. Inimíci mei dixerunt mala mihi : Quando moriétur, et peribit nomen ejus?

Ant. Aliéni insurrexérunt.

Psalmus 53.

DEUS in nómine tuo salvum me fac : * et in virtúte tua júdica me.

Deus exáudi oratióem

meam : * áuribus pèrcipe
verba oris mei.

Quóniam aliéni insurrexérunt
advèrsum me, et fortes
quæsiérunt ánimam meam : *
et non proposuérunt Deum
ante conspèctum suum.

Ecce enim Deus ádjuvat
me : * et Dóminus suscep-
tor est ánimæ meæ.

Avérte mala inimícis
meis : * et in veritáte tua
dispérde illos.

Voluntárie sacrificábo ti-
bi, * et confitébor nómini tuo
Dómine : quóniam bonum
est :

Quóniam ex omni tribu-
latióne eripuísti me : * et
super inimicos meos despé-
xit óculus meus.

Ant. Aliéni insurrexérunt
in me, et fortes quæsiérunt
ánimam meam.

Ant. Conculcavérunt me.

Psalmus 55.

MISERÉRE mei Deus, quón-
iam conculcávit me
homo : * tota die impúgnans
tribulávit me.

Conculcavérunt me inimíc-
i mei tota die : * quóniam multi
bellántes advèrsum me.

Ab altitúdine diéi timébo : *
ego vero in te sperábo.

In Deo laudábo sermónes
meos, in Deo sperávi : * non
timébo quid fáciat mihi ca-
ro.

Tota die verba mea exse-
crabántur : * advèrsum me
omnes cogitátiones eórum in
malum.

Inhabitábunt et abscón-

dent : * ipsi calcáneum meum
observábunt.

Sicut sustinuérunt áni-
mam meam, pro nihilo sal-
vos fácies illos : * in ira pó-
pulos confringes.

Deus, vitam meam annun-
tiávi tibi : * posuísti lácry-
mas meas in conspèctu tuo.

Sicut et in promissióne
tua : * tunc converténtur
inimíci mei retrórsum :

In quacúmque die invo-
cávero te : * ecce cognóvi
quóniam Deus meus es.

In Deo laudábo verbum,
in Dómino laudábo sermón-
em : * in Deo sperávi, non
timébo quid fáciat mihi
homo.

In me sunt Deus vota tua, *
quæ reddam, laudatiónes
tibi.

Quóniam eripuísti áni-
mam meam de morte, et
pedes meos de lapsu : * ut
pláceam coram Deo in lú-
mine vivéntium.

Ant. Conculcavérunt me
inimíci mei tota die ; advér-
sum me omnes cogitátiones
eórum in malum.

V. Próprio Filio suo non
pepércit Deus. **R.** Sed pro no-
bis ómnibus trádidit illum.

Sermo sancti Bernárdi
Abbátis.

Feria 4. Hebd. S.

Serm. de Passione Domini.

Lectio iv.

IN passióne dominica, fra-
tres, tria speciáliter cón-
venit intuéri : opus, modum,
cáusam. Nam in ópere qui-

dem patientia, in modo humilitas, in causa caritas commendatur. Patientia autem singularis, quod videlicet: cum supra dorsum ejus fabricarent peccatores; cum sic extenderetur in ligno, ut dinumerarentur omnia ossa ejus; cum fortissimum illud propugnaculum, quod custodit Israel, undique foraretur; cum foderentur manus ejus et pedes, sicut agnus ad occisionem ductus sit, et tamquam ovis coram tondente non aperuit os suum. Non adversus Patrem murmurans, a quo missus fuerat; non adversus humanum genus, pro quo, quæ non rapuit, exsolvebat; non denique vel contra populum ipsum peculiarem sibi, a quo pro tantis beneficiis tanta mala recipiebat.

ñ. Ego propter te Chananeorum reges percussi, et dedi tibi sceptrum regale:

* Et tu dedisti capiti meo spineam coronam, et percussisti arundine caput meum. **v.** Pópule meus, quid feci tibi, aut in quo contristavi te? responde mihi. Et tu dedisti.

Lectio v.

MODUM ipsum, si diligenter attendas, non modo mittem, sed et humilem corde cognoscas. Nempe in humilitate iudicium ejus sublatum est, cum nec ad tantas blasphemias, nec ad falsis-

sima, quæ sibi objiciebantur, crimina responderet. Vidimus, inquit, eum, et non erat ei adspectus, nec speciosum forma præ filiis hominum, sed opprobrium hominum et tamquam leprosum, novissimum virorum, plane virum dolorum a Deo percussus et humiliatus; ita ut nulla esset ei species, neque decor. O novissimum et altissimum! O humilem et sublimem! O opprobrium hominum et gloriam Angelorum! Nemo illo sublimior, neque humilior. Denique sputis illitus est, opprobriis saturatus est, morte turpissima condemnatus est, cum sceleratis deputatus est. Nihilque mereretur vel ista humilitas, quæ hunc habet modum, imo quæ tam est ultra modum? Sicut est patientia singularis, sic et humilitas admirabilis; utraque sine exemplo.

ñ. Ego duxi te per desertum quadraginta annis, et manna cibavi te: * Et tu me cecidisti alapis et flagellis. **v.** Pópule meus, quid feci tibi, aut in quo contristavi te? responde mihi. Et tu.

Lectio vj.

UTRAMQUE tamen magnifice causa ipsa commendat, nimirum caritas est. Propter nimiam enim caritatem suam, qua dilexit nos Deus, ut servum redimeret, nec Pater Filio, nec sibi Filius ipse pepércit. Vere nimiam,

quia et hæc mensuram excédit, modum súperat, plane superéminens univérsis. Majórem, inquit, caritátem nemo habet, quam ut ánimam suam ponat quis pro amicis suis. Tu majórem habuísti Dómine, ponens eam étiam pro inimicis. Cum enim adhuc inimici essémus, per mortem tuam et tibi reconciliáti sumus et Patri. Quænam ergo ália vidébitur esse, vel fuisse, vel fore huic similis caritáti? Vix pro justo quis móritur. Tu pro injústis passus es, móriens propter delicta nostra, qui venísti justificáre gratis peccatóres, servos fácere fratres, captivos coherédes, éxsules reges.

ñ. Ego exaltávi te magna virtúte : * Et tu me suspendísti in patibulo crucis, * In qua expándi manus meas ad pópulum non credéntem et contradicéntem. **ŷ.** Pópule meus, quid feci tibi, aut in quo contristávi te? respónde mihi. Et tu. Glória Patri. In.

IN III. NOCTURNO

Ant. Filii hóminum.

Psalmus 56.

MISERÉRE mei Deus, miserére mei : * quóniam in te confidit ánima mea.

Et in umbra alárum tuárum sperábo, * donec tráseat iniquitas.

Clamábo ad Deum altíssimum : * Deum qui benefécit mihi.

Misit de cælo, et liberávit

me : * dedit in oppróbrium conculcántes me.

Misit Deus misericórdiam suam, et veritátem suam, * et eripuit ánimam meam de médio catulórum leónum : dormívi conturbátus.

Filii hóminum dentes eórum arma et sagittæ : * et lingua eórum gládius acútus.

Exaltáre super cælos Deus : * et in omnem terram glória tua.

Láqueum paravérunt pedibus meis : * et incurvavérunt ánimam meam.

Foderunt ante faciém meam fóveam : * et incidérunt in eam.

Parátum cor meum Deus, parátum cor meum : * cantábo, et psalmum dicam.

Exsúrge glória mea, exsúrge psaltérium et cithara : * exsúrgam dilúculo.

Confitébor tibi in pópulis Dómine : * et psalmum dicam tibi in géntibus :

Quóniam magnificáta est usque ad cælos misericórdia tua, * et usque ad nubes véritas tua.

Exaltáre super cælos Deus : * et super omnem terram glória tua.

Ant. Filii hóminum dentes eórum arma et sagittæ, et lingua eórum gládius acútus.

Ant. Intendérunt arcum.

Psalmus 63.

EXÁUDI Deus oratióem meam cum déprecor : * a timóre inimici éripe ánimam meam.

Protexisti me a convéntu malignántium : * a multítudine operántium iniquitátem.

Quia exacuérunt ut gládium linguas suas : * intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut abscónderent láqueos : * dixerunt : Quis vidébit eos?

Scrutáti sunt iniquitátes : * defecérunt scrutántes scrutinio.

Accédet homo ad cor altum : * et exaltábitur Deus.

Sagittæ parvulórum factæ sunt plagæ eórum : * et infirmatæ sunt contra eos linguæ eórum.

Conturbáti sunt omnes qui vidébant eos : * et timuit omnis homo.

Et annuntiavérunt ópera Dei : * et facta ejus intellexerunt.

Lætábitur justus in Dómino, et sperábit in eo : * et laudabúntur omnes recti corde.

Ant. Intendérunt arcum rem amáram, ut sagittent in occúltis immaculátum.

Ant. Factus sum.

Psalmus 87.

DÓMINE Deus salútis meæ : * in die clamávi, et nocte coram te.

Intret in conspéctu tuo orátio mea : * inclina áurem tuam ad precem meam :

Quia repléta est malis ánima mea : * et vita mea inferno appropinquávit.

Æstimátus sum cum descendéntibus in lacum : * factus sum sicut homo sine adiutorio, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferiori : * in tenebrósis, et in umbra mortis.

Super me confirmátus est furor tuus : * et omnes fluctus tuos induxisti super me.

Longe fecisti notos meos a me : * posuérunt me abominatióem sibi.

Tráditus sum, et non egrediébar : * óculi mei languérunt præ inópia.

Clamávi ad te Dómine tota die : * expándi ad te manus meas.

Numquid mórtuis fácies mirabilia : * aut médici suscitábunt, et confitebúntur tibi?

Numquid narrábit áliquis in sepúlculo misericórdiam tuam, * et veritátem tuam in perditiónē?

Numquid cognoscéntur in tenebrismirabilia tua : * et iustitia tua in terra obliviónis?

Et ego ad te Dómine clamávi : * et mane orátio mea præveniet te.

Ut quid Dómine repélles oratióem meam : * avértis faciē tuam a me?

Páuper sum ego, et in la-

bóribus a juventúte mea : * exaltátus áutem, humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdedérunt me sicut aqua tota die : * circumdedérunt me simul.

Elongásti a me amicum, et próximum : * et notos meos a miséria.

Ant. Factus sum sicut homo sine adjutório, inter mórtuos liber.

Ÿ. Factus est obédiens usque ad mortem. **R̃.** Mortem áutem crucis.

Léctio sancti Evangélíi secúndum Joánnem.

Lectio vij. Cap. 19. f

IN illo témpore : Sciens Jesus, quia ómnia consummáta sunt, ut consummaretur Scriptúra, dixit : Sitio. Et reliqua.

Homília sancti Cyrílli Episcopi Alexandrini.

Comment. in Joann. Lib. 12. cap. 35.

CUM truculénter ómnia impietáte Judæórum essent perácta, nec quidquam ad summam crudelitátem deésset, tandem sanctíssima caro Christi naturále quid pátitur. Multis enim, ac váriis dolóribus exsiccáta, siti torquétur. Multum enim possunt dolóres ad commovéndam sitim; innátum enim calórem exagitántes, vel, quod in profunditáte húmi-

dum est, consúmunt et igneis ardóribus doléntis viscera urunt. Sicut igitur cæteras passiónes, sic hanc étiam sponte Christus perpéssus est. Bibere igitur petit : illi áutem ádeo longe ab omni humanitáte áberant, ut pro juvánte potu atque jucúndo nocéntem et acérbum attúlerint, et humanitátem, qua movéri videbántur, in impietátem convérterint. Nam cum peténti dabant, caritátis hábitum suscipere videbántur; sed non est possibile mentiri Scriptúram, in qua ex persóna Christi dicitur : Et dedérunt in escam meam fel, et in siti mea potavérunt me acéto.

R̃. Ego te potávi aqua salútis de petra : * Et tu me potásti felle et acéto. **Ÿ.** Pópule meus, quid feci tibi, aut in quo contristávi te? respónde mihi. Et tu me.

Lectio viij. Idem cap. 36.

CUM ergo accepisset Jesus acétum, dixit : Consummátum est : et inclináto cápite trádidit spíritum. Consummátum jam esse Salvátor dicit, quia sæviéndi Judæórum potéstas in ipsum per mortem suam términum hábuit. Quid enim non excoGITárunT, aut quid suprémæ inhumanitátis relictum sibi est? Quis cædéndi, quis contumeliándi modus non adhibitus? Mérito igitur consummátum esse, ait. Cumque tempus jam esset, ut étiam

spiritibus apud inferos prædicaret (venit enim, ut tam vivorum quam mortuorum dominaretur), mortem pro nobis suscepit: et hanc naturæ nostræ propriam passionem sponte subiit secundum carnem, quamvis, ut Deus vita naturaliter sit, ut spoliatis inferis, primitiæ dormientium, et primogenitus (ut Scripturæ dicunt) mortuorum factus, recursus ad vitam naturæ nostræ largiretur.

R. Ego ante te aperui mare: * Et tu aperuisti lancea latus Salvatori tuo, * Qui redemit mundum in sanguine suo. **V.** Pópule meus, quid feci tibi, aut in quo contristavi te? responde mihi. Et. Glória Patri. Qui.

Lectio ix.

INCLINÁVIT ígitur caput. Accidit enim morientibus, vigóre carnis jam consumpto et ánima, quæ corpus retinet, abeunte, inclinatio capitis. Quamóbrem verbis hoc modo usus Evangelista est. Sic et tradidisse spiritum, a consuetúdine nostra sibi dictum est; multi enim sic exstingui, et mori dicuntur. Quamvis mihi videatur ideo non simpliciter mortuum esse, sed tradidisse spiritum Evangelista dixisse; quia in manus Dei Patris animam suam commendavit, ut ipse dixit: Pater! in manus tuas commendo spiritum meum. Quod nobis

magnæ spei fundaméntum, atque originem præbet.

Te Deum laudamus. 16.

AD LAUDES

ET PER HORAS

Ant. 1. Fui flagellatus * tota die, et castigatio mea in matutinis.

Ps. Dóminus regnavit. **cum reliq.** 16.

2. Veni ad montem myrrhæ * et ad collem thuris; tamquam agnus ad occisionem ductus, obmútui, et non aperui os meum.

3. Foderunt manus meas * et pedes meos: dinumeraverunt ómnia ossa mea.

4. Consolántem me * quæsivi, et non invéni: dedérunt in escam meam fel, et in siti mea potaverunt me aceto.

5. Cum accepisset Jesus * acétum, dixit: Consummátum est; et inclináto cápite, emisit spiritum.

Capitulum. Philipp. 2.

FRATRES: Hoc enim sentite in vobis, quod et in Christo Jesu: qui cum in forma Dei esset, non rapinam arbitrátus est esse se æquálem Deo: sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis.

Hymnus.

SÆVO dolórum túrbine Jactátur, atris óbrutus

Pœnis, acérba sústinens
Redemptor affixus cruci.

Pedes manúsque horribili
Clavi cruéntant vúlnerē :
Cor, vultus, artus, pectora
Sacro redúndant ságuine.

Flet, orat, et clamans obit :
Cor Matris ictum cóncidit :
Heu Mater ! heu Fili ! dolor
Ingráta frangat pectora.

Montes, sepúlcrā, sáxaque
Scindúntur : arva, flúmina,
Rupes, et æquor cóntre-
munt,

Templique velum scinditur.

Sol, luna, cælum, sidera
Plangunt, et orbis ingemit :
O vos viri, vos párvuli,
Nuptæ, puéllæ, plángite.

Adstáte mœréntes cruci,
Pedes beátos úngite,
Laváte fletu, térgite
Comis, et ore lámbite.

Tu caritátis victima,
Ut nostra tollas crimina,
Nobis salúbri pérficis
Adoptiónem ságuine.

Nostra ergo pax et gáu-
dium

Sis vita, Jesu, et præmium ;
Sis ductor et lux in via,
Merces, coróna in pátria.

Amen.

Ÿ. Ipse vulnerátus est pro-
pter iniquitátes nostras. R.
Et attritus est propter scé-
lera nostra.

Ad Bened. Ant. Ad Jesum
áutem * cum venissent, ut
vidérunt eum jam mórtuum,
non fregérunt ejus crura ;
sed unus militum láncea la-
tus ejus apérui, et continuo
exiuit sanguis et aqua.

Oratio.

DÓMINE Jesu Christe, qui
de cælis ad terram de
sinu Patris descendisti, et
ságuinem tuum pretiósium
in remissionem peccatórum
nostrórum fudisti : te humi-
liter deprecámur ; ut in die
judicii, ad dexteram tuam
audire mereámur : Venite
benedicti : Qui vivis et re-
gnas.

AD PRIMAM

In R. br. Ÿ. Qui pro nobis
pati dignátus es.

AD TERTIAM

Ant. Veni ad montem myr-
rhæ.

Capit. Fratres : Hoc enim.
ut supra.

R. br. Oblátus est, * Quia
ipse voluit. Oblátus est. Ÿ.
Et livóre ejus sanáti sumus.
Quia. Glória Patri. Oblátus
est.

Ÿ. Próprio Filio suo non
pepércit Deus. R. Sed pro no-
bis ómnibus trádidit illum.

AD SEXTAM

Ant. Foderunt manus meas.

Capitulum. Zach. 13.

QUID sunt plagæ istæ in
medio mánuum tuárum ?
Et dicet : His plagátus sum
in domo eórum qui dilige-
bant me.

R. br. Próprio Filio suo *
Non pepércit Deus. Próprio.
Ÿ. Sed pro nobis ómnibus
trádidit illum. Non. Glória
Patri. Próprio.

Ÿ. Factus est obédiens us-
que ad mortem. R. Mortem
áutem crucis.

AD NONAM

Ant. Cum accepisset Jesus.*Capitulum.* Is. 53.

GENERATIONEM ejus quis enarrabit? Quia abscissus est de terra viventium: propter scelus populi mei percussi eum.

R. *br.* Factus est obediens*
Usque ad mortem. Factus.
V. Mortem autem crucis.
Usque. Glória Patri. Factus.

V. Ipse vulneratus est propter iniquitates nostras. *R.*
Et attritus est propter scelera nostra.

IN II. VESPERIS

Omnia ut in I. Vesp., præter seq.

V. Ipse vulneratus est propter iniquitates nostras. *R.*
Et attritus est propter scelera nostra.

Ad Magnif. Ant. Depónens Joseph* corpus Jesu, involvit sindone, et posuit eum in monumento exciso. Fuit planctus magnus in illa die; mulieres autem sedentes contra sepulcrum dolébant, sicut doléri solet in morte primogéniti.

PRO SABBATO

OFFICIUM VOTIVUM

DE IMMAC. CONCEPT. B. M. V.

Semiduplex.

IN I. VESPERIS

Ant. et Capit. de Laud.
259*; *Pss. ut in Festis B. M. V. per annum.* 145*.

Hymn. Ave maris stella.
147*.

V. Immaculáta Concéptio

tua, Dei Génitrix Virgo. *R.*
Gáudium annuntiávit universo mundo.

Ad Magnif. Ant. Beátam me dicent* omnes generationes, quia fecit mihi magna, qui potens est, allelúia.

Oratio ut ad Laud. 260*.

Ad Complet. et alias Horas, in fine omnium Hymnorum dicitur:

Jesu tibi sit glória,
Qui natus es de Virgine.

AD MATUTINUM

Invit. Immaculátam Conceptionem Virginis Mariæ celebrémus: * Christum ejus Filium adorémus Dóminum.

Ps. Venite, exsultémus. 2.

Hymnus.

PRÆCLÁRA custos vírginum,

Intácta mater Núminis,
Cæléstis áulæ jánuá,
Spes nostra, cæli gáudium.

Inter rubéta lílium,
Colúmba formosíssima,
Virga e radice gérmínans
Nostro medélam vulneri.

Turris draconí impérvia,
Amica stella náufragis,
Tuére nos a fráudibus,
Tuáque luce dirige.

Erróris umbras discute,
Syrtes dolósas ámove,
Fluctus tot inter, déviis
Tutam reclúde sémitam.

Jesu tibi sit glória,
Qui natus es de Virgine,
Cum Patre, et almo Spíritu,

In sempitérna sæcula.
Amen.

IN I. NOCTURNO

Ant. Admirábile est * nomen tuum Dómine in universa terra, quia in Virgine María dignum tibi habitáculum præparásti.

Pss. trium Noct. ut in Fest. B. M. V. per annum. 148*.

Ant. In sole pósuit * Deus tabernáculum suum.

Ant. In Conceptione sua * accépit Mariá benedictionem a Dómino, et misericórdiam a Deo salutári suo.

Ÿ. Deus omnipotens præcinxit me virtúte. **R.** Et pósuit immaculatam viam meam.

Lect. de Script. occur.

R. j. Per unum hóminem peccátum in hunc mundum intrávit, in quo omnes peccavérunt. * Ne timeas María, invenísti grátiam apud Deum. **Ÿ.** Eripuit Dóminus ánimam tuam de morte, et contra inimicum factus est protéctor tuus. Ne timeas.

R. ij. Transite ad me omnes qui concupiscitis me: * Et narrábo vobis, quanta fecit Deus ánimæ meæ. **Ÿ.** Vivit Dóminus, quóniam adimplévit in me misericórdiam suam. Et.

R. iiij. Elécta mea cándida sicut nix in Libano; sicut favus distillans lábia ejus: * Mel et lac sub lingua illius. **Ÿ.** Veni de Libano sponsa mea, veni, coronáberis coróna gratiárum. Mel. Glória Patri. Mel.

IN II. NOCTURNO

Ant. Diffúsa est * grátia in Conceptione ejus, et speciósá appáruit inter filias hóminum.

Ant. Adjúvit eam * Deus mane dilúculo; sanctificávit tabernáculum suum Altissimus.

Ant. Gloriósá * dicta sunt de te civitas Dei: fundávit te Dñus in móntibus sanctis.

Ÿ. In hoc cognóvi, quóniam voluísti me. **R.** Quóniam non gaudébit inimicus meus super me.

Ex Bulla dogmática Pii

Papæ noni.

Lectio iv.

QUÓNIAM quæ ad cultum pèrtinent, íntimo plane vinculo cum ejúsdem objecto consérta sunt, neque rata et fixa manére possunt, si illud anceps sit et in ambiguo versétur, idcirco decessóres nostri Románi Pontífices omni cura Conceptionis cultum amplificántes, illius étiam objectum ac doctrinam declarare, et inculcáre impensissime studuérunt. Etenim clare apertéque docuére, festum agi de Virginis Conceptione, atque uti falsam et ab Ecclesiæ mente alieníssimam proscripsérunt illórum opinióem qui non Conceptionem ipsam, sed sanctificatióem ab Ecclesiá coli arbitraréntur et affirmárent.

R. Ego ex ore Altissimi

prodivi, primogénita ante omnem creatúram : ego feci in cælis, ut orirétur lumen indeficiens. * Nondum erant abyssi, et ego jam concepta eram. † Deus enim creávit me in iustitia, et apprehéndit manum meam, et servávit me. Nondum.

Lectio v.

NEQVE mítius cum iis agéndum esse existimárunť, qui ad labefactándam de Immaculáta Virginis Conceptione doctrinam excogitáto inter primum atque álterum Conceptionis instans et momentum discrimine, asserébant celebrári quidem Conceptionem, sed non pro primo instánti atque momento. Ipsi namque prædecessóres nostri suárum pártium esse duxérunt, et beatissimæ Virginis Conceptionis festum, et Conceptionem pro primo instánti tamquam verum cultus objectum omni stúdio tuéri ac propugnáre. Hinc decretória plane verba, quibus Alexánder séptimus decessor noster sincéram Ecclesiæ mentem declarávit, inquiens : Sane vetus est Christifidélium erga ejus beatissimam Matrem Virginem Mariam pietas sentiéntium, ejus ánimam in primo instánti creationis atque infusionis in corpus fuisse speciáli Dei grátia et privilegio, intúitu meritórum Jesu Christi ejus Filii humáni géneris

Redemptóris, a mácula peccáti originális præservátam immúnem, atque in hoc sensu ejus Conceptionis festivitátem solémni ritu coléntium et celebrántium.

R. Nihil inquinátum in eam incúrrit : * Candor est lucis æternæ et spéculum sine mácula. † Est enim hæc speciósior sole, et luci comparáta invenitur púrior. Candor.

Lectio vj.

ATQUE illud in primis solémne quoque fuit iisdem decessóribus nostris, doctrinam de Immaculáta Dei Matris Conceptione sartam tectámque omni cura, stúdio et contentióne tuéri. Etenim non solum nullátenu passí sunt, ipsam doctrinam quovis modo a quópiam notári atque tradúci, verum étiam longe ultérius progréssi, perspicuis declarationibus iteratisque vici-bus edixérunt : Doctrinam qua Immaculátam Virginis Conceptionem profitémur, esse, suóque mérito habéri cum ecclesiástico cultu plane cónsonam, eámque vétèrem, ac prope universálem et ejúsmodi, quam Romána Ecclesiá sibi fovéndam tuendámque suscepérit, atque omnino dignam, quæ in sacra ipsa liturgia, solemnioribúsque précibus usurparétur. Neque his conténti, ut ipsa de Immaculáto Virginis Conceptu doctrina invioláta per-

sisteret, opinióem huic doctrínæ advérsæ, sive públice sive privátim, deféndi posse severíssime prohibuére, eámque múltiplici véluti vulnere conféctam esse voluerunt.

R. Signum magnum appáruit in cælo : Múlier amícta sole, et luna sub pédibus ejus : * Et in cápite ejus coróna stellárum duódecim.

V. Induit eam Dóminus vestiméntis salutis, induménto justitiæ, et quasi sponsam ornávit eam monilibus suis. Et. Glória Patri. Et.

IN III. NOCTURNO

Ant. Sanctimónia et magnificéntia * in Conceptione ejus; annuntiáte in ómnibus pópulis glóriam ejus.

Ant. Lætámini omnes * in Dómino, et confitémini memoriæ sanctitátis ejus.

Ant. Notum fecit * Dóminus opus suum : in conspéctu géntium revelávit glóriam Genitrícis suæ.

V. Exaltábo te Dómine, quóniam suscepisti me. **R.** Ne delectásti inimicos meos super me.

Léctio sancti Evangélíi secúndum Lucam.

Lectio vij. Cap. 1. c

IN illo témpore : Missus est Angelus Gábriel a Deo in civitátem Galilææ, cui nomen Názareth, ad Virginem desponsátam viro, cui nomen erat Joseph, de domo David, et nomen Virginis María. Et réliqua.

Homília sancti Tharásii
Episcopi.

De Præsentatione Deiparæ.

QUIBUS te láudibus cumulábimus, María? O puélla immaculáta; o virgo impolúta; o mulierum ornámentum, filiárum nitor! O mater Virgo sancta, tu benedícta inter mulieres; tu celebráta propter innocéntiam; tu ob-signáta virginitáte. Tu Adámi maledicti expiatio; tu débíti Hevæ solútio. Tu Abélis puríssima oblátio; primogenitórum deléctus; immaculátum sacrificium. Tu Enos in Deum spes non pudóre suffúsa; tu Enoch iníta grátia, et in secúram vitam migrátio. Tu Noë arca, et secúndæ regeneratiónis apud Deum conciliátio. Tu regni et sacerdotii Melchisedech perillústris splendor; tu Abrahámi firma fidúcia et promissiónis futúre posteritátis óbsequens fides. Tu Isaac novum sacrificium et rationále holocáustum; tu Jacob in scalam ascénsus cáusa, et fœcunditátis in duódecim tribus permanéntis expressio nobilíssima. Tu Judæ apparuisti secúndum stirpem filia; tu Joséphi pudicitia et vétéris Ægýpti, nímírum synagógæ Judæórum evérsio, o Immaculáta! Tu Móysis ejusdémque legislátoris liber divinitus concinnátus, in quo scriptum est sacraméntum regeneratiónis, et divinis dígitis insculpta

in tabulis lex est tamquam in monte Sina, ubi novus Israël ab intelligibilibus Ægyptiorum servitute vindicabitur, quemadmodum antiquus populus in solitudine manna et aqua de petra satiatus est, petra autem erat Christus et tuo gremio proditurus tamquam sponsus de thalamo. Tu Aarónis virga florescens; tu es Davidis filia fimbriis aureis circumvestita vario ornatu nitescens.

R. Hortus conclusus soror mea sponsa, hortus conclusus, fons signatus: * Emisiones tuæ paradisus, o Maria. **V.** Aperi mihi, soror mea, amica mea, columba mea, immaculata mea. Emissiones.

Bened. Cujus festum colimus, ipsa Virgo virginum.

Lectio viij.

Tu es prophetarum speculum, et rerum ab illis prænuntiatarum exitus. Te enixe Ezéchiél vaticinans appellavit portam clausam, per quam nemo hominum umquam transibit nisi Dominus Deus solus, et portam clausam conservabit. Te Isaías ille in primis grandiloquus prænuntiat virgam Jesse, ex qua flos Christus oriétur, et fruticibus vitiorum exstirpatis radicitus, plantas divinæ cognitionis in agro inseret. Te Jeremías præmonstravit inquit: Ecce dies venient, dicit Dó-

minus, et feriam domui Israël et domui Judæ fœdus novum, quod constitui cum patribus eorum, ita significans adventum ortumque filii tui, et populum gentium vocans ad Deum adorandum inde usque a finibus terræ. Te etiam Dániel vir desideriorum proclamavit montem ingentem, e quo Christus lapis angularis abscindetur, et simulacrum multiformis serpentis ruina atque exitio dissipabit. Te honoro agnam immaculatam, te prædico grátia plenam, te cano Dei habitationem puram et immaculatam. Et sane ubi abundavit delictum, superabundavit grátia. Per mulierem mortem lucrati sumus, per mulierem universa ipse rursus instaurabit. Per serpentem cibum accepimus amari saporis, per ipsum vero rursus vescemur cibo immortalitatis. Prima parens Heva Cainum in lucem edidit invidiæ et nequitiae principem; unigenitus Filius tuus erit primogenitus vitæ et resurrectionis. O inauditum prodigium! O admirandam novitatem! O sapientiam nullis verbis coequandam!

R. Magnificat anima mea Dominum, * Quia fecit mihi magna qui potens est, et sanctum nomen ejus. **V.** Ecce enim ex hoc beatam me dicent omnes generationes. Quia. Glória Patri. Quia.

Lectio ix.

Nos áutem pópulus Dei, gens sancta, congregátio acceptábilis, filii columbæ, sóboles grátiae in hac Virgini- nis celebritáte puris ánimis, impollútis lábiis, multísonis linguis hymnos suavidicos extollámus. Illústre hoc festum, príncipem solemni- tatem Angelis lætam et hóminum prædicatióne dig- níssimam, prouti par est, venerántes illud Ave Gabrié- lis cum reveréntia et gáudio sancto conclamémus. Ave delícium Patris, per quam ad últimos terræ fides Dei cognitio manávit. Ave Filii domicílium, de qua ille carne indútus prodivit. Ave sancti Spíritus habitáculum ineffábile. Ave sánctior Ché- rubim; ave gloriósior Séra- phim; ave cælo látior; ave sole splendidior; ave luna micántior; ave múltiplex astrórum nitor; ave levis nubes, quæ cæléstem plú- viam inspérgis. Ave áura sancta, quæ spiritum malítiæ a terra dissipásti. Ave nóbile præcónium Prophetárum; ave Apostolórum auditus per totum orbem sonus; ave Már- tyrum excéllens conféssio; ave Patriarchárum laudatis- sima prædicatió; ave Sanctó- rum summum ornáméntum. Ave cáusa salútis ómnium mortálium; ave regina pa- cis conciliátrix; ave matrum splendor immaculátus. Ave mediátrix ómnium, qui sub

cælo sunt; ave totius orbis reparatió; ave grátia plena, Dóminus tecum, qui ante te, et ex te, et nobíscum. Ipsi laus cum Patre et sanctís- simo et vivífico Spíritu, nunc et semper, et in infinita sæ- cula sæculórum. Amen.

Te Deum laudámus. 16.

AD LAUDES

ET PER HORAS

Ant. 1. Tota pulchra * es María, et mácula originális non est in te.

Ps. Dóminus regnávit. 16.

2. Vestiméntum tuum * cándidum quasi nix, et fácies tua sicut sol.

3. Tu glória Jerúsalem, * tu lætítia Israël, tu honorifi- céntia pópuli nostri.

4. Benedícta es tu, * Virgo María, a Dómino Deo excélso præ ómnibus muliéribus su- per terram.

5. Trahe nos * Virgo im- maculáta, post te currémus in odórem unguentórum tuó- rum.

Capitulum. Prov. 8.

DÓMINUS possédit me in initio viárum suárum, ántequam quidquam fáceret a princípío. Ab ætérno ordi- náta sum, et ex antiquis, ántequam terra fieret. Non- dum erant abyssi, et ego jam concépta eram.

Hymnus.

O GLORIÓSA virginum, Sublimis inter sídera, Qui te creávit, párvulum Lacténte nutris úbere.

Quod Heva tristis ábstulit,
Tu reddis almo gérmine :
Intrent ut astra flébiles,
Cæli reclúdis cárdines.

Tu Regis alti jánuá,
Et áula lucis fúlgida :
Vitám datam per Virgíne
Gentes redémpťæ pláudite.

Jesu tibi sit glória,
Qui natus es de Virgíne,
Cum Patre, et almo Spírítu
In sempitérna sácula. Amen.

ŷ. Immaculáta Concéptio
tua, Dei Génitrix Virgo. *R.*
Gáudium annuntiávit uni-
vérso mundo.

Ad Bened. Ant. Ait Dómi-
nus Deus * ad serpéntem :
Inimicitias ponam inter te et
mulierem, et semen tuum et
semen illius : ipsa cónteret
caput tuum, allehúia.

Oratio.

DEUS, qui per Immacu-
látam Virginis Conce-
ptiónem dignum Filio tuo
habitáculum præparásti :
quæsumus ; ut, qui ex morte
ejúsdem Filii tui prævisa
eam ab omni labe præser-
vásti, nos quoque mundos
ejus intercessióne ad te per-
venire concédas. Per eúm-
dem Dóminum.

AD PRIMAM

In R. brevi dicitur ŷ. Qui
natus es de María Virgine.

AD TERTIAM

Ant. Vestiméntum tuum.

Capit. Dóminus. ut su-
pra. 259*.

R. br. Deus omnipotens
* Præcínxit me virtúte. Deus
omnipotens. ŷ. Et pósuit

immaculátam viam meam.
Præcínxit me. Glória Patri.
Deus.

ŷ. In hoc cognóvi, quó-
niam voluísti me. *R.* Quó-
niam non gaudébit inimicus
meus super me.

AD SEXTAM

Ant. Tu glória Jerúsa-
lem.

Capitulum. Ezech. 44.

PORTA hæc cláusa erit, non
aperiétur, et vir non in-
trábit per eam, quóniam
Dóminus Deus Israël ingrés-
sus est per eam : eritque
cláusa principi. Princeps
ipse sedébit in ea.

R. br. In hoc cognóvi, *
Quóniam voluísti me. In hoc
cognóvi. ŷ. Quóniam non
gaudébit inimicus meus su-
per me. Quóniam. Glória
Patri. In.

ŷ. Exaltábo te Dómine,
quóniam suscepísti me. *R.*
Nec delectásti inimicos meos
super me.

AD NONAM

Ant. Trahe nos.

Capitulum. Apoc. 12.

SIGNUM magnum appáruit
in cælo : Múlier amicta
sole, et luna sub pédibus
ejus, et in cápite ejus coróna
stellárum duódecim.

R. br. Exaltábo te Dómine,
* Quóniam suscepísti me.
Exaltábo. ŷ. Nec delectásti
inimicos meos super me.
Quóniam. Glória Patri. Exal-
tábo.

ŷ. Immaculáta Concéptio
tua, Dei Génitrix Virgo. *R.*

Gáudium annuntiávit uni-
vërso mundo.

IN II. VESPERIS

*Omnia ut in I. Vesp.,
præter :*

Ad Magnif. Ant. Sancta
Maria, * succurre miseris,
juva pusillánimes, réfove
flébiles, ora pro pópulo,
intèrveni pro clero, inter-
céde pro devóto femineo
sexu : sèntiant omnes tuum
juvámén, quicúmque céle-
brant tuam sanctam Imma-
culátam Conceptionem.

PRO FERIA III (ROMÆ)

OFFICIUM VOTIVUM

DE SS. APOST. PETRO ET PAULO

Semiduplex.

*Omnia de Comm. Apost.
2*, præter seq.*

IN UTRISQUE VESPERIS

V. Constitues eos princi-
pes super omnem terram. *R.*
Mémoires erunt nóminis tui
Dómine.

Ad Magnif. Ant. Petrus
Apóstolus, * et Páulus Doctor
géntium, ipsi nos docuérunt
legem tuam Dómine.

Oratio.

DEUS, cujus dèxtera beá-
tum Petrum ambulántem
in flúctibus, ne mergerétur,
eréxit, et coapóstolum ejus
Páulum, tértio naufragán-
tem, de profúndo pélagi libe-
rávit : exáudi nos propítius,
et concéde ; ut ambórum
méritis æternitátis glóriam
consequámur : Qui vivis et
regnas.

IN I. NOCTURNO

Lect. de Script. occur.

IN II. NOCTURNO

De Sermóne sancti Leónis
Papæ.

Ex Hom. 82. in Natal.

SS. Apost. Petri et Pauli.

Lectio iv.

NERÓNIS furor per ómnium
vitiórum inflammátus ex-
cèssum, in hunc eum usque
torréntem suæ præcipitávit
insánia, ut primus nómini
christiáno atrocitátem gene-
rális persecutiónis inférret,
quasi per sanctórum Aposto-
lórum Petri et Páuli neces
grátia Dei posset exstingui ;
quibus hoc ipsum erat máxi-
mum lucrum, ut contéptus
vitæ hujus occíduæ, percép-
tio fieret felicitátis æternæ.
Pretiósá est ergo in cons-
péctu Dómini mors sanctó-
rum ejus : nec ullo crudeli-
tátis génere détrui potest
sacraménto crucis Christi
fundáta religio. Non minúit-
ur persecutióibus Ecclé-
sia, sed augétur : et semper
Dominicus ager ségete di-
tióri vestitur, dum grana,
quæ singula cadunt, multi-
plicáta nascúntur. Unde duo
ista præclára divini séminis
gérmina in quantam sóbolem
germinárint, beatórum mil-
lia Mártyrum protestántur,
qui apostolicórum æmuli
triumphórum, Urbem no-
stram purpurátis, et longe
latéque rutilántibus pópulis
ambiérunt, et quasi ex mul-
tárum honóre gemmárum

consérto uno diadémate coronárunť.

R. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei. **V.** Vidi Angelum Dei fortem, volántem per médium cælum, voce magna clamántem et dicéntem. Isti.

Lectio v.

DE quorum præsidio, dilectíssimi, divinitus nobis ad exéplum patiéntiæ et confirmatióem fidei præparáto, universáliter quidem in ómnium Sanctórum commemoratióne lætándum est : sed in horum excelléntia Patrum mérito est excelléntius gloriándum, quos grátia Dei in tantum ápicem inter ómnia Ecclesiæ membra provéxit, uteos in córpore, cui caput est Christus, quasi géminum constitúeret lumen oculórum. De quorum méritis atque virtútibus, quæ omnem loquéndi súperant facultátem, nihil divérsum, nihil debémus sentire discrétum : quia illos et eléctio pares, et labor símiles, et finis fecit æquáles.

R. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : * Gaudéte et exultáte, quóniam merces vestra copíosa est in cælis. **V.** Cum

vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte et exultáte.

Lectio vj.

SICUT áutem et nos expérti sumus, et nostri probavére majóres, crédimus atque confidimus, inter omnes labóres istius vitæ, ad obtinéndam misericórdiam Dei semper nos speciálium patronórum oratióibus adjuvándos : ut quantum própriis peccátis deprimimur, tantum apostólicis méritis erigámur. Per Dóminum nostrum Jesum Christum, cui est cum Patre et sancto Spíritu éadem potéstas, una divinitas, in sæcula sæculórum. Amen.

R. Isti sunt triumphatóres et amici Dei, qui contemnéntes jussa principum, meruérunt præmia ætérna : * Modo coronántur, et accipiunt palmam. **V.** Isti sunt qui venérunt ex magna tribulatióne, et lavérunt stolas suas in ságuine Agni. Modo coronántur. Glória Patri. Modo coronántur.

IN III. NOCTURNO

Léctio sancti Evangélii secúndum Matthæum.

Lectio vij. Cap. 19. d

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homilia sancti Ambrósii
Episcopi.

In Ps. 118. Serm. 8. post init.

ECCE nos ómnia dereliquimus, et secúti sumus te. Hoc est, non quæsivimus quæ sæculi sunt, non quæsivimus partem de possessionibus, sed te elégimus portiónem. Reliquisti ergo ómnia, Petre, quæ habébas; unde habes quod habére te dicis? Surgit cláudus, et sono tui sermónis erigitur: sanitátem áliis donas, qui indigébas ipse tuæ salutis auxilio. Reliquisti ergo quæ habébas, et cepisti quæ non habébas. Christus tibi pór-tio, Christus tibi posséssio est: illius nomen tibi muni-ficum, illius nomen tibi est fructuósum, illius nomen tibi tribúta depéndit, et bona tribúta, non pecúniæ, sed grátia.

R. Isti sunt qui vivéntes in carne, plantavérunt Ec-clésiám sáanguine suo: * Cá-licem Dómini bibérunt, et amici Dei facti sunt. **V.** In omnem terram exívit sonus eórum, et in fines orbis ter-ræ verba eórum. Cálicem Dómini.

Lectio viij.

QUICÚMQUE reliquerit pa-trem, aut matrem, aut domum, aut fratres, aut soróres, céntuplum accipiet in hoc sæculo, et vitam ætérnam possidébit. Multos quidem in hoc sæculo, qui sua paupéribus donavérunt,

uberióre thesáuro locuple-tátos fuisse cognóvimus. Est pulchérissimus locus, ut étiam ad misericórdiam provo-céntur. Sed non debent a Dómino sæculárem hujús-modi exigere mercédem, nec speráre quæ mundi sunt; sed magis, quia iis, qui ómnia reliquerint, Deus pór-tio est. Ipse est útique merces per-fécta virtútum, qui non cén-tupli enumeratióne, sed per-féctæ plenitúdinis æstima-tióne censétur. Ego, inquit, Deus tuus sum. Non dixit: Ero, sed: Jam sum, jam inhábito, jam possideo.

R. Isti sunt viri sancti, quos elégit Dóminus in cari-táte non ficta, et dedit illis glóriam sempitérnam: * Quo-rum doctrina fulget Ecclé-sia, ut sole luna. **V.** Sancti per fidem vicérunt regna: operáti sunt justítiam. Quo-rum. Glória Patri. Quorum.

Lectio ix.

HABES homo inter multa propósita, étiam hujús-modi portiónem. Propósuit tibi Dóminus in portióne possessiones, in portióne áurum, in portióne argén-tum, in portióne honóres, in portióne nobilitátem; pro-pósuit étiam in portióne se-ipsum. Habes igitur plúrimas portiones; élige quam putas; non te númerus pertúrbet, sed éxcitet grátia; non te labor avértat, sed fructus invitet.

Te Deum laudámus. 16.

AD LAUDES

V. In omnem terram exi-
vit sonus eórum. **R.** Et in
fines orbis terræ verba eó-
rum.

Ad Bened. Ant. Gloriósi
principes terræ, * quómo-
do in vita sua dilexérunt se, ita
et in morte non sunt se-
paráti.





SUPPLEMENTUM

PRO ALIQUIBUS LOCIS

FESTA APRILIS

DIE XXVI

B. M. V. DE BONO CONSILIO

Duplex majus.

IN I. VESPERIS

Ant. ut ad Laud. 270. Pss. ut in Festis B. Mariæ V. per annum. 145*.*

Capitulum. Prov. 8. d

BEATUS homo qui áudit me, et qui vigilat ad fores meas quotidie, et observat ad postes óstii mei. Qui me invenerit, invéniet vitam, et háuriet salutem a Dómino.

Hymnus. Ave maris. 147.*

V. Ora pro nobis Mater Boni Consilii, R. Ut digni efficiámur promissionibus Christi.

Ad Magnif. Ant. Candor est lucis æternæ, et speculum sine mácula Dei majestátis et imágo bonitátis illius : et ideo nihil inquinátum in eam incúrrit.

Orat. ut ad Laud. 271.*

Ad Completorium et per Horas diei in fine Hymn. dicitur :

Jesu, tibi sit glória,
Qui natus es de Virgine,
Cum Patre et almo Spiritu
In sempiterna sæcula.
Amen.

AD MATUTINUM

*Invit. Sancta Maria Dei Génitrix Virgo, Mater Boni Consilii * Intercède pro nobis.*

Ps. Venite, exsultémus. 2.

Hymnus.

PLÁUDE festivo, pia gens,
honóre,
Dum Genestánam veneráris
ædem,
Qua Dei magnæ Genitricis
alma
Splendet imágo.
Hæc ubi miram spéciem
repente
Obtulit lætis pópulis videndam,
Multa mox secum bona ferre
nostras
Visa per oras.

Ipsa tunc ægris áderat,
moléstos
Córporis morbos animique
pellens

Longe et ærúmna Látio im-
minéntes

Ipsa fugábat.

Virgo, quæ magnis deco-
ráta signis,

Nunc quoque effúlges, mí-
seris juvámén

Affer, et fuis pátiens clién-
tum

Annue votis.

Sit salus illi, decus atque
virtus,

Qui super cæli sólio corú-
scans,

Totius mundi sériem gubér-
nat

Trinus et unus. Amen.

IN I. NOCTURNO

Ant. Accipe consílium in-
telléctus, et ne abjicias con-
sílíum meum.

Pss. trium Noct. ut in Fest.
B. M. V. 148*.

Ant. Sine consílio nihil
fácias, et post factum non
pénitébis.

Ant. Audite disciplínam,
et estóte sapiéntes, et nolite
abjicere eam.

Ÿ. Venérunt mihi ómnia
bona páriter cum illa. R. Et
innumerábilis honéstas per
manus illius.

De libro Proverbiórum.

Lectio j. Cap. 2. b

Si intráverit sapiéntia cor
tuum, et sciéntia ánimæ
tuæ placúerit : consílium
custódiet te, et prudéntia
servábit te, ut eruáris a via

mala, et ab hómine, qui per-
vérsa lóquitur : qui relin-
quunt iter rectum, et ámbu-
lant per vias tenebrósas : qui
lætántur cum male fécerint,
et exsúltant in rebus péssi-
mis : quorum viæ pervérsæ
sunt, et infámes gressus eó-
rum.

R. Si sapiéntiam invocá-
veris, et inclináveris cor
tuum prudéntiæ : * Tunc
intélliges timórem Dómini,
et sciéntiam Dei invénies.

Ÿ. Quia Dóminus dat sapién-
tiam et ex ore ejus prudéntia
et sciéntia. Tunc intélliges.

Lectio ij. Cap. 3. c

Fili mi, ne éffluant hæc
ab óculis tuis. Custódi
legem atque consílium : et
erit vita ánimæ tuæ, et grá-
tia fáucibus tuis. Tunc am-
bulábis fiduciáliter in via
tua, et pes tuus non impin-
get : si dormieris, non timé-
bis : quiésces, et suávis erit
somnia tuus. Ne páveas re-
pentino terróre, et irruéntes
tibi poténtias impiórum. Dó-
minus enim in látère tuo,
et custódiet pedem tuum ne
capiáris.

R. Si intráverit sapiéntia
cor tuum, et sciéntia ánimæ
tuæ placúerit : * Consílium
custódiet te, et prudéntia
servábit te. Ÿ. Ut eruáris
a via mala, et ab hómine
qui pervérsa lóquitur. Con-
sílíum.

Lectio iij. Cap. 8. b

Ego sapiéntia hábito in
consílio, et eruditus in-

térsum cogitatióibus. Timor Dómini odit malum : arrogántiam, et supérbiam, et viam pravam, et os bilingue detéstor. Meum est consílium, et æquitas, mea est prudéntia, mea est fortitúdo. Per me reges regnant, et legum conditóres justa decérunt. Per me principes imperant et poténtes decérunt justítiam. Ego diligéntes me diligo : et qui mane vigilant ad me, invénient me.

R. Beátus homo qui invenit sapiéntiam et qui affluit prudéntia : * Primi et purissimi fructus ejus. **V.** Pretiósior est cunctis ópibus, et ómnia quæ desiderántur, huic non valent comparári. Primi. Glória Patri. Primi.

IN II. NOCTURNO

Ant. Justi sunt omnes sermónes mei, non est in eis pravam quid, neque perversum.

Ant. Consílium illius sicut fons vitæ pórmanet.

Ant. Audi consílium, et súscipe disciplinam, ut sis sapiens in novíssimis tuis.

V. Viam sapiéntiæ monstrábo tibi. **R.** Ducam te per sémitas æquitátis.

Sermo sancti Augustini
Episcopi.

In natali S. Joann. Bapt.

Lectio iv.

HÓMINEM concépit Elisabeth, hóminem Maria : sed Elisabeth solum hóminem, Maria Deum et hómi-

nem. Mira res est, quómodo potúerit concípere creatúra Creatórem. Quid est ergo intelligéndum, fratres mei, nisi quia ipse sibi fecit carnem de sola matre, qui fecit primum hóminem sine patre et matre? Primus ille noster casus fuit, quando fémina, per quam mórtui sumus, in corde concépit venéna serpéntis. Persuásit enim serpens peccátum, et admissus est male suádens. Si primus noster casus fuit, cum fémina concépit corde venéna serpéntis; non mirándum, quod salus nostra facta est, cum fémina concépit in útero carnem Omnipoténtis. Utérque ceciderat sexus, utérque fúerat reparándus. Per mulierem in intéritum missi erámus, per mulierem nobis réddita est salus.

R. Fili custódi legem atque consílium,* Et erit vita animæ tuæ, et grátia fáucibus tui. **V.** Tunc ambulábis fiduciáliter in via tua, et pes tuus non impinget. Et erit.

Sermo sancti Fulgéntii
Episcopi.

De laud. Mariæ ex partu
Salvat.

Lectio v.

QUÓNIAM diábolus per serpéntem Evæ locútus, per Evæ áures mundo intulit mortem, Deus per Angelum ad Mariam pértulit verbum et cunctis sáeculis vitam effúdit. Angelus sermónem

ejecit, et Christum Virgo concépit. Hoc splendóre concipitur Dei Filius, hac munditia generátur. De cælis médicus tránsiens per Virginem post tránsitum suum illæsam fecit Virginem permanére. Qui enim disrúpta córporum membra in áliis póterat integráre tangéndo, quanto magis in sua Matre, quod invénit integrum, pótuít non violáre nascéndo? Crevit enim ejus partu intégritas córporis pótius, quam decrevit, et virginitas ampliáta est pótius, quam fugáta.

R. Audi fili mi, et súscipe verba mea, * Ut multiplicén-tur tibi anni vitæ. **V.** Viam sapiéntiæ monstrábo tibi, ducam te per sémitas æqui-tátis. Ut.

Lectio vj.

MARÍA quam præclaríssi-mis tribus bonis subli-métur, auscúlta, salutatió-nis angélicæ, benedictiόnis divínæ, et plenitúdinis grá-tiæ. Sic enim eam légitur salutásse : Ave Maria, grátia plena : benedicta inter mu-lieres. Et ut nihil non sub-lime esset in hac sanctis-sima Virgine, quam Ange-lus grátia plenam salutávit, non sine divino consilio factum est, ut ejus étiam imágines summo essent in honóre et prodigiis miracu-lisque claréscerent. Quas in-ter ea tribus abhinc sáculis præcipuo honóre cólitur,

quæ Páulo secúndo sedénte mirabiliter apparuisse in pa-riete ecclésiæ Patrum ór-dinis Eremitárum sancti Augustini in óppido Gene-stáni Prænestinæ diocécis, ex pontificiis diplomátibus et suppáribus monuméntis comprobátur. Quibus per-mótus Pius Papa sextus præ-fátis ejúsdem óppidi Cœno-bitis Officium próprium concéssit séptimo Kaléndas Maias, ipso scilicet Appari-tiόnis die, recitándum, ac deinde illud die, quæ imme-diáte subséquitur pro ejus recitatiόne in pósterum assi-gnáta ad univérsum prædi-ctum órđinem sub ritu dú-plexis majóris exténdit. Leo vero décimus tértius ad augéndum cultum erga bea-tíssimam Virginem sub título Matris Boni Consilii novum hoc officium approbávit.

R. Auscúlta sermónes meos, et ad elóquia mea inclína áurem tuam : * Ne recédant ab óculis tuis : cu-stódi ea in médio cordis tui. **V.** Vita enim sunt in-veniéntibus ea, et univérse carni sánitas. Ne recédant. Glória Patri. Ne recédant.

IN III. NOCTURNO

Ant. Via stulti recta in óculis ejus : qui áutem sá-piens est, áudit consilia.

Ant. Cor boni consilii stá-tue tecum, non est enim tibi áliud pluris illo.

Ant. Sápiens cor et intel-ligibile abstinébit se a pec-

cátis, et in opéribus justitiæ succéssus habébit.

V. Coróna sapiéntiæ timor Dómini. **R.** Replens pacem, et salútis fructum.

Léctio sancti Evangélii secúndum Lucam.

Lectio vij. Cap. 1. c

IN illo témpore : Missus est Angelus Gábriel a Deo in civitátem Galilææ cui nomen Názareth, ad Virginem desponsátam viro, cui nomen erat Joseph de domo David, et nomen Virginis María. Et réliqua.

Homilia sancti Bernárdi Abbátis.

Ex Homilia, 2. super Missus circa finem.

ET nomen, inquit, Virginis María, quod interpretátum maris stella dicitur. Ipsa namque est nóbilis illa stella ex Jacob orta, cujus rádius univérsum orbem illúminat. Ipsa, inquam, est præclára et exímia stella super hoc mare magnum et spatiósum necessáριο subleváta, micans méritis, illústrans exémpis. O quisquis te intélligis in hujus sæculi proflúvio magis inter procéllas et tempestátes fluctuáre, quam per terram ambuláre : ne avértas óculos a fulgóre hujus síderis, si non vis óbrui procéllis. Si insúrgant venti tentatiónum, si incúrras scópulos tribulatiónum, réspice stellam, voca Mariám. Si jactáris supérbiæ undis, si ambitiónis, si detractiónis,

si æmulatiónis, réspice stellam, voca Mariám. Si criminum immanitáte turbátus, consciéntiæ fœditáte confúsus, judicii horróre perterritus, bá Rathro incipias absorbéri tristitiæ, desperatiónis abyísso, cógita Mariám. In periculis, in angústiiis, in rebus dúbiis, Mariám cógita, Mariám invoca. Ipsam sequens, non dévias : ipsam rogans, non despéras : ipsam cógitans, non erras : ipsa tenénte non córruis : ipsa protegénte non métuís : ipsa duce non fatigáris : ipsa propítia pèrvenis, et sic in temetipso experíris quam mérito dictum sit : Et nomen Virginis Maria.

R. Filii audite me : * Beáti qui custódiánt vias meas.

V. Audite disciplinam et estóte sapiéntes et nolite abjícere eam. Beáti.

Lectio viij.

INTUÉRE o homo consílium Dei, agnósce consílium sapiéntiæ, consílium pietátis. Redemptúrus humánum genus, prétium univérsum cóntulit in Mariám. Altius ergo intuémini quanto devotiónis afféctu a nobis volúerit honorári, qui totius boni plenitúdinem pósuit in María : ut proinde, si quid spei in nobis est, si quid grátiae, si quid salútis, ab ea novérimus redundáre, quæ ascéndit deliciis áffluens. Tolle Mariám hanc maris stellam, quid nisi caligo in-

vólvens, umbra mortis, et densissimæ ténebræ relinquuntur? Totis ergo medúllis córdium, totis præcordiórum afféctibus, et votis ómnibus Mariam hanc venerémur, quia sic est volúntas ejus, qui totum nos habére voluit per Mariam. In ómnibus síquidem, et per ómnia próvidens miseris trepidatióem nostram solátur, fidem éxcitat, spem róborat, diffidentiam ábigit, érigit pusillanimitátem.

✠. Principium sapiéntiæ timor Dómini : * Et sciéntia sanctórum prudéntia. ♣. Per me enim multiplicabúntur dies tui, et addéntur tibi anni vitæ. Et. Glória Patri. Et.

Lectio ix.

AD Patrem verebáris accédere, solo auditu térritus ad fólía fugiébás : Jesum tibi dedit mediatórem. Sed fórsitan et in ipso majestátem vereáre divinam, quod, licet factus sit homo, mánserit tamen Deus. Advocátum habére vis et ad ipsum? Ad Mariam recúrre. Pura síquidem humánitas in Maria. Nec dúbius dixerim, exaudiétur et ipsa pro reveréntia sua. Exáudiet útique Matrem Filius, et exáudiet Fílium Pater. Filioli, hæc peccatórum scala, hæc mea máxima fidúcia est, hæc tota rátio spei meæ. Quid enim? Potest ne Filius aut repéllere, aut sustinére repúlsam? Non audire, aut non audíri Fí-

lius potest? Néutrum plane. Invenísti, ait Angelus, grátiam apud Deum : feliciter. Semper hæc invéniet grátiam, et sola est grátia qua salvámur. Quid nos ália concupiscimus fratres? Quærámus grátiam, et per Mariam quærámus, quia quod quærit invenit, et frustrári non potest. Quærámus grátiam, sed grátiam apud Deum : nam apud hómínes grátia fallax. Quærant álii méritum, nos invenire grátiam studeámus. Quid enim? Non grátia est quod hic sumus? Profécto misericórdiæ Dómini est, quod non sumus consúpti.

Te Deum laudámus. 16.

AD LAUDES

ET PER HORAS

Ant. 1. Ego mater * pulchræ dilectiónis, et timóris, et agnitiónis, et sanctæ spei.

Ps. Dóminus regnávít. 16.

2. In me grátia * omnis viæ et veritátis, in me omnis spes vitæ et virtútis.

3. Qui áudit me * non confundétur, et qui operántur in me non peccábunt.

4. Da mihi sédium tuárum * assistricem sapiéntiam, et noli me reprobare a filiis tuis.

5. Optávi, * et datus est mihi sensus : et invocávi, et venit in me spiritus sapiéntiæ.

Capitulum. Prov. 8. d

BEÁTUS homo qui áudit me, et qui vigilat ad fo-

res meas quotidie, et observat ad postes ostii mei. Qui me invenerit, inveniet vitam, et habuerit salutem a Domino.

Hymn. O gloriosa virginum. ut in Festis B. M. V. per annum. 157*.

Ÿ. Dignare me laudare te Virgo sacrata. **R.** Da mihi virtutem contra hostes tuos.

Ad Bened. Ant. Beata Mater et intacta Virgo, Regina mundi, nostras deprecationes ne despicias in necessitatibus, sed a periculis cunctis libera nos semper.

Oratio.

DEUS, qui Genitricem dilecti Filii tui matrem nobis dedisti, ejusque speciosam imaginem mira apparitione clarificare dignatus es: concede, quaesumus; ut ejusdem monitis iugiter inherentes secundum cor tuum vivere et ad caelestem patriam feliciter pervenire valeamus. Per eundem Dominum.

AD TERTIAM

Capit. Beatus homo. 270*.

R. br. Venérunt mihi omnia bona * Pariter cum illa. Venérunt. **V.** Et innumerabilis honestas per manus illius. Pariter. Glória Patri. Venérunt.

Ÿ. Viam sapientiae mon-

strabo tibi. **R.** Ducam te per semitas aequitatis.

AD SEXTAM

Capitulum. Prov. 6. c

CONSERVA fili mi praecepta patris tui, et ne dimittas legem matris tuae. Liga ea in corde tuo iugiter, et circumda gutturi tuo.

R. br. Viam sapientiae * Monstrabo tibi. Viam. **V.** Ducam te per semitas aequitatis. Monstrabo. Glória Patri. Viam.

Ÿ. Coróna sapientiae timor Domini. **R.** Replens pacem, et salutis fructum.

AD NONAM

Capitulum. Prov. 23. d

PRÆBE fili mi cor tuum mihi, et oculi tui vias meas custodiant.

R. br. Coróna sapientiae * Timor Domini. Coróna. **V.** Replens pacem, et salutis fructum. Timor. Glória Patri. Coróna.

Ÿ. Venite filii, audite me. **R.** Timorem Domini docebo vos.

IN II. VESPERIS

Omnia ut in I., præter

Ad Magnif. Ant. Felix es sacra Virgo María, et omni laude dignissima: quia ex te ortus est sol iustitiae, Christus Deus noster, magni Consilii Angelus.

FESTA MAII

DOMINICA I. MAII
B. MARIE VIRGINIS
DIVINI PASTORIS MATRIS

Duplex majus.

IN I. VESPERIS

Ant. de Laud. 276*; Pss.,
Capit. et Hymn. ut in Festis
B. M. V. per annum. 145*,
præter seq.

℣. Dignare me laudare te
Virgo sacrata. ℞. Da mihi
virtutem contra hostes tuos.

Ad Magnif. Ant. Sicut pas-
tor gregem suum pascet,
in brachio suo congregabit
agnos, et in sinu suo levabit.

Orat. ut ad Laud. 277*.

Ad Completorium et per
Horas in fine Hymn. dicitur :

Jesu tibi sit gloria,
Qui natus es de Virgine.

AD MATUTINUM

Invitat. Sancta Maria di-
vini Pastoris Mater * Inter-
cede pro nobis.

Hymn. Quem terra, pon-
tus. 147*.

IN I. NOCTURNO

Ant. Mane surgamus ad
vineas, videamus si floruit
vineas, si flores fructus par-
turiunt, ibi dabo tibi ubera
mea.

Psalmi trium Noct. ut in
Festis B. M. V. 148*.

Ant. Cor suum tradet ad
vigilandum diluculo.

Ant. Trahe me post te :

curremus in odorem un-
guentorum tuorum.

℣. Specia tua, et pulchri-
tudine tua. ℞. Intende, pro-
spere procede, et regna.

De Parabolis Salomonis.

Lectio j. Cap. 8. et 9.

Ego sapientia habito in con-
silio, et eruditus intersum
cogitationibus. Timor Dó-
mini odit malum : arrogán-
tiam, et superbiam, et viam
pravam, et os lingue de-
testor. Meum est consilium,
et æquitas, mea est prudén-
tia, mea est fortitúdo. Per
me reges regnant, et legum
conditores justa decernunt.
Per me principes imperant,
et potentes decernunt justi-
tiam. Ego diligentes me dí-
ligo : et qui mane vigilant
ad me, invénient me. Me-
cum sunt divitiæ, et glória,
opes superbæ, et justitia.
Mélior est enim fructus meus
auro, et lapide pretioso, et
genimina mea argento elé-
cto. In viis justitiæ ambulo,
in medio semitarum judicii,
ut ditem diligentes me, et
thesáuros eorum répleam.

℞. Sicut vigilavi super eos,
ut evellerem, et demolirem,
et dissiparem, et disperde-
rem, et affligerem : * Sic vi-
gilabo super eos, ut ædifi-
cem, et plantem. ℣. Erra-
verunt greges mei in cun-
ctis montibus, et in universo
colle excélsio. Sic vigilabo.

Lectio ij.

DÓMINUS possédit me in initio viárum suárum ántequam quidquam fáceret a principio. Ab ætérno ordináta sum, et ex antíquis ántequam terra fieret. Nondum erant abyssi, et ego jam concépta eram: necdum fontes aquárum erúperant, necdum montes gravi mole constiterant: ante colles ego parturiébar: adhuc terram non fécerat, et flúmina, et cárdines orbis terræ. Quando præparábat cælos, áderam: quando certa lege, et gyro vallábat abyssos: quando æthera firmábat sursum, et librábat fontes aquárum: quando circúmdabat mari términum suum, et legem ponébat aquis, ne transirent fines suos: quando appendébat fundaménta terræ. Cum eo eram cuncta compónens: et delectábar per singulos dies, ludens coram eo omni témpore; ludens in orbe terrárum: et deliciæ meæ esse cum filiis hóminum. Nunc ergo filii audíte me: Beáti, qui custódiunt vias meas. Audíte disciplinam, et estóte sapiéntes, et nolite abjicere eam.

R. Anima mea desiderávit te in nocte: * Sed et spiritu meo in præcórdiis meis; de mane vigilábo ad te. **V.** Ego dórmio, et cor meum vigilat: vox dilécti mei pulsántis. Sed et spiritu.

Lectio iij.

BEÁTUS homo qui áudit me, et qui vigilat ad fores meas quotidie, et obsérvat ad postes óstii mei. Qui me invénierit, invéniet vitam, et háuriet salútem a Dómino: qui áutem in me peccáverit, lædet ánimam suam. Omnes, qui me odérunt, diligunt mortem. Sapiéntia ædificávit sibi domum, excídit colúmnas septem. Immolávit victimas suas, miscuit vinum, et propósuit mensam suam. Misit ancillas suas, ut vocárent ad arcem, et ad móenia civitátis: Si quis est párvulus, véniat ad me. Et insipiéntibus locúta est: Venite, comédite panem meum, et bibite vinum quod miscui vobis.

R. Sicut visitat pastor gregem suum in die, * Quando fúerit in médio óvium suárum dissipátarum. **V.** Sic visitábo oves meas, et liberábo eas de ómnibus locis in die nubis, et caliginis. Quando fúerit. Glória Patri. Quando fúerit.

IN II. NOCTURNO

Ant. Salvábo gregem meum, et non erit ultra in rapinam.

Ant. Congregábit eum, et custódiét eum, sicut pastor gregem suum.

Ant. Læva ejus sub cápite meo, et dextera illius amplexábitur me.

V. Adjuvábít eam Deus

vultu suo. **R.** Deus in médio ejus, non commovébitur.

Sermo sancti Bernárdi
Abbátis.

Lectio iv.

Ex Serm. in cap. 12. Apoc.
ante med.

AM PLECTÁMUR Mariæ vestigia, fratres mei, et devotissima supplicatióne beátis illius pédibus provolvámur. Teneámus eam, nec dimittámus, donec benedixerit nobis: potens est enim. Nempe vellus est médium inter rorem et áream, mulier inter solem et lunam, Maria inter Christum et Ecclesiám constitúta. Sed forte miráris non tam vellus opértum rore, quam amictam sole mulierem. Magna siquidem familiáritas, sed mira omnino vicinitas solis, et mulieris. Quómodo enim in tam veheménti fervóre tam fráglis natúra subsistit? Mérito quidem admiráris Móyses sancte, et curiósus desíderas intuéri. Verúntamen solve calceamenta de pédibus tuis, et involúcrá pone carnálium cogitatiónum, si accédere concupiscis.

R. Super omnem fáciem terræ dispérsi sunt greges mei, et non erat qui requireret: * Ecce ego requíram oves meas, et visitábo eas. **V.** Custodivit illas ab inimicis, et a seductóribus tutávit illas. Ecce.

Lectio v.

Ejusd. in Assumpt. B. M. V.
in fine.

JAM te Mater misericórdiæ, per ipsum sincerissimæ tuæ mentis afféctum, tuis jacens provolúta pédibus luna, id est Ecclesiá, mediatricem sibi apud solem justitiæ constitútam, devótis supplicatió nibus interpéllat, ut in lúmine tuo videat lumen, et solis grátiam tuó mereátur obténtu, quam vere amávit præ ómnibus, et ornávit, stolam glóriæ induens, et corónam pulchritúdinis ponens in cápite tuo. Plena es gratiárum, plena rore cælésti, innixa super diléctum, deliciis áffluens. Ciba hódie páuperes tuos Dómina, ipsi quoque catélli de micis edant, nec púero Abrahæ tantum, sed et camélis potum tríbuas de superfluénti hýdria tua.

R. Custodivit nos in omni via, per quam ambulávimus: * Et in cunctis pópulis per quos transivimus. **V.** Posuérunt me custódem in vineis. Et.

Sermo sancti Augustíni
Episcopi.

Lectio vj.

Serm. 18. de Sanctis in med.

O BEÁTA María áccipe quas cúnque exiles, quas cúnque méritis tuis impáres gratiárum actiões, et cum suscéperis vota, culpas nostras orándo excúsa. Admítte nostras preces intra sacrá-

rium exauditiónis, et re-
pórta nobis antidotum re-
conciliatiónis. Sit per te
excusábile, quod per te in-
gérimus : fiat impetrábile,
quod fida mente póscimus.
Accipe quod offérimus, red-
óna quod rogámus, excúsa
quod timémus : quia tu es
spes única peccatórum. Per
te sperámus véniam delictó-
rum, et in te beatíssima no-
strórum est exspectatio præ-
miórum. Accipe insuper ob-
séquium famulórum tuórum,
in hac regióne degéntium,
qui in multis, magnisque
periculis a te adjúti, in grati
ánimi arguméntum, et in
memóriam beneficiórum de-
fensiónis, et protectiόnis, a
Pio séptimo Pontifice Máxi-
mo in tui honórem festivitá-
tem hanc sub titulo divini
Pastoris Matris consecúti
sunt, ut fidéles omnes te
custódem vigilántem, ac
cæléstia pábula suppeditán-
tem cognóscant, invocent,
et revereántur.

℟. Sub umbra illius, quem
desideráveram sedi : * Et
fructus ejus dulcis gútturi
meo. V. Quid vidébis in Su-
namíte, nisi choros castró-
rum? Et. Glória Patri. Et.

IN III. NOCTURNO

Ant. Favus distillans lábia
tua ; mel, et lac sub lingua
tua.

Ant. Egrédere, et abi post
vestigia gregum, et pasce
hædos tuos.

Ant. Rigábo hortum meum

plantatiónum, et inebriábo
prati mei fructum.

V. Elégit eam Deus, et
præelégit eam. ℟. In taberná-
culo suo habitáre facit eam.
Lectio sancti Evangélii se-
cúndum Joánnem.

Lectio vij. Cap. 19. c

IN illo témpore : Stabat
Iuxta crucem Jesu mater
ejus, et soror matris ejus
María Cléophæ, et María
Magdaléne. Et reliqua.

Homília beáti Petri Damiáni.
Ex Serm. 1. in Nat. B. M. V.
in fine.

VIRGO Dei Génitrix, cujus
pulchritúdinem sol, et
luna mirántur, súbveni Dó-
mina clamántibus ad te júgi-
ter : revértere, revértere,
Sunamítis, revértere, revér-
tere, ut intueámur te. Tu
benedicta, et superbenedi-
cta, revértere primo per na-
túram. Numquid quia ita
deificáta, ideo nostræ hu-
manitátis oblita es? Nequá-
quam Dómina : scis in quo
discrimine nos reliqueris,
ubi jáceant, quantum delin-
quant servi tui : non enim
cónvenit tantæ misericór-
diæ, tantam misériam obli-
visci, quia etsi súbtrahit
glória, révocat nátura : non
enim ita memoráris justitiæ
Dei solius, ut misericórdiam
non hábeas, neque ita es
impassibilis, ut non sis com-
passibilis. Natúram nostram
habes, non áliam, et justum
est, ut de rore tantæ pietá-
tis diffúsius infundámur.

R. Diléctus meus mihi, et ego illi, qui páscitur inter lilia : * Donec adspiret dies, et inclinéntur umbræ. **V.** Ego dilécto meo, et ad me convérsio ejus. Donec.

Lectio viij.

REVÉRTERE secúndo per poténtiam. Fecit in te magna qui potens est, et data est tibi omnis potéstas in cælo, et in terra. Nil tibi impossibile, cui possibile est desperátos in spem beatitúdinis releváre. Quómodo enim illa potéstas tuæ poténtiæ póterit obviáre, quæ de carne tua carnis suscepit originem? Accédís enim ante illum áureum humánæ reconciliatiónis altáre non solum rogans, sed imperans, Dómina, non ancilla. Móveat te natúra, poténtia móveat; quia quanto poténtior, tanto misericórdior esse debes. Potestáti enim cedit ad glóriam, injúrias ulcisci nolle, cum possit. Revértere tértio per amórem. Scio Dómina, quia benigníssima es, et amas nos amóre invincibili, quos in te, et per te Filius tuus, et Deus tuus summa dilectiône diléxit. Quis scit quóties refrigeres iram júdicis, cum justitiæ virtus a præséntia deitátis egréditur.

R. Congregábo oves de terris, et indúcam eas in terram suam : * Et pascam eas in móntibus Israël : * In rivis, et in cunctis sédibus

terræ. **V.** Ego pascam oves meas, et ego eas accubáre faciám. Et pascam. Glória Patri. In rivis.

Lectio ix.

REVÉRTERE quarto per singularitátem. In mánibus tuis sunt thesáuri miseratiónum Dómini, et sola eléctas, cui grátia concéditur. Absit, ut cesset manus tua, cum occasiõem quæras salvándi míseros, et misericórdiam effundéndi; neque enim tua glória minúitur, sed augétur, cum pœniténtes ad véniam justificáti, ad glóriam assumúntur. Revértere ergo Sunamítis, id est, despécta, cujus ánimam pertransívit gládius, quæ fabri uxor appelláta fuisti. Ad quid? Ut intueámur. Summa glória est post Deum te vidére, adhærere tibi, et in tuæ protectióis munimine demorári. Audi nos, nam et Filius nihil negans honórat te, qui est Deus benedictus in sæcula sæculórum.

Te Deum laudámus. 16.

AD LAUDES

ET PER HORAS

Ant. 1. Sonet vox tua * in áuribus meis, vox enim tua dulcis, et faciés tua decóra.

Ps. Dóminus regnávít. 16.

2. Diléctus meus * descéndit in hortum, ut pascátur in hortis, et lilia cólligat.

3. Veni dilécte mi, * egrediámur in agrum, commorémur in villis.

4. Fons hortórum, * pú-

teus aquarum viventium,
quæ fluunt impetu de Libano.

5. In hortis nostris *omnia
poma nova, et vètera, dilé-
cte mi, servávi tibi.

Capit. Ab initio. 157*.

Hymn. O gloriósa. *ibid.*

V. Pulchra es, et decóra
filia Jerúsalem. R. Terribilis
ut castrorum ácies ordináta.

Ad Bened. Ant. Indica mi-
hi, ubi pascas, ubi cubes in
merídie, ne vagári incipiam
post greges sodálium tuórũ.

Oratio.

DEUS, qui univèrsum mun-
dum ineffábili providén-
tia regis, atque gubérnas :
præsta nobis fámulis tuis ; ut
intercedén-te beáta María
semper Virgine, quæ vigili
custódia nos pascit, ab hó-
stibus defénsi, et fructus tui
dulcedine satiáti, ad cælé-
stem pátriam secúri perdu-
cámur. Per Dóminum.

AD HORAS

Ant. sumuntur ex Laud.
ut supra. Capit. et R. ut in
Festis B. M. V. 157*.

IN II. VESPERIS

Omnia ut in I. Vesp., præ-
ter :

V. Per te salútem hauriá-
mus Virgo María. R. Ex caritá-
te et passióne Christi Filii tui.

Ad Magnif. Ant. Cum vi-
disset ergo Jesus matrem, et
discipulum stantem, quem
diligébat, dicit matri suæ :
Múlier, ecce filius tuus. De-
inde dicit discipulo : Ecce
mater tua. Et ex illa hora ac-
cepit eam discipulus in sua.

DIE XIII

S. PEREGRINI LATIOSI CONF.

Duplex, sed ad modum
Simplicis recolendum.

In I. Vesp. Ant. Similábo
eum viro sapién-ti, qui ædi-
ficávit domum suam supra
petram.

V. Amávit eum Dóminus,
et ornávit eum. R. Stolan
glóriæ induit eum.

Oratio.

DEUS, qui beáto Peregrino
Angelum cómitem, ma-
gistram Deiparam, Jesum
tetri úlceris médicum mire
dedisti : da per mérita ipsius,
obsecrámus, ut sanctum An-
gelum, Virginem, Salvató-
rem singuláriter amémus in
terris, et collaudémus in
cælis. Per eúmdem Dñum.

Ad Laud. Ant. Euge ser-
ve bone et fidélis, quia in
páuca fuisti fidélis, supra
multa te constituiam, intra in
gáudium Dómini tui.

V. Justum dedúxit Dómi-
nus per vias rectas. R. Et
osténdit illi regnum Dei.

In II. Vesp. Ant. Hic vir
despíciens mundum et ter-
réna, triúmphans, divítias
cælo cóndidit ore, manu.

V. Justum dedúxit Dómi-
nus per vias rectas. R. Et
osténdit illi regnum Dei.

DIE XV

S. ISIDORI AGRICOLÆ CONF.

Duplex, sed ad modum
Simplicis recolendum.

In I. Vesp. Ant. Similábo

eum viro sapiénti, qui ædificávit domum suam supra petram.

Ÿ. Amávit eum Dóminus, et ornávit eum. R̃. Stolum glóriæ induit eum.

Oratio.

DA nobis, quæsumus mi-séricors Deus : beáto Isidóro Agrícola Confessóre tuo intercedénte, supérbe non sápere; sed ejus méritis et exémpis plácita tibi semper humilitáte deservíre. Per Dóminum.

Ad Laud. Ant. Euge serve bone et fidélis, quia in páuca fuisti fidélis, supra multa te constituam, intra in gáudium Dómini tui.

Ÿ. Justum dedúxit Dóminus per vias rectas. R̃. Et osténdit illi regnum Dei.

In II. Vesp. Ant. Hic vir despiciens mundum et terrena, triúmphans, divítias cælo cóndidit ore, manu.

Ÿ. Justum dedúxit Dóminus per vias rectas. R̃. Et osténdit illi regnum Dei.

DIE XVI

S. JOANNIS NEPOMUCENI

MARTYRIS

Duplex.

Omnia de Comm. unius Mart. 24*, præter seq.

Oratio.

DEUS, qui ob invictum beáti Joánnis sacramentale siléntium, nova Ecclesiám tuam martýrii coróna decorásti : da nobis ejus intercessióne et exémplo, lin-

guam cáute custodíre : ac ómnia pótius mala, quam animæ detriméntum, in hoc sæculo toleráre. Per Dñum.

IN I. NOCTURNO

Lect. de Script. occur.

IN II. NOCTURNO

Lectio iv.

JOÁNNES Nepomúci Bohémiae óppido, unde Nepomuceni cognómen duxit, a paréntibus ætáte provéctis, non sine futúrae sanctitátis præságio, flammis supra nascéntis domum mirábiliter collucéntibus, ortus est. Cum infans in gravem morbum incidisset, beátæ Virginis ope, cui natum paréntes referébant accéptum, e vitæ periculo evásit incólumis. Egrégia índole, piáque institutióne cælestibus indi-ciis obsequénte, inter sanctas religiosasque exercitatiónes puerítiam egit; nam ecclesiám frequénte adire, ac sacerdotibus ad aras operántibus ministráre in deliciis habébat. Zatécii politióribus litteris ad humanitatem informátus, Pragæ vero gravióribus disciplinis excúltus, philosophiæ, theologiæ, sacrorúmque cánonum magistérium et láuream emérui. Sacerdótio initiátus, atque a sciéntia sanctorum ad lucra animárum rite comparátus, ministério verbi Dei se pénitus addixit. Cum igitur in vítiis exstirpándis, et revocándis in viam salutis errántibus, eloquéntia et

pietate úberes éderet fructus, inter canónicos metropolitánæ ecclésiæ Pragæ cooptátus, mox sibi demandátam Evangélíi coram rege Wencesláo quarto prædicándi provinciam suscepit, eo succéssu, ut Joánnis suásu multa rex fáceret, magnóque in honóre ejus virtútes habéret. Conspícuas tamen, quas ille óbtulit dignitátes, Dei servus, ne a divini verbi præcónio avocarétur, constantíssime recusávit.

℞. Honéstum. 29*.

Lectio v.

RÉGIS illum eleemósynis in páuperes erogándis præfécum, Joáнна regina consciéntiæ sibi moderatórem adscivit. Cum áutem Wencesláus ab officio institútóque decessisset, atque in vitia præceps abriperétur, piæ áutem cónjugis obtestatiónes et mónita graváte ferret, conténdere áusus est, ut in sacramentáli judicio sacerdoti crédita reginæ arcána sibi a Joánnæ panderéntur. At Dei mínister blandítiis primum, torméntis deinde et cárceris squalóre tentátus, nefáriæ regis cupiditati fórtiter óbstitit. Furéntem tamen Wenceslái ánimum cum ab exsecrándo propósito nec humana nec divina jura deterrérent, supréum agónem, quem instáre sibi athléta Christi nóverat, pópulo in concióné de impendéntibus

étiam regni calamitátibus admónito, non obscúre prænuntiávit. Mox Bolesláviam profécus, ad beátæ Virginis imáginem antiquo cultu célebrem, cæléste præsidium ad certándum bonum certámen effúsis præcibus implorávit. Inde vésperè reverténtem in pervigilio Dominicæ Ascensiónis rex e fenestra conspicátus arcéssit; cumque veheméntius urgéret, et próxíam in aquis, si obluctári pérgeret, submersiónem intentáret, Joánnes invicta constántia terróres mínasque refutávit. Itaque regis império in Moldávam flumen Pragam intérfuens noctu dejéctus, illústrem martýrii corónam est consecútus.

℞. Desidérium. 30*.

Lectio vj.

SACRÍLEGUM fácinus clam patrátum, et Mártýris glóriam insigne prodígium divinitus patefécit. Ubi enim exánime corpus secúndo flumine vehi cœpit, ardéntes faces aquis supernatántes et discurréntes apparuérunt. Quamóbrem ex aréna postridie mane corpus elátum, canónici deinde, regis iram nihil tíméntes, in metropolitánam ecclésiám solémni pompa intulérunt, et sepultúræ mandárunť. Cum áutem in dies invicti sacerdotis memória miráculis, et máxima fidélium, eórum præcipue qui fama periclitán-

tur, veneratióne crésceret, post annos demum ámplius trecéntos, in jurídica recognitióne córporis, quod sub humo támdiu jacúerat, lingua ejus incorrúpta et vivida repérta est : quæ sexto post anno judicibus a Sede apostólica delegátis exhibita, novo prodigio repén-te intú-muit, et subobscúrum rubórem in purpúreum commutávit. His itaque aliisque signis rite probátis, Benedictus décimus tértius Pón-tifex Máximus die décima nona mensis Mártii, anno salutis millésimo septingen-tésimo vigésimo nono, primum hunc sacramentális sigilli assertórem, arcáni fidem ságuine obsignántem, sanctórum Mártýrum catálogo adscripsit.

R. Stola jucunditátis. 30*.

IN III. NOCTURNO

Homil. in Evang. Nihil est opértum. **de Comm. 3º loco.** 38*.

ALIUD OFFICIUM

S. JOANNIS NEPOMUCENI
MARTYRIS

Duplex majus.

IN I. VESPERIS

Ant. et Capit. de Laud. 284*; **Pss. ut in I. Vesp. de Comm. Apost. 2*.**

Hymnus.

INVÍCTUS heros Núminis,
Mergéndus unda flúminis,
Stat fortis in siléntio,
Dum fit sigilli méntio.

Hinc rex minátur fúnera,
Hinc tortor infert vúlnera,
Manus ligántur fúnibus,
Artus cremántur ignibus.

Sed hæc Joánnes déspicit,
Nec regis iram réspicit,
Secréta non vult pándere,
Horret sigillum frángere.

Stat mutus agnus inno-
cens,
Nil de tegédis próferens :
Stat; dumque rex nil élicit,
E ponte justum déjicit.

Præceps ab alto stérni-
tur,
Undis profúndis mérgitur :
Mersum sed applaudéntibus
Undæ salútant ignibus.

Stellæ natant in flúmine,
Illi paréntant lúmine,
Docétque cæli cláritas
Quæ sit Joánnis cáritas.

Da sempitérna Trinitas,
Ut in bono sit firmitas :
Aut lacrymárum flúmina
Mergant cadéntum crimina.
Amen.

V. Sacraméntum regis abs-
côndere bonum est. **R.** Opera
áutem Dei reveláre honori-
ficum.

Ad Magnif. Ant. Dedit mi-
hi Dóminus linguam mercé-
dem meam : et in ipsa lau-
dábo eum.

Oratio ut ad Laudes. 284*.

AD MATUTINUM

Invit. Regem Mártýrum
Dóminum, * Veníte, adoré-
mus.

Ps. Venite, exsultémus. 2.

Hymnus.

IN profúnda noctis umbra
Et gravi caligine

Lustrat ædem flamma mun-
da,

Sic jubente Nûmine.

Nocte nascitur Joánnes,

Astra cælo dévolant :

Nocte mérgitur Joánnes,

Astra funus ápparant.

Hinc cor ejus igne flagrans

Fortis urit caritas :

Hinc ab ejus ore manans

Mira prodit suávitás.

Nunc amóre cor bonórum

Ad salútem pértrahit :

Nunc timóre cor malórum

A gehénna rétrahit.

Páuperes solátur ære,

Derelictis súbvenit :

Non sinit justos jacére :

Damna famæ præpedit.

Per Joánnis sanctitátem,

O beáta Trínitas,

Méntibus da puritátem,

Corde regnet caritas.

Amen.

IN I. NOCTURNO

Ant. Erit lumen Israël in
igne; et sanctus ejus in flam-
ma.

Pss. trium Noct. de Comm.
unius Mart. 25*.

Ant. Sanávit Dóminus púe-
rum, et réddidit illum patri
ejus.

Ant. Puer áutem erat mi-
nister in conspéctu Dómini
ante fáciem sacerdotis.

V. Sacraméntum regis abs-
côndere bonum est. **R.** Opera
áutem Dei reveláre honori-
ficum.

De libro Ecclesiástici.

Lectio j. Cap. 21. c

STULTUS a fenestra respi-
ciet in domum : vir áutem

eruditus foris stabit. Stulti-
tia hóminis auscultáre per
óstium : et prudens gravá-
bitur contumélia. Lábia im-
prudéntium stulta narrá-
bunt : verba áutem prudén-
tium statéra ponderabúntur.
In ore fatuórum cor illórum :
et in corde sapiéntium os
illórum. Dum maledicit im-
pius diábolum, maledicit
ipse ánimam suam. Susúrro
coinquinábit ánimam suam,
et in ómnibus odiétur : et
qui cum eo mánserit, odió-
sus erit : táctus et sensátus
honorábitur.

R. Metuébat rex Joánnem,
* Sciens eum virum justum
et sanctum. **V.** Et custodié-
bat eum, et audito eo multa
faciébat, et libénter eum au-
diébat. Sciens.

Lectio ij. Cap. 28. c

FLAGÉLLI plaga livórem fa-
cit : plaga áutem linguæ
commínuet ossa. Multi ceci-
derunt in ore gládi, sed
non sic quasi qui interiérunt
per linguam suam. Beátus
qui tectus est a lingua ne-
quam, qui in iracúndiam
illius non transivit, et qui
non attráxit jugum illius, et
in vinculis ejus non est li-
gátus : jugum enim illius,
jugum férreum est : et vin-
culum illius, vínculum æ-
reum est. Mors illius, mors
nequissima : et útilis pótius
inférnus quam illa.

R. Lex veritátis fuit in ore
ejus, et iniquitas non est in-
vénta in lábiis ejus : in pace

et in æquitate ambulavit mecum : * Et multos avértit ab iniquitate. *Ÿ.* Lábia enim sacerdotis custódient sciéntiam, et legem requirunt ex ore ejus. Et.

Lectio iij.

PERSEVERÁNTIA illius non permanébit, sed obtinébit vias injustórum : et in flamma sua non combúret justos. Qui relinquunt Deum, incident in illam, et exardébit in illis, et non exstinguétur, et immittétur in illos quasi leo, et quasi pardus lædet illos. Sepi áures tuas spinis, linguam nequam noli audire, et ori tuo fácito óstia, et seras. Aurum tuum et argentum tuum confla, et verbis tuis fácito statéram, et frenos ori tuo rectos : et atténde ne forte labáris in lingua, et cadas in conspéctu inimicórum insidiántium tibi, et sit casus tuus insanábilis in mortem.

R. Sepívi áures meas spinis, * Et ori meo feci óstia et seras. *Ÿ.* Beátus qui lingua sua non est lapsus, et qui non servívit indignis se. Et. Glória Patri. Et.

IN II. NOCTURNO

Ant. Non quæsívit a Dómino ducátum, neque a rege cáthedram honóris.

Ant. Loquébar de testimoniis tuis in conspéctu regum, et non confundébar.

Ant. Amplius non vidébitis faciém meam vos, per

quos transívi prædicans regnum Dei.

Ÿ. Pone Dómine custódiam ori meo. *R.* Et óstium circumstántiæ lábiis meis.

Lect. ut in præcedenti Officio ejusdem Sancti. 278.*

R. iv. Instans oratióni et ministério verbi, hortabátur omnes in propósito cordis permanére in Dómino : * Quia erat vir bonus, et plenus Spíritu sancto. *Ÿ.* Et apponebátur multa turba Dómino. Quia erat.

R. v. Dispérsit, dedit pauperibus : * Justitia ejus manet in sáculum sáculi. *Ÿ.* Beátus qui intélligit super egénium et páuperem. Justitia ejus.

R. vj. Ego scio quóniam intrábunt post discessiónem meam lupi rapáces in vos, non parcéntes gregi : * Propter quod vigiláte. *Ÿ.* Et ex vobis ipsis exsúrgent viri loquéntes perversa, ut abdúcant discipulos post se. Propter. Glória Patri. Propter.

IN III. NOCTURNO

Ant. Igne me examinásti, et non est invénta in me iniquitas.

Ant. Aquæ multæ non potuérunt exstinguere caritátem, nec flúmina óbruunt illam.

Ant. Transívi per ignem et aquam : et eduxisti me in refrigerium.

Ÿ. Dixi : Custódiam vias meas. *R.* Ut non delinquam in lingua mea.

Lectio sancti Evangelii secundum Matthæum.

Lectio vij. Cap. 11.

IN illo tempore : Cum audisset Joannes in vinculis opera Christi, mittens duos de discipulis suis, ait illi : Tu es qui venturus es, an alium expectamus? Et reliqua.

Homilia sancti Gregorii Papæ.

In Evang. Homil. 6.

DISSISS Joannis discipulis, quid de eodem Joanne turbis dicat, audiâmus. Quid existis in desertum videre? arundinem vento agitâtam? Quod videlicet non asserendo, sed negando intulit. Arundinem quippe mox ut âura contigerit, in partem alteram inflectit. Et quid per arundinem nisi carnalis ânimus designatur? Qui mox ut favore vel detractiône tangitur, statim in partem quamlibet inclinatur. Si enim ab humano ore âura favoris flaverit, hilarescit et extollitur : sed si inde ventus detractiônis eruperit, unde âura laudis veniebat, mox hunc quasi in partem alteram ad vim furoris inclinat.

R. Cum corriperebatur ab illo de omnibus malis quæ fecit rex, adjecit et hoc : Et inclûsit Joannem in carcere.

V. Laboro usque ad vincula, quasi male operans : sed verbum Dei non est alligatum. Et.

Lectio viij.

SED arundo agitâta vento Joannes non erat : quia hunc nec blandum grâtiâ, nec cujûslibet detractiônis ira âsperum faciebat : nec próspera hunc erigere, nec advêrsa nôverant inclinâre. Arundo ergo vento agitâta non erat, quam ab status sui rectitudinem nulla rerum varietas inflectebat. Discâmus ergo, fratres carissimi, arundinem vento agitâtam non esse : solidemus ânimum inter âuras linguarum positum : stet inflexibilis status mentis. Nulla nos detractio ad iram provocet, atque ad remissionem inútilis grâtiæ nullus favor inclinet. Non nos próspera élevant, non advêrsa pertúrbent : ut qui in soliditate fidei figimur, nequâquam rerum transeuntium mobilitate moveâmur.

R. Réddidit Deus justo mercédem laborum suorum, et deduxit illum in via mirabili : * Et fuit illi in velamento diéi, et in luce stellarum per noctem. **V.** Transvexit illum per aquam nimiam ; inimicos autem illius demersit. Et. Glória Patri. Et.

Lectio ix.

ADHUC autem de ejus expressiône subjungitur : Sed quid existis videre in deserto? hominem mollibus vestitum? Ecce qui mollibus vestiuntur, in domibus regum sunt. Camelorum enim pilis, ut scitis, vestitus Joân-

nes fuisse describitur. Et quid est dicere : Ecce qui mollibus vestiuntur, in domibus regum sunt : nisi aperta sententia demonstrare, quia non cælesti sed terreno regi militant ii, qui pro Deo perpeti aspera fugiunt, et solis exterioribus dediti, præsentis vitæ mollitiem et delectationem quærunt.

Te Deum laudamus. 16.

AD LAUDES

ET PER HORAS

Ant. 1. Interrogabat eum * rex multis sermonibus : at ipse nihil illi respondebat.

Ps. Dominus regnavit. 16.

2. Rex dixit : * Ne abscondas a me verbum, quod te interrogo. Dixi : Secretum meum mihi, secretum meum mihi.

3. Affirmabat rex* se divitem et beatum facturum. Non obedio præcepto regis, sed præcepto legis, quæ data est nobis.

4. Tunc rex, accensus ira,* in hunc super omnes crudelius desæviit.

5. Beatus * qui lingua sua non est lapsus, et qui non servivit indignis se.

Capitulum. Eccli. 21. d

LÁBIA imprudentium stulta narrabunt : verba autem prudentium statèr ponderabuntur. In ore fatuorum cor illorum : et in corde sapientium os illorum.

Hymnus.

Vix in sepulcro conditur,
Signis Joannes proditur,

Per cratium repágula
Intermicant miracula.

Hic ejus hostes illico
Pudóre mœsti público,
Ultrice dextra Núminis,
Pœnas repêndunt criminis.

Hic damna rerum flentibus,
Famæve conquerentibus,
Abducta res revértitur,
Ablata fama redditur.

Hic corpus ægritudines,
Tempus vicissitudines,
Periculum securitas,
Mortem fugit mortalitas.

Hic viva lingua Mártiris,
Sed muta voce sanguinis
Clamans, ut Abel, improbat,
Regique crimen exprobrat.

Unius o da Trinitas,
Triúmque simplex Unitas,
Ut qui Joánni supplicant,
Id impetrent, quod flágitant.
Amen.

V. Pósui ori meo custodiam. **R.** Cum consisteret peccátor adversum me.

Ad Bened. Ant. Quicumque glorificáverit me, glorificábo eum : qui autem contemnunt me, erunt ignóbiles.

Oratio.

DEUS, qui ob invictum beati Joánnis sacramentale siléntium nova Ecclesiám tuam martýrii coróná decorásti : da, ut ejus exemplo et intercessióne, ori nostro custodiam ponentes, beátis, qui lingua non sunt lapsi, annumerémur. Per.

AD TERTIAM

Ant. Rex dicit.

Capit. Lábia imprudentium. *ut supra.*

R. br. Sacraméntum regis

* Abscôndere bonum est. Sacraméntum. **V.** Opera áutem Dei reveláre honoríficum. Abscôndere. Glória Patri. Sacraméntum.

V. Pone Dómine custódiam ori meo. **R.** Et óstium circumstántiæ lábiis meis.

AD SEXTAM

Ant. Affirmábat rex.

Capitulum. Eccli. 28. d

SEPI áures tuas spinis, linguam nequam noli audire, et ori tuo fácito óstia, et seras.

R. br. Pone Dómine * Custódiam ori meo. Pone. **V.** Et óstium circumstántiæ lábiis meis. Custódiam. Glória Patri. Pone.

V. Dixi : Custódiam vias meas. **R.** Ut non delinquam in lingua mea.

AD NONAM

Ant. Beátus.

Capitulum. Eccli. 28. d

AURUM tuum et argéntum tuum confla, et verbis tuis fácito statéram, et frenos ori tuo rectos : et atténde ne forte labáris in lingua.

R. br. Dixi : * Custódiam vias meas. Dixi. **V.** Ut non delinquam in lingua mea. Custódiam. Glória. Dixi.

V. Pósui ori meo custódiam. **R.** Cum consisteret peccátor advérsus me.

IN II. VESPERIS

Ant. et Capit. de Laud.

Psalmus ut in I. Vesperis, et loco ultimi, Ps. Crédidi. 35*.

Hymnus.

JAM faces lictor ferat, et minántem

Jam ferox ensem, ravidúm-
que tortis

Vínculis ferrum, sacra ni sa-
cérdos

Abdita pandat.

Séntiet vires, animæque
magnæ

Pródigum pectus : violéntus
ira

Non quatit recti sólida tená-
cem

Mente satélles.

En ruit præceps tumulá-
tus unda

Martyr, et fluctu plácido si-
léntem

Náufragus linguam meliórís
ævi

Servat in usum.

At superjéctæ fácili natán-
tes

Amne discúrrunt, rutilánt-
que circa

Mártyrem flammæ : bene ge-
sta pláudens

Ornat Olýmpus.

Ornat et linguam, rósei
instar ignis,

Vívidam servans, et adhuc
rubéntem,

Indicat, quænam fúerit ta-
céntis

Grátia linguæ.

Sit decus Patri, genitæque
Proli,

Spíritum láudent, ab utrô-
que puris

Qui calet flammis, sine fine
psallens

Orbis utérque. Amen.

V. Pósui ori meo custó-

diam. *R.* Cum consisteret peccátor advérsus me.

Ad Magnif. Ant. In conspéctu poténtium admirábilis ero, et fácies principum mirabúntur me : tacéntem me sustinébunt, et loquéntem me respicient.

DIE XXI

S. FELICIS A CANTALICIO
CONFESSORIS

Semiduplex.

Omnia de Comm. Conf.
non Pont. 76*, præter seq.
(m. t. v.)

Oratio.

FAC nos, Dómine Jesu, in simplicitáte et innocéntia cordis nostri ambuláre : quarum amóre de sinu Matris inter beáti Felicis Confessóris tui bráchia descendísti : Qui vivis.

Commem. S. Bernardini
Senensis Conf. ut in Breviar.

IN I. NOCTURNO

Lect. de Script. occur.

IN II. NOCTURNO

Lectio iv.

FELIX a Cantalicio in Sabínis, humilibus sed piis paréntibus natus, a púero pascéndis grégibus, mox et agro coléndo addictus, multo impénsius rerum cælestium meditatióne ánimum nutrire, et corpus assiduis vigiliis ac jejúniis domáre cœpit, eremiticam agens vitam pótius quam rústicam. Ferventióre áutem in Deum pietáte incénsus, cum non posset quotidie, ut optábat,

sácris mystériis interéssé, grege ad loca solitária compúlso, ipse ante crucem árborum corticibus incísam diu oráre, seque ácritér flagelláre consuéverat; sed et aliquándó glebas in agro vérttere, simúlque Sacris in templo adéssé visus est. Alias inter arándum furéntibus, quos júnxerat, indómitis juvécis, humi stratus, et arátro superdúcto plane proscindéndus, laceráta dumtáxat veste, surréxit illæsus. Quo periculo, ut ad tutiórem reguláris disciplínæ palæstram vocánti jam pridem Deo paréret, admónitus, rústica supelléctili paupéribus distribui jussa, ad fratres Minóres, quos Capuccinos vocant, própere se cóntulit.

R. Honéstum fecit. 82*.

Lectio v.

ADHUC tyro, necdum vota solémnia proféssus, religiósæ perfectiónis ápicem jam attigísse videbátur. Obediéntiæ sédulus cultor, ad præcipiéntis non modo verbum, sed étiam nutum præsto erat; seque cœnóbii júméntum dictitans, vilíssima quæque ministéria semper arripuit, ac ludíbria et contumélias hílari vultu excipiébat. Paupertátis quam esset studiósus, illústri documénto Deus ipse declarávit. Ostiátim enim per vicos et platéas aléndis frátribus mendicans (quod ille munus per

annos quadraginta nudis ferre semper pedibus obivit), cum die quadam inusitato pondere se opprimi sentiret, mantica scrutatus, injectum clam nummum deprehendit : quo projecto, nec sine indignatione proculcato, alacer et levis inde abiit. Castitatem, quam usque ad obitum servavit illibatam (sanctus corpore et spiritu a Paulo quinto propterea appellatus), vigili oculorum custodia et voluntario corporis cruciatu communivit, asperissimo flagello se quotidie crucientans, ac ferreo cilicio constrictus, septem etiam Urbis basilicas identidem invisens. Jejunia ordinis inedia quandoque cumulavit. Lectus ejus doloris potius quam quietis erat : brevem quippe somnum flexis nuda super tabula genibus, ac fasce sarmentorum capiti supposito, carpebat.

℞. Amavit eum. 82*.

Lectio vj.

VITÆ austeritate sibi asper, aliis carus acceptusque, sanctis præsertim Carolo et Philippo Nerio, simplicitate atque innocentia semper fuit. In oratione pernoctans, dulcissimam frequenter extasim est passus : et aliquando in ulnis suis reclinatum a Virgine Matre puerum Jesum suavissime complēcti meruit. Prophetiæ gratia et miraculorum clarus, demortuum etiam filium matri

vivum restituit. Méritis tandem in bona senectute cumulatus, secunda (ut prædixerat) feria Pentecostes, ad cælestem patriam, Deipara invitante, lætus abiit. Ejus corpus in ecclesia sui ordinis summa Urbis veneratione colitur, Domino crebris miraculis servi sui sanctitatem illustrante, quem propterea Urbanus Papa octavus beatorum, Clemens vero undecimus sanctorum fastis descripsit.

℞. Iste homo perfecit. 83*.

IN III. NOCTURNO

Lectio sancti Evangelii secundum Matthæum.

Lectio vij. Cap. 11. d

IN illo tempore : Respondens Jesus, dixit : Confiteor tibi Pater, Domine cæli et terræ, quia abscondisti hæc a sapientibus et prudentibus, et revelasti ea parvulis. Et reliqua.

Homilia sancti Augustini
Episcopi.

Serm. 9. de verb. Dom.,
n. 70.

OMNIA sæva et immânia, prorsus facilia et prope nulla efficit amor. Quanto ergo certius ac facilius ad veram beatitudinem caritas facit, quod ad miseriam, quantum potuit, cupiditas fecit ! Quam facile toleratur quælibet adversitas temporalis, ut æterna pœna vitetur, et æterna requies comparatur ! Non immerito ille vas electionis cum ingenti

lætitia dixit : Non sunt condignæ passiones hujus temporis ad superventuram gloriam quæ revelabitur in nobis. Ecce unde illud jugum suave est, et sarcina levis; et si angusta est paucis eligentibus, facilis tamen omnibus diligentibus. Dixit Psalmista : Propter verba labiorum tuorum ego custodi vias duras.

℟. Iste est qui. 85*.

Lectio viij.

SED quæ dura sunt laborantibus, eisdem ipsis mitescunt amantibus. Propter quod ita divinæ pietatis dispensatione actum est, ut interior homo, qui renovatur de die in diem, non adhuc sub lege positus, sed jam sub gratia exoneratus sarcinis innumerabilium observationum, quod erat revera grave jugum, sed duræ cervici convenienter impositum, facilitate simplicis fidei, et bonæ spei, et sanctæ caritatis, quidquid molestiarum exteriori homini forinsecus intulisset ille princeps, qui missus est foras, interiori gaudio fieret leve.

℟. Sint lumbi. 85*.

Lectio ix.

NIHIL enim tam facile bonæ voluntati est, quam ipsa sibi, et hæc sufficit Deo. Quantumlibet ergo sæviat iste mundus, verissime Angeli, nato in carne Domino, clamaverunt : Gloria in excelsis Deo, et in terra

pax hominibus bonæ voluntatis. Quia ejus qui natus erat, suave jugum est, et sarcina levis. Et sicut dicit Apostolus : Fidelis Deus, qui nos non sinit tentari supra id quod possumus ferre, sed facit cum tentatione etiam exitum, ut possimus sustinere.

Te Deum laudamus. 16.

DIE XXIII

S. JOANNIS BAPTISTÆ DE ROSSI

CONFESSORIS

Duplex.

Omnia de Comm. Conf. non Pont. 76*, præter seq.

Oratio.

DEUS, qui sanctum Joannem Baptistam Confessorem tuum in evangelizandis pauperibus caritate et patientia decorasti : concede quæsumus; ut cujus pia merita veneramur, virtutum quoque imitemur exempla. Per Dominum.

IN I. NOCTURNO

Lect. de Script. occur.

IN II. NOCTURNO

Lectio iv.

JOANNES Baptista de Rossi Veituri in Liguria honesto genere ortus, adhuc puer morum suavitate ac pietatis studio in omnium admiratione fuit. Trédecim annos natus visus est Dei consilio Romam mitti, ut apostoli munus in ea expleret. Inter ephébos Collégii Romani Societatis Jesu adlectus, ingenio et virtute præ-

lúxit. Curábat impénse, ut ii Mariáno sodalitió frequén-tes adéssent, in nosocomiis ægris ministrárent, honestá-que animórum recreatióne retraheréntur a nóxiis; in-terim cæléstia sermónibus pertráctans segnióres exci- tábat, ac proinde Apóstoli agnómen adéptus est. Ob ásperam córporis castigatió- nem gravi morbo corréptus, ab usitáta sibi studiórum se- veritáte aliquántum remit-tere coáctus fuit : quod divinitus factum aiébat, ne sciéntia inflátus sua pótius quæreret, quam quæ Jesu Christi. Clericáli militiæ ad- scriptus sacris disciplinis in sancti Thomæ collégio ópe- ram dedit, ac in virtúte pro- ficiens, dein ingénti ánimí voluptáte sacerdotio est áu- ctus. Ita Dóminum in here- ditátem sibi constituit, ut nullum, ne oblátum quidem, ecclesiásticum benefici- um acceptánda, nisi obediéntia adigerétur, singulári voto se obstrínxerit.

¶ Honéstum fecit. 82*.

Lectio v.

DE spirituáli proximórum salúte jam ab adolescén- tia sollicitus, sacérdos factus in id totum se devóvit. Ec- clesiásticos viros, sacras vir- gines, oppidános, cárcere deténtos, ímam plebem uni- vérsam mira suavitate, verbi ministério ad virtútis amó- rem inflammábat. Plures quotidie horas rudiórum

confessióibus excipiéndis impéndens, ægrótis áderat vel in dómibus vel in vale- tudináriis, præsertim phthi- sicis, quos sui véluti juris esse affirmábat. Hac illac per urbem álacer ádvólans, innúmeris opéribus præsto erat : at assiduus in sanctæ Gallæ hospitio versabátur, ut páuperes, quos carissimos hábuit, omni ope juváret. Ob id a décimo quinto ætá- tis anno adjúctus sacerdot- um cœtui, qui eisdem evan- gelizádo addicti sunt, ibi apostolátus sui ratióne di- dicit, ipsiúsque societátis ópera instaurávit et áuxit. Eádém misericórdia motus egenórum ómnium necessi- tátibus sublevándis módi- cam suam substántiam im- péndit. Perénnes áutem in- fatigábilis sui zeli fructus reliquit, satéllitum, vagó- rum, rúdiúm institutióne, catechéses ad sancte Pascha celebrándum, certam custó- diam perditárum, noctúque per Urbem vagántium mu- lierum hospitium, præcípue vero stúdiúm lucrándi áni- mas in clero excitátum.

¶ Amávit eum. 82*.

Lectio vj.

CARITÁTIS in Deum ardor ex ejus ore emicábat, dum sacris operabátur, nec sine lácrymis de ejus bonitate lo- qui póterat. In collégium canonicórum basilicæ san- ctæ Mariæ in Cósmedin ex obediéntia cooptátus, inter

psalléndum extrasensus rapi videbátur. In sacris cæremoniis diligentíssimus, domus Dei decórem promóvit, et in id suas opes libénter erogábat. Amórem erga Deíparam in álios effundébat, ejúsque cultum in sua ecclé-sia fovit, áddito étiam psalmódiaé quotidiáno láudum præcónio. Philippi Nérii spírítu ímbui studens, et in omnes cælités pius, Apostolórum Principum obséquium augéndum curávit. In oratióne omníque virtútum exercitatióne assíduus, supérnis quoque charismátibus donátus, tandem in hospítio, cui nomen a sanctíssima Trinitáte, quo se redúxerat in sacerdotum convictum, labóribus fractus ad vitæ éxitum addúctus est, atque Ecclésiæ sacraméntis reféctus, caritátis ópera et páuperum curam comméndans, decéssit in ósculo Dómini, die vigésima tértia Maii, anno Christi millésimo septingentésimo sexagésimo quarto, ætátis suæ sexagésimo sexto. Insigne ádeo sacerdotális virtútis exémpplar miráculis Deus illustráre dignátus est, quibus rite probátis, Summus Póntifex Pius nonus tértio Idus Maii anno millésimo octingentésimo sexagésimo cælitum beatórum honóribus áuxit : novisque fulgéntem signis Leo decímus tértius sexto Idus Decémbris anno millésimo

octingentésimo octogésimo primo in sanctórum albo recensuit.

R. Iste homo. 83*.

IN III. NOCTURNO

Homil. in Evang. Sint lumbi. de eodem Comm. 1^o loco. 85*.

DIE XXIV

B. MARIE VIRGINIS

SUB TITULO

AUXILIUM CHRISTIANORUM

Duplex majus.

Omnia ut in Fest. B. M. V. 145*, præter seq.

IN I. VESPERIS

Hymnus.

SÆPE dum Christi pópulus
cruéntis
Hostis infénsi premerétur ar-
mis,
Venit adjútrix pia Virgo cælo
Lapsa seréno.
Prisca sic Patrum monu-
ménta narrant,
Templa testántur spóliis opi-
mis
Clara, votívo repetita cultu
Festa quotánnis.
En novi grates liceat Ma-
riæ
Cántici lætis módulis reférre
Pro novis donis, resonánte
pláusu
Urbis et Orbis.
Oh dies felix, memoránda
fastis,
Qua Petri Sedes fidei magi-
strum
Triste post lustrum réducem
beáta
Sorte recépit!

Virgines castæ, puerique
puri,
Géstiens clerus, populúsque
grato

Corde Reginæ celebrâre cæli
Mûnera certent.

Virginum Virgo, benedicta
Jesu

Mater, hæc áuge bona; fac,
precámur,

Ut gregem Pastor Pius ad
salútis

Pásqua ducat.

Te per ætérnos veneré-
mur annos,

Trinitas, summo celebránda
pláusu :

Te fide mentes, resonóque
linguæ

Cármine láudent. Amen.

v. Dignâre me laudâre te
Virgo sacrâta. *18.* Da mihi
virtútem contra hostes tuos.

Ad Magnif. Ant. Ecce Ma-
ría erat spes nostra, ad
quam confúgimus in auxí-
lium, ut liberáret nos, et
venit in adjutórium nobis.

Orat. ut infra ad Laud. 295*.

AD MATUTINUM

Invit. Sancta María, Dei
Génitrix Virgo, * Intercéde
pro nobis.

Ps. Venite, exultémus. 2.

Hymn. Sæpe. *ut supra.*

IN I. NOCTURNO

Leet. Ego sapiéntia. 149*.

IN II. NOCTURNO

Sermo sancti Bernárdi
Abbátis.

Ex Sermone de 12 Stellis.

Lectio iv.

VEHEMÉNTER quidem no-
bis, dilectissimi, vir

unus et mûlier una nocuere :
sed grátias Deo, per unum
nihilóminus virum et mu-
lierem unam ómnia restau-
rántur, nec sine magno fœ-
nore gratiárum. Et quidem
sufficere póterat Christus :
síquidem et nunc omnis suf-
ficiéntia nostra ex eo est :
sed nobis bonum non erat
esse hóminem solum. Cón-
gruum magis ut adéssset
nostræ reparatióni sexus
utérque. Jam itaque nec ipsa
mûlier benedicta in mulié-
ribus vidébitur otíosa : in-
veniétur équidem locus ejus
in hac reconciliatióne. Opus
est enim mediatóre ad me-
diatórem Christum : nec al-
ter nobis utilior quam María.
Crudélis nímium mediátrix
Heva, per quam serpens an-
tíquus pestíferum étiam ipsi
viro virus infúdit : sed fidé-
lis María, quæ salútis anti-
dotum et viris et muliéribus
propinávit. Illa enim miní-
stra seductiόνis, hæc pro-
pitiatiόνis ; illa suggéssit
prævaricatióne, hæc in-
géssit redemptiόνem. Quid
ad Mariam accédere trépidet
humána fragilitas ? Nihil au-
stérum in ea, nihil terribile ;
tota suávis est, ómnibus óf-
ferens lac et lanam. Revólve
diligéntius evangélicæ histó-
riæ sériem univérsum : et si
quid forte increpatórium, si
quid durum, si quod déni-
que signum vel levis indi-
gnatiόνis occurrerit in Ma-
ría, de cætero suspéctam

hábeas, et accédere vereáris.

℞. Sicut cedrus. 153*.

Lectio v.

QUOD si, ut vere sunt, plena magis ómnia pietátis et grátiae, plena mansuetúdinis et misericórdiae, quæ ad eam pértinent, invéneris, age grátias ei, qui talem mediatricem benignissima miseratióne providit, in qua nihil possit esse suspéctum. Dénique ómnibus ómnia facta est; sapiéntibus et insipiéntibus copiosissima caritate debitrice se fecit. Omnibus misericórdiae sinum áperit, ut de plenitudine ejus accipiant univérsi, captivus redemptionem, æger curationem, tristis consolationem, peccátor véniam, justus grátiam, Angelus lætitiám. Ipsa prætéríta non discutit mérita; sed ómnibus sese exorábilem, ómnibus clementissimam præbet, ómnium dénique necessitates amplissimo quodam miseratur afféctu. Ipsa est quondam a Deo promissa múlíer serpéntis antiqui caput virtútis pede contritúra; cujus plane calcáneo in multis versútiis insidiátus est, sed sine cáusa. Sola enim contrivit univérsum hæreticam pravitatem. Contriti sunt insidiántes, conculcati supplantatóres, confutati derogatóres, et beátam eam dicunt omnes generatiónes. Jam si Ecclésia lunæ intelli-

genda vidétur vocábulo, habes mediatricem evidénter expressam: Múlíer, inquit, amicta sole, et luna sub pédibus ejus. Amplectámur Mariæ vestigia, et devotissima supplicatióne beátis illius pédibus provolvámur. Teneámus eam, nec dimittámus, donec benedixerit nobis: potens est enim.

℞. Quæ est ista. 153*.

Ex publicis Monumentis.

Lectio vj.

PRÆSENTÍSSIMUM Deiparæ auxilium ad religiónis hostes profligándos sæpe pópulus christiánus mirum in modum expértus est: ex quo factum, ut sanctissimus Póntifex Pius quintus post insignem victóriam, intercedente beatissima Virgine, a Christiánis de Turcárum tyránno apud Echínadas insulas reportátam, in litaníis Lauretánis eámdem Reginam cælórum inter ália præcónia Auxilium Christianórum appellári constitúerit. Sed illud in primis memorábile est, atque exploráti miráculi loco habéndum, quod cum Románus Póntifex Pius séptimus, impiórum consiliis et armis ex Apostólica Petri Sede exturbátus, et arcta custódia, præsertim Savónæ per annos quinque eoque ámplius fuisset detentus, viis ómnibus pénitus interclúsus, ne Dei Ecclésiam régere posset, nullo similis persecutiónis in priscis an-

nálibus exémplo, inopináto et præter ómnium expectatiónem cóntigit, ut ingénti pláusu, ac véluti univérsi orbis mánibus pontificio sólio restituerétur. Quod et secúndo áccidit, dum iterum commóto túrbine, ab Urbe discédens, sacro comitánte Cardinálium collégio, Ligúriam conténdit. Verum præsentíssimo Dei beneficio, cessánte procélla, quæ grave minabátur excídium, Romam, plaudéntibus præ novo gáudio pópulis, revérsus est. Antea tamen, quod in votis habúerat, et captivitáte deténtus éxsequi nequiverat, áurea coróna insignem Savónæ imáginem Deiparæ Virgini sub título Matris Misericórdiæ solémni ritu propriisque mánibus decorávit. Quam miráblem rerum vicissitúdinem idem Póntifex Máximus Pius séptimus, totius evéntus íntime cónciscius, cum intercessióne sanctíssimæ Dei Genitricis, cuius poténtem opem, et ipse impénse imploráverat, et ab ómnibus Christi fidélibus implorári curáverat, acceptam mérito reférret, in ejúsdem Virgini Matris honórem, sub appellatióne Auxilii Christianórum, solémne festum indíxit perpétuo celebrándum die mensis Maii vigésimo quarto, faustissimi sui in Urbem réditus anniversário, approbáto étiam Officio próprio, ut tanti be-

neficii distincta et perénis exstet memória, et gratiárum áctio.

℞. Ornátam. 153*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 11. d

IN illo témpore : Loquente Jesu ad turbas, extóllens vocem quædam múlíer de turba, dixit illi : Beátus venter, qui te portávit. Et reliqua.

Homilia sancti Bernárdi Abbátis.

In Nativitate B. M. V.

INTUERE o homo consilium Dei, agnósce consilium sapiéntiæ, consilium pietátis. Cælésti rore áream rigatúrus, totum vellus prius infúdit; redemptúrus humánum genus, prétium unívérsum cóntulit in Mariám. Altius ergo intuémíni, quanto devotiónis afféctu a nobis eam volúerit honorári, qui totius boni plenitúdinem pósuit in María : ut proinde si quid spei in nobis est, si quid grátiae, si quid salútis, ab ea novérimus redundáre, quæ ascéndit deliciis áfluens. Totis ergo medúllis córdium, totis præcordiórum afféctibus, et votis ómnibus Mariám hanc venerémur, quia sic est volúntas ejus qui totum nos habére voluit per Mariám. Hæc, inquam, volúntas ejus est, sed pro nobis.

℞. Felix namque es, sacra Virgo María, et omni láude

dignissima : * Quia ex te ortus est sol justitiæ, Christus Deus noster. ¶ Ora pro pópulo, intérvieni pro clero, intercède pro devóto femineo sexu : séntiant omnes tuum juvámén, quicúmque tuum sanctum implórant auxílium. Quia.

Bened. Cujus festum cólimus, ipsa Virgo virginum.

Lectio viij.

IN ómnibus siquidem et per ómnia próvidens miseris, trepidatiónem nostram solá-tur, fidem éxcitat, spem róborat, diffidéntiam ábigít, érigit pusillanimitátem. Ad Patrem verebáris accédere; solo auditu térritus, ad fólia fugiébas : Jesum tibi dedit mediatórem. Quid non apud talem Patrem Filius talis obtíneat? Exaudiétur útique pro reveréntia sua; Pater enim diligit Filium. Sed fór-sitan et in ipso majestátem vereáre divínam, quod licet factus sit homo, mánserit tamen Deus. Advocatúm habére vis et ad ipsum? Ad Mariám recúrre. Pura siquidem humánitas in María, non modo pura ab omni contaminatióne, sed et pura singularitáte natúræ. Nec dúbius dixerim, exaudiétur et ipsa pro reveréntia sua. Exáudiet útique Matrem Filius, et exáudiet Filium Pater.

¶ Beátam me. 156*.

Lectio ix.

FILÍOLI, hæc peccatórum scala, hæc mea máxima

fidúcia est, hæc tota rátio spei meæ. Quid enim? Pó-téstne Filius aut repéllere, aut sustinére repúlsam? Non audire, aut non audiri Filius póttest? Néutrum plane. Invenísti, ait Angelus, grátiam apud Deum : feliciter. Semper hæc invéniet grátiam, et sola est grátia qua egé-mus : nimirum sola est grá-tia qua salvámur. Quid nos ália concupiscimus, fratres? Quærámus grátiam, et per Mariám quærámus, quia quod quærit invenit, et frustrári non potest. Quærámus grátiam, sed grátiam apud Deum : nam apud hómines grátia fallax. Quærant álii méritum; nos invenire grá-tiam studeámus. Quid enim? Non grátia est quod hic sumus? Profécto misericórdia Dómini est, quod non sumus consúmpti nos.

Te Deum laudámus. 16.

AD LAUDES

Hymnus.

TE Redemptóris Domini-
que nostri
Dicimus Matrem, speciósá
Virgo,
Christianórum decus, et le-
vámén
Rebus in arctis.
Sæviant portæ licet infe-
rórurum,
Hostis antiquus fremat, et
mináces,
Ut Deo sacrum populétur
agmen,
Súscitet iras.

Nil truces possunt fúriæ
nocére

Méntibus castis, prece quas
vocáta

Annuens Virgo foveat, et su-
pérno

Róbore firmat.

Tanta si nobis fáveat Pa-
tróna,

Béllici cessat scéleris tumúl-
tus,

Mille sternúntur, fugiúntve
turmæ,

Mille cohórtes.

Tollit ut sancta caput in
Sióne

Turris, arx firmo fabricáta
muro,

Cívitas David, clýpeis et
acri

Milite tuta.

Virgo sic fortis Dómini
poténti

Déxtera, cæli cumuláta do-
nis,

A piis longe fámulis repéllit
Dæmonis ictus.

Te per ætérnos veneré-
mur annos,

Trínitás, summo celebránda
pláusu :

Te fide mentes resonóque
linguæ

Cármine láudent. Amen.

✠. Diffúsa est grátia in lá-
biis tuis. ✠. Proptérea bene-
dixit te Deus in ætérnum.

Ad Bened. Ant. Ad te, o
sancta Dei Génitrix, clamá-
vimus, et per te venit Dó-
mini auxílium nobis.

Oratio.

OMNÍPOTENS et miséricors
Deus, qui ad defensió-

nem pópuli christiáni in
beatíssima Virgine María
perpétuum auxílium mirabi-
liter constituísti : concéde
propítius ; ut tali præsidio
muniti, certántes in vita,
victóriam de hoste maligno
cónsequi valeámus in morte.
Per Dóminum.

IN II. VESPERIS

Omnia ut in I. Vesp. 290*.

Ad Magnif. Ant. Sancta
María succúrre miseris, juva
pusillánimes, réfove flébiles,
ora pro pópulo, intérvieni
pro clero, intercède pro
devóto femíneo sexu : sèn-
tiant omnes tuum juvámen,
quicúmque tuum sanctum
implórant auxílium.

DIE XXX

S. FERDINANDI III.

CASTELLÆ ET LEGIONIS REG.
CONF.

Semiduplex.

Omnia de Comm. Conf.
non Pont. 76*, præter seq.

Oratio.

DEUS, qui beáto Confessóri
tuo Ferdinándó præliári
prælia tua, et fidei inimicos
superáre dedísti : concéde ;
ut ejus nos intercessióne
muniti, ab hóstibus mentis
et córporis liberémur. Per
Dóminum.

Commém. sancti Felicis
Papæ et Mart. Ant. Iste san-
ctus. V. Glória. Orat. Infir-
mitátem. 24*.

IN I. NOCTURNO

Lect. de Script. occur.

IN II. NOCTURNO

Lectio iv.

FERDINÁNDUS tértius, Castéllæ et Legiónis rex, cui Sancti cognoméntum jam inde a quátuor sǎculis ecclesiasticórum et sǎculárium consénsus dedére, tantum prudéntiæ adoléscens adhuc spécimen præbuit, ut Berengária mater, Castéllæ regina, a qua persáncte educátus fúerat, abdicátum a se regnum in filium transtúlerit. In eo, adjúctis regni curis, régiæ virtútes emicuére, magnanimitas, cleméntia, justitia, et præ cǎteris cathólicæ fidei zelus, ejúsque religiósi cultus tuéndi ac propagándi ardens stúdiúm. Id præstitit in primis hæréticos insectándo, quos núl- libi regnórum suórum consistere passus, própriis ipse mánibus ligna comburéndis damnátis ad rogam advehébat. Præstitit insuper in erigéndis, dotándis et consecrándis christiáno ritu Cordubénsi, Giennénsi, Hispalénsi, et aliárum úrbium ecclésiis, Máurico ereptárum jugo, simúlque in instaurándis primáriis templis Tolotáno, Burgénsi, et áliis, pia et régia munificéntia.

R. Honéstum fecit. 82*.

Lectio v.

INTER hæc per Castéllæ et Legiónis regnum, in quo patri Alphónso succésserat, colléctis magnis exercitibus, ánnuas expeditiões contra

Saracénos, christiáni nóminis hostes, suscepit. In quibus, ut semper vinceret, præcipui exércitus fuére preces piíssimi regis ad Deum fusæ, et quod ante pugnam, ut sibi Deum propitiáret, flagris in se sæviébat, atque áspero cilicio muniébat corpus : sicque insignes contra ingéntes Maurórum ácies victórias reportávit, et plures urbes christiáno cúltoi imperióque restituit; et conquisitis Giénnii, Córdubæ et Múrciæ regnis, ac Granaténsi vectigáli facto, ad expugnándam Hispalim primá- riam Bóeticæ urbem, hortánte in visióne (ut tráditum est) beáto Isidóro, olim illius urbis episcopo, victricia signa tránstulit. In ea obsidióne, ut fertur, præsentem divínam opem hábuit : nam férream caténam, quæ super Bóetim transversim exténsa Mahometánis pro repágulo erat, coórto validióri vento, una ex návibus régiis, regis jussu eo deláta, tanto impetu fregit, ut, lóngius prætervécta, pontem quoque ligneum et simul spes Maurórum obrúperit, et ad deditiõem coégerit.

R. Amávit eum. 82*.

Lectio vj.

TOT victórias beátæ Virgini Mariæ patrocínio ferébat accéptas, cujus imáginem secum in castris habens, peculiári cultu prosequebátur. Capta Hispali,

prima religi6nis cura fuit; nam templum Maur6rum expi6tum, et Christian6rum dedic6tum sacris, insigni archiepiscop6tu, et honestissimo canonic6rum et dignitat6um coll6gio, regi6 et religi6sa liberalitat6 exorn6vit. Alia deinde in urbe templa et c6n6bia er6xit: inter qu6 piet6tis officia, dum trajicere in Africam parat, Mahomet6num in ea imp6rium evers6rus, ad c6lestem regi6m voc6tur. In extr6mo vit6 ag6ne sacram Eucharistiam pro vi6tico all6tam, fune ad collum allig6to, et

humi stratus, cum l6cymis ub6rtim fuis ad6rans, e6que dignis rever6nti6, humilit6tis et cath6lic6 fidei obtestati6nibus acc6pta, obdormivit in D6mino. Jacet ejus corpus incorruptum adhuc post qu6tuor s6cula, in templo m6ximo Hispal6nsi, honorificentissimo incl6sum sep6lcro. *R.* Iste homo. 83*.

IN III. NOCTURNO

Lect. de Homil. in Evang.
Nolite tim6re. *de Communi*
2^o loco. 90*.

Lect. ix. S. Felicis Pap6
et Mart. cum Commem. in
Laud. ut in Brev.

FERIA VI. POST OCT. SS. CORPORIS CHRISTI

SACRATISSIMI CORDIS D. N. J. C.

Duplex 1. classis.

Vesper6e dicuntur de Oct. SS. Corporis Christi sine ulla Commem. Sed si Officium SS. Cordis Jesu transferatur, tunc fiat ut sequitur.

IN I. VESPERIS

Ant. 1. De torr6nte in via bibet: propt6rea exalt6bit caput.

Ps. 109. Dixit D6minus. 124.

2. Miser6tor D6minus redemptionem misit p6pulo suo.

Ps. 110. Confitebor. 124.

3. Apud D6minum miseric6rdia, et copi6sa apud eum red6ptio.

Ps. 129. De prof6ndis. 133.

4. Super miseric6rdia tua

D6mine confitebor tibi in toto corde meo.

Psalm. 137. Confitebor... qu6niam. 138.

5. Su6vis D6minus universis, et miserationes ejus super 6mnia 6pera ejus.

Ps. 144. Exalt6bo te. 142.

Capit. Egredimini, et vid6te. *ut ad Laud.* 303*.

Hymnus.

QUICUMQUE certum qu6ritis
Rebus lev6men 6speris,
Seu culpa mordet 6nxia,
Seu p6ena vos premit comes.
Jesu, qui ut agnus innocens
Sese immol6ndum tr6didit,

Ad Cor reclusum vulnere,
Ad mite Cor accédite.

Auditis, ut suavissimis
Invitet omnes vocibus :
Venite, quos gravat labor,
Premittque pondus criminum.

Quid Corde Jesu mitius?
Jesum cruci qui affixerant
Excusat, et Patrem rogat,
Ne perdat ultor impios.

O Cor, voluptas cælitum,
Cor fida spes mortalium,
En hisce tracti vocibus,
Ad te venimus supplices.

Tu nostra terge vulnera
Ex te fluente sanguine;
Tu da novum cor omnibus,
Qui te gementes invocant.
Amen.

Ÿ. Miserator et misericors
Dominus. R. Longanimis et
multum misericors.

Ad Magnif. Ant. Miseri-
cordia Domini a progenie in
progenies timéntibus eum,
allelúia.

Orat. ut ad Laud. 304*.

AD MATUTINUM

Invit. Cor Jesu, caritatis
victimam, * Venite, adoré-
mus.

Ps. Venite, exultemus. 2.

Hymnus Quicumque. su-
pra.

IN I. NOCTURNO

Ant. Factum est cor me-
um tamquam cera liqué-
scens in medio ventris mei.

Ps. 21. Deus Deus meus
respice in me. 31.

Ant. Speravit cor meum
in Domino, et adjutus sum :
et refloruit caro mea.

Ps. 27. Ad te Domine cla-
mabo. 46.

Ant. Convertisti planctum
meum in gaudium mihi, et
circumdedisti me lætitia.

Ps. 29. Exaltabo te. 47.

Ÿ. Ego autem in Domino
gaudebo. R. Et exultabo in
Deo Jesu meo.

De Epistola beati Pauli Apó-
stoli ad Ephésios.

Lectio j. Cap. 1.

BENEDICTUS Deus et Pater
Domini nostri Jesu Christi,
qui benedixit nos in
omni benedictione spirituáli
in cælestibus in Christo,
sicut elégit nos in ipso ante
mundi constitutióem, ut
essémus sancti et immacu-
láti in conspéctu ejus in ca-
ritáte. Qui prædestinávit nos
in adoptiõem filiórum per
Jesum Christum in ipsum :
secúndum propósitum vo-
luntátis suæ, in láudem gló-
riæ grátiae suæ, in qua gra-
tificávit nos in dilécto Filio
suo. In quo habémus redem-
ptiõem per ságuinem ejus,
remissiõem peccatórum se-
cúndum divitias grátiae ejus.
Propterea non cesso grátias
agens pro vobis, memóriam
vestri fáciens in oratióibus
meis : ut Deus, Domini no-
stri Jesu Christi Pater gló-
riæ, det vobis spíritum sa-
piéntiæ et revelatióis, in
agnitióne ejus : illuminátos
óculos cordis vestri, ut sciá-
tis quæ sit spes vocatióis
ejus, et quæ divitiæ glóriæ
hereditátis ejus in sanctis.

R. Gratificávit nos Deus in dilécto Filio suo : * In quo habémus redemptiónem per ságuinem ejus, remissiónem peccatórum. **V.** Det nobis Dóminus illuminátos óculos cordis nostri, in agnitíone ejus. In quo.

Lectio ij. Cap. 2.

DEUS áutem, qui dives est in misericórdia, propter nímiā caritátem suā, qua diléxit nos, et cum essémus mórtui peccátis, convivificávit nos in Christo, (cujus grátia estis salváti) et conresuscitávit, et consedére fecit in cæléstibus in Christo Jesu : ut osténderet in sæculis superveniéntibus abundántes divitias grátiae suæ, in bonitáte super nos in Christo Jesu. Ipse enim est pax nostra, qui fecit útraque unum, et médium pārietem maceriae solvens, inimicitias in carne sua : legem mandatórum decréti evācuans, ut duos condat in semetípso in unum novum hóminem, fáciens pacem, et reconciliet ambos in uno corpore, Deo per crucem, interficiens inimicitias in semetípso. Et véniens evangelizávit pacem vobis, qui longe fuistis, et pacem iis, qui prope. Quóniam per ipsum habémus accéssum ambo in uno Spiritu ad Patrem.

R. Propter nímiā caritátem suā, qua diléxit nos Deus, osténdit abundántes

divitias grátiae suæ : * In bonitáte super nos in Christo Jesu. **V.** Ipse enim est pax nostra, per quem habémus accéssum ad Patrem. In.

Lectio iij. Cap. 3. c

HUJUS rei grátia flecto gēnua mea ad Patrem Dómini nostri Jesu Christi, ex quo omnis patérnitas in cælis, et in terra nominátur, ut det vobis secúndum divitias glóriæ suæ, virtúte corroborári per Spiritum ejus in interiorem hóminem, Christum habitáre per fidem in córdibus vestris : in caritáte radicáti, et fundáti, ut possitis comprehendere cum ómnibus sanctis, quæ sit latitúdo, et longitúdo, et sublimitas, et profúndum : scire étiam supereminéntem sciéntiæ caritátem Christi, ut impleámini in omnem plenitúdinem Dei. Ei áutem, qui potens est ómnia fácere superabundánter quam pétimus, aut intelligimus, secúndum virtútem, quæ operátur in nobis : ipsi glória in Ecclésia, et in Christo Jesu in omnes generatiónes sæculi sæculórum. Amen.

R. Det nobis Dóminus virtúte corroborári per Spiritum ejus in interiorem hóminem : * Christum habitáre per fidem in córdibus nostris. **V.** Ut in caritáte radicáti, et fundáti comprehendámus supereminéntem sciéntiæ caritátem Christi. Christum. Glória. Christum,

IN II. NOCTURNO

Ant. Gustáte et vidéte quóniam suávis est Dóminus : beátus vir qui sperat in eo.

Ps. 33. Benedicam. 50.

Ant. Propter veritátem, et mansuetúdinem, et justitiam, inténde, prospere procéde, et regna.

Ps. 41. Eructávit. 64.

Ant. Judicábit pópulum in justitia, et páuperes in iudicio.

Ps. 71. Deus iudicium. 84.

V. Mihi áutem adhærere Deo bonum est. **R.** Pónere in Dómino Deo spem meam.

Sermo sancti Bernárdi Abbátis.

Ex Serm. 3. de Passione.

Lectio iv.

QUIA semel vénimus ad Cor dulcíssimum Jesu, et bonum est nos hic esse, ne sinámus nos fácte avélli ab eo, de quo scriptum est : Recedéntes a te in terra scribéntur. Quid áutem accedéntes? Tu ipse doces nos. Tu dixisti accedéntibus ad te : Gaudéte : quia nómina vestra scripta sunt in cælo. Accedámus ergo ad te, et exsultábimus, et lætábimur in te, mémores Cordis tui. O quam bonum et quam jucúndum habitáre in Corde hoc ! Quin pótius dabo ómnia, omnes cogitatiónes et afféctus mentis commutábo, jactans omne cogitatum meum in Cor Dómini Jesu, et sine fallácia illud me enútriet.

R. Introduxit me Rex in cellária sua : ordinávit in me caritátem. * Fulcíte me flóribus, stipáte me malis, quia amóre lángueo. **V.** Sub umbra illius quem desideráveram, sedi, et fructus ejus dulcis gútturi meo. Fulcíte.

Lectio v.

AD hoc templum, ad hæc Sancta sanctórum, ad hanc arcam testaménti adorábo, et laudábo nomen Dómini, dicens cum David : Invéni cor meum, ut orem Deum meum. Et ego invéni Cor regis, fratris, et amici benígni Jesu. Et numquid non adorábo? Hoc igitur Corde tuo, et meo, dulcissime Jesu, invénto, orábo te Deum meum : admitte tantum in sacrárium exauditiónis tuæ preces meas : imo me totum trahe in Cor tuum. O ómnium pulchritúde speciosíssime Jesu : ámplius lava me ab iniquitáte mea, et a peccáto meo munda me : ut purificátus per te, ad te puríssimum possim accédere, et in Corde tuo ómnibus diébus vitæ meæ mérear habitáre, et ut vidére simul et fácere tuam váleam voluntátem !

R. Hauriétis aquas in gáudio de fóntibus Salvatóris, et dicétis in die illa : * Confitémini Dómino, et invocáte nomen ejus. **V.** Ecce Deus Salvátor meus : fiduciáliter agam, et non timébo. Confitémini Dómino.

Lectio vj.

Ad hoc enim perforatum est latus tuum, ut nobis patéscat intróitus. Ad hoc vulneratum est Cor tuum, ut in illo, et in te ab exterióribus perturbatióibus absolúti habitáre possimus. Nihilóminus et proptérea vulneratum est, ut per vulnus visibile vulnus amoris invisibile videámus. Quómodo hic ardor mélius osténdi potest, nisi quod non solum corpus, verum étiam ipsum Cor lancea vulnerári permísit? Carnále ergo vulnus, vulnus spirituále osténdit. Quis illud Cor tam vulneratum non diligat? Quis tam amans non rédamet? Quis tam castum non amplectá-tur? Nos igitur adhuc in córpore manéntes, quantum póssumus, amémus, red-amémus, amplectámur vulneratum nostrum, cujus impij agricolæ fodérunt manus et pedes, latus et Cor : stemúsque, ut cor nostrum, durum adhuc et impénitens, amoris sui vínculo constrín-gere, et jáculo vulneráre dignétur. Quam caritátem Christi patiéntis, et pro gé-neris humáni redemptiône moriéntis, atque in suæ mor-tis commemoratióem insti-tuéntis sacraméntum córpo-ris et sánguinis sui, ut fidéles sub sanctíssimi Cordis sým-bolo devótiús ac fervéntius récolant, ejusdémque fru-ctus ubérius percípiant, Cle-

mens décimus tértius ipsius sacratíssimi Cordis festum nonnúllis Ecclésiis celebráre concéssit, Pius nonus ad uni-vérsam exténdit Ecclésiám, ac dénique Summus Póntifex Leo décimus tértius, orbis cathólici votis obsecúndans, ad ritum dúpliciis primæ classis evéxit.

R. Auferam cor lapideum de carne vestra, et dabo vobis cor cárneum : *Et spi-ritum meum ponam in médio vestri. **V.** Effúndam super vos aquam vivam, et mun-dabimini ab ómnibus inqui-naméntis vestris. Et. Glória Patri. Et.

IN III. NOCTURNO

Ant. Misericórdiam et ve-ritátem diligit Deus : grátiam et glóriam dabit Dóminus.

Ps. 83. Quam dilécta. 98.

Ant. Dóminus dabit beni-gnitátem : loquétur pacem in plebem suam.

Ps. 84. Benedixisti. 98.

Ant. Suávis et mitis es Dómine, et multæ miseri-córdiæ ómnibus invocánti-bus te.

Ps. 85. Inclína Dñe. 99.

V. Misericórdia Dómini ab ætérno. **R.** Et usque in ætér-num super timéntes eum.

Léctio sancti Evangélii se-cúndum Joánnem.

Lectio vij. Cap. 15. b

In illo témpore : Dixit Jesus discipulis suis : Sicut di-léxit me Pater, et ego diléxi vos. Manéte in dilectiône mea. Et réliqua.

Homília sancti Bernárdi
Abbátis.

Serm. 13. in Cœna Domini.

DE dilectione Dei quo plus bibo, plus sitio, et ea saturari non possum; nec ego, nec aliquis diligens Christum. Ipsa quo plus editur, plus famem exauget; et quanto plus ipsa bibitur, plus sitim inacuit: ipsam quam inhabitat mentem, sic inebriat, ut nihil jam quærat, vel diligat, nec diligere possit, nec valeat, præter eum, qui sic mundum dilexit, ut Filium suum unigenitum daret; ut omnis qui credit, et diligit illum, non moriatur, sed vivat cum eo. Ad hanc nos dilectionem auctor ipse inestimabilis caritatis invitat: in ea nos manere precatur, et rogat. Ait enim: Manete in dilectione mea; ac si aperte dicat: Quia ego ea dilectione, qua me Pater diligit, vos diligo, eadem dilectione me vos diligere rogo. Et quoniam dilectio vestra me usque ad mortem perduxit, sed nequemors crudelissima ipsa a vestra caritate me sejunxit, me diligite, et in mea dilectione manete.

R. Sicut dilexit me Pater, et ego dilexi vos: * Manete in dilectione mea. **V.** Si præcepta mea servaveritis, manebitis in dilectione mea, sicut et ego Patris mei præcepta servavi, et maneo in ejus dilectione. Manete.

Lectio viij.

SED qualiter in ejus dilectione manere debeamus, sequitur, et dicit: Si præcepta mea servaveritis, manebitis in mea dilectione, sicut et ego Patris mei præcepta servavi, et maneo in ejus dilectione. Hæc opera, fratres mei, sunt causa dilectionis Christi: unusquisque vestrum videat, si Dominum Jesum diligere debeat. Quid pro nobis facere debuit, et non fecit? Quomodo nos plus amare potuit, et non amavit? Majorem in nobis dilectionem non potuit habere, quam habuit, quia animam suam in mortem pro nobis posuit. Ipsa beata Veritas testis est, quod majorem caritatem nemo habet, quam ut animam suam ponat quis pro amicis suis. Non ergo nobis vilescat, fratres mei, ipsa dilectio Christi, qui dilexit nos, et lavit nos a peccatis nostris in sanguine suo: non vobis vilescat, fratres mei, non vobis amarescat ipse amor Christi, ipsa caritas Christi.

R. Christus pro nobis animam suam posuit, * Et lavit nos a peccatis nostris in sanguine suo. **V.** Majorem caritatem nemo habet, ut animam suam ponat quis pro amicis suis. Et. Glória Patri. Et.

Lectio ix.

AMOR Christi totus dulcis, totus delectabilis: suum

possessórem non crúciat, sed deléctat : non enérvat, sed róborat : cuncta terréna subsánnat, sola cæléstia captat; Christi mandáta requirit, et ea pro viribus observáre conténdit; et de observatióne præceptórum gressu felici provéhitur ad perceptiódinem gaudiórum, ut cum illo jam perfécte gáudeat, pro cujus desidério in hac valle lacrymárum pósitus tam amáre frequénter suspirábat. Unde recte séquitur : Hæc locútus sum vobis, ut gáudium meum in vobis sit, et gáudium vestrum impleátur; ac si diceret : Ideo præcipio vobis, et móneo vos mea observáre præcépta, et manére in dilectiódine mea, ut gáudium meum in vobis sit, et gáudium vestrum de me adimpleátur : ut hábeam de vobis per mútuam caritátem, quam mihi impénditis, unde possim gaudére : et illud gáudium, quod in retributiódine præmiórum electi sunt perceptúri, percipere et possidére possitis.

Te Deum laudámus. 16.

AD LAUDES

ET PER HORAS

Ant. 1. Discite a me* quia mitis sum et húmilis corde, et inveniétis réquiem animabus vestris.

Ps. Dóminus regnávít. 16.

2. Suávis est Dóminus, * et in ætérnum misericórdia ejus.

3. Sitívit in te * ánima

mea : quia mélior est misericórdia tua super vitas.

1. Sancti et húmiles corde * benedicite Dómino : laudáte et superexaltáte eum in sæcula.

5. Beneplácitum est * Dómino in pópulo suo : et exaltábit mansuétos in salútem.

Capitulum. Cant. 3.

EGRE DÍMINI, et vidéte filiæ Sion regem Salomónem in diadémate, quo coronávit illum mater sua in die desponsatiónis ejus, et in die lætitiæ cordis ejus.

Hymnus.

SUMMI Paréntis Filio,
Patri futúri sæculi,
Pacis beátæ Principi,
Promámus ore cánticum.

Qui vulnerátus pectore
Amóris ictum pértulit,
Amóris urens ignibus
Ipsam qui amántem diligunt.

Jesu dolóris víctima,
Quis te innocéntem cómpul-
sit,

Dura ut apértum láncea
Latus patéret vúlneri?

O fons amóris ínclýte!
O vena aquárum límpida!
O flamma adúrens crimina!
O Cordis ardens caritas!

In Corde Jesu júgiter
Recónde nos, ut úberi
Dono fruámur grátia,
Cælique tandem præmiis.

Semper Parénti, et Filio
Sit laus, honor, sit glória
Sancto simul Paráclito
In sæculórum sæcula. Amen.

V. Misericórdia Dómini

ab ætérno. *R.* Et usque in ætérnum super timéntes eum.

Ad Bened. Ant. Per viscera misericórdiæ suæ visitávit nos Deus, et fecit redemptiõnem pópuli sui, allelúia.

Oratio.

FAC nos, Dómine Jesu, sanctíssimi Cordis tui virtútibus indui, et afféctibus inflammári : ut et imágini bonitátis tuæ confórmes, et tuæ redemptiõnis mereámur esse partícipes : Qui vivis et regnas.

AD PRIMAM

In R. br. V. Per quem salváti et liberáti sumus.

AD TERTIAM

Ant. Suávis est Dóminus.

Capit. Egredimini. 303*.

R. br. Misericórdia tua Dómine * Plena est terra. Misericórdia. *V.* Justificatiões tuas doce me. Plena. Glória Patri. Misericórdia.

V. Secúndum misericórdiam tuam vivífica me Dómine. *R.* Et custódiam testimónia oris tui.

AD SEXTAM

Ant. Sitívit in te.

Capitulum. Cant. 8. b

PONE me ut signáculum super cor tuum, ut signáculum super bráchium tuum : quia fortis est ut mors diléctio.

R. br. Secúndum misericórdiam tuam * Vivífica me Dómine. Secúndum. *V.* Et custódiam testimónia oris tui. Vivífica. Glória Patri. Secúndum.

V. Fac cum servo tuo secúndum misericórdiam tuam. *R.* Et justificatiões tuas doce me.

AD NONAM

Ant. Beneplácitum est.

Capitulum. Ps. 68. c

IMPROPÉRIUM expectávit cor meum, et misériam. Et sustinui qui simul contristarétur, et non fuit : et qui consolarétur, et non invéni.

R. br. Fac cum servo tuo * Secúndum misericórdiam tuam. Fac. *V.* Et justificatiões tuas doce me. Secúndum. Glória Patri. Fac cum.

V. Véniat super me misericórdia tua Dómine. *R.* Salutare tuum secúndum elóquium tuum.

IN II. VESPERIS

Omnia ut in I. Vesp., præter

V. Misericórdia Dómini a progénie in progénies. *R.* Timéntibus eum.

Ad Magnif. Ant. Suscépit nos Dóminus in sinum et Cor suum, recordátus misericórdiæ suæ, allelúia.

FESTA JUNII

DIE II

BEATÆ MARIÆ ANNÆ A JESU

DE PAREDES VIRG.

Duplex.

Omnia de Comm. Virg.

95*, præter seq.

Oratio.

DEUS, qui inter sæculi
étiam illécebras beátam
Mariam Annam, ut lílium
inter spinas, virgináli casti-
táte, et jugi pœniténtia flo-
rêscere voluisti : præsta,
quæsumus; ut ejus méritis
et intercessióne retrahámur
a vitiis et perfectióra secté-
mur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

MARÍA Anna a Jesu de Pa-
rédes, Quiti in Ameri-
ca meridionali claro génere
nata, ab ipsa pene infántia
perfectam vivéndi ratióne
iniit. Mirábilis in ea morum
intégritas et candor, ardens
in Deum pietas, constans
erga immaculátam Dei Geni-
tricem cultus et observántia,
assíduum precándi stúdi-
um. Vix décimum ætátis annum
ingréssa se totam Deo arctis-
sime obstrinxit, tribus emis-
sis perpétuæ castitátis, pau-
pertátis et obediéntiæ votis,
quæ ad óbítum usque sancte
servávit. Cum láudes audiret
trium e Societáte Jesu Márti-
rum, qui in Japóniæ regno

pro christiána fide sângui-
nem profudissent, inusitáto
quodam divinæ glóriæ pro-
pagandæ ardóre succénsa,
clam se ad iter accinxit, ut
apud bárbaras gentes lumen
veritátis inférret. Verum cum
initum éxsequi consilium
minime potuisset, divinæ ac-
quiescens voluntáti própria
in domo sibi recéssum pa-
râre constituit, ubi procul ab
humánis curis uni Deo con-
junctissimè viveret.

R. Propter veritatem. 104*.

Lectio v.

ITAQUE in partem suarum
lædium interiorem se re-
cepit, nec inde umquam pro-
dibat in públicum, nisi vel
cáritas erga próximos, vel
pietátis officia expléndâ ur-
gérent. In eo autem secéssu,
tamquam in erêmo, antiquis
severiorum patrum extrémis
innovátis, innocentissimum
corpus mirum in modum
continenter vexávit. Caput
corónâ spineâ, pectus et lá-
tera rigénti cilicio, pedes
lapillis, omnesque artus fla-
gellis, et férreis caténis ac
inauditis quibúsdam ártibus,
quas Christi Dómini amor
suggerébat, semel atque ite-
rum diu noctúque cruentá-
bat. Ad majorem sui afflictá-
tióne lectulo ex asséribus,
vel cruce acutissimis spi-
nis intertérta utebátur, cibo
ádeo ténui, ut octávo, quan-

dóque étiam décimo quoque die vix única áridi panis única vescerétur. Erga omnes tamen comis et affábilis, ánimos étiam perditórum hóminum sibi demerebátur, quos ex omni órđine a vitiórum fœditáte ad vitæ honestátem, suis consiliis et précibus tradúxit.

℟. Dilexisti justítiam. 104*.

Lectio vj.

HIS aliisque áuctam virtútibus Deus fámulam suam multis præclarisque munéribus illustrávit. Assiduæ rerum divinárum contemplatióni dedita, dies noctesque pene integras in Dei amore quiescébat; nec defuérent qui eam sublimem a terra, ánimo a sénsibus avocáto, et vultu cælésti luce radiánte ab se visam confirmárent. Prophetiæ et scrutatiónis córdium dono insignis, non solum futúra et abséntia prænuntiávit, sed ánimos hóminum, cogitationes et máculas introspéxit. Nec minor in morbis depelléndis vis éxstitit. Multis enim extrémó morbo laborántibus, aut crucis signo, aut aquæ sacræ aspersione desperátam córporis sanitátem restituit; et mórtuam féminam suis précibus in vitam revocávit. Ita erga omnes caritáte affécta, vitam dénique ipsam, dum atra lues grassarétur, pro civium incolumitáte Deo óbtulit, et morbo corrépta placidis-

simo éxitu migrávit ad Sponsum, anno millésimo sexcentésimo quadragésimo quinto, ætátis suæ sexto et vigésimo. Statim post óbitum ex ejus ságuine concrétó candidíssimum lílium pródiit, ex quo ipsa Quiténsis lílii nomen obtinuit. Fama áutem sanctitátis longe latéque diffúsa, et a Deo plúribus signis confirmáta, Pius nonus Póntifex Máximus puríssimam virginem solémni cæremónia sacris beatórum fastis adscripsit.

℟. Afferéntur Regi. 104*.

IN III. NOCTURNO

Homil. in Evang. Símile erit. de eodem Comm. 106*.

DIE IX

B. M. V. MATRIS GRATIARUM

Duplex majus.

Omnia ut in Festis B. M. V. per annum. 145*, præter seq.

In utrisque Vesperis.

℣. Ave María, grátia plena.

℟. Dóminus tecum.

Ad Magnif. Ant. O beáta Virgo María: tu véniæ vena, tu grátia Mater, tu spes mundi, exáudi filios tuos clamántes ad te.

Oratio.

DEUS, qui humáno géneri beátæ Mariæ virginitáte fœcúnda reparatiónis grátiam contulisti: concéde; ut quam grátia Matrem appellámus in terris, ejus felici consórtio perénriter perfruámur in cælis. Per Dóminum.

Deinde fit Comm. SS. Pri-
mi et Feliciani, ut in Bre-
viario.

IN I. NOCTURNO

Lect. Ego sapiéntia. 149*.

IN II. NOCTURNO

Sermo sancti Thomæ
Episcopi.

Conc. 1. de Annunt.

Lectio iv.

ADMIRÁNDAM omníque vir-
túte præstántem Geni-
tricem Dei Mariam pro mei
ingénii exiguitáte toto ánimi
desidério laudáre deside-
rans, nullum fere in Sacris
Litteris pótui reperire præ-
cónium, quod ad litteram
ejus nobis glóriam excellen-
tíamque demónstret. Nam
etsi de illa per prophétas
plúrima mýstice dicta, fácta-
que passim legántur, unde
possit virtútis ejus magni-
túdo constáre, in evangélicis
tamen, aut apostólicis scri-
ptis rarus de illa sermo, et
multo rárior laus invenitur;
quamvis, ut verum fátear,
non ita siléntio trádicta sit,
ut in eórum dictis virtútum
ejus cláritas tenuíssimo rá-
dio véluti per quasdam ver-
bórum rimulas, non eniteat.
Sed unde magis ejus glóriam,
virtútes, dotésque ánimi po-
térimus auspicári, quam ex
illo mirífico ejus et Angeli
collóquio? In quo præter
hoc, quod angélico elóquio
grátia pleníssima et ómnium
feminárum prima mérito
prædicáture, ex gestis ejus
et dictis multa nimis præ-

coniórum ejus silva emi-
cuit.

¶ Sicut cedrus. 153*.

Lectio v.

INGRÉSSUS Angelus ovánter,
salutávit reverénter : Ave,
inquit, grátia plena : Dómi-
nus tecum : plena grátia,
implénda Deitáte, obum-
bránda virtúte ; grátia plena,
de cujus plenitúdine acci-
piunt univérsti, de cujus
abundántia totus repléndus
est orbis. Et vere plena, in
cujus ánimo nullus peccáto
relictus est locus, nullus ini-
quitáti pátuít accéssus. Dó-
minus tecum. Et quómodo
tecum? non útique sicut
mecum, sed sicut núllibi :
tecum in córpore, tecum in
mente, tecum in ánimo,
tecum in consílio, tecum in
útero, tecum in auxílio, te-
cum in ortu, tecum in éxitu,
tecum in fine, tecum sine
fine.

¶ Quæ est ista. 153*.

Lectio vj.

Conc. 2. de Annunt.

CELÉSTI ergo legatióne au-
dita, sic fatur ad Ange-
lum : Ecce ancilla Dómini :
fiat mihi secúndum verbum
tuum. Grandi ergo mystério,
altissimóque Deitátis instin-
ctu conceptúra Deum, sui
méminit ancillátus, ut orién-
tem a se filium mundi obsé-
quio mancipáret. Fiat mihi,
ait, secúndum verbum tuum :
et ad verbum ejus, statim
in útero incarnátum est Ver-
bum. O fiat potens, o fiat

éfficax, o fiat super omne fiat, perpétuo honóre venerándum! Hoc verbo fiat factus est mundus. Hoc verbo cæléstia terrestriæque Altíssimus cóndidit : sed tale fiat non sónuit in orbe, quale tu nunc beáta dixisti. Quid enim factum est? quis dicere potest quid factum est? Natúra stupet, iudicium hæret, hebescit sensus, lingua mutescit, rátio déficit, intelléctus non capit quod factum est in María cum hoc prótulit verbum : Fiat mihi secúndum verbum tuum.

℟. Ornátam. 153*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 1. c

IN illo témpore : Missus est Gábriel Angelus a Deo in civitátem Galilææ, cui nomen Názareth, ad Virginem desponsátam viro, cui nomen erat Joseph de domo David : et nomen Virginis Maria. Et réliqua.

Homília sancti Augustini
Epíscopi.

Serm. 291. in Nat. S. Joannis Baptistæ.

ANGELUS vero idem ipse ad Mariám Virginem : Ave, inquit, grátia plena : Dóminus tecum; jam tecum est, qui erit in te. Dic mihi ergo, núntie Dei, quómodo fiet istud? Vide Angelum sciéntem, illam quæréntem, non diffidéntem. Quia ergo vidit eam quæréntem, non diffi-

déntem, non se negávit instruéntem. Audi quómodo : erit virginitas tua, tu tantum crede veritátem, serva virginitátem, áccipe integritátem. Quóniam integra est fides tua, intácta erit et intégritas tua. Dénique áudi, quómodo fiet istud : Spiritus sanctus supervéniet in te, et virtus Altíssimi obumbrábit tibi, quia fide cóncipis, quia credéndo in útero, non concumbéndo habébis : proptér ea quod nascétur de te Sanctum vocábitur Filius Dei. Quid es, quæ póstea paritúra es? unde meruisti? unde hoc accepisti? unde fiet in te, qui fecit te? unde, inquam, tibi hoc tantum bonum? Virgo es, sancta es, votum vovisti; sed multum, quod meruisti, imo vero multum, quod accepisti.

℟. Sub tuum præsidium confúgimus, clementíssima Virgo, súscipe nos, única spes nostra, et nostris delectáre láudibus, * Quibus indigni omni te láude digníssimam collaudámus. v. Aufer a nobis iniquitátes nostras, ut digni canámus tibi glóriæ melos. Quibus.

Lectio viij.

NAM unde hoc meruisti? Fit in te, qui fecit te; fit in te, per quem facta es; imo vero per quem factum est cælum et terra, per quem facta sunt ómnia, fit in te Verbum Dei caro, accipiéndó carnem, non amitténdo

divinitatem. Et Verbum jungitur carni, et Verbum copulatur carni, et hujus tanti conjugii thalamus uterus tuus, et hujus, inquam, tanti conjugii, id est Verbi et carnis thalamus uterus tuus : unde ipse Sponsus procedit de thalamo suo. Invenit te Virginem conceptus, dimittit Virginem natus. Dat fecunditatem, non tollit integritatem. Unde tibi hoc? Proterve Virginem videor interrogare, et quasi importune aures verecundas ista mea voce pulsare. Sed video Virginem verecundantem, et tamen respondentem, meque admonentem. Quæris a me, unde mihi hoc? Verecundor tibi respondere bonum meum : Angeli audi ipsius salutationem, et in me agnosce tuam salutem. Crede cui credidi. Unde mihi hoc quæris? Angelus respondeat. Dic mihi Angele, unde Mariæ hoc? Jam dixi, cum salutavi : Ave gratia plena.

R. Porta cæli et stella maris es Virgo Maria, Regis æterni Mater, gratos nos redde Filio tuo, * Quia omnis virtus, et decor, et gloria ex te resplendet. **V.** Tu veniæ vena, tu gratiæ Mater, tu spes mundi, exaudi nos clamantes ad te. Quia omnis. Gloria Patri. Quia omnis.

Lectio ix. de SS. Primo et Feliciano Mart., ut in Brev. eadem die, et ex duabus Lect. fit una.

Si hoc Officium transferri contingat, Lectio ix. erit seq.
Lectio ix.

Serm. 290. de Sanctis.

MARÍA vero quando e contra ait, quomodo fiet istud, quoniam virum non cognosco, inquirendo dixit, non desperando. Dum interrogavit, non de promissione dubitavit. O vere gratia plena! Sic est enim ab Angelo salutata : Ave gratia plena. Quis hanc explicet gratiam? quis huic gratiæ gratias agendo sufficiat? Fit homo, et per liberum arbitrium perit homo, et invenitur homo factus, qui fecit, ne periret quem fecit. In principio Verbum Deus apud Deum, per quod omnia facta sunt, fit caro : Verbum caro factum est, et habitavit in nobis. Caro fit Verbum, sed caro accedit ad Verbum, non perit in carne Verbum. O gratia! ut hoc haberemus, quid digni eramus?

Te Deum laudamus. 17.

In Laud. fit Commem. SS. Primi et Feliciani, ut in Brev.

DIE XV

SANCTÆ GERMANÆ COUSIN VIRG.

Duplex.

Omnia de Comm. Virg.
95*. præter seq.

Oratio.

DEUS, humilium celsitudo, qui beatam Germanam Virginem tuam caritatis et patientiæ decore excellere disposuisti : ejus meritis et

intercessióne concéde; ut crucem júgiter feréntes, te semper diligere valeámus. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

GERMÁNA Cousin Píbraci, quod óppidum est Tolosánæ diocécisis, húmili loco nata, ab ipsa pene infántia grávibus ærúmnis fuit obnóxia. Cum enim manca esset, et strumis infécta, statim post óbitum matris in novércæ ódium incidit, ejúsque ópera de patérna domo ejécta et custodiéndis grégibus addicta, solo pane et aqua victitans, et super stramen aut áridos pálmities in ipsa pécdum cáula somnum carpens, vitam in summa egestáte rerúmque ómnium inópia tolerávit. Hæc et ália, quibus quotidie premebátur, frigoris, æstus et imbrium incómmoda, quin étiam domesticórum convícia et insectatiónes, forti semper ánimo, et ore ad hilaritátem compósito, non solum patientíssime tulit, sed majóra pati excogitávit, ut confórmis fieret imáginí Filii Dei, quem únice toto cordis afféctu diléxit.

R. Propter veritátem. 104.*

Lectio v.

SIVE enim gregem ad páscua, sive in arvis stámina e colo dúceret, mente et cogitatióne in Deum de-

fíxa, assíduas fundébat preces, et pósito humi génibus ante crucis signum, ardentíssimi amóris æstus rerum cæléstium contemplatióne temperábat. Quotidie templum adíre, sacrificio Missæ interésse, et singulis diébus festis se divínæ mensæ pábulo reficere in more hábuit. Deiparam Virgínem singulári religióne cóluit, eique frequéntia exhibuit obséquii et pietátis officia. Caritáte erga omnes affécta, púeros et puéllas cristiánæ fidei mystériis erudire, eorúmque ánimos ad virtútem et rectam vivéndi ratióne informáre, egéntium inópia subveníre consuévít, detrácto étiam sibi panis frústulo, quo únice vescebátur. Castitátis vero et innocentia laudem tantam promérui, ut ad mortem usque illibátam serváverit.

R. Dilexísti justitiam. 104.*

Lectio vj.

HANC fámulæ suæ occúltam sanctitátem Deus, éditis e cælo signis, mirabíliter declarávit. Nam et flúviū aquis exundántem, dum Píbracénse templum péteret, Germána fixo gradu sápius transívit, et panem paupéribus erogándum, ut novércam latéret, hibérno témpore in flores convértit. Virtútibus et prodigiis illustráta, ad cæléstis Agni núptias tandem inopináto éxitu emigrávit, annum agens secúndum supra vigésimum. Mor-

táles Virginis exúviæ, anno quadragésimo et ultra postquam e vita decésserat, incorrúptæ et integræ, recentibúsque conspérsæ flóribus repértæ sunt. Huic prodigio ália multa, per annos ferme ducéntos, divína virtúte ad tímulum júgiter patrátá, mirácula accessérunt, quæ innocentis puéllæ famam et nomen longe latéque propagáruñt. Quibus permótus Pius nonus Póñtífex Máximus, virtútibus et miráculis rite probátis, eámdem beatárum Virgínium fastis primum adscripsit. Subínde vero novis fulgéntem prodigiis idem Póñtífex anno millésimo octíngentésimo sexagésimo séptimo, ea ipsa die qua sæculária Apostolórum Principum solénnia agebántur, sanctórum albo accénsuit.

R. Afferéntur Regi. 104*.

IN III. NOCTURNO

Homil. in Evang. Simile est regnum. de Comm. non Virg. 116, cum R. de Comuni Virg. 107*.*

DIE XVI

S. JOANNIS FRANCISCI REGIS

CONFESSORIS

Duplex.

Omnia de Comm. Conf. non Pont. 76, præter seq. (m. t. v.)*

Oratio.

DEUS, qui ad plúrimos pro salúte animárum perfe-réndos labóres beátum Joánnem Francíscum Confessó-

rem tuum mirábili caritáte et invícta patiéntia decorásti : concéde propítius ; ut ejus exémplic instrúcti, et intercessiónibus adjúti, ætérnæ vitæ præmia consequámur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

JOÁNNES Francíscus Regis, nóbili génere natus, in oppidulo Narbonénsis Gál-liæ cui nomen Fonscoopér-tus, eximiæ sanctitátis a té-neris annis indícia præbuit. In eo jam tum eluxére mira-morum innocentia, flagrans oratiónis stúdiuñ, pudor, et modéstia singuláris. Socie-tátem Jesu ingressus Tolósæ anno ætátis décimo nono, humilitáte, obediéntia, cari-táte, ódio sui, cæterisque vitæ religiósæ virtútibus ex-célluít. Absolútis stúdiis, totum se procurándæ ani-márum salúti pénitus devó-vit. Asperos Vivariénsium, Velaunórum et Forénsium montes, et ingéntes Helvió-rum tractus, glácie nivibús-que fere perpétuis hórridos, eorúmque colónos inscítia, rusticitáte, barbárie intractá-biles suscepít excoléndos, eo succéssu, ut innumerábiles hómines, aut Calviniana lue inféctos, aut pérditis móri-bus corrúptos, ad cathóli-cam fidem et ad christiánam pietátem tradúxerit.

R. Honéstum fecit. 82*.

Lectio v.

CAMPÉSTRIBUS missiónibus hiberno témpore perfúntus, æstivo revertébatur Anícium, ibíque in nosocomíis et in carcéribus, in privátis ædibus, in cómpitis ac templis omne hóminum genus, ómnibus ómnia factus, sublevábat. Páuperum greges corrogátis úndique subsidiis, præsertim cum sæviret fames, multiplicáto étiam non semel per miráculum fruménto, sustentábat, unde illi Patris páuperum cognómen inditum fuit. In flagitiósis homínibus, et pérditis præsertim muliérculis, e vitiórum cœno educédis, vix credibile est quot probra ludibriaque pertúlerit, erécto semper et álacri vultu impertérritus, licet gládiis júgulo sæpe admóti, álapis ori impáctis, et fústibus corpore. Grassánte peste, infirmos eo morbo laborántes sédulo invisens, ardénti reficiébat caritáte. Erga álios blandus ac benéficus, in se ipsum sæviébat acérime, ásperis ciliciis, férreis caténis, cruéntis flagellatió nibus, somnum bréviter in nuda tábula aut humi carpens, semper abstémius, vilissimóque semper victitans cibo, et ádeo ténui, ut arcéndæ morti pótius, quam sustentándæ vitæ sufficeret.

✠. Amávit eum Dóminus.

Lectio vj.

DIVÍNO amóre sic erat incensus, ut illum unum spiráre, loqui, cogitáre viderétur. Plures noctis horas oratióni dabat, cæléstibus áfluens deliciis, et extra se sæpe raptus. Rem divinam ea ánimí attentióne, eo vultus ardóre faciébat, ut sacrum, quo effervescébat, ignem étiam in adstántes diffúnderet. Miráculis aliisque donis supernaturálibus mire cláruit. Tandem vocátus ad præmia labórum, in Vienneńsis diocécisis pago, cui nomen est Lalovescus, corréptus letháli morbo ex labóribus contrácto, cum sæviret hiems frigidíssima, cæléstibus recreátus illustratió nibus, ad æténa gáudia invitátus, spíritum Creatóri réddidit anno millésimo sexcentésimo quadragésimo, die trigésima prima Decémbris, vitæ suæ quadragésimo quarto. Ejus sepúlcrum incredibili populórum per aspérrimos montes úndique confluéntium concúrso, ob sanctitátis et miraculórum famam, quæ máxime percrebescébat, summa devotióne est frequentátum. Quibus ómnibus permótus Clemens undécimus Póntifex Máximus Joánnem Franciscum beatórum, Clemens vero duodécimus sanctórum fastissolémni ritu adscripsit, die décima sexta Júnii ejúsdem celebrándæ festivitáti

a Benedicto décimo quarto assignáta.

℞. Iste homo. 83*.

IN III. NOCTURNO

Homilia in Evang. Sint lumbi vestri. de eodem Comuni 1^o loco. 85*.

DOMINICA ANTE FEST. NATIV.

S. JOANNIS BAPTISTÆ

BEATÆ MARIÆ VIRGINIS

SUB TITULO

DE PERPETUO SUCCURSU

Duplex majus.

IN I. VESPERIS

Omnia ut in Festis B. M. V. per annum. 145*, præter seq.

Ant. et Capit. de Laud. 316*. Hymn. Avemaris. 147*.

Ÿ. Facta es nobis Dómina in refúgium. ℞. Adjútrix in opportunitátibus, in tribulatióne.

Ad Magnif. Ant. Sancta María succurre miseris, juva pusillánimes, réfove flébiles, ora pro pópulo, intérvieni pro clero, intercède pro devóto femineo sexu : sentiant omnes tuum juvamen, quicúmque célebrant tuam sanctam Festivitatem.

Oratio ut ad Laud. 316*.

Et sit Commem. Dom. occur.

AD MATUTINUM

Invit. Sancta et immaculáta María Dei Génitrix Virgo : Assidue pro nobis precáre Jesum Filium tuum.

Ps. Veníte, exsultémus. 2.

IN I. NOCTURNO

Lect. Ego sapiéntia. 149*.

IN II. NOCTURNO

Sermo sancti Joánnis Chrysóstomi.

Apud Metaphrasten.

Lectio iv.

DEI Filius non divitem, aut locuplétém áliquam féminam sibi matrem elégit, sed beátam Virginem illam, cujus ánima virtútibus ornáta erat. Cum enim beáta María supra omnem humánam natúram castitátem serváret, proptérea Christum Dóminum in ventre concépit. Ad hanc igitur sanctissimam Virginem et Dei Matrem accurréntes, ejus patrocinii utilitátem assequámur. Itaque quacúmque estis virgines, ad Matrem Dómini confúgite. Illa enim pulchérissimam, pretiosissimam et incorruptibilem possessiõem patrocínio suo vobis conservábit. Magnum revéra miraculum, fratres dilectissimi, fuit beáta semper Virgo María. Quid namque illa majus aut illústrius ullo umquam témpore invéntum est, seu aliquándo inveniri pót-erit? Hæc sola cælum ac terram amplitúdine superávit.

℞. Sicut cedrus. 153*.

Lectio v.

QUIDNAM illa sánctius? Non Prophétæ, non Apóstoli, non Mártýres, non Patriárchæ, non Angeli, non Throni, non Dominatiónes, non Séraphim, non Chérubim : non dénique áliud quidpiam inter creatas res.

visibiles aut invisibiles, majus aut excellentius inveniri potest. Eadem ancilla Dei est et mater : eadem Virgo et Génitrix. Hæc ejus mater est, qui a Patre ante omne principium génitus fuit, quem Angeli et homines agnoscunt Dóminum rerum ómnium. Visne cognoscere quanto Virgo hæc præstantior sit cælestibus Poténtiis? Illæ cum timóre et tremóre assistunt, faciém velántes suam : hæc humanum genus illi offert, quem genuit. Per hanc et peccatorum véniam conséquimur. Ave igitur mater, cælum, puëlla, virgo, thronus, Ecclesiæ nostræ decus, glória et firmaméntum, assidue pro nobis precáre Jesum Filium tuum, et Dóminum nostrum : ut per te misericórdiam invenire in die judicii, et quæ repósita sunt iis, qui diligunt Deum, bona cónsequi possimus, grátia et benignitáte Dómini nostri Jesu Christi : cum quo Patri simul et sancto Spiritui glória et honor, et impérium nunc et semper in sæcula sæculórum. Amen.

℟. Quæ est ista. 153*.

Lectio vj.

Ex publicis monumentis.

UT vero nihil gratiarum deéssent in hac dulcissima hóminum advocáta María, divíno consilio factum mérito censétur, ut ipsíus étiam imágines magno

essent in honóre, et prodigiis miraculisque claréscerent. Inter quas célebrem obtinet locum vetus illa Deiparæ imágo, quæ de Perpétuo Succúrsu nuncupátur. Hæc (ut antiqua monuménta réferunt) labénte sæculo décimo quinto e Creta insula Romam deláta, atque in ecclesia sancti Matthæi Apóstoli et Evangelistæ vico Merulána, Alexándro sexto Summo Pontifice collocáta, ibi per tria sæcula a Christianífidélibus veneratióem obtinuit. Cum áutem ob téporum vicissitúdes templum sancti Matthæi dirutum fuisset, delituit exinde præclára effigies, donec non sine speciáli Dei providéntia repérta, et ab oblivióne, in qua jacébat vindicáta, jubénte Pio nono Pontifice Máximo ibidem in Exquiliis in propínqua ecclesia sanctíssimi Redemptóris et in honórem sancti Alphónsi Mariæ de Ligório dicáta, ingénti pópuli concúrsu ac solémni pompa fuit repósita, publicóque cultui réddita anno millésimo octingentésimo sexagésimo sexto. Ex eo tépore tanta celebritáte et prodigiórum cópia incláruit, ut idem cultus paucórum annórum spátio late in univérsum christiánum orbem se diffúderit. Quibus permótus idem Summus Póntifex Pius nonus, ad augéndum erga immaculátam cæli terræque

Reginam devotiōnem, Congregatiōni sanctissimi Redemptōris Missam et Officium prōprium in honorem beatæ Virginis Mariæ de Perpetuo Succursu benigne concessit : assignata huic festivitati Dominica ante diem octavum Kalendas Jūlii, quo die veneranda imago a collegio canonicorum sacrosanctæ basilicæ Vaticanæ aurea corōna solēnni ritu fuit decorata.

℞. Ornātam. 153*.

IN III. NOCTURNO

Lectio sancti Evangēlii secundum Joānnem.

Lectio vij. Cap. 19. e

IN illo tēpore : Stabant iuxta crucem Jesu mater ejus, et soror matris ejus Maria Cléophæ, et Maria Magdaléne. Et reliqua.

Homilia sancti Bernárdi Abbátis.

Ex Tract. de Passione Domini.

DICIT matri suæ : Múlier, ecce filius tuus; ac si diceret : Tu me filio corporáliter priváris, unde tibi únicum præ cunctis diléctum in filium do, cujus præsentia interim dum absum consoléris. Ad discipulum áutem : Ecce mater tua : quasi diceret : Tu vero me patre spoliáris, unde hanc matrem mihi caríssimam tibi in matrem do; conserváte jura mútuæ caritátis ad invicem, tu istum filium, tu istam matrem habéndo. O quam

muníficus factus es in núptiis tuis, rex et sponse, bone Jesu! Quam large quæ habuisti, ómnia tradidisti! Ecce ipsis crucifixóribus tuis oratiōnis afféctum, latróni paradísium, matri filium, filio matrem, mórtuis vitam, mánibus Patris ánimam tuam, toti mundo signa poténtiæ tuæ contulisti! Sed movet me, quod cum dixisset : Múlier, ecce filius; subjúnxit : Ecce mater tua; cum útique, etiámsi hoc non subjunxisset, necessárium fuisset eam esse matrem illius, qui in filium sibi datus erat.

℞. Felix namque. 156*.

Lectio viij.

SED hoc mútuæ caritátis afféctum mihi commendáre vidétur. Sunt enim nonnulli qui ab ómnibus amári volunt, sed nullos afféctu mútuo complectúntur; et volunt ut eórum labóres et dolóres alleviéntur, et cum ferántur a plúribus, ipsi nullius ónera volunt portáre. Non hoc enim Christus dócuit, aut fecit; portávit enim ónera tua, invitans te, ut et tu ónera portes illius, id est ut passiónem illius imitéris. Christus enim passus est, relínquens nobis exémplum, ut sequámur vestigia ejus. Hoc et dócuit, cum matrem discipulo, et matri discipulum mútuo commendávit; nimirum nōlens ut caritas spirituális ex

una parte frigida remaneret ; sed ut simul dormientes, id est in vera et pura caritate simul quiescentes, mutuo calefiant, id est alter ab altero ad caritatis exercitia mutuo accendantur.

℞. Beátam me. 156*.

Lectio ix. de Homil. Dominicæ occur.

AD LAUDES

ET PER HORAS

Ant. 1. Benedicta es tu * Virgo María a Dómino Deo excélso, præ ómnibus mulieribus super terram.

Ps. Dóminus regnávít. 16.

2. Fecit tibi magna * o María, qui potens est ; et misericórdia ejus a progénie in progénie stiméntibuseum.

3. Tu glória Jerúsalem, * tu lætítia Israël, tu honorificéntia pópuli nostri.

4. Per te immaculáta Virgo * nobis est vita pérdata, quæ de cælo suscepisti prolem, et mundo genuisti Salvatórem.

5. Nostras deprecatiões * ne despicias in necessitatibus nostris, et a periculis cunctis libera nos sancta Dei Génitrix.

Capitulum. Prov. 8. c

BEÁTUS homo qui áudit me, et qui vigilat ad fores meas quotidie, et obsérvat ad postes óstii mei. Qui me invénierit, invéniet vitam, et háuriet salutem a Dómino.

Hymnus.

MARÍA, quæ mortálium Preces amánte excipis,

Rogámus ecce súpplíces, Succúrre nobis pérpetim.

Succúrre, si nos críminum

Caténa stringit hórrida ; Cito resólve cómpedes, Quæ corda culpis illigant.

Succúrre, si nos sáculi Fallax imágo péllicit ; Ne mens salútis trámitem Oblíta cæli déserat.

Succúrre, si vel córpori Advérsa sors impéndeat ; Fac sint quiéta témpora, Ætérnitas dum lúceat.

Succúrre demum filiis Instánte mortis prælio, Ut te juvánte cónsequi Perénne detur præmium.

Jesu tibi sit glória, Qui natus es de Virgine, Cum Patre et almo Spíritu, In sempitérna sácula.

Amen.

℥. Dignáre me laudáre te Virgo sacráta. ℞. Da mihi virtútem contra hostes tuos.

Ad Bened. Ant. O beáta Virgo María, tu grátiae mater, tu spes mundi : succúrre filiis tuis clamántibus ad te, allelúia.

Oratio.

OMNÍPOTENS et miséricors Deus, qui dedisti nobis beatissimæ Genitricis tuæ Imáginem de Perpétuo Succursu speciáli título venerári : concéde propitius ; ita nos inter omnes viæ et vitæ hujus varietátes continúa ejúsdem Immaculátæ semperque Virginis Mariæ protectione muniri, ut ætérnae

tuæ redemptionis præmia consequi mereamur : Qui vivis et regnas.

Et fit Commem. Dominicæ occur.

AD PRIMAM

In R̃. br. dicitur Ṽ. Qui natus es de Maria Virgine.

AD TERTIAM

Capit. Beatus homo.

*R̃. br. Spécie tua * Et pulchritudine tua. Spécie tua. Ṽ. Intende, prospere procede, et regna. Et. Glória Patri. Spécie.*

Ṽ. Adjuvabit eam Deus vultu suo. R̃. Deus in medio ejus, non commovebitur.

AD SEXTAM

Capitulum. Eccli. 24. c

EGO Mater pulchræ dilectionis, et timoris, et agnitionis, et sanctæ spei. In me grátia omnis viæ et veritatis, in me omnis spes vitæ et virtutis.

*R̃. br. Adjuvabit eam * Deus vultu suo. Adjuvabit. Ṽ. Deus in medio ejus, non commovebitur. Deus. Glória Patri. Adjuvabit.*

Ṽ. Elégit eam Deus, et praelégit eam. R̃. In tabernáculo suo habitare facit eam.

AD NONAM

Capitulum. Prov. 8. d

Et qui mane vigilant ad me, invénient me. Mecum sunt divitiæ et glória, opes superbæ et justitia : ut ditem diligentes me, et thesauros eorum répleam.

*R̃. br. Elégit eam Deus, * Et praelégit eam. Elégit. Ṽ. In tabernáculo suo habitare facit eam. Et. Glória Patri. Elégit.*

Ṽ. Diffusa est grátia in lábiis tuis. R̃. Propterea benedixit te Deus in ætérnum.

IN II. VESPERIS

Omnia ut in I., præter

Ad Magnif. Ant. Ad te confúgimus o María, vita, dulcédo et spes nostra : succurre cadénti, surgere qui curat, pópulo ; tu quæ genuisti, natúra miránte, tuum sanctum Genitórem, allelúia.

Et fit Commem. Dominicæ occur.

DIE XXV

S. GALLICANI MART.

Duplex.

Omnia de Comm. unius Mart. 24, præter seq.*

Oratio.

DEUS, qui beátum Gallicánus Mártýrem ad tui cognitionem mirabiliter perduxisti, et per eum novo Ecclesiám tuam caritátis exémplo illustráre dignátus es : concéde propítius ; ut ejusdem précibus et imitatione, promissa misericórdibus præmia consequámur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

GALLICÁNUS, vir consuláris, et triumpháli honóre

clarissimus, sua virtúte et militári glória Constantini Augústi sibi grátiam conciliávit. Magis áutem quæ Dei sunt quærens, a sanctis Joánnē et Páulo cælésti luce perfúsus, et Evangélíi doctrína eruditus, Jesu Christi fidem ore simul atque ópere profitéri cœpit. Nam cum sancto Hilarino ad Ostia Tiberína secédens, peregrinórum atque infirmórum curæ et servitúti se totum addixit; cujus rei fama toto orbe divulgáta, multi úndique illuc confluentes vidébant virum ex patritio et cónsule lavántem páuperum pedes, ponéntem mensam, aquam manibus effundéntem, languéntibus sollicite ministrántem; dénique tamquam Christo ipsi, minimis ejus, scilicet mendícis et peregrinis, officia étiam humillima exhibéntem.

℞. Honéstum. 29*.

Lectio v.

His misericórdiæ opéribus quæ fratribus exhibuit, Patris cæléstis misericórdiam proméritus est, et passióne Christo Filio Dei consociári. Cum enim impérium impius Apóstata Juliánus adéptus esset, Gallicánus, ex illa misericórdiæ sede et páuperum ac peregrinórum hospítio pulsus, Alexandriam perréxit, ubi eum Rauciánus judex sacrificáre dæmóniis, id est ethnicórum diis, imperávit. Ve-

rum Christi miles júdicis minas contémns, nec curans illécebras, nullum honórem idólis géntium, tamquam mórtuis simulácris, sed Deo vivo tribuéndum docens, torméntis et morti se parátum exhibuit. Itaque gládio percússus vitam páuperum servítio nóbilem glorióso martýrio consummávit.

℞. Desidérium. 30*.

Ex Oratióne sancti Gregórii Nysséni.

Append. Gretseri, 237.. sive tom. 3. Oper. S. Greg.

Lectio vj.

FRANGE esuriénti panem tuum, et egénos sine tecto induc in domum tuam. Multam nobis hoc tempus affert nudórum vagorúmque cópiam. Hóspites exsulésque non desunt; ubique licet proténsas opem implorántium manus adspicere. His aër sub dio tectum præbet. Pórticus, et bivía, et partes fori magis désertæ sunt hospítia: nycticóracum et noctuárum more, in cavérnis látitant. Pannósis, attritis et lacerátis tegúntur induméntis. Agricultúræ fructus est illis miserántium ánimi benignitas; cibus, si quid ab accedénte quópiam impetráverint; pótio éadem quæ brutis animántibus, nimirum fontes. Vagam et agréstem tradúcunt vitam, calamitátibus et necessitáte compúlsi. His necessária victui suppédita tu, qui jejúnas.

Erga fratres calamitosos benignus esto; quod ventri subtrahis, tribue esuriēti.

℞. Stola jucunditātis. 30*.

IN III. NOCTURNO

Lectio sancti Evangelii secundum Lucam.

Lectio vij. Cap. 10. e

IN illo tempore: Suscipiens Jesus, dixit: Homo quidam descendebat ab Jerúsalem in Jéricho, et incidit in latrones, qui etiam despoliaverunt eum: et plagis impositis abiērunt, semivivo relicto. Et reliqua.

Homilia sancti Gregorii Nazianzeni.

Ex Oral. 16. Tom. 1.

PURGEMUR itaque per misericordiae officia, labesque et sordes animae exterгамus, ac dealbemur alii ut lana, alii ut nix, pro misericordiae videlicet proportionē: atque ut formidabilius aliquid dicam, si nulla est tibi confractio, neque livor, nec plaga tumens, nec ulla animae lepra, aut significationis tactus, aut candor, quae a lege quidem exigue curabāntur, medicam autem Christi manum requirunt; at certe eum qui salutis nostrae causa vulneribus et languore affectus est, venerare. Veneraberis autem, si te Christi membro benignum atque humanum praebeas. Quod si te fortasse animarum nostrarum praedo et tyrannus, vel ab Jerúsalem in Jéricho descendētem,

vel alibi uspiam inermem et imparatum offendens ita sauciavit, ut ne medicinam quidem exquiras, heu plagam sane gravissimam, calamitatemque altissime grasantem!

℞. Corona aurea. 32*.

Lectio viij.

AT mihi quidem hoc quodque nomine necessaria esse benignitas et misericordia erga pauperes videtur, ut iis qui de illis ita sentiunt os obstruamus, nec inanibus verbis cedamus, crudelitatis legem adversus nosmetipsos sancientes. Ceterum omnium maxime divino mandato et exemplo moneamur. Quodnam porro hoc mandatum est? At videte, quaeso, quam constans sit atque sincerum. Neque enim hominibus Spiritu sancto afflatis sat fuit semel atque iterum de pauperibus sermonem habuisse; nec quidam dumtaxat de his rebus verba fecerunt, reliqui minime, aut alii copiosius, alii parcius, velut de re non ita magna, nec admodum necessaria: verum et omnes in universum, et sedulo quisque vel primo, vel in primis ad eam rem nos hortantur, nunc admonentes, nunc comminantes, nunc exprobrantes, nonnumquam etiam eos, qui virtutis huius munere funguntur, laudibus efferentes; nimirum, ut per admonitionis assidui-

tátem eo nos addúcant, ut hoc mandátum exsequámur.

R. Hic est. 33*.

Lectio ix.

VERUM dixerit fortásse aliquis : Hæc pro paupéribus illis et inópibus dicta sunt, qui injúria afficiúntur. Sit ita sane; nam de hoc litem nullam movébo. At hoc quoque tamen ad colénda humanitátis officia te exstimulet. Quorum enim, si quid injúriæ eis inferátur, tanta rátio habétur, iisdem certe beneficio afféctis ámplior et ubérior est grátia. Nam si qui páuperem déspicit, eum a quo factus est ad iram cóncitat, non dúbium est, quin opíficem honóre afficiat, qui ipsius opus compléctitur. Rursus cum áudis : Páuper et dives occurrérunt sibi, utrúmque áutem creávit Dóminus, ne illum quidem páuperem, hunc áutem dívitem ab eo creátum intélligas, ex eóque in páuperem insurgéndi an-sam accípias. Nam Dei figméntum utérque est : tamétsi, quod ad res extérnas áttinet, dispari conditióne sint. Hoc te ad commiserationem et caritátem inflécat.

Te Deum laudámus. 16.

DIE XXIX

COMMEM. OMNIUM SS. APOST.

IN FESTO

SS. APOST. PETRI ET PAULI

IN I. VESPERIS

Ant. Tradent enim vos in

concíliis, et in synagógis suis flagellábunt vos, et ante reges et præsides ducémini propter me, in testimónium illis et géntibus.

V. Annuntiavérunt ópera Dei. **R.** Et facta ejus intellerunt.

Oratio.

DEUS, qui nos per beátos Apóstolos tuos ad agnitiónem tui nóminis venire tribuisti : da nobis eórum glóriam sempitérnam et proficiéndo celebráre, et celebrándo proficere. Per Dñm.

AD LAUDES

Ant. Vos qui reliquistis ómnia, et secúti estis me, centuplum accipiétis, et vitam ætérrnam possidébitis.

V. In omnem terram exivit sonus eórum. **R.** Et in fines orbis terræ verba eórum.

IN II. VESPERIS

Ant. Estóte fortes in bello, et pugnáte cum antiquo serpente : et accipiétis regnum ætérrnum, allelúia.

V. In omnem terram exivit sonus eórum. **R.** Et in fines orbis terræ verba eórum.

Alibi ex decreto Pii PP. VI. die 18 Maii 1798 pro aliquibus locis et Respons. S. R. C. d. d. 18 Oct. 1818 sumuntur seq. Commem.

IN I. VESPERIS

Ant. In hoc cognóscet omnes quia discipuli mei estis, si dilectiónem habuéritis ad invicem.

Ÿ. Nimis honoráti sunt amici tui Deus. R. Nimis confortátus est principátus eórum.

Oratio.

EXÁUDI nos Deus salutáris noster : et ómnium sanctórum Apostolórum tuórum tuére præsiðiis, quorum donásti fidéles esse doctrinis : Qui vivis.

AD LAUDES

Ant. Vos qui secúti estis me, sedébitis super sedes,

judicántes duódecim tribus Israël.

Ÿ. In omnem terram exiit sonus eórum. R. Et in fines orbis terræ verba eórum.

IN II. VESPERIS

Ant. Vos amici mei estis, si fecéritis quæ ego præcipio vobis, dicit Dóminus.

Ÿ. Gloriósus in sanctis suis, fáciens mirabilia. R. Hic Deus meus, et glorificábo eum.

FESTA JULII

DOM. I. NON IMPEDITA
POST OCT. SS. PETRI ET PAULI

COMMEMORATIO

OMNIUM SS. ROMANÆ ECCLESIAE
SUMMORUM PONTIFICUM

Duplex.

IN I. VESPERIS

Ant., Capit. et Hymn. de Laud. 324* ; Pss. ut in I. Vesp. de Comm. Apost. 2*.

Ÿ. Exáltent eos in ecclesia plebis. R. Et in cáthedra seniórum láudent eos.

Ad Magnif. Ant. Sacerdótes Dei benedicite Dóminum, servi Dómini hymnum dicite Deo, alleluía.

Orat. ut ad Laud. 324*.

**Et fit Commem. Domini-
cæ occur.**

AD MATUTINUM

Invit. Christum Príncipem Pastórum, * Veníte, adorémus.

Ps. Venite, exsultémus. 2.

Hymnus.

ETÉRNA Christi múnera,
Et glóriam Pontificum
Láudes canéntes débitas,
Lætis canámus méntibus.

Ecclesiárum príncipes,
Belli triumpháles duces,
Caeléstis áulæ milites,
Et vera mundi lúmina.

Devóta sanctórum fides,
Invicta spes credéntium,
Perfécta Christi caritas,
Mundi triúmphat príncipem.

In his Patérna glória,
In his volúntas Spíritus,
Exsúltat in his Fílius,
Cælum replétur gáudio.

Te nunc Redemptor quæsumus,

Ut ipsórum consórtio
Jungas precántes sérvulos,
In sempitérna sácula. Amen.

**Ant., Pss. et ŸŸ. Noct. de
Comm. Apost. 5*.**

IN I. NOCTURNO

Lect. Laudémus viros glo-

riósos. de Communi Conf.
Pont. 2º loco. 67*, cum RR.
de Communi Apostolorum.
8*.

IN II. NOCTURNO

Sermo sancti Bernárdi
Abbátis.

In Festo S. Malachíæ Episc.
Lectio iv.

CONGRATULÉMUR, fratres, congratulémur, ut dignum est, Pontíficibus nostris : quia et pium est defunctos plângere, et pium magis congaudere vivéntibus. Numquid non vivunt? Et beáte. Nimirum visi sunt óculis insipiéntium mori, illi áutem sunt in pace. Dénique jam concíves sanctórum et doméstici Dei psallunt páriter, et grátias agunt, dicéntes : Transivimus per ignem et aquam, et induxisti nos in refrigerium. Transiérunt plane viriliter, et feliciter pertransiérunt. Transiérunt per ignem et aquam, quos neque tristia frángere, nec detinére mólia potuérunt.

℞. Vidi conjúctos. 10*.

Lectio v.

LÆTÉMUR quod Pontífices nostri ascendérunt ad cives suos, pro filiis captivitátis legatióne fungéntes, corda nobis conciliántes beatórum, vota illis intímantes miserórum. Lætémur, inquam, et exultémus, quia cæléstis illa cúria ex nobis habet, quibus sit cura nostri, qui suis nos

prótegant méritis, quos informavérunt exémpis, miráculis confirmavérunt. Sancti Pontífices, qui in spíritu humilitátis hóstias pacíficas cælis frequénter invéxerant, per semetipsos introivérunt ad altáre Dei, ipsi hóstiæ et sacerdótes.

℞. Beáti estis. 10*.

Lectio vj.

BENEDÍCTUS Dóminus Deus, qui tantórum Pontificum ministério visitávit plebem suam : et nunc assúptis iis in sanctam civitátem, tantæ recordatióne suavitátis nostram non désinunt consolári captivitátem. Exsúltent in Dómino eórum spíritus, quod leváti póndere corpóreæ molis; nulla jam fæculénta vel terréna matéria prægravántur, quo minus tota alacritáte ac vivacitáte corpóream omnem et incorpóream transeúntes creatúram pergant toti in Deum, et adhæréntes illi, unus sint cum eo spíritus in ætérnum. Domum istam decet sanctitúdo, in qua tantæ frequéntátur memória sanctitátis.

℞. Isti sunt. 11*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 16. b

IN illo témpore : Venit Jesus in partes Cæsaréæ Philippi, et interrogábat discipulos suos, dicens : Quem dicunt hómines esse Filium hóminis? Et réliqua.

Homilia sancti Leonis
Papæ.

Serm. 2. in anniv. assumpt.
suæ, ante medium.

CUM, sicut evangélica le-
ctione reseratum est, in-
terrogasset Dominus disci-
pulos, quem ipsum (multis
diversa opinantibus) crede-
rent; respondissetque beatus
Petrus, dicens : Tu es Chris-
tus Filius Dei vivi ; Dómi-
nus ait : Beatus es Simon
Bar-Jona, quia caro et san-
guis non revelavit tibi, sed
Pater meus, qui in cælis
est : et ego dico tibi, quia
tu es Petrus, et super hanc
petram ædificabo Ecclesiam
meam, et portæ inferi non
prævalébunt adversus eam,
et tibi dabo claves regni cæ-
lorum : et quodcúmque li-
gáveris super terram, erit
ligatum et in cælis : et quod-
cúmque sólveris super ter-
ram, erit solutum et in cæ-
lis. Manet ergo dispositio
veritatis, et beatus Petrus
in accepta fortitudine petræ
perseverans, suscepta Ec-
clesiæ gubernacula non re-
liquit.

R. Amavit eos Dominus,
et ornavit eos : stolam gloriæ
induit eos, * Et ad portas
paradisi coronavit eos. **V.**
Induit eos Dominus lorica
fidei, et ornavit eos. Et ad
portas.

Lectio viij.

IN universa namque Ecclé-
sia, Tu es Christus Filius
Dei vivi, quotidie Petrus di-

cit : et omnis lingua, quæ
confitétur Dominum, magi-
sterio hujus vocis imbuitur.
Hæc fides diabolum vincit,
et captivorum ejus vincula
dissolvit. Hæc erutos mundo
inserit cælo, et portæ inferi
adversus eam prævalere non
possunt. Tanta enim divini-
tus soliditate munita est, ut
eam neque hæretica um-
quam corrumpere pravitas,
nec pagana potuerit supe-
rare perfidia. His itaque mo-
dis, dilectissimi, rationabili
obséquio celebrétur hodiér-
na festivitas, ut in persóna
humilitatis meæ ille intelli-
gatur, ille honorétur, in quo
et omnium Pastorum sollici-
tudo cum commendatarum
sibi óvium custódia perse-
verat, et cujus étiam digni-
tas in indigno herede non
déficit.

R. Isti sunt qui ante Deum
magnas virtutes operati sunt,
et omnis terra doctrina eó-
rum repléta est : * Ipsi inter-
cedant pro peccatis omnium
populorum. **V.** Isti sunt qui
contempsérunt vitam mun-
di, et pervenerunt ad cælé-
stia regna. Ipsi. Glória Patri.
Ipsi.

*Lect. ix. de Homil. Domi-
nicæ occurrentis; alias*

Lectio ix.

CUM ergo cohortationes no-
stras auribus vestræ san-
ctitatis adhibémus, ipsum
vobis, cujus vice fungimur,
loqui créдите : quia et illius
vos affectu monémus, et non

aliud vobis, quam quod dó-
cuit, prædicámus : obse-
crántes ut succincti lumbos
mentis vestræ, castam et
sóbriam vitam in Dei timóre
ducátis. Coróna mea, sicut
Apóstolus ait, et gáudium
vos estis, si fides vestra, quæ
ab initio Evangélii in uni-
vërso mundo prædicáta est,
in dilectióne et sanctitáte per-
mánserit. Nam licet omnem
Ecclésiám, quæ in toto est
orbe terrárum, cunctis opór-
teat florére virtútibus, vos
tamen præcipue inter cæte-
ros pópulos decet méritis
pietátis excéllere, quos in
ipsa apostólicæ petræ arce
fundátos, et Dóminus noster
Jesus Christus cum ómnibus
redémit, et beátus Apóstolus
Petrus præ ómnibus erudi-
vit.

Te Deum laudámus. 16.

AD LAUDES

ET PER HORAS

Ant. 1. Sancti tui * Dó-
mine florébunt sicut lílium,
et sicut odor bálsami erunt
ante te.

Ps. Dóminus regnávit. 16.

2. In cæléstibus regnis *
sanctórum habitátio est, et
in ætérnum réquies eórum.

3. Córpora sanctórum * in
pace sepúlta sunt, et nó-
mina eórum vivent in ætér-
num.

4. Spíritus et ánimæ justó-
rum, * hymnum dicite Deo
nostro, allelúia.

5. Fulgébunt justi * sicut
sol in conspéctu Dei.

Capitulum. Hebr. 13. b

FRATRES : Mementóte præ-
positórum vestrórum, qui
vobis locúti sunt verbum
Dei : quorum intuéntes éxi-
tum conversatiónis, imitá-
mini fidem.

Hymnus.

REX glorióse Præsulum,
Coróna confiténtium,
Qui respuéntes térrea
Perdúcis ad cæléstia.

Aurem benígnam prótinus
Appóne nostris vóci bus :
Trophæa sacra pángimus :
Ignósce quod deliquimus.

Tu vincis in Martýribus,
Parcéndo Confessóribus :
Tu vince nostra crimina,
Donádo indulgéntiam.

Deo Patri sit glória,
Ejúsque soli Filio,
Cum Spíritu Paráclito,
Et nunc, et in perpétuum.

Amen.

Y. Justos dedúxit Dóminus
per vias rectas. **R.** Et ostén-
dit illis regnum Dei.

Ad Bened. Ant. Vos estis
lux mundi : non potest civi-
tas abscondi supra montem
pósita ; neque accéndunt lu-
cérnam, et ponunt eam sub
módio, sed super candelá-
brum, ut lúceat ómnibus qui
in domo sunt.

Oratio.

DEUS, qui pópulis tuis in-
dulgéntia cónsulis et
amóre domináris : da spíri-
tum sapiéntiæ suffragántibus
méritis Antístitem Ecclésiæ
tuæ, quibus dedisti régimen
disciplinæ ; ut de proféctu

sanctárum óvium fiant gáudia ætérna pastórum. Per Dóminum.

Et fit Commem. Dominicæ occur.

AD TERTIAM

Capit. Fratres : Memento. *supra.*

¶ br. Lætámini in Dómino, *Et exsultáte justi. Lætámini. **¶.** Et gloriámini omnes recti corde. Et. Glória Patri. Lætámini.

¶. Exsúltent justi in conspéctu Dei. **¶.** Et delecténtur in lætítia.

AD SEXTAM

Capitulum. Act. 20. c

ATTÉNDITE vobis, et universo gregi, in quo vos Spíritus sanctus pósuit episcopos régere Ecclésiám Dei, quam acquisivit sanguine suo.

¶ br. Exsúltent justi * In conspéctu Dei. Exsúltent. **¶.** Et delecténtur in lætítia. In. Glória Patri. Exsúltent.

¶. Justi áutem in perpétuum vivent. **¶.** Et apud Dóminum est merces eórum.

AD NONAM

Capitulum. Hebr. 13. c

OBEDÍTE præpósitis vestris, et subjacéte eis : ipsi enim pervigilant, quasi ratióne pro animábus vestris redditúri.

¶ br. Justi áutem * In perpétuum vivent. Justi. **¶.** Et apud Dóminum est merces eórum. In. Glória Patri. Justi.

¶. Exsultábunt sancti in

glória. **¶.** Lætábúntur in cubilibus suis.

IN II. VESPERIS

Ant., Capit. et Hymn. de Laud.; Pss. ut in I. Vesp., et loco ult., Ps. 131. Memento. 66*.

¶. Elégit eos Dóminus sacerdotés sibi. **¶.** Ad sacrificándum ei hóstiam láudis.

Ad Magnif. Ant. Dum essent summi Pontifices, terrena non metuérunt, sed ad cæléstia regna gloriósi migráruunt.

Et fit Commem. Dominicæ occur.

DIE III

S. MARTIALIS ÉPISC. ET CONF.

Duplex.

Omnia de Comm. Conf. Pont. 55*, præter seq. Oratio.

OMNÍPOTENS sempitérne Deus, qui beátum Martiálem Confessórem tuum atque Pontificem Ecclésiæ tuæ sanctæ præesse voluisti : quæsumus ; ut ejus suffragántibus méritis, pietátis tuæ grátiam largiáris. Per Dñm.

Et fit Commem. Octavæ SS. Apost. Petri et Pauli.

IN I. NOCTURNO

Lect. de Script. occur.

IN II. NOCTURNO

Lectio iv.

MARTIÁLIS, unus de septuaginta Christi discipulis, ac puer ille fuisse tráditur, qui quinque panes hordeáceos et duos pisces attulisse in Evangélio memorátur. Ex

Oriente cum sancto Petro Apóstolo Romam venit, et ab eodem in Gállias causa propagandi Evangélii missus, Lemovicenses, Tolosanos, Burdigalenses, Cadurcenses et Aquitanos, atque alios populos christianam religionem edocuit; unde Galliárum est dictus Apóstolus. Admóto báculo sancti Petri, quem ab eo Romæ acceperat, mórtuum redúxit in vitam. Tandem post multa præclára sanctitátis et doctrinæ ópera in cælum migrávit.

℟. Invéni David. 61*.

Lectio v. Beáti Patris. et vj. Quantis hic. de eodem Communi 2º loco. 68*, cum ℟℟. v. et vj. ibid.

IN III. NOCTURNO

Homil. in Evang. Vigiláte. de Comm. 2º loco. 69*.

Et fit Commem. Octavæ SS. Apost. in Laud.

DIE IV

S. IRENÆI EP. ET MART.

Duplex.

Omnia de Comm. unius Mart. 24*, præter seq.

Oratio.

DEUS, qui beáto Irenæo Mártýri tuo atque Pontifici tribuisti, ut et veritate doctrinæ expugnáret hæreses, et pacem Ecclesiæ feliciter confirmáret: da, quæsumus, plebi tuæ in sancta religióne constantiam; et pacem tuam nostris concéde temporibus. Per Dóminum.

Et fit Commem. Octavæ SS. Apost. Petri et Pauli.

IN I. NOCTURNO

De Epístola secúnda beáti Páuli Apóstoli ad Timótheum.

Lectio j. Cap. 2. c

SOLLÍCITE cura teípsum Sprobáblem exhibére Deo, operárium inconfusibilem, recte tractántem verbum veritátis: profána áutem, et vanilóquia devíta: multum enim proficiunt ad impietátem: et sermo eórum ut cancer serpit: ex quibus est Hymenæus et Philétus, qui a veritate excidérunt, dicéntes resurrectionem esse jam factam, et subvertérunt quorúmdam fidem. Sed firmum fundaméntum Dei stat, habens signáculum hoc: Cognóvit Dóminus qui sunt ejus: et discédant ab iniquitate omnis qui nóminat nomen Dómini. In magna áutem domo non solum sunt vasa áurea et argentea, sed et lígnea et fictilia: et quædam quidem in honórem, quædam áutem in contuméliam. Si quis ergo emundáverit se ab istis, erit vas in honórem sanctificátum, et útile Dómino ad omne opus bonum parátum. Juvenilia áutem desidéria fuge, sectáre vero justítiam, fidem, spem, caritátem et pacem cum iis qui invocant Dóminum de corde puro. Stultas áutem, et sine disciplina quæstiões devíta: sciens quia génerant

lites. Servum autem Domini non oportet litigare : sed mansuetum esse ad omnes, docibilem, patientem, cum modestia corripientem eos qui resistunt veritati : nequando Deus det illis poenitentiam ad cognoscendam veritatem, et resipiscant a diaboli laqueis, a quo captivi tenentur ad ipsius voluntatem.

℞. Iste sanctus. 26*.

Lectio ij. Cap. 3.

Hoc autem scito, quod in novissimis diebus instabunt tempora periculosa : erunt homines seipsos amantes, cupidi, elati, superbi, blasphemii, parentibus non obediētes, ingrati, scelēsti, sine affectiōe, sine pace, criminatores, incontinentes, immites, sine benignitate, proditores, protervi, tumidi, et voluptatum amatores magis quam Dei : habentes speciem quidem pietatis, virtutem autem ejus abnegantes. Et hos devita : ex his enim sunt qui penetrant domos, et captivas ducunt mulierculas oneratas peccatis, quæ ducuntur variis desideriis ; semper discētes, et nunquam ad scientiam veritatis perveniētes. Quemadmodum autem Jannes et Mambres restiterunt Moysi : ita et hi resistunt veritati, homines corrupti mente, reprobi circa fidem, sed ultra non proficient ; insipientia enim eorum manifesta erit omni-

bus, sicut et illorum fuit. Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecuciones, passionēs : qualia mihi facta sunt Antiochiæ, Iconii et Lystris, quales persecuciones sustinui, et ex omnibus eripuit me Dominus. Et omnes, qui pie volunt vivere in Christo Jesu, persecucionem patientur. Mali autem homines et seductores proficient in pejus, errantes, et in errorem mittentes.

℞. Justus germinabit. 27*.

Lectio iij.

Tu vero permane in iis, quæ didicisti, et credita sunt tibi : sciens a quo didiceris. Et quia ab infātia sacras litteras nosti, quæ te possunt instruere ad salutem, per fidem, quæ est in Christo Jesu. Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in justitia : ut perfectus sit homo Dei ad omne opus bonum instructus. Testificor coram Deo, et Jesu Christo, qui judicaturus est vivos et mortuos, per adventum ipsius, et regnum ejus : prædica verbum, insta opportune, importune : argue, obsecra, increpa in omni patientia, et doctrina. Erit enim tempus, cum sanam doctrinam non sustinebunt ; sed ad sua desideria

coacervábunt sibi magistros pruriéntes áuribus, et a veritate quidem auditum avértent, ad fábulas áutem converténtur. Tu vero vigila, in ómnibus labóra, opus fac Evangelistæ, ministérium tuum imple.

℞. Iste cognóvit. 27*.

IN II. NOCTURNO

Lectio iv.

IRENÆUS, non longe ab Urbe Smyrna in Asia Proconsulári natus, jam inde a púero sese Polycárpo Joánis Evangelistæ discipulo, eidémque episcopo Smyrnæórum tradiderat in disciplinam. Hoc tam excellenti magistro progréssus in doctrina præceptisque christiánæ religiónis insignes fecit. Polycárpo in cælum martýrii glória subláto, etsi erat Irenæus in sacris litteris egrégie versátus, quod tamen incredibili stúdio flagráret discéndi, quæ dógmata depósti loco custodiéndá cæteri acceperant, quos Apóstoli institúerant; horum quam pótuít plures convénit, quæque ab iisdem audivit, mémori mente ténuít, ea deinceps opportúne advérsus hæreses alláturus, quas cum vidéret ingénti pópuli christiáni damno látius in dies manáre, diligénter copioséque reféllere cogitárat. In Gállias inde proféctus a Photino episcopo præsbyter est constitútus ecclésiæ Lugdunénsis. Quod munus

sic laborándo in verbo et doctrina gessit, ut (téstibus sanctis Martýribus, qui Marco Aurélio imperatóre strénue pro vera pietáte certárant) æmulatórem sese præstiterit testaménti Christi.

℞. Honéstum fecit. 29*.

Lectio v.

CUM Mártyres ipsi clerisque Lugdunénsis de pace ecclesiárum Asiæ, quam Montanistárum fáctio turbárat, solliciti cum primis essent, Irenæum, cujus esse potissimum habéndam ratió-nem prædicábant, unum ómnium máxime delegérunt, quem Romam ad Eleuthérium Pontíficem mitterent rogátum, ut novis sectáriis auctoritaté Sedis apostólicæ reprobátis, discordiárum cáusa tollerétur. Jam Photinus episcopus Martyr decéserat: huic Irenæus cum successisset, tam feliciter munus óbiit episcopátus, ut sapiéntia, oratióne, exemplóque suo non modo brevi cives Lugdunénses omnes, sed multos étiam aliárum Gálliaé úrbium incolás superstitió-nem atque errórem abjecisse, dedisseque christiánæ militiæ nómina viderit. Intér-ea, cum de die celebrándi Páschatis orta esset conténtio, ac Victor Romá-nus Póntifex Asiános episcopos ab collégis réliquis fere ómnibus dissidéntes aut prohibuisset communióne Sacrórum, aut prohibére minátus

esset, eum Irenæus, sequēster pacis, decēter mōnuit, exemplisque usus Pontificum superiōrum indūxit, ut ne tot ecclēsiās ob ritum, quem a majōribus accepisse se dicerent, avēlli ab unitate cathōlica paterētur.

℞. Desidérium. 30*.

Lectio vj.

MULTA scripsit quæ Eusēbius Cæsariēnsis et sanctus Hierónymus mēmorant, quorūque pars magna intērcidit injūria tēporum. Exstant ejus advērsus hāreses libri quinque anno circiter centésimo octogésimo perscripti, dum adhuc Eleuthérius rem christiānam públicam géreret. In tertiō libro, vir Dei ab iis edóctus, quos auditōres constat fuisse Apostolorum, grave in primis atque præclārum de Romāna Ecclēsia, deque illius episcopōrum successiōne, divinæ traditiōnis fidēli, perpétua, certissima custóde, testimónium dixit. Atque ad hanc, dixit, Ecclēsiā propter potiōrem principalitatem, necesse est omnem convenire ecclēsiā, hoc est eos qui sunt úndique fidēles. Postrémo una cum aliis prope innumerabilibus, quos ipse ad veram fidem frugēque perdúxerat, martýrio coronátus migrávit in cælum, anno salutis ducentésimo secúndo, quo tēpore Septimius Sevérus Augústus eos omnes, qui constanter

in colēnda christiāna religiōne perstāre voluissent, in summum cruciátum dari atque intērfici imperáverat.

℞. Stola. 30*.

IN III. NOCTURNO

Lectio sancti Evangélii secúndum Joánnem.

Lectio vij. Cap. 10. c

IN illo tēpore : Dixit Jesus pharisæis : Ego sum Pastor bonus. Bonus pastor ánimam suam dat pro óvibus suis. Et réliqua.

Homilia sancti Augustíni Episcopi.

Serm. 138. de verb. Dom.

AUDÍVIMUS Dóminum Jesum commendātem nobis boni pastóris officium. In qua commendatiōne admōnuit nos útique, ut intēlligatur, bonos esse pastóres; et tamen ne intelligerētur perverso modo multitúdo pastórum : Ego sum, inquit, Pastor bonus : et unde sit pastor bonus, consequēter ostēndit : Pastor, inquit, bonus ánimam suam ponit pro óvibus. Pastor ergo bonus Christus. Quid Petrus? nonne bonus pastor? nonne et ipse ánimam suam pro óvibus pósuit? Quid Páulus? Quid cæteri Apóstoli? Quid eórum tēpora consequētes beáti episcopi Mártýres? Nonne omnes pastóres boni?

℞. Coróna áurea. 32*.

Lectio viij.

OMNES ergo isti pastóres boni, non solum quia sánguinem fuderunt, sed

quia pro óvibus fuderunt. Non enim fuderunt elatione, sed caritate. Quomodo autem habet vel exiguum caritatem, qui etiam convictus non amat unitatem? Hanc Dóminus unitatem commendans pastóribus bonis, nóluit multos appellare pastores. Neque enim, ut dixi jam, non erat pastor bonus Petrus, Páulus, Apóstoli cæteri, et posteriôres sancti episcopi. Omnes hi pastores boni; et tamen ille pastóribus bonis non commendavit pastores bonos, sed pastorem bonum.

℟. Hic est vere. 33*.

Lectio ix.

QUID est ergo quod pastóribus bonis commendas unum pastorem, nisi quia in uno pastore doces unitatem? Et expónit apértius ipse Dóminus per ministérium nostrum, ex ipso Evangélio commemorans caritatem vestram, et dicens (audite quid commendavit) : Ego sum Pastor bonus. Dixi quia omnes cæteri, omnes pastores boni membra mea sunt. Unum caput, unum corpus, unus Christus. Ergo et Pastor pastórum, et pastores Pastóris, et oves cum pastóribus sub Pastore. Mérito Christus in se habens omnes pastores bonos, unum commendat, dicens : Ego sum, unus sum, mecum omnes in unitate unum sunt. Qui extra me pascit, contra me pascit.

Qui mecum non colligit, spargit.

Te Deum laudamus. 16.

DIE V

S. MICHAELIS DE SANCTIS CONF.

Duplex.

Omnia de Comm. Conf. non Pont. 76*, præter seq. (m. t. v.)

Oratio.

MISÉRICORS Deus, qui sanctum Michaëlem Confessorem tuum morum innocentia, et mirabili caritate præstare voluisti : concède, quæsumus; ut ejus intercessionem a vitiis liberati, et igne tui amoris succensi, ad te pervenire mereamur. Per.

Et fit Commem. Octavæ SS. Apostol. Petri et Pauli.

IN I. NOCTURNO

Lect. de Script. occur.

IN II. NOCTURNO

Lectio iv.

MÍCHEL de Sanctis, Vici in Hispânia citeriôre piis et honestis paréntibus natus, mundum antea contempsisse quam agnovisse visus est. Pene infans perpétuam virginitatem Deo vovit; cumque rei conscius pater nuptias illi per jocum proponeret, in lácrymas effusus puer, atque ad Deiparæ Virginis aram confúgiens, emissum votum fervéntius renovabat. Sexénis ad sanctórum vestigia sectánda in Monsénii spelúncam secéssit, in qua, dum patientis Christi mystéria in génua

provolútus piis sènsibus lacrymisque prosèquitur, a patre repértus, domum redire coáctus est. Neque tamen de præconcépto severiòris vitæ propósito quidquam remisit. Unicum illi erat cælestium desidérium, perpétua cum Deo consuetúdo, innocentis vero carnis maceratio major quam ut ténera illa ætas ferre posse viderétur. Nam ter in unaquáque hebdomada jejúnans, somnum super sarmentórum fásibus, saxo cápiti suppósito, carpens, flagéllis in seipsum sævire, et étiam aliquándo corpúsculum sancti Francisci exémplo in spinárum acérvum conjicere et cruentándum volutáre non dubitávit, quin tamen singulári Dei beneficio spinæ illæ puríssima membra attingerent atque in mínimo offénderent. Quibus aliisque cruciátibus admirábili illi pœniténtiæ proludébat, quam póstea ad hóminum stupórem tantópere adáuxit.

℞ Honéstum. 82*.

Lectio v.

ANNO ætátis duodécimo nondum expléto, solus et pedes egrédiens de domo et cognatióne sua, Barcinónam conténdit, ibíque sanctissimæ Trinitátis Redemptiónis Captivórum órđinem inter Calceátos ampléxus, quamprimum per ætátem licuit solémnia vota nuncupávit. Páucis inde post mén-

sibus ad strictiorem Discalceatórum ejúsdem órđinis familiam se tránstulit. In hac nova reguláris disciplinæ palæstra mirum est, quot quantisque virtútum incrementis étiam inter continuas studiórum exercitatiónes anteáctæ vitæ sanctitatem cumuláverit. Tanto enim stúdio singulas institúti leges observábat, ut nullam ex eis præteriísse compértum fúerit. Virginitátem, quam quinquénis Deo vóverat, non modo inviolátam servávit, verum étiam præclarissimo Dei múnere numquam carnis illécebris alléctus est, neque in mente cogitatióne ullam minus honéstam hábuit. Arctíssima præditus paupertáte per plures annos neque cubiculum hábuit, neque pulvínar ubi caput reclináret. Christi mansuetúdine indútus, cum ómnibus pátiens fuit et miséricors; iis qui sibi contumélias aut damnum intúlerant, semper pro malo bonum réddidit. Invícta in advérsis enítuit fortitúdine. Prudentíssimus in aliórum regímine, sibi se júdicem acérrimum, réliquis vero humaníssimum patrem exhibuit.

℞ Amávit eum. 82*.

Lectio vj.

CUM Deum totis viribus diligeret, ab ipso máximis locupletári méruit charismátibus. Nam crebris et miríficis rapiebátur extásibus,

quibus vel in sublime toto assurgēbat corpore, vel cælum ascendere videbatur, cum aut de Dei bonitate loqueretur, aut Sacris operans calicem elevaret. Nec minori erga próximos caritate flagrabat, quos et privatis consiliis et publicis concionibus et assidua sacramenti poenitentiae administratione juvare numquam praetermisit. Cum vero virtutes ejus non populi modo, sed viri principes admirarentur, ea tamen erat animi demissione, ut se daemonibus ipsis deteriorem affirmaret. At humani generis Redemptor, cui exaltare humiles in deliciis est, hunc servum suum fidelem peculiari voluit illustrare prodigio, quo ipse divini sui cordis mysticam commutationem cum corde illius inire dignatus est. Hoc itaque caritatis incendio decumbens, spiritum Deo reddidit Vallisolēti die decima Aprilis anno millésimo sexcentésimo vigésimo quinto, ætatis suæ trigésimo tertio. Quæ multis ante et post obitum miraculis clarum Summus Pontifex Pius sextus beatorum fastis adscripsit. Pius vero nonus Pontifex Máximus sacro Cardinalium aliorumque fere trecentorum Antistitum, Ecclesiæ et apostolicæ Sedis jura strenue contra insidiantes hostes propugnantium, senatu circumdatus, recurrente plau-

su Urbis et Orbis, sacro Pentecostes die octava Junii, anni millésimi octingentésimi sexagésimi secundi, in Vaticanæ basilica illum novis fulgentem signis sanctorum catalogo solēnni ritu accensuit.

¶ Iste homo. 83*.

IN III. NOCTURNO

Homil. in Evang. Respondens Jesus. **ut in Festo sancti Aloisii Gonzagæ, die xxj. Junii.** 404.

Et fit Commem. Octavæ SS. Apostolorum in Laud.

DIE VII

SANCTÆ PULCHERÆ

IMPERATRICIS VIRGINIS

Duplex.

Omnia de Comm. Virg. 95*, **præter seq.**

Oratio.

DEUS, qui beatam Pulcheriam Virginem tuam singulari castitatis prerogativa decorasti, quique illi ad defendendam Ecclesiam tuam summum fidei amorem tribuere voluisti: concede; ut ejus intercessione, tibi puris mentibus inhaerentes, ab omnium hostium insidiis misericorditer liberemur. Per.

IN I. NOCTURNO

Lect. de Script. occur.

IN II. NOCTURNO

Lectio iv.

ALIA Pulcheria Augusta, patre, avo, fratre atque viro Romanorum imperatoribus maxime nobilis, profligatis sua praesertim opera

hæreticórum erróribus, et cathólico dógmate circa Incarnatiónis mystérium et divínam Maternitátem constitúto multo nobilior, ab ipsa pueritia tanta sapiéntia divínitus prædita fuit, ut ii quibus post Arcádii patris óbitum impérii procuratio, dum Theodósius adolésce-
ret, commissa fúerat, ejus arbitrátu ómnia fácerent, essétque constans opinio, unius puéllulæ virtúte ac sapiéntia, quæ instáre atque ingrúere videbántur, pericula discússa, et felicitátem império constitútam. Domi assídua disciplinæ exáctrix, eam vivéndi formam indúxit, ut illa jam non áula imperatórum, sed ascetérium vulgo dicerétur. Theodósium fratrem, Eudóxiam, quam illi matrimónio jungéndam curávit, Flaccillam, Arcádiam, Marínam soróres ita imbuébat bonis móribus, exercebátque ad virtútem, ut quibus ætáte non multum præstábat, eórum moderá-
trix ac propémódum mater esse viderétur. Qua institutióne soróres quantum profécerint, vel ex hoc uno intéllegi potest, quod Pulché-
riam imitatæ, se suámque virginitátem Deo devové-
runt: utque Augústa virgo ea quæ decreverat ámplius confirmáret, omnésque volúntátis suæ testes habéret, ex áuro et pretiósis lapí-
dibus sacram mensam in ecclé-

sia Constantinopolitána pro virginitáte sua et fratris império dedicávit, et in fronte ipsius mensæ hæc éadem inscripsit.

℞. Propter veritátem. 104*.

Lectio v.

PÓTIOR áutem ejus in Theo-
dósio instituendo elúxit cura; eúmque, ubi opus es-
set, mira quadam dexteri-
táte corrigébat; qui quidem talis est effectus, ut abso-
lutissimum óptimi veréque christiáni principis exem-
plar fúerit, dum Pulchériæ consiliis est obsecúsus. Post diutúrnám cum fratre con-
córdiam, turbis malevolórum fráude atque obtrecta-
tióne in áula excitátis, tem-
pus nacta, quo sibi jam uni, Deoque vacáre posset, se-
cæssit in Hébdómum, locum Byzántio suburbánum, ibi-
que vitam agens pene moná-
sticam aliquámdiu se con-
tinuit; cum vero felicitas impérii una cum ea exsulá-
ret, a fratre accersita, ubi deesse vidit qui prælia Dó-
mini pugnáret, Debbóram imitáta, fide ac religióne ar-
máta procæssit, et missis in omnem partem epistolis hor-
tándo, monéndo, minitán-
do, non pecúniæ, non labó-
ribus parcens, digna effecta est quam Patres concilii Chalcedonénsis una ómnium voce atque præcónio custó-
dem fidei, pacis conciliatri-
cem, expultricem hæreticó-
rum, píam, orthodóxam,

novam Hélenam (sicut Marciánum tunc imperatórem novum Constantinum) consalutarent; cuique sanctus Leo totius Románæ Ecclesiæ nómine plúrimum gratularé-
tur, ejúsque cáusa exsultáre se diceret, ac digna Deo vota persólvere, quod de Nestoriána primum impie-
táte, mox et nefáριο Euty-
chétis erróre perémpto, dú-
plicem illi et palmam con-
túlerat et coronam.

R. Dilexisti. 104*.

Lectio vj.

ATQUE hæ tantæ curárum
moles, quas præsertim
in Ephesino ac Chalcedo-
nénsi conciliis Romanórum
Pontificum auctoritáte con-
vocátis, necessarió suscep-
erat, nihilo illam ad cætera
christiánæ pietátis officia
obeúnda fecére segniórem.
Assidue cæléstium rerum
contemplatióne, sacrórum
librórum lectiόne, córporis
afflictatiόnibus sponte sus-
céptis se exercébat; Psalmos
de nocte surgens una cum
régia familiae princípibus
decantábat: Dei ac Sanctó-
rum (quorum et collóquio
non semel dignáta est) cul-
trix eximia; quæ étiam sum-
mópere semper conténdit,
ut erga eórum reliquias cul-
tus augerétur. Deíparam in
primis cóluit, cui hanc ipsam
Deíparæ appellatiόnem con-
tra Nestorianórum blasphé-
mias assérui; vóluit nam-
que summa sapiéntiæ suæ

dispositiόne divína provi-
déntia, ut per virginem sum-
ma Virginitatis dignitas inof-
fénsa pénitus servarétur;
quam étiam est imitáta ser-
vándo perpétuam in ipso
conjúgio virginitátem: cu-
jus dénique cúltoi amplifi-
cándo complúra templa re-
gáli plane magnificéntia exci-
távit, donáriis áuxit, rediti-
bus locupletávit. In placánda
divína justítia mira pietáte
enituit. Fuit erga páuperes
misericórdia plane singu-
lári: quos et matérna qua-
dam caritáte compléxa est
quoad vixit, et móriens eó-
rum quæ assidua effusissi-
maque liberálitas réliqua
fécerat, scripsit herédes.
Quod cáutum ab ipsa testa-
ménto fuit, diligénter curá-
vit Marciánus, quem pari
religiόnis stúdio, rebúsque
ómnibus império dignissi-
mum, ipsa evéxerat ad impé-
rium, sibique hanc ipsam ob
cáusam, salva quam Deo vó-
verat virginitáte, cónjugem
delégerat. Obiit anno qua-
dringentésimo quinquagési-
mo tértio, magno ómnium
luctu, maximisque sanctó-
rum Patrum, cæterorúmque
ejus ævi scriptórum láudi-
bus celebráta.

R. Afferéntur. 104*.

IN III. NOCTURNO

Léctio sancti Evangélii se-
cúndum Joánnem.

Lectio vij. Cap. 17.

IN illo témpore: Dixit Jesus:
Hæc est áutem vita ætér-

na, ut cognoscant te solum Deum verum, et quem misisti Jesum Christum. Et reliqua.

Homilia sancti Cyrilli
Alexandrini.

De Fide ad Pulcheriam et
sorores reginas.

SANE vos sacras castissimasque Christi omnium nostrum Salvatoris sponsas, religiosissimæ ac Deo dilectissimæ imperatrices, orbis terrarum ornamentum, sanctissimarumque ecclesiarum decus optimo jure quisquis appellaverit, in quibus nimirum omne virtutum genus, omnisque ornatus divinæ majestatis oculis gratus acceptusque mirifice splendet. Neque his opibus contentæ omnem quoque curam omnemque studium adhibetis, quo fide recta, nullamque in partem vacillante, excellatis. Neque Christi regnum capessere, et ea quæ illi grata sunt facere et sentire omittitis, partim quidem præclaris actionibus, partim rursum cum vestras, tum principum quoque vestrorum aulas virginitatis gloria condecorantes; partim denique sumptuosissima templa Christo Domino excitantes: nam et hoc quoque pietatis studium inter cætera ille sanctis vestris animis imperitus est.

℞. Hæc est virgo. 107*.

Lectio viij.

IGITUR ex sacris litteris vobis vere sanctis Christi

sponsis (quamquam ad quodvis opus bonum abunde instructæ videamini) aliquid deproram. Hinc etenim et Emmanuelem verum, ac naturalem Deum, et Virginem Matrem, quæ eum peperit, veram per ipsum Deiparam esse planum fiet. Ait Christus: Hæc est vita æterna, ut cognoscant te solum Deum verum, et quem misisti Jesum Christum. Si cum solius verique Dei cognitione Jesu Christi cognitionem necessariam consociatamque esse oportet, et hoc ipsum æternam vitam conciliat, cui obsecrum esse potest Christum verum esse Deum? Verbum sane caro factum est, sed mansit interim Verbum.

℞. Média nocte. 107*.

Lectio ix.

ET ego claritatem quam dedisti mihi, dedi eis, ut sint unum, sicut et nos unum sumus. Qualem itaque gloriam Filius a Patre accepisse se narrat, quam nobis deinde communem fecerit? Sane ipse ab hac questione nos liberat, dum ait, Ut unum sint, sicut et nos unum sumus. Nam etsi Dei Patris Verbum secundum propriam hypostasim alius a Patre esse dignoscatur, naturali tamen identitate unum plane et idem est cum illo. At quo pacto Verbum illud, unum quoque nobiscum factum est? Ad eundem omnino modum, puta, secundum essen-

tiálem et naturálem identitátem. At cum divína natúra tanto a creatúra distet intervállo, ut secúndum esséntiam cum ea coire nequáquam váleat, ecquo, inquis, modo secúndum natúram unum ille factus est nobiscum, qui omnem omnino creatúram excéllit? Verbum factus est homo, ut quemádmodum in Deitáte unum et idem est cum Patre, ita secúndum natúræ humanæ habitúdinem sit unum quoque nobiscum.

Te Deum laudámus. 16.

EADEM DIE

S. LAURENTII A BRUNDUSIO

CONFESSORIS

Duplex.

Omnia de Comm. Conf. non Pont. 76*, præter seq.
(m. t. v.)

Oratio.

DEUS, qui ad árdua quæque pro nóminis tui glória, et animárum salúte beáto Lauréntio Confessóri tuo spirítu consilii et fortitúdinis contulisti : da nobis in eódem spirítu et agénda cognóscere, et cógnita ejus intercessióne perficere. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

BRUNDÚSII, urbe regni Neapolitáni celebérrima, piis et honéstis paréntibus natus est Lauréntius. Jam inde a

puerítia certíssima futúre sanctitátis, et apostólici, quo máxime præstitit, zeli documénta édedit. A puerilibus nugis aliénus, uni Deo vacáre cœpit, et verba fácere ad circumfúsam multitudinem, cunctis Dei poténtiam, qui linguas infántium facit disertas, admirántibus. Sub idem tempus se totum abstinentiæ et córporis afflictatióni dedit. Seráphicum Capuccinórum órđinem ingrésus, et Vénetæ provinciæ adscriptus, multo magis in domo Dei sanctitáte profécit. Humilitáte, obediéntia, oratiónis stúdio, regulári observántia, ómnibus antecélluit. Exácto tyrocínio, sacris litteris óperam dedit, quo instrúctor ad apostólicum munus eváderet. Quod erat singulári ingénio et memoria præditus non modo philosóphicas et theológicas facultátes, sed linguas étiam Græcam, Hebráicam, Chaldáicam, Germánicam, Gállicam, Hispánicam didicit; et quidem ita, ut, cum se dabat occasio, his linguis concionári posset. Hebráica vero lingua ad Hebræos ipsos concionátus est tanta ejus linguæ perítia, quantam non habére se ipsi auditóres conféssi sunt. Quæ res prodigio similis cáusa fuit, cur opinio invalúerit, a Deo, quod de Apóstolis tráditur, linguárum ei donum fuisse concéssum. Neque vero hoc

solum, sed reliqua etiam charismata, ut eventus docuit, quæ illis, quos ad magna suscipienda et agenda pro nominis sui gloria elegit, impertiri solet.

¶ Honestum. 82*.

Lectio v.

SACERDOS consecratus, tum vero maxime ejus fervor erupit, et se totum procurandæ modis omnibus animarum salutis devovit. Non curis, non sudoribus, non vigiliis, non vitæ ipsi, quam sæpe in discrimen adduxit, pepercit. Vicos, castella, urbes, agros obivit. In aulas principum, in Hebræorum et hæreticorum conventus pervasit. Totam fere Europam, Italiam, Germaniam, Hungariam, Hispaniam, Lusitaniam, omnibus beneficiendo, et viam salutis æternæ commonstrando, peragravit. Omne hominum genus complexus est, Catholicos, hæreticos, Hebræos, nobiles, populares, milites, omnibus omnia factus, ut omnes Christo lucrificeret. Pluribus pro religione catholica ad reges ac principes legationibus functus est. Nullam denique demandati sibi apostolici muneris partem omisit: numquam cessavit, nusquam quievit. Quo autem fructu, dici non potest. Innumerabiles peccatores ad poenitentiam convertit: hæreticos ad ejuranda falsa dogmata adégit: Hebræos

confutavit: perditissimas mulieres e vitiorum cœno eduxit: discordias composuit: odia exstinxit: nihil non ad Dei gloriam, catholicæ religionis incrementum, et salutem animarum suscepit, effecitque, Deo ipso opitulante et sermonem confirmante, sequentibus signis. Inter quæ celeberrima memoratur victoria de potentissimo Turcarum exercitu præter omnem spem, imo vero desperantibus ducibus, servo Dei præeunte, et felicem belli exitum annuntiante, in Hungaria a nostris reportata.

¶ Amavit eum. 82*.

Lectio vj.

IN hoc tam indefesso divinae gloriæ amplificandæ, et proximorum urgendæ salutis studio sibi ipse non defuit: virtutibus omnibus in gradu heróico emíruit; unde vis illa incredibilis ad aliorum salutem erupit. Has ob virtutes, et reliquas animi dotes, consilii præsertim ac prudentiæ, præter obitas minores præfecturas in provinciis Hetrusca, Véneta et Januensi supræmo totius ordinis regimini præfici meruit. Caritate in Deum fuit ardentissima. Erga Christi Dómini passionem sic afficiebatur, ut in ea cogitatione defixus fletum continere non posset. Insignis cultor fuit Deiparæ Virginis Mariæ, cui singulære illud linguarum

donum referébat accéptum. Oratióni apprime deditus, quod a reliquis occupatiónibus supérrerat tempus, totum ei impendébat. In éxtasim sæpe raptus divina patiebátur. Passim offéndi Deum ferébat ægérime, et religiónis cathólicæ detriméntis angebátur plúrimum. Unum Deum, unam caritátem, unam animárum salútem cogitáre, loqui, spiráre videbátur. Prophetiæ dono ení-tuit, córdium íntima penetrávit, plura et loco et tēpore remotíssima prædixit, miráculis étiam et prodigiis insigniter cláruit. Propter eximiam sanctitátem Summis Pontificibus acceptissimus fuit, et fere ómnium Európe principum grátia flóruit. Demum orátor a Neapolitánis ad Philippum tertium, qui tunc in Lusitánia morabátur, missus, in obeúnda legatíone attritus labóribus, in morbum incidit, ex itinere contráctum : quo patientíssime toleráto, sacraméntis ómnibus summa devotiónesuscéptis, præ-nuntiáto mortis die, cúpiens dissólvi, et esse cum Christo, Ulyssipóne discéssit e vita, die vigésima secúnda Júlii, anno millésimo sexcentésimo décimo nono. Quam pretiósafúerit in conspéctu Dómini ejus mors, patrátanon multo post mirácula declará-runt. Quibus rite probátis, Pius sextus Pón-

tifex Máximus beatórum número, et dein Leo décimus tertius die octávo Decémbris anni millésimi octingen-tésimi octogésimi primi sanctórum albo eum solémniter adscripsit.

R. Iste homo. 83*.

IN III. NOCTURNO
Léctio sancti Evangelii se-cúndum Lucam.

Lectio vij. Cap. 9.

In illo tēpore : Convocatís Jesus duódecim Apóstolis, dedit illis virtútem et potestátem super ómnia dæ-mónia, et ut languóres curárent. Et reliqua.

Homilia sancti Bonaventúre
Episcopi.

Exposit. in cap. 9. Luc.

APÓSTOLI ideo nomináti sunt, ut eórum commen-darétur auctóritas. Apóstolus enim missus interpretá-tur; missi áutem fúerant ad prædicándum, secúndum il-lud : Non misit me Christus baptizáre, sed evangelizáre. Fuérunt ad prædicándum missi, non rem parvam, sed magnam, scilicet regnum Dei, per quod potest intél-ligi doctrína veritátis, juxta illud : Auferétur a vobis regnum Dei, et dábitur genti faciénti fructus ejus. Potest étiam dici grátia Spíritus sancti, secúndum illud : Non est regnum Dei esca et po-tus, sed justitia, et pax, et gáudium in Spíritu sancto; et infra : Ecce regnum Dei intra vos est. Potest étiam

dici glória ætérna, juxta illud : Amen dico vobis, nisi quis renátus fúerit ex aqua et Spíritu sancto, non potest introire in regnum Dei.

℟. Iste est. 85*.

Lectio viij.

OMNIBUS his modis Apóstoli sunt missi prædicáre regnum Dei, scilicet veram doctrinam, divínam grátiam, et ætérnam glóriam. Et quia propter auctoritátem prædicatiónis concesserat potestátem curatiónis, ideo subdit : Et sanáre infirmos; scilicet misit ad confirmatiónem veritátis prædicáre secúndum illud : Illi áutem profécti, prædicavérunt ubique, Dómino cooperánte, et sermónem confirmánte sequéntibus signis. Unde signum missiónis spirituéalis ad prædicándum est sanátio audiéntium a morbis vitiorum.

℟. Sint lumbi. 85*.

Lectio ix.

TRIA áutem sunt signa evidéntia, quibus probátur, utrum prædicátor a Dómino sit missus ad Evangélium prædicándum. Primum est auctoritas mitténtis, cujúsmodi est Pontificis, et máxime Pontificis Summi, qui est loco Petri, imo Jesu Christi : unde qui ab eo mittitur, a Christo mittitur. Secúndum est zelus animárum in persóna, quæ mittitur, quando scilicet, principáliter quærit Dei honórem, et

animárum salútem. Tértium est fructificátio, et convér-sio auditórum. Per primum sunt núntii Patris, per secúndum Filii, per tértium Spiritus sancti. De primo : Pro pátribus tuis nati sunt tibi filii. De secúndo : Non enim nosmetipsos prædicá-mus, sed Jesum Christum Dóminum nostrum. De tértio : Pósui vos, ut eátis, et fructum afferátis, et fructus vester máneat. Et qui sic mittitur, potest dicere illud : Spiritus Dómini super me, eo quod únxerit me.

Te Deum laudámus. 16.

DIE IX

PRODIGIORUM B. M. V.

ALICUBI SUB TITULO

REGINÆ PACIS

Duplex majus.

Ut in Festis B. M. V. 145*, cum seq.

In Ant. ad Magnif. I. Vesp. et in ℟. vij. dicitur :

Tuam sanctam festivitátem.

EADEM DIE

SS. NICOLAI ET SOC.

MARTYRUM GORCOMIENSII

Duplex.

Omnia de Comm. plur. Mart. 39*, præter seq.

Oratio.

DEUS, qui sanctórum Mártyrum tuórum Nicolái et Sociórum ejus gloriósum pro fide tua certámen æternitátis láurea decorásti : concéde propítius; ut eórum méritis

et imitatione, certantes in terris, cum ipsis coronari mereamur in caelis. Per Dñ.

IN I. NOCTURNO

Lect. de Script. occur.

IN II. NOCTURNO

Lectio iv.

SÆCULUM decimum sextum Calvinianæ pravitatis tumultibus memorabile, insigne christianæ fortitudinis in Belgio tulit exemplum. Anno siquidem millesimo quingentesimo septuagesimo secundo, novemdecim Martyres, vulgo Gorcomienses, in cruciatis sustinendis, pro asserenda reali Corporis Christi in Eucharistia presentia, ac Romani Pontificis visibilis Ecclesiæ capituli principatu singulariter enituerunt. Erant ii Nicolaus Pickius guardianus, cum aliis octo sacerdotibus, et duobus laicis ordinis fratrum Minorum de Observantia: tres parochi: unus sacerdos sæcularis, alter canonicus regularis sancti Augustini: Dominicanus unus, et bini Præmonstratenses: quos omnes post arcis Gorcomiensis ditionem foedifragi hæretici carceribus, contumeliis durissimisque tormentis, pro suo in orthodoxam fidem exasperato genio affecerunt; ac prima nocte in guardianum atrocius debacchantes, fune cinctorio de superliminari suspensum, crebrisque attractionibus convulsum, rupto

tandem fune, pavimento illisum, mortis explorandæ causa, candelis ardentibus admotis, cremataque tota facie, et ore vi deducto, linguam et palatum comburunt: quin etiam insertam naribus flammam in cerebrum submitunt. Atque his aliisque modis indignis Martyres diebus noctibusque subsequētibz continue divexabantur.

R. Sancti tui. 45*.

Lectio v.

NAVIGIO deinde, extractis vestibus, bini colligati, Dordracum primo, Briëlam postea vehuntur, innumeris utrimque petulantis plebis illusionibus, et insaniētis militiæ furoribus contusi: dumque subsannationes, flagra et fustes depluerent, stabant senes (quorum aliqui sexagesimum, aliqui septuagesimum annum excēsserant, unus nonagesimum prope attigerat) ad pectus usque nudati, collo strigoso præ macie, tum e plagis livido atque cruento; et ad singula verbera vel pro inimicis preces, vel Deo grates, vel agonis sui commendationes, spectante et insultante multitudine, rependebant. Inde in foetidissimum carcerem conjecti, fame et siti, aliisque tormentis tentati, ut a catholica fide recederent; postmodum blanditiis allēcti, nec minis, nec lenociniis invictam Martyrum fortitudinem flexerunt.

Quare cāpitis senténtia, multa jam nocte a tyránno lata damnáti, dirissimis cruciátibus affécti, bini colligáti, extra óppidi portas adducúntur.

Æ. Vërbera. 45*.

Lectio vj.

REPÉRTUM tugúrium fuit illis últimi certáminis stádium. Alius itaque álium ad constántem martýrii tolerántiam exstimulábat : quorum antesignánuS guardiánuS ad supplicium raptus, fratres suos ampléxus et osculátus, ab exhortándis sóciis, verbis apostólico fervóre plenis non déstitit; donec ei adstrictis fáucibus vocis usum láqueus intercepisset. Post eum réliqui subsequénte in trabem agúntur. Non quiévit hic hæréticæ feritátis barbáries; nam scrutátis íntimis viscéribus, perquisitóque abdómine, prétio venáli exponéndo, Mártyrum córpora, náribus, áuribus, aliisque pártibus mutiláruNT, quas in consummátæ crudelitátis exúvias pileis affixas, infámi ludibrio circumtulérunt: tótaque dies expléndæ adventántium curiositáti fuit data : donec quidam Cathólici impetráruNT córpora suffóssæ ibidem humi mandári. Ubi inter médios Ecclésiæ hostes multis annis requievérunt, usque dum indústriapiórum, éruta sacra eórum ossa ad partes Catholicórum vicinas

deláta sunt, ubi mox miráculis claréscere cœpérunt. Quibus permótuS Clemens Papa décimus eos in beátis Martýribus adnumerávit. Pius vero Papa nonus tértio Kaléndas Júlii anni millésimi octingentésimi sexagésimi séptimi, cum sæculária Apostolórum Principum solémnia haberéntur, sanctórum fastis adscripsit.

Æ. Tamquam. 46*.

IN III. NOCTURNO

Homil. in Evang. Cum audiéritis. **de eodem Comm.** 1º loco. 48*.

EADEM DIE

SANCTÆ VERONICÆ DE JULIANIS

VIRGINIS

Duplex.

Omnia de Comm. Virg. 95*, **præter seq.**

Oratio.

DÓMINE Jesu Christe, qui beátam Verónicam Virginem passiónis tuæ signis miráblem effecísti: concéde propítius; ut carnem crucifigéntes, ad gáudia ætéRNA perveníre mereámur : Qui vivis et regnas.

IN I. NOCTURNO

Lect. de Script. occur.

IN II. NOCTURNO

Lectio iv.

VERÓNICA de Juliánis, ántea Ursula dicta, Mercatéli quod óppidum est Urbaniénsis dióccesis, piis honestisque paréntibus nata, ab ipsis incunábulis mira futúRæ sanctitátis indicia præbuit. Nam

infántula cum álias copiós-
sum lac súgeret, tribus heb-
dómadae diébus páucas gút-
tulas mane et vésperé gustá-
bat. Vix sex menses nata, die
sanctissimæ Trinitáti dicáto
e sinu matris firmis pédibus
prosiliit. Adhuc tenélla, hó-
minem quemdam grávibus
verbis ab injustitia detérruit.
Familiári Jesu púeri beatis-
simæque Virginis consuetú-
dine fruebátur, et aliquándo
divinus puer ad eam cum
lácrymis orántem, ut con-
solarétur, descéndit; quan-
dóque étiam ab ipsa Deipara
illum accépit, prænuntiáto
ejúsdem cum Jesu spirituáli
sponsalítio, adjúcta arrha,
bello scilicet, quod ipsi sus-
tinéndum fuit ab homínibus,
atque inférnis hóstibus. Ad
hoc Verónica, cum nondum
pueritiam excessisset, sese
accinxit humilitáte summa,
parique obediéntia, et vehe-
ménti Christum Dóminum
pro nobis passum et cruci-
fixum imitándi desidério. Ut
áutem id ubérius conseque-
rétur, ad sanctimoniáles Ca-
puccinas Tifernátes, quæ
primævam sanctæ Claræ ré-
gulam profiténtur, superá-
tis domésticis externisque
obstáculis, confúgit.

℞. Propter veritátem. 104*.

Lectio v.

AB ipso tirocinio perféctum
aliquid et consummá-
tum jam attigisse videbátur.
Sustinuit invicto pectore a
dæmone excitáta adversi-

tátes. Ubérrimis intérea grá-
tiæ suæ donis victricem
sponsam locupletábat Jesus.
Sacris stigmátibus eam fuisse
signátam, itémque coróna
spinárum alte confixárum,
et passiónis insignibus in
corde decorátam, ac júgibus
pene extásibus recreátam,
multiplici testimónio trádi-
tum est. Hæc ómnia amplam
molestiárum ségetem Veró-
nicæ peperérunt : non enim
defuére qui id omne malis
ártibus tribúerent, eámque
dicerent pœna omni infamí-
que supplicio digníssimam.
Ferébat hæc alácriter fortís-
sima virgo : optábat étiam
ut crudelióra quotidie in se
congereréntur pro Sponso
suo cruci affixo sustinénda.
Trúditur in tenebricósum
cárcerem, subjicitur infimæ
ex soróribus, cui edicitur ut
eam acérbe tractet : neque
vitam amat nisi summis exa-
gitátam tribulatió nibus : etsi
quandóque desértam se ab
Sponso ac véluti derelictam
conquererétur, quod erat ei
torméntum ómnium amarís-
simum.

℞. Dilexisti. 104*.

Lectio vj.

QUAM Deo vóverat modera-
tóribus consciéntiæ suæ
obediéntiam mirábili pror-
sus perfectióne cóluit. Diu-
turníssima jejúnia ex obe-
diéntia transégit : neque
vero extrémum emisit spíri-
tum diu cum morte luctans,
nisi cum esset jussa mori :

quippe sciēbat obediētia nullum Sponso suo esse grātius sacrificium. Triginta tribus annis, quibus præsidis obire partes coacta est, traditas ejus curæ soróres ad omnem sanctitatem suo præcipue exēplo provēxit. Ut patiēdi votis fieret satis, apoplexiæ, qua corrēpta fuit, accessere morbi prope omnes qui acerbissimi judicantur. Sustinuit ómnia constanti ánimo triginta tres dies, donec in Sponsi Jesu ampléxus evolávit, die nona Júlii anno salutis millésimo septingentésimo vigésimo séptimo, religiósæ vitæ quinquagésimo. Heroicárum dénique virtútum cúmulo, ac miráculis illústrem, Pius séptimus Póntifex Máximus Beátam nuncupávit, Gregórius vero Papa décimus sextus solémni ritu Dominica sanctissimæ Trinitátis anno millésimo octingentésimo trigésimo nono sanctárum Virginum collégio adscripsit.

℟. Afferéntur. 104*.

IN III. NOCTURNO

Homil. in Evang. Simile erit regnum. de eodem Comm. 1^o loco. 106*.

DIE XV

DIVISIONIS APOSTOLORUM

Duplex.

Omnia de Comm. Apost. 2*, præter seq.

Oratio.

DEUS, qui nos per beátos Apóstolos tuos ad agni-

tionem tui nóminis venire tribuisti : da nobis eórum glóriam sempitérnam et proficiendo celebrare, et celebrando proficere. Per Dñm.

IN I. NOCTURNO

De Epístola beáti Páuli Apóstoli ad Romános.

Lectio j. Cap. 10.

FINIS legis, Christus, ad justitiam omni credenti. Móyses enim scripsit, quóniam justitiam, quæ ex lege est qui fécerit homo, vivet in ea. Quæ áutem ex fide est, justitia, sic dicit : Ne dixeris in corde tuo : quis ascendet in cælum? id est, Christum dedúcere : Aut quis descendet in abyssum? hoc est, Christum a mórtuis revocare. Sed quid dicit Scriptúra? Prope est verbum in ore tuo, et in corde tuo : hoc est verbum fidei, quod prædicámus. Quia si confiteáris in ore tuo Dóminum Jesum, et in corde tuo credideris, quod Deus illum suscitávit a mórtuis, salvus eris.

℟. Ecce ego. 8*.

Lectio ij.

CORDE enim créditur ad justitiam : ore áutem confessio fit ad salutem. Dicit enim Scriptúra : Omnis, qui credit in illum, non confundétur. Non enim est distinctio Judæi et Græci : nam idem Dóminus ómnium, dives in omnes, qui invocant illum. Omnis enim, quicumque invocáverit nomen

Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo áutem áudient sine prædicánte? Quómodo vero prædicábunt, nisi mittántur? sicut scriptum est : Quam speciósi pedes evangelizántium pacem, evangelizántium bona!

℟. Tóllite jugum. 8*.

Lectio iij.

SED non omnes obédiunt Evangélio. Isaías enim dicit : Dómine quis crédidit auditui nostro? Ergo fides ex auditu, auditus áutem per verbum Christi. Sed dico : Numquid non audiérunt? Et quidem in omnem terram exívit sonus eórum, et in fines orbis terræ verba eórum. Sed dico : Numquid Israël non cognóvit? Primus Móyses dicit : Ego ad æmulationem vos addúcam in non gentem : in gentem insipientem, in iram vos mittam. Isaías áutem áudet, et dicit : Tota die expándi manus meas ad pópulum non credentem, et contradicentem.

℟. Dum steteritis. 8*.

IN II. NOCTURNO

Lect. Scriptum est. 10*.

IN III. NOCTURNO

Léctio sancti Evangélii secundum Marcum.

Lectio vij. Cap. 16. c

IN illo témpore : Dixit Jesus discipulis suis : Eúntes in mundum univérsum prædi-

cáte Evangélium omni creatúræ. Et réliqua.

Homilia sancti Gregórii Papæ.

Homilia 29. in Evang., post init.

POTEST omnis creatúra nómine omnis nátio gentium designári. Ante etenim dictum fúerat : In viam gentium ne abiéritis ; nunc áutem dicitur : Prædicáte omni creatúræ, ut scilicet prius a Judæa Apostolorum repúlsa prædicatio tunc nobis in adiutorium fieret, cum hanc illa ad damnationis suæ testimonium supérba repulisset. Sed cum discipulos ad prædicandum Véritas mittit, quid áliud in mundo facit, nisi grana séminis spargit? Et páuca grana mittit in sémine, ut multárum méssium fruges recípiat ex nostra fide.

℟. Isti sunt qui. 13*.

Lectio viij.

NEQVE etenim in univérso mundo tanta fidélium messis exsúrgeret, si de manu Dómini super rationálem terram illa elécta grana prædicántium non venissent. Séquitur : Qui crediderit, et baptizátus fúerit, salvus erit : qui vero non crediderit, condemnábitur. Fortásse unusquisque apud semetipsum dicat : Ego jam crédidi, salvus ero. Verum dicit, si fidem opéribus tenet. Vera etenim fides est, quæ in hoc, quod verbis dicit, móribus non contradícit. Hinc est

enim quod de quibúsdam falsis fidélibus Páulus dicit : Qui confiténtur se nosse Deum, factis áutem negant.

℟. Isti sunt viri. 14*.

Lectio ix.

SIGNA áutem eos qui creditúri sunt, hæc sequéntur : In nómine meo dæmónia ejicient, linguis loquéntur novis, serpéntes tollent : et si mortiferum quid biberint, non eis nocébit : super ægros manus impónent, et bene habébunt. Numquidnam, fratres mei, quia ista signa non fácitis, mínime créditis? Sed hæc necessariá in exórdio Ecclésiæ fuérunt. Ut enim ad fidem crésceret multitúdo credéntium, miráculis fúerat nutriéndá : quia et nos cum arbústa plantámus, támdiu eis aquam infúndimus, quousque ea in terra jam coaluísse videámus : et si semel radicem fixerint, irrigátio cessábit. Hinc est enim quod Páulus dicit : Linguae in signum sunt non fidélibus, sed infidélibus.

Te Deum laudámus. 16.

DIE XVI

TRIUMPHI S. CRUCIS

Duplex majus.

IN I. VESPERIS

Ant. et Capit. de Laud. 349* ; **Pss. ut in I. Vesp. de Comm. Apost. 2*.**

Hymn. Vexilla regis pród-eunt. 327.

℣. Adorámus te Christe,

et benedicimus tibi. *℟.* Quia per Crucem tuam redemísti mundum.

Ad Magnif. Ant. O Crux, splendidior cunctis astris, mundo célebris, homínibus multum amábilis, sánctior univérssis, quæ sola fuísti digna portáre taléntum mundi : dulce lignum, dulces clavos, dúlcia ferens póndera : salva præséntem catérvam in tuis hódie láudibus congregá-tam.

Orat. ut ad Laudes. 350*.

AD MATUTINUM

Invit. Regem Dóminum, qui pepéndit in ligno, * Veníte, adorémus.

Ps. Veníte, exsultémus. 2.

Hymn. Pange lingua. 328.

IN I. NOCTURNO

Ant. Dulce lignum, dulces clavos, dulce pondus sustí-nuit : quæ sola digna fuit por-táre prétium hujus sæculi.

Pss. ut in I. Nocturno de Comm. Virg. 98*.

Ant. O Crux admirábilis, evacuátio vúlnerum, resti-tútio sanitátum.

Ant. Adorámus te Christe, et benedicimus tibi : quia per Crucem tuam redemísti mundum.

℣. Hoc signum Crucis erit in cælo. *℟.* Cum Dóminus ad judicándum vénerit. De Epístola beáti Páuli Apó-stoli ad Gálatas.

Lectio j. Cap. 3. b

QUICÚMQUE ex opéribus le-gis sunt, sub maledicto sunt. Scriptum est enim :

Maledictus omnis, qui non permanserit in omnibus, quæ scripta sunt in libro legis ut faciat ea. Quoniam autem in lege nemo iustificatur apud Deum, manifestum est : quia justus ex fide vivit. Lex autem non est ex fide, sed, Qui fecerit ea, vivet in illis. Christus nos redemit de maledicto legis, factus pro nobis maledictum : quia scriptum est : Maledictus omnis qui pendet in ligno : ut in gentibus benedictio Abraham fieret in Christo Jesu, ut pollicitationem Spiritus accipiamus per fidem.

R. O Crux benedicta, * Quæ sola fuisti digna portare Regem cælorum et Dominum.
V. O Crux gloriôsa, o Crux veneranda. Quæ.

De Epistola ad Philippenses.

Lectio ij. Cap. 2.

Hoc enim sentite in vobis, quod et in Christo Jesu : qui cum in forma Dei esset, non rapinam arbitratus est esse se æqualem Deo : sed semetipsum exinanivit formam servi accipiens, in similitudinem hominum factus, et habitu inventus ut homo. Humiliavit semetipsum factus obediens usque ad mortem, mortem autem crucis. Propter quod et Deus exaltavit illum, et donavit illi nomen, quod est super omne nomen : ut in nomine Jesu omne genu flectatur cælestium, terrestrium et infer-

norum, et omnis lingua confiteatur, quia Dominus Jesus Christus in gloria est Dei Patris.

R. O Crux gloriôsa, o Crux veneranda, o lignum pretiosum, et admirabile signum :

* Per quod et diabolus est victus et mundus redemptus. **V.** O Crux admirabilis, evacuatio vulnorum, restitutio sanitatum. Per quod.

De Epistola ad Colossenses.

Lectio iij. Cap. 2. b

In Christo inhabitat omnis plenitudo divinitatis corporaliter : et estis in illo repleti, qui est caput omnis principatus et potestatis : in quo et circumcisi estis circumcisione non manu facta in exspoliacione corporis carnis, sed in circumcisione Christi : consepulti ei in baptismo, in quo et resurrexistis per fidem operationis Dei, qui suscitavit illum a mortuis. Et vos cum mortui essetis in delictis, et præputio carnis vestræ, convificavit cum illo, donans vobis omnia delicta : delens quod adversus nos erat chirographum decreti, quod erat contrarium nobis, et ipsum tulit de medio, affigens illud cruci : et exspolians principatus et potestates traduxit confidenter, palam triumphans illos in semetipso.

R. Hoc signum Crucis erit in cælo, cum Dominus ad iudicandum venerit : * Tunc

manifesta erunt abscondita cordis nostri. *Ÿ.* Cum sederit Filius hominis in sede maiestatis suæ, et coeperit iudicare sæculum per ignem. Tunc. Glória Patri. Tunc.

IN II. NOCTURNO

Ant. Salvator mundi salva nos : qui per Crucem et sanguinem tuum redemisti nos, auxiliare nobis, te deprecamur Deus noster.

Ps. 45. Deus noster refugium. 65.

Ant. Crux benedicta nitet, Dominus qua carne pependit, atque cruore suo vulnera nostra lavat.

Ps. 46. Omnes gentes. 66.

Ant. Nos autem gloriari oportet in Cruce Domini nostri Jesu Christi.

Ps. 47. Magnus Dominus. 66.

Ÿ. Adoramus te Christe, et benedicimus tibi. *Ŕ.* Quia per Crucem tuam redemisti mundum.

Lectio iv.

Ex Roderico Archiep. Tolet.

ALFOŒSUS Castellæ rex, cognomento Bonus, cupiens damna christiānis a Máuris Bæticam totamque illam australem Hispániæ plagam possidentibus illata resarcire (semel enim ab eis fuerat superatus), magnum conflavit exercitum : reges finitimos ac dynastas sollicitavit, condonationes a Summo Pontifice Innocéntio tertio impetravit, ut, in eo pio bello qui caderent, nullis

capitalibus commissis præpediréntur, quominus ad cælos statim evolarent. Quare tantus ardor tuendæ christiānæ ditionis ac pietatis plerosque invasit, ut flagitium flagitiosissimum ducerent a tam piis castris abesse. Ingentes Tolétum copię jam ad regem Alfonsum confluerant : jam Petrus Aragóniæ rex haud contemnendam manum contraxerat : jam regem Navarræ Sanctium adventare fama vulgaverat : jam procures, jam episcopi (sed Toletanus ante alios) fulgentibus stipati catervis regium latus cingebant : cum omnes, non sine numine Christi profecti, ditionem Maurorum invadunt.

Ŕ. Dulce lignum, dulces clavos, dulce pondus sustinuit : * Quæ sola digna fuit portare pretium hujus sæculi. *Ÿ.* Hoc signum Crucis erit in cælo, cum Dominus ad judicandum venerit. Quæ sola.

Lectio v.

NONNULLA sunt in via obiter expugnata oppida ignobilia. Sed quinto denique die Calatravam, quæ firmo Maurorum præsidio tenebatur, primo impetu capiunt. Alarcos deinde ducunt, ubi se rex illis Navarræ conjunxit. Maurorum rex, qui ingentem Giennium contraxerat exercitum, ubi nostros comperit in radicibus montium consedisse, equitatus par-

tem præmisit, quæ mōntium ad angústias incompósitos insidiis exciperet, ipse lentiori gradu cum reliquo subsequitur exercitu. Alfonsus tamen rex equitum jam turmam miserat ad summa mōntium occupanda, qui fugatis strénue Máuris montis planitiem (Navas Tolósæ vocant) tenuere, castris locum delegere. Lætus Alfonsus, quod cacumina sui mōntium profligatis hostibus tenuissent, omnem jubet exercitum eo conscendere. Difficilis admodum erat ascensus, sed a peritis locorum turmatim ducti ad fastigia montis omnes evaserunt, et eo die proximoque prælio abstinuerunt. Nocte média, quæ diem a superato monte secundam est consecuta, christiani voce præconis jubentur mentes per sacramentalem confessionem munda-re, corpora curare, arma, equos expedire, signum pugnae prima luce intenti expectare. Quod tam omnium plausu gratulationeque exceptum est, ut noctem, quod tarda iret, incusarent.

✠. Crux alma fulget, per quam salus reddita est mundo : * Crux repellit omne crimen, allelúia. ✠. Crux vincit, Crux regnat. Crux repellit omne.

Lectio vj.

ORTA luce et a multis sacra accepta Eucharistia, ab aliis archiepiscopali benedi-

ctione loco communionis suscepta, Alfonsus eductis omnibus copiis aciem instruxit, curas inter reges ac próceres partivit. Haud tamen potest summátim dici, quem quisque locum tenuerit, quam quisque partem tuendam accéperit : satis ex événtu perspicuum est, omnia præclarissimi ducis Alfonsi múnia fortissime sapientissimèque obiisse. Consértis igitur manibus (ut reliqua nunc prætermittam) ácriterpugnátum est, ancépsque diu victória fuit, ádeo ut Alfonsus rex ad Toletánium antistitem diceret : Eia, archiepiscope, hic nos, hic moriamur. Cui archiepiscopus : Nequáquam moriemur, o rex ; imo feliciter vincemus. Quod et favéntibus superis factum est. Nam Máuri victi ac occisione occisi sunt. Rex eórum cum quatuor equitibus prælio fuga se subdúxit. Ducénta millia Maurorum occisa memorántur, cum ex nostris viginti quinque solum fúerint desiderati. Miraque in hoc prælio contigérunt. Número primum occisorum in tanta paucitate christianórum. Crux item in médio conflictu, cum nostri máxime laborare videréntur, Alfónso quamplurimisque aliis visa est in áère. Prætérea Crux, quæ præsullem ante Toletánum de more gestabátur, bis (incólumi signífero Dominico Paschásio,

Toletánæ ecclésiæ canónico) áciem hóstiũm sublata penetrávit. Dénique ad præsentiam imáginis beátæ Virginis Mariæ, quæ in vexillis régiis depícta erat, ingens Maurórum multitúdo córruit. Quare et quod christiánis sýmbolum ac insigne Crux erat, triúmphus sanctæ Crucis hæc præclára victória appelláta est, obténta décimo séptimo Kaléndas Augústi anno Dómini millésimo ducentésimo duodécimo.

℞. Tuam Crucem adorámus Dómine, tuam gloriósam recólimus passióem : * Miserére nobis, qui passus es pro nobis. ✠. Adorámus te Christe, et benedicimus tibi : quia per Crucem tuam redemisti mundum. Miserére. Glória Patri. Miserére.

IN III. NOCTURNO

Ant. O Crux benedicta, quæ sola fuisti digna portáre Regem cælórum et Dóminum.

Psalmi ut in III. Noct. de Comm. Virg. 104*.

Ant. Hoc signum Crucis apparébit in cælo, cum Dóminus ad judicándum vénerit.

Ant. Super ómnia ligna cedrórũ tu sola excélsior, in qua vita pepéndit, in qua Christus triumphávit, et mors mortem superávit in ætérnum.

✠. Omnis terra adóret te, et psallat tibi. ℞. Psalmum dicat nómini tuo Dómine.

Lect. de Homil. S. Gregorii in Evang. Cum audiéritis prælia. ut in Comm. plur. Mart. 1º loco. 48*.

℞. vij. Per signum Crucis de inimicis nostris, * Libera nos Deus noster, allelúia. ✠. Salva nos Christe Salvátor per virtútem Crucis. Libera nos.

℞. viij. Ecce Crucem Dómini, fúgite partes advérsæ, vicit leo de tribu Juda, * Radix David, allelúia. ✠. Crux benedicta in qua triumphávit Rex Angelórum. Radix. Glória Patri. Radix.

AD LAUDES

ET PER HORAS

Ant. 1. O magnum pietátis opus : * mors mórtua tunc est, in ligno quando mórtua vita fuit.

Ps. Dóminus regnávit. 16.

2. Salva nos * Christe Salvátor per virtútem Crucis, qui salvásti Petrum in mari, miserére nobis.

3. Crucem tuam * adorámus Dómine, et sanctam resurrectionem tuam laudámus et glorificámus : ecce enim propter Crucem venit gáudium in univérso mundo.

4. Ecce Crucem Dómini, * fúgite partes advérsæ, vicit leo de tribu Juda, radix David, allelúia.

5. Tuam Crucem * adorámus Dómine, tuam gloriósam recólimus passióem : miserére nobis, qui passus es pro nobis.

Capitulum. Gal. 6. d

Mihi áutem absit gloriári, nisi in Cruce Dómini nostri Jesu Christi : per quem mihi mundus crucifixus est, et ego mundo.

Hymn. Lustra sex. 333.

✠ Adorámus te Christe, et benedicimus tibi. **R.** Quia per Crucem tuam redemísti mundum.

Ad Bened. Ant. O Crux gloriósa, o Crux veneránda, o lignum pretiósus, et admirábile signum, per quod et diábolus est victus, et mundus redéemptus.

Oratio.

DEUS, qui per Crucem tuam pópulo in te credénti triúmphum contra inimicos concédere voluisti : quæsumus; ut tua pietáte adorántibus Crucem victóriam semper tribuas, et honórem : Qui vivis.

AD TERTIAM

Capit. Mihi áutem absit.

R. br. Hoc signum Crucis **✠** Erit in cælo. Hoc signum Crucis. **✠** Cum Dóminus ad judicándum vénerit. Erit. Glória Patri. Hoc.

✠ Adorámus te Christe, et benedicimus tibi. **R.** Quia per Crucem tuam redemísti mundum.

AD SEXTAM**Capitulum. Philipp. 2.**

CHRISTUS factus est pro nobis obédiens usque ad mortem, mortem áutem Crucis.

R. br. Adorámus te Chri-

ste, * Et benedicimus tibi. Adorámus te. **✠** Quia per Crucem tuam redemísti mundum. Et. Glória. Adorámus.

✠ Per signum Crucis de inimicis nostris. **R.** Libera nos Deus noster.

AD NONAM**Capitulum. Philipp. 2.**

IN nómine Jesu omne genu flectátur, cæléstium, ter-réstrium et infernórum : et omnis lingua confiteátur, quia Dóminus Jesus Christus in glória est Dei Patris.

R. br. Per signum Crucis, * De inimicis nostris. Per signum. **✠** Libera nos Deus noster. De inimicis. Glória Patri. Per signum.

✠ Hoc signum Crucis erit in cælo. **R.** Cum Dóminus ad judicándum vénerit.

IN II. VESPERIS

Omnia ut in I. Vesp. 345*.

Ad Magnif. Ant. O Crux benedicta, quæ sola fuísti digna portáre Regem cælórum et Dóminum.

DIE XVII**S. ALEXII CONFESSORIS****Duplex.**

Omnia de Comm. Conf. non Pont. 76*, præter seq.

Oratio.

DEUS, qui beátum Aléxium Confessórem tuum in mundi contéptu miráblem effecísti : præsta, quæsumus; ut intercessiónis ejus auxilio fidéles tui terréna despiciant, et ad cæléstia semper adspírent. Per Dñm.

IN I. NOCTURNO

Lect. de Script. occur.

IN II. NOCTURNO

Lectio iv.

ALÉXIUS Románus, Euphemíani senatórís filius, piissime ac liberalissime in patérna domo a téneris annis educátus, assíduo christiánarum virtútum exercitio ádeo in Jesu Christi amórem exársit, ut secum statúerit familiæ nobilitátem, patrimoníi amplitúdinem, mundi illécebras et voluptátes ejúsdem imitatióni postpónere. Quare prima nuptiárum nocte ductam paréntum voto cónjugem peculiári Dei mónitu intáctam reliquit.

R. Honéstum fecit. 82*.

Lectio v.

CLAM itaque e domo abscédens, illústrium orbis terræ ecclesiárum peregrinaciónem suscepit. In quo institúto cum ignótus septémdecim annos transegisset, aliquándo apud Edéssam Sýriæ urbem per imáginem sanctissimæ Mariæ Virginis ejus nómine divulgáto, ut inánem mundi glóriam declináret, inde navi discéssit : mox ad Portum Románum appúlsus, ac patri, Deo ita disponénte, óbviā factus, ab eódem in própria domo tamquam aliénus páuper hospitio recéptus est.

R. Amávit eum. 82*.

Lectio vj.

Hoc in loco, ut nova mundum arte delúderet, du-

rum certámen aggréssus, inter uxóris et paréntum diutinos questus, inter famulórum contéptum, per decem et septem annos admirándæ virtútis et invictæ patiéntiæ exéplum se præbuit, soli Deo notus. Post mortem scripto suo ágnitus, in quo nomen, genus, et totius vitæ cursus continebántur, Innocéntio primo Pontífice Máximo, ad ecclésiā sancti Bonifácii, quæ étiam sancti Aléxii nómine appellátur, summo honóre delátus est, ubi ad hanc usque diem pia fidélium veneratióne cólitur. Ejus diem festum senátus Románus, ut débitam erga tam insignem concivem suum pietátem osténderet, a Summo Pontífice Cleménte décimo secúndo ritu solemniori Romæ et in ejus districtu celebrándum impetrávit.

R. Iste homo. 83*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 19. d

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis ? Et réliqua.

Homilia sancti Bernárdi Abbátis.

Declam. in Evang. hujus verbi.

ARBITROR verba lectiónis hujus ea esse, de quibus ad immortálem sponsum a

finibus terræ clamat Ecclesia : Propter verba labiorum tuorum ego custodivi vias duras. Hæc nempe sunt verba, quæ contempnum mundi in univérso mundo, et voluntariam persuasere hominibus paupertatem. Hæc sunt, quæ mōnachis clāustra replent, desérta anachorétis. Hæc, inquam, sunt verba, quæ Ægyptum spoliānt, et optima quæque ejus vasa diripiunt. Hic sermo vivus et efficax, convertens animas felici æmulatione sanctitatis, et veritatis promissione fideli.

R. Iste est qui. 85*.

Lectio viij.

NAM et mundus transit, et concupiscētia ejus, et relinquere hæc magis expedit quam relinqui. Ecce, inquit, reliquimus omnia, et secuti sumus te : nimirum quia exultavit ut gigas ad currēdam viam, nec currētem sequi poterat oneratus. Sed nec inutilis commutatio, pro eo, qui super omnia est, omnia reliquisse; nam et simul cum eo donantur omnia, et ubi apprehēderis eum, erit unus ipse omnia in omnibus, qui pro ipso omnia reliquerunt. Omnia sane dixerim, non tantum possessiones, sed etiam cupiditates, et eas maxime.

R. Sint lumbi. 85*.

Lectio ix.

PETRUS cogitatum suum jactans in Dōmino, et

omnem sollicitudinem suam in eum projiciens, certus quod illi foret cura de eo, reliquit omnia, secutus est Dōminum, ne interrogans quidem de præmio, donec ex periculo divitum, quod Salvator prosequeretur, sumeret occasionem percunctandi : Quid ergo erit nobis? Ait illis Jesus : Amen dico vobis. Verbum confirmatiōnis præmittitur; magnum novis esse, quod sequitur. In regeneratiōe sedēbitis et vos. Consequēmini, ait, quem sequimini : ut cum ipse sederit, et vos pariter sedeātis. O sessio! Quis mihi tribuat ut dignis exprimam verbis, quod de sessione hac cordis affectiōne concipio? Imo quis tribuat mihi sessionis hujus imperturbata frui requie, quam desidero, quam cupio, quam requiro? Te Deum laudamus. 16.

DIE XIX

S. VINCENTII A PAULO

CONFESSORIS

CONGREG. MISS. FUNDATORIS

Pro Congreg. Missionis.

Duplex 1. classis.

IN I. VESPERIS

Ant. 1. Egēni et pāuperes quærunť aquas, et non sunt : Ego Dōminus exāudiam eos, Deus Israēl non derelinquam eos.

Psalmi ut in I. Vesperis de Communi Apostolorum.
2*.

2. Suscitábo mihi Sacerdotem fidélem, qui juxta cor meum et ánimam meam fáciat : et ædificábo ei domum fidélem, et ambulábit coram Christo meo.

3. Dabo vobis pastóres juxta cor meum, et pascent vos sciéntia et doctrína.

4. Lábia enim Sacerdotis custódient sciéntiam, et legem requirént ex ore ejus.

5. Inebriábo ánimam Sacerdotum pinguédine, et pópulus meus bonis meis adimplébitur.

Capit. ut infra in Laud. 357*.

Hymnus.

QUI mutáre solet grándibus infima
Omnes exsúperans, máximus ómnium,
Vincénti ténuem te Deus ex-
tulit,

Cæli cœtibus inserens.

Vilis sub túguri tégmine
násceris;

At splendor ténebras exci-
piet breves;

Te compléxa sinu præsidium
sibi

Nutrix paupéries parat.

Ut promptam miseris ferre
scias opem,

Duras, heu! páteris servitii
vices :

Sed te, dum fidei subdit he-
rum iugo,

Solvit cómpede véritas.

Quantus nunc óperum lu-
ce pates! tuis

Christi sponsa nitet culta
labóribus :

Clero priscus honos, viva-
que lánguidis

Exsúrgit pópulis fides.

Te montánus, inops, æger
et órphanus,

Te plebs tota suum jure vo-
cat patrem :

Cunctis lætus ades, córpora
súblevas,

Mentes concilias Deo.

Regum consilii jussus a-
des sacris,

Mentis certa tuæ lúmina cón-
sulunt :

Te nil tangit honos; at
miseros ope,

Et regnum mónitis juvas.

Quem flectunt inopes, má-
xima laus Patri :

Ægris unde salus, máxima
Filio :

Blando qui récreas pèctora
flámine,

Par sit laus tibi Spíritus.

Amen.

Ÿ. Justus tota die miseré-
tur et cómmodat. **℟.** Et se-
men ejus in benedictióne
erit.

Ad Magnif. Ant. Dispérsit,
dedit paupéribus : justitia
ejus manet in sæculum sæ-
culi.

Orat. ut ad Laudes. 358*.

AD MATUTINUM

Invitat. Evangelizántem
paupéribus Dóminum, * Ve-
nité, adorémus.

Ps. Veníte, exsultémus. 2.

Hymnus.

O QUI supérnæ gáudia pá-
triæ

Háustu perénni plénius ébi-
bis,

Ne sperne Vincénti tuórum
Vota, preces, gémitus clién-
tum.

Futúrus olim paupéribus
pater,

Discis vel infans paupériem
pati :

Præstantiôres transitúris
Divítias tibi Christus offert.

Primis sub annis se tibi
mútuo

Intácta junxit fœdere cásti-
tas :

In corde puro caritátem
Relligio pietásque fovit.

Christum fidéli reddisimá-
gine,

Sermóne, gressu, móribus
éxprimis :

Christique Matris dulce no-
men

Obséquiiis et amóre láudas.

Vinclis onústus, tartáreis
herum

Solvis caténis; hinc tibi réd-
ditus,

Noxis ligátos quot salúti
Restituis, subigisque Chri-
sto !

Austeriôrem dum sapién-
tiam

Castigat oris blanda seréni-
tas,

Se corda subdunt, seque
gáudent,

Elóquio dominánte, vinci.

Latére gestis, spléndida
non sinit

Latére virtus. Régia te vo-
cat :

Arcána tractas sacra regum,
Consílio monitisque prodes.

Doctrína puris édita fón-
tibus

Pervérsa constans dógmata
résruit :

Scuto retúndis veritátis

Mille malas novitátis artes.

Laus summa Patri, súm-
maque Filio :

Compar sit tibi glória Spíri-
tus :

A se vocátos roboránti

Summus honor Dómino per
ævum. Amen.

IN I. NOCTURNO

Ant. Puer proficiébat at-
que crescébat, et placébat
tam Dómino, quam homíni-
bus.

*Pss. de Comm. Conf. non
Pont. 77*.*

Ant. Erat vir ille simplex,
et rectus, ac timens Deum,
et recédens a malo.

Ant. Dóminus erat cum
illo, et ómnia ópera ejus di-
rigébat.

v. Servávi mandáta tua
et testimónia tua. *R.* Quia
omnes viæ meæ in conspé-
ctu tuo.

De Epístola prima beáti Páuli
Apóstoli ad Corinthios.

Lectio j. Cap. 1.

MISIT me Christus evange-
lizáre, non in sapiéntia
verbi, ut non evacuétur crux
Christi. Verbum enim crucis
pereúntibus quidem stultitia
est; iis áutem qui salvi fiunt,
id est nobis, Dei virtus est.
Scriptum est enim : Perdam
sapiéntiam sapiéntium, et
prudéntiam prudéntium re-
probábo. Ubi sápiens? Ubi
scriba? Ubi conquisítor hu-
jus sæculi? Nonne stultam

fecit Deus sapiéntiam hujus mundi? Nam quia in Dei sapiéntia non cognóvit mundus per sapiéntiam Deum, plácuít Deo per stultitiam prædicatiónis salvos fácere credéntes. Quóniam et Judæi signa petunt, et Græci sapiéntiam quærunť : nos autem prædicámus Christum crucifixum, Judæis quidem scándalum, géntibus autem stultitiam : ipsis autem vocátis Judæis atque Græcis, Christum Dei virtútem et Dei sapiéntiam. Quia quod stultum est Dei, sapiéntius est homínibus : et quod infirmum est Dei, fórtius est homínibus.

R. Parávit cor suum, * Ut investigáret legem Dómini, et fáceret, et docéret in Israël præcéptum et judícium. **V.** Devítans profánas vocum novitátes, et oppositiónes falsi nóminis sciéntiæ. Ut.

Lectio ij.

VIDÉTE enim vocatiónem vestram, fratres, quia non multi sapiéntes secúndum carnem, non multi poténtes, non multi nóbiles; sed quæ stulla sunt mundi elégit Deus, ut confúndat sapiéntes : et infirma mundi elégit Deus, ut confúndat fórtia : et ignobilia mundi et contemptibilia elégit Deus, et ea quæ non sunt, ut ea quæ sunt destrúeret : ut non gloriétur omnis caro in conspéctu ejus. Ex ipso au-

tem vos estis in Christo Jesu, qui factus est nobis sapiéntia a Deo, et justitia, et sanctificatio, et redemptio; ut quemádmódum scriptum est : Qui gloriátur, in Dómino gloriétur.

R. Sapiéntia vénditum justum non dereliquit, sed a peccatóribus liberávit eum; * Descenditque cum illo in fóveam, et in vinculis non dereliquit illum. **V.** Opprés- sum a nefandórum injúria ac luxuriósa conversatióne eripuit : adspéctu enim et auditu justus erat. Descenditque.

Lectio iij.

ET ego cum venissem ad vos, fratres, veni non in sublimitáte sermónis aut sapiéntiæ, annúntians vobis testimónium Christi. Non enim judicávi me scire aliquid inter vos, nisi Jesum Christum, et hunc crucifixum. Et ego in infirmitáte et tremóre multo fui apud vos : et sermo meus, et prædicatio mea, non in persuasibilibus humanæ sapiéntiæ verbis, sed in ostensióne spíritus et virtútis; ut fides vestra non sit in sapiéntia hóminum, sed in virtúte Dei. Sapiéntiam autem lóquimur inter perféctos : sapiéntiam vero non hujus sæculi, neque principum hujus sæculi qui destruúntur; sed lóquimur Dei sapiéntiam in mystério, quæ abscondita est, quam prædestinávit Deus

ante sæcula in glóriam nostram.

R. Sapiéntia humiliáti exaltábit caput illius, * Et in médio magnatórum consédere illum faciét. **V.** Qui enim humiliátus fúerit, erit in glória. Et. Glória Patri. Et.

IN II. NOCTURNO

Ant. Tulit me Dóminus, cum séquerer gregem, et dixit Dóminus ad me : Vade Prophéta ad pópulum meum Israël.

Ant. Annuntiábam ut pœniténtiam ágerent ; et reverteréntur ad eum, digna pœniténtiæ ópera faciéntes.

Ant. Multi credéntium veniébant, confiténtes et annuntiántes actus suos.

V. Pósuí verba mea in ore tuo. **R.** Ut plantes cælos, et fundes terram.

Lect. iv., v. et vj. ut in Brev. in eodem Festo. 490.

R. iv. Sústulit eum de grégibus óvium * Páscere Jacob servum suum, et Israël hereditátem suam. **V.** Et pavit eos in innocéntia cordis sui, et in intelléctibus mánuum suárum dedúxit eos. Páscere.

R. v. Evangélij factus sum mínister secúndum donum grátiae Dei, quæ data est mihi secúndum operatióem virtútis ejus. * Mihi ómnium sanctórum mínimo data est grátia hæc. **V.** Ego novissimus evigilávi, et quasi qui colligit ácinos post vindemiátóres, in benedictióe

Dei et ipse sperávi, et quasi qui vindémiat, replévi tórcular. Mihi.

R. vj. Factus sum infirmis infirmus, ut infirmos lucrifácerem : * Omnibus ómnia factus sum, ut omnes fácerem salvos, allelúia. **V.** Oculus fui cæco, et pes cláudo : pater eram páuperum. Omnibus. Glória Patri. Omnibus.

IN III. NOCTURNO

Ant. Addúxit sacerdótes atque levitas, et congregávit eos.

Ant. Dixitque ad eos : Audite me levitæ, et sanctificámini ; mundáte domum Dómini, et auférte omnem immunditiam de sanctuário.

Ant. Egréssi áutem circuibant per castélla evangelizántes.

V. Dóminus dabit voci suæ vocem virtútis. **R.** Date glóriam Deo super Israël.

Lectio sancti Evangélij secúndum Matthæum.

Lectio vij. Cap. 9.

IN illo témpore : Circuibat Jesus omnes civitátes et castélla, docens in synagógis eórum, et prædicans Evangélium regni. Et reliqua.

Homilia sancti Hierónymi Presbýteri.

In Matth. 9.

CERNIS quod æquáliter et villis, et úrbibus, et castéllis, id est, et magnis et parvis, Evangélium prædicáverit ; ut non consideráret nobilium poténtiam, sed sa-

lútem credéntium. Circumibat civitátes : hoc habens óperis, quod mandáverat Pater, et hanc esúriem, ut doctrína sua salvos fáceret infidéles. Docébat áutem in synagógis et villis Evangélium regni, et post prædicationem atque doctrinam, curábat omnem languórem et omnem infirmitátem, ut quibus sermo non suáserat, ópera persuadérent.

R. Venérunt ad eum in hospitium plúrimi, quibus exponébat testificans regnum Dei : * Suadénsque eis de Jesu ex lege Móysi et Prophétis, a mane usque ad vespéram. **V.** Et circuibat omnes civitátes et castélla docens. Suadénsque.

Lectio viii.

VIDENS áutem turbas, miserátus est eis, quia erant vexátí et jacéntes sicut oves non habéntes pastórem. Vexátio gregis et óvium, atque turbárum, pastórum culpa et vítium magistrórum est. Unde séquitur : Messis quidem multa, operáarii áutem páuci. Rogáte ergo Dóminum messis, ut mittat operários in messem suam. Messis multa populórum significat multitudínem : operáarii páuci, penúriam magistrórum.

R. Messis quidem multa, operáarii áutem páuci : * Rogáte ergo Dóminum messis, ut mittat operários in messem suam. **V.** Leváte óculos vestros, et vidéte regiónés,

quia albæ sunt jam ad messem. Rogáte. Glória Patri. Rogáte.

Lectio ix.

ET imperat ut rogent Dóminum messis, ut mittat operários in messem suam. Isti sunt operáarii, de quibus lóquitur Psalmista dicens : Eúntes ibant et flebant, mitténtes sémína sua ; veniéntes áutem vénient cum exultatióne, portántes manipulos suos. Et ut apértius loquar : Messis multa, omnis turba credéntium est, operáarii áutem páuci, et Apóstoli et imitatóres eórum qui mittúntur ad messem.

Te Deum laudámus. 16.

AD LAUDES

ET PER HORAS

Ant. 1. Gubernávit * ad Dóminum cor ipsíus, et in diébus peccatórum corrobórávit pietátem.

Psalm. Dóminus regnávit. cum reliq. 16.

2. Vir justus * atque perfectus fuit in generatióibus suis, cum Deo ambulávit.

3. Oculus Dei * respéxit illum in bono, et eréxit eum ab humilitáte ipsíus, et exaltávit caput ejus : et mirátí sunt in illo multi, et honoravérunt Deum.

4. In omni ópere dedit confessiónem Sancto et Excelso in verbo glóriæ, de omni corde suo laudávit Dóminum, et diléxit Deum, qui fecit illum.

5. Dedit * in celebratió-

nibus decus, et ornávit témpora usque ad consummationem vitæ, ut laudarent nomen sanctum Dómini.

Capitulum. Eccli. 18.

MISERATIO hóminis circa próximum suum : misericórdia áutem Dei super omnem carnem. Qui misericórdiam habet, docet et érudit quasi pastor gregem suum.

Hymnus.

UT nunc ab alto prævia
Nos luce Vincénti regis,
Virtútis exémplo tuæ
Signans ad astra trámitem!

Dilécta sponso Virginum
Corpus sacrávit cástitas :
Ornáre virtútum chorus
Mentem pudicam géstiit.

Hinc illa, qua te déprimis,
Sibi timens modéstia :
Hinc blanda morum lénitas,
Vitæque candor simplicis.

Sed inter omnes émicat
Quo fervet igne caritas :
Quot illa pascit páuperes,
Quot corda Christo súbjicit !

Ardénte zelo pércitus,
Late Dei mystéria
Per rura pandis : nec tamen
Curam poténtum déservis.

Te sensit error integra
Dolos repulsántem fide :
Te sensit infénsus scelus,
Tibique cessit ímpotens.

Pii labóris æmulam
Prolem sub alis cóngregas :
Hanc voce, factis, móribus,
Dux et magister édoces.

Qui se perénne præmium
Dat caritaté férvidis,

Uni sit et trino Deo
Laus et perénnis glória.
Amen.

V. Sacerdótes tui Dómine induántur justitiam. **R.** Et sancti tui exsúltent.

Ad Bened. Ant. Operátus est bonum, et rectum, et verum coram Dómino Deo suo in univérsa cultúra ministérii domus Dómini, juxta legem et cæremónias volens requirere Dóminum Deum suum in toto corde suo.

Oratio.

DEUS, qui ad salútem páuperum, et cleri disciplinam, novam in Ecclésia tua per beátum Vincéntium familiam congregásti : da, quæsumus : ut, eódem nos quoque spiritu fervéntes, et amémus quod amávit, et quod dócuit operémur. Per.

AD TERTIAM

Ant. Vir justus.

Capitulum. Ps. 15.

PROVIDEBAM Dóminum in conspéctu meo semper, quóniam a dextris est mihi, ne commóvear.

R. br. Ambula * Coram me. Ambula. **V.** Et esto perfectus. Coram. Glória Patri. Ambula.

V. Homo videt ea quæ parent. **R.** Dóminus áutem intuétur cor.

AD SEXTAM

Ant. Oculus Dei.

Capitulum. Eccli. 3.

HUMÍLIA te in ómnibus, et coram Deo invénies grátiā : quóniam magna po-

téntia Dei solius, et ab humilibus honorátur.

R. br. Excélsus Dóminus,*
Et humilia réspicit. Excélsus. **V.** Et alta a longe cognóscit. Et. Glória. Excélsus.

V. Súscitans a terra inopem. **R.** Et de stércore érigens páuperem.

AD NONAM

Ant. Dedit.

Capitulum. Exod. 18.

Esto tu pópulo in his quæ ad Deum pértinent, ut réferas quæ dicúntur ad eum, ostendásque pópulo cæremónias et ritum coléndi.

R. br. Qui statis * In domo Dómini. Qui. **V.** Extóllite manus vestras in sancta, et benedicite Dóminum. In. Glória Patri. Qui statis.

V. Date nómini ejus magnificéntiam. **R.** Et confitémini illi in voce labiórum vestrórum.

IN II. VESPERIS

Ant. et Pss. ut in I. Vesp.
Capit. de Laud.

Hymnus.

Quis novus cælis ágitur triúmpus?

Cælitum pláusum comitén-
tur hymni :

Ecce lux cleri, pater indigéntum

Æthere splendet.

Facta Vincénti tua te perórnant :

Cáritas aptat cápiti corónam :

Teque, quam terris húmilis parásti,

Glória vestit.

Quam rudes olim pópulos docébas,

Véritas nunc se tibi tota pandit :

Páuperi quidquid pia dextra fudit,

Reddit olýmpus.

Te sacerdótes vel adhuc magistro

Optimum Christi réferunt odórem :

Púllulat per te sacra lætióri Vineæ fœtu.

Sed tibi quantum decus elaborant

Vírgines castæ, sociæque matres !

Páuperum gáudent, duce te, fideles

Esse ministræ.

Corde qui puro míseros levábas,

Disce nunc votis hóminum rogári ;

Te suum clamant inopes, amica

Turba, patrónum.

Summus ætérno sit honos Parénti :

Par decus Nato míseros levánti :

Sancte sit compar tibi laus per omne

Spíritus ævum.

Amen.

V. Parásti in dulcédine tua páuperi Deus. **R.** Dóminus dabit verbum evangelizántibus virtúte multa.

Ad Magnif. Ant. Páuperes Sion saturábo pánibus : Sacerdótes ejus induam salutári, et sancti ejus exsultatióne exsultábunt.

DIE XIX

S. VINCENTII A PAULO

CONF. PATRONI MINUS PRINCIPALIS ARCHIDIŌCESIS SANCTI LUDOVICI

(In Archidiŏec. S. Ludovici.)

Duplex 2. cl. cum Octava.

(In Diŏces. Richmond.
et Wheeling.)

Duplex 1. classis cum Oct.

Officium ut in Brev. eadem die.

IN I. NOCTURNO

Lect. Justus. de Comm.
Conf. non Pont. 1^o loco. 79*.

DIE XXI

(Pro Archidiŏec. S. Ludovici,
et Diŏec. Richmond. et
Wheeling.)

TERTIA DIE INFRA OCTAVAM

S. VINCENTII CONF.

IN I. NOCTURNO

Lect. de Script. occur.

IN II. NOCTURNO

Sermo sancti Joannis
Chrysostomi.

Serm. de Marl. quod aut
imit. sunt, aut non lau-
dandi. tom. 3.

Lectio iv.

QUI sanctorum mērita religiōsa caritatē miratur, quique justorum glōrias frequentī laude collōquitur, eōrum mores sanctos atque justitiam imitetur: quoniam quem delectat Sancti alicujus mēritum, delectare debet par circa cultum Dei obssequium. Quare aut imitari de-

bet, si laudat, aut laudare non debet, si imitari detrēctat; ut qui alium laudat, laudabilem se reddat, et qui sanctorum mērita admiratur, mirabilis ipse vitæ sanctitatē reddatur. Nam si propterea justos fidelēque diligimus, quod in ipsis justitiam fidemque suspicimus; possumus nos quoque esse quod sunt, si faciamus ipsi, quod faciunt.

℟. Honēstum fecit. 82*.

Lectio v.

NEQVE enim difficile nobis est, quod ab ipsis geritur, imitari, cum sine præcedenti exēplo ab antiquis tālia gesta conspiciamus: ut non ipsi aliorum æmuli redderentur, sed æmulandæ virtutis seipsos nobis præberent exēplum; ut dum nos ex ipsis, et ex nobis alii proficiunt, sic Christus in suis semper servis in Ecclesia sancta laudetur. Unde ab origine mundi innocens Abel occiditur, Enoch Deo placens transfertur, justus Noë invenitur, Abraham fidelis probatur, Moyses mansuetus dignoscitur, Jesus castus, David lenis, Elias acceptus, Daniel sanctus, tres pueri victores redduntur.

℟. Amavit eum. 82*.

Lectio vj.

APŌSTOLI discipuli Christi, credentium magistri habentur, e quibus eruditi Confessores fortissimi pugnant, Martyres perfecti

triúmphant, et christiáni semper exércitus diábolum Deo armáti debéllant. In istis semper pares virtútes, dissimiles pugnae, gloriósae victóriæ. Unde tu Christiáne, delicátus es miles, si putas te posse sine pugna vincere, sine certámine triúmphare. Exsere vires, fórtiter dímica, atróciter in prælio isto concerta. Considera pactum, conditionem atténde, militiam nosce : pactum quod spopondisti, conditionem qua accessisti : militiam cui nomen dedisti.

¶ Iste homo. 83*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 10.

IN illo témpore : Designávit Dóminus et álios septuaginta duos, et misit illos binos ante faciém suam in omnem civitátem et locum, quo erat ipse ventúrus. Et réliqua.

Homília sancti Gregórii Papæ.

Ex Homil. 17. in Evang.

MISSIS áutem prædicatóribus, quid dicat, audiámus : Messis quidem multa, operárii áutem páuci. Ad messem multam operárii páuci sunt, quod sine gravi mœróre loqui non póssumus : quia etsi sunt, qui bona áudiant, desunt tamen, qui dicant : Ecce mundus sacerdotibus plenus est, sed

tamen in messe Dei rarus valde invenitur operátor : quia officium quidem sacerdotále suscepimus, sed opus officii non implémus. Sed pensáte, fratres carissimi, pensáte, quod dicitur : Rogáte ergo dóminum messis, ut mittat operários in messem suam. Vos pro nobis pétite, ut digna vobis operári valeámus, ne ab exhortatióne lingua tórpeat, ne postquam prædicatiónis locum suscepimus, apud justum júdicem nostra nos taciturnitas addicat.

¶ Iste est. 85*.

Lectio viij.

SED útinam si ad prædicatiónis virtútem non sufficimus, loci nostri officium in innocentia vitæ teneámus; nam súbditur : Ecce ego mitto vos sicut agnos inter lupos. Multi enim cum regíminis curam suscipiunt, ad lacerándos súbditos inardescunt, terrórem potestátis exhibent, et quibus prodésse debúerant, nocent. Et quia caritátis viscera non habent, dómini vidéri appetunt, patres se esse minime recognóscunt, humilitátis locum in elatióne dominationis inmútant : etsi quando extrinsecus blandiúntur, intrinsecus sáviunt. De quibus álias Véritas dicit : Véniunt ad vos in vestiméntis óvium, intrinsecus áutem sunt lupi rapáces.

¶ Sint lumbi. 85*.

Lectio ix.

CONTRA quæ ómnia considerándum nobis est, quia sicut agni inter lupos mittimur, ut sensum servántes innocentíæ, morsum malítiæ non habeamus. Qui enim locum prædicatiónis súscipit, mala inférre non debet, sed toleráre; ut ex ipsa sua mansuetúdine iram sæviéntium mítet, et peccatórum vúlnera in áliis ipse afflictiónibus vulnerátus sanet. Quod tunc bene rector exhibet, cum seipsum diligere per amórem privátum nescit, cum nulla, quæ mundi sunt, áppetit: cum terrénæ cupiditátis onéribus nequáquam mentis colla suppónit. Unde et súbditur: Nolite portáre sácculum.

Te Deum laudámus. 16.

DIE XXIV

S. FRANCISCI SOLANI

CONFESSORIS

Duplex.

Omnia de Comm. Conf. non Pont. 76*, præter sequentia.

Oratio.

DEUS, qui plúrimas Américæ gentes per beátum Franciscum ad sinum Ecclesiæ perduxisti: ejus méritis et précibus, indignatióem tuam a peccátis nostris avérte; et in gentes, quæ te non cognovérunt, timórem nóminis tui benignus immítte. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

FRANCÍSCUS Solánus, Montiliæ, Hispániæ Bæticæ óppido, nóbili génere natus, ac Dómini timórem jam inde a púero edóctus, apostólico múnere, quod erat póstea susceptúrus, in ea ætáte præluxit. Nam condiscipulos et natu majóres ardénti oratióne ad pœniténtiam hortári, dissidentes compónere, res humanas contémnere, divinas sério meditári sólitus erat. Adoléscens in órđinem fratrum Minórum observántium nomen dedit; in eóque asperióris disciplinæ, humilitátis, ac pietátis exemplis óculos ómnium ad se tráhere cœpit. Léctulus illi juncórum strues, pro indúsio cilicium, quod grandi fune ita stringébat, ut látera acérrime discruciáret. Noctuse flagris, et caténis cædebat, dies anni complúres pane tantum, et aqua victitávit; seque aliquándo in spinárum acérvo nudum prójecit, beátum Franciscum imitátus, ut sensus omnis patiéntia dolóris frangerétur. In sacris áutem conciónibus ipsius cáritas máxime enítuit, qua plúrimos Christo lucrifécit.

¶ Honéstum fecit. 82*.

Lectio v.

PESTILÉNTIA per Bæticam sæviénste, ad córpora si-

mul animásque curándas se totum convértit, et ipse lue mortáli tandem implicátus, ac Dei manu e periculo eréptus, in pristino ministério constántius pérstitit, dum morbus omnino exstinguerétur. Púerum quoque fœdis ulcéribus laborántem, ea lambéndo sanitáti restituit. Exinde magnum esse cœpit in Bætica Soláni nomen. Sed ille hóminum láudes aver-sátus, Deique glóriam, non suam únice quærens, superiôres orávit, ut se in Africam mitterent, ad cathólicam fidem prædicándam, pro qua étiam, si se daret occasio, vitam profúndere peroptábat. Missióne Africána non impetráta, Americánam obtinuit, magnisque periculis, non sine miráculo, mari terráque perfúntus, ad sibi parátam a Dómino víneam lætus accéssit; a qua colénda nulla eum itínerum longitúdo, aut vigiliárum moléstia retardávit.

℞. Amávit eum. 82*.

Lectio vj.

PERUÁNAS regiónés assidue péragrans, ingéntem númerum infidélium ad Christum convértit: christiános a vitæ impuritáte ad honestátem passim tradúxit. Sæpe in concióne, cum copióse de Deo, ejúsque Vírgine Matre locútus esset, in éxtasim rapiebátur, aliquándo de Dómini cruciátibus verba

factúrus, voce lácrymis interclúsa, audiéntium fletus, ac gémitus eliciébat. Summis tandem labóribus pro Dei glória amplificánda conféctus, mortémque præsentíens imminéntem, sacraméntis percéptis, ad iter cæléste se comparávit; ac totus in Dómino cogitatíone defixus, piásque preces ad eum fundens, et in crucis figúram compósitis máribus, exspirávit ætátis anno secúndo et sexagésimo, Christi millésimo sexcentésimo décimo sexto, ipso die sancti Doctóris Bonaventúre, quem exímia pietáte in omni vita fúerat prosecútus. Demórtui color, ántea súbni-ger, est in album mutátus, vultúsque spécies venústa conféstim appáruit, et suávis odor e córpore cœpit erúmpere.

℞. Iste homo. 83*.

IN III. NOCTURNO

Homil. in Evang. Eúntes in mundum. ut in Festo SS. Cyriaci etc. Martyrum, die 8 Augusti. 554.

DIE XXVI

(Pro Archidiœce. S. Ludovici, Diœces. Richm. et Wheeling.)

OCTAVA

S. VINCENTII A PAULO

CONFESSORIS

Duplex.

IN I. NOCTURNO

Lect. de Script. occur.

IN II. NOCTURNO

Sermo sancti Bernárdi
Abbátis.

Sermo 1. de S. Victore.

Lectio iv.

SANCTI Vincéntii vita et glória speciális, non tam ad glóriam, quam ad virtutem próvocat omnes, qui recto sunt corde. Non recti plane, sed pervérsi est ánimí, ante quærere glóriam, quam exercere virtutem, et velle coronári, qui legitime non certáverit. Vanum est vobis, inquit, ante lucem súrgere. Ita est. Frustra ad celsitudinem nititur glóriæ, qui prius non cláruít virtúte. Frustra fátuæ vírgines sponso óbviám surgunt, quarum lám-pades exstinguúntur : et ideo fátuæ, quia vácuís gloriántur lampádibus, virtútis óleum non habéntes.

℞. Honéstum fecit. 82*.

Lectio v.

VIRTUS, gradus ad glóriam : virtus, mater glóriæ est. Fallax glória et vana est pulchritúdo, quam illa non parturívit. Sola est, cui glória jure debétur, et secúre impénditur. Sancto Vincéntio nec virtus, nec glória deest : sed quemádmódum ambæ res, et quo órdine in hómine processérunt, id óperæ prétium intuéri. Habémus enim, dilectíssimi, in vita Vincéntii et quod digne mirémur, et quod salúbriter imitémur. Tútius sane æmulánda solidióra, quam subli-

mióra, et quæ magis virtutem redóleant, glóriam minus. Studeámus proinde móribus conformári, cui in mirabilibus similári, etsi vólumus, non valémus.

℞. Amávit eum. 82*.

Lectio vj.

ÆMULÉMUR in viro sóbrium victum, devótum afféctum : æmulémur mansuetúdinem spíritus, castimóniam córporis, oris custódiam, ánimí puritátem, pó-nere frænum iræ et modum linguæ, dormíre párcius, oráre frequéntius, commónere nosmetipsos psalmis, hymnis, et cánticis spirituálibus, diébus júngere noctes, et divinis láudibus occupári, æmulémur charismata melióra. Æmulémur, inquam, quod éxstitit liberális in páuperes, pátiens ad peccántes, benignus ad omnes. Hoc enim mélius. In his forma est, cui imprimámur : in miráculis glória, a qua repri-mámur. Illa lætificent, ista ædificent : móveant illa, ista promóveant.

℞. Iste homo. 83*.

IN III. NOCTURNO

Lectio sancti Evangélíi secúndum Lucam.

Lectio vij. Cap. 10.

IN illo témpore : Designávit Dóminus et álios septuaginta duos : et misit illos binos ante fáciem suam in omnem civitátem et locum, quo erat ipse ventúrus. Et réliqua.

Homilia sancti Augustini
Episcopi.

Sermo 42. de Sanctis.

IPSE Dóminus noster loculos habuit in via, et ipsos loculos Judæ commendaverat. Patiebátur quidem furem : sed ego a Dómino meo discere cúpiens dico : Dómine patiebáris furem, unde habébas, unde tólleret? Me hóminem míserum et infirmum monuísti nec sácculum portáre; tu portásti loculos, et erat ubi furem pateréris : si non portáres, nec ille inveníret quod auferret. Quid restat? nisi quod hic dicat mihi : Intéllige, quod áudis : Noli portáre sácculum. Quid est sácculus? pecúnia cláusa, id est, occúlta sapiéntia. Nolite fieri sapiéntes penes vosmetipsos. Accipite Spiritum sanctum. Fons in te debet esse, non sácculus : unde erogétur, non ubi includátur.

R. Iste est. 85*.

Lectio viij.

NÉMINEM in via salutavéritis. Potest quidem et simpliciter sic áccipi, quia jussit nos festinánter ágere injúcta. Sed est áliud, quod hic magis recógitem non dissimile intellígere, quod plus pertinet ad me, et ad omnes dispensatóres, sed et ad vos

auditóres. Qui salútat, salútem dicit : nam et antiqui in epístolis suis sic scribébant, Ille illi salútem. Salutátio a salúte nomen accépit. Quid ergo est, Néminem in via salutavéritis? Qui salútant in via, per occasiónem salútant. Vídeo vos cito intellexisse, nec tamen débeo jam finire : non enim omnes cito intellexistis. Sed quia de via loquimur, tamquam in via ambulémus. Velóces tardos exspectáte, et páriter ambuláte.

R. Sint lumbi. 85*.

Lectio ix.

QUID ergo dixi : Qui in via salútat, per occasiónem salútat? Non ad eum ibat, quem salútat; áliud agébat, áliud occúrrit; áliud petébat, áliud transvérso, quod ágeret, invénit. Si ergo prædicás, hoc age per dilectiónem, non per occasiónem. Sunt ergo hómines, qui sua quæréntes, non áliud prædicant Evangélíum : de quibus Apóstolus gemens dicit : Omnes enim sua quærunť, non quæ Jesu Christi. Et hi salutábant, hoc est, salútem annuntiábant, Evangélíum prædicábant : sed áliud quærébant; et ideo per occasiónem salutábant.

Te Deum laudámus. 16.

FESTA AUGUSTI

DIE XI

SANCTÆ PHILUMENÆ

VIRG. ET MART.

Duplex.

Omnia de Comm. Virg.
Mart. 95*, præter seq.

Oratio.

DEUS, qui inter cætera poténtiæ tuæ miracula étiam in sexu fragili victóriam martýrii contulisti : concéde propitius; ut qui beátæ Philuménæ Virginis et Mártýris tuæ natalitia cólimus, per ejus ad te exéempla gradiámur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

INTER cætera Mártýrum sepúlcrâ, quæ in cœmetério Priscillæ ad viam Salâriam reperiri solent, illud éxstitit quo repósitum fúerat sanctæ Philuménæ corpus, uti ex tûmuli inscriptiône tribuslâtérculis appósita perlegebátur. Licet vero invénta ibidem fúerit phíala sânguinis, et ália inscúlpta conspiceréntur martýrii insignia, doléndum tamen est, res ab eâdem gestas, áctaque ac genus martýrii quod ipsa fecit, obscura perstitisse. Cæterum ubi primum sacrum hoc corpus, ex beneficéntia Pii séptimi initio pontificátus ejus accéptum, cúltui fidélis

pópuli propósitum fuit Mugnáni in Nolána diœcési, ingens illico famæ célébritas ac religio erga sanctam Mártýrem percrebuit, præsertim ob signa, quæ ejúsdem præsidio accessisse úndique ferebátur. Hinc factum est ut complúrium antistitum, cultorúmque Mártýris postulatiónibus permótus Gregórius décimus sextus Póntifex Máximus, univérsa rei ratióne matúre perpénsa, festum ejúsdem cum Officio et Missa in memoráta Nolána diœcési et álibi agendum benigne permiserit.

℟. Propter veritatem.
104*.

Lect. v. et vj. Sermo sancti Ambrósii Episcopi. Quóniam hódie natális. *quæ sunt iv. et v. de Comm. 1º loco.* 103*, cum v. et vj. ℟.

IN III. NOCTURNO

Homil. in Evang. Simile erit. de eodem Communi 1º loco. 106*.

Lect. ix. de SS. Tiburtio et Susanna. 567.

Et fit Commem. Oct. S. Laurentii, deinde SS. Mart. Tiburtii etc. in Laud.

DIE XVI

S. ROCHI CONFESSORIS

Duplex.

Omnia de Comm. Conf. non Pont. 76*, præter seq.

Oratio.

PÓPULUM tuum, quæsumus Dómine, continua pietate custódi: et beáti Rochi suffragántibus méritis, ab omni fac ánimæ et córporis contagióne secúrum. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

ROCHUS, in monte Pessulá-
no natus, quanta in pró-
ximum caritate flagraret, tum
máxime osténdit, cum, sæ-
víssima peste longe latéque
per Itáliam grassánte, pátria
relicta, Itálicam peregrina-
tiónem suscepit, urbésque
et óppida péragrans, se-
ipsum in ægrotántium ob-
séquium impendere, ani-
mámque suam pro fratribus
pónere non dubitávit. Quod
beáti viri stúdiu[m] quam gra-
tum Deo fúerit, mirissanatió-
nibus declarátum est. Com-
plúres enim pestiléntia infé-
ctos e mortis periculo signo
crucis eripuit, et integræ
sanitati restituit. In pátriam
revérsus, virtútibus et mé-
ritis dives, sanctissime óbiit,
ejúsque óbitu[m] statim sub-
secúta est venerátio fidé-
lium, quæ in Constantiénsi
deinde concílio magnum re-
cepisse dicitur incremén-
tum, cum ad propulsándam
ingruéntem luem Rochi imá-
go solémni pompa, omni
comitánte pópulo, per eám-
dem civitátem, episcopis

approbántibus, est deláta.
Itaque ejus cultus mirífice
propagátus est in univérso
terrárum orbe, qui eúmdem
sibi apud Deum advérsus
contagiósam luem patrónum
religióso stúdio adoptávit.
Quibus accuráte perpénsis,
Urbánus octávus Póntifex
Máximus, ut ejus dies festus
iis in locis, in quibus forent
ecclesiæ sancti Rochi nó-
mine Deo dicátæ, Officio
ecclesiástico celebrarétur,
indúlsit.

R. Honéstum fecit. 82*.

Ex Tractátu sancti Augustíni
Episcopi in Epístolam Jo-
ánnis.

*Tract. 5. in cap. 3.**Lectio v.*

PERFÉCTA ista cáritas est,
ut parátus sis mori pro
fratre. Hanc ipse Dóminus
in se exhibuit mórtuus pro
ómnibus, orans pro eis a
quibus crucifigebátur, et di-
cens: Pater ignósce illis,
quia nesciunt quid faciunt:
sed si solus hoc fecit, non
erat Magíster, si discipulos
non habébat. Si quis tantam
habúerit caritátem, ut pará-
tus sit pro fratribus étiam
mori, perfécta est in illo
cáritas. Sed numquid mox,
ut nascitur, jam prorsus
perfécta est? Ut perficiátur
nascitur, cum fúerit nata
nutritur, cum fúerit nutrita
corroborátur, cum fúerit ro-
boráta perficitur, cum ad
perfectiόνem vénerit quid
dicit? Mihi vivere Christus

est, et mori lucrum : optábam dissólvi, et esse cum Christo : multo enim magis óptimum, manére in carne necessárium propter vos. Propter eos volébat vivere, pro quibus parátus erat mori.

℞. Amávit eum. 82*.

Lectio vj.

HÆC est perféctio caritátis, major omnino non potest inveniri : sed quia non in ómnibus perfécta est, et desperáre non debet in quo perfécta non est, si jam nata est quæ perficiátur ; et útique si nata est, nutriéndam est, et quibúsdam suis nutrimentis ad perfectionem própriam perducéndam. Quæsivimus inchoationem caritátis unde incipiat, et ibi continuo invenimus : Si quis habet facultates mundi, et viderit fratrem suum egéntem, et cláuserit viscera sua adversus eum, quómodo diléctio Patris manet in illo? Ergo hinc incipit ista caritas, fratres, ut de suis superfluis tribuat egénti in angústiis aliquibus constitúto, ex eo quod sibi abúndat secundum tempus, a tribulatione temporáli liberet fratrem : hinc exórdium est caritátis. Hanc ita cœptam, si verbo Dei et spe futúre vitæ nutrieris, pervénies ad illam perfectionem, ut parátus sis animam tuam pónere pro fratribus tuis.

℞. Iste homo. 83*.

IN III. NOCTURNO

Homil. in Evang. Nolite timére. de eodem Communi 2º loco. 90*.

In Laud. fit Commem. Oct. Assumptionis et S. Laurentii.

DIE XVIII

SANCTÆ HELENÆ

IMPERAT. VIDUÆ

Duplex.

Omnia de Communi nec Virg. nec Mart. 113*, præter seq.

Oratio.

DÓMINE Jesu Christe, qui locum, ubi crux tua latebat, beátæ Hêlenæ revelásti, ut per eam Ecclésiám tuam hoc pretiósó thesauro ditáres : ejus nobis intercessióne concéde ; ut vitális lignipretio æternæ vitæ præmia consequámur : Qui vivis.

Commem. Assumpt., et S. Agapiti Mart. ut in Brev.

IN I. NOCTURNO

Lect. de Script. occur.

IN II. NOCTURNO

Sermo sancti Ambrósii Episcopi.

Orat. de obitu Theodosii.

Lectio iv.

VENIT ergo Hêlena, cœpit revisere loca sancta, infúdit ei Spiritus, ut lignum crucis requireret, accéssit ad Gólgotham, et ait : Ecce locus pugnæ, ubi est victória? quæro vexillum salutis, et non invénio. Ego, inquit, in regnis, et crux Dómini in púlvere? Ego in áulis, et in

ruinis Christi triúmphus? Ille adhuc latet, et latet palma vitæ æternæ. Quómodo me redéptam árbitor, si redéptio ipsa non cérniture? Vídeo quid égeris, diábole, ut gládius quo peréptus es, obstruerétur. Sed Isaac obstrúctos ab alienigenis púteos eruderávit, nec latére aquam passus est. Tollátur igitur ruína, ut vita appáreat. Promátur gládius, quo veri Golíæ caput est amputátum. Aperiátur humus, ut salus fúlgeat. Quid egísti, diábole, ut absconderes lignum, nisi ut iterum vinceréris?

℞. Propter veritatem. 115*.

Lectio v.

VICIT te Maria, quæ genuit triumphatórem, quæ sine imminutióne virginitátis édedit eum, qui crucifíxus vinceret te, et mórtuus subjugáret. Vincéris et hódie, ut múlter tuas insídias deprehéndat. Illa quasi sancta Dóminum gestávit, ego crucem ejus investigábo. Illa generátum détulit, ego resuscitátum. Illa fecit, ut Deus inter hómínes viderétur, ego ad remédium peccatórum divinum de ruinis elevábo vexillum. Aperit itaque humum, décutit púlverem, tria patibula confúsa réperit, quæ ruína contéxerat, inimicus absconderat. Sed non pótuit oblitérari Christi triúmphus. Incérta hæret ut múlter, sed certam indági-

nem sanctus Spíritus inspirat.

℞. Dilexísti. 116*.

Lectio vj.

QUÆSÍVIT clavos, quibus crucifíxus est Dóminus, et invénit. De uno clavo frenos fieri præcépit, de áltero diadéma intéxit, unum ad decórem, álterum ad devotiónem vertit. Visitáta est María, ut Hevam liberáret: visitáta est Hélena, ut imperatóres redimeréntur. Misit itaque filio suo Constantino diadéma gemmis insignítum, quas pretiosióri ferro innexas cruci redemptionis divínæ gemma connécteret; misit et frenum. Utróque usus est Constantinus, et fidem transmisit ad pósteros reges. Principium itaque credéntium imperatórum sanctum est, quod super frenum: ex illo fides, ut persecútio cessáret, devótió succéderet. Sapiénter Hélena egit, quæ crucem in cápíte regum levávit, ut crux Christi in régibus adorétur. Non insoléntia ista, sed pietas est, cum defértur sacræ redemptioni. Bonus itaque clavus Románi impérii, qui totum regit orbem, et vestit principum frontem, ut sint prædicatóres, qui persecutóres esse consueverunt.

℞. Fallax grátia. 116*.

IN III. NOCTURNO

Homil. in Evang. Simile est. **de Comm. nec Virg. nec Mart.** 116*.

Lect. ix. S. Agapiti. et in
Laud. Commem. Oct., ac
sancti Martyris ut in Brev.

EADEM DIE
STÆ CLARÆ A CRUCE
DE MONTEFALCO
VIRGINIS
Duplex.

Omnia de Communi Virg.
95*, præter seq.
Oratio.

DEUS, qui sanctam Virginem tuam Claram clarificans, in ipsius corpore passionis tuæ et Trinitatis mysteria mirificis signis renovasti: præsta quæsumus, ejus precibus et imitatione, sic nos tuæ passionis amaritudinem recordari; ut Trinitatis beatitudine perfrui mereamur: Qui cum Patre et Spiritu sancto in Trinitate vivis et regnas Deus per omnia sæcula sæculorum.

Commem. Assumpt. et S.
Agapiti Mart. ut in Brev.

IN I. NOCTURNO
Lect. de Script. occur.

IN II. NOCTURNO

Lectio iv.

CLARA virgo in Montefalco Umbriæ oppido honesto genere nata, ab incunabulis non obscura prætulit sanctitatis indicia: nam pene infans, ita pietati dedita fuit, ut precibus, vigiliis, et jejuniis operam daret, somni adeo parca, ut raro lectulum dormitura conscenderet, sed humi cubaret, si quando eam somni necessitas op-

pressisset. Arctioris vitæ desiderio in cœnóbium virginum a Joánna sorore sua sub instituto sancti Augustini nuper exstructum humillimis precibus admitti postulavit. Voti autem compos effecta, ut pro tanto beneficio Deo grátias persolveret, septem dierum jejúnium sibi indixit, neque aliud quidquam præter dimidium panem cum pomo degustavit. Siléntium adeo coluit, ut, cum semel matris alloquendæ grátia illud fregisset, in pœnam admissi erroris in summo frigore nives nudis pedibus calcans, centies orationem Dominicam recitaverit.

¶ Propter veritatem. 104*.

Lectio v.

MÓRTUA sorore, cœnóbii administrationem repugnans suscepit, omniumque virtutum exemplis cæteris virginibus præluxit. Incredibili fuit abstinéntia, pane et aqua dumtaxat, idque semel in die, vitam tolerans: áspero cilicio corpus domans, singulis noctibus flagellis se cruentabat. Plures per annos gravissimis morbis vexata, aliquando etiam a dæmónibus dūr iter cæsa, nihil de consueto vitæ rigore remisit. Erga pauperes tanta caritate flagravat, ut sæpe número illos vestibus indueret, nec quemquam ab ostio monasterii vacuum abire pateretur. Doctrina divinitus

infûsa, hæreticórum falsa dógmata confutávit, ac philosophis quæstiões altissimas proponéntibus satisfécit. Multa exstinxit ódia, et mortáles inimicitias sedávit, pacémque inter finítimos pópulos conciliávit.

R. Dilexisti. 104*.

Lectio vj.

IN CREDÍBILI ánimí sensu Christi Dómini torménta et cruciátus contemplári sólita erat. Quadam áutem die Salvátor divínus, suscepta peregríní persóna, cándido vestitus amictu, húmeris crucem ferens in ejus corde redemptionis mystéria impréssit miríficis signis quæ in præsentem usque diem cernúntur. In ejus quoque felle post mortem tres glóbuli repérti sunt, imágine, colóre et póndere pares, et in ipsa fellis vescícula ita dispósi, ut triánguli formam exhibérent, sanctíssimæ Trinitátis sýmbolum referéntes. Prophetiæ dono illústris, multa futúra prædixit. Intima cogitátionum inspéxit ac revelávit; soróribus secréta collóquia, occúltas eárum noxas animique sensa fréquenter detéxit. Cum unam ex iisdem a dæmone obsésam vidisset, eam ut labem occúltam confessióne expiáret admónuit. Dénique post innúmera virtútum documénta, plúribus clara miráculis, divínitus ad cælum vocáta, décimo sexto Kalén-

das Septémbris anno salutis millésimo tercentésimo octávo, ætátis quadragésimo, migrávit ad Sponsum. Eam anno millésimo octingéntésimo octogésimo primo, die immaculátæ Dei Genitricis Conceptioni sacro, Leo Papa décimus tértius sanctárum virginum número solémni ritu adscripsit.

R. Afferéntur Regi. 104*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 25.

IN illo témpore : Dixit Jesus discipulis suis parábolam hanc : Simile erit regnum cælórum decem virginibus, quæ accipiéntes lámpades suas exierunt óbviám sponso et sponsæ. Et réliqua.

Homilia sancti Augustíni
Episcopi.

Serm. 93. de Script. cap. 2.

QUÆ sint decem vírgines, quarum sint quinque prudéntes et quinque stultæ, non fáci le indagári potest. Verúmtamen secúndum ea, quæ cóntinet ipsa léctio, quam caritati vestræ hódie vólui recitári, quantum mihi Dóminus intelléctum donáre dignátur, non mihi vidétur ista parábola vel similitúdo ad eas solas pertinére, quæ própria et excellentióri sanctitáte vírgines in Ecclesia nominántur, quas étiam usitatio re vocábulo sanctimoniáles appellári consuévimus : sed, nisi fallor, hæc

similitúdo ad univérſam Ecclésiám pértinet. Quamvis, etsi illas solas intelligerémus, quæ sanctimoniáles vocántur, numquid decem sunt? Absit ut tanta virginum multitúdo ad tantum virginum númerum revocétur. Forte áutem dicat áliquis : quid si multæ sunt nómine, et tam páucæ sint in veritaté ut vix decem inveniántur? Non ita est. Nam si solas decem intélligi vellet bonas, non ibi osténderet quinque fátuas. Si enim multæ sunt vírgines quæ vocántur, quare contra quinque óstia domus magnæ claudúntur?

℞. Hæc est virgo. 107*.

Lectio viij.

INTELLIGÁMUS ergo, carísimi, ad omnes nos, id est ad univérſam omnino Ecclésiám, pertinére istam parábolam, non ad solos præpósitos, nec ad solas plebes; sed prorsus ad omnes. Quare ergo quinque et quinque vírgines? Istæ quinque, et quinque vírgines omnes omnino sunt ánimæ christianórum. Sed ut dicámus vobis, quod Deo inspiránte, sentimus non qualescúmque ánimæ, sed tales ánimæ quæ habent cathólicam fidem et habére vidéntur bona ópera in Ecclésia Dei, et tamen ex ipsis quinque sunt prudéntes, et quinque fátuæ. Quare ergo appellátæ sunt quinque, et quare vírgines videámus. Omnis ánima in córpore ídeo

quináριο número censétur, quia quinque sénsibus útitur. Nihil est enim quod sentimus ex córpore, nisi jánuam quinque partita aut vidéndo, aut audiéndo, aut odorándo, aut gustándo, aut tangéndo. Qui ergo se ábstinet ab illicito visu, ab illicito auditu, ab illicito odorátu, ab illicito gustu, ab illicito tactu propter ipsam integritátem nomen vírginis áccipit.

℞. Média nocte. 107*.

Nona Lectio erit S. Agapiti Mart.; si vero alia die celebrari contingat, erit sequens Lectio ix.

SED si bonum est abstinére ab illicitis sentiéndi mótib; et ídeo unaquæque ánima christiána vírginis nomen áccipit, quare quinque admittúntur et quinque repellúntur? Et vírgines sunt, et repellúntur. Parum est quia vírgines sunt : et lámpades habent. Vírgines propter abstinéntiam ab illicitis sénsibus; lámpades habent propter ópera bona; de quibus opéribus Dóminus dicit: Sint lumbi vestri accínti et lucérnæ ardéntes. In lumbis accíntis virginitas : in lucérnis ardéntibus, ópera bona. Si ergo ab illicitis abstinéntia bona est, unde virginitas nomen accépit, et ópera bona laudabilia sunt, quæ significántur lampádis; quare quinque admittúntur, et quinque repellúntur? Adhuc quæro : intén-

tum me fecit Evangelium sanctum. Etiam ipsas virgines et ferentes lámpades, álias dixit prudéntes, álias stultas. Unde intuémur? Unde discernimus? De óleo. Aliquid magnum significat óleum, valde magnum. Putas non caritas est?

Te Deum laudámus. 16.

In Laud. fit Commem. Oct. Assumpt. et S. Agapiti Mart.

DIE XIX

SANCTI LUDOVICI

EPISC. TOLOSANI ET CONF.

Duplex.

Omnia de Communi Conf. Pont. 55*, præter seq.

Oratio.

DEUS, qui beátum Ludovicum Confessórem tuum atque Pontíficem cæléste regnum terréno præpónere docuísti, ac puritaté illibáta et exímia in páuperes caritaté mirábilem effícere dignátus es : concéde nobis fámulis tuis, imitári quem cólimus; ut ejúsdem virtútes æmulántes in terris, coronári cum ipso mereámur in cælis. Per Dóminum.

Et fit Commem. Oct. Assumpt. B. M. V.

IN I. NOCTURNO

Lect. de Script. occur.

IN II. NOCTURNO

Lectio iv.

LUDOVICUS nobilíssimo genere natus, patrem hábuit Cárolum secúndum, Siciliæ regem, matrem vero Mariám, Hungáriæ regis fi-

liam. Adhuc puer in sortem Dómini vocátus, posthábitis ætátis illius oblectaméntis, divíno se totum cúltoi mancipávit. Décimum quartum agens annum, una cum duóbus frátribus pro genitóris libertáte, in bello naváli a rege Aragóniæ capti, obses ductus in Cataláuniam, Barcinóne apud Minóres sancti Francisci fere septénio est commorátus; sub eorúmque disciplina, in scientiárum stúdiis ac sacrárum litterárum comparánda eruditóne eo progréssus est, ut constans fúerit opinio, ipsi pótius fuisse divinitus infúsas, quam humánitus acquisitas. Verum majóri conátu cælestis magistri doctrína spíritum instrúere anhélans, ciliiciis, jejúniis, férreis flagéllis carnem afflixit. Assídua interim evangélicæ veritátis meditatióne contemptibilia mundi spérnere edóctus, regális sólii fastum calcáre delibéravit, ac de Seráphico amplecténdo institúto, raro humilitátis exémplo, votum emisit.

¶ Inveni David. 61*.

Lectio v.

ECCELESÍASTICÆ militiæ adscriptus, et ad sacros ordines deinde promótus, ut quod mente statúerat, ópere firmáret, juri primogenitúræ renuntiávit et regno : cumque votum, quod Barcinóne vóverat, in Monte Pessuláno frustra adimplére satágeret,

illius cœnobii fratribus timore regis patris eum recipere non audéntibus, solémniter illud renovávit. Mox ad ecclésiám Tolosánam a Bonifácio octávo, quamvis invítus, assúptus, Romámque accersitus, et ab eódem honorífice excéptus, electioni de se factæ nullátenuS se assensúrum declarávit, donec votum, quo se obstrinxerat, Deo reddidisset. Quare annuente Pontífice hábitu órdinis Minórum, quem semper póstea retinuit, rite suscepto, in mánibus Generalis ministri professiónem emisit: hisque peráctis, apostólicis mandátis humiliter obtémperans, episcopus Tolosánus passus est se consecrári.

℞. Pósui adjutórium. 61*.

Lectio vj.

TOLÓSAM ad illius ecclésiæ régimen profectus, spirituáli animárum lucro totus incúbuit; utque ministérium apostólicum íntegre ac diligénter impléret, salutáribus mónitis, illibatæque vitæ exémplo peccatóres ad pœniténtiam revocávit, pluresque Judæos atque Gentiles assídua verbi Dei prædicatione ad orthodóxam fidem convértit. Ecclesiásticam disciplinam ubique in commissa sibi diocési promovit ac restaurávit. Liberális in páuperes, viginti quinque ex eis quotidie domi áluit. Puritatem usque ad óbitum a

pueritia nitidissime custodivit. Humilitátis tandem, caritátis, atque ómnium virtútum ornamento decórus, in juvenili ætáte Bríncolæ Provinciæ arce ardénti febre corréptus, ad Dómini sui ampléxum, quem in votis semper habúerat, emigrávit. Magnis deinde in Ecclésiá méritis clarum, et miráculis illústrem, inter quæ plures mórtui, ejus intercessióne, ad vitam revocáti numerántur, Joánnes vigésimus secúndus in sanctórum número rétulit.

℞. Iste est qui. 62*.

IN III. NOCTURNO

Homil. in Ev. Vigiláte. de eodem Comm. 2º loco. 69*.

DIE XXV

Pro Archidioec. S. Ludovici.)

SANCTI LUDOVICI

REG., CONF., PATRONI PRINC.

DIOCESES S. LUDOVICI

Duplex 1. classis cum Oct.

Offic. ut in Brev. eadem die. 607.

Lect. Beátus vir. de Comm. Conf. non Pont. 2º loco. 88.*

DIE XXVI

Pro Archidioec. S. Ludovici.)

II. DIE INFRA OCTAVAM

SANCTI LUDOVICI

IN I. NOCTURNO

Lect. de Script. occur.

IN II. NOCTURNO

Sermo S. Joánnis Chrysóstomi: Beáti Ludovici dies.

de Comm. Conf. non Pont.
1^o loco. 82*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

In illo tempore: Dixit Jesus discipulis suis parabolam hanc: Homo quidam nobilis abiit in regionem longinquam accipere sibi regnum, et reverti. Et reliqua.

De Homilia sancti Ambrósii Episcopi.

Lib. 8. in Luc. cap. 19.

DÉNIQUE cum Dóminus dicit: Quare non dedisti pecuniam meam ad mensam? non nostræ, sed suæ pecuniæ quærit usuram. Unus in terra se abscondisse dicit, quod rationem (quæ ad imaginem et similitudinem Dei data est nobis), studio voluptatis obruit, et tamquam in fovea carnis abscondit. De aliis siletur, qui quasi prodigi debitores, quæ accéperant, prodiderunt. In duobus illis pauci sunt, qui per duas vices ad cultores vineæ destinati sunt, in reliquis omnes Judæi.

℟. Iste est qui. 85*.

Lectio viij.

QUAM comparationem Matthæus etiam nobis voluit aptare; quod similiter ut dives, qui pecuniam suam non impertit pauperibus, ita etiam, qui doctrinæ suæ gratiam non dividit imperitis, docere cum possit, haud

mediocris reus est culpæ. De quo, quoniam in libris de fide scriptis diximus, transcurrere melius fuit.

℟. Sint lumbi. 85*.

Lectio ix.

CIVITATES autem decem esse quæ possunt, nisi forte animæ, quibus jure præponitur, qui pecuniam Dómini, et illa eloquia casta, probata sicut argentum, mentibus hominum fœneraverit? Nam sicut Jerúsalem dicitur ædificata sicut civitas, ita sunt animæ pacificæ: et sicut Angeli præsent, ita et ii qui vitam meruerint Angelorum.

Te Deum laudamus. 16.

DIE XXVII

TRANSVERBERATIONIS

CORDIS SANCTÆ TERESIÆ
VIRGINIS

Duplex majus.

Omnia de Communi Virg.
95*, præter seq.

IN I. VESPERIS

Hymnus.

REGIS superni nuntia
Domum paternam descens,
Terris Terésa barbaris
Christum datúra, aut sanguinem.

Sed te manet suavior
Mors, pœna poscit dulcior,
Divini amoris cuspide
In vulnus icta concides.

O caritatis victima,
Tu corda nostra concrema,
Tibique gentes creditas
Avérni ab igne libera.

Sit laus Patri cum Filio,
Et Spiritu Paráclito,
Tibique sancta Trinitas,
Nunc, et per omne sæculum.
Amen.

Ÿ. Spécie tua. *Ant.* Veni sponsa. 97*.

Oratio.

DEUS, qui illibáta præcórdia beátæ Virginis Terésiae, sponsæ tuæ, ignito jáculo transfixisti, et caritátis victimam consecrásti : ipsa interveniénte concéde; ut corda nostra ardóre sancti Spíritus férveant, et te in ómnibus super ómnia diligant : Qui vívis... in unitáte ejúsdem.

AD MATUTINUM

Hymnus.

FELIX dies, qua cándidæ
Instar colúmbæ, cæli-
tum

Ad sacra templa spíritus
Se tránstulit Terésiae.

Sponsique voces áudiit :
Veni Soror de vértice
Carméli ad Agni núptias,
Veni ad corónam glóriæ.

Te Sponse Jesu Virginum,
Beáti adórent órdenes,
Et núptiáli cántico
Láudent per omne sæculum.
Amen.

IN I. NOCTURNO

Lect. De virginibus. *de*
Comm. Virg. 1º loco. 100*.

IN II. NOCTURNO

Ex bulla Canonizat. et ex
ejus vita. Cap. 29.

Lectio iv.

INTER cæteras Terésiae vir-
tútes, præcipue emícuit

diléctio Dei, quæ ádeo in corde ejus exársit, ut confessárii ipsius Terésiae tamquam non hóminis, sed Chérubim própriam admiraréntur et celebrárent. Quam étiam Dóminus noster Jesus Christus multis visiόνibus et revelatiόνibus mirábiliter áuxit : quandóque enim data dextera clavóque exténso, illam in sponsam suam ad-
optávit : atque his verbis álloqui dignátus est : Deinceps ut vera sponsa meum zelábis honórem : jam ipse sum totus tuus, et tu tota mea.

Ÿ. Propter veritátem. 104*.

Lectio v.

ALÍQUÁNDO étiam Angelum vidit ignito jáculo sibi præcórdia transverberántem. Quod ipsa enárrat his verbis : Vidébam ad sinistram meam Angelum adstántem corporáli spécie ; non erat magnus, sed parvus, formáque pulchérissima, ac vultu sic accénso et flagránte, ut viderétur ex suprémis, qui pénitus exárdent, sive ex iis, qui Séraphim dicúntur. Adspiciébam eum in mánibus gestáre longum jáculum áureum, et in extrémó cúspidis parum ignis : jáculo áutem non semel cor meum transverberábat usque ad viscera ; hæc vero mihi videbátur secum asportáre, cum jáculum edúceret, exindeque me prorsus relínquere Dei amóre æstuántem. Erat quidem tam

véhemens dolor vúlneris, ut me compélleret in gémitus iterátos prorúmpere, et ádeo excéllens suávitás, quam in me hic dolor intensíssimus efficit, quod desiderábile non sit, ut auferátur, nec ánimæ quidquam pláceat, nisi Deus ipse.

℟. Dilexisti. 104*.

Lectio vj.

Ex quibus cæléstibus donis divíni amóris flamma in ejus corde ádeo exæstuábat, ut máxime árduum votum a Deo edócta emiserit, efficiéndi semper quidquid perfectius esse, et ad majórem Dei glóriam pertinére intelligeret. Quin étiam post mortem cuídám moniáli per visum manifestávit, se non vi morbi, sed ex intolerábili divíni amóris incéndio víta excessísse.

℟. Afferéntur. 104*.

IN III. NOCTURNO

Homil. in Evang. Símile erit regnum. de Comuni Virg. 1^o loco. 106*.

Ad Laudes et in II. Vesp. Hymn. Regis supérni. ut in I. Vesp. 375*.

DOM. POST OCT. ASSUMPT.

PURISSIMI CORDIS B. M. V.

Duplex majus.

IN I. VESPERIS

Ant. et Capit. de Laud. 381*; Psalm. et Hymn. ut in Festis B. M. V. 145*.

Ÿ. Exsúlta in omni corde filia Jerúsalem. ℟. Rex Israël Dóminus in médio tui.

Ad Magnif. Ant. Exsultávit cor meum in Dómino, et exaltátum est cornu meum in Deo meo, quia lætáta sum in salutári tuo.

Oratio ut ad Laud. 381*.

Et fit Commem. Dom. occur.

AD MATUTINUM

Invit. Ave María, grátia plena : * Dóminus tecum.

Ps. Venite, exsultémus. 2.

Hymn. Quem terra. 147*.

IN I. NOCTURNO

Ant. Benedicta tu inter mulieres, et benedictus fructus ventris tui.

Pss. trium Nocturn. ut in Festis B. M. V. 148*.

Ant. Et ait María : Magnificat ánima mea Dóminum, et exsultávit spíritus meus in Deo salutári meo.

Ant. Quia respéxit humilitátem ancillæ suæ : ecce enim ex hoc beátam me dicent omnes generatiónes.

Ÿ. Anima mea liquefacta est. ℟. Ut locútus est diléctus.

De Cánticis canticórum.

Lectio j. Cap. 4.

QUAM pulchra es amica mea, quam pulchra es! Oculi tui columbárum, absque eo quod intrínsecus latet. Sicut vitta coccínea, lábia tua, et elóquium tuum dulce. Sicut fragmen mali púnici, ita genæ tuæ, absque eo quod intrínsecus latet. Sicut turris David collum tuum, quæ ædificáta est cum propugnáculis : mille clýpei pendent ex ea, omnis arma-

túra fórtium. Vulnerásti cor meum, soror mea sponsa, vulnerásti cor meum in uno oculórum tuórum, et in uno crine colli tui. Favus distillans lábia tua sponsa, mel et lac sub lingua tua. Hortus conclúsus, fons signátus.

R. Deduc me Dómine in via tua, et ingrédiar in veritate tua : lætétur cor meum, * Ut timeat nomen tuum. **V.** Pone me ut signáculum super cor tuum, ut signáculum super bráchium tuum. Ut timeat.

Lectio ij. Cap. 5.

VENI in hortum meum soror mea sponsa, méssui myrrham meam cum aromátibus meis : comédi favum cum melle meo. Vox dilécti mei pulsántis : Aperi mihi soror mea, amica mea, columba mea, immaculáta mea : quia caput meum plenum est rore, et cincínni mei guttis nóctium. Surréxi, ut aperírem dilécto meo : manus meæstillavérunt myrrham, et dígití mei pleni myrrha probatíssima. Apéruí dilécto meo : at ille declináverat, atque transierat. Anima mea liquefacta est, ut locútus est.

R. In Dómino gaudébo, et exsultábo in Deo Jesu meo : Deus Dóminus fortitúdo mea, * Super excélsa dedúcet me. **V.** Læva ejus sub cápite meo, et dextera illius amplexábitur me. Super.

Lectio iij. Cap. 5. et 6.

QUALIS est diléctus tuus ex dilécto, o pulchérissima mulierum? qualis est diléctus tuus ex dilécto, quia sic adjurásti nos? Diléctus meus cándidus et rubicúndus, eléctus ex millibus, totus desiderábilis. Talis est diléctus meus, et ipse est amicus meus, filiæ Jerúsalem. Quo ábiit diléctus tuus, o pulchérissima mulierum? quo declinávit diléctus tuus, et quærémus eum tecum? Pulchra es amica mea, suávis, et decóra sicut Jerúsalem : terribilis ut castrórum ácies ordináta. Una est colúmba mea, perfécta mea, una est matris suæ, elécta genitríci suæ. Vidérunt eam filiæ, et beatissimam prædicavérunt : reginæ laudavérunt eam.

R. Invéni grátiam apud óculos tuos Dómine mi, * Qui consolátus es me, et locútus es ad cor ancillæ tuæ. **V.** In toto corde meo exquisívi te : ne repéllas me a mandátis tuis. Qui consolátus. Glória Patri. Qui.

IN II. NOCTURNO

Ant. Beáta quæ credidisti, quóniam perficiéntur ea quæ dicta sunt tibi a Dómino.

Ant. Fecit mihi magna qui potens est, et sanctum nomen ejus.

Ant. Fecit poténtiam in bráchio suo : dispérsit superbos mente cordis sui.

Y. Fortis est ut mors dilectio. R. Dura sicut inférnus æmulatio.

Sermo sancti Bernardini
Senénsis.

Ex Serm. 9. de Visitatione.

Lectio iv.

QUIS mortálíum, nisi divíno vínó fretus oráculo, de vera Dei et hóminis Genitrice quidquam módicum, sive grande, præsumat pollútis lábiis nomináre, quam Pater ante sæcula Deus perpétuam prædestinávit in Virginem digníssimam : Filius elégit in Matrem : Spíritus sanctus omnis grátiae domicilium præparávit? Quibus verbis ego homúnculus sensus altíssimos virgínei cordis, sanctíssimo ore prolátos, éfferam, quibus non súfficit lingua ómnium hóminum et étiam Angelórum? Dóminus enim ait : Bonus homo de bono thesauro cordis sui profert bona. Quis áutem inter puros hómines mélior homo potest excogitári, quam illa, quæ méruit éffici Mater Dei, quæ in corde et in útero suo ipsum Deum hospitáta est? Quis thesáurus mélior, quam ipse divínus amor, quo cor Virgínis ardens erat?

R. Ego diligéntes me diligo, et qui mane vigilant ad me, invénient me. Mecum sunt divitiæ et glória : * Opes supérbæ et justitia. Y. Ut ditem diligéntes me, et thesauros eórum répleam. Opes.

Lectio v.

DE hoc igitur corde quasi fornáce divíni ardóris Virgo beáta prótulit verba bona, id est verba ardentissimæ caritátis. Sicut enim a vase óptimo vínó pleno, non potest exíre nisi óptimum vinum, aut sicut a fornáce summi ardóris non egréditur nisi incéndium fervens : sic de corde Matris Christi exíre non pótuit verbum, nisi summi summéque divíni amoris atque ardóris. Septem verba tantum miræ senténtiæ et virtútis a Christi benedictíssima Matre legúntur dicta. Cum Angelo bis tantum locúta est. Cum Elísabeth bis étiam. Cum Fílio étiam bis. Cum ministris in nuptiis semel. Hæc septem verba, secúndum septem amoris actus, sub miro gradu et ordine proláta, quasi sunt septem flammæ cordis ejus.

R. Ego mater pulchræ dilectiónis, et timóris, et agnitiónis, et sanctæ spei : in me grátia omnis viæ et veritátis :

* In me omnis spes vitæ et virtútis. Y. Transite ad me omnes qui concupiscitis me, et a generatióibus meis implémini. In.

Lectio vj.

QUÆ verba considerans mens devóta, cum ipso prophéta ait : Quam dúlcia fáucibus meis, id est ómnibus affectiúnibus, elóquia tua! Porro dulcédo hæc, quam in verbis beátae Vir-

ginis devóta mens sentit, est ardor piæ devotiônis, quam in eis ánima experimentáliter probat. Distinguámus igitur per órđinem has septem flammās amóris, verbórum Virgínis benedictæ. Prima est flamma amóris separántis. Secúnda amóris transformántis. Tértia amóris comunicántis. Quarta amóris jubilántis. Quinta amóris soporántis. Sexta amóris compatiéntis. Séptima amóris consummán-tis.

R. Beátus homo qui áudit me, et qui vígilat ad fores meas quotidie, et obsérvat ad postes óstii mei.* Qui me invénerit, invéniet vitam, et háuriet salútem a Dómino. **V.** Qui áutem in me peccá-verit, lædet ánimam suam : omnes qui me odérunt, dí-ligunt mortem. Qui. Glória Patri. Qui.

IN III. NOCTURNO

Ant. Unde hoc mihi, ut véniat Mater Dómini mei ad me?

Ant. Misericórdia ejus a progénie in progénies timén-tibus eum.

Ant. Suscépit Israël púe-rum suum, recordátus mise-ricórdiæ suæ.

V. Ego dilécto meo. **R.** Et ad me convérsio ejus. Lécio sancti Evangélíi se-cúndum Lucam.

Lectio vij. Cap. 2. g

IN illo témpore : Dixit Mater Jesu ad illum : Fili, quid

fecísti nobis sic? Ecce pater tuus et ego doléntes quære-bámus te. Et réliqua.

De Homilia venerábilis Bedæ Presbýteri.

In Homil. Hiem. de Temp., Dom. I. post Epiph.

MATER ejus, inquit Evange-lista, conservábat ómnia verba hæc in corde suo. Omnia quæ de Dómino vel a Dómino dicta sive acta cog-nóverat Mater Virgo, dili-géntius in corde retinébat, sollicite cuncta memóriæ commendábat, ut cum de-mum tempus prædicándæ, sive scribéndæ Incarnatió-nis ejus adveniret, sufficién-ter univérsa, prout essent gesta, posset explicáre quæ-réntibus. Imitémur et nos, fratres mei, piam Dómini Matrem, ipsi quoque ómnia verba et facta Dómini ac Sal-vatóris nostri fixa in corde conservádo.

R. Aquæ multæ non po-tuérunt exstinguere caritá-tem : * Neque flúmina óbruent eam. **V.** Si déderit homo omnem substántiam domus suæ pro dilectiône, quasi nihil despiciet eam. Neque.

Lectio viij.

HORUM Dómini verbórum et actórum meditatióne diúrna et noctúrna importú-nos inánium nocentiúmque cogitatiónum repellámus in-cúrsus : horum crebra col-latióne et nos et próximos nostros a fábulis supervácuís et male dulcorátis detracti-ó-

num collóquiis castigáre, atque ad divínæ frequéntiam láudis accéndere curémus.

¶ Si enim, fratres caríssimi, in futúri beatitúdine sáeculi habitáre in domo Dómini, ac perpétuo illum laudáre desiderámus, opórtet nimirum et in hoc sáeculo, quod in futúro quærámus, solícite præmonstrémus : frequéntando videlicet Ecclésiæ límina, et non solum in ea láudes Dómini canéndo, sed et in omni loco dominatiónis ejus ea, quæ ad láudem gloriámque Conditóris nostri proficiant, verbis páriter ac factis ostendéndo.

℟. Spiritus meus super mel dulcis, et heréditas mea super mel et favum. Qui áudit me, non confundétur : * Et qui operántur in me, non peccábunt. ✽. Qui elúcidant me, vitam ætérnam habébunt. Et. Glória Patri. Et.

Lect. ix. de Homil. Dom. occur.; sed si extra Dom. agi de hoc Festo contingat, tunc ix. Lect. incipiet ab hoc signo ¶.

AD LAUDES

ET PER HORAS

Ant. 1. Trahe me, * post te currémus in odórem unguentórum tuórum.

Ps. Dóminus regnávít. 16.

2. Diléctus meus * lóquitur mihi : Surge, própéra amica mea.

3. Fulcíte * me flóribus, stipáte me malis, quia amóre lángueo.

4. Adjúro vos * filiæ Jerúsalem, ne suscitétis diléctam, quoadúsque ipsa velit.

5. Ego dórmió, * et cor meum vigilat.

Capitulum. Cant. 8. b

PONE me ut signáculum super cor tuum, ut signáculum super bráchium tuum : quia fortis est ut mors diléctio, dura sicut inférnus æmulátio. Lámpades ejus, lámpades ignis atque flammárum.

Hymn. O gloriósa. 157*.

✽. Qui me invénerit, invéniet vitam. ℟. Et háuriet salútem a Dómino.

Ad Bened. Ant. Extóllens vocem quædam múlter de turba, dixit illi : Beátus venter qui te portávit, et úbera quæ suxisti.

Oratio.

OMNÍPOTENS sempitérne Deus, qui in Corde beátæ Mariæ Virginis dignum Spíritus sancti habitáculum præparásti : concéde propítius; ut ejúsdem puríssimi Cordis festivitátem devóta mente recoléntes, secúndum Cor tuum vívere valeámus. Per Dóminum... in unitáte ejúsdem.

Et fit Commem. Dom. occurrentis.

AD PRIMAM

In ℟. br. V. Qui natus es de Maria Virgine.

AD TERTIAM

Capit. Pone me. supra.

℟. br. Anima mea * Liquefacta est. Anima. ✽. Ut locú

tus est diléctus. Liquefacta.
Glória Patri. Anima.

Ÿ. Fortis est ut mors diléctio. R. Dura sicut inférnus æmulatio.

AD SEXTAM

Capitulum. Eccli. 24

Ego ex ore Altissimi prod-
iui, primogénita ante
omnem creatúram : ego feci
in cælis, ut orirétur lumen
indeficiens, et sicut nébula
texi omnem terram.

R. br. Fortis est * Ut mors
diléctio. Fortis. Ÿ. Dura sic-
ut inférnus æmulatio. Ut.
Glória Patri. Fortis.

Ÿ. Ego dilécto meo. R. Et
ad me convérsio ejus.

AD NONAM

Capitulum. Eccli. 24.

In omni terra steti, et in
omni pópulo, et in ómni-
bus réquiem quæsiui, et in
hereditáte Dómini morá-
bor.

R. br. Ego * Dilécto meo.
Ego. Ÿ. Et ad me convérsio
ejus. Dilécto. Glória. Ego.

Ÿ. Qui me invénierit, in-
veniet vitam. R. Et háuriet
salútem a Dómino.

IN II. VESPERIS

Omnia ut in I. Vesp.,
præter

Ÿ. Viam mandatórum tuó-
rum cucúrri. R. Cum dilata-
sti cor meum.

Ad Magnif. Ant. Exsultávit
cor meum in Deo salutári
meo : quia fecit mihi magna
qui potens est.

Et fit Commem. Domi-
nicæ occur.

DOM. INFRA OCTAVAM
SIVE POST FEST. S. AUGUSTINI

B. M. V. DE CONSOLATIONE

Duplex majus.

IN I. VESPERIS

Ant. et Capit. de Laud.
385* ; Pss. et reliqua hic non
propria ut in Festis B. M. V.
145*.

Hymnus Ave maris. 147*.

Ÿ. Numquid obliviscétur
Virgo ornaménti sui? R. Aut
sponsa fâsciæ pectorális suæ?

Ad Magnif. Ant. Sancta
María succúrre miseris, juva
pusillánimes, réfove flébiles,
ora pro pópulo, intérvieni
pro clero, intercède pro de-
vóto femíneo sexu : sentiant
omnes tuum juvámen, qui-
cúmque célebrant tuam san-
ctam festivitátem.

Oratio ut ad Laud. 386*.

Et fit Comm. Dom. occur.

AD MATUTINUM

Invit. Jesum per Mariam
nos consolántem, * Venite,
adorémus.

Ps. Veníte, exsultémus. 2.

IN I. NOCTURNUM

De Cánticis canticórum.

Lectio j. Cap. 4.

O quam pulchra es amíca
mea, quam pulchra es!
Oculi tui columbárum, abs-
que eo, quod intrinsecus
latet. Capilli tui sicut greges
caprárum, quæ ascendérunt
de monte Gálaad. Dentes tui
sicut greges tonsárum, quæ
ascendérunt de lavácro,
omnes geméllis fœtibus, et
stérilis non est inter eas. Sic-

ut vitta coccinea lábia tua :
et elóquium tuum, dulce.
Sicut fragmen mali púnici,
ita genæ tuæ, absque eo,
quod intrinsecus latet. Sicut
turris David collum tuum,
quæ ædificáta est cum pro-
pugnáculis : mille clýpei
pendent ex ea, omnis arma-
tura fórtium.

℞. Sancta. 150*.

Lectio ij.

TOTA pulchra es amíca
mea, et mácula non est
in te : Veni de Líbano sponsa
mea, veni de Líbano, veni :
coronáberis de cápite Ama-
na, de vértice Sanir et Her-
mon, de cubilibus leónum,
de móntibus pardórum. Vul-
nerásti cor meum soror mea
sponsa, vulnerásti cor meum
in uno oculórum tuórum, et
in uno crine colli tui. Quam
pulchræ sunt mammæ tuæ
soror mea sponsa! pul-
chrióra sunt úbera tua vino,
et odor unguentórum tuó-
rum super ómnia arómata.

℞. Congratulámini. 150*.

Lectio iij.

FAVUS distillans lábia tua
sponsa, mel et lac sub
lingua tua : et odor vesti-
mentórum tuórum sicut odor
thuris. Hortus conclúsus so-
ror mea sponsa, hortus con-
clúsus, fons signátus. Emis-
siones tuæ paradísus maló-
rum punicórum cum pomó-
rum frúctibus. Cypri cum
nardo, nardus et crocus,
fistula et cinnamómum cum
univérsis lignis Líbani, myr-

rha et áloë cum ómnibus
primis unguéntis. Fons hor-
tórum : púteus aquárum vi-
véntium, quæ fluunt impetu
de Líbano. Surge Aquilo, et
veni Auster, perfla hortum
meum, et fluant arómata
illius.

℞. Beáta es Virgo. 150*.

IN II. NOCTURNO

Sermo sancti Bernárdi
Abbátis.

Sermo in Dominica infra Oct.

Assumpt. B. M. V. super
sig. mag.

Lectio iv.

JURE María sole perhibétur
amícta, quæ profundissi-
mam divínæ sapiéntiæ, ultra
quam credi váleat, penetrá-
vit abyssum; ut, quantum
sine personáli unióne crea-
turæ conditio pátitur, luci
illi inaccessibili videátur
immérsa. Illo nimirum igne
Prophétæ lábia purgántur,
illo igne Séraphim accen-
dúntur. Longe vero áliter
María méruit, non velut sum-
mátim tangi, sed operíri
magis úndique, et circum-
fúndi et tamquam ipso igne
conclúdi. Candidíssimus sa-
ne, sed et calidíssimus hujus
mulieris amíctus : cujus
ómnia tam excellénter irra-
diáta noscúntur, ut nihil in
ea, non dico tenebrósum,
sed ne subobscúrum saltem,
vel minus lúcidum, sed ne
tépidum quidem áliquíd, aut
non ferventíssimum líceat
suspiciári.

℞. Sicut cedrus. 153*.

Lectio v.

MÚLIER amicta sole. Plane amicta lumine tamquam vestiménto. Non percipit forte carnális : nimirum spirituále est, stultitia illi videtur. Non sic videbátur Apóstolo, qui dicebat : Induimini Dóminum Jesum Christum. Quam familiáris ei facta es Dómina ! Quam próxima, imo quam íntima fieri meruisti : quantam invenisti grátiam apud eum ! In te manet, et tu in eo, et vestis eum, et vestiris ab eo. Vestis eum substántia carnis, et vestit ille te glória suæ majestátis. Vestis solem nube, sole ipsa vestiris. Novum enim fecit Dóminus super terram, ut múlter circumdaret virum.

R. Quæ est ista quæ processit. 153*.

Lectio vij.

TE itaque, Mater misericórdiæ, mediatricem nobis apud solem justitiæ constitutam devótis supplicatióibus interpellámus, ut in lumine tuo videámus lumen, et solis grátiam tuo mereámur obtentu, quam vere amávit præ ómnibus, et ornávit, stola glóriæ induens, et coronam pulchritúdinis ponens in cápite tuo. Plena es gratiarum, plena rore cælesti, innixa super diléctum, deliciis áffluens. Ciba hódie páuperes tuos Dómina ; ipsi quoque catélli de micis edant ; nec púero Abrahæ tantum, sed

et camélis potum tribuas de supereffluénti hýdria tua : quia tu vere puélla es præelécta, et præparáta Altissimi Filio. Cujus divíno instinctu sanctus Póntifex et Doctor Ambrósius, postquam Augustinum sacro baptísmate expiávit, novum hóminem novis véstibus induit, cucullaque nigra, et cingulo ex cório ipse, ut fertur, præcinxit. Hujus áutem sacri cinguli ornáméntum póstea religio Augustiniána semper gestávit in signum devotiónis erga beatam Virginem Mariam, sanctum patrem Augustinum, piámque ejus matrem Mónica, ita ut Eugénio quarto approbante fuerit institúta societas Cincturátorum sanctórum Augustini et Mónica, et ália similis sub invocatióne beatæ Mariæ Virginis de Consolatióne, quas Gregórius decimus tértius in unum corpus redégit ; ac sodalítium Cincturátorum beatæ Mariæ Virginis vóluit appellári, illúdque tum Gregórius ipse, tum multi álii ejus successóres innúmeris grátiis et privilégiis cumulárun.

R. Ornátam. 153*.

IN III. NOCTURNO

Lectio sancti Evangélli secundum Lucam.

Lectio vij. Cap. 1. d

IN illo témpore : Exsurgens María ábiit in montána cum festinatióne in civitátem Juda. Et intrávit in domum

Zachariæ, et salutavit Elisabeth. Et reliqua.

Homilia sancti Augustini
Episcopi.

Lib. de Præsentia Dei, sive
Epist. 187. alias 57. n. 23.

HÆC sunt certe verba Elisabeth matris Joannis : Beata tu inter mulieres, et beatus fructus ventris tui. Et unde hoc mihi, ut veniat mater Domini mei ad me? Ecce enim ut facta est vox salutationis tuæ in auribus meis, exsultavit in gaudio infans in utero meo. Hoc autem ut diceret, sicut Evangelista prælocutus est, replēta est Spiritu sancto, quo procul dubio revelante cognovit, quid illa exsultatio significaret infantis, id est illius venisse matrem, cujus præcursor ipse et demonstrator esset futurus. Potuit ergo esse ista significatio rei tantæ a maioribus cognoscendæ, non a parvulo cognitæ.

R. Sub tuum præsidium confugimus, clementissima Virgo, suscipe nos, unica spes nostra, et nostris delectare laudibus, * Quibus indigni omni te laude dignissimam collaudamus. **V.** Aufer a nobis iniquitates nostras, ut digni canamus tibi gloriæ melos. Quibus indigni.

Lectio viij.

NAM neque cum hoc ante in Evangelio narraretur, dictum est, credidit infans

in utero ejus, sed, exsultavit; neque ipsa dixit: exsultavit in fide infans in utero meo, sed, exsultavit in gaudio. Videmus autem exsultationem non solum parvulorum, sed etiam pecorum; non utique de aliqua fide, vel religione, vel qualicumque rationali cognitione venientem. Sed hæc plane inusitata et nova exstitit, quia in utero, et ad ejus adventum, quæ hominum Salvatorem fuerat paritura. Ideo mira, ideo in magnis signis deputanda: Ideo hæc exsultatio, et tamquam matri Domini reddita resultatio, sicut solent miracula fieri, facta est divinitus in infante, non humanitus ab infante.

R. Porta cæli et stella maris es Virgo Maria, Regis æterni Mater, gratos nos redde filio tuo: * Quia omnis virtus, et decor, et gloria ex te resplendet. **V.** Tu veniæ vena, tu gratiæ mater, tu spes mundi; exaudi nos clamantes ad te. Quia omnis. Glória Patri. Quia omnis.

Lect. ix. de Homil. Dominicæ occur.

AD LAUDES

ET PER HORAS

Ant. 1. Odor vestimentorum * tuorum sicut odor thuris.

Psalm. Dominus regnavit. 16.

2. Cingulo suo * confortavit nos, et potestatem suam dedit in manu nostra.

3. Justitia * cingulum lumborum ejus, et fides cinctorium renum ejus.

4. Myrrha, et gutta, * et casia a vestimentis tuis.

5. Sentiens vestimentorum illius * fragrantiam, benedixit nobis Deus noster.

Capitulum. Isaia 11.

EGREDIETUR virga de radice Jesse, et flos de radice ejus ascendet. Et requiescet super eum spiritus Domini.

Hymnus O gloriosa virginum. 157*.

V. Benedicta tu in mulieribus. R. Et benedictus fructus ventris tui.

Ad Bened. Ant. Quæ est ista, quæ ascendit sicut aurora consurgens, pulchra ut luna, electa ut sol, terribi-

lis ut castrorum acies ordinata?

Oratio.

DOMINE Jesu Christe, Pater misericordiarum et Deus totius consolationis: concede propitius; ut sicut lumbos præcincti purissimam Genitricem tuam Mariam sub consolationis titulo gaudentes veneramur in terris, ita perenni ejusdem consortio perfrui mereamur in cælis: Qui vivis.

Et sit Comm. Dom. occur.

IN II. VESPERIS

Omnia ut in I. Vesp., præter

Ad Magnif. Ant. Sub tuum præsidium confugimus clementissima Virgo, suscipe nos, unica spes nostra, et nostris delectare laudibus.





OFFICIA PROPRIA

SS. SUMMORUM PONTIFICUM

SANCTÆ ROMANÆ ECCLESİÆ, ALIORUMQUE SANCTORUM VEL BEATORUM
OMNIBUS VEL PLURIBUS DIOCESIBUS CONCESSA, QUÆ KALENDARIUM
CLERO ROMANO PROPRIUM SEQUUNTUR

FESTA MAII

DIE XV

S. ISIDORI AGRICOLÆ CONF.

Duplex.

Offic. ut in Supplem. 277*.

DIE XVII

S. JOANNIS NEPOMUCENI

MARTYRIS

Duplex.

Offic. ut in Suppl. 1^o loco.
278*.

DIE XXI

S. FELICIS A CANTALICIO

CONFESSORIS

Semiduplex.

Omnia ut in Suppl. 286*.

DIE XXII

S. PASCHALIS BAYLON

CONFESSORIS

Duplex.

Omnia ut in Breviar., xvij.
hujus. (m. t. v.) 346.

DIE XXIII

S. JOANNIS BAPTISTÆ DE ROSSI

CONFESSORIS

Duplex.

Omnia ut in Suppl. 288*.

DIE XXIV

B. MARİÆ VIRGINIS

SUB TITULO

AUXILIUM CHRISTIANORUM

Duplex majus.

Omnia ut in Suppl. 290*.

DIE XXVII

S. JOANNIS I. PAPÆ ET MART.

Duplex.

Omnia de Comm. unius
Mart. 24*, præter seq.

Orat. Deus, qui. 24*.

IN I. NOCTURNO

Lect. de Script. occur.

IN II. NOCTURNO

Lectio iv.

JOANNES Etrúscus
Constantino patre
génitus, totius cleri
consensu, in locum
Hormisdæ vita functi, ex
presbýtero tituli Pammáchii
subrogátus fuit. Justino se-
nióre imperátore rexit Ec-
clésiám, ad quem profectus
est Constantinópolis, auxí-
lii cáusa, quod Theodoricus
rex hæreticus divexabat Itá-

liam. Cujus étiam iter Deus miráculis illustrávit. Nam cum ei nóbilis vir ad Corinthum equum, quo ejus uxor mansuétó utebátur, itineris cáusa commodásset : factum est ut dómino póstea remissus equus ita ferox eváderet, ut frémitu et totius córporis agitatióne semper deinceps dóminam expúlerit, tamquam indignarétur mulierem recipere, ex quo sedisset in eo Jesu Christi Vicárius. Quamóbrem illi equum Pontifici donavérunt.

℞. Honéstum. 29*.

Lectio v.

SED illud majus miráculum, quod Constantinópolis, in áditu portæ Aureæ, inspectánte frequentíssimo pópulo, qui una cum imperatóre Pontifici honóris cáusa occurrerat, cæco lumen restituit. Ad cujus pedes prostrátus étiam imperátor eum venerátus est. Rebus cum imperatóre compósitis, in Itáliam rédiit, statimque epístolam scripsit ad omnes Itáliæ episcopos, jubens eos Arianórum eccléas ad cathólicum ritum consecráre, illud subjungens : Quia et nos, quando fúimus Constantinópolis, tam pro religióne cathólica, quam pro regis Theodorici cáusa, quascúmque illis in pártibus eórum eccléas reperire potúimus, cathólicas eas consecrávimus.

℞. Desidérium. 30*.

Lectio vj.

QUOD iniquíssimo ánimo ferens Theodoricus, dolo accersitum Pontificem Ravénnam in cárcerem conjécit, ubi squalóre inediáque afflictus, páucis diébus cessit e vita, cum sedisset annos duos, menses novem, dies quatuórdecim, ordináti eo témpore episcopis quindecim. Páulo post móritur Theodoricus; quem quidam Eremita, ut scribit sanctus Gregórius, vidit inter Joánnem Pontificem et Sýmmachum patricium, quem idem occíderat, demérgi in ignem Liparitánum; ut vidélicet illi quibus mortem attúlerat, tamquam júdices essent ejus intéritus. Joánnis corpus Ravénna Romam delátum est, et in basilica sancti Petri sepúltum.

℞. Stola jucunditátis. 30*.

IN III. NOCTURNO

Homil. in Evang. Si quis vult. **de Comm. 2º loco.** 37*.

℞. viij. Dómine præveniisti. 33*.

Vesp. a Capit. de seq.

DIE XXVIII

SANCTI URBANI I.

PAPÆ ET MARTYRIS

Duplex.

Omnia de Comm. unius Mart. 24*, præter seq.

Oratio.

DA, quæsumus omnípotens Deus : ut qui beáti Urbáni Mártiris tui atque Pontificis solémnia cólimus,

ejus apud te intercessiõnibus adjuvémur. Per Dñum.

Et fit Commem. S. Joannis.

IN I. NOCTURNO

Lect. de Script. occur.

IN II. NOCTURNO

Lectio iv.

URBÁNUS Románus, Alexandro Sevéro imperatõre, doctrina et vitæ sanctitáte multos ad Christi fidem convértit : in illis Valerianum, beátæ Cæciliæ sponsum, et Tibúrtium Valeriáni fratrem, qui póstea martyrium forti ánimo subiérunt. Hic de bonis Ecclesiæ attribútis scripsit his verbis : Ipsæ res fidélium, quæ Dómino offerúntur, non debent in álios usus quam ecclesiásticos et christianórum fratrum vel indigéntium convértil : quia vota sunt fidélium, et prætia peccatórum, ac patrimónia páuperum. Sedit annos sex, menses septem, dies quátuor ; ac martyrio coronátus, sepúltus est in cœmetério Prætextáti, octávo Kaléndas Júnii. Ordinatió nibus quinque hábitis mense Decémbri, creávit presbýteros novem, diáconos quinque, episcopos per diversa loca octo.

℟̃. Honéstum fecit. 29*.

Sermo sancti Augustíni
Episcopi.

De S. Cypriano, serm. 12.

Lectio v.

SERMÓNEM éxigit tam grata
et religiõsa solémnitas,

qua passiónem beáti Mártiris (Urbáni) celebrámus. Tristis procul dúbio tunc Ecclesiá fuit, non damno cadéntis, sed desidério recedéntis, semper cúpiens vidére præsentem tam bonum rectórem atque doctórem. Sed quos afflíxerat sollicitúdo certáminis, consoláta est coróna victóris. Et nunc non solum sine ulla tristitia, verum étiam cum ingénti lætitia, cuncta quæ tunc gesta sunt, legéndo recólimus : diéque isto gaudére nobis concéssum est, non timére. Neque enim formidámus terribíliter veniéntem, sed exspectámus hiláriter redeúntem.

℟̃. Desidérium. 30*.

Lectio vj.

VICÍNA córporis morte, non moriebátur in ánimo pastóris vigilántia pastorális : et cura tuéndo Dóminici gregis usque ad extrémum vitæ hujus diem mente sóbria tenebátur. Nec excutiébat ab ánimo diligéntiam fidelíssimi dispensatóris manus jam próxima cruénti carníficis. Ita se Mártirem cogitábat futúrum, ut esse non obliviscerétur episcopum ; magis curans, quam ratió nem pastórum Principi de commissis sibi óvibus rédderet, quam quid infidéli procónsuli de fide própria responderet. Amábat quippe eum qui Petro dixerat : Amas me ? pasce oves meas.

Et pascébat oves ejus pro quibus sánguinem fúndere, illum imitans, præparábat.

R. Stola jucunditátis. 30*.

IN III. NOCTURNO

Homil. in Evang. Homo pèregre. de Comm. Conf. Pont. 1^o loco. 64; Rñ. vero de Comm. unius Mart. 32*.*

Vesp. a Capit. de seq.

DIE XXIX

SANCTI BONIFACII IV.

PAPÆ ET CONFESSORIS

Duplex.

Omnia de Communi Conf.

Pont. 55, præter seq. (m. t. v.)*

Orat. Da, quæsumus. 56.*

Et fit Commem. S. Urbani.

IN I. NOCTURNO

Lect. de Script. occur.

IN II. NOCTURNO

Lectio iv.

BONIFÁCIUS hujus nóminis quartus, Joánnis filius, Valériae Marsórum natus, ex mónacho sancti Sebastíani extra Urbem, et presbýtero cardináli, sub imperatóre Phoca, ad pontificátum assúptus est, et consecrátus die Dominico, quinto Kaléndas Septémbris, anno Dómini sexcentésimo séptimo, seditque annos sex, menses octo, dies trédecim, duábus ordinatióibus peráctis mense Decémbri, in quibus episcopos viginti quinque, diáconos octo creávit.

R. Invéni David. 61*.

Lectio v.

STATIM patérnam domum in monastérium eréxit, et fundos suos in monachórum usum eidem monastério adscripsit; sed ut longe majóri beneficio hujus institúti hómines sibi obstringeret, convocátis ad sýnodum Itáliæ episcopis, sanctis légibus labéntem monachórum disciplínam restituit. Mellitus Londinénsis episcopus, qui Romam vénerat, de rebus Anglicis Christi Vicárium consulturus, sýnodo intérfuit, illiúsque decreta cum litteris Bonifáccii in Británniam tulit.

R. Pósui adjutórium super. 61*.

Lectio vj.

AB imperatóre Phoca sanctissimus Póntifex nóbile Romæ delúbrum, Pántheon scilicet, obtinuit: christiáno ritu consecrátum in ecclésiám Deíparæ Virgini et sanctis Martýribus dicátam mutávit. Ad majórem sanctitátem conciliándam, incredibilem sacrárum reliquiárum vim, ex diversis arenáriis edúctam, inférri, et juxta principem aram condi curávit. Dénique sub Heraclíó virtúte ac méritis clarus obdormivit in Dómino, octávo Kaléndas Júnii, sepultúsque est in Vatiáno.

R. Iste est qui. 62*.

IN III. NOCTURNO

Homil. in Evang. Homo

péregre. de Comm. 1^o loco.
64*.

Vesp. a Capit. de seq.

DIE XXX

SANCTI FELICIS I.

PAPÆ ET MARTYRIS

Duplex.

Omnia de Comm. unius
Mart. 24*, præter seq.

Orat. Infirmi-tatem. 24*.

Et fit Commem. S. Boni-
facii.

IN I. NOCTURNO

Lect. de Script. occur.

IN II. NOCTURNO

Lectio iv.

FELIX Románus, patre
Constántio, Aureliáno
imperátore præfuit Ecclé-
siæ. Constituit ut Missa su-
pra memórias et sepúlcrâ
Mártyrum celebrarétur. Qui
cum mense Decémbri ha-
buisset ordinationés duas,
et creáset presbýteros no-
vem, diáconos quinque,
episcopos per diversa loca
quinque, martýrio coroná-
tus, via Aurélia sepelitur in
basílica, quam a se ædificá-
tam dedicárat. Vixit in pon-
tificátu annos duos, menses
quátuor, dies viginti novem.

R. Honéstum. 29*.

Sermo sancti Augustini
Episcopi.

Serm. 138. de verbis Domini.

Lectio v.

PASTOR bonus Christus.
Quid Petrus? nonne bo-
nus pastor? nonne et ipse
ánimam suam pro óvibus
pósuit? Quid Páulus? Quid

cæteri Apóstoli? Quid eórum
témpora consequéntes beá-
ti episcopi Mártyres? Quid
étiam iste sanctus (Felix)?
Nonne omnes pastóres boni,
non mercenárii, de quibus
dicitur : Amen dico vobis,
percepérunt mercédem su-
am? Omnes ergo illi pastó-
res boni, non solum quia
sánguinem fuderunt, sed
quia pro óvibus fuderunt.
Non enim fuderunt elatióne,
sed caritáte.

R. Desidérium. 30*.

Lectio vj.

NAM et apud hærélicos,
qui propter iniquitátes
et erróres suos áliquíd mo-
lestiárum perpéssi fuérunt,
nómine martýrii se jactant :
ut hoc pállio dealbáti faci-
lius furéntur, quia lupi sunt.
Si áutem vultis scire in quo
número habéndi sunt, pa-
stórem bonum Páulum Apó-
stolum audite : quóniam non
omnes, qui córpora sua in
passióne étiam ignibus tra-
dunt, æstimándi sunt sán-
guinem fudisse pro óvibus,
sed pótius contra oves. Si
distribúero, inquit, ómnia
mea paupéribus, et tradi-
dero corpus meum, ut ár-
deam : Jam ipsi sunt : sed
vide quid séquitur : Caritá-
tem áutem non hábeam,
nihil mihi prodest. Ecce ve-
nitur ad passióem, ecce
venitur et ad ságuinis effu-
sióem, venitur et ad córpo-
rum incensióem; et tamen
nihil prodest, quia caritas

deest. Adde caritatem, pro-
sunt omnia : détrahe caritá-
tem, nihil prosunt cætera.

℞. Stola jucunditátis. 30*.

IN III. NOCTURNO

Homil. in Evang. Si quis
venit. **de Communi 1º loco.**
32*.

FESTA JUNII

DIE I

S. ELEUTHERII PAPÆ ET MART.

Duplex.

**Omnia de Comm. unius
Mart. 24*, præter seq.**

Orat. Infirmi-tatem. 24*.

**Et fit Commem. S. An-
gelæ Mericiæ Virg. in Bre-
viar. 367.**

IN I. NOCTURNO

Lect. de Script. occur.

IN II. NOCTURNO

Lectio iv.

ELEUTHÉRIUS, natióne
Græcus, Abúndio patre
natus Nicópoli Epíri óppido,
ex presbýtero sanctæ Romá-
næ Ecclesiæ, post Sotéris
mortem, totius cleri suffrá-
giis, RománuS Póntifex re-
nuntiátus est, Marco Aurélio
imperatóre Augústo, anno
Dómini centésimo septua-
gésimo nono. Quo múnere
egrégie, et summa cum láude
functus est annos quínde-
cim, dies viginti tres : tri-
bus ordinatió-nibus mense
Decém-bri factis, creatisque
presbýteris duódecim, diá-
conis octo, episcopis per
diversa loca quíndecim.

℞. Honéstum. 29*.

Lectio v.

AB Ecclesiá Lugdunénsi
per litteras, de nonnúl-

lis quæstiónibus consúltus,
Irenæum virum doctissi-
mum litterárum latórem hu-
mániter excépit, eíque Apo-
stólicas traditiónes, quas
Romána Ecclesiá illibátas
serváverat, apérui-t. Super-
stitiósas Montanistárum xe-
rophágias damnávit : ópti-
mas leges pro recta judició-
rum ecclesiasticórum forma
præscripsit; Marciónem et
Valentinum sápius relápsos,
ab Ecclesiá pénitus ejécit.

℞. Desidérium. 30*.

Lectio vj.

CUM summa pace Ecclesiá
fruerétur, multos étiam
ex optimátibus ad Christi
fidem Romæ convértit. A
Lúcio Britannórum rege lit-
teras per legátos accépit,
divini verbi ministros postu-
lánte, ad quem Fugátium et
Damiánum Románæ Eccle-
siæ presbýteros misit, a
quibus rex ipse cum tota fa-
mília, et súbditi fere omnes
sacro lavácro regeneráti
fuére. His demum aliisque
pro divíno cultu peráctis,
sancto fine quiévit, sub im-
peratóre Cómmodo, quinto
Kaléndas Júnii, sepúltus in
Vaticáno.

℞. Stola jucunditátis. 30*.

IN III. NOCTURNO

Homil. in Evang. Si quis venit. **de Communi 1º loco.** 32*.

Vesp. a Capit. de seq.

DIE II

SANCTI EUGENII I.

PAPÆ ET CONFESSORIS

Duplex.

Omnia de Comm. Conf. Pont. 55*, præter seq. (m. t. v.)

Orat. Da, quæsumus. 56*.

Et fit Commem. S. Eleutherii, deinde SS. Marcelini et Soc. Mart. ut in Breviar. 377.

IN I. NOCTURNO

Lect. de Script. occur.

IN II. NOCTURNO

Lectio iv.

BEÁTO Martino hujus nominis primo, tyrannica hæretici imperatoris sententia Chersonam relegato, Theodoro exárcho instante, Eugénius pátria Románus, qui fere a cunábulis sacro clericórum ordini se addixerat, abséntis Pontificis vices gessit, ne Románæ Ecclesiæ administratio cessásse omnino viderétur; sed hac revéra potestáte modeste uti visus est, cum probe sciret, Martino vivente se legitimum Pontificem non esse, sed illius dumtaxat quasi vices gerentem.

℟. Invéni David. 61*.

Lectio v.

UBI vero prædictus Christi Martyr, ærúmnis et iné-

dia confectus, ad beátam vitam migravisset, in cathedra Petri, clero consentiente, ut legitimus Petri successor sedit, et in illo Apostólici ministérii cúlmine talem se gessit, qualem suprémi múnieris ei créditi dignitas, et ómnium Christi fidélium ejus curæ commissórum salus et utilitas postulábant; mitis enim fuit, benígnus et mansuétus, et, quod caput est, vitæ sanctimónia illústris.

℟. Pósui adjutórium. 61*.

Lectio vj.

SINGULÁREM cleri curam hábuit, quem patérno semper amore et multis beneficiis prosecútus est. In egénos tamen mirábilis ejus beneficéntia enítuit, quibus réditus Ecclesiæ vivens et móriens liberáli manu erogávit, appríme ratus, Ecclesiæ opes ad nobilióres usus applicári non posse, et ex mánibus indigéntium ad æternitátis ærarium, cum incredibili spirituális usúràe lucro, recta tradúci. Transáctis demum duóbus annis, et novem fere ménsibus, sancto fine quiévit, anno Christi sexcentésimo quinquagésimo quinto, et ejus corpus in basilica sancti Petri recónditum fuit.

℟. Iste est qui. 62*.

IN III. NOCTURNO

Homil. in Evang. Homo peregere. **de Comm. 1º loco.** 64*.

Lect. ix. ex duabus, et
Commem. SS. Marcellini et
Soc. in Laud. 377.

DIE III

STÆ MARIÆ MAGDALENÆ

DE PAZZIS

VIRGINIS

Duplex.

In Breviario, die xxvij.
Maii. 362.

DIE VII

SANCTI AUGUSTINI

EPISCOPI ET CONFESSORIS

Duplex. (m. t. v.)

Omnia ut in Breviario,
die xxvij. Maii. 364.

DIE IX

SANCTI FERDINANDI III.

REGIS CONFESSORIS

Semiduplex. (m. t. v.)

Omnia ut in Supplem. die
xxx. Maii. 295*.

Commem. SS. Primi et
Feliciani Mart. 384.

DIE XII

SANCTI LEONIS III.

PAPÆ ET CONFESSORIS

Duplex.

Omnia de Comm. Conf.
Pont. 55*, præter seq.

Orat. Da, quæsumus. 56*.

Commem. SS. Basilidis
etc. Mart. 390.

IN I. NOCTURNO

Lect. de Script. occur.

IN II. NOCTURNO

Lectio iv.

LEO hujus nómínis tértius,
L RománuS, ex patre Asúp-

pio, a puerítia in vestiário
Patriarchii Lateranénsis in
omnem ecclesiásticam ac
divinam disciplinam educá-
tus, ex mónacho sancti Be-
nedicti, præsbyter cardiná-
lis, ac demum Póntifex Má-
ximus, incredibili ómnium
consensióne, ipso die óbi-
tus Adriáni creátus est, anno
septingentésimo nonagési-
mo quinto, seditque in san-
cta Petri Sede annos viginti,
menses quinque, dies de-
cem et septem.

R. Invéni David. 61*.

Lectio v.

TALEM se in pontificátu
exhibuit, qualem se ante
assumptiónem præbúerat :
piíssimum scilicet, mitíssi-
mum, singulári in Deum
religióne, erga próximum
caritáte, prudéntia in rebus
geréndis, páuperum ægro-
rúmque paréntem, Ecclesiæ
defensórem, divini cultus
promotórem, útpote qui
máxima quæque pro Christo
et Ecclesiá sédulo præstitit,
et patiénter tolerávit.

R. Pósui. 61*.

Lectio vj.

CUM ab ímpiis, érutis óculis,
et confóssus vulnéribus,
semivivus relictus fuisset,
postrídie per insigne mirá-
culum sanus invéntus est,
iisdémque parricidis vitam
suis précibus obtínuit. Cá-
rolo magno Francórum regi
Románum impérium détul-
lit; peregrínis amplíssimum
xenodochium exstrúxit : pa-

trimónium aliósque fundos paupéribus adscripsit. Básilicas Urbis, præsértim Lateranésem (in cujus patriarchio triclinium magnum super ómnia triclinia fundávit), et sacras ædes tot ac tantis divitiis cumulávit, ut fidem omnem superáre videátur. Vitam demum religiosíssimam pio fine coronávit, pridie Idus Júnii, anno Dómini octingentésimo décimo sexto, et sepúltus est in Vaticanó.

℟. Iste est qui. 62*.

IN III. NOCTURNO

Homil. in Evang. Homo péregre. de Comm. 1º loco. 64*.

Lect. ix. et Commem. SS. Basilidis etc. Mart. in Laudibus.

DIE XV

S. JOANNIS A S. FACUNDO

CONFESSORIS

Duplex. (m. t. v.)

In Breviario, die xij. 390.

Lect. ix. ex duabus, et Commem. SS. Viti et Soc. in Laudibus ut in Breviario. 397.

DIE XX

SANCTI SILVERII

PAPÆ ET MARTYRIS

Duplex.

Omnia de Communi unius Mart. 24*, præter seq.

Orat. Infirmítatem. 24*.

Et fit Commem. sanctæ

Julianæ de Falconeriis Virg. 399.

IN I. NOCTURNO

Lect. de Script. occur.

IN II. NOCTURNO

Lectio iv

SILVÉRIUS CampánuS post Agapítum próxime Póntifex creátus est : cujus doctrina et sánctitas illúxit in insectándis hæréticis, et constántis ánimi magnitúdo perspécta est in tuéndo juicio Agapíti. Nam Anthimum, quem, quia Eutychiánam hæresim defendébat, Agapítus ab episcopátu Constantinopolitáno deposúerat, cum a Theodóra Augústa sæpíssime rogátus esset, restitúere nóluit.

℟. Honéstum. 29*.

Lectio v.

QUAMÓBREM iráta múlíer mandat Belisário ut Silverium mittat in exsílíum. Qui exsulávit in insula Póntia, unde his verbis scripsisse fertur ad Amatórem episcopum : Susténtor pane tribulatiónis et aqua angústia; nec tamen dimísi, aut dimitto officium meum. Et sane, brevi incómmodis ærumnisque conféctus, obdormívit in Dómino, duodécimo Kaléndas Júlii; cujus corpus Romam delátum, et in basilica Vaticaná depósítum, multis miráculis illustrátum fuit. Præfuit Ecclésiæ annos tres et ámplius, creatis mense Decémbri presbýteris trédecim, diáco-

nis quinque, episcopis per diversa loca decem et novem.

℞. Desiderium. 30*.

Lect. vj. Sermónem éxigit. (mutato nomine), ut die xxvii. Maii. 389*. ℞. Stola jucunditátis. 30*.

IN III. NOCTURNO

Homil. in Evang. Si quis venit. de Communi 1º loco. 32*.

℞. viij. Dómine præveni-sti. 33*.

DIE XXV

S. GALLICANI MART.

Duplex.

Omnia ut in Supplem. pro aliquibus locis. 317*.

DOM. I. NON IMPEDITA
POST OCT. SS. PETRI ET PAULI

COMMEMORATIO

OMNIUM SS. ROMANÆ ECCLESIAE
SUMMORUM PONTIFICUM

Duplex.

Omnia ut inter Festa pro aliq. locis eadem Dom. 321*.

FESTA JULII

DIE III

S. PAULI I. PAPÆ ET CONF.

Duplex.

Omnia de Comm. Conf. Pont. 55*, præter seq. (m. t. v.)

Orat. Da, quæsumus. 56*.

Commem. Oct. SS. Apost. Petri et Pauli.

IN I. NOCTURNO

Lect. de Script. occur.

IN II. NOCTURNO

Lectio iv.

PAULUS hujus nóminis primus, natióne RománuS, patre Constantino, post óbítum Stéphaní tértii germáni fratris, anno Christi septingentésimo quinquagésimo séptimo in ejus locum, novo exémplo, subrogátus est. Sed hoc exímia illius virtúti debebátur. Cum enim a Gregório secúndo in patriarchio Lateranénsi, una cum fratre, a primis annis, ad christiá-

nos mores et omnem eruditiónem ecclesiásticam egrégie formátus fuisset, digniorem clerus non hábuit, quem perturbatissimis illis temporibus pio fratri successorém eligeret.

℞. Invéni David. 61*.

Lectio v.

CONSTANTÍNUS Coprónymum, litteris per legátum ad eum missis, semel atque iterum sollicitávit ut saniórem doctrinam amplecterétur; sed hæréticus et indurátus princeps solliciti pastóris vocem audire nóluit, et in cathólicos, ac præcipue in mónachos sævire non cessávit: quorum plúrimi, ut a tyránno se subducerent, in Itáliam se receperunt; quos benigne Páulus excépit, iisque templa et monastéria, cóngruis instrúcta reditibus, assignávit, in

quibus Græca lingua, et patrio ritu sacra peragerent.

R. Pósuí adjutórium. 61*.

Lectio vj.

EXSTANT multæ illius epistolæ ad Pipinum Francorum regem scriptæ, in quibus grátias agit óptimo, et de Romána Ecclesiá bene mérito principi, pro suscepta Ecclesiæ contra Longobardorum irruptiones defensione; eúmque raris elógiis cumulátum impénse hortátur, ne umquam a cœpto desistat. Cum áutem cœmetéria extra muros a Longobárdis diruta fuissent, multas inde sanctorum exúvias, ne bárbaris in prædam cederent, in Urbem intulit; quarum non módicam partem in ecclesiám monastérii a se constructi in patérnis ædibus et pingui censu ditáti collocávit. Cæterum si quid ipsi témporis residui ecclesiástici regiminis cura relinqueret, id totum aléndis Christi paupéribus, ægris, viduis, ac deténtis in cárcere consolándis, liberandisque oppréssis ære aliéno impéndit. Et tandem matúrus cælo pie óbiit, undécimo pontificátus anno jam ínito, et in Vaticanó sepúltus est.

R. Iste est. 62*.

IN III. NOCTURNO

Homil. in Evang. Homo pègre. de Comm. 1º loco. 64.*

Commem. Oct. SS. Apost. in Laud.

DIE IV

SANCTI IRENÆI

EPISCOPI ET MARTYRIS

Duplex.

Offic. ut in Supplem. 326.*

DIE VII

B. BENEDICTI XI.

PAPÆ ET CONFESSORIS

Duplex.

Omnia de Comm. Conf.

Pont. 55, præter seq.*

Oratio.

DEUS, qui beátum Benedictum Pontíficem benedictiónis tuæ grátia ad cælum sublevásti: pópulum tuum, quæsumus, nova benedictióne sanctifica; et a cunctis malis imminéntibus, ejus méritis et précibus, tua virtúte defénde. Per Dñum.

Et fit Commem. Octavæ SS. Apost. Petri et Pauli.

IN I. NOCTURNO

Lect. de Script. occur.

IN II. NOCTURNO

Lectio iv.

BENEDÍCTUS undécimus, ex honesta Boccassinorum familia Tarvisii natus, anno ætátis decimo quarto Prædicatórum institútum ampléxus est; in quo humanis divinisque stúdiis quatuórdecim annis impénse vacávit, totidémque summa cum eruditiónis láude privátim ac publice dócuit. Sanctitátis et prudéntiæ fama conspicuus, per vários gradus et dignitátes órdis ad supré mum ejus magistérium evé-

ctus est; quo in múnere cæteris exémplo prælúcens, disciplinam mirífice fovit, ac brevi témpore órđinem ipsum amplificávit. Illius ópera Bonifácus octávus in pacificándis Galliárum et Británniæ régibus feliciter usus, lustrándis commissis sibi provinciis in Gállia peregrinántem sanctæ Románæ Ecclesiæ cardinalem presbyterum creávit, atque ad Urbem accitum in Pannóniam legátum designávit, ubi tres principes de regni illius successióne contendéntes mira dexteritáte compósuit.

℞. Invéní David. 61*.

Lectio v.

PACÁTA Hungária Romam revérsus, Bonifácio Anágniæ circumvénito inter hóstium minas et invasiones fórtiter ádstitit, hæsitque indivúlse, réliquis ferme ómnibus ab eo fugiéntibus. Mox eódem Pontifice humanis rebus exémpo, in Petri sedem mira Patrum consensióne sufféctus est. In eo dignitátis fastigio, ab omni fastu prorsus aliénus, demissionem ádeo cóluit, ut addúctam ad se matrem adhuc supérstitem páulo splendídius, ut decére videbátur, ornátam, a se dimiserit tamquam non suam: mox vero nativo, atque humilióre cultu vestitam peramánter amplexátus, honorífice hábuit. Violátæ in prædecessóre suo pontificiæ dignitátis auctó-

res anathémate mulctávit: ab illo áutem sevérius hábitos, pristinis honóribus restitutos in véniam et grátiam recépit. Pacándis Italiæ provinciis, Guelphórum et Gibellinórum, Albórum et Nigrórum factiónibus misérime divexátis, Nicoláum cardinalem Praténsem órđinis Prædicatórum a látere legátum creávit, eumdémque in Angliam, Scótiám, et Hibérniám ad conciliándos reges et principes ire jussit.

℞. Pósui adjutórium. 61*.

Lectio vj.

PACIS studiosissimus, eam náviter promovit tum in Germánia, cui intestinís dissidiis laboránti præsto fuit, tum in Sicilia, quam sublato interdicto communioni restituit. Sed et Galliárum regni cum Apostólica Sede concórdiam páulo ántea gravissime læsam feliciter instaurávit. In Oriéntem étiam, aliásque schismaticórū provincias apostolicæ mentis curas porréxit, et Martino archiepiscopo Antibarénsi disciplinæ ecclesiásticæ restaurationem impénse commendávit. Sérvia regem Orósius ad ejurándum schisma litteris amantíssimis excitávit. Sýriæ demum ac Palæstínæ recuperándæ intén-tum, aliaque ad religiónis incrementum cogitántem atque moliéntem, commúnis necessitas prævenit. Mórtuus est Perúsiæ, anno millésimo

trecentésimo quarto, nono pontificátus mense nondum expléto, humilique, ut ipse jússerat, loco, apud fratres suos Prædicatóres cónditus est, miráculis statim post óbitum clarus. Cultum ab immemorábili témpore ei delátum Clemens duodécimus approbávit, utque ejus Festum cum Officio et Missa sub ritu dúplici in univérso Prædicatórum órdine, atque a clero Tarvisino et Perusino celebrarétur, indúlsit.

R. Iste est qui. 62*.

IN III. NOCTURNO

Homil. in Evang. Homo péregre. *de Comm. 1º loco.* 64*.

Vesp. a Capit. de seq.

DIE VIII

B. EUGENII III. PAPÆ ET CONF.

Duplex.

Omnia de Comm. Conf.
Pont. 55, præter seq.*

Oratio.

DA, quæsumus omnipotens Deus, beáti Eugénii Confessoris tui atque Pontificis intercessióne : ut toto tibi corde famulémur ; quia nulla nobis prævalébit hostilitas, si in te veráciter confidámus. Per Dóminum.

Et sit Commem. B. Benedicti XI.

IN I. NOCTURNO

Lect. de Script. occur.

IN II. NOCTURNO

Lectio iv.

EUGÉNIUS hujus nóminis tértius, Bernárdus ántea

dictus, pátria PisánuS fuit. Exácta adolescéntia, clericali militiæ nomen dedit, et sacerdotio póstea initiátus, ob egrégias ánimi dotes inter canónicos metropolitánæ Pisánæ cooptári méruit. Sancti Bernárdi, qui tunc Pisas advénerat, exémplo illéctus, eidem sese instituéndum dedit, atque in Claraválle monásticum induit hábitum. Tanti viri disciplina ádeo profécit, ut primum Farfénsi monastério ab eo præpósitus, deinde abbas cœnóbii sanctórum Vincéntii et Anastásii ad Aquas Sálvias ab Innocéntio secúndo Summo Pontífice eléctus fúerit. Quo in obeúndo múnere cum sanctimóniæ ac prudéntiæ miro splendóre inclaruisset, a cardinálibus post Lúcii secúndi óbitum cunctis suffrágiis Póntifex Máximus creátus est. Vix áutem ab inito pontificátu, perduéllium turbis Ecclesiæ Románæ principátum evértere adniténtibus, semel atque iterum ab Urbe discédere cógitur, sedatáque deinde tempestáte, iterum ad eam summo honóre, et bonórum gratulatióne regréditur.

R. Invéni David. 61*.

Lectio v.

VITÉRBII cómmorans, Angliæ legátos, Scótiæ, Germániæ, Hispániæ et Gáliæ excépit, beáto Petro in ejus persóna obediéntiam et obséquium profiténtes; itém-

que nonnullos Arméniae episcopos, qui insuper Metropolitanus ac gentis suae nomine de gravioribus orientalis Ecclesiae negotiis ejus exquisiverunt sententiam. Profectus in Galliam, concilia Rhemis ac Treviris celebravit, in quibus Eonis et Gilberti Porretani proscripsit errores, aliaque plura sapienter constituit ad cleri disciplinam et Ecclesiae libertatem. Coenobia deinde Claravallense ac Cisterciense una cum sancto Bernardo invisit, praeclearis ubique sanctae conversationis exemplis relictis. Ab eodem Bernardo salutaria monita exquisivit ad Ecclesiam administrandam, et Apostolicae Sedis jura protuenda; ille vero ei pretiosum librum de Consideratione dedit, quo Pontificis principisque prerogativae et officia caelestis sapientia declarantur. Litterarum quoque cultor eximius, cum theologiae ac jurisprudentiae reformavit studia, tum academicos, uti vocant, gradus instituit, quo adolescentium animos alacriores redderet.

¶ Pósuí adjutórium super. 61*.

Lectio vj.

SINGULARI pacis fovendae cupiditate, curas omnes intendit, ut discordias Pisanos inter et Lucenses componeret. Decorem domus Dei summopere dilexit: nam

et basilicam Liberianam pulchriori decoravit ornatu, et alia templa quamplura, aut refecit, aut pretiosis donis ditavit. Vaticanæ autem basilicæ quartam oblationum partem sibi de more competentem, præter decimam jam a sancto Leone nono Apostolorum Principi attributam, elargitus est. Henricum imperatorem, catholicorum principum nobile exemplar, sanctorum in album retulit. Tandem Tibure, quo æstivos calores vitandi causa ab Urbe concesserat, gravi morbo implicitus, mortem justorum oppetiit octavo Idus Julii, anno millésimo centésimo quinquagésimo tertio, postquam in Petri cathedra sedisset annos octo, et menses quatuor. Corpus Romam delatum, conditum fuit in Vaticano, una cum sancti Gregorii tertii et beati Petri Levitæ exuviis. Sacrum porro cultum jam tunc miraculorum accedente fulgore ei exhibitum, et in aliis quoque regionibus adhæc usque tempora vigentem, Summus Pontifex Pius nonus, ex Sacrorum Rituum Congregationis consulto, ratum habuit et confirmavit.

¶ Iste est qui ante Deum. 62*.

IN III. NOCTURNO

Homil. in Evang. Homo peregre. de Comm. 1º loco. 64*.

Vesp. de seq.

DIE IX

PRODIGIORUM B. M. V.

Duplex majus.

Ut in Festis B. M. V. 145*,
præter seq.In Ant. ad Magnif. I. Vesp.,
et in R. vij., dicitur :Tuum sanctum Patroci-
nium.

DIE XI

S. PII I. PAPÆ ET MART.

Duplex.

Omnia de Comm. unius
Mart. 24*, præter seq.Orat. Infirmi-
tatem. 24*.Et fit Commem. Septem
Fratrum etc. Mart., in Brev.

IN I. NOCTURNO

Lect. de Script. occur.

IN II. NOCTURNO

Lectio iv.

PIUS hujus nóm-
inis primus,
Rufini filius, Hermétis
frater, pátria Aquilei-
ensis, ex presbýtero sanctæ Romá-
næ Ecclesiæ Summus Pón-
tífex creátus est, seditque
Antonino Pio et Marco Au-
relío imperatóribus Augú-
stis. Quinque ordinatió-
nibus, mense Decémbri, epi-
scopos duódecim, octódecim
presbýteros creávit.

R. Honéstum. 29*.

Lectio v.

EXSTANT nonnúlla ab eo
præcláre institúta, præ-
sértim ut Resurréctio Dó-
mini nónnisi die Domínico
celebrarétur : quod póstea
ab ejus successoribus Romá-
nis Pontificibus confirmá-

tum est; quibus id máxime
curæ fuit, ut totius Ecclesiæ
episcopi in pascháli cele-
britáte unifórmes essent.

R. Desidérium. 30*.

Lectio vj.

PUDÉNTIS domum in ecclé-
siam mutávit, eámque
ob præstántiam supra cæte-
ros Títulos, útpote Románi
Pontificis mansiónem, Título
Pastóris dicávit, in eáque
sæpius rem sacram fecit, et
multos ad fidem convérsos,
et sacro fonte purgátos, in
fidélium númerum adscrip-
sit. Dum vero pii pastóris
munus obíret, fuso pro suis
óvibus et summo Pastóre
Christo ságuine, martyrio
coronátus est, quinto Idus
Júlii, ac sepúltus in Vaticáno.

R. Stola jucunditátis. 30*.

IN III. NOCTURNO

Homil. in Evang. Si quis
venit. de Comm. 1º loco. 32*.

DIE XIII

S. ANACLETI PAPÆ ET MART.

Duplex.

Omnia de Comm. unius
Mart. 24*, præter seq.

Orat. Deus, qui nos. 24*.

Commem. S. Joannis Gual-
berti Abbat. in Brev.

IN I. NOCTURNO

Lect. de Script. occur.

IN II. NOCTURNO

Lectio iv.

ANACLÉTUS, natióne Græ-
cus, Atheniënsis, patre
Antiocho, multis rebus præ-
cláre gestis celeberrimus,
post interrégnum pontifi-

cium quátuor ménsium et decem diérum, christiánæ religiônis summum pontificátum adéptus, Cleménti per martyrium sublato, tertio Nonas Aprilis subrogátur, seditque in cáthedra Petri novem annos, tres menses, et dies decem, presbyteris quinque, tribus diáconis et sex episcopis dúplici ordinatióne creátis, sub Trajáno imperatóre.

℟. Honéstum. 29*.

Lectio v.

HIC Principi Apostolorum memóriam, seu ecclésiám, gratus et memor tanti beneficii ab eo accépti, per sacri órdis collatióem, dum adhuc presbyter esset, in Vaticáno extrúxit atque ornávit, Apostolorum trophæum ab antiquis Pátribus mérito appellátam, quam nullo umquam furéntis licet persecutiónis túrbine déjici potuisse, sed, quod omnem admiratióem súperat, majóre in dies glória áuctam fuisse compértum est: futurum sane secutúris temporibus majóris et ampliórís molis nóbile rudiméntum.

℟. Desidérium. 30*.

Lectio vj.

RES ab eo gestæ, quas mirificas fuisse multis argumentis conjicere licet, commúni scriptórum antiquórum naufrágio obscuræ atque óbrutæ mansérunt. Multa ad religióem et disciplinam spectántia prudenter

státuit, ac præ cæteris, ut episcopus a paucióribus quam tribus episcopis minime consecrarétur; ut cléríci sacris ordinibus públice a próprio episcopo initiaréntur; et ut in Missa, perácta consecratióne, omnes communicárent. Obiit tandem martyrio coronátus, tertio Idus Júlii, et juxta corpus beáti Petri sepúltus est.

℟. Stola jucunditátis. 30*.

IN III. NOCTURNO

Homil. in Evang. Si quis venit. de Comm. 1º loco. 32.*

DIE XVII

SANCTI LEONIS IV.

PAPE ET CONF.

Duplex.

Omnia de Comm. Conf. Pont. 55, præter seq.*

Orat. Da, quæsumus. 56.*

IN I. NOCTURNO

Lect. de Script. occur.

IN II. NOCTURNO

Lectio iv.

LEO hujus nóminis quartus, RománuS, Rodúlphi filius, mónachus sancti Benedicti primum, cardinális deinde, ac demum post óbitum Sérgii secúndi eádem die, invitus licet, in Lateranénse patriarchium dedúctus, ad sanctam Sedem ómnium votis promótus est. Vir fuit religióne, innocéntia, pietáte, humanitáte, liberalitáte, prudéntia, et doctrína, præsertim ecclesiástica, insignis. Sedit annos octo, sex menses, et tótidem dies,

Lothário et Ludovico juniore
imperatoribus Augustis.

℞. Inveni David. 61*.

Lectio v.

PAUCIS ante illius assumptionem mensibus, cum basilicæ sanctorum Apostolorum Petri et Pauli a Sarcenis diréptæ fuissent, ad alteram Urbis direptionem jam accinctos suis precibus fregit, et eorum classem dissipavit. Muris Vaticanum cinxit, et in civitatem Leoninam commutavit, quam beato Petro custodiendam tradidit. Tiberinam oram turribus munivit, diréptas basilicas restauravit, et ornatum domus Dei, præsertim in Lateranensi patriarchio, sublatum restituit.

℞. Pósui adjutorium. 61*.

Lectio vj.

MIRÁCULIS sanctissimam vitam illustravit; nam et basiliscum, cujus anhelitu jam multi extincti fuerant, suis precibus præsens occidit; et maximum incendium, quod basilicæ Vaticanæ imminébat, signo crucis exstinxit. Qua sanctitate permotus rex Angliæ Astúlfus regnum suum Romænæ Ecclesiæ tributarium fecit, et censum annum constituit. Vir sane de Urbe totaque república christiana óptime méritus, obiit decimo sexto Kalendas Augusti, anno Domini octingentesimo quinquagesimo quinto, et sepultus est in Vaticano.

℞. Iste est qui. 62*.

IN III. NOCTURNO

Homil. in Evang. Homo peregre. de Comm. 1^o oco. 64*.

DIE XIX

S. SYMMACHI PAPÆ ET CONF.

Duplex.

Omnia de Communi Conf. Pont. 55*, præter seq.

Oratio Da, quæsumus. 56*.

Et fit Commem. S. Camilli de Lellis Conf. ut in Breviar.

IN I. NOCTURNO

Lect. de Script. occur.

IN II. NOCTURNO

Lectio iv.

SYMMACHUS, genere Sardinus, patre Fortunato, ex diacono a majore et potiore cleri parte in Constantiniana basilica, quarto ab óbitu Anastásii die, in ejus locum suffectus est. Quia tamen distractis electorum suffragiis, Festi senatus principis excónsulis instinctu, a nonnullis Laurentius archipræbyter promotus fuerat, gravissimum inde schisma ortum habuit, ex quo máxima christiænæ reipublicæ clades imminébat, nisi eximia Symmachi prudentia, cum singulari christiænæ modestiæ exemplo conjuncta, et quatuor synodorum Romæ collectarum decretis firmata, quibus et Theodorici regis pro executione auctoritas, et elegans Ennodii pro defensione stylus accessit, penitus extinctum fuisset.

℞. Inveni David. 61*.

Lectio v.

IN commemorátis sýnódis, aliisque réliquo témpore hábitis, multa ejus nutu et império statúta fuérunt, tum circa Románi Pontificis et episcopórum electiónem, ad turpem ámbitum amovéndum, abrogáta regis Odoácris iníqua lege; tum circa disciplinam ecclesiásticam, ac præsertim bonórum Ecclesiæ alienatióem. Imo sub ejus pontificátu et auspiciis, Aurelianénsis, Agathénsis, et áliæ sýnodi hábitæ sunt, in quibus multi et egrégii cánones cónditi fuérunt, ad dignitátem Ecclesiæ et fidélium mores plúrimum conducéntes. Várias demum sédulus pastor epístolas scripsit, in quibus ardentissimus propagándæ ac servándæ fidei zelus, cum indefesso pastorális curæ stúdio mirabiliter enitéscit.

ñ. Pósui adjutórium. 61*.

Lectio vj.

MÁXIMAM pecúniæ summam pro rediméndis Ligúriæ captivis ultro contribuit; et quotánnis præsúlibus Africánis, a Vándalis in ódium fidei in Sardiniam relegátis, aliménta et vestes suppeditávit; eósque sacris quas petierant, reliquiis, necnon epístola, Ennódii stylo niténte, recreávit. Admiratióne porro dignum est, quod sub bárbaro et ariáno rege, sub quo Urbs ipsa captiva quodámmodo tenebá-

tur, tantam áuri et argénti vim, tum ad novas basilicas a fundaméntis exstruéndas, tum ad álias reparándas et regáli cultu ornándas contúlerit. Anno demum Christi décimo quarto supra quingéntésimum, quarto décimo Kaléndas Augústi, cum sedisset annos quíndecim et menses octo, pie óbiit, et sepúltus est in Vaticáno.

ñ. Iste est qui. 62*.

IN III. NOCTURNO

Homil. in Evang. Homo pègre. de Comm. 1^o loco. 64*.

DIE XXI

SANCTI ALEXII CONF.

Duplex.

Omnia ut in Supplem. 350*.

DIE XXIV

S. VINCENTII A PAULO

CONFESSORIS

Duplex.

In Brev., die 19 Julii.

Lect. ix. de Homil. Vigil. S. Jacobi Apost., et ejusdem Commem. in Laud.; deinde sanctæ Christinæ Virginis et Mart. in Breviar.

DIE XXVII

STÆ VERONICÆ DE JULIANIS

VIRGINIS

Duplex.

Offic. ut in Supplem. 341*.

Lect. ix. S. Pantaleonis Mart., cum Commem. in Laud.

DIE XXVIII

SS. VICTORIS I.

PAPÆ ET MARTYRIS

INNOCENTII I.

PAPÆ ET CONFESSORIS

NAZARII ET CELSI

MARTYRUM

Duplex.

Omnia ut in Brev. eadem
dic. 510, præter seq.

Oratio.

SANCTORUM tuorum nos,
Dómine, Victóris, Inno-
céntii, Nazárii ac Celsi con-
fessio beáta commúniat : et
fragilitáti nostræ subsidium
dignanter exóret. Per Dñm.

IN I. NOCTURNO

Lect. de Script. occur.

IN II. NOCTURNO

Lect. ut in Breviar. (mu-
tato ordine), iv. Victor, v.
Innocéntius, vj. Nazárius.

IN III. NOCTURNO

Homil. in Evang. Cum au-
diéritis. de eodem Commu-
ni 1^o loco. 48*.

Vesp. a Capit. de S. Fe-
lice. Commem. præced., et
SS. Simplicii et Soc. Mart.
(omisso in Oratione nomine
Felicis).

DIE XXIX

SANCTI FELICIS II.

PAPÆ ET MARTYRIS

Duplex.

Omnia de Comm. unius
Mart. 24*, præter seq.

Orat. Infirmitátem. 24*.

IN I. NOCTURNO

Lect. de Script. occur.

IN II. NOCTURNO

Lectio iv.

FELIX secúndus RománuS,
patre Anastásio, ex Ro-
mánae Ecclesiæ archidiáco-
no in Pontificem eléctus est
vivente Libério. Cum áutem
de Felicis pontificátu, tém-
pore Gregórii décimi tértii,
non levis controversia inci-
disset, virique gravissimi
diversum sentirent, accidit
eo ipso témpore, ut in dia-
conia sanctorum Mátyrum
Cosmæ et Damiáni, in foro
Románo, quidam thesáurum
quærentes, in arcam mar-
móream inciderint : in qua
corpus sancti Felicis repér-
tum est, una cum lapideo
latérculo, ibidem intus pó-
sito, hisque litteris exarato :
Corpus sancti Felicis Papæ
et Mátyris, qui damnávit
Constántium. Cántigit id prí-
die ejus diéi quo Felicis in
Ecclesiá natális dies agi con-
suéverat, quarto Kaléndas
Augústi, anno Dómini mil-
lésimo quingentésimo octo-
gésimo secúndo. Unde Fe-
lice quasi pro se testimónium
reddente, Festum ejus in
eádem diaconia, cum majóri
solemnitate singulis annis
celebrári consuévit.

Bj. Honéstum. 29*.

Lect. v. Sermónem. Lect.
vj. Vicína. ut pro S. Urbano
(mutato nomine), die 28
Maii. 389*.

IN III. NOCTURNO

Homil. in Evang. Si quis
venit. de Comm. 1^o loco. 32*.

In Laud. sit Commem. SS. Simplicii et Soc. Mart. (omisso in Orat. nomine Felicis).

In II. Vesp. Commem. san-

ctæ Marthæ Virg., ejus sit Officium die xxx.; deinde SS. Abdon et Sennen Mart., ut in Breviar.

FESTA AUGUSTI

DIE II

SANCTI STEPHANI I.

PAPÆ ET MARTYRIS

Duplex.

Omnia de Communi unius Mart. 24*, præter seq.

Orat. Deus, qui nos. 24*.

IN I. NOCTURNO

Lect. de Script. occur.

IN II. NOCTURNO

Lect. ut in Breviar. divi-
sæ ad hoc signum ¶. 527.

IN III. NOCTURNO

Homil. in Evang. Si quis
vult. de Comm. 2^o loco. 37*.

DIE VI

TRANSFIGURATIONIS

D. N. J. C.

TITULARIS ARCHIBASILICÆ

LATERANENSIS

Duplex 1. classis cum Octava.

Officium ut in Breviario.

Hymni ejusdem metri per
totam Oct. sic terminantur :

Jesu tibi sit glória,
Qui te revélas párvulis,
Cum Patre et almo Spíritu
In sempitérna sæcula.

Amen.

IN III. NOCTURNO

Omissa Lect. SS. Marty-
rum, legatur ix. Lect. Tu
vero Matthæi. ut in Breviar.

De SS. Felicissimo et Aga-
pito Mart. nihil.

In Festis infra Octavam
occurrentibus sit Commem.
Transfigurationis, per Ant.,
Y. et Orat. de die Festo.

DIE IX

S. EMYGDII EP. ET MART.

Duplex.

IN I. VESPERIS

Ant. et Capit. de Laudi-
bus. 411*; Pss. de Comm.
Apost. 2*.

Hymnus.

AUDIAT miras óriens ca-
dénstque
Sol tuas láudes celebrésque
palmas,
Præsul Emýgdi, cólumen,
tuáque
Glória gentis.

O jubar cæli rádiis decó-
rum,

O potens signis, meritisque
felix,

Quem Deus gestis adhibére
suévit

Grándibus olim.

Ethnico primum génitus
parénte,

Illico nomen súperis dedisti,
Pátriis spretis ópibus, beáta
Regna requiréns.

Miles hinc scriptus Triadis
supérnæ

Italís infers sacra bella pla-
gis,

Instruis verbo, tribuísque
mira

Dona salutis.

Victor, et dives spoliis,
deorum

Templa subvertis, simulácra
et aras,

Mox feras gentes numerosa
reddis

Agmina Christo.

Sit salus illi, decus atque
virtus,

Qui super cæli sólio corú-
scans,

Tótius mundi sériem gu-
bérnat

Trinus et unus. Amen.

V. Terra trémuit et quié-
vit. *R.* Dum pro nobis de-
precarétur Emýgdus.

Ad Magnif. Ant. Emýgdus
spiritu oris sui idolórum cul-
tum et templa subvertit :
quos in Christo génuit filios,
illos fidéliter a ruínis terræ-
mótus servávit.

Orat. ut infra ad Laud. 412*.

Et fit Commem. SS. Mart.
Cyriaci et Soc., deinde Oct.
Transfig., postea S. Romani
Mart.

AD MATUTINUM

Invit. Regem Mártyrum
Dóminum, * Veníte, adoré-
mus.

Ps. Veníte, exsultémus. 2.

Hymnus.

IMPERAS saxo, látitans re-
pente

Lympha consúrgit, flúitans
salúbri

Fonte baptísmi, populósque
lustras

Flúmine sacro.

Péctoris duros sílices re-
pelle,

Sáxeum cordis túmidi rigó-
rem

Cóntere, ut sordes lacrymó-
sa manans

Abluat unda.

Non times sævi rábiem ty-
ránni,

Sáanguine effúso, generóse
Martyr :

Quin tibi abscissum caput
usque ad aras

Mórtuus effers.

Nunc triumphátor super
astra regnans,

Sémitam nobis aditúmque
monstra :

Súpplīces ductor génitos su-
pérnis

Sédibus infer.

Annuat cælo Pater atque
Natus,

Annuat compar utriúsque
virtus

Spiritus votis, Deus unus
omni

Témporis ævo. Amen.

IN I. NOCTURNO

Ant. Circuívit terram, et
perambulávit eam, ut notam
fáceret in pópulis glóriam
Dei.

Pss. de Communi unius
Mart. 25*.

Ant. Virtúte magna reddé-
bat testimónium summi Dei,
et Jesu Christi Dómini no-
stri.

Ant. Confúsi sunt, qui ado-
rábant sculptilia, et qui glo-
riabántur in simulácris suis.

V. Glória et honóre coro-
násti eum Dómine. *R.* Et

constituisti eum super ópera mánuum tuárum.

De libro Ecclesiástici.

Lectio j. Cap. 5.

NE sequáris in fortitúdine tua concupiscéntiam cordis tui : et ne dixeris : Quómodo pótui? aut quis me subjiciet propter facta mea? Deus enim vándicans vindicábit. Ne dixeris : Peccávi, et quid mihi áccidit triste? Altissimus enim est pátiens rédditor. De propitiáto peccáto noli esse sine metu, neque adjicias peccátum super peccátum. Et ne dicas : Miserátio Dómini magna est, multitúdinis peccatórum meórum miserébitur. Misericórdia enim et ira ab illo cito próximant, et in peccatóres réspicit ira illius.

℟. Egréssus est de terra sua et de cognatióne sua : * Et venit in terram quam monstráverat illi Deus. *℣.* Ut annuntiáret inter gentes ópera ejus. Et venit.

Lectio ij. Cap. 10. b

INÍTIUM omnis peccáti est superbía : qui tenúerit illam, adimplébitur maledictis, et subvértet eum in finem. Proptérea exhonorávit Dóminus convéntus malórum, et destrúxit eos usque in finem. Sedes ducum superbórum destrúxit Deus, et sedére fecit mites pro eis. Radices géntium superbárum arefécit Deus, et plantávit húmiles ex ipsis géntibus. Terras géntium evértit

Dóminus, et pérdidit eas usque ad fundaménta.

℟. Diréctus est in conversiónem géntium, * Et tulit abominatiónes impietátis. *℣.* Zelo zelátus est pro Dómino Deo. Et tulit.

Lectio iij. Cap. 16. c

NON dicas : A Deo abscón-
dar, et ex summo quis mei memorábitur? In pópulo magno non agnóscar : quæ est enim ánima mea in tam imménsa creatúra? Ecce cælum, et cæli cælórum, abýssus et univérsa terra, et quæ in eis sunt, in conspéctu illius commovebúntur, montes simul, et colles, et fundaménta terræ : cum conspéxerit illa Deus, tremóre concutiéntur.

℟. Elégit abjéctus esse in domo Dei, * Magis quam habitáre in tabernáculis peccatórum. *℣.* Et virtúte magna reddébat testimónium Jesu Christi Dómini nostri. Magis. Glória Patri. Magis.

IN II. NOCTURNO

Ant. Audiéntes áutem gentes gavisæ sunt, et glorificábant verbum Dei.

Ant. Et cantábant cánticum novum, carmen Deo nostro : Dóminus enim augébat quotidie, qui salvi fierent.

Ant. Multitúdinis áutem credéntium erat cor unum et ánima una.

℣. Posuisti Dómine super caput ejus. *℟.* Coronam de lápide pretiósio.

Lectio iv.

EMYGDIUS e nóbili Francórum prosápia Tréviris natus, anno ætátis vigésimo tértio, paréntibus idolólatris frustra obstantibus, fidem Christi suscepit, et constan- tissime professus est. Cum tribus discipulis Euplo, Ger- máno et Valentino vitam duxit. Humánis spretis oble- ctaméntis, rebus divinis plénius incumbébat, erga próximum caritátis ardóre æstuábat; idcirco ad procu- rándam multórum salútem Romam se cóntulit. Hospitio excéptus in insula Tiberis, hóspitis filiam per quinquén- nium immedicábili morbo languéntem baptismo saná- vit.

R. A fácie furóris tui Deus conturbáta est omnis terra :
* Miserére, et ne fácias con- summationem. **V.** Avertátur furor tuus a pópulo tuo. Mi- serére.

Lectio v.

Mox, óculis cæci coram pópulo signo crucis apér- tis, a multitúdine eum fi- lium Apóllinis credénte in templum Æsculápii rápitur. Ibi Christi servum se profes- sus, ejus invocatióne ma- gnum númerum ægrórum, nequídquam idóli opem im- plorántium, valetúdi- ni restituit, aras diruit, Æsculápii signum confráctum in Tibe- rim projécit. Quibus rebus, et mille trecentórum genti- lium, præter Æsculápii sa-

cerdótes, conversi- óne inde secúta, irritáti Posthúmii Titiani præfécti Urbis minas, Angeli mónitu, declinans, sanctum Marcéllum Pontifi- cem ádiit, a quo episcopus ordinátus, et Asculum mis- sus est.

R. Montes commovebún- tur, et colles contremiscent :
* Misericórdia áutem mea non recédet a te. **V.** Et fœ- dus pacis meæ non movébi- tur. Misericórdia.

Lectio vj.

MULTIS in itinere mirácu- lis, ingénti multitúdine Christo adjúncta, simul ac Asculum Emýgdus pervé- nit, dæmones, e simulácris idolórum per cuncta fana ejulátibus éditi, peregrín- um dolóris sui cáusam indicá- runt. Quem cum concitáta plebs ad cædem quæreret, excitus tumúltu Polýmius ci- vitátis præses, eum ad se vocátum multis sed irritis verbis ad Jovis et Angáriæ deæ Asculi patrónæ venerati- ónem hortátur, promissis étiam in præmium núptiis própriæ filiæ Polýsiæ, quam Emýgdus ad Christum con- vérsam baptizávit, et post eam mille et sexaginta hómi- nes, edúcta e saxo per in- gens miráculum aquárum cópia. His in rábiem actus Polýmius sancto episcopo caput abscídit; quo facto, truncus ejus mirabiliter eré- ctus abjéctum humo pró- prium caput attóllens máni-

bus, perspatium tercentorum passuum ad oratorium portavit; inde ad templum maximum translatum est, ubi magna religione Asculani populi et concursu exterorum hanc usque in diem colitur. Incidit ejus beata mors persecutione Diocletiani durante.

R. Misericordia tua Domine non recedat a nobis : * Ut salvet nos, dum terra tremit. **V.** Eleva brachium tuum : et dextera tua glorificetur in nobis. Ut. Gloria Patri. Ut.

IN III. NOCTURNO

Ant. Sicut pastor gregem suum pavit, et in brachio suo congregavit agnos.

Ant. Tradidit corpus suum in mortem, ideo coronatus possidet palmam.

Ant. In vita sua fecit monstra, et in morte mirabilia operatus est.

V. Magna est gloria ejus in salutari tuo. **R.** Gloriam et magnum decorem impones super eum.

Lectio sancti Evangelii secundum Lucam.

Lectio vij. Cap. 21. b

IN illo tempore : Dixit Jesus discipulis suis : Cum audieritis prelia et seditiones, nolite terreri : oportet primum haec fieri, sed nondum statim finis. Tunc dicebat illis : Surget gens contra gentem, et regnum adversus regnum : et terramotus magni erunt per loca. Et reliqua.

Homilia sancti Gregorii Papae.

Homil. 1. in Evang.

DOMINUS et Redemptor noster paratos nos invenire desiderans, senescentem mundum quae mala sequantur denuntiat, ut nos ab ejus amore compescat. Appropinquantem ejus terminum quantae percussiones praeveniant, innotescit : ut si Deum metuere in tranquillitate nolumus, saltem vicinum ejus judicium vel percussionibus attriti timeamus.

R. Hic est fratrum amator, et populi Israel : * Hic est qui multum orat pro populo et universa sancta civitate Jerusalem. **V.** Ipse intercedat pro nobis ad Dominum. Hic est.

Lectio viij.

HUIC etenim lectioni sancti Evangelii, quam modo vestra fraternitas audivit, paulo superius Dominus praemisit, dicens : Exsurgat gens contra gentem, et regnum adversus regnum : et erunt terramotus magni per loca, et pestilentiae et fames. Et quibusdam interpósitis, hoc, quod modo audistis, adjunxit : Erunt signa in sole, et luna, et stellis, et in terris pressura gentium praefusione sonitus maris et fluctuum. Ex quibus profecto omnibus alia jam facta cernimus, alia in proximo ventura formidamus.

R. Iste sanctus gloriosum

sanguinem fudit pro Dómino, amávit Christum in vita sua, imitátus est eum in morte sua : * Et ideo glori-
ficávit eum in cælis. *v.* Iste
sanctus conféssus est Jesum
Christum coram homínibus.
Et ideo. Glória. Et ideo.

Lect. ix. de Homil. Vigi-
liæ S. Laurentii ; si vero con-
tingerit alia die celebrari, erit
seq.

Lectio ix.

NAM gentem contra gentem
surgere, earúmque pres-
súram terris insistere plus
jam in nostris temporibus
cérnimus, quam in codici-
bus légimus. Quod terræmó-
tus urbes innúmeras óbruat,
ex áliis mundi pártibus scitis
quam frequénter audívimus.
Pestiléntias sine cessatióne
pátimur. Signa vero in sole,
et luna, et stellis, adhuc
apérte mínime vídimus ; sed
quia et hæc non longe sint,
ex ipsa jam áëris immuta-
tióne colligimus.

Te Deum laudámus. 16.

AD LAUDES

ET PER HORAS

Ant. 1. Ut cognóvit* Emýg-
dius, quod magnus est Dómi-
nus Deus noster præ ómni-
bus diis, státuit custodíre
judicia justitiæ suæ.

Ps. Dóminus regnávit. *cum*
reliq. de Dom. 16.

2. Exivit de domo sua* et
de cognatióne sua, et venit
in terram, quam monstra-
verat illi Deus.

3. In hoc excitávit* illum

Dóminus, ut osténderet in eo
virtútem suam, et annuntiá-
ret inter gentes nomen suum.

4. Intelléctum dedit ei,* et
instrúxit in via hac, qua gra-
derétur, et firmávit super
eum óculos suos.

5. Diréctus est* in conver-
sióne géntium, et tulit ab-
ominatiónes eárum.

Capitulum. Jac. 1. b

BEÁTUS vir qui suffert ten-
tatióne : quóniam cum
probátus fúerit, accipiet co-
rónam vitæ, quam repromi-
sit Deus diligentibus se.

Hymnus.

JESU coróna Mártyrum,
Qui post cruénta prælia
Ad sempitérna præmia
Sanctum vocásti Emýgdium :

Casti cruóris púrpura
Palmáque ovántem nobili,
Inter choros cæléstium
Reples beáto lúmine :

Nunc ejus ad victórias
Nos somnoléntos éxcita :
Virtútis ad præcónia
Sopóre mersos libera.

Ut invocátus réddidit
Membris salútem lánguidis,
Sic labe prorsus criminum
Arcána purget méntium.

Ut éditis miráculis,
Aras deórum diruit,
Sic damna præsens árceat,
Quæcúmque nobis immi-
nent.

Ut voce quondam sústulit
Cultus nefándos dæmonum,
Sic impetret precántibus
Æténa cæli gáudia.

Tu postulátis ánnue,
Rex magne Jesu Mártyrum,

Cum Patre et almo Spíritu
Regnans per omne sæculum.
Amen.

✠. Ora pro nobis sancte
Emýgdi. *R.* Ut digni efficiámur
promissionibus Christi.

Ad Bened. Ant. O virum
ineffábilem, per quem nobis
antíqua prodigia Móysis corúscant,
cujus nútibus e saxo
aqua baptismatis Asculáno
pópulo emanávit : per quem
evangélica lux effúlsit : quem
triúmphans excépit cúria cæléstis ;
illic pro nobis intercédere dignétur,
ut suo mereámur gaudére consórtio.

Oratio.

DEUS, qui beátum Emýgdium
Mártirem tuum atque Pontificem
idolorum victória et miraculorum gló-
ria decorásti : concéde propítius ;
ut, eo interveniente, malórum
spirítuum fráudes vincere, et coruscáre
virtútibus mereámur. Per Dóminum.

*Fit Commem. Oct. Transfigurationis, deinde Vigil., ac
S. Romani Mart.*

IN II. VESPERIS

*Si dicendæ sint, omnia ut
in I., et loco ult. Ps. dicitur
Crédidi. 16*.*

*Hymnus. Jesu coróna. ut
supra. 411*.*

✠. Méritis et précibus beáti
Emýgdii. *R.* Propítius esto
Dómine clero et pópulo tuo.

Ad Magnif. Ant. O Emýgdi,
Martyr glorióse, quos in
Christo genuisti filios, et ve-
ræ fidei lacte enutristi, tua,

quæsumus, orátio commén-
det nos indesinenter Deo.

Oratio ut supra.

DIE XI

SANCTI XYSTI II.

PAPÆ ET MARTYRIS

Duplex.

*Omnia de Communi unius
Mart. 24*, præter seq.*

Orat. Infirmitátem. 24*.

IN I. NOCTURNO

Lect. de Script. occur.

IN II. NOCTURNO

Lectio iv.

XYSTUS secúndus, Athe-
niénsis, ex philósopho
Christi discípulus, in perse-
cutióne Valeriáni accusátus
quod públice Christum præ-
dicáret, comprehénsus trá-
hitur in templum Martis,
propósita ei capitáli pœna,
nisi illi simulácro sacrificá-
ret. Qua impietáte constan-
tissime recusáta, cum ad
martyrium ducerétur, oc-
currénti sancto Lauréntio,
et dolénter in hunc modum
interrogánti : Quo progré-
deris sine filio pater? quo
sacérdos sancte sine miní-
stro próperas? respóndit :
Non ego te désero fili : ma-
jóra te manent pro Christi
fide certámina : post trídium
me sequéris, sacerdotem le-
vita : intérea, si quid in
thesáuris habes, paupéribus
distribue. Eódem igitur die
interfécus est una cum Fe-
licíssimo et Agapito diáco-
nis, Januário, Magno, Vin-
céntio et Stéphanó subdiá-

conis, et in cœmetério Calisti sepúltus octávo Idus Augústi : cæteri vero in cœmetério Prætextáti. Sedit menses úndecim, dies duódecim. Quo témpore hábuit ordinatióem mense Decémbri, creátis presbýteris quátuor, diáconis septem, episcopis duóbus.

℞. Honéstum. 29*.

Lectiones v. et vj., ut pro S. Urbano (mutato nomine). xxvii. Maii. 389*.

IN III. NOCTURNO

Homil. in Evang. Si quis venit. de Comm. 1^o loco. 32* ; Lect. ix. de SS. Tiburtio et Susanna Mart.

In Laud. Commem. Octavar. Transfig. et S. Laurentii ; deinde SS. Mart.

DIE XIII

IN DIE OCTAVA

TRANSFIGURATIONIS D. N. J. C.

Duplex.

Omnia ut in Festo, præter seq.

In I. Vesp. fit Commem. S. Claræ Virg. ; deinde Oct. S. Laurentii, postea SS. Hippolyti et Cassiani Mart.

IN I. NOCTURNO

Lect. de Script. occur.

IN II. NOCTURNO

Sermo sancti Cyrilli Episcopi Alexandrini.

Ap. Metaph., post med.

Lectio iv.

ARBITRÁTUS fortásse beátus Petrus advenisse tempus regni Dei, in monte quidem versári déligit : dicit áutem

tria esse faciéndá tabernacula, nesciens quid diceret. Non erat enim tempus consummationis sæculi, neque in præsentí témpore sunt sancti futúri participes spei eis promissæ. Cum ergo dispensatio adhuc esset in principio, et nondum esset finita, quómodo erat consentáneum Christum, qui vénerat propter caritátem in mundum, desínere pro eo velle pati? Nesciébat ergo Petrus quid diceret.

℞. Inebriáti sunt. 541.

Lectio v.

CÆTERUM, præter admirabile et arcánum Christi glóriæ spectáculum, áliquíd quoque áliud factum est útile et necessárium, ad confirmandum in se fidem, non solis discipulis, sed étiam nobis ipsis. Désuper enim ex alto éxstitit vox Dei et Patris dicéntis : Hic est Fílius meus diléctus, in quo mihi bene complácui, ipsum audíte. Et dum facta est, inquit, vox, invéntus est solus Jesus. Ecce, præsenté Móyse, Pater jubet sanctis Apóstolis, ut eum áudiant ; quod si eos voluisset sequi præcépta Móysis, dixisset : Serváte legem. Nunc áutem ne hoc quidem dicit Deus et Pater. Aberat quidem Móyses, Eliás áutem non áderat, solus vero erat Christus : jussit ergo ipsum audíre. Ipse est enim finis legis et Prophetárum.

℞. Præcéptor. 541.

Lectio vj.

PROPTÉREA Judæorum pópulum allocútus est, dicens : Si crederétis Móysi, crederétis útique mihi : ille enim de me scripsit. Quóniam áutem et per sapientissimum Móysen datum præceptum contémnere, et quæ per sanctos prophétas dicta sunt nihil dúcere, perpétuo perseverárunt, jure sunt abalienáti, et exturbáti a bonis, quæ promissa sunt ipsis pátribus. Obediéntia enim mélior est quam sacrificium; et auscultátio quam ádipes agnórum, sicut scriptum est, et ita quidem se habet Rex Judæorum. Nobis áutem, qui ejus advéntum agnóvimus, ómnia omnino bona áderunt per ipsum, et in ipso Christo. Per quem, et cum quo Deo et Patri glória, et poténtia, cum sancto Spiritu, in sæcula sæculórum. Amen.

℟. Si ministrátio. 542.

IN III. NOCTURNO

Léctio sancti Evangélii secúndum Matthæum.

Lectio vij. Cap. 17.

IN illo témpore : Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsum seórsum, et transfigurátus est ante eos. Et reliqua.

Homilia sancti Ambrósii
Episcopi.

Lib. 7. in Luc. cap. 9.

HIC est Filius meus dilectus; hoc est, non Elias

filius, non Móyses filius, sed hic est Filius, quem solum vidétis; recésserant enim illi, ubi cœpit Dóminus designári. Vides hanc non solum insipientium, sed étiam perfectórum, imo étiam cælestium fidem esse perfectam, Filium Dei scire. Sed quóniam hæc jam supra diximus, cognósce nubem istam non fumigántium esse móntium nebulóso humóre concretam, et coácti áëris caligine piceam, quæ cælum tenebrárum horróre subtéxerat : sed lúcidam nubem, quæ nos non pluviálibus aquis, et huméntis alluvióne imbris immádidet, sed de qua mentes hóminum, voce Dei omnipoténtis emissa, ros fidei rigávit.

℟. Vocávit nos Deus vocatióne. 547.

Lectio viij.

ITAQUE cum tres essent, unus est factus. Tres in principio vidéntur, unus in fine. Perfécta enim fide unum sunt. Dénique hoc étiam Dóminus Patrem orat, ut omnes unum simus. Nec solum Móyses et Elias in Christo unum sunt, sed étiam nos unum corpus sumus Christi. Ergo, et illi tamquam in uno corpore recipiúntur in Christi corpus, quia et nos unum érimus in Christo Jesu. Aut fortáassis, quia lex et prophétæ ex verbo : quæ áutem ex verbo cœpérunt, in verbo désinunt. Finis enim legis

est Christus, ad justitiam
omni credenti.

℟. Deus. 547.

Lect. ix. de SS. Hippolyto
et Cassiano, ut in Brev.

In Laud. sit Commem.
Oct. S. Laurentii, deinde
SS. Mart.

In II. Vesp. Commem. seq.,
deinde Octavæ S. Laurentii,
postea S. Eusebii Conf.

DIE XIV

S. HORMISDÆ PAPÆ ET CONF.

Duplex.

Omnia de Comm. Conf.
Pont. 55*, præter seq. (m.
t. v.)

Orat. Da, quæsumus. 56*.

IN I. NOCTURNO

Lect. de Script. occur.

IN II. NOCTURNO

Lectio iv.

HORMISDAS, natione Cam-
pānus, Justo patre Fru-
sināte, séptimo a Sým-
machi óbitu die, cum jam sanctæ
Romānæ Ecclesiæ diáconus
esset, summa ómnium con-
sensióne ad sanctam Petri
sedem provéctus est: in qua
ita se gessit, et dominico
gregi pascendo sédulam ópe-
ram navávit, ut non sine sin-
gulári Dei providéntia ac di-
vino consílio eléctum fuisse
perspéctum sit. Hoc quippe
hómīne iis tempóribus Ec-
clésia indigébat, qui et res
árduas faciéndas animóse
susciperet, et susceptas ad
optátum finem strénue per-
dúceret.

℟. Invēni David. 61*.

Lectio v.

UBI suprésum Pontíficis
munus iniit, totum fere
christiānum orbem sub ré-
gibus bárbaris vel hærélicis
geméntem invénit, et distrá-
ctam in partes Ecclesiā.
Sed octo annórum spátio,
vir plane Deo plenus, pe-
rénni cura ac felici labórum
suórum événtu, eo rem ad-
dúxit, ut Orientáles Ecclé-
siæ, ab octogínta circiter
annis fœdo schismate sepa-
rátæ, subscripto libéllo,
quem is per suos legátos mi-
serat, ad unitátem redierint;
et Africæ sui episcopi, quos
in Sardiniam Vándali rele-
gárant, fúerint restitúti, et
Lazórum rex ac pópulus ad
Christi fidem, ejus ópera, in-
dúctus sit; ac demum Clodo-
véus Francórum rex ad eám-
dem fidem convérsus, solé-
mni legatióne ad Sedem apo-
stólicam, corónam áuream
gemma distinctam Hormi-
sdæ obtúlerit, ad perpétuum
obediéntiæ et fidei monu-
méntum.

℟. Pósui adjutórium. 61*.

Lectio vj.

MANICHÆOS item discússit,
eorúmque códices ante
fores Constantiniānæ basi-
licæ incéndio concremávit.
Complúres epistolas scripsit
ad vários, per univérsum
orbem christiānum, in qui-
bus ardentíssimus zelus reli-
giónis amplificándæ, quo
medúllitus flagrábat, sacrá-
rum litterárum sciéntia, cum

limpidissimo et amœno stylo conjuncta, qua plûrimum valébat, singulâris rerum gerendarum peritia, præsertim cum régibus et optimatibus, qua præ cæteris pollebat, aliæque heróici ánimí dotes, mirum in modum elúcent. Ejus demum pia liberalitas in egénos et sacras ædes profúsa fuit. Ac tandem suórum votórum compos, annis ac méritis gravis, et rerum gestárum glória apud Deum et hómines celebérissimus, post novem pontificátus annos, ad cælestem pátriam migrávit, anno Christi quingentésimo vigésimo tertio, exánimi córporis exúviis Vaticanæ basilicæ relictis.

R. Iste est qui. 62*.

IN III. NOCTURNO

Homil. in Evang. Homo péregre. de Comm. 1º loco. 64*.

Lect. ix. de Homil. Vigil. Assumpt., ut in Brev.

In Laud. fit Commem. Octavæ S. Laurentii, Vigiliæ. ac S. Eusebii Conf.

DIE XVI

SANCTI ROCHI CONF.

Duplex.

Omnia ut in Suppl. 366*.

DIE XIX

(Alias XXIX. Julii.)

B. URBANI II. PAPÆ ET CONF.

Duplex.

Omnia de Comm. Conf.

Pont. 55*, præter seq. (m. t. v.)

Oratio.

DÓMINE Jesu Christe, qui beáto Pontifici Urbáno pro Ecclesiæ tuæ libertáte et decóre feliciter decertáre tribuisti, eúmque ad rediménda ab infidélium potestate tuæ vitæ mortális et passiónis monuménta per virtutem crucis roborásti : concéde ; ut ipsius intercessióne, contra hostes ánimæ nostræ dimicántes in terris, æternæ glóriæ bravium accipere mereámur : Qui vivis.

Commem. Oct. Assumpt.

IN I. NOCTURNO

Lect. de Script. occur.

IN II. NOCTURNO

Lectio iv.

SÆCULO undécimo, fervente luctuosissimo dissidio Ecclesiám inter et Impérium, non minóri fortitudine quam cæteri Pontifices, qui per ea témpora Romanám obtinuérunt Sedem, enituit Urbánus secúndus, Odo ántea vocátus, e nobili familia apud Castelliónem supra Matrónam non procul a Rheménsi urbe ortus. Is Brunóne magistro, celebérissimo póstea Carthusianórum institutóre, philosóphicis ac theológicis stúdiis óperam dedit, et ob egrégias virtútes in ecclesiá Rheménsi canonicátu potitus est. At sæculi curas pertæsus, ac régulam sancti Benedicti professus, primum in Cluniacénsi, dein in Bainsonénsi et Cavénsi coenóbiis religiosissime con-

versátus est. Vestigia secútus sancti Gregórii séptimi, viri ópere et sermóne poténtis, a quo in majóribus Ecclésiæ negótiis adhibitus fúerat, atque episcopus Ostiénsis et sanctæ Románæ Ecclésiæ cardinális creatus, pari áni-mi constantia ac fortitúdine jura Ecclésiæ contra láicam potestátem vindicávit.

¶. Invéni David. 61*.

Lectio v.

SUMMUS Póntifex renuntiátus, Casíni montem in-vísit, sacras ibi beatissimi Patris Benedicti exúvias ve-neratúrus, ejúsque ope a lápidis morbo, quo diu labo-ráverat, insígni prodígio sanátus fuit. Cavénsis mona-stérii ecclésiám et sancti Nicolái Barénsis basilicam consecrávit, ibique corpus ejúsdem thaumatúrgi magna cum solemnitate repósuit. In eádem Barénsi basilica insí-gne concílium hábuit, ut Græcórum erróres confu-táret, doctíssimis præser-tim usus arguméntis, quibus sanctus Ansélmus archiepi-scopus Cantuariénsis fidem cathólicam assérui. Aliis prætérea diversis in locis convocátis concíliis, eccle-siásticæ disciplinæ obser-vántiam strénue curávit. Sed ómnium celebérrimum fuit Claromontánum concílium, in quo illárum sacrárum ex-peditiónum felicíssimo suc-cessu áuctor éxstitit, quæ ex salutiferæ crucis Christi

signo, quo decorabántur, Cruciatárum nómine fuérunt appellátæ. Ac sane mirum est Pontíficem páuperem, uti erat tunc Urbánus, absque regum ope, sine ulla exa-ctióne, aut tribúto, tam in-géntem principum virorúm-que nobilium, ac cæterórum ex omni órđine, statu et re-gno multitudinem congre-gásse, qui ad difficilem ádeo expeditiónem sponte et ála-crí ánimo properárent; qui-bus pro stipéndio sola pro-ponebátur peccatórum in-dulgéntia, et sola spes vitæ æternæ pro præmio.

¶. Pósui adjutórium. 61*.

Lectio vj.

BEÁTAM Dei Genitricem singulári obséquio pró-sequens, speciálium precum in ejus honórem recitatió-nem cléricis æque ac láicis ea occasióne indixit, ut qui fidéles suscipiendæ expedi-tióni impares essent, milites pro religiónis cáusa dimi-cántes saltem oratió nibus adjuvárent. Hinc et cultus beátæ Mariæ, qui hodiéque in Sábbato celebrári solet, ab eo institútus fuisse perhi-bétur. Post plúrimos áutem labóres pro Ecclésia supe-rátos, Romæ, quæ jam cum tota Itália ab Henríci impe-ratóris oppressióne eváse-rat, universáli quoque Ecclé-sia in tranquilliórem statum revocatá, tandem meritó-rum magis quam diérum ple-nus, anno millésimo nona-

gésimo nono, die vigésima nona Júlii gloriósa justórum morte quíevit, cum Petri Cáthedram tenuísset annos undecim, menses quátuor, dies decem et octo. Corpus ex ædibus Petri Leónis apud sanctum Nicoláum in Cárcere ad basilícam Vaticanam delátum est, ibique inter totius Urbis luctum et tristitiam honorífice cónditum. Cultum usque ab immemórabili témpore beáto Urbáno secúndo exhibitum Leo décimus tértius Póntifex Máximus ex Sacrórum Rítuum Congregatiónis consúlto ratum hábuit et confirmávit, atque Officium cum Missa, in ejus honórem quotánnis celebrándum Clero Románo, Rheménsi ac Tolosáno benigne indúlsit.

R. Iste est. 62*.

IN III. NOCTURNO

Homil. in Evang. Vigiláte. de eodem Comm. 2º loco. 69.*

DIE XXIV

S. ALPHONSI MARIE

DE LIGORIO

EPISC. CONF. ET ECCL. DOCT.

Duplex.

In Breviar., die ij. 523. (m. t. v.)

Lect. ix. de Homil., et Commem. Vigil. S. Bartholomæi Apost. in Laud.

DIE XXV

S. BARTHOLOMÆI APOST.

Duplex 2. classis.

In Breviario.

DIE XXVI

SANCTI ZEPHYRINI

PAPÆ ET MARTYRIS

Duplex.

Omnia de Communi unius Mart. 24, præter seq.*

Oratio.

PRÆSTA, quæsumus omnipotens Deus : ut beáti Zephyrini Mátyris tui atque Pontíficis, cujus gaudémus méritis, instruámur exemplis. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

ZEPHYRÍNUS Románus, Sévéro imperatóre ad regéndam Ecclésiám assúptus, sancívit ut qui ordinándi essent, oportúno témpore, et multis præsentibus cléricis et láicis, de more sacris initiaréntur, doctíque ac spectatæ vitæ hómínes ad id officii munus deligeréntur. Decrévit prætérea, ut rem divínam faciénti episcopo sacerdótes omnes adstárent. Idem instituit ut patriárcha, primas, metropolitánus advérsus episcopum non ferant senténtiam, nisi apostólica auctoritáte fulti. Vixit in pontificátu annos decem et octo. Hábuít ordinatiónes quátuor mense Decémbri, quibus creávit presbýteros trédecim, diáconos septem, episcopos per divérsa loca trédecim. Antonino imperatóre

martýrio coronátus est, et sepúltus via Appia, prope cœmetérium Callisti, séptimo Kaléndas Septémbris.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. **V.** Descenditque cum illo in fóveam, et in vinculis non dereliquit eum. Et.

Sermo sancti Augustíni
Epíscopi.

Serm. 138. de verbis Domini.

Lectio v.

PASTOR bonus Christus. Quid Petrus? nonne bonus pastor? nonne et ipse ánimam suam pro óvibus pósuit? Quid Páulus? Quid cæteri Apóstoli? Quid eórum témpora consequéntes beáti epíscopi Mártyres? Quid étiam iste sanctus Zephyrinus? Nonne omnes pastóres boni, non mercenárii, de quibus dicitur : Amen dico vobis, percepérunt mercédem suam? Omnes ergo illi pastóres boni, non solum quia sánguinem fuderunt, sed quia pro óvibus fuderunt. Non enim fuderunt elatióne, sed caritáte.

R. Desidérium ánimæ ejus tribuisti ei Dómine, * Et voluntáte labiórurn ejus non fraudásti eum. **V.** Quóniam prævenísti eum in benedictiónibus dulcédinis : posuísti in cápíte ejus coronam de lápide pretióso. Et voluntáte.

Lectio vj.

NAM et apud hæréticos, qui propter iniquitátes et erróres suos áliquíd molestiárum perpéssi fuérunt, nómine martýrii se jactant : ut hoc pállio dealbáti facilius furéntur, quia lupi sunt. Si áutem vultis scire in quo número habéndi sunt, pastórem bonum Páulum Apóstolum audíte : quóniam non omnes, qui córpora sua in passióne étiam ignibus tradunt, æstimándi sunt sánguinem fudisse pro óvibus, sed pótius contra oves. Si distribúero, inquit, ómnia mea paupéribus, et tradihero corpus meum, ut ardeam : Jam ipsi sunt : sed vide quid séquitur : Caritátem áutem non hábeam, nihil mihi prodest. Ecce venitur ad passiónem, ecce venitur et ad ságuinis effusiónem, venitur et ad córporum incensiónem ; et tamen nihil prodest, quia caritas deest. Adde caritátem, prosunt ómnia : détrahe caritátem, nihil prosunt cætera.

R. Stola jucunditátis. 30*.

IN III. NOCTURNO

Homil. in Evang. Si quis vult. **de Comm. 2º loco.** 37*.

DOM. POST OCT. ASSUMPT.

B. M. V.

PURISSIMI CORDIS B. M. V.

Duplex majus.

Omnia ut inter festa pro aliq. locis. 377*.

FESTA SEPTEMBRIS

DIE I
SANCTI LUDOVICI
REGIS CONF.
Semiduplex. (m. t. v.)
In Brev., die xxv. Aug.

Lect. ix. de S. Ægidio,
et ejusdem Commem. in
Laudibus, Ant. et ŷ. variatis;
deinde sanctorum Duodecim
Fratrum Martyrum.



DIE XXVII. MAII

SANCTI BEDÆ VENERABILIS

CONFESSORIS ET ECCLESIAE DOCTORIS

Duplex.

Omnia de Comm. Conf.
non Pont., præter seq.

In utrisque Vesp. ad
Magnif. Ant. O Doctor
optime, beâte Beda, divi-
næ legis amâtor, depre-
care pro nobis Fîlium
Dei.

Ÿ. Amâvit eum Dómi-
nus, et ornâvit eum. **R.**
Stolam glóriæ induit eum.

Oratio.

DEUS, qui Ecclesiâ tu-
am beâti Bedæ Con-
fessoris tui atque Doctó-
ris eruditíone clarificas :
concède propítius fâmu-
lis tuis; ejus semper illu-
strâri sapiéntia et méri-
tis adjuvári. Per Dómi-
num.

Deinde fit Commem.
S. Joannis Papæ et Mart.

Ant. Lux perpétua lu-
cébit sanctis tuis Dómine,
et ætérnitas téporum,
allelúia.

Ÿ. Sancti et justi in
Dómino gaudent, allelúia.
R. Vos elégit Deus in he-
reditátem sibi, allelúia.

Extra Tempus Paschale.

Ant. Iste sanctus pro

lege Dei sui certávit usque
ad mortem, et a verbis
impiórum non tímuit :
fundátus enim erat supra
firmam petram.

Ÿ. Glória et honóre co-
ronásti eum Dómine. **R.**
Et constituísti eum super
ópera mánuum tuárum.

Oratio.

DEUS, qui nos beâti
Joánnis Mártyris tui
atque Pontíficis ánnua
solemnitátelætificas: con-
cède propítius; ut ejus
natalítia cólimus, de ejús-
dem étiam protectióne
gaudeámus. Per Dómi-
num.

In I. Nocturno.

Lect. Sapiéntiam. **de**
Comm. Doct.

In II. Nocturno.

Lectio iv.



BEDA præsbyter
Girvi, in Britán-
niæ et Scótiæ fi-
nibus ortus, se-
pténnis sancto Benedicto
Biscópio abbáti Wiremu-
thénsi educándus trádi-
tur. Mónachus deinde fa-
ctus vitam sic instituit,

ut dum se ártium et doctrinárum stúdiis totum impénderet, nihil umquam de regulári disciplina remitteret. Nullum fuit doctrinæ genus, in quo non esset diligentissime versátus; sed præcipua illi cura divinárum Scripturárum meditatio, quarum senténtiam ut plénius assequerétur, græci hebraicæque sermónis notítiam est adéptus. Tricésimo ætátis anno, abbátis sui jussu sacerdos initiátus, statim, suasóre Acca Hagulstradénsi episcopo, sacros explanáre libros aggréssus est: in quo sanctórum Patrum doctrinis ádeo inhæsit, ut nihil proférret nisi illórum iudicio comprobátum, eorúmdem étiam fere verbis usus. Otium perósus semper, ex lectióne ad oratióem transibat ac vicissim ex oratióne ad lectiόnem: in qua ádeo ánimo inflammabátur, ut sæpe inter legéndum et docéndum lácrymis perfunderétur. Ne áutem rerum fluxárum curis distraherétur, delátum abbátis munus constantissime detrectávit.

¶ Honéstum fecit illum Dóminus, et custodívit eum ab inimicis, et a

seductóribus tutávit illum: * Et dedit illi claritatem ætérnam. V. Justum dedúxit Dóminus per vias rectas, et osténdit illi regnum Dei. Et dedit illi.

Lectio v.

SCIÉNTIÆ ac pietátis láude Bedæ nomen sic brevi cláruit, ut sanctus Sérgius Papa de eo Romam arcesséndo cogitáverit; quo difficillimis scilicet, quæ de rebus sacris exórtæ erant, quæstiónibus definiéndis conférret óperam. Emendándis fidélium móribus, fidei vindicándæ atque adseréndæ libros plures conscrípsit: quibus tantum sui apud omnes opinióem fecit, ut illum sanctus Bonifácus episcopus et martyr Ecclesiæ lumen prædicáverit, Lanfráncus Anglórum doctórem, concílium Aquisgranénse doctórem admirábilem dixerit. Quin ejus scripta, eo adhuc vivénte, públice in Ecclesiis legebantur. Quod cum fieret, quóniam ipsum sanctum mínime appelláre licéret, venerábilis título efferébant: qui deinde véluti próprios secútis étiam tempóribus semper hábitus est. Ejus áutem doctrinæ eo vis efficácior erat, quod vitæ

sanctimónia religiosisque virtutibus confirmabatur. Quamóbre[m] discipulos, quos multos et egrégios imbuéndos hábuit, stúdio et exémplo non litteris modo atque sciétiis, sed étiam sanctitáte fecit insignes.

R. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. **V.** Induit eum Dóminus lorícam fidei, et ornávit eum. Et ad portas.

Lectio vj.

ETÁTE demum et labóribus fractus, gravi morbo corréptus est. Quo cum ámplius quinquaginta dies deténtus esset, consuétum orándi morem Scripturásque interpretándi non intercépít : eo namque témpore Evangélium Joánnis in populárium suórum usum ánglice vertit. Cum áutem in Ascensiónis prælúdio instáre sibi mortem persentíret, suprémis Ecclésiæ Sacraméntis muníri voluit : tum sodáles amplexátus, atque humi super cilício stratus, cum illa verba ingemináret, Glória Patri et Fílio et Spiritui Sancto, obdormívit in Dómino. Ejus cor-

pus, suavíssimum, uti fertur, spirans odórem, sepúltum est in monastério Girvénsi, ac póstea Dunclinum cum sancti Cuthbérti reliquiis translátum. Eum tamquam doctórem a Benedictinis aliisque religiósis familiis ac diocésibus cultum, Leo décimus tértius Póntifex Máximus, ex Sacrórum Rítuum Congregatiónis consúlto, universális Ecclésiæ Doctórem declarávit, et festo ipsius die Missam et Offícium de Doctóribus ab ómnibus recitári decrevit.

R. Iste homo.

In III. Nocturno.

Léctio sancti Evangélii scúndum Matthæum.

Lectio vij. Cap. 5.

IN illo témpore : Dixit Jesus discípulis suis : Vos estis sal terræ. Quod si sal evanúerit ; in quo salietur ? Et reliqua.

Homilía Venerábilis Bedæ Presbýteri.

In Evang. Vos estis sal terræ.



IN terra humana nátura, in sale sapiéntia verbis significáitur. Salis enim nátura terra efficitur infructuósa. Unde quasdam urbes légimus, victórum ira, sale semi-

nátas. Et hoc cónvenit apostólicæ doctrínæ, ut sale sapiéntiæ compéscat in terra humánæ carnis luxum sǎculi, aut fœditátem vitiórum germínare. Quod si sal evanúerit, in quo saliétur? Id est, si vos, per quos condiéndi sunt pópuli, propter metum persecutiónum, aut terrórem, amiséritis regna cælórum, extra Ecclesiám pósito, inimicórum oppróbria sustinétis non dúbium. Vos estis lux mundi : id est, vos, quia vera luce illumináti estis, lux eis qui in mundo sunt, esse debétis. Non potest civitas abscondi supra montem pósito : id est, apostólica doctrína super Christum fundáta; sive Ecclesiá super Christum ex multis géntibus fidei unitáte constrúcta, et caritátis bitúmine conglutináta : quæ sit tuta intrántibus, et laboriósas adeúntibus, habitatóres custódit, et omnes inimicos seclúdit.

R. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédatur pro peccátis ómnium populórum. **V.** Ecce homo

sine queréla, verus Dei cultor, ábstinens se ab omni ópere malo, et permanens in innocéntia sua. Ipse intercédatur pro peccátis.

Lectio viij.

NEQVE accéndunt lucérnam, et ponunt eam sub módio, sed super candelábrum. Sub módio ergo lucérnam ponit quisquis lucem doctrínæ cómmodis temporálibus obsúrat et legit : super candelábrum vero, qui se ita ministério Dei súbjicit, ut supérior sit doctrína veritátis, quam sérvitus cörperis. Aliter Salvátor accéndit lucérnam, qui humánæ testam natúre flamma suæ divinitátis implévit, et hanc super candelábrum, id est Ecclesiám, pósito, quod in fróntibus nostris fidem suæ incarnatiónis fixit. Quæ lucérna non pótuit sub módio poni, id est, sub mensúra legis inclúdi; nec in sola Judæa, sed in univérso illúxit orbe.

R. In médio Ecclesiæ apérui os ejus, * Et implévit eum Dóminus spíritu sapiéntiæ et intelléctus. **V.** Jucunditatem et exultatiónem thesaurizávit super eum. Et implévit eum Dóminus. **Gloria**

Patri. Et implévit eum Dóminus.

Pro S. Joanne Papa
et Mart.

Lectio ix.



IOÁNNES Etrúscus Justino senióre imperatóre rexit Ecclésiám : ad quem proféctus est Constantinópolis auxilii cáusa, quod Theodorícus rex hæréticus divexábat Itáliam : cujus étiam iter Deus miráculis illustrávit. Nam cum ei nóbilis vir ad Corínthum equum, quo ejus uxor mansuétó utebátur, itíneris cáusa commodásset, factum est, ut dómíno póstea remísus equus, ita ferox eváderet, ut frémitu et totíus córporis agitatióne semper deinceps dómínam expúlerit : tamquam indignarétur mulierem recípere, ex quo sedisset in eo Jesu Christi Vicárius. Quamóbre[m] illi equum Pontífici donavérunt. Sed illud majus miráculum, quod Constantinópolis, in áditu portæ áureæ, inspectánte frequentíssimo pópulo, qui una cum imperatóre Pontífici honóris cáusa occurrerat, cæco lumen restituit. Ad cujus pedes prostrátus étiam imperátor, eum venerátus

est. Rebus cum imperatóre compósitis, in Itáliam rédiit, statimque epístolam scripsit ad omnes Itáliæ episcopos, jubens eos Arianórum ecclésiás ad cathólicum ritum consecráre, illud subjúgens : Quia et nos quando fuimus Constantinópolis, tam pro religióne cathólica quam pro regis Theodoríci cáusa, quascúmque illis in pártibus eórum ecclésiás reperíre potuimus, cathólicas eas consecrávimus. Quod iniquíssimo ánimo ferens Theodorícus, dolo accersítum Pontíficem Ravénnam in cárcerem conjécit : ubi squalóre inediáque afflictus, páucis diébus cessit e vita, cum sedisset annos duos, menses novem, dies quatuórdecim, ordinátis eo témpore episcopis quíndecim. Páulo post móritur Theodorícus : quem quidam Eremita, ut scribit sanctus Gregórius, vidit inter Joánnem Pontíficem et Sýmmachum patrícium, quem idem occíderat, demérgi in ignem Liparítánum : ut vidélicet illi, quibus mortem attúlerat, tamquam júdices essent ejus intéritus. Joánnis corpus Ravénna Romam

portatum est, et in basilicasanctiPetrisepultum.

Te Deum laudamus.

In Laud. pro Commem.

S. Joannis.

Ant. Filiæ Jerúsalem, venite et videte Mártyres cum corónis, quibus coronávit eos Dóminus in die solemnitátis et lætitiæ, allelúia, allelúia.

Ÿ. Pretiósá in conspectu Dómini, allelúia. R.

Mors sanctórum ejus, allelúia.

Extra Tempus Paschale.

Ant. Qui odit ánimam suam in hoc mundo, in vitam ætérnam custódit eam.

Ÿ. Justus ut palma florébit. R. Sicut cedrus Líbani multiplicábitur.

Vesp. a Capit. de seq. S. Augustino. Commem. præced.



DIE XXII. JUNII
BEATI INNOCENTII V.

PAPÆ ET CONFESSORIS

Duplex.

Omnia de Communi
Conf. Pont., præter seq.
Oratio.

DEUS, qui beátum Innocéntium Confessórem atque Pontificem, sciéntiæ ac prudentiæ donis decorátum, pacis et unitátis conciliatórem effecisti; ejus intercessióne nobis concéde cælestia sápere et ómnia bona concórdi stúdio sectári. Per Dóminum.

Commem. S. Paulini
Episc. et Conf. ut in
Brev.

In I. Nocturno.

Lect. de Script. occurrente.

In II. Nocturno.

Lectio iv.

INNOCÉNTIUS, ántea Petrus de Tarantásia dictus, anno supra millésimum circiter biscentésimo vi-

gésimo quinto natus est. Dives æque ac nóbilis et elegantióris formæ, a ténera ætáte in órdine Prædicatórum se súaque ómnia Deo mancipávit. Per annos ferme triginta in cœnóbio Parisiensi religiósismóribus sacrisque litteris apprime excúltus, sapiéntiæ ac sanctitátis culmen ascéndit. Ad theológicas disciplinas in Academia Parisiensi tradéndas et ad régimen provinciæ sui órdinis semel et iterum vocátus, egrégus fuit sacre sciéntiæ Magister et prælátus inter fratres acceptissimus. Ubérrimo animárum fructu pópulos Gálliaë verbi Dei prædicatióne informávit, sibique haud exiguam dicéndi láudem promérui.

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus enim.

Lectio v.

A BEÁTO Gregório decimo Pontifice Máximo Ecclesiæ Lugdunénsi regéndæ præpósitus, cleri populique graves ac diuturnas contentiões brevi ac feliciter sedávit. In senátum purpurátorum Patrum adscitus, œcumenicæ sýnodo Lugdúni celebrándæ solícite ómnia dispósuit; tum in ipsa sýnodo jussu Pontíficis una cum sancto Bonaventúra majóris moménti negótia moderátus est. Ejus præsértim ópera Græcórum conjunctio cum Latinis probáta est, quærélæ cleri sæculáris contra regulárem sublátæ; et conclávis statúta ad futuras Romanórum Pon-

tificum electiões sancta.

R. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

Lectio vj.

A RÉTH beáto Gregório decimo vita functo, cunctis Cardinálíum suffrágiis ad Petri Cathédramevéctus est. Magnánimi decessóris consília prosecútus, impigre stúduit ut Orientáles a jugo infidélium liberáret; Cárolum Siciliæ regem cum Itálicis civitátibus amice compósuit; Rodúlphum imperátorem Ecclesiæ Románæ di-ti-óni ab Alpibus minitántem propulsávit; contra Saracénos Hispániam invadéntes, celeritáte magna exercitum cruce signátorum instrúxit; normas dedit, quibus religiósas Græcórum cum Latinis reconciliátio perfi-

ceretur, a successoribus sedulo retentas. Hæc tanta operatus brevi quinque mensium decursu, dum majora adhuc ab eo sperabat Ecclesia, febris Romæ correptus anno ætatis suæ quinquagesimo primo ad Superos piissime evolavit. Multis in vita et post mortem miraculis clâruit. Quamobrem statim ab exitu cultus ecclesiasticus beato Pontifici præstitus fuit, quem numquam intermissum, ex Sacrorum Rituum Congregationis consûlto, Leo Papa decimus tertius confirmavit.

℞. Iste est qui ante Deum magnas virtutes

operatus est, et omnis terra doctrina ejus replêta est : * Ipse intercedat pro peccatis omnium populorum. *V.* Iste est qui contempsit vitam mundi, et pervenit ad cælestia regna. Ipse intercedat. Glôria Patri. Ipse intercedat.

In III. Nocturno.

Homil. in Evang. Homo peregre. de Communi Conf. Pont. 1^o loco.

Lect. ix. de S. Paulino duabus in unam junctis ut in Brev.; de quo fit Commem. in Laud.

Si sit Sabbatum, Lect. ix. de Homilia Vigilæ, cujus fit Commem. in Laud.



URBIS

Sanctissimus Dominus Noster Leo PP. XIII., ad enixas preces Eminentissimi et Reverendissimi Domini Cardinalis Lucidi Mariæ Parocchi, ipsius Sanctitatis Suae in Urbe Vicarii, ab infrascripto Cardinali Sacrorum Rituum Congregationi Præfecto relatas, suprascriptum Officium cum Missa, ordini Prædicatorum concessum, nec non Elogium Martyrologio Romano inserendum, benigne approbavit atque adhibendum indulsit a Clero Urbis, tam sæculari, quam regulari, Kalendario Romano utente in festo beati INNOCENTII V. Papæ Confessoris, sub ritu duplici minori, die vigesima secunda Junii quotannis recolendo, servatis Rubricis. Contrariis non obstantibus quibuscumque.

Die 29 Aprilis 1898.

† C. Card. MAZZELLA Præfectus.

Locus † sigilli.

D. PANICI Secretarius.

Concordat cum originali.

Turonibus, die 20 Julii 1898.

† RENATUS FRANCISCUS
ARCHIEPISC. TURON.

INDEX PSALMORUM

Primus numerus marginalis indicat Psalmum; alter paginam
in qua Psalmus idem adnotatur in Breviario.

119 Ad Dominum.	128	81 Deus stetit.	97
27 Ad te Domine clamabo.	46	78 Deus venerunt gentes.	92
24 Ad te Domine levavi	29	93 Deus ultionum	103
122 Ad te levavi oculos meos.	131	114 Dilexi, quoniam	128
28 Afferte Domino.	47	17 Diligam te Domine	11
77 Attendite popule meus.	89	38 Dixi : Custodiam.	60
48 Audite hæc.	66	109 Dixit Dominus	124
118 Beati immaculati.	23	35 Dixit injustus.	53
127 Beati omnes	133	13 Dixit insipiens... Dominus.	8
31 Beati quorum.	49	52 Dixit insipiens... Deus.	71
40 Beatus qui intelligit.	62	140 Domine clamavi.	140
1 Beatus vir, qui non abiit.	3	7 Domine Deus meus.	4
111 Beatus vir qui timet.	125	87 Domine Deus salutis.	100
33 Benedicam Dominum	50	8 Domine Dominus noster.	5
102 Benedic... et omnia.	111	142 Domine exaudi... auribus.	105
103 Benedic... Domine	112	101 Domine exaudi... et cla-	
143 Benedictus Dominus.	141	mor.	140
84 Benedixisti Domine.	98	20 Domine in virtute tua.	15
91 Bonum est confiteri.	109	6 Domine ne in furore...	4
48 Cæli enarrant	13	Miserere.	4
95 Cantate Domino... cantate.	104	37 Domine ne in furore...	55
149 Cantate Domino... laus	49	Quoniam.	55
97 Cantate Domino... quia	108	130 Domine non est exalta-	
74 Confitebimur tibi.	87	tum	134
110 Confitebor... in consilio.	124	138 Domine probasti me	139
9 Confitebor... narrabo	6	3 Domine quid multiplicati.	4
137 Confitebor... quoniam.	138	14 Domine quis habitabit.	9
106 Confitemini... Dicant	117	89 Domine refugium.	94
117 Confitemini... Dicat.	22	23 Domini est terra.	29
104 Confitemini... et invoke.	113	26 Dominus illuminatio	45
105 Confitemini... Quis	115	22 Dominus regit me.	31
135 Confitemini... quoniam	136	92 Dominus regnavit, deco-	
15 Conserva me Domine.	40	rem.	16
115 Credidi.	128	96 Dominus regnavit, exsul-	
4 Cum invocarem.	147	tet.	104
129 De profundis.	59	98 Dominus regnavit, ira-	
43 Deus auribus nostris	63	scantur.	108
49 Deus deorum Dominus	67	133 Ecce nunc benedicite	149
62 Deus Deus meus ad te.	17	132 Ecce quam bonum.	135
21 Deus Deus meus respice.	31	58 Eripe me de inimicis	
69 Deus in adiutorium.	83	meis.	74
53 Deus in nomine tuo.	21	139 Eripe me Domine.	139
71 Deus iudicium tuum	84	44 Eructavit cor meum.	64
108 Deus laudem meam.	149	144 Exaltabo te Deus	142
66 Deus misereatur nostri	17	29 Exaltabo te Domine.	47
45 Deus noster refugium.	65	63 Exaudi... cum deprecor.	76
82 Deus quis similis erit tibi.	97	60 Exaudi Deus deprecatio-	
59 Deus repulisti nos.	75	nem meam.	75

54 Exaudi Deus orationem meam	71	131 Memento Domine David.	134
16 Exaudi Domine.	10	56 Miserere... miserere.	73
19 Exaudiat te Dominus	14	55 Miserere... quoniam.	72
39 Expectans expectavi.	61	50 Miserere .. secundum.	56
80 Exsultate Deo.	96	100 Misericordiam et judi- cium.	110
32 Exsultate justi	50	88 Misericordias Domini.	101
67 Exsurgat Deus	77	126 Nisi Dominus.	132
86 Fundamenta ejus.	100	123 Nisi quia Dominus	131
85 Inclina Domine.	99	36 Noli æmulari.	53
125 In convertendo.	132	61 Nonne Deo.	76
10 In Domino confido	7	75 Notus in Judæa Deus	88
113 In exitu Israël	126	46 Omnes gentes plaudite.	66
30 In te Domine speravi... accelera	48	107 Paratum cor meum.	118
70 In te Domine speravi... et salva me.	83	72 Quam bonus Israël Deus.	85
65 Jubilate Deo... psalmum.	77	83 Quam dilecta.	98
99 Jubilate Deo... servite.	17	2 Quare fremuerunt	3
34 Judica Domine.	51	41 Quemadmodum.	62
42 Judica me Deus.	69	124 Qui confidunt.	131.
25 Judica me Domine	30	90 Qui habitat.	148
121 Lætatus sum.	130	79 Qui regis Israël.	93
145 Lauda anima mea.	143	51 Quid gloriaris.	68
147 Lauda Jerusalem	144	128 Sæpe expugnauerunt me.	133
148 Laudate... de cælis	19	68 Salvum me fac Deus.	81
150 Laudate... in sanctis.	20	11 Salvum me fac Domine.	8
116 Laudate... omnes gentes.	128	57 Si vere utique.	74
146 Laudate Dominum, quo- niam bonus.	143	136 Super flumina	137
134 Laudate nomen.	135	64 Te decet hymnus	79
112 Laudate pueri.	125	12 Usquequo Domine	8
120 Levavi oculos meos	129	73 Ut quid Deus.	86
47 Magnus Dominus.	66	94 Venite, exsultemus	2
		5 Verba mea auribus percipe	57
		76 Voce mea... ad Deum.	88
		141 Voce mea .. ad Dominum.	141

INDEX CANTICORUM

Audite cæli.	121	Ego dixi.	69
Benedicite omnia opera	18	Exsultavit cor meum	80
Benedictus Dominus.	20	Magnificat anima mea.	127
Canentus Domino	94	Nunc dimittis.	149
Confitebor tibi Domine	57	Quicumque vult salvus esse.	24
Domine audiui	106	Te Deum laudamus.	16

INDEX HYMNORUM

Adspice infami Deus.	243*	Athleta Christi nobilis	349
Æterna Christi... Apostolo- rum	4*	Auctor beate sæculi	370
Æterna Christi...Et gloriam.	321*	Audiat miras.	406*
Æterna cæli gloria.	107	Aurora jam spargit.	124
Ales diei nuntius.	70	Ave maris stella.	147*
Alto ex Olympi vertice.	131*	Beate Pastor Petre.	428
Antra deserti teneris.	410	Cælestis Agni nuptias.	398
		Cælestis urbs Jerusalem	121*

Cæli Deus sanctissime	134	Nunc sancte nobis Spiritus	38
Cælitum Joseph	239*	O gloriosa virginum	157*
Christe, sanctorum decus	342	O nimis felix	414
Christo profusum	40*	Opes decusque	471
Consors paterni luminis	60	O qui supernæ	353*
Cor, arca legem continens	375	Pange lingua... Corporis	167
Decora lux æternitatis	424	Pange lingua... Lauream	328
Deus tuorum militum	24*	Pater superni luminis	497
Domare cordis impetus	468	Plaude festivo	265*
Dum nocte pulsa lucifer	351	Præclara custos Virginum	254*
Ecce jam noctis	20	Quem terra, pontus	147*
Egregie Doctor Paule	429	Quicumque certum quæritis	297*
En ut superba	370	Quicumque Christum	536
Exsultet orbis gaudiis	4*	Qui mutare solet	353*
Felix dies, qua	376*	Quis novus cælis	359*
Festivis resonent	437	Quodcumque in orbe	518
Fortem virili pectore	113*	Rector potens	40
Hominis superne Conditor	141	Regis superni	375*
Hujus oratu Deus	114*	Rerum Creator optime	71
Immense cæli Conditor	129	Rerum Deus tenax	43
Imperas saxo	407*	Rex gloriose Martyrum	50*
In profunda noctis	280*	Rex gloriose Præsulum	324*
Invicte Martyr	34*	Sacris solemnibus	168
Invictus heros Numinis	280*	Sæpe dum Christi	290*
Ira justa Conditoris	437	Sævo dolorum	252*
Iste Confessor Domini	55*	Salvete Christi vulnera	448
Jam faces lictor ferat	285*	Sanctorum meritis	39*
Jam lucis orto sidere	21	Sedibus cæli nitidis	464
Jam sol recedit igneus	144	Somno refectis artubus	45
Jesu corona celsior	86*	Splendor paternæ gloriæ	58
Jesu corona Martyrum	411*	Summæ Parens... Da	153
Jesu corona Virginum	97*	Summæ Parens... Nostros	108
Jesu Redemptor omnium	65*	Summi Parentis Unice	501
Lucis Creator optime	127	Summi Parentis Filio	303*
Lustra sex	333	Te Joseph celebrent	234*
Lux alma Jesu	548	Te lucis ante terminum	149
Lux ecce surgit aurea	96	Telluris alme Conditor	132
Lux o decora	468	Te Redemptoris	294*
Magnæ Deus potentiæ	138	Te splendor et virtus Patris	337
Maria castis oculis	477	Tu Trinitatis... Nam	96
Maria, quæ mortalium	316*	Tu Trinitatis... Ortus	159
Martyr Dei Venantius	349	Ut nunc ab alto	358*
Memento rerum Conditor	163*	Ut queant laxis	409
Miris modis	517	Verbum supernum	177
Mœrentes oculi	242*	Vexilla Regis	327
Nocte surgentes	2	Virginis proles... Hæc	97*
Nox atra	81	Virginis proles... Hujus	98*
Nox et tenebræ	81	Vix in sepulcro	284*

INDEX ALPHABETICUS

OMNIUM FESTORUM ET NOMINUM SANCTORUM

HUJUS PARTIS ÆSTIVÆ BREVIARII

Signum * denotat Festum pro aliquibus locis, vel pro Clero Romano.

Abdon et Sennen Mm. (30 <i>Julii</i> .)	514
Ægidii Abbatis. (1 <i>Sept.</i>)	625
Agapiti Mart. Commem. (18 <i>Aug.</i>)	589
Alexii Conf. (17 <i>Julii</i> .)	484-350*
Aloisii Gonzagæ Conf. (21 <i>Junii</i> .)	403
Alphonsi Mariæ de Ligorio Episc. Conf. et Doct. (2 <i>Aug.</i>)	523
Anacleti Papæ et Mart. (13 <i>Julii</i> .)	478-401*
Angelæ Mericiæ Virg. (31 <i>Maii</i> .)	367
Angelorum SS. Offic. votiv. per annum.	221*
Anne Matris B. M. V. (26 <i>Julii</i> .)	507
Antonii de Padua Conf. (13 <i>Junii</i> .)	393
Antonii Mariæ Zaccaria Conf. (5 <i>Julii</i> .)	461
Apollinaris Episc. et Mart. (23 <i>Julii</i> .)	501
Apost. SS. Offic. votiv. per annum.	232*
Apparitionis S. Michaëlis Archang. (8 <i>Maii</i> .)	337
Assumptionis B. M. V. (15 <i>Aug.</i>)	576
— — Octava. (22 <i>Aug.</i>)	599
Athanasii Episc. Conf. et Doct. (2 <i>Maii</i> .)	324
Augustini Episc. Conf. et Doct. (28 <i>Aug.</i>)	613
Augustini Episc. et Conf. (28 <i>Maii</i> .)	364
* Auxilium Christianorum. (24 <i>Maii</i> .)	290*
Barnabæ Apost. (11 <i>Junii</i> .)	387
Bartholomæi Apost. (24 <i>vel</i> 25 <i>Aug.</i>)	605
Basilidis, Cyrini, Naboris et Nazarii Mm. Commem. (12 <i>Jun.</i>)	391
Basillii Magni Episc. Conf. et Doct. (14 <i>Junii</i> .)	394
* Benedicti XI. Papæ et Conf. (7 <i>Julii</i> .)	397*
Bernardi Abbatis et Doct. (20 <i>Aug.</i>)	595
Bernardini Senensis Conf. (20 <i>Maii</i> .)	355
Bonaventuræ Episc. Conf. et Doct. (14 <i>Julii</i> .)	479
Bonifacii Episc. et Mart. (5 <i>Junii</i> .)	380
* Bonifacii IV. Papæ et Conf. (29 <i>Maii</i> .)	390*
Cajetani Conf. (7 <i>Aug.</i>)	550
Camilli de Lellis Conf. (18 <i>Julii</i> .)	485
Christinæ Virg. et Mart. Commem. (23 <i>Julii</i> .)	504
Christophori Mart. Commem. (25 <i>Julii</i> .)	507
Claræ Virg. (12 <i>Aug.</i>)	567
* Claræ a Cruce de Montefalco Virg. (18 <i>Aug.</i>)	370*
* Commemoratio omnium SS. Apostolorum. (29 <i>Junii</i> .)	320*
Commemoratio S. Pauli Apost. (30 <i>Junii</i> .)	430
* Commem. omnium Sanctorum S. R. E. Summorum Pontificum. (<i>Dom. I. non imped. post Oct. SS. Petri et Pauli</i> .)	321*
Conceptionis Immaculatæ B. M. V. Offic. votiv. per annum.	254*
Cordis Jesu. (<i>Fer. VI. post Oct. Corporis Christi</i> .)	370
* Aliud Officium ejusdem Festi.	297*

* Cordis purissimi B. M. V. (<i>Dom. post Oct. Assumpt.</i>)	377*
Corporis Christi. (<i>Fer. V. infra Hebdom. I. post Oct. Pent.</i>)	465
Cyriaci, Largi et Smaragdi Mm. (8 <i>Aug.</i>)	553
Cyrilli et Methodii Pont. et Conf. (7 <i>Julii.</i>)	464
Decollatio S. Joannis Bapt. (29 <i>Aug.</i>)	615
* Divisionis Apostolorum (15 <i>Julii.</i>)	343*
Dominici Conf. (4 <i>Aug.</i>)	533
Donati Episc. et Mart. Commem. (7 <i>Aug.</i>)	550
Duodecim Fratrum Mm. Commem. (1 <i>Sept.</i>)	626
Eleutherii Papæ et Mart. Commem. (26 <i>Maii.</i>)	360-392*
Elisabeth Reginæ Portugal. Vid. (8 <i>Julii.</i>)	468
* Emygdii Episc. et Mart. (9 <i>Aug.</i>)	406*
* Eugenii I. Papæ et Conf. (2 <i>Junii.</i>)	393*
* Eugenii III. Papæ et Conf. (8 <i>Julii.</i>)	399*
Eusebii Conf. Commem. (14 <i>Aug.</i>)	572
Felicis I. Papæ et Mart. (30 <i>Maii.</i>)	366-391*
Felicis II. Papæ et Mart. (29 <i>Julii.</i>)	405*
* Felicis a Cantalicio Conf. (21 <i>Maii.</i>)	286*
Felicis et Adaucti Mm. Commem. (30 <i>Aug.</i>)	621
Felicis, Simplicii, Faustini et Beatricis Mm. Commem. (29 <i>Julii.</i>)	511
* Ferdinandi III. Regis et Conf. (30 <i>Maii.</i>)	295*
Francisci Caracciolo Conf. (4 <i>Junii.</i>)	378
Francisci Solani Conf. (24 <i>Junii.</i>)	362*
* Gallicani Mart. (25 <i>Junii.</i>)	317*
* Germanæ Cousin Virg. (15 <i>Junii.</i>)	309*
Gervasii et Protasii Mm. Commem. (19 <i>Junii.</i>)	399
Gregorii VII. Papæ et Conf. (25 <i>Maii.</i>)	357
Gregorii Nazianzeni Episc. Conf. et Doct. (9 <i>Maii.</i>)	344
Gulielmi Abbatis. (25 <i>Junii.</i>)	416
* Helenæ Imperatricis Vid. (18 <i>Aug.</i>)	368*
Henrici Imperatoris Conf. (15 <i>Julii.</i>)	480
Hermetis Mart. Commem. (28 <i>Aug.</i>)	614
Hieronymi Æmiliani Conf. (20 <i>Julii.</i>)	492
Hippolyti et Cassiani Mm. Commem. (13 <i>Aug.</i>)	570
* Hormisdæ Papæ et Conf. (14 <i>Aug.</i>)	415*
Hyacinthi Conf. (16 <i>Aug.</i>)	585
Ignatii de Loyola Conf. (31 <i>Julii.</i>)	515
Inventionis S. Crucis (3 <i>Maii.</i>)	327
Inventionis S. Stephani Protomart. (3 <i>Aug.</i>)	527
* Irenæi Episc. et Mart. (4 <i>Julii.</i>)	326*
* Isidori Agricolæ Conf. (15 <i>Maii.</i>)	277*
Jacobi Apost. (25 <i>Julii.</i>)	505
Joachim Conf. et Patris B. M. V. (<i>Dom. infra Oct. Assumpt.</i>)	581
Joannæ Franciscæ Fremiot de Chantal Vid. (21 <i>Aug.</i>)	596
Joannis Apost. ante portam Latinam. (6 <i>Maii.</i>)	334
Joannis I. Papæ et Mart. (27 <i>Maii.</i>)	362-386*
Joannis Baptistæ Nativit. (24 <i>Junii.</i>)	409
— — Decollatio. (29 <i>Aug.</i>)	615
— — Vigilia. (23 <i>Junii.</i>)	406
— — Octava. (1 <i>Julii.</i>)	450
Joannis a S. Facundo Conf. (12 <i>Junii.</i>)	390
* Joannis Baptistæ de Rossi Conf. (23 <i>Maii.</i>)	288*
* Joannis Francisci Regis Conf. (16 <i>Junii.</i>)	311*

Joannis Gualberti Abbatis. (12 Julii.)	474
* Joannis Nepomuceni Mart. (16 Maii.)	278*
— — Aliud Officium.	280*
Joannis et Pauli Mm. (26 Junii.)	417
Joseph Sponsi B. M. V. Offic. votiv. per annum.	234*
Josephi Calasancii Conf. (27 Aug.)	610
Julianæ de Falconeriis Virg. (19 Junii.)	398
Laurentii Mart. (10 Aug.)	557
— Octava. (17 Aug.)	587
— Vigilia. (9 Aug.)	556
* Laurentii a Brundusio Conf. (7 Julii.)	336*
Leonis II. Papæ et Conf. (28 Junii.)	422
* Leonis III. Papæ et Conf. (12 Junii.)	394*
* Leonis IV. Papæ et Conf. (17 Julii.)	402*
Liborii Episc. et Conf. Commem. (23 Julii.)	501
Ludovici Conf. (25 vel 26 Aug.)	607
* — Aliud Officium.	374*
* Ludovici Episc. Tolosani et Conf. (19 Aug.)	373*
Machabæorum Mm. Commem. (1 Aug.)	517
Marcellini, Petri atque Erasmi Mm. (2 Junii.)	377
Marci et Marcelliani Mm. (18 Junii.)	398
Margaritæ Reginæ Scotiæ Vid. (10 Junii.)	385
Margaritæ Virg. et Mart. Commem. (20 Julii.)	492
* Mariæ Annæ a Jesu de Paredes Virg. (2 Junii.)	305*
Mariæ B. V. de Monte Carmelo. (16 Julii.)	482
* — ad Nives. (5 Aug.)	534
* — De Bono Consilio. (26 Aprilis.)	265*
* — De Consolatione. (Dom. post Fest. S. Augustini.)	382*
* — Matris Gratiarum. (9 Junii.)	306*
* — Divini Pastoris Matris. (Dom. 1. Maii.)	272*
* — De perpetuo Succursu. (Dom. ante Nat. S. Joan. Bapt.)	313*
* — sub titulo Auxilium Christianorum. (24 Maii.)	290*
* — sub titulo Reginæ Pacis. (9 Julii.)	339*
Mariæ Magdalenæ de Pazzis Virg. (27 Maii.)	362
Mariæ Magdalenæ Pœnit. (22 Julii.)	497
Marthæ Virg. (29 Julii.)	511
* Martialis Episc. et Conf. (3 Julii.)	325*
* Michaëlis de Sanctis Conf. (5 Julii.)	330*
Naboris et Felicis Mm. Commem. (12 Julii.)	475
Nazarii, Celsi et Victoris Mm., ac Innocentii Papæ et Conf. (28 Julii.)	510
* Nicolai et Soc. Mm. Gorcom. (9 Julii.)	339*
Norberti Episc. et Conf. (6 Junii.)	383
Pantaleonis Mart. (27 Julii.)	509
Paschalis Baylon Conf. (17 Maii.)	346
Passionis D. N. J. C. Offic. votiv. per annum	242*
Pauli Apost. Commem. (30 Junii.)	430
* Pauli I. Papæ et Conf. (3 Julii.)	396*
Paulini Episc. et Conf. (22 Junii.)	406
* Peregrini Latiosi Conf. (13 Maii.)	267*
Petri et Pauli Apost. (29 Junii.)	424
— — Octava. (6 Julii.)	464
— — Apost. Offic. votiv. per annum	261*
Petri Apostoli ad Vincula. (1 Aug.)	517

Petri Cælestini Papæ et Conf. (19 Maii.)	351
Petronillæ Virg. Commem. (31 Maii.)	367
Philippi et Jacobi Apost. (1 Maii.)	321
Philippi Benitii Conf. (23 Aug.)	603
Philippi Nerii Conf. (26 Maii.)	359
* Philumenæ Virg. et Mart. (9 Aug.)	366*
Pii I. Papæ et Mart. (11 Julii.)	474-401*
Praxedis Virg. (21 Julii.)	496
Primi et Feliciani Mm. (9 Junii.)	384
Processi et Martiniani Mm. Commem. (2 Julii.)	457
* Prodigiorum B. M. V. (9 Julii.)	339*
Pudentianæ Virg. Commem. (19 Maii.)	352
* Pulcheriæ Imperatricis Virg. (7 Julii.)	332*
Raymundi Nonnati Conf. (31 Aug.)	623
* Rochi Conf. (16 Aug.)	366*
Romani Mart. Commem. (9 Aug.)	556
Rosæ a S. Maria Limanæ Virg. (30 Aug.)	621
Sabinæ Mart. Commem. (29 Aug.)	616
Sacramenti SS. Offic. votiv. per annum.	240*
Sanguinis pretios. D. N. J. C. (Dom. I. Julii.)	436
Septem Fratrum ac Rufinæ et Secundæ Virg. Mm. (10 Julii.)	471
Silverii Papæ et Mart. (20 Junii.)	409-325*
Stephani Protomart. Inventio. (3 Aug.)	527
Stephani Papæ et Mart. Commem. (2 Aug.)	523-406*
Stephani Hung. Reg. Conf. (2 Sept.)	626
* Symmachi Papæ et Conf. (19 Julii.)	403*
Symphorosæ et VII. filiorum ejus Mm. Commem. (18 Julii.)	486
Tiburtii et Susannæ Mm. Commem. (11 Aug.)	565
Timothei, Hippolyti et Symphoriani Mm. Commem. (22 Aug.)	599
Transfigurationis D. N. J. C. (6 Aug.)	535
* Transverberationis Cordis S. Teresiæ. (27 Aug.)	375*
Trinitatis SS.	152
* Triumphi S. Crucis. (16 Julii.)	345*
Ubaldi Episc. et Conf. (16 Maii.)	345
Urbani I. Papæ et Mart. (25 Maii.)	357-388*
* Urbani II. Papæ et Conf. (19 Aug.)	416*
Venantii Mart. (18 Maii.)	348
* Veronicæ de Julianis Virg. (9 Julii.)	341*
* Victoris I. Papæ et Mart. (28 Julii.)	405*
Vincentii a Paulo Conf. (19 Julii.)	490
— — Aliud Officium. (19 Julii.)	352*
* — — Octava. (26 Julii.)	363*
Visitationis B. M. V. (2 Julii.)	452
Viti, Modesti et Crescentiæ Mm. (15 Junii.)	397
Xysti, Felicissimi et Agapiti Mm. Commem. (6 Aug.)	536
* Xysti II. Papæ et Mart. (11 Aug.)	412*
Zephyrini Papæ et Mart. (26 Aug.)	609-418*

OFFICIA PROPRIA
DIOECESIS MIMATENSIS

JUBENTE ET CURANTE

Ill. ac Rev. DD. JOANNE ANTONIO MARIA FOULQUIER

EPISCOPO MIMATENSI

AD FORMAM LITURGIE ROMANÆ ACCOMMODATE ORDINATA

et

SANCTA SEDE APPROBANTE

CUM BREVIARIO ROMANO RECITANDA.

PARS ÆSTIVA.



PARISIIS


ADRIANUS LE CLERE ET SOC.,

SS. D. N. PAPÆ ET ARCHIEPISCOPATUS TYPOGRAPHI,
VIA DICTA CASSETTE, 29.

—
1859

THE HISTORY OF THE

REIGN OF KING CHARLES THE FIRST



OFFICIA PROPRIA

DIOECESIS MIMATENSIS

PARS ÆSTIVA.

FESTA MAII.

DIE XI.

SANCTI MAMERTI,
EPISCOPI ET CONFESSORIS.

Semiduplex.

ORATIO.

CLAMANTES ad te, Dómine, dignánte exáudi: et sicut ad preces beáti Mamérti, Confessóris tui atque Pontificis, pópulo in afflictiónē pósito pepercísti, ita et nobis, ejus intercessiónē, in omni tribulatióne succurras. Per Dóminum.

Lect. I Noct. de Script. occ.

IN II NOCTURNO.

LECTIO IV.

MAMERTUS, Hilárii Papæ temporibus, circa annum quadringentésimum sexagésimum secúndum, Viennénsis Episcopus, ipsa Resurrectiόνis Domínicæ vigília, de flagrante regális palátii arce,

cum cives, facultátibus suis domibúsque metuéntes, ex ecclésia discessissent, ipse solus in ea remánsit, et lácrymis et oratió nibus incéndium restínguere mérui. Sed jam ántea, fere per anni spátium, frequéntes terræ motus, plures ejúsdem civitátis domos et basílicas concússerant. Insóliti quoque sónitus noctúrni, et lupi et ursi per urbem oberrántes exitiále quiddam ac ferále minitábántur.

LECTIO V.

QUÆ flagélla ut avérteret, eádem nocte, civibus, post extíntum incéndium, ad ecclésiám revérsis, Mamértus ánimo concépit instítuere Litánias usitátis sanctiόres. Has póstea indíxit tríduo ante Ascensiόnem celebrándas, in jejúniis, compunctiόne cordis et eleemó-

synis; ad quas univérſis fidélibus pie concurréntibus, coórta cessávit calámitas. Eas supplicatiónes brevi per totam Gálliam observári mos inváluit, et Roma ipsa Leónis Tértii auctoritaté ampléxa est, et sic, per legem a summo Pontifice prolátam, in tota Ecclésia religiósé fieri consuevérunt.

LECTIO VI.

ERAT Mamértus plenus Spírítu sancto et fide; itaque, férvidæ pietátis sanctitaté ac divínæ doctrínæ rádiis, non modo sibi commissam decorávit Ecclésiám, sed Gálliam quoque univérſam illuminávit; imo miraculorum fama et singulári sapiéntia totum per orbem cláruit. Nec immérito ut sui ævi Episcopórum pater et exémpplar hábitus est. Cum in omni virtútum et labórum génere egrégii pontificátus cursum explevisset, ad cælos commigrans, ætérnæ beatitúdinis corónam assecútus est.

In III Noct. Homilia Ut ignorántiam, de Comm., secundo loco. p. 69⁺

DIE XVI.

S. JOANNIS NEPOMUCENI,

MARTYRIS.

*Duplex.**In Suppl. Brev.* p. 278⁺

DIE XX.

PRO COMMEMORATIONE

SANCTI BAUDELII,

MARTYRIS.

Oratio Præsta, ut... qui natalitia. p. 24⁺

LECTIO IX.

BAUDELIIUS Aurelianénsi civitaté créditur oriúndus. Is, quasi divíno spírítu afflatus, martyrii desidério flagrát. Audiens itaque longe latéque grassári persecutorum rábiem, Nemáusum ádiit, floréntem Gálliae Narbonénsis urbem; cumque deórum falsórum cultóres idólis immolántes intrépídus redargúeret, diris suppliciis afficitur, fústibus cæditur, in equúleo suspénsus diutissime torquétur. Quibus ómnibus pro Christo fórtiter tolerátis, securi percússus, martyrii corónam adéptus est. Cujus e córpore sanguis emánans lacti similis multos ægros prístinæ valetúdini restituit.

DIE XXI.

SANCTI UBALDI,

EPISCOPI ET CONFESSORIS.

*Semiduplex.**(Fixa ex 16 hujus.)**In Propr. Sanct.* p. 248

DIE XXIV.

BEATÆ MARIE VIRGINIS

SUB TITULO

AUXILIUM CHRISTIANORUM.

*Duplex majus.**In Suppl. Brev.* p. 290⁺

FESTA JUNII.

DIE I.

SANCTI CLARI,

EPISCOPI ALBIENSIS ET MARTYRIS.

*Semiduplex.**Oratio Infirmi-tatem.* *p. 21⁺**Pro Comm. S. Flori, Episc.**et Conf., Oratio Exáudi, quæsumus.* *p. 86⁺**Lect. I Noct. de Script. occurrente.*

IN II NOCTURNO.

LECTIO IV.

CLARUS, in Africa natus, vir apostólici spíritus, Romam venit, ubi a summo Pontífice consecrátus Episcopus, in Gálliam missus est, ut evangélica prædicatione gentes quæ non sectabántur justitiam Christiánæ fidei lucrifaceret. Dum susceptum opus diligénter et strénue præstáret, vários pópulos et plúrimas civitátes in Narbonénsi provincia ab idolórum cultu avértit et ad lumen veritátis addúxit. Tum ad Albiensem urbem perréxit, ibique per tres annos commorátus, crebris miráculis et sanctis sermónibus totam in circúitu regiónem per Baptismi grátiam innovávit.

LECTIO V.

INDE in Aquitániam profectus, Petrocorénses ur-

bem ingressus est jam doctrína Christi eruditam, sed susceptæ salutis pene oblítam, eámque ut ad viam veritátis redúceret, plúrimum allaborávit. Sæviébat ibi gravíssima pestis, quam divínæ virtútis beneficio a corpóribus depéllens, ánimas étiam exitiális superstitiónis lue inféctas, supérno juvánte auxilio, curávit. Exínde, divínæ glóriæ zelo succénsus, falsórum núminum delúbra evértit, lucos excídit, contrívit simulácula, ritúsque abolévit profános et ímpios; nec modo urbem, sed passim vicína loca, tum prædicatione, tum miráculis et odóre virtútum ad verum sanctæ religiónis cultum suáriter attráxit.

LECTIO VI.

INDE ad Lectorénses progressus, dum eódem apostólicæ virtútis zelo in idolórum cultum fervens invéhitur, a satellítibus Sátanæ intercéptus, vínculis constrictus ad Jovis simulácrum rápitur. Cum ibi ad nefánda dæmonum sacrificia urgerétur eaque respúeret, soli Deo immortáli suprésum cultum debéri prædicans, váriis excruciatús torméntis, demum cápite truncátus, martyrium consummávit, et, ságuine

effúso, Christianórum semen copiósum terræ commísit. Itaque inter pópulos quos Christo génuit, memória ejus in benedictióne permánsit.

In III Noct. Homilia Si considerémus, de Comm., primo loco. p. 92⁺

Pro S. Floro.

LECTIO IX.

SANCTUS FLORUS, verbi divini præco indefessus, in Gália Narbonénsi multórum in Christo filiórum pater, ut primus Lodovénsis habétur Episcopus. Unus fuisse vidétur ex illis natiónum Episcopis, qui, nulli adhæréntes civitáti, fidei semen per gentes sparsérunt, afflánte Dei spíritu. Hoc zelo succensus, Cebénnicos montes ádiit, Gábalis evangélium annúntians, et ad Arvérnos pervénit. Ibi, expléto cursu apostólico, plenus méritis, obdormívit in Dómino. Ad cujus túmulum prope montem Indiciácum, primo constrúctum est monastérium, et póstea ædificáta civitas, nunc episcopális, ejus nómine insignita.

DIE III.

SANCTÆ CLOTILDIS,

REGINÆ, VIDUÆ.

Duplex.

Omnia de Comm., præter seq.

IN I VESPERIS. *p. 113⁷*

Ad Magnif. Ant. Sanctificátus est vir infidélis per mulierem fidélem.

ORATIO.

RESPICE, quæsumus, Dómine, ad Francórum benígnus impérium; et quibus, per devótam sanctæ Clotildis instántiam, donum fidei contulisti, iisdem, per ejus intercessiónem, tríbue sincérum Christiánæ pietátis afféctum. Per Dóminum.

AD MATUTINUM.

Lect. I Noct. de Script. occ.

IN II NOCTURNO.

LECTIO IV.

CLOTILDIS, Chilpérici regis filia, paréntibus a pátruo, Burgundiónum rege, necátis, ab eódem Francórum regi Clodovéo adhuc éthnico in cónjugem trádita est. Quæ, cum primogénitum peperisset, eum, toleránte magis quam approbánte Clodovéo, baptizári jussit. Cum infántis, cui nomen impósitum fúerat Ingomères, in albis defúnci mortem ægre ferret Clodovéus ac baptismo imputáret, gráviter Clotíldem objurgávit, ásserens Deos pátrios, in contéptum sui núminis irátos, sibi illum eripuisse. At illa: Deo, inquit, omnipoténti, Creatóri ómnium, grátias ago, qui me non judicávit indignam, ut de útero meo génitum regno suo dignarétur adscíre.

LECTIO V.

ALTERUM filium Regína cum peperisset, baptizári quoque voluit et appellátus est

Clodómeres. Qui cum ægro-
täre cœpisset, furēte rege
et affirmāte hunc pâriter
brevis e vivis excessûrum,
matris prœcibus, Deojubēte,
conváluit. At regína virum
hortári non cessábat ut, ab-
jēcta idololátria, Deum ve-
rum cóleret. Sed ille super-
stitiōni Francórum adhæsit,
donec in bello Alamánnico
inclinátam cernens suórum
áciem, monitórum cónjugis
memor, suspéxit in cœlum
et exclamávit: Summe Deus,
quem Clotíldis adórat, si,
auxiliāte dēxtera tua, de
hóstibus triumpháre váleam,
tibi soli honórem númini
omnipoténti débitum, spretis
ómnibus, firma fide tribuam.
Vix ea díxerat, cum Franci,
accénsis ánimis, in pugnam
præcípiter, leónum more,
rédeunt; et, prostráta Ala-
mannórum ácie, plenam re-
pórtant victóriam.

LECTIO VI.

REDEUNTI Clodovéo apud Re-
mos læta uxor occurrens,
ubi órđinem rei gestæ cognó-
vit, advocávit sanctum Remí-
gium, a quo Clodovéus, fidem
edóctus, baptizátus est et sa-
cro chrísmate inúctus. Post
mortem Clodovéi, tumul-
tuántes mundánæ conversa-
tiónis fluctus fúgiens, abdi-
cáta regális magnificéntiæ
vanitáte, Turónos ádiit Clo-
tíldis, ibique ad sepúlchrum
sancti Martíni, summa pie-

táte réliquum vitæ exégit,
pernox in vigiliis et oratió-
nibus, eleemósynis aliisque
justitiæ opéribus intēta,
munífica erga ecclésiās et
monastéria. Tandem plena
diérum Turónis migrávit ad
Dóminum, et Parísios inter
psalléntium choros transláta,
præséntibus fíliis Childebérto
et Clotário, ad latus Clodovéi
sepúlta est, in sacrário sancti
Petri, ubi corpus sanctæ Ge-
novéfæ quiescit.

*In III Noct. Homilia Cœ-
lórum regnum, de Comm.,
primo loco. p. 416*

*Ad Bened. Ant. Cum invo-
cásset ómnium rectórem et
salvatórem Deum, convértit
Deus spíritum regis.*

*In II Vesp. a Capit. de seq.,
in Propr. Sanct. p. 378*

Pro Comm. præced.

*Ant. Tu honorificéntia pó-
puli nostri; quia fecisti viri-
liter, et confortátum est cor
tuum.*

DIE VIII.

SANCTI MEDARDI,

EPISCOPI ET CONFESSORIS.

Semiduplex.

Oratio Exáudi. p. 86

Lect. I Noct. de Script. occ.

IN II NOCTURNO.

LECTIO IV.

MEDARDUS, patre Nectárdo,
viro illústri, in Saléncio
óppido, non procul a Novio-
dúno natus, singulári vitæ

innocéntia et férvida pietáte a primis annis eníuit : abstinentia seípsum domans , multa sibi ex aliméntis súbtrahens paupéribus erogábat, ipsaque vestiménta egénis aliquándo largiebátur. Itaque a piis paréntibus Viromandénsi Epíscopo in disciplinam tráditus , crescéntibus cum ætáte virtútibus , altárium ministério se devóvit ; ac præsbyter consecrátus , morum sanctimónia, doctrínæ cœléstis grátia et puritáte ac signórum glória excélluit.

LECTIO V.

QUAPROPTER, Epíscopo Viromandénsi defúncto, ómnium votis expetitus, in ejus locum, licet renítens, sufféctus est. Nec de asperióris vitæ disciplina, nec de assíduis férvidæ pietátis exercítiis quidquam remísit, licet múltiplici pastorális sollicitúdinis ónere implicátus. Videns autem civitátem a bárbaris evérsam, Cáthedram pontificálem Noviodúnium tráns tulit. Póstea, defúncto Tornacénsi Antístite, agénte sancto Remígio ac comprovinciálibus Epíscopis, compúlsus est viduátæ illius Ecclésiæ curam suscépere. Quo in múnere Flandros tunc idololátriæ ténebrismáxima ex parte adhuc immérsos, non sine labóre, ærúmnis et periculis, docéndo, instándo, orándo, ad Christi fidem perdúxit.

LECTIO VI.

Hos inter labóres pro Christo susceptos ad senectútem usque permánsit, evangélicæ veritátis indefessus propagátor. Tandem, jejúniis et vigiliis exháustus, in morbum incidit. Quæ, dum valéret, præclára præbúerat patiéntiæ, charitátis omniúmque virtútum exémpa, præclárius exhibuit, ingravescente córporis dolóre : corde nempe puro in cœlis convérsans et pro suo grege usque ad mortem sollicitus. Plenus ergo méritis, ipsa in oratióne, spíritum Deo redidit. Defúncti corpus Clotárius rex Suessionem transvéxit, ac própriis húmeris sublátum monuménto cón didithonorífico, atque ibídem célebre sub ejus nómine cœnóbium extrúxit.

In III Noct. Homilia Ut ignorántiam, de Comm., secundo loco. p. 69⁺

DIE XVI.

S. JOANNIS FRANCISCI REGIS,

CONFESSORIS.

Duplex.

In Suppl. Brev. p. 511⁺

DIE XVII.

SANCTI ILPIDII,

MARTYRIS.

Semiduplex.

Oratio Præsta, ut... intercedente. p. 22

Lect. I Noct. de Script. occ.

IN II NOCTURNO.

LECTIO IV.

ILPIDIUS, Christi fidem amplexus, se usque in finem servum fidélem probávit. Tunc témporis in Christiános sæviébant Valeriánus et Galliénus. Ipse condéndis sanctórum mártýrum corpóribus óperam dabat. Sic per multos perégit annos, piis opéribus totus incúmbens. Senex vero factus et mortem sibi immínere séntiens, etsi prístinum adolescéntiæ robur divínitus ipsi rédditum viderétur, sua ómnia paupéribus erogávit, et in specum juxta Eláveris ripam, in vigíliis, jejúniis et précibus, Dóminum suum expectáturus, se recépit.

LECTIO V.

IBI vitam in Deo absconditam agéndi summo desiderio flagrans, non quæ super terram, sed quæ sursum sunt sapiébat et cum corde suo meditabátur. At, cum, inter ália Dei dona, grátiam habéret curatiónum, úndique e vicínis regiónibus ad eum confluébant qui vário morborum et infirmitátum géneré vexabántur. Nec frustra; nam, ipso Christum invocánte, recedébant ab eis languóres. Ille vero divíni múnieris grátia utebátur, tam ad lucrificiéndas Evangélio ánimas, quam ad sanánda corpóra; ejúsque consíliis augebátur in dies númerus

Christo credéntium. Quod ut compértum habuére tyránni, biénnio post recéssum ejus, e specu edúctum et per ómnia supplicia frustra tentátum, ut Christum negáret, morti tandem addixerunt.

LECTIO VI.

Sermo sancti Petri Chrysólogi. Cap. 129.

QUONIAM hódie in natáli sancti Mártýris convenimus, in quo miro certámine de diábolo triumphávit, et quia nobis virtútum suárum gloriósum reliquit exéplum, ideo exultáre nos cónvenit et lætári. Natálem ergo sanctórum cum audimus, charíssimi, nolíte putáre illum dici, in quo nascúntur in terram de carne, sed de terra in cœlum, de labóre ad réquiem, de tentatió nibus ad quiétem, de cruciátibus ad delicias, non fluxas, sed fortes et stábiles et ætérnas, de mundánis rísibus ad corónam, ad glóriam. Tales natáles digne mártýrum celebrántur.

*In III Noct. Homilia Quia Dóminus ac Redemptor, de Comm., secundo loco. pp. 37**

DIE XIX.

SS. GERVASII ET PROTASII,

MARTYRUM.

Duplex.

*Oratio Deus, qui nos ánnua. pp. 40**
Lect. I Noct. de Script. occ.

IN II NOCTURNO.

LECTIO IV.

In Propr. Sanct. p. 401

LECTIO V.

Ex Epístola sancti Ambrósii,
Episcopi, ad Marcellinam,
sorórem.

Epist. 22.

PRINCIPES pópuli, quos álios nisi sanctos Mártýres aestimáre debémus, quorum jam in númerum diu ante ignoráti Protásius Gervasiúsque proferúntur, qui stérilem martyribus Ecclésiám Mediolanénsém jam plurimórum matrem filiórum lætári passiónis próprie fecérunt titulis et exémpis? Grátias tibi, Dómine Jesu, quod hoc tēpore tales nobis sanctórum mártýrum spíritus excitásti. Hos ego tibi acquisívi, plebs sancta, qui prosint ómnibus, némini nóceant. Tales ego ámbio defensóres, tales mílites áveo, hoc est, non sæculi mílites, sed mílites Christi.

LECTIO VI.

ERUUNTUR nóbiles reliquiæ e sepúlchro ignóbili: ostendúntur cœlo tróphæa; sánguine túmulus madet, appárent cruóris triumphális notæ; inviolátæ reliquiæ loco suo et órdine repértæ: avúlsum húmeris caput. Nunc senes répetunt se audísse horum mártýrum nómina titulóque legisse. Perdídérat

cívitas mártýres suos, quæ rápuit aliénos. Et si hoc Dei munus est, tamen grátiam quam tempóribus mei sacerdotii Dóminus Jesus tribuit, negáre non possum; et quia ipse martyr esse non méreor, hos vobis mártýres acquisívi. Succédant victimæ triumpháles in locum ubi Christus hóstia est: sed ille super altáre, qui pro ómnibus passus est, isti sub altári, qui illíus redéempti sunt passióne.

In III Noct. Homilia Advérte ómnia, de Comm., secundo loco. p. 337

DIE XX.

S. JULIANÆ DEFALCONERIIS,

VIRGINIS.

*Duplex.**(Fixa ex heri.)**In Propr. Sanct.* p. 398

Comm. et Lect. ix de S. Silverio, Papæ et Mart., in Propr. Sanct. (hac die). p. 402

DIE XXV.

PRO COMMÉMORATIONE

SANCTI ALBANI,

MARTYRIS.

Oratio Præsta, ut... intercedente. p. 247

LECTIO IX.

JAM Británniæ pópulis, ex eúnte primo domíniciæ Incarnatiónis sæculo, lumen fidei illúxerat. Ibi tamen tyrannórum gládius non sæ-

viit, nisi sub infestissima Diocletiani persecutióne. Tunc pro Evangélio ságuinem profúdit Albánus, vir nóbilis, sed passióne nobíliore efféctus. Hic, licet éthnicus, in domo sua presbyterum abscondit, moxque ab eo Dómini doctrinam edóctus, a persecúentium furóre subdúctum in tuto remisit, et ipse generóse Christum conféssus, post multa torménta, flagéllis cæsus, gládio tandem cápite truncátus, martyrium consummávit. Cum ipso passus est miles, qui ejus constántia victus, pro Christo martyr occumbens, próprio ságuine baptizári méruit. Albánus in morte mirábilia operátus est et váriis signis nobilitátus, quam Deo esset accéptus, comprobávit. Gloriósus tanti certáminis éxitus semen fídeli late propagávit, et Británniæ per multa sæcula sanctitátem infúdit, Deo servum suum clarificánte; unde non solum in Anglia, sed passim per orbem Christiánum pie cólitur sancti Albáni memória.

DIE XXIX.

PRO COMMEMORATIONE

OMNIUM SS. APOSTOLORUM.

IN I VESPERIS.

Ant. In hoc cognóscant

omnes, quia discípuli mei estis, si dilectiónem habueritis ad invicem.

Ÿ. Nimis honoráti sunt amíci tui, Deus. R̃. Nimis confortátus est principátus eórum.

ORATIO.

EXAUDI nos, Deus, salutáris noster; et ómnium sanctórum Apostolorum tuórum tuére præsiðiis, quorum donásti fídeles esse doctrinis. Qui vivis et regnas.

AD LAUDES.

Ant. Vos qui secúti estis me, sedébitis super sedes, judicántes duódecim tribus Israel.

Ÿ. In omnem terram exívit sonus eórum. R̃. Et in fines orbis terræ verba eórum.

IN II VESPERIS.

Ant. Vos amíci mei estis, si fecéritis quæ ego præcípíto vobis, dicit Dóminus.

Ÿ. Gloriósus in sanctis suis, fáciens mirábilia. R̃. Hic Deus meus et glorificábo eum.

FERIA VI POST OCT. CORP. CHRISTI.

SS. CORDIS D. N. J. C.

*Duplex 2 classis.**In Suppl. Brev. pp. 370*

FESTA JULII.

DIE I.

PRO COMMEMORATIONE

SANCTI GALLI,

EPISCOPI ET CONFESSORIS.

Oratio Exáudi, quæsumus.LECTIO IX. *p. 88^a*

GALLUS, pátria Arvérvus, e familia nóbili, sive splendóre natálium, sive avíta fídei firmitáte, ortum hábuit. A téneris annis, pietáte et ómnium virtútum decóre enítuit. Júvenis, fluxa et periculósa sæculi bona despiciens, ut soli Deo vacáret, in cænóbium civitáti suæ vicínium se cóntulit. Post húmilem ingrèssum, patre tandem annuente, paupertátem Christi lætus induit, totúmque mortificatiónis et oratiónis stúdio se devóvit, ascensiónes ad Deum in corde suo semper dispónens, suávi vocis elóquio psalmos pie decántans, cunctis dénique venerándus et amábilis. Intérea, defúncto sancto Quintiáno, Episcopo Arvernénsi, cleri et pópuli votórum unanimité exoptátus, in ejus successórem, licet renítens, assúptus est. In tanto honóris cúlmine, totis víribus salúti óvium incumbens, humilitáte, mansuetúdine, charitáte inexháusta emínuit; ádeo pátiens

ut injúriis vexátus, imo aliquándo pugnis verberátus, tacéret, tantóque lenitátis exémplo inimícos ad meliorem frugem addúceret. Tandem miráculis clarus et bonis opéribus large ditátus, plácida morte in Christo quiévit.

DIE III.

SANCTI MARTIALIS,

EPISCOPI ET CONFESSORIS,

AQUITANIÆ APOSTOLI.

Duplex majus.

Omnia de Comm. Conf. Pont., præter sequentia. p. 88^t

IN I VESPERIS.

HYMNUS.

DE sede Petri núntius,
Vir sancte, fervénti prece
Placens Deo, semen bonum
Labóre spargis árduo.

Mersis gravi calígine
Per te dies renáscitur,
Quos tristis error lúserat
Ilústrat alma véritas.

Non vi, nec armis militum,
Fandi nec ullis ártibus,
Verbo sed irrísæ Crucis
Subdis rebélles spíritus.

Fac, Christe, cœléstes tubæ
Somno graves nos éxcitent;
Accénsa de te lúmina
Pellant ténebras méntibus.

Uni sit et trino Deo

Suprema laus, summum de-
cus,

De nocte qui nos ad suæ
Lumen vocavit gloriæ.

Amen.

Ad Magnif. Ant. Pópulus
qui ambulábat in ténebris,
vidit lucem magnam : habi-
tántibus in regiône umbræ
mortis, lux orta est eis.

ORATIO.

DEUS, qui beáto Martiáli,
Pontífici tuo, dedisti in
géntibusevangelizáre investi-
gábiles divítias Christi, iisque
per eum nos ditáre dignátus
es; præsta, quæsumus, ut,
ipso intercedénte, sancta qua
vivimus fides in nobis sem-
per vígeat ac in dies accrés-
cat. Per Dóminum.

AD MATUTINUM.

Invit. Deum qui vocávit
nos in admirábile lumen
suum, * Veníte, adorémus.

In I Noct. Lect. Fidélis
sermo, de Comm. Conf. Pont.

IN II NOCTURNO.

LECTIO IV.

MARTIALIS, a Romána Petri
sede, ut fidei sémína late
diffúnderet, in Gálliam di-
réctus, comítibus Alpiniáno
et Austricliniáno, in partes
Aquitániæ venit. Ibi pópulos,
idololátriæ ténebris circum-
fúsos, divíno lúmine primus
illustrávit, et cœléstem spar-
gens per diversá loca doctri-
nam, sequéntibus signis, in-

números Christo Jesu dedit
filios. Jam passim per urbes
et óppida sanctæ religiónis
fundaménta posúerat, cum Le-
móvicas ádvenit. Qua in civi-
táte vix prædicáre cœpit, cum
ad fidem addúxit Valériam,
Leocádii senatórís filiam,
quæ virginitátem Deo vovit
et mox sánguinem marty-
rio profúdit. Hoc exémplo
incitáti qui Christo adhæse-
rant, fórtiter pro fide tor-
ménta passi sunt.

LECTIO V.

IPSE Martiális, inter vérbera
et perícula divínitus ser-
vátus, nec a sancto desístens
ópere, sive exémpis et odóre
virtútum, sive miráculis, ita
salútis doctrínam propagáre
mérui, ut, sedáta persecu-
tiónis procélla, ingens paga-
nórum número, abjéctis si-
mulacrórum rítibus, Christo
nomen déderit. Nec intra lí-
mites Aquitániæ tanta virtus
pótuít continéri. Ab eo enim
prima fidei sémína, cum fere
omnes Occitániæ pópulos,
tum Gabalitánam gentem
hausísse tradunt. Huc autem
cum declináset, memóriæ
próditum est beátæ Mariæ
Virgini in vico Mimaténsi
ecclésiám extruxísse, ac post
disseminátum Evangélium re-
liquísse ibidem qui in suos
labóres succéderet, beátum
Severiánum Episcopum.

LECTIO VI.

IMMENSIS itaque pro dilatán-
do Evangélio exantlátis

labóribus, postquam innúmeros ministério verbi Jesu Christo genuisset filios, miraculis ac méritis clarus migrávit ad Dóminum. Tanta vero fuit apud pópulos ejus sanctitátis existimátio, ut alíubi ac præsértim apud Lemovicénses Apóstoli nomen et honóres ab antiquíssima ætáte in ecclesiástico cultu ad hæc usque témpora, sancta Sede mínime refragánte, obtinúerit.

IN III NOCTURNO.

Léctiosancti Evangélíi secúndum Matthæum.

LECTIO VII. *Cap. 9.*

IN illo témpore : Circuibat Jesus civitátes et castélla, docens in Synagógis eórum et prædicans Evangélium regni, et curans omnem languórem et omnem infirmitátem. Et réliqua.

Homília sancti Hierónymi,
Presbyteri.

In Cap. 9 Matth.

CERNIS quod æquáliter in villis et úrbibus et castéllis, id est, et magnis et parvis Evangélium Christus prædicáverit; ut non consideráret nobílium poténtiam, sed salutem credéntium. Circuibat civitátes, hoc habens óperis quod mandáverat Pater; hanc esúriem, ut doctrína sua salvos fáceret infidéles. Docébat autem in Synagógis et

villis evangélium regni; et post prædicatióem et doctrínam curábat omnem languórem et omnem infirmitátem, ut quibus sermo non suáserat, ópera persuadérent. De Dómino próprie dicitur : Curans omnem languórem et omnem infirmitátem; nihil quippe ei impossibile est.

LECTIO VIII.

VIDENS autem turbas, misértus est eis, quia erant vexáti et jacéntes, sicut oves non habéntes pastórem. Vexátio gregis et óvium atque turbárum, pastórum culpa et vítiúm magistrórum est. Unde séquitur : Messis quidem multa, operárii autem pauci : rogáte ergo dóminum messis, ut mittat operários in messem suam. Messis multa populórum significat multitudinem; operárii pauci, penúriam magistrórum. Et imperat ut rogent dóminum messis, ut mittat operários in messem suam. Isti sunt operárii de quibus lóquitur psalmísta, dicens : Qui séminant in lácrymis, in exultatióne metent. Eúntes ibant et flebant, mitténtes sémina sua : veniéntes autem vénient cum exultatióne, portántes manípulos suos. Et ut apértius loquar, messis multa omnis turba credéntium est : operárii autem pauci, et apóstoli et imitatóres eórum qui mittúntur ad messem.

LECTIO IX.

ET convocatis duodecim discipulis suis, dedit illis potestatem spirituum immundorum, ut ejicerent eos, et curarent omnem languorem et omnem infirmitatem. Benignus et clemens Dominus ac magister non invidet servis atque discipulis virtutes suas. Et sicut ipse curaverat omnem languorem et omnem infirmitatem, Apostolis quoque suis tribuit potestatem ut curarent omnem languorem et omnem infirmitatem in plebe. Sed multa distantia est inter habere et tribuere, donare et accipere. Iste, quodcumque agit, potestate Domini agit; illi, si quid faciunt, imbecillitatem suam et virtutem Domini confitentur, dicentes: In nomine Jesu, surge et ambula.

Ad Bened. Ant. Gentes quæ non sectabantur justitiam, apprehenderunt justitiam: justitiam autem quæ ex fide est.

IN II VESPERIS.

Hymnus De sede Petri, ut supra.

Ad Magnif. Ant. Laudemus virum gloriolum et parentem nostrum in generatione sua.

DIE IV.

SANCTI IRENÆI,

EPISCOPI ET MARTYRIS.

Duplex.

In Suppl. Brev. p. 326⁺

DIE XXI.

SANCTI VICTORIS,

MARTYRIS.

Semiduplex.

ORATIO.

CONTERE, Domine, Satanam sub pedibus nostris, qui beato Victori, Martyri tuo, in confessione tui nominis, cultum demoniorum calcare tribuisti. Per Dominum.

Pro Comm. S. Prædis, Virginis. Oratio Exaudi nos.

p. 97⁺
Lect. I Noct. de Script. occ.

IN II NOCTURNO.

LECTIO IV.

VICTOR, miles, in persecutione Diocletiani et Maximiani, cum idolis sacrificare nollet, prefectorum tribunali oblatu est, ibique Christum libere confessus, quia vir nobilis erat, Maximiani Imperatoris audientiae reservatus est. Hic, frustra tam blanditiis quam terroribus adhibitis, ut eum ad sacrificia perurgeret, loris ligatum, retortis brachiis, et pedes fune constrictum per mediam civitatem trahi præcepit. Tum ad tribunalia prefectorum reductus, dum alter alterum vincere nititur crudeli furore, recedente Eutychio, potestati Asterii traditur, qui eum jubet fustibus caedi, deinde suspendi et tauris cruciari. Denique, cum

exhibitam sibi aram in qua sacrificáret, calce excussisset, pedem ei præses abscíndi jussit.

LECTIO V.

CUM autem in confessióne constans perseveráret, subjéctus molæ pistrináriæ, atque ita contrítus, martyrium consummávit. Passi sunt cum eo tres milites, Alexander, Feliciánus et Longínus. Hi, dum eum noctu in cárcere custodírent, insólito fulgóre percúlsi, quem illuc ventitántes Angeli emittébant, in Christum credidérunt et eádem nocte in mari baptizáti sunt; sequénti vero die, ante consummationem beáti Mártiris, gládio juguláti. Quorum córpora, una cum beáti Victóris córpore, in mare demérsa, líttori réddita sunt et a Christiánis sepúlta.

LECTIO VI.

Eo in loco Cassiánus, sancti Chrysóstomi discípulus, duo monastéria, unum virórum, álterum mulierum, sancti Victóris nómine constrúxit. Inest autem ejus sepúlchro mira virtus, ait Gregórius Turonénsis. Nam, cum sæpius ad illud accedéntes infirmi sanéntur, réliqui energúmeni multum se collidéntes et mártirem clamántes, ejéctis dæmónibus liberántur. Aureliáni autem

patrítii servus, a dæmónio corréptus, doléndo éxitu, cruciabátur, ita ut plerúmque própriis se mórsibus laceráret, sed addúctus ad Basilicam Sancti, cum se exúri ejus virtúte faterétur, débáccans per totam ædem, die tértia mundátus abscessit.

In III Noct. Homilia Quia Dóminus, de Comm., secundo loco. p. 57

Lect. IX de S. Praxede, in Propr. Sanct. p. 496

DOMINICA II JULII.

SUSCEPT. S. SPINEÆ CORONÆ
D. N. J. C.

Duplex majus.

IN I VESPERIS.

Ant. et Capit de Laud. Psalmi de Dom., et loco ult., Psalm. Laudáte Dóminum, omnes Gentes.

HYMNUS.

EXITE, Sion filíæ,
Regis pudicæ vírgines,
Christi Coronam cernite,
Quam mater ipsa téxuit.

Horret, revúlisis crínibus,
Spinis cruentátum caput :
Et vultus ille decolor
Mortem propínquam réspicit.

Quæ terra sulcis ínvia,
Dumis rigens et séntibus,
Lugúbre munus prótulit?
Quæ sæva méssuit manus?

Christi rubéscens sánguine
Acúleos mutat rosis,
Palmámque vincens frúctibus,

Spina est triúmphis áptior.

Culpis satæ mortálíum
Te, Christe, spinæ vúlnerant :
Evélle nostras, córdibus
Tuásque nostris ínsere.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula. Amen.

ŷ. Plecténtes Coronam de
spinis. R̃. Posuérunt super
caput ejus.

Ad Magnif. Ant. Egredí-
mini, et vidéte, filíæ Sion,
regem Salomónem in diadé-
mate quo coronávit eum ma-
ter sua, parans crucem Salva-
tóri suo.

Oratio ut in Laudibus.

Comm. Domin. occurr.

AD MATUTINUM.

Invit. Christum Regem spi-
nis coronátum, * Veníte, ado-
rémus.

Hymnus Exíte, supra.

IN I NOCTURNO.

Ant. Erit tamquam li-
gnum, quod plantátum est
secus decúrsus aquárum, et
fructum suum dabit in tém-
pore suo.

Psalm. Beátus vir, p. 3.

Ant. Convenérunt in unum
advérsus Dóminum, et advér-
sus Christum ejus.

Psalm. Quare fremuérunt,
p. 3.

Ant. In tribulatióne dila-
tásti mihi.

Psalm. Cum invocárem,
p. ~~111~~, 447

ŷ. Glória et honóre coro-
násti eum, Dómine. R̃. Et
constituísti eum super ópera
mánuum tuárum.

De Isáia Prophéta.

LECTIO I. *Cap. 53.*

QUIS crédidit auditui nos-
tro? Et bráchium Dó-
mini cui revelátum est? Et
ascéndet sicut virgúltum co-
ram eo, et sicut radix de
terra sitiénti : non est spécies
ei, neque decor : et vídimus
eum, et non erat aspéctus, et
desiderávimus eum : despé-
ctum et novíssimum viró-
rum, virum dolórum, et
sciéntem infirmitátem : et
quasi abscónditus vultus ejus
et despéctus, unde nec repu-
távimus eum. Vere languóres
nostros ipse tulit, et dolóres
nostros ipse portávit : et nos
putávimus eum quasi lepró-
sum, et percússum a Deo, et
humiliátum. Ipse autem vul-
nerátus est propter iniqui-
tátes nostras, attrítus est
propter scélera nostra : di-
sciplína pacis nostræ super
eum, et livóre ejus sanáti su-
mus.

R̃. Maledícta terra in ópere
hóminis * Spinās et tríbulos
germinávit Christo. ŷ. Quia
comédit Adam de ligno, ex
quo præcéperat Deus ne co-
méderet. * Spínas.

LECTIO II.

OMNES nos quasi oves errá-
vimus : unusquisque in

viam suam declinavit : et posuit Dominus in eo iniquitatem omnium nostrum. Oblatus est, quia ipse voluit, et non aperuit os suum : sicut ovis ad occisionem ducetur, et quasi agnus coram tondente se obmutescet, et non aperiet os suum. De angustia et de iudicio sublatus est : generationem ejus quis enarrabit? Quia abscissus est de terra viventium : propter scelus populi mei percussi eum.

℞. Apparuit Móysi Dominus in flamma ignis de medio rubi ; * Et videbat quod rubus arderet, et non combureretur.
 ŷ. Dixit ergo Móyses : Vadam, et videbo visionem hanc magnam. * Et.

LECTIO III.

ET dabit impios pro sepultura, et divitem pro morte sua, eo quod iniquitatem non fecerit, neque dolus fuerit in ore ejus. Et Dominus voluit conterere eum in infirmitate : si posuerit pro peccato animam suam, videbit semen longævum, et voluntas Domini in manu ejus dirigetur. Pro eo quod laboravit anima ejus, videbit et saturabitur : in scientia sua justificabit ipse justus servus meus multos, et iniquitates eorum ipse portabit.

℞. Ecce ignis et ligna : Deus providet sibi * Victimam holocausti. ŷ. Levavit Abraham oculos suos, viditque

post tergum arietem inter vepres harentem. * Victimam. Glória Patri. * Victimam.

IN II NOCTURNO.

Ant. Domine, ut scuto bonæ voluntatis tuæ coronasti me.

Psalm. Verba mea, p. 57.

Ant. Minuisti eum paulominus ab Angelis : glória et honore coronasti eum.

Psalm. Domine, Dominus noster, p. 3.

Ant. Peccatores intendérunt arcum, paravérunt sagittas suas in pharetra, ut sagittent justum.

Psalm. In Domino, p. 7.

ŷ. Posuisti, Domine, super caput ejus. ℞. Coronam de lapide pretioso.

LECTIO IV.

URBANUS Quintus, nobili genere apud Gabalitanos ortus, postquam, ob eximia mérita, in summum Pontificem fuit assumptus, Diocesi Mimaténsi, largitátis apostolicæ beneficéntia, ad religiõis augméntum, peculiári stúdio invigilábat. Inter dona quibus mirífice pietátem auxit, imprímis memorátur una e Coronæ Dóminicæ Spinis, cujus translationem, hac die, in hanc urbem recólimus. Quæ quidem ómnia, vergente sæculo decimo sexto, ab hæréticis impio furóre Mimátum vastántibus, pollúta et conculcáta,

doléntibus Gábalis, períérunt. Sed, post lugéndam hóminum et rerum sacrárum stragem, quiévit tandem sævíssima procélla; et fide vigénte, tantórum múnorum memória non obsolévít, et festum Susceptiónis sanctæ Spinæ, eódem pietátis afféctu, usque in hodiérnam diem celebrári consuévít. Et quidem crevit íntimus fervóris sensus, ex quo Cláudius Joánnes Joséphus DE LA BRUNNIÈRE, Mimaténsis Episcopus, álteram e Coronæ Domínicæ Spinis a Sancta Sede obtínuit, et in theca reverénte obsignáta cum partícula SS. Crucis Dómini inclúsit, Festo sanctæ Spinæ recurrénte, religiósè venerándam.

℞. Cum apparúerit Princeps pacis, quo percússo, dispérsæ sunt oves gregis, * Percipiétis immarcescibilem glóriæ coronam. †. Cum fécerit grande convivium, ut osténdat divítias glóriæ regni sui. * Percipiétis.

Sermo sancti Bernárdi,
Abbátis.

Serm. 2 in Epiph. Domini.

LECTIO V.

EGREDDIMINI, filíæ Sion : vobis dicimus, filíæ Sion, ánimæ sæculáres, débiles, delicátæ, filíæ, et non filii, in quibus nihil est fortitúdinis, nihil est virílis ánimi. Egredímini de sensu carnis ad intelléctum mentis, de servi-

túte carnális concupiscéntiæ ad libertátem spirituális intelligéntiæ. Egredímini de terra vestra, et de cognatióne vestra, et de domo patris vestri, et vidéte regem Salomónem in diadémate quo coronávit eum mater sua, in Coroná paupertátis, in Coroná misériæ; siquidem coronátus est, et áñnovérca sua, Coroná spinea, Coroná misériæ, coronándus a família sua Coroná justítiæ, quando exhibunt Angeli, et tollent de regno ejus ómnia scándala; quando véniet ad judícium cum senióribus pópuli sui, cum pugnábit pro eo orbis terrárum advérsus insensátos. Coronat eum et Pater Coroná glóriæ, sicut ait Psalmísta : Glória et honóre coronásti eum, Dómine. Vidéte eum, filíæ Sion, in diadémate quo coronávit eum mater sua.

℞. Accépit regnum decóris, * Et diadéma speciéi. †. Deus exaltávit illum, et dedit illi nomen, quod est super omne nomen. * Et.

Serm. 41 in Cant.

LECTIO VI.

EGO, fratres, ab ineúnte mea conversióne pro acérvo meritórum, quæ mihi deesse sciébam, mihi fascículum colléctum ex ómnibus anxietátibus et amaritudínibus Dómini mei colligáre, et inter úbera mea collocáre curávi. Memóriam abundántiæ

suavitatis horum eructabo, quoad vixero : in ætérnum non obliviscar miseratiónes istas, quia in ipsis vivificátus sum. Mihi hic salutáris fascículus servátus est : nemo tollet eum a me : inter úbera mea commorábitur. Hæc meditári, dixi sapiéntiam : in his justitiæ mihi perfectiónem constitui : in his plenitudinem sciéntiæ, in his divítias salutis, in his cópias meritórum. Ex his mihi intérdum potus salutáris amaritudínis : ex his rursum suávis únctio consolatiónis. Hæc me érigunt in advérsis, in prósperis réprimunt, et, inter læta tristiaque vitæ præsentis, via régia incedénti tutum præbent utrobíque ducátum, hinc inde mala imminéntia propulsádo. Hæc mihi concíliant mundi Júdicem, dum treméndum potestátibus, mítem, humilémque figúrant, dum non solum placábilem, sed et imitábilem repræsentant eum, qui inaccessibilis est principátibus, terríbilis apud reges terræ.

℞. Arcam de lignis Sethim deaurábis auro mundíssimo intus et foris, * Faciésque supra coronam áuream per circulum. ʒ. Pones in arcam testificatiónem quam dabo tibi. * Faciésque. Glória. * Faciésque.

IN III NOCTURNO.

Ant. Ingréssus sine má-

cula, et operátus justitiám, coronátus est in monte sancto tuo.

Psalm. Dómine, quis habitábit, p. 9.

Ant. Super caput ejus coronam de lápide pretiósó posuísti, Dómine.

Psalm. Dómine, in virtúte tua, p. 16.

Ant. Advérsus eos qui tríbulant me, impinguásti in óleo caput meum.

Psalm. Dóminus regit me, p. 30.

ʒ. Coróna áurea super caput ejus. ℞. Expréssa signo sanctitátis.

Lectio sancti Evangélii
secúndum Joánnem.

LECTIO VII. *Cap.* 19.

IN illo témpore : Apprehéndit Pilátus Jesum, et flagellávit. Et mílites plecténtes Coronam de spinis, imposuerunt cápiti ejus. Et réliqua.

Homília sancti Bernárdi,
Abbátis.

Ex Serm. 50 *de diversis.*

VIDETE, filiæ Sion, regem Salomónem. Non dicit Ecclesiásten, aut Ididam. Nam et his nomínibus appellátus est rex ille, et significat Jesum Christum, nostrum verum Salomónem, qui est Sálomon, id est, pacíficus in exílio ; Ecclesiástes, id est, concionátor in iudicio ; Idida, id est, diléctus Dómini in regno, ubique rex, In exílio

mansuétus, in iudicio justus, in regno gloriósus. In exílio amábilis, in iudicio terríbilis, in regno adorábilis. In diadémate quo coronávit eum mater sua. ¶ Est autem hæc Coróna misericórdiæ, et in hac imitábilis. Coronávit eum et novérca sua Coróna misériæ, et in hac contemptíbilis. Synagógam loquor, quæ se ei non matrem exhibuit, sed novércam.

ñ. Fácies altáre ad adoléndum thymiáma de lignis Sethim, * Fáciésque ei Corónam auréolam per gyrum. ý. Pónésque altáre contra velum coram propitiatório. * Fáciésque.

LECTIO VIII.

CORONABIT eum familia sua Coróna justítiæ, et in hac terríbilis : coronat eum Pater suus Coróna glóriæ, et in hac desiderábilis. ¶ Videant ergo eum peccatóres in Coróna misériæ, id est, spinea, et compungántur : vídeant eum filíæ Sion, ánimæ affectuósæ, in Coróna misericórdiæ, et imiténtur : vidébunt eum ímpii in Coróna justítiæ, et períbunt : vidébunt eum sancti in Coróna glóriæ, et perpetuáliter gaudébunt. Coronántur quidem et álíi imitatóres ipsíus, sed hoc ex indústria adjúti per grátiam. Solus iste a matre coronátus est, quia solus cum ordinátis affectiónibus, tamquam spon-

sus e thálamo procéssit ex útero matris.

ñ. Christus, sciens dolórem et infirmitátem, spinis coronátus, * Ipse est qui coronat vos in misericórdia et miseratióibus. ý. Vulnerátus propter iniquitátes nostras, attrítus propter scélera nostra, cujus livóre sanáti sumus. * Ipse. Glória. * Ipse.

Lect. IX de Homilia Dominicæ.

AD LAUDES

ET PER HORAS.

Ant. Diléctus meus cándidus * et rubicúndus, comæ cápitis ejus sicut púrpura regis vincta canálibus.

Ant. Requiévit super eum * spíritus timóris Dómini : Coróna sapiéntiæ et exultatióis decorávit illum.

Ant. Induit eum * Dóminus vestiméntis salutis, et induménto justítiæ quasi sponsum decorátum coróna.

Ant. Fascículus myrrhæ diléctus meus mihi, inter úbera mea commorábitur.

Ant. Rex æternæ glóriæ, * pro nobis coronátus, benedí- cet coronæ anni benignitátis suæ.

CAPITULUM. *Cant. 3.*

EGREDIMINI, et vidéte, filíæ Sion, regem Salomónem in diadémate quo coronávit illum mater sua.

HYMNUS.

LEGIS figúris píngitur Christi Coróna nóbilis :

Impléxa spinis víctima,
Ardénsque testátur rubus.

Arcam coroná cínxerat,
Mensæque sacrum círculum;
Arámque thure fúmídam
Coróna nectit ámbiens.

Christi dolórum cónsčia,
Salve, Coroná glóriæ,
Gemmis et auro púlchrior,
Vincens coronás síderum.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula. Amen.

ŷ. Eris coroná glóriæ in
manu Dómini. R̃. Et diadéma
regni in manu Dei tui.

Ad Bened. Ant. Exívit Je-
sus portans spineam Coroná
nam et purpúreum vestimén-
tum.

ORATIO.

PRÆSTA, quæsumus, omni-
potens Deus, ut qui in
memóriam Passiónis Dómini
nostri Jesu Christi Coronám
ejus spineam venerámur in
terris, ab ipso glória et ho-
nóre coronári mereámur in
cœlis. Qui tecum vivit et
regnat.

Et fit Comm. Dominicæ.

AD TERTIAM.

Capit. Egredimini.

R̃. *br.* Eris coroná glóriæ
* In manu Dómini. Eris. ŷ. Et
diadéma regni in manu Dei
tui. * In. Glória Patri. Eris.

ŷ. Glória et honóre coro-
násti eum, Dómine. R̃. Et
constituísti eum super ópera
mánuum tuárum.

AD SEXTAM.

CAPITULUM. *Apoc.* 6.

VIDI : et ecce equus albus :
et qui sedébat super il-
lum, habébat arcum : et data
est ei coroná : et exívit vin-
cens, ut vínceret.

R̃. *br.* Glória et honóre* Co-
ronásti eum, Dómine. Glória
et honóre. ŷ. Et constituísti
eum super ópera mánuum
tuárum. * Coronásti. Glória
Patri. Glória et honóre.

ŷ. Tuam Coronám adorá-
mus, Dómine. R̃. Tuam glo-
riósam recólimus Passiónem.

AD NONAM.

CAPITULUM. *Isaïæ* 28.

IN die illa erit Dóminus exer-
cítuum coroná glóriæ et
sertum exultatiónis resíduo
pópuli sui.

R̃. *br.* Tuam Coronám
* Adorámus, Dómine. Tuam.
ŷ. Tuam gloriósam recólimus
Passiónem. * Adorámus. Gló-
ria Patri. Tuam.

ŷ. Plecténtes Coronám de
spinis. R̃. Posuérunt super
caput ejus.

IN II VESPERIS.

Omnia ut in primis, præter :

Ad Magnif. Ant. Et genu
flexo ante eum, illudébant ei,
dicéntes : Ave, Rex Judæó-
rum; et expuéntes in eum,
accepérunt arúndinem, et
percutiébant caput ejus.

Comm. Dominicæ.

FESTA AUGUSTI.

DIE IX.

SANCTI LUPI,

EPISCOPI TRECENSIS ET CONF.

*Semiduplex.**Oratio* Da, quæsumus, omnípotens. *p. 86^t**Comm. S. Romani, in Propr. Sanct. p. 886**Lect. I Noct. de Script. occ.*

IN II NOCTURNO.

LECTIO IV.

LUPUS, claris ortus natálibus, exáctis cum omni laudum génere in stúdio literárum et sapiéntiæ primis ætátis annis, uxórem duxit Pœmeniólam, sancti Hilárii Arelaténsis sorórem. Qui, cum séptimo conjúgii anno, réliquum vitæ in continéntia ágere decrevissent, Lupus ad beátum Honorátum, Lirinénsem Abbátem, se cóntulit, ut vitam in Deo abscónditam ágeret. Unde, post annum, cum Matiscónem venisset, ut quod sibi de facultátibus supérerat, paupéribus erogáret, improvísio ad Trecénsem Episcopátum raptus est.

LECTIO V.

BIENNIO post eléctus est a Synodo Gallicána, qui,

cum sancto Germáno Antisiodorénsi in Británniam majórem ad expugnándam Pelagiánam hæresim proficiscerétur. Ibi, doctrína et frequéntibus miráculis fracta hæreticórum audácia, Ecclésiæ pacem reddidérunt et toti ínsulæ fidem infuderunt. Omnibus in hac regióne feliciter, Deoadjuvánte, compósitis, pii præsules ad oves suas properavérunt. Lupus, Trecas revérsus, Hunnis per Gálliam effúsis, suis précibus urbem ab iis servávit incólumem, ipsúmque Attilam eórum ducem in sui admiratiónem convértit.

LECTIO VI.

ANNIS círciter vigínti, tábula pro lecto usus est, cilício pro interióre túnica, in oratióne altérnis nóctibus pèrvigil, in jejúniis assíduus, solo pane hordeáceo sábbato víctitans, census suos aléndis paupéribus captivisque rediméndis impéndere sólitus. Discípulos hábuit plures viros, qui póstea in Episcopátu doctrína et virtútibus excelluérunt. Ipse, ob exímia mérita et pietátis ópera pontíficum Gallicanórum dictus fá-cile princeps. Cum autem, annis quinquagínta duóbus,

sacerdótio functus fuisset ,
clarus miráculis, migrávit ad
Dóminum.

*In III Noct. Homilia Lécio
sancti Evangélii, de Comm.,
primo loco. p. 84+*

*Pro Vigilia S. Laurentii,
Lectio IX Quia Dóminus , de
Comm. unius Mart., secundo
loco. p. 886*

*In Laudibus Comm. Vigiliæ
et S. Romani, in Propr. Sanct.*

p. 887
DIE XI.

SANCTI GERMANI ,

EPISCOPI ANTISSIODORENSIS
ET CONFESSORIS.

Semiduplex.

Oratio Exaudi, quæsumus. p. 86

*Comm. SS. Tiburtii et Soc.,
Mart., in Propr. Sanct. p. 867*

*Lect. I Noct. de Scriptura
occurrente.*

IN II NOCTURNO.

LECTIO IV.

GERMANUS , nóbili génere
Antissiodóri natus, Romæ
jurisperítiam adéptus, cau-
sas egit , ibique uxórem du-
xit. Provinciæ suæ visitátor
constitútus, inGálliam rédiit,
ubi venatióni nímium dédi-
tus, ab Amatóre, Antissiodo-
rénsi Episcopo , reprehénsus
est quod ferárum quas ve-
nándó céperat , trunca cá-
pita, ex ritu gentílium , de
arbóre quæ in médio civitá-

tis erat, non sine fidélium
offensióne, suspénderet. Eum
vero sibi successórem cómp-
erit Amátor, et in clerum
adscívit. Créatus Episcopus
súbito mutátur in virum ál-
terum; exínde namque cœ-
pit sæculi pomipam asper-
nári, vitam áspèram dúcere,
cilicio carnem domáre, vi-
lem indúere hábitum, sua
paupéribus erogáre, ómnibus
sine personárum acceptióne
hospítium præbére, in ora-
tiónè assidue vigílare.

LECTIO V.

CUM autem Pelagiána hæ-
résis in Británnia majóre
grassaréetur, ad eam extir-
pándam Gállia Episcopi, ro-
gántibus Británnis, misérunt
Germánum cum Lupo Tre-
cénsi, qui ínsulam ab impie-
tátis erróre purgárent; et,
Deo juvánte, magnum opus
fausto éxitu et succéssu ad-
implétum est. Cláruit ibi
Germánus miráculis, et Bri-
tánnis quos Saxónum Picto-
núnque premébant exérci-
tus, præ cæteris insígnem
obtinuit victóriam, non ar-
mórum vi, sed clericórum et
militum précibus, et clamóre
quo divínitus hostes extérriti
in fugam tumultuántes et
præcípites acti sunt.

LECTIO VI.

IN Gálliam redux, cum au-
divisset civitátem suam
tribútis aliisque calamitáti-

bus ádmódu[m] premi et conturbári, Arelátem se cóntulit, ad Auxiliárem, Gálliae præféc[tu]m, qui Germáni præcibus pro plebe vexáta ultro ánnuit. Ravénnam proféc[tu]s, ut a Valentiniáno Imperatóre pro Are[m]óricis rebéllibus vé[n]iam péteret, et ab ipso ejúsque matre Placídia honorífice excéptus, ibi, paucis diébus interjéc[tis], ex hac vita decéssit, anno quadringentésimo quadragésimo octávo, et honorífico comitátu póstea corpus ejus Antissiodórum translátum est.

In III Noct. Homilia Ut ignorántiam, de Comm., se-eundo loco. p. 69⁺

Lectio IX de SS. Tiburtio et Soc., in Propr. Sanct. p. 86⁷

DIE XVI.

SANCTI ROCHI,

CONFESSORIS.

Duplex.

In Suppl. Brev. p. 366⁺

DIE XVIII.

SANCTI HYACINTHI,

CONFESSORIS.

Duplex.

(Fixa ex 16 hujus.)

In Propr. Sanct. p. 88⁸

Comm. S. Agapiti, Mart., in Propr. Sanct. p. 88⁹

PROP. MIMAT. *Æstiva.*

DIE XIX.

PRO COMMÉMORATIONE

SANCTÆ HELENÆ,

VIDUÆ.

ORATIO.

DOMINE Jesu Christe, qui locum, ubi crux tua latébat, beátæ Helénæ revelásti, ut per eam Ecclésiám tuam hoc pretiósó thesáuro ditáres; ejus nobis intercessióne concéde, ut vitális ligni pretio ætérnæ vitæ præmia consequámur. Qui vivis et regnas.

LECTIO IX.

HELENA, ut créditur, e Británnia majóre oriúnda, nupsit Imperatóri Constántio, ex quo suscepit filium, nómine Constantínus, qui póstea, præeúnte vexíllo Christi, tyránnos debellávit, et, cæco furéntis idololátriæ ímpetu représsó, persecutió[n]ibus finem impónens, cum religióne Christiána in throno consédit. Generósi Imperatóris pia mater, ubi fidei lumen aspéxit, brevi omni virtútum et bonórum óperum génere enítuit, ita divini amóris igne accénsa, ut verbo et exémp[li]s Christo corda subígeret. In Ecclésiis læta perseveráns, abjécta mundánæ dignitátis supérbia, Dei laudes cum plebe fidéli decantáre satagébat. In páuperes afflictos largitátis dona effúndens, Ecclésiás benéfica di-

tábat et exornábat. Octogénaria ad loca passióne Christi sanctificáta perréxit, meruitque pietátis firma fidúcia, ut mirábili modo crucem Dómini detégeret. Tandem plena bonis opéribus et odóre virtútum apud omnes inclýta, astántibus Constantíno filio et omni família, effúsis précibus et lácrymis, feliciter obdormívit in Dómino; et solémni pompa sepúltam universa plebs ut sanctam invocávit.

DIE XXI.

SANCTI PRIVATI,

EPISCOPI MIMATENSIS ET MART.,
URBIS DIOECESISQUE PATRONI.

Duplex 1 classis.

IN I VESPERIS:

Ant. et Capit., ut infra in Laudibus.

*Psalmi de Dom., et loco ult.,
Ps. Laudáte... Gentes.*

HYMNUS.

QUÆ dies terris tibi sacra,
Martyr,
Hæc redit nobis quoque, Pastor alme;
Tu bonus nostros, tua nos propágo,
Excipe cantus.
Nostra gens per te modo Christiána
Se tibi debet: tibi cessit error;

Luce lustrásti pópulos sub
alta

Nocte jacéntes.

Dæmonum cultus, simulá-
cra divum,

Sacra cum fanis et adhuc
madéntes

Sórdido, vili pécudum cruóre,
Díruis aras.

Hic labor magnus; sed enim
feróces

Et reluctántes pópulos docéri
Et jugo Christi tibi pœna
major

Súbdere gentes.

Impias mentes tenet obsti-
nátus

Error, et densis frúitur te-
nébris:

Fers diem; vulsis melióra
spinis

Sémina mandas.

Cháritas urget: male con-
tumáces

Increpas audax. Hóminem
Deúmque

Prædicas Christum, nece qui
piávit

Crimina mundi.

Hunc Deum ligno Crucis
in probróso

Mórtuum rident; resonáre
Christum

Non tamen cessas, cúpidus
vicíssim

Fúndere vitam.

Núntius Christi rápitur sa-
cérdos:

Quosque lustráli prius ex-
piátos

Tínxerat lympha, sócius per-
éмпто

Junxit Olympo.

Laus tibi, magni Dominá-
tor orbis :

Quos tu creásti memor usque
serva,

Quem fides veri studiósá tri-
num

Credit et unum.

Amen.

ÿ. Glória et honóre coro-
násti eum, Dómine. R̃. Et
constituísti eum super ópera
mánuum tuárum.

Ad Magnif. Ant. Ecce su-
per montes pedes evangeli-
zántis et annuntiántis pacem.
Célebra, Juda, festivitátes
tuas, et redde vota tua.

Oratio ut infra in Laudibus.

AD MATUTINUM:

Invit. Deum qui de téne-
bris nos vocávit in admirá-
bile lumen suum, * Veníte,
adorémus.

HYMNUS.

QUANTIS nostra fides empta
labóribus,

Quam tot purpúrei sáanguine
Mártýres

Signátam, cáleant ut sacra
péctora,

Transmisére nepóti-
bus.

Hac spirámus adhuc, vívi-
mus hac fide;

Hinc spes certa venit, násci-
tur hinc salus.

Si non degéneres nos séqui-
mur Patrem,

Natis laus erit ut Patri.

Ex hoc fonte sacro plénius
háusimus :

Christi rellígio, móribus ín-
tegra,

Ad nos usque venit : digna
Deo fluit

His doctrína canálibus.

Quid non cogit amor? Gen-
tis Apóstolus

Cœlum suspíciens, fúnera
déspicit;

Palmam, dum móritur, con-
séquitur sibi;

Nos firmat, docet et
mori.

Adsis, Pastor; ovessáanguine
quas tuo

Fecísti próprias, pasce bonus,
rege;

Et nos, namque tui te sé-
quimur ducem,

Duc in pínguia páscua.

Patri máxima laus, máxi-
ma Fílio,

Amborúnique sacro máxima
Flámini,

Qui dat martyribus mille ne-
ces pati

Et per fúnera víncere.

Amen.

IN I NOCTURNO.

Ant. In lege Dómini fuit
volúntas ejus die ac nocte.

*Psalmi de Comm. unius
Mart., præter ultimum.* ps. 28⁺

Ant. Príncipes convené-
runt in unum advérsus Dó-
minum, et advérsus Christum
ejus.

Ant. Non tímuit míllia

pópuli circumdántis se : salus fuit ipsi in Deo ejus.

ÿ. Glória et honóre coronásti eum, Dómine. R̃. Et constituísti eum super ópera mánuum tuárum.

De Epístola prima beáti Pauli, Apóstoli, ad Thessalonic.

LECTIO I. *Cap. 1.*

GRATIAS ágimus Deo semper pro ómnibus vobis, memóriam vestri faciéntes in oratióibus nostris sine intermissióne, mémores óperis fidei vestræ, et labóris, et charitátis, et sustinéntiæ spei Dómini nostri Jesu Christi, ante Deum et patrem nostrum : sciéntes, fratres dilecti a Deo, electiÓNem vestram ; quia Evangélium nostrum non fuit ad vos in sermóne tantum, sed et in virtúte et in Spírítu sancto, et in plenitúdine multa, sicut scitis quales fuérimus in vobis propter vos. Et vos imitatores nostri facti estis et Dómini, excipiéntes verbum in tribulatiÓne multa, cum gáudio Spírítus sancti, ita ut facti sitis forma credéntibus.

R̃. Cum liber esset ex ómnibus, ómnium se servum fecit, * Ut omnes fáceret salvos. ÿ. Omnibus ómnia factus est. * Ut omnes.

LECTIO II. *Cap. 1 et 2.*

IN omni loco fides vestra quæ est ad Deum profécta est ; ita ut non sit nobis ne-

césse quidquam loqui. Ipsi enim de nobis annúntiant qualem intróitum habuérimus ad vos, et quómodo convérsi estis ad Deum a simulácris, servíre Deo vivo et vero, et expectáre Fílium ejus de cœlis, quem suscitávit ex mórtuis, Jesum qui erípuit nos ab ira ventúra. Nam ipsi scitis, fratres, intróitum nostrum ad vos, quia non inánis fuit, sed ante passi et contuméliis affécti, sicut scitis.

R̃. Compúncti sunt corde et dixerunt : Quid faciémus ? pœniténtiam, inquit, ágite, * Et baptizétur unusquisque vestrum. ÿ. Abjícite deos aliénos, qui in médio vestri sunt. * Et baptizétur.

LECTIO III.

FIDUCIAM habúimus in Deo nostro, loqui ad vos Evangélium Dei in multa sollicitúdine. Exhortátio enim nostra, non de erróre, neque de immundítia, neque in dolo, sed sicut probáti sumus a Deo, ut crederétur nobis Evangélium, ita lóquimur ; non quasi homínibus placéntes, sed Deo qui probat corda nostra. Neque enim aliquándo fúimus in sermóne adulationis, sicut scitis ; neque in occasióne avarítiæ, Deus testis est ; nec quæréntes ab homínibus glóriam, neque a vobis, neque ab áliis ; sed facti sumus párvuli in médio vestrum, tam-

quam si nutrix foveat filios suos. Ita desiderantes vos, cupide volebamus tradere vobis, non solum Evangelium Dei, sed etiam animas nostras, quoniam charissimi nobis facti estis.

R. Magnificabatur nomen Domini Jesu, * Fortiter crescebat verbum Dei et confortabatur. V. Deserentes caeremonias patrum suorum quae in multitudine deorum erant, unum Deum caeli coluerunt. * Fortiter. Gloria. * Fortiter.

IN II NOCTURNO.

Ant. Dedit illi Dominus in praecipitis potestatem, docere gentem testimonia.

Ant. Dominus augerat qui salvi fierent quotidie in idipsum.

Ant. Gentes glorificabant verbum Domini; disseminabatur autem verbum Domini per universam regionem.

V. Posuisti, Domine, super caput ejus. R. Coronam de lapide pretioso.

LECTIO IV.

PRIVATUS, ut creditur, ex inferiore Arvernica oriundus, ad praedicandum Christi Evangelium missus in regionem Gabalitana, odore virtutum, fervidis adhortationibus et miraculis ita clauit, ut copiosa multitudo, adhuc tenebris idololatriae

immersa, abjectis simulacris, divinum fidei lumen ardore mirabili acciperit. Non enim poterant resistere Spiritui qui per eum loquebatur; cum praesertim virum Dei cernerent, ad lucrandas animas, per invia loca, omnibus periculis obviam se dare, periculis fluminum in asperis tractibus, periculis praedonum in montibus et silvis, periculis daemonum in omnimodis vexationibus diabolica suscitatis invidia. His laboribus vitam impendebat pius Pontifex, sedem habens, ut a pluribus traditur, in vinculo Mimatensi, quod qui ante eum illic Episcopatus ordinem tenuerant, eo in loco commorati essent et sepulti. Is autem vir sanctus, religionis studio fervens, solebat sese in speluncam, seu cryptam montis huic vinculo imminentis recipere, ut uni Deo vacaret, quando pastoralis oneris officia eum non detinebant: gregique, oratione assidua, palmis in caelum levatis fusisque lacrymis, invigilabat.

R. Confortare et esto robustus; * Et Dominus ipse erit tecum. V. Ne timeas irruentes in te potentias impiorum; Dominus enim militem adjuvabit. * Et Dominus.

LECTIO V.

INTEREA, decurrente anno, ut creditur, circiter du-

centésimosexagésimo quinto, Alemánni, trajécto Rheno, ímpetum in Gállias fécerant, ómnia ferro et flamma vastántes, multósque christiános in ódium fidei trucidántes. Qui, cum innúmeri passim huc illuc spargeréntur, in Gabalitánæ gentis excídiu animos et arma vertérunt. Quo audíto, Gábali, quibus óbtigit ex eórum má nibus effúgere, úndique próperant ad tutíssimu castri Gredonénsis præsidium, quod non humána indústria, sed ipsa natúra muníerat. Qui cum hóstium ímpetum fórtiter inde propulsárent, bárbari armis ímpoténtes Pontíficem in crypta sua repértum minis urgent ac promíssis, ut, eo adhortánte cujus ad nutum parent, ipsis se dedant Gábali. At, dum oves suas pastor bonus lupis trádere non conséntit, dæmóniis immoláre jubent. Ille vero crimen horréndum rés-puens et éxecrans : Non colo, inquit, idóla manufácta, sed vivéntem Deum, qui creávit cælum et terram.

℞. Videt lupum veniéntem, ut furétur et mactet et perlat; * Non dimíttit oves. ℥. Armis fidei potens, multum orat pro pópulo. * Non dimíttit oves.

LECTIO VI.

TUNC in eum írruunt fré-méntes bárbari, ac inví-

ctum Christi athlétam fústibus cædunt et váriis affíciunt suppliciis, quoadúsque eum putent exánimem. Mox illis fugiéntibus sive Dei nutu, sive, ut fertur, quia obséssi Gábali ipsis fame enéctis cibos ea sub lege concésserant, ecce ad sanctum Pastórem accúrrunt cives et pia quæ pro ipsis excépit vúlnera deosculántur, ac brevi inter filiórum bráchia ánimam éx-halat Pater óptimus, ad cœléstem glóriam victor ascéndens. Chrocus vero ab Are-laténsibus comprehénsus et dire cruciátus, tandem gládio intériit, mérito pœnas quas sanctis Dei intúlerat, luens. Gloriósum vero Mártyrem honorífice sepeliérunt Gábali in vico Mimaténsi, quem miraculórum ejus splendor fecit celebérrimum.

℞. Certámen forte dedit illi Dóminus; * Ut vínceret. ℥. Mórtuum prophetávit corpus ejus, in morte mirabilia operátus est. * Ut vínceret. Glória. * Ut vínceret.

IN III NOCTURNO.

Ant. In diébus suis plá-cuit Deo, et in die iracúndiæ factus est reconciliátio.

Ant. Custódit Dóminus ánimas sanctórum suórum, et de manu mortis liberábit eos.

Ant. Déxtera Dómini fecit virtútem; déxtera Dómini exaltávit me : non móriar,

sed vivam et narrábo ópera Dómini.

Psalmus Cœli enarrant ,
p. 13.

ŷ. Magna est glória ejus in salutári tuo. R̃. Glóriam et magnum decórem impónes super eum.

Lectio sancti Evangélii secúndum Marcum.

LECTIO VII. *Cap. 16.*

In illo témpore : Dixit Jesus discipulis suis : Eúntes in mundum univérsum, prædicáte Evangélium omni creatúræ. Et reliqua.

Homília sancti Augustíni,
Epíscopi.

Serm. 233, n. 1 et 3.

ARDISTIS quid dixerit Dóminus discipulis suis post resurrectionem. Misit eos ad Evangélium prædicándum , et factum est. Prædicátum est Evangélium, pervénit ad nos. Bréviter constituit nobis, loquens discipulis suis, quid faciámus, quid sperémus. Ait enim : Qui crediderit et baptizátus fúerit, salvus erit. Exígitur a nobis fides, offértur salus. Erígite fidem, evigilet cor vestrum. Recordámini hóminem a quo redempti sumus. Ille homo numquid Fílius hóminis? Adam homo erat, Fílius hóminis non erat. Ideo Dóminus Christus assidue se dicit filium hóminis, ut fáciat nos recordári hóminem qui non

fuit fílius hóminis, ut recordémur in illo mortem, in isto vitam; in illo peccátum, in isto remissionem peccatórum; in illo vínculum, in isto libertátem; in illo condemnationem, in isto absolutionem.

R̃. Certámen forte dedit illi Dóminus, * Ut vínceret et sciret quóniam ómnium poténtior est sapiéntia. ŷ. Deus tentávit eum et invénit illum dignum se. * Ut vínceret.

LECTIO VIII.

SALVATOR venit : mórtuus est, sed mortem occídit : finívit in se quam timebámus; suscepit illam et occídit illam. Ubi est mors? Quære in Christo, jam non est; sed fuit, et mórtua est ibi. O vita mors mortis! bono animo estóte, moriétur et in nobis. Quod præcëssit in cápite, reddétur in membris : moriétur et in nobis mors. Sed quando? In fine sæculi, in resurrectione mortuórum quam crédimus. Qui autem non credíderit, condemnábitur. Ergo moriétur in nobis, victúra est in damnátis. Ubi mors nescit mortem, sempitérna mors erit, quia ætérna torménta erunt. In nobis moriétur et non erit. Vultis nosse? Dico vobis pauca verba triumphántium, ut habeátis quod meditémini, quod corde cantétis, quod toto ánimo, quod fide et bono ópere requirátis.

ŕ. Non recédet memória ejus et nomen ejus requirétur a generatióne in generatióne. * Sapiéntiam ejus enarrábunt gentes et laudem ejus enuntiábit Ecclésia. ŷ. Hic est qui fuit in Ecclésia cum pátribus nostris, qui accépit verba vitæ dare nobis. * Sapiéntiam. Glória Patri. * Sapiéntiam.

LECTIO IX.

AUDITE verba triumphántium, quando non erit mors. Paulus apóstolus dicit : Opórtet corruptibile hoc induere incorruptiónem, et mortále hoc induere immortalitátem. Tunc fiet sermo qui scriptus est : Absórpta est mors in victória. Ista est mors mortis : absorbébitur ut non appareat. Gáudeant triumphántes, gáudeant; dicant quod séquitur : Ubi est, mors, victória tua? Ubi est, mors, acúleus tuus? Ubi est? Nonne confrégit illum Dóminus meus? O mors, quando Dómino meo hæsísti, tunc et mihi periísti. Ista salúte salvus erit, qui crediderit et baptizátus fúerit. Qui autem non crediderit, condemnábitur. Fúgite condemnatióne, amáte et speráte salútem ætérnam.

AD LAUDES

ET PER HORAS.

Ant. Evangélii factus sum ego mínister, secúndum operatióne virtútis Dei.

Psalmi de Laudibus Domine.

Ant. Nihil véreor, dúmmodo consúmme cursum meum, et ministérium verbi quod accépi a Dómino Jesu.

Ant. Dixit rex : Quare non adóras Bel? Qui ait : Non colo idóla manufacta, sed vivéntem Deum, qui creávit cœlum et terram.

Ant. Rex, accénsus ira, in hunc crudélius desæviit; et hic mundus óbiit, per ómnia in Dómino confidens.

Ant. Comméndo vos Deo et verbo grátiae ipsíus : et rogo, ut cháritas vestra magis ac magis abúndet.

CAPITULUM. *Joan.* 5, 4.

OMNE quod natum est ex Deo, vincit mundum; et hæc est victória quæ vincit mundum, fides nostra.

HYMNUS.

INSIGNIS in cœlo Patris
Lætis honórem vóci bus
Cantémus, et, festo die,
Decor triúmphi spléndeat.

Virtúte divína potens,
Despéxit armátas manus,
Almámque nostris finibus
Sudóre firmávit fidem.

Humána quid non péctora
Valent, supérnæ grátiae
Spiránte flatu férvido!
Ruit potéstas dæmonum.

Crucem, neces para, ferox
Tyránne; cædibus fidem
Delére tenta; púlchrior
Crescet, vigébit córdibus.

Beáta tellus, quam Pater
Fuso sacrávit ságuine,
Fructus perénnes édocens
Sinu feráci fúndere.

Invícte Pastor, tu gregem
Amóre diléctum sacro,
Per tuta ducens páscoa,
Ad astra pandísti viam.

Throno sedénti próximus
Agno, tuos non déserens
Rogas benígnum, et ínvidi
Cadunt draconís ímpetus.

Da, Christe, tanti militis
Pugnáre terris æmulos;
Da quod supérnis sédibus
Tenet, meréri præmium.

Uni sit et trino Deo
Supréma laus, summum de-
cus,

De nocte qui nos ad suæ
Lumen vocávit glóriæ.

Amen.

Ÿ. Justus ut palma florébit.
Ŕ. Sicut cedrus Líbani mul-
tiplicábitur.

Ad Bened. Ant. Probávit
me Dóminus quasi aurum
quod per ignem transit; ve-
stígia ejus secútus est pes
meus; viam ejus custodívi et
non declinávi ex ea.

ORATIO.

DEUS, qui beáti Priváti,
Mártýris tui atque Ponti-
ficis, prædicatióne, de infide-
litátis ténebris pópulos in
admirábile Evangélii lumen
transtulísti; fac ut, ejus in-
tercessióne, crescámus in grá-
tia et cognitióne Dómini no-
stri Jesu Christi. Qui tecum
vivit et regnat.

AD TERTIAM.

Capit. Omne quod natum
est.

*Responsoria brevia et Ver-
siculi Horarum minorum de-
sumuntur ex Communi unius
Martyris.* p. 34⁺

AD SEXTAM.

CAPITULUM. *Eccli.* 34.

QUI timet Dóminum, nihil
trepidábit, et non pavé-
bit, quóniam ipse est spes
ejus.

AD NONAM.

CAPITULUM. *Act. Apost.* 20.

NIHIL véreor, nec fácio áni-
mam meam pretiosiórem
quam me, dúmmodo con-
súmmem cursum meum et
ministérium verbi, quod ac-
cépi a Dómino Jesu, testificári
Evangélium grátiae Dei.

IN II VESPERIS.

*Ant., Capit. et Hymnus de
Laudibus.*

*Psalmi de Dom., sed loco
ult., Ps. Crédidi, p. 128*

Ÿ. Justus ut palma floré-
bit. Ŕ. Sicut cedrus Líbani
multiplicábitur.

Ad Magnif. Ant. Ut filios
meos charíssimos móneo;
nam in Christo Jesu per Evan-
gélium ego vos génui; rogo
ergo vos, imitatóres mei estó-
te, sicut et ego Christi.

DIE XXVI.

S. J. FRANCISCÆ DE CHANTAL

VIDUÆ.

*Duplex.**In Propr. Sanct. p. 396**(Fixa ex 21 hujus.)**Comm. S. Zephyrini, Papæ et Mart., in Propr. Sanct. (huc die). p. 609*

DIE XXVIII.

OCTAVA SANCTI PRIVATI:

*Duplex.**Omnia ut in die Festi, præter sequentia.**Pro Comm. S. Juliani, Mart.*

ORATIO.

DEUS, qui in corde beati Juliáni, Mártiris, ignem tui amoris accendisti, ut persecutórum supplicia, te adjuvante, despiceret; da nobis, ut cujus natalitia cólimus, ejus intercessióne, in tui nóminis amore roborémur. Per Dóminum.

*Deinde Comm. S. Hermetis, Mart., in Propr. Sanct. p. 618**Lect. I Noct. de Script. occ.*

IN II NOCTURNO.

Ex Epístola sancti Cypriáni, Epíscopi et Mártiris, ad Mártires et Confessóres.

LECTIO IV. *Epist. 8.*

QUIBUS ego vos láudibus prædicem, fortíssimi fratres? Robur pectoris vestri et perseverántiam fidei quo præcónio vocis exórnem? Tolerástis usque ad consummationem glóriæ, duríssimam

quæstiónem; nec cessástis supplicíis, sed vobis pótius supplicia cessérunt. Finem dolóribus quem torménta non dabant, coronæ dedérunt. Quæstio grávior adhuc perseverávit; non ut stantem fidem dejiceret, sed ut hómines Dei ad Dóminum velócius mitteret. Vidit admirans præsentium multitúdo cœléste certámen, certámen Dei, certámen spiritále, prælium Christi; stetisse servos ejus voce líbera, mente incorrúpta, virtúte divína, telis quidem sæculáribus nudos, sed armis fidei, credéntes, armátos.

LECTIO V.

STETERUNT torti torquéntibus fortióres: pulsántes ac laniántes úngulas pulsáta ac laniáta membra vicérunt. Inexpugnábilem fidem superáre non pótuit sæviens diu plaga repetíta, quamvis rupta compáge vícerum torqueréntur in servis Dei, jam non membra sed vúlnera. Fluébat sanguis qui incéndium persecutiónis extíngueret, qui flammæ et ignes gehénnæ glórioso cruóre sopíret. Pretiósá mors hæc est, quæ emit immortalitátem pretio sui sanguinis, quæ accépit coronam de consummatione virtútis. Quam lætus illic Christus fuit, quam libens in talibus servis suis et pugnávit et vicit! Certámini suo ádfuit, præliatóres atque assertóres sui nó-

minis eréxit, corroborávit, animávit. O beátamecclesiám nostram, quam sic honor divínæ dignatiónis illúminat, quam temporibus nostris gloriósus mártýrum sanguis illústrat!

LECTIO VI.

Epist. 15 ad Maximum.

NUNC est, fratres charíssimi, ut mémores nostri sitis, ut inter magnas atque divínas cogitatiónes vestras, nos quoque ánimo ac mente volváis, simúsque in précibus et oratióibus vestris. Quid enim pétitis de indulgéntia Dómini, quod non impetráre mereámini, qui sic Dómini mandáta servástis, qui evangélicam disciplínam sincéro fidei vigóre tenuístis, qui incorrúpto honóre virtútis, cum præcéptis Dómini, et cum apóstolis ejus fórtiter stantes nutántem multórum fidem martyrii vestri veritate solidástis? Vere Evangélii testes et vere mártýres Christi, radicibus ejus inníxi, super petram robústa mole fundáti, disciplínam cum virtúte junxístis, ad timórem Dei cæteros provocástis, martyria vestra exémpa fecístis.

IN III NOCTURNO.

Lectio sancti Evangélii secundum Marcum.

LECTIO VII. *Cap. 16.*

IN illo témpore : Dixit Jesus discipulis suis : Eúntes in

mundum univérsum, prædicáte Evangélium omni creatúræ. Et réliqua.

Homília sancti Gregórii,
Papæ.

In Evang. 29, n. 2 et 3.

POTEST omnis creatúræ nómine omnis nátio géntium designári. Cum vero discipulos ad prædicándum Véritas mittit, quid áliud in mundo facit, nisi grana séminis spargit : et pauca grana mittit in sémine, ut multárum méssium fruges recípiat ex nostra fide. Neque enim in univérso mundo tanta messis fidélium exsúrgeret, si de manu Dómini super rationálem terram illa elécta grana prædicántium non veníssent. Qui crediderit et baptizátus fúerit, salvus erit; qui vero non crediderit, condemnábitur. Fortáassis unusquisque apud semetípsum dicat : Ego credidi; salvus ero. Verum dicit, si fidem opéribus tenet. Vera etenim fides est, quæ in hoc quod verbo dicit, móribus non contradícit. Hinc est enim quod de quibúsdam falsis fidélibus Paulus dicit : Qui confiténtur se nosse Deum, factis autem negant.

LECTIO VIII. N. 4.

QUOD cum ita sit, fidei nostræ veritátem in vitæ nostræ consideratióne debémus agnóscere. Tunc etenim veráciter fidéles sumus, si

quod verbis promittimus, opéribus implémus. Signa autem eos qui creditúri sunt, hæc sequéntur : in nómine meo dæmónia ejicient, linguis loquéntur novis, serpéntes tollent; et si mortíferum quid biberint, non eis nocébit; super ægros manus impónent, et bene habébunt. Numquidnam, fratres mei, quia hæc signa non fácitis, mínime créditis? Sed hæc necessaria in exórdio Ecclesiæ fuérunt. Ut enim fides crésceret, miráculis erat nutrienda; quia et nos, cum arbústa plantámus, tándiu eis aquam infúndimus, quousque ea in terra jam convaluisse vidémus, et si semel radicem fixerint, in rigándocessámus.

Pro S. Juliano.

LECTIO IX.

JULIANUS, Viennæ, in Gállia, piis paréntibus ortus, totum se Christo ab ineúnte ætáte devóvit. Adoléscens militiam ingræssus, depósitum fidei servávit illibátum. Furébat tunc témporis atrox Diocletiáni persecútio. Juliánus ergo, cum in suspiciónem de religióne venisset,

adhortánte familiári suo Ferreolo, Viénna discédens, ad Brivaténsem vicum, apud Arvégnos, se cóntulit, ut procul paréntibus ad subeúndum martyrium expeditior fieret. Intérea præses Crispínus, fidem fugámque Juliáni résciens, satéllites mittit qui eum ubicúmque repérint, morte statim afficiant. At ille consílium amíci in mente revólvens, víduam rogávit cujus ope delitesceret. Vix autem pia múlter postulánti annúerat, cum férvidus athléta ad satéllites prosíliens: Nolo, inquit, diútius commorári in hoc sæculo, quia toto ánimí ardóre Christum sítio. Quæ cum generóse dixisset, resécto gútture, ovans in cælum ascéndit. Juliáni caput Viénnam allátum cum Ferreoli íntegro corpore, qui et ipse martyrium fórtiter subierat, collocátum est. Ignoráta vero martyrii dies sancto Germáno Antissiodorénsi divínitus innótuit. Nec multo post, labénte quinto sæculo, a sancto Mamerto, Viennénsi Pontífice, sacræ ejus reliquiæ simul translátæ sunt in basilicam Mártyrum, ubi pia veneratióne colúntur.

FESTA SEPTEMBRIS.

DIE I.

SANCTI AUGUSTINI,
EPISCOPI, CONFESSORIS ET DOCT.

*Duplex.**(Fixa ex 28 Augusti.) p. 613*

Comm. S. Ægidii, Abbatis, et XII Fratrum, Mart., in
Propr. Sanct. (hac die). p. 628

OFFICIA PER ANNUM

DE APOSTOLICA BENIGNITATE INDULTA.

Extra Ferias Adventus, Quadragesimæ, Quatuor Temporum,
Vigiliarum, sive cum jejunio, sive absque jejunio, Feriamque
illam in qua, secundum Rubricas, reponendum est Officium
Dominicæ :

Qualibet Feria quinta intra annum non prapedita Officio
novem Lectionum, etiam translato, Officium votivum SS. Sa-
cramenti, semiduplex;

Quolibet autem Sabbato, sub iisdem limitationibus et ritu,
Officium votivum Immaculatæ Conceptionis beatæ Mariæ
Virginis, in Suppl. Brev.

KALENDARIUM.

MAIUS.

	Pag.
11 S. Mamerti, Episc. et Conf., <i>semid.</i>	1
16 S. Joannis Nepomuceni, Mart., <i>dupl.</i>	2
20 <i>Comm.</i> S. Baudelii, Mart.	2
21 S. Ubaldi, Episc. et Conf., <i>semid.</i>	2
24 B. M. V. sub titulo AUXILIUM CHRISTIANORUM, <i>dupl. maj.</i>	2

JUNIUS.

1 S. Clari, Episc. et Mart., <i>semid.</i>	3
<i>Comm.</i> S. Flori, Episc. et Conf.	4
3 S. Clotildis, reginæ, Viduæ, <i>dupl.</i>	4
8 S. Medardi, Episc. et Conf., <i>semid.</i>	5
16 S. Joannis Francisci Regis, Conf., <i>dupl.</i>	6
17 S. Ilpidii, Mart., <i>semid.</i>	6
19 SS. Gervasii et Protasii, Mart., <i>dupl.</i>	7
20 S. Julianæ de Falconeriis, Virg., <i>dupl.</i>	8
25 <i>Comm.</i> S. Albani, Mart.	8
29 <i>Comm.</i> omnium SS. Apostolorum.	9
¶ <i>Feria VI post Oct. Corporis Christi</i> , SS. CORDIS JESU, <i>dupl. 2 cl.</i>	9

JULIUS.

1 <i>Comm.</i> S. Galli, Episc. et Conf.	10
3 S. MARTIALIS, EPISC. ET CONF., AQUITANIÆ APOST., <i>dupl. maj.</i>	10
4 S. Irenæi, Episc. et Mart., <i>dupl.</i>	13
21 S. Victoris, Mart., <i>semid.</i>	13
¶ <i>Dom. II Julii</i> , SUSCEPTIONIS SACRÆ SPINÆ CORONÆ D. N. J. C., <i>dupl. maj.</i>	14


AUGUSTUS.

9 S. Lupi, Episc. et Conf., <i>semid.</i>	21
11 S. Germani, Episc. et Conf., <i>semid.</i>	22
16 S. Rochi, Conf., <i>dupl.</i>	23
18 S. Hyacinthi, Conf., <i>dupl.</i>	23
19 <i>Comm.</i> S. Helenæ, imperatricis, Viduæ.	23
21 S. PRIVATI, EPISC. MIMATENSIS ET MART., urbis diœcesisque Patroni, <i>dupl. 1 cl.</i>	24
26 S. Joannæ Franciscæ de Chantal, Viduæ, <i>dupl.</i>	32
28 Octava S. Privati, <i>dupl.</i>	32
<i>Comm.</i> S. Juliani, Mart.	34


SEPTEMBER.

1 S. Augustini, Episc., Conf. et Doct., <i>dupl.</i>	35
--	----





BRIGHAM YOUNG UNIVERSITY



3 1197 21061 5305

